

清
實
錄

仁宗睿皇帝實錄(二)

卷七八至卷一五五
嘉慶六年至十年

清實錄

第二九冊

中華書局影印

清 實 錄

(第 二九 冊)

仁 宗 實 錄 (二)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 715/8 印張

1986 年 7 月第 1 版 1986 年 7 月北京第 1 次印刷

印數 0.001——1.500 冊

統一書號: 11018 · 1355—29 定價: 53.00 元

清實錄第二九冊目錄

仁宗睿皇帝實錄(一一)

卷七八	嘉慶六年正月	一	卷九三	嘉慶七年正月	二三五
卷七九	嘉慶六年二月	一五	卷九四	嘉慶七年二月	二五〇
卷八〇	嘉慶六年三月上	三〇	卷九五	嘉慶七年三月上	二六七
卷八一	嘉慶六年三月下	四四	卷九六	嘉慶七年三月下	二七四
卷八二	嘉慶六年四月	五三	卷九七	嘉慶七年四月	二八七
卷八三	嘉慶六年五月	七五	卷九八	嘉慶七年五月	三〇五
卷八四	嘉慶六年六月	九一	卷九九	嘉慶七年六月	三二〇
卷八五	嘉慶六年七月	一二〇	卷一〇〇	嘉慶七年七月上	三三七
卷八六	嘉慶六年八月	一二六	卷一〇一	嘉慶七年七月下	三四八
卷八七	嘉慶六年九月	一四五	卷一〇二	嘉慶七年八月	三五七
卷八八	嘉慶六年十月上	一六〇	卷一〇三	嘉慶七年九月	三七七
卷八九	嘉慶六年十月下	一七一	卷一〇四	嘉慶七年十月	三九一
卷九〇	嘉慶六年十一月上	一八四	卷一〇五	嘉慶七年十一月	四〇三
卷九一	嘉慶六年十一月下	二〇二	卷一〇六	嘉慶七年十二月	四一六
卷九二	嘉慶六年十二月	二二四	卷一〇七	嘉慶八年正月	四三三
			卷一〇八	嘉慶八年二月	四四二
			卷一〇九	嘉慶八年閏二月	四五〇
			卷一一〇	嘉慶八年三月	四六〇
			卷一一一	嘉慶八年四月上	四七六

卷一二二	嘉慶八年四月下	四八八
卷一二三	嘉慶八年五月	四九六
卷一二四	嘉慶八年六月上	五一一
卷一二五	嘉慶八年六月下	五二二
卷一二六	嘉慶八年七月上	五三四
卷一二七	嘉慶八年七月下	五五六
卷一二八	嘉慶八年八月上	五六五
卷一二九	嘉慶八年八月下	五八七
卷一二〇	嘉慶八年九月上	五九九
卷一二一	嘉慶八年九月下	六一四
卷一二二	嘉慶八年十月	六三四
卷一二三	嘉慶八年十一月	六四六
卷一二四	嘉慶八年十二月	六六三
卷一二五	嘉慶九年正月	六七九
卷一二六	嘉慶九年二月	六九三
卷一二七	嘉慶九年三月	七〇九
卷一二八	嘉慶九年四月	七二四
卷一二九	嘉慶九年五月	七三九
卷一二〇	嘉慶九年六月	七五二
卷一三二	嘉慶九年七月上	七三二
卷一三三	嘉慶九年七月下	七五五
卷一三四	嘉慶九年八月	七九八
卷一三五	嘉慶九年九月	八三〇
卷一三六	嘉慶九年十月	八三八
卷一三七	嘉慶九年十一月上	八五四
卷一三八	嘉慶九年十一月下	八六一
卷一三九	嘉慶九年十二月	八七八
卷一四〇	嘉慶十年正月	八九七
卷一四一	嘉慶十年二月	九〇八
卷一四二	嘉慶十年三月	九二五
卷一四三	嘉慶十年四月	九三五
卷一四四	嘉慶十年五月上	九五四
卷一四五	嘉慶十年五月下	九六二
卷一四六	嘉慶十年六月	九七九
卷一四七	嘉慶十年七月	九九七
卷一四八	嘉慶十年八月上	一〇一五
卷一四九	嘉慶十年八月下	一〇二七
		一〇三五

監修禮樂經籍局提調詹士式子傳武殿大學士文淵閣領侍衛內大臣等稽察欽奉諭旨前因管巡撫部院轉給院堂實錄題
學七級尋常例旨曾奏請賜給太王爺副都統管理辦事務立五級數次從違旨據臣屬汪奎才舊當湖副將兼果聞事
稽察奉諭旨該處與原戶部南齊縣外委院學士教習處官均於府立三鎮黃旗洲都城軍機總管理戶部產
承充清閒閑司為補理直臣御養膳所之樂度費支由京奉撥軍器局銀兩隨帶各級統額主派員共知總差撰
官字一條禮部尚書上書行為失共嚴懲管理圖于其事務於六親隨帶各級統額四品江漢行營專

嘉慶六年辛酉春正月戊寅朔

奉先殿行禮。○詣

太廟後殿○詣

壽皇殿行禮○

上以上辛祈穀於

上帝。自是日始齋戒三日。○己卯加賑直隸霸

文安。大城安。新安。河間。景寧。晉隆平。九州縣。

口糧○加賑江蘇蕭陽山二縣及徐州衛被

水災民。○加賑江西寧都雩都廣昌南豐四

災民。○賑陝西咸寧長安三原涇陽臨潼咸

渭南同官耀孝義高陵寧陝富平華大荔澄

城白水鳳翔扶風南鄭沔留壩褒城畧陽漢

陰石泉鎮安商南二十二廳州縣貧民倉穀。

○加賑甘肅武威鎮番永昌三縣被旱災民

○庚辰○

高宗純皇帝再週忌辰。

上因祈穀齋戒。命儀親王永璇恭代詣

裕陵行禮○

上詣

南郊齋宮齋宿。○辛巳。祈穀於

上帝。

上親詣行禮○還宮王以下文武大臣官員於乾清門外補行元旦朝賀禮○諭內閣御前大臣戶部尚書布彥達賚持躬敬慎奉職恪勤安靜而能有為精明而不多事在內廷行走小心匪懈堪為表率委任部旗及步軍統領各事務俱能經理得宜年齒方強正資倚畀上年十二月二十八日因伊偶患時證未經入直即遣御前侍衛安成帶同御醫前往診視方期調治速痊茲遽聞溘逝深堪悲悼已派伊姪明安齋賜陀羅經被聞信時朕即欲親往奠醑經軍機大臣面奏本日正值祈穀禮成明日又遇齋戒之期再三懇請是以中止二阿哥係布彥達賚之女壻著於初五日前往代朕奠醑並著二阿哥福晉即日親往視殮派總管內務府大臣縉布隨往俟出殯之日仍令福晉至伊家目送並著加恩晉贈太子太保賞銀三千兩治喪其任內一切處分俱著開復所有應得卹典該衙門察例

具奏尋賜祭葬諡恭勤○長麟等奏報截剿辛聰等股賊匪殲賊多名得旨嘉獎賞都司米章張聯魁五品軍功張鐸馬金魁寇大靖花翎六品軍功馬士貴藍翎餘升擢有差並賞出力鄉勇銀牌○壬午以吏部左侍郎文寧為實錄館副總裁官○調兵部尚書傅森為戶部尚書以正白旗滿洲副都統明安為步軍統領轉都察院左都御史祿康為兵部尚書以工部右侍郎西成為左都御史調盛京戶部侍郎成書為工部右侍郎以內閣學士德文為盛京戶部侍郎西寧辦事大臣台費蔭為內閣學士兼禮部侍郎銜並署理藩院侍郎禮部左侍郎英和兼總管內務府大臣戶部左侍郎豐紳濟倫兼掌鑾儀衛事○命定親王綿恩為御前大臣調正藍旗滿洲都統慶桂為正黃旗滿洲都統鑲紅旗漢軍都統豐紳濟倫為正藍旗滿洲都統以正紅旗滿洲

副都統西成為鑲紅旗漢軍都統調鑲藍旗
漢軍副都統英和為正紅旗滿洲副都統以
署鑲紅旗蒙古副都統岐山為鑲藍旗漢軍
副都統刑部右侍郎瑚圖靈阿兼正黃旗蒙
古副都統○

上以孟春時享

太廟自是日始齋戒三日○癸未命兵部尚書

祿康在紫禁城內騎馬○甲申

世祖章皇帝忌辰遣官祭

孝陵○乙酉享

太廟

上親詣行禮○遣官祭

太廟後殿○遣官祭

太歲之神○諭內閣前於乾隆六十年欽奉

恩旨於次年正月

傳位後冊立朕元妃為皇后經內閣照例撰擬

恩詔進呈其時我

皇考日勤訓政一切禮儀詔令自應統於所尊

曾蒙

聖諭循例祭告

天

地

宗廟不必撰擬恩詔停止慶賀表箋並以皇后

壽節暨元旦冬至亦俱停止箋賀禮緣義起

朕受寶以後敬謹遵行嗣於嘉慶二年

先皇后逝世蒙

皇考賜諡孝淑

晉封朕之貴妃為皇貴妃

命於孝淑皇后二十七月後舉行冊立皇后典

禮四年四月欽遵

勅旨今

皇后正位中宮而冊立之禮理宜俟朕釋服

後舉行因思立后頒詔乃本朝家法載在會

典實亦古今通義誠以皇后母儀天下佐理

化原於冊立之際祭告

天

地

宗廟並頒詔天下以昭慎重

列聖舊章自當恪守著於本年四月十五日御

殿行冊立禮其應頒恩詔著遵例舉行一切

事宜各該衙門查照豫備至於中外臣工慶

賀表箋及遇壽節令節奏上箋賀欽遵

聖訓仍行停止○又諭

婉太妃母妃從前

皇考在藩邸時蒙

皇祖所賜侍奉

皇考多年嗣經

晉封為妃現在

壽康宮位次居首年躋八十有六康健頤和

宜崇位號以申敬禮應尊封為

婉貴太妃所有應行事宜著各該衙門查照

定例豫備於四月十五日舉行○又諭瑩嬪

著晉封為華妃淳貴人著晉封為淳嬪春貴

人著晉封為吉嬪所有應行事宜著各該衙

門查照定例豫備統於四月十五日舉行○

以戶部左侍郎戴衢亨兼署吏部左侍郎兵

部右侍郎平恕兼署吏部右侍郎○順天學

政童鳳三以疾乞假允之命禮部左侍郎曹

城提督順天學政○安徽布政使孫藩以病

乞休允之以安徽按察使福慶為布政使前

任和闐辦事大臣恩長為安徽按察使○丙

戌

上詣

大高殿行禮○詣

時應宮

昭顯廟拈香○丁亥諭軍機大臣等朕前此

降旨諭以賊匪竄川毋庸攔截者原以川省

築堡團勇較他省為認真賊匪無食可掠易

於就獲亦不過令伊等於賊匪竄近邊界時

隨處勦辦毋得存驅逐出境之見以鄰為壑

今勒保乃欲誘令深入腹地是誠何語試思

川省百姓團練鄉勇築立碉寨兼之津貼費

用實為出力良民。今乃欲令陝楚竄匪入川滋擾。豈朕顧惜陝楚赤子。獨不顧惜四川赤子乎。若使川省百姓聞知此語。或至離心解體。閭閻甚大。勒保切不可稍有宣露。此為最要。將此諭令知之。○戊子。諭軍機大臣等。琅玕奏查明逆苗田產。請分賞貧苦無業苗人。以示獎勵一摺。該處逆苗田產。既經清查具報。為數無多。自即應分賞苗眾。不必入官。但與其分賞無業苗人。曷若將前此辦理青苗時。有幫助官兵認真出力者。查明賞給。贍其身家。更足以示獎勵。將此諭令知之。○又諭。自嘉慶元年勦辦教匪以來。所需餉項。部庫及各省撥解。為數已不下十千萬兩。自朕親政之後。疊降諭旨。嚴飭覈實辦理。各該督撫及承辦之員。尚不敢任意侵漁。是嘉慶四年以後。所撥餉銀。覈其成數。較之從前。減少不啻數倍。外省經手支發。尚有條理。其嘉慶三年以前。每次所撥餉銀。動輒二三百萬。不逾

數月。又復奏請續撥。此三年內撥餉甚多。伊等作何動用。尚未報部覈銷。其中浮冒情弊。自所不免。即如三年以前。由部發出軍需。各該省局內動稱平兌短少。而四年以後。所發之銀。一經平兌。多屬有贏無絀。是從前經手之員。有意侵欺。捏報短少。即此一節。已可概見。若統俟大功告竣。一併題銷。則牽連弊混。必致礙難稽覈。自應截明年分。畫出界限。以清帑項。所有嘉慶三年以前。領發軍需。著各該督撫。先行題銷。務須逐款詳悉覈查。如有浮冒分肥情弊。即行據實嚴叅治罪。並著落照數賠繳。如從前辦理軍需之宜綿福、寧英、善泰、承恩、畢沅、胡齊嵩等。俱早經離任抵罪。亦無所用。其迴護各該督撫。接奉此旨。務須認真覈查。迅速題報。儻有扶同徇隱情事。一經部臣覈出。則惟該督撫是問。將此傳諭陝甘四川湖北各督撫知之。○又諭。藩司廣厚現因患病。留於秦州調養。不能帶兵一節。何

以該藩司既未奏聞。而長麟等亦不早具奏。廣厚在甘。近來本無出力之處。著查明該司。如果患病未愈。即奏令解任回京。儻病漸就痊。此時樊逆業有竄甘之勢。該處防堵。亦須大員督率。仍令廣厚在彼帶兵。不可再有疏懈。干咎。再該省新設寧陝鎮地方。萬山叢雜。最為扼要。現在伍懷志與冉逆後股合夥。在寧陝廳屬之黃官峪奔竄。是該處堵剿尤關緊要。所有該鎮應行添募新兵。是否現已足

額。並如何加意訓練。足資控禦之處。總未據該督撫奏報。所辦何事耶。著長麟等飭令上緊召募訓練。俾成重鎮。以杜賊匪等竄入老林之路。此為最要。○己丑。諭軍機大臣等。本日據額勒登保奏。督師截剿新過江北大股賊衆。節次痛加斬戮。並楊遇春等連日趕剿股匪各情形。殺賊共一千五百餘名。生擒一千餘名。經畧等督兵打仗。竟至露處。辛苦備嘗。可謂不遺餘力。但首逆如高三馬五究未

擒獲。不能辦淨一股。且洵陽地方。又有竄過漢江北岸之賊。奔竄稽誅。推原其故。總由於防堵不力。必須有兵勇加意防範。俾賊匪無處竄逸。勦辦方可得力。長麟陸有仁身為督撫大員。堵禦是其專責。自應將各處防守兵勇詳細查覈。如實有殘廢無用者。兵則另行抽換。勇則召募添補。現在陝省兵餉。每月需用五十萬兩。與其曠日持久。零星多費。而不能集事。莫若厚集募勇。一舉成功。所費咸獲

實效。將此傳諭知之。○額勒登保奏。副都統綸布春在軍營不肯出力。請旨革職。作為披甲。留軍營効力。從之。○又奏報追剿雙乳鋪等處賊匪。賞委營總鍾福。防禦阿爾松阿。遊擊高萬春。花翎甲兵烏林阿。藍翎。○以工部右侍郎成書兼鑲黃旗蒙古副都統。○庚寅。

上詣

大高殿行禮。○辛卯。諭軍機大臣等。朕念軍興

以來各路兵勇打仗殺賊實為勞苦茲特派大理寺少卿富星額太僕寺少卿裴行簡前赴額勒登保德楞泰兩路軍營頒賞以示體卹其頒賞銀兩若由京齎往道途紆遠未免稍稽時日著伯麟即於藩庫內動撥銀十萬兩遴委妥員先期解至蒲州守候俟富星額裴行簡到時仍令原委各員小心護運隨同前往至此次動撥之項如可無需歸款則已儻該省尚有別項支放不敷之處該撫據實奏聞即由部庫照數撥還○壬辰

上詣

奉先殿

壽皇殿行禮○諭軍機大臣等額勒登保總當乘此兵威聚集之時奮力殲除江北衆賊勿令稍留餘孽至楚省賊匪現已陸續出境長齡明亮等所帶馬隊官兵皆為勁旅自未便僅令防堵額勒登保等已札知長齡明亮令將原任總兵李紹祖所帶之官兵一千餘名

一併帶領於陝楚邊界相度賊情勦辦自應如此布置前次高馬賊衆在安康五塊石地方踞淺過江既無官兵防範任其竄渡今徐添德黃毓賊匪又自洵陽過江該處豈無防守之員何以毫無堵禦又任北竄著額勒登保等即查明此二處賊匪偷渡地方係何員在彼防堵一併嚴叅辦理至所奏查審疏防賊匪之已革總兵關騰請照陸有仁原擬將關騰發往伊犁効力贖罪等語實屬罪所應

得但朕聞關騰在軍營帶兵尚為奮勉此時若即發往伊犁轉得置身事外著額勒登保將關騰暫留軍營作為兵丁如果出力俟大功告成酌量加恩○撥部庫廣儲司及浙江解京銀六十萬兩解往陝西以備軍需○癸巳

上詣

雍和宮行禮○詣

宣仁廟

凝和廟

火神廟拈香。○諭內閣前因兵部叅奏廣東海洋統巡俱係千把代巡降旨詢問旋據吉慶奏到因水師鎮將乏人始派就近之員通融辦理並自請嚴議當經諭令俟巡撫瑚圖禮提督孫全謀覆奏到日再行降旨茲續據瑚圖禮覆奏於移交派委統巡洋面武員要務並不細心查覈率行題報懇請議處等語海洋統巡例應總兵大員前往即委員代巡該省豈無副叅遊都各員可以派去何至差委千把微末自係因循積習漫不經心殊屬非是吉慶瑚圖禮俱著交部議處至孫全謀身為提督海洋巡哨是其專責率行派委末弁自難辭咎俟該提督奏到之日再行交部議處○乙未

上詣

大高殿行禮

時應宮拈香○丙申命慶郡王永璘往奠故

御前大臣戶部尚書布彥達資茶酒○江南提督定住以病乞休允之以直隸天津鎮總兵官常懷義為江南提督直隸督標中軍副將福會為天津鎮總兵官○丁酉以內閣學士台費蔭兼鑲藍旗蒙古副都統○新授江南提督常懷義故以直隸泰寧鎮總兵官哈豐阿為江南提督鑲藍旗蒙古副都統福敏泰為泰寧鎮總兵官○以截勦陝西山陽賊匪功賞還德楞泰一等子爵賞驍騎校春盛保花翎並恩賚有差○命截留湖北漕糧六萬七千七百餘石備卹被賊難民○己亥特諭現開大捐原為軍需之用終非正道若家人長隨混名捐官更不成政體矣朕風聞安徽試用通判陳連係大學士慶桂契買家奴本名咸寧雖曾將契紙給還仍在宅管事服役去年謀求戶部掛名書吏希圖吏滿考職後遂加捐分發籤掣安徽試用通判朕所聞如此實深駭異慶桂受朕厚恩豈可妄為至

於如此或另有別情亦未可定此事著慶桂及吏戶二部堂官先行明白迴奏再候諭旨尋奏上陳連係不應出仕之人所有節次濫行出結各員請交吏部分別議處得旨陳連著革去通判交荆道乾就近查審具奏所有慶桂應行交議之處俟荆道乾奏到再降諭旨餘依議○賞賢良後裔原任刑部尚書魏象樞六世孫附生煜舉人一體會試○庚子孝聖憲皇后忌辰遣官祭

泰東陵○

上詣

慈寧宮

壽康宮行禮○密諭德楞泰知悉現今四川廣元蒼溪一帶賊匪頗多總欲搶渡嘉陵江雖有李銘等守禦恐不足恃若令竄至川西必致稽延時日汝自前年帶兵打仗甚屬奮勇出力去年在四川尤為可嘉前因四川之賊漸少是以命汝至陝西勦賊孰意汝纔離四

川賊即接連入蜀目下統計情形四川之賊多於陝西而四川之百姓亦甚望汝回川汝應趕緊辦完高二一股取道廣元回川先行顧住嘉陵江岸上緊兜勦能於三月內辦竣朕必立沛殊恩錫汝封爵勉之勉之先將此硃筆繳進仍將幾時可回川省之處明白覆奏○諭內閣達椿等奏覆勘嘉慶五年四川廣東廣西雲南貴州等省中式試卷一摺已交該部照例辦理矣至附片奏各省試卷內有填用卦畫及書寫古篆者緣磨勘條例向無議處明文是以未經簽出等語鄉會試卷文字引用經傳語句本有取裁其隱僻字書等項即不應濫行撫拾若似此書寫卦畫及古篆字樣尤非應試文體且易啟記認關節之弊除此次中式各卷因向無例禁姑免置議外嗣後鄉會試場著禮部通行知照知貢舉監臨出示曉諭如試卷內有書寫卦畫及篆體者即照違式例貼出其有違例中式者

將本生罰停一科。考官及應貼不貼之外。簾各官分別議處。以示懲儆。並著禮部載入科場條例遵行。○諭軍機大臣等。現在高馬等逆。由大古坪向西南奔竄。額勒登保已知會楊遇春等。令其乘勝專心勦辦。此股竄匪。而長麟與經畧會晤後。亦從茅坪華陽一帶進發。與楊遇春等合力勦辦。兩路兵力。自己早經會合。諒此股敗殘餘匪。無難乘勢殲除。萬一該匪潰竄。或由棧道入甘。長麟楊遇春自當一同帶兵入甘追勦。儻轉而入蜀。長麟係陝甘總督。自不應越境遠追。當令楊遇春格布舍緊躡入川。奮力截擊。以期一鼓撲滅。額勒登保。一俟高馬等逆勦辦完竣。及南山藏匿餘匪搜捕淨盡。江北肅清後。即當移駐漢南。將龍苟等逆一律殲除。再赴四川督率勦辦。德楞泰。俟高二一股勦淨後。應即赴川勦除各股賊匪。但亦不可因川賊較多。將敗殘之高。二一股輒行捨去。總俟勦淨此股。再行

赴川。額勒登保。德楞泰二人。惟當不分畛域。同心併力。倍加奮勉。平賊安民。以副委任。將此各諭令知之。○勒保奏報。七十五與頭等侍衛武隆阿。勦斃賊匪多名。並殲斃首逆張世龍等。下部議敘。○以禮部左侍郎英和。右侍郎扎郎阿。內閣學士阿隆阿。充經筵講官。○轉吏部右侍郎錢樾。為左侍郎。調禮部左侍郎曹城。為吏部右侍郎。轉禮部右侍郎劉躍雲。為左侍郎。以內閣學士潘世恩。為禮部右侍郎。○辛丑。以刑部尚書成德。兼署戶部尚書。○壬寅。命湖南碾米十五萬石。解往陝西。以濟兵糈。○癸卯。諭內閣。八旗大員。廕生年已及歲者。俱由各該旗咨報吏部。帶領引見。分別錄用。惟宗室廕生。向無引見之例。朕思自前年以來。六部各衙門。已定有宗室額缺。並准宗室子弟應鄉會試。以廣登進之路。則宗室廕生。自宜一體任用。所有嘉慶元年宗室廕生。俱著加恩。交宗人府查明。於及歲

時送吏部帶領引見候朕分別錄用以示錫類推恩至意○以故輔國公綿策姪奕果襲爵○甲辰諭內閣盛京為

帝業所基瞻仰

橋山時殷景慕朕恭承

皇考付託之重禮應躬謁申虔是以前經降旨於本年四月釋服後涓吉秋孟恭謁

祖陵用抒積悃近因御史沈琨張鵬展先後陳奏以軍務歲績非遙需籌善後懇請展期當

交王大臣等會同妥議具奏茲據王大臣等請如該御史等所奏暫停前往因思川陝楚三省各路軍營近日屢獲大勝捷音踵至餘匪潰竄無難即日蕩平但撫綏安輯一切善後機宜亟須籌辦若前詣盛京程途較遠兼恐遇值雨水文報稍稽又恭查

皇考御極以前未經展謁

祖陵於乾隆八年初次告謁朕前在藩邸時曾於乾隆四十八年隨侍

皇考恭謁一次今若展至嘉慶七年舉行斯禮稽之舊典成規為期尚早一載且本年四月雖屆釋服而秋閒尚在三年以內究不若俟來歲行三週年祭禮後專誠恭謁盛京

祖陵更足以昭誠敬即著照王大臣等所議於明歲秋冬涓吉前往所有本年各該衙門應豫備之處暫行停止○又諭秋獮大典所以肄武習勞從前

皇考巡幸木蘭歲以為常後因

春秋已高適值連年木蘭雨水較大節經蒙古王公大臣等再四懇請是以數年以來暫停進哨今歲秋閒既允王大臣等所議緩詣盛京而熱河距京甚近且順時行獵典不可廢朕自應恪守遵行著仍於本年七月十八日由京啟鑾駐蹕避暑山莊中秋後木蘭行圍所有應行事宜著各該衙門照例豫備至前經降旨於盛京迴鑾時由山海關恭詣東陵今盛京已暫停前往距明年新正至

裕陵行三週年禮。為期相隔較久。朕心實有所不安。著於本年木蘭迴蹕時。由密雲取道前往。

東陵恭申孺慕。○諭軍機大臣等。晉昌等奏盛京

太廟添設

神龕寶座。典禮甚隆。因地基較窄。未敢擅定等語。其意在必添設而未敢明言。所見甚是。盛京城內。本未恭建

太廟。乾隆四十三年。

皇考因尊藏

冊寶。始行改建。亦未供奉

神牌。並無祭祀典禮。原與

太廟規制不同。今莫瞻萊扎郎阿奏請添設

神龕寶座一節。現據晉昌等查明。限於地基。難

以安設。自無庸輕議更張。已將繪到原圖。另

行黏簽發往。遵照陳設。敬將

太祖

太宗

世祖冊寶安奉中一間。

聖祖冊寶安奉東間。

世宗冊寶安奉西間。

高宗冊寶安奉東間西向。如中一間殿基較窄。

未能安奉。

三朝冊寶龍箱。即恭請

太祖

太宗

世祖冊寶三分。總貯龍箱。庶觀瞻整肅。來歲朕

恭謁時。仍遵照

皇考行禮處所行禮。足申虔敬。所有莫瞻萊等

奏請添設之處。不必行。將此諭令知之。○以

故鎮國將軍永璩子綿猷襲職。○德楞泰奏

報職斃高二生擒偽先鋒王儒等。得旨獎賚。

擢驍騎校索里章為佐領。甲兵色克津保為

防禦。均賞花翎。侍衛蘇冲阿等升擢有差。○

乙巳。勒保奏報。勦捕黃藍白三號賊匪。職斃

首逆徐萬富等得旨嘉獎。賞勒保二品頂帶花翎。加總兵官許文謨提督銜。餘升賞有差。○以戶部左侍郎豐紳濟倫兼署兵部尚書。○轉工部右侍郎成書為左侍郎。調理藩院右侍郎和寧為工部右侍郎。以內閣學士佛爾卿額為理藩院右侍郎。○調鑲白旗漢軍副都統成寬為鑲白旗滿洲副都統。以內閣學士普恭兼鑲白旗漢軍副都統。上駟院卿富成為鑾儀衛鑾儀使。○

清實錄

嘉慶六年正月

上以祭

社稷壇。自是日始齋戒三日。○丙午。

孝儀純皇后忌辰。命

皇次子

裕陵。○是月。頒

御製邪教說。曰先聖王以道德仁義禮樂政刑。裁成輔相。化育萬方。使民日趨於正道。恐為邪說所惑也。自二氏行於中國。始有釋教道教之名。因其說亦皆吾儒所撰。大旨亦精微。

元妙。勸人為善。戒人為惡。輔翼王化。無大差謬。是以聖帝明王姑存此類。不加沙汰。至於白蓮教之始。則為騙錢惑眾。假燒香治病為名。竊佛經仙籙之語。衣服與齊民無異。又無寺宇住持。所聚之人皆失業無賴之徒。所以必流為盜賊。是又僧道之不若矣。然天下之大。何所不有。苟能安靜奉法。即燒香治病。原有惻怛之仁心。在朝政之所不禁。若藉此聚眾弄兵。漸成叛逆之大案。則王法之所不容。

清實錄

嘉慶六年正月

故查拏之始。原因謀逆之一二人。如劉松宋之清劉之協首犯耳。劉松宋之清皆已伏法。並未株連。而劉之協自扶溝脫逃。所緝者仍此一犯。而地方官有奉行不善者。有苛求圖利者。胥役衙書。四出滋擾。閭閻無賴。借事吹求。將正犯反置於不問。妄拏無辜。名曰欲辦白蓮教。以致羣起於襄陽。由豫入陝。而川省達州徐添德。王三槐亦乘時蠢動。互相勾結。自此遂東奔西竄。疲我官兵。害我良民。傷心。

慘目實難備書。現今賊營中非盡教匪也。亂民乘勢圖劫掠耳。夫官軍所誅者叛逆也。未習教而抗拒者殺無赦。習教而在家持誦者原無罪也。即如劉之協雖為白蓮教教首。其未謀逆以前。若俯首就擒。其罪僅止發遣耳。脫逃後至湖北糾約姚齊二逆。併同教人等。定於辰年辰月辰辰時起事。是真叛逆。斷不可赦矣。起事後。伊又潛住豫省。漏網七年之久。若從此安靜匿藏。原可倖免。孰意又糾

實錄卷七十九

三

約李傑等。由寶邨起事。此由罪大惡盈。天神共憤。使之自投法網。得正憲章。豈人力哉。故白蓮教與叛逆不同。乃顯而易見之理。設若賊營中有一二僧道。豈盡行沙汰二氏乎。有一二生員。豈遂廢科舉之典乎。然則白蓮教為逆者。法在必誅。未謀逆之白蓮教。豈忍盡行勦洗耶。白蓮教與叛逆不同之理既明。則五年以來所辦理者。一叛逆大案也。非欲除邪教也。然聚眾斂錢。終流為不靖。是在良有

司實心訓導。宣揚正學。漸仁摩義。蹈矩循規。化其暴戾。易俗移風。庶幾世臻小康。民安本業。朕實有厚望焉。

實錄卷七十九

三

大清仁宗受天興運。敷化綏猷。崇文經武。孝恭勤儉。端敏英哲。睿皇帝實錄卷之七十八

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之七十九

監修總裁官禮部尚書太子傅武英殿大學士湖廣總督部堂徐嗣畤等奉 上諭事件應管理部事務翰林院掌院學士

加恩常館纂修總纂官太子太傅文淵閣學士管理刑部事務徐嗣畤等奉 上諭事件應管理部事務翰林院掌院學士

稽察纂修 上諭事件應管理部事務翰林院掌院學士管理刑部事務徐嗣畤等奉 上諭事件應管理部事務翰林院掌院學士

奉 上諭事件應管理部事務翰林院掌院學士管理刑部事務徐嗣畤等奉 上諭事件應管理部事務翰林院掌院學士

太子太傅禮部尚書太子傅武英殿大學士湖廣總督部堂徐嗣畤等奉 上諭事件應管理部事務翰林院掌院學士

校修

嘉慶六年辛酉二月丁未朔祭

先師孔子遣大學士慶桂行禮○戊申祭

大社

大稷

上親詣行禮○諭軍機大臣等書麟等奏楚省
兵力勦辦一股尚可敷用設別股竄入即形
單薄應令德楞泰入楚合擊等語現在楚省
之兵果能辦完徐逆一股軍威日壯漢南之
賊斷不敢生窺伺之心書麟等惟當勦淨徐
逆並於城守空虛之處添雇鄉勇實力守禦

勿專待德楞泰到楚致誤事機將此諭令知
之○己酉諭內閣朕恭閱乾隆九年

實錄內載

訓飭督撫勸課州縣實行教養

聖諭以人君總其成於上而分其任於督撫督
撫總其成於上而分其任於州縣州縣者民
之司命而又與民最親所謂知州必能知一
州之事知縣必能知一縣之事利所當興者
舉之害所當除者去之則教養兼施善政莫

大乎是是在為督撫者實心以勸課屬吏為
州縣者實心以愛育羣黎勉強力行毋憚勞
勩仰見

皇考愛民察吏整飭官方

聖訓煌煌實為千古致治之本維時海宇昇平

民物康阜我

皇考治益求治安益求安猶復

語誠諄諄儆於有位朕臨御之初即值教匪滋
事今閱五年百姓創痍未復正資綏輯全賴

封疆大吏督率親民之官。加意撫循。俾閭閻生計從容。咸知大義。自不至流而為匪。即如邪教起事之初。皆以官逼民反為詞。若地方官平日勤求民隱。化導有方。何至激而生變。此等匪徒。奔竄已及五年。其著名首逆。亦不過稱為掌櫃。並有於草帽之上。綴戴翎頂。以為榮者。近因官兵追勦緊急。紛紛潰散。甚至棄去衣帽。赤身奔竄。非復人類。可見賊匪本無他志。其首逆祇因怙惡已久。罪在必誅。以奔逃為延喘之計。而裹脅之人。又以業經從賊。抗拒官兵。不敢自行投首。現在各路軍營。屢獲勝仗。大功指日告成。凡茲誅夷俘戮之徒。無非赤子。朕心實為不忍。而其初皆由地方官失於教養所致。朕自親政以來。屢經降旨。訓飭督撫州縣等。實心撫字。不啻至再三。現在身任封圻者。皆稍知自愛。不敢復蹈從前侈靡貪黷積習。而州縣中玩視民瘼者。仍復不少。督撫等不能查察。是大法而小不

廉。仍於政治何裨。試思知縣則知一縣之事。知州則知一州之事。而督撫則當知通省之事。若僅以廉潔自持。即為盡職。而於地方利弊。守令賢否。未能悉心體訪。隨時整飭。即操守果無可議。亦祇能獨善其身。豈朕簡任疆吏之意乎。茲特重申。

皇考聖諭。責成督撫。督飭地方州縣。盡心教養。於民生休戚。刻刻相關。以期默化潛移。漸臻上理。朕實有厚望焉。將此通諭知之。○陸有仁奏。賊匪被勦情急。往往竄入老林。俟山內肅清。派員將林內所居之戶。搬移出山。使賊無糧可掠。得旨。山內民居日久。豈肯舍其生業。搬移出山。居民甚多。搬出後將作何安頓。且南山果能肅清。又何必令居民搬出乎。陸有仁著傳旨申飭。○庚戌。額勒登保奏。查明防江不力各員。分別叅處。革額勒亨額花翎。下部嚴議。知府周光裕等降革有差。○以戶部右侍郎額勒布兼總管內務府大臣。○辛

亥。

上詣

大高殿行禮。

時應宮拈香。○調鑲藍旗滿洲副都統積拉堪為正藍旗滿洲副都統。正藍旗滿洲副都統圖默慎為鑲藍旗滿洲副都統。○旌表守正捐軀直隸定興縣民王珍女王氏。○壬子諭內閣軍機大臣會同戶部議駁吉慶奏請另開河工捐例。將現開捐例停止一摺。又戶

部議駁費淳奏請將捐貢捐銜捐封三項皆在外省報捐一摺。所駁俱是。已依議行矣。現開川楚善後事例。原因勸辦教匪。一切善後需用較多。暫行開捐。係屬一時不得已之舉。原非善政。前年本欲即行停止。嗣因各省報捐者人數衆多。業已來京具呈。未便阻抑。是以仍准續捐。至今捐生尚踴躍如前。而近來各路軍營捷音踵至。川陝楚等省教匪指日即可蕩平。朕意方欲俟大功告竣。辦理善後

畧有端緒。即將捐例停止。豈有此時復開河工捐例之理。况上年南河投効各員所捐之項。即係為挑濬河身。增培隄工而設。今該省投効各員捐銀若干。尚未奏報。又欲另開河工事例。似此斤斤言利。實屬不知大體。至各直省暫開捐監之例。本為各省封貯銀兩。節經動撥。均須補足原額。嗣因粵東江浙等省。捐監銀兩較多。經部議令湊至成數。隨時解京。俟軍務完竣。補足封貯原額。將外省捐監一併停止。若又將貢生職銜封典等項。均准於各直省一體報捐。則京中常捐。竟成虛設。所有部中經費。勢必又由外省報撥。徒勞運費。該督不過為外省多積捐項。易於通挪起見。並未詳覈事理。通盤籌畫。儻伊現任部臣。亦必不為此奏矣。吉慶費淳等率陳臆見。除所奏不准外。仍各行申飭。嗣後內外大小臣工。不得妄行條奏。開言利之端。如再有以此等事瀆陳者。即當治以應得之罪。○補行嘉

慶二年軍政。荊州駐防卓異官一員。年老官五員。有疾官三員。分別議敘處分如例。○癸丑。

孝淑皇后忌辰。命

皇次子慶祭

殯宮。○旌表守正捐軀山東嘉祥縣民張朝聘姪孫女張氏。○甲寅春分朝。

日於東郊遣克勤郡王尚格行禮。○諭內閣據御史新柱奏。普免錢糧一事。有田富戶。可沾

重恩。其無田貧民。仍不能普沾恩澤。請以三十年為率。如果帑藏充裕。遇有喜慶鉅典。再為舉行。而摺內並稱。普免錢糧。徒為史冊美觀。祇屬虛名等語。所奏大屬非是。國家惠養子民。務期恩澤下逮。德意旁敷。

皇考高宗純皇帝御極六十年。普免天下錢糧者四。漕糧者三。積欠者再。加恩海宇。至優極渥。朕受璽之初。亦普免天下錢糧一次。嘉慶二年以來。蠲租減稅。曾經稠疊施恩。而普免

一事。因未遇非常慶典。是以未經續有舉行。將來如遇應行普免之時。尚應式遵成憲。大沛恩膏。而該御史乃以國家實惠及民之鉅政。徒為史書紀載之虛文。立言實屬非體。且行慶施惠。係屬隨時酌辦。豈可限以年載。況現在本無應行普免之事。又何必總總過計。該御史所奏。意近言利。新柱著傳旨申飭。並將原摺擲還。○引見安徽山東保舉孝廉方正人員。得旨。王家榕。王宗敬。張來陽。張漢宗。俱著以知縣用。程家祥。張維。李嘉樹。趙起魯。李宗聞。俱著以教職用。○乙卯。遣官祭關帝廟。○勒保奏。報擊勒碑灣寺等處賊匪。射死首逆王士虎等。得旨。嘉獎。侍衛武隆阿等。下部議敘。復已革道員劉清。知縣符元魁。都司睦隆安。原官。○減免各直省緩決二十次以上人犯十三名。雲南貴州。廣西廣東。四川。福建。奉天。緩決三次以上人犯七百三十一名。○丙辰。遣官祭黑龍潭。

昭靈沛澤龍王之神玉泉山

惠濟慈佑龍王之神○湖廣總督書麟等奏報長齡會同明亮殲斃偽總兵卜興昂等得旨嘉獎下部議敘餘升擢有差○賞廣西陝甘庚申科鄉試年老諸生謝天惠等十名舉人副榜有差○丁巳

孝康章皇后忌辰遣官祭

孝陵○諭軍機大臣等據長麟奏稱逃出難民給予路票盤費一節現當功屆垂成之際難

民必安置得所方足以示招徠而解賊黨若散出後仍無衣無食難保不去而從賊長麟等務須妥協經理俾口食有資棲止得所勿稍存惜費之見將此諭令知之○戊午遣官祭昭忠祠○齊齊哈爾副都統恒伯叅奏黑龍江將軍景燭剛復貪鄙縱恣等款革景燭將軍職命刑部侍郎瑚圖靈阿都察院左副都御史繼善馳赴盛京審訊○以烏里雅蘇台叅贊大臣那奇奏為黑龍江將軍賞八品

領催永保藍翎侍衛為烏里雅蘇台叅贊大

臣○以都察院左副都御史繼善為盛京禮部侍郎○賞賢良後裔原任禮部尚書楊名時曾孫監生景曾原任江蘇巡撫徐士林孫監生從旭舉人一體會試○旌表守正捐軀江西南昌縣民何孔堂女何氏○乙未諭內閣本年京察屆期吏部開列在京各部院大臣及各省督撫名單進呈請旨甄別大學士向不開列第念大學士公保寧前年晉擢綸

扉本應入閣辦事因其經理新疆諸務諳熟一時更換乏人是以未令來京伊久任伊犁將軍鎮靜安詳藩部同深悅服慶桂董誥在軍機處行走承旨書諭恪勤匪懈俱著交部議敘王杰劉墉謹慎稱職亦著一體交部議敘尚書彭元瑞恭辦

高宗純皇帝實錄盡心編纂侍郎戴衢亨在軍機處行走勤慎稱職倉場侍郎達慶鄂炳泰剔除積弊整頓漕務均著交部議敘協辦大

學士總督書麟前在雲貴總督任內辦理探黑。妥速藏功。茲調任湖廣督兵。勦截竄匪。一切正資整飭。總督吉慶久任封圻。操守廉潔。督捕洋盜。甚屬認真。吳璥熟悉河務。上年調任南河。即能將邵家壩漫口堵合。鐵保總司漕務。肅清諸弊。巡撫岳起潔己率屬。卓著廉名。吳熊光辦理防堵事宜。最為認真。上年勦捕寶邨教匪。妥速完竣。俱著交部議敘。餘俱照舊供職。○又諭御史德敏奏。請勅令各直省。並在京大小衙門。八旗等處。如有奏留丁憂及服滿截取候選等官。備具文結。一咨吏部。一咨河南道衙門查察。一摺殊屬荒謬。不知政體。內外銓政。俱歸吏部總覈。並有河南道專司稽察。立法本為周密。百數十年遵循已久。如果該道於吏部銓選。知有弊端。原可調取部中文卷。詳加覈對。今德敏請將在部各項補選人員。俱須備文咨送河南道。是又增一總理吏部矣。且稽查吏部之御史。既如

此辦理。則此外部院及文武各衙門。俱有御史稽查。若皆似此紛紛陳請。實屬不成事體。況各部設有司員及書吏多人。承辦方無貽誤。該道衙門。焉得有如許廨舍官吏。堆貯文案。分司辦理。不過徒增紙張筆墨之費。有名無實而已。德敏以斷不可行之事。率行條奏。本應交部議處。但念伊本係言官。若因言事交議。恐科道等相率緘默。無裨政治。德敏著從寬免其議處。仍傳旨申飭。並將原摺擲還。○以故雲南蒙化廳屬土知府左元生孫長泰襲職。○旌表守正捐軀四川溫江縣民趙文斌妻鄭氏。○庚申諭內閣。向來御門辦事日。所有各部應進本章。惟刑部呈進三件。其餘俱祇呈進一件。乃係相沿舊例。但朕每日披閱章疏。隨時發行。若於御門日。將應進之本。轉為徹減。殊非勤政之意。嗣後凡遇御門日期。著各部將應進本章。不必拘舊例呈進。或慮本匣過厚。捧持不便。著各部不必過十

件之數。各貯一匣。○以四川維州協副將蒲尚佐為雲南鶴麗鎮總兵官。○旌表守正被戕直隸易州民李懷龍母韓氏。○辛酉旌表守正被戕直隸平山縣民李喜住妻趙氏。○減免陝西。湖廣。浙江。江西。安徽。江蘇。新疆。緩決三次以上人犯六百六十三名。○壬戌。上御乾清門聽政。○諭內閣。向來滿洲大臣。同列中往往欲自占身分。各懷意見。五年以來。軍營帶兵大員。亦有此習氣。意存觀望。所以

總不肯迅速成功。伊等身為大僚。皆係朕所倚任之人。遇有同辦事件。惟當和衷共濟。若彼此各不相下。必致齟齬誤公。殊非敬事之道。況臣工分位之高下。皆由朕量材器使。假以事權。豈伊等挾私爭勝之具。從前和坤干政擅權。內外諸臣。無不心存退讓。唯諾依附。實屬卑鄙。未見有一人挺身與爭。不過私相談論。至身敗名裂。曩時之勢焰。消歸烏有。位分之不足恃如此。而彈章紛上。實堪笑哂。諸

臣可不引以為戒乎。即如步軍統領衙門奏請副都統攝翼尉應否書名同坐一事。前此布彥達賚任提督時。因有翼尉兼副都統之旨。布彥達賚告知扎勒罕布。岐山遇有呈報事件。不必書名。並於考驗時。亦令同坐。彼時布彥達賚並未詳查舊例。出自己意。謙抑下人。深合同寅協恭之義。惟時恭阿拉國霖見步軍統領如此。亦即隨同謙抑。並未執據舊例阻止。及明安接任步軍統領後。恭阿拉國

霖又以查明舊制不應如此。慫恿明安聯銜具奏。且稱布彥達賚令扎勒罕布。岐山不必書名一節。恭阿拉國霖並未聞此。說朕召見扎勒罕布。據稱實係布彥達賚之意。而詢之岐山。則稱布彥達賚告知扎勒罕布。伊並未聞。知是岐山尚無不肯相下之見。而扎勒罕布與恭阿拉國霖三人。彼此俱欲各爭分位。殊屬卑鄙。今布彥達賚曾否告知扎勒罕布之語。雖無可質對。但翼尉前此呈報步軍統

領左右翼總兵事件俱有文案可據不一而足。其未經書名之處恭阿拉國霖二人豈竟未寓目乎。昨明安具奏時朕即交軍機大臣會同兵部議奏。茲據奏稱副都統兼攝翼尉呈報步軍統領衙門事件應照舊制書名畫押。遇有揀選事件同坐考驗已依議行。現又令左右翼總兵俱兼副都統所有考驗時坐位步軍統領居中。左右翼總兵既兼副都統應居步軍統領之次。凡遇呈控查辦事件左

右翼總兵仍與步軍統領聯銜具奏。至明安甫任步軍統領此次自係恭阿拉國霖主見伊二人始則依違兩可繼則慫恿具奏。扎勒罕布並不詳查例案於召見時率行陳奏均不過為爭分起見。恭阿拉國霖扎勒罕布俱著傳旨申飭。○以詹事府詹事王麟戴聯奎為內閣學士兼禮部侍郎銜。○長麟奏報會勘高馬前股賊匪得旨獎賚提督楊遇春副都統格布舍等下部議敘。○癸亥以故睿親

王淳穎子寶恩襲爵禧恩在乾清門行走惠恩賞頭品頂帶在上書房讀書。○甲子遣官祭

先醫之神。○補行嘉慶四年大計雲南卓異官十員。不謹官二員。有疾官二員。年老官四員。才力不及官三員。甘肅卓異官六員。不謹官二員。才力不及官一員。罷軟官一員。年老官五員。分別議敘處分如例。○乙丑

上啟鑒恭謁

東陵。○免蹕路經過地方本年額賦十分之三。○賑湖北被賊滋擾之竹谿竹山房保康四縣貧民。○是日駐蹕烟郊行宮。○丙寅諭內閣和寧等奏駐防外委蒲順殺傷兵丁段貴等數擬具奏一摺此案外委蒲順在恩達寨地方駐防膽敢向所轄番民任意需索已屬有罪之人。迨該管遊擊何得方訪查屬實蒲順因需索之事係由兵丁田倬說出心懷氣忿即用刀連砍田倬適兵丁段貴上前抱救

蒲順遂拔取小刀及菜刀木器柴斧等先後砍打致將段貴斃命。覈其情節該犯先既婪索番民又復逞兇洩忿一死一傷情節甚重。審明後自應一面奏聞一面即恭請王命在於該處正法。方足以肅營伍而靖邊防。乃和寧等將該犯蒲順擬斬仍復請旨正法。實屬拘泥。且據另片奏稱察木多至前藏計程三十二站山路陡險營汛稀少恐有疏虞請即於該處正法等語。此等要犯焉有解回正法之理。何用復行奏請耶。蒲順著即在該處正法。至和寧等自請處分一節和寧英善雖失察於前既經查獲審辦尚無不合本可免其交議。惟拘泥請旨轉有應得之咎。和寧英善均著交部察議遊擊何得方風聞蒲順有需索情事即訪查究辦著從寬免其議處。○諭軍機大臣等湖北賊衆兵單已令德楞泰前往協勦所有漢南賊匪現無大員督辦著額勒登保察看情形如南山餘匪無多或交長

麟楊遇春并另派鎮將在彼勦辦額勒登保即移兵漢南速將龍紹周等逆上緊殲除勿令肆竄。○書麟等奏報追勦徐逆疊獲勝仗得旨嘉獎總兵官長齡四品頂帶明亮下部議敘餘升賞有差。○免四川被賊滋擾之達東鄉太平新寧奉節巫山雲陽開萬大寧忠梁山鄆都墊江涪長壽江北合巴蒼溪閬中廣元通江昭化南江南部營山廣安渠岳池儀隴大竹鄰水松潘平武三十五廳州縣及南坪營本年額賦並緩徵南充定遠鹽亭劍蓬溪射洪蓬七州縣本年額賦及石碛巴黔江西充璧山安岳樂至石泉金堂茂蘭十一州縣新舊額賦有差。○是日駐蹕白澗行宮。○丁卯遣官祭歷代帝王廟。○諭軍機大臣等各股竄匪均由開縣大寧竄入雲陽境內是川北賊氛已靖各股俱竄入川東此時薛大烈所追之賊正當此路勒保已飛催七十吾由開縣進兵

與薛大烈夾擊。勒保亦帶兵由梁萬一路直趨雲陽。三路兵力足資勦辦。惟當緊顧江防。勿令竄渡。川西大寧。巫山。接近楚境。現楚省賊衆兵單。勒保尤當設法兜截。勿令逸入。將此諭令知之。○是日。駐蹕隆福寺行宮。翼日如之。○戊辰。

上恭謁

昭西陵

孝陵

孝東陵

景陵畢隨恭謁

裕陵俱未至碑亭。即降輿慟哭。步入

隆恩門詣

寶城前行禮。躬奠哀慟。王以下文武大臣官員均隨行禮。○諭內閣。吏部議駁捐升直隸州知州孫樹本。請仍歸部銓選。不准留直委用。一本已依議行矣。各省捐升官員。既捐離任。自應歸部按班銓選。何得紛紛奏留。轉致得

缺無期。即如直隸候補知府陳鳳翔一員。於捐升知府後。經前任總督胡季堂奏請留於該省委用。昨日朕召見該員。詢知至今尚未得缺。此項人員。遇有請旨缺出。既不能簡放。而直隸省題缺知府。又祇有正定一缺。何必將該員請留。轉致無缺可補。今顏檢復將孫樹本奏留。又欲效胡季堂所為。殊屬非是。若云該省辦事需人。不妨於候補候選人員內奏請揀發。况奏留之員。如果實在賢能。即升往他省。亦可得力。豈可遏其遷轉之路。嗣後各該省捐升離任各員。俱不准奏留本省。仍歸部按班銓選。○又諭本日刑部題覆浙江省民人嚴尚新等共毆邱肇仕身死一案。已照發發下矣。惟本內所稱嚴尚新後毆邱肇仕鼻梁連左眼眶下。雖非致命。而傷至骨損。實足戕生等語。按其文義。所毆既足戕生。即與致命無異。又何必用雖非致命字樣。以致斷案轉涉游移。殊非慎重刑名之道。嗣後問

刑衙門於關毆案內致死重傷不得故作抑揚語氣。惟當據所毆傷痕直加勘斷。以昭確實。○己巳清明節。

上恭謁

裕陵。至幄次降輿。更縞素。慟哭步入。

隆恩門。詣

寶城行數土禮畢。易素服。詣

隆恩殿行大饗禮。禮成。仍服縞素。詣

寶城前行禮。叩辭奠酒。盡哀乃退。王以下文武

大臣官員均隨行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○命

皇次子奠祭

孝淑皇后殯宮。○遣官祭

端慧皇太子園寢。○諭內閣。蒼保奏浙省現在緝捕緊要。請暫准代巡洋汎一摺。據稱定海黃巖溫州三鎮總兵。現俱長年在洋統兵緝捕。此外將領大員亦隨同前往。浙省水師副叅遊都守計共止三十員。除隨總兵出洋外。尚須留營督率操演彈壓地方。所有本屬

洋面之分巡。委巡實難兼顧等語。現粵浙洋面盜匪竄越無定。正當緝捕緊要之時。三鎮舟師必須合力會剿。若僅令專巡本汎洋面。轉不得力。該提督所奏自係實在情形。著照所請。所有浙省鎮將除未派兵緝捕之員均令親身出洋。不許委員代替外。其已經帶領兵船在洋緝匪者。准其暫行委員代巡。俟洋面寧靜。緝捕事竣。三鎮各回本營後。仍照定例親身巡查。毋得藉端諉卸。○以大理寺卿

恩普為都察院左副都御史。○除雲南石屏州地震田六頃五十三畝有奇額賦。○是日迴鑾駐蹕桃花寺行宮。○庚午改原駐辰州之湖廣提督為湖南提督添設湖北提督一員。駐襄陽改原駐穀城之襄陽鎮總兵官為鄖陽鎮總兵官。移駐鄖陽並將原駐鄖陽之副將移駐竹山改為竹山協副將從總督書麟請也。○以湖北宜昌鎮總兵官長齡為提督四品頂帶明亮為宜昌鎮總兵官調署襄陽鎮總兵官孫清元署鄖陽鎮總兵官。○是日駐蹕白澗行宮。○辛未以陝西鐵爐川打仗出力賞遊擊劉滿賁馬忠宋鉞五品軍功吳順劉振川白映斗花翎六品軍功曹彪藍翎。○以追剿高馬後股賊匪生擒教首馬應祥等功長麟下部議敘賞鄉勇田貴八品頂帶藍翎。○甘肅布政使廣厚以病乞解任允之。以山西按察使王文湧為甘肅布政使直隸霸昌道朱紹曾為山西按察使。○是日駐

蹕烟郊行宮。○壬申孝昭仁皇后忌辰遣官祭景陵。○上還宮。○諭軍機大臣等近聞額勒登保因南山餘匪未淨親自帶兵搜剿伊係經畧大臣未便因零星餘匪牽綴現據長麟奏高馬後股賊匪已逼過川境德楞泰秦龍紹周等逆因官兵勦急狂奔亦近川楚交界額勒登保應即移師漢南若德楞泰追賊入川額勒登保即馳赴楚界會剿以收夾擊之效將此傳諭知之。○又諭長麟奏高馬等逆追入川省儻復偷越嘉陵江岸擾及川西殊有關繫勒保七十五當派鎮將大員赴南江廣元協同截擊並嚴防江岸毋稍疏懈再楊遇春等追賊入川糧餉軍火勒保須飭地方官隨時供支將此傳諭知之。○又諭戕害王文雄之賊目馬應祥著陸有仁審訊後割取首級書寫王文雄碑位致祭以慰忠魂仍將首級解送

貴州傳諭王文雄之母令伊家自行致祭以洩悲憤○旌表守正捐軀湖北江夏縣民李三保聘妻劉氏○癸酉諭內閣向來守護陵寢王貝勒貝子公本無定額亦無一定年限但伊等守護年久亦應量為更換貝子永碩永澤人俱小心謹慎永碩著派赴東陵守護於朕三月啟鑒前一二日前往更換綿億俟朕三月釋服後令綿億隨扈回京永澤著派赴

守奉天

王

西陵守護令其於半月內收拾行裝前往更換弘融即行回京所有宗人府右宗人一缺即著弘融補授綿億著授為正藍旗蒙古都統嗣後守護

陵寢之貝勒貝子公著宗人府每屆三年具奏一次呈遞在京之貝勒貝子公等名簽候朕酌量更換其在京之王等毋庸具奏有應更換者朕隨時酌換至現在守護裕陵大臣內年老有病之德福觀音保周緝武

俱著回旗其有世職者仍照原職當差其無世職者著原品休致梁肯堂韓鐸均著原品休致回籍○又諭西成奏請令烏里雅蘇台塔爾巴哈台兩處協辦領隊大臣等照回疆例遇有密奏事件准其於請安摺便具摺密奏等語所奏是向來回疆重地除總辦大臣遇有公事會同協辦領隊大臣等列名具奏其協辦領隊大臣如有應行具奏之事亦准專摺密陳不得隱匿推諉今烏里雅蘇台塔

守奉天

王

爾巴哈台兩處均係邊圉重地與回疆同屬緊要自應畫一辦理該處協辦之叅贊領隊大臣等嗣後遇有公同陳奏事件仍會銜具奏外其有應行據實密陳者俱著准其於請安摺便專摺具奏以符體制○諭軍機大臣等御史汪鏞奏山東河工攤徵一項前後十年各州縣一經交代或不免捏作民欠著該撫密訪各州縣於攤徵一項有私行肥囊者即據實嚴叅務期攤款俱歸實用○引見京

察三四五品京堂得旨宗人府府丞襲驂文
年老龍鍾著以原品休致太僕寺卿特克慎
鴻臚寺卿翁方綱通政使司叅議觀岱年已
衰老俱著以原品前往

裕陵守護光祿寺卿蔣賜榮聲名平常詹事府
少詹事富森布父子妄陳章奏蔣賜榮著降
為四品富森布著降為五品均令前往

裕陵守護太僕寺卿戴璐才力不及著降補鴻
臚寺少卿太常寺卿聞嘉言前在外任聲名

平

平

平常著降補通政使司叅議所遺太常寺卿
員缺著劉鳳誥補授其翰林院侍讀學士員
缺著茅元銘補授蔣賜榮所遺之光祿寺卿
員缺著趙秉冲補授其所遺大理寺少卿員
缺著汪日章補授觀岱所遺之通政使司叅
議員缺著薩炳圖補授富森布所遺之詹事
府少詹事員缺著那彥成補授翁方綱所遺
之鴻臚寺卿員缺著范鑿補授餘俱照舊供
職○調刑部尚書成德為戶部尚書命在軍

機處學習行走兵部尚書祿康為刑部尚書
以戶部左侍郎豐紳濟倫為兵部尚書奉宸
苑卿蘇楞額為總管內務府大臣○調正紅
旗蒙古都統綿課為鑲藍旗滿洲都統以工
部左侍郎明安兼正紅旗蒙古都統○甲戌
諭內閣蔣賜榮已降為四品伊現襲輕車都
尉世職係伊祖蔣廷錫所得著加恩仍准承
襲照例食俸不准戴用花翎○乙亥諭內閣
京營翼尉向係三品為步軍統領衙門所屬

平

平

嗣經傅森條奏令翼尉兼副都統朕未能細
檢即降旨准行後每有各不相下之見在翼
尉以既兼副都統與步軍統領左右翼總兵
體制平行而步軍統領等以翼尉雖兼副都
統究係該衙門所屬往往各爭分位遇事齟
齬前曾降旨令翼尉於呈報事件照舊書名
其坐次在左右翼之次今思各該旗設立都
統及副都統祇係三人已足辦理旗務今步
軍統領衙門增添左右翼總兵一切公事已

有三人同辦設步軍統領果有專擅之處總兵即可隨時匡正。若再以翼尉兼副都統與步軍統領左右翼總兵一同辦事。共有五員。事權太分。未免各占身分。意見參差。於公事轉無裨益。况專擅與否。存乎其人。官制屢更。亦非政體。嗣後翼尉不必兼副都統。一切照舊制行。○升任湖南巡撫祖之望奏。查出銷除旗檔。遞解廣西省烟瘴充軍之書德沿途假冒犯官。當交藩臬兩司查訊。搜出湖北學

實錄卷十九

七十九

政陳崇本寄桂林府知府邱庭濬。湖北布政使孫玉宸寄廣西布政使清安泰。湖南糧道陳蘭森寄署桂林府知府陸受豐署長沙府知府張五緯。各書信等情。陳崇本。孫玉宸。陳蘭森。下部嚴議。祖之望。下部議敘。○命原充實錄館纂修內閣學士吉綸。玉麟。都察院左副都御史恩普。太常寺卿劉鳳誥。為總纂官。奏事列名副總裁之次。○命左春坊左贊善茹荼。提督湖北學政。○以署正黃旗蒙古副都

統恭阿拉。為鑲藍旗漢軍副都統。署正黃旗漢軍副都統。國霖。為鑲黃旗漢軍副都統。○額勒登保。奏報生擒首逆王廷詔。得旨。獎賚。與提督楊遇春。均下部議敘。拔外委聶標。文為把總。○以生擒王廷詔。功。賞軍機大學士慶桂。董誥。侍郎戴衢亨。軍功一級。○丙子。遣官祭賢良祠。○諭軍機大臣等。川陝楚大功將次告竣。善後事宜。以撫輯難民。飢民安置。鄉勇為最要。湖北省飢民不下數萬。川陝亦

實錄卷十九

三十

所不免。其裹脅之人。紛紛投出。不可勝計。除查明叛產。分別賞給外。或另有安撫之法。著該督撫通盤籌畫。詳議具奏。至鄉勇常與賊匪接仗。技藝素嫻。若不妥為安插。更易流而為匪。當收其器械。或令入伍。充當民壯。妥為散遣。○是月。湖廣總督書麟。奏堡寨情形。廣為勸諭。使村莊盡歸堡寨。得旨。官不惜力。民知自守。不肯從賊。立可蕩平矣。總由官不清吏不潔。只圖目前小利。以致釀成大害。五年

以來東西奔竄皆係逃死之愚民非真叛逆但能官吏實心化誨安撫流離則事半功倍矣勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之七十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十

監修刊載官題定員攝起官注官太子太傅武英殿掌印之洲閣竹簡事務察錄奉
上諭事件處官監印部事務翰林院掌院學士隨帶
加級存案留官署候補總管掌印之洲閣學士管理刑部事務察錄
黃均痊痊再攝起總管掌印之洲閣後學問事務
稽察錄奉 上諭事件處協辦大學士部院書翰翰林院掌院學士兼理戶部府之員銀新錄滿洲院學士羅氏領管理 部庫
奉奏北齊聯國等處應理工程成即奉議房部禁房之醫院南岸堂事務軍力加級初隨帶加十級紀錄王日英和煙
葉攝管李孫理部尚書上書房行武英殿總管理印監事務察錄初隨帶加初紀錄王日英和煙葉奉

軟修

嘉慶六年辛酉三月丁丑朔諭內閣此項賞

給擲雪步甲銀兩。朕早經風聞。並未按名賞給。其各兵所得賞銀。亦不足數。以致物議沸騰。欲行控告。始據步軍統領衙門據實叅奏。當將翼尉扎勒罕布岐山。協尉三雅圖等解任。交軍機大臣審訊。茲據奏稱。扣存步甲賞銀。分給外郎跟役海巡人等一節。業據扎勒罕布等供認。辦理已屬不合。其所稱按名支給之處。亦不可信。恐竟有侵蝕入己情弊。自應徹底根究。方能得實。京中賞兵。竟有侵蝕。

之獎外省賑民之項尚可問耶近在京中若不能查問明晰何以臨御直省翼尉扎勒罕布岐山協尉三雅圖保通崇文扎拉芬瑚圖禮色克通阿及代辦協尉袁岐副尉富僧阿俱著革職交軍機大臣會同刑部審明定擬具奏其副尉達永阿既經訊明先期告假並未經手賞銀著即開復○引見各衙門保送京察一等官員得旨此次京察一等雙圈人員內宗室博慶額綿能二員例不簡放外任

其餘各員著交各該堂官將該員等是否堪勝外任及應留之處出具考語交吏部照例帶領引見圓圈之滿洲蒙古中書筆帖式等官著歸入理事同知通判內遇有缺出與舊記名人員一體帶領引見其漢軍漢人著交部以撫民同知通判照例選用至內閣侍讀學士富勒赫翰林院侍讀圖勒斌左中允蘇勒通阿左贊善茹榮俱准其京察一等內閣侍讀明安泰准其於中書任內一等加一級

內閣侍讀善璉等二百五十四員俱准其一等加一級其戶部員外郎赫林泰刑部主事德莊工部郎中傅綸代俱著改為二等○予湖北陣亡叅將董寧川遊擊揆明祭葬加等世職如例陝西陣亡總兵官多爾濟扎布協領那全前鋒叅領佛寧佐領那敏全福防禦倭克濟那盛柱德昌驍騎校南山拴柱薩勒杭阿前鋒校達冲阿叅將郭承緒都司劉振邦守備馬昌傑趙天相宋顯玉千總張喜把

總牛宗貴李永由繼秀湖北陣亡守備賈慶檀千總孫餘慶程運棟蘇朝陞黃文珍把總熊作梅馬中魁徐秋魁楊玷外委劉永修陶國興周萬勝福建臺灣陣亡巡檢姜文炳外委徐剛祭葬世職兵丁曾廷榮等三百八名鄉勇萬三合等七十五名賞卹如例○戊寅諭內閣朕綜理庶政無不率由舊章從前皇考高宗純皇帝每次挑選八旗秀女時俱由派出王等查明

聖祖仁皇帝派衍二十四近支宗室之名呈遞以便指配。今朕挑選秀女。自應遵照此例。於世宗憲皇帝派衍近支宗室內。按其世系指配。著交派出王等。嗣後應行呈進宗室等名。惟將

世宗憲皇帝派衍近支宗室之名繕寫綠頭牌。照例呈進。以備將選出秀女酌量指配。永著為例。○諭軍機大臣等。前因楚省勦賊。兵力不敷。令在本省酌添練勇。今書麟稱新募鄉勇。技藝生疏。不能得力。且口糧厚於官兵。以之禦賊則不足。以之擾民則有餘。並籌將來勦辦事竣後。歸農無田可耕。歸伍無缺可補。難於安置。所見俱是。此項新募鄉勇。既不得力。自應仍酌留官兵。俾資勦捕。將此傳諭知之。○勒保奏報截勦川東賊匪。不令竄出楚省。得旨嘉獎。侍衛武隆阿等。升擢有差。○又奏。以堵禦賊匪出力。總兵官張志林道員裴正文。下部議敘。○旌表守正捐軀安徽宿州

民蘇連秀妻孟氏。○己卯。命嗣後挑選八旗秀女。公主之女。停止挑選。

上以從前公主多下嫁蒙古王之子。下嫁八旗者甚少。是以挑選八旗秀女。並未另立章程。故有是命。○復引見京察一等圈出人員。得旨。韓蔚景敏著交軍機處記名。以道府用。圖勒斌蘇勒通阿。明安泰。紀蘭湯。藩景璋。佛喜保。邱先德。廣玉。敷霖。布。瞿。曾。輯。多。托。禮。錢。斌。沈。琨。海。祥。談。祖。綬。著交部記名。以道府用。其不應補放之主事。秦敬衡。雙全。著記名候升。任之後。再以道府用。太常寺寺丞色克精額。光祿寺署正德祿著候調部。後以直隸州同知選用。編修帥承瀛。郎中富海。俱留京供職。○庚辰。申嚴匿名文書坐罪例。諭內閣。大清律載。凡有投隱匿姓名文書告言人罪者。擬絞監候。雖實亦坐。被告言者。雖有指實不坐。所以嚴懲訐告之風。立法至為明切。官民等。如果見人罪狀確鑿。可據原不妨自書姓名。

赴有司衙門指名呈控以憑覈辦乃詭詐之徒捏造呈詞隱藏姓名到處投送一經查辦被告人證傳集多名即訊明省釋先已無辜受累而挾仇誣告之人未經拏獲轉得事外旁觀其情實屬可恨近日副都統吉勒章阿奏匿名揭帖內稱佐領佟世舜繼母東鄂氏身死不明一節詢悉東鄂氏係室女過門守節臨終時其親母兄弟等俱曾守看又佟世舜伯母金氏姦情一節查得金氏年已四十七歲亦係寡居乃以毫無指證之詞談人閨閫若官為傳訊或致守貞婦女抱忿捐生尚復成何事體現已諭令刑部將此案毋庸查辦若將來別經敗露何難再行懲辦此時惟將投遞揭帖之人嚴拏究治即前此蘇章阿呈遞匿名稟函詆毀內務府堂司各官一節朕見呈內捏寫姓名係于禾二字即疑係前在奏事處行走之蘇章阿因密交查訊果即吐實其所言多屬子虛不值究辦而蘇章阿

業已照例定擬絞候蓋匿許之人有犯必懲而所告之事雖實不坐初非為省息案牘起見實以刁風不可使長且國家部院大臣各有攸司儻因伊等一二繫風捕影之詞遽行紛紛查辦實無此政體若事有主名案情的確者何嘗不詳悉根究乎即如步軍統領衙門所領賞給摺雪銀兩朕早經風聞並未按名賞給其各兵所得賞銀亦不足數外間物議沸騰經明安等據實奏業降諭旨將翼

尉扎勒罕布岐山等革職交軍機大臣會同刑部審明定擬具奏至於匿名控告必係挾有嫌怨伊自不知所告不實恐干罪戾是以隱匿其名此即誣捏之顯而易見者定例恭嚴實朕所深惡嗣後遇有布散匿名揭帖及在各衙門投遞者其所告之事俱不必辦理務當查拏投遞之人按律治罪俾共知儆惕以杜傾陷而安善良將此通諭知之○諭軍機大臣等邪教滋事起於乾隆六十年冬底嘉

慶元年正月。惠齡畢沅等先後奏到。張正謨。聶傑人等。在襄陽宜城一帶。糾衆焚掠。自此輾轉蔓延。擾及河南陝省。而四川徐添德。王三槐等。亦相繼而起。五年以來。荼毒生靈。不知凡幾。每一念及。朕心為之惻然。當其起事之初。首逆等皆以官逼民反為詞。互相煽惑。在親民之吏。平日不能愛養黎元。以查拏邪教為名。株連拖累。激而生變。司牧者固無所逃罪。但百姓果受有司屈抑。何難向督撫衙門呈訴。即或不為審理。亦可赴京控告。方今綱紀整飭。斷不令小民有覆盆之冤。乃竟糾集黨與。肆行搶掠。抗拒官兵。當此光天化日之下。背逆作亂。實為王法所不容。惟念附賊匪徒。非盡甘心叛逆。皆因被賊裹脅。戕害官兵。自知罪大。不敢投首。當賊匪突入村莊時。恣意凌逼。其中捐軀盡節。不受賊污者。雖亦未嘗無人。而畏死貪生。勉強聽從者。比比皆是。此等愚民。原難責以大義。及至為賊裹脅。

自揣投出未必得生。而賊匪驅令當先抗拒官兵。官兵鼓勇直前。豈能於臨陣之際。詳加區別。鋒鏑所向。玉石俱焚。斷無生路。實堪憐憫。是以節經降旨。凡從賊中投出者。悉貸其死。如能縛獻賊渠。並賞給官職銀兩。何以招撫之旨屢下。而縛賊投首者。竟無其人。即未能縛賊。而棄械來投者。早經降旨。令地方官妥為收卹。或給予叛產。或准令開荒。必使人口食有資。各安生業。若地方官不行收撫。准其於督撫大吏及經畧叅贊各大臣前申訴。必令得所。此朕仰體上天好生之德。惟思少殺一賊。即多留一民。故於無可赦宥之中。許以自新之路。其未經附賊者。尤當各守鄉閭。幫同官兵。悉力拒賊。不可陷身賊黨。自蹈危地。現據擒獲賊首馬應祥。供稱賊營裹脅之人。逃走奔回。即開膛破腹。用火燒死。情形實為慘毒。是良民一經從賊。即致不能脫身。受此酷毒。試思難民自賊。

中投出者。概不追問其從賊之罪。且優加撫卹。口食有資。方保護之不暇。而賊匪如此慘酷。爾等何苦聽其裏脅。一朝失足。自脫無由。何不早思變計。於賊匪經過時。齊心堵禦。誓不從賊。既可保其室家。又不至受賊殘害。生死禍福所關。各宜猛省。各路領兵大臣及督撫等。將此旨。謄黃宣示。傳布賊營。俾咸知悔悟。相率來投。更可迅速。戴功。莫安黎庶。若再不速回。是實冥頑不靈。亦難化誨矣。○辛巳。

祭

先蠶之神。遣妃行禮。○諭內閣。吏部議駁御史濟蘭條奏。酌改大挑舉人章程一摺。已依議行。朕在藩邸時。曾蒙

皇考簡派。與成親王永瑤及大學士阿桂。劉墉等。一同挑選。彼時朕與成親王坐位在前。即係與衆大臣公同商酌。以定去取。從無獨出意見之事。目今派出之王大臣等。自不敢意存專擅。如果挑選時。派出居首之一二人。並

不與他人叅酌。現有御史在旁。原可據實叅奏。儻竟有聽受囑託情事。訪查得實。亦無難列入彈章。何必更易舊規。始能剔弊。若如該御史所奏。令派出之王大臣。於名冊內各註記號。挑畢後。另派親信大臣。會同拆看。始定去留。挑額不敷。再將此記圓圈。彼記尖圈之舉人。另傳覆看。如此煩擾周章。成何政體。設覆看之大臣。亦不可信。又將簡派何人乎。該御史又請。每排不必豫定額限。亦屬非是。歷

來挑選。每排以十人為率。無論遠近省分。皆挑十分之五。一等者二人。二等者三人。按科分名次。均勻選擇。方有限制。若不按排挑取。轉得前後任意通融。更滋物議。該御史所奏。皆斷不可行。至大挑舉人。原為疏通寒畯。以免淹滯。其中年力精壯者。自應列為一等。俾得及鋒而試。即年齒稍長。而精力未衰。亦可與民社之選。若年力近衰之人。則應列為二等。俾膺司鐸。以遂其讀書上進之願。惟在派

出之王大臣等仰體朕意秉公挑選自必與論翕然不在多為條例也將此通諭知之○又諭步軍統領衙門左右翼扣留摺雪步甲賞項一案所有業經供認得受扣留賞銀之鑲白旗副尉六十九委協尉清恒著委協尉圖明阿步軍校松伊納保德倭成額噶爾炳阿鑲黃旗協尉傅音布副尉常雲富申阿林均著即革職歸案辦理其餘各旗協尉等官如果訊明委無入己情弊者著即各回本任當差其辦理不善之處仍著聽候部議至此項賞銀原應覈實分給摺雪步甲乃左右翼輒將賞項扣留分給內廷打掃段雪步甲並分給外郎跟役海巡人等似此任意通融辦理易啟影射之弊不可不嚴行禁止明定章程以期均沾實惠嗣後各處地面摺雪步甲與在內廷打掃段雪之步甲及稽查督催書寫花名手摺之外郎海巡人等應如何分別多寡酌量賞給並置辦筐槓繩索等項費用

若干著步軍統領衙門詳悉妥議具奏毋得仍前率意扣留分給以昭覈實○予陝西追賊淹斃把總陳奏凱祭葬卹蔭兵丁楊文魁等三十六名賞卹如例○戶部議准陝甘總督長麟疏報迪化州及烏魯木齊蘆草溝開墾地六十畝照例升科從之○緩徵陝西被賊被旱之留壩鳳襃城南鄭城固洋西鄉寧羌沔畧陽安康漢陰平利洵陽紫陽白河石泉寧陝孝義商山陽雒南商南鎮安二十四廳州縣新舊額賦○壬午以戶部左侍郎高杞都察院左副都御史陳嗣龍知貢舉禮部尚書達椿工部尚書彭元瑞為會試正考官兵部右侍郎平恕工部左侍郎蔣曰綸為副考官○癸未諭內閣前月拉旺多爾濟代遞齊齊哈爾副都統恒伯叅景熠密摺一件當即派令瑚圖靈阿繼善賡音等前往黑龍江密行查辦景熠如果剛愎縱恣得受餽送該副都統原應具摺叅奏何難差人齎遞現今

各省督撫將軍副都統等奏摺皆係奏事處接遞從無壓擱之事即有密陳事件亦可直達朕前不致稍有洩漏三年以來已有千餘封矣且朕親政後並未有另派大臣專收密陳封奏之旨乃恒伯將叅奏景熠之摺不由奏事處投遞必交拉旺多爾濟轉遞心懷猶豫恐奏事處知係叅景熠之摺不肯轉遞試思當日和珅之專擅縱恣四年正月初八日叅和珅之摺尚且直達朕前何況今日朝臣

皆係奉公守法轉有奏事官員竟敢私拆封奏耶況交付拉旺多爾濟仍須奏事官員遞送豈拉旺多爾濟親手付與朕乎恒伯糊塗取巧可惡之至本日遞到恒伯由驛馳遞之摺又經兵部於隨咨內拆出不全密奏摺底一件當經豐紳濟倫等將來咨及摺底一併呈出朕加披閱即係前此叅奏景熠摺稿在恒伯之意恐前交拉旺多爾濟代遞之摺未經陳奏復恐呈遞後朕留中不辦殊不知伊

所奏之事朕立即降旨派瑚圖靈阿等即日前往查辦伊尚於摺內稱前此恭具密摺今已月餘猶未奉到諭旨耶試思恒伯密摺如果朕留中未發而伊竟於投遞兵部隨咨內將摺稿附入令兵部堂司各官共相拆閱豈不轉將密奏事件自行洩漏乎恒伯種種謬妄愚而且詐著交部嚴加議處將此通諭知之尋議革職得旨恒伯革去副都統其獲咎之處與伊世職無涉著加恩仍留奉國將軍

○以護軍叅領來儀為齊齊哈爾副都統○雲南巡撫初彭齡以親老請改京職允之調貴州巡撫伊桑阿為雲南巡撫以江寧布政使孫曰東為貴州巡撫直隸按察使同興為江寧布政使調福建按察使瞻柱為直隸按察使以直隸清河道喬人傑為福建按察使○甲申諭內閣軍機大臣議駁保寧等奏請開採金砂一摺所駁甚是塔爾巴哈台所屬各處金礦乾隆年間曾經伍彌烏遜等奏

請採挖欽奉

皇考諭旨。令將達爾達木圖等處創挖金砂之處。嚴行禁止。即實力遵行。尚恐不免有偷挖之弊。今若官為開採。勢必招集多人。奸良莫辨。並恐內地甘涼一帶遊民。紛紛踵至。此等無藉之徒。聚之甚易。散之則難。於邊地殊有關繫。此事本係保寧令貢楚克扎布松筠前往察看。奏請開採。而主見必係松筠所出。伊前此再三懇弛私梟私鑄。其事斷不可行。經

聖旨奉

上

朕降旨嚴飭。今採金之議。仍然膠執前見。沾沾目前小利。並不計及久遠。保寧等輒附和其言。聯銜具奏。均屬非是。保寧貢楚克扎布松筠。俱著傳旨申飭。仍著保寧等將產金處所。嚴行封禁。勿令偷挖滋事。○旌表逼嫁捐軀直隸開州民李珩妻宋氏。○乙酉。諭內閣。給事中馬履泰奏。請除外省官員上衙門俗例。以歸覈實一摺。甚屬無謂。外省官員承辦公事。有須稟請上司斟酌施行者。原應親身

聖旨奉

上

謁見督撫。面為指示。方能辦理妥協。從前督撫中。如福康安、李侍堯等。往往性耽安逸。俾晝作夜。在署酣飲演劇。不能夙興接見屬員。商辦事務。以致吏治廢弛。實衆所共知。共聞者。今馬履泰乃以外省督撫。每日卯辰接見。司道文武職官。挨次傳見。俱為無謂之應酬。豈各省督撫。安坐衙署者。不致誤公。而勤見屬員者。轉致廢事乎。至稱上司接見屬員時。列坐閒談。所言亦非盡公事。該給事中並未目擊。各省督撫接見屬員。如何談論。又何所見。而云然。且外省官員。司道以下。均須督撫考察。而府州縣等官。則司道亦應考察。若上司竟不接見屬員。何以知其賢否。況該給事中稱屬員謁見上司。已午方散。往往秉燭莅事等語。屬員等於已午既散之後。正可各在本署辦公。何至事有貽誤。若秉燭治官文書。有何不可。豈得與卜夜沉湎者比。即如朕每日清晨召見大臣等。面詢一切。隨時指示。實

為勤政良法。若如馬履泰所言。各部院大臣止應在衙門辦事。概無庸入直待召。有是理乎。馬履泰妄逞臆見。所奏實為紕繆。著傳旨嚴行申飭。原摺擲還。並將此通諭知之。○除旗地續增租銀。又諭直隸省回贖旗地租銀。因地方官經理不善。以致每年均有拖欠。伊等既經徵不力。轉藉稱乾隆二十九年。三十七年。曾經英廉錢汝誠。及司員朝璧等兩次酌增租銀十三萬餘兩。為數較多。以致不能徵收足額。節經前任督臣胡季堂等奏請調劑。迄無善策。而汪承霈近復有將官地變價之請。事涉紛更。尤為非體。今思旗租積欠。既以兩次增租為詞。著加恩將此項回贖地畝。兩次增租銀十三萬三千八百二十九兩零。自今歲為始。全行減免。該督即將此旨刊刻。謄黃曉諭。並將某村莊某處地畝減租若干。明白宣示。以杜吏胥等影射滋弊。並造具清冊報部查覈。其餘額徵租銀。著該督及該藩

司督飭經徵各員。年清年款。毋許仍前延玩。儻此次施恩之後。又有短少租銀。除將所欠之數著落即行分賠外。仍將經徵不力各員。及該管上司。嚴行懲治。○額勒登保奏報擒獲首逆王廷詔出力員弁。擢藍翎侍衛定色。鼐為頭等侍衛。藍翎長德勒奇善為三等侍衛。餘升賞有差。○以大理寺少卿富星額為太僕寺卿。○丙戌諭內閣。此項摺雪步甲賞銀。該翼尉等原應覈實辦理。按名發給。俾兵丁得咸沾實惠。即云內廷等處打掃段雪兵丁一體當差。均應賞資。亦應奏明另行給賞。或於賞項內酌量分給。乃該翼尉等竟擅自通融辦理。已屬非是。甚至協尉等從中染指。跟役等坐分賞項。並伊等飯食。亦於此內開銷。尤屬假公獎混。至扎勒罕布。每次召對時。惟於見步軍統領坐次及公文內書名等事。嘵嘵不已。自占身分。其平日聲名。風聞亦屬平常。又失察屬員侵用官銀。業經革職。著照

擬鞭責發落。岐山平日人尚小心。其所管屬員。尚無侵冒入己之事。業經革職。著加恩賞給粘竿處拜唐阿。以觀後效。至步軍統領衙門私用步甲一事。前年正月內早經降旨飭禁。今查訊各供內。惟左翼總兵恭阿拉名下。並無跟隨步甲得賞之事。可見伊不用兵丁跟隨。尚知守法。明安甫經簡任步軍統領。即私用步甲四人。分得賞項。實屬不合。著交部察議。國霖係右翼總兵。私用步甲至十三名。較之明安增多兩倍。俱分得賞項。尤屬非是。著交部議處。明安、國霖二人。並著傳旨申飭。此項跟隨步甲。飭禁未久。仍復私行擅用。將來日漸加增。豈不又如從前和珅私宅內步甲供廝役者。竟至千有餘名乎。於營務大有關繫。嗣後步軍統領。左右翼總兵、翼尉等。毋許私用步甲一名。儻經此次飭禁之後。尚有陽奉陰違者。經朕訪聞。或被人叅劾。必當從重治罪。○又諭倭什布奏武漢一帶飢難各

民。分別妥為安撫。地方悉臻寧謐。一摺覽奏。稍慰漢陽漢鎮就食民人。自應亟為安頓。今倭什布與司道等。公同籌酌。將外來難民。飢民。分別大小口。給與銀兩。飭令各歸原籍。其武昌就食貧民。倭什布照漢鎮之例。各給口糧兩月。散歸本處村莊。所辦俱好。至散給銀米。該督撫各捐廉銀三千兩。司道府縣共捐銀六千兩。急公可嘉。自應分別甄敘。書麟現在帶兵勦賊出力。又捐廉助賑。著施恩加一級。倭什布辦理此事。諸臻妥協。又復捐廉。著加恩升為三品頂帶。仍賞戴花翎。俟楚省大功告竣後。再加恩賞還巡撫頂帶。其捐廉之司道府縣。著倭什布查明咨部。給予紀錄二次。至官捐廉銀不足之數。經漢鎮匣商如數捐出。共襄義舉。甚屬急公。著倭什布查明與漢鎮、武昌、黃陂商民。一併咨部。照例給與議敘。○實授楊遇春為甘肅提督。○先是陳文緯在河南按察使任內。失察處分部議停支。

養廉及升任山西布政使。仍冒支銀六千四百餘兩。經部議以革職。得旨。陳文緯在山西任內兩年。尚無別項劣蹟。且曾辦理河工事務。著加恩。令其自備資斧。發往陝西。以同知通判用。○丁亥。

孝賢純皇后忌辰。遣官祭。

裕陵。○諭內閣。楊遇春前在副將任內。丁憂時。經惠齡等奏請。仍留軍營帶兵。彼時楊遇春職分尚小。亦未著有勞績。當經准其留任。未

曾別有加恩。嗣因其帶兵打仗。屢有軍功。是以洊升總兵。簡用提督。茲楊遇春已屆服滿。兵部照例題請實授。因思伊兩年以來。身歷戎行。未能回籍。經理喪葬。殊堪軫念。著楊揆於藩庫內撥銀三百兩。賞給楊遇春原籍家屬。以資費用。並著勒保將恩旨傳知該提督。令其無須分心家務。惟當倍加感奮。勦賊立功。俟軍務告竣後。即當賞假。令其回籍省看墳塋。用示體卹。○勒保奏連次殲斃首逆出

力員弁。賞都司羅思舉。巴圖魯名號。驍騎校那彥泰。花翎藍翎長海靈阿等。升擢有差。○以江蘇按察使張師誠為山西布政使。調江西按察使阿林保為江蘇按察使。以廣東鹽運使永慧為江西按察使。○旌表守正捐軀直隸武邑縣民趙秉畛妻蘇氏。○己丑。

上詣

雍和宮行禮。

宣仁廟

凝和廟

火神廟拈香。○旌表守正捐軀直隸灤州民郝孔智妻鄭氏。○庚寅。諭內閣。向來各省情實人犯。秋審後。仍歸州縣監禁。奉到部文。即在本處地方辦理。嗣因廣東省嘉應州處決斬犯該州等。並不親往法場監視。以致行刑時。未將該犯斬首。竟被逃匿一案。恐此等重囚。即在本州處決。不足以昭慎重。將各州縣情實各犯。俱在臬司等衙門監禁。聽候部文。

辦理嗣又因省城監禁情實人犯過多山東省司監即有越獄之案前年經胡季堂面奏特交軍機大臣會同刑部議覆仍將各省秋審人犯照舊例發回各州縣監禁屆期分別處決地方官承辦事件孰有大於此者乃本日刑部具奏河南省竟有將絞犯袁記誤行處斬之事此案據吳熊光咨稱該縣楊繩武接奉部文即豫備絞棍索插明標記移會把總等將袁記綁赴法場以兵役均不識字

青縣志下

主審

誤行處斬該縣與把總喝阻不及等語情節多有支離此次秋審勾決若鎮平縣監內斬絞之犯或有數名臨時行刑錯誤尚屬情理所有今該縣秋決重囚只有袁記一名且袁記係屬絞犯一經接到部文兵役等即不應攜刀前赴法場何至臨時錯誤至所稱豫備絞棍棍索及喝阻無及之語顯係飾詞搪塞看來該縣並未親往僅移交把總監視而把總又委之兵役其中兵役等或竟懷挾宿嫌

故行殘害亦未可定該縣等於處決罪囚漫不經心其輕視人命已可概見即應專摺嚴叅乃代理臬司彭如幹率據該縣等一面之詞轉詳巡撫而吳熊光亦並不詳覈情節將該把總等各職名歸入年終決囚彙題案內開叅各部完結殊屬含混吳熊光彭如幹俱著傳旨嚴行申飭並著交部議處鎮平縣知縣楊繩武把總安貴俱著革職拏問現在吳熊光帶兵在邊界巡防著先福提同案內人

青縣志下

主審

證兵役等詳細嚴究務得確情按例定擬具奏該藩司甫經到任自無所用其迴護也○以太僕寺少卿裘行簡為太僕寺卿○旌表守正捐軀江蘇豐縣民程寬亮女程氏河南扶溝縣民周幅妻田氏○辛卯諭內閣從前步軍統領等於私宅擅用步甲和珅任內竟多至千有餘名以入伍之兵供私家之用於營務大有關繫是以早經降旨飭禁而近日左右翼扣留摺雪兵丁賞項一案仍訊有跟

隨明安步甲四名。跟隨國霖步甲十三名之事。復經降旨申禁。嗣後步軍統領等毋許私用步甲一名。原以步甲均係官兵。各有應當差使。自不應任意於私宅擅用。視同廝役。茲據明安等奏。步軍統領及左右翼總兵查街救火及叫堆撥柵欄等事。必需步甲跟隨當差。即官員等亦有前項責任。不得不需用步甲。並據分別覈定名數。開單進呈。此等因公差使。與在私宅聽役迥不相同。該兵丁自應跟隨當差。嗣後步軍統領左右翼總兵及司員等。每日查街查夜。並該衙門繕寫文檔。看守各等處所需步甲名數。即著照明安等所擬分別輪流值日。下班兵丁即令各回本旗當差。不得占作額缺。亦不得於定額之外影射多用。至伊等私宅仍當恪遵前此節降諭旨。毋許擅用一名。以肅營制。○長麟奏報勦滅沂陽新起賊匪。得旨嘉獎。賞副將蕭福祿總兵銜。餘升賞有差。

實錄卷十

壬午

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十

實錄卷十

壬午

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十一

監修總管經歷司攝政官掌太子儀衛武殿掌太子別間領衛士稽察欽奉。上衛事仲處管理御事務執院掌院學士領帶加
二級奉常監經書省提攝總管掌太子儀衛別間一聖士管理刑部事務監獄官數司司理處捕起獲盜官掌太子儀衛別間漢軍辦事
稽察欽奉。上衛事仲處攝總管掌太子部內書翰執院掌院學士教習原書總管內務府臣總管稽察滿洲都統少軍機領管理一部三
庫奉宸苑清漪園等處總辦三姓處御膳房御藥房太醫院西洋堂事務算初一級隨帶加級奉常掌太子別間錢云云。其利經
攝總管掌太子儀衛御書書房均司武成總總管管理國子監事務加級隨帶加級錢銀四次。送送於奉

上詣

大高殿行禮。○德榜奏報追勦龍逆賊匪。生擒賊目趙志成等。得旨嘉獎。提督賽沖阿。下部議敘。賞二等侍衛慶昌。巴圖魯名號。兵丁賞賚有差。○癸巳諭內閣。大挑舉人。原為疏通寒畯。俾免淹滯。挑選時。並不試以文藝。祇就其人年貌。分別去取。立法遵行已久。亦斷無復行考試之理。而希榮干進者流。妄生冀幸。賄囑情求。均所不免。並聞從前大挑。有豫

先私許銀數封貯於挑得後憑票交兌者士
論沸騰去取未能允協嗣經劉權之條奏

皇考因特派皇子與大臣等公同揀選朕與成親王於乾隆五十二年六十年曾兩與其事

湖自乾隆三十八年癸巳已蒙

皇考密緘朕名。纘承大寶。而丁未乙卯兩次大

挑俱蒙

皇考簡派仰見

聖心於此一事。委任至為慎重。乃彼時即有人

將與挑舉子託言私宅賓友竟敢在朕前呈遞名條者朕與成親王密記所託姓名屏而不錄今其人尚在朝列亦不必明言使彼內愧於心耳試思內廷皇子尚有人敢於請託况王大臣乎此次大挑經朕派出王大臣等諒不敢為受賄營私之事而徇情聽囑實不能保其必無即有謹飭自愛者面為拒絕亦未必肯將囑託名條遽行陳奏但此等夤緣舞弊之徒若不嚴辦一二不足示儆今特明

頒諭旨如尚有向派出之王大臣暗遞名條請託者即著密封進呈朕必將囑託之人分別懲治王大臣給予甄敘儻有心隱匿存息事之淺見經朕訪聞或別經發覺定將王大臣一併治罪決不寬貸至王大臣派出後理應慎密關防從前朕蒙

簡派挑選後即同成親王在上書房住宿並恐伺候太監多係直隸籍貫與該省舉子或有認識往來因豫為防檢不令跟隨祇帶諳達

等二三人今派出王大臣等即著在紫禁城內住宿自擇謹慎家丁跟隨至多不得過三人勿離左右毋許逐日更換致滋物議其如何按照班次秉公挑選之處前降諭旨甚明著王大臣等遵照妥辦以副朕別獎遴選至意○又諭前據祖之望查出軍犯書德沿途假充犯官懇求書信各等情一案當即降旨將陳崇本孫玉庭陳蘭森等交部嚴加議處並諭令倭什布查訊確情具奏嗣經吏部議

處請將陳崇本等均照例革職彼時尚未據倭什布奏到未經降旨本日倭什布奏稱遵旨詢問陳崇本孫玉庭陳蘭森等均實給與書德信函陳崇本並曾幫助銀五十兩陳蘭森幫助銀八兩本應均照部議革職但念孫玉庭並未傳令書德進見亦未幫助銀兩僅給與書信較之陳崇本陳蘭森情節稍輕且該員平日居官聲名尚好若竟予罷斥殊覺可惜孫玉庭著革去頂帶加恩改為革職留

任八年無過方准開復陳崇本幫助銀兩較多陳蘭森助銀較少雖稍有區別而覈其情節均應革職但孫玉庭既已加恩改為革職留任該二員亦可量從末減陳崇本著加恩降為編修即著來京供職陳蘭森著拔去花翎加恩降補通判留於湖南交該撫差遣委用向來內外大小各官往往藉年誼世好書札往來私行囑託此等陋習相沿已久况並非年家故舊聽信假冒之詞輾轉請託恬不

為怪於官常吏治大有關繫此案朕尚從寬辦理嗣後京外官員等俱宜各加謹凜毋蹈干謁請託之弊儻再有似此致書囑託者一經發覺必當嚴行懲辦不少寬貸將此通諭知之○旌表守正捐軀河南鄭州民張二妮妻張氏○甲午

上詣

壽皇殿行禮

時應宮拈香○琉球國王尚溫以冊封王爵

遣使奉表謝恩恭進方物命留抵下次正貢賞賚如例○乙未書麟等奏報孫清元等鎗傷首逆苟文明並殲擒賊匪多名得旨嘉獎下部議敘弁兵升賞有差○長齡奏報分路進剿再逆賊匪殲賊多名得旨嘉獎總兵官楊奎猷等升敘有差○旌卹遇賊捐軀湖南守備張棟妻盧氏並被戕之幼子長春如例○旌表守正捐軀直隸長垣縣民湯桂妻翟氏江蘇荆溪縣民吳坤元妻繆氏○丙申額

勒登保奏勦辦南山賊匪出力員弁命總兵官穆克登布在乾清門行走賞已革副都統綸布春藍翎侍衛餘升賞有差○旌表守正捐軀江蘇震澤縣民周雲隴妻陳氏廣東四會縣民鍾紅勝妻余氏○丁酉

上御乾清門聽政○以故喀爾喀車臣汗扎薩克郡王瑪哈錫哩弟巴圖鄂齊爾襲爵○以太常寺卿多永武為大理寺卿翰林院侍讀學士亮保詹事府少詹事王綬為詹事○賞賢良後裔原任工部尚書湯斌四世孫生員念曾舉人一體會試原任廣西巡撫傅宏烈六世孫現任縣丞徽瓏知縣○旌表守正捐軀直隸磁州民羅長金妻張氏○戊戌諭內閣據吉慶瑚圖禮奏夷洋盜匪潛入粵洋上岸劫奪請將遂溪縣知縣翟察倫參將楊桂交部嚴加議處一摺翟察倫楊桂均有地方專責平日於臨海地面並未先事豫籌妥為防範以致洋匪登岸擄去男婦七人並牲畜

什物等件始行帶兵往拏實屬疏玩僅予交部嚴議不足示懲翟察倫楊桂俱著革職留於該處協緝俟此案匪犯就獲後再行奏明請旨○己亥祭

先農之神遣肅親王永錫行禮○諭內閣本年入春以來雨暘時若畿輔地方麥苗出土後俱極暢發本日時雨霽霽倍資長養麥秋可冀豐收實深欣幸現值恭謁

裕陵釋服之期典禮重大必應親往非尋常巡

幸地方可比敬思

皇考御極初年曾因青苗在地未謁

泰陵行二週年禮仰見

皇考軫念穡事艱難至意但釋服之禮較之二週年祭禮尤重不敢輟行而膏雨應時麥苗

芄茂正須善為保護以承

天貺朕廑念民依凡遇蹕路所經先派令大臣等管護民田毋許隨從人等於經過地方稍有踐踏禾苗之事在王公大臣官員等自能

仰體朕意必由正道兩旁行走惟所帶跟役

人等往往率意馳騁取道民田罔知顧惜及

官役前往查拏又增一番踐踏尤於大田無

益有損此次除特派管道大臣加意查察外

所有隨從之王大臣官員等俱著各將所帶

跟役諄切誡諭嚴加管束毋許馳驟麥田並

著直隸總督飭令地方官廣為出示一體禁

止以副朕慎重田苗保護民食至意如有隨

從跟役人等不遵約束任意作踐即立拏嚴

懲並將本主一併議處決不寬貸將此通諭

知之○又諭江西寧州地方於嘉慶三年秋

閒有逆匪劉聯登等滋事即時撲滅一案朕

聞彼時官兵未到之前該州士民各自保護

村莊同心抵禦以故賊匪不致蔓延立就擒

獲該撫雖經量加獎賞並未奏明辦理曾諭

令張誠基查明在事出力者據實具奏候朕

加恩茲據奏民人李君弼等五名或鎗斃首

逆或拏獲賊首武生梁韜等十名或把守緊

要隘口。或協同官兵殲賊。均係最為出力之人。開單進呈。民人李君弼著賞給把總職銜。溫逢堯。徐植三。陳秀鳳。詹茂林。俱著賞給外委職銜。仍詢明如願入伍。即令其隨營差操。遇缺補用。武生梁韜著賞給把總頂帶。監生梁岐。周泮。張映璧著賞給從九品頂帶。民人周海澄。周安國。張茂堂。吳耀寰。吳豫源。陳文選。俱著賞給外委頂帶。以示獎勵。該州士民等。敵愾同仇。知方向義。州治保護無虞。著將寧州改為義寧州。俾該處紳民顧名思義。益勉敦龐。用副朕嘉惠善良至意。○庚子。禮部以會試中額請。得旨。滿洲取中七名。蒙古取中二名。漢軍取中三名。直隸取中二十五名。奉天取中一名。山東取中十九名。山西取中十四名。河南取中十四名。陝甘取中十三名。江蘇取中二十二名。安徽取中十五名。浙江取中二十五名。江西取中二十二名。湖北取中十二名。湖南取中十名。福建取中十七名。

廣東取中十四名。廣西取中七名。四川取中十名。貴州取中八名。雲南取中十名。○予甘肅陣亡總兵官李紹祖。遊擊段逢春。千總孫永年。把總李攀龍。主照遠。尚坦。外委徐德建。馬順。張林。趙宗文。蔣芳。陝西陣亡叅將劉成得。千總馬廷魁。把總劉映昇。馬占熊。袁璋。張殿元。外委郭永錫。四川陣亡千總嚴正。把總杜耀先。祭葬世職兵丁李大盈等八百三十四名。土練博度等二百五十四名。鄉勇楊廷贊等一千二十名。賞卹如例。○予福建出洋淹斃外委薛國珍。許得榮。祭葬卹廕如例。○辛丑。上以高宗純皇帝三年服闋。行釋服禮。啟鑾恭謁東陵。○貴州鎮遠府屬偏橋長官司土官安定遠。因病告替。以其子汝棣襲職。以故四川土百戶安中子貞亞。那木扎勒襲職。○免蹕路經過地方。本年額賦十分之三。○是日。駐蹕

烟郊行宮○壬寅諭軍機大臣等瑚圖靈阿等奏查明齊齊哈爾撫卹口糧情形一摺據稱現在災戶人等正需接濟若俟黑龍江等處糶糧價銀再行給放不若即在庫貯銀兩內動用照市價折給等語此事總因景熠恒伯彼此各逞己見議論參差以致去年十二月應給之糧延至本年二月始行放給已屬遲緩又二月內甫放一次即以無糧停止災戶豈能久待著即照瑚圖靈阿等所請准其動用庫貯銀兩照市價按戶折給俾災戶早沾實惠仍嚴查侵冒等弊其災戶應領六月八月之糧亦准其作為一二次如數併月給予以贍生業而免紛繁又另摺奏協領德成呈控恒伯各款請將恒伯等解任質審一節德成所稟各款如果情實屬實自應於欽差到日即行呈控何以俟瑚圖靈阿等將恒伯所控景熠各款審訊的實始行控稟其所控條款俱係干涉恒伯之事看來或係景熠因

已革職拏問指使德成具控以圖報復且德成亦係恒伯所參短放俸銀之人遂爾聽從出名控告俱未可定但既經指控自當徹底根究恒伯前已革去副都統著解奉國將軍之任協領德成及德成所告之協領阿爾薩蘭俱著解任交瑚圖靈阿等審訊至恒伯挪用庫銀是否確實及收受蒙古女子或係為妾或僅為使女俱無難詳訊得實一併審明定擬具奏又德成控款內有新任將軍那奇泰於前歲進京之時恒伯令託勇武趕至中途索討用過稅錢一摺德成所控干係那奇泰只此一款現在那奇泰尚未到任著瑚圖靈阿等先向恒伯訊明如果屬實再行參奏請旨再另片奏訊恒伯稱前此親封奏摺後沒有檢點不知如何將不全摺底一片封入部文內等語此係密奏摺底恒伯豈有不謹慎收藏何至誤封兵部咨文內顯係支飾抵賴並著瑚圖靈阿等再向伊訊明實情具奏

○予陝西追賊淹斃把總王日暮外委蔡輝林祭葬卹廕兵丁吳瑞同等一百九名賞卹如例○旌表守正捐軀江蘇儀徵縣民陳朝正女陳氏○是日駐蹕白澗行宮○癸卯諭內閣琅玕等奏查明滇省社倉存欠各數酌請分別追賠減除一摺滇省各屬社倉至嘉慶四年止額貯穀麥苡青稞等共計六十萬五千四百四十石零現在實貯及賠解各項共抵除穀三十二萬四千九十石零尚缺穀

麥苡二十八萬一千三百四十九石零著照該督撫所請將經理不善之地方官各按銀數勒限嚴追儻逾限不完著照雜項錢糧例叅辦至從前辦理兵差民間津貼安家一項以民捐之穀還充民用著加恩准其於冊內據實減除毋庸另行籌補○諭軍機大臣等尹壯圖密奏請留巡撫初彭齡一摺據稱初彭齡莅任一年有餘清介率屬實惠在民能假以歲月則滇省元氣可復若驟易生手則

拊循未幾即匆匆去任殊失赤子之望等語大屬非是督撫久任方能有成朕與廷臣時常論及况初彭齡自擢任滇撫以來於地方公務實力整頓朕所深知前此奏懇解任養親朕本欲令其仍留滇任隨傳詢伊弟初喬齡據稱伊父母年逾七十衰病屬實因念初彭齡身任封圻遠在萬里之外聞父母在京多病心懸兩地恐致貽誤公事陳請歸養亦屬人子真情朕方以孝治天下自難不允所

請是以前降諭旨准其改補京職今尹壯圖以滇省民情愛戴欲留初彭齡在滇勿令歸養試思尹壯圖亦因母老回籍侍養之人獨不念初彭齡雙親俱已年邁而轉拂其孝養之忱乎已所不欲勿施於人若初彭齡可以留滇則尹壯圖亦當來京供職矣在初彭齡既經具摺請養斷無授意尹壯圖令其奏留博此虛譽而尹壯圖以在籍紳宦竟敢越分干與本省大吏去留若各省紳士相率效尤

紛紛保留成何政體豈不貽明季惡習乎又另摺奏滿洲子弟宜於十五六歲以前專責以熟讀經書講明理義俟心性融澈精力完固再責以騎射繕譯更易為力等語尤屬純繆本朝家法以國語騎射為重從前定鼎之初滿洲人林並未嫻習漢文不能漢語而建功立績勲業昭然此時設尚有其人區區教匪早已殄除是今日滿洲風氣實不如從前之務勤本業而尹壯圖乃以繕譯一道必先通曉漢文易於明透伊並不知清文義理為此瞽論况滿洲國語本應不學而能而騎射亦須童年練習若如尹壯圖所言必俟十五六歲以後始行學習安能精熟朕方諄諄以國語騎射為滿洲根本屢經訓飭尚恐未能盡副朕望今欲使滿洲子弟於十五六歲以前專習漢文豈不更將本業荒廢耶朕前此加恩賞給尹壯圖給事中御令其在籍奏事原為該省地方官吏或有廢弛貪黷之事督

撫隱匿不奏伊得隨時具摺密陳乃尹壯圖竟欲干涉朕用人大權並將從前具奏滿洲讀書應試曾經駁飭之事復行瀆奏更張本朝成法本應治以妄言之罪但朕正當求言之際不肯以言罪人著伊桑阿將原摺擲還尹壯圖並著傳旨嚴行申飭此後遇有地方不公不法事件仍准其具摺密陳若再似此謬陳臆說之論必當治以妄言之罪不能再為寬宥也○是日駐蹕隆福寺行宮翼日如之○甲辰

上恭謁
昭西陵
孝陵
孝東陵
景陵隨恭謁
裕陵俱未至碑亭即降輿慟哭步入隆恩門詣寶城前行禮躬奠哀慟王以下文武大臣官員。

均隨行禮○諭內閣去歲福長安僅生瘡癰即託故並未詣

陵當差今復敢以腿疾呈請回京醫治實屬膽大上則

皇考陵寢所在下則伊父墳墓亦在左近福長安若稍有天良何忍輕離竟欲回京耶無

君無父殊為可惡綿億弘謙成林並未斥駁率

行據呈具奏亦屬大謬成林前在軍機章京上行走時福長安方任軍機大臣今福長安

實錄卷八十二

十一

雖經獲罪不免心存見好是以有此瀆奏尤屬卑鄙無恥福長安著即革職發往盛京作為披甲交晉昌嚴行管束數年後再觀後效福長安之子錫麟亦著隨往盛京即以該處防禦補用綿億弘謙成林俱著交該衙門嚴加議處外綿億著革去都統及管圍大臣隨同王公等照例上朝正藍旗蒙古都統員缺著弘融補授管圍大臣員缺著額勒登保補授成林著拔去花翎革退內務府大臣馬蘭

鎮總兵補授盛京副都統即著於本日押帶福長安起程福長安在途如有他故惟成林是問成林所遺內務府大臣兼馬蘭鎮總兵員缺著興長補授興長所遺正紅旗漢軍副都統員缺著慶溥調補三姓副都統員缺著額勒亨額調補永碩到

陵時福長安業經具呈永碩並未阻止亦隨同

列銜具奏永碩著交宗人府議處○乙巳上恭詣

實錄卷八十二

十二

裕陵行釋服禮未至碑亭即降輿慟哭步入

隆恩門詣

寶城前黃幄奠獻行禮送

冠服篋至燎所跪奠畢慟哭良久勉釋縞素乃

退王以下文武大臣官員均隨行禮○長麟

奏勸辦沂陽縣及瓦房溝賊匪出力員弁賞

守備狄廷杰五品軍功胡文秀譚恩楊樸王

桐劉文魁隨營辦事主事奇明花翎把總沈

培等藍翎○免陝西被賊滋擾之商州商稅

缺額銀○是日迴鑾駐蹕白澗行宮○丙午旌表守正捐軀安徽含山縣民彭谷餘妻竇氏○

上以釋服裕祭太廟自是日始齋戒三日○駐蹕烟郊行宮○

實錄卷十一

十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十二

嘉慶六年辛酉夏四月丁未朔享太廟遣鄭親王烏爾恭阿恭代行禮○上還宮○諭內閣朕此次謁陵釋服回京有山西省已革舉人薛載熙在烟郊接駕朕記其名姓係屢經接駕且曾經考試詩句平常飭令回籍者復命以詩題再行考試所限官韻甚窄並令軍機大臣派員監考所作詩句尚屬明順因令檢查原案當經查明從前薛載熙中式時於乾隆五十四年覆試文理尚無大疵惟詩句粗率奏請停科

嘉慶六年辛酉夏四月丁未朔享太廟遣鄭親王烏爾恭阿恭代行禮○上還宮○諭內閣朕此次謁陵釋服回京有山西省已革舉人薛載熙在烟郊接駕朕記其名姓係屢經接駕且曾經考試詩句平常飭令回籍者復命以詩題再行考試所限官韻甚窄並令軍機大臣派員監考所作詩句尚屬明順因令檢查原案當經查明從前薛載熙中式時於乾隆五十四年覆試文理尚無大疵惟詩句粗率奏請停科

經

皇考加恩寬免。曾經會試一次。嗣於是年十二月間。和坤等議覆科場事宜一摺。夾片內以薛載熙覆試詩句粗率。與伊中式之卷不符。難保無代倩情弊。請將該舉人追革在案。是薛載熙斥革舉人。本非

皇考之意。和坤辦理此事。實屬有意從刻。原不足以服薛載熙之心。今薛載熙考試詩句。較前稍勝。伊籍隸山西。似此詩律。尚不致干擯斥。薛載熙著加恩賞還舉人。下次准其一體會試。○又諭朕由黃木廠尖營啟行。忽見一人騎馬奔馳。訊係隨從莊親王綿課之人。著交刑部照銜突儀仗例治罪。綿課係領侍衛內大臣。查管御道乃其分內之事。今尚不能約束家人。豈可仍居要任。綿課著不必在內廷行走。革去領侍衛內大臣。都統閱兵大臣。並花翎黃馬褂。加恩留其王爵。仍交宗人府嚴加議處。從前

皇考每次巡幸。朕在藩邸時隨行。只帶諸達一人。哈哈珠色一人。乃各王公大臣御前侍衛等。競尚虛文。先令多人前行。至宮門外擁擠伺候。實為惡習。著通諭諸王大臣等。務各訓飭家人。凡御路及宮門左近處所。不許任意行走。如傳諭後。僅有復蹈故轍者。除將該跟役照例治罪外。仍將該家主一併治罪。○以睿親王寶恩。為正黃旗領侍衛內大臣。調鑲黃旗漢軍都統成德。為鑲藍旗滿洲都統。鑲藍旗蒙古都統達椿。為鑲黃旗漢軍都統。以正黃旗護軍統領阿蘭保。為鑲藍旗蒙古都統。調正白旗護軍統領德麟。為正黃旗護軍統領。以鑲黃旗蒙古副都統珠爾杭阿。為正白旗護軍統領。調正白旗蒙古副都統和寧。為正紅旗滿洲副都統。以頭等侍衛慶長。為正白旗蒙古副都統。○戊申。停圓明園軍機處值日之科道官。○撥廣東鹽課銀二十萬兩。解往四川。兩淮鹽課銀五十萬兩。分解湖

北陝西。以備軍需。○以太僕寺卿袁行簡為河南布政使。○乙酉。

上親詣

太廟。行祫祭禮。○太常寺卿多永武。以讀祝錯誤革職。仍命在太常寺効力行走。遇祭祀日。准用六品頂帶執事。○庚戌。

上詣

大高殿

恩慕寺

恩佑寺行禮。○辛丑。幸圓明園。○詣

安佑宮行禮。○辛亥。諭內閣。額勒登保奏肅州

鎮總兵豐紳現丁母艱。懇暫行留任。豐紳帶

兵有年。打仗尚屬奮勇。著仍留總兵之任。並

加恩賞銀二百兩。由廣儲司動用。交伊在京

家屬收領。俾資喪葬之用。以示體卹。○諭軍

機大臣等。額勒登保奏丹逆西竄入甘。因總

兵楊奎猷等勒賊失事。楊奎猷及叅將羅全

亮均革職枷號。遊擊劉滿貴著革職作為兵

丁効力。所有涼州鎮總兵員缺。著蕭福祿補

換。額勒登保現由唐藏一帶追勒丹逆。其高

馬等匪。即交楊遇春。格布舍等。同川省官兵

會剿。至寧陝防堵事宜。責成劉之仁。督率新

放各營弁巡防。毋再令賊匪竄入南山。將此

諭令知之。○儀親王永璇奏。正紅旗滿洲

副都統英和。三月有餘未至衙門。得旨英和

革退副都統。並毋庸署理。正藍旗漢軍副都

統事。○調正白旗護軍統領珠爾杭阿為正

紅旗滿洲副都統。以內閣學士吉綸兼正藍

旗漢軍副都統。○以詹事府少詹事那彥成。

翰林院侍讀學士茅元銘。左春坊左中允蘇

勒通阿。充日講起居注官。翰林院編修帥承

瀛。檢討何學林。署日講起居注官。○壬子。諭

內閣禮部奏琉球國使臣呈稱。該國此次恭

進謝恩方物。懇予賞收。免抵下次正貢。該國

王因特賜御書扁額等件。專遣使臣呈進謝

恩方物。曾經該部具奏。降旨准作下次正貢。

原以昭體卹而示柔懷。今據該使臣呈稱伊等臨行時國王再三諄囑懇請准予賞收。免抵下次正貢。具見該國王抒忱致悃誠懇可嘉。著照所請。此次所進方物准予賞收。下次正貢屆期該國遣使來京時再當優加賞賚。用昭柔惠遠藩至意。該部即傳諭該使臣。令於回國時轉告該國王知之。○癸丑

上還宮。○諭內閣給事中周元良奏請崇樸黜華。飭諭近侍王公大臣於一應婚喪服色務敦節儉。並請勅交禮部將民間婚喪嫁娶居室車馬服色查明定例示禁。所奏皆係久經飭諭之事。且有勢所難行者。朕素喜節儉。一切起居服御從不肯稍事紛靡。自親政之初即降旨停止貢獻禁絕苞苴以期轉移風氣。日就敦龐。乃朕天性使然並不因在二十七月之內務從簡約。若釋服之後由儉入奢又尚繁麗此時亦不必辯說。久當共知朕意矣。前因釋服屆期恐內外臣工因朕即吉或有

呈遞如意等事。早經豫為飭禁。現在一切典禮俱已完備。朕持服之期有盡而感慕之思無窮。至於躬行儉德為天下先。俾海宇漸還淳樸。此尤永矢弗渝之素志。方今生齒日繁即果能相率以儉。猶恐日用不足第由奢返儉其事不易。亦惟有默化潛移。庶風俗益敦古處豈在多為厲禁。且官民婚喪嫁娶及居室車馬衣服貴賤原有等差。但亦止能禁其僭越無等。如衣服中貂褂其不應穿用者。疊經降旨嚴禁。以示防閑。其民間婚喪一切用度或豐或嗇俱係稱家有無豈可官為之限。若如該給事中所奏勅部定制通行。是使不肖吏胥得以從中訛索。徒滋紛擾。而於化民成俗之道仍無裨益。至請禁內城開設戲園一節朕於嘉慶四年四月內即明降諭旨。所有內城戲園一概永遠禁止。不准復行開設。並諭令原開戲園之人別營生業。該給事中豈未之聞。近因釋服以後恐內城地方或有

希圖牟利。私行違禁開設之事。朕復諄諭步軍統領嚴行查察。亦不待該事中陳奏始行飭禁也。周元良原摺著發還。○以常零祀

天於

園丘。自是日始齋戒三日。○甲寅。承恩侯恭阿拉父恭保故。照公爵例賜卹。謚恪慎。○予湖北陣亡頭等侍衛江鼎。遊擊善福。千總郭錦標。把總張錦富。外委韓景祥。盧榮祖。馬得順。四川陣亡外委張存義。張得珍。祭葬世職。兵丁高天福等二百二十名。遣犯蒙古色吉爾等二名。賞卹如例。○除江蘇上海縣卅沒田額賦漕糧。○乙卯。

上詣

南郊齋宮齋宿。○諭內閣。本月十四日覆試新進士。本令在乾清宮考試。惟念本科中式人數較多。天氣漸熱。恐不免擁擠。著在保和殿覆試。此後即著為定例。○又諭。前因費淳跌傷左足。步履維艱。懇請解任。特降旨允其所

請。並加恩令其暫行回籍調理。不必開缺。今據費淳覆奏。左足現已消腫。步履漸可照常。現已咨明岳起。不復交卸。以免輾轉遞署之繁。所奏甚是。內外臣工。同為國家宣力。身任地方者。原不應希冀內用。而在京奉職之員。亦不必羨慕外任。惟在實力辦公。各揚其職。且封圻任重。為督撫者。皆當仰體朕用人之苦心。豈可因偶抱微疴。意存諉卸。況兩江事務殷繁。若費淳遽行回籍。則督撫藩臬。皆須輾轉遞署。未免紛繁。茲費淳並不拘泥遵旨。解任回籍。能以地方公事為重。深得大臣之體。惟當安心經理。以副委任。其前此奏請解任。及藩臬以下應行遞署之處。俱不必言矣。○又諭。本年大挑各省舉人。聞有廣東舉人顏樾。業經王大臣公同挑取一等。後因張若渾稱係直隸布政使顏檢之弟。王大臣等有意避嫌。當即扣除。朕本欲俟會試揭曉後。另行加恩。今榜發未經中式。顏檢平日居官公

慎伊弟本已挑取一等。未便因顏檢係屬大員轉行扣除。顏機著加恩仍作為一等。照例掣籤分發試用。○又諭朕因原任大學士蔡新宣力年久在籍身故。特降旨令該省巡撫於伊孫中選擇一二人。送部引見。嗣經吏部將蔡新之孫舉人蔡行達帶領引見。因其現屆會試。本欲俟伊中式後再行錄用。茲已揭曉。未經取中。著加恩賞給進士。准其一體殿試。○賞會試年老舉人尹秀生等司業檢討。助教學正銜有差。○賞頭等侍衛永懋。副都統銜為古城領隊大臣。○丙辰常雩祀天於圓丘。上親詣行禮。○幸圓明園。○丁巳諭內閣。日前姜晟顏檢等懇請於本月十五日進京叩賀行禮。俱經批飭不准。茲復據提督特清額布政使同興因冊立皇后盛典。奏懇趨赴宮門恭申慶賀。並聲稱

於是日隨同族衆聯班叩賀。殊屬非是。皇后正位中宮。朕登極後早經冊立。茲已即吉。特舉行一切儀文。頒發恩詔。前曾降旨諭令中外臣工停止慶賀表箋。且皇后同族中鈕祜祿氏在外居官者甚多。若相率具摺奏請來京叩賀。有是理耶。文武地方官均有職分應辦之事。何得云該省現無要務。擅離職守。豈在京官員事務較簡。亦可任意出京曠職乎。特清額同興俱著傳旨申飭。伊二人即使到京。朕亦不予進見。並不令其隨同行禮。立即斥回。同興於瞻柱接印後。著來京請訓。再赴江寧新任。特清額於巡閱回程。著即赴本任。並將此通諭知之。○又諭各省俱有設立保甲。以緝奸宄而靖地方。節經飭令各該督撫實力奉行。至京師為輦轂重地。五方雜處。尤易藏奸。自應加意整飭。以收實效。從前因京城廟宇租給客民居住。往往容留匪人。潛滋事端。曾經降旨只許候補

候選及引見官員耆紳人等查明來歷清楚暫為租住其無籍之徒毋得概行停留並令步軍統領及各衙門隨時稽查年終彙報訓諭至為明悉乃本日明安等奏西四牌樓九天廟內有居住之山東挑水民人刁珍等十四人鎖門潛逃後經看街官兵查出殿後有浮土一堆當即刨出屍身認係刁珍夥計林聰請將道人張二道士周端佩並住廟之張廣林等二十五人俱交刑部審辦等語此案

張二等將廟宇間房賃住刁珍等十四人之眾此外同住廟中者復有張廣林二十五人似此任意租給多人安保無盜賊匪徒潛蹤其內現在刁珍等業已破案著交刑部提集人證嚴行審辦其在逃各犯著步軍統領衙門順天府並移咨刁珍等山東原籍查拏務獲歸案嚴審定擬具奏所有該管地段各員弁於本屬廟宇容留多人致成命案漫無覺察著交部嚴加議處國霖係右翼總兵難辭

失察之咎著交部議處明安管理步軍統領為時未久且業經查出據實參奏著加恩免其議處嗣後京城內外地方各廟宇務須遵照節次諭旨實力稽查如再有似此容留多人釀成事端必將明安一併交部議處○以新故奉恩將軍西清額子廣玉泰襲職○以新授古城領隊大臣永慈母年老命留京授鑲紅旗漢軍副都統以鑲紅旗漢軍副都統吉勒章阿為古城領隊大臣○戊午諭內閣兵

部奏原任雲南提督本進忠之嫡長孫本治呈懇前赴四川軍營請賞給六品頂帶所奏非是本進忠前於平定回部時著有勞績擢為提督嗣因在騰越軍營病故蒙皇考俯念前勞加贈宮銜賞給銀兩並令將伊子俟服闋送部引見本福盛服闋後令其在巡捕營學習行走已屬恩施稠疊無可復加本進忠係在軍營病故並非陣亡人員其子本福盛亦非難痊該部率

行比照難廢人員未仕而故者補廢之例。請將本治賞給六品頂帶。前赴軍營。殊屬牽引附會。若此等軍營病故人員。其子孫俱紛紛照此呈請。豈概行賞給官職乎。除本治不准補廢。亦不必令伊赴四川軍營外。所有辦理錯誤之兵部堂官。著交部察議。主稿之司官。著交部議處。○以本年鄉試考試應開列試差人員於圓明園正大光明殿。○賞賢良後裔原任大學士李光地元孫康貢生維翰舉人一體會試。○己未諭內閣勒保奏查明川省捐輸銀數。請將嘉慶七年應徵地丁錢糧分別蠲免。此次辦理津貼非正供可比。該省民人誼切桑梓。急公尚義。實屬可嘉。著加恩照勒保所請蠲免之數。遞行加增。所有遂寧等十六縣著蠲免十分之四。大邑等十三州縣著蠲免十分之三。成都等五十七廳州縣著蠲免十分之二。以示獎勵。○額勒登保等奏報生擒首逆高三馬五及馬五之子。並將

賊夥全數掃蕩。得旨獎賚。○庚申。

上詣

大高殿行禮。

時應宮拈香。○還宮。○以冊立

皇后。前期遣官告祭

天

地

太廟

社稷。命

皇次子  告祭

奉先殿。○辛酉。

上御太和殿宣制冊立

皇后。王以下文武大臣官員及朝鮮琉球國使

臣等行慶賀禮。○命文華殿大學士董誥為

正使內閣學士普恭為副使持節齎冊寶冊

立

皇貴妃鈕祜祿氏為

皇后。冊文曰。朕聞圖闡坤珍。儷宸樞而著象。景

宣舒御凝寶曜以齊輝資福耦之克承表鴻儀而作配宮庭禮洽典冊光崇咨爾皇貴妃鈕祜祿氏粹毓名宗慶貽勛閎安貞中乎矩度應地時行敬順本於性成覩天祥定早從潛邸揚令德於輦榆夙奉彝章佐同功於蘭館列星妃之貴重璿掖升華增彤史之煒煌黼帷錫祉寶命篤椿庭之

鑒蕃釐行椒室之祥閱三載以屆期正中宮而協吉茲朕欽遵

皇考高宗純皇帝勅旨以金冊金寶立爾為皇后爾其敬仰

恩慈勉勤內載秉虔恭於盛敦肅禮灋於琚裳布仁惠之芳風翊昇平之郅治母儀尊於天下相須而成王化基自宮中端本而善丕膺顯命懋迓洪禔欽哉○命體仁閣大學士劉墉為正使內閣學士納清保為副使持節齋

冊寶尊封

婉妃陳氏為

婉貴太妃冊文曰翊坤儀而布化德茂前徽修壹教以延祚年登大耋式稽彝典益闡芳聲

皇考婉妃陳氏稟則柔嘉持躬肅慎

宵衣日侍小心夙著於椒闈宮翟中頒

恩眷久隆於星掖樹采珩之令範羣奉師宗標彤管之徽音宜崇位號謹以冊寶尊為

皇考婉貴妃於戲舒長歲月彌膺介祉以康寧

肅穆規型洵受期齡之福履謹言○命禮部

尚書紀昀為正使內閣學士吉綸為副使持

節齋冊印晉封

瑩嬪侯氏為

華妃冊文曰朕惟椒掖佐肅雝之化必賴芳型蘭閨彰柔順之聲宜襄中壺彝章允洽懿典式頒咨爾瑩嬪侯氏賦性靜專秉心恪慎寅承夙夜鳴環悉協於禮儀祇助宮庭分繭

克勤於婦職。是用晉封爾為華妃。錫之冊命。爾其益懷恭謹。答朕命之寵膺。彌勵謙沖。迭繁釐之懋集。欽哉。○命禮部左侍郎劉躍雲為正使。內閣學士台費蔭為副使。持節齋冊晉封。

貴人董氏為

淳嬪。冊文曰。朕惟教德容以帥屬。治肅六宮。展功緒而慎司。班躋五職。綸言寵逮。鞠采輝增。咨爾貴人董氏。早譽柔嘉。夙彰範範。敘椒

塗之茂秩。靜事惟宜。揆蘭掖之嘉稱。嫔修獨粹。是用晉封爾為淳嬪。錫之冊命。爾其徽章克荷。謹式度於彤闈。蕃祉造膺。朗升名於華券。欽哉。○命禮部右侍郎扎朗阿為正使。內閣學士王麟為副使。持節齋冊晉封

貴人王氏為

吉嬪。冊文曰。朕惟位正天闈。宜後星之增朗。教先婦學。允邦媛之攸司。綺觀升華。絲言錫慶。咨爾貴人王氏。紫庭助德。彤史摘辭。初履

善以含和。早流惠問。用延祥而集祉。宜荷芳名。是用晉封爾為吉嬪。錫之冊命。爾其榮盛致潔。無愆於明璫玉敦之儀。桑曲襄勤。克贊夫元純。錄選之典。欽哉。○飭禁捐廉辦公。特諭國家設官分職。務在養民培植民之生業。使之家給人足。各安其生。不致流而為匪。國本自固矣。是居官清正者為國之寶。貪黷者為國之害。其理信而有徵。若督撫為一方之表率。即古之諸侯。其經費原鉅。稍形匱乏。不肖者藉口搜括。百般科斂。固不待言。即清廉者亦失其素守。漸成貪吏。上下言利。國事尚可問乎。我

皇祖恐徵收火耗。漸至厲民。降旨明給養廉。贍身家。養廉恥。量職秩之崇卑。定用度之多寡。誠先養後教。至當不易之道。現今一切陋規。俱行裁革。只恃養廉為生計。若捐廉辦公。以何費用。豈不仍取之於民耶。我國家經費。歲用不下數千萬。偶遇水旱偏災。不惜帑金。立

施厚澤。此皆各直省大吏所親見者。何乃以涓滴之資。希圖見好。博能事之名。遂巧取之計。朕非好貨之主。不必以此嘗試。徒見輕於朕耳。近因湖北偶聚難民。正值軍需用度浩繁。書麟倭什布各捐數千金散賑。地方立即安堵。特予議敘。以獎其急公之舉。然此事終不可為法。恐流弊至於需索屬員。仍剝削朕之百姓。特書此諭。以儆官心。願吏治永清。民生永靜。藏富於民。國本自固。天子不問有無。奚較量此錙銖進奉。以為升轉哉。諸臣共體朕意。信守無忽。○諭內閣。據書麟奏。現因感受潮溼。胸腹脹懣。日漸委頓。難望即痊。深恐貽誤軍務。請簡員來楚接辦。回赴後路醫治等語。書麟歷任封圻。公勤素著。朕所深信。自調任湖廣總督後。督兵勦賊。不辭勞瘁。現在大功將次告竣。豈肯以偶抱微疴。輒思委卸。自因楚境氣候不時。山嵐蒸溼。書麟年近七旬。每日騎馬疾馳。以致感冒寒熱。積勞成疾。

所奏俱屬真情。朕心深為廕念。書麟著准其來京供職。伊本係協辦大學士。加恩補授吏部尚書。並派乾清門侍衛孟佳帶同御醫田廣福馳驛前往診治。書麟之子雲麾使吉郎阿。亦著一併馳驛同往省視。書麟接到此旨後。即緩程來京。現在天氣漸熱。途次不妨稍為憩息。並著田廣福沿途調治。以冀速痊。書麟未到京以前。吏部尚書事務。仍著慶桂署理。至湖廣總督員缺緊要。一時簡放乏人。倭什布辦理軍務。雖非所長。而於該省情形。尚為熟悉。著加恩補授湖廣總督。仍戴三品翎頂。所有湖北巡撫員缺。著全保補授。全保不必來京請訓。即馳驛前赴湖北軍營帶兵。與長齡明亮孫清元等。一同勦賊。所有楚省糧餉地方事務。責成倭什布一手經理。該督務須倍加感奮。諸臻妥善。以副委任。○又諭前因那彥成在甘省督兵勦賊。將高三馬五股匪。逼勒入川。所賸餘匪無多。那彥成並不躡

蹤搜捕以致日久蔓延及那彥成回京召見時奏對又多錯誤是以降調示懲今高馬二逆業已生擒影黨悉行掃蕩亦可稍全那彥成顏面且念係阿桂之孫前在軍營帶兵亦曾獲有勝仗那彥成著加恩交軍機處以副都統記名○書麟奏查明勒辦余家河茅倫山等處賊匪出力各員賞佐領色楞扎布副將王懋賞守備孫銳郭朝鳴花翎領催尚阿泰等監翎侍衛塔津保叅領富永升擢有差

○壬戌

上詣

大高殿行禮○以冊立

皇后禮成詔示天下詔曰朕惟坤維厚載順承成乾極之尊月道光華久照儷義暉之朗贊虞熙而輝化鴻鈞觀型緬周道以數祥洽陽作合紫庭詒範宣茂教於睢麟彤史延光崇上儀於禕翟肇新懿訓聿炳賢謨

皇后鈕祜祿氏榮闕揚芬高宸翊極靜協安

敦之義性迪箴圖懋修敬慎之儀恭循渠則暨宮有事從繭館以稽程燕喜攸占佐謀壇而介祉屬端闡之矜簡荷

慈諭以增封德表六宮班隆九御勛嗣徽其克協爰錫命之庸申嘉慶四年四月欽遵原奉皇考高宗純皇帝勅旨正位中宮襄勤內政茲屆禮臻即吉於焉典備允臧恭循成命以頒綸載考彝章而授節謹告

天

地

宗廟

社稷於嘉慶六年四月十五日行冊立

皇后禮成俾得敬承芝璽肅帥椒塗裕祺福以敦和長秋建式儀清寧而合撰函夏均禧嘉禮用成鴻施宜溥所有事宜開列於後○親王福晉以下至奉恩將軍妻室等俱加恩賜一民公侯伯以下二品大臣以上命婦著加恩賜一從前恩詔後官員有升職改任及加

級改銜者。照其職銜給與封典。一八旗滿洲蒙古漢軍婦人年七十以上者。照例分別賞賚。一軍民婦人八十以上者。照例分別賞賚。一上三旗辛者庫當差婦人。酌議賞賜。一各省老婦有孤貧殘疾無人養贍者。該地方官加意撫卹。毋令失所。一除十惡及謀殺故殺不赦外。犯法婦人。盡與赦免。於戲。綏履篤繩。承之祐。瑞炳蘿圖。紹衣綿昌。熾之符。慶基蘭掖。布告天下。咸使聞知。○諭內閣。書麟奏稱

患病懇請至軍營後路調理。當經降旨令其回京供職。其湖廣總督員缺緊要。因念倭什布辦理軍務非其所長。而於湖北地方情形。自應諳悉。是以將伊補授。仍令戴用三品翎頂。以觀後效。茲據德楞泰奏。年來湖北辦理糧餉。總不能隨時接濟。以致軍行乏食。賊匪不能剋期剿竣。實由於此。此次德楞泰追剿徐添德糧餉不繼。賴書麟捐給銀兩。俾兵丁沿途購買。得以無誤。其長齡明亮孫清元各

路軍糧。亦皆不能接濟。並據奏前歲德楞泰在湖北剿賊時。兵丁行走四十五日。僅得五日之糧等語。倭什布本由湖廣總督降補湖北巡撫。皆伊任內之事。昨年因該省辦理軍務。總未奏請撥餉。經朕降旨查詢。遂不待伊等奏請。節次撥發餉項。計本年兩次所發。已有六十萬兩。何至不能接濟軍食。前此伊等不奏請撥餉之故。不過欲圖見好。殊不思糧餉不繼。軍務一日不完。則軍需一日不減。所

費更大。且剿賊本以安民。朕從不於帑金稍有吝惜。即近日川陝兩省餉銀。亦皆不待奏請。先行撥發。朕豫籌軍食。時刻縈懷。豈忍令兵丁等効命戎行。枵腹從事。乃楚省數年以來。積玩因循。並不視為要務。自書麟到後。雖極力整頓。尚不能隨時接濟。倭什布在楚省督撫兩任。時日最久。其玩誤之咎。實無可辭。有忝封疆重寄。豈可復邀升擢。倭什布即著解任來京候旨。所有湖廣總督員缺。著吳熊

光補授。即馳驛前赴新任。其河南巡撫員缺著顏檢補授。亦著馳驛速赴新任。以便吳熊光交卸赴楚。○協辦大學士吏部尚書書麟卒。晉贈太子太傅。賞一等男爵。遣乾清門侍衛孟佳往奠茶酒。予祭葬。謚文勤。○命長齡暫署湖廣總督。俟吳熊光到任後仍赴軍營帶兵。○德楞泰等奏報。勦辦紅花煤等處賊匪。破斃賊首張允壽。得旨獎賚。賞還德楞泰雙眼花翎。總兵官孫清元。下部議敘。○又奏。

查明勦辦大寧和岡溪賊匪出力人員。賞千總李洪彥等藍翎。○調江寧布政使同興。為直隸布政使。河南布政使裴行簡。為江寧布政使。以河南按察使完顏岱為布政使。南汝光道陳鍾璫為按察使。○以廣東按察使吳俊。為山東布政使。湖南岳常澧道陳文。為廣東按察使。○癸亥。

孝端文皇后忌辰遣官祭

昭陵。○諭內閣。刑部審擬吳孝顯考差懷挾。請

比照科場懷挾之例。加等問擬杖徒。向來考試試差。自翰詹科道以下進士出身人員。俱得與試。擇其文理較優入選者。以備簡放主考。及鄉會試同考官之用。並不關繫黜陟。若自揣文理荒疏。或因病不能應考。原各聽其便。並未律以規避之條。且與考者俱係職官。應各知謹飭。向例並無搜檢以存體制。乃此次考差之宗人府主事吳孝顯。竟懷挾詩句。希冀逢題抄錄。入選得差。試思此等空疏。僥倖之人。一旦衡文。豈有不營私舞弊者。設或倖簡學政。於考試時搜出生童夾帶。反而自思。又將何以辦理耶。看來吳孝顯從前中式舉人進士時。亦未必無作弊之事。今亦不值深究。吳孝顯著照刑部所擬辦理。以示懲儆。嗣後御試各項人員。均宜各知自愛。朕亦不因吳孝顯此次懷挾。增一搜檢之例。但與考人員。儻再有似此懷挾者。一經查出。必當從重治罪。決不寬貸。○以駐藏大臣職任緊要。

升三等侍衛福寧為頭等侍衛。○貸山西永濟縣霜災貧民籽種口糧。並緩徵地糧鹽課有差。○甲子。諭軍機大臣等。前據伊桑阿奏報貴州銅仁等處苗匪滋事。當經降旨令琅玕迅速前往督辦。琅玕上年在貴州巡撫任內。辦理苗匪。甚為妥速。是以加恩擢任總督。茲復令其赴黔督辦。於該省苗情。較伊桑阿自為熟悉。而常明曾經勦辦苗寨。亦係熟手。諒可迅速藏事。現在初彭齡已准令來京供

職。滇省需人。彈壓伊桑阿竟當遵照昨旨。即往雲南接印任事。不必與琅玕一同在黔辦理。將此傳諭琅玕並伊桑阿知之。○又諭荆道乾奏。請通飭各屬。凡遇訟棍控案。概不必提訊。以免拖累。所見甚偏。朕前此明降諭旨。以嗣後遇有布散匿名揭帖。及在各衙門投遞者。俱不必辦理。專指隱匿姓名。誣捏訐告者而言。若一應詞訟。遇有不干己事。概不准理。則是是非曲直。全置之於不問。不惟負屈

含冤者。無從申訴。又安用設立地方官及法司為耶。且即為嚴懲訟棍。訐發陰私起見。亦必須體察輿訟緣由。平情審訊。自無難得其確實。若係飾詞誣控者。原設有反坐之條。而暗中唆使之入。亦即可究出嚴辦。豈概不准理。遂足以懲奸息訟乎。况朕廣開言路。兼聽並觀。一切輿情吏治。俱不使壅於上聞。若如該撫所請。於呈控之案。不必提訊。是朕亦可禁人陳奏事件。有是理乎。該撫所奏不可行。

惟當於地方詞訟。飭屬秉公審辦。斷不可稍存一偏之見。致冤抑無由申訴。此為最要。將此諭令知之。○乙丑。

上御勤政殿聽政。○諭內閣。明安等審訊刑部主事景祿家使女瑞姐。因毆身死一案。請交刑部等衙門問罪。覆奏一摺。此案因景祿係刑部司員。刑部堂官例應迴避。是以降旨交步軍統領會同內務府大臣嚴審具奏。明安等既傳集人證。審訊確實。自應照例分別定

擬乃以各該衙門向於刑名案件並未定過罪名。例無專條。恐引用未當為詞。止將案情聲敘。其應擬罪名。請仍交三法司覈辦。殊屬非是。上年拉旺多爾濟博興。派出審案。未將案犯罪名定擬。曾經降旨訓飭。明安等寧不知之。況明安等審明此案。景祿之妻曹氏將契買婢女瑞姐毆傷致斃。假裝自縊。其家人尹六等聽從裝點。坊官檢驗不實。以及景祿並不知情。咎止失察。均有一定例條。儘可查

照定擬。有何難辦。即如欽差前往各省審案。及外省問刑衙門。於一切案件審明後。皆係擬定罪名。勅部覈覆。斷無止敘案情。令部臣擬罪之理。明安等經朕派審。即與欽差無異。況案犯既在慎刑司羈押。法司並未過堂。又何從懸擬定罪。在明安等之意。不過欲避嫌怨。置身事外。儻法司問擬未當。伊等又將退有後言。殊屬取巧推卸。著傳旨申飭。仍著將此案查照例條。悉心覈擬具奏。○以大理寺

少卿窩星額為太常寺卿。○丙寅。引見己未科散館人員。得旨。此次翰林院散館之修撰姚文田。編修蘇兆登。主引之業經授職。其清書二甲之庶吉士趙在田。彭蘊輝。漢書二甲之庶吉士湯金釗。鮑桂星。史致儼。白鎔。梁運昌。陸言錢。昌齡。李本楡。程國仁。張師泌。彭良裔。俞恒潤。吳鼎。陳超。曾。汪。如。淵。毛。謨。俱著授為編修。清書三甲之庶吉士張鱗。漢書三甲之庶吉士覺羅桂芳。俱著授為檢討。吳其彥。

徐名。綏。曹汝淵。張惠言。陳鍾麟。黃鳴傑。戴聰。陳壽祺。汪桂。吳賡枚。石時。渠。李翊。朱詒。貴慶。趙敬。襄。周錫。章。趙。玉。吳榮光。花杰。李端。李象鵠。王鼎。楊世英。嚴。煥。何南。鈺。毛式。邵。孔。昭。銘。張述。燕。周開。謨。象。曾。林。天。培。任。伯。寅。盧。坤。許應。皆。廉。能。俱著以部屬用。楊汝達。丁履泰。王廷紹。賞。錯。蔣。雲。官。許。鎡。董。大。醇。胡。大。成。淡。士。濤。許。亨。超。祝。孝。憑。賴。勲。黃。郁。章。張。澍。莫。與。儔。俱著以知縣即用。○吏部議准。護理直隸總

督顏檢奏通水道所屬楊村通判駐劄處所距天津近而距通州遠應改歸天津道管轄至河道歲修工程挖淺防汛等事仍歸通水道管理從之○命大學士王杰董誥戶部左侍郎周興岱兵部左侍郎陳萬全內閣學士李鈞簡戴聯奎都察院左副都御史恩普陳嗣龍為殿試讀卷官○以生擒賊首高三馬五並王廷詔各功晉額勒登保二等子爵賞雙眼花翎提督楊遇春騎都尉世職副都統格布舍雲騎尉世職副將應元寬恩騎尉世職協領全德總管富禮善副都統銜擢驍騎校金保彥玉勒為三等侍衛賞叅領特依順保驍騎校馨保叅將張瑗遊擊李東宣巴圖魯名號副將色克通阿叅將張超遊擊興普都司劉琬魏尊德守備劉勝祥歐凱花翎領催布爾噶善等藍翎守備銜兵丁馬騰龍銀二千兩餘升擢有差○貴州巡撫伊桑阿奏報攻勦石峴苗匪擒獲黔楚各要犯得旨獎

賚賞還常明二品頂帶花翎副將劉廷奇等下部議敘○丁卯策試天下貢士馬有章等二百七十五人於保和殿制曰朕寅繼丕基勤求上理兢兢業業夙夜不敢康期於斟元闡繹熙績亮功比戶可封邪慝不作以庶幾道一風同之盛用是兼聽並觀廣開言路爾多士所共聞也茲當對揚伊始佇獻謏言以資採擇其敬聽朕命自唐虞授受一中開萬世之治要而堯典首欽舜典首恭實能體天以出治可推闡其義歟三代聖王後先一揆尚書而外經旨相通可類陳歟大學或問謂格致誠正以至修齊治平始終不外乎敬中庸或問謂中和位育極之聖神功化樞紐不外乎誠心法治法一以貫之者二書實括其全能申明朱子之意歟又若王通中說真德秀大學衍義邱濬大學衍義補諸書其言亦有合歟有司為親民之官撫字訓迪無不可以實心行實政記曰大臣法小臣廉言上下

能相承也。朕澄敘官方。加意整飭。顧侵漁之弊未盡除。黷墨之風未盡息。大臣已法而小不盡廉。豈真積重之難反歟。抑封疆大吏。所以董率而甄覈之者。尚未扼其要歟。周官六計。弊吏。漢法六條。察吏。良規具在。果何以踵行而共知濯勵歟。風化基於人心。亦教化所見端也。太平既久。踵事而增。今欲還淳反樸。而地大物博。何由使家喻戶曉。別等威而禁奇袤。朝廷俱有定制。何由使無僭越歟。必欲一一督責之。則又失六禮節性七教興德之本懷矣。朕躬行節儉。為天下先。士為四民表率。所以佐朕化民成俗者。果何道之從歟。保甲之法。昉於周官。地近則耳目易稽。人習則防閑尤密。無巡察之勞。而民不致有良莠之雜。法至善也。顧或奉行不實。不免姑息養奸。今欲申明舊章。嚴為考察。又恐吏胥苛索。致擾閭閻。效未著而弊已滋矣。懲盜於已然。終不若弭盜於未然。營汛墩堡之當修。寺院

庵觀之當察。亦保甲之一端。良有司何以稽覈而無弊歟。夫心法為宰化之原。吏治乃安民之本。挽澆漓以歸醇厚。除稂莠以殖嘉禾。皆制治之要也。多士各行所見。毋泛毋隱。朕將親覽焉。○諭內閣。昨日引見散館人員。除一甲進士三名先行授職外。其清漢書庶吉士內留館授職者二十員。用為部屬者三十員。用為知縣者十五員。因思各部額外候補主事。為數較多。此次以部屬用各員得缺。需時且現在滿洲及邊省翰林人數甚少。所有散館二甲進士內。以部屬知縣用之。吳其彥。張惠言。陳壽祺。李瑚。吳榮光。花杰。李端。李象鵠。王鼎。楊世英。胡大成。俱著加恩。改授編修。三甲進士以部屬用之。貴慶著加恩。授為檢討。其以知縣用之。王廷紹。蔣雲官。許銘。著加恩。改用部屬。○戊辰。命兩廣總督吉慶協辦大學士。仍留兩廣總督任。大學士慶桂。管理吏部。調工部尚書琳寧。為吏部尚書。以兵

部左侍郎繆布為工部尚書。轉兵部右侍郎。那彥寶為左侍郎。調工部左侍郎。成書為兵部右侍郎。轉工部右侍郎。和寧為左侍郎。以鑲紅旗滿洲副都統蘇楞額為工部右侍郎。○以正黃旗蒙古副都統瑚圖靈阿為鑲紅旗滿洲副都統。內閣學士王麟兼正黃旗蒙古副都統。○己巳。諭內閣。本日據王大臣等審明左德修懷挾策條。定擬具奏。此案若祇係左德修臨場夾帶。猶為事所聞有。不過交

部照例辦理。乃前日監試王大臣摺內奏稱。搜出新貢士左德修懷挾策底。訊據供稱。伊與尚書張若淳係屬親戚。帶進策底時。張若淳囑其小心挾藏。恐被搜檢等語。顯係張若淳豫知其事。囑令挾藏。以尚書大員。竟敢知法犯法。不獨朕深抱不知人之愧。即在廷諸臣聞之。亦無不駭異慙惶。此而不嚴加究辦。何以儆官方而肅政體。當即召見軍機大臣。降旨將張若淳解任。同左德修一併交軍機

大臣會同豐紳濟倫。明安。嚴行審訊。據左德修供稱。伊親戚張若淳於會試場前。曾囑令不可懷挾。昨因所帶策料搜出。自知獲罪。口稱悔不聽我親戚之言。經監試王大臣等詢伊親戚何人。始據供出張若淳姓名。並訊之張若淳據稱。左德修是伊姪孫婿。於會試前曾囑付同鄉親友各宜自愛。片紙隻字。不可夾帶。供與原奏不符。復添派監試之儀親王永璇。成親王永理。慶郡王永璘。同軍機大臣

等覆加詳訊。左德修仍供如前。又傳到搜出之侍衛羅布藏多爾濟達靈阿二人。當面質對。僉稱左德修被搜出時。但聞其有懊悔不聽張若淳囑付。並無張若淳令其小心挾藏之語。是監試王大臣所奏。殊未明晰。若伊等前奏將左德修供情聲敘確鑿。則與張若淳毫無干涉。何至將尚書大員遽行解任質審。今既詢明。此事先由侍衛搜獲左德修夾帶。面回慶郡王永璘因誤聽左德修在彼自悔

之言輒交儀親王永璘繕摺永璘亦未覆訊
明確率行入奏均屬非是儀親王永璘慶郡
王永璘著交宗人府議處其隨同列銜之王
大臣官員等除搜獲左德修夾帶之侍衛羅
布藏多爾濟業經交部議敘又侍衛達靈阿
續經訊明同時在彼搜獲著一體交兵部議
敘外所有監試之寶恩等於具摺時並未留
心詢明聯銜陳奏俱屬不合睿親王寶恩成
親王永理和郡王綿脩及鄂勒哲依圖春寧
圖默慎奕純德麟綿恩德勒格楞貴慶長那
彥柱蘇沖阿哲陳泰圖善永芹雅爾通額明
倫王蘇茅豫著交各該衙門察議以為祇列
銜名不定主見者戒張若淳著照舊供職○
諭軍機大臣等勒保奏於途次探明川北已
無賊氛移師督辦川東竄匪摺內全係浮詞
並未遇賊接仗且陝省高三馬五早經辦竣
今始據奏及楚省之張允壽業經德楞泰奏
報擊斃而勒保尚未之知伊在川帶兵時稱

馳往川北時稱移師川東非止一次東奔西
逐不特師老力疲抑且虛糜餉項似此任意
遲延顯係有心觀望看來勒保總欲因人成
事所稱趕赴川東合力勦辦湯劉股賊等語
並非有認真勦賊情事不過因德楞泰在楚
勦辦徐添德距川境不遠德楞泰一經到川
伊即可會合聯銜奏事藉以邀功現在湯恩
蛟與劉朝選等股屯踞乾溪溝前已有旨專
交勒保勦辦勒保並未能乘機勦殺且七十
五一路兵力昨已據額勒登保奏追勦陳朝
觀一股入陝今勒保尚稱知會七十五由太
平就近進勦湯劉等逆是川省帶兵大員業
已追賊出境勒保尚不知信息猶望其確探
賊蹤奮勉勦捕耶至樊人傑一股在川日久
不知去向勒保即次摺內總未提及豈竟任
其潛匿置之不辦目下麥已成熟賊匪竄出
又得掠食飽颺勢必裹脅多人復成大股又
將荼毒無數生靈何時始能戢事乎勒保曾

獲重懲。經朕格外加恩。棄瑕錄用。仍任四州總督。已給予二品翎頂。乃帶兵剿賊。不知力圖報効。勉贖前愆。一味遲滯。本應革職。拏問。姑念該省總督大員。屢行更換。又將另易生手。勒保著從寬革去翎頂。暫留四川總督之任。以觀後效。將此傳諭知之。○旌表守正捐軀直隸新樂縣民胡大成妻劉氏。○庚午上詣

大高殿行禮

時應宮拈香。○還宮。○御乾清宮。召讀卷官入。親閱定進呈十卷甲第。○辛未。

上御太和殿傳臚。賜一甲顧皋劉彬士鄒家燮三人進士及第二甲席煜等九十八人進士出身。三甲張旭等一百七十四人同進士出身。○諭軍機大臣等。琅玕等奏籌辦銅仁苗匪滋事案內善後邊防事宜。摺內有身任總督。不能先事豫防。早到辦理。實屬惶愧之至等語。此次銅仁苗匪在松桃一帶滋事。琅玕

遠在滇省。接到黔省稟報。即迅速前往。而未到之先。業經伊桑阿督同常明將黔楚苗匪首夥各要犯全獲。辦理迅速。深慰朕懷。封疆大吏。遇地方有事。祇期早臻寧謐。不必功自己出。琅玕何惶愧之有。至所稱從前湖南辦理善後。多設碉卡。兵勇而黔省未曾辦及。以致復有勾結焚搶。此皆係勒保鄂輝任內之事。或係伊等未能籌及。抑係該處山險路僻。限於地勢。無從設卡守禦。現在琅玕親駐該

處。務當悉心審度。應如何分派兵勇。在邊防守。為一勞永逸之計。即酌量妥辦。不可稍存惜費之見。儻經理未妥。日後苗衆或再滋事。仍須調兵搜捕。是欲節省而轉多糜費也。琅玕俟辦理善後完竣。再行回駐雲南。伊桑阿仍遵前旨。俟孫曰秉到任後。即赴滇撫新任。將此各諭令知之。○戶部題准長蘆鹽政那蘇圖疏報。開墾石碑場新淤草蕩地二百二十四頃有奇。照例升科。從之。○壬申。諭內閣

景祿既經訊明並不知情。咎止失察例應罰俸一年。前步軍統領等衙門擬以業經革職毋庸議。於伊應得處分加至數倍。未免過重。今經軍機大臣會同法司覈議。以向例官員原叅罪重。審明尚有輕罪者。即業已革職。應行開復。將景祿應否准其開復。仍交吏部議處之處。請旨遵行。係屬照例聲請。但景祿曾任侍郎。屢經獲咎。嗣因在銀庫員外郎任內辦理不善。革職。復加恩用為刑部筆帖式。上

實錄卷八三

中

年經該堂官題升主事。原屬過當。彼時即有人密奏。景祿不應驟行升用。及朕詳加訪問。有言伊於刑名尚為諳習者。有言伊自以曾任堂官妄自尊大者。議論不一。茲景祿適有失察伊妾毆死使女之事。又係屢蹈愆尤之人。未便即准開復。姑念伊在刑部行走多年。於辦理案件自為熟習。著加恩降補刑部筆帖式。不必交部議處。至景祿係大員。遞降。何必較俸推升。嗣後果能實力辦公。無難持降

諭旨。量為升擢。遇有應升之缺。不准該堂官將景祿保題。○遣散秩大臣松齡為正使。內閣學士吉綸為副使。往朝鮮國頒冊立

皇后詔。並齎賞該國王緞五十匹。○癸酉。賞滿漢文職堂官弘雅園一區。為圓明園值日公所。○甲戌。命盛京牛馬稅差。每年簡派五部侍郎一員兼管。無庸由京另派司員監督。從御史永祚請也。○乙亥。予陝西甘肅陣亡驍騎校隨常保。把總泮國棟。外委文長。發馬昭。祭葬。世職。生員張兆泰。武生張大勲。陳恩錫。監生張忠恕。兵丁崇祿等四百三十五名。鄉勇謝中榜等二百七名。賞卹如例。○是月。署直隸按察使同興奏查審磁州民人陳起昇。控告該州重徵苛派。並其子率賊打搶情形。得旨。率賊打搶。自係架詞。派錢辦差。豈無染指。如果清正。民不忍告。汝秉公審斷。懲貪官。治健訟。二者不可偏廢。

實錄卷八三

中

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十三

監修職官經筵講官等江官等武英殿學士文淵閣領閣事稽察錄奉 上諭等件處管理吏部事務翰林院掌院學士等帶加

二級尋常四級尋常稽察錄奉 上諭等件處管理吏部事務翰林院掌院學士等帶加 欽此

事務稽察錄奉 上諭等件處管理吏部事務翰林院掌院學士等帶加 欽此

戶部主事朱來清等稽察錄奉 上諭等件處管理吏部事務翰林院掌院學士等帶加 欽此

其經筵講官等稽察錄奉 上諭等件處管理吏部事務翰林院掌院學士等帶加 欽此

教修

嘉慶六年辛酉五月丙子朔授一甲一名進

士顧臯為翰林院修撰二名進士劉彬士三

名進士鄒家燮為翰林院編修○引見新科

進士得旨一甲三名顧臯劉彬士鄒家燮業

經授職外席煜崔問余商載王澤陳嵩慶方

振沈酉鄧廷楨汪潤之劉澍陳中孚徐華嶽

王利亨黃士觀黃任萬康以銘孔昭虔余正

煥倪琇袁名曜潘恭辰齊鯤樊如杞聶鎬敏

吳熙曾楊惠元楊懌曾蔡任王鍾吉葉紹本

汪庚朱方增喻鴻朱澄張玉麒吳毓寶馮輔

實錄卷八十二

四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十二

劉士茶陳用光鄭錫琪杜堦劉奕煜劉彬華
佟景文徐廣騶張文鳳秀寧傅崇王堃徐煥
達麟梁中靖黎德符陳杲吳杰普保陳煦姚
堃黃中位查訥勤張廷鑑陳廷達胡長慶蔡
行達許紹宗嚴昌鈺實心傳王以鏐關邦觀
王達徐心田凱音布黃孟甫李鴻賓常英廖
方彥著改為翰林院庶吉士焦景新宋潢下
斌徐士泰吳贊元莫凌吳頤李鍾景王松年
周鉞張旭蕭樹本嚴拱年惇儒陸禹貢方元
鵬衍恩饒先睿熊如澍龔傳猷彭貫一著分
部學習孫兆鼈段克宗王允輝陳家駮趙汝
勛羅琦鈕芳治韓玖李振祐宣向榮岳震川
李師愿楊捷陳登瀛薛凝度何兆元顧英傳
作求甯岳屏法克精額張汝詢石文燧汪作
霖錢樸楊棟秀林瑞春胡尊禮嚴暉吉沈欽
臨李昌平吳本義牟穎儒周際岐呂光煥莫
宗華張井杜宣蒲文甲王厚慶書通阿莫紹
惠邊廷英陳何龍聚寧萬世美劉燠王植丁

步曾薛璧徐淵倪孟華楊書紹姜謝馬有章
張仲學孔傳性著以內閣中書用伊里布陳
鍾濂錢淇屠英殷芳庭石城張名枝胡溶汪
鑑馬建三何佳玖魏鳳書曾暉春李允升趙
逢源陳耀昌著以國子監學正學錄用李鏡
張瓊英蔣萬寧吳鳴捷謝夢春蔣士鎔方同
煦宋治成胡紹祖李景嵩王應辰張朝珍何
懷道王賡欽王瑞葉文英熊德慎張建瓚武
韻青何茶潘業徐夢陳宋俊起陶廷騶林健
學孔繼鴻姚觀朱錫穀陳治策恒福著以知
縣即用餘著歸班銓選○旌表守正捐軀湖
南乾州廳民楊景昌妻羅氏○丁丑諭軍機
大臣等張誠基奏查明通省倉庫實數咨部
分別追補一摺所奏大謬無此辦法各省錢
糧倉庫原應存貯充實不得絲毫短少設稍
有虧缺該督撫本當據實叅辦至於彌補二
字原不可直達朕前豈可公然咨部辦理近
年因直隸係畿輔近地差務殷繁各州縣輒

轉挪墊以致倉庫虧短事非一時官非一任特降旨將虧空各員姑免治罪分別虧項多寡予限著追此乃格外恩施曾明降諭旨他省不得援以為例今張誠基竟欲倣照此案咨部辦理巧為嘗試試思江西地方安靜年歲屢豐並未有需費浩繁之處何以自乾隆四十一年至嘉慶四年各州縣虧空銀數至八十三萬餘兩之多張誠基身任江西巡撫已閱多年盤查倉庫無虧俱有奏案可據今

乃虧短如許之多安知非該撫任內各州縣任意虧缺歸咎前人作為歷任虧項思以罰不及衆為屬員開脫而摺內尚云不敢以咨部為自占地步之計其誰欺乎張誠基著傳旨嚴行申飭各省虧空朕所以不即嚴辦者原以各該督撫自顧考成明知所屬倉庫短缺斷無不上緊籌辦之理果能不動聲色全數補完何必因此輒興大獄乃各督撫等竟似一經奏明即有恃無恐置身事外上年荆

道乾岳起皆曾以倉庫虧短咨部經部臣具奏當經降旨嚴飭張誠基豈未之聞乎今竟敢一面奏聞一面咨部豈以如此辦理伊即能倖免罪戾耶該撫如果欲明辦虧空應即徹底清查將因何虧短從前何以不行叅奏緣由和盤托出據實陳奏朕不難將該省大小官吏一併嚴辦以儆其餘惟在該撫自行酌量耳儻或藉彌補為名侵害閭閻擾累地方致生事端亦必先將該撫治罪再將不肖

地方官一體嚴辦勿謂誥誡之不豫也凜之慎之張誠基原摺著擲還其咨部之案亦著部臣速行駁回且看該撫如何辦理再降諭旨將此諭令知之○宗人府王公軍機大臣三法司議奏刑部侍郎瑚圖靈阿等審擬已革黑龍江將軍公景燭貪縱營私各款應照律擬絞監候係宗室公交宗人府圈禁從之○以犒賞兵勇并管解王廷詔出力賞太常寺卿富星額江寧布政使裴行簡花翎○以

翰林院編修葉紹楨為雲南鄉試正考官。戶部主事鄭光圻為副考官。編修王引之為貴州鄉試正考官。吳雲為副考官。○戊寅。

孝誠仁皇后忌辰。遣官祭。

景陵。

上詣

黑龍潭神祠拈香。○諭內閣。勒保奏分兵入山。將湯思蛟等股轟出老林。打仗得勝一摺。雖斬獲共有一千三百餘人。未足為功。惟永

寧帶兵搶上山梁。較為出力。著交部議敘。以示獎勵。勒保甫經獲咎。革去翎頂。辦理湯逆等股。究屬遲延。尚不應給予議敘。總俟將湯逆等股全數掃除。肅清川境。朕不但給還翎頂。並當優加懋賞。若再不能上緊勦辦。非惟不能邀恩。必當重治其罪。○命禮部左侍郎英和。戶部左侍郎戴衢亨。教習庶吉士。○直隸宣化鎮總兵官觀祥。年老乞休。允之。以浙江湖州協副將富蘭為宣化鎮總兵官。○己

卯。賞賢良後裔原任大學士王熙曾孫監生元洪舉人一體會試。○予湖北陣亡傷亡兵丁福珠祿等二百十三名賞卹如例。○辛巳。朝鮮國王李玠遣使表謝賜祭。尊諡並封王恩。進獻方物。宴賚如例。○壬午。

上御勤政殿聽政。○以通政使司副使蔣予蒲為太僕寺卿。大理寺少卿善寶為光祿寺卿。○癸未。諭內閣。前因德楞泰奏。年來湖北辦理糧餉。不能隨時接濟。軍行乏食。是以賊匪不能剋期勦竣。近日德楞泰追勦徐添德糧餉不繼。僅賴書麟捐給銀兩。俾兵丁沿途購買。即長齡明亮孫清元各路軍糧。亦皆不能接濟。當即明降諭旨。以倭什布本由湖廣總督降補湖北巡撫。皆伊任內之事。乃積玩因循。其罪實無可辭。因令解任來京候旨。本日倭什布奏到之摺。力為申辯。正在降旨查辦。適額勒登保奏到密陳湖北情形一摺。據稱久聞湖北辦理糧餉。甚不妥協。因囑德楞泰

於赴楚時留心察訪現據伊來札內稱楚省所派防堵官兵竟不給發糧餉以致官兵有勒索百姓之事而鄉勇等係每月給銀三兩不給糧食近則數月以來並銀兩亦未給發甚至擾累居民等語殊堪駭異各省派調兵勇原以勦賊安良數年以來糜帑至數千萬何嘗稍有吝惜昨年因楚省軍營久未奏請撥餉經朕降旨查詢並不待伊等奏請節次撥發餉銀計自上年至今所發銀數已及一

百七十餘萬兩並撥鄰省米石何至不能接濟軍食此必承辦之員任意侵扣私肥囊橐竟忍令兵勇枵腹從事累及閭閻是國家派撥兵勇未能安民先已病民不料該省大小官員喪心昧良一至於此倭什布在楚有年種種紕繆著即革職等因交軍機大臣會同刑部嚴審治罪計倭什布已將行抵河南著交顏檢傳旨將伊鎖解來京派委誠妥大員小心押送毋令稍有疏虞○緩徵湖北竹谿

竹山房保康興山鍾祥襄陽宜城南漳均穀城鄖鄖西東湖歸巴東荊門當陽遠安江夏武昌咸寧嘉魚蒲圻崇陽通城興國大冶通山漢陽漢川黃陂孝感沔陽黃岡蘄水麻城黃安羅田蘄黃梅廣濟京山潛江天門安陸雲夢應城隨應山江陵公安石首監利松滋棗陽光化五十七州縣並屯坐各衛及屯坐枝江宜都二縣歷年帶徵額賦暨雜款銀○甲申

上諭

文昌帝君廟行禮○還宮○諭內閣京師地安門外舊有明成化年間所建文昌帝君廟宇久經傾圮碑記尚存特命敬謹重修現已落成規模聿煥朕本日虔申展謁行九叩禮敬思

文昌帝君主持文運福國佑民崇正教闢邪說靈蹟最著海內崇奉與

關聖大帝相同允宜列入祀典用光文治著

交禮部太常寺將每歲春秋致祭之典及一切儀文倣照

關帝廟定制詳查妥議具奏○旌表守正被戕四川蒼溪縣民王公潮妻李氏○

上以夏至祭

地於

方澤自是日始齋戒三日○乙酉予陝西陣亡四川總兵官朱射斗祭葬世職如提督例諡勇烈○予四川陣亡副將羅定國遊擊扎隆

阿守備劉大成千總張發祥把總張天壽陳朝樑周全仁外委曾玉柱王擢龍馬琪王連喜張大伏張簡周垣護軍校王舒祭葬世職兵丁項貴等八十五名鄉勇蘇友三等六名賞卹如例○丙戌命各省總兵官輪班入覲諭內閣玉德奏請各鎮總兵分年輪班陛見一摺所奏甚是各省文武大員三年奏請陛見一次固屬定例但必須本任現無應辦緊要事件方可循例來京亦無一省提鎮大員

同時奏請之理乃近日外省習氣不以地方職守為重動輒奏請陛見以伸忱悃及到京召見後又往往懇補京職徒事虛文無裨實政殊屬無謂朕每日召對廷臣不下十餘人豈以外省入覲之員接見為煩蓋地方大員職守綦重若僕僕道途於公事必多曠廢茲玉德所奏閩浙兩省總兵李長庚倪定得等分年輪班入覲自應如此辦理著照玉德所奏不必拘定陛見年分亦不必限以年底總視各鎮現無應辦要務者每年酌令輪替來京展覲以重地方而昭職守各省均當一體遵行將此通諭知之○諭軍機大臣等長麟奏籌議青海蒙古地方安設卡倫諸多未便所見甚是蒙古王公扎薩克本為中國藩衛若以內地之兵轉為外藩防守不特於理不順亦於體制非宜且以內地官兵前往蒙古地方安設卡倫必須踰越番境更屬孤懸鞭長莫及儻安設卡倫之後番子仍有劫奪等

事又將如何辦理。長麟所論俱係確切情形。著將原摺發交台布閱看。如能不煩內地官兵代為設卡防守。固屬甚善。儻蒙古王公等知台布業經奏准。事難中止。亦須定以年限。斷無常川在彼駐守之理。應俟大功告竣後。派令曉事大員。酌帶勁兵前往。於附近內地之處。遙為聲勢。其蒙古邊隘。仍令蒙古自行安設卡倫。並明諭以一二年後即當撤回。俾蒙古知內地官兵不能常為防守。力圖振作。

轉弱為強。庶番子不敢仍前搶掠。其如何設卡防守之處。並著台布悉心妥議具奏。俟奏到日再降諭旨。將此諭令知之。○又諭琅玕奏。勦洗巖屯溝黃茅蓬賊巢。及助惡抗拒之野竹塘。芭蕉灣等處苗寨。并殲獲賊目夥黨多人。覽奏俱悉。前次琅玕摺內。祇稱上潮下潮等寨逆苗乞降。已逾旬日。尚未投營將賊首縛獻。又未繳出器械。必須痛行勦洗。並未提及巖屯溝黃茅蓬等寨。何以此次琅玕所

勦者。又舍上潮下潮而先辦該二處苗寨。並因生擒逆匪內。訊出野竹塘。芭蕉灣。水竹園三寨苗人。前來幫助。又將該三寨進勦。輾轉株連。伊於何底。况據稱該寨苗人。並未隨同焚掠。即因石峴等寨逆匪在彼窩藏。亦祇須曉諭歸誠。令其縛獻。何必遽加勦洗。至該寨苗等。聞官兵到時。砌石防守。祇圖自衛。即或互相援救。亦屬情事之常。若如琅玕所辦。因此及彼。誅求無已。設野竹塘三寨未經勦淨。

苗民逃往他寨。或又有他寨苗民前來救應。勢必又須進兵。愈勦愈遠。豈欲將黔省及湖南苗寨。一併勦淨乎。汝才不及武侯。勇不如伏波。而為此窮兵之舉。亦太不自量矣。此等野苗。雖與禽獸無異。但亦各具生命。今琅玕殲斃至二千餘名。閱之殊為不忍。寧有逞天朝兵力。殲絕其種類之理。此時琅玕自己將上潮下潮苗寨。一律肅清。若再欲辦理他寨。竟成蛇足矣。甚或激變各寨苗民。釀成巨案。

則琅玕獲罪甚重。凜之慎之。著傳諭該督。俟上潮下潮。苗寨勦辦完竣後。即應撤回官兵。遵照前旨。將設卡防堵事宜。趕緊辦理。孫曰。秉想已到黔。伊即速回雲南。不必在黔久駐。總之此等猺苗。如果擾及地方。自當隨時懲創。若畏罪潛匿。亦不值煩我兵力。過事搜求。惟當持以鎮靜為要。再傳彙係湖南辦理苗疆得力之人。湖南苗疆亦關緊要。豈可令其在黔久駐。事竣後著琅玕令其速回本任。

丁亥夏至祭

地於

方澤

上親詣行禮。幸圓明園。以掌河南道御史錢棧為四川鄉試正考官。戶部主事楊健為副考官。翰林院編修帥承瀛為廣東鄉試正考官。戶部主事李林松為副考官。刑部主事李于培為廣西鄉試正考官。內閣中書平遠為副考官。翰林院修撰姚文田為福建鄉試

正考官。刑部員外郎吳于宣為副考官。翰林院檢討李可端為湖南鄉試正考官。禮部主事譚光祥為副考官。戊子遣官祭關帝廟。諭內閣。朕向於辦理刑名事件。倍加詳慎。務得情法之平。本日恭閱乾隆十年實錄。內載錢永興致死胞兄一案。經九卿議駁。不准留祀。已依議行。因大學士陳世倌奏錢永興十世單傳。宗祀斷絕。情殊可憫。請改為應斬監候。

聖諭以承祀之條。所以重絕人之嗣。而此等兇惡之徒。弗念天顯於情理。萬無可恕。國家寬大之恩。本不為若輩而設。即令殄絕宗祀。亦彼自絕於天。而非國法之絕之也。仰見

皇考飭紀明刑寬嚴務當。

聖訓煌煌。實為千古議獄之準。朕思刑律內有承祀留養兩條。原係法外施仁。必須覈其情罪甚輕。始可量加末減。於施恩之中。仍不失懲惡之意。方足以昭平允。若不論罪案重輕。

祇因家無次丁。概准承祀留養。則兇惡之徒。稔知律有明條。自恃身係單丁。有犯不死。竟至逞兇肆惡。是承祀留養。非以施仁。適以長奸。轉似誘人犯法。豈國家矜慎用刑之道乎。即如錢永興。十世單傳。至伊始有兄弟兩人。尤應倍敦友愛。乃罔顧天顯。致有同氣相戕之事。即其兄致死其弟。亦罪無可赦。况致死胞兄。豈復有一綫可原。且其兄無罪已致絕嗣。轉於逞兇應死之弟。為之留祀。實非情理。

蓋律法務在持平。生者固當加之矜恤。死者尤不可令其含冤。儻情真罪當。必欲曲為寬宥。如世俗鄙論。所云救生不救死之說。以為積陰功。試思死者冤痛莫伸。損傷陰德。孰大乎。是朝廷設立刑官。原期辟以止辟。並非職司憲典。即以誅戮為事。固不應有意從嚴。流為苛刻。若務博寬厚之名。於應死之犯。曲法開脫。豈律例之設。竟容伊等任意出入耶。嗣後問刑衙門。總當詳慎折中。勿存從寬從嚴。

之見。遇承祀留養者。尤當覈其所犯情罪。果有可原。再查明實在別無次丁。或有子息而尚未成丁。與定例相符。量為定擬。庶幾無枉無縱。刑協於中。共襄明允之治。朕實有厚望焉。○予四川陣亡傷亡兵丁哈郎阿等三百二名。賞卹如例。○免安徽宿靈璧。泗。三州縣。衛本年水災額賦有差。○己丑諭內閣。額勒布奏懇請將前在戶部行走熟諳例案之候補工部郎中鄧恒。留於戶部行走。遇有選缺。

照例奏補一摺。其事尚屬可行。但應會同該部各堂官聯銜具奏。何以額勒布一人獨行奏請。因詢之成德。戴衢亨。據成德稱。額勒布曾向伊等告知。成德以向來未經認識。戴衢亨雖知其人。但鄧恒在戶部時。戴衢亨尚未任該部侍郎。其餘均非舊日堂官等語。此等奏留人員之事。即各該堂官皆不熟識。額勒布亦應會商。連名奏請。於摺內將額勒布一人曾與之共事緣由。據實聲敘。方符體制。不

應單銜入奏。部臣辦理事務總須和衷共濟。不可獨存意見。即朕簡派管理部院大臣。尚不准稍有專擅之跡。今額勒布以侍郎而獨奏留司員。恐外閒無識之徒。又以部務係伊一人主持。妄生物議。殊有關繫。額勒布著傳旨申飭。嗣後部院各大臣辦理一切。務宜公同商酌。毋得一人專摺陳奏。漸開專擅。致涉偏私。鄧昫姑准其留於戶部補用。再觀後效。○又諭刑部審擬偷竊養心殿天溝內拆卸

舊錫片之郭四。比照行竊大內等處乘輿服物斬罪上量減一等杖一百。流三千里。一案定擬尚為允協。惟該犯係在院內乘便攫取。與行竊殿內之物者有閒。郭四著從寬改為杖八十。流二千里。應加枷號一箇月。即於神武門外工匠往來處所示衆。庶工匠人等知所儆惕。並著曉諭工匠人等。偷竊大內服物者。不分首從。例應斬決。俾各知畏法。儻再有在內偷竊之事。一經發覺。必當按例治罪。不

能援郭四之例希圖寬減也。○庚寅。旌表守正被戕四川溫江縣民黃宗義妻蔣氏。○辛卯。定奉天府丞照學政更換例。諭內閣。前因御史永祚奏請將奉天府丞照各省學政之例三年更換。因思奉天府丞專司考試。不若即將府丞一缺改為奉天學政。或將直隸永平一府撥歸奉天學政考試之處。降旨交該部詳議具奏。茲據禮部議稱。永平一府若分屬奉天學政。遇有教職舉劾委署等事。往返

需時。且中隔山海關。生童出入。須領路票。跋涉較煩。而遵化一州。向附永平棚考試。若將永平分屬奉天學政。於遵化考試亦多未便。請飭下直隸總督詳查具奏等語。此事竟無庸再交直隸總督查辦。永平一府既難撥歸奉天考試。若設立學政。所轄僅止二府。亦與體制未協。且須另鑄關防。增裁養廉等事。均屬紛更。自不若悉循其舊。所有奉天考試事宜。著仍交奉天府丞專管。一切章程。不必更

易惟該府丞在任年久。與該處生童熟識。未免易滋流弊。著將此缺三年更換一次。該部於各省學政年滿更換時。將在京對品京堂開單進呈。候朕簡員對調。○以己革輔國公景熠姪祿義襲爵。○壬辰

上幸靜明園詣

龍神廟祈雨。○癸巳。諭內閣。德楞泰奏連日追剿徐樊等股賊匪。逼過漢江南岸。現在趕剿各情形一摺。所辦甚好。此次徐樊二逆。經德楞泰督率賽冲阿等分投追剿。即奔高冠峪。有入南山之勢。經劉之仁。雖昂帶領兵勇。由高冠峪內突出截殺。不能入山。折竄兩河。復經慶成帶兵前來接應。多有斬獲。賊勢極為狼狽。遂由大洋灘踰淺渡。過漢江南岸。慶成亦過江追剿。前後殲擒賊匪一千五百餘名。現所存馬步賊匪不過千餘人。俱極疲乏。德楞泰緊躡前往。與慶成分路夾擊。定可剋日悉數殲擒。實深欣慰。向來南山一帶。任賊

出入自如。皆因官兵不能豫為防備。今劉之仁。雖昂由峪口突出截剿。斷其入山之路。此係劉之仁。雖昂之功。可見前此降旨。令於南山內安設兵勇。攔截賊匪。今已有明效。至慶成本有舊傷。此次奮力殺賊多名。均堪嘉獎。慶成。劉之仁。雖昂。俱著加恩。交部議敘。至逆匪等。總由畏懼德楞泰聲勢。不敢抗拒。亡命奔逃。俾劉之仁等得以乘機截殺。茲已逼過漢江南岸。即可在該處辦淨。德楞泰屢著勞績。務將殘敗之徐樊二逆。上緊辦竣。一俟捷音奏到。必當晉爵酬庸。再前次搜獲首逆陳朝觀。李順安等之洵陽縣知縣。嚴如煜。能督率堡寨鄉勇。搜拏首逆多犯。尚屬能事。著加恩賞給知州銜。以示鼓勵。○德楞泰奏軍營出力將弁。賞都司何占鰲。花翎守備李鳳鳴等藍翎。○旌卹遇賊捐軀陝西州同陳國華妻李氏。○甲午。緩徵甘肅階文。武威。鎮番。永昌。岷。西。和。隴。西。寧。遠。伏羌。洮。通。渭。安定。漳。會。

寧平涼靜寧隆德華亭莊浪秦秦安清水禮
徽兩當成狄道河臯蘭金渭源靖遠涇崇信
鎮原環安化寧夏寧朔平羅山丹平番古浪
四十四廳州縣並西固三岔二州同沙泥州
判所屬旱災新舊額賦○乙未

上幸靜明園詰

龍神廟謝雨○諭內閣玉泉山

惠濟慈佑龍王廟每遇祈禱雨澤屢著靈應
久經載入祀典近因夏至以後雨澤較少本
月十七日朕親詣虔誠默禱是日即有微雨
飄灑次日大霽甘霖連宵達曙尤徵靈驗允
宜敬加稱號用答

神麻著稱為

惠濟慈佑靈瀨龍王廟以昭崇奉○予江西
故吏部左侍郎譚尚忠浙江故都察院左都
御史金德瑛入祀鄉賢祠從巡撫張誠基阮
元請也○丙申諭內閣前因長麟派令蕭福
祿搜捕汧陽悄悄會一案辦理尚為迅速是

以降旨將長麟交部議敘蕭福祿從優議敘
嗣經兵部請將長麟照軍功例加一級紀錄
二次蕭福祿照軍功例加三級具題朕因風
聞長麟查辦此案多有不實尚未發行及細
加訪查緣汧陽武振關等設立悄悄會名目
聚眾謀逆該縣祝大澄帶勇馳往將首逆武
振關擒獲該逆之子武克祥率眾搶奪藩司
王文湧帶領鄉勇前往擒捕因眾寡不敵鄉
勇間有傷亡隨經蕭福祿帶兵趕到將該匪
四面圍裹殲斃及生擒者二千數百人無一
名漏網其中有本條良民及赴山避賊猝被
逼脅入夥者蕭福祿因同聚山上不分玉石
概事駢誅復張大其詞虛報邀功長麟即據
以入告旋一手辨結並未移交陸有仁審辦
彼時辦理情形實係如此武振關等糾眾滋
事竟敢搶奪獲犯殺傷鄉勇其謀逆已屬顯
然但該處民人避賊被脅者並非盡屬會匪
彼時長麟若親身前往查辦自當明白宣諭

該處民人令其縛獻首逆或自行投出則所全必多。乃蕭福祿辦理粗率。又復貪功。遂至波及無辜。駢首就戮。若云長麟竟毫無聞見。其誰信之。總由蕭福祿係長麟素所倚任之人。派令帶兵勦辦。伊既鹵莽從事。而長麟亦遂曲意包容。並未將蕭福祿查辦草率之處據實叅辦。又復迴護前奏。自行審辦完結。幸長麟前次奏報此案時。朕因蕭福祿誅戮過多。恐有株累。特降恩旨。除將首逆武振關等家屬緣坐外。其餘概免緣坐。旋聞此旨到陝。宣讀時。該省正在望雨。立時普霽甘霖。民情大悅。可見朕施仁宥罪。實為上合天心。而蕭福祿之草菅民命。長麟之徇隱不奏。豈可因其殄除起事賊匪加之甄敘。所有長麟加級紀錄之處。著無庸給予。蕭福祿除不准加級外。著降為叅將。交與額勒登保軍營差遣委用。以觀後效。○又諭陸有仁叅奏辦理安插難民任意妄為之知縣阿齡阿。請旨

革審一摺。所辦甚是。陝省被賊地方。無辜良民。遭賊慘毒。朕心已深憫惻。其被裹難民。不甘從賊。或臨陣解散。或隨時逃出。正當設法收卹。以散賊黨。而輯善良。曾經屢降諭旨。令地方官妥為安插。况當此功屆垂成。勦撫兼施之際。尤應加意經理。毋令一夫失所。今署白河縣知縣阿齡阿。接收叅贊大營發到難民。將無籍可歸之精壯丁男等挑入署內。充當水火夫。或係暫時權宜辦理。給與工食。俾資餬口。尚屬可行。至無歸婦女。一時被裹失迷。自應酌撥房屋散給口糧。以待其親屬承認。即實在日久無人承領。亦應設法酌籌妥辦。乃該署縣竟在本城擇人婚配。實出情理之外。此等婦女。於擇配後。有伊親屬尋至。又將如何辦理。並恐該署縣實有縱容書役將婦女私行留用。及分散鬻賣。或竟知情分肥。尤不可不嚴行懲辦。所有署白河縣知縣阿齡阿。即著革職。交陸有仁切實嚴究。如果該

革令及書役等有私留婦女並通同得贓情事即當一面奏聞一面在該處正法即訊無此等情弊亦應將該革令及書役等按律定擬具奏○以陝西定邊協副將劉瑞為甘肅涼州鎮總兵官○丁酉諭內閣本日慶桂等奏請將

實錄館纂辦各員賞給議敘前此補繕

五朝實錄一分本欲另行開館敬謹繕辦嗣因

恭修

皇考高宗純皇帝實錄是以今在館人員一併敬繕本月呈進

五朝實錄朕恭閱之下繕寫均屬工整校對亦俱詳慎辦理妥速所有在館人員自應加之

議敘至

皇考高宗純皇帝實錄自開館以來陸續進呈現已恭纂至乾隆十年原當俟全書告成給與甄敘惟念我

皇考臨御六十年久道化成

文德武功超越前古事實增多卷帙浩繁計元年至十年之書正副藁本已有三千六百十二卷若必俟纂辦完竣始行加恩恐久需時日承辦各員其中有升遷事故者轉不得盡邀優敘若纂修十年即議敘一次又覺過濫此後恭進

高宗純皇帝實錄每遇纂成二十年之書即無論年限奏請議敘一次現在恭辦

五朝實錄官員及供事人等著該總裁等區別

等次先行交部照各館書籍告成之例議敘

○戊戌

孝恭仁皇后忌辰遣官祭

景陵○庚子旌表守正捐軀直隸安平縣民張

六妻齊氏○辛丑旌表守正被戕江西德興

縣民王猷妻余氏○壬寅德楞泰奏連日冒

雨趕勦徐樊股匪擒獲首逆妻室及頭目多名得旨獎賚副將李應貴等升擢有差○癸

卯

上御勤政殿聽政○諭內閣前因滿漢文職各衙門堂官圓明園向無公寓特賞給弘雅園屋宇作為各該堂官等公所因思園名係聖祖仁皇帝御題是以彼時弘字未經缺筆今既賞作公寓自應敬避著將原奉

御書扁額繳進恭瞻後交

壽皇殿敬謹尊藏朕書集賢院扁額頒給懸掛以昭恩賚○以太常寺卿窩星額為大理寺卿國子監祭酒多慶為太僕寺卿○甲辰諭

內閣戶部奏據直隸護總督顏檢咨稱該省欠項俱經有著無庸另作民欠開叅現任請將各員處分全行開復請旨遵行一摺已依議行矣前因直隸係畿輔近地差務殷繁各州縣輾轉墊挪以致倉庫虧缺事非一時官非一任特降旨加恩將各員虧項分別多寡予限著追未照虧空本例治罪並明白申諭他省不得援以為例至現任各員從前接收交代時不能將虧缺數目據實詳叅祇憑欠

約議單即具監盤印結伊等即非經徵不力豈能辭虛出通關之罪但此案原虧之員業已施恩分別勒追量予薄懲是以於接收人員亦未加深究且節經該省督藩等查明委係前任虧短著落賠繳若復虛作民欠叵叅現任名實亦屬不符茲姑照所請將經徵現任各員處分概行寬免此係朕俯念直隸一省情形格外施恩並非該督藩等所能巧為開脫也但恐各直省因見直隸現任各員處分免其開叅亦欲倣照辦理將現任各州縣虧項移歸前任名下查追而現任者轉置身事外甚至有舊日之虧欠未補而新任之虧欠又增此則大謬各省州縣經徵錢糧本應實貯無虧閒有私自挪移以完作欠者諒亦無年深日久輾轉不清之事試思乾隆六十年以前民欠業經加恩概行豁免是各州縣即有虛作民欠之項亦早予豁免且定例報銷俱屬年清年款遇有交代又必盤查出結

不應復有遞年虧短情事。豈得諉咎前人。作為歷任虧缺。若將現任之員寬其責成。轉向離任已久之員。紛紛咨追。勢必俱以人亡產絕為詞。於國帑總無著落。是徒有追查之名。而無歸款之日。豈大臣實心任事之道乎。朕此時尚未明降諭旨。清查各省虧空。該督撫等於所屬州縣。或有一二無著款項。正可趁此時及早清釐。不得概以查追了事。儻於一二年後。經朕特派大臣分往。實力盤查。如有

實錄卷八

手

虧挪情弊。惟現任接收之員是問。必當按律治罪。著落賠繳。斷不因其諉過前任。將現任者即予寬宥。各督撫等總當各矢天良。妥為籌辦。期於帑項有裨。地方無擾。不得因直隸辦有成案。稍存希冀也。將此通諭知之。○乙巳。諭內閣。吳熊光奏。查出湖北辦理糧餉。種種貽誤情形一摺。姜晟前任湖廣總督。軍火糧餉。是其專責。伊在楚雖不及倭什布之久。但駐劄襄陽。於支發銀兩。分設多局。並不早

立章程。現經吳熊光查出該局祇有發銀數目。並無用銀實數。而於兵勇應領之項。掛欠不發。其所發餉銀。用於何處。顯係該糧員等意存朦混。豫為侵冒地步。該督在彼所辦何事。除俟全案審訊明確。再降諭旨外。姜晟著先行交部嚴加議處。○又諭。湖北光化縣貢生吳煥章。前因獻賦覆試時。以誤錄舊詩語。句斥革。究與臨場懷挾者有閒。該生在襄陽地方團練鄉勇。設卡防禦。著有微勞。曾經得

實錄卷八

主

受守備職銜。今既情願繳銷執照。仍懇開復貢生。且該省又有吳朝英成例可援。吳煥章著加恩准其開復貢生。○勒保奏。阿哈保七十五。勦辦楚陝地界白號藍號賊匪。並拏獲偽總兵艾廣雲等。得旨獎賚。下部議敘。拔兵丁楊應宗為外委。○以湖北宜昌鎮總兵官明亮。年老。命回京為二等侍衛。以甘肅中衛協副將田朝貴為湖北宜昌鎮總兵官。○理藩院尚書烏爾圖納遜。休致。以都統銜經畧

大臣額勒登保。為理藩院尚書。兵部尚書豐紳濟倫。署理藩院尚書。○以綏遠城將軍永慶年老。命回京為鑲白旗蒙古都統。調廣州將軍崇尚為綏遠城將軍。

實錄卷八十三

十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十四

敕修
嘉慶六年辛酉六月丙午朔○丁未諭軍機大臣等據戶部密奏雲南省咨到虧缺清冊請旨駁回一摺各省倉庫虧缺前經密諭督撫等設法查辦上緊清釐原係密辦之事豈可公然咨部辦理上年岳起等將奉到密批咨部曾經降旨嚴飭各省豈不聞之乃書麟先將奉到清查雲南倉庫虧短銀數分別追賠之硃批率行送部已屬錯誤而琅玕等又將追賠各員清冊一併送部豈以此等追賠銀兩一經報部該督撫即可置身事外而歷

任虧空各州縣及接受交代各員俱可置之
不問手。朕所以不即明降諭旨清查虧空者
原恐各省人數過多姑寬其期以俟各督撫
等妥為籌辦若皆將虧空數目紛紛咨部是
必欲朕執法辦理矣。除此次送到各冊已飭
部駁斥發還外琅玕初彭齡均著傳旨申飭
所有各該員名下應賠之項著琅玕等速行
設法清理務期帑項有著不得於奏銷及接
收交代各項冊內將虧欠數目開入致滋牽

混將此諭令知之○撫卹廣東省城颶風災
民○己酉諭內閣京師連日雨勢甚大圓明
園宮門內外頓有積水自因水道下游淤塞
所致因命步軍統領派出兵丁將附近舊有
旱河壅滯之處迅速開挖積水立時消退詢
之明安等據稱此處旱河自乾隆三十六年
以後至今總未疏濬漸致淤塞蓋緣數十年
來夏令大雨時行之際

皇考駐蹕熱河避暑山莊管理圓明園大臣等

遂未辦及此事宮門內外雖偶有積水亦不
奏聞嘉慶四五年朕在二十七月以內未
蒞園居伊等亦未奏及以致淤墊日增驟雨
連朝水無去路而一經挑濬即時消涸可見
疏治之功宜急講也因思京城內外溝渠河
道每年雖循例修濬並派大員管理但恐奉
行日久有名無實未能一律深通著該管大
臣將一切溝渠河道通行查勘擇其緊要之
處隨時酌量疏通俾積水不致停留以奠民

居而利行旅○又諭鐵保等奏請令旗丁於
黃河口至臺莊一帶自備剝船三百隻以濟
輓運即於各該船調劑項下扣出興造每船
所扣無多而輓運得以迅速事屬可行即照
所奏悉心妥辦務期經久為要○旌表守正
捐軀江西義寧州民冷秀庭妻樊氏守正被
戕四川蒼溪縣民張懷玉聘妻羅氏○辛亥
旌表守正被戕四川南部縣民杜作廷妻趙
氏○壬子諭內閣近日雨勢甚大永定河水

驟漲由南頂至鳳河下注。京城附近西南地方自必被潦。其東北一帶地方積水。不能即時消涸。於民舍田禾。恐不無妨礙。朕心深為廕念。著派大理寺卿窩星。額通政司副使廣興。前往西路。內閣學士台費蔭。通政使陳霞蔚。前往南路。內閣學士阿隆阿。順天府府丞張瑞城。前往東路。副都御史恩普。鴻臚寺卿范鰲。前往北路。俱著馳驛帶同地方官分投悉心查勘。被水情形。據實具奏。俟奏到時。候

朕另降恩旨。○旌表守正捐軀湖北石首縣民劉瑜妻謝氏。○癸丑。以畿輔水災。停止秋糶。特諭朕德薄任重。夙夜憂勤。深懼弗克負荷。陝蜀邪教倡亂。民遭荼毒。五年以來。竭力勦辦。近日連擒首逆。畧有頭緒。意謂今秋或可歲事。即此一念稍涉自滿。致干

天和。自六月朔日大雨五晝夜。宮門水深數尺。屋宇傾圯者。不可以數計。此猶小害。桑乾河決漫口四處。京師西南隅幾成澤國。村落蕩

然。轉於溝壑。聞者痛心。見者慘目。小民何辜。皆予之罪。已分命各衙門卿員。實力稽查。盡心撫卹。救我餘黎。稍贖予之重咎。因思今秋往木蘭行圍。大營所用車輛。及除道成梁等事。皆需民力。此次大水所淹。豈止數十州縣。秋禾已無望矣。若重費民力。予心不忍。況畋獵近於嬉遊。我

皇考自乾隆六年始行秋獵。今年雖係六年。尚在

皇考三週年內。遠行射獵。終非所宜。朕意今秋停止巡幸。庶息民勞。而省己過。爾諸臣其速議以聞。尋諸王大學士九卿會議。應即欽遵諭旨。今秋停止巡幸。以紓民力。而迓天和。從之。○額勒登保奏。勦辦陝省各股竄匪。楊遇春。扎克塔爾等。殺賊二千餘名。生擒一千餘名。得旨獎賚。下部議敘。○德楞泰奏。賽沖阿。溫春等。追勦青號賊匪。淹斃首逆徐添德。得旨獎賚。下部議敘。○以修築堡寨。辦理糧餉。

無誤。賞陝西知縣嚴如煜五品頂帶。並花翎。○旌表守正捐軀陝西清澗縣民高中兒妻馬氏。○甲寅。諭內閣。姜晟在湖廣總督任內。辦理軍需各務。種種貽誤。前據吳熊先查奏。當即降旨。將姜晟交部嚴加議處。部議上時。必當治以溺職之罪。今京城自六月朔日起。大雨五日四夜。水勢驟長。節經朕派令乾清門侍衛等。馳赴城外。查勘被水情形。旋據覆奏。永定河兩岸決口四處。盧溝橋一帶。幾成

澤國。並經設法。將各路軍報齎遞。此皆朕與廷臣集議辦理。又分命衆卿員四路查災。辦賑。衆臣均能奔走不辭勞瘁。而自初一日至初八日。地方大吏杳無音信。殊出情理之外。保定距京甚近。值此大雨盛漲。即鄰近地方百姓。尚應隨處留心體察。豈有京師帝居所在。為臣子者漠不關心。視同膜外。有如此之封疆大吏乎。若云被水阻隔。則朕近日派往之大員侍衛等。尚能策馬淌渡。接遞軍報。姜

晟即不親自前來。獨不當差人齎摺。自陳悚懼不安之意耶。及本日姜晟奏到一摺。祇據河道稟報內稱。本年永定河河流未斷。汛前節次長水。實為嘉兆。又稱大雨疊沛。查明田禾尚無妨礙。真如在夢中矣。向來永定河至伏汛時。該督豫行赴工防汛。上年河水未經泛漲。胡季堂尚往來工次。冒雨觸熱。以致積勞成疾。乃姜晟摺內猶稱一面豫備。如應赴工。即起程前往督防。可謂全無人心。畿輔距

京咫尺。地方大員。已玩愒乃爾。若遠省督撫相率效尤。豈復尚成治體。姜晟之在直隸如此。其在湖北。辦理軍需。廢弛玩誤。不必言矣。近因雨水過多。朕遇災增懼。不肯遷怒。節次降旨引為已過。即宮廷內太監偶有過失。方且曲意優容。豈肯於封疆大吏。有意苛求。以塞災應。但姜晟辜恩尸位。昏憤奢亂。伊若出之有意。即屬喪盡天良。若云全無聞見。則是形同木偶。此而不加懲辦。何以整飭官聯。經

朕詢問本日奏事之王大臣等。僉以姜晟罪由自取。必當革職。等因。若復加曲貸。轉非執法持平之道。姜晟著革職。派侍郎熊枚。馳驛帶同司員。前往傳旨。等因。即暫行接署直隸總督篆務。派委妥員。將姜晟押解來京。交軍機大臣會同刑部。嚴審具奏。至永定河道王念孫及南北岸同知。於河務是其專責。今該處已有四處決口。王念孫全未知覺。猶以虛詞具稟。姜晟且那彥寶赴河干查水。住宿一夜。總未見該道等在彼勘辦。均屬罪無可逭。

王念孫及南岸同知翟芻雲。北岸同知陳煜。著那彥寶莫瞻萊。於沿途遇見時。傳旨將伊三人革職。等因。一併解京。歸案審辦。至石景山同知。亦係管理河務之員。但現在決口處所。是否該員所管工段。著熊枚查明具奏。再降諭旨。○撥局錢二千緡。命兵部尚書兼管順天府府尹事汪承霈。都察院副都御史陳嗣龍。劉湄。順天府府尹閻泰和。撫卹永定右

安門外被水災民。○命戶部左侍郎高杞。武備院卿巴寧阿。馳赴盧溝橋。分駐兩岸。堵築決口。兵部左侍郎那彥寶。工部右侍郎莫瞻萊。分赴下游查勘。○免大興宛平二縣水災本年額賦。○乙卯以晴。遣官分祭玉泉山黑龍潭。密雲縣。

白龍潭各龍神廟。○諭內閣。向來京城內外。遇有修建牆垣房屋等事。各該旗民。俱係報明步軍統領及街道衙門。方准興修。原以杜侵占官街之弊。現在京城內外。因雨勢過大。坍塌牆垣房屋甚多。自應各行趕緊修葺。以資棲止。必俟報明各該衙門後。方准動工。未免守候稽時。且恐啟胥吏需索之端。著加恩准令各該旗民。現修牆垣房屋。除於舊址之外。另行改建添蓋者。應照舊呈報外。其餘俱聽自行修築。毋庸呈報各衙門。以歸簡便。而示體卹。儻因此旨。竟有藉端越界侵占官地者。仍令該衙門查明究辦。○又諭御史和靜

奏請將翰林院編檢以上及各部五品司員輪班召見一摺。所奏殊屬非是。我朝

列祖

列宗臨御寰宇

宵旰勤求。召見廷臣。從無虛日。所以集思廣益。鑒別人才。

家法相承。實可萬年遵守。若明代諸君。深居宮禁。即宰輔大臣。尚有經年累月未曾召及者。諸務廢弛。下情阻抑。職此之由。益足徵

列聖貽謀。意至深遠也。朕自親政以來。恪遵成憲。每日延見臣僚。多至十餘人。習以為常。豫防壅蔽。第國家班聯大小。自有次序。外任府道以上。京員京堂以上。用以諮訪地方利弊。講求政治。於廣詢博採之中。仍示以限制。若朕於應行輪對之人。久未召見。司言責者。自當執簡陳奏。今該御史請翰林自編檢以上。各部院五品司員俱照各衙門值日之期。輪次召見。試思各部院司員。其才具較優者。既

經該堂官保薦。其餘二三等司員。設該堂官素日相待平常。於召見之時。或有挾私妄奏之事。紛紛告訐。必致礙難辦理。是延見庶僚。徒多無益。甚至開小臣熒聽。莠言亂政之階。於事甚有關係。且在京五品司員。既准召見。則外省如同知州等官。亦將紛紛召見。是庶司百職。竟欲朕一人親理。有是政體乎。況各部院司員。及編檢中書等員。遇有出差復命者。俱得隨時召見。立法原屬詳備。至編檢

各員六年大考。亦係奉行舊例。其有才具優長者。原可隨時擢用。並非專以一試遽判升沈。今該御史意欲一體召見。竟可毋庸大考。此必係規避考試之翰林等倡為此論。以便藏拙。看來此奏亦非出自該御史之意。徒受人指使耳。所奏俱不可行。原摺著擲還。○起丁憂在籍前任山東巡撫陳大文。署直隸總督。○命於永定門外設廠煮賑。○命順天府飭該管州縣收葬淹斃災民。○丙辰。以水災

命刑部清理庶獄。諭內閣。京師自本月初旬連日大雨。永定河決口四處。中頂南頂及南苑一帶。俱經淹浸。猶幸決口處所。尚距盧溝橋南五六里。若再向北衝決。則京城及圓明園皆被水患。是

上天於降災示警之中。仍寓

仁愛垂慈之意。叩感之餘。朕心益深兢惕。向來偶遇雨澤愆期。清理庶獄。以冀感召和甘。因思早潦同一災祲。此次雨水連綿。居民屋宇

多有淹浸。而囹圄之中。蒸溼尤甚。殊堪憫惻。著刑部查明各省軍流以下各案。無論已結未結。在配在途。概行分別減等發落。其因事牽涉拘繫候質各犯。亦速行訊明省釋。至尋常案件。並著即行完結。毋得稽滯。該部即遵諭行。○以固原提督賽冲阿。為西安將軍。賞陝西陝安鎮總兵官。慶成。二品頂帶。為固原提督。調湖北宜昌鎮總兵官田朝貴。為陝安鎮總兵官。○旌表守正被戕江西吉水縣民

陳申光聘妻卹氏。○丁巳。諭軍機大臣等。本日據那彥寶等奏。前派查勘水災之富星額。廣興。台費蔭陳霞蔚等。俱為水深所阻。現仍在盧溝橋守候等語。因思被災民人。嗷嗷待哺。若俟水勢消涸之後。查奏到日。再行撫卹。未免稽遲。朕心深為憫惻。著傳諭台費蔭等。查看被災地方。有急須撫卹之處。即督同地方官立時賑濟。量給銀米。一面動帑開倉。令經手之員據實報銷。以副朕軫念災黎如傷在抱之意。○額勒登保等奏。督勦冉逆等股賊匪。并生擒首逆張添倫。得旨獎賚。○以勦辦賊首高三馬五功。總兵官張鳳。並知府龍萬育等。下部議敘。有差。○以湖北施南協副將吉林泰。為宜昌鎮總兵官。○免陝西州同蓋方。泌違例擅罰處分。仍在軍營防堵。以其在龍駒寨團勇堵禦出力。士民懇留故也。○戊午。遣官散給南苑被災苑戶兵民口糧。○己未。諭內閣。昨因南苑積水未消。而吳甸牧

養馬匹。總未據該管大臣等奏報情形。若何特傳旨詢問。始據綿懿富成等覆奏。總未差人往看情形。至十一日。經該廐長稟報。人役馬匹並無傷損。草料斲石間有漂失。不及十分之二。綿懿等並未親往查勘。又復耽延。未奏。自請嚴議等語。京師自本月初旬大雨傾注。南苑一帶早被淹浸。自初一至初十日。朕節次派員前往查勘。並設法賑卹。即管理奉宸苑之豐紳濟倫等。亦屢差官員馳赴該處。確探具奏。綿懿富成俱係內廷行走之人。寧不聞知。何以於所管苑廐漠不關心。竟不思朕必垂詢及此耶。且南苑園廐。不獨馬匹應隨時查察。該處人役不少。尤宜留意。並聞有被水難民聚集在彼。綿懿等即不親往查勘。亦當專人探聽。以備詢問。及至該廐長等於十一日稟報被水情節。綿懿等又不即時具奏。經朕傳詢。猶以六圈人役馬匹並無淹損。草料間有漂失。敷衍入奏。可見綿懿等全不

以公事為重。難勝圻牧之任。綿懿著不必管理上駟院事務。仍交宗人府嚴加議處。富成著退去上駟院卿。革退御前侍衛。在乾清門行走。仍交內務府議處。○遣侍衛馳赴通州。籌備官船。給散賑之大臣汪承霈等乘坐。分往各路查勘撫卹。○以吏部左侍郎文寧為浙江鄉試正考官。右春坊右中允周兆基為副考官。戶部左侍郎周興岱為江西鄉試正考官。戶部主事陳廷桂為副考官。翰林院編修施杓為湖北鄉試正考官。國子監助教陸開榮為副考官。○旌表守正捐軀直隸任縣民王根柱妻王氏。○辛酉。旌表守正捐軀直隸大名縣民王克興妻張氏。○壬戌。命截留漕米六十萬石。存貯天津北倉備賑。○癸亥。諭內閣李南馨奏閩省現在緝捕緊要。請暫准代巡洋汛一摺。閩省洋面正當緝捕緊要之時。該省鎮將等官既經派往統率舟師在洋偵捕。所有本營洋汛勢難分身兼顧。自係

實在情形。著照所請。除未派兵船緝捕之員。均令親身出洋巡哨外。其已經在洋緝匪者。准其暫行委員代巡。但須責成代巡之員。實力緝捕。不得因非本管洋面。稍涉疏懈。俟洋面安靜。該鎮將等各回本營後。仍照定例親身巡查。毋許藉端諉卸。○諭軍機大臣等。勒保近日並未與賊接仗。惟安坐川東一帶。僅以探聽賊蹤。帶兵迎擊各情。數行入奏。目下川東既無賊可辦。地方事務。是其專責。現在

大寧巫山一帶被水。勒保即當就近查辦。並將各處要隘嚴密防堵。如楚境賊匪再行折回川境。即係勒保之罪。至嘉陵江尤關緊要。勒保既稱江岸防堵嚴密。毋令川北竄匪或有偷渡。凜之慎之。將此傳諭知之。○額勒登保奏。穆克登布豐紳等督率官兵。生擒首逆伍懷志。餘匪肅清。得旨獎賞。升三等侍衛。綸布春二等侍衛。賞還巴圖魯名號。起已革遊擊周國平。為都司。賞還花翎。賞副將伊昌阿。

遊擊李國棟。主兆龍。傳廷剛。花翎守備曾連光等。藍翎餘升。擢有差。○又奏修築堡寨出力各員。巡撫陸有仁。總兵官劉之仁。布政使溫承惠。按察使文需等。下部議敘。賞同知張約。花翎通判雒昂。藍翎○雲貴總督琅玕奏。報攻克石峴等苗寨出力人員。賞知府程卓。藍翎守備李士林等。藍翎知縣鄭錕等。下部議敘。○命按察使銜候補鹽運使嵇承志。赴永定河承辦堵築事宜。○撥廣儲司銀二

千兩。賑永定右安門外災民。○甲子。諭內閣。京師自六月初旬以來。雨水連綿。已及兩旬。現在尚未晴霽。永定河漫溢成災。積潦未退。朕宵旰焦思。倍增悚懼。稽之會典。祇有親詣社稷壇祈雨之禮。祈晴未有明文。但水旱同一災祲。禮緣義起。自當一律虔祈。以迓時暘而消盛漲。謹擇於本月二十六日。親詣社稷壇祈晴。先期於二十二日進宮。二十三日。起致齋三日。所有一切典禮。著禮部太常寺

敬謹豫備至二十七二十八二十九三日。本
係孟秋

時享齋戒之期。初一日

禮成後。如氣候晴霽。泥淖已乾。朕即回至圓明
園駐蹕。若彼時尚未放晴。不妨在宮內多住
數日。俟天氣晴明。再行降旨。○又諭前因同
興於永定河決口。及良鄉以北被水情形。毫
無聞見。當經降旨嚴飭。並令明白回奏。茲據
同興奏稱。初七日晚間傳聞有永定河決口

之信。初九日尚未得涿州以北情形。直至十
一日始據西路同知等稟報。查該同知等所
稟。係於初五初八等日封發等語。永定河隄
決口四處。乃初三日之事。經朕特派大員分
投查勘。而該管廳縣直至初五初八等日始
行稟報。藩司遲緩已極。直隸地方官疲玩積
習。一至於此。不可不大加整頓。是以特簡陳
大文署理總督。以資振作。至同興身任藩司。
於本省被災情形。竟茫然不知。及經飭訓。徒

以焦憤愧悚。虛詞入奏。於事何益。試思各地
方官皆藩司所屬。如果知其疲玩。何不及早
叅劾懲辦乎。同興久任直隸。實難辭咎。著交
部嚴加議處。此尚係朕格外施恩。不即將該
藩司治罪。同興當倍加感奮。將直隸被水各
州縣地方確切查明。實力撫卹。毋令一夫失
所。稍贖玩愒之愆。至現在各路軍營文報。尚
無遲誤。同興仍當嚴飭各驛站多備船隻。迅
速齋遞。不得稍有阻滯。此時熊枚甫經到任。

且須查勘永定河決口。籌辦堵築事宜。所有
地方應辦諸務。係同興專責。儻於災賑不能
妥為經理。或軍營文報致有遲誤。惟同興是
問。恐不能當此重咎也。○又諭額勒登保奏
請將吉蘭泰索費英阿二人枷號開釋。或遵
前旨發往伊犁。或令各回旗籍等語。吉蘭泰
索費英阿身為提鎮大員。前因不能認真防
堵。以致獲罪。枷號示衆。今雖軍務將竣。豈可
遽行輕貸。額勒登保既請將枷號開釋。若令

即回旗籍。則帶兵各員何所儆畏。吉蘭泰索費英阿。從前既屢次帶兵。著加恩釋枷。發往吉林。交與秀林作為披甲兵丁。以示懲儆。○予四川陝西陣亡協領佛爾爾額。佐領孝順太。侍衛保邦。遊擊趙永成。守備何勝華。千總虎正江。張瑤。把總羅廷貴。胡永盛。外委姚成勳。陳華。鐵忠。才。虎。昇。龍。張占。鼐。雍。忠。太。王。大。榜。出。洋。淹。斃。候。補。都。司。蔡。得。耀。祭。葬。世。職。兵。丁。塔。克。通。阿。等。六。百。四。名。賞。卹。如。例。○撥大

興。宛。平。二。縣。常。平。倉。穀。備。賑。○免。被。災。較。重。之。宛。平。縣。來。年。額。賦。派。良。鄉。保。定。寶。坻。固。安。三。河。房。山。順。義。通。武。清。十。州。縣。本。年。額。賦。被。災。稍。輕。之。懷。柔。昌。平。薊。三。州。縣。本。年。額。賦。十。分。之。五。○乙丑。以。水。災。改。順。天。鄉。試。期。諭。內。閣。京。師。自。本。月。初。旬。以。來。雨。水。連。綿。貢。院。牆。垣。號。舍。多。有。圯。塌。滲。漏。之。處。現。在。考。試。期。近。已。飭。令。趕。緊。動。工。修。葺。惟。氣。候。蒸。溼。恐。難。如。期。修。竣。若。草。率。從。事。必。致。內。外。關。防。不。密。不

足以昭嚴肅。且近畿一帶道路泥濘。士子等來京應試。跋涉維艱。儻中途稍有阻隔。致誤考期。轉無以遂觀光之志。所有本年順天鄉試。或展期至八月下旬。九月初旬。著軍機大臣會同禮部妥議具奏。以副朕體卹寒畯至意。再向來俊秀監生鄉試錄科。係由國子監考試錄送。因吳省欽條奏改為欽派大臣在貢院局試。嗣又有御史奏請應復舊例者。經禮部議駁未行。此時貢院正值興修。未能在

彼錄科。此次俊秀監生。仍由國子監考試。不必欽派大臣。以後或應照舊例。或仍在貢院錄科之處。並著軍機大臣會同禮部一併議奏。尋奏照雍正四年會試展期一月之例。將鄉試改期九月初八日舉行。至俊秀貢監錄科。本為小試。不必特派大臣。應仍歸國子監照舊辦理。惟於錄科後。將試卷封送禮部。揭曉後磨勘覈對。如有不符者。究辦。從之。○命五城地方照冬月例。設廠煮賑一月。○丙寅。

諭軍機大臣等。黠苗滋事一案。前因伊桑阿奏稱親往石峴攻克苗寨擒獲首逆多人。苗匪俱皆畏罪懾伏。業經辦竣。當將伊桑阿等分別獎敘。而琅玕到彼。又復集兵進剿。迹涉邀功。恐致別生事端。是以降旨訓飭。乃近日朕聞伊桑阿僅在銅仁駐劄。並未親至石峴軍營。聞知琅玕起身前來。不能阻止。即將常明等攻克石峴作為親身前往。裝點入奏。琅玕由鎮遠赴銅仁。途次難民紛紛擁道哭訴。

琅玕復行帶兵進剿。是伊桑阿前次所奏。竟係粉飾虛詞。琅玕身為總督。於難民擁道哭訴時。即當將伊桑阿前後辦理草率情形。據實參奏。方為公正。乃該督並無一言提及。其意以伊桑阿前在新疆時。曾經參奏琅玕家人私販玉石一事。此次若將伊桑阿參奏。轉似有心報復。故爾隱忍不言。即此一念。亦屬私見。朕於臣下功罪賞罰。務在持平。豈可令飾奏冒功之人。濫邀優敘。以上指出情節。皆

係黔省官民共見共聞之事。著傳諭琅玕密行陳奏。如伊桑阿並未親赴石峴軍營。而滋事首逆亦未擒獲多人。則前奏盡屬虛謊。該督一面奏聞。一面傳旨令伊桑阿來京候旨。即兼署撫篆。如伊桑阿實無其事。亦即據實覆奏。○又諭吉慶等奏續查粵東各屬被風吹損塘汛兵房民房。分別動項捐廉辦理。一摺。覽奏俱悉。廣州府屬之南海等縣。猝被颶風。吹損船隻。倒塌兵房壇廟衙署民房鋪屋。

並淹斃人口。亟宜妥為撫卹。該督等於殍民漁船居民房屋及人口被災沈溺者。俱已捐廉撫卹。其倒塌壇廟衙署營汛。又兵房藥船巡船驛船等項。趕緊修葺。造冊報銷。所辦俱妥。至南海縣屬之大有圍。被水沖缺。圍田低窪處所。俱被水淹。所有沿河窮黎。自應亟為撫卹。其圍基亦應趕緊修築。該督等惟當酌量情形。迅速查辦。其應行報銷者。即當迅速奏明。動用帑項。轉不必飭令府縣等捐廉辦

理也。又據另片奏。內地民人楊勝達。久住夷地耕種。因安南差官捉拏與農耐打仗。逃回內地。及夷官押帶匪船去後。復回夷地耕種等語。外夷彼此構釁。與內地無涉。原可置之不問。至楊勝達原係內地民人。若不潛往夷地。何至被安南差官捉拏打仗。今又任其復回夷地。可見內地邊界防範不嚴。該督等總當於沿邊地方。飭屬實力巡防。以杜往來勾結。綏靖邊陲。方為妥善。再潮屬匪徒。開設花

會。以壓錢哄騙鄉愚。此等匪徒聚賭。實屬可惡。現已拏獲沈學等五十餘名。自應從嚴懲治。使匪徒斂戢。不可耽延時日。致遊手好閒之徒無所顧忌。相聚日多也。將此諭令知之。○以廣西潯州協副將王懋賞為湖南永州鎮總兵官。○以水災。貸守護

西陵八旗官員兵丁。並內務府武職及拜唐阿太監樹戶人等俸銀錢糧各三月。○撥直隸藩庫銀十萬兩。撫卹災民。○丁卯。

上詣

大高殿行禮。

時應宮拈香。○還宮。○諭內閣。儀親王永璇。成親王永理。慶郡王永璘。定親王綿恩。聯名具奏。懇將應領親王郡王俸銀俸米三年之內。恭進一半。以備賑卹等語。近日雨水過多。朕節次發給銀米。亟行降旨賑卹。及本日朕自圓明園進宮。見兵丁等房屋牆垣多有坍塌。生計維艱。復賞給一月米糧。儀親王等仰

體朕宵旰焦勞。痼瘕在抱之意。自請捐俸備賑。情切急公。殊堪嘉獎。惟念諸王祿入本有定額。且恪遵功令。并無交接餽遺之事。其家計不能充裕。朕所深知。若照所請。將三年俸銀俸米各進一半。恐不無拮据。所有儀親王成親王慶郡王定親王俸銀。仍著全行支領。惟將本年秋季應領俸米內。扣留一半。以備賞需。其餘俸米照例關放。又同日據貝勒德麟奏。伊應領俸銀俸米。向照宗室貝勒之例。

支領。請將應得三年俸銀俸米交部備賑一節。亦著照儀親王等之例。將本年秋季俸米扣交一半。以示體卹。○賞墊道官員四品以上。加一級。五品以下。紀錄二次。兵丁每名銀一兩。○以水災。賞八旗及內務府三旗兵丁一月米糧。○戊辰。遣官祭

火神廟。○諭內閣京城一帶雨水連綿。永定河漫水泛溢。被災貧民。口食無資。流離失所。節次特派大臣等查災給賑。一切加惠窮黎之事。如截漕蠲賦煮賑諸務。雖已次第舉行。而朕心軫念民艱。寢食不安。宵旰焦勞。仍無時或釋。惟恐辦災大臣等意見或有拘迂。經理未能妥協。廬懷尤甚。即如前日汪承霈等奏永定門右安門外關廟一帶。往往有假託災民。前赴散賑處所冒領一節。雖經降旨令其於放賑時留心查察。但思附近居民。如果衣食並未缺乏。豈肯改裝乞丐。經行泥淖之中。冒此區區口食。實非情理。至京城內原有

求乞之人。朕在藩邸時常經目。觀即無災之年。亦不能免。非因被災乏食。聞知設廠給賑。前往覓食。同一窮民。皆朕赤子。一視同仁。豈有加之區別。不行散給乎。況災民等嗷嗷待哺。不能稍緩須臾。若必一一查明始行分給。勢必過事盤詰。其實在飢困不前者。轉未免有所遺漏。辦賑之道。總在周施博濟。寧濫無遺。若期不濫。則必有遺。即有一二冒領之人。皆係窮苦百姓。又何忍斤斤較量耶。又據明安面奏。現在發帑賑濟。而官民內有自出己貲散給銀米者。應請禁止。汪承霈又面奏。官賑與私捐不應攙雜一處。俱屬見小。不知政體。經朕面加駁斥。試思官員等皆食祿於朝。稍有捐助。孰非公家之物。朕聞現在部員中。即有查有圻盛時彥等捐給銀米。有何不合。至殷實商民。受國家涵育深仁。積有餘貲。伊等樂善好施。更屬美事。將來事畢後。尚當查明官員內有捐貲較多者。加恩甄敘。商民等

亦應酌賞頂帶。或官給扁額。以示獎勵。方嘉許之不暇。豈有轉行禁止之理。若云官賑私捐。慮其攙雜。亦斷無欽派大員等在彼散發口糧。而私捐之官民等率行爭先散給之事。況官賑之外。又有私捐接濟。飢民多得一口食。豈不更資果腹耶。近日並有人在朕前奏及近畿災民紛紛至京。竟有被各門攔截者。更屬大謬。現在五城設立飯廠。窮民等自必聞風踵至。豈可轉行阻禁。況此等被水難

民。皆由本處無可逃生。是以遠赴京師就食。朕念切痼瘼。無論遠近災黎。寧忍稍分吟域。前已降旨。令直隸地方官分段設廠煮賑。伊等知本處可以就近得食。亦必漸歸鄉里。又何忍驅逐禁止乎。總之多救一民。減朕一分之罪。惟在辦賑各員等仰體朕子惠元元。如傷在抱至意。實力妥辦。毋使一夫失所。方足以拯流離而挽災祲。將此通諭知之。○又諭。昨因儀親王永璘等奏請將應支三年俸銀

俸米扣繳一半以備賑卹。當經降旨。准將本年秋季俸米扣留一半。茲永恩等復聯名奏請。將今秋應支俸米恭進一半。亦屬急公。內除綿課綿億俱有罰俸處分。若再將俸米扣繳。當差未免拮据。著不必扣繳外。其餘親王郡王等本年秋季俸米。著照所請扣留一半。以資賞需。至貝勒以下俸米較少。著不必扣留。用示體卹。伊等亦不必再行瀆請。○命搭放兵餉制錢六成以平市價。○

上以祈晴祭

社稷壇。自是日始齋戒三日。○己巳。以翰林院編修靳文銳為陝西鄉試正考官。內閣中書譚元為副考官。禮部左侍郎英和為江南鄉試正考官。戶部員外郎湯藩為副考官。○發京倉糶米二千四百石。局錢千緡。賑永定。右安門外災民。○免直隸被災較重之香河。霸文安。清苑。滿城。安肅。定興。新城。博野。望都。容城。完。蠡。雄。祁。安。高陽。新安。河間。獻。肅。寧。任。邱。

故城交河。半山冀清河。衡水。武邑。趙隆平。寧晉。深。饒陽。安平。大城。永清。東安。三十八州縣。本年額賦。被災稍輕。之密雲。正定。井陘。阜平。行唐。藁城。晉。無極。新樂。靈壽。任。阜城。南宮。定。曲陽。深澤。易。廣昌。涑水。十九州縣。本年額賦。十分之五。○除江蘇。丹徒。縣。坍沒田三頃二十七畝。有奇。額賦。○庚午。湖廣總督吳熊光奏。勦辦黃號首逆張萬林等。得旨。獎賚提督長齡。總兵官孫清元。吉林泰下部議敘。賞侍衛武隆阿。叅領特克昇額。巴圖魯名號。佐領塔畢善。叅將德興。都司黑達。色花翎。弁兵巴林等。藍翎。縣丞周以焯等。升擢有差。○辛未。上步詣社稷壇。行祈晴禮。○諭內閣。本月二十二日。朕由圓明園進宮齋戒祈晴。是日雨勢微細。旋即霽止。二十三。四等日。雲氣漸散。昨日業已放晴。今早朕親詣社稷壇禮成。天光開霽。日色暢晴。此皆仰賴

昊貺神庥。默垂鑒佑。欣感之餘。倍深兢惕。向來求雨有謝降之禮。因思祈晴事同一體。亦應虔誠叩謝。本月二十七至二十九日。孟秋時享齋戒。次月初一日。朕詣太廟行禮後。仍於宮內齋戒。初二日。親赴社稷壇謝晴。所有一切儀文。著照祈晴典禮。該衙門敬謹豫備。至祈晴係用常服。今行謝晴之禮。服色應有區別。是日朕御龍袍龍褂。其陪祀王公大臣及執事各員。俱著穿蟒袍補褂。并著該衙門將祈晴謝晴典禮儀注。一併載入會典。○又諭。向來凡遇蠲免錢糧。督撫接奉恩旨後。即行文各該州縣遵辦。朕素聞知外省竟有不肖州縣官。故將文書壓擱。轉於應免錢糧趕緊催徵。俟徵收將次完竣。始行謄黃曉示。迨百姓知有恩旨時。應免錢糧業經輸將過半。是國家蠲免恩施。徒飽不肖官吏囊橐。災民並未能均沾實惠。最為外省

惡習。現在直隸被水各州縣已節次降旨分別輕重蠲免應徵錢糧。其中如大興宛平兩縣近在輦轂業已遍貼謄黃自不致有延壓催徵情事。但恐外屬州縣離京較遠地方官仍不免有前項弊端著熊枚將節次奉到蠲免諭旨即刊刻謄黃徑發各州縣先行遍貼曉示再照例行文辦理俾閭閻早知有蠲免恩旨不肖官吏無從售其伎倆庶恩澤下究實惠及民以副朕加惠災黎至意。儻經此次飭諭之後尚有州縣官吏仍蹈故轍者該署督一經訪查得實即行嚴叅治罪決不稍貸。

○壬申諭內閣前據阿隆阿等奏稱恭查東陵殿宇及各

明樓

寶城大雨並無妨礙茲又據永碩等奏十四五等日復值大雨

各陵殿宇等處間有滲漏等語

陵寢重地經雨滲漏朕心刻不能安因思綿億

張若淳前經派令辦理

裕陵大碑樓工程現在綿億本欲親往查看即著綿億同張若淳於七月初三日起身前往東陵敬謹詳細查看如有應行修葺之處一面奏聞一面上緊興修務臻妥固即將永碩等所奏摺單交綿億張若淳帶往。○又諭前因京師雨水甚大永定河決口漫溢下注附近京城西南各州縣地方自必被水其東北一帶積水未能即時消涸民舍田禾必多淹浸之處朕心深為廬念誠恐地方官查報不實特派台費蔭等八員分往四路悉心查勘嗣又思被災民人嗷嗷待哺刻不能緩若俟該員等查奏到時再行撫卹未免稽遲復經降旨傳諭台費蔭等查看被水地方有急須賑之處即督同地方官立時賑濟一面奏聞一面動帑開倉原欲使被難窮黎早得賑濟藉以存活伊等自當仰體朕如傷在抱之意妥速查辦乃各路鄉員內惟派往南路之台

費蔭陳霞蔚所辦實為妥協伊二人本在霸州文安分路給賑聞保定縣被災較重即馳赴該處督飭該縣銀米兼放急為撫卹俾災黎等得以立時果腹其查勘西路之窩星額廣興僅查至涿州即行回京不過開寫戶口清單具奏並未將如何賑濟之處悉心經理至派往東路查勘之阿隆阿張端城既目擊武清寧河寶坻被災最重而寧河村莊俱被水圍浸又曾接到續降之旨並不督同地方官立時開倉賑濟經朕面詢轉稱民間藉有新麥暫資餬口此時不必賑濟大屬非是即如京師大宛兩縣本年麥收非不豐稔早經降旨給賑且各村莊猝被水災廬舍俱遭淹浸即有收藏麥石寧不被水漂失而阿隆阿張端城在朕前尚以為該處百姓有新麥足資接濟是何言耶且朕念天津地處下游永定河漫水匯流灌注殊深懸廑於十七日降旨令伊二人東路查勘事竣即前赴天津察

看水勢乃本日伊等面奏在河西務地方業經接奉此旨並不就近速往天津轉至京城復命請訓其意不過欲藉此回家看視耳朕軫念民依特遣卿員分路查勘以期速拯災黎今各路辦理既有不同自當覈其功過明示勸懲台費蔭陳霞蔚著交部議敘窩星額廣興著交部議處阿隆阿張端城著交部嚴加議處仍令伊二人即赴天津查勘該處被水情形不准歸家亦不准馳驛前往至查勘北路之恩普范鰲因各該處地勢較高居民等未經被水無需開倉給賑是以來京復命若果有應賑災區亦必能遵旨辦理伊二人無咎無譽現在五城設廠煮賑都察院堂官本有稽查之責但念西城馮光熊俱已年老照料恐有未周俱著在本衙門辦事不必前赴飯廠所有監放五城煮賑事宜著派恩普范鰲會同舒聘及前次派出之窩星額廣興輪流查察務俾窮民得沾實惠尋吏部分別

議奏得旨台費蔭陳霞蔚著照部議各加一級。窩星額著准其銷去加一級紀錄八次。抵降三級。免其降調。廣興任內有革職留任之案。無級可降。著加恩免其革任。仍註冊。阿隆阿。張端城。經朕簡派查災大員。革率從事。殊負委任。本應照部議革職。姑從寬將阿隆阿降為頭等侍衛。著在大門上行走。仍兼管鴻臚寺事務。張端城著降為六部郎中。遇缺補用。俾玩視民瘼者。知所儆戒。嗣復因台費蔭等奏報文安縣被水及大城縣被水較重各情形。命吏部存記。窩星額。廣興。阿隆阿。張端城。三年內停止升轉。○軍機大臣會同刑部審擬姜晟等貽誤河工。分別治罪。請將已革總督姜晟發往軍臺効力贖罪。已革永定河道王念孫發往烏魯木齊効力贖罪。已革同知翟萼雲。陳煜。汪廷樞發往伊犁充當苦差。奏上。免姜晟等罪。均發往永定河工効力。○勒保奏報勦辦東鄉青藍兩號賊匪。悉數殲

除。得旨嘉獎。賞勒保四品翎頂。阿哈保。薛大烈。下部議敘。○命再撥大興倉穀一千石。銀二千兩。接賑被水災民。○

上以孟秋時享

太廟。自是日始齋戒三日。○癸酉。撫卹天津被水災民。○甲戌。諭內閣。朱珪等奏本月驗看月官有分發州同何際會呈請捐銀八百兩。稍補災民不足等語。何際會係捐納微員。在部需次。見近京被水災民。官為賑濟。情願捐

貲。出有餘以補不足。樂善好施。殊可嘉尚。但此項銀兩未便官為收貯。仍著該員自為經理。聞現在京城官民內。似此私捐者尚復不少。有一人捐貲。即有一處災民得濟。是以昨經降旨。毋許飭禁。將來事畢後。當按其捐數酌量加恩。自不致沒人之善。其何際會一員。即著存記。俟賑務完竣。通行交部。量給加級紀錄示獎。至此等捐貲之人。原係各盡心力。無待官為辦理。嗣後不准紛紛具呈。果能出

上步詣

社稷壇行謝晴禮○吳熊光等奏報殲斃白號賊首王鎮賢得旨嘉獎提督七十五下部議敘拔兵丁賀應彪為把總○丁丑

上御乾清門聽政○詣

大高殿行禮○幸圓明園○賞除道兵丁銀一千兩○己卯諭內閣特清額奏各營塘汛經地方官修理有已經完竣及尚未修完之處近因雨水淋濯坍塌倒壞較前尤甚請仍查

照原議定立限期一律修理等語前因直隸各處塘汛年久傾圮疊經降旨嚴飭地方官興修以肅營伍茲因雨水復有坍塌自應立限趕緊修完但近聞直屬塘房墩臺有雖經修理仍無兵丁在彼駐守者塘汛兵丁所以巡緝奸宄若汛地無兵則塘房竟成虛設雖修理完整有何裨益該提督應會同直隸總督嚴飭各營令塘汛兵丁常川駐守毋得擅離汛地仍前疏懈○以奉宸苑卿孟倬為正

清 實 錄 嘉慶六年七月

黃旗漢軍副都統○庚辰諭內閣此案楊文仲強姦總麻服弟楊文榜之妻黃氏不從將黃氏戳傷身死刑部因例無明文即照凡人強姦本婦立時殺死例定擬斬決但思該犯與楊文榜係總麻兄弟若同凡人一律定擬未免無所區別楊文仲著即處斬集示以昭炯戒並載入刑部則例○諭軍機大臣等熊枚奏籌辦災賑各事宜一摺據稱撫卹災昏倣照保甲舊例責成地保造冊存記大賑時

可省查造之繁並杜濫邀之弊等語所見甚是前因直屬被災地方窮黎待食維艱會明降諭旨令散賑大員周旋博濟寧濫無遺此係朕痼疾在抱不使一夫失所之意而地方各員查勘災賑總當覈實辦理且外省辦賑之濫不在災民而在吏胥伊等從中舞弊多開花戶任意侵漁冒濫而閭閻轉不能均沾實惠熊枚自當嚴飭屬員按戶實開不可稍有遺漏亦不可聽其虛報又稱各學貧生現

已行學照歷次災案撥給銀兩以供饘粥所辦亦是其急賑災區應俟查明被災輕重分數覈清戶口通盤籌畫請旨辦理至所稱平糶糧價毋許市僧囤積及情願捐賑之戶分別酌賞咨部其不願捐者聽等語現在京師即係如此辦理又衝途營汛有護送文報之責坍塌住房給價興修事屬可行惟駐防滿兵所住官房請借給錢糧修理一節密雲地方本未成災其他處駐防兵房亦屬可緩即如京城八旗兵丁房屋坍塌亦復不少尚未籌修所有良鄉等處駐防官房此時且不必急於辦理將此諭令知之○以禮部員外郎顏培天為河南鄉試正考官兵部主事慕鑒為副考官太常寺卿劉鳳誥為山東鄉試正考官內閣中書葉繼寔為副考官翰林院編修張錦枝為山西鄉試正考官內閣中書吳光悅為副考官○旌表守正被戕四川長壽縣民楊文榜妻黃氏○以水災實巡捕五營

兵丁一月米糧○辛巳以故廣西太平府上下凍土知州趙嗣獻子偉璫襲職○壬午德榜奏查明轟斃首逆張允壽出力員弁升把總蔣光奎為千總拔馬兵楊文光為把總均賞藍翎餘升擢有差○以江西鹽巡道銜齡為按察使○命嗣後邊省學習期滿世職無力進京者賞借年半俸銀俾資路費○癸未諭內閣初彭齡奏伊桑阿在黔省巡撫任內驕縱勒索各款一摺伊桑阿前任山西巡撫時即有斥詈屬員之事是以伊丁憂回京後皇考不復任以封疆因其尚無贓私劣跡未予罷斥命往新疆辦事上年朕加恩更換回京念其在新疆辦事有年尚無貽誤擢任刑部侍郎屢次召見伊亦自認從前任性粗暴頗知改悔詞色諄懇似出真情朕以伊年齒增長且經此番磨鍊自應變化氣質適貴州巡撫缺出

即加簡放。初不料其甫經莅任。故態復萌。實出情理之外。本年夏間。伊桑阿辦理石峴苗匪一案。據奏將黔楚首夥要犯全行擒獲。甚為迅速。當即降旨將伊桑阿交部從優議敘。並特加恩賞。嗣琅玕自滇到黔。又復集兵進剿。將上潮下潮逆巢埽蕩。全境肅清。彼時朕猶以琅玕跡涉邀功。不復予以甄敘。近日風聞伊桑阿剿辦苗匪。僅在銅仁駐劄。並未親至石峴軍營。聞知琅玕起身前來。即將常明

等攻克石峴。作為親身前往。裝點入奏。琅玕由鎮遠赴銅仁途次。難民紛紛擁道哭訴。琅玕復行帶兵進剿。是伊桑阿前次所奏。竟係粉飾虛詞。業經降旨令琅玕密行查奏。如果屬實。一面奏聞。一面傳旨令伊桑阿來京候旨。今據初彭齡所劾伊桑阿各款。伊桑阿上年到黔。沿途州縣供應不周。即肆口謾罵。並有因州縣辦差拂意。即行徹回者。又將黔撫衙署全行拆改添造。並藉口扣繳養廉。用度

不足。令各府幫貼等事。是伊桑阿不但情性乖張。毫無悔改。而又加以縱恣勒索等事。實屬負恩昧良。試思黔撫衙署。若果坍塌。不能居住。前任巡撫琅玕到彼。何以未見拆蓋。乃伊桑阿初到黔省。即令府縣承辦添造房屋數十間。用銀至六千餘兩之多。並未發價。非取之屬員。而何至伊桑阿藉稱扣繳養廉。令各府幫貼一節。前此伊桑阿簡放巡撫時。曾自請將養廉按年全行扣交。朕恐其辦公竭

贍。特加恩令其支領一半。如尚不敷用度。不妨奏明另行加恩。乃伊桑阿竟授意各府令其幫貼。此與富綱之勒派屬員何異。至管門家人索取屬員門包。亦必交伊收用。伊桑阿一經到黔。即如此任意苛索。又何待將來營私敗檢。貽累地方乎。此而不嚴加懲治。何以肅吏治而儆官邪。伊桑阿著革職。拏問。其雲南巡撫員缺。著孫曰秉調補。即馳驛赴滇接印任事。此案著交琅玕會同孫曰秉將初彭

齡所劾各款提集應訊人證並辦理石峴苗匪飾詞入奏一併秉公嚴審定擬具奏○以貴州布政使常明為巡撫浙江按察使百齡為貴州布政使山東濟東道阿禮布為浙江按察使○甲申

孝懿仁皇后忌辰遣官祭

景陵諭內閣前因永定河決口四處應行趕辦堵築事宜特派侍郎那彥寶武備院卿巴寧阿駐劄東岸侍郎高杞莫瞻萊駐劄西岸

分投督辦嗣據那彥寶等四人奏請合駐一處商同堵築現在已閱一月尚未施工因思該侍郎等四人同辦一事儻議論紛歧於要工轉致稽緩且本衙門亦均有應辦之事侍郎高杞莫瞻萊俱著即回京辦理本衙門事務所有堵築漫口工程著專交侍郎那彥寶武備院卿巴寧阿會同署總督熊枚上緊督辦軍機大臣議覆雲貴總督琅玕請於石峴苗地建立碉卡招募屯軍設汛控馭一摺

據稱安設碉卡劃清民苗界限於銅仁屬之牛欄場至松桃廳之平頭司計九十餘里在山隘岔口建碉八十座每座派屯軍十人計用屯軍八百名以資防守至逆苗絕產俱係成熟上田俟查明確數每軍應給若干造冊報部免交租糧仍照九衛屯軍之例歸貴東道經理并請設屯千總一員於石峴建立衙署再屯軍未知紀律請撥松桃協右營守備一員兵一百名上江協千總一員兵二百名作為石峴汛以資控馭均應如所請從之○勒保奏報督同阿哈保薛大烈痛勦徐逆各股生擒徐添壽王登高等得旨嘉獎賞還勒保二品頂帶花翎以正黃旗蒙古副都統阿哈保為正紅旗護軍統領餘升賞有差○以吏部尚書琳寧刑部尚書祿康充經筵講官吏部尚書劉權之兵部右侍郎成書刑部右侍郎瑚圖靈阿署經筵講官○撥廣東藩庫銀二十萬兩兩淮運庫銀二十萬兩解往陝

西以備軍需。○旌表守正捐軀江蘇長洲縣民徐關觀妻王氏。○乙酉諭內閣。現因近京一帶被水窮民。亟須撫卹。業經加恩多方給賑以資餬口。但救荒之策。莫善於以工代賑。除永定河漫口淤沙趕緊築濬。任其傭工外。因思附近城河等處。久未挑濬。多有淤滯。以致驟雨不能消涸。著派侍郎高杞。莫瞻菴。會同各該管衙門。將護城河及早河等處。通行查勘。將應行疏濬之處。即雇集附近窮民。興

工挑挖。既可暢消積水。亦可安撫災黎。於工賑兩有裨益。○又諭陝西首逆高三。馬五。屢次戕害大員。前經楊遇春將高三殲斃。馬五生擒。即在陝省正法。並訊據馬五供稱。曾經戕害惠倫。安祿。阿爾薩朗。豐紳布等。實堪痛恨。茲據陸有仁遵旨將高馬二逆首級派員解京。著派散秩大臣積拉堪。赴惠倫。安祿墳。圓乾清門侍衛慶惠。赴阿爾薩朗。豐紳布墳。圓賜奠。將該二逆首級懸掛。令各該員家屬

觀看。以抒忠憤。俟通行賜奠畢。即將二逆首級剉碎。揚灰示衆。○丙戌諭內閣。各省及新疆遣犯內有發給兵丁為奴者。均係情罪甚重。特令其備嘗艱苦。俾知悔過。自新。該管官於此等人犯。理應隨時嚴加鈐束。豈可令其充當長隨。出入衙門。滋生事端。前此景熠將遣犯黃欽時留署教曲。曾經按律治罪。乃現據繼善奏。路經吉林。見理事同知碩隆武之長隨胡成兒。即係發往吉林給兵丁為奴之

犯。大屬非是。除不准服役外。碩隆武著交部議處。並恐各處似此者尚復不少。著通諭各將軍督撫。副都統及新疆大臣等。嗣後於情罪重大發遣給兵丁為奴之犯。毋許賞緣服侍官長。致啟干與公事之漸。儻陽奉陰違。一經察出。定將容留服侍之員及失察該管大臣等一併交部議處。○以翰林院侍講學士汪廷珍署日講起居注官。○予湖北陝西四川雲南陣亡知州王嘉猷。知縣陸維基。涂陳

策州判李晨鹽大使李基善典史蔣曰紀楊炳文楊棠千總鄭永泰祭葬加等世職如例知州毛大瀛知縣王贊武張位中左觀瀾州同王鍾嶽州判印萬舍府經歷陳棟縣丞葉槐訓導余文泰從九品尹炤未入流王壬守備張齡霞馬存把總張乃榮張用章劉鐵龐有倉蘇升外委李育華馬仁李鏐祭葬世職兵丁董起成等二千三十七名賞卹如例○丁亥刑部議覆安徽按察使恩長條奏民人聘妻童養者與人通姦本夫有服親屬殺死姦夫姦婦部例向無明文嗣後請照已成婚例辦理從之○己丑中元節遣官祭

永陵
福陵
昭陵
昭西陵
孝陵
孝東陵

景陵
泰陵
泰東陵
裕陵○命
皇次子旻寧祭
孝淑皇后殯宮○遣官祭
端慧皇太子園寢○緩徵山西長治長子二縣水災本年額賦○撥部庫銀五十萬兩廣儲司庫銀五十萬兩解往永定河工次採辦料物准照市價報銷○庚寅旌卹罵賊捐軀湖北竹谿縣生員陳作舟教子類二十二名口如例○旌表守正捐軀四川瀘州民顏爾宦女顏氏○增給右安門外賑廠京倉稔米○貸天津被水各營兵丁一季錢糧○緩徵湖南武陵龍陽二縣水災本年額賦○壬辰撥內帑挑濬紫禁城內外大城以內河道及圓明園引河○免山西代應渾源山陰大同繁峙五臺忻朔定襄崞懷仁十二州縣水災

本年額賦○緩徵陝西咸寧長安臨潼渭南
涇陽三原高陵富平耀武陽興平醴泉華隴
汧陽乾州十六州縣旱災節年民欠額賦鹽課
倉糧○癸巳

上御勤政殿聽政○諭內閣本年京師自六月
初旬大雨連綿河水漲發直隸所屬各州縣
民田廬舍多半被淹災祲示警朕心深為兢
惕當即簡派卿員分路查勘諭令一面奏聞
一面開賑節降諭旨分別蠲免錢糧截留漕

米六十萬石動支庫項十萬兩交熊枚等酌
量分撥急賑並於京城附近地方撥發銀錢
米石設廠分給又令興工代賑以期安撫窮
黎當此靈潦為災百姓流離失所嗷嗷待哺
儻不立時降旨發帑開倉多方拯救其過在
朕若既有銀米而地方官經理不善以致惠
不逮民則咎在臣下矣本日九卿等議駁御
史胡鈞璜和靜條奏一摺胡鈞璜則請令在
京王大臣官員及各廟宇鋪戶等分養災民

和靜則奏請京師限定賑期曉諭災民早回
鄉里伊二人雖主見不同均以各州縣災黎
來京就食者多鯁鯁過慮試思各州縣被災
百姓如果紛紛赴京就賑必因州縣散賑或
侵肥入己或假手吏胥從中冒濫有名無實
致百姓不能存活棄家覓食否則人情莫不
繫戀鄉土孰肯舍近圖遠假如京師辦賑並
不認真則近者必致失所遠處災黎亦豈肯
聞風踵至乎該御史等並未將如何辦賑之

法悉心條奏其議均不可行和靜摺內詞意
尚無紕繆無庸置議至胡鈞璜請將被水男
婦發給京城內外廟宇及王公大臣官員鋪
戶之殷實有力者如雇工之例各處分養則
荒唐已甚此等被災男婦令其入廟居住必
至男女混淆若責令王公大臣官員等分撥
養養視如雇工災民必不樂從難保無別滋
事端且以待賑之民下儕廝僕與犯屬發給
大臣之家為奴何異試問前代救荒之策有

如此辦理者乎。今該御史妄逞臆見。以必不可行之事。冒昧瀆陳。本應照九卿所請。交部議處。念其究係言官。若因所奏失當。遽予處分。恐有奏事之責者。因此心生疑懼。緘默不言。但似此識見庸陋。亦難勝臺諫之任。胡鈞璜不必交部議處。著斥退御史。仍回本衙門。以原官補用。向來各部院衙門保送御史。往往將年老才庸者列名塞責。竟以風憲衙門為投閒置散之地。殊屬非是。各堂官於屬員中優等出色者。自必留於本衙門辦事。但亦應將才具稍次。明白有識之員。慎選保送。豈可令衰庸之輩。忝居言職。致陳奏多屬不經。嗣後各衙門保送御史。務須認真遴選。勿得率意充數。自干濫舉之咎。○又諭熊枚現署督篆。駐劄工次。陳大文不日即可抵京。熊枚俟陳大文接印後。不必留工。著即周歷直隸。辦賑各地方。詳細查勘。如果地方官有實心辦賑。民情寧帖者。即將該州縣存記。以備升

調。儻有玩視災務。將賑餼銀米侵牟入己。即當奏明正法。即無侵牟之事。或任聽吏胥中飽。致小民不得實惠。一經查訪得實。亦應嚴叅懲治。此事專交熊枚查辦。儻稍有徇隱。咎無旁貸。○以光祿寺卿善寶為大常寺卿。○甲午撥內帑挑濬護城河。○乙未。諭內閣。豐紳濟倫等奏遵旨查明乾隆五十年以後。歷任管理奉宸苑事務之大臣。及承辦官員。分賠圓明園等處。應挑引河銀兩一摺。因應如此辦理。但此事實由從前和珅任內務府大臣時。諸事專擅。其奉宸苑事件。雖非伊專管。總須向其關白。偶遇各處河道有應行挑挖者。該管官自必告知和珅。而彼時每值大雨時行之際。皇考駐蹕熱河。和珅遂爾置之不辦。以致年復一年。總未疏濬。是河道淤墊。皆因和珅廢弛所致。迨嘉慶四年以後。朕尚未莅圓明園居住。而經管之大臣官員等。亦未將應行挑濬

緣由奏明辦理本難辭咎。但此二年中從未有如本年之經旬大雨。且因軍務未竣。朕曾降旨各處工程如可緩修者不必急於興工。伊等遂爾誤會。將此項挑工亦未辦及。今猝遭霖潦。致有積水泛漲。其貽誤尚屬有因。若追論此事玩誤之由。其咎自以和珅為重。伊已早正典刑。無庸置議。其歷任大臣卿員均屬隨同和珅因循延玩。而司員不過回明堂官。不能自定主見。若按照銷六賠四之例。分別著賠。未免銀數過多。朕細閱單內。如豐紳殷德名下應賠銀二千九十餘兩。惟念其管理奉宸苑時。皆係伊父和珅代為主持。且伊家產籍沒。經朕賞給餘貲。作為公主養贍。今令其照數賠出。必形拮据。朕心有所不忍。所有豐紳殷德應賠銀兩。著加恩全行寬免。金蘭應賠銀三千六百餘兩。業經身故。所有賠項。自係伊子縕布代賠。現在縕布亦有應賠銀一千四百餘兩。若令其一併繳出。當差未

免竭蹶。金蘭縕布著賠繳十分之三。豐紳濟倫兩任內共應賠銀三千七百餘兩。為數稍多。亦著賠繳十分之三。此外各該管大臣及承辦官員等。俱著賠繳十分之五。稍示薄懲。所有各員分賠銀兩。著即如數送交辦理工程大臣明安收貯備用。朕因此次奉宸苑挑濬河道。初議將歷任各員量加著賠。用儆將來。是以稍為示罰。儻挑竣之後。各該管大臣及承辦官員。仍不能隨時留心查察。復致積淤。則一應挑挖工費。即著伊等全數賠認。不得援此為例也。○命五城展賑一月。○免直隸寧河唐東鹿景天津靜海鉅鹿南和難澤大名元城玉田豐潤柏鄉武強滄平鄉清河昌平阜平藁城無極新樂任阜城定曲陽藁鹿樂城南樂遵化蔚東光九州縣本年額賦十分之五。薊州次年額賦十分之三。○丙申上幸靜明園。詣

龍神廟拈香。○德楞泰奏。查明勦辦徐添德出力各員。賞遊擊楊登魁。都司珠勒亨。高發。榮藍。翎委官昭福。驍騎校富永阿。托爾托善。花翎驍騎校富森保等藍翎。○撥廣東藩庫銀二十萬兩。兩淮運庫銀二十萬兩。解往四川。以備軍需。○丁酉。諭內閣。京畿一帶被水災民。節經發帑截漕煮賑。疊沛恩施。急為賑卹。此後尚有大賑。分別極次貧民。按例辦理。而目前以工代賑。最為救荒良法。現在特派

大臣。將永定河漫口淤沙。趕緊築濬。及京城護城河等處。通行查勘疏濬。雇募附近災民。俾得趁工覓食。惟向來辦理工程。俱有工頭承攬。一切雇集人夫。照料收管。皆係工頭總司其事。誠恐伊等祇招雇向日做工熟識之人。未必令災民傭工力作。則赴工之人。既誤領賑。又不得傭資。兩無所獲。是以工代賑之舉。仍屬有名無實。所有挑築永定河及護城河疏濬工程。著那彥寶。巴寧阿。會同直隸地

方官。高杞。莫瞻義。會同五城御史。順天府各行。悉心籌畫。務令災民得以藉工餬口。不使工頭從中壟斷之處。酌定章程。妥議具奏。○戊戌。諭內閣。御史游光綽陳奏一摺。內稱。賜雨未調。邊隅未靜。人才未足。儲積未充等語。皆係實在情形。本年直隸各州縣。多半被水。節經發帑截漕散賑。責令地方官實力撫卹。惟恐一夫失所。夙夜廬懷。又勦辦教匪。已逾五年。雖已將屈藏功。而軍書籌筆。殆無虛日。

至人才未能師濟。國用未能充裕。均屬目前急務。朕宵旰焦勞。未嘗不以是為兢兢。前因京城大雨連旬。朕省己責躬。以近日屢擣教匪。首逆冀。今秋當可蕺事。或此一念。稍涉自滿。致干

天和。特書諭旨。宣示臣工。今游光綽即引此。以為朕心。或有未純。深合人臣責難之義。惟摺內所陳。欲倣照魏徵進諫。唐太宗十漸疏意。以此進規。夫唐太宗為三代以下令主。朕方

遜謝不遑。但魏徵所陳十漸皆實有所指。今該御史摺內雖多持盈戒滿之詞。而於朕何事稍涉目滿。並未切實敷陳於古人直言極諫之道。尚有未合。若朕躬果有缺失。該御史不妨一一直陳。朕將引以為戒。更足徵忠讜。惴惴如僅係空言。並無可指。亦著據實具奏。至現在內外大小臣工。何人不能奉職。吏治營務何處廢弛。亦著一併據實陳奏。尋覆奏上得旨。昨御史游光綬陳奏一摺。全無指實。

當即降旨令其據實覆奏。本日游光綬覆奏之摺。仍前空衍。如摺內所稱大臣未盡和衷。即會議一節。由一衙門主稿。別衙門長貳竟有茫然不知者。泊乎會議之日。不過挨次畫題。從無異議等語。向來交各衙門會議之事。其應行速議者。朕從不加之催促。原恐限期過迫。一人定議。或未能彼此熟商。致啟專擅之漸。是以總照向例。以五日為限。諸臣儘可從容商酌。若意見不同。原可另議。設更有格。

礙亦不難密奏。至尋常會議期限更寬。豈有列銜之今。全不寓目。率行畫題之理。即如前日交議胡鈞璜和靜條陳賑務一事。朕於召見諸臣時。一一詢問。皆能將所議事理覆奏。此其明證。可見該御史所稱別衙門長貳茫然不知之說。全屬臆度。又摺內稱往時督撫不無貪恣。近則多能自守。而求其吏畏民懷者。未易指數一節。現在巡撫中。即有伊桑阿以縱恣勒索獲罪。何未見該御史奏。轉稱

多能自守乎。至何省督撫不能吏畏民懷。何處戎政未肅。何處吏治未醇。該御史皆不能確有聞見。惟能籠統陳奏。全不指實。博取諫之名。無裨於政治。仍屬空言。再近年海洋盜風未戢。疊經降旨令該督撫等上緊緝拏。提鎮中如孫全謀錢夢虎黃標在洋認真督緝。節經嘉獎。升擢人所共知。乃該御史摺內將總兵黃標誤寫王彪。是在洋督緝之鎮臣名姓尚記憶不真。而於現在洋面緝匪情形更

屬情惜矣。此外全係徵引泛論之詞。尤於實政無裨。原摺著發還。○吏部奏。向例各省商籍行銷埠務。省分本有住址產業者。不准在該省居官。其歸併考試商籍之省。分未經詳晰嗣後。應令一體迴避。從之。○給熱河地方被水災民口糧。○撥山西藩庫銀六十萬兩。山東河南藩庫銀各三十萬兩。賑卹甘肅被旱災民。並免旱蘭狄道渭源金靖遠隴西安定會寧寧遠伏羌西和岷通渭漳平涼靜寧。

隆德固原華亭安化寧合水正寧環山丹平番古浪秦安清水禮階靈臺鎮原崇信武威永昌鎮番西寧碾伯成文徽兩當四十四廳州縣並西固三岔二州同。沙泥州判。紅水東樂二縣。丞所屬節年。新舊額賦。草果有差。○己亥諭內閣。前因薊州一帶滋生蝗蝻。未據熊枚奏及。自係地方官未經稟報。當即令熊枚查明奏。茲據奏稱。該州城東十五里之三家店起至桃花寺一帶。有初生蝗蝻聞

段聚落。知州趙宜霖會同署都司劉天相等。分段圍捕。現已日就減滅。並據該州稟稱。原期剋日捕盡。再行通稟等語。地方一有蝗蝻發生。即應一面申報。各上司一面親往撲捕。勿使蔓延害稼。方為留心民瘼。若業已捕盡。又何事通稟為耶。趙宜霖玩誤遲延之咎。實無可辭。著革職。該管通永道阿永署東路同知方其昀。於所屬匿蝗不報。未能查出。著交部分別議處。藩司同興。失於查察。并著交部

察議。熊枚甫經署任。且駐劄工次。其失察尚屬可原。所有自請交部察議之處。著加恩寬免。○又諭。前據高杞莫瞻萊奏。勘挑護城等河。請於戶工二局豫領錢文二萬串。朕以局錢經費有常。一切工程需用。豈能概行取給。莫瞻萊係工部右侍郎。錢局是其專管。高杞雖未管錢局。但現任戶部左侍郎。於本部局錢多寡。亦應知悉。乃率為此請。殊屬不曉事體。當經降旨申飭。昨即據戶部奏稱。因七月

兵餉搭放錢文六成現在局中存錢較少除八月兵餉仍行搭放三成外其九月以後兵餉請搭放一成並將官員秋俸概用銀兩給放已依議准行此摺高杞亦復列銜具奏經朕將原摺交軍機大臣詢之高杞既知局錢不敷何以前奏請發錢文至二萬串之多始據高杞莫瞻萊二人聯銜奏請交部嚴議伊二人於本管部分事務漫不經心其所請多發錢文不過自圖省便之計若人人皆圖省便則那彥寶等現辦河工請銀一百萬兩亦當奏請俱給發錢文有是理耶似此即再添數百卯仍屬不敷支給而添卯一事詢之戶部堂官僉以為難行詢之工部堂官則云較之戶局更難添設昨大學士滿漢尚書等議覆御史汪鏞條奏請添卯鑄錢一節亦均議駁高杞莫瞻萊均係與議之人是竟如御史游光繹所奏不過挨次畫題又安用此堂官為乎戶工二部職任較繁高杞莫瞻萊憤憤

清 實 錄 嘉慶六年七月

乃爾豈能勝任所有戶部左侍郎著和寧調補那彥寶著調補工部左侍郎伊現在出差仍著和寧兼署其兵部左侍郎即著高杞調補蔣曰綸著調補工部右侍郎管理錢法堂事務劉躍雲著調補工部左侍郎其禮部左侍郎著莫瞻萊調補高杞莫瞻萊所請嚴議之處著加恩改為交部議處○予浙江故都察院左都御史胡高望入祀鄉賢祠從巡撫阮元等請也○庚子以副都統銜綢武布為喀喇沙爾辦事大臣○緩徵陝西藍田武功永壽郃長武五州縣旱災舊欠額賦○辛丑諭軍機大臣等本年直隸各州縣地方被災較廣現在加恩賑卹將來青黃不接之時糧價自必昂貴亟應先為籌撥以資調劑山東河南二省附近京畿收成尚好東省惟臨清等處豫省惟內黃地方稍有被水之處均屬一隅中之一隅其餘各屬秋收多係豐稔著傳諭惠齡顏檢於豐收價賤處所酌量採辦

小米麥石由水路運至直省以備來年平糶之用並將該省能採辦若干之處由驛具奏以慰廩注尋經惠齡顏檢先後奏獲山東採辦米麥十萬石河南採辦小米五萬石又惠齡奏於查災時見沿河商船多係裝載糧石赴直販賣因念直省多得一船糧食即多受一船接濟復恐開壩各處稍事留難當即出示曉諭嚴禁攔阻均報可○壬寅命永定右安門外飯廠展賑一月○移陝西固原提督駐漢中府改協標都司為城守設提標中左右前後五營移提標前營遊擊駐西鄉作為分防撥提標守備一員兵二百名分駐沔縣左右兩營千總各一員兵一百名分駐南星馬道從總督長麟請也○癸卯諭內閣前因明安奏海運倉現在支放二月分西四旗應領俸米一事該倉應領俸米何以至今始行開放其中顯有情弊當經降旨令倉場侍郎查倉御史各行明白回奏茲據鄒炳泰興德

等覆奏以六月雨水過大車輛難行無人支領為詞此項俸米例應於二月開斛四月底滿限其大檔甲米亦應於五月內支放彼時尚未屆大雨之際何得以此藉口該監督德永楊毓櫛於支領俸米任意遲延並不依限催放及已逾定限輒捏報完竣該四旗亦照此報部此與外省虛出通關無異其中恐不無縱容花戶人等勒索及米鋪併票支領情弊不可不徹底究辦德永楊毓櫛著解任同經手花戶人等一併交刑部嚴審具奏至倉場侍郎達慶鄒炳泰總司倉務伊等常因事進城可以隨時稽察何至該倉應放米石遲至數月之久伊等竟毫無聞見惟據監督等詳報印票齊全依限完竣即信以為實並不就近詳查非尋常失察可比御史興德於到任時詢問俸米將屆限滿尚有六萬餘石未能放竣彼時既知駭異何以不即據實具奏迨逾限後該御史以人數衆多又不據實叅

奏實屬代為徇隱倉場侍郎及查倉御史自請議處之處尚屬過輕達慶鄒炳泰興德俱著交部嚴加議處尋議上達慶鄒炳泰降二級興德降三級得旨達慶鄒炳泰准其抵銷興德著降調○勒保奏報官兵追剿魏逆股匪升叅將李錦麟為副將餘升擢有差○浙江巡撫阮元奏報剿獲洋匪多名得旨嘉獎總兵官岳璽李長庚胡振聲等下部議敘○甲辰緩徵安徽宿靈璧鳳陽泗盱眙五河六

州縣鳳陽長淮泗州三衛舊欠額賦漕糧○是月密諭顏檢知悉河南自吳熊光馬慧裕完顏岱三人整飭以後吏治頗佳風聞陳留縣知縣王元翊前署西平縣事能體卹百姓斷訟精明又有孟縣知縣劉文京惻悃無華官聲亦可實無聲名狼籍之員而民情尚為淳樸惟光州屬之息縣光山縣及汝寧府屬之羅山縣確山縣信陽州等處民風較為刁健行輒以刀自隨藏匿胸間名曰順刀每遇

小忿糾集多人此而不戒恐成械鬪朕所聞如此卿宜留心再加訪察須令潛移默化漸臻治理再豫省河工亦關至要宜知謹慎不可稍忽今歲永定河決四處被災者六十餘州縣朕夙夜憂懼竭力賑救特諭卿知益加敬凜○兩江總督費淳覆奏御史黃照條奏防禦海盜一摺一商船分別准帶礮械嗣後梁頭一丈三尺商船准其攜礮一門烏鎗六桿刀械十枝火藥不得過三十斤下此者遞

減其礮械仍鑄造船戶姓名年月由州縣驗給一海邊稽查宜專責成查蘇松洋面例不許浙江人住山採捕惟小羊山前後巖口六處春汛捕魚約三四百人秋汛採蟄七八百人皆有印照而採捕人船浙江居其七八重洋往返難保無濟匪情事前經咨會浙江暫行禁止俟洋面肅清再復舊制至上海閩廣鳥船責成會館董事編查一沿海汛防宜嚴加督察該御史奏各汛能獲盜船如無事主

具領即將船貨照例賞給汛兵儻盜船寄泊汛內治罪申明定例自應照議得旨所議俱是但看奉行若何耳果盜淨民安自屬有驗功效否皆紙上空談何益之有

大清仁宗受天興運敷化綏猷崇文經武恭
勤儉端敏英哲睿皇帝實錄卷之八十五

大清仁宗受天興運數化綏猷崇文經武孝恭勤儉端敏英哲睿皇帝實錄卷之八十六

[illegible]

上還宮旌表河南沈邱縣民張添有妻柳氏以祭

社稷壇自是日始齋戒三日。○丙午遣官祭關帝廟。○諭內閣戶部奏查明陝省綏德等六州縣節年春糶糧石尚未買補一摺。此項春糶糧石例應當年還倉。乃該州縣自乾隆四十三年起至五十九年止。十餘年之久並未買補。前經戶部定限五年。令其買補全完。至今尚復逾限未買。且自五十九年以後。春

糴糧石亦未買還延玩已極。即或近年該省軍務未竣。藉口糧價昂貴。未能買補。豈自乾隆四十三年以來。總未值價平之歲乎。著交該撫陸有仁。嚴飭綏德等六州縣將前項節年未買糧石。上緊設法買補。勒限報部。仍將歷任買補遲延。及督催不力各職名查參具奏。又諭戶部。奏據馬慧裕咨。湖南應辦京局黑鉛。暫歸黔省代辦。請仍勒令湖南照舊運解一摺。湖南省從前應辦黑鉛。原係七十

餘萬斤。後經祖之望於該省巡撫任內。奏請將原辦四十餘萬斤酌減。每年定額二十五萬斤。馬慧裕到任。如果相距在數十年之後。尚可藉口。今昔情形不同。今馬慧裕即係與祖之望接任之人。何至僅能辦三萬餘斤。該撫到任未久。自未及親行查勘。何得僅據屬員稟報年久砂竭。率行咨部驟減至三萬餘斤。若再隔數年。豈竟欲全行請免耶。至黔省每年應辦黑鉛。已屬不少。若再將楚省額解

黑鉛統歸黔省辦解。豈不更形竭蹶。現在京師錢價較昂。廷臣動請加卯鼓鑄。若鉛斤短少。豈能敷鼓鑄之用。馬慧裕著傳旨申飭。仍著將該省應辦黑鉛二十五萬斤實力籌辦。照數運解。毋得意存諉卸。○諭軍機大臣等。台布奏在蒙古地方居住番族人等。一經官為驅逐。即已陸續搬出。可見番族人等尚知畏法。惟納漢達爾濟境內有循化合兒族之亦洛合瓜什濟二莊人戶。又察罕諾們汗境

內有貴德熟番主古录族。揣哨族番衆未搬。經台布詰訊。而納漢達爾濟等代為懇求。又令照舊游牧。殊屬自相矛盾。前此蒙古王公扎薩克等以番族人等偷竊牲畜。占居帳房。懇求派兵驅逐。及內地大臣帶兵到彼。番衆即已陸續搬移。本可劃清界址。為綏輯蒙古久遠之計。今納漢達爾濟等轉憐其窮苦。代番衆懇求賞給伊等沿邊之地居住。姑如所請。准令亦洛合瓜什濟揣哨主古录四族居

住卡外應令納漢達爾濟等一體出具甘結。永保番衆不再滋事。儻一二年後仍不安靜。不但將四族盡行驅逐嚴辦。亦必將納漢達爾濟等一併治罪。其餘已經逐出各番。不准各蒙古王公等再為懇求復行搬回居住。至尖木贊素為番族信服。此次親詣各族勸諭輸誠尚屬出力。著賞戴花翎。將此諭令知之。兵部奏軍營征兵脫逃。舊例將該管官分按名數勒限叅緝。於五日內拏獲免議。逾限議處。查兵丁隨征越險追剿。路徑分歧。難免迷失落後。或遲數日始出。或附歸他隊。而統兵大員懼干例限。申報緝拏。及據他處關會。又申報停緝。以致旋叅旋止。徒勞案牘。應請嗣後改為半月以內拏獲者免議。其餘丁原以備拔補額兵之用。但甫經召募。紀律未諳。而該管官失察處分。與征兵一例。亦未允協。應請嗣後均照征兵脫逃例酌減議處。從之。雲南巡撫初彭齡侍養來京。命署吏部右

侍郎。丁未祭先師孔子。遣大學士慶桂行禮。諭軍機大臣等。據福會奏。靜海縣迤北之邱家隄。王家院二處。東岸漫口水勢外洩。應請開工趕辦。合龍以固運道。所奏甚是。運道經由之處。若任其分洩。則河路必致淺澀。目前糧艘回空。既屬不便。且恐來歲重運有礙。行走著陳大文即速派委妥員。並轉飭天津道蔡齊明趕緊興築。俾河水儲蓄。以利漕運。以辦理永定右安門外急賑事宜。妥協兵部尚書兼管順天府府尹汪承霈都察院左副都御史陳嗣龍劉涓順天府府尹閻泰和及巡視南城御史達靈阿張鵬展兵馬司正指揮賈鈺副指揮陳韶吏目單恩長順天府經歷查人和宛平縣縣丞陸逢瑞均下部議敘。緩山東臨清館陶武城邱夏津聊城堂邑清平博平。往平高唐莘恩冠陽穀朝城東阿平陰平原。長清德范二十二州縣水災新舊額賦有差。

緩徵山西平定汾陽三州縣水災本年額賦並貸籽種口糧有差○戊申祭

大社

大稷

上親詣行禮○以舉行仲秋經筵遣官告祭

奉先殿

傳心殿

上御文華殿經筵直講官祿康劉權之進講論語節用而愛人講畢

上宣御論曰人君代天治民以天之所生五穀布帛養天下萬民轉輸運籌務期家給人足使無飢寒之患必先量入為出耕九餘三偶有興軍旅遭水旱而不憂用絀者是在平日用所當用而不妄用以有餘補不足節所當節而非吝惜務期惠及閭閻以愛人之實心行愛人之實政不少存掊克聚斂之鄙見擴大公無我之誠心庶民可免顛沛之苦漸致小康矣直講官扎郎阿彭元瑞進講易經有

乎惠心勿問元吉講畢

上宣御論曰大易損益二卦損下益上凶損上益下吉此天地之常經古今之通義也人君愛育羣黎是君之職分當然博施濟衆懷保之政無一毫干譽之私能如是則何待問而知其元吉哉若無益下之實心偶施微澤即沾沾自喜此要結人心之小術而非至誠無隱之正道上不本於誠烏能使下以誠應民說无疆哉誠能有孚惠心則受益者衆此至誠感召之實理所謂自上下下其道大光克己而天下歸仁錫福靡有涯涘矣禮成上幸文淵閣賜講官及聽講諸臣茶復賜宴於本仁殿己酉

上詣

大高殿行禮○幸圓明園○庚戌遣官祭昭忠祠論內閣前因風聞伊桑阿辦理石硯苗匪一案並未親到軍營督辦僅在銅仁駐劄

將常明等攻克石峴作為親身前往裝點入奏曾降旨諭令琅玕將伊桑阿辦理革率虛詞入奏之處據實查奏彼時伊桑阿在黔省巡撫任內驕縱勒索各款尚未敗露嗣據初彭齡奏伊桑阿種種劣跡大半係琅玕告知之語復降旨交琅玕會同孫曰秉嚴審定擬具奏乃本日琅玕覆奏前次諭旨一摺不但不將伊桑阿劣跡舉劾而於伊桑阿未曾親往石峴飾詞具奏之處轉代為申說據稱伊桑阿因辦理撫卹難民留駐銅仁及將欲親往軍營而常明已將為首各犯擒獲伊桑阿即據以入奏並稱此事係伊桑阿節次督催俾得及早成功與有意欺飾者情稍有閒是何言耶伊桑阿既駐劄銅仁辦理撫卹事宜未經親往石峴軍營即當據實奏明況石峴餘匪並未勦淨伊桑阿竟敢捏稱親往該處督辦將獲犯藏事緣由徑行馳奏是伊桑阿欺飾之罪已屬百喙難辭而琅玕又復代

為隱飾此誠何心且伊桑阿在黔劣款前初彭齡奏摺內據稱係琅玕自銅仁回滇時在郎岱地方與初彭齡會晤告知琅玕既可告知僚友獨不可直陳於君上之前乎此案若非初彭齡據實奏聞則伊桑阿貪黷營私貽累地方琅玕竟置之不顧以滿洲大臣且係覺羅又經朕詢問曾不若業經離任之漢巡撫尚能秉正不阿據實奏奏乎看來琅玕總因伊桑阿前在新疆時奏伊家人私販玉石一事意存避嫌即屬徇私代為容隱而摺內所稱凜畏悚懼等語皆係敷衍虛詞全不足信矣此次琅玕如果將伊桑阿劣款及辦理苗案欺飾實情一一參劾則前此勦洗石峴苗寨後其攻克上潮下潮逆巢全境肅清皆屬琅玕之功所有伊桑阿前得優敘朕必移給琅玕今如此有心徇庇不但無功可錄並當立予罷斥姑從寬將琅玕拔去花翎降為二品頂帶暫留雲貴總督之任仍著嚴

行申飭以觀後效。僕琅玕於查審伊桑阿貪劣各款。仍有不實不盡。必當嚴行治罪。不能再為寬貸也。○署直隸總督陳大文奏請撥辦賑銀一百五十萬兩。並籌辦大賑章程。一。大賑日期。提至十月。一。應給賑糧銀米兼放。一。嚴查冒濫之弊。以杜侵蝕。委隔屬大員。查明極次貧民大小口數。逐戶填入印冊。一。發州縣。一。送上司覆覈。並照冊載姓名丁口。填寫告示。先期曉諭。一。設廠煮賑。應准報銷。向來直屬偶遇歉收。多有地方官捐辦。及詳用義穀者。今歲被災較重。所有七八九三月撫卹摘賑案內。准其一併報銷。一。應給房屋修費。查瓦房一間。給銀一兩。土草房一間。給銀五錢。應照例賞給。一。兵丁戶口。應分別查賑。查兵丁既得月餉。自未便准其食賑。其兄弟叔姪。雖係同居。而該兵丁所支官糧。不能兼顧。應准與民人一體賑卹。一。各屬屯居旗人。竈戶。令理事同知等官。及場員。查明分別給

賑。奏入諭軍機大臣等。陳大文奏請於十月開賑。並放賑一切條款。所辦俱是。現在兩淮有商捐銀一百萬兩。業經起解。著陳大文即行知該省委員。將此項於過直時。即行全數截留。至此外銀五十萬兩。俟過八月後。即行如數發給。朕廑念災黎。痼瘼在抱。惟恐一夫失所。從不靳惜帑金。第聞地方官辦賑情形。諸弊叢生。不但放賑之時。層層剝削。即清查戶口等事。皆有向貧民勒索冊費。以多報少。以少報多。極貧次貧。意為高下。甚至有貧民待賑孔殷。轉因冊費無出。願甘舍賑不領者。其餘捏造戶口。肆意侵吞。何所不至。在地方大吏受恩深重。自不忍出此。其餘州縣各官。即賢否不一。難保無從中侵蝕之人。至書吏人等。尤奸偽百出。不可不嚴密查辦。陳大文惟當嚴密訪查。如有前項不法之徒。立即查拏。從重處治。以儆其餘。務令所撥帑金粟米。絲毫顆粒。實惠皆及小民。方為不負委任。將

此諭令知之。賞總理糧餉甘肅道員蔡廷衡花翎加按察使銜。從總督長麟請也。○撥湖南米三萬九千石解往陝西以備軍糈。○辛亥以前任河南布政使先福為光祿寺卿。壬子諭內閣戶部奏請令陝甘川楚等省將近年以來軍需項下所收各款銀兩造冊送部查覈一摺。所奏甚是。各該省軍需銀兩有奉旨由部庫及各省撥解者。亦有由外省截留者。有先經撥給某省後又改撥他省者。

此外尚有收捐及變產等款。頭緒紛繁。現在大功指日告成。報銷在即。豈容稍涉牽混。自應縷析條分。以清款項。著陝甘四川湖北各督撫即轉飭該省藩司及局員等查照戶部摺內所指各條。速行彙造清冊送部查覈。仍將續行撥給之款隨時報部。以免遺漏。○命內閣學士玉麟在上書房行走。○以禮部左侍郎英和兼署吏部左侍郎。調署吏部右侍郎。初彭齡署兵部右侍郎。以戶部左侍郎戴

衢亨兼署吏部右侍郎。命順天府府丞胡長齡為奉天府府丞兼學政。兵部侍郎平恕提督江蘇學政。戶部員外郎湯藩提督安徽學政。內閣學士李鈞簡提督江西學政。吏部右侍郎文寧提督浙江學政。都察院左副都御史恩普提督福建學政。山西道御史何學林提督湖南學政。太常寺卿劉鳳誥提督山東學政。通政使司通政使陳霞蔚提督山西學政。翰林院侍讀吳芳培提督河南學政。吏

部郎中康綸鈞提督陝甘學政。河南道御史錢棧提督四川學政。翰林院修撰姚文田提督廣東學政。翰林院侍讀學士張綬提督廣西學政。江西道御史葉紹椿提督雲南學政。翰林院編修陸以莊提督貴州學政。癸丑太宗文皇帝忌辰遣官祭

昭陵。旌表守正捐軀直隸寧河縣民董煥然女董氏。緩徵長蘆水衝坨鹽正引課銀直隸河南各引地課銀十分之五。甲寅諭內

閣御史王蘇奏新放江蘇學政平恕請另行
簡放或酌量改調一摺內稱平恕前在江蘇
斥革生員多名人人切齒即商賈小民無不
痛恨似平恕實有不公不法之處因令軍機
大臣傳到王蘇詢以平恕有無別項劣跡令
其據實直陳旋據王蘇登覆仍不過稱平恕
辦理甄輔廷擅責生員一案衆心不服又稱
平恕考試生童並無別項劣跡等語平恕前
在江蘇學政任內如果有賄賣生員去取不

公等弊該御史當指明據實參奏朕必嚴為
懲辦至其因甄輔廷案內斥革生員多名一
事先經照部議醵職今該御史以業經議結
之案仍列彈章並稱或另請簡放或酌量更
調試思平恕如不勝學政之任既不宜於江
蘇豈復宜於他省若平日並無劣跡此次復
經簡用益當顧惜聲名用息浮議固不肯苛
刻以斂怨亦不應寬縱以沽名儻平恕約束
士子仍不得當或另有案據亦何難將平恕

罷斥治罪豈有國家簡任學臣因籍隸本省
之御史揀拾前事一經劾奏即行更換是舉
錯之權操之言路勢必如明季科道紛紛計
奏惡習成何政體乎所有江蘇學政仍著平
恕去御史王蘇著交部議處諭軍機大臣
等特清額奏窮民出口分別驗放章程一摺
各處關口定例稽查出口民人自當一律給
票驗放何以祇山海關一處由臨榆縣給票
而古北口張家口等處並不給票辦理殊未

周密至所稱嗣後民人出口如查係攜帶老
幼妻子者自係良民應准放出如無眷流民
年當少壯無論隻身結伴概不准出關一節
所議亦未妥協本年直屬被水地方較多窮
民出口謀生者自必不少並恐奸匪易於潛
跡若祇查其帶有眷屬放行其年壯未帶眷
屬者或向守關兵役許給錢文攪混出關均
屬事之所有況口外即係蒙古地方若內地
窮民紛紛到彼覓食竟似內地不能存活而

蒙古等又必以侵占伊等游牧為詞致生枝節殊屬不成事體總之中外之界不可不分稽查關隘寧嚴毋濫其應如何立定章程給放驗票之處著陳大文會同特清額具奏尋覆奏查例凡出口旗民俱係飭令給票驗放日久奉行不力遂致有名無實惟該災民等若非流離失所必不肯輕去其鄉惟有諄諭府廳州縣將大賑實心妥辦廣為出示曉諭令其安心待賑切勿擅離鄉井仍通飭地方

官各遵定例凡商民出口給與印票至口對驗相符始准放行造冊報部得旨凡人莫不繫戀鄉井若非萬不得已孰肯輕去實力辦賑為探本正辦勉之○釋遣戍伊犁已革陝西巡撫秦承恩命來京候旨○旌表守正被災廣東南海縣職員周葉算妻龔氏○貸張家口八旗兵丁一年錢糧修補官房○乙卯太祖高皇帝忌辰遣官祭

福陵○命編輯辛酉工賑紀事諭內閣本年京

師自六月初旬大雨連綿河水漲決直隸被水地方至九十餘州縣之多實非尋常偏災可比朕廑念焦勞當即簡派卿員分路查勘開倉賑濟節降諭旨分別蠲免錢糧截留漕運動用銀錢米石交汪承霽熊枚等分撥急賑又令那彥寶巴寧阿趕築永定河隄岸並派高杞莫瞻棻挑濬護城等河興工代賑以期安撫窮黎實已不遺餘力現在右安門外等處飯廠人數日漸減少十月初開放大賑

災民各回鄉里就近領賑似可不致有失所之人可見地方閒遇災祲若能及早籌辦實力撫綏即可為補救之方前因暑潦成災宵旰靡寧曾作河決歎一首用抒憂勤惕勵之懷刻石頒示內外大臣並非尚詞藻摘毫徒資傳誦實欲臣工等共喻朕誠求保赤之深衷留心民瘼或地方偶值偏災亟為拯救以綏黎庶而迓庥和著將本年辦理一切工賑事宜編輯成書派軍機大臣慶桂董誥成德

戴衢亨會同南書房朱珪彭元瑞並曾經查辦水災之豐紳濟倫明安檢查六月初旬以後節次所降諭旨並諸臣關涉災務各奏章逐日編集彙為辛酉賑災紀事於冬底繕寫進呈刊布以示朕遇災兢惕予惠元元之至意○又諭各旗帶領外省送到保題擬正擬陪官員引見摺內俱繕寫請簡放擬正之人擬陪者記名等語此項人員引見朕惟看其人材簡用若擬陪之員優於擬正朕即簡放擬陪之員將擬正者記名有何不可惟正藍旗滿洲每次摺內僅書現有幾缺請簡放幾人餘者請旨記名從未書寫請簡放擬正之人將擬陪者記名之語此係正辦將此通諭各部院衙門及八旗嗣後帶領外省送到保題擬正擬陪人員引見摺內俱著照正藍旗滿洲式樣書寫○除浙江海島遷移民戶棄置地三頃四十畝有奇額賦○丙辰上御勤政殿聽政○遣官祭黑龍潭

昭靈沛澤龍王之神玉泉山
惠濟慈佑靈瀨龍王之神○以太僕寺卿多慶為內閣學士兼禮部侍郎銜○撥江西藩庫銀三十萬兩解往四川以備軍需○除浙江蕭山縣西興場坍沒竈地一百二十八頃七十七畝有奇額賦○丁巳
上詣
安佑宮行禮○諭內閣京師城外附近各處凡遇人命盜案事件俱係五城所屬而徵收地糧等項例由大興宛平兩縣管理遇有災賑之年向不列入兩縣戶口冊內即如本年永定門右安門外一帶地方被水較重節經加恩賑給米石錢文災民雖可藉資餬口但十月內即開放大賑恐直隸地方官因係五城所屬遂不列入大宛兩縣待賑戶口冊內未免向隅著直隸總督會同順天府飭屬通查附近京師地方五城所屬戶口其錢糧歸入大宛兩縣者屆期一併造冊給賑勿稍遺漏

以副朕軫念災黎無使一夫失所至意（額勒登保奏報生擒首逆王士虎再添泗等並查明連次出力員弁勒保奏報七十五一路官兵在桑樹坪地方擒獲劉朝選之弟劉清選湯思蛟之弟湯步武並查明疊次出力員弁均得旨獎賚擢副將張績為總兵官騎都尉恩布蘇前鋒達冲阿為三等侍衛賞侍衛武隆阿協領達斯呼勒岱副都統銜叅將鄭啟貴副將銜委叅領依爾庚阿副將李錦麟

叅將羅聲皋遊擊傅廷佐巴圖魯名號知州李凱副總管格亨德爾佐領舒通額協領永廷佐驍騎校富明阿領催薩凌阿副將國興阿陳尚德遊擊張傑張鍾琪鄒海慶主得勝都司張拱辰守備劉明德張超李朝相花翎領催德勝保等藍翎餘升賞有差（戊午發內庫銀千兩分賞永定右安門外收養避水難民各廟僧道（庚申秋分夕月於西郊遣榮郡王綿億行禮（諭軍機大臣

等本年直隸被災州縣較多節經發帑截漕開放大賑民食自不至缺乏但念來春青黃不接之時米價昂貴必須豫籌採買米石以備平糶之用今奉天通省豐收糧價甚賤自應就近採辦轉運以資接濟著傳諭陳大文即查明直隸被災各州縣明春豫備平糶米石共需若干迅速奏聞以便諭令晉昌即由奉省採買至如何派員接運之處並著該督詳悉酌覈具奏尋奏覈計直省被災州縣明

春平糶約共需米三十萬石除已由豫東二省代買米十五萬石外請在奉省再採買高粱四五萬石連米湊足十五萬石照乾隆四十九年例由奉天雇船派員押運到津交收一切款項由直隸解還歸款從之（旌表守正捐軀福建武平縣民鍾祥發妻王氏（辛酉遣官祭賢良祠（諭內閣本年六月雨水過多永定滹沱等河泛漲直隸被淹地方至九十餘州縣業經發帑截漕煮賑分別蠲免

錢糧並令趕緊堵築隄岸。挑濬護城等河。以工代賑。俾災民得資餬口。不至一夫失所。實已不遺餘力。惟念水衝地畝。不無淤沙積壓之處。即水退之後。仍不能一律耕種。若賦額尚仍其舊。民力恐不免拮据。著交署直隸總督陳大文。遴派廉能道府。分路履勘。將此等水衝沙壓地畝。應行減豁之處。逐一據實奏聞。候朕再降恩旨。若其中有水退泥淤轉瘠。為良者。轉不必亟行查辦也。○以右春坊右

贊善楊祖純。翰林院編修汪守和。署日講起居注官。○戶部議准廣西巡撫謝啟昆疏報。天保縣開墾水田四十五埧。照例升科。從之。○壬戌遣官祭文昌帝君廟。○癸亥。

上詣

時應宮

昭顯廟拈香。還宮。○諭內閣。本年六月間雨水連綿。八旗兵丁住房及各營官房倒壞。

甚多。經朕屢次施恩。將兵丁每月應扣庫銀展限兩箇月。又普賞一月兵米。用資生計。所有倒壞房間。亦得藉以修理。乃朕本日自圓明園進宮。見兵丁住房牆垣尚未能一律修整。想因伊等生計未臻充裕所致。朕所見者如此。其窮巷僻居。自必更甚。目今天氣漸寒。若所住房屋不能完整。何以禦冬。所有各營兵丁官房。既經各該處奏明動用公項修理。而私房未經修理者尚多。且物價昂貴。諸凡

拮据。殊堪憐念。著加恩將本年終所賞八旗及包衣三旗兵丁等地租銀兩。移前於九月內即行普賞。此時地租銀兩尚未據直隸解到。著於戶部銀庫內先行照數動用賞給。以示朕惠賚八旗兵丁有加無已至意。○甲子。

上以

孝淑皇后升祔

奉先殿親詣祭告。○詣

大高殿行禮。幸圓明園。勒保奏報分派鎮將殲剿高魏二股賊匪。生擒首逆冉學勝等。得旨獎賚。賞還一品頂帶。封三等男爵。副都統銜協領達斯呼勒岱等。下部議敘。賞副將海常參將蕭鳳來。遊擊晉之璉。花翎參將蕭福祿。副將銜已革遊擊劉滿貴。守備銜拔兵丁敖吉高為千總。謝加林。陳泳安為把總。並賞藍翎。餘升賞有差。○乙丑。孝淑皇后升祔。

奉先殿命

皇次子旻寧行禮。○諭內閣御史鄭敏行奏請磨勘刑部新例一摺。據稱纂修官楊曰鯤。妄將乾隆年間欽定條例肆行改刪。並將已意添入。頗多牽混。各省督撫礙難遵行等語。刑部修改律例。所派纂修不止楊曰鯤一人。各纂修官擬纂條例。又必經各該堂官公同商訂。始行纂入。自非出楊曰鯤一人之手。今該御史所奏。但稱

得自輿論。並無指實。難以覈辦。仍著鄭敏行將新例內何條係楊曰鯤刪改。及添入已意。牽混難行之處。黏簽進呈。再降諭旨。嗣命劉權之和寧。莫瞻菴。初彭齡。會同該御史將新例內改纂各條。詳覈磨勘具奏。○諭軍機大臣等。朕恭閱

皇考高宗純皇帝實錄。乾隆十二年。因東省被災。流民出古北口覓食。巡撫阿里衮奏請攜銀招徠資送。欽奉

諭旨。以流民出外覓食。總因鄉里餬口無資。果能一一遵旨辦理。安輯於本州縣。使無輕去其鄉上也。離鄉未遠。招徠於本省境內者。次也。及其已至古北口一帶。往返數百里。遠者千里。其中或有父兄親族。向在口外。有所倚倚。亦不妨任其前往。若一一資送回籍。不惟糜費不貲。且恐已誤耕作。而還鄉更無可倚賴。於災黎更屬無益。聖訓諄諄。仰見我

皇考軫卹窮民。無使一夫失所。至意本年直隸被災較廣。窮民大半失業。且距古北口甚近。其出口覓食者。自所不免。如果地方官認真經理。計口授食。災民等豈肯輕去其鄉。若本籍既不能妥為賑卹。致令流移出口。離家已遠。豈有概行攔截及資送回籍之理。計十月初間。即屆開放大賑之期。著傳諭陳大文督率藩司道府州縣等。按照極次貧民戶口大小。分別給發。務令實惠及民。各有生計。自不致有出口覓食之事。再本日查辦南路之鄉。員台費蔭等到京覆命。據稱霸州所用米石。保定東安所用銀兩。俱無倉庫可動。至文安大城二縣倉庫銀米俱無。詢之該州縣等。均稱曾經報明上司等語。殊堪駭異。文安大城如此。其餘各州縣倉庫虧缺情形。已可概見。陳大文現署直隸總督。於賑事完畢後。務將通省各州縣倉庫妥為經理。俾儲備有資。緩急足恃。方為不負委任。○又諭盛京官兵及

吉林黑龍江馬隊官兵。從征日久。艱苦備嘗。其中傷病之人。自應量加體卹。且大功即日告竣。額勒登保請先行撤令回京。所見甚是。但功成凱旋。非比征調之時。行走必須迅速。若分起開日。起程沿途車馬供支。恐有未周。或以二百名。或以二百五十名為一起。隔三四日派員管帶。分起行走。著額勒登保將每起若干人。派侍衛章京何人帶領。何日起程。逐一分晰具奏。一面飛咨沿途地方官豫備

車馬等項。妥為照料。以福建臺灣水師副將馮建功。為廣東碭石鎮總兵官。丙寅。以江南河標中軍副將許世德。為浙江處州鎮總兵官。丁卯。

世宗憲皇帝忌辰。遣官祭

泰陵。

上詣

安佑宮行禮。戊辰。諭內閣。據值年旗奏。八旗兵丁因豫賞地租銀兩。據情謝恩一摺。此乃

相沿具文不過該叅佐領等作稿呈送都統副都統等轉奏該兵丁等何嘗會同具稟耶朕向來崇實不尚虛文王大臣等素所稔知即如本年六月間雨水過大朕將兵丁等應坐扣庫銀加恩展限並普賞一月兵米又因兵丁住房尚未一律修整難以禦冬復將應賞地租銀移在九月內先由部庫給發於卹可謂至矣各都統等宜仰體朕意各飭該叅佐領等轉飭驍騎校領催等妥為訓導務使

各謀生理勿稍浮費將倒塌牆屋修理整齊不可恣意沽買酒肉濫行耗費若於兵丁生計全不留意惟以代奏虛詞塞責朕甚不取嗣後管理八旗各營大臣等惟當實心實力隨時教訓以復滿洲淳樸舊風使人人皆知節儉持家以副朕矜卹兵丁至意將此通諭八旗各營知之○又諭那彥寶等奏請將投工効力人員留工差委一摺內有原任武清縣縣丞汪應鈴於上年丁憂業經回籍辦理

喪葬今自請投効該員本係河員出身著准其留於工次以資駕輕就熟之益其原任肥鄉縣知縣金寶原任固安縣縣丞屈邦基均係現報丁憂例應回籍守制即河工需員亦應俟喪葬事畢再令赴工況該員並未自請投効而河工又非軍務可比何必違例奏留致開奪情之漸金寶屈邦基俱著回籍俟喪葬事畢如果河工尚有需用之處聽其自請投効如河工業已辦竣即在籍終制至原任

福建龍溪縣服滿候補縣丞孫榮春候選縣丞余鎔石尚文候選府經歷朱鈐候選主簿嵇會嘉候選從九品李藩宗人壽湯佐賢宗廷懋汪熙泰候選未入流吳輯邦徐瀚傅瀛俱請自備資斧留工効力該員等本非熟悉河務且難保其中必無違礙之處未便據呈准其投効著交吏部詳查議奏○己巳以大理寺少卿汪日章為江寧布政使○庚午諭軍機大臣等熊枚奏查勘文安一縣被水成

災較重之區。並繪圖貼說進呈。朕詳加披閱。該處地形窪下。積水已越三年。今夏子牙清河諸水四面漫溢。竟深至二丈有餘。不等住居民人共計三百六十餘村。俱浮沈水中。嗷嗷待哺。朕心實增憐軫。該縣自建置縣治以來。必有舊定章程。為疏通水道保障居民。經久之計。是否近日廢弛不辦。並現在應如何設法疏通。百姓不致久困積潦之處。亟應講求妥辦。著陳大文悉心體訪。詳議具奏。尋奉

查文安地處極窪。至受水之後。地與河平。實已無從宣洩。自建治以來。別無疏濬章程。查大城河之廣安橫隄長九里。為文邑保障。迤南有河間所屬千里長隄。可資外衛。兩隄之中。又有同興上年查勘控告。則工案內奏明新建閘座。以洩河間漫水。仍於地段稍下之龍潭灣等處。開溝疏濬。如此救弊補偏。則文邑災黎或不致久淹為患。再查天津府屬之慶雲縣地瘠民貧。乾隆十一年欽奉

上諭慶雲縣每年額徵地丁銀兩。蠲免十分之三。永著為例。今文安全境積歉情形。與慶雲無異。可否將該縣三百六十村額賦。分別減免。得旨文安縣全境積歉。既與慶雲縣無異。自應量為酌減。用紓民力。俟明歲新正再降恩旨。再上游大城河間兩隄決口堵閉。並修復閘座。以資宣洩。亦祇可如此辦理。務當飭令所屬上緊妥辦。旌表守正捐軀河南商邱縣民沈萬一妻陳氏。○辛未。免雲南易門

縣水災本年額賦。○壬申。諭內閣。台費蔭春請將文安縣民遷徙盛京等處一摺。所奏斷不可行。據稱文安地勢極窪。現在積水自數尺至丈餘不等。明歲斷難全涸。並恐二三年尚不能耕種。請酌給遷徙安集之資。准令赴錦州及吉林齊齊哈爾等處地方。聽其耕種。並請官為經理。由天津海道備船送往等語。本年直隸文安一縣被水較重。田廬村落多被淹浸。深堪軫惻。現令陳大文加意撫卹。至

該處地勢極窪形如釜底。為衆水所歸。但建設縣治由來已久。必有舊定章程。為疏消積水保障生民之計。斷無因一時積水難消。遂將閭縣居民全行遷徙。任令縣治淪於巨浸。況文安距奉天等處途路遼遠。由天津出海口前往風濤險阻。小民斷不樂從。古來移民就粟之舉。雖間亦有之。然不過在鄰近處所。如河內移至河東。亦無有移民如是之遠者。奉天等處。即有官地可墾。而籽種牛具。焉能

齊備。兼之目下將屆冬令。小民到彼後。既非耕作之時。又無棲息之所。而關外氣候尤寒。當彼窮冬風雪。豈竟任令露處乎。台費蔭所奏種種格礙難行。著將原摺發還。其文安現在積水情形。自應以設法疏消。優卹窮黎為正辦。著陳大文遵照前降諭旨妥協經理。以副朕軫念災區至意。諭軍機大臣等朕恭閱

皇考高宗純皇帝實錄內載乾隆十二年因福

建山東江南廣東山西等省有抗租拒捕之案欽奉

諭旨以普免錢糧而民不以為恩。加賑厚卹而民不生其感。偶或地方有司少不如意。輒呼羣咆哮挾制官長。不思守令者朝廷之守令。敬守令所以尊朝廷。各省督撫其倡率州縣諄切化導。使愚民知敬畏官長。服從教令。聖訓煌煌。至為明切。百姓等偶遇水旱偏災。餬口無資。自當加意賑卹。俾無失所。若地方官吏有捏報戶口多領少發。種種侵蝕情事。必應嚴辦示懲。若辦理本屬認真。偶爾遺漏一二口。或將不應賑給之人。照例刪除。而伊等即肆行怨訕。甚或挾制官府。此風亦不可長。即如本年直隸被災州縣較多。節經發帑截漕蠲賦給賑。並特派卿員等四路查勘辦理。急賑所以軫卹災黎者。固已無微不至。而文安一縣前此即有匿名揭帖。控告該縣減賑私徵之事。經朕派令熊枚前往訪查。昨據熊

枚奏該縣又有匿名揭帖指稱欽差到彼僅開門算命並未查訪賑務編造歌詞盡情詆毀自即係該處城內生監妄為編造生監等例不給賑原以身列膠庠不等齊民之列而其中實在艱窘者亦俱行令該教官照災案定例撥給銀兩以供饘粥何得輒生舛望總之民間疾苦必當實心撫輯而士習澆漓亦須加之整飭所有兩次編造匿名揭帖之人陳大文務當遵照節降諭旨飭屬嚴緝照例懲辦

現在將屆開放大賑之時陳大文於查察吏胥侵冒諸弊外仍當隨時曉諭俾百姓咸知感朝廷賑卹之恩尊敬長吏方為妥善將此諭令知之○旌表守正捐軀山西榆社縣民甯成英妻楊氏○癸酉諭內閣前據經畧額勒登保叅贊德楞楞泰先後叅奏倭什布在巡撫任內辦理糧餉種種貽誤以致官兵等勒索百姓搶掠糧食並聞於賑濟飢民一事張大其詞多有不實又補放官員有伊家

人與辦事屬員通同舞弊各等情當經降旨將倭什布革職拏問解京交軍機大臣會同刑部嚴訊倭什布逐條登答惟自認辦理不善其餘堅不承認是以節次降旨交吳熊光詳查具奏茲據吳熊光奏到查明倭什布款蹟一摺朕詳加披閱如楚省兵丁追勦竄匪分合無定倭什布運送餉銀不能設法趕運積有尾欠其支給滿漢各營餉項並不照經畧等酌定章程辦理所給未免浮多並於製

備軍裝軍火等事不知緩急致形缺乏又上年所截漕糧原以備兵米之用倭什布並不運送襄鄖轉解房竹迨大兵入境倉猝趕運多糜腳價仍復緩不濟急又上年倭什布奏報鄖縣難民二十餘萬內有各回本籍民人並非全係待賑之人倭什布並不分別查察率行入奏實屬張大其詞以上各款尚無貪婪骫法及縱容家人舞弊之處其經理軍需不能妥協以致多有貽誤並於飢民數目奏

報不實。自當治以應得之罪。著軍機大臣會同刑部即查照吳熊光摺內所列款蹟。行倭什布按例定擬具奏。尋議請將倭什布發往軍臺効力。得旨。賞倭什布七品筆帖式頂帶。發交陸有仁。令充當苦差。○撥江西廣東藩庫銀各二十萬兩。解往陝西。以備軍需。○湖廣總督吳熊光奏。湖廣省營馬。請循照舊章。仍在本省購買從之。○予故休致刑部尚書梁肯堂祭一次。○是月。密諭張誠基知江西

民情。率皆信鬼神。而欺官長。重貨利。而輕死生。好訟之風甚熾。贛州一帶。兼有械鬪之習。至於持齋誦經。所在多有。雖習俗使然。亦由正學不講之故。因循日久。終有大變。是在良有司潛移默化。易俗移風。常存於心。不可稍懈。再武備更不可廢弛。常存有備無患之念。切戒兵驕將惰之習。即如今年三月內。萍鄉縣有飢民搶穀之事。未見汝奏。若果有此事。而汝隱匿不奏。不知汝應奏何事。為封疆大

吏者。切戒欺飾民之休戚。豈可漠不相關耶。至察吏所以安民。尤為要務。即如阿克當阿。蔣攸銓。人甚明晰。操守亦好。為江右之良才。椿齡。修仁。張衍齡。此三人辦事多有任性自用之弊。操守亦平常。朕所聞如此。汝其留意甄別任用。賢者信之。不肖者黜之。不可稍存迴護。遷就。然須察得實事。再入彈章。亦不可冒昧也。特諭。

大清仁宗受天興運數化綏猷崇文經武孝恭勤儉端敏英哲睿皇帝實錄卷之八十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十七

臣等謹將嘉慶六年辛酉九月乙亥朔內閣和寧祖之望奏前赴通州查明達慶鄒炳泰於軍船回空掛欠米石將餘米抵補一事未經彼此會商各用單銜先後具奏請將達慶交部嚴加議處鄒炳泰交部議處等語所議尚屬公允前此金山等四幫軍船短缺漕糧達慶因奏事來京曾經面奏以此項掛欠米石原應勒令買補並將旗丁杖責遵弁議處但回空程期已迫若照例買補完交未免有需時日即將該旗丁等交部責懲亦須輟轉稽時恐

嘉慶六年辛酉九月乙亥朔內閣和寧祖

教修

於回空有誤彼時達慶之意以此次丁船守水日久需用食米較多掛欠有因欲請將餘米抵補而又不敢遽行陳奏懇朕特降諭旨加恩當經面諭達慶於摺內夾片聲明以便降旨達慶面奉諭旨回署後自應向鄒炳泰詳悉告知聯銜會奏乃伊等同辦一事達慶並不將夾片聲明之處豫告之鄒炳泰迨至宮門呈遞奏摺時始令閱看已屬非是及至此次奏報三進南糧回空時鄒炳泰欲將軍

船有無掛欠一併查明具奏亦屬正辦而達慶並不向鄒炳泰商定即將軍船回空單銜具奏於漕糧虧欠細數並不陳明有何迫不及待而勿遽乃爾是其任意自尊目無同寅實非和衷共事之道達慶著交部嚴加議處至鄒炳泰於二進軍船掛欠既經奉旨將餘米抵補三進軍糧事同一例焉有歧視之理而鄒炳泰因與達慶意見不合輒稱豫防旗丁等年年積壓雖似因公起見實不免偏執

使氣亦屬不合鄒炳泰著交部議處至三進各幫掛欠漕米至六千餘石之多照例本應著追但該旗丁等因沿途陰雨連綿河水盛漲較之二進幫船行走在後守候尤為日久計三進船隻共有十幫所欠米六千餘石比較二進船隻四幫欠米二千餘石尚不為多所有該旗丁等掛欠米石亦著加恩准其以餘米暫抵著令下年全數補運本色其旗丁杖責運弁議處之處並著加恩寬免至達慶

鄒炳泰平日辦事俱尚認真此次意見齟齬一則以料理回空為急一則以查明掛欠為要尚非因私事忿爭但伊二人同任倉場既各存意見於公事恐無裨益此事達慶之過較重著來京聽候部議所遺倉場侍郎員缺著和寧補授即在通州接印任事遇奏事之便再行來京請訓祖之望著即回京供職尋以達慶署禮部右侍郎帶降二級留任○調禮部左侍郎英和為戶部左侍郎轉禮部右

侍郎扎郎阿為左侍郎以都察院左副都御史恩普為右侍郎○調鑲藍旗漢軍副都統恭阿拉為正紅旗滿洲副都統以署正紅旗漢軍副都統陽春為鑲藍旗漢軍副都統○丙子

上御洞明堂勾到新疆雲南貴州四川情實罪犯停決新疆斬犯三人雲南斬犯一人絞犯二人貴州斬犯七人絞犯二人四川斬犯二十人絞犯三人餘一百二十七人予勾○諭

內閣日前御史游光鐸條奏內稱大臣未盡和衷一節經降旨詢問據稱即如會議事件由一衙門主稿別衙門長貳竟茫然不知不過挨次畫題該御史並未實有所指而近日倉場侍郎達慶鄒炳泰於軍船回空掛欠米石將餘米抵補一事未經會商各用單銜先後具奏顯屬意見齟齬是游光鐸所稱大臣未盡和衷之言不為無見殊屬可嘉至伊二人素日辦事俱能認真此次雖非因私忿爭

而達慶目無同寅。迹涉自專。其咎較重。是以令其來京聽候部議。將和寧調補倉場侍郎。因思從前和珅總理吏戶刑三部事。無鉅細俱係伊一人主見。其餘祇隨同畫諾。專擅已極。朕親政以後。曾明降諭旨。裁去總理之名。年來各部院大臣。尚能小心謹飭。而吏刑兩部及理藩院政務較繁。是以特派慶桂董誥管理。此亦不過多設堂官一員。俾收集思廣益之效。若一衙門大小事件。俱由一人主持。

則其他長貳皆成虛設。此在管理之員。尚不可有自專之事。況並非管理者乎。嗣後部院大臣遇事務宜互相商酌。不得偏執己見。若有獨斷獨行實蹟。許監察御史指名嚴參。不得緘默。總期以公事為重。和衷共濟。同寅協恭。以副朕諄諄訓諭至意。○又諭吏部議覆那彥寶等奏請將投効人員留工差委一摺。辦理永定河工程。因屬需人。但那彥寶等所請均非曾任河工之員。奏到時朕即以為不

可行。交部覈議。茲據查明現在直隸河工自同知以下額設實缺七十七員。又有辦理東河驛道完竣。加捐分發在直隸河工試用同知等官三十九員。近又將嵇承志派赴工次。並將前經獲咎之姜晟。王念孫等員發往効用。合計已有一百餘員。並非乏人差遣。何必將在部候補候選人員紛紛奏請。必係該員等因銓選無期。有心取巧。那彥寶等雖未必有瞻徇請託情事。未免被人朦混。且此輩並

非河員出身。輒留工差委。徒開僥倖之門。於工程仍無裨益。所有候補縣丞孫榮春等十三員著照部駁。不准投効。那彥寶等均著傳旨申飭。此後河工需用人員除該員實係熟悉河務。深知有素者准其奏留外其餘概不准率行瀆請。○調鑲黃旗蒙古副都統成書為鑲藍旗滿洲副都統。以宗人府理事官富疆阿為鑲黃旗蒙古副都統。○丁丑河東河道總督王秉韜奏報秋汛安瀾。與在工出力

員弁均下部議敘。○戊寅。

上御洞明堂。勾到廣東廣西情實罪犯。停決廣東斬犯十三人。絞犯十三人。廣西官犯一人。斬犯一人。餘一百三十八人予勾。○諭內閣。本日勾到廣東省秋審人犯。經刑部由緩改實者共十七起。所改俱是內如該省本擬緩決之張阿察一起。因黃阿兆舉鋤向張阿察毆打。該犯即用鎌刀砍傷黃阿兆偏左殞命。又鄭奕美一起。因鄭奕珠舉棍向毆。鄭奕美取挑戳傷鄭奕珠斃命。又陳阿本。陳阿寨一起。因姚儒生舉挑向打。陳阿本用挑戳傷姚儒生咽喉倒地。迨姚阿旦等趨救。陳阿寨亦各趨護。姚阿旦舉挑向打。陳阿寨即用挑戳斃。又王阿典一起。因蔡阿官與王阿來爭鬪。王阿典趨護。蔡阿官取挑向打。王阿典刀戳斃命。又李阿憶一起。因紀阿鈴舉鋤向毆。李阿憶用挑戳傷斃命。詳覈各案情節。死者祇有欲毆之勢。該犯等俱尚未被毆。並非情急。

輒行逞兇斃命。何得原情未減。又陳阿大一起。該犯用挑戳傷馬阿大右後肋倒斃。該撫看語內尚稱傷非要害。試思一傷立斃者。若非要害處所。何至移時殞命耶。其餘各起。或搶奪為從。砍傷事主。或袒族兇毆。或誣告致死人命。或竊賊滿貫。為害商旅。或刀斃兄妻。或奴僕串竊主財。逾貫。或火器殺人。或竊匪攔毆斃命。或白晝搶奪逾貫。均應情實。概予勾決。內惟蔡孟桐。蔡孟桂一起。因蔡孟桐爪但繩斷。壓壞蔡孟龍田禾。索賠爭鬪。蔡孟桐攜挑傷斃蔡孟龍。有蔡阿响救護。蔡孟桂向前攔阻。蔡阿响用棍打傷蔡孟桂左肩。甲蔡孟桂回戳致斃。該二犯各斃一命。但蔡孟桐係啟釁之人。又首先下手。蔡孟桂究係趨護先被毆傷。情罪稍異。是以將蔡孟桐予勾。蔡孟桂免勾。以昭平允。該省辦理秋讞大典。自宜衡情準法。毋枉毋縱。何以失出至十七案之多。且其中同案內有各斃各命。而或抵或

不抵者有死者二命而並無一抵者辦理顯屬有意從寬外省習氣往往惑於救生不救死之說以此為積陰功殊不知光徒漏網致令死者含冤地下軍不拂人情而傷天理乎署巡撫瑚圖禮覆勘秋審事件升任臬司吳俊刑名是其專責其辦理失當之處著傳旨申飭嗣後各省問刑衙門當詳慎折衷固不可有意從嚴流為苛刻亦不得曲法開脫一味寬宥務俾刑協於中勉襄明允之治○己

卯諭內閣汪承霈等奏宗室鄉試人數共六十三名請定中額一摺宗室等讀書赴試志切觀光本年係開科伊始著加恩按照人數每九名取中一名共中式七名於舉子頭二場開門之日填榜揭曉○調鑲紅旗漢軍都統西成為鑲藍旗蒙古都統以工部尚書繼布兼鑲紅旗漢軍都統○以本年鄉試政期九月照會試例散給舉子棉布科被從御史費錫章請也○旌表守正捐軀直隸大城縣

民梅士發妻魏氏○貸山東臨清營兵丁一月餉銀修理房屋○緩徵山東濮觀城沒上三州縣水災本年額賦○庚辰諭內閣陸有仁奏發往軍臺之叅革知縣薩玉衡因親老丁單呈懇贖罪並將該叅員留於軍營充當若差一節薩玉衡前於賊匪騙船過江稟報不實獲咎甚重是以革職後復經發往軍臺本不應准其納贖今既據陸有仁查明薩玉衡親老丁單著加恩准其贖罪至請將該叅

員仍留營當差殊屬非是薩玉衡前因軍務獲譴即留於軍營豈能得力將來大功告竣時又可藉詞保奏未免冒濫該員本因親老贖罪若仍留軍營又豈能侍奉老親乎薩玉衡贖罪後即飭令回籍養親永不敘用○步軍統領明安奏請定演礮章程得旨此項神機神樞礮一千七百二十九位嗣後無庸隨同礮營演放著專歸步軍統領衙門經管每年春季輪運二百位施放火藥出鏤一次秋

季即將春閒出鏤之礮。仍運往盧溝橋安放。單丸。演放一次。屆期。該衙門奏請於提督及左右翼總兵內簡派一員。會同派出演放八旗礮位之大臣。公同監視演放。至各城門所存之渾銅紅衣得勝等礮。著歸入八旗礮營。每年一體輪流演放。毋庸步軍統領衙門經管。以專責成。○陝西巡撫陸有仁奏報搜捕南山餘匪淨盡。得旨嘉獎。遊擊薛國相等。下部議敘。○以兵部右侍郎成書。禮部左侍郎

劉躍雲監臨順天鄉試。大學士王杰為正考官。署兵部右侍郎初彭齡。詹事府少詹事那彥成為副考官。○旌表守正捐軀安巖定遠縣民宋大勇妻馬氏。○辛巳。

上御勤政殿聽政。○以詹事府少詹事那彥成為詹事。○壬午。

上幸靜宜園駐蹕。至乙酉皆如之。○貸直隸被水營汛弁兵運庫銀。修理衙署房屋。○甲申。上御演武廳。閱健銳營操。○予故都察院左都

御史馮光熊。祭一次。○以刑部左侍郎熊枚。為都察院左都御史。轉刑部右侍郎祖之望。為左侍郎。以署兵部右侍郎初彭齡。為刑部右侍郎。○以署禮部右侍郎達慶兼鑲紅旗蒙古副都統。○乙酉。遣官祭歷代帝王廟。○緩徵江西南昌新建豐城。進賢。四縣水災本年額賦。○丙戌。

上幸靜明園。詣

龍神廟拈香。○還圓明園。○戶部議准。江蘇

巡撫岳起疏請。興化縣低窪屯田一百五頃。照賦減則從之。○丁亥。諭內閣。前因鐵保奏。張灣一帶水溜沙淤。漕運不能迅速。另有起河一道。比正河較近。懇請疏濬改運。彼時朕即恐有妨礙之處。因降旨令倉場侍郎帶同通水道前往該處詳細查勘。茲據和寧鄒炳泰覆奏。通州南八里許溫家莊北舊有旱河溝一道。本名康家溝。南北直衝。並無起河之名。該處水底高於正河三尺。若挑濬深過正

河則溝水奪溜直行而張灣必致淤淺商賈水陸馬頭均屬不便設遇旱年上挽逆流重運轉費周章若逢雨潦水衝力猛下游村莊必遭淹漫並繪圖貼說進呈所見甚是張灣一帶前人開濬運道故紆其途本有深意蓋因地勢北高南下土鬆沙活不能建設開壩全賴河道灣環得以蓄水轉運若溜勢由北直向南趨恐不免一洩無餘殊於運道有礙鐵保前次經過時未經詳察地形水勢徒見

今歲雨水漲溢重運偶可抄道行走遂欲酌改舊制實非經久無弊之策其議斷不可行所有通州運道著照和寧等所請仍舊辦理毋得輕議更張○諭軍機大臣等賊匪當此窮蹙之際往往從無兵地方逃匿深林密箐並非化外皆係各州縣所轄該地方官平日於大股賊匪及一二百人成股之賊或因鄉勇無多難以剿殺至零星逸出之賊或數人或數十人藏匿境內地方官自宜搜捕淨盡

以絕根株此時大功將屆垂成著該督撫等督飭各州縣多派鄉勇嚴密查拏如此則官兵不能分至之處有地方官搜捕歲功更速至各路帶兵大員奉命剿賊當此大功告成尤應倍加奮勉將成股賊匪上緊殄除不得諉之地方官搜查以致餘孽未淨將此諭令各路領兵大員四川陝西湖北各督撫知之○命五城於冬春二季設廠責賑○戊子

上御洞明堂勾到福建奉天陝西情實罪犯停決福建斬犯二人絞犯二人奉天斬犯一人絞犯二人陝西斬犯四人絞犯六人餘八十人予勾○賑甘肅宕昌番民○緩徵山西寧武襄垣二縣水災本年額賦○己丑命續修大清會典從御史梁上國請也○緩徵安徽懷寧桐城潛山壽鳳臺定遠懷遠滁全椒宿靈璧鳳陽盱眙五河十四州縣安慶鳳陽長淮泗州四衛水災新舊額賦○庚寅上御洞明堂勾到湖廣江西情實罪犯停決湖

廣官犯一人。斬犯二十一人。絞犯二人。江西斬犯一人。絞犯二人。餘九十六人。予勾。○緩徵陝西高陵糧。咸陽興平。醴泉。乾武。武功。汧陽。隴鳳。褒城。南鄭。城固。洋西。鄉寧。羌。沔。畧陽。安康。漢陰。平利。洵陽。紫陽。白河。石泉。商山。陽雄。南商南。鎮安。寧陵。孝義。留壩。三十三廳州縣。被早被賊。本年秋徵額賦。○壬辰。

上御洞明堂。勾到浙江。安徽。江蘇。情實罪犯。停決。浙江斬犯四人。絞犯二人。安徽斬犯六人。

絞犯一人。江蘇斬犯四人。絞犯一人。餘七十人。予勾。○諭內閣。本日勾到安徽省秋審人犯。內張元張滕一起。因伊族人張觀愛阻止。羅公拔彭旺保之。雇主吳東喜。越界挖煤。致相爭鬧。該二犯將羅公拔。彭旺保各行傷斃。該撫以張元刀砍多傷。擬入情實。以張滕傷非用刀。擬入緩決。辦理殊欠允協。此案張滕與彭旺保格鬪時。彭旺保方持刀向砍。該犯並未受傷。輒用刀背毆傷其右血盆骨及

腦後頂心致斃。試思疊毆三傷。當時殞命。尚何得以傷非用刀。曲為開脫。刑部將張滕改入情實。所改甚是。現已將該犯與張元一併予勾。外省審辦刑名。總惑於救生不救死之說。將應抵人犯。有意疏縱。令死者銜冤地下。是徒博寬厚之名。而其實與鍛鍊周內。刻意從苛者。同失持平之道。所有覆勘秋讞之安徽巡撫。荆道。乾及承辦之按察使。均著傳旨申飭。○加賞廣寧門外普濟堂。煮賑小米五

百石。○甲午。諭軍機大臣等。此時額勒登保已帶兵前往川北一帶。該處尚有李彬等股分竄。勒保已馳赴川東。惟賊匪雖已截回川境。仍恐其乘間折回。目前陝境防堵最關緊要。慶成係陝省提督大員。自應在陝境堵剿。不必令其入川。此後陝省邊界一切防堵事宜。即責成慶成。慶成實力防禦。將此諭令知之。○予軍營病故三品卿銜鴻臚寺卿胡時顯祭葬如三品例。擢其子府經歷之富為知

縣○乙未

上幸萬壽山○以永定河二十三號壩工合龍
賞鹽運使嵇承志道員陳鳳翔花翎○丙申
遣官祭

都城隍之神○諭內閣○向來武舉會試中式
後覆試馬步箭及弓刀石三項技藝其不合
式者罰停殿試一科二次覆試仍不合式又
罰停一科至三次不能合式即行斥革因思
文會試舉人有覆試停科者俟停科已滿即

准其殿試不再隨新科覆試文武會試辦理
未能畫一且武舉若停科至二三次年歲愈
增其技藝自更遜於前疊經覆試必至終於
斥革嗣後武舉會試中式著照文會試覆試
一次之例將馬步箭弓刀石逐一覆驗如前
後不符罰停殿試一科俟下屆會試之年即
著加恩准其一體殿試○丁酉免情實官犯
已革黑龍江將軍景燭勾決仍圈禁○戊戌
諭內閣本日明安奏前赴馬家堡查勘汕塌

民舍情形一摺該處因永定河二十三號壩
工堵合後大溜全注北上頭工水勢湍激衝
汕村舍明安已派叅將奇成額將馬家堡迤
西淤灘一段趕緊挑挖俾水勢宣洩歸河所
辦本是朕披閱時已依議發下而本日召見
諸臣內未及明安旋據奏事太監王進福奏
稱明安遞摺時向伊告知若本日未蒙召見
即代奏稱伊尚有圖樣進呈等語此不過欲
請面對耳明安既有圖樣何難隨摺呈遞伊

前此曾因奏事將圖樣另置懷中於召對時
呈出非止一次本日未經召見之前豫屬奏
事太監臨時代為陳奏是明安之意必欲朕
召伊獨對而後已此誠何心豈非以和珅自
居乎朕每日召見臣僚多至十餘人諮詢利
弊講求政治從不稍形厭倦而惟於自請獨
對一事力為杜絕者蓋因請見之弊不可勝
數雖所奏亦不過尋常事件而即可藉此以
炫其眷注之隆甚且飾詞誇耀捏稱在上前

無不可進之言。遂至無識之徒為其所愚。爭相趨奉。勢焰熏灼。賄賂盈門。皆由於此。從前和珅福長安柄用。其初亦尚知小心。後因該班獨對。習以為常。漸致納賄營私。無所不至。朕在青宮時。即洞悉此弊。是以親政後。將該班召見晚面。概行停止。並節次降旨。嚴禁大臣等不得自請獨對。明安寧不知之。乃竟敢於朕前巧為嘗試。至向來各衙門陳奏事件。俱由外奏事呈遞。惟軍機處內務府奏摺。徑交內奏事進呈。明安雖在御前行走。而本日所奏挑挖馬家堡淤灘。係步軍統領衙門之事。自應交外奏事接遞。乃直交奏事太監。並將所懷圖樣。豫行囑託代奏。意在請見邀榮。藉以炫耀。此風斷不可長。明安現係步軍統領本任之事。較繁不能時常趨直。現又有獲咎之處。著退出御前。乾清門專辦步軍統領衙門及本管各事件。仍交兵部議處。以為希冀獨對。有心取巧者戒。此係朕防微杜漸。

為國家成就人才至意。乃明安之福。不至如和珅之潰敗決裂也。奏事太監王進福。於不應接收之摺。冒昧呈遞。又代為陳奏。圖樣亦屬不合。著交軍機大臣議罪。○禮部條奏。磨勘則例。應科遵行。而每次覆勘大臣。往往隨事制宜。通融辦理。遂不免例案兩歧。自相矛盾。擬將異同之處改正。一。嗣後墨卷中有空白者。均定為罰停一科。一。草稿題目脫寫一二字及筆誤一二字者。免議。脫寫全題者。罰停一科。一。添註塗改。所以防謄錄對讀之私。改或單行或夾註。行款高低。無關弊竇。嗣後俱免貼出。並免磨勘。惟將添註塗改字數添改。仍罰停一科。一。嗣後檮頭塗改者。改為罰停兩科。正文之外。無故塗字者。改為罰停一科。從之。○兩江總督費淳。河道總督吳璥。奏報秋汛安瀾。與在工出力員弁。均下部議敘。○己亥諭軍機大臣等。御史鄭敏行奏。教匪滋事。地方地多人少。請查明共有若干。造冊

報部分給鄉勇等語。各該省叛產絕產。曾經降旨令各督撫等詳查明晰。或以之安插鄉勇。或以之分給難民。而該督撫日久遷延。總未辦有條款。此時大功將次告竣。誠宜及早詳查。該督撫接奉此旨後。即派委明幹大員。分投查勘。除查係難民逃亡之產。其仍回原籍者。給還業主。其餘應查明共有若干。豫為清理。隨時具奏。將此各諭令知之。○軍機大臣議覆河南巡撫顏檢請添設營員一摺。據

湖廣總督前河南巡撫吳熊光議。河南省召募練兵五千名。請添設武職。查南陽鎮屬荆子關。係屬要地。向設有守備一員。不足捍衛。請添設副將一員。設左右兩營。再添都司一員。作為中軍。與原設守備。分管左右兩營。設千總把總各一員。外委額外外委各二員。分隸差操。又河北鎮盧氏縣汛。僅有外委一員。請添設守備把總各一員。其縣屬朱陽關。距城一百三十里。只有州判。並無武職。請添千

總一員。又鄧州南界襄樊新野一汛。路當孔道。請添設遊擊一員。千總額外外委各一員。原設新野汛千總裁汰。至河北鎮屬新德營。向設都司一員。請添參將一員。駐劄府城。再添千總把總。外委額外外委各一員。其新德屬內黃汛。原設把總難資巡緝。請將新德營都司移駐。再添外委一員。又該縣之楚旺地方。係河南通省兇漕重地。請添千總一員。均應如所請辦理從之。○命郭爾羅斯扎薩克

公古嚕扎布協理哲哩木盟長事。○以福建閩安協副將杜魁光為南澳鎮總兵官。○庚子。上御勤政殿聽政。○諭內閣慶傑等奏查勘銅苗情形一摺。前據明安等奏。大興縣民人張士恒等呈稱。平泉州屬四道溝雲梯溝等處。有銅苗透出。請自備工本開採等語。朕即知其事不可行。又涉言利。是以未即允准。特降旨令慶傑等查奏。茲據慶傑等奏稱。查得雲

梯溝地方係喀喇沁王滿珠巴咱爾名下山場舊有洞口四座係民人竊挖該處銅苗甚覺微細又四道溝地方舊有洞口一座亦係民人竊挖該處銅苗較旺但不知能否經久請令試採等語該二處山場久經封禁現在詳悉查勘亦未見實有可以開採之處其事斷不可行蓋開採俱係無業游民攢湊資本互相邀集趨利若鶩已聚集多人而銅苗漸竭彼時何以遣散豈不慮其滋生事端即或開採獲利而該處地方與蒙古山場相連使蒙古等以內地官民專為牟利起見於國體殊有關繫況現在戶工二部鼓鑄事宜需用銅斤照例由滇省起解運京儘屬充裕本無須另籌開採何必輕為此舉耶所有平泉州屬四道溝雲梯溝等處產銅山場新舊洞口俱著永遠封禁不准開採並責成地方官嚴加查察毋許再有私行偷挖之事朕自親政以來屢經諭止臣工不准言利而內外臣

工實心確信朕言者固多然心存觀望猶豫者不少彼意總以為決不因言利獲咎即蒙議處申飭聖意總覺能事後必見好是直不以朕為賢君視為好貨之主矣諸臣何苦必欲以此嘗試耶上年胡季堂有奏請在直隸大名地方開設鉛廠一摺朕未經批發查勘即不准行本年明安先有奏請開採木植之事此次又率據該商人所請奏開銅礦謂非言利而何在商民等無知見小計及錙銖而明安即據以入奏此必輕聽屬員慫恿而成明安受恩深重自不應有冀圖沾潤情事然亦不可不防其漸而該商等具呈懇請時若非於所屬員弁及書吏人等輒轉賄求何能遽將所請之事達於明安代為奏請此種情弊豈能逃朕洞鑒乎嗣後臣工等惟當洗心滌慮毋得輕啟利端假公濟私妄行瀆奏將此旨通諭中外知之○又諭御史達靈阿奏籌備倉儲一摺據稱本年直屬被災辦理截

漕賁賑等事。用米較多。現雖籌備採買。尚恐倉儲未裕。請將八旗兵丁及各項坐甲應領之米。留二三成存倉。按時價發給折色等語。所奏非是。向來八旗兵丁。皆係按季領米。或將麥豆搭放。亦係隨時調劑。尚屬通融辦理。於兵民皆有裨益。本年因直隸所屬災賑截漕六十萬石。兼有散米賁賑等事。需米較多。且節年均有輪免漕糧。省分是以到通漕米。比之往年較少。然倉儲並無不敷。至明歲以

後。則全漕抵通。源源輓運。倍臻饒裕。若如該御史所奏。將兵丁應領之米。折色給發。不但有違定制。且無識之徒。妄疑天庾不免匱乏。殊屬不成事體。況京城向無米販。全賴甲米轉售。以裕民食。若酌給折色。則市間米少。價昂。諸多不便。此奏斷不可行。達靈阿著傳旨申飭。並將原摺擲還。○又諭軍機大臣奏。太僕寺少卿章煦。已升任大理寺少卿。照例不應兼軍機章京等語。所奏甚是。但念該員在

軍機處行走有年。於勦辦教匪一切事宜。本係熟手。此時大功指日告竣。若令其即離樞直。轉不能仰邀恩敘。章煦著加恩暫在軍機章京上行走。俟大功告竣。再回本衙門供職。○命嗣後管理戶部三庫事務大臣。按年更換。○以通政使司通政使萬寧為都察院左副都御史。大理寺少卿廣泰為太僕寺卿。○辛丑。

孝慈高皇后忌辰。遣官祭。

福陵。○

上詣

恩慕寺

恩佑寺行禮。○還宮。○免直隸滄縣。衡水。交河。

寧河。河間。天津。靜海。寶坻。武清。薊。豐。潤。青。東。

光。十四州縣被水。竈地本年額賦有差。○以

孟冬時享

太廟。自是日始齋戒三日。○壬寅。諭內閣。兵部

議處明安。請照違制例革職一摺。朕簡用臣

工惟視才具之優否。初不豫設成見。其年齒老成諳練庶務者。自堪倚任。而少年明幹者。亦未嘗不因材錄用以試其能。如果始終勤奮。辦事實心。則年力方富。効用之日正長。國家更久資得力。豈不甚善。即如明安從前在御前乾清門行走時。朕見其差使尚勤小心謹慎。是以於布彥達賚病故之後。出有步軍統領員缺。特加恩將明安補授。明安接任以來。於本衙門事務亦尚能照常辦理。惟少年喜事。頗露高興。日前曾經奏請開採木植。啟挖銅苗等事。皆涉於言利。輕聽屬員慫恿。遠不如布彥達賚之安詳鎮靜。昨又於陳奏挑挖馬家堡淤灘摺件。將所懷圖樣豫囑奏事太監代奏。意在請見。得邀獨對。以炫其眷注之隆。顯違節次嚴禁請見諭旨。即照部議革職。亦屬咎所應得。姑念明安所得公爵原係世襲。而於管理步軍統領諸務尚無貽誤。著加恩賞留公爵。兼管步軍統領。及上駟院

實錄卷八十七

七

事務。仍帶革職留任。其所管正紅旗蒙古都統及三山。暢春園。火藥局。崇文門稅務。總理工程處。嚮導處。盡行革退開缺。另行簡放。以為大臣輕率取巧者戒。○又諭戶部奏京營左右翼總兵恭阿拉。國霖。現兼副都統。應否照京營提督之例。於支給總兵養廉之外。再支副都統養廉銀兩一摺。從前步軍統領員。定例歲給養廉銀五百兩。嗣經部臣議奏刪除額支名糧。改給養廉案內。將京營提督一員。原支名糧。改給養廉銀八百八十兩。其原定養廉銀五百兩。並未刪除。本屬疏漏。向例管理部旗大員有兼任者。各按養廉較多之任支給。不准兩任兼支。今左右翼總兵恭阿拉。國霖。現俱兼任副都統。伊二人俱准支京營總兵養廉銀兩。其副都統養廉。不准兼支。至此後步軍統領。如係兼管旗務之員。准照養廉較多之任支給。概不准兩任兼支。著為令。○喀什噶爾叅贊大臣富俊等請定回

實錄卷八十七

七

疆錢價。每兩准折普爾錢二百六十。下部知之。以榮郡王綿億為正紅旗蒙古都統。以浙江定海鎮總兵官李長庚為福建水師提督。福建澄海協副將黃象新為定海鎮總兵官。命陝西提督慶成在任守制。以大功即日告藏故也。○緩徵江蘇山陽阜寧清河桃源安東鹽城銅山豐沛蕭錫山邳宿遷睢寧海沭陽十六州縣淮安大河徐州三衛水災積欠額賦。○癸卯。

實錄卷五

七

孝敬憲皇后忌辰遣官祭

泰陵。是月山東學政劉鳳誥具奏謝恩得旨。衡文取士。汝所優為。整飭士風。咸歸雅正。尤為要務。汝其勉之。至於年歲豐歉。大吏賢不肖。皆應隨時密奏。不可緘默。亦不必存見長之念。撫拾細故。諸宜得中辦理。勉之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十七

實錄卷五

七

大清仁宗受天興運數化綏猷崇文經武孝恭勤儉端敏英哲睿皇帝實錄卷之八十八

監修總裁宮經廷呈請起居注官太子太傅武英殿大學士文淵閣領閣事務察欽奉
上諭事件處管理工部事務翰林院掌院學士

復常加二級尋常加四級臣曾振鐸總辦太子太保文淵閣大學士管理刑部事務加五級臣戴鴻元總辦戶部起居注官太子少保內閣學士

上諭事件盛福琳大學士戶部尚書翰林院掌院學士張習庭奏總管內務府大臣鍾寶祺滿洲都統

軍統領管理戶部三庫奉宸苑清漪園等處總理工程處御茶膳房御樂房太醫院西洋堂事務軍功加五級隨帶加二級尋常加主級紀錄

三次在英和羅廷讓官太子太保禮部尚書上書房行走武英殿總管管理園子監事務加六級隨帶加二級紀錄漢江巡狩等奉

教修

嘉慶六年辛酉冬十月甲辰朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后殯宮○遣官祭

端慧皇太子園寢○頒嘉慶七年時憲書○

諭內閣昨日御史張鵬展奏光祿寺少卿金

光悌辦理秋審錯至九十餘案不應留部當

即降旨令刑部堂官明白回奏茲據董誥等

奏稱金光悌在部有年。升任時正值覈辦秋

審緊要之際是以奏請留部並非該員干求

戀棧至本年秋審案件並無錯誤惟總辦處

看出廣東省黃冊疏漏錯落九十餘處俱經

簽改繕正等語刑部為刑名總匯之區若覈

辦秋讞事務錯誤至九十餘案之多則總辦

之員自難辭疏率之咎。今既查明係原辦司

員字畫錯誤。經總辦處看出。業經該堂官將

承辦各員記大過一次。已足示儆。至金光悌

在部年久該堂官懇請留部雖係為熟手起

見但平時廷臣中有在朕前論及金光悌大率毀多譽少而朕於召見時留心察看金光悌應對未能明晰亦並非出色之員刑部司員為數不少其中豈無一二明白諳悉律例之人可以接辦者乎況司員升至京堂例不兼部行走縱暫時奏留迨漸次升擢總須出部即如章煦升任大理寺少卿軍機大臣奏稱不應兼軍機章京上行走經朕因軍務將竣降旨該員暫留樞直乃係特恩若此後各部人員遇有升任京堂者該堂官紛紛效尤奏請留部豈竟一概准行耶光祿寺少卿金光悌著回本衙門供職不必兼部行走○諭軍機大臣等陝省南鄭邊界一帶分竄賊匪經額勒登保督同楊遇春等領兵追剿指日即可殲除陸有仁所奏挑派鄉勇補足寧陝鎮應設兵額一節與其招募窮民自不若即將隨征鄉勇挑選伊等久隨官兵打仗又熟悉山內路徑一經入伍食糧學習當差自更

可資得力該撫務咨令總兵劉之仁於寧陝鎮應添兵額上緊招募舊勇挑作新兵勤加訓練於差操防守兩有裨益此亦安置鄉勇之一法也將此傳諭知之○以山東按察使方維甸為河南布政使山東運河道策丹為按察使○緩徵兩淮海州屬板浦中正臨興三場被水竈戶新舊竈課○賑卹山東臨清館陶武城邱夏津聊城堂邑七州縣及坐落各衛屯被水災民有差並緩徵漕項銀米貸清平莘朝城東阿四州縣衛貧民口糧給陽穀博平高唐恩四州縣貧民一月口糧○乙巳

上詣
大高殿行禮○幸圓明園○以故四川建昌道屬巴底宣慰司阿多子工噶烏金襲職○丙午諭內閣本日那彥寶巴寧阿陳大文等奏北上頭工合龍全河水勢復歸故道一摺覽奏欣慰本年六月初間大雨連朝御園左近

水勢驟漲朕彼時即慮及永定河工必有衝塌之處當特派乾清門侍衛前往查勘果係盧溝橋一帶決口四處向年永定河雖閒有泛溢從未有如此之甚都實屬異常盛漲朕心深為悚惕當即派令那彥寶已寧阿等上緊堵築並將下游淤塞設法疏濬雇集人夫五萬有餘其中災民居多即可以工代賑幸興工以後天氣放晴水勢漸退辦理兩月餘漫口全行合龍河復故道

天助

天佑欣感不盡著發去大小藏香十枝派成親王永理大學士慶桂前往敬謹祀謝至各工辦理妥速皆由在工大小各員出力認真殊堪嘉獎那彥寶自派辦河工以來遇事虛心籌畫盡善不愧為阿桂之孫著加恩挑為御前侍衛仍交部議敘已寧阿從前曾任內務府大臣緣事降黜茲辦工出力著加恩授為內務府大臣仍交部議敘陳大文雖到任

未久一切督催甚屬認真亦著交部議敘承志陳鳳翔在工勤奮前已賞戴花翎著再交部議敘至隨帶兵部員外郎智凝在工奔走尚為奮勉著賞戴花翎仍交部議敘兵部額外主事徐寅亮著俟報滿後遇有本部缺出先儘補用同知盛惇復候補直隸州孫樹本牛總楊賈成均著以應升之缺升用至姜晟調用直隸總督甫經到任地方事件尚未熟悉於河工自更不能了然況永定河下游

淤墊已久亦非伊一人任內之事其奏報遲延亦由王念孫等不即時稟報所致但該管地方有如此非常疏失伊適當其任自不得不治以應得之罪此時業已合龍亦宜量予加恩姜晟曾任刑部侍郎刑名是所素習著賞給刑部主事銜在部行走不准食俸俟一二年後如果奮勉著該堂官再行保奏其已革道員王念孫已革同知翟萼雲陳煜汪廷樞於伊本管地方失於防範又不及早稟報

獲咎較重俱著仍在工効力俟工程一律完竣再行請旨至在工人夫踴躍奮勉並著動用廣儲司銀一千兩賞給該夫頭等以示恩賚又諭據吉慶瑚圖禮謝啟昆奏粵東省公捐銀三萬兩粵西省公捐銀二萬兩以備凱旋賞賚之用等語所奏甚屬紕繆教匪滋事以來節次派調東三省各省官兵分投勦辦所以除莠安良俾黎元均臻寧謐年來籌備軍需所發餉銀已不下萬萬動撥帑項曾

不少為靳惜即由外省支撥者亦均屬應行解京款項初不因軍興需用浩繁稍有累及民間各省地方大吏自所深悉此時大功將次告蒞其凱旋賞犒需費幾何何待外省捐資備用况朕屢經降旨嚴諭內外臣工不得稍涉言利蓋深有鑒於利國之事多係病民即目前暫開捐例亦係不得已之舉現在工賑已畢軍務指日完竣即當飭諭停止朕躬行節儉為天下先惟有休養生息以期百姓

康阜元氣日復漸臻上理焉有因年來度支繁費設法科斂以裨國用之理損下益上之舉朕斷不為百姓猶朕之子焉忍剝削乃朕諄諄誥誡至再至三而吉慶等猶不確信朕言竟思巧為嘗試是直不以朕為賢君視為好貨之主矣非孟子所謂不敬莫大乎是耶且伊等借此捐輸之名派及兩省督撫司道勢必取之各府州縣各府州縣勢必取之百姓層層派累仍不過腹削閭閻所謂捐輸者

初非出自已貲其名為捐銀五萬而攤派之項諒不止此種種情形豈能逃朕洞鑒似此藉詞聚斂不特以小人之腹度君子之心意圖見好而其假公濟私巧為自肥之計是於言利之中尤為卑鄙不足道者也况此端一開各省紛紛效尤成何政體吉慶瑚圖禮謝啟昆顯違前旨本應交部治罪惟念伊等三人素日辦事尚知認真姑從寬免付吏議著傳旨嚴行申飭以觀後效此項銀兩若尚未

措辦即著停止。儻已收齊，亦即按每名下所出銀數全行發還。該督等接奉此旨，有將公捐之項勒措不還，經朕訪聞，或被入呈告，必將伊等按例治罪。若地方官因此科派百姓，即據實叅辦。儻伊等徇隱不奏，一經查出，一併從嚴懲治，決不寬貸。將此通諭知之。○諭軍機大臣等：台布奏籌辦河南河北事宜一摺，內稱蒙古強實為中國之患，蒙古弱乃為中國之福。以番制蒙，誠為良策。數語甚屬錯謬。我朝開國以來，蒙古隸我臣僕，重以婚姻聯為一體。青海地方蒙古雖非內外扎薩，克可比，亦不應稍有歧視。雍正年間於該處設立辦事大臣，本為保護蒙古起見。誠以番族雜居蒙古之外，而蒙古實為中國屏蔽。是以蒙制番則可以番制蒙，則屬倒置矣。設台布此語經蒙古人聞之，豈不因而解體乎？近因青海蒙古不能自強，屢經降旨令其大加振作，原欲使之激勵焉。有番衆漸強轉聽其脅

制蒙古之理。台布從前曾在軍機處行走，有年，何不曉事體至此？著傳旨申飭，至勘定卡倫地方畫定界址，不准番衆擅入蒙古擅出。所見尚是惟番衆賦性蠢頑，祇當嚴加飭禁，勿令入卡使之知所畏懼，不必曲為勸諭。其蒙古等亦各隨時曉示，不得擅行出卡。儻有不肖之徒勾引番賊入卡偷竊者，必當嚴辦，以示懲儆。再署同知姜有望素為番衆信服，前此帶領同往之番民尖木贊業經賞給花翎，姜有望亦著一體加恩賞戴，用示獎勵。即責令該員妥為安撫，俾番衆永臻安帖，不致搶奪滋事為要。○丁未上以萬壽節御同樂園，賜王以下文武大臣蒙古王公等食，至庚戌皆如之。○德楞泰奏報冒雨進攻興山一帶殲擒賊匪多名，得旨嘉獎。千總史定川等升擢有差。○調河南按察使陳鍾琛為山東按察使，山東按察使策丹為河南按察使。○戊申准山西原任廣東提

督寶璽重赴鷹揚宴並加恩賚○己酉

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子及王以下

文武大臣官員蒙古王公等行慶賀禮○賞

清 實 錄 嘉慶六年十月上

順天鄉試年老諸生李咸賓等六十八名舉人副榜有差庚戌諭軍機大臣等保寧奏

懇將方受疇發往直隸隨同辦理河工諸務

一摺實屬不合摺內所敘情節方受疇自稱

前在清河道任內於嘉慶二年曾辦過永定

河南岸漫口等語此次近畿一帶地方猝被

水患皆由永定河下游淤塞衝潰隄工從前

辦理河道各員未能認真濬築所致方受疇

承辦該處漫口時如果經理妥協何至本年

有漫決之患是方受疇本有應得辦理不善

之咎現尚未經追論前過而方受疇轉以曾

經辦理河務熟悉為辭欲思即離新疆保寧

遂曲為開脫大屬非是試思直隸辦理工賑

事宜豈少該員一人況現在永定河工均已

合龍下游挑淤陸續可以辦竣即地方賑務

現已辦有章程散給銀米此時即准令方受

疇前赴直隸亦須明年春間方可趕到工賑

諸事早已完竣更何待該員到此辦理耶在

方受疇之意希圖仍在直隸居官有心取巧而保寧率據以入奏冒昧乞恩所請不准並著飭行方受疇著再留伊犁數年另行請旨
(壬子免浙江諸暨蕭山錢塘餘杭山陰五縣並錢清場牧地被水災民本年額賦及牧租竈課並緩舊欠又緩徵富陽臨海仙居桐廬分水五縣及曹娥場海寧州沙地新舊額賦竈課公租)○癸丑

皇后千秋節宮內行禮如儀停止筵宴及在外

公主福晉命婦行禮○額勒登保奏報生擒首逆辛斗偽總兵蘇啟志又穆克登布等勦辦樊芻等逆得旨嘉獎把總楊陞等升賞有差○以廣西新泰協副將楊芳為陝西寧陝鎮總兵官○釋已革總兵楊奎猷參將羅全亮罪作為兵丁留營効力從額勒登保請也
○甲寅

上詣

安佑宮行禮○諭內閣前經倉場侍郎奏請將

今年冬閒支放甲米及明春官員俸米俱搭放黑豆一摺已依議行但近聞順天府所報糧價黑豆價值較之各項米價賤至五錢及二三錢不等因思八旗兵丁全賴甲米以資口食其需用黑豆之處甚少若將豆石搭放兵丁等以之轉售得價較賤於兵丁甚屬無益所有本年冬月以後甲米仍照舊支給不必搭放黑豆至官員等俱有馬匹餵養需用黑豆明春俸米著照原議米豆搭放○又諭

明安等覆奏商民所辦棉衣酌量給發價值一摺前因近京一帶被水災黎黎寒冬無具曾諭令明安等置購棉衣以備賞給經各當商等呈交棉衣六萬二千件並懇請不敢領價當即諭明安等仍應量給價值復據該商等稱係當滿舊衣所值無幾等語此項棉衣既經該商等呈交即係當滿之物亦不可令其少虧資本著加恩賞給銀一萬二千四百兩按各商交出棉衣多寡均勻給發即在提督

衙門閒款項內動支。至宛平縣民人蔡永清。湊辦棉衣二萬件。甚屬急公。聞蔡永清向在京城居住。每歲經理收養老病貧民。及嬰孩等事。今年夏秋。曾捐資散給被水災民。茲又湊辦棉衣。種種義舉。殊堪嘉尚。著順天府堂官備辦。局額花紅。傳旨賞給。蔡永清以示獎勵。○又諭御史和靜。奏貢院房屋牆垣葺理。未能完密。請添補荆棘。以防踰越。並購辦各項供給。亦未妥協。一摺。所奏甚是。向來臨考

時。先期將貢院修葺周密。以昭慎重。何以此次該府尹等於一切隔斷牆垣。大半皆無荆棘。且有破水溝。眼可容人出入。辦理甚屬疏率。本年鄉試士子。俱知守法。雖尚無踰越等事。但考試大典。理宜嚴密。來春即屆會試之期。自應整理完固。著順天府衙門。於內外圍牆等處。如式布列荆棘。務令一律完整。不得草率從事。俟辦竣後。再派滿漢御史前往查勘。儻有疏漏。即行叅奏。至闈場應需各項。向

係發價購辦。本年貢院供給。辦理不善。朕早有所聞。今該御史奏有鋪戶在貢院門前。嚷鬧之事。如果該府尹等遵照舊定章程。公平發價。何至行戶人等紛紛聚訴。殊屬不成事體。該府尹等於修理貢院。既漫不經心。復於購辦供給。經理未能妥協。著傳旨申飭。並令明白覆奏。○諭軍機大臣等。現在賊匪四散奔逃。若因一二首逆未獲。用大兵全力在彼搜剿。何日方能藏事。此時額勒登保。德楞泰

等。應通盤籌畫。如何辦定大局。徐徹大兵。即有一二遺孽。或歸入搜捕。餘匪善後事宜。或酌留官兵督捕。或竟責成本省督撫酌添本省兵力。分飭搜剿。所有官兵應徵應留之處。統俟額勒登保。德楞泰酌辦。此乃朕豫籌全局。務期蕞功完善。伊等不可因有此旨。遂爾草率完事。或致留異日後患。則殊非朕意也。將此諭令知之。○乙卯

上詣

大高殿

壽皇殿行禮○還宮○諭軍機大臣等吉慶奏

順德縣民人趙大任被風漂至農耐經該國

長阮福映差人喚至富春代為修船給與口

糧帶有該國長稟詞內稱上年該國有遭風

難番曾邀卹賞交給文稟敘述感激之意等

語該國長阮福映遞稟之意不過欲嘉其恭

順希冀奏明或可邀天朝恩助但農耐與安

南現在爭奪未定之時吉慶等所稱不可稍

存偏向所見極是此時覆給該國長札諭內

惟當諭以上年卹賞該國難番係屬天朝撫

綏各國外夷常例並未專摺奏聞大皇帝聖

鑒今民人趙大任漂至爾國爾國照料回粵

並帶有文稟本部堂深悉爾國感謝之忱但

上年撫卹爾國難番之事既未具奏此時爾

國稟詞亦不便代為奏達如續有文稟或乞

兵相助則當明示駁飭諭以兩無偏向至前

此吉慶謝啟見先後奏到俱稱安南富春城

被農耐搶占後業經安南收復今趙大任供

詞尚稱七月內在富春城內面見農耐國長

阮福映是否該民人從富春回粵時尚在安

南未經收復之前抑係安南收復後復被農

耐奪取著吉慶查明遇便覆奏安南與農耐

彼此構釁交兵原與內地無涉吉慶等當持

以鎮靜不必過問至將來如果安南為農耐

所併全境俱失該國王阮光纘敬關請命彼

時吉慶等自當奏明請旨抑或農耐將安南

併吞之後具稟到粵亦即奏聞候旨辦理○

又諭陸有仁奏陝省寨勇無不齊心合力遇

有零星賊竄賊匪屢次搜獲送官深堪嘉許

但陸有仁當出示曉諭各處鄉勇遇有官兵

追賊相近即應出寨協助其被官兵勦敗零

星竄近各寨賊匪鄉勇當奮力擒縛解送附

近軍營或地方官審明實係真賊自當量為

獎賞至教匪一經投出即屬良民若鄉勇等

因挾嫌報復遽行戕害不但不能邀功必當

治以擅殺之罪於緝匪之中仍寓安良之意方為妥善將此諭令知之○撥廣東藩庫銀二十萬兩解往湖北以備軍需○撥江西藩庫銀十一萬兩解往陝西備賑○丙辰

上詣

時應宮拈香○諭內閣國家經費有常惟正之供著為歲額朕軫念民依凡遇地方水旱偏災一經疆吏封章入告無不立沛恩施分別蠲緩俾閭閻生計日漸充饒即軍興以來

動撥餉銀不下數千萬俱由帑項發往從未絲毫科派擾累民間至錢糧漕米均係正供百姓等自宜踴躍輸將早完國課向來外省各州縣往往將百姓已完錢糧作為掛欠此等積弊朕所深知因應有犯必懲以儆貪墨然實欠在民者亦復不少即如閩省每年報銷錢糧僅止六七分以上任意抗延並有因推收過戶糾纏不清致將正項錢糧互相推諉雍正年間曾將田面田根名色概行革除

何得至今復沿陋例總由一二刁民玩延成習不獨福建一省為然似此積欠相仍伊於胡底著各該督撫轉飭地方官於徵收錢糧事務實心經理年清年款若不肖州縣仍敢以完作欠一經查出即當指名叅辦儻係刁民抗不完交亦應嚴辦以杜刁風並著各州縣隨時勸導俾共知大義激發天良及早輸納免蹈罪愆無負朕諄諄告誡至意將此通諭知之○以刑部右侍郎初彭齡知武舉刑

部左侍郎祖之望為武會試正考官詹事府少詹事茅元銘為副考官○緩徵江蘇江浦六合蕭場山邵宿遷海流陽八州縣大河徐州二衛水災本年次年漕糧額賦並舊欠各項銀米○丁巳諭內閣據左右翼前鋒統領等奏稱於本年十月十五日起率領各章京護軍等照例演習步圓等語我朝定鼎之初域外左近地方尚未徧行開墾猶有禽獸棲止是以曾派官兵演習步圓藉以肄武今承

平日久城外左近俱已耕種田畝並無長林
豐草安有禽獸若仍派官兵行圍不過虛應
故事而已朕綜理庶政惟在崇實不尚虛文
各大臣俱宜實心實力督率該管兵丁接時
操演以臻精銳何必務此虛文若拘泥定例
演習步圍轉誤兵丁操練尤為不可將此傳
諭該管大臣等嗣後各營演習步圍一事著
永遠停止○德楞泰奏報職斃首逆龍紹周
全股掃蕩並設法剪除零星散匪得旨獎賚
德楞泰賽沖阿溫春均下部議敘并兵賞賚
有差以故一等公安祿弟安成襲爵在御
前侍衛上行走○戊午

上御太和殿視朝王以下文武升轉各官謝恩
諭內閣刑部奏審擬故米遲延並捏報完
竣之監督德永等分別革職辦理一摺已依
議行矣其逾限未領俸米各員另繕清單進
呈例不准復行支領但據單開限外未領者
共有二十二員之多內奕緒係應領二品半

俸伊職分較大何至逾限不領應不准其補
支其餘各員著加恩准其各按品級支領一
半以示格外體卹至意嗣後如再逾定限不
獨將該員應領米石照例扣留存倉並當治
以遲延之罪○兵部以武會試中額請得旨
漢軍取中四名奉天取中一名直隸取中六
名陝甘取中四名廣東取中六名河南取中
三名山東取中五名江蘇取中一名安徽取
中二名山西取中三名湖北取中三名湖南
取中一名四川取中三名廣西取中一名福
建取中三名浙江取中三名江西取中二名
雲南取中二名貴州取中一名○以直隸正
定鎮總兵官扎勒杭阿為烏魯木齊提督直
隸張家口副將瑪富塔為正定鎮總兵官○
免阿克蘇所屬阿哈雅爾村被水回民本年
應納官糧

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之八十八

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之八十九

執修

嘉慶六年辛酉十月己未旌表守正被戕陝

西留壩廳民易子章妻鄒氏○再展八旗內
務府三旗兵丁應扣借支庫銀限期兩月○
庚申諭內閣前據莫瞻萊奏稱閭鄉等處尚
須添設都司等官當經諭令顏檢悉心妥議
茲據顏檢覆奏情形閭鄉距潼關甚近潼關
向設副將一員為陝省東南保障即可為閭
鄉西面屏障且該縣係陝州所轄該州原設
都司足資控制自無須另行添設至伏牛山
之孫家店該侍郎自因從前曾有賊蹤闖入

是以請添千把各員在彼防守但嘉慶二三年間該處守備調往他處堵禦賊匪偶得乘間偷越並非奔竄熟由之處況此時大功將次告藏各路防守兵丁均已陸續撤回是孫家店守備亦早經回至本汛可以專駐巡防豈有於各隘口偏為添設專員之理莫瞻菴特為保護桑梓起見又因近年教匪曾在該處滋擾故有此奏今既查明無庸添設俱著照部議行○又諭謝啟昆奏代進安南國王

例貢表奏一摺該國例貢前已有旨諭令將庚申年貢品與前屆應進之貢俱於壬戌年一併呈進此時該國王表奏不特恭進戊午庚申等年例貢並將下次甲子例貢一體呈進懇准該國陪臣於壬戌年進京瞻覲該國王自因年來與農耐構釁欲豫備職貢遣使來京不過表其格外恭順希冀朕俯加鑒察或可邀天朝恩助但此意亦不必明言該國王既懇將甲子例貢於壬戌年遣使來京呈

遞若不准其附進轉非所以示體卹著謝啟昆傳諭阮光纘以該國遠處海嶠梯航萬里甲子貢期距壬戌不遠分年呈進未免跋涉為勞已奏明大皇帝鑒其忱悃特加恩准其將戊午庚申壬戌甲子四次例貢俱於來年一併遣使來京呈進用昭徠遠懷柔至意將此諭令知之○辛酉諭軍機大臣等吉慶等奏夷洋盜匪陳添保攜眷投誠應否免罪等語向來海洋盜匪遇有率領夥眾投出者往

往賞給頂帶陳添保係著名巨盜曾受安南偽封情罪尤重今悔罪投出自未便仍予頂帶即照該督等所請將陳添保及伊子家屬安插南雄府文營縣管束並明白諭知以伊受安南偽封罪應凌遲姑念自行投出宥其一死務須知感知懼安靜守法勉為良民若再有生事之處必當嚴辦不貸又據另摺奏粵東偶被颶風查勘田禾並無傷損不致成災吹壞房屋船隻動項撫卹等語所奏似近

粉飾粵東高廉等府猝被颶風房屋船隻俱有損壞並傷斃兵丁商民至數百名之多。安得以田禾並無傷損即稱勘不成災現據開報撫卹銀兩約需四千餘兩豈能徧及除將被風吹損商漁船隻居民房屋給予修費及傷斃兵丁商民賞給銀兩准其作正開銷外著吉慶等再行確切查明如尚有應行加恩之處即速據實具奏候朕另降恩旨不可稍存諱飾○又諭長麟奏審擬漢民私赴番地

謀毆肇釁並鐵布生番挾嫌搶奪一摺此案王一血保等以內地民人私赴番地被逐出境又挾嫌謀毆將番衆鷄子賣錢分用以致番子等糾衆報復將伊家牛隻財物搶奪洩忿在番衆固屬不法而推其致釁之由實屬漢民滋事若祇將該番嚴辦轉似內地袒護漢民無以折服番衆之心而此等滋事漢民亦無所示儆長麟審擬此案將漢民王一血保等三人擬發吉林番民察克擬發廣東兩

無偏向所擬尚為允協已交刑部覈議矣至摺內所稱請將首先被獲之番民木茲力一犯寬免治罪等語木茲力始雖聽糾搶奪嗣因患病並未同行且能將案內各犯拏獲過半尚知畏懼不但該番罪名應予寬免並著長麟量加獎賞所有現在未獲各犯諭令幫同查拏伊等聲息相通易於蹤跡案犯無難弋獲也將此諭令知之○貸湖南武陵龍陽二縣被水災民種麥工本並武陵縣修理隄

皖銀○癸亥

上詣

雍和宮行禮

宣仁廟

凝和廟

火神廟拈香○諭內閣額勒登保於嘉慶元年冬間攻克湖南平隴賊巢曾經賞給侯爵並雙眼花翎二年春間苗疆事竣帶兵前往湖北因勦辦教匪遲延革去侯爵授為伯爵

又因擒捕首逆覃加耀辦理遲緩革去伯爵及領侍衛內大臣都統後復授為經畧大臣又因屢次殲擒首逆冷添祿阮正澤龐洪勝伍金柱王廷詔高三馬五節經加恩復予優擢遞封二等子爵賞還雙眼花翎數年以來所至之處身先士卒調度有方楊遇春等節次生獲渠魁皆係額勒登保分出兵力調遣合宜故能所向克捷將十餘萬之賊殲除殆盡所餘僅十分之一現在川北地方惟李彬

一股夥匪尚有二千餘人較之從前擒獲各首逆股內人數亦相去懸絕目下額勒登保復帶兵前往通江一帶奮力截剿即日定可殲淨其另摺所奏軍務戡定情形及搜捕餘匪辦理善後各事宜皆與朕每日指示軍機大臣等意旨不謀而合具見額勒登保胸有把握籌畫全局悉中肯綮深堪嘉獎額勒登保著加恩晉封三等伯並賞給黃面貂皮馬褂一件俟李彬一股剿淨後再加懋賞德楞

泰亦因平苗藏功賞給子爵及雙眼花翎嗣勦辦教匪在穀城殺賊千餘復賞用紫纁旋因追剿齊王氏姚之富等未能迅速將伊所得世職花翎紫纁革去自嘉慶四年以後節次殲擒首逆冉文雋高均德楊開第徐國謨等而其功績最著者尤在截剿偷渡嘉陵江股匪生擒首逆冉添元保全川西數百萬生靈至今該處民人無不感頌疊次加恩復遞封為一等子爵賞還雙眼花翎本年又將徐添

德龍紹周兩股劇賊全行殲滅厥功甚偉著加恩晉封二等伯並賞給黃面貂皮馬褂一件此時川東惟湯劉二逆尚有二千餘人德楞泰現由夔州入山迎擊與勒保兩面夾剿即可盡數掃除俟湯劉股匪辦理完竣再當加恩優獎賽沖阿溫春在德楞泰一路帶兵勦賊凡德楞泰所得之功伊二人俱協同出力雖疊次仰邀恩賞交部議敘尚未得有世職此次殲斃龍紹周伊二人帶兵勦辦賽沖

阿著加恩賞騎都尉世職並賞給海龍馬褂一件溫春著賞雲騎尉世職並賞給黃面烏雲豹馬褂一件以示獎勵至軍機大臣慶桂董誥戴衢亨數年以來承旨書諭尚能周到勤勉著加恩交部從優議敘成德本年甫令在軍機處行走亦著加恩交部議敘軍機章京章煦自勦辦教匪以來所有軍營事件係一手繕辦是以節次加恩升擢昨因升用大理寺少卿軍機大臣奏明不應在軍機章京

上行走特降旨暫留並著加恩交部從優議敘其餘出力章京等著慶桂等擇其尤為勤慎者奏明交部議敘○諭軍機大臣等吳熊光等奏會籌苗疆邊備情形酌請裁撤留防兵勇減省經費一摺據稱黔省勦捕事宜早經完竣而楚省雖龍等寨大加懲創之後東苗咸知斂戢現在地方寧帖請將鳳屬乾屬原續留防官兵鄉勇先行裁撤其永綏廳等屬原防兵勇暫留彈壓陸續再行減撤以昭

慎重等語湖南三廳地方苗情既屬安靜所有前項留防兵勇原可量加裁撤但苗情反覆無常前此見官兵鄉勇分投駐劄嚴密防範自必心存畏懼不敢生事儻兵勇裁撤之後故智復萌潛出搶掠又須檄調他處兵丁而鄉勇一經裁撤之後復行雇募轉為費力並恐裁撤之鄉勇未能安置得所均須慎重辦理據摺內稱現撤原續留防兵勇均於本年九月初一日住支鹽糧其各處未撤之兵

勇尚多著吳熊光等酌量情形如屯田不敷分給仍須暫行留駐分防即多費數月鹽糧亦所不計總應察看苗情實在安靜帖服可以放心再將各處兵勇陸續裁撤毋庸亟亟也以殲斃首逆龍紹周功拔鄉勇李大朝為千總並賞藍翎賞藍翎千總史定川花翎鄉勇魏忠才林材七品頂帶外委張興邦等升賞有差○以勦除龍紹周全股賊匪功升副將李應貴為總兵參將馬應國為副將知

縣徐士林為知州鹽大使米喬齡為知縣並賞藍翎賞頭等侍衛達勒精阿副都統銜。參將馬濟遜擊擒升驍騎校常德領催福柱巴圖魯名號防禦烏林德阿布當阿驍騎校圖勒斌富興都司彭家棟花翎驍騎校吉勒彭阿等藍翎。○甲子

上以莊敬和碩公主行初定禮

御保和殿賜皇子王公大臣額駙等宴。○諭內閣向來地方偶遇災賑例止給發銀米俾資

食用並無散放棉衣之事。本年近畿一帶被水較重實非尋常偏災可比。當經降旨截留漕米六十萬石動撥帑銀一百五十萬兩。並以工代賑為費亦不下百餘萬。現屆開放大賑之期氣候已屬嚴凝念窮黎等無衣禦寒特發給帑銀置購棉衣數萬件交順天府五城分地同日散給今據汪承霈西成等奏請派員監放所有順天府奏永定門外之海會寺右安門外之三官廟二處著派文職大員

劉權之范建豐扎郎阿莫瞻榮高杞祖之望吉綸戴均元那彥成茅元銘武職大員春寧德麟慶長積拉堪丹巴多爾濟共十五員分往監放其五城地方十廠除都察院堂官西成舒聘萬寧陳嗣龍劉湄分往外著添派先福廣泰蔣予蒲廣興范馨分赴各廠會同該城御史監放均於二十二日辰刻分賞此實朕軫念災黎恩施格外並不在常例之內在貧民等得有絮纈過冬藉資全活惟當安靜

領賑度日慎勿將官給棉衣付之典賣仍復號寒無賴甘為宵小或衣食粗給仍不知守分有鼠竊狗偷之事轉瞬春融務當各謀生業勿以特恩為可屢邀勉為良善以副朕子惠困窮之意著都察院順天府將此旨刊刻謄黃令各鄉保徧行曉諭俾眾知之。○予陝西陣亡總兵官扎勒杭阿叅將庚英額遊擊梁煥都司金銳王來用守備楊開第劉耀德楊正明千總雷清馬旺何中魁沈得榮李隨

龍王國相韓元平王永清把總張麟杜豹袁秉文鄭蘭魏克強狄良佐馬進寶馬進忠彭國士查天福裴日煥張邦勝龐鈞徐得玉馬立成外委呂廷貴李士揚喬祥魏品魁徐寶柱李化南王紹唐李佐清馬旺馬世英吳文學趙喜潘步雲傷亡副將劉懷仁遊擊馬元德都司馬濟守備楊春和千總游金階外委楊連奎祭葬世職陣亡監生殷泰九等七名領催貴德等十名申兵束楞額等九十五名

兵丁柯九國等一千二名鄉勇蔣紹南等六百八十五名傷亡兵勇柴大茂等五十七名賞卹如例乙丑諭內閣明亮在本旗都統處具呈請將在烏魯木齊都統任內應賠銀兩在侍衛俸銀內及每月馬錢坐扣經該管都統具奏將原呈進呈朕閱所開應賠銀兩俱係因所屬府州縣虧缺代為分賠並非明亮本任虧缺之項明亮從前平定金川湖南苗匪著有功績其勦辦湖北孝感教匪亦尚

為出力且伊曾緣事查抄家產二次現今其在乾清門二等侍衛上行走若將應賠之項按數扣繳當差未免拮据所有明亮應分賠未完銀七千三百五十三兩零著加恩全行寬免以示格外體卹諭軍機大臣等本日吉慶奏事摺內另片密奏大功指日告竣善後事宜正需經費粵東存貯司庫明年買穀銀兩可以撥銀二十萬兩解京備用等語所奏大屬非是各州縣額設穀石均應實貯在

倉偶因歲歉平糶出借等項動用即應買補還倉其有適值糧價昂貴之時不能按時採買恐州縣將穀價銀兩虧缺挪移是以提貯司庫已屬權宜之計一遇豐收年分立當買補足數不容稍有缺額是廣東省司庫所存穀價即與各州縣倉穀無異並非羨餘款項可以挪動且據該督稱本年穀石已經採買還倉尚有明年買穀銀兩此即明年必須動用之項斷無任聽州縣倉貯空虛不行買補

之理若穀價俱已解京則來歲買補穀石又將動用何項勢必勒令州縣設法採買而州縣勢必苛派閭閻成何事體况粵東係海疆要地倉儲尤應充裕以期緩急足恃現在大功指日告竣辦理善後事宜即需費孔多亦豈肯沾沾言利為此移東補西之計况該省七次提解各款已有數百萬今又率將粵省應行存貯銀款解京在該督挪移措辦即可保其無假公肥己之意而屬員奉行不善其弊伊於胡底豈欲括盡粵省民間脂膏而後已耶至所稱現開河工捐例未知上捐是否踴躍懇請密示尤可不必其意不過以新例報捐如不甚踴躍又將奏請在粵省捐封捐職耳前因直隸被災較重工賑浩繁暫開捐例原屬不得已之舉自開例以來報捐人員已屬不少現在永定河決口業已合龍大賑現經開放窮黎餬口有資極為安靜俟工賑事畢即應停止捐例更無須總總計及吉慶

惟當將該省應辦各事宜認真經理能使洋面肅清吏治整飭即屬盡職不必為此出位之思也將此密諭知之○丙寅諭軍機大臣等英善福寧奏接據哲孟雄來稟當即籌度檄諭緣由一摺內稱廓爾喀喇特納巴都爾與噶箕等不和借披楞之兵與廓爾喀打仗等語此係伊等家事原可置之不問至哲孟雄係邊外小部落從前曾被廓爾喀侵占地方今見伊境內彼此構釁欲乘間借端復奪侵地故以通好為名探聽消息並恐該處不令入境希冀倚仗天朝聲威檄諭廓爾喀以遂其詭計至火藥係內地操演兵丁之用尤不應擅行請給英善等接到來稟即嚴切飭駁諭令該部長自為酌量各守地方和睦鄰封所辦甚是惟當飭邊界漢番官處以鎮靜嚴密防守毋令滋生釁端為要儻哲孟雄再行瀆請仍應嚴行駁斥至廓爾喀境內構釁緣由總不必過問如續得該處爭鬭情形仍

即行具奏將此諭令知之。又諭此次湯劉等逆由太平之舊縣壩竄至八台山屯聚經勒保督同薛大烈等趕緊追剿復將該匪兜截回川不使深入陝境所辦尚是。薛大烈鼓勵兵勇晝夜追剿其功甚屬可嘉著交部議敘至李彬股內之偽總兵孔老八棄械來投情形似近真切但賊匪反覆靡常究難盡信即投出之閻天明等稱與辛聰平日相好情願前往招撫該逆等果能悔罪投誠自當貸

其一死若必招之使來恐該逆等以官兵急將藏事勸令投誠或竟有挾而求必得官職始肯投出殊屬不成事體况鄉勇隨征打仗立功方能與以官職而此等投出匪徒既免其死復又遽邀職賞鄉勇聞之豈無解體目下機宜以勦為正辦受撫則可招降則斷可不必將此諭令知之。以翰林院侍讀學士汪滋皖為順天武鄉試正考官修撰王以銜為副考官。以故四川松茂道屬阿思洞寨

土千戶阿雙子桑乍孝丟骨寨土千戶郎仲佈子屈吉佈各襲職。予陝西罵賊被戕把總何正貴祭葬世職如千總陣亡例。命補給五城領賑貧民棉衣。丁卯諭內閣從前每年閱操八旗都統前鋒統領護軍統領副都統等只往閱兵處所呈遞職名並不親與閱兵大臣會面後諾穆親呈遞職名並未親往經閱兵大臣查出叅奏遂擬定都統等務必親身前往與閱兵大臣會面但閱兵大臣

內並非皆係親王郡王其都統內有兼閱兵大臣而親王郡王內亦有兼管都統事務每年閱操時若令親王郡王大臣前往與閱兵大臣會面殊於體制不合嗣後閱操時令都統前鋒統領護軍統領副都統等親至閱操處所仍照舊例呈遞職名不必與閱兵大臣會面如此改定後儻再有僅遞職名竟不親自前往者經閱兵大臣查出即行指名叅奏斷不可瞻徇情面代為隱飾。冊封儀親王

命大學士慶桂為正使禮部侍郎扎郎阿為副使戊辰以太常寺卿善寶為通政使司通政使以擒獲首逆冉學勝等功協領達斯呼勒岱下部議敘○己巳

上御懋勤殿勾到河南山東情實罪犯停決河南斬犯八人絞犯九人山東官犯一人斬犯十三人絞犯十四人餘九十九人予勾○諭內閣荆道乾奏近因胸氣喘逆精神驟形委頓恐致誤公請解任調理一摺荆道乾官聲

素好自簡任封疆辦理地方公事均屬妥協今年老患病著准其解任或回山西本籍或即在江省就近調理俟病痊來京另候簡用所遺安徽巡撫員缺著和寧補授即行來京請訓速赴新任其倉場侍郎員缺仍著達慶補授達慶前任倉場時於辦理公務尚屬認真惟因各幫糧船掛欠漕米一節鄒炳泰以查覈掛欠為重達慶以料理回空為急以致意見齟齬均為公事起見並非因私忿爭是

以令達慶來京即命其署理禮部侍郎並授副都統茲復用為倉場侍郎務當與鄒炳泰彼此和衷期於漕政有裨儻仍各懷意見有心執拗或致誤公則自取罪戾必當嚴行懲治其達慶所遺右翼稅務著瑚圖靈阿管理以頭等侍衛達勒精阿為鑲紅旗蒙古副都統署鑲紅旗蒙古副都統富尼善為鑲藍旗蒙古副都統○命正藍旗蒙古都統弘壽鑲白旗蒙古都統永慶在紫禁城內騎馬○

旌表守正捐軀廣東南海縣民謝亞齊妻馮氏庚午

上御乾清門聽政○諭內閣據儀親王永璣成親王永璉奏稱

高宗純皇帝近支宗室子女應定至何輩數奏請指婚至選擇額駙除蒙古仍照舊例辦理外其八旗勳舊公侯伯之子孫俱請帶領引見以備指配等語前此朕挑選秀女指配宗室曾降旨令將

皇祖世宗憲皇帝近支宗室名單進呈。今儀親王等擬將和恭親王果恭親王兩支奕字輩宗室子女名單。毋庸進呈。著照所請辦理。但皇考高宗純皇帝子孫支派尤近。著加恩將皇考之孫載字輩子女年已及歲者。俱准奏請指婚。至奉字輩再行停進名單。至選擇額駙。向來蒙古及八旗熟舊子孫。俱不帶領引見。著毋庸更改。仍照舊辦理。○又諭前因文安一縣被水成災。較直屬災重之區。尤為加倍。曾經降旨令陳大文實力查勘。茲據該署督奏稱親赴文安縣境詳晰履勘。該處地居窪下。形如釜底。今夏因子牙河及大清河泛溢。衆流匯納。至今尚未消涸等語。該縣地方本年全境被水。今已屆冬序。積潦尚未消退。來春仍不能及時耕種。殊堪憫惻。除本年應徵錢糧業經全行蠲免外。著再加恩。將該縣應徵嘉慶七年錢糧概行豁免。該署督仍當隨時設法疏濬。妥為撫卹。以副朕軫念窮黎至

意 贈軍營病故湖北道員依精阿太僕寺卿銜予祭葬卹廕如例。○辛未上御懋勤殿。勾到山西直隸情實罪犯。停決山西斬犯九人。絞犯五人。直隸斬犯十四人。餘一百一十一人。予勾。○諭內閣山海關協領等官若論旗翼補放多不得人。著照韋陀保所奏嗣後山海關三品協領及防禦等缺。出無論滿洲蒙古將八旗通行揀選保送。駢騎校缺出。按翼將滿洲蒙古均勻保送。其永平府喜峯口冷口羅文峪四處防守尉防禦缺出。無論旗翼將滿洲蒙古均勻保送。至駢騎校仍按翼揀選。旌表守正捐軀廣東高要縣民婦譚李氏婢金杏。○緩徵索倫達呼爾齊齊哈爾旱災本年應還糧石。○壬申諭軍機大臣等熊枚奏查辦天津賑務情形一摺。覽奏俱悉。交河縣泊頭三鋪。係市鎮之區。雖例不給賑。但辦理賑務。自須周溥。無遺俾災黎不致一夫失所。今熊枚因該處老幼男婦紛

紛求賑並不拘泥成例飭令該縣查明戶口給與賑糧一月所辦甚是此外被災市鎮諒不止此一處著熊枚即行知會陳大文查明一體給賑以免向隅至熊枚查勘天津靜海一帶散賑情形尚為周到現又前往武清通州等處以次詳查皆當照此辦理直隸各州縣見有欽差大員周歷履勘即有一二猾吏奸胥自必知所儆懼不敢從中舞弊現在正屆開放大賑之際熊枚尤當遵照前旨設有

川陝交界地方此等素未知名匪匪尚多慶成係專派在陝境西北一帶防堵之員若必待賊竄近始行勦辦則此股甫淨他股又來何時始能辦竣惟當隨時偵探何處有賊藏匿或分派將弁前往搜捕或親往督勦使該匪等不能潛身山內以期搜捕淨盡至所稱接到慶溥來信探聞忽有賊匪一二百人由老林突出向西逃竄慶溥永明各帶兵勇前往追捕一節此股賊匪雖祇一二百人但向黑河一帶奔竄距甘肅地界不遠僅任其竄入甘境又形散漫慶成當知會慶溥永明等務將此股賊匪截回陝境迅速殄除至此股零匪係從何處汎地衝出向西逃竄著慶成將防卡疏縱之員查明一併具報經畧奏奏將此傳諭知之○以生擒楊麟生等功賞慶成一品頂帶守備張起鼇等升擢有差○命給普濟堂功德林兩處領賑貧民棉衣○癸酉

上詣

奉先殿

壽皇殿行禮○策試中式武舉王鴻儀等五十
四名於太和殿前○諭軍機大臣等陳大文
奏清查旗租積欠請展限併案查辦一摺直
隸經徵旗租自乾隆五十八年起至嘉慶二
年止例應四次清查現已逾四年之久明歲
又屆五次清查總未據該督查明具奏殊屬
懈弛從前因各州縣經徵旗租不力並有以
完作欠任意虧挪之弊以致每年旗租多有
缺額是以定為五年清查一次如有虧缺責
令上司攤賠原欲令各上司認真督催勿任
州縣等仍前疲玩乃歷任督藩等轉因查出
虧缺例應攤賠遂爾遷延不辦四次清查久
逾例限明歲又值五次清查之期似此年復
一年此項應徵旗租竟無清釐之日耶直隸
各大員以及府州縣疲玩積習牢不可破為
各省之冠亦中外所共知至摺內所稱本年

直屬被水成災花戶外出各項地畝租銀完
欠數目未能剋期勘訊固屬實在情形但數
年以來該省年歲尚屬豐稔差徭更屬稀少
何以地方官並不將徵收旗租及早報明上
司而各上司亦任其延宕可見直隸地方官
怠玩已極除嘉慶六年以後經朕加恩將從
前酌增租銀十三萬三千餘兩全行寬免此
後自應年清年款毋許拖欠外其四次五次
清查旗租姑准俟明年二月賬務完竣併案
查辦務當督飭司道等并原委各員逐一查
勘將各項積欠旗租查明或係官吏侵蝕或
係佃欠未交分別開單據實具奏俟奏到時
另降諭旨陳大文向於地方事務尚能認真
查辦不可因循舊習漫無整頓也將此諭令
知之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之八十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十

督辦政務司劉君 專報續報於官子英文新聞大學管理司辦事務務處在英國英理里士頓士子孫英文新聞
 辦件總長官劉君 請赴居住官子大孫英文大學士文新聞辦事務務處 上海事件處管理司辦事務務處院長學隨
 提舉閣事務務處 上海事件處管理司辦事務務處 上海事件處管理司辦事務務處 上海事件處管理司辦事務務處
 總理辦事務務處 上海事件處管理司辦事務務處 上海事件處管理司辦事務務處 上海事件處管理司辦事務務處
 次在英子總理辦事務務處 上海事件處管理司辦事務務處 上海事件處管理司辦事務務處 上海事件處管理司辦事務務處
 次在英子總理辦事務務處 上海事件處管理司辦事務務處 上海事件處管理司辦事務務處 上海事件處管理司辦事務務處

教修

嘉慶六年辛酉十一月甲戌朔貴州安化縣

屬土主簿楊泰運因病告替以其子燦襲職以故雲南景東廳屬保甸土知事姜之岐弟之嶸襲職○命加賞五城十廠賑米並給棲流所收養窮民棉衣○乙亥

上御紫光閣閱中式武舉馬步射○諭內閣御史鄭敏行奏請定觸犯父母發遣人犯不准援赦之例一摺此等遣犯向例皆不准援赦嗣於乾隆六十年查辦發遣人犯欽奉皇考高宗純皇帝特旨如查詢伊祖父母父母

願令其回籍者即准釋回敬釋

聖意子孫違犯教令其祖父母父母送官發遣或係出於一時氣忿及至子孫遠戍後未必不心存繫念是以

皇考特諭有仍願子孫回家者准其援赦係曲體天下為祖父母父母者之心並非於曾犯忤逆之人稍有寬宥自當永遠遵行乃該御史摺內稱彼時

皇考因次年即值歸政之期法外施仁尤屬措

詞失體我

皇考矜慎庶獄六十年如一日此事特溥如

天之仁推而至於庶民愛子之至情與歸政何涉該御史輒冒昧撫陳乎至該御史既知以

孝治天下豈有

皇考欽定例條輕言更易之理所有觸犯父母發遣人犯如遇恩赦傳詢各犯祖父母父母有願伊子孫回家者仍欽遵

皇考諭旨准其釋回以符孝治天下之義儻赦

回後再有忤逆情事一經呈告即當加倍治

罪至前定父母已故准令釋回條例彼時軍機大臣等所議原未允協忤逆發遣之人若謂伊父母已故不致再為忤逆情事即准釋回殊非情理況該犯等於親在時既敢於違犯失其歡心又安望其有依戀墟墓之誠耶此一條著即刪去仍遵例不赦○丙子

上御紫光閣閱中式武舉技勇○御乾清宮引見中式武舉親定甲乙○諭軍機大臣等吳

熊光奏拏獲隨州糾搶首夥棍徒並查明起釁情形一摺覽奏俱悉此次棍徒滋擾吳熊光得信後行至襄陽知該匪等業已解散不再赴隨州並出諭安撫居民以現在緝拏流棍並非查辦邪教使素常習教之徒不致各懷疑懼所辦皆是與朕前旨相合首犯張坤及夥犯高大倫等二十四犯吳熊光審訊明確其中有應行凌遲斬決之犯即一面奏聞一面辦理其有罪不至立決者按律分別定

擬具奏該處棍匪業已聚集有年並非一時糾合皆由地方官任意縱弛不行查拏所致其本任及歷任知州於地方積欠棍徒未能稟明查辦貽害閭閻其咎甚重著吳熊光查明該地方流棍起於何年月日將歷任上司及該州等據實奏奏不可稍有瞻徇吳熊光辦理此案完結仍即馳往軍營將搜捕餘匪及善後事宜妥為經理以副委任將此諭令知之○又諭王德奏稱李長庚心氣粗浮於提調官兵統轄全省水師之任未能負荷等語朕因檢查李長庚前任水師總兵時歷年考語書麟任內即詳敘該員捕盜出力並稱該處洋匪有寧遇一千兵莫遇李長庚之謠嗣經朕細詢該省來京人員僉稱果有其事而王德兩次考語均稱其勇幹有為調度有方為水師出色之員本日王德摺又稱其未能勝任與該督兩次密陳考語顯係自相矛盾即或李長庚近來性情改變該督知之既

真何不早行叅劾迨朕擢任提督之後方為此奏豈有甫經擢用因王德一言即將李長庚撤回之理王德著傳旨申飭嗣後該督於所屬文武務宜秉公確覈詳慎密陳不得以一時愛憎任意軒輊○調福建水師提督李長庚為浙江提督浙江提督蒼保為福建水師提督○以候補總兵官德克精額為福建汀州鎮總兵官○丁丑上御懋勤殿勾到朝審情實罪犯停決官犯四人斬犯三人絞犯五人餘八人予勾○諭內閣長麟奏土司韓輝宗承襲世職請酌量加恩稍增威重等語土司韓輝宗之父韓昱本係千戶例用五品頂帶因乾隆四十六四十九等年隨同征勦逆回著有勞績蒙皇考高宗純皇帝特加恩賞給三品頂帶花翎今韓輝宗照例承襲非如伊父屢經立功可比但念韓輝宗於嘉慶四年亦曾帶撒拉爾回兵跟同打仗現在承襲土司著加恩賞給

四品頂帶以資彈壓俟再有力另加恩賞。又諭前據長麟節次奏陳患病情形屢經降旨令其安心調理近聞該督病體尚未就痊勉力辦公且因老母在京於病中時深繫念前召見伊兄長琇并稱伊母年逾八旬亦時常思念長麟等語長麟久病未痊伊因陝省正在辦理善後事宜不敢遽行奏請解任但母老子病兩地心懸殊堪憐憫長麟著加恩令其來京另候簡用所有陝甘總督員缺

著惠齡補授惠齡接奉此旨後即將巡撫印篆暫交藩司吳俊護理速即來京請訓再赴新任長麟俟惠齡到任交卸後再起程來京其山東巡撫員缺著和寧調補并著即赴東省接印任事所有安徽巡撫員缺著李殿圖補授以輔國將軍綿德為鎮國公○以甘肅按察使姜開陽為福建布政使甘肅蘭州道蔡廷衡為按察使○戊寅上御太和殿傳臚賜中式武舉一甲姚大寧滿

德坤李廷揚三人武進士及第二甲龔調元等六人武進士出身三甲王杞薰等四十五人同武進士出身○諭內閣吉慶等奏拏獲海康縣糾眾結盟首夥各犯審明定擬一摺已交刑部覈擬具奏矣此案林添申糾約多人結盟歃血意圖搶掠係因福建同安縣陳姓人在海康地方相遇談及結拜天地會多方煽惑始起意糾夥結盟是陳姓實為案內罪魁現尚在逃必當嚴拏懲辦著吉慶等移

咨閩浙總督將籍隸同安縣之陳姓飭屬上緊訪拏務獲按律辦理毋任漏網其縛送會匪多名之貢生歐賢星監生游世傑均屬出力著加恩賞給舉人准其一體會試以示獎勵至該府縣等於地方聚夥結會之事未能豫為嚴禁本有失察之咎但旋經訪出密拏就獲其功過尚足相抵所有該府縣應得處分俱著加恩寬免○以故貴州餘慶縣正九品土官楊報廷子嘉宗襲職○旌表守正被

戕河南泌陽縣民謝大生妻張氏○已卯命侍郎高杞莫瞻策疏濬通惠河○再補給五城領賑貧民棉衣○庚辰諭內閣前因各省奏到年老諸生單內其所開諸生年歲及有無入學年分均未盡一特降旨交大學士禮部會議辦理昨據大學士禮部會議具奏已照議准行本日全保奏到湖北省年老諸生摺內恭錄乾隆五十九年原奉

諭旨一道因孫士毅所奏年老諸生將例監生

及入學年分較近並精力衰邁不能進京者概行刪去曾傳知各督撫遵行現在各督撫奏到年老諸生摺內並未一體恭錄昨大學士禮部會議時亦疏漏未敘其議定章程與前奉

諭旨尚未盡合自應再行妥議令各省畫一辦理著仍交原議之大學士禮部詳悉妥議具奏尋議各省例監其捐監在十科以前曾經應試者即照例奏請賞給至近年入學諸生

祇須查明實在年歲不必拘定入學年分仍請照例賞給嗣後各省辦理年老諸生如果三場完竣即一體奏請施恩其進京與否悉聽其便從之○諭軍機大臣等吳熊光全保議覆孫玉庭奏請將動缺倉穀仍循舊例向本地富戶採買一摺前此劉權之奏請飭禁本地採買原恐地方官有短價勒捐等弊是以飭令在鄰近省分採買今吳熊光等公同籌議以遠赴鄰封採買不特正價懸殊即腳

價亦屬不敷仍請在本地買補並因此次動缺穀數過多請分三年勻買連腳價按六錢五分一石發交有穀大戶採辦等語自係實在情形即著照所請辦理但此事總以察吏為本地方官如果廉潔自持嚴察胥吏按價給發並無絲毫弊竇小民具有天良無不樂從即在本地方採買亦何致累及百姓若稽察稍有未周不肖官吏難保不從中舞弊即摺內稱派委教職等官駐倉監收平斛響攬不

許浮取顆粒之語皆不過紙上空談於閭閻仍不免擾累所謂有治人無治法也該督撫等惟當實心察吏嚴絕弊端儻州縣等仍有稍多買短發浮收勒索情事即當嚴叅治罪如稍有徇隱別經發覺惟該督撫等是問將此諭令知之○辛巳諭軍機大臣等陳大文奏故城縣刁家門漫口堵築合龍一摺刁家門漫口現經該督飭令地方官戢堵合龍並將新堤加高培厚自臻穩固但朕近聞景州大道積水雖由刁家門漫口所致亦因山東臨清之屈家渡孟家口一帶漫水下注泛濫為患是景州上游下游皆應一律疏消現在和寧前赴山東新任著順道親往查勘如有應須辦理之處即飭屬設法趕辦其景州大道積水仍著陳大文飭令該州等上緊疏濬將道路妥為修墊以便文報行旅將此諭令知之○以大學士王杰慶桂劉墉董誥為會典館總裁官吏部尚書劉權之戶部尚書朱珪

禮部尚書紀昀兵部尚書豐紳濟倫刑部尚書祿康工部尚書彭元瑞為副總裁官○旌表守正被戕廣西柳城縣民韋潮和妻韋氏○壬午諭內閣國家設立科目文武原應並重但文闈條例綦嚴防弊頗為周密及中式後將本生硃墨卷解部復欽派大臣磨勘其中有文理疵謬者分別次數停科至武生應試考官均係面定去取並非暗中摸索較之文場易於滋弊向來各省武鄉試本未定有磨勘之例昨披閱山東省進呈武鄉試題名錄於中式武生名下將馬步箭所中枝數弓刀石斤兩分晰註明辦理尚屬周詳其山西省所進題名錄並未一律開註可見各省未能畫一辦理嗣後各省鄉試題名錄內俱著將中式武生馬步箭弓刀石技藝逐一分註俟各省題名錄進呈後隨時發交兵部陸續覈對其中有未經合式濫行取中者著兵部查照文闈之例酌定章程將本生量予停科

考試官分別議處。自下科為始。通行遵照。若各省因有此旨。而於題名錄內。浮開具報。別經發覺。必當治以捏飾之罪。將此通諭知之。又諭刑部議覆。四川省具題。崇寧縣民黃萬煥。盜開伊母屍棺。剝取衣服。並毀棄死屍。擬斬立決。一本閱其情節。實屬窮兇極惡。黃萬煥於伊母羅氏生前。不能侍奉。致令伊母依靠次子黃萬煥居住。及至黃羅氏歿後。黃萬煥忍於開棺。剝取屍衣。致將伊母右手。揪掉落。又挾嫌誣害王文彩。將伊母屍手丟棄王文彩田內。希冀拖累洩忿。忍心害理。殘惡已極。該督撫等。比照奴婢雇工毀棄撇撒家長死屍。不分首從。皆斬立決。例擬斬立決。實為紕繆。錯誤人子之於父母。其恩誼迥非奴婢雇工之於家長。可比。設該犯於伊母生前。毀折肢體。應得何罪。豈有如此極惡逆犯。僅予斬決之理。黃萬煥著即凌遲處死。並著刑部載入律例。總督勒保。現在軍營帶兵於

此案未能改正。尚屬可寬。臬司董教增刑名。是其專責。率行定擬。具詳刑部。堂官亦即照覆。未經駁改。均屬疏忽。俱著傳旨申飭。以四川陝西辦理勦撫出力。賞道員劉清同知徐廷鈺。花翎知州陳祁等。升賞有差。戶部議准。雲南巡撫伊桑阿。疏報昆明昆陽富民羅平武定陸涼六州縣。並邱北縣。丞所屬開墾民田二頃四十六畝。夷田一十八段。照例升科從之。免陝西商隴二州節年商稅。缺額銀。賑陝西高陵耀咸陽興平醴泉乾武功七州縣。被旱災民。並緩徵本年額賦。○奏未諭軍機大臣等。熊枚奏。查勘武清香河寶坻三縣賑務情形。一摺。覽奏俱悉。武清縣朱杰前此辦理撫卹。急賑既深。得民心而於現在放賑章程。亦井井有條。是該縣係實心任事之員。自當加以獎勵。著交陳大文存記。俟賑務完竣。果能始終如一。即據實保奏。候朕酌量加恩。至寶坻縣賑務。經熊枚派令隨帶

司員查出該縣園子莊鄉保劉大用有混冒領賑情事現交同知方其昀等嚴行審辦該縣王鎰本有疏漏以致不應領賑之人朦混冒領其辦理無能已可概見熊枚現派同知方其昀知縣朱杰幫同經理所辦甚是務當飭令該同知等認真詳查按名散給勿再遺漏冒濫至寶坻縣園子莊既查有鄉保劉大用冒賑之事該縣村莊不止此數恐他處鄉保不免此弊熊枚務當一律嚴查隨時懲辦再寶坻縣例不給賑民戶及業經領賑貧民於熊枚入境時紛紛求賑經熊枚親自覆查其丁壯男民均各躲匿聳令婦女等雜沓擁擠求賞賑票是該處百姓不知感戴朝廷賑濟之恩轉思挾詐逞刁希圖冒領此風亦不可長並著陳大文明白出示飭屬嚴行禁止為要將此傳諭知之○予故鑲藍旗蒙古都統阿蘭保祭葬如例謚壯勇○甲申

上御乾清門聽政○遣官祭

先醫之神○飭內外大臣實心勤職論內閣人君董正治官躬親庶政非勤無以率作興事整飭紀綱虞書所言一日二日萬幾者非必一二日之閒果有萬事誠以幾動於微若不隨機立應則一二日之曠廢即萬事所由叢脞是以我

皇考臨御六十年敬

天法

祖愛民皆以勤政為本凡殿廷多以勤政顏額

昭

即離宮別館辦事之所亦無不懸度兩字以

心法朕續承

統緒夙夜勿違以

皇考之心為心以

皇考之政為政實不敢稍自暇逸至於臣工膺股肱心膂之任尤當各揚厥職靖共匪懈蓋民生在勤勤則不匱君克勤則百度惟貞臣克勤則庶司無缺為君難為臣不易然人君

獨理於上其任鉅人臣宣力於下其職分今日之六部即本諸周官分設六卿之意兵刑錢穀各有專司且一部之中又皆設有庶官共襄其事遇有公務更無難隨時商辦况近來各官部院大臣中並無以一人而兼數任者尤不應於特交事件任意耽延乃前此交內務府議處膳房該管大臣章京等係十月初一日之事至十一月初十日始據議奏竟遲至四十日延緩已極向來交議事件如果

應詳查例案悉心定議者朕從不加之催促不但尋常事件期限較寬即刑部速議亦必予限五日或恐為期過迫不能詳盡今內務府所議不過罰俸處分無須詳稽例案數語可了其奏摺不滿百字何至遲逾若此由此類推其因循貽誤之弊伊於胡底近來各部院衙門亦均不能免堂廩至近見聞親切各衙門辦事尚爾怠弛則督撫等分駐各省更易疏懈或於應辦事件藉口行查經年累月

尚未完結其廢弛積習尤為牢不可破嗣後內外各衙門務當仰體朕夕惕朝乾勤求治理至意振作精神共相勵翼俾吏治蒸蒸日上毋得狃於晏安致干咎戾再近日諸臣中偶經朕頻頻召對即以爲眷注優隆心存高興在朕前議論風生或閱時未經召見在朕並非有心而伊等輒妄生疑懼以爲前此奏對時未能稱旨遂爾一味緘默即經朕面詢亦訥訥不出諸口即如明安前任侍郎時朕

見其人尚謹飭加恩用爲步軍統領伊即意存自滿每遇召對一次陳奏不下十餘事又欲希圖獨對誇耀於人經朕嚴行訓飭從此於本分應辦之事亦不敢具奏是全不知以公事爲重惟以揣度迎合爲能豈大臣居心之道殊不思恩眷之隆替全不係乎召對之疎密如軍機大臣每日皆有事召對並有一日而召見數次者豈遇有獲咎之處亦不加譴責乎若外省大吏皆數年陛見一次並有

未曾來京見面者其居官賢否朕無不稔知如果政績卓著實心任事朕何嘗不頻加擢用乎大臣公忠體國總當一意對君盡心公事知無不言言無不盡不但毀譽榮辱早應置之度外果有裨國是即身家禍福亦所不計方為純臣事君之道況此等實心為國之臣朕方獎擢之不暇亦豈有因公獲罪累及身家之理乃近日風氣見有一人不避嫌怨獨秉公論者衆人不以為持正而轉相非笑

致沮其忠謹之氣若人人容默自全必致漸成朦蔽雖堯舜在上欲明目達聰亦不可得况朕德薄識淺再加以諸臣不實心任事一味模稜觀望實深凜畏本日召見軍機及各部大臣面加訓諭其各交相儆勉無怠無荒共襄郅治朕實有厚望焉將此通諭中外知之○又諭步軍統領衙門覆奏大興縣屬馬道村等處民人進城求賑當經咨查順天府府尹衙門旋據查覆均係勘不成災例不

應賑之區該府尹業經出示曉諭是以未經具奏自請交部議處一摺此事昨據汪承霈等奏請發銀一萬五千兩賞給勘不成災各村莊求賑民人朕即以該村民等既向步軍統領衙門呈懇何以明安等不行奏及當即傳旨詢問茲據覆奏接准順天府咨覆馬道等村本非應賑之人業經順天府詳悉曉示並經步軍統領衙門派委弁役護送出城均各安靜是各該村民等已共知例不應賑各

無異說步軍統領衙門未經具奏尚無不合其所請交部議處之處著加恩寬免至該府尹等既稱各村莊係勘不成災何又為之例外求賞地方官查辦災賑原應於未賑之先將被災分數詳悉查勘分別造冊迨查清戶口之後其被災之區例得蠲賑兼施而勘不成災地方向祇有蠲無賑章程本屬一定若遽將不應給賑之人例外加賞則近京地方未經給賑者尚多即大興所屬勘不成災者

共有一百八村縱再發帑銀數十萬兩亦不足以偏給誠所謂惠而不知為政焉得人人而濟之僅各省紛紛效尤又將如何辦理朕非於賑貸稍有靳惜但國家惠下之舉自有等差若於例外曲為施恩則例得邀恩者轉不免心生觖望汪承需等所請實太不知事體矣原摺著發還將此通諭知之○又諭琅玕等奏審訊伊桑阿驕縱勒索及勒辦苗匪並未親赴石峴軍營捏飾具奏各款屬實定

擬斬候一摺所稱伊桑阿在貴州巡撫任內斥辱屬員騷擾驛站修造署房不發價值以扣繳養廉為名令各府幫貼銀兩及縱容家人等逞威作勢索取屬員門包各款此猶罪之小者而其最重之罪則係辦理石峴苗匪時並未親赴軍營竟敢誑詞入告有心欺罔亦已據伊桑阿供認不諱若伊桑阿止於性情乖張貪贖營私雖罪亦難寬尚屬事所常有至其誑報邀功一事前據伊桑阿摺稱常

明攻克石峴時伊親從銅仁趕到前敵傳諭各將弁四面兜圍並稱親見山梁上有執旗指揮苗目伊即傳令帶兵各員向執旗之人指定放鎗立時殲斃等語真似身在行間歷歷如繪彼時據所奏情形自應加之恩獎是以降旨交部議敘朕豈肯豫料伊桑阿全係誑詞先存逆詐億不信之見况朕辦理外省庶務惟憑各督撫奏章隨宜指示若於督撫陳奏到時即疑其不實豈朕推誠待下之理

是朕實不忍以不肖之心待人何伊桑阿竟敢以毫無影響之事公然欺朕乎軍營虛誑報功最為惡習然或本係親身督戰得有勝仗因而虛報首功裝點情節已屬相沿銅鑿為朕所深惡數年來力加整頓各路軍營奏報即難保其無一字粉飾諒未有敢於將無作有憑空捏造者伊桑阿在京時豈不知朕於軍情務期覈實輒以身嘗試乎若各督撫相率效尤以誑奏為得計是朕宵旰勤求庶

務所謂事事認真者全係枉費心力將何以用入行政耶且伊桑阿初放貴州巡撫時曾面奏請將養廉扣繳賠項並稱受恩深重即全數扣繳到任後亦不敢因辦公不敷營私敗檢情詞真切幾於指天誓日惟祈俯允所請彼時朕即念及若將伊養廉全數扣繳恐辦公不敷是以祇准扣繳一半伊桑阿當即叩頭感謝並稱得以保全其廉乃一經到任即向首府程煜等告以用度不足勒索幫助

是其挾詐面欺亦非僅貪汙婪索可比朕前於伊桑阿陞辭出京時諄諄訓誨但恐其任性妄為復萌故態初不料其有操守不端之事寧復料其膽大欺上一至於此此而不嚴加懲辦何以飭綱紀而正人心伊桑阿之罪論其貪汙婪索較富綱為輕論其罔上欺君比魁倫更重自應按律擬斬請旨即行正法琅玕等特因朕年來辦理庶獄有不准從重之旨是以照例問擬斬候即發交部議亦必

照覆但其情罪重大若特行降旨予以立決轉似較常例加重現據琅玕奏稱伊桑阿染患瘡毒尚未痊愈若久禁囹圄或因病自斃倖逃顯戮實屬不成事體且伊桑阿所犯情罪俱已一一供吐更不值俟解京審訊後始行正法伊桑阿著改為絞立決派乾清門侍衛孟佳刑部侍郎瑚圖靈阿馳驛迎赴前途於伊桑阿解到地方不拘何處旅寓即帶同地方大員及原解官員將伊桑阿立即處絞

以為甘心欺君不顧性命者戒其餘琅玕等摺內所擬長隨盧慶等罪名著交刑部覈擬具奏並將辦理緣由宣示中外至現在各路軍營經朕節加訓飭自不應稍有虛捏但此時功屆垂成恐伊等欲圖迅速蔽功稍存草率不免又萌粉飾之念儻所奏情形稍有不實關繫重大並著傳諭各路帶兵大員於奏報軍情務期確實當以伊桑阿為前車之鑒又諭朝陽門係屬通衢大路此次即因城

外放米擁擠何至擠斃十餘命之多且已斃男婦止認識馬甲常洪一人此外係屬何人及究竟因何擠斃之處皆應查訊明確所有是日該班之章京等著解任並管門兵丁一併交刑部嚴審具奏至步軍統領衙門京城內外一切稽查事宜是其專責此次朝陽門口於扃鑰時竟有多人擁擠致斃多命之事該提督等並未即時親往彈壓直至三更始據該營將備稟報前往查看殊屬不合俟此

案查審得實再候諭旨嗣後五倉及通倉放米之期應如何酌定章程不致城門擁擠之處並著步軍統領衙門妥議具奏○諭軍機大臣等琅玕等奏會審伊桑阿貪縱欺罔各款定擬斬候一摺已明降諭旨將伊桑阿即行絞決並宣諭中外矣琅玕身為總督於伊桑阿在巡撫任內騷擾勒索各款業已得其確據即應早為參奏乃琅玕並不明列彈章惟向同僚初彭齡告語其瞻徇之咎實屬難

辭即伊桑阿誑報邀功之處亦難諉為不知朕因琅玕在石峴地方搜捕苗匪尚為迅速是以前此僅將伊降為二品頂帶拔去花翎以示薄懲嗣後該督辦理一切事務惟當一秉至公以伊桑阿之欺飾為戒再貴陽府知府程煜於伊桑阿勒索幫助一案業經革職但朕聞其平日官聲尚好且程煜既據該督訊明並無餽送銀兩情事其許向各府轉商幫助實迫於伊桑阿之催逼尚有可原著琅

玕將程煜在知府任內居官如何之處出具切實考語據實查明具奏送部引見候朕再降諭旨將此諭令知之○冊封慶郡王命宗人府左宗人永錚為正使內閣學士吉綸為副使以太僕寺卿廣泰為太常寺卿○以永定河漫口合龍在工出力人員下部議敘○乙酉諭內閣京師各城門派設弁兵輪班看守以時啟閉稽查出入定例綦嚴若任聽車馬行人填塞擁擠致黃昏扃閉時尚復雜

咎喧嚷儻有宵小混入其中。何能辨別。况擁擠致斃多命。實從來未有之事。更屬不成事體。昨因朝陽門擠斃人口一事。步軍統領等原奏未經明晰。特將此案交刑部審訊。今據訊明。是日領米車輛甚多。午未以後進城米車與出城車馬愈積愈多。各處肩挑人等出入紛擁。填塞內外門洞。該城門領等見時屆黃昏。恐關門遲誤。始將出進車馬攔截。只放空身行人。以致爭先擁擠。昏黑之中傾跌踐

踏。莫可辨識。該城門領等於閉門後。見門洞內有擠斃人口。始於門縫遞稟具報。步軍統領衙門等情。該城門領等於是日午未後。既見車馬擁積。理應及早設法開通。即或一時未能攔阻。亦應稟知提督總兵親往彈壓。乃直待擠斃人命。於三更時始行稟報。玩誤已極。城門領同保門千總三益門吏雅達那俱著交部嚴加議處。至步軍統領衙門於京城內外一切稽查。是其專責。此次朝陽門口於

局鑰時擠斃多人。未能親往查看。本有應得之咎。但究與城門領等處分有閒。即如本日綿懿等奏請將管理鑲白旗新營房之叅領慶奎交部嚴加議處。綿懿等交部議處。並不稍存推諉。已依議行。乃明安等奏請議處。摺內稱朝陽門外城門洞以內例應城門官兵專管。城外海墁以上。係鑲白旗營房官兵專責。由本旗管理海墁以下。係提督衙門北左二營專管。今擠斃之人。係在外城海墁以上

並非營員專管地方等語。所奏胡說之至。顯係有心推卸。擠斃之人。雖在海墁之上。但總由外城營汛官員等不能豫先設法開通道路。至局門倉猝之時。出入之人不能不擠至海墁之上。是擠斃處所。雖係鑲白旗官兵專管地方。而所以致斃之由。則北左二營員弁辦理不善。及城內城門領倉猝關閉城門之故。以致慘斃多命。實難辭咎。今該提督等但以具報遲延。僅請議處。非推諉而何。所有北

左二營叅將遊擊及本汛守備並翼尉岐山俱著交部逐一查明嚴加議處明安恭阿拉國霖未能先事豫防親往彈壓之咎尚輕而有心諉過之咎較重亦著一併嚴加議處至朝陽門既有擁擠之事其餘城門恐亦在所不免並著步軍統領衙門及各旗管理營房之都統等通飭所屬隨時留心於車馬民人出入令其按軌循途從容行走毋許爭先搶越致滋擁擠尋罰令明安等賞卹擠斃之馬

甲常洪銀百兩其餘十人各五十兩○又諭戶部議覆陝甘軍需章程分別准駁並開單進呈除議准者照議施行外其所駁各款如陝省官兵於沿途經過地方搭蓋棚廠豫租店房以備供支一節實非體制所應有定例凡遇紮營處所均有帳房以供棲止不獨行軍為然即屬車所至庖從大小官員或住蒙古包或支搭帳房尚不准租賃店屋况軍營官兵隨同勦捕豈得於例外搭棚賃屋希圖

安逸即閒有一二患病官兵不能隨行私自租房調養豈得明目張膽官為開銷况製辦帳房以及運至軍營均有支費若又添入租屋搭棚之需則帳房豈不竟成虛設乎又軍營調派各員之跟役支給口糧一節隨營辦差文員其所支鹽糧既須扣還歸款豈伊等所帶跟役轉許按名支領作正開銷乎又甘省需用渡夫水手支給工食口糧一節該省遇有河水閒隔處所平時即應有渡船以資行旅即因官兵過渡隨時雇覓水手其所需工食口糧祇須按日給發斷無庸再給與安家銀兩又犒賞需用牛羊及銀牌布匹等項請作正項開銷一節軍營向無賞需之例其出力官兵經朕特加恩賚或帶兵大員隨時量加犒勞原係另款給發並非列入正項若皆任意報銷則何物不可賞給寧復尚有限制乎以上指出部駁各條俱係例案所無應行刪減者該督撫等混行開入甚屬不合軍

營動用銀兩。如果與例未符。而實在必需支應者。該督撫原不妨隨時具奏。候朕酌奪。豈可於報銷時妄冀准行。總由伊等於節次所撥餉銀肆意花銷糜費。難以據情懇請。故爾攬入報銷各條內。希圖朦混。此又蹈軍營虛誑習氣。其弊恐不獨陝甘為然。該部逐款駁正。甚是。並著通行。凡有軍需省分。一體遵辦。○又諭外省辦理諸務。每多疲玩。而直省積習懈弛尤甚。本年直屬被災州縣較多。賑務

綦重。經朕節降諭旨。令該督嚴飭所屬認真經理。並特派左都御史熊枚。周歷被災各州縣。確切稽查。地方官自當共知謹凜。悉心妥辦。俾得實惠及民。乃本日陳大文奏。蒙城縣知縣路元錫。於十月十八日始行開賑。距應行開賑日期。遲至半月有餘。且於撥給漕米。並不運齊。每日止放米一百石。民間嘖有怨言。又大城縣知縣錢桂。於清查戶口。延宕至十一月初四日。始行開報。貧民守候需時。

未能得賑。均屬延玩。已極。路元錫錢桂俱著革職。交該督查明。該參員等如有別項情弊。即嚴行審訊。據實續參。此外辦賑各州縣。並著陳大文一體傳知。設有似此玩誤之員。即立時參辦。庶該州縣等共知儆惕。於應辦賑務。實心經理。期於窮黎均有裨益。○予福建出洋淹斃兵丁吳正剛等二名。賞卹如例。○丙戌

聖祖仁皇帝忌辰遣官祭

景陵

上詣

奉先殿行禮。○以

園丘大祀致齋前期命

皇次子是寧詣

孝淑皇后殯宮行冬至祭禮。○戶部議准。浙江

巡撫阮元疏報臨海縣開墾田六十四畝有

奇貴州巡撫孫曰秉疏報獨山黃平二州開

墾田三畝有奇。照例升科。從之。○丁亥諭軍

機大臣等吉慶等奏洋盜陳添保攜眷內投並將繳出安南印敕進呈據摺內稱陳添保因捕魚遭風於乾隆四十八年經阮光平擄去封為總兵等語可見積年洋盜滋擾皆由安南窩留所致即阮光平在日已將內地民人擄去加封偽號縱令在洋劫掠阮光平身受

皇考重恩如此喪心蔑理實非人類今閱該國偽詔內有視天下如一家四海如一人之語尤屬夜郎自大若論其種種狂悖本應聲罪致討惟該國現與農耐構兵轉不值乘其危急加以捷伐揆諸

天理該國滅亡亦在旦夕更無庸以文誥化誨亦毋庸給予照會所有敕印等件現今銷燬該督等惟當嚴飭將弁巡緝各洋遇有安南盜匪竄入立即拏獲懲辦其投出之陳添保並家屬夥盜等即照該督所請於海洋較遠之南雄府地方分別妥為安插仍不時嚴密

稽查毋令出洋滋事將此諭令知之○
上以冬至祀

天於

園丘自是日始齋戒三日○戊子諭內閣此案朝陽門擠斃人口皆由門內官員兵丁等於車馬行人擁擠時不能及早疏通及至黃昏愈積愈多閉城時又復過於倉猝以致城內城外行人爭先紛擁俱擠至海墘之上傾跌踐踏慘斃多命該處官員兵丁等獲咎甚重所有城門領同保門千總三益城門吏雅達那署守備千總王明玉守備華成均俱著照部議革職翼尉岐山本係棄瑕錄用之人今又獲咎岐山及叅將阿爾綱阿王元凱遊擊王永寧六十五均著照部議降三級調用步軍統領明安等均係統轄大員不能先事豫防固有不合既經城門領等報知親往查看若祇具摺請罪其獲咎本輕乃摺內輒稱海墘之上並非營員專管僅以具報遲延叅奏

實屬有心諉卸本應照部議革任但一時更換乏人姑從寬免其革任仍註冊朝陽門地方係左翼總兵所管恭阿拉之咎較國霖為重恭阿拉著改為革職從寬留任免其折罰世職半俸國霖著改為降三級從寬留任○以先賢端木子後裔毓振○卜子後裔國華各襲五經博士○額勒登保奏報督勦通江一帶殘匪擒獲偽元帥丹添璜賊目龐思宇等得旨獎賚出力員弁升賞有差○賞勦賊奮勇積勞成疾之甘肅提督穆克登布雲騎尉世職○贈防江積勞病故之河南布政使完顏岱太常寺卿予祭葬卹廕如軍營例○戶部議准陝西巡撫陸有仁疏報長安縣開墾灘地一頃七十八畝有奇照例升科從之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之九十一

藍翎軍機處司員題請起復(官太子太傅)吏部奏准吏部開缺請將該部請發奉 上諭軍機處司員請發奉 上諭吏部開缺大學士李鴻章部事務持(加恩)免職現准請起復准其太子少保內大臣文淵
等於本年常加(加恩)免職鑄給敕官予祭文淵開大學士李鴻章部事務持(加恩)免職現准請起復准其太子少保內大臣文淵
開缺吏部事務持發奉 上諭軍機處司員請發奉 上諭吏部開缺大學士李鴻章部事務持(加恩)免職現准請起復准其太子少保內大臣文淵
統領各營都統奉宸坊調國庫監理糧食恭摺奏請將吏部奏准吏部開缺大學士李鴻章部事務持(加恩)免職現准請起復准其太子少保內大臣文淵
次自英和臣謹請(太子少保)禮部尚書上書奏請吏部事務持(加恩)免職現准請起復准其太子少保內大臣文淵

救修

嘉慶六年辛酉十一月己丑

上詣

南郊齋宮齋宿 諭內閣顏檢奏西華縣隆勝溝地方有土棍張懸子等聞知不拏邪教藉此糾黨逞兇經該撫密派地方官查拏該犯竟敢聞拏拒捕當經督率兵役鄉民人等將首夥各犯全行拏獲等語所辦好前此節降諭旨並親製邪教說頒發各省令地方官不必查拏習教之人原以鄉愚無知不過喫齋念經並無不法事跡若有意搜求則地方胥

吏轉恐藉端滋擾非保全良民之意今張懸
子主連皋等糾衆結黨肆意逞兇甚至姦盜
詐偽無惡不作以致村民人人切齒此等匪
徒無論其曾否習教皆屬擾害地方大干法
紀若不嚴加懲辦何以戢兇暴而安善良顏
檢訪聞得實即札調該縣來省密囑嚴拏及
首夥各犯就獲後該處業已寧謐即飭署臬
司何銑前赴陳州審訊不復親往查辦俾民
心不致驚疑實為妥速鎮靜西華縣知縣魯

銓密承巡撫面諭選集兵役乘閒捕拏擒獲
張慙子等首夥四十餘犯實屬能事著加恩
送部引見陳州府知府祿寧亦經顏檢密諭
督飭查拏署汝寧府知府穆克登布接到西
華縣關會即親帶兵役將隔屬逃逸首犯王
連臬等擒獲均屬認真祿寧穆克登布俱著
交部議敘其首先督同鄉約兵勇奮力上前
擒獲王連臬等之外委馬國用著加恩即以
把總拔補至出力之紳民人等業經顏檢飭

署臬司優加獎賞外并著傳旨嘉獎以爾等
目擊該匪犯毆差肆橫同伸公忿密布鄉勇
協力擒拏為地方除害洵屬急公可嘉業經
奏聞俾伊等倍知感激互相勸戒更足以安
戢閭閻至此案審明後自應照先棍例辦理
其應行斬決臬示者著一面奏聞一面即在
該處正法示眾為從各犯仍著解赴省城審
明按律定擬具奏撥兩淮鹽課銀四十萬
兩分解四川陝西以備軍需○庚寅冬至祀

天於

園丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵 遣官祭

端慧皇太子園寢○諭軍機大臣等現在賊
匪情形以西北為重川陝連界西北一帶上
游江水淺涸恐零匪乘閒竄越關繫匪輕此
時張魏兩股並楊逆餘匪所剩不過二百餘
人慶成務當督飭吳亨衍等上緊搜捕如能
在該處殲除淨盡即屬慶成等之功儻一時
未能辦竣總須將該逆截向川境以便經畧
等合兵勦辦斷不可令其闖入陝界將此傳
諭知之○辛卯

上以冬至節御太和殿受賀作樂宣表如儀○
翰林院奏向來保送御史部屬翰林各為一
班部屬記名無人即保部屬翰林記名無人
即保翰林後以部屬壅積先儘補缺係因一
時調劑並非著為定例今吏部以記名人員

將次用竣。行文各部院保送查編檢。現在合例者僅十員。若照上屆保送八員六員。則不敷遴選。若祇保二三員。則將來御史中部屬多翰林少。不足以昭平允。可否仍照舊例。定為分班陸續保送。兩不相礙。於遴選亦昭慎重。得旨允行。○壬辰。諭內閣。吳熊光奏審明隨州糾搶首夥各犯。分別辦理一摺。該犯張坤等。膽敢糾衆疊搶。拒捕殺人。情罪重大。吳熊光審明後。即將首犯張坤等三名並馬正魁等十犯。即行分別斬梟絞決。所辦甚是。其已被鄉勇格殺之首犯孫學友。崔信。二名著即戮屍梟示。餘著該部覈擬具奏。至代辦知州朱恂。率據鄉約人等呈報。張皇轉稟。雖屬冒昧。但張坤等拒捕時。本聲稱有二三百人。在後該州朱恂據以轉稟。非盡無因。若仍交部議處。恐嗣後地方官規避處分。遇有此等搶劫重案。轉致諱匿不報。甚有關係。朱恂著加恩免其交部議處。吳熊光全保。均到任未

久伊二人自簡任總督巡撫後。即在軍營辦理堵剿。且此案發覺後。吳熊光立即親赴襄陽一帶督拏。已獲多犯。辦理完結。所有吳熊光全保應得處分。俱著加恩寬免。其從前失察之督撫及該管各上司。仍著吳熊光查明咨部分別議處。○諭軍機大臣等。伯麟奏查明山西被災州縣。毋庸展賑一摺。山西代州等十九州縣。本年被災之後。節經加恩緩徵。並借給口糧籽種。既據伯麟查明窮黎口食有資。例賑之外。自可毋庸另行展賑。但各該處收成歉薄。明春青黃不接之時。仍宜量為借糧。以資接濟。著伯麟留心察看。如果入春以後市價較增。即督飭地方官開倉出糶。出借以裕民食。務須妥為經理。俾實惠及民。勿任地方官吏侵扣捏飾為要。將此諭令知之。又諭英善。福寧奏。川省應撥前後藏餉銀。未經解到。現向前藏達賴喇嘛等後藏班禪借銀支發等語。所辦殊不成事。前後藏應支

兵餉銀兩由川省撥解。係屬經費。豈容稍有遲誤。如果逾期不到。駐藏大臣等即當上緊咨催。僅再催而不應。即應據實奏參。豈有任聽遲延。轉私向喇嘛班禪等借用。甚至向其再借。即有難色。尚復成何事體乎。此事在和寧起身以後。福寧未到之前。係英善任內之事。辦理實屬錯誤。現在軍需支用雖多。無不源源接濟。何至缺此數萬例餉。川省督藩等辦理不善。實難辭咎。已有旨申飭勒保。揚撥

並令其上緊撥解矣。此項銀兩解到後。所有英善向前藏達賴等所借銀一萬四千兩。向後藏班禪所借銀六千兩。俱即如數撥還。並當諭知伊等。以此次解藏餉銀。前因途路遙遠。雨雪難行。偶爾遲誤。今已解到。立即撥還。令其一體知道。將此諭令知之。○又諭教匪滋事。起於鄖襄。自嘉慶二年春間。由湖北闖入河南境內。從南陽鄧州盧氏一帶。竄往陝西四川。其緊要隘口。或有今昔異形。必須添

設營制。聯絡聲勢之處。正應歸入善後事宜。詳悉妥辦。現在如楚省竹谿至四川大寧。陝西西鄉至四川太平東鄉。向為賊匪出沒之所。中間相隔七八百里。至千餘里不等。地方遼廓。官吏稀少。原設營伍。恐致鞭長莫及。所有川陝楚三省營制。如有應行增添移建之處。即應各按該省形勢。妥為酌定。況自勦辦教匪以來。三省召募鄉勇。為數甚多。賊平之後。急須妥為安插。即經降旨。令該督撫等將

鄉勇情願入伍者。即令食糧。不妨於原額之外酌量加增。即以此項鄉勇。為添設營伍之用。至鄉勇中有曾經著有勞績。賞給六品頂帶者。即可補用千總。七品八品者。即可補用把總。外委以資管束。若不願入伍者。亦聽著額勒登保。德楞泰。與該督撫。於籌辦善後事宜時。會同妥議具奏。○莊敬和碩公主下嫁科爾沁郡王額駙索特納木多布齋。○賞江南等省鄉試年老諸生吳思齊等三百二十

三名舉人。副榜有差。○移湖北德安府營守備駐隨州。隨州營千總駐德安府。從總督吳熊光請也。○癸巳。諭內閣。都察院奏張伯行之曾孫張裕孚等應否與在京賢良祠後裔一體查辦一摺。上年諭令八旗都統及各督撫查明入祀賢良祠子孫。送部帶領引見。經吏部查照定例。將從前曾奉

特旨入祀在京賢良祠之子孫。按名查辦。其外省題請入祀本處賢良祠者。概未列入。蓋因各省名宦鄉賢等祠。本與在京賢良祠有閒。雍正年間特降

諭旨。令外省各建賢良祠。將文武大臣。公忠正直勲節昭著者。地方官具奏入祠。歲時享祀。此實我朝崇獎名臣。恩加無已至意。張伯行在雍正年間。居官清正。嗣於乾隆六年。經該省撫臣題請入祀江寧賢良祠。已足表其清節。至於查辦賢良祠子孫。帶領引見。殊恩曠典。自有限制。部臣以曾奉

特旨入祀在京賢良祠者。為斷尚屬平允。所有張伯行子孫。毋庸帶領引見。將來外省如有似此者。均一體遵辦。○諭軍機大臣等。現在軍務即日告歲。其善後事宜。內惟安插鄉勇一事。最為緊要。屢次諭令該督撫。或酌給叛產。絕產。或令充伍食糧。原為伊等豫籌生計。但聞叛產一項。為數無多。蓋各省匪黨。皆係無藉之徒。鋌而走險。其甘心從賊。如龐洪勝之家產。饒裕者。寧有幾人。至被賊裹脅各村

民。其本有田產者。一經散出。自必歸家。各認己業。且各處尚有散出難民。均須安插。是叛產絕產。亦豈能徧給無遺。況自賊中投出者。即屬良民。此等多係無業之徒。若不妥為安撫。仍令流離失所。亦恐滋生事端。因思川陝楚地方遼闊。儘有官山未經開墾荒地。與其為客民占據。何如撥給鄉勇。令其自安耕作。此外若有可興之利。不妨奏明辦理。如川省銅鹽等項。或有可以資借謀生。無礙於官而

有便於民者。各就該省現在情形量為措置。至鄉勇隨同官兵勦賊日久。其中傷病者諒亦不少。現在各省所調官兵。其因傷病未愈及隨征日久者。均以次徵歸原伍。而鄉勇之傷病者。轉未議及。是官兵之裁撤者多。而鄉勇之冗食者不少。殊非覈實之道。且有由隔省調派隨征者。此時即應先行裁撤。以節糜費。將此傳諭知之。○陸有仁奏報截勦東竄餘匪得旨嘉獎。下部議敘。候補通判雒昂遇

缺先補。○撥廣東商捐銀十三萬三千兩解往陝西以備軍需。○甲午諭軍機大臣等。吉慶等奏安南保樂州夷人農福連幫同農耐與阮光纘打仗。現在三路進攻黎城等語。安南地方被農耐屢次奪取。茲復進逼黎城。看來阮光纘未必能保有境土。但外夷彼此構兵與內地無涉。吉慶等當持以鎮靜。不必過問。祇須飭令內地各邊隘嚴加防範。並密為偵探。如安南為農耐所併。阮光纘敢關請命。

或農耐占踞安南之後。具稟到粵。彼時吉慶等將實在情形即行奏聞。候旨辦理。將此諭令知之。予福建出洋淹斃兵丁陳國祐等五名賞卹如例。乙未諭軍機大臣等。此次李彬及劉朝選湯思蛟等股經官兵追擊。所剩均不過四五百人。勢極殘敗。而七十五所勦苗逆轉增至二千餘人。賊匪又得從容裹脅。是七十五竟全不足恃。額勒登保等僅於摺內隱約其辭。未免意存瞻顧。著額勒登保

等查明七十五沿途如何逗遛。或因舊病復發行走濡遲不能趕上。賊匪均屬七十五之罪。即應據實叅奏。又據奏疏防寧羌竄匪之遊擊王自祿僅請摘去頂帶一節。亦屬寬縱。王自祿著革職。作為兵丁留營効力贖罪。至慶成慶溥等於西竄賊匪相距較遠。且能奮力勦捕。其處分自可寬免。但額勒登保等大兵現在追勦苗逆一股。儻該逆被勦緊急。或致折回陝境。不可不豫為防範。著額勒登保

等傳知慶成慶溥於陝省邊境嚴密防堵設有竄回之賊務須迎頭攔剿若防範不嚴致令竄入陝境則惟伊二人是問○額勒登保奏報官兵殲擒首逆高見奇並偽帥周萬友等得旨嘉獎加總兵官豐紳提督銜賞守備何榮王登科花翎千總朱得芳等藍翎拔兵丁朱必顯為把總並賞藍翎餘升賞有差○又奏軍營出力人員賞驍騎校托依恩花翎領催東科爾扎布等藍翎○湖北巡撫全保

等奏報官兵進剿戴家營賊匪殲擒偽軍師鄭三元偽元帥褚貴等得旨獎賚全保長齡下部議敘擢守備馬濟盛為都司出力升兵升賞有差○丙申諭軍機大臣等此次張魏餘匪經慶成疊次截擊多有斬獲並於獲犯內訊出偽總兵偽先鋒等五名分別正法所辦尚好惟首逆張添倫魏洪升二犯乘間逃竄自應派員上緊搜捕肅清苟文明一股與冉高姚等逆餘匪合夥約有二千餘人驛馬

甚多由金獅廟淺灘偷渡嘉陵江非七十五屢次遲延予賊以暇何至於此七十五著即解任交額勒登保德楞泰將沿途如何逗遛延緩之處訊明奏奏治罪勒保為四川總督並不先事豫防實屬疏忽額勒登保德楞泰查明賊匪偷渡之江岸勒保如曾派員在彼防守即將該員嚴參辦理儻該督未經派員則專係勒保之過亦即據實參奏慶成聞知賊匪渡江即帶領兵勇由陽平關趕往不分

畛域奮力勦賊甚屬可嘉但陝省西北一帶祇有慶溥永明二人在彼防禦兵力較單儻李彬等逆聞知乘間竄入殊有關係或令慶成仍回陝境防堵或留慶成在彼額勒登保德楞泰二人內分一人督辦李彬湯劉等股並防堵陝境不致顧此遺彼方為妥善至苟逆奔竄之地逼近寧羌畧陽階文地方俱有大山老林若任其逃入搜捕未免費力且白水江現當隆冬水涸之際亦應慎重嚴防當

此功屆垂成豈可復任散漫額勒登保等務當趁其攢聚一處併力截擊將苟逆一股悉數殲除就此歲功兼贖前咎佇盼捷音之速至將此傳諭知之○丁酉諭內閣據護軍統領丹巴多爾濟等奏失察中正殿太監及護軍等賭博一事自請議處已加恩寬免矣向來紫禁城內派有六大班諸王文武大臣及前鋒統領護軍統領等輪流直宿嚴密稽查乃日久漸涉疏懈又總管內務府大臣等從

前均輪班上夜後亦廢弛以致太監及護軍人等竟敢乘夜賭博無所畏忌禁地森嚴豈可不加意整肅嗣後總管內務府大臣等著照舊輪班直宿除該六大班之諸王體制宜尊領侍衛內大臣職分較大無庸派令查夜外其該六大班之文武大臣前鋒統領護軍統領總管內務府大臣等俱著輪流查夜以昭嚴密該大臣等務須不時周歷巡查如各該處地方查有夜深不息燈火及賭博等事

立即鎖拏究辦次早即行具奏不得瞻徇情面如該班大臣等巡察不嚴再有疏懈必一併議處若日久廢弛亦不輕恕○又諭汪承霈等奏辦理萬年吉地工程一摺內稱泰陵方城係臨清甄券恐日久不免酥齏請將萬年吉地方城改用青白石券等語陵工應用甄石等料均有定制豈容輕為更易從前泰陵方城既用臨清甄券則現在萬年吉地自應恪遵辦理設改用石料較之

泰陵工程節省尚且不可況以石易甄工料運腳勢必需費更多盛佳係在工專辦之人此必伊主見不過欲為浮銷地步糜費錢糧且伊自派辦此項工程諸形遲緩總以例價不敷為詞此奏措詞失體尤為不合盛佳著交部議處汪承霈范建豐額勒布福敏泰隨同附和均著交部察議○旌卹遇賊被戕湖北恩施縣生員黃萬全民人黃振萬如例○戊戌

上詣

慈寧宮

壽康宮行禮○諭軍機大臣等昨據慶成奏稱
苟逆渡江奔竄仍係廣元地方逼近寧羗畧
陽階文等處今苟逆已竄至階州屬之梅子
園是已闌入甘肅境內此皆七十五玩縱之
罪此時甘省正當放賑之際飢民絡繹於道
苟逆渡江時雖祇二千餘人若飢民被其裹
脅日內或已增至三四千人亦未可定况階
州地方早經安堵今猝遭蹂躪百姓受賊荼
毒係七十五縱賊殃民所致七十五著革職
拏問交額勒登保德楞泰長麟嚴加審訊所
有四川提督員缺著額勒登保德楞泰等先
派員暫署即於軍營應升出力人員內擇其
打仗奮勇而又才具明幹能膺提督之任者
保舉數員出具考語開單進呈候朕簡放再
長麟已令其來京供職陝甘總督簡放惠齡
此次長麟一聞苟逆竄甘稟報即一面飛飭

鞏秦階道馳赴階州趕辦糧餉長麟亦即由
漢中馳回甘省照料一切甚屬可嘉其所調
固原河州兵二千名分布岷州秦州鞏昌一
帶防護自應如此辦理再慶成此時自己於
額勒登保德楞泰未到之前先行趕抵甘省
奮力截剿如已將苟逆一股痛加殲戮得有
勝仗即著迅速具奏以慰廑注○予陝西陣
亡守備雙德把總郭守方外委安正剛祭葬
世職馬兵姜乃忠等九十名步兵劉安等一
百八十四名賞卹如例○予四川陝西陣亡
遊擊姚士華都司洪保玉守備李大發陳得
欽鄧文元千總高貴張大升宋廷桂把總徐
文中劉存德孫洪外委唐榮楊元宗汪有昂
鄭永祥護軍校葉布冲額驍騎校阿克東阿
祭葬世職額外外委王致中護軍德柱等八
名披甲達凌阿等二十四名賞卹如例○旌
表守正被戕奉天遼陽州民常可發妻徐氏
己亥升四川達州為綏定府太平縣為太

平廳直隸同知改達州州同為涪州州同。墊江縣縣丞為太平廳經歷。太平縣城口主簿為東鄉縣主簿。達州吏目為府經歷。添設太平廳照磨一員。平武縣主簿一員。麻柳場巡檢分隸達縣。綿州金山驛移駐該州舊治。保縣歸併理番同知管理。即以該縣改復羅江縣。綿州州判仍駐豐谷井。順慶府同知歸併該府通判管理。將缺改抵太平同知。改太平營為太平協。添設副將一員。協標右營守備一員。駐城內。即以太平營原設之兵丁作為右營兵額。以原設之都司作為協標左營都司。移駐城口。駐兵四百名。竹峪關黃楊堡徐家壩大昌等四處各添設守備一員。兵二百五十名。其餘家壩大昌二營仍歸夔州協與改駐之左營都司及添設之右營守備並竹峪關黃楊堡各守備歸川北鎮管轄。從叅贊大臣德楞泰請也。○庚子以內閣侍讀學士廣敏為太僕寺卿。○予浙江故禮部尚書姚

成烈入祀鄉賢祠。從署巡撫阮元等請也。○辛丑諭軍機大臣等本年直隸被災甚重。雖節經發帑截漕開放大賑。所以加惠窮黎者。至再至三。但人數眾多。豈能盡滿其願。尤恐鋪戶等值此饑歲。將屯積糧石。有意居奇。不肯減糶。以致別滋事端。至各處殷實之家。有無相通。本屬鄉黨親睦之誼。現因直隸各屬被水朝廷多方賑濟。惟恐小民失所。身家殷實者亦應推廣皇仁。共敦任卹。著該督飭令各州縣剴切勸諭。如果家有儲蓄。當此災民飢困之時。目擊流離。寧不關情。桑梓若將所貯糧石量為周濟。或減價糶賣。地方官於此等急公之人。必加之獎賞。既得樂善好施之名。而窮黎等受其利益。必交口稱贊。斷不忍強加攘奪。轉得保其素封。儻封殖居奇。致無賴窮民乘機搶掠。即使鋪夥人眾。或將強搶之人毆傷致斃。亦已蹈擅殺罪人之律。一經拘訊。匍匐公庭守候審結。豈能安居經營生

理實為兩失之道。不若各量己力。所費者少。而所益者多。地方官等總須婉為開導。俾各慕義樂從。不得將殷實鋪戶人等。多方抑勒。致滋擾累。至糾眾強搶。大干法紀。尤當嚴拏懲辦。不可稍有姑息。所有新城縣一案。務將首夥悉數拏獲。嚴加審訊。按律辦理。以儆其餘。○予故三等侍衛德楞額。祭葬世職。如陣亡例。旌表守正捐軀河南沈邱縣民張行正女張氏。○蠲緩河南內黃縣被水災民本年額賦有差。○緩徵河南安陽湯陰濬武陟四縣被水災民本年額賦。○壬寅諭內閣。此案失察楊正楷等販運米石之該管右營專汛官員著交兵部察議。至京師五城各鋪戶所存米麥雜糧等項。定例每種不得過八十石。僅逾數圓積居奇。即照違制律治罪。現據明安等密派番役潛訪得京城內外各處米局所存米石。自數百石至千餘石不等。恐不無囤積居奇情事。此次囤積鋪戶本當照例

懲治。但念小民無知趨利。若照定數祇准存貯八十石。違例罹法者必多。嗣後各米鋪存貯各種米麥雜糧俱准存貯一百六十石。以便流通糶賣。其現在所餘糧石若按例全數入官。該鋪戶等必致虧折貲本。著五城御史查明各鋪戶存貯糧石。除現定額每種准積至一百六十石外。餘俱著加恩准其平價糶賣。不許稍有囤積。該吏役等亦不得藉端滋擾致干咎戾。○諭軍機大臣等。本年直隸被災較重。待賑戶口為數眾多。陳大文前此奏請給賑銀一百五十萬兩。自係稔知帑藏情形。不肯多為請撥。所辦賑務祇就已發銀兩酌量分給。諒亦未能寬裕。其所查戶口及極貧次貧或未盡確實。並偶有遺漏。俱未可定。小民值此飢困之時。豈可令其失所。現在大賑已辦理過半。如該署督察看情形。銀米尚有不敷。不妨據實奏明。候朕量為添撥。現已諭令熊枚於審辦大城控案後。即行回京覆

命其一切查賑事宜。係陳大文專責。務當遴派妥幹大員。分路認真稽察。不可稍有疏懈。將此諭令知之。○又諭此次姚馨佐、張添倫及辛聰各股餘匪。竄至樟溪、嶺木、竹垵等處。經兵勇剿殺。將零匪殲除淨盡。所辦尚好。至七十五於追剿苟逆。節次遲延。以致闌入甘省。其咎甚重。著額勒登保等查明。如果苟逆現在尚未渡嘉陵江竄至階州。則七十五僅止辦理遲緩。尚可量予從寬。祇須解任審訊。無庸革職。等因。若慶成等所奏。係屬實在情形。則七十五罪無可追。額勒登保即遵照前旨。將七十五革職。等因。審明加重定擬具奏。所議先撤官兵。後撤鄉勇一節。尚未妥協。軍務告藏以後。安插鄉勇一事。最為緊要。前已有旨諭知額勒登保、德楞泰會同各該督撫。悉心籌辦。若如額勒登保等所奏。先撤官兵。後撤鄉勇。則官兵歸伍之後。鄉勇等未免無所鈐束。殊非善策。朕意或先撤鄉勇。後撤官兵。

兵。否則兵勇兼撤。方為正辦。至所議將各州縣寨硿存貯糧石。供支設防官兵等語。亦屬未妥。留防兵丁。如尚有搜捕等事。畧需時日。其所需糧餉。自應設法接濟。若如額勒登保等所議。將寨硿官存糧石。供支官兵。若有不敷。各州縣無庸再運。每兵按給口糧銀兩。聽其自行買食。恐寨硿居民有意居奇。兵丁口食必形拮据。此一節應另行妥議辦理。再教匪不過內地亂民。並非遠徼外夷。掃穴犁庭。可比即全數辦竣。不值馳遞紅旗。祇須用紅裏黃面奏摺。加緊馳奏。將大功底定情形。聲敘得體。以便宣示中外。但不可稍有輕率也。將此諭令知之。○免雲南建水、浪穹二縣水災本年額賦。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十二

校修

嘉慶六年辛酉十二月癸卯朔諭軍機大臣

等前因直隸省被災州縣較多。明春青黃不接之時。恐民力不無拮据。曾降旨令晉昌等在奉天地方代買米糧十五萬石。運直以資平糶之用。晉昌等自俱遵照妥辦。近聞奉天省因辦理此事。將商民等私販米石一概禁止出境。以備採買。此則不可。各省糧石豐歉不齊。全賴商販流通。其價值自不致昂貴。若將商販停止。則鄰境轉得居奇。於商民均有未便。現在直隸省備辦米石。約計已足敷用。

無庸再交奉省採辦但商運之米多多益善
晉昌等接奉此旨如本無禁約商販之事固
屬甚善若曾經出示禁約此時即應速行弛
禁俾商民等水運陸轉悉聽其便○長麟奏
報慶成等帶兵在階州牛頭寺草川子等處
戮擒苟文明一股賊匪得旨嘉獎賞還慶成
巴圖魯名號○除浙江仁和等縣捐置義塚
并水衝沙壓及坍塌田額賦○甲辰諭內閣
御史舒敏奏請查明八旗王公等空閒馬廠

地畝照從前恒祿等四家呈進馬廠之例開
墾一摺所奏似屬可行八旗王公等分賞馬
廠地畝其中多有並無馬匹牧放者與其任
聽民人偷種自不如官為經理轉可於地租
內酌量賞給原有馬廠之家俾沾租利著宗
人府查明前此宗室公恒祿等四家呈進馬
廠辦理舊案飭令八旗王公以及閒散宗室
將所分馬廠地畝其現不收放情願開墾者
自行呈報彙繕清單奏聞照例辦理○諭軍

機大臣等台布春風聞循化廳屬果爾的等
族番子又有糾眾過河搶劫之信檄飭循化
貴德文武妥為彈壓並先由貴德派撥民兵
六十名前往卡倫防範其前次奏撥官兵百
名可否准令派往等語循化屬果爾的等族
番子既有糾眾過河之信而沙卜浪科义等
族番子亦商量過河搶劫雖經台布派令尖
木贊等前往曉諭但各該處必須妥設卡倫
豫為防範所有官兵百名自應即令前往以

壯聲勢惟此項官兵原為保護蒙古調撥若
僅以老弱充數不但不能震懾番眾并恐為
蒙古所輕視設稍有疏虞更屬不成事體著
署總兵保清挑選年力壯健並曾經出征兵
丁前往守護方能得力或不敷彈壓即增添
百十名亦無不可俟明歲察看情形再行奏
明裁撤將此諭令知之○賞八旗兵丁半月
錢糧○丙午
上御乾清門聽政○諭軍機大臣等此次賽沖

阿溫春格布舍楊芳薛大烈等分勦李彬湯劉等股沿途俱有新獲並將黃號餘孽萬士寬等首夥數百人全行殲盡所辦尚好但苟文明一股早據慶成長麟先後奏到該逆與冉高姚等匪會合於十一月十二日偷渡嘉陵江竄至階州梅子園等處相近禮縣交界經慶成趕上迎擊已挫賊鋒而額勒登保已於前月二十三日馳抵南鄭探蹤進剿勒保係四川總督乃於苟逆股匪尚茫然不知所

司何事且與經畧叅贊會晤後為日無幾何以額勒登保二十三日已至南鄭進剿苟逆而該督是日所發奏摺如無其事該處地方官於苟逆偷渡情形諒無不稟知本省總督之理宜勒保佯為不知遂能始終隱匿耶勒保著傳旨申飭以太常寺卿廣泰為內閣學士兼禮部侍郎銜○旌表守正捐軀河南固始縣民李燦林妻汪氏○免直隸青東光正定深澤四縣水災本年額賦○加賑直隸

大興宛平通武清寶坻香河寧河霸保安文安大城固安永清東安涿房小良鄉順義清苑安肅新城博野雄縣容城束鹿安新安河閒獻肅寧任邱交河景東老天津青靜海正定藁城無極阜平新樂平山豐潤玉田冀武邑衡水新河趙柏鄉隆平寧晉深武強饒陽安平定深澤六十州縣被水災民○丁未補予國初以來各省殉節諸臣後裔世職諭內閣前蒙

皇考高宗純皇帝特降

諭旨令軍機大臣會同部旗將國初以來殉節諸臣未經得受世職者查明賞給恩騎尉世襲罔替仰見

皇考崇獎蓋臣推恩後嗣實為異數隆施乾隆六十年先經軍機大臣等將在京八旗從前殉節諸臣查奏一百四十餘員補行賞給恩騎尉世職茲又據軍機大臣會同兵部將數年以來各省陸續咨到從前殉節諸臣九百

九十餘員。查明開單具奏。朕詳覈諸臣事蹟。俱能抗節効忠。成仁取義。允宜賞延於世。用示褒嘉。所有單開各該員子孫。均著加恩補給恩騎尉。世襲罔替。惟念該世職等承襲之後。若照例概令分發標營學習。其中或有未能諳習弓馬操防者。轉非成全之意。所有世職人員。著加恩凡遇承襲時。在各本籍地方具呈。分別咨部。除情願入標學習當差者。仍照舊例支給俸餉外。其有願應文試者。即以

本職頂帶作為文生員。願應武試者。即以本職頂帶作為武生。准其一體應試。嗣後各省凡遇應襲恩騎尉世職。均照此例辦理。○又諭額勒登保奏陸有仁等捐廉備辦衣履解送軍營。分散兵勇一摺。軍營兵勇跟隨勦賊。備極艱辛。其衣履等項。自應隨時籌備。以資賞給。陸有仁等若將此項衣履早為陳奏。朕必准其作正開銷。不令捐廉籌辦。今既於通省直隸州以上實缺各員。由公捐置備。均屬

急公可嘉。巡撫陸有仁藩司溫承惠。集司文需道員朱勳。台斐音。素納吳沂。楊懌。知府陳文駿。龍萬育。盛惇崇。王駿猷。洪蕙。趙洵。樊士鋒。直隸州知州陳祁。莊振。莊忻。卓桴。喻文鏐。均著交部議敘。該撫等既自請捐廉。仰邀恩敘。斷不可因此稍有派累。致干嚴議。此時功屈垂成。一切軍營賞項。俱可無庸再行置備。若實有需用之處。該撫惟當奏聞請旨。動支公項。不得派令地方官公同捐辦。○戊申

孝惠章皇后忌辰遣官祭

孝東陵○己酉

上幸瀛臺閱冰技○諭內閣。孔郎阿等奏。嗣後

恭遇

大祀。請撥熟練校尉奉昇龍亭。添派督率員役。以昭誠敬。一摺。所奏甚是。

天

地壇大祀。由太常寺衙門同禮部堂官恭奉

神牌。敬安龍亭。請至

壇上禮成

復御典禮恭嚴較之奉請鑾輿尤當虔慎所有昇亭校尉及督率官員理宜整肅威儀用昭誠敬設稍有未能平穩妥協之處關繫非輕其承值官員處分甚重乃日久疏懈鑾儀衛昇亭人役或閒有不用正身校尉所派官役稀少不敷照應殊非敬慎嚴肅之道嗣後恭遇

大祀著鑾儀衛揀派熟習擡昇正身校尉充當

並添派職官四員頭役六名小心照料其官員職名及校尉花名均先期咨送禮部太常寺嚴加查覈儻敢攬雜外人或人數不敷致有禮儀不肅之處即著該部寺據實奏奏○又諭各省州縣設立常平倉存貯穀石定有額數原以備本處水旱偏災平糶賑濟之用若倉儲充實取之裕如何至民食艱於接濟總由各州縣平日不能實心經理或出糶後并未隨時買補還倉或竟任意侵挪虧缺以

致積貯空虛猝遇偏災茫無所措而該督撫等為目前補救之策大率奏請截漕殊不思京通各倉所貯漕米以之頒給廩祿兵糧無論歲收豐歉俱應按數支放即太倉之粟陳陳相因亦屬昇平盛事焉有天庾正供徒資外省截留之理即如部庫帑銀為每年經費所需豈以供外省請撥而各省應存庫項不皆實貯遇有緩急需用之處動輒請發內帑似此積習相沿則外省所設倉庫竟係有名

無實豈國家均平賦式之道乎嗣後各督撫等總當於各州縣倉庫根本要務悉心講求實力整頓務使倉穀錢糧皆歸實貯方為有備無患勿徒以撥餉截漕為事經朕此次訓諭之後或隔一二年不拘何時特派大臣親往盤查若再有短缺惟該督撫藩司是問將此通諭知之○以福建漳州鎮總兵官胡天格為廣西提督福建延平協副將李慶雲為漳州鎮總兵官○予陝西陣亡副都統豐仲

布祭葬世職如都統例謚壯勇副將韓加業
祭葬世職如提督例謚武烈○予陝西陣亡
協領興福伊克精額把總高騰蛟驍騎校伊
克唐阿吉勒章阿藍翎領催明審部委筆帖
式六十亦祭葬加等世職如例守備傅世雄
把總馬興禮候補把總劉元勳外委韋有祭
葬世職外委牛得智兵丁杜正等三百八十
七名賞卹如例○予四川湖北陣亡遊擊靳
文餘瑪爾呼善祭葬加等世職如例千總冉
斌祭葬世職兵丁慶保等十一名賞卹如例
○旌表守正捐軀山東金鄉縣民李東妻李
氏○庚戌

上詣

大高殿行禮○幸瀛臺閱冰技○壬子

上幸北海閱冰技○癸丑諭軍機大臣等明正
元旦朕恭詣

裕陵行三週年禮所有經過地方該督等自必
循照舊例於啟鑾前一二日先赴差次並派

委安員查看道路但本年直隸各州縣被災
較重雖經節次加恩並令設廠煮賑展至來
年四月貧民自不致失所惟愚氓望恩幸澤
者多聞朕明正恭謁

裕陵或於通州三河薊州一帶在道旁環聚叩
顙希冀加恩俱未可定試思蹕路所經間有
一二愚民叩闕者尚應照衝突儀仗之例治
罪至多人環顙既未便置之不辦又勢難概
予嚴懲况令扈蹕之蒙古王公視之亦覺觀
瞻不肅若不豫為安頓地方官臨時或將窮
黎關閉就近寺觀不許外出必致身罹凍餒
是朕欲敬展慕思而轉令災民受此拘苦實
所不忍前有旨令陳大文與藩臬兩司酌量
一人前赴差次此時自己酌定即當早日前
來帶同明幹道府大員赴通州等處先行查
看如有他處飢民聚集即出示曉諭以爾等
原籍地方現在開放大賑明春又奉旨設廠
煮賑展至四月無論極次貧民俱可普沾渥

澤仍將前奉賑恩旨遍貼謄黃令百姓聞之各回鄉里至本處災民亦應設法安頓毋任聚在一處或致臨時周章為要○定四川打箭鑪關稅嗣後每年徵銀二萬兩作為定額○緩徵山東臨清館陶武城堂邑高唐冠恩夏津邱九州縣水災本年額賦○甲寅以太僕寺卿廣敏為太常寺卿○截留湖北江夏等州縣帶徵漕米四萬七千八百餘石以備軍糈○旌表守正捐軀直隸新樂縣民張

文舉女張氏○加賑甘肅臯蘭狄道渭源金靖遠隴西寧遠伏羌安定會寧通渭岷西和漳平涼固原隆德靜寧華亭安化寧正寧合水環山丹東樂永昌鎮番古浪平番秦安清水禮階文縣崇信靈臺鎮原四十廳州縣並西固州同沙泥州判莊浪紅水二縣丞所屬被水被旱災民○乙卯諭內閣給事中谷際岐奏長隨蔡永清藉賑搜飽冒濫名器一摺據稱蔡永清即蔡公本係原任總督陳

輝祖信任長隨陳輝祖治罪後挾貨來京結納包攬行賄作奸近復藉災賑一事科斂多貲私肥囊橐又復違例僭用頂帶且結交貴臣扶同容隱請旨懲辦等語此案著交軍機大臣會同刑部堂官審擬具奏谷際岐亦著會審所有摺內指出之府尹閻泰和著解任質訊尚書劉權之朱瑋侍郎莫瞻養俱著照摺內所指情節明白回奏兼管府尹汪承霽雖非摺內指出之員亦著明白回奏尋奏上

得旨向來各省偶遇偏災辦理賑務雖多方調恤而博施濟眾自古為難此在官賑尚不能人人贍足何況士庶捐輸為一時義舉更難周徧本年夏間京畿一帶猝被水災經朕疊沛恩施開放急賑且明降諭旨凡官吏商民有捐給銀米者聽其自行辦理十月內據明安奏有宛平縣民蔡永清於夏秋間曾捐募散給災黎又奏辦棉衣並聞其平日經理收養老病嬰孩種種義舉可嘉朕彼時欲賞

以頂帶經大學士慶柱面奏蔡永清從前曾充長隨董誥武德戴衢亨皆所共聞是以僅令順天府備辦扁額花紅傳旨賞給以示獎勵蔡永清湊集捐施貲力有限其曾經散給者固同聲稱美其散給未周者自噴有煩言況蔡永清本係長隨其流品原不愜人望或疑其稍有沾潤亦事所恒有昨據給事中谷際岐以蔡永清藉賑搜飽冒濫名器結交貴臣等款具奏當交軍機大臣會同刑部堂官

及該給事中提集人證嚴行鞫訖不但蔡永清堅不承認即該給事中所引為證據者亦全係子虛至所稱蔡永清製備黃亭之事即使屬實亦因迎接恩賞扁額專崇諭旨起見原無不是若祇據蔡永清現戴高提梁帽而論並無入見過伊戴頂帶亦未可遽科以僭用之罪蔡永清著釋放伊在京居侍已三十餘年並有墳墓例得入籍宛平即交順天府留心管束勿令滋事該給事中臚列蔡永清

款蹟係得自傳聞雖審屬全虛尚無不合惟該給事中參奏大臣等蒙主竊恩扶同黨蔽等款此則大有關繫方今綱紀肅清如果大臣中竟有黨和朦蔽與長隨等往來卑污劣跡若不加嚴辦何以儆朝列而肅官常該給事中既經奏聞朕豈得置之不辦是以當即降旨將該給事中摺內指出各情令劉權之朱珪等明白回奏並將順天府尹閻泰和解任質審儻該給事中所參事事確實朕必

執法嚴懲斷不因係素所任用大臣意存庇護即或所參不盡確實而有一二端審訊有據朕亦必立加懲治豈肯稍涉顧頂隨將劉權之等回奏各摺交軍機大臣刑部堂官與該給事中閱看並嚴訊蔡永清其原參各條全無影響谷際岐本日亦有陳冒昧妄言無從置辯惟稱慶柱曾奏明蔡永清原係長隨廷臣皆未聞知是以前此妄行奏及一時聽見百謬叢生懇請治罪是其理屈詞窮無庸

復加究詰。慶桂供職內廷。朝夕承諭。凡一切面陳事件。外廷原無從與聞。若此等面奏之語。外人皆知。則明係慶桂洩漏。轉應明掛彈章矣。朕前於該給事中叅奏慶桂與劉權之附和之語。即用硃筆批出。該給事中係屬妄言。並非庇護慶桂也。至尚書劉權之。朱珪均係素有聲望大臣。且年齒皆在六七旬以上。若劉權之果有與長隨營利之事。何以承受恩眷。列於班聯之首。而朱珪又係朕在藩邸

時舊學。尤朕所素知。從前

皇考並欲用為大學士。其在上書房為翰林時。即以端謹自矢。豈有晚節末路轉不自愛。至與長隨下流分庭抗禮之理乎。至莫瞻菴閣泰和亦均詢問明確。並無招納庇護各情節。金光悌范鰲據蔡永清供稱。向曾認識。亦祇因辦理善會等事。而章煦則據蔡永清堅稱從未識面。谷際岐何竟有水乳多年情同昆季之語。試思大學士九卿皆係朕簡擢任用。

為國家宣力大臣。即小京堂等亦以備大僚之選。朕從不肯加以嬉笑怒罵。守中庸敬大。臣之訓。若犯刑章。亦斷不寬恕。該給事中竟以毫無影響之語。任意污蔑。殊關國體。科道職司諫諍。設於朕躬有指摘之處。即係妄言。朕轉不妨借以自省。所謂有則改之。無則加勉。原不足為朕躬之累。至大臣等名節所關。一遭彈劾。即立經剖晰。已蒙不韙之嫌。謫言熒聽。豈盛時所宜有。谷際岐即風聞入奏。亦

必須事有確證。何得竟以毫無證據之言。妄為指引。如尋常小民誣告失實。尚應治以反坐之罪。何況身為臺諫。肆意誣詆大臣乎。朕閱谷際岐陳奏二摺。文理不通。字體訛謬。不一而足。看來止係糊塗冒昧。尚不至有挾嫌傾軋情事。但似此率臆妄言。恐紛紛相率效尤。將來或實有計圖傾陷者。借風聞之語。開告訐之端。若朕置之不問。則科道等必以為朝廷輕視言路。私相竊議。若一一究辦。總須

交部質訊。縱事白旋經寬釋。然已累及無辜。而設機阱陷者。僅以風聞不實謝過。其弊必至於黨同伐異。公報私讎。亦斷不能逃朕洞鑒也。谷際岐率陳謬說。尚無別項情弊。著交部照參奏不實例議處。以示懲儆。順天府尹閻泰和著照舊供職。所有此案人證俱即省釋。○又諭前日吏部請簡內閣侍讀學士一本例。應輪用郎中一員。將各部郎中按照食俸年分開單進呈。朕閱單內各員。俱非素所

稔知。因黃永沛列名居首。資俸較深。是以簡用。今據御史游光繹奏稱。黃永沛未經保舉京堂。又係捐班。從前俸滿時。該堂官曾定為不勝外任。恐其人少所表見。並稱資格之說。吏部以之選官。則可。皇上以之用人。則似未可等語。殊屬紕繆。國家用人。才行與年勞並重。本無偏廢資格之理。凡遇開列請簡各員。朕豈能徧識其人。自不得不按其資俸量加擢用。此次吏部本內。如果將不應開列人員。

勝混廁入。或將年俸深淺任意倒置。游光繹自應據實參奏。若黃永沛平日或有別項劣蹟。游光繹見聞果確。亦可列款彈劾。乃該御史並未識黃永沛其人。僅以係屬捐班。遂謂不應簡用。試思從前

皇祖所用李衛

皇考所用李世傑。何嘗非捐班出身。而歷任封圻。政績卓著。朝廷立賢無方。豈謂以賢入仕者之竟無人材耶。又該御史摺內稱侍讀學

士升轉小九卿數年之間。內為侍郎外為藩臬。若徒取備員。何以仰副任使。尤為謬說。各部司員升擢小九卿後。凡值日奏事之期。經朕隨時召見。必察其才具實在可用者。方予拔擢。豈有不論賢否。但循資格即內用卿貳外用藩臬乎。乃該御史所奏。竟欲於國家用人。大柄持其短長。又與前此御史王蘇之劾奏。平恕不應簡放江蘇學政相等。明季科道惡習。往往朝廷用一大僚。輒交章攻擊。伐

異黨同最為言職之玷方今綱紀肅清豈容以此嘗試游光繹妄逞臆見阻撓國是非尋常奏事失實可比著交部議處○以故喀爾喀土謝圖汗扎薩克親王齊巴克扎布子車登多爾濟襲爵○戶部議准廣東巡撫瑚圖禮疏報廣州肇慶二府屬開墾地二頃四十七畝有奇照例升科從之○加賑直隸薊三河定興望都高陽滿城滄七州縣被水災民○丙辰諭軍機大臣等前此各股賊匪經官

兵疊次剿殺勢極殘敗不敢與官兵接仗馬騾皆少衣服凋零惟到處逃避苟延殘喘今苟文明一股糾合張士龍餘黨及各股老賊遺孽大小男婦約有三千餘人馬騾四五百頭匹衣帽整齊并有鳥鎗弓箭撒袋等物德楞泰所帶俱係屢次得勝勁旅極為趨健素為賊匪所畏懼乃此次苟文明等匪竟敢搶占山梁併力抗拒并兩次下壓勢極兇悍官兵僅殲賊一百餘名未能得手實為可恨總

由七十五在太平耽延時日予賊以暇致苟逆在李家壩地方攻破大寨擄掠七八百人並衣服鎗箭等物其寨中百姓遭賊慘殺者更不知凡幾此皆七十五縱賊殃民之罪額勒登保於初四日趕至雙河口已將七十五革職拏問德楞泰於兩三日內即可與額勒登保會合伊二人當遵照節降諭旨嚴審定擬具奏此時大股兇悍賊匪祇有苟文明一股額勒登保德楞泰務當督率將弁等併力

合擊以期滅此朝食況據獲賊供內有白蓮教劫數已完遲早總是一死之語額勒登保等當乘此出示曉諭以該首逆等自知白蓮教劫數已完萬無生理當此大兵雲集勢如拉朽摧枯立成灰燼其首夥各逆稔惡已久斷難幸免誅夷而爾等被脅之今本係良民不得已而從賊今當教匪氣數已盡之時何苦甘心附從同罹慘戮不如及早投出既可免遭鋒鏑又得官為授產給資各安生計禍

福生死所關爾等亟宜省悟如此剴切曉諭俾裏脅難民及早投出不但散其黨與而投出一賊即可少殺一人其始終怙惡之賊總應悉數擒擒毋令漏網將此傳諭知之○以四川王家壩勦賊功總管富登阿等升擢有差賞哨探賊蹤之硃民陳有才八品頂帶○戊午諭軍機大臣等熊枚奏請修築河隄並可以工濟賑一摺據稱大清子牙河長隄三百餘里因本年大水衝刷決口甚多及此外

有關緊要各隄均俱有潰決應亟為修築庶可消水患於未來使災黎赴工傭趁不致以習慣食賑為常於河隄民生兩有裨益等語河工隄埝原以捍衛民田既有衝決自應趁春融冰泮之時及早興工堵築著陳大文飭令沿河各州縣將應修隄埝查明確切估討繪圖貼說奏明簡派大員督率興工其籌款墊用之處先行妥議具奏○以故三等承恩公觀音保子富僧額一等子布彥達賚子錫

敏一等子永住姪福克精阿一等男策凌萬布子多爾濟各襲爵○己未諭內閣吏部奏議處御史游光繹請照溺職例革職一摺昨游光繹陳奏以朕用人不當循照資格且稱黃永沛一員伊素不知其人豈皇上有所賞拔耶豈大臣保薦耶抑係僅循資格耶詞意狂妄竟欲干與用人大柄紕繆已極國家序進官僚自有定制部臣循例請簡原當按其資格開列具題朕自必將資俸在先之員量

加擢用徐試以事原不皆朕所素悉之人若如該御史所奏概廢資格而不論遇有簡放必須朕素所稔知則百爾臣工豈能通行識認勢必將藩邸舊人概予錄用轉屬私而不公況藩邸舊人焉能備內外百官之選豈該御史不知之人遂不可任用游光繹自思伊由翰林擢任御史又豈素有表見仰邀賞拔今乃欲朝廷盡廢資格而不用有是理乎如果部臣開列意為高下或該員簡用之後另

有劣款科道等原當據實糾劾今甫經擢用輒具章阻抑是用人之際科道等皆持其短長此風斷不可長且朝廷量能授官亦難保其必無一眚即如簡放大僚或其平日曾獲咎讐或偶有不檢之處若皆索垢求瑕必致彼此交章攻擊百計阻撓成何政體游光繹率意妄言本應照部議革職但念伊究有言責此時若將伊罷斥在游光繹矢口妄言原無足惜誠恐科道等因此遂自甘緘默於言

路殊有關係游光繹著加恩改為降三級調用嗣後科道等於應奏事件止當據實直陳不得因游光繹鐫職相率聳嚚但必須秉公詳慎若有似游光繹之阻撓國是干與非分者必照例治罪不能再邀恩貸○又諭勒保奏審明叅革副將褚大榮叅將周廷翰防守不力並私買民婦分別定擬具奏朕詳閱供詞褚大榮在城口一帶駐防當賊匪竄近若當寺寨褚大榮在渭溪河等處堵截羅苟等

逆未曾分兵往援又伊所帶兵勇因關領餉銀赴太平縣滋鬧其平日約束不嚴可知是即褚大榮之罪至伊弟褚大貴私買民婦帶回原籍雖褚大榮隱忍不言告發後又不自行呈首亦尚非大咎勒保將褚大榮擬以枷號兩箇月滿日發往伊犁充當苦差尚屬允當著依議行又周廷翰於賊匪過境時因賊衆兵單不往追趕尚非有心畏葸惟在帶兵地方以向無子嗣將民人李國華認為乾子

與李國華之姊王李氏調戲成姦欲買為妾經李氏本夫不允周廷翰隨率領兵丁寨民用言恐嚇並強給銀一百兩勒令賣休將李氏娶回實屬卑鄙無恥該督將周廷翰照強奪良家妻女例問擬絞候並請旨即行正法亦罪所應得但朕細閱周廷翰供詞內伊父周文秀曾經出師金川陣亡周廷翰現係獨子又無子嗣伊由難產得官後出兵苗疆攻克平隴身帶鎗傷二處得有花翎若將周廷

翰即行正法以致為國捐軀之人絕嗣情殊可憫周廷翰依擬絞係加恩免其立決此朕法外施仁實非姑息設周廷翰之父非出師陣亡或伊尚有兄弟子嗣斷不能曲為寬宥至總兵託雲泰係統兵大員於諸大榮等防勤不力及兵勇滋事漫無覺察本應革職惟念伊平日帶兵尚為奮勉著加恩以遊擊降補以土默特貝子瑪呢巴達刺為固倫額駙賞雙眼花翎在御前行走釋其父已革貝

子安置熱河朋素克琳沁來京賞三等台吉以故二等男額勒精額子全山三等伯伍彌烏遜子鄂羅什音阿布喇克齊二等子丹達喇布瑪子董魯卜一等男扎郎阿子景文各襲爵○以四川維州協副將李應貴為貴州安義鎮總兵官○戶部議准廣東巡撫瑚圖禮疏報廣州韶州肇慶羅定四府州屬開墾田十二頃五十一畝有奇照例升科從之○蠲緩四川大寧高阜二場水災本年竄課

○撥兩淮商捐銀二十萬兩解往四川以備軍需○庚申以故貝子綿溥子奕顥襲奉恩鎮國公○旌表守正捐軀順天大興縣民崔老妻耿氏守正被戕直隸承德府民婦袁劉氏○辛酉諭內閣前因七十五在四川提督任內專勦苟文明一股賊匪並不上緊勦辦且在太平耽延六日予賊以暇以致苟逆乘間裹脅踴淺渡江闖入甘省情罪甚重節經降旨將七十五革職拏問交額勒登保德楞

泰秉公嚴審定擬具奏茲據額勒登保等奏稱七十五追勦苟逆一股因南廣一帶山大林深急切未能得手其在太平變創六日係因接護兵糧製辦衣履為整頓兵力起見且查七十五帶兵素屬奮勇從前出師數次曾經帶傷十五處現在自知愧懼所有竄甘之賊又經奮勉截回雖功罪不足相抵而情節猶有可原此次七十五拏問時兵勇多有痛哭流涕者等語七十五以提督大員帶兵勦

賊未能將苟逆一股迅速辦淨致令四竄若果有心延玩自應按軍律即行正法今既據查明七十五在太平耽延六日整頓兵力與無故逗遛者有聞且七十五曾帶傷十五處平日帶兵勦賊尚知奮勉又能深得衆心七十五著加恩免其正法作為兵丁留於軍營在前敵効力贖罪以觀後效所有四川提督員缺著豐紳補授其所遺甘肅肅州鎮總兵員缺著張績補授○壬戌以察哈爾都統博

興署理藩院尚書青州副都統觀明為察哈爾都統調鑲藍旗漢軍副都統陽春為青州副都統以復州城守尉弘康為鑲藍旗漢軍副都統 癸亥

上幸瀛臺閱冰技杜爾伯特汗瑪克蘇爾扎布等三人喀爾喀扎薩克貝勒德勒克明楚克等九人青海扎薩克頭等台吉拉蘇龍等三人察哈爾扎薩克輔國公敏珠爾多爾濟等四人暹羅國正使呖雅騷滑粒巡段呵叭刺

昭突等三人於西苑門外瞻觀○諭內閣劉清在川省有年聲名素好經朕加恩擢至道員嗣因冉添元股匪由太和鎮地方竄過潼河劉清係屬總巡疎於防範實有應得之咎是以將伊降為知縣但彼時劉清曾經稟明魁倫欲將貴州兵丁留於潼河一帶防堵因魁倫不准所請賊匪得以乘閒偷渡亦非劉清漫無籌畫所致該員自降補後在川北一帶管領鄉勇防守地方屢著勞績前已開復原官茲有道員缺出自應先儘補用劉清著加恩補授建昌道以示獎勵○甲子

上詣

雍和宮行禮○乙丑

上御撫辰殿大帳次賜王公大臣蒙古王公貝勒貝子額駙台吉及外藩使臣等宴並賞賚有差○丙寅

上幸瀛臺閱冰技○諭內閣本日倉場侍郎達慶等及查倉御史具奏觀象臺迤南及朝陽

門城牆上查有偷竊倉米之事已交步軍統領衙門訪拏究辦矣向來城上該班驍騎營與步營官兵遇朕巡幸則專派馬甲如值駐蹕圓明園及封印後步甲之外又添馬甲辦理本未盡一且聞兵丁等往往正身不到私自雇人替代有名無實以致近城倉廩竟有遺失米石情事恐即係該兵丁等所雇之人常住城上串同偷竊均未可定此項守城兵丁總當分營按日輪番方為正辦若聽其在

彼久駐或本身不到而雇倩之人轉常川看守易滋串竊之弊著交兵部步軍統領衙門及值年旗等嚴禁雇倩並安定章程將如何輪派官兵分營按日在城巡邏之處詳議具奏其靠倉城牆所生雜樹易於攀援上下並交該管衙門即行芟除以昭慎重○又諭本年直隸省辦理賑務特派熊枚周歷巡查以期肅清諸弊實惠及民聞熊枚初往查看時於所過地方不辭勞瘁認真訪察且行走甚

屬安靜嗣有人在朕前奏稱熊枚自九十月後即不免有騷擾驛站需索供應之事甚至騎用驛馬多至百餘匹州縣中有馬匹短少者往往以錢文折交等語朕即於熊枚奏事摺內硃批密詢旋據熊枚覆奏陳辯甚力但朕既有所聞自不能遽信熊枚一面之詞不行查詢是以復密降諭旨令陳大文督同臬司瞻柱臬公據實查覆如果熊枚及隨帶司員僕從等有騷擾驛站之事必當治以應得

之咎茲據陳大文覆奏熊枚經歷各站尖宿所需飯食俱自行發價隨帶司員及僕從人等騎馬不過三十餘匹係照常應付頗屬安靜不特臬司瞻柱體訪相同即詰問熊枚所叅各員僉稱委無需索情事所論甚為公允至老幼婦女向熊枚纏擾求賑原係地方官經理不善所致熊枚面加呵叱並令捐資補給自應如此辦理是熊枚此次周查賑務實屬盡心妥協而沿途行走安靜尤可確信熊

枚著加恩在紫禁城騎馬以示優獎至刑部司員劉珏張鵬昇隨同辦理賑務尚為出力又查無騷擾等事既據熊枚保奏著交吏部帶領引見其前此熊枚舉劾各員仍著陳大文俟賑務辦竣後與各該州縣通行確覈分別具奏再降諭旨○丁卯

孝莊文皇后忌辰遣官祭

昭西陵

上詣

慈寧宮

壽康宮行禮○以拾祭

太廟致齋前期命

皇次子

詣

孝淑皇后殯宮行歲暮祭禮○命右春坊右庶子萬承鳳仍在上書房行走兵部左侍郎陳萬全無庸在上書房行走○以江西南昌協副將亮祿為雲南開化鎮總兵官○戊辰諭軍機大臣等辛劉殘匪四五百人經楊遇春

截殺一二百名餘匪竄入南山前此竄匿南山賊匪經官兵搜剿多時始能肅清今又被賊匪闖入實為可恨五郎地方安設重鎮其南山各隘口又添派兵弁星羅密布原為嚴防竄匪而設何以仍任賊匪竄往豈該處新設營汛尚未齊全竟無官兵在彼駐守耶著惠齡慶成查明參奏至由漢陰地方踰淺渡江之賊慶成得信後即飛飭參將吳亨衍帶領兵勇由洋縣抄出北面協剿所辦尚好此

股賊匪前經長麟陸有仁等先後奏到現已折竄安康鎮安交界地方當經降旨令長麟慶成前往督辦今慶成已帶兵赴寧沔南鄭一帶督率嚴防距安康較遠且苟逆股匪經額勒登保德楞泰兩路大兵迎截恐該匪被勒緊急由川竄陝漢南等處邊防甚關緊要慶成竟不必前赴江北即在寧沔一帶認真防守以杜苟逆竄陝之路其偷渡漢陰之賊即責成吳亨衍勦辦惠齡已前赴鳳縣與長

麟會晤該督接印後無庸再往漢中所有江北賊匪專交惠齡會同楊遇春督率勦辦○以故科爾沁郡王喇錫噶勒當子桑濟扎布襲爵○福建巡撫汪志伊因病解任調安徽巡撫李殿圖為福建巡撫以江蘇布政使王汝璧為安徽巡撫調江寧布政使汪日章為江蘇布政使以光祿寺卿先福署江寧布政使○

上以歲暮禋祭

太廟自是日始齋戒三日○己巳諭內閣據禮部奏朝鮮國貢使曹允大等齋貢至京另齋奏本一件抄錄進呈該國王以冲年襲封奉職屏藩適該國邪匪糾連謀為不靖即董率臣子殄除魁黨寧謐國都並將辦理顯耆臚章入告所奏已悉惟本內所稱邪黨金有山黃沁玉千喜等每因朝京使行傳書洋人潛受邪術等語此則非是京師向設有西洋人住居之所祇因洋人素通算學令其推測躔

度在欽天監供職從不准與外人交接而該洋人航海來京咸知奉公守法百餘年來從無私行傳教之事亦無被誘習教之人該國王所稱邪黨金有山等來京傳教一節其為妄供無疑自係該國匪徒潛向他處得受邪書輾轉流播及事發之後堅不吐實因而捏為此言殊不可信該國王惟應嚴飭本國官民敦崇正道勿惑異端自不至滋萌邪惡至所稱餘孽或有未淨恐其潛入邊門所慮亦

是已降旨飭令沿邊大吏一體嚴查設遇該國匪徒潛入關隘一經盤獲即發交該國自行辦理以示朕撫輯懷柔至意著禮部將此旨行令該國王知之○諭軍機大臣等晉昌等奏撫卹外國遭風夷民並派員護送來京一摺所辦殊未妥協此等不識國名夷人在洋遭風漂至朝鮮國地方經該國由鳳凰城移送瀋陽晉昌面加詢問給予衣食優加賞恤即應令其仍附原船任其自回本國方為

正辦何必拘泥元年舊案護送來京朕即位初元外藩朝覲者多是以飭令吉林將軍將鄂通國難民送京以便查辦本年例應朝貢者惟暹羅一國此次遭風夷人既詢係不識國名若暹羅國不能通其言語即護送來京亦屬無益現在該夷人等如未進關著晉昌速行截回儻已入關即著直隸總督陳大文轉飭沿途州縣將該夷人等交原派之員送回盛京並著晉昌賞給盤費仍交朝鮮團令附原船送至本國毋致稽留為要○庚午以歲暮裕祭遣官祭太廟中殿

後殿○諭軍機大臣等此次賊匪何贊等與青號餘匪楊掌櫃合夥竄至忠州經勒保飛飭張志林同遊擊唐際盛夏雲龍等帶兵追剿殲獲賊匪二百餘名並生擒偽元帥何贊所辦尚好此股賊匪訊據獲賊供稱向在老林藏躲近因山內冰雪甚大難以存身是以出

來打劫等語此等零星竄匪本無伎倆惟是潛匿深山苟延殘喘兵至即伏匿不出兵退即四出搶掠並無自行投出之賊亦斷不可復事招撫著勒保督飭鎮將等分股搜捕遇賊即剿務將各處老林內藏匿餘匪悉數殄除斷不可以此等散竄之賊稍涉大意將此諭令知之○辛未裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

端慧皇太子園寢○遣官祭

太歲之神○諭內閣明亮從前在金川等處曾經屢次効力嗣遣往湖北勦辦教匪亦尚奮勉後因追擊竄匪曠日持久是以將伊革職治罪尋又遣往湖北追捕徐添德一股逆匪節次擒獲賊目殲除賊匪加恩賞給四品頂帶補授宜昌鎮總兵本年因念伊年邁有疾乘騎維艱諭令來京賞給二等侍衛令在

乾清門行走今聞患病朕心深為軫念明亮著加恩賞給副都統職銜仍在乾清門行走令其安心調養俟病痊再行供職○壬申上御保和殿筵宴朝正外藩科爾沁喀喇巴林教漢蘇尼特阿巴噶土默特翁牛特喀爾喀烏珠穆沁阿巴哈納爾郭爾多斯奈曼杜爾伯特浩齊特土爾扈特青海玉貝勒貝子谷額駙台吉塔布囊等並暹羅國正副使隨文武大臣以次就坐諸樂並作

上進酒召左翼科爾沁卓哩克圖親王拉旺科

爾沁扎薩克達爾漢親王丹曾旺布喀喇沁親王銜扎薩克郡王滿珠巴咱爾巴林扎薩克郡王索特納木多爾濟教漢扎薩克郡王德親蘇尼特扎薩克郡王車凌衮布土默特扎薩克貝勒理藩院額外侍郎索諾木巴勒珠爾科爾沁貝子鄂勒哲依圖土默特扎薩克貝子固倫額駙瑪呢巴達喇右翼喀爾喀扎薩克親王固倫額駙拉旺多爾濟喀爾喀

扎薩克親王車登多爾濟杜爾伯特汗瑪克蘇爾扎布科爾沁扎薩克郡王和碩額駙索特納木多布齋浩齊特扎薩克郡王敏珠爾多爾濟喀爾喀扎薩克郡王蘊端多爾濟喀爾喀扎薩克郡王薩木丕勒多爾濟回部郡王銜貝勒哈迪爾土爾扈特扎薩克貝子沙喇扣肯至

御座前賜酒成禮○額勒登保等奏報勦辦通江賊匪苟文明一股斬獲多名並殲斃賊目

苟朝獻等得旨獎資拔兵丁李貴為千總○
是年旌表孝子江蘇等省程宗海等十九名
孝婦甘肅省張楊氏一口守節合例宗室佛
亨妻趙佳氏等八口滿洲烏爾登額妻伊爾
根覺羅氏等八十八口蒙古阿林保妻趙氏
等二十八口漢軍張嶮妻李氏等二十四口
內務府伊凌阿妻王氏等五口各省駐防兆
俊妻傅氏等九十口直隸等省陳銓妻康氏
等七百四十五口未婚守志江蘇等省李碧
溪聘妻茅氏等二十一口百歲壽民婦河南
許重華等十七名口五世同堂安徽貢生崔
必選等十五家各給銀建坊如例○一產三
男江西等省馬復順等六家○會計天下民
數穀數各省通共大小男婦二萬九千七百
五十萬一千五百四十八名口存倉米穀三
千四十八萬三千八百七十九石四斗一升
七合九勺

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之九十二

蘇轍職官雖曰攝行唐法亦未傳入其殿中書主司開傳司書符察錄奏上書事仲成官理二部書錄秘書院學士恩
第二版每常習讀書符察錄最重者係洞開學事符察錄五版最重記理曰攝行唐法亦未傳入其殿中書主司開傳
東漢書增卷之年 六書傳底攝行唐法亦未傳入其殿中書主司開傳司書符察錄奏上書事仲成官理二部書錄秘書院學士恩
望都王庫奉爲常備圖書開覽從而各館方而幾多書院西洋書繪卷品之頭等加二版記錄士之加三其和
增攝行唐法亦未傳入其殿中書主司開傳司書符察錄最重者係洞開學事符察錄五版最重記理曰攝行唐法亦未傳入其殿中書主司開傳

嘉慶七年壬戌春正月癸酉朔

上詣

奉先殿行禮○詣

堂子行禮○遣官祭

太廟後殿御太和殿受朝作樂宣表如儀

詣

大高殿

壽皇殿行禮

上
以

高宗純皇帝三週忌辰啟鑒恭謁

清實錄
嘉慶七年正月

裕陵○免蹕路經過地方本年額賦十分之三

賞蹕路經過三通三河薊遵化四州縣貧民
棉衣二萬件 是日駐蹕烟郊行宮 甲戌

諭內閣向來祭

社稷壇應用上戊本年二月初七日係上戊乃

欽天監所定祀期擇用十七日次戊於典禮

未協仍著查照向例於二月初六日上丁祭

先師孔子即於次日上戊恭祀

社稷壇該衙門敬謹豫備嗣後祭

社稷壇俱遵用上戊。是日立春順天府進土。

牛春山寶座
駐蹕桃花寺行宮
乙亥

高宗純皇帝三週忌辰

上恭謁

裕陵未至碑亭即降輿慟哭步入

隆恩門詣

寶城前黃幄行禮讀文奠酒畢隨

冠服篚至燎所跪奠盡哀乃退王以下文武大

臣官員均隨行禮。是日駐蹕隆福寺行宮。

丙子

上恭謁

昭西陵

孝陵

孝東陵

景陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○詣

裕陵叩辭奠酒行禮慟哭盡哀乃退○減直隸

文安縣額賦諭內閣上年直隸被水各州縣

節經降旨加恩分別蠲免錢糧內文安一縣

被水尤重復經降旨令陳大文實力查勘嗣

據陳大文奏該縣在河間大城之下游四面

環隄形如釜底不獨河水泛溢為災即雨水

稍多常被淹浸查該縣全境三百六十村莊

內蘇橋等五十一村莊名為大窪乾隆三十

八年曾經欽奉

恩旨將此窪地視積水之多寡定額賦之等差

歷經遵辦在案等語文安縣地勢窪下土瘠

民貧殊堪憫念除上年及本年應徵錢糧俱

全行豁免外嗣後該縣三百六十村莊每年

額徵地糧著加恩照慶雲縣之例豁免十分

之三永著為令內大窪五十一村莊地糧應

徵七成銀兩仍按年查勘視積水之大小分

別減免該督等仍當隨時疏濬不致積潦為

患以副朕軫念災區敷錫春祺至意○調杭

州副都統成明為涼州副都統涼州副都統

明祿為杭州副都統展賑陝西興平武功

醴泉乾四州縣甘肅皋蘭渭源金靖遠狄道

隴西安定會寧岷通渭漳西和伏羌寧遠平

涼靜寧華亭隆德固原莊浪安化寧正寧合

水環秦禮清水秦安階文涇靈臺崇信鎮原

山丹東樂永昌鎮番古浪平番四十一州縣

及西固州同沙泥州判紅水縣丞所屬上年

旱災貧民○是日迴鑾駐蹕白澗行宮丁

丑享

太廟遣豫親王裕豐恭代行禮○遣官祭

太歲之神○賞蹕路除道及守

陵兵丁一月錢糧○是日駐蹕烟郊行宮○戊寅

上還宮○以上辛祈穀於

上帝自是日始齋戒三日○己卯

世祖章皇帝忌辰遣官祭

孝陵○諭內閣朕聞上年江西正考官周興岱

前赴該省以侍直內廷炫耀高興口稱有奉
旨查訪地方之事並擅出告示收受程儀等
情恐未盡確實當即親書硃諭密令張誠基
秉公詳查並諭此事若虛即差人覆奏如果
屬實即由三百里奏聞儻張誠基查明實無
其事尚當明降諭旨為之消雪乃張誠基由
驛奏到之摺與朕所聞無異當將原摺批交
周興岱明白回奏茲據伊奏稱與江西地方
官接見時並未提及查訪地方事務惟素聞

該省房官多有舞弊是以於入闈前出示嚴

防閱卷時有呈薦草率者面加駁斥至巡撫

司道及房考官向例致送程儀會再四堅卻

始行收受等語朕簡派各省考官專為掄才

大典原不干與外事即周興岱係內廷行走

伊陛辭時亦並未令其兼查地方事件今伊

回奏摺內於此一節雖不敢自行承認而其

擅發告示收受程儀衣服業已屬實各省主

考官司衡校防弊係監臨責任今周興岱擅

出告示即係有心炫耀况該省致送正考官

贖儀較副考官增倍若非周興岱以供奉內

廷在外誇張何以該省官員畏其聲勢餽遺

從厚耶周興岱係戶部侍郎兼管錢局二品

大員得項優厚非如翰林部曹等官職分較

小者可比奉命典試自應潔己奉公保全顏

面乃於該省官員餽送銀兩輒行收受並告

以未帶冬衣致撫藩等添送衣裘殊屬卑鄙

豈可復玷內廷清秩周興岱著退出南書房

仍交部嚴加議處至外省地方大吏節經降旨嚴禁餽送今張誠基等不但仍沿陋習致送主考程儀並因周興岱係屬內廷增多見好且據張誠基摺稱該省彌補虧缺將從前浪費省出歸公似此濫行餽送非浮費而何况周興岱即向人炫耀亦不過詞氣之間偶有流露何致通省相率趨承甚至周興岱口稱未帶皮衣即行餽贈可見張誠基等平日辦事必非無瑕可指慮其舉發故爾曲意周旋仍蹈逢迎積習張誠基邵洪衡齡俱著交部議處向來正副考官奉差出京無論官階大小各按省分遠近賞給盤費並准馳驛前往行走已屬從容其職分較小之翰林部曹等官出闈後督撫兩司養廉優厚或致送土儀稍助路費尚屬地主之誼至房考官官俱係州縣祿入無多若破產餽送主考必致賣舉子通關節而主考受房官之餽送何能秉公閱卷嗣後不得私自餽遺考官亦不得輒

行收納若考官係三品以上大員即督撫兩司亦不准致送路費儻經此次訓諭之後仍有私行餽遺收受者一經查出即嚴行懲辦將此通諭知之○諭軍機大臣等前此據陸有仁查明竄越江北賊匪係胡定泰李芳等疏防當經降旨飭令詳悉嚴查昨又據惠齡等稱賊匪由段江石偷渡統轄大員係總兵劉瑞朕即以與陸有仁所奏不符恐稍有屈抑是以僅將劉瑞解任詢問今據額勒登保查明竄過江北賊匪僅止三百餘人胡定泰帶領兵勇二千餘人前往堵剿因相距已遠不復跟追賊匪遂衝卡過江請將胡定泰革職作為兵丁効力贖罪遊擊龔鐸未能先事豫防並請革職於江岸枷號示衆等語此股竄匪實由胡定泰等疏玩所致著額勒登保親提嚴審如祇係現在所奏情形即照原議分別懲辦俟大功告竣再將伊二人發往伊犁儻有別項畏葸情節即當從重定擬具奏

所有胡定泰原帶之兵。應派員接管。其所遺河州鎮總兵員缺。著於軍營出力人員內保奏數員。候朕簡放。至劉瑞在柳溪駐劄。距賊一百二十里。該鎮聞賊匪竄越。即帶兵抄截。尚無不合。劉瑞著不必解任。仍回防堵處。所將此傳諭知之。○命戶部左侍郎英和在南書房行走。○庚辰

上詣

南郊齋宮齋宿。○四川總督勒保奏。近來賊勢

已十去其九。臣昨與額勒登保德楞泰會合。豫將善後大局通盤籌定。俟辦完大股之賊。即將官兵分段駐劄。搜剿餘匪。淨盡方可徐議撤兵。又恐餘匪零星四散。官兵蹤跡難周。仍須激勵鄉團協力搜捕。而舊日鄉團祇能各自為守。無官統率。終覺散而無紀。惟有遴委熟悉軍務大員。分路總理其事。仍多派正佐各員。分定段落。各專責成。申明約束。聯絡聲勢。兵力之所不到。則以民力佐之。民力之

所不支。則以兵力助之。庶幾偵探易周。而賊無潛匿之地。奏入諭軍機大臣等。據奏派委道府分段團練。此事早應如此。辦理兵與民同係。叅黎本無區別。伊等均各有室家。一遇賊匪。協力捍禦。為公即以為私。是設兵固以衛民。而團勇等守望相助。亦與兵無異。但須地方官認真團練。務使聲勢聯絡。用收實效。勿徒作紙上空談。將此傳諭知之。○辛巳祈穀於

上帝

上親詣行禮。○御乾清宮。賜皇子親藩等宴。○壬午諭內閣。周興岱典試江西時。朕並未令其查訪地方事務。若果有之。尤應倍加慎密。何得向人宣露。伊係內廷行走之人。即諸凡收斂。尚恐有人向伊探聽揣摩。況復自行炫耀。擅出告示。詞意誇張。以致通省官員相率趨承。贗儀從厚。周興岱始雖辭卻。後仍收受。且因未帶冬衣。輒向地方官告及殊為卑鄙。

部議照溺職例革職本屬咎所應得姑念其供職內廷稍有筆墨微勞著加恩降為四品京堂遇缺即補至巡撫張誠基等平日居官果能清正即周興岱意氣陵人儘可置之不理何至曲意周旋既厚遺路費又添贈衣裘實蹈逢迎陋習本應照部議降三級調用但此事經朕降旨查詢該撫即和盤托出不敢稍為徇隱尚可少從末減張誠基邵洪衡齡均著加恩改為革職留任嗣後督撫兩司於三品以上大員奉差典試均遵照昨旨毋得濫行餽遺路費違者嚴懲不貸命大學士伊犁將軍保寧來京供職以伊犁領隊大臣松筠為將軍調兵部右侍郎平恕為戶部右侍郎以內閣學士李鈞簡為兵部右侍郎均留學政任內閣學士戴均元管理樂部事務○癸未

上詣

大高殿行禮○幸圓明園○詣

安佑宮行禮○以恭謁

西陵賞蹕路經過涿良鄉易涑水房山五州縣

貧民棉衣一萬件○甲申

上御山高水長賜王公大臣蒙古王貝勒貝子

公額駙台吉及呼圖克圖外藩使臣等宴並

賞賚有差○湖廣總督吳熊光等奏楚北新

設提督改移鄖陽鎮協共應添兵三千五百

名以無業鄉勇補充可收駕輕就熟之效又

得官為鈴束不致流而為匪所需千把外委

及額外等官即以出力鄉勇首領內視其職

銜大小酌量拔補令其管束訓練更為親切

得力此次添設提督移駐鎮協節節俱有大

員駐守固足以嚴屏蔽而資控制惟二竹房

縣界連川陝萬山重疊廣袤險要且五方雜

處最易藏奸必當多添兵力以資駕馭擬於

房縣南路之上龕設守備一員兵一百二十

名西南之九道梁東南之冷盤垭各設千總

一員兵六十名竹山縣南面之官渡設守備

一員兵一百二十名東面之洪坪設千總一員兵一百名西北之吉陽關設千總一員兵六十名竹谿縣西南之豐溪設守備一員兵二百名東南之向家壩設千總一員兵一百名覈計添設沿邊各汛共需兵八百二十名應請於提鎮二標腹地各營內減六百六十名其不足之數即於各本營湊撥安設奏入諭軍機大臣等據奏酌籌安頓鄉勇一節各處鄉勇安頓之法亦惟補充額兵最為正辦

伊等既入營伍即可明示約束而所得鹽糧分例亦足敷養贍之用自不致流而為匪但須查詢明確將願充額兵者始令入伍亦不必稍有勉強其籌布沿邊要隘營汛等事宜亦均照所請行將此傳諭知之○以候補內閣學士關槐為內閣學士兼禮部侍郎銜○撥湖南藩庫銀十五萬兩解往湖北以備軍需○乙酉

上御山高水長賜王公大臣蒙古王貝勒貝子

公額駙台吉及呼圖克圖外藩使臣等食至戊子皆如之○丙戌

上御奉三無私殿賜皇子親藩等宴○丁亥

上詣

安佑宮行禮○御正大光明殿賜朝正外藩等宴作樂賜酒如除夕儀○以吏部尚書劉權之充經筵講官○戊子

上御正大光明殿賜大學士尚書等宴○諭內閣朝會大典一切服色豈容僭越昨日派出

喜起舞之三等侍衛世泰向伊戚鄭親王烏爾恭阿借用帶版烏爾恭阿不應即將親王朝帶版借給而世泰亦不當輒行借用均屬非是烏爾恭阿著交宗人府嚴加議處世泰著交領侍衛內大臣嚴加議處○撥山西藩庫兩淮長蘆運庫銀各十萬兩解往陝西以備善後事宜之用○己丑諭內閣本年來京瞻觀之杜爾伯特土爾扈特青海汗貝勒台吉等皆係自備資斧念伊等歸途甚遠著加

恩准令馳驛蘊端多爾濟回庫倫途程亦遠亦著馳驛諭軍機大臣等英善福寧奏籌辦邊界情形一摺蘇班色本係從前作木郎部長之叔當作木郎地方被廓爾喀占去蘇班色投入科洽邊界時即不應容留居住乃彼時既准其來藏安置而達賴喇嘛等給與口糧已歷有年今若將伊逼出邊界必遭仇害或致情急自戕且因廓爾喀差人向索即將蘇班色送出亦非天朝體制英善福寧應飭令派出之員善為開導如蘇班色情願搬移即聽其便若實無可歸之處即照所奏於前藏另籌地方將蘇班色跟隨舊人盡行散去祇令帶親屬數人妥為安插既可致滋生釁端且達賴喇嘛本與作木郎素好即可交伊照管亦足以安達賴喇嘛之心並當曉諭蘇班色以此次乃天朝格外加恩伊惟當安心居住不可少滋事端儻仍有不安本分之虞王法具在不能再為寬宥俾知儆惕至

另片奏廓爾喀父子內鬩情形此事與內地無涉英善等當遵照前旨不必過問惟嚴飭邊界密為防範毋令該部落之人竄入境內為要將此諭令知之○叅贊大臣德楞泰奏報督兵痛剿苟文明斃賊多名及賽沖阿等下捕劉朝選匪衆完竣得旨獎賚賽沖阿等下部議敘並賞出力兵勇銀牌○賞降調貴州安義鎮總兵官托雲泰頭等侍衛為伊犁領隊大臣○撥河南藩庫銀十萬兩解往陝西

以備善後事宜之用○辛卯

上御山高水長賜王公大臣蒙古王貝勒貝子公額駙台吉及呼圖克圖外藩使臣等食○諭內閣山西巡撫伯麟奏請晉鹽行銷地界給票驗放以杜偷越一摺晉鹽課歸地丁原以便民茲於晉豫關津等處層層驗票始令販運誠恐官吏等從中勒索致滋弊端而於稽察私販越境仍無裨益其如何設法嚴禁越販又不致擾累商民之處著該部詳悉妥

議具奏尋議晉省池鹽向係行銷豫省自乾隆五十七年課歸地丁任聽商販本以便民茲恐其偷越楚省遂欲明立限制給票稽查勢有難行應毋庸議至向來稽查鹽斤係於茅津等渡令其對渡登岸勿許順流直下實為查禁私梟要務應令撫臣責成地方官會同營汛於鹽斤到黃河北岸飭令對渡南岸不許順流駕船由黃入洛由洛入汝越至楚境又河南南陽府屬之南陽等七州縣共有

水陸要隘三十七處地方文武員弁稽查私梟越楚係屬定例亦應再行申明惟在各督撫督飭所屬實力奉行則販運既難腳價亦貴私販無利其弊自止從之○兵部左侍郎陳萬全以疾乞假允之轉兵部右侍郎李鈞簡為左侍郎仍留學政任以內閣學士劉鏞之為兵部右侍郎○壬辰以左春坊左贊善楊祖純充日講起居注官翰林院編修吳烜署日講起居注官○癸巳諭內閣直隸省三

次四次回贖民典奴典三項地畝酌增租銀十三萬三千八百二十九兩零前經降旨全行減免所有公產存退莊頭另案屯莊五項內酌增租銀二萬九千二百四十八兩零與前三項減免之銀事同一律著加恩一併減免俾貧佃均沾實惠經此次減免之後該督務飭各屬實力催徵年清年款毋任再有絲毫拖欠致干重究○又諭漫山禁止私挖例載甚嚴該將軍平日自應實力查辦何得因

私漫充斥輒請歇山况漫務業經節次減票並嚴禁餽遺辦理自應裕如若因漫苗稀少必須歇山亦應豫行奏明豈有正當放票之時率請停止且秀林摺內將夾帶私人及栽種漫苗大干例禁之事公然入奏以掩飾其查辦不力之咎尤為取巧秀林著傳旨申飭本年照部議不准歇山仍遵舊定章程認真查辦俟一年後再將實在情形奏聞請旨○甲午諭內閣年班朝覲之喀爾喀郡王薩木

丕勒多爾濟係參贊大臣且歸途遙遠准令馳驛○又諭據御史鄭敏行奏請將刑部辦理秋審章程繕冊進呈通行各省臬司遵辦等語向來各直省問刑衙門俱有律例頒發令其遵辦其罪名輕重問擬時原有一定至於秋審時某項應入情實某項應擬緩決以及可矜留養種種區別之處全在該臬司衡情準法隨案詳求辦理自無出入若如該御史所奏將刑部舊立章程通行外省即可畫

一遵辦試思各省每年所辦之案紛紜萬變有同一罪名而其中情節微有區別即實緩判然不同豈能概將成式頒行俾無出入況刑部覈辦秋審堂議司議始俱各就所見詳加商酌定議原祇就案折衷視其情節輕重又焉有拘定章程毫無變通之理該御史乃稱刑部秋審章程祕藏於總辦司員之手自圖見長並不通行外省以致各該省臬司無所遵循辦理多誤殊屬不通事理鄭敏行所

奏不可行原摺著發還○禮部奏本年八月十九日祭

先師孔子改於初九日致祭得旨依議嗣後大祀中祀如適遇忌辰當以祀典為重不必改移祭祀日期用昭虔肅○額勒登保奏報生擒首逆辛聰珍除餘黨得旨獎賚加叅將朱槐副將銜賞都司余步元守備管繼祥花翎從九品銜戴廷棟等藍翎仍下部議敘賞鄉勇頭目王方等頂帶出力兵勇銀牌○吳

熊光等奏報搜勦邊境潛匿賊匪生擒首逆張允壽子得貴並將青號餘匪全數撲滅得旨獎賚全保長齡下部議敘將弁升敘有差並賞出力兵勇銀牌○乙未

孝聖憲皇后忌辰遣官祭

泰東陵○

上詣

恩慕寺

恩佑寺行禮○諭內閣本日軍機大臣會同刑

部審訊袁錫等開圍聚賭一案將袁錫供詞進呈內有曾託鄂羅錫葉勒圖向明安說情交給一千兩銀票之語彼時朕以為必係鄂羅錫葉勒圖從中取利抑或明安家人借端勒索亦未可定茲復經承審大臣訊據鄂羅錫葉勒圖供稱因與袁錫素相認識代伊轉求明安並言事後致謝明安當即應允數日後明安向鄂羅錫葉勒圖當面提及伊即赴袁錫家內取得銀票一千兩是日明安正差家人在彼坐索鄂羅錫葉勒圖先將五百兩交明安家人收去存留多日其餘五封暫存鄂羅錫葉勒圖家迨明安探聽外面風聲不好遂將原銀退還等語是此案竟係明安聽情受賄殊出意料之外明安本係世家舊族向來在乾清門當差行走尚勤是以節次加恩用為步軍統領原期於世族中成就一可用之材以備任使乃不料其戩法營私竟不能全朕用人顏面然朕於明安亦非無先見

之明也上年明安曾奏請開採煤窰銅苗等事朕彼時即覺其沾沾言利嗣因欲請獨對炫耀高興疊經降旨嚴飭冀其悔改詎明安於袁錫開圍鬪鵝之案竟公然得受賄賂雖先侵後吐實已枉法得贓則伊任提督一年以來似此簞簞不飭之事諒復不少猶幸及早發覺不致久玷要任此皆仰蒙皇考默示啟佑益深欽感明安以提督大員而卑鄙無恥若此實係自取罪戾不能承受朕

恩此而不嚴加懲辦何以儆貪黷而肅官方明安著革職拏問交軍機大臣會同刑部嚴審定擬具奏鄂羅錫葉勒圖袁錫亦著革職拏問李瀚清昌俱著革職一併歸案辦理嗣後大小臣工務當潔己奉公廉隅共矢以明安為戒僕不知檢束自蹈刑章一經發覺朕必執法嚴懲斷不稍貸將此通諭知之○以直隸按察使瞻柱為布政使熱河道慶章為按察使○丙申以刑部尚書祿康兼步軍統

領○丁酉諭內閣本日祿康具摺謝恩內稱步軍統領與刑部衙門向有交涉事件懇辭刑部尚書或請另放步軍統領等語步軍統領衙門其刑名事件應行送部審理者甚多自不便以一人兼攝祿康所奏甚是但昨已將伊簡放亦不必再行更換祿康著專辦步軍統領事務仍兼管正黃旗漢軍都統所遺刑部尚書員缺著德瑛補授瑚圖靈阿著轉補刑部左侍郎所遺刑部右侍郎員缺著賡音調補繼善著調補盛京刑部侍郎所遺盛京禮部侍郎員缺著多慶補授○諭軍機大臣等此次德楞泰將苟逆截回西南勢已窮蹙現飭薛大烈等帶兵跟追德楞泰因川東零匪滋事前赴大寧之通城一帶督飭搜捕自應如此辦理川東零匪專交德楞泰就近勦辦斷不可任其竄入楚境苟逆一股雖有薛大烈等分路追擊但德楞泰既不克兼顧著額勒登保督同薛大烈等奮力殲洗陝省

竄匪宋應伏李貴成劉永受等為數不過四五百人額勒登保務須上緊轉催楊遇春慶溥等剋日勦淨將此各傳諭知之○調鑲黃旗蒙古副都統吉綸為正紅旗滿洲副都統鑲藍旗漢軍副都統范建豐為正白旗滿洲副都統鑲藍旗蒙古副都統台費蔭為鑲黃旗漢軍副都統以頭等侍衛碩雲保為鑲黃旗蒙古副都統○己亥諭內閣軍機大臣會同刑部將明安等審擬定罪具奏一摺此案番役金配探知袁錫等在家鬪鶉起意往拏希圖訛詐明安係步軍統領竟毫無見聞已有失察之咎迨鄂羅錫葉勒圖向伊代袁錫請託許其事後致謝明安並不阻止又不據實叅奏轉聽情將就完結至十二月三十日鄂羅錫葉勒圖將銀五百兩交付伊家人劉陞帶回當經明安令劉陞送還自不應仍准家人將原銀攜歸即使鄂羅錫葉勒圖於初一日啟程隨從未克續行送往其家豈無一

司事之人可以交代何至遲至初七日探聽外間風聲不好始將銀兩退出是明安既縱役滋擾於前又復聽情受賄於後種種罪無可逭明安前在乾清門行走尚勤似有出息且伊係布彥達賚胞姪本屬世家舊族朕念布彥達賚在步軍統領任內安靜有為身故後即著明安接印任事原欲其勉繼家聲克承恩眷詎明安任提督以來炫耀高興所奏事件多涉言利朕屢加嚴飭並數月不予召見若明安能仰體朕教誨矜全之意自應加倍斂飭潔己奉公今伊於開圍剿案內竟敢聽情受謝雖先侵後吐實與得財無異所擬發往烏魯木齊之處尚覺稍輕明安著改發伊犁効力贖罪以示懲儆鄂羅錫葉勒圖身列卿員在內廷行走乃敢公然干與外事代人請託並許事後致謝嗣因明安一言提及遂將伊戚西明阿指係明安家人帶往袁錫家索取得銀一千兩又存留一半祇將五

百兩交明安家人帶回及至明安將銀退還又不即時送交袁錫並先挪用銀一百五十兩即云入直當差未及將銀送還伊於索銀時既能親往豈此數日內竟無暇給還耶看來鄂羅錫葉勒圖竟思從中全行侵蝕此項情節尤重實屬卑鄙無恥若照所議僅發往伊犁亦未允當著於刑部內先加號兩箇月滿日發往伊犁効力贖罪餘著照所議行又兵部議處左右翼總兵恭阿拉國霖一摺恭阿拉國霖於番役在外訛索未能查出實情本應照部議降調但此案番役初稟本未提及官員賄關明安聽情受賄各情均未知悉咎尚可原恭阿拉著加恩改為革職留任仍註冊國霖著加恩改為革職從寬留任免其降調至左右翼總兵向來輪替一人在南城外住宿彈壓但城外各營官弁因有大員在彼遇事轉存觀望恐漸啟推諉之習嗣後該總兵等不必在城外住宿仍隨時出城親行

查察以專責成○諭軍機大臣等額勒登保奏報苟逆由西鄉向七星壩搶船偷渡殊出意料之外七星壩一帶本設有防兵額勒登保前因賊氛已遠遽行撤去是以苟逆探知無兵備禦遂肆無顧忌搶船偷渡額勒登保係經畧大臣統轄各路已有疏忽之咎況江岸官兵是伊裁撤不能先事豫防其自請重加治罪之處實所應得但念其從前帶兵打仗屢著勞績姑從寬革去伯爵降為一等男並拔去雙眼花翎著換戴單眼花翎以示薄懲所有此股過江之賊即責成額勒登保專勤務於石泉等處就地殲除萬一賊匪潛入南山額勒登保必當飭催鎮將入山搜捕斷不可僅在山外株守稽延時日將此傳諭知之○以兵部右侍郎成書充經筵講官吏部右侍郎范建豐署經筵講官○庚子

上詣

大高殿行禮

時應宮拈香○還宮○以舉行仲春經筵遣官告祭

奉先殿

傳心殿

御文華殿經筵直講官英和劉權之進講論語為政以德講畢

上宣御論曰人君為政之大綱莫先於修德德者得也平時克謹常憲漸仁摩義動靜皆循禮法則臨民莅政各得其真情實事風化可

臻淳樸矣若言不由衷行非身體或用權術智巧或自作聰明徒文具而無惻怛之實皆不能感動人心風俗日趨儉薄矣君心正天下莫不歸於正誠為治本道德齊禮化民之要以一人之心德感天下人之心可期興起乎應鮮有犯法之民則政簡刑清庶幾無為而治唐虞三代良法善政復見於今為人君者奚可不懋修厥德哉直講官扎郎阿戴衡亨進講易經師衆也貞正也講畢

上宣御論曰聖人不得已而用兵必以正處衆討亂誅暴如時雨之沃良苗出於至正而無私斯師出有名聲威震而天討彰衆心服而四裔順所謂我戰則克無窮兵黷武之譏矣由仁義以張撻伐而凡不正者統歸於正尚誅討而逞殘虐則歸我者亦皆舍而他往必也上順天心下孚民望無敵於天下為王者之師以剛中之德行順民之事功成難靖萬邦懷保此聖人行師之本意為容民畜衆之正道開國承家者不可不知斯義也禮成上幸文淵閣賜講官及聽講諸臣茶復賜宴於本仁殿○以太常寺卿劉鳳誥為內閣學士兼禮部侍郎銜○辛丑

孝儀純皇后忌辰命

皇次子襲皇祭

裕陵○諭軍機大臣等熊枚奏採錄原任水利營田觀察使陳儀所著直隸河道各事宜進呈一摺直隸各屬水利本關緊要而文安一

縣受六十六河之灌注上年被水尤重自應設法疏消俾資利導熊枚錄呈陳儀所著各事宜不為無見但地方水利今昔情形是否相同著陳大文詳悉講求酌量緩急如有亟須堵濬之處即行妥議具奏所有熊枚抄錄陳儀原著各條一併發交閱看○朝鮮國王李琮遣使表賀

萬壽冬至元旦三大節進貢方物賞賚筵宴如例○遣乾清門侍衛副都統慶長往奠故蘇尼特扎薩克郡王車凌衮布茶酒並賞銀三百兩治喪○是月廣西巡撫謝啟昆奏潯梧兩關每年盈餘銀兩歷經各任撫臣提用今署中一切從儉無需用處絲毫不敢擅動俟積有成數以備地方公用得旨亦不必錙銖較量常存大法小廉之心有守仍須有為朕命督撫鎮撫封疆非專為守財貨也識見須放大些勉之

不成股數。指日即可蕩平。乃近日節據額勒登保德楞泰勒保等奏報。苟逆竄過漢江。其餘巫山。大寧。奉節。雲陽。梁山。新寧。及興山。巴東。等處賊匪。四出滋擾。賊數較前頓增數倍。此等賊匪。皆係從前勦剩各股餘孽。如陳朝觀之兩子。及宋應伏等。向來本未著名。今忽湊聚成股。隨處竄擾。若不亟為撲滅。必致又成大股。在賊匪狡猾伎倆。總以嚴冬竄伏。川陝交界深山老林。為延喘伺隙之計。帶兵大員隨賊追逐。於各處潛藏之賊。或未能深悉。至地方州縣。於本境管轄深山老林。不過一二百里耳。目易周。如果有賊匪伏匿境內。該處地方鄉保。不難嚴密稽查。隨時稟報。該州縣等斷無不知之理。乃各州縣以勦辦事宜。為帶兵將領專責。而於賊匪潛藏本境。置之不問。試思州縣官所辦之事。有過於此之重大者乎。此時各處賊匪。既已出山紛竄。雖係餘孽。皆當隨時隨地上緊截勦。埽除淨盡。六

年以來。勦賊之法。總係跟蹤追勦。賊匪等多分股數。牽綴官兵。兵至則四散潛藏。兵退則分投滋擾。是該匪等轉得輪番休息。以逸待勞。而我兵昕夕追馳。日形疲乏。主客之勢不明。以致中賊詭計。日久遷延。迄無成效。自宜亟籌變計。各專責成。勉圖奏績。此時陝境苟逆及各處零匪。專交額勒登保督同楊遇春等辦理。川東一帶之賊。專交德楞泰辦理。川北之賊。專交勒保賽冲阿等辦理。楚省興山等處各匪。專交吳熊光全保長齡等辦理。務將各人專辦之賊。即在本境內就地殲除。不得以驅逼出境了事。如有他省竄至之賊。亦即當隨時截殺。俾賊匪所到之地。皆有兵截勦。無從逃逸。可期以次肅清。並各於要隘處所添撥兵勇。嚴密防範。務使聲勢聯絡。互相接應。於勦捕方為有益。再統計各處竄匪。不過萬餘。而額勒登保等所帶征兵。數倍於賊。諒數勦辦。但恐官兵日久疲勞。應須酌換。或

分則見單。不數撥遣。不妨量為添調。不得以前此奏請徹兵。意存迴護。將此傳諭各路領兵大員。及各督撫知之。○撥安徽藩庫銀十萬兩。解往湖北。以備軍需。○甲辰。遣官祭文昌帝君廟。○遣官祭

先醫之神。○吳熊光等奏報。王曾等股賊。匪折竄巴東。孫清元等督兵截剿。殲賊多名。得旨嘉獎。將弁升擢有差。賞鄉勇甘魁頂帶。○戶部議准。前任陝甘總督長麟疏報奇臺縣

開墾地九十畝。照例升科。從之。○乙巳。遣官祭

關帝廟。○發京倉稔粟米。命五城分設十廠。減價平糶。派監糶大臣尚書琳。寧劉權之。紀昀。德瑛。左都御史熊枚。侍郎范建豐。高杞。成書。祖之望。副都御史陳嗣龍。督同御史稽查。

○
上以祭

社稷壇。自是日始齋戒三日。○丙午。諭內閣。秦

承恩前在陝西巡撫任內。因辦理軍務遲延。獲咎。發往伊犁効力贖罪。茲一年期滿。釋回到京。念伊本係書生。未嫻軍旅。其平日辦理地方事件。尚為熟悉。亦無操守不潔之處。秦承恩著加恩。以六部主事用。遇缺即補。○又諭保寧覆奏。請將伊犁滿營鎮標各兵糧餉。仍照舊例分別支放一摺。新疆駐劄滿漢兵丁。差務繁多。向來於應得本色糧石內酌支折色。比市價較多。原所以示體卹。若改支本

色兵丁生計。既不無拮据。且倉貯糧石動支完竣後。轉需採買。亦屬非計。此事昨據興奎奏覆。以為多有未便。當經批交該部。欲俟各處奏到。再行降旨。今保寧所奏。亦與興奎意見相同。伊二人在新疆有年。所奏自係實在情形。即他處奏到時。諒亦相仿。竟不必再交部議。所有新疆等處兵丁應支糧餉。著照舊定章程辦理。毋庸更張。俾兵食倉儲。兩有裨益。○又諭顏檢奏補羅山。息縣。二缺。摺內於

現任知縣曾濟徐曰昌二員才守均無貶詞何以遽請撤回且所請試用知縣黎重光補授羅山縣揀發知州熊之書借補息縣該二員一係試用在後越次奏補一係不准借補知縣之員皆屬違例現在該省尚有試用知縣二十餘員俱名次在前其中豈無堪以勝任之員何以不行奏補若皆才具平常不堪補用又何不早行飭令回籍耶僕各督撫於現任各員任意撤回輒將不合例之員紛紛

奏補相率效尤殊屬不成政體顏檢本應照部議處分姑念該撫平日辦事尚好所有降一級留任之處著加恩寬免仍罰俸九箇月嗣後外省題補人員均當按照成例不得率意奏請干咎○丁未祭

先師孔子

上親詣行釋奠禮○以刑部尚書德瑛為會典館副總裁官○以陝西靜寧協副將阜保為甘肅河州鎮總兵官○戊申祭

大社

大稷

上親詣行禮○幸圓明園○

孝淑皇后忌辰命

皇次子祭

殯宮○以詹事府詹事那彥成為內閣學士兼

禮部侍郎銜○己酉調鑲黃旗蒙古副都統

富疆阿為錦州副都統歸化城副都統慶怡

為鑲黃旗蒙古副都統○辛亥諭軍機大臣

等賽冲阿現與勒保同在川北伊係西安將

軍在川省勦賊或恐呼應不靈豐紳原係川

省提督且七十五一路官兵皆係伊接手管

帶自當責以本省勦賊之事况勒保一路鎮

將如溫春等向稱驍健現在帶兵打仗之員

自不缺少何必留賽冲阿在彼幫辦勒保接

奉此旨即將豐紳調至川北勦辦賊匪賽冲

阿著即回赴陝省與惠齡同辦陝省之賊將

此傳諭知之○又諭惠齡等奏勦辦南山賊

匪情形。薄有斬獲。俱不過撫拾鋪敘。並未親自帶兵。勒淨一股。惠齡身為總督。於境內各股賊匪。皆應籌辦。所有賊匪往來蹤跡。及官兵打仗情形。尤應詳悉偵探。方可收勦捕之益。現在苟逆竄入山內。額勒登保派令格布舍薛大烈等。分投勦辦。並親由五郎江口。向金雞河一帶進兵。惠齡於該省軍情。豈有不聲息相通之理。何至詢諸道路傳聞。著傳旨嚴行申飭。又據稱山北峪口處處空虛。現在

專事防堵。即以此責成惠齡。如賊匪因勦急竄逸出山。惠齡不能截住。自思當得何罪。至長麟帶兵。本不得力。留於陝省。亦屬無益。即著馳驛來京。以備朕面詢該省情形。另候諭旨。將此各諭知之。○撥河南山東藩庫銀各五十萬兩。山西藩庫銀一百萬兩。解往四川。以備善後事宜之用。○壬子。

孝康章皇后忌辰。遣官祭。

孝陵。○諭軍機大臣等。那彥寶等籌議永定河

加培疏濬一摺。挑挖淤沙。固為治河不易之法。但永定河南北兩岸。長一百數十餘里。自不能將全河淤沙挑挖淨盡。該侍郎等相度形勢。裁灣取直。疏通梗塞。並將卑矮隄身。加高培厚。添做埽工。護隄束水。藉以攻沙。祇可如此辦理。惟當督飭工員。於新舊埽工。實力鑲築。以資捍衛。斷不容有偷工減料。以致工程卑薄。不能經久。其河身高仰處所。亦須間段挑濬。俾無阻梗。方為妥善。至所稱河工水勢大小不同。動用銀兩。亦應多寡不一。每年歲修搶修銀兩。似難限以定額等語。永定河每年歲修搶修銀兩。向來定額二萬九千有餘。就目下情形而論。雖稱不敷應用。但每屆歲修。亦須酌定銀數。方有限制。設遇搶險工程較多年分。原不妨據實估計。且距京甚近。可以隨時奏請辦理。所有永定河歲修。每年實在需銀若干。並動用何項之處。仍著那彥寶等公同確勘。悉心妥議具奏。將此諭令知

之。尋議奏永定河舊設埽工一千八百餘丈。此次新增埽工二千餘丈。較之舊埽。加至一倍有餘。每年均須如式加鑲物料。夫工之費亦多至一倍有餘。請於從前奏定歲修銀一萬兩。搶修銀一萬二千兩之外。酌增歲修銀一萬兩。搶修銀一萬二千兩。其疏濬中泓下口銀一萬兩。石景山歲修銀二千兩。無庸酌增。每年仍照舊定章程。於年前先後赴部請領。覈實報銷。如有餘剩。歸入下年動用。經戶

工等部議准。應如所請。從之。○以光祿寺卿趙秉冲為太常寺卿。○癸丑。諭內閣。前據達慶等奏。大通橋車戶轉運漕糧。所領腳價。不敷雇值。請仍照向例。准令承買官豆。經戶部以官車官驛。久經裁撤。議駁。所駁甚是。茲復據達慶等奏。稱漕糧進倉。全賴該橋車輛充足。若一有掣肘。則起卸稽遲。回空耽誤。現因錢價日貴。車價日昂。所領之數。不敷雇覓等語。亦係實在情形。著加恩。准令該車戶等仍

前承買官豆。即在於應領腳價內扣存。以示體卹。○甲寅。

上幸靜明園。詣

龍神廟拈香。○緩徵山東臨清館陶武城邱夏津聊城堂邑清平博平茌平高唐莘恩冠陽穀朝城東阿平陰長清德范平原濮觀城汶上二十五州縣衛水災。本年額賦。○乙卯。諭內閣。近日節據各路領兵大員奏報軍務情形。並無大股劇賊。惟苟文明屢經官兵勦

敗。竄入陝省南山。為稍延殘喘之計。其四川湖北地界。雖有零星賊股。俱不過敗殘餘匪。前曾特降諭旨。將川陝楚三省劃定地段。飭令各該省文武大員。分投搜勦。以專責成。因思叅贊德楞泰。本係成都將軍。現同勒保專辦川省搜捕事宜。經畧額勒登保。現在陝省境內。督勦苟逆。及該省零匪。務令一手辦竣。刻下賊勢渙散。俱極窮蹙。本不值以經畧叅贊統兵久駐。但餘匪尚未廓清。並一切善後

事宜均須妥為籌辦。若遠令伊等振旅還朝。將搜捕零匪僅交地方官辦理。究恐不足深恃。現在川楚二省均係以本省大員勦辦本境之賊。責任綦專。額勒登保著以經畧大臣授為西安將軍。仍兼御前侍衛。領侍衛內大臣。專辦陝省軍務。統俟餘匪勦淨。再行繳還經畧印信。寧夏將軍蘇寧阿現已年老。該處地方亦屬緊要。著將賽沖阿調補寧夏將軍。賽沖阿現尚帶兵勦賊。一時未能抵任。仍著蘇寧阿暫行署理。俟賽沖阿辦賊完竣赴任後。蘇寧阿再行來京。另候簡用。其正白旗領侍衛內大臣事務。仍著綿懿暫署。○又諭據豐紳濟倫等奏稱本年軍政。所有茶膳房章京侍衛等。請旨俱令該管大臣處出具考語。咨送領侍衛內大臣處。與侍衛等一體考驗等語。茶膳房章京侍衛等。每日豫備茶膳。乃伊等所司之責。非侍衛等官可比。伊等亦無暇操演。所有茶膳房章京侍衛等。著加恩不

必入於軍政。○實授博興為理藩院尚書。以刑部尚書德瑛兼正白旗漢軍都統。○丙辰遣官祭黑龍潭。

昭靈沛澤龍王之神。玉泉山

惠濟慈佑靈護龍王之神。○以故喀爾喀賽因諾顏扎薩克輔國公薩木丕勒端多克弟格哩克端多布襲爵。○丁巳月食。○

上詣

昭顯廟拈香。○還宮。○命榮郡王綿億在內

廷行走。○命固倫額駙瑪呢巴達喇領侍衛內大臣阿克棟阿在紫禁城內騎馬。○戶部議准前任陝甘總督長麟疏報烏魯木齊塔西河所開墾地三頃六十畝。照例升科。從之。○戊午。定江南改設分管蕭瑯南岸河務同知。分管邳睢北岸河務通判。俱為河工要缺。在外揀選題調。並鑄給關防。從河道總督吳璥請也。○己未。春分朝日於東郊。

上親詣行禮。○詣

雍和宮行禮。○幸圓明園。○以通政使司副使范轡為光祿寺卿。○除直隸宛平縣被水衝陷民田五十二畝額賦。○庚申。

上御勤政殿聽政。○諭軍機大臣等。御史喬遠燠奏請調劑楚省鹺務。以杜積弊一摺。據稱楚省行銷兩淮綱引。近年該管道員私立封輪之禁。將淮綱先到船隻查驗號數開售。其後到船隻均封貯漢河。不准搶賣。奸商得以居奇壟斷。民間有淡食之虞。又將已裁漢商匣費酌定銀數。並逐漸加增。致該商等暗扣折頭。濫行開支等語。引鹽向無輪售之例。從前該省於鹽船抵漢。均係不論先後聽商起售。何以近年該管道員立有封輪名色。是否必應如此辦理。抑係管理鹽務官員私設此例。為抑勒地步。至匣費久經裁革。該御史摺內所稱已未庚申兩年共派銀八十餘萬及百萬兩不等之處。是否因辦理軍需添湊支

用。抑係該管官員私行派累。並著吳熊光徹底清查。據實奏聞。尋奏漢鎮岸商承領揚商引鹽售賣。向來奸猾者不顧揚商成本。跌價搶賣。是以前任鹽道保定定有封船輪售之例。並於輪銷之中。凡領帑營運及遇風走漏者。俱准先行提銷。似尚為顧卹商本起見。臣現飭藩臬鹽道切實查明。另行奏覆。至漢商匣費久奉裁革。前接鹽政書魯來咨。以己未庚申兩年共派費銀八十餘萬兩至百萬兩不等。任意浮冒。行提岸商赴揚查辦。查裁存匣費原為各岸商房租伙食暨惠濟之商。及緝私卡商俸工等用。而元二兩年雇備鄉勇保護漢鎮。前年冬閒煮賑飢民所用之項。亦在引鹽內派費公攤。現在經管岸商業已赴揚。所有己未庚申兩年派費加增。作何支銷。各官有無染指情弊。請飭新任鹽政估山。飭提查訊。得旨著傳諭估山詳悉查訊。至漢岸銷鹽設立封輪之例。有無抑勒需索。及擡價

病民之處。佶山務當與吳熊光合籌妥議具奏。○以大理寺少卿良賁為太僕寺卿。○命塔爾巴哈台叅贊大臣貢楚克扎布來京。調科布多叅贊大臣策拔克為塔爾巴哈台叅贊大臣。巴里坤領隊大臣宜興為科布多叅贊大臣。賞已革湖北糧儲道舒永阿藍翎侍衛。為巴里坤領隊大臣。○以京外貧民來京就食者多。命再於盧溝橋黃村東壩米育四處添設粥廠。派都察院左副都御史萬寧光祿寺卿范鰲宗人府府丞徐績。太僕寺卿蔣予蒲大理寺卿富星額。太僕寺少卿邵自昌。通政使司叅議長琇。光祿寺少卿周元良。分督給賑。○撥雲南積存錢一百萬緡。解往四川。以備軍需。○辛酉。諭內閣。英善等奏本年廓爾喀例進表貢。可否令其齋至邊界接收。送京一摺。該國王年紀幼小。自應格外加恩。用示體卹。此次例進貢物。敬謹齋至邊界。由內地派員接收。代為呈進。所有恩賞該國王

之件。即在邊界地方發交該國王派人祇領。此後應進例貢。俟該國王年長能經理國事時。再遵照定例。仍遣噶箕等齋貢赴京可也。○諭軍機大臣等。上年十二月。曾允陳大文奏請賞給旗租銀二十萬兩。交該督於直隸被災之六十餘州縣除大賑之外。自本年正月。起至四月麥收時止。各按地方村莊多寡遠近。廣設粥廠。無論極次貧民。一體賑給。乃近日來京就食貧民。已多至二萬餘人。自係直隸各州縣並未認真辦理。災民無從餬口。聞京師五城各廠散給粥飯。較為得實。是以扶老攜幼。相率來京。當此青黃不接之時。該州縣不能於所屬災黎妥為撫卹。則前此賞發銀二十萬兩。不知所辦何事。豈此項旗租銀兩。並未徵解齊全。實領實支。竟以災賑為名。借詞開銷耶。著陳大文詳細查明。如賑卹銀兩實有不敷。不妨據實奏請。若係地方官玩視民瘼。藉端侵蝕。即指名嚴參。以示懲儆。

轉瞬三月初旬朕恭謁

西陵若蹕路所過。經朕目擊各州縣有災黎失所之處。惟陳大文是問。將此諭令知之。○內務府奏內府三旗護軍營護軍統領遇軍政之年。請照文職三品京堂京察例。毋庸派王大臣驗看。徑由內務府大臣咨送兵部帶領引見。從之。○壬戌諭內閣。宗室會試。前經宗人府等衙門會議。於三月初四日點名考試。官於初三日豫行入闈。較常例早至三日。第

念宗室應試人數本少。若先期另為一場。一切稽察支應較多。一番經理。不若仍照鄉會試舊制。於初八日入場。點名在八旗及各省士子之前。並另編坐號。不致擁擠。頒發欽命試題。先行揭曉。已足優示體制。而省紛繁。考試官仍照定例。於初六日入闈。所有本年宗室會試。即照此辦理。嗣後宗室鄉會試日期。均著為令。○又諭長麟。簡任陝甘總督以來。於勦捕賊匪各事宜。未能認真出力。前此奏

報傳家鎮勦賊一事。聞彼時長麟漫無籌措。若非富成極力救援。幾至為賊所困。而富成即因此陣亡。且長麟所奏情節。其中亦不免諱飾。其查拏汾陽悄悄會一案。任用蕭福祿殺戮過多。辦理亦未妥協。朕因其在陝不甚得力。且念伊母年老。加恩令其來京。但若照現在職分。仍以一品大員補用。未免不足示懲。長麟著不拘文武。以二品職銜補用。現在吏部左侍郎文寧出差之缺。長麟到京後。著

加恩署理。英和不必兼署。○又諭副將韓自昌。勦賊陣亡。前經額勒登保奏到。當即交部賜卹。茲聞伊即係前次陣亡副將韓加業之胞兄弟。兄均沒於王事。且家有八旬老母。甚為可憫。韓自昌著加恩照總兵陣亡例議卹。其一切資送回籍。俱官為辦理。再加賞伊母銀三百兩。並著惠齡派地方官。於伊原籍官建祠堂一座。賜名雙烈祠。令本處地方官春秋致祭。伊共有子幾人。俟服闋後俱著送部

引見如無子嗣。即查伊胞姪咨送。以示朕優卹。忠蓋至意。○癸亥。諭內閣。本日巡城御史明倫。茅豫等奏。拏獲拒捕傷兵案內賊犯一名。並聲明吏目楊立幹。應否量予鼓勵。一摺。此等緝捕事件。原係五城司坊官專責。如有拏賊多名。並緝獲緊要之犯。辦理果能迅速。經朕加恩。或將該員量予議敘。或賞給緞匹。皆非可援以為例。乃自上年以來。步軍統領五城多有拏獲尋常案犯。輒即奏請恩敘者。

殊覺過濫。即如外省地方官。遇有拏獲鄰境盜犯。仍須查明本境無承緝未獲之案。方准量予議敘。若似此拏獲一二尋常案犯。乃職分應辦之事。遽爾紛紛請。恐啟倣倖之漸。且摺內有不分畛域之語。尤屬失當。五城近在輦轂之下。非外省鄰封可比。有何畛域可分耶。楊立幹著不必給予議敘。嗣後遇有拏獲尋常案犯者。俱不准奏請議敘。○諭軍機大臣等。永定河工程。節經降旨。以工代賑。上

年那彥寶等。因工次需用人數較多。恐其不敷。曾經奏明。令該督陳大文招集災民來工傭作。本年開工以後。已閱旬日。聞該處募用人夫。不過三十餘人。而盧溝橋一帶飢民雲集。不獲傭工。趁食恐聚集日久。不免滋生事端。著傳諭那彥寶等。察看情形。如工次或可添用人夫。即量為雇用。俾窮黎得資餬口。於工賑事宜。兩有裨益。仍將該處近日約有飢民若干。據實具奏。○湖北巡撫全保等奏報。

夾擊王曾等股賊匪。獲勝得旨嘉獎。將弁升敘有差。○甲子。遣官祭昭忠祠。○湖南按察使秦瀛因病乞假。允之。以江西鹽法道李亨特為湖南按察使。○乙丑。諭內閣。御史王寧焯奏。請重軍機大臣責成。以肅綸言一摺。自雍正年間。初設軍機處。於大學士各部院尚書侍郎中。選派數人在內行走。本為籌辦軍務。而各直省寄信事件。以及在京各衙門遇有應降諭旨。勢不能紛紛令羣工承繕。是以

俱由軍機處擬寫交發。令事有統彙。以昭畫一。是軍機大臣承旨書諭。並非將臣工翊贊之職。盡責之此數人也。內外滿漢大臣。俱經朕特加擢用。誰不宜盡心匡弼。必專責之軍機大臣。則其權過重。若承奉諭旨之事。軍機大臣得以力阻不行。則外人又將以攬權指摘矣。況我朝

列聖相承。乾綱獨攬。

皇考高宗純皇帝臨御六十年。於一切

綸音宣布。無非斷自

宸衷。從不令臣下阻撓。國是即朕親政以來。辦

理庶務。悉遵

皇考遺訓。雖虛懷延納。博采羣言。而至用人行政。令出惟行。大權從無旁落。朕初閱該御史所奏。以為必有指陳時務。臚舉切要者。及詳閱摺內。乃專指上年停止前往盛京一節。謁陵展敬。為登極後應行大典。朕彼時明降諭旨。於六年秋孟啟行事。闡禮制。豈臣下所可阻

止嗣因御史沈琨張鵬展等。以軍務未竣。懇請展期。交王大臣等會同妥議。以為應如所請。是以降旨暫行停止。即上年春間。曾有旨巡幸木蘭。後因夏間雨水過多。亦停止秋獵。此皆朕臨期酌度。豈軍機大臣能於春間即逆料夏雨情形。豫為阻止耶。至該御史稱鑾輅所經地方。官早為備辦。永平一帶糜費已多。不能開銷等語。謁

陵諭旨。係五年十一月初二日頒發。至六年正

月二十七日降旨停止。為時無幾。且距七月啟鑾之期。又遠。地方官有何豫辦不能開銷之處乎。至該御史所奏前諭已發。復行改擬。不敬於先。遂至不信於後等語。試思前史所稱為詔令不信者。如恩旨已降。或應行蠲貸。而實未均霑。或業已豁免。而仍行科斂。我國家曾有此等事乎。至於明發諭旨。有經朕再四思維。尚有未盡周妥之處。或臣工陳奏未便。因而復行停止者。此正欲事臻盡善。故不

厭反覆精詳。若必迴護前旨。固執已見。勢將文過飾非。蹈言莫予違之習。豈古帝王從善如轉圓之道乎。又所稱軍機大臣昧於大體。不當僅於語句筆畫小誤。始行自請議處。所論亦屬非是。謄寫諭旨。雖係章京之責。但軍機大臣於進呈事件。理當敬謹校覈。既有錯誤。自應請議。况朕亦時加寬免。何嘗僅於細務加之責備耶。國家設立言官。原期於國計民生。指陳利弊。近日科道陳奏。其畧有確據者。朕無不立加根究。即如朕擢用明安。因御史汪鏞叅奏。闖鷄一案。經軍機大臣會同刑部審出。明安聽情受賄情節。請旨解任。當即將明安革職。至定擬時。承審大臣奏請發往烏魯木齊。又經特旨改發伊犁。而汪鏞即予升擢。何嘗不獎言路以宏采納。但其數奏毫無指據者。亦安能概予施行。現在邪教餘匪未淨。科道等並未將如何設法綏輯。如何籌及生計。及功竣後如何辦理善後事宜。即外

省地方倉庫。如何積貯充實等事。一一酌籌切實具奏。而直隸州縣被災飢民。節次發帑設賑。及散給棉衣。以工代賑。近日京城附近地方飢民領賑者。至二萬五六千人。現又於城外增添飯廠。亦從未有御史一言奏及其曉曉瀆奏者。如用平恕。則王蘇以為不應復任江蘇學政。用黃永沛。則游光繹以為不應僅循資格用人。黜陟為朝廷大柄。該御史等於諭旨既發後。尚欲奏請撤回。而王寧焯於應行改撤之旨。轉以為不宜更易。若國家用人行政。其是非得失。悉聽諸言官臆說。勢必假公濟私。把持朝政。如明季科道劣習。亦豈能於朕前嘗試耶。王寧焯所奏謬妄。著將原摺擲還。嗣後科道等遇有應行陳奏者。仍直言無隱。毋得似此率意妄陳。自干咎戾。將此通諭知之。○又諭陳大文奏。北運河應行建築隄壩。挑淤開河。各要子繪圖進呈。請旨一摺。運河隄壩。原以保護民居。利濟漕運。如有

河身淤塞。及隄岸損壞之處。自應隨時挑築。茲既據該署督勘。應行開挑河溝六處。共計一千五百餘丈。建築加培隄壩十三處。共計二千餘丈。均屬險要。著照所請。准其照估挑築。所需工料銀兩。即在通永道庫備貯要工項下動用。該署督務當督飭工員認真辦理。毋任稍有侵冒。此外如有似此應行挑濬者。仍著該署督詳查酌辦。務於大雨時行之。前俾各工均臻完善。免致泛溢。○諭軍機大

臣等。那彥寶等覆奏永定河工需用人夫。並災民實數一摺。據稱今歲盧溝橋一帶工程需用匠役居多。所有雇用人夫。祇可挑水挖土。擡運灰石。有萬餘人已足。數用等語。自係實在情形。惟念該處飢民聚集數千。其南北兩岸已開工段。現據那彥寶等飭令陳鳳翔、蔣耀祖派兵將災民分送各汛傭作。其食力者已屬不少。所有未開工段。將次興築。仍著那彥寶等悉心籌畫。能多用一夫。即少一飢

民。嗷嗷待哺也。○添設直隸永定河兵四百名。由督標提標宣化天津二鎮標抽撥。從署總督陳大文請也。○丙寅諭軍機大臣等。據琅玕奏維西廳屬獠獠夷人糾眾滋擾。親往查辦一摺。維西地方向來夷民雜處。今恒乍網膽敢執持器械。糾眾生事。並聲稱欲燒搶古剎康普二寨。方可甘心。似係挾有夙嫌。近於讐殺。但該匪夷等既敢抗拒官兵。四出焚劫。則是有意滋擾。非僅止與古剎康普挾讐。

已可概見。自應嚴加懲辦。此等雖不過烏合夷匪。然業已聚至三四十人。若僅空言曉諭。令其獻出首逆。恐未必即行擒獻。且亦不足示懲。應即加以兵威。使知震懾。現據該督奏稱。提鎮等聞報後。業已帶兵七八百名前往堵剿。琅玕亦派撥藤牌兵二百名。即馳赴該處查辦。但所帶兵力似尚不敷。僕賊多兵少。未能即時得手。轉恐賊勢漸張。琅玕當於附近營汛內再行添調兵丁。督率將弁奮力剿

殺侯該匪畏懼窮蹙再諭令將首犯縛獻餘黨畏罪投誠自更易於完結惟在該督相機妥辦以速為要琅玕到邊後著查明實在起釁緣由並將近日殺賊得勝情形迅即馳奏將此諭令知之○額勒登保奏報道員劉清生擒首逆李彬及辛聰之弟辛文殲斃餘匪多名得旨嘉獎賞劉清按察使銜並花翎鄉勇趙文相等藍翎○丁卯

孝昭仁皇后忌辰遣官祭

景陵○全保奏報興山縣知縣朱宗騰率領寨民將首逆樊人傑之弟殲斃餘匪勦淨賞朱宗騰同知銜寨勇首趙傑藍翎○展賑廣寧門外普濟堂及德勝門外功德林留養貧民一月○命於廣寧門外大井地方再增設粥廠一處派副都統台費蔭都察院左副都御史劉涓督同地方官給賑○戊辰諭內閣陳大文奏直省被災各屬請大加減糶以濟民食一摺上年直隸被災州縣較多經朕疊沛

恩施設法賑卹並豫行降旨令奉天山東河南三省採辦米麥高粱三十萬石以備平糶之用現屆青黃不接之時該省市糧稀必價值增昂小民糶食維艱著照所請將前項糧石按所減價值分別派撥糶賣該署督務須嚴飭各屬實心經理俾市價日就平賤毋任胥役人等藉端滋弊○以故輔國將軍崇敬子哲豐降襲奉國將軍○己巳祭先蠶之神

皇后親詣行禮○工部左侍郎那彥寶等奏永定河南北兩岸及三角淀各處土隄自乾隆五十五年加培後迄今十有餘年日形卑薄且經上年異漲殘缺不可勝計今勘估應行加培各工共十八汛計長二萬七千一百餘丈加高二三尺至六七尺不等培厚一丈至三四丈不等現在廣募人夫次第興工惟經此次加培後若不豫定章程隨時修理仍恐風雨摧殘日久復致卑薄擬製單輪土車一

千輛計一車所運之土可抵三夫肩挑之數將來按工段之平險定車數之多寡每歲春融並伏秋汛後遇有浪窩水溝及殘缺之處即隨時運土填築奏入諭軍機大臣等那彥寶等奏籌辦永定河土隄加培事宜一摺永定河南北兩岸土隄急須修築除加高培厚之外亦別無辦法其所議現在興工及將來隨時修理各章程俱著照所奏辦理目下各隄既已陸續開工需用人夫已至二萬餘名若實在數用則已如尚可增添不妨再為雇募工次多一傭作之人即可少一飢民於要工賑務兩有裨益昨已降旨於大井地方增設飯廠一座所有盧溝橋原設之廠應於長新店之西南一帶另擇適中之地安設散放俾窮民分段就食不致擁聚方為妥協那彥寶即知會陳大文飭令西路同知遵照辦理將此諭令知之○勒保等奏報疊次痛勦陳自得一股賊匪殲擒殆盡又田朝貴追勦張

魏二逆及宋國品等連次斃賊多名得旨獎賚賞軍功譚升等頂帶出力兵勇銀牌○予陝西陣亡遊擊蘇維則祭葬加等世職如例馬兵焦忠孝祭葬世職如千總例四川湖北陝西甘肅陣亡護軍叅領德舒協領福珠祿佐領王君佑守備麻允光千總劉炯劉鐸把總李士傑馬雲龍朱先王武年王慶凱外委穆志雄徐士伏姚鳳張漢周天華傷亡千總汪餘祭葬世職武舉常登元祭葬前鋒色克京額等一百四十九名馬步兵方可成等四百五十名土守備銜王應保鄉勇龔明山等五十四名賞卹如例○戶部議准前任陝甘總督長麟疏報烏魯木齊蘆草溝所開墾地三十畝照例升科從之○免四川教匪滋擾之大寧太平廣元通江南江奉節巫山雲陽萬開東鄉蒼溪巴江北長壽達新寧忠鄧都墊江梁山太竹鄰水昭化閬中二十五廳州縣本年額賦有差並展緩梁山達昭化南部

閩中岳池江北浯合忠鄴都墊汧遂漢鹽亭
射洪蓬劍南充定遠十九廳州縣帶徵銀及
大寧太平廣元通江南江五州縣鹽茶稅銀
○是月西寧辦事大臣台布奏遵旨派兵設
卡保護蒙古番衆畏威斂戢不敢過河劫搶
並將卡內番帳設法驅逐得旨番衆既畏兵
威漸覺寧謐何必驅之太迫逐漸移出卡倫
足矣過一二年官兵民兵撤回為是責成青
海衆蒙古設兵自衛方為正辦○新授伊犁
將軍松筠謝恩請訓得旨公正居心廉明任
事寬猛相濟仁育義行訓兵宜勤法嚴令肅
切忌姑息亦勿剛愎自用能此數件自然福
被要荒新疆永定矣勉之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之九十四

[illegible]

歷代帝王廟。○諭內閣。據王德愛新泰等同
日奏到。拏獲聚衆結會冀圖謀叛之首夥各
犯。審明辦理一摺。臺灣地方。每有結會煽惑
之事。今該犯白啟等。膽敢復結小刀會。糾劫
滋事。均屬罪大惡極。經該鎮等訪聞後。立即
帶領兵役。拏獲首夥白啟等三十六犯。分別
凌遲斬梟。所辦尚為妥速。其自行投出之白
倫等四名。訊係被脅入夥。現既悔罪投首。自
應貸其一死。白倫林面林強蔡獻俱著發往

上詣

火神廟拈香。○還宮。○勒保奏報截剿張魏等股賊匪。殲斃首逆張添倫。魏學盛及偽元帥陳國珠等。得旨嘉獎。下部議敘。加總兵官田朝貴提督銜。賞花翎。外委李必榮等升賞有差。○戶部議准。前任陝甘總督長麟疏報。烏魯木齊塔西河所開墾地九十畝。照例升

料從之。○甲戌清明節。

上詣

壽皇殿行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。○命

皇次子

孝淑皇后殯宮。○遣官祭

端慧皇太子園寢。○諭內閣。前因提督衙門

奏盤獲偷竊倉米一案。稱靠倉城牆所生雜

樹。易於攀援上下。降旨令該管衙門即行芟

除。原專指近倉城牆樹株而言。並未將各城
牆樹木概行砍伐。所降諭旨甚明。乃提督衙
門咨會工部。將正陽門永定門等內外城牆
大小樹株。盡行砍鋸。並欲連根刨掘。黏修甃
塊。此又係明安器小易盈。遇事張大之明證。
今工部堂官奏稱。樹根與土脈相聯。應請停
止刨挖。其各城牆大小樹株。仍請全行砍伐。
亦屬非是。試思正陽等內九門。永定等外七
門。海墘排垛宇牆雜樹。共有一千五百餘株。

若概令紛紛砍伐。成何事體。且與前次諭旨
不符。此事仍交提督衙門。止將城牆靠近倉
庫一帶所生雜樹。易於攀援上下者。量為芟
除枝葉。亦無庸刨挖根株。餘俱不必砍伐。○
又諭長琇周元良奏。現在辦理飯廠。請將男
婦及老病人口。分廠領賑等語。采育地方所
設飯廠。飢民紛紛就食。若年老有病之人。同
赴一廠。恐未免擁擠不前。分廠給賑。所奏事
屬可行。至領賑男婦。其中本有夫妻父女母

子等相率偕來者。儻分設廠座。令男婦各自領賑。勢必概行分開。轉恐有遺失婦女幼孩等事。現在盧溝橋黃村東壩等處所設飯廠。俱未如此奏請。長琇等惟當督率地方官妥為經理。所有男女分廠給賑一節。不必行。○旌表守正捐軀雲南寧州民郭順妻楊氏。○乙亥。

上耕耤詣

先農壇行禮。更服至耤田所。

躬耕三推。復加一推。

御觀耕臺。命肅親王永錫。榮郡王綿億。寶郡王綿慶各五推。吏部左侍郎錢樾。戶部左侍郎英和。禮部右侍郎潘世恩。兵部右侍郎成書。刑部左侍郎祖之望。工部左侍郎劉躍雲。都察院左副都御史舒聘。通政使司副使廣興。大理寺卿孟邵各九推畢。順天府府尹率農夫終畝。賞資農夫耆老如例。○幸圓明園。○丙子。吳熊光奏報長齡帶兵追勦王。曾兩股。

賊匪射中首逆曾芝秀。斃賊多名。得旨嘉獎。長齡下部議敘。○以刑部左侍郎瑚圖靈阿。兵部右侍郎劉鏞之。知貢舉。禮部尚書紀昀。都察院左都御史熊枚為正考官。內閣學士玉麟戴均元為副考官。○免湖北被賊滋擾之鄖鄖西。房竹山。竹谿。保康。東湖。巴東。興山。歸襄陽。棗陽。南漳。穀城。宜城。均。長陽。長樂。來鳳。利川。咸豐。宣恩。荊門。遠安。當陽。鍾祥。枝江。宜都。隨州。感京山。江陵。光化。安陸。應城。應山。黃陂。蒲圻。崇陽。黃安。恩施。建始。四十二州縣。本年額賦有差。並展緩帶徵舊賦。○緩徵甘肅皋蘭。渭源。金靖遠。狄道。隴西。安定。會寧。岷通渭。漳西。和。伏羌。寧遠。平涼。靜寧。華亭。隆德。固原。莊浪。安化。寧。正寧。合水。環。秦。禮。清水。秦安。階。文。涇。靈。臺。崇信。鎮原。山。丹。東。樂。永昌。鎮番。古浪。平番。四十一廳州縣。並西固州。同沙。沱州。判。紅水縣。丞所屬上年旱災。及被旱之河鹽。茶。武威。西寧。碾伯。成。徽。兩當。八廳州縣。

三岔州判所屬本年春徵額賦○丁丑德楞泰奏報截勒線號賊匪殲斃首逆襲其堯生擒老教師李世漢李國珍等全股洗淨得旨獎資並賞出力兵勇銀牌○命刑部尚書德璘馳往霸州審案○補行嘉慶元年四年大計陝西卓異官十六員議敘如例○戊寅上啟鑒恭謁

西陵○詣

惠濟龍王廟拈香○閱永定河工○免蹕路

經過地方宛平縣次年額賦十分之五良鄉涿房山涑水易五州縣本年額賦十分之五○是日駐蹕黃新莊行宮○己卯諭內閣陳大文議奏旗地酌復租銀因冊檔殘缺無憑仍請勻攤減免一摺直隸旗租拖欠總以從前加增租額為詞今既加恩減免自應照依原加之數按冊酌減方為平允現據陳大文飭司查覆增租冊檔實已殘缺難稽無憑詳議若必欲令其分晰開報恐轉啟該州縣等

捏造之弊且旗地散處七十餘州縣僅另派部員會同地方官逐細履勘亦未免紛擾兼之曠日持久於租賦更得藉詞延宕所有豁免三次四次回贖民典奴典等三項酌復租銀十三萬三千八百二十九兩二錢三分一釐及續免之公產存退莊頭另案屯莊等五項酌復租銀二萬九千二百四十八兩七錢姑照該署督所請按額勻攤普減並著該署督轉飭藩司令地方官將八項地畝原徵銀若干此次減免銀若干於各戶所佃地畝詳悉註明限兩三月內開造細冊兩分一分報部察覈一分存司備案用昭覈實至冊檔殘缺微爛該州縣本有應得之咎但事閱多年人非一任姑免深究經此次清釐攤免之後陳大文務當嚴飭各屬年清年款如再有拖延或藉詞冊檔難稽致滋牽混惟該署督等是問○又諭從前行營扈從之都統副都統等所穿馬褂均係各按旗色原為所屬人等

易於辨識。今該員等多不按旗穿用。有失舊制。嗣後凡遇隨圍。除都統毋庸按旗穿用外。其未賞穿黃馬褂之副都統等。俱照舊制穿用。著為令。○是日。駐蹕半壁店行宮。○庚辰。諭內閣。京師五城。賑以三月二十日為止。但上年被水較重。現屆青黃不接之時。貧民艱於得食。自應再為展賑。以廣恩施。惟五城十廠分設。城內城外。刻下農務方殷。近郊一帶。力作者多。若仍令其進城領賑。道路紆遠。

轉有不便。著加恩將五城正副十廠併作五廠。均移至城外。廠內開放。俱展至四月二十日止。其盧溝橋黃村東壩米育大井等處飯廠。亦著一體展至四月二十日止。以示朕惠濟窮黎有加無已至意。○諭軍機大臣等。阮元奏乍浦汛口外委郎廷槐率同兵役盤獲盜船一隻。搜出私硝八百餘斤。並獲犯沈大庭。訊出私販硝斤。欲賣給海匪蔡章等情。盜匪在洋行劫。所得贓物。總須上岸銷售。况一

切食用之物。若非有奸民暗中接濟。盜匪必不能在洋面存身。是欲靖盜源。總在嚴查濟盜奸民。方為有裨。如售買硝磺。本干嚴禁。果能實力查拏。盜匪何從得有火藥。而糧米為口食所必需。若能禁止出洋。則盜夥立形飢窘。至上岸銷贓。必有一定處所。更當密為訪察。偵探蹤跡。自必易於擒捕。著傳諭該撫督飭近海各口岸地方營汛各官弁認真巡察。嚴拏濟盜奸民。務期絕跡。○是日。駐蹕秋瀾

行宮。○辛巳

孝賢純皇后忌辰。命

皇次子

祭

裕陵。○諭軍機大臣等。向來江浙等省漕務積弊已久。經朕節次降旨。整頓清釐。嘉慶四五年。有漕各州縣於徵收糧石。雖不能顆粒無浮。而從前加四加五加倍之弊。均已革除。正望從此漕政肅清。俾閭閻永沾實惠。乃近聞江蘇去年徵收新漕。蘇州府知府任兆炯

藉彌補虧空為名。於岳起王汝璧前極言清漕難辦。慫恿仍復陋規。岳起等初以為不可行。後竟受其簧惑。將蘇松等四府全漕。盡委任兆炯督辦。聽其更張。照舊加收。殊堪駭異。漕務係糧道專責。該撫自應交該糧道督率經理。若該道李奕疇不能勝任。即應奏明更換。何以將四府全漕。專委於向日聲名平常之任兆炯一人督辦。且該督等既以任兆炯請復陋規為不可行。何以不即參奏。轉復扶

同徇隱。以致該州縣等竟敢公然仍復陋規。毫無忌憚。而劣監刁生。藉此挾制取利。故智復萌。旗丁等見地方官加收糧石。亦欲多索兌費。任意勒措。百弊叢生。兩年以來。剔除漕弊。卹丁惠民之事。竟廢於一日。且該省藉口彌補虧空。縱令州縣恣意浮收。其實不過為肥己起見。陋規既復。則上司取之州縣。而州縣仍取之百姓。層層剝削。無非苦累吾民。即云江蘇地方倉庫尚有虧缺。現須籌補大小

官吏惟當屏除浮費。節儉自持。以期漸次補苴。豈有浮收漕糧。刻剝小民之理。此事不可不徹底查辦。以儆其餘。著交費淳。岳起各行明白回奏。並密為察訪。如以上所指各情節。一有確實。即行嚴參懲治。儻迴護瞻徇。稍有不實不盡。經朕另派大員前往查訪。訊出實情。費淳。岳起等不能辭咎矣。將此諭令知之。並命傳諭漕運總督鐵保一體訪查具奏。○是日。駐蹕梁格莊行宮。○壬午。

上恭謁

泰陵

泰東陵俱未至碑亭。即降輿。慟哭步入

隆恩門。詣

寶城前行禮。躬奠哀慟。王以下文武大臣官員。均隨行禮。○遣官祭賢良祠。○改鑄江西瑞州府管理水利兼管義寧州總捕。駐劄銅鼓營同知關防。從巡撫張誠基請也。○是日。迴鑾。駐蹕秋瀾行宮。○癸未。命翰林院侍講學

士汪廷珍提督安徽學政。○是日駐蹕半壁店行宮。○甲申諭內閣萬寧等奏放賑情形摺內稱清苑永清新城等縣差人到廠將領賑貧民領回數十人。在本處就食。萬寧等即飭令西路同知行文各州縣俱令照此辦理等語。所辦殊屬非是。盧溝橋等處設立飯廠原因附近各州縣貧民外出赴食者多。是以添廠給賑。用資口食。乃萬寧等以現在清苑等縣有差人領回本處貧民。輒欲令各州縣做照辦理。勢不能不僉派差役紛紛押送。竟與遞解人犯無異。況其中道路較遠地方。非一二日所能到途中必致乏食。而老弱疾病之人行走維艱。又有差役督催更難保無在途餓斃者。是驅之轉於溝壑矣。且各州縣所差人役豈能於本處飢民概行指識。彼此認領。徒滋紛擾。若各該州縣果能於本境內普徧散放。何致飢民出外就賑。是即使差人領回恐仍未必得食。此事斷不可行。除業經領

回貧民祇可聽其回籍外。其餘各州縣如尚未行文即應停止。若已經行文即速行撤回。萬寧等務當於領賑窮黎妥為散給。毋使一夫失所。將此諭令各處飯廠知之。○又諭陳大文奏請動款修築河間縣高家口漫子派令王念孫到彼督辦一摺。上年雨水盛漲河間縣高家口隄埵衝決之水自南而下灌注文安致積潦日久未消。自應亟為堵築以資捍禦。其應需工料銀三千九十五兩零著准於天津清河二道庫貯河淤地租銀兩內動撥。至原任永定河道王念孫係履勘原估之員。於該處情形自為熟悉。著那彥寶等飭令王念孫酌帶永定河歷辦埽工之河兵即赴河間會同地方官趕緊興工堵築務臻穩固。○禮部以宗室會試中額請得旨取中三名。○是日駐蹕黃新莊行宮。○乙酉改建江西豐城縣江岸石工二十五丈。從巡撫張誠基請也。○是日駐蹕潭柘行宮。

甲。並令各省駐防將軍副都統等亦一體辦理等語。所奏甚屬錯謬。我朝定鼎以來。兵丁等騎射精強。超邁千古。今雖較遜於前。然各營仍舊每日照例盡力操演。夫兵可百年不用。不可一日不備。朕深悉此情。是以嚴飭八旗各營將兵丁技藝。妥為操演。務期精銳。屢經訓諭。不啻再三。富俊豈不知之耶。至兵丁騎射。應以嫻熟命中為要。如能挽強固屬甚善。但人力不齊。豈可令衆人一律皆挽八力。

六力之弓。況設立八旗各營兵丁。其應當各項差使甚多。而伊等亦仰賴錢糧米石度日。今若定以限期。令前鋒護軍必執八力弓。親軍馬甲必執六力弓。僕隸限仍復不能。勢須紛紛革退。則各處官差責令何人充當。而兵丁等何以為生。彼時又由何處另挑能執硬弓之人。至所稱養育兵年。至二十改補步甲一節。亦屬非是。前因旗人內有無力養贍者。特增養育兵額。俾資餬口。其步甲不過看街

巡夜之人。其中旗下家奴甚多。豈可以滿洲正身使之充當。所奏俱斷不可行。富俊甚不曉事。著傳旨申飭。並著曉諭管理八旗各營大臣及各省將軍副都統等。務須體朕周卹兵丁之意。益加實心操練。以臻精銳。亦不可因有此旨。遂因循從事。致使兵丁弓力漸減。將此通諭知之。○諭軍機大臣等。本日據台費蔭徐績長琇等奏。飯廠放賑情形。各摺所開各飯廠領賑之人。自七八千至四五千。

不等。多係附近貧民。其外來者甚少。每日按照人數。均勻散給。俱極安靜。辦理均為妥協。因思萬寧等縣。放盧溝橋賑務。於一切散放章程。尚無不合。惟令西路同知行文各州縣。簽派差役。將外來領賑貧民。領回本籍。竟與遞解人犯無異。且沿途必致乏食。豈非驅令轉於溝壑。前已降旨。飭諭萬寧范鰲著再傳旨申飭。至現在各廠散給飯食。貧民等含哺鼓腹。僉稱較之伊等豐收年。分家中所食飯。

米更為適口。其歡欣感激。自屬實在情形。但愚民無知。恐恃官賑。可以常給。不思自謀。生計。及至屆期。停賑。轉不免口食無資。著各廠卿員。及五城御史。於四月初間。每日散賑時。即當將四月二十停賑之期。面為曉諭。並詳晰出示。以近畿一帶。上年被災較重。皇上恩施無已。除五城例設飯廠外。又於盧溝橋黃村。采育東壩。大井各處。添設五廠。又因現在青黃不接之時。奉旨將五城十廠。併作五廠。

俱移設城外。俾飢民得以就近領賑。並與盧溝橋等五廠一體。展至四月二十日停止。鴻慈稠疊。無以復加。但各廠所給官米。皆係倉儲本為廩祿兵糧之用。今皇上逾格施仁。賑貸窮黎。豈能頻頻接濟。況四月下旬。二麥將屆登場。易謀口食。爾等當早自為計。各圖生業。一屆四月二十。各廠俱一律停賑。斷不能再為展限。爾等切勿心存觀望。如此剗切曉示。俾貧民等早知停賑有期。自必陸續散歸。

也。○調山西太原鎮總兵官穆克登布為湖南永州鎮總兵官。以湖北竹山協副將李天林為太原鎮總兵官。○旌表守正捐軀河南睢州民張方成妻趙氏。○戊子。

上御演武廳閱健銳營操。○諭內閣。原任武清縣知縣朱杰。聞其平日居官聲名尚好。辦理放賑事宜。亦能認真出力。嗣因修船撥船貽誤。經倉場侍郎達慶等奏。奏曾降旨革職。前於召見熊枚時。據稱朱杰辦賑妥協。曾經保

奏。及在差次。面詢陳大文。亦稱該參員官聲素好。本日又據奏。稱行抵工次。有武清縣民百餘人。遠來具稟。請將朱杰免其離任。眾口同稱。好官難得。涕泗交流。情詞真切。其遲誤撥船之案。實因上年起卸天津米石。運通旋被凍阻。本年已趕修五百隻備用。又以接運北倉囤貯米石。致不敷豫東漕糧起撥之用。是其遲誤尚屬有因。現有該縣民人紛紛遠涉乞留。可見朱杰居官清正。能得民心。所有

前此革職之案著加恩改為革職留任○予故安徽巡撫荆道乾祭一次擇其子孫一人服闋後送部引見○己丑諭軍機大臣等常明奏審訊孫文煥濫用軍需錢糧朦混灑銷屬實一摺並將從前報銷之督撫司道局員等應行分賠銀數開單進呈據稱孫文煥前在軍營時節次經福康安提取賞號等件約計用銀二萬一千餘兩又張繼辛從總局交孫文煥送福康安銀十萬兩門包二千二百

兩俱難開列入冊灑在盤基坳臺站案內報銷等語福康安因軍營賞需提取銀二萬餘兩或實係彼時分賞兵丁至張繼辛交送銀十萬兩收用屬實自應請旨查辦乃竟不置一詞且於各員擬賠單內轉未將餽送福康安銀兩列入是常明至今猶存畏懼權要之見殊屬卑鄙不堪又此項灑帶冒銷係張繼辛一人主使何以祇令其分賠了事所有張繼辛名下應賠銀一萬一千五百八十餘兩

俱著落常明如數完繳並著行文湖南巡撫將張繼辛原籍家產嚴密查抄以抵款項至常明曾與孫文煥同辦軍需此案自係百齡查出常明不敢不據實奏奏自應迴避前經降旨令琅玕督同百齡張長庚審訊今常明於未奉此旨之前先行具奏將濫應餽送及主使冒銷等弊俱諉之已故之福康安張繼辛二人明係因事無對證有心推卸常明自問能無愧乎且一切支銷檔冊殘缺不全孫

文煥必更有抽匿浮冒情弊亦不得任其狡賴常明所奏恐有不實不盡之處必須徹底根查方可定讞常明著不必再行會審仍遵前旨著琅玕督同百齡張長庚辦理至琅玕所辦標標夷人一案如此時業已辦竣即赴貴州督同審訊儘一時不能到黔即令百齡會同張長庚先行詳細研鞫逐一根訊得實東明琅玕定擬具奏○補行嘉慶元年四年大計湖北卓異官十三員不謹官五員罷軟

官一員。年老官十員。有疾官一員。才力不及官二員。分別議敘處分如例。○庚寅

上還圓明園。○嚴禁有漕省分浮收折色。諭內閣各省徵收漕糧禁止折色。定例纂嚴朕親政以來。於漕務事宜大加整頓。期積弊漸就肅清。乃近聞有漕省分尚不免有浮收及得受漕規者是積習仍未悛改。並聞各州縣往往於開倉時逾額浮收。迫米數既足。遂私行折色。竟公然設局定價。並有於開倉之始即

先行折色。虛報滿廩。自用賤價買補於兌糧時兼有折兌之弊。而運員旗丁之指勒奸胥蠹吏之舞弊。劣矜刁民之把持。皆由此而起。其受累者惟在安分良民。以天庾正供。徒為不肖官吏紳士等牟利之途。蠹國病民。莫此為甚。著傳諭有漕省分各督撫督率司道等官嚴行查禁。嗣後州縣官徵收漕糧概以本色兌收。無得仍前私收折色。儻敢仍前弊混一經查出。即照枉法治罪。再聞州縣官於徵

收本色時往往以米色平常藉詞挑斥。即實係乾圓潔淨者亦必多方勒措。使花戶等守候需時。百端苦累。自不得不以折色改交。此次申諭之後。伊等或又陽奉陰違。於本色收倉時故意留難刁頑。以為需索地步。此風尤不可長。並著該督撫等嚴行查察。既不得改收折色。亦不得於本色遇事苛求。違者嚴叅治罪。若該督撫不能實力訪查。甚或有意瞻徇。經朕察出。或被入叅奏。必將該督撫等一

併懲治。決不寬貸。○旌表守正捐軀安嶽額上縣民駱士元妻劉氏。○辛卯諭內閣。前因勒保奏。川省各州縣民人誼切同仇。情願續輸津貼銀兩。以備賞需之用。甚屬急公可嘉。當即降旨令勒保查照上年恩旨。再將應徵地丁錢糧奏請分別蠲免。該省民人倡議續捐之時。勒保若先行具奏請旨。朕必不允所奏。因民人等業已續捐。自不得不俯如所請。現據勒保覆奏辦理津貼各州縣分別銀數

多寡並蠲免分數開列清單進呈。著照單開各屬所有此次捐輸津貼銀兩較多之溫江新繁郫灌彭崇寧崇慶什邡仁壽安綿竹宜賓富順南溪永川江津榮昌秦江南川銅梁大足璧山三臺中江遂寧樂至安岳眉捷為榮威遠大邑瀘等三十三州縣著加恩蠲免地丁十分之三。其華陽簡漢資內江資陽井研慶符長寧高筠連興文屏山敘永巴射洪鹽亭蓬溪彭山丹棱青神樂山義眉洪雅夾江邛蒲江合江雅安天全名山榮經等三十三廳州縣著加恩蠲免地丁十分之二。成都雙流金堂新都綿德陽馬邊珙隆昌永寧新津合西陽秀山黔江彭水石柱江油渠彰明營山蘆山岳池鹽源會理等二十五廳州縣著加恩蠲免地丁十分之一。以示獎勵。單併發至川省辦理軍務經朕節次頒發帑銀源源接濟。原可無藉民力。現在大功將次告竣。一切善後需用之項均屬充裕。除此次

續輸津貼銀兩業已加恩分別蠲免外。嗣後該省民人無庸復請捐輸。並不得再有津貼名目。該督應飭令地方官一體凜遵。毋得藉端滋擾。○諭軍機大臣等。白號張姓股匪敗殘奔竄。此次復經德楞泰勒保分投截擊。殲擒數百名。所辦皆好。現在川省餘匪不過二千餘人。德楞泰與勒保會商。將川省應辦事宜交付勒保。德楞泰即赴楚協勦。所見甚是。前因楚省賊數較多。曾諭令德楞泰於勦辦川東賊匪將次完竣時。酌量情形。前赴湖北協同勦捕。今德楞泰未經接奉諭旨。見川省餘賊無多。既能統籌全局。無分畛域。且並不拘泥前次分界督勦之旨。帶兵過楚。正與朕意相合。深得大臣公忠體國之道。殊屬可嘉。現在湖北冉井二逆尚在興山歸州一帶游奕。德楞泰自川赴楚。必由該處經過。即當順道先將二逆剿淨。再赴竹谿一帶協勦樊佳王曾等逆。楚省賊匪中樊人傑為積年老教。

最為狡惡務須上緊設法將該匪速就殲除
餘匪自可漸次廓清可消伏而未起之患
賽冲阿在川剿捕既屬得力自當仍令帶領原
兵歸德楞泰一路赴楚至川省搜捕事宜俱
係勒保專責毋論川東川北何處有賊皆當
上緊殲除將此傳諭知之○又諭琅玕奏籌
辦標匪情形並節次打仗各摺覽奏俱悉標
匪本徼外野夷搶掠滋擾不過烏合之衆無
難速為辦理今據琅玕分飭文武員弁在各

要隘處所巡查防禦布置皆尚妥協惟現因
兵力不敷業經飛調兵練到彼協勦琅玕一
俟兵練到齊即當督率員弁迅速進剿或設
法分抄後路一鼓擒渠務將恒乍綳瓦怒念
谷諸首逆拏獲辦理或該匪能將首逆等縛
獻投誠亦可酌量完結總在剋期速辦使野
夷知所畏懼庶可永靖邊隅再家標標及二
教喇嘛本與標匪接壤素相往來今恒乍綳
等打鼓念經乘機勾結難保其不與附合琅

玕當多張告示諭以現在野標標滋事爾等
惟當各守寨落安分守法慎勿聽信其言為
所淆惑設有附和勾結之事即日官兵痛剿
玉石俱焚彼時悔之無及如此明白曉諭庶
不致為其煽誘辦理較易完結但一切情形
總當據實直陳不得蹈欺誑積習致干咎戾
將此傳諭知之○撥浙江商捐銀四十萬兩
解往陝西以備善後事宜之用○免直隸鹽
山慶雲二縣並嚴鎮場被水竈地額徵銀十

分之一餘分別緩徵有差○壬辰諭內閣常
明奏請將滇銅歸滇省迤東道承運徑交鎮
雄州接運一摺向來滇銅係由尋甸州起運
經過黔省威寧州屬地方交鎮雄州轉運至
四川瀘州水次交兌嗣經改由黔省威寧州
接運今既據奏稱該州赴滇省請領運費往
返需時諸多不便著照所請改歸滇省迤東
道承運徑交鎮雄州接運以昭簡易○又諭
戶部尚書員缺著祿康補授現在戶部堂官

多有在內廷行走者。不能每日進署。祿康係步軍統領。例應輪班在圓明園值宿。今既補授戶部尚書。著不必在園輪值。俾得時常進署辦理部務。諭軍機大臣等。戶部議駁延豐奏請銑銷辛酉綱正引。並將未銷積引分限帶銷一摺。已依議行矣。兩浙鹽引。自乾隆五十八年查明節年積壓一百二十餘萬道。經部議准銑銷七十萬道。其餘五十餘萬道。飭令於一二年內埽數全銷。該鹽政等自應實力疏銷。以清積滯。乃距今已及十年。尚有未銷引三十八萬餘道。可見歷任鹽政並不妥為調劑。上緊趨銷。實難辭墮誤之咎。況辛酉綱引。例於年底奏銷。今甫經開綱。該鹽政遽將本年鹽引先請銑銷。復將應徵課項分作八年之久。是節年來循例奏銷。竟成虛設。而所謂先課後鹽者。亦不可信。前據延豐奏兩浙商人續請捐輸。似商力尚屬裕如。今於現年引目。猶不能循例行銷。與其例外輸將。

何如將引課實心經理。俾得年清年款。又何用為此報効虛辭。轉將正課及帶銷積引銑銷展限。豈不實辦公之道乎。况捐輸款項。仍係運庫墊發。尚須分年帶繳。又為將來藉口。積壓地步。殊屬無謂。延豐著傳旨申飭。該鹽政務當趕緊悉心籌辦。督令商人將本年正引及節年積引。設法疏銷。毋得再有稽滯致干咎戾。將此傳諭知之。○贈故戶部尚書成德太子少保。予祭葬。謚恪慎。○戶部議准。四

川總督勒保。疏報酉陽州開墾田十頃三十畝。有奇。照例升科。從之。○癸巳。

上御勤政殿聽政。○以詹事府少詹事鶴林為光祿寺卿。○調正白旗漢軍都統德琰為鑲藍旗滿洲都統。以理藩院尚書博興兼正白旗漢軍都統。○甲午。諭內閣。向來四五品京堂內。其內閣侍讀學士鴻臚寺少卿二缺。輪值各部郎中等升用時。例由各該堂官保送各一員。交吏部帶領引見。聽候簡放。後經改

為題本開列請簡既由吏部開列自應按照各該員食俸之年分別先後開單進呈朕簡放時於單內所開各司員平日居官賢否豈能深悉自不得不循資錄用但此等歷俸年久未經升擢之員或祇係循分供職未必盡皆出色甚或闕茸無能涸跡郎署亦未可定一旦擢用卿員升轉有階可冀洵至大僚何以仰副任使嗣後遇有內閣侍讀學士鴻臚寺少卿缺出輪應將司員開列請簡時吏部

先期知照各衙門將應行開列之員由各堂官公同出具切實考語及京察等第年歲若干咨送吏部彙齊後於單內詳悉登註隨本進呈候朕簡放各堂官等務須秉公甄覈據實填註若所註考語本優經朕簡放後察其人才具實在平常者惟原保之該堂官是問○又諭京師五城地方煮賑原於城內城外分設十廠嗣經降旨展賑時慮及近郊一帶農務方殷若令力作貧民進城領賑道路未

免紆遠是以命將五城正副十廠併作五廠在於城外安設今據祿康等查明五廠領賑人數開單具奏朕詳加檢閱自併廠以後較前分設十廠時人數少至一半自因城內老弱貧民又以城外路遠不能前往領賑殊為惻念因命軍機大臣傳到五城御史面行詢問該御史等果稱連日領賑俱係城外原領貧民並無由城內赴領者等語現在施恩展賑原因青黃不接俾災黎得資飽腹自應令

京城內外貧民一律齊霑實惠併廠之旨係朕誤降以致城內貧民忍飢數日朕從來不憚改過著仍於城內改回二廠責成該御史等妥速經理勿使一夫失所○乙未諭軍機大臣等向年泰山進香於御前侍衛乾清門侍衛內派出一人前往朕思此項人員由內廷派出或不免有騷擾驛站之事此次著內務府仍照舊例揀派司官一員將應用香供齋至山東省城交與巡撫接領於撫藩二人

內酌量一人親詣泰山於四月十八日致祭該司員交明香火後即行回京嗣後泰山進香俱照此例辦理○京口副都統阿玉什緣事革職調正藍旗漢軍副都統田國榮為京口副都統以副都統銜明亮為正藍旗漢軍副都統○以福建臺灣協水師副將張見升為福寧鎮總兵官○丙申諭內閣據蘊端多爾濟等奏勦辦逆匪指日大功告竣所用牧場馬匹應如數補足且本年進哨需用馬匹

較多據土謝圖汗車登多爾濟車臣汗瑪哈錫哩及哲布尊丹巴呼圖克圖請各進馬一千匹備用一摺車登多爾濟瑪哈錫哩及哲布尊丹巴呼圖克圖等累世遊牧安居樂業馬匹牲畜滋生繁庶今感戴朕恩請各進馬千匹殊屬可嘉惟是車登多爾濟等皆資牲畜為生哲布尊丹巴呼圖克圖乃出家之人伊之牲畜皆係衆人布施若照數全收不足以示體卹著將車登多爾濟瑪哈錫哩等二

部落所進馬各賞收五百匹哲布尊丹巴呼圖克圖所進馬賞收三百匹即照蘊端多爾濟等所奏派員於八月初旬送至達哩岡愛牧場地方交觀明等以備需用所有賞哲布尊丹巴呼圖克圖黃哈達一條蘊端多爾濟等接到時著即賞給其車登多爾濟等及哲布尊丹巴呼圖克圖應如何加恩賞賚之處著理藩院議奏○諭軍機大臣等台費蔭等奏詳查領賑貧民名口請酌給錢文俾資回

籍一摺此事斷不可行各飯廠領賑貧民人數繁多其附近居民及外來就食之人安能一一詳細區別周知其姓氏籍貫即每日放飯已不能詳加辨識若散給錢文必有今日領錢明日又詭捏籍貫變易姓名重來支領者又豈能逐一稽查必無舛誤且適滋胥役等藉詞稽查擾及貧民之弊雖應博施濟衆寧濫無遺然亦須有節制勿啓影射冒領之漸該卿員等當遵照前旨早行出示並面行

曉諭以現在展賑係格外恩施。四月二十日即應停止。目下天氣和暖。二麥將屆登場。爾等當早自為計。歸家務農。一屆停止之期。斷不能再為展限。爾等母恃有官賑。希圖觀望。自誤生業。如此剴切示諭。貧民等自必陸續散歸。近日因城外飯廠。貧民足資口食。慮及城內貧民路遠。難以赴賑。復降旨於城內改回二廠。該鄉員及御史等。惟當妥為經理。務使老弱病民。均得人人領食。勿致擁擠不前。

稍有向隅。將此各諭令知之。○禮部以會試中額請得旨。滿洲取中七名。蒙古取中二名。漢軍取中三名。奉天取中一名。直隸取中二名。十三名。山東取中十七名。河南取中十二名。山西取中十二名。陝甘取中十一名。江蘇取中二十名。安徽取中十四名。浙江取中二十三名。江西取中二十名。湖北取中十一名。湖南取中九名。福建取中十六名。廣東取中十二名。廣西取中六名。四川取中九名。貴州取

中七名。雲南取中十名。○刑部議覆升任山東巡撫惠齡疏稱。民人齊月先強姦張自重之母。未成。被張自重毆傷身死。照例擬絞。聲請留養。得旨。此案張自重因齊月先強姦伊母李氏。經李氏抵拒喊叫。齊月先跑走。後李氏向伊子張自重哭訴。張自重氣忿。攜取棒槌趕往毆打。齊月先致傷膝肋骨折。越二十七日殞命。該撫將該犯援照新例擬絞。監候聲請留養。具題刑部。照擬覈覆。固屬按例辦理。但細閱案情。張自重因親母被辱。向其哭訴。為人子者。自當激於義忿。趕往毆打。較之本夫捉姦。其情更為急切。且該犯趕毆時。所攜祇係棒槌。並非金刃兇器。覈其致死之由。實與教母情切者無異。若竟按殺非登時照擅殺例擬絞。於情罪究未允。協張自重著仍照舊例改為杖一百。徒三年。該犯係孀婦。獨子。准其照例留養。嗣後凡遇此等情節案件。俱著照此覈辦。○福建水師提督蒼保因病

乞假允之以福建海壇鎮總兵官倪定得為
水師提督廣東順德協副將孫大剛為海壇
鎮總兵官○改鑄湖南提督總兵官印湖南
提督總兵標下中軍駐劄辰州湖南提標左
營遊擊分防浦市湖南提標左營中軍守備
關防從總督吳熊光請也○予四川陣亡把
總張仰祭葬加等世職如例遊擊哈國瓏都
司耿貴和把總康調元汪榮張恩錫外委高
欽選劉士元張君太熊泰楊義德傷亡守備

實錄卷七十五

五十五

邱榮升千總雷英勝陳鵬舉祭葬世職武舉
周印平武生龔正海祭葬前鋒哈朗阿等五
十一名額外委童均馬步兵張成福等二
百三十一名鄉勇高文虎等五百六十三名
屯土兵甲木楚等五十六名追賊淹斃馬兵
謝福等七名湖北陣亡前鋒音德布等七名
馬步兵黃開德等五百四十名鄉勇騰自龍
等二十名淹斃步兵張廷賢等三名賞卹如
例○旌表守正捐軀廣西陽朔縣民趙興奉

妄廖氏○丁酉諭內閣吉慶瑚圖禮奏請將
海陽潮陽揭陽饒平等縣四缺不拘年限揀
員調署等語殊屬非是向來外省督撫往往
因州縣員缺緊要將與例未符人員專摺奏
請升調有發交部議經部臣照例指駁而朕
仍准所請並將該督撫處分寬免者亦有不
交部議當即降旨准行者此朕隨時斟酌並
非著為成例若如吉慶等所奏遇有海陽等
四縣缺出輒將年限未符人員保題調署紛
更舊例又安用吏部為耶且各省州縣皆有
要缺儻俱照粵東紛紛陳請是各州縣升遷
調補督撫等皆可任情更易適足開倖進之
階吉慶瑚圖禮所奏不可行並著傳旨申飭
至所奏陸豐縣甲子司地方僅有巡檢一員
濱臨海洋地廣民稠稽察難周請將惠州府
糧捕通判移駐該處著照所請行○調京口
副都統田國榮為江寧副都統江寧副都統
賡音蘇為京口副都統○戊戌

實錄卷七十五

五十五

上詣

黑龍潭神祠拈香○諭內閣前因江蘇徵收新漕各州縣仍照舊浮收曾經降旨特交費淳岳起鐵保等密為查訪嚴叅具奏茲據鐵保奏稱查有松江府屬奉賢等縣收兌漕糧較前年格外加增外聞實有議論等語可見朕前此所聞該省各州縣逾額加收竟係實有其事朕於漕政事宜節次大加整頓四五兩年地方官尚不敢肆意浮收方冀積弊漸

實錄卷九十七

七

就肅清乃去年將蘇松常鎮等四府全漕盡委之任兆炯以致運員旗丁多方勒指種種弊端由茲而起現既查出松屬奉賢等縣實係格外加收自應徹底根究著交費淳岳起嚴訊確情按例懲辦不得稍涉迴護倘縱知府任兆炯著即解任質審聞該員現已俸滿赴京即令該部押回交費淳岳起提集案內人證秉公嚴鞫治以應得之罪所有鐵保因不能約束旗丁藉端勒索自請嚴議之處俟

全案審結時再降諭旨○己亥諭軍機大臣等歸巴巫山等處有黃白青等號賊股約三千餘人又有藍號一股約二千餘人相距江岸均不甚遠川楚邊界犬牙相錯在在毘連賊匪朝川暮楚原無定向在川即為川匪在楚即為楚匪德楞泰身為叅贊斷不可心存畛域現在既由水路順流而下抄出賊東自應遇賊即剿先清江岸帶領勝兵赴楚協剿俾楚境一律肅清於膺懋賞將此傳諭知之

實錄卷九十七

十五

○緩徵直隸昌平定興望都高陽滿城故城武清寧河順義東安寶坻永清清苑安肅雄容城新安安新城肅寧景獻天津青靜海正定新樂藁城趙柏鄉定大興涿房山良鄉霸保定大城河間任邱新河寧晉隆平四十三州縣上年水災新舊額賦及各項旗租○旌表守正捐軀河南虞城縣民趙三妻余氏○庚子撥江西藩庫銀十萬兩解往湖北以備善後事宜之用○是月協辦大學士兩廣總

五十六

清實錄
嘉慶七年四月

[illegible]

嘉慶七年壬戌夏四月辛丑朔享

二八七

諒已完竣何得復將瑣屑私情執行瀆奏且又稱江寧現無緊要事件大屬非是國家設官各有應辦之事一經簡任職守攸專若遲一日赴任即一日之官守虛懸今田國榮未經赴任已存急忽之見不以公事為重又安望其莅官後匪勉辦公耶及經朕訓飭之後伊又云於初三日即當遵旨起程可見伊並非不能剋日起行不過藉此滯留耳近來簡放人員每有以依戀闕廷虛詞奏請或又以懇求埽墓多住數日者均非敬事急公之道嗣後滿漢文武大員簡放之後雖不必定以限期亦須兩三日即行請訓請訓後總當迅速起程赴任毋得藉詞濡滯致曠職守再田國榮原任散秩大臣簡放副都統後例應開缺日前伊謝恩時面求賞帶散秩大臣銜其意不過以兼銜後仍可戴用花翎實屬取巧田國榮著革退散秩大臣不准戴用花翎著於一兩日內即行起程赴任並將此通諭知

之○又諭蘇寧阿等奏寧夏滿兵糧餉請仍照舊例支給一摺此事姜開陽條奏時朕即以爲難行因交新疆將軍大臣及陝甘總督等查奏昨據保寧興奎及惠齡等奏到均以爲於兵丁生計有礙已降旨將新疆等處糧餉令仍照舊辦理矣兵丁應得糧石向來酌給折色原因各該處糧價較賤俾兵丁得資羨餘行之日久若改支本色不但伊等生計頓形拮据且支放本色過多邊儲或因之缺少更屬非計嗣後內地及新疆兵丁糧餉應支折色者均著照舊例支給俾兵食倉儲兩有裨益○以翰林院侍講學士書明阿左春坊左庶子王宗誠充日講起居注官○壬寅諭內閣此案孫才與藥王廟住持道士劉一成以口角微嫌輒敢起意放火延燒廟宇欲圖洩忿致將廟內所貯寶花焚燬實屬不法但該犯放火時若果明知此項存貯寶花係供獻

各陵所用有意然燒希圖陷劉一成於重辟是則法無可貸即照擬予以立決亦屬罪所應得今細閱案情該犯因劉一成有廟住持意在焚燒廟宇使之無處棲身尚無有心陷害情事且尋常廟宇內佛前亦有花供該犯並不知係供獻

山陵所用不過因一時洩忿起見覈其情節尚有一線可原孫才著從寬免其即行正法即照本律應斬監候秋後處決仍入於本年秋

審情實以示法外施仁至意○諭軍機大臣等琅玕奏節次打仗並籌辦後路各事宜一摺探匪聞知官兵進剿於各山隘多設樁木滾石抵拒並敢設計撲城邀截糧路以圖分官兵之勢其情節甚為可惡看來必須大加懲創方能使其震懾琅玕現在廣為曉諭散其勾結並安設營卡遏其旁竄之路一俟兵練調齊即督率鎮將相機攻剿自可迅速肅清賊目中如恒乍綳腊者布二逆情罪重大

必應於擒獲後凌遲處死即或此時夷人已將該二逆縛獻而賊黨內有主使之漢奸逆匪從中播弄者仍應嚴拏重懲總須趁此兵練齊集之時實力勦辦使附近各山寨獠獍深知畏懼不敢再滋事端方能寧輯邊隅為一勞永逸之計不可草率了事琅玕於何日進兵即將勦辦情形迅速馳奏以慰廑注滇省距京較遠一切軍營奏報惟當據實直陳不可稍有粉飾為要將此諭令知之○署直

隸總督陳大文因疾乞解任允之命都察院左都御史現充會試正考官熊枚先行出闈署直隸總督○以遣戍伊犁已革陝甘總督宜綿年老釋令回旗○旌表守正捐軀順天宛平縣民謝十兒妻喬氏○癸卯

上御閱武樓閱八旗火器營操○甲辰

上還宮○增設秦博士伏勝後裔五經博士一員以六十五代孫敬祖承襲○予陝西湖北四川勦捕賊匪節次陣亡遊擊台清阿把總

趙申祭葬加等世職如例副將海洪阿鮑貴
遊擊廣亮都司景坤李生瑞高懋守備穆克
登布孫佑千總車定國姜雲鸞范銀李攀龍
田有李清柱譚道德張乃喜彭繼魯李孟得
尉年登把總張廷魁李振西高興榮徐保善
梁俊士趙仁康馬旺羅喜劉喜馬金玉馮訓
師舉蒯漢基張成董瑞賀永清外委王兆瑞
党元李丕吉王士芳秦朝元李貴潘汝桂孟
奎李騰龍陳章李洪友謝倫邦趙富典閣起

天於

園丘自是日始齋戒三日○乙巳諭內閣御史
王祖武奏部屬中書學正等官員缺壅滯請
將新進士多用庶吉士及知縣一摺朕因近
科以來中式進士分部學習及用中書學正

學錄者較多一時補缺不無壅擠思欲量為
疏通近日召見廷臣詢問及此大臣中多有
以此為言朕並將本科新進士欲多用庶常
知縣酌加調劑之處向廷臣面為宣露而本
日御史王祖武即以此條奏必係廷臣中宣
布於外伊有所探聞得知朕有此意因作為
已見形之章奏既可仰邀允准又可為士子
見好地步殊屬取巧邀譽且向來科場年分
例不准條陳科場事宜該御史於本科會試

榜發屆期輒陳請疏通仕路顯違例禁王祖
武著交部察議○諭軍機大臣等據費淳岳
起同日覆奏上年江蘇省徵收漕糧情形等
摺朕詳加披閱其意總以江省有漕各州縣
徵收時不能顆粒無浮者實為彌補虧空起
見該省即有虧項自應屏除浮費撙節補苴
原不得藉此為名於收兌漕糧任意加增致
閭閻有所腴削但此項漕餘各地方官如果
實係歸補積年虧空尚屬因公與私肥囊橐

者有聞現在有漕省分亦有如此酌量籌補者然何以外閒並無物議而獨於江省嘖有煩言可見該省竟藉口彌補虧空其中不肖州縣實不免以所得贏餘恣其侵蝕中飽即云各屬將漕餘解交歸公以朕所聞江省原有提取三十萬兩彌補虧欠之議而岳起片稱清查以後追補銀五萬餘兩外現又陸續解交銀十萬餘兩是否即在提取三十萬之內該省虧空究有若干何時方可彌補完竣

焉有任聽州縣以彌補為名肆意浮收年復一年總無補足之期是借彌補之名巧歸私家與冒賑何異耶至岳起摺內稱漕船實在疲丁若不畧為津潤誠恐遷延水次所關匪細等語旗丁津貼款項自蔣兆奎鐵保任漕督以來先後奏請調劑經朕節次加恩每船准多帶土宜並劃給曬曬米石撥給漕費錢文多方接濟不一而足是丁力已屬寬裕如各該州縣果無浮收積弊則旗丁等於嘉慶

四五年均照新定章程妥速辦理又何敢向州縣借詞勒指乎至該督等所稱有較往年多收一二成不等之處諒必不止此數即如松江奉賢等縣多有浮收此次該督等摺內並未見指名奏近又聞蘇太等屬比上年亦有加增大概總在加二以上何以費淳等竟毫無聞見在費淳岳起平日居官廉潔朕所深知但屬員則未必皆然若大法而小不廉於事何益乃岳起摺內有不但可以自

信並可信人之語是不免為人所愚弄矣看來伊等此次所奏情節仍係輕聽屬員之言被其朦混現在費淳業已前赴蘇松一帶查閱營伍著即會同岳起遵照前旨將浮收最多縣分徹底嚴查並此外各州縣等稍有浮收之處亦應一體查究如有私肥入己情事即據實參辦不得稍有徇縱自干咎戾至知府任兆炯雖據該督撫奏稱公同酌委彈壓稽查並非令其督辦全省漕務但該員向日

聲名平常仍著費淳岳起等查明如果有別項劣蹟即行叅奏儻有心瞻徇別經發覺恐該督撫不能當其咎也所有岳起自請交部議處之處俟全案審結時再降諭旨將此諭令知之○丙午

上詣

南郊齋宮齋宿○丁未常雩祀

天於

圓丘

上親詣行禮○幸圓明園○戊申轉兵部右侍郎成書為左侍郎以署吏部左侍郎長麟為兵部右侍郎兼鑲白旗滿洲副都統仍署吏部左侍郎○以河南巡撫顏檢帶兵部侍郎銜署直隸總督調湖南巡撫馬慧裕為河南巡撫以兵部左侍郎高杞為湖南巡撫○庚戌

上御勤政殿聽政○以翰林院侍讀學士榮麟為詹事府詹事○賞會試年老舉人李東耀

等一百八十名司業編修檢討助教學正職銜有差○壬子以故扎嚕特貝勒噶勒桑子甘珠爾扎布襲爵○以杭州將軍普福為都察院左都御史兼鑲藍旗蒙古都統調荊州將軍弘豐為杭州將軍以正藍旗滿洲副都統積拉堪為荊州將軍正黃旗護軍統領德麟為右翼前鋒統領調正藍旗護軍統領丹巴多爾濟為正黃旗護軍統領以正藍旗蒙古副都統巴特瑪為正藍旗護軍統領調正藍旗漢軍副都統明亮為正藍旗滿洲副都統以內閣學士廣泰兼正藍旗漢軍副都統○戶部議准福建巡撫汪志伊疏報侯官縣開墾田三畝有奇照例升科從之○癸丑諭內閣京師五城分廠煮賑向以三月二十日為止前因上年被水較重當青黃不接之時貧民艱於得食就賑者多是以降旨令於盧溝橋等處添設五廠復經加恩展賑一月至本月二十日停止近據各廠監賑卿員等奏

到各該處外來貧民因農務興作陸續回家領飯之人較前日減自係實在情形但前此酌定停賑日期原以四月中旬以後新麥將次登場窮民易於謀食無待官為賑給近日以來雨澤愆期土脈稍形乾燥恐減麥收分數即日敬當設壇祈禱叩顙

吳恩以期速沛甘膏慰茲農望而於加惠貧民之舉轉行停徹朕心實有不忍除續添之盧溝橋黃村東壩采育大井五廠本係例外增

設毋庸再展外其五城內外原設各廠著加恩再行展賑不拘日期總俟至甘霖大沛之後彼時酌量情形再行奏請停止該御史等其妥為經理以副朕軫念民艱恩施格外至意○甲寅

上幸靜明園詰

龍神廟拈香○勒保奏查明職擒首逆張添倫等出力人員賞遊擊王忠桂花翎鄉勇賀天貴等藍翎○撥河南藩庫銀二十萬兩解

往陝西為寧陝鎮建造營汛兵房之用○免直隸旗租積欠銀○乙卯以左春坊左庶子唐泰充日講起居注官○旌表守正捐軀江西瀘溪縣民席子正妻徐氏守正被戕四川名山縣民彭學畛妻楊氏○丙辰諭內閣蘇寧阿奏請暫辦甘肅提督事務俟卸事後再接署寧夏將軍印務一摺現在寧夏將軍有雙喜在彼護理毋庸再行更替蘇寧阿著專署甘肅提督印篆俟楊遇春剿賊完竣赴提

督之任蘇寧阿即交代來京聽候簡用○諭軍機大臣等琅玕奏派兵各處搜剿探匪肅清後路夥黨以備進剿一摺此次琅玕探得維西附近勦散之賊一半由山後潛赴康普與恒乍綢腊者布二逆助惡拒守一半折回樹苗吉尾一路乘空燒搶當經飭令永明宋御等帶領兵勇擊殺多人其山內藏匿之賊亦經日逐搜捕後路可漸肅清所辦尚好惟恒乍綢腊者布二人盤踞康普恃險負隅並

勾結江內江外獠獠蔓延滋擾情罪重大必當上緊勦辦此時該二逆隨從不過二千餘人琅玕一俟續調之兵齊集後即當分路進攻務將恒乍緬腊者布二人擒戮以快人心而靖邊圉至其餘附和夷人及各寨中伏而未動者據摺內稱近因屢被官兵勦殺已知恒乍緬從前不怕鎗礮之言盡屬虛誑大半逃散且有曾經順賊之獠獠據控各寨潛出投營情願助力殺賊等語琅玕正當趁此機

會設法解散並廣為曉諭以恒乍緬腊者布二人糾衆肆擾罪在不赦爾等俱係邊境夷民自應各安生業何苦聽從該逆煽誘自取滅亡現在維西附從夷人經官兵節次勦殺甚多是恒乍緬不怕鎗礮之言虛誑已見將來大兵進勦指日殄除爾等玉石不分噬臍何及不如及早悔悟保全身家如能助力殺賊或擒獻首逆必當奏明重加恩賞似此剴切曉諭不但現在從逆之人可以解散並附

近夷寨有伏而未動者亦可自消反側至所稱牯獠夷人喃珠將家存米麵牛羊呈送軍營謝勞被賊匪搶去並將喃珠綑縛經官兵救出賞給銀牌以示鼓勵等語夷人喃珠因官兵在彼駐防心存感激將食物謝勞兵丁致被賊匪搶擾其忱悃實屬可嘉琅玕僅賞給銀牌不足以示獎勵喃珠著賞給金頂藍翎又賊匪頭目念谷帶同家施腊泥興黑茸三人前往拖頂夷寨糾約入夥經該處夷人

假意順從款留酒飯密報官兵將念谷等拏獲殊屬可嘉亦應優加獎賞著琅玕查明出力夷人一二名賞給頂帶藍翎總之此等夷人見利易動如能自行解散或竟有殺賊立功者該督即當一面奏聞一面賞給翎頂俾知踴躍儻仍怙惡不悛則當痛加勦殺使之知所畏懼如此恩威並濟庶可易於集事至另片奏維西現辦軍務請自石鼓站作為出口即照出口之例辦理一節向來軍需則例

口內口外各有一定章程。若實係內地地方。僅以村寨稀少。山路崎嶇。難於供運。為詞。即欲照出口之例辦理。此端一開。外省偶有用兵之處。皆將援以為例。此時若交部議。部臣必照例指駁。況該省跬步皆山。又何以分別口內口外乎。所奏不可行。琅玕惟當將獠獍夷匪。趕緊勦竣。俟將來報銷時。據實聲明。候朕揆度情形。再行覈辦可也。將此諭令知之。○又諭本日據琅玕奏。江外獠匪竄入威遠。

廳屬搶掠滋擾一摺。從前獠黑滋事時。節經官兵勦撫兼施。籌辦完結。此次復敢糾合匪衆二三千人。在威遠之猛撒江踰淺偷渡。肆行焚掠。經總兵書成等帶兵追捕。逃出江外者有千餘人。尚有一千餘人潛匿巖洞窺伺。應即上緊勦辦。提督烏大經著即速赴普洱一帶統領弁兵。將江內竄擾之賊痛加勦殺。俾夷匪等知所懲創。其業經逃出江外之賊。自不值動勞師旅深入窮追。至訊據獲賊供。

出賊首楊金羅小二兩名。想係漢奸從中主使。實為可惡。亟須設法擒獲。或即曉諭獠夷等將賊首及早獻出。免致株連。更可迅速集事。烏大經馳赴該處。總須於瘴氣未盛以前。趕緊籌辦。剋日蕝事綏靖邊陲。一有捷音。該提督即自行由驛具奏。以慰廑注。將此諭令知之。○丁巳。

孝端文皇后忌辰遣官祭

昭陵○分保定滄州霸州寶坻良鄉雄縣固安

東安采育九處駐防官兵為左右翼各設稽察大臣一員。旌表守正捐軀安徽宿州民張得妻鄒氏。再減直隸平糶米麥等項價值。從署總督熊枚請也。○戊午諭內閣據唐勛大臣將本科會試中式覆勘應議試卷黏簽進呈。內二百二十四名龔正調一卷簽出文義疵謬詩句粗鄙數處。且字畫訛誤甚多。首篇半係錄舊其素不能文已屬顯然。前此鄉試取中亦必有鎗冒等弊。特事隔多年。姑

免深究此等行險倣倖之徒豈可令其濫廁科目該大臣等僅請將該貢士先行扣除停其殿試仍由禮部照例覈辦具題聲敘殊未明晰龔正調不但應革去進士伊係由附貢生中式舉人並捐納員外郎俱著全行斥革永不准再行應試其字句應議之處考試官未能看出著該部照例議處○又諭福昌等奏審擬革職京口副都統阿玉什因姦釀命請發新疆効力一摺此案阿玉什與家人王

添幅之妻喬氏通姦經王添幅撞遇一時氣忿當將喬氏扎斃若依平人姦所獲姦將姦婦殺死本例姦夫應擬絞候今王添幅係阿玉什契買家奴雖與平人有別而阿玉什身為二品大員輒與僕婦通姦無恥已極且復釀成人命即照平人例問擬予以縲首亦屬罪所應得但細閱供單姑念阿玉什之父伊陞阿前在伊犁軍營陣亡伊母孀居守節情殊可憫阿玉什著即照福昌等所擬發往新

疆効力贖罪此係格外施恩嗣後如有大員不顧廉恥與僕婦通姦釀命者竟當照平人一例定擬○諭軍機大臣等吉慶等密奏據總兵黃標稟稱差線人赴雷州洋面招安於盜船拾獲賊匪傳單逆詞並抄錄呈覽粵東洋面為盜匪出沒之所近聞陸路奸民亦有天地會匪拜盟糾結等事今於盜船內拾獲傳單語多悖逆在盜匪等自因官兵追捕嚴緊是以編造逆詞希圖煽惑愚氓乘機劫掠

其單內既有高溪字樣諒必實有其人從中勾結不可不速行查究該督等務須飭拏務獲嚴辦示懲並詳細察訪有無勾通內地會匪之事但當不動聲色密之又密以消萌蘖而靖人心仍於各海口整配兵船隨時防範毋少疏懈至雷州三面環海陸路稍覺兵單吉慶等自應酌量添撥官兵嚴飭將弁認真巡緝以清洋面將此諭令知之尋奏檢查乾隆五十七年欽奉

諭旨飭查高溪寺經前撫臣郭世勳飭屬編查並無其寺曾經覆奏在案臣等密訪天地會匪果有勾結洋盜之事現購線密拏究治再雷州現已添募新兵增設民壯足資防守其高廉沿海亦均酌籌防禦可保無虞得旨嚴密查辦不可張皇○己未引見辛酉科散館人員得旨此次散館之修撰顧臯編修鄒家燮業經授職其清書二甲之庶吉士王翬漢書二甲之庶吉士杜塢陳嵩慶席煜吳熙曾方振崔問余徐賡颺鄧廷楨王鍾吉葉紹本陳杲汪庚楊懌曾朱方增余正煥王澤劉樹華陳用光孔昭虔倪琇鼎鎬敏傳棠楊惠元汪潤之劉奕煜黃任萬袁名曜朱澄齊鯤秀寧陳中孚商載佟景文俱著授為編修清書三甲之庶吉士查訥勤漢書三甲之庶吉士李鴻賓凱音布常英俱著授為檢討鄭錫璣姚瑩達麟吳杰普保蔡行達俱著以部屬用沈酉徐煥劉澍張廷鑑蔡任劉士榮陳廷達

實心傳黃士觀徐心田黎德符姚廷訓許紹宗王達張文鳳徐華嶽吳毓寶陳煦俱著以知縣即用馮輔王利亨主以鋸嚴昌鈺樊如杞胡長慶黃孟甫梁中靖黃中位廖方彥俱著歸原班銓選○庚申諭內閣朕恭閱高宗純皇帝實錄乾隆十六年考試戊辰科散館庶吉士內有林明倫一員曾再留館教習三年因思此次散館之庶吉士王以鋸考列名次在後引見時著歸原班銓選但念其會試中式第一名平日文理尚優昨日散館試卷祇係字畫拙率文義尚無大疵王以鋸著加恩仍以庶吉士留館教習三年○命於黑龍潭覺生寺設壇祈雨○以大學士劉墉董誥吏部尚書劉權之戶部尚書朱珪工部尚書彭元瑞戶部左侍郎英和刑部右侍郎彭齡內閣學士那彥成為殿試讀卷官○賞江蘇安徽江西辛酉科鄉試年老諸生聿弦佩等

九十九名舉人。副榜有差。裁貴州威寧州學額二名撥歸大定府學從總督琅玕請也。予湖北陣亡典史左堯臣拔貢生王宗烈。遇賊被戕。司獄李鍾。陝西解餉被戕縣丞崔立楷等祭葬。世職如例。旌表守正捐軀四川仁壽縣民范文才妻徐氏。辛酉策試天下貢士。吳廷琛等二百四十八人於保和殿制曰朕寅承

昊緯大寶命於今七年仰受

訓詒付託罔極之德親政以來朝夕憂勉兢業寅畏庶期克副宙合烝黎愛戴之心以無負君天下子萬民之責恒思相小民以知依念經訓以建事代間閭謀厥溫飽為學校端其步趨道洽政治底於淳熙嘉與億兆共蒙康又淳良之福凡所以治心典學保赤正俗者庸舉要旨為多士廷獻者諮尚書傳帝王心法治法而其最深切著明者莫如無逸一篇我

皇考常書於屏扆朕誦仰尋繹念釋在茲其曰嚴恭曰懿恭曰寅畏曰抑畏將無恭畏二字為七更端之要義歟顧義軒項譽堯舜禹湯皆帝王隆軌而近代獨舉三宗一家專尊穆考何歟或曰祖甲或曰太甲各有其義將何遵歟受命中身溯自即位然則受命改元之說誣虞芮質成之年妄歟惟正之供或以為正道以待或以為伯國之貢疇為定論鮮或訓乏或訓生意疇為正音唐紫宸殿宋通英

閣誰書誰圖能舉其事歟五經之書廣大悉備微旨未易推尋撮舉儒先傳注之顯者易重卦何時文言何人所作繫辭疑不出孔子先後天復有中天書古文疑信何紛古今文復有中文武成洪範曷可更定費秦誓何以入書詩風雅頌外有南南雅頌入樂而風不入樂笙詩應否有辭魯商何以入頌周禮冬官散在五典儀禮僅士禮而非闕禮記何篇出漢儒各有其說春秋經傳何時間配獲麟

後經疇作左傳中有兵謀兵法皆可詳臚歟
堯湯水旱不能必無為人君者心虛惻隱力
謀補助為民父母之謂何而忍忽耶賦體鑄
幣伊古有之周禮大司徒以荒政十二聚萬
民其目云何其科條解義先鄭後鄭所註不
同呂祖謙酌申其說可述而斷歟此外散見
諸官者可詳歟富弼青社賑荒千古良法其
分給田土之疏支散斗斛之檄可倣歟程子
賑濟之論曾鞏救荒之議朱子畫一事件之

狀有可行歟蠲賦緩征截漕平糶賑賑以工
代賑資送流民今皆行之古於何始歟法不
蔑古不泥古以合時宜為善將採以惠吾民
馬士也者民之坊也亦官之模也士而端心
術治性情砥礪廉隅不虧儒行則其鄉人薰
而善良不入於奇袤不蹈於匪僻否則民何
型焉一旦出而服官士廉則不為貪夫士良
則不為酷吏士勤則不為曠官皆以章縫為
圭臬也今或中存傲倖罔顧箴檢詭遇求合

其母乃辱青衿而羞黃卷乎王制大司徒大
樂正四術四教何正且嚴而猶有不帥教者
何以善其化導歟察行而或起別居之誣考
文而空致虛車之飾舉鹿洞之遺規倣蘇湖
之教法上之待士甚厚亦思何以克稱歟凡
茲四事端主德以建極崇正學以稽古觀民
生以孚惠培士氣以含淳朕夙夜圖維至亟
也問察至廣也各抒素所講習者毋泛毋隱
朕將親逮焉○諭內閣據砥柱奏署直隸總

督熊枚請將御史費錫章隨往在署幫辦事
務殊屬冒昧請嗣後嚴飭在京大臣奉命署
理督撫者不得援以為例等語所奏甚是御
史係屬言官本非大臣可以隨帶之員前熊
枚面奏懇將費錫章隨往朕即覺其所奏未
協因伊係署任暫時姑允所請嗣熊枚到任
後旋據奏稱先令費錫章回京供職業經批
諭該署督奏請帶往原屬冒昧並令費錫章
即行回京今砥柱適有此奏與朕批諭正相

符合國家設官內外各有體制督撫身任封疆自司道以下皆係幫同辦事之人至署中一切案牘自有幕友襄理若由部院簡放督撫者皆得各帶所屬司員前往辦事恐司員等揣知該堂官堪膺外擢豫為趨奉一經簡放督撫即可帶往辦事補用道府易啟屬官營求之弊亦不可不防其漸嗣後在京部院大臣除有兵差審案等事仍准隨帶司員外其簡放督撫及署理督撫者不但不准請帶御史即所屬官員亦均不准奏請隨帶如有違例陳請者即當交部議處以肅政體而杜弊端將此通諭知之○又諭吳熊光奏請將軍營脫逃兵丁寬限確查並停止按月具奏例限一摺此次勦辦教匪兵丁等逐日奔馳多有疲病或沿途落後寄居碉寨或猝遇賊匪致被傷害統兵大員必須輟轉差查方能得其確實若按限每月報部一次則無論是否逃與否均須一律參緝迨至查係病故被戕

或該兵丁等自行尋投到營又須紛紛咨部免議徒增煩擾且限期過迫轉恐易啟弊端或其中有本非脫逃誤行呈報或實係在逃假託病傷留後等情必須查實報部方無屈抑俾免之弊並恐帶兵之員慮及誤罹叅處將落後疲病之兵概不呈報轉得虛領錢糧更滋浮冒嗣後軍營逃兵著展限三箇月報部一次以歸覈實該部知道○撥江西河南藩庫銀各二十萬兩解往湖北并准湖北藩庫動支銀十萬兩以備軍需○撥四川米一萬石解往陝西以備軍糈○壬戌上詣黑龍潭神祠拈香○諭內閣吏部具題直隸省商民捐輸銀米照例議敘一本已依議行矣此事係乾隆五十七年直隸省被災時該商民等捐輸接濟經梁肯堂奏明欽奉恩旨交部議敘該地方官奉准部文時即應查明捐賑姓氏開單咨部覈議有何難辦之處

乃輟轉延宕已及十年。經該部節次行催。竟置不覆。直至上年朕降旨飭查。始據該督查明各紳士姓名咨部辦理。其中即有先經身故未蒙恩敘者。總由外省積習疲玩。恬不為怪。而直隸為尤甚。似此特行交辦之事。尚敢任意玩延。此外延擱不辦者。更不知凡幾。若地方錢糧命盜案件。亦似此延緩。其廢弛尚可問乎。嗣後各直省督撫。凡遇地方應辦事件。務須依限完結。不可遲逾。至奉旨特交之

件。尤當迅速辦理。若再有如此延玩。定當嚴行懲治不貸。○癸亥。諭內閣。據劉鳳誥奏。濟寧州屬金鄉縣縣考時。有生員李玉璣等。攻告童生張敬禮。張志謙。係阜隸曾孫。混考知縣汪廷楷。並未詳查。率准考送。迨州試時。該州王彬又不據控。審明扣除。致闔邑童生不肯進場。未考者多至四百餘人等語。童試為士子進身之階。原應區別流品。隸卒子孫不准與考。載在學政全書。遵行已久。該州縣考

試時。遇有紳衿等攻告混考之案。自應即時徹底清查。照例扣除。即或紳衿等有挾嫌誣捏情事。亦當質訊明確。以服其心。今知州王彬知縣汪廷楷。於此案攻告之初。並不覈實查辦。以致闔邑童生赴考寥寥。殊屬不成事體。濟寧州知州王彬。金鄉縣知縣汪廷楷。教諭黃維璧。訓導楊价。俱著解任。交與和寧提齊案。證秉公審辦。毋得稍有徇徇。至該縣童生未赴州考者四百餘人。其中即有一二刁

健之徒。祇應就案懲辦。豈可因此波累闔邑文童。著加恩仍准其補行考試。該學政奉到諭旨。即飭知遵。照辦理。儻補試童生內。審明後果。有把持扛幫之人。何難按例治以應得之罪。即倖邀取進。仍可斥革辦理也。○諭軍機大臣等。昨據熊枚奏。稱保定省城於本月二十一日。得雨頗為深透。並稱被澤之處。必廣。現在各府州所屬。是否同時均霑。溥澍著熊枚查明速奏。以慰廑注。至近京一帶。近日

尚未得雨。朕心甚為焦切。業經設壇祈禱。以冀速霽甘膏。因思上年直隸地方被水之後。本年晴霽日久。其未經得雨地方。恐地氣蒸鬱。蝗蝻易於滋生。深為慮。並著熊枚飭屬詳查。如聞有蝗蝻萌發之處。即一面派委妥員。迅速撲捕。一面據實奏聞。熊枚不可因上年畿輔曾被水災。目今即有被蝗之處。輒意存隱飾。不行具奏。自蹈諱災不報之咎。並將未經得雨之各州縣。一併查明具奏。將此諭令知之。尋奏直隸通省得雨共九十一州縣。得雨之後。蝗孽或不致萌生。先經飭屬通查。並無蝗蝻萌動。奏入報聞。○甲子

上詣

大高殿行禮

時應宮拈香。○還宮。○御乾清宮。召讀卷官入。親閱定進呈十卷甲第。○乙丑

上御太和殿傳臚。賜一甲吳廷環。李宗昉。朱士彥。三人進士。及第二甲李仲昭等八十四人。

進士出身三甲林紹龍等一百六十一人。同進士出身。○詣

覺生寺祈雨壇拈香。○幸圓明園。○丙寅諭內閣。總管內務府大臣等奏文淵閣武英殿御書處御藥房咸安宮御船處樂部清字經館等八處向係欽派王大臣管理。其各該處承辦司員。遇有缺出。請改由內務府衙門於司員內酌量繁簡揀派咨送。並將各處兼攝之員。開單酌擬裁減等語。朕詳閱單內武英殿御書處並無內務府大臣兼管。伊等輒敢將兼攝司員率請裁減。不論彼處能辦與否。若如所請。彼處王大臣必又乞恩保留。紛紛潰奏。成何體制。其御船處咸安宮等處。現有內務府大臣兼管。其事務並不甚繁。而兼攝之員。仍令照舊。並未聲請酌減。所擬未免偏私。近於專擅弄權。此等伎倆。竟敢在朕前嘗試耶。且該管王大臣需用司員。如必向內務府咨取。內務府大臣又豈肯將得力之員派

往於公事殊屬無益。著內務府大臣會同各該管之王大臣或將內務府兼攝司員量為裁減。或將各該管王大臣所屬各員派令兼攝之處。一秉大公。屏除意見。悉心詳覈具奏。管理內務府大臣等除已寧阿在工外。俱交吏部察議。尋議上得旨。吏部察議內務府大臣一摺。前此豐紳濟倫召見時。曾奏及伊係武英殿總裁。於武英殿御書處司員不能管轄。呼應不靈。彼時朕即覺其又自滿矣。嗣據

內務府衙門奏稱。將各處兼攝司員開單酌擬裁減。內武英殿御書處並無內務府大臣兼管。伊等即欲將兼攝司員裁減。其有內務府大臣兼管之御船處。咸安宮等處所有兼攝之員。並未聲請酌減。實屬偏私。近於專擅。是以降旨將該大臣等交部察議。此事顯係豐紳濟倫一人主見。眾人隨從附和。從前和坤兼管部院各衙門事。無鉅細俱聽伊指示。其餘各堂官不過隨同畫諾。最為惡習。近年

以來。稍知悛改。各部院中派出管理之大學士及尚書侍郎等秩分雖殊。凡遇陳奏事件。俱應互相商榷。不得獨出已見。況內務府大臣分位相等。並無正副之分。豐紳濟倫乃敢率意專擅。而眾人亦隨同具奏。是內務府大臣緼布等尚不免沿向來趨奉積習。必欲陷豐紳濟倫於重罪矣。部議擬以降二級調用。均屬咎所應得。但念豐紳濟倫等所管部旗各衙門事務較多。若紛紛盡行降調。一時更

換乏人。豐紳濟倫著加恩改為革職留任。緼布明德英和額勒布蘇楞額均著加恩改為降三級從寬留任。○丁卯慶成奏報生擒首逆魏洪升張喜偽先鋒白庸等得旨獎賚千總馬忠良外委王進忠以應升之缺升用。賞軍功李雲等八品頂帶。○以戶部左侍郎英和為武英殿總裁官。○戊辰諭內閣前曾降旨將京城內外飯廠加恩展賑。俟甘霖大霽後令監放御史再行酌量情形奏請停止。茲

據五城御史奏稱本月二十六日得有透雨四野霑足赴廠領賑貧民歡欣踴躍僉稱及時播種力作傭工均可度日請於五月初一日停止給賑等語該御史等體察輿情遵旨奏請本應即行停止但念端午已近若遽行撤廠恐貧民度節口食尚艱著再加恩展賑至五月初五日為止並著五城御史曉諭領賑貧民此係格外恩施現在獲沛甘膏農田均資耕作其有可自謀生業者日內不妨先行散歸自初六日停賑之後不復再行展賑務各安靜營生以副恩加無已至意○己巳密諭勒保知朕風聞川東川北一帶自去年秋冬以來有一種棍徒名為土豹聚數十人搶掠婦女用綿塞口裝入口袋背負而奔號為開堂子由川江用船滿載掠往湖北販賣所過關口長隨胥役得錢私放路人目擊不敢過問州縣雖知亦皆緘默不辨此等棍徒皆假冒教匪肆行無忌州縣不敢追捕關口

實錄卷九八

三

受賄任行成何世界耶汝係受恩深重之大臣當嚴密先行查訪的確若祇有一二起責成有為之守令迅即查拏按律究辦儻人數衆多不可畏難將就竟用兵捕緝亦無不可總之惡不可留留則益形滋蔓若稍存畏事姑息鄙見以致養癰成患惟汝是問輕重權衡斟酌至善辦理此事究竟情形若何查明先行覆奏併此殊諭繳回特諭○又密諭吳熊光全保朕風聞由川江滿船裝載婦女至湖北沙市漢口等處販賣少者賣為娼妓老者賣往江西景德鎮磁器行工作其所由來則係川省匪徒名為土豹搶掠婦女用船裝載由江路至楚所過關口皆得錢賣放若果實有此事成何世界耶汝二人皆受恩深重之人不可存姑息了結鄙見當密為查訪若事果確切即嚴拏究辦以儆惡類若實無此事亦須明白回奏儻具奏後別經發覺則惟汝二人是問此殊諭先行繳回特諭○授一

實錄卷九八

三

甲一名進士吳廷琛為翰林院修撰二名進士李宗昉三名進士朱士彥為翰林院編修

實錄卷九十七

嘉慶七年五月

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十七

清 實 錄 嘉慶七年五月

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十八

修

嘉慶七年壬戌五月庚午朔諭內閣王德泰

營伍操演鎗箭請除去鎗上所釘星斗並請射靶俱改用梅針箭一摺所奏大屬紕繆施放鳥鎗全憑鎗上所釘星斗為準若平素演習精熟自能便捷命中今王德因閩浙營兵放鎗遲慢手顫欲將星斗除去殊不思兵丁等執鎗手顫自因演習生疏所致應即將該兵丁等責懲豈除去星斗即不手顫乎至所稱軍營用箭皆係梅針營兵操練射靶所用鎗子箭頭輕翎大不過架勢飾觀應改用梅

針箭等語亦不成話。箭枝樣式種種不同。各適於用。其箭鏃翎羽之輕重。總視弓力為準。如射鵠則用髀頭射靶則用鏃箭。射牲則用披箭。臨陣則用梅針。隨地異宜。總在發矢有準。如果將鏃箭演習純熟。即易用梅針。必能一律命中。若平日操演必須改用梅針。方能射賊。則樹侯設正亦非臨陣時所用。豈有以人為的。竟將應死罪因試演射藝之理。真所謂無知替說矣。我朝武備整齊。弓矢鎗礮。最為軍營利器。法制精良。百世不易。乃王德輒思變改舊章。此奏若出於提鎮漢員內。已屬不經。况王德係滿洲總督。竟於本朝武備成法。懵然不知。率議更張。尤為謬妄。王德著拔去花翎。傳旨嚴行申飭。仍交部議處。嗣後八旗各營伍及督撫提鎮等。惟當將各營官兵勤加訓練。以期技藝嫺熟。悉成勁旅。毋得妄逞臆見。輕改舊制。將此通諭知之。○引見新科進士得旨一甲三名吳廷琛李宗昉朱士

彥業經授職外。李仲昭朱珩吳椿章道鴻何丙威顧範董桂新梁章鉅呂兆麒金式玉朱鴻費蘭墀洪占銓陶澍何應杰胡開益程壽齡張源長易元善饒向榮鄧士憲黃錫祺張鑒任英謝學崇謝蘭生李振肅施鸞坡何蘭汀劉加封黃中傑李鍾璧李可蕃朱廷慶瞿昂趙蘧程邦憲沈維鐸霍樹清張元宰萬鼎琛黎燮卿祖培洪燿陳聲遠程贊寧蔡以成寧古齊盧炳濤朱玉林張元模龔守正黃茂張本枝宋潢周毓麟林春溥葛方晉蓋運長孫汶隆安林文竹魏邦彥陳永圖孫世昌莊詵男劉穀萬高廷魁徐驥王百齡王青蓮哈晉鍾慶王珽吉士琰宗室果齊斯歡申啟賢卓秉恬任邵祐李蟠根達清阿柳體青馬倚元宗室德朋阿陳銘海齡宗室惠瑞李成芳謝幹夏修恕常山著改為翰林院庶吉士潘澍霖林紹龍善慶邱樹棠穆隆阿孔繼堦著分部學習。徐必觀楊芝潘人炳王廷元宋康

吳鼎。魏德琬。凌鳴。洪運。閔。劉丙。陳徽。芝。楊增。思。余。保。純。李。成。蹊。湯。達。張。佑。蔣。鏞。林。鈺。劉大璋。劉德銓。梁本恭。葉申榮。喻宣孝。阿應麟。蔡德淳。甘家春。柯光蔚。曹基中。劉晉泰。劉長孺。林朝陽。汪百川。康黃中。李中淑。鍾德賓。葉際春。王崇本。傅鵬。飛安。佩蓮。崔秉鍊。黃德衷。鄒孝裔。李嘉祐。魏來田。董齊光。向序。翟德先。耿維祐。王慶長。魏士俊。徐潤。王霖。謝。趙子環。易鳳庭。徐一麟。王楚堂。鄭瑤。滕嘉棟。齊承慶。

鍾秀。萬永福。張步。盧李約。孫世封。黃恩培。黃沛。周煥。尹佩紳。閻登雲。金著。我王。篤慶。李文耕。齊敦敏。溫秉貞。鄭丕欽。及補行朝考之彭昌運。著以知縣即用。餘著歸班銓選。○旌表守正被戕直隸隆平縣民李登元妻高氏。○辛未。命工部尚書彭元瑞。內閣學士那彥成。教習庶吉士。○以通政使司通政使陳霞蔚。為都察院左副都御史。服闋。詹事府詹事曹振鏞。為通政使。○旌表守正被戕四川涪州。

民官有本妻張氏。官世學。媳楊氏。○壬申。孝誠仁皇后忌辰。遣官祭。

景陵。○癸酉。旌表守正捐軀河南息縣民王林妻劉氏。○甲戌。諭內閣。本日節屆端陽。王公大臣等。俱呈遞膳牌。朕於早膳前。先召見兩起。膳後。復召見十起。內惟王杰。劉墉。紀昀。范建豐。廣泰。恭阿。拉。以次進見。而德瑛。祖之望。初彭齡。蔣曰綸。俱先已回城。其時尚未交辰刻。即紛紛早散。殊屬疏懶。該大臣等。呈進膳

牌。原係豫備召對。即與陳奏事件無異。豈有不候膳牌。發下。輒先行散歸之理。伊等如此刻不能待。又何必來遞膳牌耶。亦大非靖共之道矣。德瑛。祖之望。初彭齡。蔣曰綸。俱著交部議處。○乙亥。諭軍機大臣等。秀林。履奏查明。則夫夾帶私人。及裁養。養。苗。各緣由。一摺。辦理。護務。總在嚴禁私。若該將軍平日能實力查辦。嚴絕偷漏之弊。官。自無虞。缺額如謂因近年山深路遠。苗。較前稀少。則私

行創挖之人不能獲利即不應復有入山偷挖之事今摺內稱年來已拏獲私挖人犯一百六十餘名之多可見山內淺苗並不至於稀少該將軍惟當遵照定例認真搜拏禁絕私淺為要至另匪呈進大淺一節從前原無此例因福康安任吉林將軍意圖飾觀揀選大枝淺裝匣進呈遂致有裁養備交之事此時山內如果偶獲大枝人淺自應另備呈進如無此項大淺即據實聲明不必仍前裁養轉似近於作偽也其創夫夾帶私人俟果勒明阿額勒亨額搜查回時再行覈實奏辦將此諭令知之○予四川陣亡千總陳鎮國祀總胡佩曾必貴劉應魁祭葬世職湖北陣亡前鋒富昌兵丁蔡毓瑾等二名罵賊被戕生員吳世坊等三名湖南陣亡生員向正鰲等三名兵丁田錦高等十五名鄉勇蔡通誠等九十九名河南陣亡守兵刁治理等三名陝西陣亡生員劉勞等三名已革武舉任樹枝

步兵田朝貴等十一名義首汪兆洪鄉勇張折周等三十二名四川陣亡屯土兵安不婁本布等六名賞卹如例○丙子以鳳凰城城守尉斌靜為伯都訥副都統○丁丑諭內閣戶部奏查明直隸省初二三次清查旗租積欠項下分賠各員未完銀數開單請旨一摺此內第三次清查項下未完各員多係總督藩司道府應賠之款伊等身為大員於旗租銀兩不能實力督催以致積欠纍纍迨分別著賠後又不能依限清繳殊屬怠玩但念伊等究係督催不力與經徵之州縣有間所有三次清查項下未完銀二十六萬三千五百餘兩著再展限三年飭令各該員等照數完繳如仍限滿不完該部即指名奏分別嚴懲不能再邀恩宥矣其初二兩次清查項下未完各員則係州縣居多此內或有尚在直隸服官或已遷調他省該員等均係經徵不力與督催之各上司本有不同且歷年較久

輟轉遞逾。所有初二兩次未完銀三萬七百餘兩。著再展限一年。飭令照數完繳。毋得再有延玩。致干罪戾。至賠繳官項。原以警侵挪而杜冒濫。乃近來外省辦理此等欠項。往往將本員應追之款。率議攤賠。及攤賠無著。又復輟轉分攤。以致年深月久。帑項虛懸。而私肥囊橐之員。轉得置身事外。是於事理既不平允。而於國帑仍無實濟。部中舊例。原有一定章程。自和坤管理戶部。徇私專擅。意為輕重。以致承追款項。或有彼此歧異。輟轉不清。殊非覈實之道。前經降旨。令各直省及八旗查明官員賠項。分別立限催繳。除俟限滿時。該部再行奏明請旨外。至現行事例。其中有與舊例不符之處。著該部逐一詳查。聲明修輯。分別條款。酌議具奏。務使帑項不致虛懸。而辦理統歸畫一。方為妥善。又諭戶部奏聞散回子愛默特和卓。應否賞給錢糧。請旨遵行一摺。在京入旗回子。向無賞給孤子錢

糧之例。但愛默特和卓。年僅五齡。其父喀舍和卓。業已身故。伊母先經回至喀什噶爾。並無依靠。殊屬可憫。著加恩照八旗之例。賞給孤子錢糧一分。以資養贍。嗣後此等入旗回子。身後所遺孤孀。如原處尚有依賴。或伊親戚前來領回者。著該旗查明具奏。准其各回原處居住。如本人並無錢糧產業。又別無依靠。不願歸原處者。即著照此次愛默特和卓之例。辦理。至愛默特和卓。現年僅止五歲。將來或伊母。或伊親戚。情願領回。至喀什噶爾原處。亦聽其便。諭軍機大臣等。川省勦辦餘匪。勒保派令豐紳張績。張志林。田朝貴等。分路進兵。固須認真搜捕。但於勦辦之中。尤當嚴防濫殺。即如本日勒保摺內。稱張績一路官兵。在八廟橋地方。聞有賊匪十九名。藏匿竹林。帶兵前往。立時殺斃十二名。生擒七名。亦隨即正法。訊明係徐添德股內打散零匪等語。此十九人。祇在林內藏匿。併無抗拒。

形跡其所稱徐添德股匪之說止係訊之獲犯林均喜而林均喜亦已於訊明後正法有何憑據安知非兵勇等挾仇戕害或吏希冀邀功而張績又並未親到亦不過據弁兵一面之詞為之轉報設果誅及無辜則該處民人必致心懷惶懼於事甚有關係惟在勒保仰體朕意密飭該提鎮等於搜獲匪犯一事必須確有指據方行正法毋令兵丁等輒行擅殺獻級冒功致啟挾仇枉殺之漸將此諭

令知之○勒保奏報追勦青白等號餘匪斃首逆劉朝選得旨嘉獎頭等侍衛達勒精阿等下部議敘尋奏查驗首級訊係青號之偽元帥劉姓其劉朝選一犯並未伏誅奪達勒精阿等議敘○戊寅欽差工部侍郎那彥寶奏報永定河工竣升刑部主事前直隸總督姜晟為員外郎餘升敘有差○以御前侍衛博啟圖為鑾儀衛鑾儀使○除福建浦城沙永安建寧長汀寧化清流七縣衝陷田九

十畝有奇額賦已卯睿親王寶恩薨遣榮郡王綿億帶領侍衛十員往奠茶酒○以故湖南石門縣忠路司土千總覃殿雄弟殿勇添平所土把總文顯舉子忠政慈利縣麻察所土把總趙膺壁孫光祖休致貴州鎮遠府偏橋司土副長官楊希賢子大威各襲職○庚辰諭內閣上年畿輔被水成災河隄漫溢經朕多方拯卹工賑並興昨永定河工修築完竣曾將在事出力大小臣工分別甄敘其

疏防各員亦一體施恩矣因思荒祲出於天災補救則全資人力若地方官不實心經理玩視民瘼即當治以應得之罪今直隸辦賑各州縣自去夏至今並無因賑被人控告之事即聞有一二飭查之案亦全屬虛誣可見該州縣官辦理認真尚無侵蝕等弊並聞此次停賑之後尚有自出己貲協助災民回籍者地方官果能盡心民事實屬可嘉應量加錄敘以示鼓勵所有直隸辦賑各州縣著熊

枚秉公詳查。據實保奏。擇其實心撫卹輿情。愛戴。並能捐貲。惠及窮黎者為最。其於賑務。經理得宜。災民均受實惠者次之。其循分辦理。並無貽誤者又次之。熊枚上年曾經周歷各府州。見聞自為確切。即著分別開單具奏。候朕酌量加恩。尋奏請將知府朱應榮等三十員。分別升補。議敘。送部引見。容城縣知縣章德溥等四員。議處從之。○加賞故琉球國副使鄭得功銀三百兩治喪。並予祭如例。○

辛巳琅玕奏報擒獲首逆。賸者布。得旨嘉獎。賞還花翎。○以浙江樂清協副將楊世華為廣東右翼鎮總兵官。○壬午

上御勤政殿聽政。遣官祭

開帝廟。○勒保奏報。生擒首逆度向瑤。並老教掌櫃徐添培。張思從。及賊目多名。得旨獎。賚。達斯呼勒岱等。下部議敘。賞兵丁等銀牌。○以通政使司副使王懿修為光祿寺卿。○癸未諭內閣。顏檢奏審擬息縣獄囚潛謀糾

劫一案。將杜四牛。杜三牛。二犯均照聚眾打奪為首擬絞。請旨即行正法。其聽糾各犯。內任青照一名。以該犯情尤兇橫。亦擬絞決。所辦尚未允協。細覈此案情節。杜大牛犯罪。監禁伊弟杜四牛。進監探視。經杜大牛潛囑杜四牛。與杜三牛商同。糾人在途劫奪。若彼時杜四牛回家後。稍知畏法。即不至有此巨案。乃杜四牛竟聽從伊兄之言。與杜三牛商同。糾夥潛謀。要劫若論其起意。糾約杜四牛實

為此案首犯。杜三牛又係聽從杜四牛轉糾。與主謀者究屬有間。今與杜四牛一律問擬。未免漫無區別。至聽糾十七犯。情罪均屬相同。若云任青照一犯。較眾兇狠。或有拒捕傷人情節。自當從重問擬。今並無其事。祇以該犯情狀兇橫。意在必奪。輒予絞決。揆諸情理。似未平允。况謀而未行。與已行者有間。即此十七犯之內。情狀兇橫者未必祇此一犯。著交刑部悉心詳覈。速議具奏。其光州知州

台倫惠縣知縣徐曰昌於潛謀劫囚重犯按名擒獲甚屬能事著交部議敘○以御前大臣保寧年老改授正黃旗領侍衛內大臣○甲申戶部議准前署直隸總督陳大文疏報西寧縣開墾田五頃照例升科從之○丁亥撥河南藩庫銀十萬兩廣東藩庫銀三十萬兩解往陝西以備軍需○戊子諭內閣戶部議駁吳熊光奏請於各直省捐納職銜封誥一摺所駁甚是近年開設捐例原屬一時權

宜之法即外省捐納監生亦因各直省封貯銀兩動用較多是以准令就近收捐補足額數至捐職捐封等項部中均須稽察自應赴部報捐前此費淳吉慶曾奏請於各直省捐職捐封節經飭駁今吳熊光復有此奏伊三人平素居官操守尚好自不疑其有假公濟私之事諒係屬員等以外省收捐銀數寬裕便於挪用希圖沾潤因在督撫前飾詞恣恣伊三人遽以入告殊不知屬員等辦理不善

設有營私舞弊之事轉致罪及上司伊三人不轉受其累乎現在永定河工程告竣畿輔地方賑務已畢捐例業將停止其外省報捐監生一俟封貯銀款補足後亦即當飭令停止若將封職等項准令楚省報捐則各省俱必紛紛奏請成何事體況現在各省士民赴部捐封捐職者均准其轉託親友代為呈納又豈有憚於遠涉未能踴躍之事耶除照部駁不准外嗣後各督撫等設有再以此為請

者不必再交戶部叢議即著交吏部將該督撫議處不貸將此通諭知之○展緩陝西被賊滋擾之寧陝孝義南鄭西鄉洋城固寧羌沔陽城留壩鳳畧陽安康漢陰石泉平利紫陽洵陽白河商鎮安山陽雒南商南二十四廳州縣並疊遇偏災之咸寧長安藍田鄠藍田渭南咸陽興平醴泉臨潼高陵涇陽三原富平耀同官潼關朝邑郃陽大荔澄城華陰華韓城白水蒲城鳳翔麟遊郿扶風岐山寶

難隴。汧陽乾武功。永壽邠長武淳化四十廳州縣歷年帶徵額賦各項借款及延安榆林綏德鄜四府州屬民欠倉穀籽種口糧已
丑
上詣
大高殿行禮。還宮。琅玕奏報攻克康普賊寨將北路探匪剿淨得旨嘉獎賞還一品頂帶。旌表守正捐軀直隸定興縣民高俊貨妻姜氏。以夏至祭

地於

方澤自是日始齋戒三日。庚寅諭軍機大臣等費淳等覆奏。訊明任兆炯於徵收漕務並無營私情弊。請仍將該員送部引見一摺。已准所請。至另片奏稱因蘇屬積虧不能即時彌補計州縣收漕貼費外尚可盈餘飭令按照缺分大小交出歸公。現已提補三十七萬有零等語。自屬實情。但地方倉庫短少。如果係實欠在民之款。一經該督撫等確查具奏。

朕無不加恩豁免。若係官侵吏蝕。自當據實叅奏。著落追賠。至設法彌補。原係各省權宜辦法。豈可公然以此為名。令各州縣向百姓浮收漕米。設立漕餘名目。提取歸公。試思正供原有定額。今設立漕餘名目。使百姓等於額外輸將。此非加賦而何。況州縣等知本任倉庫有虧。可以浮收漕糧彌補。勢必將公項私自挪移。作為虧空。百弊叢生。皆由於此。所辦已屬非是。該督等所稱嗣後設法撙節。不

復取之漕餘。自應如此辦理。至所稱蘇松太等屬地處低下。米色不純。折耗較多。收數不能不寬。即貼費不能不重等語。無此情理。東南產米之鄉。蘇松尤為沃壤。與浙省杭嘉湖相等。從未聞有蘇松米色低下之語。即間因水旱地方。偶有青腰白臍米色。亦不過百中之一二。焉有同郡一律低下之理。況此三處近年並未被水旱之災。米色何由低薄。至旗丁等多索貼費。自因聞知該州縣浮收漕糧。

遂爾心存挾制與米色有何關涉若云米色不純即須多加貼費豈旗丁索費免收沿途私買好米到通交納乎且旗丁等向來沿途使費早經降旨裁革復經節次加恩准其多帶土宜並劃給曬颺米石撥給漕費錢文多方接濟不一而足丁力已屬寬裕何至江蘇一省每年尚須貼銀三十餘萬兩之多所奏殊不確實況據奏稱該旗丁等於五年六年閒屢求增益似此遞年加增伊於何底即各幫情形不同閒有一二疲丁尚須畧增津貼亦祇可另為設法調劑何至欲以貼費之多少為收糧之盈縮若如該督等所奏指稱蘇松太三屬米色低下貼費獨多則收漕亦必較他屬增倍此三屬為江蘇省財賦最盛之區如此巧為立說任聽州縣等明目張膽例外浮收通省漕務尚可問乎至所稱民情日久相安並有情願折色交納等語尤不成話折色一事最為漕務弊藪各州縣收漕往往

於開倉之始恣意浮收數日後額徵之糧業已滿廠即勒令糧戶等折給錢文設有一二花戶載米到倉輒以米色不純駁斥留難刁蹬小民等守候日久不得不聽交錢文是浮收折色二弊相連而致百姓方抱怨之不暇轉謂其情願折色乎前經明降諭旨嚴禁折色該督等竟以病民之事為便民之舉於奏牘內顯露其意仍思照前折色伊二人為屬員所愚一至於此且浮收漕糧府州縣等斷無不從中沾潤之理費淳岳起平日操守廉潔原可信其無他而屬員賢愚不等豈能盡信即知府中如任兆炯者恐難保其果無私肥情弊况提補漕餘該督等摺內亦稱該府與各府公同商議可見此議創自任兆炯而各府同聲附和若云毫無染指其誰信之試思江省漕務該督等既經提取盈餘歸公彌補又以旗丁津貼不得不額外加增而各府州縣尚於此內各思肥己層層剝削無非苦

累吾民費淳岳起身任封圻不思仰體朕愛惠黎元至意輕信屬員愚弄公然以大干例禁之浮收折色諸弊視為不得不行率爾密陳妄為嘗試本應將費淳岳起照例治罪姑念伊二人向來辦事尚屬清慎著傳旨嚴行申飭又另片奏請降諭旨飭禁積棍劣衿開倉滋事等語此等包漕滋事生監各州縣開倉之先該督撫等出示嚴禁隨時查察係分內應辦之事今必欲奏懇降旨飭禁汝等平日所司何事又安用此督撫為耶前次降旨諭令各省收漕禁止折色原因刁衿劣監包攬把持皆由折色而起乃伊等不清其源而專欲懲治生監土豪以為奉有諭旨則地方官即不慮其挾制生監等日覩浮收情弊亦不敢與之計較伊等之意豈能逃朕洞鑒耶此次提取歸公銀三十二萬餘兩業據各州縣解交已屬既往不咎嗣後漕餘折色二事當永行禁止儻陽奉陰違仍前滋弊經朕訪

聞或別經發覺必將費淳岳起革職治罪不能再為寬貸也凜之慎之將此諭令知之○舉行本年軍政侍衛處鑒儀衛滿洲蒙古漢軍各旗營卓異官一百十三員年老官五員有疾官十六員才力不及官四員罷軟官二員分別議敘處分如例○以故奉恩將軍慶雲子特祥襲職○辛卯諭內閣前此岳起鐵保等因上年江蘇徵收漕糧辦理不善及不能約束旗丁藉端勒索均經自請議處曾降旨俟全案審結後再降諭旨茲據費淳岳起等覆奏查明各屬徵收漕務尚無侵肥入已情事惟據稱各州縣因運丁有需貼費徵收時不無津潤等語可見該省收漕不能無弊州縣尚敢浮收以致旗丁仍有需索殊非整飭漕務之道試思旗丁運費經朕節次加恩准其多帶土宜劃給曉曉米石撥給漕費錢文已屬寬餘何至丁力尚形竭蹶即間有一二疲弊亦應奏明量加調劑豈得藉口貼費

不數輒於收漕時私行津貼總由不肖州縣未能收兌清漕幫丁等遂爾心存挾制任意勒索而州縣等又得以此藉口至知府任兆炯漕務本非專責何以岳起派令攬越鐵保亦令其親赴淮安面加委任以致外間嘖有煩言岳起係本省巡撫當此肅清漕弊之時既不能實心整頓又復委用非人鐵保管轄全漕於旗丁需索幫貼並不留心約束且將彈壓漕務委之知府致滋物議亦屬不合岳

起鐵保俱著交部嚴加議處費淳係屬統轄大員漫無覺察亦難辭責著交部議處○戶部議准前署直隸總督陳大文疏報三河安肅易三州縣開墾田七十畝有奇照例升科從之○壬辰夏至祭

地於

方澤

上親詣行禮

孝恭仁皇后忌辰遣官祭

景陵○幸圓明園○德楞泰奏報痛勦蒲添寶股匪得旨獎賚賞兵丁等銀牌○甲午慶成奏報勦捕張魏餘匪生擒偽元帥康二麻子及偽總兵張昌元等得旨獎賚加慶成太子太保餘升賞有差○乙未予陝西遇賊被戕委辦糧臺縣丞王銳祭葬加等世職如例陣亡未入流李培秀祭葬世職如例○旌表守正被戕湖北襄陽縣民李登科妻操氏○丙申諭內閣禮部奏伊犁春秋致祭

格登山等處山河乾隆二十六年原頒祭文十六道應否增改請旨遵行一摺仰惟

皇考高宗純皇帝平定新疆版圖式廓懷柔河嶽祀典昭垂自應億萬年遵守原文用彰偉烈所有前頒祭文內原書

朕字俱敬謹改書

高宗純皇帝尊稱其餘字句概無庸更改該部即行文伊犁將軍永遠欽遵入於交代其烏魯木齊等處亦照此畫一辦理○又諭御史

王寧煒奏山東高密縣徵收錢糧每銀一兩折收制錢一千四百五十文。昌邑縣折收一千六百五十文。其餘改折之處尚復不少。請旨嚴禁等語。州縣徵收糧賦原應遵照定例令糧戶封銀投櫃。間有零星小戶聽從交錢者亦以便民。若將額定糧銀概行改折錢文則各州縣官以錢無定額勢必任意加增浮收虐取朘削小民伊於何底。著通諭各直省督撫嚴飭徵糧州縣將以銀折錢之弊永行

禁革並著和寧將現在高密昌邑二縣折錢滋弊之處秉公確查如果屬實即指名嚴叅勿稍徇隱。○諭軍機大臣等向來巡幸熱河間直隸地方官不無派累但思蹕路所經一切橋梁道路等事動用俱有經費何以尚須累及閭閻若果有其事於經費之外究竟尚需幫貼若干著查明具奏至需用車輛向例由順天府承辦茲聞順天府因上年近京一帶地方被災較重不能雇覓已咨商直隸總

督派外府州縣幫辦惟直隸地方上年被災有九十餘州縣之多此項車輛若係通省攤派則同係災區辦理必竭蹶若專責之未經被災之處則州縣無幾所派車輛為數必多且距京道路遙遠更為不便著熊枚一併確查有無礙難辦理之處據實覆奏將此諭令知之。○又諭額勒登保奏逆夥黨因官兵逼勒緊急復又翻越老林竄往秦嶺一帶現在派兵分路進剿等語仍係敷衍塞責之奏

閱之殊為煩懣。苟逆一股於上年由四川竄入甘省經慶成截回川境復越過陝境漢江皆由額勒登保將江岸防兵截截不能先事豫防是以將額勒登保降為男爵寧眼花翎自賊匪竄渡漢江後額勒登保又未能奮勇攔截任其逸入南山至今尚在奔竄南山老林為賊匪往來熟徑額勒登保屢次報到或稱親自入山徒步督剿或稱派令將弁分路驅逼總未能一鼓殲淨即每次摺內亦有擒

斬數十人十餘人之語諒不過傷病落後之賊未必皆兇悍矛手且或即係被賊難民亦未可定試思南山以內如果盡係陡壁懸崖從無人跡則山內寨民又豈能於此等地方栽種包穀賊從何處掠食且賊匪可到之處即我兵可到之處何至賊匪一經占踞我兵即跬步不前看來額勒登保所云徒步勦賊之言亦未必盡可信矣額勒登保前數次摺內尚云一二旬內可以蕩事今隔越數旬杳無捷報而本日摺內轉云非一二旬所能淨盡似此愈遲愈遠任意遷延勢必遲至秋冬成何事體況據摺內稱現在兵力有盈無絀擬徵出湖南湖北官兵帶赴平利紫陽一帶交穆克登布接管防堵是現有之兵尚足以分撥防堵可見兵力儘屬數餘即糧餉一項亦節據陸有仁奏到源源供運並無缺乏兵多糧足尚復何所藉口乃擁兵株守與賊相持竟至束手無策額勒登保前在軍營帶兵

尚屬奮勇且操守亦好是以加恩授為經畧至扎克塔爾本係番目

皇考高宗純皇帝格外加恩留京供職擢至御前侍衛經朕特派前往軍營之人前因其打仗出力授為護軍統領現又專辦苗逆一股乃曠日持久並不上緊設法搜勦老師糜餉之罪即朕亦不能為伊二人解免本應即予革職治罪姑念平日尚知奮勉額勒登保扎克塔爾俱著加恩暫予革職留任以觀後效

○額勒登保奏查明擒獲首逆魏洪升並賊目張喜等出力員弁賞叅將張奉廷遊擊齊國珍都司張起鰲守備李如緒花翎把總王義如等藍翎○予故睿親王寶恩祭葬如例諡曰愼並命御前侍衛博啟圖帶領侍衛十員前往奠送○展緩江蘇碭山蕭銅山睢寧邳宿遷六州縣攤徵搶堵丁家集并邵工各借款○緩徵陝西涇陽三原興平醴泉鳳翔麟遊汧陽永壽岐山扶風隴乾武功十三州

縣旱災本年額賦並給被災較重之岐山扶風隴乾武功五縣貧民口糧○戊戌

上幸靜明園詣

龍神廟拈香○是月編集辛酉工賑紀事成

御製序文曰嘉慶六年辛酉夏六月京師大雨

數日夜西北諸山水同時並漲浩瀚奔騰汪

洋匯注漫過兩岸石隄土隄決開數百丈下

游被淹者九十餘州縣數千萬黎民蕩析離

居飄流昏墊誠從來未有之大災患此工之

實錄卷九十八

上六

所由興而賑之所由起也職此之由實予不德之所致予承

天

考命撫綏萬方

授畀以來兢兢業業唯恐一夫之不獲孰意罹

此潦災遭此未見之奇變嗚呼痛哉永定河

向來雖經決口為患不鉅即被淹浸何至波

及多方水從橋頂隄上漫過人力難施固非

意料所及若諉之氣數是過災不知懼益獲

天譴矣從來消息盈虛之理總視人君敬怠感

召之機書曰曰狂恒雨若又曰滿招損予一

念之忽遂致如此誠可畏也若稍不實力救

民獲咎滋甚予何敢抑亦何忍故分命卿員

多方賑卹亟命大員督修石土隄工工成於

六年冬而賑直至七年夏始畢雖辦理尚為

迅速全活者衆然倉猝之間轉於溝壑者已

不知凡幾矣古云救荒無善策惟盡予心耳

工賑畢爰命內廷諸臣編述節次所降諭旨

實錄卷九十八

二十九

及內外諸臣摺奏纂集成書頒示直省俾令

知予贖咎之本意設遇水旱偏災皆應實力

拯救庶幾挽回

天意轉歉為豐尤不可稍存諱飾書誌予過亦

可諒予之苦心矣是為序

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十八

實錄卷九十八

三十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之九十九

蘇林藏書室經史子集題尾官字大傳或英大學生文淵閣領閣事稽察欽奉
上諭軍什處管理工部事務翰林院掌院學士陸爾昌

二級專常加級臣曹振鏞總辦官李太孫文淵閣大學士管理刑部事務加五級臣戴衢亨總辦官太子太孫內大臣文淵閣

提舉閣事楊景獻等 上諭事件處協辦大學士戶部尚書翰林院掌院學士教習詹古思總管內務府大臣鍾英旗滿洲都統崑崙

統領管理工部五庫奉宸苑清園等處總管工程處御茶膳房御藥房太醫院西洋堂事務堂功加二級隨帶加二級尋常加二級

錄李汝其和陳運讓官李太保性節尚書上書房行走武英殿總纂管理國子監事務文叔隨藩加二級紀錄四次汪廷珍爲奉

教修

嘉慶七年壬戌六月庚子朔旌表守正捐軀

11/11/11

河南永城縣民李愛妻趙氏○除江蘇上海

縣坍沒田九十畝有奇額賦○辛丑諭軍機

大臣等鐵保等奏河口淤淺糧船遲滯情形

一摺。據稱夏令以來。因風燥無雨。清水未增。

黃水消落以致江西在後九幫未能催渡鐵

保等公司商酌不便因後九幫遲逾轉致前

九十餘幫稍有阻滯。鐵保當即先赴前途開

壩緊要處所督催吳璣與多隆武暫駐河口

催趲在後九幫等語。本年糧艘已渡黃者九

十餘幫。無難依限抵通。其未渡黃者僅餘九幫。刺下因水淺不能接續前進。亦係實在情形。鐵保等通盤籌計。分投設法催趲。所辦尚是。惟黃河水勢大小。總以甘省上游雨澤多少為準。上年甘省夏秋被旱。水勢較減。下游工掃。普慶安瀾。今春甘省春雨優足。收成豐稔。現即據吳璥奏交夏令後。河水畧有增長。各工間有埽段蟄起。並溜勢移注隄根之處。誠恐夏間雨水盛行之際。上游萬錦灘一帶

水勢增長。下游即不免漲盛。此亦盈虛消息之道。不可不先事豫防。現在將屆伏汛。吳璥等惟當督飭道將等加意巡防。慎之又慎。務使各工埽段俱臻鞏固。此為最要。至借黃濟運之法。從前間亦行之。但此時清水過弱。若借黃浮送糧船。是引之使成倒灌之勢。日後必至淤淺轉甚。所利小而所害大。斷不可行。鐵保等自應俟清水長發時。將在後九幫趲行過渡。即稍遲一二旬抵通。於回空尚無妨

礙。不必冒險求速。也將此各諭令知之。○定進士出身及由翰林改授之內閣中書。未得缺以前。給與公費例。○定哈喇霍卓附近之大臺。作為吐魯番交界。以其地四百畝有奇。仍令原墾之魯布沁回民耕種。毋得越界。從吐魯番領隊大臣明興請也。○旌表守正捐軀河南葉縣民王二住妻余氏。淇縣民董林妻高氏。○壬寅諭軍機大臣等。朕聞新城縣地方現有蝗蟲。尚未據熊枝具奏。是否係該

縣諱匿不報。抑係稟知該署督。而熊枝尚未奏及。此時正值禾苗長發之際。直隸通省春夏雨澤。究未十分透足。蝗蟲最易萌動。為害地方。大吏應隨時留心。一面奏聞。一面撲捕。不得稍存諱飾。著熊枝即查明新城縣地方蝗蝻起自何時。該縣是否稟報。現在多寡。若何。並此外州縣是否尚有滋生之處。據實具奏。至捕蝗之法。若專委地方官撲捕。恐帶領多人踐踏禾稼。致滋擾累。不如曉諭百姓。令

其自捕。或易以官米。小民自更樂於從事。將此諭令知之。尋奏上。得旨。朕前聞直隸新城一帶。間有蝗蟲。降旨詢問熊枚。曾據覆奏。該處並無蝗蝻萌動。茲又據熊枚續奏。與新城相近之張家莊。河北村等處。偶有飛蝗停集。而容城。安肅。定興等縣。亦先後稟報。俱有飛蝗。並據稱景州。任邱等處。間亦有之。可見朕前此所聞。不為無因。而外省地方積習。只顧圖免。目前處分隱匿不報。殊不知諱匿吏干。

嚴議。避輕罪而轉獲重譴矣。現在顏檢不日到任。著熊枚於交代後。即前赴景州。任邱一帶。親行詳細查勘。不可任聽委員等扶同捏飾。如查有蝗蝻。仍遵前旨。令該處百姓自行撲捕。或易以官米。或買以錢文。務期迅速。搜除淨盡。勿致損傷禾稼。○癸卯。諭內閣。刑部議駁直隸省具題。史八因史黑強姦伊妻。未成。毆傷史黑身死一案。將原擬流罪。改照擅殺罪人例。將史八問擬絞候。一本。細覈此案。

情節。史八因史黑強姦伊妻。未成。往找史黑。未遇。嗣史黑持槍赴史八門首。辱罵史八。用棍將槍格落。疊毆史黑。殞命。該督將史八量減擬流。與例未符。煙部臣以史黑所執之槍。已被該犯格落。迨毆傷倒地。又有史博聞在旁。助毆史八等。不難將史黑拘送。乃輒毆致死。實屬擅殺。將史八依例改擬絞候。固為允協。但死者始則強姦婦女。繼又持槍登門辱罵。有欲殺死史八。強占伊妻之語。淫兇已極。

史八激於義忿。將史黑毆斃。其情尚有可原。將來覈辦秋審時。著歸入可矜。餘依議。○命刑部侍郎初彭齡。副都統富尼善。馳赴雲南查辦事件。○琅玕奏報。兇勦康普葉枝夷匪。維西北路全境疏通。賞道員薩榮安。叅將成文。遊擊永明。花翎都司善朋等。盡翎。○甲辰。諭內閣。木蘭行圍。為秋獵大典。我朝家法昭垂。舉行已久。所以習勞肄武。款洽外藩。況行圍不過十餘日。仍照常辦事。看本。非若

前代之盤遊畋獵可比。若以行園為從事遊觀。則朕駐蹕圓明園。如附近之清漪靜明。靜宜各園。較之避暑山莊。更為清愜。人情好逸。忌勞。孰不樂深居簡出。朕特因典禮所關。

祖

宗成憲具在。不敢自朕而稍形怠曠。是以本年春間。即降旨舉行秋獮。乃汪承霈於前日召見時。面奏順天府屬雇車掣肘。咨商直隸總督。協濟車輛。已露為難之意。昨又具摺奏請。

停止行園。據稱本年麥收。分數稍減。民力不無拮据。並稱。

高宗純皇帝臨御六年。始舉秋獮。今親政甫及四年。即再緩一二年舉行。亦不為遲等語。殊不成話。向來蹕路所經。除道成梁等事。均有例給經費。從無累及閭閻之事。此次直隸麥收。據熊枚奏稱。通省牽算。實有七分不為歉薄。若如汪承霈所言。則必待十分豐收。方可舉行秋獮乎。上年偶因雨水盛漲。道路橋梁。

間多衝塌。降旨停止。此係非常潦災。萬不得已之事。豈可引為常例。屢事展期。何以取信外藩諸部耶。且摺內有本年春間兩次謁陵。差務已形絡繹之語。尤屬紕繆。豈有愛惜勞費。併欲朕將春秋展謁大典。亦因之疏曠乎。

至協濟車輛一節。汪承霈面奏後。當即降旨詢問熊枚。本日據熊枚覆奏。此次順天府應雇長車。直隸各屬。除照向例幫價四千兩外。加增銀一千兩。解交大宛兩縣。就近雇備等語。

是順天府此次雇覓車輛。直隸又增貼銀一千兩。自不至辦理雖艱。而朕於應行裁減之處。已飭所司大加刪減。更可節省。况從前順天府按例雇辦車輛。本有舊定章程。所有此次行園應用車輛。著順天府照例雇辦。若實有礙難辦理之處。著汪承霈等詳細分晰。據實覆奏。僅經費不敷。亦不妨奏明請旨。毋得因循疲玩。再有推諉。○又諭。給事中汪鏞奏清查關口。俾商運糧載流通一摺。向來京

師糧石全藉俸米甲米輾轉流通其資於商販者本少至奉天豫東商運雜糧在京外各處售賣例不徵稅本年該三省麥收豐稔水陸運載自必源源而來所有近京一帶經過關津隘口毋許留難需索該管官尤當隨時查察務令商運流通京畿糧石日增以平市價而裕民食○以吏部尚書琳寧著禮部尚書○旌表守正被戕山東蓬萊縣民陳日明妻劉氏守正捐軀河南洧川縣民師漢妻張氏○丙午諭內閣永定河石隄工程所用灰斤較成例多至一倍有餘前經該部照例覈駁已依議行矣今那彥寶等奏稱永定河一帶石隄每次歲修不過零星粘補上年工程係通身修砌加灌汁漿所用灰斤因照常例倍增所奏自係實在情形著加恩將此次多用灰斤價銀二萬一千一百餘兩准其照數開銷並著工部存記如保固例限內致有損漏仍著落承辦之員賠補此後永定河歲修

工料俱照部中成例辦理即他項工程亦不得援以為例○丁未諭軍機大臣等本日遞到額勒登保奏函仍不過鋪敘勦辦情形並未與賊接仗據稱賊匪奔竄無定自係實在情形斷不疑其虛誣但事機所在亦必須熟籌辦理若云智者無所用其謀勇者無所用其力遂不思多方設計勦辦豈有待賊匪自斃之理乎至以功屈垂成刻下惟苟逆一股辦理棘手自謂無能而且無福此語過當額

勒登保前此疏防任苟逆竄入老林將及半載尚未擒渠獲醜其辦理無能朕亦不能為解免至無福一語額勒登保不但不可出此言並不可存此心設思伊若無福何以能承受朕恩額勒登保惟當倍加奮勉指日大功告成晉爵酬庸伊之渥被恩施者正未有量至摺內稱仰慰

高宗純皇帝在天之靈此乃朕之責任朕受皇考付託之重此為第一件大事額勒登保能

早建大功寬朕之責即以慰

皇考之靈若日久因循則非但額勒登保之罪實朕之罪朕自親政以來宵旰憂勞額勒登保冀以紓朕之憂不知為君無去憂之時勤賊一事特朕心憂勞之最大者其他兩場年穀吏治民生在在關心憂勞實無時或釋若額勒登保等將賊氛計日蕩平則振旅還朝懋膺上賞伊等之焦勞即可寬解額勒登保不可不勉體此意迅速截功也將此傳諭知

也○以故睿親王寶恩弟端恩襲爵○旌表守正被戕四川遂寧縣民張居義妻李氏○戊申稽查內務府御史多福博慶額奏內務府養育兵缺請照八旗例由該管大臣挑補從之○己酉諭軍機大臣等川省夷探在裁眉雷波等處焚搶經勒保派令豐鍾董教增帶兵前往即交伊二人專心妥辦此時秋歉業已完竣董教增惟應會同豐鍾將夷人係何種類因何構釁滋擾及人數若干為首者

係屬何人詳悉查明速由五百里先行馳奏

又勒保奏稱董教增等帶兵至裁眉傳發木刻夷探大半退散可見該夷等尚知畏懼兵威祇須將為首滋事者嚴辦數人以儆其餘或訊係漢奸實有欺壓夷人等事尤當秉公究辦以服其心固不可稍涉張皇亦不可草率完事將此傳諭知之○德楞泰奏報冒雨趕剿樊曾賊股淹斃首逆樊人傑等並將樊人傑妻子弟姪全行殲斃餘匪掃蕩得旨獎奏晉封德楞泰三等侯將軍審沖阿等下部議欽賞提督長齡雲騎尉世職遊擊閔俊恩以參將即補起已革把總劉從善為原官賞出力兵丁銀牌並予軍機大臣慶桂董誥戴衛亨及章京等優敘奏事處接報兵部遞報各官加級沿途驛遞查明獎賞○勒保奏報殲斃賊首楊步青得旨嘉獎賞鄉勇冉貴等頂帶並藍翎○展緩兩淮板浦中正臨興三場水災帶徵蠲課○辛亥

上御勤政殿聽政○吏部議覆御史周廷森奏請飭令順天府府尹移居公署應如所請從之○琅玕奏報痛勘土地塘義樂保匪總兵官書成等下部議敘○旌卹遇賊捐軀湖南守備林子元妻張氏子宗鴻等五十九名口如例○旌表守正捐軀奉天海城縣民姜起先妻李氏○壬子諭軍機大臣等本日據楊揆奏到義眉雷波兩處夷匪滋事現在籌辦緣由一摺與前日勒保所奏情形相同但摺內祇稱該廳縣銅鉛各廠多與夷地毗連此次緣漢夷爭界並有附近廠分貿易民人在彼影射私壘夷地因而該匪等生心燒搶等語其實在因何起釁焚掠時曾否傷害民人及滋事夷衆共有若干人為首者係屬何人仍未詳晰聲敘著勒保即遵照前旨查明據實速奏至該夷匪等滋擾邊界肆行焚搶固不可將就了事但此等徵外保夷一經董教增等帶兵赴彼該匪等即已退回卡外可見

尚知畏懼即摺內所稱夷性畏熱恐交秋後復出滋擾亦尚係懸揣之詞此時豐紳帶兵前往若徑行搗其巢穴恐該處沿邊夷種不一轉致驚惶失措勒保接奉此旨後當酌量情形飭知豐紳等相機妥辦如該匪業已退避歸巢豐紳等祇須在卡內帶兵駐劄示以聲威諭令將為首之犯自行縛獻究明起釁首犯正法示衆即可完局如查係漢民理曲構釁亦即對衆將該犯正法使該夷等心知畏服可期日久寧謐豐紳仍即帶兵回至川北一帶辦理搜捕餘匪事宜其義眉雷波邊界就近交與該協營將領等督兵駐彼彈壓以靖邊隅將此傳諭勒保並諭楊揆知之○又諭本日由驛遞到王德等奏摺一件朕詳加披閱係蔡牽盜夥登岸搶去汛礮及何定江追捕盜船擒獲盜犯劉幫等六十名審擬辦理二事此內審辦盜犯係應發交刑部嚴擬之件自應另為一摺以便批發今該督等

將二事牽混入奏殊屬不曉事體除將劉幫等案供節錄發鈔外其辦理盜匪登岸搶破一事僅稱訊取該弁兵等確供按例定擬亦屬非是大擔門距廈門祇三十里立有專汛安建礮臺原為巡防洋盜而設黑夜之中遇有盜船近岸即應用礮轟擊何以轉被該盜夥舍舟登陸將汛礮搶去其傷斃弁兵僅止一人自係在汛弁兵人少致有疏失看此情形沿海所設墩汛竟屬具文並聞該弁兵平日全不在汛地防守且有私將礮位埋藏者

海疆重地若營汛如此廢弛何以戢盜安良著王德等確切查明如有前項情弊即據實叅奏嚴行懲治毋得僅照尋常疏防按例辦理將此諭令知之○甲寅德楞泰奏追勦樊人傑隨營辦事文員並節次打仗出力員弁賞叅將馬文斌遊擊王占鼐已圖魯名號知府金之忠知州范維昌遊擊烏勒喜訥都司熊敏謙劉廷斌守備謝成貴千總謝金章花

翎千總趙先貴等藍翎餘升擢有差○命吏部尚書劉權之刑部尚書德瑛在軍機大臣上行走○旌表守正捐軀河南永寧縣民吳學治女吳氏○乙卯額勒登保奏報擊獲首逆苟文明家屬開復額勒登保等革職留任處分提督楊遇春下部議敘○命貝子奕純帶領侍衛十員往奠故禮部尚書達椿茶酒賜祭葬擢其子太僕寺少卿薩彬圖為內閣學士兼禮部侍郎銜○以兵部右侍郎長麟

為禮部尚書兼翰林院掌院學士調工部左侍郎那彥寶為兵部右侍郎轉工部右侍郎蘇楞額為左侍郎以內閣學士吉倫為工部右侍郎○調正黃旗漢軍都統祿康為鑲黃旗漢軍都統以京營左翼總兵恭阿拉為正黃旗漢軍都統轉右翼總兵圖霖為左翼總兵以正藍旗漢軍副都統廣泰為右翼總兵內閣學士那彥成兼正藍旗漢軍副都統調鑲藍旗蒙古副都統台費蔭為鑲白旗滿洲

副都統以內閣學士納清保兼鑲藍旗蒙古副都統。○戊午諭內閣。三法司衙門議覆。湖北省左中義將伊父左士潮存錢買穀。致伊父忿恨自盡。照原議違犯教令。例定以絞候一本。細覈此案情節。左士潮將賣牛錢文。欲行湊買棺木。伊子左中義因先要買穀防飢。經左士潮向阻不聽。並將舊存錢文一併買穀。以致左士潮忿恨莫釋。投繯殞命。試思製備棺木。原係為子者分應盡心之事。今該犯不但為伊父早行備辦。並將伊父自備買棺錢文。忍心挪用。先買食穀。致伊父抱忿自盡。是其平日必不能孝順其親。非僅一時違犯教令可比。將來覈辦秋審。亦必予勾。左中義著即行處絞。○庚申諭內閣。戶部奏覈議陝西省題報嘉慶三年以前收過軍需銀數一摺。該省辦理軍需。前後請撥帑餉甚多。自當劃定年限。分別覈銷。是以上年正月間即經降旨。令該撫將嘉慶三年以前領發軍需

銀兩。先行按款報銷。迄今一年有餘。始據將收過銀數題報立案。殊屬遲緩。至軍需報銷一切。總當覈實辦理。其實在用過銀兩。即稍有與例不符之處。或限於時地。或別有情節。亦不妨據實聲明。奏請定奪。君臣之間。相接以誠。豈可稍事虛捏。致蹈浮冒飛灑之弊。其官兵出境入境日期。尤關緊要。此次川楚陝三省勦辦教匪以來。官兵分路兜圍追擊。所向無定。或朝楚而暮川。或出境而復入。歷年既久。不特部中無可查覈。即帶兵大員。亦不能一一記憶。惟在該督撫等查照從前奏報原案。逐一詳細覈算。分別題銷。以歸覈實。至部議立限一月。未免稍覺促迫。著加恩於接奉此旨後。勒限兩箇月。將嘉慶三年以前動用軍需銀兩。速行遵照查明。官兵勇練數目。及出境入境月日。造具各項清冊。先行咨部備查。仍即分案題銷。儻再有遲延。或局員及承辦各員稍有獎實。即當指名嚴叅究辦。該

督撫等不得扶同捏飾致干重戾其嘉慶四年以後支銷各款現在大功不日告成亦應上緊陸續咨部覈辦毋得任意延宕○又諭上年永定河土石各隈衝決多至三千數百餘丈雖係雨水異漲究因下游高仰不能宣洩所致直隸歷任管河各員因循玩誤經理不善咎無可辭是以降旨令那彥寶等查明土石各工用過銀數統照河工銷六賠四之例著落歷任管河各員分別攤賠以示懲儆

今據那彥寶等查明此項應賠四成銀三十八萬八千五百二十八兩零請著落自乾隆三十八年起至嘉慶六年六月止歷任各員賠繳經軍機大臣會同吏部工部議准並將歷任各員應賠銀數分別開單進呈請按限催追本應即照所請分別著賠但詳開單內各該員在任遠近不同本身存歿亦異若一律分攤未免漫無區別如乾隆五十年以前已故各員離任既久原難盡將辦理不妥之

處責之年久各員所有此項應賠銀八萬二千四百八十二兩零著加恩全行豁免其乾隆五十一年以後已故各員在任年月較近於下游挑濬事宜若能先時籌辦何至上年有潰決之事是該員等獲咎較重但業經身故比之現存各員亦尚有區別所有此項已故各員應賠銀二十一萬四千三百七十二兩零著加恩照各該員應賠之數俱寬免一半除著照承追定限完繳至現存各員在直

隸居官者居多該員等經管河務既未能疏濬於前又未能防護於後其咎無可寬免著即照數攤賠如限完繳此內原任同知楊奕繡賈惠李炳原任通判曾成勲沈學嶽五員並著行文各該原籍查明存歿年分照此一律辦理至歷任各員既經著落分賠所有應行查議各職名著加恩寬免○定分賠代賠分別減免並停兵丁扣餉例又諭向來外省辦理侵虧之案定例褫職原因該員等在任

時肆意侵貪。冀肥身家。而潤子孫。其情最為可惡。是以將本員監追治罪。其未完之項。並著落伊子孫賠繳。即其子孫困苦流離。亦無足惜。原以懲貪墨而儆官邪也。至因公覈減。及分賠代賠各項。或因限於時地。與例不符。或係代人受過。此等賠項。究屬因公。與侵挪入己者有間。此在立法之始。原未嘗概無區別。嗣因奉行日久。辦理參差。畸重畸輕。轉不足以昭情理之平。前此戶部具奏清查直隸

旗租未完銀兩一摺。曾降旨令將現行事例。其中有與舊例不符者。詳查修輯。分別條款具奏。茲據該部將修改條例開單進呈。朕逐加詳覈。所議尚屬平允。蓋著賠之款。總以本身為重。其例應分攤者。即應於分攤之員。分別覈辦。若不顧事理。率行攤派。或波及同僚。或累及上官。甚或輾轉攤賠。又於攤賠各員子孫名下著賠。是案外之官。本身已代人賠累。子孫復受追呼之苦。而本任應賠之員及

其子孫早已置身事外。不獨事不公平。且帑項終歸無著。此不過外省巧為拖延之計耳。況分賠之項。不得於他人名下攤派。及於同案各員重複攤追。並兄弟未經析產者。祇准將本人名下應分財產入官。又八旗綠營兵丁坐扣餉銀。概行豁免。節經我

皇祖

皇考中諭詳明。仁至義盡。允宜永遠欽遵。即朕親政之初。亦早經明降諭旨。將分賠代賠分

別減免。此內應扣繳養廉之員。如琅玕伊桑阿。職分最大。皆請將養廉全繳。朕恐其無以辦公。又復派累屬員。節次諭令。每年僅交一半。於著追帑項之中。仍寓體恤下情之意。所有此次戶部擬修各條。俱著照議行。至兵丁餉銀。原屬有限。若再行生扣。伊等何以為生。著將一切扣餉之例。永行停止。其文武各官賠項。有應扣繳廉俸者。此後每年祇須坐扣一半。不必全行扣交。免其藉口索取。轉遂其

私著為令其吏刑二部條例及兵工等部議
賠各例均照此分別妥修具奏○命大學士
保寧管理兵部事務○命大學士保寧禮部
尚書長麟刑部尚書德瑛理藩院尚書博興
都統恭阿拉在紫禁城內騎馬○辛酉考試
辛酉科拔貢以戶部侍郎英和刑部侍郎祖
之望內閣學士那彥成都察院左副都御史
陳嗣龍通政使司通政使曹振鏞為閱卷大
臣○改安徽池州府江防同知為潁州府督
捕同知移駐阜陽以池州府管糧通判兼管
捕務從巡撫王汝璧請也○壬戌遣官祭
火神廟○癸亥諭內閣內閣為絲綸重地大
學士均應常川到閣閱看本章其中有在軍
機處行走者每年春夏在圓明園之日居多
散直後勢難再令赴閣視事至在城之日偶
值樞務稍簡朕仍令其赴衙門辦事即應閣
部兼到若不在內廷行走之大學士則票擬
綸音是其專責豈可稍涉閒曠是以保寧到

京後雖兼領侍衛內大臣朕不令其在園居
住以便赴閣辦公無曠職守嗣後在軍機處
行走之大學士值朕進城諭令到衙門辦事
時著先赴內閣再赴所管之部院衙門其不
在內廷行走之大學士俱著常川到閣閱本
以重綸扉而符體制○旌表守正捐軀江蘇
陽湖縣民徐方州女徐氏○甲子諭軍機大
臣等全保奏湖北被水各州縣酌籌撫卹一
摺據稱漢陽府屬之漢川沔陽安陸府屬之
潛江天門京山鍾祥荊州府屬之公安松滋
江陵監利等州縣經各該地方官陸續稟報
或因連日大雨或因江水驟漲陡勝俱被浸
淹等語看來各州縣被水情形公安一縣較
重該縣地處下游江陵松滋二水並瀉城內
水深至丈許衙署民房城牆倉廩多有倒塌
尚云人口幸未損傷殊不可信外省報災總
不肯據實推原其故皆由徇庇屬員自免處
分起見試思一二人之功名與千百人之性

命相較其輕重何啻霄壤現據該撫將被災較重之公安潛江二縣先行撫卹一月口糧自應如此辦理此外如再查有被水較重應行撫卹之處即著全保等據實奏聞不可諱飾如地方官有匿災不報者即行指名嚴叅○又諭國家設兵原以衛民遇有一切征調自應選派額兵用資敵愾向年平定準夷回部及大小金川皆係派調八旗勁旅及綠營兵丁克敵致果從未有雇募鄉勇之事自福

康安赴臺灣勦捕林爽文始招募義勇與官兵並用此後勦辦湖南貴州等處苗匪以及川陝楚教匪遂相沿為例各處俱設有鄉勇名目試思兵民本自分途百姓耕作為生原不令其演習武事是以私藏鳥鎗竹銃均干例禁正以杜其好勇鬪狠之漸今該三省鄉勇為數甚多一時雖資其力而此輩易集難散終非善策其在民間自為團練者即於本處各依堡寨互相守望伊等有業可安事平

後猶可不致流而為匪而募勇一項本係遊手無業之徒應募來營所得分例較之兵丁尤多伊等隨營日久打仗殺賊之事習以為常而好勇鬪狠之風亦難化誨此實地方之要務未可視為無關緊要也現在大功不日告竣自應漸次裁撤但撤之亦非易易朕節次降旨總須趁大兵未撤之時先行散遣方免滋生事端第散遣之後亦須安置得所此等鄉勇若令盡行入伍未必人人樂從儻一

概聽其回籍伊等無業可執地方官未能遍行管約日久或致心生他念種種難於安頓之處殊堪慮慮此時軍務將次完竣酌籌善後事宜惟鄉勇一節最為緊要節經降旨諭令熟商妥辦尚未據伊等將如何設法辦理之處詳議具奏或該督撫等業經辦有端緒而未能一律周妥或因各處情形不同現須籌商未能遽定章程著額勒登保德楞齊會同四川湖北陝甘各督撫各就三省現在情

形悉心酌議其願歸伍者即令在營當差以補兵額其不願入伍之人尤宜豫為設法或優其賞賚示以恩意俾各知感戴恪遵約束永無他慮方為妥善再鄉勇中現有頂帶者將來或量材錄用或頂帶榮身亦應斟酌妥辦現在各該省未裁鄉勇若干並著一併具奏至大兵全撤後各省原設額兵尤應隨時訓練不可因軍務已竣遽存文恬武嬉之見務須嚴飭各提鎮等將營伍大加整頓俾現

兵皆成勁旅庶設一兵即得一兵之用將來設遇有征調之事自可無須募勇協助而不逞之徒見各省官兵日增強盛潛革非心此朕思深慮遠諄諭及此封疆大吏應各仰體朕心妥為經理將此傳諭知之○又諭勒保奏裁眉夷裸滋事之由因漢民陳奇等在水居把姑夷地開廠肇釁經臬司董教增傳到該土司嶺金玉宣布聲威約束駕馭該夷人等均出具再不滋事木刻但陳奇為據釁首

犯自有應得之罪著交董教增就近審訊即行定擬具奏至雷波滋事匪衆實有若干為首者係屬何人摺內仍未敘及據奏該夷人日久未散且擾及屏山邊境一時未能了事看此情形甚為可惡此時豐紳已將抵該處勒保應即飭知該提督懾以兵威將為首滋事之犯立就擒拏或該夷人畏罪將首犯縛獻方可完事近日豐紳到彼如何妥為籌辦曾否續得地方官稟報情形著勒保隨時速

奏以慰廑注○又諭琅玕奏馳抵劍川分兵進剿吉尾樹苗賊匪各緣由一摺樹苗一路餘匪尚在該處山內藏匿經琅玕派令成文永明等帶兵搜剿焚燒賊寨沿途均有斬獲並將投順夷民分別安插自不難以次廓清其吉尾賊匪據稱最為強橫且山路處處可通慮其逃入沿江一帶再有勾結琅玕現在駐劄劍川適中之地督率將弁上緊進攻絕其後路自應如此辦理此時標匪疊經官兵

緊勦雖間有棄械來投之人。但夷性反覆靡常。總須備以兵威。使該夷等真心畏懼。乞命投誠。方可就事完結。至恒乍緬一犯勾結各處夷匪。滋生事端。尤為凶頑可惡。必須嚴拏懲辦。斷不可任其漏網。該逆現既逃至江外。距琅玕駐兵處所不甚遼遠。務當設法擒獲。或曉諭夷衆。將恒乍緬早行縛獻。以淨根株。再摺內稱。此次進兵。帶同所集鄉勇相機攻勦一節。該處陸續調派兵數。儘已足敷勦辦。

何必又藉鄉勇之力。紛紛團集。轉多煩擾。著琅玕察看情形。如現在軍營實無需該鄉勇等。在彼幫同出力。即速行撤回。將此傳諭知之。○乙丑。旌表守正捐軀安徽六安州民高榮妻朱氏。○戶部議准。湖北巡撫全保疏報建始縣開墾田一十二畝。有奇。照例升科。從之。○丙寅。

上詣

大高殿行禮。○還宮。○諭軍機大臣等。據英善

等奏。班禪額爾德尼差人報稱。上年十二月內。達木先降及甲里兩處地方。有夾壩七十餘名。搶去牛廠百姓牛馬等物甚多。現在查明為首夾壩姓名。及開明失革。懇祈查辦等語。朕詳閱摺內。該處民人被搶至四十餘戶。其所開失物單內。馬五十餘匹。牛七百餘隻。羊一千八百餘隻。此外尚有衣服綉緞。毯毯。及珊瑚蜜蠟。松石珍珠並食物等件。為數甚多。恐非七十餘人所能搶劫。其呈報夾壩人數。尚有不實。且將該處百姓傷斃二名。現尚有帶傷未愈者。情罪甚重。與白晝搶劫財物殺傷事主之盜犯無異。邊陲重地。不可不嚴辦示懲。惟摺內據稱。夾壩七十餘名。係西寧地方頭人所管。其總管頭人又係四川地方土司所管。現已分咨西寧辦事大臣及四川總督查拏等語。番夷搶劫重情。儻該處地方大臣以事涉兩省。不免互相推諉。辦理焉能迅速。此案夾壩。查係西寧地方番族之人。該

處番族等向多出外滋事前此青海蒙古地方曾被肆擾經朕飭令該處大臣嚴行整頓始行驅出界外現在該處設有卡座並有官兵駐守賊番不敢再至蒙古滋擾又向毗連之衛藏地方肆其劫奪實為可恨著台布即查明夾壩等名姓住址人數派委妥幹之員按名弋獲並將贓物如數追出照律嚴辦示儆勿令漏網原摺著鈔寄閱看將此傳諭台布並諭英善福寧知之 予陝西遇賊被戕

實錄卷五

十一

兵王林祭葬世職如外委例 以孟秋時享太廟自是日始齋戒三日 丁卯諭內閣給事中魯蘭枝奏本年木蘭行圍請旨展期一摺實屬不知我國家典故行圍之事在前朝則為盤于遊田在本朝敬因

家法昭垂舉行已久凡以習勞肄武款洽外藩祖

宗成憲具在朕所以必當遵守前經降旨甚明無庸一一申諭即就該給事中摺內指陳各

清 實 錄 嘉慶七年六月

條而言亦斷不能因此遽停秋獮大典也如所稱本年麥收不足六七分之數現在麪價仍貴等語直隸麥收前據熊枚奏通省實有七分即間有歉薄之區牽算不滿七分亦總在六分以上若如該給事中所言豈必待十分豐收之歲方可行圍乎又據稱物價倍之又倍物力艱且益艱一節國家生齒日繁物力艱難勢所必至固不因行圍而物價頓增亦豈因停圍而遽能平減耶再該給事中慮

實錄卷五

十一

及近日錢價增昂更與行圍無涉此事朕未嘗不多方調劑或加卯鼓鑄或搭放俸餉總未能減落推原其故皆由年來所發內帑過多輾轉流通以致銀價日賤錢價日增即現在有軍務省分因鼓鑄稀少錢價亦多昂貴此近日情形大率如此亦必不因停圍即驟能平價至隨國官員兵丁向例俱賞給幫銀並豫支俸餉用示體恤豈伊等隨從需費而家居即無需食用耶至謂單價稍貴幾文錢

三三五

此乃瑣屑細故。朕即因此降旨停園。有是理乎。該給事中所稱展至明歲。或展遲一月。於中秋節後啟鑒。其時秋氣晴霽。道路橋梁。易於集事等語。上年秋閒。即因雨水過多。降旨停止秋獵。本年七月內。若果雨勢稍大。差探道路橋梁。艱於行走。自必改期八月。僕八月內。仍復陰雨泥濘。亦必降旨停止。朕非剛愎自用。不聽人言之主。斷無執意必行之事。又何待該給事中總總慮耶。總之魯蘭枝此摺。不過藉此謬附於昔人諫獵章奏。而並不權事理之能行與否。甚屬邀譽沽名。若不降旨宣諭伊等。又必以為疏入留中不報矣。言官之言。必當聽。若不可聽之。譬說朕亦不肯沽納諫賢主之名。聽而用之也。魯蘭枝原摺著擲還。將此通諭知之。○予湖北陝西陣亡

實錄卷九十九

十一

千總康得把總趙勝李登貴劉成現楊學古王廷耀。外委張誠楊林。王得勝。傷亡防禦福興。阿浙江出洋淹斃千總孫國明。何日高。祭

葬世職陣亡傷亡馬兵許國棟等三十一名。鄉勇陸玉等一百十四名。番兵次力等五十。六名。賞卹如例。戶部議准江西巡撫張誠基疏報蓮花宜春二廳縣開墾田六十三畝。有奇。照例升科從之。

實錄卷九十九

三十三

大清仁宗受天興運敷化經猷崇文經武孝恭勤儉端敏英哲睿皇帝實錄卷之九十九

[illegible]

嘉慶七年壬戌秋七月己巳朔享

上親詣行禮○幸圓明園○庚午以大學士保

寧為國史館會典館總裁官。○辛未諭內閣

大學士王杰自乾隆辛巳年以廷對第一通

籍供職詞垣入直南書房洊升卿貳

皇考高宗純皇帝知其持躬清介植品端方可

資倚任是以鄉會試掄才大典及各省視學

疊次

簡畀持衡未經協辦大學士即

賜贊褒嘉復

命充上書房總師傅朕在藩邸時曾資啟沃自親政以來常時召對恩禮有加見其年近八旬精神尚未衰減眷畀方殷茲以夏間屢嬰疾病具摺乞休朕念老成宿望未肯令其驟離左右當經召見再四慰留王杰以年衰氣弱深恐戀職誤公堅詞求退情意懇誠在王

杰並非家有田園思晚林泉之樂而朕眷懷
耆舊繾綣彌深豈忍忽然遽令歸去王杰著
不必開大學士缺毋庸票閱內閣本章其各
館所纂書籍亦毋庸閱看以便安心頤養如
調理即可就痊自應照舊供職儻一時未能
即愈自揣精力難勝再行陳奏另降諭旨○
勒保奏報殲除黃白青藍四號賊匪生擒首
逆劉朝選得旨獎賚晉一等男賞把總楊裕
等藍翎起己革副將褚大榮為叅將遊擊羅

思舉等敘賞有差○癸酉諭軍機大臣等惠齡奏劉家灣寨長陳德潤收留偽總兵袁奉在寨養傷著即行嚴訊如陳德潤知情容留罪在不赦自應嚴辦示懲仍當曉示各碉寨居民諭以官兵搜勦股匪原為保護閭閻賊匪早除一日爾等即早獲寧帖一日與其庇賊獲罪曷若立功邀賞伊等當感激天良協拏餘匪也○甲戌諭內閣內閣供事與各衙門書吏無異保寧甫經到京因考試供事外

間頗有浮言請在貢院扁試經朕發交禮部議奏以貢院為掄才重地考試吏胥於體制未合所議固是但議請欽派內閣學士及監試御史並護軍統領等員仍與考試士子相等辦理尚覺過當嗣後內閣供事仍在天安門外考試即令稽查內閣之御史會同內閣承辦官員在彼監試其閱卷之內閣學士著大學士指派滿漢各一員臨期奏聞不必請旨簡派○以故奉恩將軍倫康子淳寧襲職

○乙亥諭內閣日前召見新授右翼總兵廣泰曾在朕前奏及步軍統領衙門一切事件並無章程必須另為酌定復經召見又稱伊職係總兵該衙門司員俱存輕視之見朕即覺其有意紛更欲占身分殊為不滿自恨又誤用一人實屬不能知人深自愧赧本日召見祿康因將廣泰近日行為面加詳詢據祿康奏稱廣泰自到任以來於公事每欲更張且以總兵究係武職闔署司員呼應不靈曾

向祿康商懇代為奏請加賞兵部侍郎虛銜等語當即令軍機大臣傳詢廣泰竟係實有其事伊亦自認糊塗冒昧此非糊塗冒昧實屬膽大狂妄之至經軍機大臣奏請交部嚴議實屬咎所應得國家設官分職俱有定制豈有臣下妄思干請之理廣泰甫經擢用總兵自應循分盡職和衷共濟乃急於見長諸事輒欲紛更又復希冀加賞卿貳文銜紕繆乖戾已極廣泰著先行解任仍交兵部嚴加

議處速奏伊現在園該班即著逐回伊家閉門待罪聽候部議國霖即著在園該班此次不必隨從木蘭伊射布靶中箭三枝應得例賞仍著賞給恭阿拉於都統內業經派出隨園伊曾任總兵於步軍統領衙門事宜尚為熟悉所有行圍管轄營員番役等事即著恭阿拉暫行管理○貴州思南府安化縣屬土巡檢陸宗榮緣事革退以其子承烈襲職○丙子諭內閣盛京

祖陵朕早應躬親展謁恭查

皇考高宗純皇帝曾於乾隆八年舉行朕以大典攸關明歲自當祇謁

橋山用申瞻慕因與軍機大臣論及來歲係閏二月若於春間擇吉啟程道路較易行走當即降旨密諭晉昌令其將該處情形是否宜於春令抑或應俟秋間再行前往之處詳悉陳奏嗣據晉昌覆奏奉天正二月間地氣凝凍道路平坦易於行走朕猶以本年近畿雨

水調勻秋成雖可卜豐稔而奉省地方未知是否一律有秋正深慮注原欲於巡幸木蘭時傳旨詢問晉昌令伊將關外一帶秋收物價實在情形據實查奏酌定行止且現在軍務未竣即俟大功全藏後再明發諭旨亦未為遲明歲是否東巡陪都原在未定乃繼善於未奉明旨之前輒奏請展期伊係滿洲世僕於闡繫典禮之事尤不應撫拾細故率陳臆見即欲將該處情形具摺陳明亦應與晉

昌等聯銜會奏何得一人出名且伊所遞之摺係繕寫漢字乃照清字摺繕寫通體右行實從來奏牘所未有殊堪詫異試思各衙門進呈題本偶有違式及字畫錯誤者俱當分別飭行議處今繼善具摺奏事任意錯謬豈非喪心病狂耶繼善著即解任來京候旨仍交部嚴加議處○諭軍機大臣等台布奏蒙番情形並將蒙古呈遞各條進呈朕閱納漢達爾濟等所呈其意總欲內地官兵將番族

痛加懲治殊不知足。台布當明白曉諭以蒙古為我朝臣僕。雍正年間於青海設立辦事大臣。隨時保護。嗣因爾等不能自衛。致有番子搶奪之事。不值頻勞內地兵力。

高宗純皇帝屢降

諭旨。如再有番子搶奪等事。斷不能代伊等辦理。仍重治其罪。原欲爾等振作。弗為番族欺壓。自大皇帝親政以來。念爾游牧地方。被番族搶占。特派大臣帶兵前往。諭令番子將搶奪各物交還。已屬格外天恩。及番子出卡後。爾等又不能自防。復蒙大皇帝賞兵守護。恩施稠疊。無可復加。今爾等偶有偷竊小事。輒請天兵幫助。實屬恃恩妄為。天朝統馭外藩。甚多如額魯特、土爾扈特、烏梁海等。豈無偷竊之事。從未請天朝發兵搜捕。何獨爾等頻頻煩瀆。且番眾久隸帡幪。從無干犯天朝之事。爾等惟當嚴守疆界。勉力自衛。毋徒恃內地官兵為爾捍禦。亦不可與番眾有心構釁。

致啟爭端。方不負大皇帝愛護之意。若爾等不知自強。惟思構兵滋事。天朝不但不能相助。並當治罪。如此剴切曉諭。俾蒙古等懷德畏威。自不敢再行瀆請。至添兵移卡諸事。台布當酌量妥辦。將此諭令知之。○又諭董教增奏雷波夷人因漢奸李逢春等誣斃夷目。擅行焚殺。致裸夷糾約生番。將雷屬等處疊次焚搶。看此竟係內地奸民欺壓夷人。實屬可恨。董教增馳赴該處。業將漢奸李逢春等拏獲。審明將首犯凌遲斬決。餘犯枷號示懲。後應即曉諭裸夷。此次漢奸構釁滋擾。已奏明皇上。將首犯明正其罪。爾等夷人久經歸化。遇有奸民焚殺。理應赴官申訴。代為究辦。何得糾約生番。輒行報復。致居民橫遭焚掠。現在大兵雲集。皇上念爾等愚蠢。不忍遽誅。著將為首滋事夷人速行縛獻。尚可寬貸。如再違抗。定即進兵剿辦。如此剴切曉諭。該夷人當感恩畏罪。一一凜遵。儻竟敢將首犯匿

不獻出自應懾以兵威豐紳董教增妥為籌辦一經擒獻首逆即行馳奏將此諭令知之○調盛京兵部侍郎穆克登額為盛京刑部侍郎以鑲白旗蒙古副都統花尚阿為盛京兵部侍郎庫車辦事大臣奇臣為鑲白旗蒙古副都統○旌表守正捐軀順天大興縣民李三妻張氏○丁丑諭內閣兵部議將右翼總兵廣泰照違制例奏請革職一摺廣泰前任御史時曾屢經派令巡漕看其人似能辦事

疊加升用擢至卿員旋授內閣學士昨右翼總兵缺出將伊補授廣泰本係文職出身特因步軍統領衙門有審理事件伊或能通曉案牘可以幫同祿康辦事乃廣泰器小易盈於未經到任之先即向祿康商懇代奏加賞兵部侍郎虛銜而於本衙門厯辦章程復有意紛更其實並未見別有籌辦之處不過圖占身分而已誠為薄福小人試思祿康本係刑部尚書經朕簡任提督伊因刑部與步

軍統領衙門有交涉事件再四辭退尚書朕當即允其所請嗣因戶部尚書缺出復將祿康補授是祿康本係尚書並非因簡任提督俾兼部銜即如從前歷任提督綿恩以親王管理和坤以大學士管理若如廣泰謬見則簡任提督者豈亦可引以為例耶廣泰狂妄無知實屬紕繆乖戾著即照部議革職○諭軍機大臣等額勒登保勦辦苟逆以來已逾半載尚未將該逆擒獲節據伊奏稱苟逆股

匪不過三百人而各路大兵雲集理應早行捕淨豈日久兜擒尚不能一鼓殲滅耶推原其故額勒登保所帶官兵雖多恐各處派防卡隘分而見單著詳查各路量為撤減並將其中老弱兵丁悉行裁汰使一兵得一兵之用其所撤防守精兵即令勦辦苟逆迅速藏功○又諭此時川省零匪已屬無多勒保當督飭將弁務於七月內掃蕩淨盡現在在川北防堵事宜尚非緊要惟川東與楚境在在毘

連蒲賴等逆原係由川竄楚或思竄回巫山邊界亦未可定儻堵禦不密致乘間竄入是楚輕而川復重何時始能全藏耶著勒保從長籌計或將他處可徹防兵抽移至巫山等處嚴密布置一聞楚匪竄近之信即移師入楚兩面夾擊無難一鼓殲擒也○又諭琅玕奏樹苗通甸小川各路官兵連獲勝仗現在合兵進剿吉尼覽奏俱悉標標夷匪經此懲創自必畏懼惟恒乍綑一犯逃匿江外伊係

起事首逆必當擒拏務獲勿令漏網至摺內稱秋深瘴退如有仍須勦辦之處再行奏辦該匪等現已逃出江外若秋深後竟敢渡江滋擾自應勦辦儻畏懼不出即可不煩師旅該夷人賦性兇頑劫掠是其長技遇有滋事之時自當隨案懲創至既經懾伏之後即兵力有餘亦斷無將此種夷人誅戮務盡之理窮兵黷武非善政亦何忍殘害無知之夷人邀功見好耶琅玕當查明為首之楊金羅小

二實在下落懾以兵威勒令該夷人速將二犯縛獻即可完事無庸過江搜勦務欲邀功至不可罷兵之時轉成蛇足矣將此諭令知之○引見八旗及直省考取拔貢生雙興等五十名以七品小京官分部學習彥璧等七十二名以知縣試用吉昌等五十名交吏部詢問以教職佐貳等官分用○予捐備賞需之湖北巡撫全保等議敘○展緩河南內黃武陟二縣水災帶徵額賦○戊寅

孝懿仁皇后忌辰遣官祭

景陵○申營官私役兵丁之禁諭內閣伯麟奏奏防禦巴延善私役旗兵致令脫逃一摺防禦有訓練約束兵丁之責巴延善輒敢私差馬甲慶福離營遠出致送禮物以致該兵丁乘間逃走實屬不職巴延善著即革職馬甲慶福嚴拏務獲並著通飭各省駐防及營伍官員務須恪遵功令勤慎操防不得以私事擅役兵丁有乖職守違者嚴懲不貸○又諭

費淳等奏請將推升刑部員外郎之淮安府外河同知曹恒暫留工次俟霜降後再行給咨該員赴京供職等語同知曹恒既據該督等奏稱服官河壩四十餘年於河務機宜最為熟諳且為人老成正直。歷來辦理工程從未失事是該同知於河員中實為得力若令赴刑部供職在河工既少一熟手而刑名事伴轉非其所諳習未免人地兩不相宜。曹恒著加恩賞給知府銜仍留江南河工遇有沿

河知府缺出著該督等酌量奏補所有刑部員外郎一缺歸部另行銓選該部知道此係朕施恩格外嗣後不准援此例妄行干瀆有礙吏部銓選成例也○又諭吏部議將盛京刑部侍郎繼善照違制例奏請革職一摺盛京恭謁

祖陵朕原欲查明關外秋收物價情形俟軍務告歲再降諭旨行止尚在未定繼善即欲陳請展限亦當與將軍晉昌等聯銜具奏何得

一人出名且以漢字奏摺通體右行非尋常違式錯誤可比即照部議革職亦所應得但念伊摺內所言尚無悖謬之處其咎止於書寫時格式顛倒實屬昏憤糊塗繼善著加恩以六部筆帖式補用○旌表守正捐軀河南新野縣民齊旺妻吳氏○已卯以湖北布政使孫玉庭為廣西巡撫賞還二品頂帶候補布政使同興署湖北布政使○予故廣西巡撫謝啟昆祭葬並賞銀三千兩治喪以其

在藩司任內認真辦事擢任巡撫操守廉潔也○庚辰

上御勤政殿聽政○以奉天府府尹明志為內閣學士兼禮部侍郎銜○調福建按察使喬人傑為湖北按察使湖北按察使成寧為福建按察使○辛巳諭內閣朕惟求治之道必期明目達聰廣為諮諏庶民隱得以周知古帝王懸帑設鐸自臣工以逮士庶悉令各陳所蘊以備採納但必視其言之有當與否如

果指陳確實有裨國是。即無言職者亦當加之採錄。儻率逞臆見妄意紛更。甚至莠言亂政。雖係言官之言。亦不可輕為聽用。近來科道中每有條奏失當。經朕降旨駁斥。此係權衡事理。隨事訓飭。並非懶於辦事。怠惰偷安。朕承

皇考付託。曷敢不勤政乎。若言官誤會朕旨。遂爾相率。緘默轉非。朕廣開言路之意矣。本日據步軍統領衙門呈遞陝西恩貢生加捐州

同職銜何泰條奏一件。朕詳加披閱。其所陳敬

天勤民敦崇治本。澄敘官方。整飭士習。以及黜奢崇儉。挽回風化。各大端俱能援引古書。切陳時事。其中不無可採。何泰係恩貢出身。加捐州同職銜。非齊民可比。伊果有志上進。於鄉會試中式。後原可臨軒試策。直陳無隱。今抒陳各款。於風俗人心均有關係。且文理亦屬通順。著加恩賞給大緞二疋。交祿康將伊

傳到祇領。並諭何泰回家安靜讀書。勉圖進取。以備將來量材錄用。所有原遞各條。留備省覽。添設陝西漢中府屬分防漁渡路撫民同知一員。司獄一員。簡池壩巡檢一員。移西鄉縣鹽場關巡檢。駐姚家壩。均歸同知管轄。大池壩縣丞移駐五里壩。仍歸西鄉縣管轄。又移興安府屬平利縣治。駐白土關地方。紫陽縣二州垣主簿。駐毛壩關。並添設洋縣華陽地方縣丞一員。四畝地巡檢一員。從經

畧大臣額勒登保請也。○以廣東香山協副將張成為浙江黃巖鎮總兵官。○癸未中元

節

上詣

安佑宮行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵（命）

皇次子旻寧祭

孝淑皇后殯宮○遣官祭

端慧皇太子園寢○諭內閣本日戶部奏將

兵丁扣餉之例請自本年八月起永行停止等因一摺已依議行矣八旗兵丁日用所需惟賴餉銀資給朕軫念伊等將應行扣餉之項加恩停止原為伊等生計起見但伊等用度所以不足者固由生齒日繁物價昂貴亦由平日不知撙節若能將衣食二者隨時加意省嗇即可免於匱乏乃往往耽於口腹餉銀一經入手不為度日之計輒先市酒肉以供醉飽不旋踵而貲用業已告竭又支領官

米隨即賤價售與鋪家祇顧目前得錢使用

不肯稍為儲蓄而家中食米轉零星用貴價

向鋪戶羅買此皆失算之甚者我滿洲淳樸

舊風衣服率多布素近則扭扭於習俗兵丁等

競尚鮮華多用綢緞以穿著不及他人為恥

試思旗人原以學習清語騎射為本伊等技

藝生疏何以不知愧恥惟於衣飾欲圖體面

耶國家恩養八旗體卹周至即如內城不許

開設戲館亦恐旗人花費銀錢是以特加禁

止又旗地一項因伊等履行典賣官為贖回

將所得租銀於年終普行頒賞所以加惠伊

等者不一而足現又將扣餉之例永行停止

無非欲伊等家計有資漸臻饒裕伊等亦應

仰體朕惠愛懇拳之意不可習於浮靡坐耗

物力著交八旗都統等轉飭叅佐領以下各

官諄諭該管兵丁敦崇節儉力返淳龐馴至

家給人足朕實有厚望焉將此通諭知之○

又諭額勒登保等奏請將固原陝安提鎮仍

因舊制並另籌漢南添設營汛各事宜一摺
國家設立督撫提鎮原擇扼要適中之地駐
劄以資控馭而垂永久不可因目前情形稍
涉緊要遽議更張前長麟等請將固原提督
移駐漢中經兵部議准此祇係一時權宜並
未計及久遠朕意此事所關甚重原欲降旨
不改舊制今額勒登保等以現在漢中地方
雖較固原為緊要若大功告竣後所應辦者
不過盤緝奸宄等事非若固原之防範邊陲
彈壓番族者可比所見甚是著照所請固原
提督無須移駐漢中紛更營制至向例每三
年提督至興安漢中巡閱一次為期太遠該
處萬山叢雜地方遼濶奸民最易藏跡必須
常有大員往來稽查方足以資鎮撫現在海
疆提鎮即有每年出洋會哨之例嗣後陝安
鎮協及寧陝鎮俱著該提督每年巡查一次
餘著該部叢議具奏尋議准於西鄉縣添設
遊擊一員守備一員千總二員把總三員外

委四員兵七百名作為西鄉營其縣屬之鍾
家溝司上堰口即於該營內酌撥弁兵分汛
移白土關都司駐鎮坪作為鎮坪營其附近
之八仙河雞心嶺即於該營內酌撥弁兵分
汛均歸陝安鎮統轄並於鎮標左營內派千
總一員兵一百名分駐安康縣磚坪添中左
二營及城守營兵額一千九百名以資差防
又准於沔縣添設都司一員千總一員把總
二員外委二員兵四百名作為沔縣營南鄭
屬之銅廠添設守備一員千總一員把總一
員外委二員兵三百名作為銅廠營其附近
之褒城馬道青石關即於各該營內酌撥弁
兵分汛均歸漢中協專轄又於陽平關添設
把總一員外委一員兵二百二十二名寧羌
營添設外委一員兵一百十四名畧陽營添
設把總一員兵二百十五名其漢中一協寧
羌平陽畧陽漢鳳四營俱歸提督專轄均應
如所請從之○諭軍機大臣等前曾降旨令

額勒登保赴平利一帶扼要防堵此時陝省
新士黃陳文海等股匪為數較多而宋應伏
尚在寧羌有竄入廣元之勢額勒登保應即
在彼督飭扎克塔爾等將陝境各匪一律廓
清籌定善後大局再赴平利一帶策應至楚
省賊股惟蒲添寶最關緊要德楞泰須督兵
趕剿於八月內一律殄平其孫清元德昌勦
辦熊姓賊股吉林泰勦辦崔胡戴四等賊股
李天林勦辦歸州龔家橋賊股均應嚴飭趕
緊剿除不可稍留餘孽將此諭令知之○命
刑部左侍郎祖之望禮科給事中汪鏞馳赴
江南查辦事件○撥河南藩庫銀三十萬兩
解往陝西以備善後事宜之用

實錄

卷一百

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百

實錄

卷一百

稟報自必馳赴鎮南關督辦一切。現在清安泰已奏明前往。茲又諭令孫玉庭速赴廣西會同妥辦。如阮光纘率屬內投。即應照從前黎維祁之例。妥為安置。儻籲請助兵。吉慶應據實奏聞。候旨至農耐知。阮光纘入關。或指名求索。儻敢稱兵境上。自不可稍為容貸。若情詞恭順。亦當馳奏。朕再為區處。吉慶當熟籌妥辦。並於各關隘飭屬嚴防。不可示外夷以弱。如孫玉庭已到。即令清安泰回省理事。

將此傳諭知之。○除山東曹單二縣沙壓田地八百三頃有奇。歷年額賦。○緩徵山東臨清館陶武城邱夏津聊城堂邑清平博平茌平高唐莘恩陽穀朝城東阿平陰長清范漢冠觀城汶上德平原二十五州縣德州臨清東昌三衛上年水災帶徵額賦。○戊子。上以秋獮木蘭自圓明園啟鑒。命皇次子皇三子綿愷隨駕。○命儀親王永璘大學士保寧尚書琳寧張若淳彭元瑞留

京辦事。予湖北四川陣亡副將韓自昌祭葬。世職如總兵。例鄉勇王定富朱上錦陳紀杜桂明祭葬。世職如把總。例副將馬德舒叅將沈慶椿遊擊三家保拉里。守備王萬岱千總汪世煥陳永年劉洪升。蘇殿魁陳大勇黃金桂張應宗彭奉楊大貴周華長吳瑜恩。把總馬凌雲吳金魁徐正科。吳全鍾名諒陳俊。彭國藩羅國興外委劉振邦甯光耀李必見。劉成秀梁大成江化春哈天貴楊定志成千

里鄒元熊傅正朝梁志光黃文光。傷亡把總張全昇李大剛祭葬。世職馬兵彭士華等九十八名步兵張有等八百四十二名鄉勇董魁等六百七十一名賞卹如例。○是日駐蹕南石槽行宮。己丑。賞已革四川提督七十五護軍校回旗養傷。○賞密雲縣接駕兵丁半月錢糧。免蹕路經過地方本年額賦十分之五。○緩徵湖北公安松滋江陵監利漢川天門潛江鍾祥八縣水災新舊額賦。并給

公安潛江松滋江陵四縣災民一月口糧○是日駐蹕密雲縣行宮○庚寅駐蹕要亭行宮辛卯賞看守避暑山莊弁兵一月錢糧○是日駐蹕兩間房行宮○壬辰諭軍機大臣等軍務將次告竣所有善後事宜惟安插鄉勇一節為最要亦為最難現已諭令額勒登保趙大兵未撤之先分別妥辦願入伍者聽其入伍願回籍者賞給路費專派文武員弁護送回籍除沿途經過地方各督撫務飭令妥協照料外至到籍後全在本地方官留心撫馭處置得宜此內本有產業之人久役思歸各安生理不難管轄若隻身無業之人隨營日久習於戰鬪今歸鄉里衣食無資難保不流而為匪地方牧令如一味姑容則習久生玩目無法紀若有意從嚴則伊等自以著有微勞乃地方官防範過甚轉不得與平民無事者等亦失撫綏之道惟在該督撫詳切訓

誠地方官令酌量情形或挑充雜役畀以衣食之資閒有不安本分者亦須因事示儆懲一而不及衆總期示以大公恩威並用俾伊等知感知畏則歲月之間皆為良民矣此乃地方重大之務各督撫其悉心籌辦以副委任毋忽將此各傳諭知之○以盛京戶部侍郎德文兼管奉天府府尹事○以烏魯木齊都統興奎為西安將軍正藍旗滿洲副都統明亮為烏魯木齊都統調正白旗漢軍副都統英和為正藍旗滿洲副都統以哈密辦事大臣隆福為正白旗漢軍副都統○以乾清門行走頭等塔布囊丹巴多爾濟為正紅旗漢軍副都統○命固原提督慶成回旗守制調甘州提督楊遇春為固原提督以湖南永州鎮總兵官穆克登布為甘州提督正紅旗漢軍副都統慶溥為湖南永州鎮總兵官○以廣東南雄協副將國興阿為巴里坤總兵官以和闐辦事大臣四等侍衛興肇烏里

雅蘇台叅贊大臣藍翎侍衛永保俱為二等侍衛仍留原任。以疏防賊匪宋應伏奔竄。回川降巴里坤總兵官永明為都司。留營効力。是日駐蹕常山峪行宮。○癸巳諭內閣。朕前聞廣東博羅縣有重犯越獄。知縣劉嘉穎不行詳報。臬司陳文及該管知府扶同徇隱。復告知藩司。將該縣典史調補烟瘴示罰。又粵東贓罰銀兩。按縣攤派。批解臬司作為陋規。吳俊在任時曾經收受。升任起程時。又

派此項以作路費等事。當經親書密諭。令吉慶瑚圖禮密查具奏。朕以此事尚屬風聞。虛實未定。茲據吉慶等查明覆奏。皆係實有其事。將藩臬府縣等分別叅革。並自請嚴議。前來披閱之下。殊堪感歎。更深凜畏。各直省設立督撫。原以糾察屬吏。惟在見聞周密。有弊必除。庶屬員等知所儆懼。吏治自臻整肅。若必待朕先有所聞。降旨詢問。督撫始行查辦。則安用督撫為耶。試思四海之廣。臣民之衆。

為人君者。安能一一周知。雖以堯舜之君。明目達聰。設無九官十二牧。為之分職亮功。亦何能從欲以治乎。今粵東吏治若此。而吉慶瑚圖禮竟懵然不知。直至朕指出情節。嚴切密詢。伊二人始訪查得實。以此類推。則各省似此通同舞弊之事。或更有大於此者。未經朕聞知。查詢因循不辦。又不知凡幾矣。知人之明。用人之難。朕實愧且懼。惟盡此求治之苦心耳。至外省一切陋規。早應隨時禁革。粵

東借贓罰為名。按缺派送銀兩。相沿已久。督撫並不查辦。一經朕詢問。始據實陳奏。可見此等陋規。未經革除者尚復不少。今既經發覺。即不能置之不辦。所有博羅縣。絞犯越獄一案。知縣劉嘉穎。私稟臬司。匿不詳報。竟敢有意消弭情殊可惡。今案犯業已拏獲。姑著照所擬革職。發往伊犁効力贖罪。典史李清係管獄官。並不小心防範。以致要犯脫逃。亦著革職。發往軍臺効力贖罪。惠州府知府伊

東綬係親臨上司任聽該縣匿報不行揭叅著革職惠潮嘉道胡克家於所屬越獄重案不行揭報著交部嚴加議處藩司常齡經陳文告知此案並不照例揭叅輒將該典史改調烟瘴地方調停其事實屬膽大妄為著先革去頂帶仍交部嚴加議處臬司陳文於路過惠州時該縣已將盜犯越獄之事面稟陳文並不揭叅亦未令其通稟且經收受贓罰銀兩陳文前因年老難勝臬司之任已令來

京候旨即著革職交刑部審訊治罪現在行抵何處著該省督撫派員管押來京升任山東藩司吳俊於廣東臬司任內既經得受贓罰銀兩起程時又復將此項作為路費實屬卑鄙亦著革職令祖之望委員管押來京交刑部審訊治罪吉慶瑚圖禮於所屬匿報重案及收受陋規漫無覺察直同木偶均著交部嚴加議處嗣後各督撫於地方吏治務當隨時訪察釐剔弊端如有作奸犯科之事即

當據實嚴叅不得徇情袒庇亦不可為屬員朦蔽以期大法小廉副朕澄敘官方至意○調吐魯番領隊大臣明興為庫爾喀喇烏蘇領隊大臣庫爾喀喇烏蘇領隊大臣安林為吐魯番領隊大臣○是日駐蹕喀喇河屯行

宮 甲午

上至熱河詣

文廟瞻禮

闕帝廟

城隍廟拈香○詣

永佑寺行禮○諭內閣本日至避暑山莊甫經

下馬適遞到額勒登保等六百里加緊奏報

官兵殲斃首逆苟文明並擒斬餘黨大喜捷

音此皆

上天垂恩

皇考賜佑欣慰之餘翻增感涕秋獮大典為我

朝

家法相傳所以肄武習勞懷柔藩部者意至深

遠我

皇考臨御六十餘年。於木蘭行園之先。

駐蹕避暑山莊。歲以為常。

勅幾勤政之暇。款洽蒙古外藩。垂為令典。是避

暑山莊實為

皇祖

皇考在天靈爽。式憑之地。朕祇承

鴻緒。不敢稍自暇逸。特於今秋。涓吉啟鑒。舉行

秋獮。實本繼

志之誠。若以山莊為從事游覽。則京師宮館池

籞。豈不較此閒更為清適。而必跋涉道途。衝

履泥淖。遠臨駐蹕乎。朕之敬遵

成法。不敢偷安。必欲前來山莊之忱悃。

皇考實鑒臨之。是以清蹕纔停。捷書已至。

眷佑所昭。如響斯應。朕披覽奏函。瞻依

居處。不覺聲淚俱下。召見軍機大臣時。至於哽

咽。不能宣旨。此實至情所感。不能自己。當命

將此摺。遍示內外王公滿漢諸臣。亦莫不額

手稱慶。彼止朕此行之漢員。適見其愚。惜不

曉事耳。至苟文明為積久著名首逆。與羅其

清冉文傳等一同起事。頻年以來。在川陝楚

三省地方。輾轉奔逃。肆意擄掠。實為罪大惡

極。經額勒登保督率官兵。屢次剿殺。勢極窮

蹙。而尚於大山密林內潛逆四竄。希圖免脫。

又復數月。今在花石巖地方。經官兵四路搜

逼。立時截斃。斬級梟示。並將餘匪盡數殲除。

皆由額勒登保調度得宜所致。雖辦理稍覺

遲延。而首逆終就殄滅。實不愧經畧之任。殊

屬可嘉。邪教起事。各首逆俱已陸續辦淨。祇

餘苟文明一犯。今該逆復經殲斃。是積年著

名巨憝。業已悉數掃蕩。其零星奔竄之蒲添

寶等。祇係近日攢聚殘匪。為首之犯。且為數

無多。現有叅贊德楞泰等督兵搜捕。歲功大

局。已得十之九。額勒登保著加恩晉封一等

伯。賞還雙眼花翎。俟陝省零匪全數肅清。再

加恩賚。提督楊遇春雖係事後趕到。而督率

搜勦亦屬勤奮著交部議敘其奮勇出力殊筆圍出之李應貴張廷楷吳廷剛李應元特依順保張超王兆龍祝廷彪黎炳謝天瑞丁永安張必祿藍翎馬兵楊貴等或應加升一等或應交部議敘或應賞戴翎枝著額勒登保等分別等第開單保奏其餘如尚有出力人員亦著一併查明具奏候旨加恩並發去青玉搬指十個鼻烟壺十個大荷包五對小荷包十對分賞出力員弁一兩重銀牌二百

面五錢重銀牌二百面分賞出力兵勇以示獎勵將此通諭知之○又諭山東金鄉縣阜孫冒考一案前經學政劉鳳誥奏降旨交和寧東公審辦乃三月之久尚未審結旋據給事中汪鏞奏承審此案官員將原告刑逼認誣並據武生李長清在都察院衙門控告交刑部訊問錄供具奏朕以此案劉鳳誥奏於前今該省地方官挾私偏聽該學政豈無見聞諭令據實查奏茲據劉鳳誥覆奏

此案金鄉縣阜孫張敬禮等冒考經李玉燦攻揭及舉人王朝駒等呈控該學政按試兗州訪問該處生童僉稱是實且乾隆七年三十年張姓子孫冒考曾有兩次斷逐舊案控詞底稿現存呈驗乃承審官有心黨庇並不追究被告人證轉將原告刑求挫辱誘令將呈稿燬滅盛暑答筭並株連鄉民紳士械繫多人衆心飲泣士論沸騰且以奉旨解任之知縣汪廷楷不行質審竟令其偕捕蝗為名

回縣協同署任提拏人證報復搜求尤堪駭異除此案已交祖之望等秉公嚴審外和寧屬員亦不輕易接見朕即恐其於地方不無廢弛今以奉旨特交事件並不親提審訊一聽委員偏袒徇私任情誣枉伊若罔聞知直同木偶即此一節已不勝巡撫之任和寧著即解任來京候旨所有山東巡撫員缺著祖之望補授○又諭姜晟前在直隸總督任內

為日未久上年永定河決口因雨水盛漲人力難施初非有心疏玩而積年辦工貽誤並非始自姜晟其咎尚屬可原且伊前任湖南巡撫時經理苗疆事宜頗為妥協前經賞給刑部主事旋以員外郎升用今祖之望已授山東巡撫所有刑部左侍郎員缺著初彭齡轉補姜晟著加恩賞給四品頂帶補授刑部右侍郎○又諭倭什布前在湖北督撫任內經額勒登保德楞泰奏辦理糧餉遲誤革

職等因交軍機大臣會同刑部審擬嗣經審明倭什布在湖北亦係親身帶兵非專辦糧餉之員其軍營糧餉偶有缺乏祇因經理不善並非有心玩誤量擬發往軍臺効力經朕加恩賞給筆帖式發往陝西當差念伊前任陝西藩司時官聲尚好倭什布著加恩賞給四品頂帶補授山東布政使即來京請訓再赴新任其未到任以前山東布政使印務著陳鍾琛署理所遺按察使印務著崔映辰署

理擢江蘇太倉直隸州知州前任河東河道總督康基田為廣東布政使○是日駐蹕避暑山莊至八月甲寅皆如之○乙未諭軍機大臣等此時川陝軍務均可剋期告竣惟楚省蒲逆等匪尚延殘喘德楞泰或用勦撫兼施之法諭以教匪起事七年以來所有著名首逆俱經官兵擒斬老教匪徒已無噍類爾等伎倆斷不能如老教之兇狡更難倖免且俱係近來拔起罪亦較輕我皇上如天好

生憐爾等愚頑誤投陷阱是以屢降恩旨凡有悔罪自新者概予寬宥爾等應及早投出若經曉諭之後仍不改悔即當殲戮無遺生死所關急宜猛省如此剴切曉諭庶賊匪等相率來投但此為一時權宜一面出示一面仍當搜捕於八月內速蕞大功將此諭令知之○又諭清安泰奏接據太平府知府王撫棠等稟報農耐阮種攻打昇隆城阮光緒敗走被獲阮種入城自立等語邊關緊要吉慶

孫玉庭應查看情形督率文武各員小心防守。至外夷自相吞噬。與內地無涉。不必過問。如阮種有納款之事。或另有別意。再行奏聞。請旨將此傳諭知之。○賞熱河兵丁一月錢糧。丙申勒保奏報。迎勦楚省竄匪。殲斃首逆賴先鋒。撲滅全股。並兜截張長青一股。得旨獎賚。副都統達斯呼勒岱等升敘有差。○又奏報川省軍營出力文員。賞道員陳預。知府石韞玉。黃銑。知州周偉業。花翎典史曹維讓。藍翎丁酉。以太僕寺卿良貴為奉天府尹。○加賞熱河滿洲兵丁半月錢糧。○賞額魯特兵丁半月錢糧。○戊戌。諭內閣御史多福等奏。內閣考取供事。印結官有一人出結數百張者。請旨飭禁。以杜流弊等語。所奏尚是。考試取具印結。原以杜頂替捏冒等弊。今內閣報考供事。司官李肆頌等出結。自二百張至七百張不等。斷無一人認識如許多人之理。自係希得酬謝小費。遂爾濫行保結。

但念從前未經設有例禁。此次姑免議處。供事所繫尚小。儻遇正項考試。亦似此濫行出結。成何事體。嗣後遇有考試之事。印結官必與本人素相識。認方准出結。其所用印信。並令該堂官留心稽查。毋得仍前任意浮多。以杜冒濫。○諭軍機大臣等。各處寨民將餘糧屯害原住空房。以致被賊搜得。陸有仁將收糧未淨之家。隨地責處。並將所存之糧。賞與出力寨民。自應如此辦理。近日賊匪無從掠食。愈形飢困。額勒登保等分投搜勦。陸有仁應將糧運接濟。不可缺乏。將此諭令知之。○轉都察院左都御史熊格為刑部尚書。調兵部尚書汪承霽為左都御史。以戶部左侍郎戴衢亨為兵部尚書。兼管順天府府尹事。轉戶部右侍郎平恕為左侍郎。調吏部左侍郎錢樾為戶部右侍郎。轉吏部右侍郎曹域為左侍郎。調兵部左侍郎李鈞簡為吏部右侍郎。轉兵部右侍郎劉鏞為左侍郎。調禮部

右侍郎潘世恩為兵部右侍郎以內閣學士
關槐為禮部右侍郎○贈故刑部尚書張若
渟太子少保賜祭葬諡勤恪

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二

[illegible]

教修

嘉慶七年壬戌八月己亥朔日食○遣官祭

昭忠祠○以日月薄蝕詔求諫言諭內閣本年八月朔日食九分有奇。翌日又值月食。朕仰維

上天示儆。戰兢惕厲。時深悚懼。愧無以格。

昊佑而弭眚災。因命軍機大臣恭查乾隆年間

日食。

皇考節次所降德音內載乾隆二十三年十二
月朔日食八分翌日亦值月食恭奉
諭旨省過求言仰見

皇考持盈保泰之盛心。今一月之間。雙曜薄蝕。而日食至九分有奇。視八分殆又過之。朕觀象省躬。惟恐用入行政。或有闕失。朝夕寅畏。莫敢或違。而四海之大。萬民之衆。或智慮未周。德音未孚。心甚歉焉。凡內外大小臣工。佐襄郅治。各宜勤思職業。恐懼修省。尤當齋心研慮。於朝廷政治。安內寧外之大者。剴切敷陳。讜言無隱。即如勦捕川楚邪匪一事。七載於茲。現在軍營連次克捷。雖已將著名首逆。

殄除殆盡。而一二敗殘餘孽。尚在逋誅。或應靖以兵威。或應迪以德化。諸臣苟有真知灼見。不妨據事直陳。此外政事措施。或有不便於民。及一時行之日久。易滋流弊者。均當指陳利害。匡朕不逮。但不得毛舉細故。撫拾浮詞。如條陳更改部院則例等事。試思現行則例。皆經前人諮謀審定。可垂久遠。若其中有應因時變通者。我

列祖

列宗早經斟酌盡善。朕監於

成憲。不敢輕議更張。而在廷諸臣才識。又豈能邁越前人。輒思更改舊制乎。況近日臣工條奏改例之事。交議後往往有格礙難通。仍行駁斥者。徒勞奏牘。於政事何補。若能於國計民生。實有裨益。俾朕因言求治。可見施行。此乃修德之大者。至月食修刑。見於載籍。但人命至重。總當慎憲於平時。原不待月食始懷矜恤。況以肆赦為修刑。本非善政。昔人亦曾

言之。我

皇考明降

諭旨。申諭甚詳。誠以刑以輔德。道貴協中。若狃於救生不救死之俗論。將行兇釀命之犯。有心輕縱。不顧死者銜冤。是欲博寬大之名。而轉失平允之道。所謂修刑者安在。夫修刑之實。惟當於定讞時。悉心研究。無枉無縱。使生者死者兩無所憾。方有合於詳慎庶獄之意。即停免勾決。開一舉行。閱歲仍當予勾。並非

施恩以貸奸宄。總之為人君者克儆天戒。修德修刑。惟在本身徵民。規乎遠大。所謂應

天以實不以文。朕與在廷諸臣。所當交修共勉。自大學士九卿科道及應行奏事者。其詳繹諭旨。各抒所見。即時陳奏。朕將採納焉。○蠲緩直隸上年被水之大城。河間。新河。寧晉。隆平。安。新安。大興。霸。保定。涿。房。山。良鄉。任邱。十

四州縣本年額賦。並歷年應還常社義倉穀米各有差。○庚子吏部議准。署直隸總督顏檢疏。請改宛平縣盧溝司巡檢為石景山專汛要缺。仍兼管地方事。從之。○禮部議覆御史秦維嶽條奏。嗣後拔貢朝考。請定月日。均勻定額等語。查各省拔貢。到京先後不一。應如所奏。嗣後朝考之年。定於五月三十日截數。六月初旬考試。庶各省均知試期。同時到京。不致有守候遲誤之累。至錄取數目。係考選引見。臨時欽定。所奏毋庸議。從之。○命戶

部尚書朱珪。協辦大學士。加太子少保。○賞故副都統富成。銀三百兩治喪。○撥河南藩庫銀三十萬兩。兩淮鹽庫銀二十萬兩。解往湖北以備軍需。○辛丑諭內閣。常齡於博羅縣。絞犯越獄重案。既經臬司陳文告知。並不據實揭叅。已屬徇庇。復擅將該典史改調烟瘴。調停其事。實屬膽大妄為。著即照部議革職。吉慶。瑚圖禮於臬司借贓罰為名。收受陋規。及博羅縣重犯越獄匿案不報。俱不叅辦。直至降旨詢問。始行陳奏。均屬徇庇。吏部議以革任實降。皆咎所應得。姑念海疆重地。一時未便全易生手。吉慶從寬免其革任。仍註冊。瑚圖禮著從寬改為革職留任。至惠潮道胡克家於所屬越獄之案。未經揭報。咎止失察。亦著從寬改為革職留任。○諭軍機大臣等。晉昌等覆奏奉天年歲情形。覽奏俱悉。朕恭詣盛京。祇謁祖陵原以瞻仰

橋山敬修鉅典。蒙古王公及在京王公大臣等。扈蹕隨行。均當敬謹叩謁。

陵寢工程。自應先期整繕。用肅觀瞻。宮殿為臨御之所。亦應修整。而道路橋梁。鑿輅所經。均當除治。茲據稱一切工程有應修之處。既難剋期辦理。而道路橋梁。有藉民力。現在川楚軍務。雖即日告竣。然七年以來。費帑甚多。而盛京本年秋成。稍形歉薄。是官帑民力。俱未寬裕。且朕於乾隆四十八年。隨侍

皇考恭謁盛京。曾經展謁。

祖陵。至前此來春。詠吉之諭。祇係詢問。未經明降諭旨。今既據晉昌等合詞奏稱。辦理不無竭蹶。自當展期。俟明年七月間。另行降旨詢問。伊等再酌量具奏也。將此傳諭知之。○免直隸定興安肅清苑滿城景交河六州縣蟲災。本年額賦十分之五。○壬寅。雲貴總督琅玕奏。勦辦獮匪出力員弁。賞遊擊富謙六十。四同知憚變花翎。都司王雄等藍翎。知縣孫

進等升擢有差。○癸卯。遣官祭

關帝廟。○以都察院左都御史普福為滿洲繙譯鄉試正考官。通政使司叅議文通為副考官。理藩院尚書博興為蒙古考官。○以長蘆鹽運使嵇承志署河東河道總督。○甲辰。遣官祭黑龍潭。

昭靈沛澤龍王之神。玉泉山

惠濟慈佑靈護龍王之神。○諭軍機大臣等。

此時陝省所剩不過零星勦散之賊。額勒登保現分兵三路。自東向西。聯絡搜捕。所辦甚是。但現在楚省較為緊要。額勒登保應移兵前往。其陝省搜捕事宜。著責成楊遇春楊芳接辦。並知會總督惠齡巡撫陸有仁。將軍興奎督率兵勇。併力搜擒。額勒登保即統領大兵取道平利。並令穆克登布帶領湖南湖北之兵。隨赴楚省。會同德楞泰將餘匪一鼓殲除。彼時餘孽淨盡。三省莫安。即聯銜具奏。由六百里加緊馳遞。俟捷報到時。朕以之宣示。

中外勉之望之。○又諭吉慶奏農耐遣使恭進表貢並縛送莫觀扶等三犯來粵正法各情形覽奏俱悉從前阮光平款關內附極為恭順我

皇考鑒其忱惻錫以封土阮光平感被

殊榮躬親詣闕

皇考恩禮有加駢蕃錫賚原以阮光平克矢畏懷始得仰承

寵遇迨阮光纘嗣服交南復

頒勅命俾其世守勿替乃近年以來閩粵二省洋面盜船內間有長髮之人聞係該國縱令出洋行劫朕未肯輕信尚以長髮匪徒或係該國貧民隨盜入夥曾降旨諭令查拏總未見擒獻一人今阮福映縛致莫觀扶等三犯訊取供詞均係內地盜犯該國招往投順封為東海王及總兵等偽職仍令至內洋行劫商旅是阮光纘不但不遵旨查拏而且窩納叛亡寵以官職肆毒海洋負恩反噬莫此為

甚至勅書印信頒自天朝名器至重尤當敬

謹護守與國存亡乃阮光纘不知慎重於阮

福映上年攻取富春時輒行捨棄潛逃罪無

可逭至阮福映此次使臣吉慶當諭以爾國

長恭進表內所敘情節業經轉奏蒙大皇帝

俯察爾國恭順之誠深為嘉獎阮光平臣事

天朝

先大皇帝錫之勅命

恩賚優加乃其子阮光纘竟敢窩留內地盜犯

通同劫掠喪心背

恩實為

天理所不容是以亡不旋踵今棄國潛逃並天

朝所給勅印亦不能守是阮光纘不特上負

先大皇帝怙冒洪慈抑且為阮光平不孝之子

獲罪甚重爾國長遣使恭繳勅印並縛獻通

盜深得事大之理恭進表貢具見至誠但天

朝每遇外洋諸國遭風船隻無不一視同仁

給資妥送從無因此遽納貢獻之事且爾國

長邦家未定。並非素備藩封。揆之體制。尚不應在職貢之列。爾等可即齎回。轉向爾國長告知。如此明白。檄諭方為得體。其所繳勅印。著吉慶暫為收貯。再前據清安奏。阮光纘為阮種所獲。阮種是否。即係阮福映。未據聲敘。本日吉慶摺內。稱農耐使臣起程。尚在阮光纘被獲之前。是以未得此信。前次諭令吉慶等。如阮光纘率屬內投。妥為安置。令伊罪狀昭著。實無足惜。若敢關求納。吉慶當將阮福映繳來勅印。並盜犯莫觀扶等供詞。令其閱看。面加詰責。後傳旨革去王爵。即於該處監禁。候旨定奪。僕阮光纘已為阮福映所獲。阮福映不敢自專。將伊解送鎮南關。亦當照此辦理。其莫觀扶等三犯。俱照大逆律辦。如各犯家屬有應緣坐者。一體查辦。此時吉慶當遵前旨。迅赴鎮南關。勒兵防守。持以鎮靜。俟阮福映攻得安南全境。遣使請封。或得阮光纘實在下落。再行奏聞。候旨將此傳諭知。

之。○額勒登保奏。殲淨首逆。苟文明出力員弁。賞道員朱勳。按察使銜侍衛傳陞噶喇副都統銜知府朱紱。知縣方載豫。協領德勒格爾。遊擊伊昌阿。黎炳。都司趙有倉。神恩。榮吳振亮。守備盧瑞清。劉滿。貴李萬年。丁永安。呂天俸。花翎防禦蘇勒芳阿等。藍翎知縣顧紹先等。升擢有差。○予經理糧餉堡寨事宜出力之陝西巡撫陸有仁。布政使溫承惠。議敘。○乙巳。撥安徽米四萬石。湖南米三萬石。河南小米二萬石。解往湖北。以濟軍糈。○丙午。遣官祭文昌帝君廟。○旌表守正被戕直隸東光縣民吳順女吳氏。四川酉陽州民冉正女冉氏。守正捐軀湖南常寧縣民雷榮荐妻劉氏。○丁未。太宗文皇帝忌辰。遣官祭昭陵。○祭先師孔子。遣大學士保寧行禮。○諭內閣。額

勒登保所封一等伯爵。著仍用威勇名號。照例承襲。○又諭本日莫瞻菴條奏。川楚陝三省所募鄉勇等。應責令幫同官兵勦賊。如能奮勉立功者。當加厚賞。其現在應徵鄉勇。不願入伍者。亦當優給資送等語。自勦辦邪匪以來。所募鄉勇。皆令同官兵協力堵勦。量其勞績。分別賞賚。給予頂帶翎枝。以示獎勵。近因大功將次告竣。各省鄉勇。以次裁撤。曾經屢降諭旨。令經畧叅贊與督撫等公同籌辦。除充伍食糧外。其願歸鄉里者。均令給與路費。派員護送。到籍後。令地方官妥為安頓。俾無失所。該督撫等遵旨經理。早已辦有章程。此皆朕隨時諭令軍機大臣寄信指示。莫瞻菴自未知悉。故有此奏。所言不為無見。至所稱請派一二大員。前往軍營。專辦招撫之事。此則非是。教匪等糾眾滋擾。祇係內地亂民。原不忍概予誅夷。從前屢有勦撫兼施之諭。即今功屆垂成。猶令帶兵大員嚴防濫殺。不

但脅從匪眾。一經悔罪。均可全其軀命。即首逆苟文明等。前此未經殲斃時。若果乞命來投。亦當宥其一死。無如該逆等執迷不悟。各首逆竟無一人投出。甘蹈刑誅。是撫之一法。於大局未見有益。況賊匪等積年焚掠。荼毒生靈。罪惡貫盈。萬無可貸。此事辦已七年。現在殘匪無多。大兵雲集。剋日即可掃除。然果有臨陣投出者。經畧叅贊等亦未嘗不兼予勦撫。若另派大員專辦。不特諸事轉多掣肘。抑且無此辦法。所奏斷不可行。將此通諭知之。○又諭本日給事中陳昌齊條奏各款。俱不可行。據稱各省督撫。並無稽察之人。行止難免專擅。請加學政以稽察之銜。遇督撫有遲壓蒙混等弊。隨時舉奏等語。各省督撫。如有貪劣實蹟。及地方事件。辦理不公。學政有奏事之責。原准其據實奏聞。候朕覈辦。若竟以稽察之事。委之學政。則學政之權。豈不重於督撫乎。國家設立學政。原令其校士衡

文。若如該給事中所奏。僅各省學政有稽察督撫之名。因而於地方公事。動輒干與。遇有私意不合。任情毀譽。又豈不開挾制之漸。設該學政有營私舞弊之事。又令何人稽察乎。況督撫俱係一二品大員。至各省學政。往往有由編檢主事等官。簡放者。品秩較小。若以之稽察督撫。亦非朝廷體制。前明設立巡按。最為有名無實。該給事中奏請加銜。豈非於督撫之外。又設一巡按乎。又該給事中請停止各督撫奏調首府之例。遇有首府缺出。請勅下各部院堂官。於京察一等人員內保舉。聽候簡放等語。各省首府。關係緊要。遇有缺出之時。朕所以降旨令該省督撫。於通省揀調者。原以揀調之員。既在該省有年。於地方情形。必能熟習。且平日官聲政治。自必較為卓越。以之調任首府。則理繁治劇。可收駕輕就熟之效。至京察各員。平日在各部院辦事。自屬出色。但初擢外任。於該省一切吏治民

生。俱未涉歷。該員等到省之後。果能留心公事。才守兼優。將來自堪調任。若遽行擢補首府。則省會重任。委之初任之員。既慮貽誤公事。且該堂官豈能知所屬司員熟悉該省事務。將來該員任事之後。不能稱職。即將該堂官議處。亦復於事何益。又該給事中奏請定無稅章程一條。尤不成話。據稱嗣後各關口士民往來。其衣服等箱。在五件以內者。隨到放行。在五件以上者。令先報明本處地方官。取具印票。到關驗放等語。各關稅務章程。本有刊定則例。若如該給事中所奏。其原報在五件以內。即行放行。並不論其是何物件。無此辦法。且該給事中恐關吏需索。令先向州縣起票。寧不慮州縣書吏需索。更苦累士商乎。是在原籍先增上稅之累。益加煩擾矣。設原報在五件以內。迨起程之後。中途或有增添。又豈能以州縣官印票為準乎。陳昌齊所奏種種迂謬。原摺著擲還。○又諭刑部題覆

劉張氏被翁劉五揪毆。用手遮護。致抓劃劉五成傷。劉五失跌身死一案。照擬將劉張氏按毆傷本律擬以斬決。因屬按律辦理。但細覈案情。劉張氏因災歎與伊翁同住窩棚一間。每日帶領子女赴廠領粥。先儘伊翁飽餐。該氏始與子女同食。未能飽腹。不敢言語。是該氏平日尚知侍奉伊翁。迨伊翁欲將窩棚拆賣。該氏恐無住處。向其攔勸。復被揪髮。揅毆。該氏情急。用手遮護。以致抓劃成傷。伊翁即欲將其送官。出門後失跌致斃。是伊翁死由自跌。其所受傷痕。亦係一時失誤。情節稍有可原。劉張氏著從寬改為應斬監候。秋後處決。入於本年秋審情實辦理。○諭軍機大臣等。據給事中宋澍奏。陝西延綏一帶素號窮邊。自賊匪滋擾。漢中等處居民由漢南逃往者不下二三萬人。北邊生植無多。難以存活。急宜安置等語。宋澍在學政任內。見聞的確。何以未據督撫具奏。延綏襟帶關陝。地方

緊要。驟增流民數萬人。土地所產不足以資養贍。地方官早應籌辦。著惠齡陸有仁查明逃往民人究有若干。是否安靜。目下陝匪已漸次除盡。應廣為曉諭。令其各歸鄉土。復業安居。勿致遷流失所。其道府州縣各官軍務將竣。如無經手要事。均即飭令回任。留心撫輯。以安民業。而重邊陲。將此諭令知之。○以故喀爾喀賽因諾顏扎薩克輔國公達什朋楚克子齊旺達什。科爾沁輔國公諾歡達喇子旺沁。烏喇特扎薩克鎮國公車布登棟羅布子喇特納巴拉。各襲爵。○戊申。祭大社。大稷遣鄭親王烏爾恭阿恭代行禮。○移陝西長安縣牛門主簿駐江口。從總督惠齡請也。○己酉。太祖高皇帝忌辰。遣官祭福陵。○諭內閣。本年春閒常明叅奏道員孫文煥濫用軍需。朦混灑銷一案。降旨令百齡會

同張長庚確審實情。稟明琅玕定擬具奏。嗣經孫曰秉奏到。孫文煥差人呈控。藩司百齡勒派贍徇。捏飾欺妄各款。並將原呈進呈。當派初彭齡富尼善前往秉公查辦。茲據初彭齡富尼善奏到。審訊大概情形。請將巡撫常明。臬司張長庚。貴西道呂雲棟。候補道員馮克鞏。一併革職。嚴審等語。詳閱摺內所敘情節。孫文煥所控百齡假公勒索等款。經初彭齡等傳齊人證。反覆究詰。均屬虛誣。而巡撫

常明久任黔藩。將軍需款項。牽混支抵。於應撥鉛廠銀兩。延宕未繳。又將軍需用剩鉛九十四萬餘斤。交商鎔化。令幕友金玉堂私賣。並任聽抽匿報銷。卷案各款。業據初彭齡等質審屬實。常明之罪。已無可逭。而此內私賣鉛斤一節。情罪尤重。此項鉛斤。既經軍營用剩。自應歸入軍需項下報銷。乃既不奏明。又未報部。輒因幕友金玉堂向來販賣白鉛。竟將鉛九鎔作鉛斤。與伊合夥運往漢口發賣。

希圖漁利。迨至藩司百齡查知。常明始應允照數買還。散法營私。行同市儈。且於軍需報銷要案。漫不檢查。任聽幕友私自抽匿。亦難保無侵冒情弊。竟不料其負國至於如此。常明著革職。交初彭齡等嚴審定擬具奏。一併查抄任所家產。其所賣鉛斤。曾否照數買還。或將價銀交官。抑係私行入己之處。並著查明覆奏。臬司張長庚。於署藩司時。接收常明交代。並未清釐。又聽從移藏案卷。顯有受囑朦混情弊。張長庚亦著革職。治罪。貴西道呂雲棟。於常明應撥鉛廠銀兩。代為稽認。候補道員馮克鞏。現據孫文煥供稱。濫應提賞銀兩。係與馮克鞏同在餉局經手。呂雲棟馮克鞏均著革職。交初彭齡一併歸案審辦。至藩司百齡。於孫文煥所控各款。雖審屬全虛。但百齡既經查出常明欠繳庫項。並縱令劣幕私賣鉛斤各款。不即據實奏。僅以催追押繳完結。意存瞻顧。巡撫以致孫文煥心懷不

甘捏詞呈控實屬有心袒庇百齡業經解任並令初彭齡等於定案時治以徇隱之罪至已革道員孫文煥著遵照前旨歸案按律定擬具奏○又諭向例蒙古會盟齊集原係特派大員一同辦理嗣

皇考因派員恐有擾累

特旨停止今蘊端多爾濟以近年事多叢脞仍請遇有喀爾喀四部落會盟比丁之年一切應辦事宜會同烏里雅蘇台將軍等辦理尚

屬可行著照所請賽因諾顏扎薩克圖汗二部落事務即就近在烏里雅蘇台會集與定邊左副將軍一同辦理土謝圖汗車臣汗二部落事務即就近在庫倫會集與辦事大臣一同辦理○又諭俄囉斯交界四十七處卡倫向來未定巡察之例今蘊端多爾濟奏稱明年四月親察恰克圖西十九處卡倫後年再察恰克圖東二十八處卡倫逾十年與庫倫辦事大臣輪流一次往察亦屬嚴肅邊界

之意著照所請行但俄囉斯人等多疑著蘊端多爾濟於巡察卡倫以前明白曉諭使俄囉斯固畢爾納托爾等知巡察原欲永清二處交界並無別故自不至心生疑懼也○以鑲藍旗蒙古副都統富尼善為貴州巡撫調四川按察使董啟增為貴州按察使以四川建昌道劉清為按察使○以副都統銜富翰為鑲藍旗蒙古副都統○撥河南藩庫銀三十四萬兩浙江藩庫銀二十六萬兩廣東藩庫銀四十萬兩解往陝西以備軍需○庚戌諭內閣本日給事中曹錫齡條奏軍營事宜一摺據稱軍營報銷內無著之項甚多承辦之員懼干分賠或藉寇為拖延之計請明發諭旨不追既往庶諸臣無所迴護急於覈功等語辦理教匪一事朕以勦捕之責屬之經畧叅贊等領兵大員其轉餉事宜則委之督撫各有責成斷無領兵大員不思迅速歲功惟恐地方官軍需報銷不能辦結因將勦捕

之事故作遷延。代留地步。而地方官辦理糧餉亦斷無因款項無著不能報銷。遂向領兵大員囑託。將教匪暫緩殄平之理。况辦理糧餉本非一手。自嘉慶元年用兵以後。各省軍需支發。更易多人。現在承辦之員。尚能搏節妥辦。即有例難報銷。應須著賠之案。亦多係前任之事。伊等又何所迴護。代前任受咎。而恐成功迅速。豫計難以分賠乎。又據秦教匪投誠之後。無以為業。請分撥田產。及農具籽種之費。妥議章程。刊布示賊。俾該匪等益知解甲。更易蕩平等語。逆匪荼毒地方。戕害百姓。與官兵抗拒累歲經年。其怙惡不悛。本屬法無可宥。朕仰體

上天好生之德。以從惡者衆。不忍概予誅夷。第次降旨領兵大員。令其於投出之後。貸其一死。交地方官安插。已屬法外施仁。若如該給事中。所請猶恐其投出之後。無可復業。更酌給田產。及農具籽種等費。俾得安居樂業。坐

享田廬。轉似伊等從賊有功。酬其勞績。有是理乎。曹錕齡陳奏失當。著將原摺發還。○又諭前據給事中宋澍奏稱。此次京師日食不及七分。復圓亦早。在京諸臣所共見等語。與欽天監所推日食九分三十四秒之數。少至二分有餘。靈臺職司儀象。推測晷度。豈可差以毫釐。是以降旨詢問留京王大臣。何以不行具奏。並令傳到該給事中。詢伊是否通曉測量。所奏有何證據。并傳詢在京之欽天監堂官。推算是否舛誤。據實覆奏。茲王大臣等奏到。據宋澍稱。是日救護時。就目力所及。似不及七分。復圓時刻亦覺少早。並非通曉測量。無從指證。而欽天監堂官。則稱是日堂司各官。在觀象臺。用儀器測量。日食分秒。用壺漏較量時刻。俱與原奏分數時刻相符。各等語。並據王大臣等稱。伊等是日俱在公所瞻仰。實未能詳辨分數。而同時隨班救護之王公大臣官員等。亦未聞有較量七分九分之

說所奏自屬實情。前代往往有日食不應。臣下獻諛表賀者。其實多因司天之官測量錯誤。如此次日食果不及七分。即係欽天監推算不准。必當懲以應得處分。今王公大臣及救護官員在京目覩。均無異辭。宋澍亦自稱並不通曉測量。是欽天監本無錯誤。而該給事中竟以己意揣度妄談。

天象其意何居。宋澍著交部議處。○又諭前因川省裁眉雷波夷匪與漢奸爭鬪滋事。當令豐紳董教增前往查辦。董教增先到裁眉。即將漢奸陳奇等拏獲。該夷匪畏懼帖服。取具遵依木刻。飭令同業及裁眉事竣。董教增即馳抵雷波。詢明該夷人起鬪根由。先將漢奸李逢春劉萬林等拏獲。並勒令夷目將首惡縛送。豐紳亦帶兵馳至。會同查辦。茲據豐紳董教增奏稱。連日示以兵威。諭以利害。令該土舍等將為首夷匪查明全數縛獻。該土舍等深知感激。將首犯扭扭等六名陸續獻出。

並據該府廳續獲滋事漢奸等一併分別正法。該夷匪等伏地叩頭認罪。並據十三處夷目出具約束夷衆永不滋事木刻甘結。環跪額求。情詞極為畏懼等語。豐紳董教增辦理此事。仰體朕不忍誅戮遠夷之意。先將漢奸拏獲以服其心。復經示以恩威。剴切宣諭。俾夷衆共知感恩。縛獻兇渠。故能不煩兵力。邊境教寧。所辦實為妥速。可嘉。豐紳董教增著交部議敘。以示獎勵。所擬案內餘犯罪名著

交刑部覈擬具奏。至此次官兵在本省派調。原應照內地捕盜之例。止給口糧。惟念豐紳自川北帶往者。本係征兵。著准其仍照征兵分例支給。其各營派調及現留彈壓之兵。均離營籍較遠。亦著一律給予鹽糧。用示體卹。

○辛亥

上諭

永佑寺行禮。○欽差大臣那彥寶已寧阿奏報永定河秋汛安瀾。得旨嘉獎。與在工出力員

弁下部議敘○壬子

上御萬樹園大幄次。賜扈從王公大臣蒙古王貝勒貝子公額駙台吉等及呼圖克圖等食。並賞賚有差。○諭軍機大臣等。川境零匪。經達斯呼勒岱等分路搜剿。均有斬獲。所辦俱好。現在蒲添寶一股。被大兵逼剿。情急竄川。巫山一帶。最關緊要。勒保當移師邊界。以剿為堵。至豐紳辦理雷波事竣。已回川東。此時川北地方。有宋應伏一股。竄入。可即飭該提

督帶兵速赴川北。督同許文謨等將陝境竄匪。上緊殲擒。不得以驅逐出境為了事。將此諭令知之。○額勒登保奏。花石巖殲斃首逆苟文明出力員弁。賞遊擊謝天瑞。花翎餘升敘有差。○以故科爾沁鎮國公薩木丕勒扎木素子色旺多爾濟襲爵。○以大理寺少卿長琇為太僕寺卿。○癸丑

上御卷阿勝境。賜扈從王公大臣蒙古王貝勒貝子公額駙台吉及年班外藩等食。○諭軍

機大臣等蒲逆一股。德楞泰在楚勒辦為時已久。轉瞬秋成。包穀在地。賊匪掠食。搶奪騾馬。復得飽颺。延至冬令。又以沍寒為詞。何日始能藏事耶。本日吳熊光奏報各路情形。其意欲請令額勒登保赴楚協剿。朕早已籌及降旨矣。現在蒲添寶一股。責成德楞泰專辦。其餘零匪。責成額勒登保督率搜剿。總之辦一賊首。即須將夥匪殲除。方無後患。向來帶兵大員。未將夥黨剿淨。以致逃散。後又復糾合出擾。七年以來。皆坐此弊。額勒登保德楞泰既專責成。當鼓勵將弁。追躡一股。即將零匪殲淨。庶可藏事。將此各傳諭知之。○甲寅月食。○諭內閣。據蘊端多爾濟奏。請嗣後行文俄羅斯等。不用喀爾喀副將軍印信。或鈐用欽差大臣關防。或另鑄印信。鈐用等語。著交該部鑄給駐劄庫倫辦事大臣印信。鐫刻滿蒙漢字。送往鈐用。俟新印到時。蘊端多爾濟等將更換印信之處。曉諭俄羅斯等。並將

現用欽差大臣關防繳回。○乙卯。

上自避暑山莊啟鑒。幸木蘭。○是日。駐蹕中關。

行宮。○丙辰。駐蹕波羅河屯行宮。○丁巳。駐

蹕張三營行宮。○戊午。

上行圍射鷹二。以其一驛送熱河。交總管董椿。

敬詣

永佑寺

神御前供獻。○是日。駐蹕阿圭圖御營。○己未。

上行圍。○遣官祭賢良祠。○是日。駐蹕海拉蘇

臺御營。○庚申。

上行圍。○諭內閣。給事中蕭芝奏陳時政一摺。

內稱江西受旱十有一府。目下雖市糧無缺。

恐今冬明春無所接濟。請將兩淮鹽義倉穀

石碾運江西。以資平糶等語。此事可行。上年

因湖北被災。曾經將兩淮義倉貯穀二十萬

石協濟湖北。今江省被旱。事同一例。且兩淮

鹽斤向於該省行銷。此時自應周其所急。著

兩淮鹽政估山。即於鹽義倉存貯穀內酌動

若干石一面奏聞一面碾運派員押送交巡

撫張誠基分撥被災各府屬妥為平糶用資

民食毋任胥吏人等從中稍有侵蝕其兩淮

所碾穀石估山仍當酌籌歸款至該給事中

稱招致米商入川販運沿途關隘請蠲船稅

一節此不可行川省股匪現雖勒淨但尚有

零星敗殘之賊希圖潛逸各處設立關隘原

以盤詰奸宄若於販運川米概令放行不加

稽察恐邪匪涸跡其中得以遠颺漏網其所

稱勸捐一節地方偶遇偏災百姓等誼切桑

梓捐貲賑卹原屬好善樂施初非強以所難

若必地方官諭令捐輸即不免有科派勒捐

等弊莫如聽民間殷實之家自行施捨毋須

官為經理以免擾累。○工部議覆閩浙總督

王德疏請於廈門大小擔汛相度地勢各建

寨城一座應如所請從之。○是日。駐蹕胡魯

蘇臺御營。○辛酉。

世宗憲皇帝忌辰遣官祭

泰陵○諭軍機大臣等德楞奏奏勦除蒲添寶大股已降旨加恩矣其所稱吉林泰一路在歸州水田壩有賊衆偷撲營盤力擊始退查係熊方青熊翠股匪六七百人等語是此股零匪較為緊要德楞奏當移兵前往或揀派鎮將帶兵幫同追勦以期辦淨又楚省大股已除零匪不難迅速掃盡此事原自楚始必自楚成目下當喫緊之際糧運係該督專責吳熊光當安速供運勿稍缺乏將此諭令知

之○德楞奏報報除蒲添寶大股賊匪並擒斬藍黃白三號賊目多名得旨獎賚命副都統色爾袞達勒精阿武隆阿總兵官蒲尚佐在乾清門侍衛上行走把總張應鼎等升賞有差○是日駐蹕那爾蘇臺梁西山根御營○壬戌

上行圍蒙古盟長等於行帳西門外設大糧廬侍

上膳畢

上聞詐馬等技賞賚有差○諭內閣圍場之內應嚴加管轄不得擅放閒人乃本月二十一日在永安莽喀圍中見有匿名揭帖繫於草上看來皆由慶傑阿爾塔錫第平日管轄不嚴所致朕從前每次隨圍曾記此數圍內野獸甚多今已十載未經行圍此次進哨鹿隻甚少看來係平日擅放閒人偷捕野獸砍伐樹木所致其匿名揭帖所控放入車輛等情皆係實有之事阿爾塔錫第係專管圍場之

人著交部嚴加議處慶傑著交部議處以示懲儆○額勒登保奏副都統桑吉斯塔爾等五員出師著績現無專任可先令帶凱旋兵回京報聞○勒保奏報殲滅首逆賴先鋒賊匪賞委叅領葉楚巴圖魯名號委叅領潘泰叅將胡定邦遊擊王泰守備王學閏驍騎校噶爾岱花翎都司石成玉等藍翎叅將蕭鳳來以副將升用○以光祿寺卿王懿修為內閣學士兼禮部侍郎銜○旌表守正被戕江

西興國縣民周興培母黃氏四川大邑縣民胡開然妻管氏守正捐軀江蘇嘉定縣民李嘉賓女李氏○是日駐蹕都木達烏拉岱御營○癸亥。

上行圍○諭內閣前據廣興奏會看本年秋審冊內原擬緩決之廣東省姚得輝四川省許臻威二犯應改情實一摺當經批令三法司覈擬具奏復經大學士董誥等面奏請將刑部衙門迴避茲據普福等覈擬覆奏前來朕

詳閱情節姚得輝毆傷梁恩泗一案係梁恩泗先拾石塊擲傷姚得輝該犯始用鐵嘴木槍連戳梁恩泗肘腿肚均非致命因梁恩泗仍向撲毆該犯情急復用槍回戳致傷梁恩泗左太陽殞命是死者先行動手回戳委係適傷尚非有心致死廣興以案內尚有姚華士毆傷梁兆泰身死一節今姚華士監斃祇可抵梁兆泰之命若將姚得輝問擬緩決與乾隆十八年一命必有一抵欽奉

上諭不符殊不知一命一抵原指聚眾械鬪等案而言至尋常鬪殺各斃各命自當酌情理之平分別實緩若拘泥一命必有一抵之語則是秋讞囚徒凡殺傷斃命之案將盡行問擬情實可不必有緩決一項有是理乎況此案姚華士姚得輝原係各科各罪姚華士罪應情實如未經監斃自當照擬辦理姚得輝罪應緩決豈有因姚華士業經監斃遂將應緩之犯改問情實之理又許臻威鹽酒灌傷

呂大賢身死一案呂大賢曾向該犯之父借欠錢穀未償轉捏稱欠伊穀價攜帶篋索索討上弔恐嚇該犯將呂大賢反縛欲行送官呂大賢卧地慢罵辱及父母該犯氣忿順取浸蜚鹽酒灌令止罵聞伊聲喊難過旋為請醫用藥解救不愈越三日殞命是死者負欠本屬理屈又復捏欠訛詐情同擾害况該犯灌飲鹽酒祇欲止其詈罵見伊聲喊即為延醫救治可見並無致死之心辦理秋讞所以

令大學士九卿會議者原以人命至重必當詳慎研求期合於罪疑惟輕之義若如廣興所奏將本應緩決之犯有意從嚴改問情實是轉失欽恤之本意矣普福等所駁尚是姚得輝許臻威二犯著仍照原擬入於緩決該部知道○是日駐蹕巴彥布爾噶蘇台御營○甲子

上行圍○是日駐蹕巴彥溝御營○乙丑

上行圍○諭內閣祖之望等奏審明金鄉縣阜

實錄卷一百一十二

帝

孫冒考一案分別定擬一摺此案係朕特降諭旨交與和寧審辦之案和寧並不親提研鞠一任承審之員偏袒徇私將原告刑求挫辱以致株累多人況據祖之望等奏稱候補同知張繼榮承審此案時將原告李玉璠掌責藩司面加呵斥伊即告病迨銷假時稟見巡撫和寧亦曾斥其鍛鍊臬司亦加抱怨等語是張繼榮刑訊原告逼令誣認和寧等既知其鍛鍊即當將該員參奏親提鞠訊乃仍

聽委員等始終朦蔽竟若罔聞豈非有心袒護至飛蝗入境一事經朕節降諭旨飭令詳查而和寧祇稱濟寧等州縣間有飛蝗並不食稼封疆大吏諱災不報實屬玩視民瘼前經吏部議奏將和寧照溺職例革職實為咎所應得和寧著照部議革職藩司吳俊除已另案革職外臬司陳鍾琛職任刑名未經秉公督辦著交部嚴加議處餘著交刑部覈議具奏○以鑾儀衛冠軍使三多為鑾儀使○

實錄卷一百一十三

奉

予四川湖北陣亡及追賊淹斃都司陳德文驍騎校依爾賡額守備阜保千總段松林把總賴連升外委李春和祭葬世職兵丁方炳興等十二名賞卹如例○是日駐蹕鄂爾楚克哈達御營翼日如之○丙寅秋分夕月於西郊遣質郡王綿慶恭代行禮○

上行圍○緩徵湖北江夏咸寧嘉魚崇陽通山漢陽黃陂孝感安陸雲夢應城武昌蒲圻興國大冶黃岡蘄水蘄黃梅廣濟麻城羅田黃

安荊門漢川潛江公安江陵松滋監利三十
州縣旱災水災新舊額賦漕糧有差○丁卯
上行圍○是日駐蹕伊綿溝御營○戊辰

上行圍○諭內閣前因直隸景州河間一帶蝗
孽滋生該處與山東接壤毗連朕即慮及東
省不免亦有飛蝗當經降旨詢問和寧諭令
詳查具奏並於和寧摺內再三批示且令熊
枚於查勘直隸蝗蟲至河間地方時寄知和
寧一體查辦而和寧覆奏摺內祇稱濟寧金

實錄卷三

三

鄉等州縣間有飛蝗不傷禾稼復經降旨嚴
飭確查和寧仍不行據實奏聞迨和寧解任
後即令新任巡撫祖之望覆加查勘茲據祖
之望奏到濟南泰安沂州東昌濟寧等府州
屬五十餘州縣均被蝗災是山東全省被蝗
處所竟有十之六七如此重災殊深惻憫和
寧身任巡撫即因地方官不行申報漫無覺
察已屬形同木偶及經朕嚴詢批諭和寧竟
毫不知畏懼始終迴護則是有心諱匿封疆

大吏於此等民瘼攸關之事竟敢視同膜外

實屬辜恩溺職和寧前於金鄉縣阜孫冒考
一案並不遵旨提訊其咎止於袒庇至匿蝗
不報其罪更重僅予罷斥不足蔽辜和寧前
已降旨革職著發往烏魯木齊自備資斧効
力贖罪○命添設副都統一員駐劄唐三營
專管圍場事務調鑲白旗滿洲副都統台費
蔭為新設圍場副都統鑲黃旗漢軍副都統
蘇楞額為鑲白旗滿洲副都統以副都統銜

實錄卷三

三

富僧德為鑲黃旗漢軍副都統○緩徵山東
德長清聊城堂邑博平清平高唐恩往平東
阿臨清武城邱夏津禹城平原陵德平泰安
曲阜嶧寧陽泗水費蘭山郟城歷城章邱鄒
平齊河齊東濟陽臨邑萊蕪新泰東平肥城
平陰惠民商河樂陵海豐青城陽信濱滋陽
滕陽穀館陶沂水蒙陰濟寧金鄉魚臺長山
博興樂安五十七州縣東昌德州二衛蝗災
本年漕糧額賦有差○是日駐蹕伊綿溝口

御營。○是月。河南巡撫馬慧裕奏。川陝楚賊匪埽除將盡。豫省江防鄉勇。必須於官兵未徹之前。先徹方妥。得旨。所辦俱合機宜。先徹勇。後徹兵。實為最得肯綮。總不宜太驟。緩徹尤妙。○山東巡撫祖之望。奏謝得旨。山東西連畿輔。東接海濱。民風剛勁。頗不易治。惟事秉公。悉心妥辦。遇詞訟虛心斷理。遇災荒盡力撫卹。慎防屬員欺蔽。嚴察家人生事。勿迴護己非。勿視民如草。則大端既備。思過半矣。勉之。

廣錄卷百三

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二

實錄卷百三

三

[illegible]

嘉慶七年壬戌九月己巳朔

檢為直隸總督（增廣東新安縣客籍童生
文武學額各二名從總督吉慶請也（是日
駐蹕案已究溝口御營（庚午

駐蹕案巴究溝口御營（庚午）

上行圍 是日駐蹕烏蘭哈達南御營 辛未
上行圍 諭內閣富俊好更張故事卽如請將

回疆市錢官定額數一案奏請三次俱經部駁甚屬執謬看來於回疆叅贊大臣之任不甚相宜富俊著調往葉爾羌辦事托津著賞給副都統銜並賞戴花翎作為喀什噶爾叅

贊大臣。又諭阿迪斯糊塗無能。將伊留於伊犂。亦屬無用。著加恩調回充當侍衛。差使所遺原缺著加恩賞給明安藍翎侍衛。作為領隊大臣。明安從前在步軍統領任內於拏獲袁錫等賭鬪鷓鴣一案。雖未奏辦。但伊未敢受賄。反為鄂羅錫葉勒圖中飽。明安特墮其銜。中耳伊平時騎射尚屬可觀。於伊犂領隊大臣之任亦屬相宜。著松筠將明安善為教導。鄂羅錫葉勒圖人甚卑鄙。明安等一案。

皆係伊詐索袁錫而又欺哄明安所致甚屬不堪今既至伊犁松筠須嚴加約束再阿迪斯之子那彥瞻從前亦因賭錢訛詐發往伊犁交與阿迪斯教管今業經施恩將阿迪斯調回那彥瞻品行卑鄙松筠須嚴加管束諭軍機大臣等現在額勒登保移師赴楚自應由二竹行走該處餘匪正可順道搜剿伊與德楞泰素本和衷當悉心商酌視何處緊要即向何處上緊勦辦或分或合朕亦不為遙制務於月內一律肅清至額勒登保業經赴楚惠齡係陝甘總督所有勦捕零星事宜均係伊分內之事當轉飭楊遇春等將餘匪殲除嚴防邊界其陝省軍務自應由惠齡具奏著傳知將軍興奎等將勦辦情形隨時彙報該督無庸紛紛陳奏將來陝境全清亦應由惠齡專摺奏報也將此各諭令知之德楞泰奏鮑家山攻破首逆蒲添寶賊巢出力將弁賞索倫總管福登阿副都統銜都司楊

正雄守備高星文防禦福精阿驍騎校西爾金保花翎千總趙浩等藍翎防禦扎呼岱等升擢有差又奏隨營出力文員賞知府積朗阿花翎餘升敘有差是日駐蹕伊遜河東御營 壬申上行圓 諭內閣據王寧焯條奏軍營事宜及請除直省壅蔽之弊並部院修改條例之一摺其所稱請明降諭旨許各股賊匪能殲賊自贖者盡賞其罪則賊匪相率求生非降即散等語原屬可行此等邪匪滋事祇係內地亂民何忍概予誅夷早經節次降旨凡有脫身賊隊悔罪投誠者無不寬其一線諄諄訓諭不啻至再至三而賊匪投出者殊覺寥寥即近日大局業經戡定間有自賊中投首者亦俱免死安插原期勦撫兼施多全民命又何待該御史於此時始行議及耶至所稱鄉勇團練中為首之人既能倡眾團結自必微有魁桀之才請密勅查覈造冊分別文武

授以佐雜偏裨之任等語。勦辦教匪以來，凡鄉勇團練中有能殺賊立功者，一經奏聞，即給予職銜頂帶。其有願出仕者，原准錄用以獎勞績。現當大功將藏，各路鄉勇俱以次裁撤，給資遣送。若不論其曾否立功，輒將為首義民紛紛查覈，遴選授官，有是理乎？安置鄉勇之法，無過分給叛產絕產及食糧充伍二條。亦經屢次諭令該督撫妥為籌辦。但此項田產無多，既難遍及，而情願入伍者，昨據陝省督撫奏聞，現撤之二十四百名鄉勇內，祇有十數名可見。伊等於營伍當差，皆非本願，亦不能強以所難。此時各路鄉勇陸續裁撤，均能安靜歸鄉，各謀生計。又所稱外省墾戡積習固結而不可破，即近日之貴州、廣東、山東各大案，無一發自督撫者。請嗣後於各省事有可疑，特交司道辦理等語。外省墾戡積習原難盡免，但祇當隨案懲辦。如近日貴州、廣東、山東各案，皆該督撫自干咎戾之事，豈

肯由己發覺，然或經朕特加訪察，或別經控告，俱已徹底究辦。亦未嘗任其墾戡。若如該御史所奏，遇有可疑之事，特交兩司各道員查辦，試思督撫尚不可恃，而司道豈皆可信之人？况道員中朕從未識面者甚多，即召見一兩次，又何足憑焉？有倚任反重於督撫之理。朕推誠待督撫，尚有負恩之人，若待之先不以誠，權術馭下，更不可問矣。且督撫如果有不公不法之事，除兩司例准奏事外，近年又特准道員具摺陳奏。即府縣以下，亦有直揭部科之例。然國家簡任封疆，若遇事輒疑，轉交伊所屬之員查辦，成何體制？至修改則例，每定一條，期與全例不相牽礙，方可久遠。遵行歷來皆應如此辦理，更不必該御史列款條奏也。是日駐蹕六道河御營。癸酉，上賜蒙古王貝勒貝子公額駙台吉等食。諭軍機大臣等：吉慶奏酌調官兵，勒捕博羅縣匪徒一摺。該縣民人陳爛，屢四膽敢糾結會

匪一萬餘人以紅布包頭潛出搶擄其博羅所屬之石灣善政司等處亦有匪徒滋擾自應調兵勦捕經吉慶丞副將李漢升等前往搜拏有匪徒千餘迎敵抗拒官兵竟係謀為不軌不法已極必須趁其初起之時立即撲滅方不至蔓延為患據稱聚集山內未經竄散現調兵丁已有五千名務須先將山口堵住周圍分布奮力進攻無難就地殲滅儻稍有遲延致匪徒乘間散出不但焚掠村莊易滋裹脅且廣東別屬多有會匪設聞風接應關繫非小吉慶當一面督率進攻一面廣為曉諭使該匪等自行解散更可迅速完事將此傳諭知之○調廣東高廉鎮總兵官張憲林為四川建昌鎮總兵官建昌鎮總兵官許文謨為高廉鎮總兵官是日駐蹕張三營行宮 甲戌定蒙古留孤養親例諭內閣據宜興將盜馬賊犯班扎爾吉哩特等定擬具奏一摺夾片內稱為從之賊犯扎穆延棍布

扎普本係孤子可否援引刑律將扎穆延棍布扎普留養之處請旨等語蒙古律例並無孤子養親之例從前盜馬為從之賊推伯斯定擬絞罪前任叅贊大臣策拔克援引刑律以推伯斯係孤子奏請留養其時朕以中外臣僕視為一體特恩准行今宜興又以扎穆延棍布扎普係屬孤子亦請援引刑律將扎穆延棍布扎普留養著交宜興飭令該扎薩克旗下佐領切實查明取具甘結如果是實扎穆延棍布扎普即著施恩亦准留養仍交該部於蒙古律例內亦增入留孤養親之條嗣後凡蒙古擬罪即照新例辦理無庸逐案請旨但留孤養親之例本係國家法外通格之恩刑律凡有呈報孤子者務須切實查明由該族長併該管官員等均出具甘結方准照例辦理留養今蒙古律例既亦增入此例即咨行承辦蒙古刑名各該處嗣後凡蒙古內有犯法呈報孤子者務飭令該扎薩克旗

下佐領切實查明取具甘結再照例辦理若稽查不明即朦混辦理則徒使奸徒倣倖反不能示朕一體軫卹中外臣僕法外施恩之至意矣將此通諭知之戶部議准浙江巡撫阮元疏報上虞縣開墾水田二百七十三頃六十九畝有奇照例升科從之賞看守張三營等六處行宮弁兵半月錢糧是日駐蹕波羅河屯行宮乙亥諭內閣御史瞿曾輯條奏請將秋朝審時大學士九卿科道簽商各案無論改實改緩俱由三法司覈議定擬准駁奏明請旨一摺秋讞大典令大學士九卿科道公同會議原以重人命而昭欽恤向來遇有改緩改實之案刑部於進呈黃冊及題本內敘明改擬緣由朕披閱時即可覈其情節至大學士九卿科道等簽出各條經刑部酌覈可否准行之後仍須衆議僉同方成定讞若大學士九卿科道等以部議尚未允協原准其另議陳奏候朕裁奪今該御

史欲請將簽商各案無論改實改緩逐案開單臚列具奏朕日理萬幾若一一俱待親定九卿所商之簽實非政體豈不徒滋煩擾至所稱緩決各案久經刑部題明定案在前之語該御史於秋讞事宜全未深悉外省題奏各案刑部先覈其情節援例隨案定擬具題其分別應實應緩之處均俟秋朝審時酌定於大學士九卿科道會議後始將情實人犯繕冊進呈其緩決之案另疏具題豈有刑部

先行題定之事惟所稱秋審冊籍遲至會議一二日前始行分送不暇詳閱請定於十數日前送閱一節尚屬可行嗣後此項冊籍著該部飭司於秋朝審上班數日前分送大學士九卿科道以便伊等細心研勘用昭詳慎裁熱河圍場總管缺以其衙署為新設副都統衙署調雲南臨元鎮總兵官張玉龍為鶴麗鎮總兵官鶴麗鎮總兵官蒲尚倖為臨元鎮總兵官賞廣寧門外普濟堂賁賑

小米三百石 是日駐蹕中關行宮 丙子以正白旗護軍統領成寬為右翼前鋒統領免江西新城縣被水田地一百二十三頃有奇本年額賦 是日駐蹕避暑山莊至己卯皆如之 丁丑以安徽布政使福慶為貴州巡撫江蘇按察使阿林保為安徽布政使調湖南按察使李亨特為江蘇按察使以湖南岳常澧道韓蔚為按察使解任貴州布政使百齡仍署原官 以故廣西太平府屬萬承土知州許天爵子修仁襲職 予陝西湖北陣亡侍衛德楞額佐領煥福驍騎校瑚可慎把總趙健鐵銀祭葬世職監生吳含章兵丁孫貴等六名賞卹如例 戊寅上御依清曠勾到新疆雲南貴州廣東情實罪犯停決新疆斬犯三人絞犯一人雲南絞犯二人貴州斬犯一人絞犯三人廣東斬犯十三人絞犯十一人餘五十七人予勾 諭軍機大臣等勒保奏張長青一犯率衆投出伊

本非著名頭目自可釋回但此等兇逆罪在不赦免其一死已屬破格施恩應飭令地方官留心管束固不可加以陵虐亦不可過於優待長其桀驁儻伊等稍不安分即當加倍懲辦至所稱恐該犯等回家或為地鄰親族不容復刊刻免罪執照鈐蓋印信發結收執等語所辦未妥該犯等兇悍性成本非善類得有官給執照恃符肆橫為害鄉里事所不免除此次已發不復追回外嗣後如有續行投出之犯祇當按名知照該原籍准列齊民不必官給執照以致別生事端將此諭令知之 以招撫四川賊目張長青全夥功賞知縣梁敦懷花翎 以殲斃四川賊目楊有貴功賞兵丁李正順等藍翎 己卯上御依清曠勾到四川情實罪犯停決官犯一人斬犯二十三人絞犯十人餘一百十二人予勾 諭軍機大臣等本日吉慶奏稱有博羅匪徒逃至木瓜墟等處焚劫村莊查此起

賊匪在東莞交界地方離省一百餘里現已知會撫臣瑚圖禮就近撥兵勦捕等語東莞地方有匪徒滋擾瑚圖禮自應就近勦辦惟督撫兩標官兵俱經吉慶調撥前往瑚圖禮所撥係何項官兵深為廛念現在廣東省城內有駐防滿洲官兵瑚圖禮或與書敬商量調撥務將東莞匪犯迅速查拏俾地方早臻寧謐為要將此諭令知之○除江蘇常熟縣沿海坍沒地三十頃九十三畝額賦○庚辰

上自避暑山莊迴鑾更定刃傷期親尊長限外身死律諭內閣刑部題覆安徽省民人孫登扎傷胞兄孫梅餘限外身死夾簽聲請一本現已依擬將該犯著即處絞矣向來尋常刃傷各案如在保辜正餘限外身死者祇科傷罪至有鬪服制之案雖與尋常刃傷案犯不同但限內限外究當示以區別嗣後遇有卑幼刃傷期親尊長如在保辜正餘限內身死者仍照舊辦理外若死在餘限之外即照

刃傷本律問擬絞決其刃傷期親尊長尊屬律應問擬絞決之犯如訊非有心干犯或係金刃誤傷及情有可憫者俱著問擬絞候均無庸夾簽聲請著刑部纂入例冊遵行○是日駐蹕喀喇河屯行宮○辛巳諭內閣本年夏間直隸新城縣地方偶有飛蝗知縣胡永湛未即稟報經熊枚奏革職茲據顏檢奏稱胡永湛上年辦理該縣賑卹事宜頗愜輿情今夏境內飛蝗立即撲捕淨盡秋收尚有

九分其咎止於未經稟報且該縣百姓於該督過境時僉稱好官難得環跪籲求據情轉奏等語上年武清令朱杰係被參後經該縣民人合詞稟懇加恩留任今若再予准行恐各州縣相率效尤或有政績不過中平於去任時授意所屬士民具呈籲懇其所稱惠愛及民之事亦未必盡屬確實且熊枚係署任總督甫經參劾於前及新任總督過境該民人等輒復懇留於後以地方官去留之柄操

之百姓其風亦不可長胡永湛著加恩發往直隸以縣丞用該督仍可藉資差委以觀後效以兵部左侍郎劉鏞之知武舉內閣學士戴均元為武會試正考官翰林院侍講學士莫晉為副考官是日駐蹕常山峪行宮

壬午

上御行殿勾到廣西福建陝西甘肅情實罪犯停決廣西斬犯四人福建斬犯三人絞犯四人陝西甘肅斬犯十二人絞犯六人餘六十

二人予勾額勒登保奏裁撤各省隨營將弁八十七員兵一千八百四十名寧羌一帶防堵鄉勇四千名報聞又奏湖北提督長齡患病其所統兵勇交副都統富翰副將呢瑪善管帶勒辦戴姓賊匪報聞緩徵山西托克托城薩拉齊兩廳水災本年額賦有差是日駐蹕兩間房行宮 癸未

上至古北口

御黃幄閱提標弁兵陣操技勇賞賚有差賞

看守口內各行宮弁兵半月錢糧是日駐蹕要亭行宮甲申兵部以武會試中額請得旨漢軍取中四名奉天取中一名直隸取中八名陝甘取中五名廣東取中七名河南取中三名山東取中五名江蘇取中二名安徽取中二名山西取中三名湖北取中四名湖南取中一名四川取中三名廣西取中一名福建取中二名浙江取中三名江西取中二名雲南取中二名貴州取中一名鑄給新設山東曹州府糧河通判曹單管河縣丞關防從河道總督王秉韜請也鑄給湖南新設鳳凰廳得勝營知事永綏廳茶洞知事印從巡撫高杞請也是日駐蹕密雲縣行宮乙酉駐蹕髻髻山行宮丙戌遣官祭歷代帝王廟諭軍機大臣等陸有仁奏現在經畧入楚若將穆克登布帶往東路未免空虛等語楚陝交界山徑叢雜或有零匪乘間西竄不可不加意防堵現在穆克登布如

未赴楚著仍留平利同喜明認真嚴防又覆奏北山一帶寧謐情形與惠齡所奏相同北山流寓客民既屬相安原不必按戶稽查令其遷徙轉致失所現在陸有仁責令州縣通行保甲之法當飭令地方官妥協辦理勿任胥役需索擾累將此諭令知之○是日駐蹕盤山行宮 丁亥諭內閣勒保奏本年川省又屆大計之期請再展限一摺著照所請所有川省本年應行計典准於軍務全竣勒保

回省後再行照例辦理該部知道○土爾扈特貝勒額爾德尼故無嗣以其弟副台吉庫奎署扎薩克貝勒及盟長印務 旌表守正捐軀直隸永年縣民張景印妻張氏○撥兩淮倉穀十萬石運往江西平糶 是日駐蹕隆福寺行宮○戊子

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○諭內閣朕此次秋獮迴鑾

皇后因偶感風寒原定於本月二十三日自熱河啟行現在尚須調理改於十月初十日啟程回京所有沿途道路橋梁照料修治較

多時日前因蹕路經過業將各該州縣本年應徵錢糧蠲免十分之五茲再加恩將熱河至京一路經過地方本年錢糧加免二分以示體卹閭閻至意○是日駐蹕桃花寺行宮 乙丑諭內閣給事中魯蘭枝奏謹陳籌荒一得一摺本年江西省間被水旱收成歉薄業經加恩緩徵給賑並撥兩淮鹽義倉穀十萬石運往平糶以資接濟但此次被荒之地較廣自須商販米運流通更於民食有裨惟

該給事中所稱該省士民有願赴川買米者請官給路票一節此不可行地方殷實之戶誼切桑梓運買濟糶自應各從其便若令赴官領票轉多一番擾累至沿途遏抑例禁綦嚴著飭諭經過各關口遇有運米船隻過境祇須驗明並無夾帶私貨立即放行不得勒索分文並諭該督撫嚴禁沿途刁民勿許強留阻奪庶商販聞風踵至市價不至增昂民食自無匱乏其有樂善捐施及減價平糶者地方官自可報明上司量予獎勵但不必官為經理致啟胥吏勒索之弊該部遵諭速行○諭軍機大臣等熊戴崔胡股匪經孫清元等追剿均有斬獲賊勢日蹙額勒登保現又到楚與德楞泰會合分路搜擒如熊翠熊方青戴四崔宗和胡明遠五逆概行殲戮其零匪不過百人即可馳奏大喜黃摺僅統計盈千斷不可稍存迎合務須上緊督剿剋日奏功至額勒登保途次白土關聞賊匪竄近即

留穆克登布暫駐督率所見正與昨旨相合穆克登布於平利一帶路徑情形素為熟悉該處防堵事宜竟責成專心辦理遇有楚匪毋使一名闖入為要又據奏通行各路將東三省及廣東廣西兵丁先徹所辦甚是現在大功將次告竣遠省調派兵丁從征日久竟無庸逐一查驗著額勒登保等即行派員帶回歸伍即諭令知之○湖北提督長齡因病解任以前任固原提督慶成署湖北提督○賑安徽望江宣城南陵涇貴池青陽石埭建德東流銅陵鳳陽壽鳳臺定遠懷遠十五州縣被水被旱災民並緩徵懷寧桐城潛山宿松寧國太平蕪湖繁昌合肥廬江巢靈璧宿泗盱眙天長五河滁全椒來安和廣德二十二州縣安慶宣州等衛本年額賦是日駐蹕白澗行宮 庚寅駐蹕烟郊行宮○辛卯上還圓明園 遣官祭都城隍之神 兩廣總督吉慶奏報攻破博

羅縣羅溪營賊巢擒獲偽元帥張錦秀等得
旨獎資提督孫全謀等升敘有差。又奏請
革職廣東布政使常齡留營効力允之。壬
辰。

上詣

安佑宮行禮。以戶部尚書祿康戶部右侍郎
錢樾充經筵講官。內閣學士那彥成署經筵
講官。緩徵山東淄川新城鄒汶上朝城利
津蒲臺霑化莘冠嘉祥十一縣。及臨清衛阜

災本年漕糧十分之三。癸巳頒發廣東博

羅縣羅浮山葛仙廟

御書扁額曰惠民佑順。緩徵湖北公安潛江

松滋監利漢川天門荊門京山通城九州縣

水災旱災新舊漕糧額賦有差並給各都坑

軍民一月口糧。甲午調喀喇沙爾辦事大

臣綢武布為庫爾喀喇烏蘇領隊大臣庫爾

喀喇烏蘇領隊大臣明興為喀喇沙爾辦事

大臣。以直隸督標中軍副將武爾袞泰為

正定鎮總兵官 乙未

孝慈高皇后忌辰遣官祭

福陵。諭軍機大臣等額勒登保奏王姓股匪
並彭光俊帶領六七百人經富翰孫清元追
入陝境喜明穆克登布分路截剿連接五仗
將該匪擒斬過半餘向川省逃遁額勒登保
以刻下賊匪窺伺陝境擬暫紮安紫一帶東
顧楚境西策川界自應如此辦理。惠齡於帶
兵打仗竟不足恃可將南山零匪交伊搜捕

所有陝境事宜仍專交額勒登保督辦湖北
專交德楞泰督辦川省專交勒保督辦額勒
登保等當遇賊即勒嚴防邊境務於十月內
歲功然不可因朕萬壽慶節有心迎合草率
竣事總應於迅速之中辦理完善以期一勞
永逸將此各傳諭知之。鑄給雲南新撥緬
寧營左軍守備關防從總督琅玕請也。旌
表守正捐軀直隸平鄉縣民柴希賢妻王氏
緩徵甘肅寧夏平羅寧朔靈中衛五州縣

屬水災本年額賦○丙申

上詣

大高殿行禮○還宮○諭軍機大臣等琅玕奏江內標匪俱經馴服現在購覓順夷過江擒拏首逆覽奏俱悉此夾杆卜可吉利灣等處標標既經悔過出投十分畏懼江內地方實已肅清琅玕將各寨安撫出示曉諭所辦尚是恒乍綑潛逃江外自不值重煩兵力茲責令頭人過江設法擒拏該處有提督烏大經

總兵張玉龍督辦琅玕自不必在彼駐劄該督現往威遠查辦標黑滋事一案其首逆楊金等亦已竄至江外須飭令鎮道嚴密購線查拏首犯加意防堵琅玕即遵旨回省辦事將此諭令知之○吳熊光奏報興山縣寨勇殲斃黃號首逆唐明萬得旨嘉獎賞案目陳允安等頂帶並藍翎○免雲南標匪滋擾及兵差經過之維西麗江中甸劍川鶴慶雲龍太和趙賓川鄧川浪穹雲南楚雄鎮南大姚

南安定遠姚保山永平蒙化永北二十二廳州縣本年額賦有差○緩徵浙江西安龍游東陽浦江建德淳安桐廬金華蘭溪義烏永康武義湯溪江山常山開化遂安壽昌縉雲宣平諸暨嵯富陽二十三縣衢州所杭嚴衛早災新舊額賦○

上以孟冬時享

太廟自是日始齋戒三日○丁酉

孝敬憲皇后忌辰遣官祭

泰陵○諭內閣向來內閣呈進本章凡遇禮部太常寺等衙門具題之件有關

壇

廟典禮者奏事處進呈時敬列於是日各本章之前並豫備盥洗候朕浣手敬謹披閱至每日批覽奏摺奏事處先將外省所遞奏摺呈閱後始將各部院衙門事件以次進呈此內有關繫

大祀典禮者亦一律照常呈遞殊不足以彰誠

敬嗣後禮部太常寺及各衙門具奏事件除封奏照常呈遞外其恭遇

天

地

祖

宗大祀各項典禮儀注或奏摺及綠頭牌內有稱述

尊號之處本係露封陳奏者奏事處即應照進本之例先行呈遞敬候披閱以昭慎重○諭軍機大臣等楚境賊匪昨已專交德楞泰督辦該叅贊當督飭將領剋日掃除如果境內肅清川省未淨德楞泰係成都將軍應移師入川協同捕淨目下功屆垂成以勦為正不可徒事招撫耽延時日將此傳諭知之○改四川原設達州學正為綏定府教授保縣訓導為羅江縣訓導太平縣訓導為達縣訓導添設綏定府訓導理番廳教諭太平廳訓導各一員裁茂州訓導保縣教諭茂川縣訓導

各缺定新設綏定府學額十五名達縣學額八名太平廳學額八名羅江縣學額六名理番廳學額六名裁綿州學額四名從總督勒保請也○戊戌諭軍機大臣等前因湖南永綏一廳孤懸苗境不足以資控制經黔楚督撫會議將該廳協移駐花園茶洞業經議覆准行茲據初彭齡奏稱該處自建城設汛以來民苗錯處已久一旦官民內移一切商販不至購買為難苗人既不願官兵移撤欲行控阻該處百姓亦未必盡願舍田廬而去永綏一廳准其內移原係因時度地籌議變通期於苗民兩便今楚苗既欲控阻而百姓又不樂從自須會商熟籌以為久遠之計初彭齡甫經到黔百齡亦到任未久辦理苗疆事務自不如傅鼎之熟諳但移駐一事或竟係伊一人偏見亦未可定高杞甫任湖南巡撫從前並未入議無所用其迴護著會同黔楚兩省督撫體察情形悉心籌議總期於官民

安便苗衆願從方屬可行。並著繪圖貼說詳
悉具奏其均田一事是否與情所願亦著一
併妥議總之撫綏外夷之道動不如靜。若無
必不可已之情節。總宜率由舊章拘守之人。
總無大謬好更張者。終有差訛也。將此各傳
諭知之。○緩徵江蘇清河桃源安東銅山蕭
陽山邳宿遷睢寧句容江浦六合山陽鹽城
阜寧東臺興化贛榆十八州縣淮寧大河徐
州二衛水災旱災新舊漕糧額賦。○賑江蘇
海沭陽二州縣被水災民。並免本年漕糧額
賦。是月湖北按察使喬人傑奏報到任。得
旨楚省刑名頗不易治。此外教匪雖平。嗣後
恐有扶嫌報復等事。須秉公辦理。方可服人
之心勉之。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四

監修總裁官臣等謹將嘉慶七年十月己亥朔享

嘉慶七年十月己亥朔享

嘉慶七年十月己亥朔享

嘉慶七年十月己亥朔享

嘉慶七年十月己亥朔享

較修

嘉慶七年壬戌冬十月己亥朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵 遣官祭

孝淑皇后殯宮○遣官祭

端慧皇太子園寢○頒嘉慶八年時憲書○

封未婚守節之科爾沁二等台吉濟爾墨特

聘妻裕郡王亮煥女為和碩格格○賑安徽

宿靈璧泗盱眙五河五州縣被水災民○庚

子

上御乾清門聽政○幸圓明園○以通政使司

副使邵自昌為光祿寺卿○辛丑兩江總督

費淳南河河道總督吳璥奏報秋汛安瀾得

旨嘉獎下部議敘○壬寅

上以萬壽節御同樂園賜王以下文武大臣蒙

古王公等食至乙巳皆如之○癸卯諭內閣

本日據吉慶馳奏將博羅縣結會滋事之首

惡陳爛殿四擒獲凌遲正法餘匪即就肅清

已明降諭旨宣示矣陳爛殿四在博羅地方

製造兵械旗幟占據山險恃為巢穴糾衆多至萬餘其蓄謀已非一日且該犯之父陳士莊係捐納按察司照磨可見家道尚屬殷裕並非迫於飢寒為結會斂錢之計竟係有心謀為不軌該地方官若能乘其甫經糾集人數未多將一二為首之犯設法緝拏按律懲治其餘黨自必聞風解散可期立即消弭即地方官失察之咎亦不過照例叅處所保全者何限乃外省積習遇有此等匪徒並不早為懲辦又或存化大為小之見豫為屬員規避處分總欲袒庇不肖州縣而忍陷無辜小民於水火鋒鏑遂至日久因循匪黨無所畏懼四出焚掠附近村莊既遭荼毒迨逆蹟既彰勢不得不懾以兵威加之誅戮其臨陣殲斃及擒捕正法者動輒數千可見平時之姑息養奸必致釀成巨案所傷人命轉多即以世俗陰功之說而言孰重孰輕亦不辨自明矣著傳諭各督撫嗣後應嚴飭地方官平日

務當留心化導俾無知小民皆知安分畏法如或有不肖匪徒倡謀滋事或小有搶掠或造作逆詞該州縣一有風聞即當趁其未經蠢動之初將為首者上緊緝拏立時辦竣毋任彼此勾結致啟事端即如博羅一案幸該匪等尚未肆竄蔓延得以剋期捕獲然已殲戮多人同案抵罪者亦復不少雖頑民自作不靖而朕心良用惻然該督撫等惟當勉思撫馭禁暴戢奸勿俾苞蘖潛滋以副朕諄諄教誡至意將此通諭知之○以擒獲博羅首逆陳爛屐四功兩廣總督吉慶下部議敘賞提督孫全謀騎都尉世職守備寧舒唐文才花翎知縣楊桂蔭藍翎擢千總鍾鳴貴為都司賞花翎拔兵丁汪高葉開雲為把總賞藍翎餘賞賚有差 甲辰

萬壽節遣官祭
太廟後殿 遣官祭
福陵

昭西陵

孝東陵

秦陵

泰東陵

裕陵遣官祭

顯佑宮

東嶽廟

城隍廟

上詣

安佑宮行禮
御正大光明殿皇子及王以下

文武大臣官員蒙古王公等行慶賀禮。○乙

已給江蘇碭山豐沛銅山蕭五縣被水災民

一月口糧○丙午撥兩淮運庫銀二十二萬

兩浙江運庫銀二十八萬兩解往河南以備

軍需 丁未諭軍機大臣等惠齡摺稱通飭

帶兵鎮將等每與賊匪對敵。須先招呼投出。免死等語。現當賊匪窮蹙之時。所有零星竄匪。多係積年老教。怙惡不悛。有何可惜。如投出者。係被裹難民。或脅從夥黨。尚可加之寬宥。儻為首老教。稔惡已久。節經曉諭。尚敢仍前抗拒。即使招呼投出。亦不過為一時苟免之計。殊不可信。惟當以上緊搜勦為正辦。萬不可先存招撫之見。將此諭令知之。○戊申。皇后千秋節。宮內行禮如儀。停止筵宴。及在外

公主福晉命婦行禮。○己酉。以鑲白旗漢軍都統張承勲為杭州將軍。禮部尚書長麟兼鑲白旗漢軍都統。○命塔爾巴哈台叅贊大臣策拔克喀喇沙爾辦事大臣明興。庫車辦事大臣奇臣塔爾巴哈台領隊大臣特克慎。來京調和闡辦事大臣興肇為塔爾巴哈台叅贊大臣。以鑲藍旗漢軍副都統弘康為和闡辦事大臣。鑲藍旗蒙古副都統納清保為喀喇沙爾辦事大臣。賞頭等侍衛阿爾紐阿。

副都統銜為庫車辦事大臣以鑲黃旗蒙古副都統碩雲保為塔爾巴哈台領隊大臣庚戌諭內閣庫車地方係屬專任阿爾綏阿甫經賞給副都統職銜派往新疆辦事恐不能勝任隆福著調補庫車辦事大臣麒麟保著為哈密辦事大臣阿爾綏阿著為哈密幫辦大臣命刑部右侍郎姜晟內閣學士那彥成馳往江西審辦知縣劉光控告巡撫張誠基一案免江西湖口彭澤二縣旱災本年額賦十分之一餘分兩年帶徵辛亥禁

番役子孫出仕應試諭內閣吏部議覆給事中恩治奏步軍統領衙門番役應否准其出仕應試一摺番役一項專司緝捕盜犯原與隸卒無異凡各衙門卑役人等例不准其為官其子孫亦不准其應試則番役自應比照此例以歸畫一乃從前步軍統領衙門往往因番役拏獲要犯輒奏請賞給頂帶如番子頭目馬凱即洊賞守備職銜且番役子孫並

有應試出仕者殊不足以別流品而重名器著步軍統領衙門查明番役中從前得過頂帶者除馬凱業經降革外其現在尚有頂帶之人祇准暫留頂帶不准以實缺補用其子孫應試曾經進學及中式者留其舉貢生員不准選用官職此後亦不准再行應考如現有出仕者概令撤回嗣後步軍統領衙門遇有番役緝捕勤奮祇准量加獎賞即實有拏獲要犯者亦祇可從優加賞毋許給予頂帶

僅再行濫請即以違制論賑兩淮板浦中正臨興三場被水竈戶并蠲緩新舊鹽課又緩徵丁溪草堰劉莊伍佑新興廟灣六場旱災本年鹽課壬子申禁軍營報銷賞項諭內閣戶部議駁陝西巡撫陸有仁咨覆軍需章程各款一摺已依議行矣單內所駁軍營賞需物件於軍需平餘項下動支一款尤屬近來軍營陋習軍需餉項皆有一定支銷豈應濫增浮費乾隆四十一年四月內曾欽奉

皇考高宗純皇帝諭旨。以軍需賞號一項。實屬濫設。嗣後即當永遠刪除。當經恭載入戶部軍需則例。奉行已久。此後軍營從無濫增賞項之事。自福康安辦理各處軍務。始於賞號一項。任意浮加。聞其向屬員等紛紛勒取。以充私賞。甚至於軍需正項。亦復恣意提用。以致費無所出。捏款開銷。各路軍營。無不踵其流弊。朕於軍營士卒。軫念時殷。每遇打仗得勝。未嘗不優加賞賚。並節次頒發銀兩。交經

畧叅贊等隨時加賞。然皆特給內帑。並不令於軍需正項支銷。原以杜其牽混。如果軍營內有必需賞項之處。亦當據實奏明。請旨。何得率請立款報銷。即云所請動支之款。係屬平餘。然平餘一項。獨非國帑乎。著通諭現在辦理軍需報銷各督撫。均不得將賞項一款。濫行添入軍需。以符定例。○軍機大臣等議覆。伊犁將軍松筠等奏。請塔爾巴哈台二十卡。每屆冬寒。添派額魯特散丁四百四十

名分駐會哨。另設四小卡。派綠營兵六十名。常川駐劄。護運貢物。並設立官鋪。改用車輛。借給馬匹。支放口糧等款。均應如所請行。惟兵丁護運貢物。每站給車二輛。已足敷用。所請另派察哈爾散丁六十名運送物件。及兵丁每名賞馬二匹之處。應毋庸議。從之。○勒保奏報擒獲白號賊首張簡。賞知府趙秉淵等升銜。○癸丑策試中式武舉于謙益等六十名於太和殿前。○甲寅。

上詣

大高殿

壽皇殿行禮。○還宮。○以湖廣總督吳熊光兼

署湖北提督。○乙卯。

上以莊靜固倫公主行初定禮。

御保和殿賜皇子王公大臣額駙等宴。○諭內

閣巡視東三省事務前經議定裁汰御史五

年一次於盛京五部侍郎內奏請簡派。今據

晉昌奏巡視盛京業已屆期。將五部侍郎銜

名開單請旨。但思吉林黑龍江兩處非盛京所屬。尚可令該侍郎等前往巡視。至盛京係本管地方。亦派令一體查察。究於政體未協。所有此次巡視盛京事務。著派大理寺卿窩星額去嗣後除吉林黑龍江屆五年期滿。仍將該侍郎等奏派外。其盛京一省。屆期著該將軍奏請候朕於在京之滿漢三四品京堂內簡派。勒保奏報。職除白號餘匪。擒獲藍號賊首湯思蛟。得旨嘉獎。副都統銜達斯呼

勒岱等升敘有差。賑盛京廣寧牛莊白旗堡小黑山遼陽巨流河承德等處水災旗民有差並貸籽種口糧。丙辰

上御紫光閣閱中式武舉馬步射。除古北口抽分歲額諭內閣據顏檢奏密雲縣徵解木稅不敷定額懇請覈實辦理一摺。該縣管理古北口抽分事宜每年應解木稅原以一千一十二兩零定為歲額。今據稱該處商販寥寥無人領票辦課。山場砍伐既久。近年以來

祇有小民在附近各山採取柴薪。照例輸課。每歲不過三四十兩。至五六十兩等語。自係實在情形。除嘉慶二年至六年止應解稅銀仍在歷任之知縣名下。照數勒完外。嗣後此項木稅自嘉慶七年為始。著即照徵收雜稅之例儘收儘解。不必定以額數。仍著該督責成該道府等隨時稽查。毋得以多報少。致滋弊混。密雲距京甚近。僅一經查出。必將該令等懲處不貸。其該縣原領監督關防。即著繳銷。免黑龍江齊齊哈爾水災本年額賦並蠲緩舊借糧石有差。丁巳

上御紫光閣閱中式武舉技勇。御乾清宮引見中式武舉親定甲乙。詣

時應宮拈香。諭內閣。前經費淳等奏報霜降後南河水勢安瀾。業經降旨將費淳吳璥交部議敘。並著將出力各員查明保奏。茲據費淳等奏霜降後黃水復長。唐家灣因民堰漫塌以致毛城鋪壩下過水。引河頭刷寬五

十餘丈尚不致吸動大溜。但未能即時收束。現在籌辦堵閉等語。看此情形。唐家灣民堰。於九月初閒漫塌。至此時竟尚未能堵閉。費淳吳璣既知本年黃水漲盛。唐家灣漫堰。未經斷流。何以前次即奏工程一律鞏固。豈節屆霜降該督等竟不問河工實在情形。徒以秋汛安瀾。循例具奏乎。費淳吳璣著傳旨申飭。並將前次議敘撤回。其自請議處之處。著加恩姑予寬免。此時已交冬令。水落力綿。該督等務當上緊購料。相機籌辦。先築挑水壩。挑溜歸河。再於口門築壩攔截。將唐家灣漫堰堵閉穩固。尚可將功抵過。僅稍有遲延。必將該督等一併治罪。至道將文武於所屬隄堰未能及早籌辦。咎實難辭。所有前此在工人員無庸再行保奏。並著將該管廳營照例叅處。嗣後該督等於每年秋汛時。務須察看全河水勢順軌。工程悉皆堅穩。方可具報安瀾。毋得拘泥霜降率行陳奏。再唐家灣既有

漫溢其下游一帶。自必有被淹處所。並著該督等查明是否成災。據實具奏。不可稍有諱飾。德楞泰奏報殲斃白號賊首戴四生擒賊目趙鑑。得旨獎賚。與總兵官馬瑜副將呢瑪善均下部議敘。並賞呢瑪善花翎。把總楊和等藍翎。餘升賞有差。撥兩淮運庫銀三十萬兩。粵海關稅銀二十萬兩。解往四川以備軍需。緩徵陝西咸寧長安臨潼渭南涇陽三原富平藍田華永壽郿長武藍屋鄠同官潼關大荔朝邑郃陽韓城華陰澄城白水蒲城扶風岐山鳳翔寶雞郿麟遊淳化。三十一廳州縣水災舊欠額賦。戊午。上御太和殿傳臚。賜殿試武舉一甲李白玉張大鵬陸鳳翔三人。武進士及第二甲于謙益等七人。武進士出身三甲馮殿士等五十人。同武進士出身己未諭軍機大臣等。吉慶奏博羅匪徒曾鬼六勾結永安匪徒數千人抗拒官兵等語。曾鬼六等犯是否係陳爛廩

四餘黨何以甫經勾結即有數千人之多。此時該督已馳赴該處勦辦提督孫全謀亦已帶兵馳往又恐兵力不敷飛調江西兵二千名太覺張皇失措矣昨據書敬奏曾豫備滿兵一千二百名何不即行調往乃舍近圖遠轉於相隔千餘里之贛州調兵來惠江西兵素非趨健即到粵亦不能得力何吉慶一無籌畫竟至於此著傳旨申飭至因帶兵乏人請簡派副將叅遊都守等十員前往亦屬緩

不濟急吉慶總當督持定見不可過於張皇亦不可稍有遲延為要○庚申喀爾喀扎薩克圖汗布尼喇特納等進馬千匹命收五百匹賞賚如例辛酉予湖北陣亡叅將姚國棟遊擊三福外委雷開科祭葬加等世職如例千總唐宗莒祭葬世職兵丁馬大順等五十四名賞卹如例○除江蘇婁縣坍沒田一十六頃五十四畝有奇額賦壬戌諭內閣向來軍營帶兵人員於所轄官兵有脫逃情

事處分甚重此次勦辦教匪將屆七年官兵跋涉險阻晝夜奔馳異常辛苦此內私自潛逃者固所不免但亦有因受傷患病不能隨隊行走以致中途落後或傷病身故或遇賊戕害等情皆不可知並有該管之員派兵尋覓而尋覓之兵又因他故久無下落此與實在潛逃者其情迥異若因糧缺虛懸無著即以脫逃具報輒將該管之員照失察逃兵例一律懲治則呈議者多未免漫無區別現在

大功將歲各路官兵均次第凱旋著額勒登保查明各營內無著兵丁或實係攜帶物件私自潛逃衆證確鑿或拏獲之後審訊明確無可支飾者自應將該逃兵照律辦理其專兼管轄之官弁等亦屬咎無可寬均仍交部查議如該兵丁等實係落後有因不及歸伍查無有心脫逃情節均可無庸深究其該管各員應得失察處分均著加恩寬免其虛懸名糧即一面先行募補以實兵額○諭軍機

大臣等英善奏廓爾喀王吉爾巴納租塔畢噶爾瑪薩野呈進例貢另片稱風聞披楞之兵已將廓爾喀部落侵奪六處恐該國王勢窮仰仗天朝威力或奔投唐古忒境內等語該國王此次遣使進貢或即為將來地步但此等蠻觸相爭竟可不必過問儻乞兵相救英善等惟當請旨遵辦若情急來投斷不可遽令入境惟令其在唐古忒境內暫行停頓一面迅速奏請訓示將此諭令知之○癸亥

諭內閣朕恭閱

皇考高宗純皇帝實錄內載乾隆十八年七月欽奉

諭旨滿洲習俗純樸自我朝一統以來始學漢文曾將五經及四子通鑑等書繙譯刊行近有不肖之徒不繙譯正傳反將水滸西廂記等小說繙譯使人閱看誘以為惡甚至以滿洲單字還音鈔寫古詞者俱有滿洲習俗之偷皆由於此不可不嚴行禁止等因欽此仰

見我

皇考崇正黜邪為風俗人心計者至深且遠從前滿洲盡皆通曉清文是以尚能將小說古詞繙譯成編

皇考深恐為習俗之害嚴飭禁止今滿洲非惟不能繙譯甚至清話生疏不識清字其粗曉漢文者又以經史正文詞義深奧難於誦習專取各種無稽小說日事披覽而人心漸即於偷此不獨滿洲為然即漢人亦更多蹈此

陋習如經史為學問根柢自應悉心研討至諸子百家不過供文人涉獵已屬藝餘乃鄉曲小民不但經史不能領悟即子集亦束置不觀惟喜贅詞俗劇及一切鄙俚之詞更有編造新文廣為傳播大率不外乎草竊姦宄之事而愚民之好勇鬪狠者溺於邪惡轉相慕效糾夥結盟肆行淫暴概由看此等書詞所致世道人心大有關繫不可不重申嚴禁但此時若紛紛查辦未免假手吏胥轉滋擾

累著在京之步軍統領順天府五城各衙門及外省各督撫通飭地方官出示勸諭將各坊肆及家藏不經小說現已刊播者令其自行燒燬不得仍留原板此後並不准再行編造刊刻以端風化而息詖詞將此通諭知之

命兵部右侍郎那彥寶馳赴南河查看唐家灣漫工○緩徵安徽太湖縣旱災新舊額賦甲子雲南巡撫孫曰秉年老命來京另候簡用以貴州巡撫初彭齡署雲南巡撫貴

州布政使百齡護理巡撫○乙丑諭內閣朕昨因散秩大臣慶壽巴爾桑阿患病各散秩大臣等私議將慶壽巴爾桑阿令其常在靜安莊該班特降諭旨嗣後散秩大臣等值班並各項差使俱交領侍衛內大臣等指派稽察原因散秩大臣等於值班並各項差使若無稽察之人伊等任意行走日久不免曠誤並非將散秩大臣作為領侍衛內大臣之屬員也今領侍衛內大臣等奏稱散秩大臣俱

係職列頭品非如侍衛等可以申飭教戒者可比請嗣後散秩大臣內遇有報病者於年終彙奏等語顯係推諉著領侍衛內大臣等仍遵奉昨降諭旨指派稽察外至伊等勤惰若於年終彙奏為期太寬著領侍衛內大臣按季彙奏此內儻有誤差曠班者隨時查叅

又諭吏部議駁御史王瑤臺條陳察覈部員等款一摺已依議行矣向來分部學習及捐納行走人員於三年期滿後該堂官秉公甄覈分別奏留及改補歸選原有舊定章程該御史所請凡遇學習人員報滿時宜令各堂官詳加甄別不得一概奏留之處尚屬申明舊例近來各部院衙門奏留者本覺太多自應覈實分別辦理其所稱未補實缺主事請以散州同知保送一節官員升遷調補俱以實俸覈計豈有未經得缺遽行選用丞牧之理所奏已不可行至欲將京察未經記名人員概請選用簡缺道府尤屬非是京察為

激揚大典並非專為保舉外任而設。其一等人員內經朕察看才具有宜於外任者。酌量記名簡放。其內留者亦准其加級註冊。原不必全予記名外用。若如該御史所請。以未經記名之員均得外用。則奔競之徒必致百計鑽營。希冀保列一等。即未蒙記名。一經選用簡缺。到任後又可營求調繁。顯開倖進之門。且外省亦有應行升用人員。必因此多所抑滯。實於銓政有礙。該御史必係受人慫恿。率行陳奏。沽名干譽。冒昧已甚。著將斤駁緣由通諭知之。○國子監祭酒潤祥奏請八旗外郎缺出。停止揀選。令各該旗漢軍生監官學生一體考試錄用。從之。○遣散秩大臣綿懃帶領侍衛十員往奠故副都統永琨茶酒。賞還公爵。賜祭葬如例。○調正黃旗蒙古副都統玉麟為正白旗漢軍副都統。以署鑲藍旗漢軍副都統明興為正黃旗蒙古副都統。○以故四川建昌道屬拉里土百戶曲仲扎什

子嘉爾布襲職。○丙寅諭軍機大臣等。黃藍線字等號餘匪尚有千餘人。向川陝交界之官壩地方竄走。此起餘匪從前由楚入川。皆由該處官弁不能實力堵截。以致闖入。又不能迅速殲除。僅將該匪等轟出川境。實屬督勦不力。勒保著傳旨申飭。該匪等闖入陝境。即距南山不遠。設又竄匿老林。轉瞬嚴寒。勒捕復形棘手。昨經降旨令額勒登保帶兵入川。與德楞泰勒保三面兜逼。茲該匪已有入陝之勢。額勒登保自當迎頭截擊。即或未能勦淨。亦當截回川省。跟蹤追捕。斷不可令其竄往南山。又致稽滯。至惠齡係該省總督。節據奏稱陝省緊要各隘口俱已派兵嚴禦。若令闖入。甚至竄匿南山。必將惠齡及防堵之員一併治罪。凜之勉之。○以正黃旗漢軍都統恭阿拉為都察院左都御史。工部右侍郎吉綸署倉場侍郎。以經畧大臣額勒登保為鑲藍旗蒙古都統。以擒獲首逆湯思蛟

張簡功賞防禦薩靈阿巴圖魯名號防禦伯
圖依遊擊馬成林陳弼都司文自新邱鳳岐
花翎委官鄂爾托延等藍翎餘升擢有差
予湖北陣亡千總蘇定凱吳炳把總張天祥
劉元章伍思勝胡金豹劉定選外委莊韜陳
廷琦周廷棟祭葬加等世職如例守備孟景
源傷亡把總劉升陝西陣亡騎都尉花沙布
祭葬世職兵丁王景等四百四十九名賞卹
如例 丁卯

上詣

奉先殿

壽皇殿行禮 封已革克勤郡王散秩大臣恒
謹為不入八分輔國公 戶部議准護湖南
巡撫通恩疏報巴陵縣開墾淤洲地九千三
百九十八畝有奇照例升科從之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四

實錄卷一百四

四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五

聖祖皇帝御製實錄卷一百五 上諭事 廣東巡撫部院李鴻章奏請將廣東省城內各處紳士

加恩予官 賜給職銜 官太子太傅 賜給職銜 官太子太傅 賜給職銜 官太子太傅 賜給職銜 官太子太傅

賜給職銜 官太子太傅 賜給職銜 官太子太傅 賜給職銜 官太子太傅 賜給職銜 官太子太傅

賜給職銜 官太子太傅 賜給職銜 官太子太傅 賜給職銜 官太子太傅 賜給職銜 官太子太傅

賜給職銜 官太子太傅 賜給職銜 官太子太傅 賜給職銜 官太子太傅 賜給職銜 官太子太傅

教修

嘉慶七年壬戌十一月戊辰朔德楞泰奏報

殲擒首逆陳侍學等得旨獎賚總兵官馬瑜

下部議敘拔兵丁劉泗明為千總賞藍翎餘

升賞有差○湖北軍營副都統溫春因病乞

回旗允之○旌表守正捐軀河南桐柏縣民

湛可富妻劉氏○已巳旌表守正捐軀四川

仁壽縣民王庭獻聘媳夏氏○庚午諭內閣

吉慶辦理博羅會匪一案節次奏報種種張

皇冒昧糊塗草率不勝協贊綸扉之任吉慶

著革去協辦大學士仍暫留兩廣總督以觀

後效○諭軍機大臣等現派那彥成馳赴粵

東有密查事件那彥成接奉後即迅速前往

所有江西查審之案交姜晟一人辦理即傳

諭知之○又諭粵東歸善縣添弟會滋事一

案先於八月二十二日吉慶奏到拿獲首夥

四十餘名投出者一百九十餘名地方業已

寧謐二十九日奏摺內忽稱歸善博羅共有

會匪一二萬人此二摺情形互異嗣後所奏

各摺始則稱東莞增城龍門等處均有匪徒

既復添入河源歸善石龍三處而瑚圖禮所

奏東莞等六處並無會匪及至攻克羊矢山

羅溪營賊巢據稱賊匪萬餘擒斬者三千餘

人其餘賊匪並未聲明竄往何處迨攻克羅

浮山拏獲首逆陳爛屐四後突於十月二十

一日奏到博羅匪徒曾鬼六勾結永安匪曾

清浩官粵瓏等數千人而二十七日奏摺祇

稱曾清浩等糾夥數百人本日奏到摺內又

稱曾清浩率夥投出四千餘人官粵瓏賴東

保兩起尚有二三千人且於曾鬼六一犯並未提及所稱賴東保一起前奏未見其名種種歧異不一而足那彥成抵粵後即將指出吉慶陳奏不符之處密為查訪此案究竟因何處起釁是否吉慶濫殺激變據實直陳將此密諭知之○莊靜固倫公主下嫁土默特貝子額駙瑪呢巴達喇

上御保和殿賜宴如初定儀○原任喀喇沙爾辦事大臣明興奏請吐魯番赫色勒圖喇安

占等處舊坍田六頃有奇聽民開墾歲得租銀分給九屯官員修理運糧車輛從之○調山東巡撫祖之望為陝西巡撫以山東布政使倭什布為巡撫按察使陳鍾琛為布政使內閣侍讀學士金光悌為山東按察使○以勦辦雲南威遠標匪功道員春貴等下部議敘○免雲南鄧川州被水災民本年蠲剩條公等銀十分之七及應徵秋糧○辛未上御乾清門聽政○以都察院左都御史恭阿

拉署步軍統領○旌表守正被戕伊犁商民高滿良妻黃氏○免雲南新興州水災本年額賦壬申

上詣

雍和宮行禮

宣仁廟

凝和廟

火神廟拈香○癸酉以故奉恩將軍那爾善子松吉達薩穆布子文特布各襲職○甲戌

上御懋勤殿勾到奉天浙江湖廣情實罪犯停決奉天斬犯一人絞犯一人浙江斬犯一人湖廣斬犯十二人絞犯十九人餘八十九人予勾遣官祭

先醫之神○諭軍機大臣等本日烏大經奏江外野獐復行渡江滋擾一摺維西一帶獐匪前據琅玕奏稱經官兵屢次痛勦後業已畏懼乞降其首逆恒乍綢逃匿江外亦不難設法弋擒並留兵二十名分派將弁沿江防

堵自應布置周密。何至又有渡江滋擾之事。該匪等偷渡之處。係何江岸。何人沉地。著琅玕即查明奏。標匪係邊外野夷。似此反覆無常。恐不畏死。若不大加懲創。何所忌憚。著琅玕等即將前此奏徵各兵截回。迅速勦辦。俾知畏懼。至此次渡江賊匪。自仍係恒乍綑往來勾結。正可乘其過江。設法搜擒。若將該首逆擒獲。餘匪望風奔潰。自不難迅就戡事矣。○乙亥諭內閣。禮部等衙門奏陣亡官兵

例應祀昭忠祠。因現在軍營陸續咨報人數衆多。祠內所設牌位。龕座不敷。安設請另為籌辦等語。隨征官員兵丁等為國宣勞。捐軀矢節。我

皇祖世宗憲皇帝。憫念忠勤。特於雍正二年建立昭忠祠。春秋從祀。實屬庸庸曠典。近來勦辦教匪。已屆七年。官兵等無不齊心敵愾。其間効命疆場者。亦復不少。現當大功告成。允宜報祀。酬勲風勵。蓋節。茲據禮部等衙門稱

昭忠祠內配室兩廡。不敷安設。即另為添蓋祠宇。亦事屬可行。但念陣亡官兵等。檄調各省者居多。且有各處召募鄉勇。非盡係八旗及順天府屬之人。莫若於外省各府城內。如關帝廟城隍廟地。址有可展拓者。附祠從祀。既足安妥忠魂。令其各依故土。又可使其鄉閭親屬共覩共聞。互知感發。亦足以昭激勵。其應如何籌辦之處。著大學士九卿妥議具奏。○丙子

上御懋勤殿。勾到江蘇安徽江西情實罪犯。停決江蘇斬犯三人。絞犯十人。安徽斬犯一人。絞犯三人。江西斬犯二人。絞犯九人。餘六十四人。予勾。○勒保奏報生擒黃號賊首唐明萬得旨獎。賚遊擊羅思舉陳弼下部議。欽餘賞賚有差。○四川北鎮總兵官薛大烈。因病解任。以阜和協副將達自祥為川北鎮總兵官。○予四川陝西陣亡協領和興額祭葬。世職如副都統例。佐領捷慶阿勒當防禦丹

已驍騎校福祿珠衣保。額外驍騎校邦都爾前鋒委官烏爾恭額領催委官烏克額藍翎領催額勒京額察渾特藍翎甲兵七保把總伍孝李占魁外委徐彤正龍起奉祭葬世職兵丁王克己等六百二十四名賞卹如例。○旌表守正捐軀江蘇南匯縣民楊大觀妻喬氏。○丁丑諭內閣本日綿課等奏

裕陵聖德神功碑樓石料採運工價及繩斤銀兩請援各工二八加價之例覈給一摺已交

總管內務府大臣等覈議具奏矣。上年因雨水較大食物昂貴石作商人。不無負累。曾准綿課等將運工石料未經到工者。比照各工二八加價之例酌增錢糧。此係為一時積潦沉渾採運維艱是以暫行恩准。而彼時綿課等摺內即未將加價一節聲明。何日停止本年春秋雨水調勻。非如上年霖潦可比。茲綿課等又以地土潮濕載重道軟行車負累。請加石料採運工價並繩斤銀兩工程例價自

有定額。若似此逐年遞加。並無限制。將何所底止。耶。況既加則不能再減。實屬取巧。且摺內稱今冬趕運。明春豎立。即可告成等語。明知

裕陵聖德神功碑樓事關重大。朕必亟思瞻仰。早望告成。故為此奏。以冀必邀恩准。即綿課等因工程緊要。實有必須加增之處。亦當親往確勘。再行奏請。試思萬年吉地工程。前派汪永需范建豐額勒布管理。伊三人尚輪流

前往不時查察。今

裕陵聖德神功碑樓較之萬年吉地尤應慎重。何以綿課等於查看則並未親往。於工價則屢請加增。在伊等未必於此中有意浮開。冀圖沾潤。亦斷不敢出此。而監督等員則難保無此種情弊。又如向來先領銀到手。即按成數侵用。故智復萌矣。綿課等聽信工員慫恿。冒昧奏請。殊屬非是。均著傳旨嚴行申飭。綿課本非內廷行走諸王。又不兼管旗務。著於

一二日內即行收拾起程前赴

裕陵常川在彼督辦俟工竣候旨再行回京綿
億縵布各有應管事務亦著輪替前往隨時
查察以昭敬慎○以故喀爾喀賽因諾顏扎
薩克輔國公拉瑪扎布子車布登多爾濟襲
爵○奉恩將軍喀勒崇阿因病告退以其弟
博奇屯襲職○戊寅以故奉恩將軍成宗孫
慶堯襲職○己卯

上御懋勤殿勾到河南山西情實罪犯停決河

南斬犯一人絞犯六人山西斬犯六人絞犯
五人餘七十人予勾○額勒登保奏報截剿
川界竄匪生擒首逆葉二得旨嘉獎侍衛穆
克登布下部議敘○戶部議准前任山東巡
撫和寧疏報諸城縣開墾旱田一十六頃七
畝有奇照例升科從之○庚辰

聖祖仁皇帝忌辰遣官祭

景陵○

上詣

壽皇殿行禮○辛巳緩徵廣東被賊滋擾之博

羅永安二縣本年額賦○壬午諭內閣興肇
等奏稱此次和闐採辦白玉二十七斤次白
玉二十四斤各一塊請將回子伯克伊斯瑪
伊勒愛瑪爾和卓二人賞戴花翎回子愛瑪
沙等七人賞戴翎頂等語所奏殊屬非是和
闐為產玉之區該處伯克等率領回民撈採
玉石每年解運至京祇係任土作貢之意今
興肇等因伊斯瑪伊勒等採獲白玉二塊斤

數較重輒請賞給翎頂此玉有何足貴翎枝
頂帶為國家名器所關該伯克及回子等如
果奮勉勤能於防卡屯田一切差使辦理妥
協該大臣等據實奏聞必照所請加恩用示
獎勵豈得以採獲玉斤較重遂為伊等之功
濫行懇請乎朕數年以來節經降旨停止中
外臣工貢獻凡金玉珠寶等物概不准呈進
前葉爾羌採得數百斤成塊大玉業已運送
起程曾降旨即於所至地方截留棄置興肇

等寧不知之。况此區區數十斤之玉塊。又何足為貴乎。朕所寶者。惟在時和年豐。民安物阜。一切耳目玩好之物。素性實所鄙棄。若如興肇等所奏。獲一玉塊。即錫以翎頂之榮。則伯克回子等勢必爭相慕效。專以搜採大玉希冀邀榮。而外間無識之徒。或因此妄生揣摹。此則甚有關繫。興肇額勒金布均著傳旨嚴行申飭。其所請賞給翎頂之伊斯瑪伊勒等。俱不准賞給。並著曉諭各伯克回子等嗣

後。惟當實力當差。如有出力之處。該大臣等奏聞時。必當加恩賞賚。至此次該回子因未得大玉誦經祈求。此語如果屬實。更覺無謂。豈採得大玉。即為伊等報効乎。所有現獲大玉二塊。如可趨例貢之。便送京方准其附帶。若沿途運送稍有不便。即擲於該處。不必呈進。將此通諭知之。○癸未。

上御懋勤殿。勾到直隸山東情實罪犯。停決直隸斬犯五人。絞犯十人。山東官犯一人。斬犯

二人。絞犯十八人。餘七十三人。予勾。○甲申。上詣

宣仁廟

凝和廟拈香。○莅莊敬和碩公主第。○乙酉。上御懋勤殿。勾到朝審情實罪犯。停決官犯四人。斬犯二人。絞犯七人。餘十三人。予勾。○予原任湖北竹谿縣知縣宗超。海陝西白水縣知縣王希伊。入祀名宦祠。從總督吳熊光惠齡等請也。○丙戌。

上御乾清門聽政。○諭內閣。川陝楚三省大功指日告竣。軍營帶兵出力各員。均應分別加恩。因思從前軍務獲咎之人。亦當覈其情節。量加恩貸。原任提督吉蘭泰總兵索費英阿。前因防勦不力。革職於軍營枷號。俟軍務完竣後。發往伊犁。嗣經釋枷。發遣吉林。作為披甲兵。丁原任總兵官信前。因帶兵玩愒。間擬斬候。現在監禁。茲歲功已近。念伊等頻年帶兵。亦曾出力。吉蘭泰索費英阿。均著加恩釋

令回旗。作為披甲。官信情節較重。著加恩發往烏魯木齊効力贖罪。至原任總督魁倫之子完顏扎拉芬。因伊父獲罪。發往伊犁。念其年幼無知。伊父軍營貽誤之罪。與伊無涉。著加恩釋放回旗。充當披甲。○額勒登保奏報。追勦黃藍線等號賊匪。生擒首逆景英等。得旨獎賚。晉封額勒登保為三等侯。擢乾清門侍衛。穆克登布為御前侍衛。賞騎都尉世職。千總李榮棹等賞藍翎。餘升賞有差。○旌表

守正被戕直隸清苑縣民王元吉女王氏。○免四川夷匪滋擾之雷波廳屬東寧廣餘二鄉本年額賦。○丁亥。

上詣

昭顯廟

時應宮拈香。○戊子。調伯都訥副都統斌靜為三姓副都統。以鎮國將軍伊鏗額為伯都訥副都統。○己丑。諭內閣。惠齡奏連日督率官兵搜捕零匪。節有新獲一摺。昨因惠齡督

勦南山餘匪。並不實力趕辦。當降旨嚴行申飭。本日奏到摺內。又僅稱楊芳李應貴等帶兵分投追捕。殺賊均屬無幾。餘匪仍復潛匿山內。總不能一律搜勦淨盡。似此因循怠玩。陝境山內勦剩零匪。何日始能肅清耶。惠齡係陝甘總督。所有南山餘匪。乃專交伊接手督辦。詎自經畧離陝以後。節次奏報之摺。祇稱殲擒賊匪。或三五人或一二十人。任聽零星散匪。肆行逃竄。該督毫無布置。惟以嚴催

並不勝焦急等語。鋪敘塞責。看來惠齡竟不肯實心任事。惟據將領等稟報入奏。不但不能親履行陣。並不能調度合宜。仍係伊從前在軍營蒼滑伎倆。實屬有負委任。惠齡著拔去花翎。降為二品頂帶。暫留陝甘總督之任。以觀後效。○庚寅。

上以

園丘大祀致齋。前期命

皇次子昱詣

孝淑皇后殯宮行冬至祭禮。諭內閣吉慶辦理博羅會匪一事。節次奏報。張皇冒昧。革率糊塗。前已降旨革退。協辦大學士本日奏報。永安全境平寧。一摺。聲敘仍不明晰。據稱勦獲賊匪甚多。並未奏明人數。投首匪衆亦無名姓供辭。即所稱妥為安插之處。亦未將如何辦理緣由詳悉具奏。但云博羅匪徒勦戮居多。投首較少。永安匪徒投首居多。不得不慮其反側。俱應留兵防範等語。博羅永安二

處地方。如果寧謐。何以復須多撥兵丁防守。是所稱辦理完竣之處。竟係顛預結局。吉慶於此事。先既失之濫殺。繼又失之疏縱。伊摺內情形。已大畧可見。封疆大吏。平日不能先事豫防。致有匪徒滋事。本有應得之咎。即使辦理妥善。功過僅足相抵。今吉慶既已失察於前。又復錯謬於後。豈可復膺總督之任。吉慶著即解任。革去雙眼花翎。暫留頂帶。交與瑚圖禮那彥成會同審訊。所有兩廣總督員

缺著長麟補授。加恩賞戴花翎。即馳驛前往。長麟未到任以前。兩廣總督印務著瑚圖禮暫行署理。廣東巡撫印務著那彥成暫行署理。俟長麟到粵後。瑚圖禮仍回巡撫本任。那彥成即來京供職。又諭嘉慶三年。江西義寧州逆匪劉聯登等聚衆滋擾一案。曾據張誠基奏稱。親自帶兵打仗。勦滅完竣。當將張誠基賞戴花翎。嗣即風聞此事。奏報不實。但未得有確據。本年十月內。步軍統領衙門奏

原任江西建昌縣知縣劉光道。子控告張誠基冒功。邀恩等情一案。當經降旨。派令侍郎姜晟前往審辦。茲據姜晟奏到。查審大概情形。一摺。訊問張誠基。據稱此事。原奏實有粉飾。數年來。疚心未釋。當日實因地方有反叛之事。雖經辦竣。恐干重罪。是以將八月初二日搜捕完竣。作為伊帶兵打仗全竣之日。其實並未親自臨陣等語。並將張誠基繕具親供呈覽。是張誠基於義寧州勦辦逆匪一案。

其捏飾具報之處。業據自行供認。張誠基以巡撫大員。於地方逆匪滋事之案。平日不能留心查察。及破案之後。尚不將辦理情形據實陳奏。又復粉飾情節。今據供稱希冀輕減罪責。試思失察逆匪之罪。較之捏飾具奏之罪。孰重孰輕耶。張誠基著革職解京。交軍機大臣會同刑部審擬治罪。秦承恩著加恩以三品頂帶補授江西巡撫。秦承恩未到之先。著姜晟暫行署理。諭軍機大臣等。那彥寶等奏唐家灣壩工。於十七日將正壩堵合。斷流。二壩亦即堵竣。水勢全歸正河等語。該督等辦理尚為妥速。又據奏唐家灣引河頭經大水刷深。將來盛漲。恐溜勢愈趨愈下。應於該處左近。另擇可以啟放之處。作為引河。所奏甚是。但事屬更張。不可不倍加慎重。仍著費淳、吳璥及熟諳河工之員。相度形勢。應於何地改易引河。先行繪圖貼說。奏明辦理。不可稍有遷就草率。○命吏部尚書琳寧協辦

大學士加太子少保。以鑲白旗蒙古都統永慶為禮部尚書。戶部左侍郎英和兼翰林院掌院學士。○調鑲白旗蒙古都統永慶為鑲白旗漢軍都統。以正紅旗漢軍副都統丹巴多爾濟為鑲白旗蒙古都統。賞還公爵。以散秩大臣敬敏為正紅旗漢軍副都統。○以烏里雅蘇台叅贊大臣永保為雲南巡撫。葉爾羌辦事大臣富俊為烏里雅蘇台叅贊大臣。葉爾羌幫辦大臣多善為辦事大臣。賞已革山東巡撫和寧藍翎侍衛為葉爾羌幫辦大臣。○戶部議准。四川總督勒保疏報鹽源縣開墾田三十七頃四十八畝有奇。照例升科。從之。辛卯

上 詣 慈寧宮

壽康宮行禮。○諭內閣。長麟前在陝甘辦理軍務。尚無貽誤。特因伊母年逾八旬。是以加恩。令其回京。就近奉養。長麟自管理部旗事務。

以來一切尚屬優為。昨因兩廣總督缺出。一時簡放乏人。降旨將伊補授。並派軍機章京傳諭伊母。伊母能知大義。勸令伊子為國宣勞。及時報効。本日長麟具摺謝恩。召見時。並不敢在朕前懇辭。而依戀伊母之忱。出自真心。悲感實不忍令慈母孝子分離兩地。母憶子。恐添疾病。子憶母。心緒悲傷。即辦事亦不能得當。何益之有。如長麟現在派赴軍營及

往新疆辦事。尚或疑其有心規避。茲兩廣總督廉倬豐厚職任。優隆長麟。竟以伊母年老。不忍遠離。可見其孝思實本至性。况係覺羅。更加可喜。朕以孝治天下。凡遇臣工陳情入告。額懇終養者。無不俯俞所請。以遂其烏哺之私。此時若必令長麟前赴新任。伊亦萬不敢辭。但恐其分心內顧。於公事或致有誤。古來求忠臣必於孝子之門。長麟克盡子道。朕於嘉獎之餘。益深憐念。長麟且無庸前赴兩

廣總督之任。著留京署理。都統仍戴用花翎。俾得有祿糈。以供侍養。用示朕勸孝作忠之至意。以廣東巡撫瑚圖禮署兩廣總督。漕運總督鐵保為廣東巡撫。工部右侍郎吉綸為漕運總督。總管內務府大臣明德為工部右侍郎。兵部右侍郎那彥寶兼署倉場侍郎。以前任禮部尚書長麟署鑲藍旗蒙古都統。調正藍旗漢軍副都統那彥成為正紅旗滿洲副都統。內閣學士明志兼正藍旗漢軍

副都統。○壬辰命

陵寢及盛京官員遇有降革。留任處分。照京官例。仍支食原品俸米。○浙江布政使劉斌。因病解任。調廣西布政使清安泰為浙江布政使。以安徽按察使恩長為廣西布政使。安徽廬鳳道珠隆阿為按察使。○賞八旗兵丁一月錢糧。○上以冬至祀天於

園丘自是日始齋戒三日○癸巳以翰林院掌院學士英和充日講起居注官○戶部議准浙江巡撫阮元疏報象山臨海二縣開墾田二百五十八畝有奇前任貴州巡撫常明疏報獨山黃平三州開墾田四畝有奇均照例升科從之○甲午

上詣

南郊齋宮齋宿○乙未冬至祀天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

端慧皇太子園寢○停次日朝賀○丙申

上詣

雍和宮行禮

火神廟拈香○以故土爾扈特正盟長貝勒

額爾德呢弟庫奎襲爵仍授正盟長○丁酉

諭內閣大學士保寧等議奏籌辦外省祀祀

從祀陣亡官員兵丁請嗣後凡應入祀昭忠

祠者文職三品以上武職二品以上以及八

旗官員兵丁仍於京師入祠致祭其四品以

下文職三品以下武職及兵丁鄉勇各在本

籍地方擇廟屋之旁蓋屋致祭至人數較多

之處或百人或數十人合一牌位鐫刻名姓

一摺官兵等効力疆場捐軀殉節國家報祀

之典原以風勵臣民俾知觀感所有在各該

原籍地方擇地致祭之處若僅將四品以下

文職三品以下武職及兵丁鄉勇等歸於原籍致祭恐鄉愚等不諳例義妄謂同一陣亡而微末弁員尚邀入祀其官階較崇者轉不獲與未免滋疑國家辦理章程焉能一家喻戶曉朕意各省文職三品以上武職二品以上各大員除照大學士等所議在於京師入祠致祭外其原籍地方仍著一體設位致祭不特忠魂咸依故土亦使其鄉閭親屬共見共聞益知國家誼美恩明倍生激勸至牌位鐫刻名姓若不酌定人數則辦理分歧亦於體制未協嗣後著以五十人合一牌位設龕致祭以昭畫一此係國家酬庸懋典各該省惟應實力經理迅速奉行不可稍有延擱該督撫於奉到諭旨後著即照現定章程妥為籌辦將省城及各外府如何辦理之處每一處辦竣即先行詳細造冊陸續報部查覈仍俟該省統行辦竣後具摺奏聞儻地方官吏視為具文任情延緩或辦理未能妥協著

該督撫查明參辦如該督撫籌辦不力任聽屬員等託故稽遲亦著該部據實奏參將此通諭各省知之○又諭向來昭忠賢良祠及功臣各專祠承祭官俱穿朝服將事定例原未允協王公百官恭遇

壇

廟大祀陪位行禮方用朝服致敬昭忠各祠列祀諸人皆係本朝臣工士卒若以朝服致祭實與體制不合嗣後承祭官著改穿蟒袍補服其例應陪祀後裔中有職官者亦均穿蟒袍補服謝恩時仍穿朝服著會典館禮部即改定儀注纂入成書○又諭據禮部奏昭忠祠入祀諸臣內原任貴州巡撫曹申吉曾經從逆應請徹毀等語曹申吉當吳逆背叛時從賊不知所終從前考查未確以致濫膺祀典實屬舛誤曹申吉著即徹出昭忠祠將牌座銷毀并行文山東巡撫將該省志書內曹申吉本傳刪除以昭覈實○又諭大學士尚

書等議覆吳熊光查明湖北叛絕各產分給鄉勇難民一摺此項叛絕各產原無入官之理其坐落俱在腹地州縣亦不能歸入屯田募丁墾種况將田畝入官後亦須召民耕佃收租勢必假手吏胥或有侵漁影射仍致歲賦拖延徒滋弊竇自應分給鄉勇難民藉資養贍但鄉勇難民等人數較多其本有產業者足以自謀衣食固可無庸撥給而實在貧窘無力者自當儘先分撥俾資生計惟各州縣田畝人數多寡不均若必將本境田產分給本境鄉勇難民恐辦理轉致偏枯是須通盤籌計酌劑均平如所給之產或離鄉井較遠設令其移家就業未必人盡樂從尤在地方官隨時諮詢從其所願不必強以所難稍有抑勒方為妥善此事經理原非易易必須派明幹道府大員親履其地專司督辦川楚陝三省地方現在辦理善後事務較繁或現任各員不能分身經理該督撫等不妨奏請

簡發數員前往幫辦或以簡發之員人地生疏即不妨將現任各員印務酌令署理以便騰出本任之員專辦撥產一事如果有實心經理得宜者該督撫等即可將該員等據實保奏若稍有草率或任聽吏胥高下其手以致辦理不能公平該督撫等亦當據實劾參務在嚴飭所屬實力妥辦使窮黎普霑實惠毋致一夫失所其如何酌量分給之處仍著該督撫等妥議章程詳晰具奏尋奏分給田產窒礙難行即將變價銀兩解司報撥從之○賑江蘇豐沛銅山碭山蕭五縣被水災民並緩徵新舊額賦借給籽種口糧有差○是月陝甘學政康綸鈞奏漢中興安二府屬歲科生童前因賊匪滋擾暫緩考試茲賊已蕩平應行補考但三案歲科一時並取恐文風稍次之州縣不能足額如實無佳卷請不必拘定額數寧缺毋濫從之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五

寶錄卷一百五

一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六

船政大臣曾國公侯爵居守官一子大傳武英殿大學士文淵閣領閣事稽察欽奉
上諭事件處管理工部事務翰林院掌院學士隨帶

加級。學堂訓導官專缺。儲缺。該官太多。未得支補。開大學士管理刑部事務。五級。臣戴均元。題。近日講起。屠法。官太子少保內大臣文端。

閣議舉閣事稽察錄
上諭事件是滿洲大學士戶部尚書翰林院學士教習庶吉士總管內務府大臣鑲黃旗滿洲都統並

平素震經、精圖算、處總理經、處御膳房、太醫院、西華堂、事務、軍功、三級、隨帶、三級、尋常、加三級、紀錄、二十

一、多英和軒庭讀書上子太傅鄧郭尚書房行走武英殿總管管理園子監事務加三級隨帶加三級紀錄恩由汪廷珍等奉

教修

嘉慶七年壬戌十二月戊戌朔調湖南永州

鎮總兵官慶溥為湖北鄖陽鎮總兵官鄖陽

鎮總兵官孫清元為永州鎮總兵官以勦

平四川賊匪陳侍學功賞都司袁升侯守備

張萬林曾大用花翎把總徐發祥等藍翎

賞辦四川軍務出力知州徐大椿花翎

己亥諭內閣初彭齡奏查明貴東道所屬虧

缺常平穀石請勒限分賠彌補一摺所辦甚

是常平存貯穀石儲備攸關豈容稍有虧缺

今貴東道所屬倉穀虧至八萬餘石之多。歷

任督撫司道等官於清查結報之時俱不覈實辦理顛預已極自應勒限分賠以示懲儆所有貴東道屬各府廳州縣等處虧缺常平倉穀價銀四萬三千九百一十八兩零著照初彭齡所議自乾隆六十年起至嘉慶六年七月底止按照經管各官在任月日並徇情失察之督撫司道府名下攤賠勒令分限完繳並查明各該員在任在籍分別著追俱繳還黔省司庫責成貴東道分年買補以實倉

儲仍查取職名交部照例分別議處○以故奉恩將軍訥伊勒子多羅善襲職○庚子戶部議准前任雲南巡撫孫曰秉疏報嵩明陸涼鎮沅三州開墾田三頃一十畝有奇照例升科從之 辛丑諭內閣昨日據董誥等查議給事中魯蘭枝奏吏部將額外司務吳侍曾越次攬補等因一事已降旨將該堂司官分別察議議處矣惟據該給事中等稱吳侍曾係尚書劉權之取進入學誼屬師生來

往甚密外間噴有煩言一節不可不詳詢明確復令董誥等傳到魯蘭枝施履亨吳侍曾與劉權之當面質對茲據奏稱詢之該給事中等均稱外間係何人所說不能指出姓名等語科道等職司糾劾原許風聞言事其參奏不實者亦有應得處分今魯蘭枝施履亨參劾吏部堂司官其疏漏之處已查詢明確該給事中等原奏或因該部辦理未協致滋浮議據以入奏既經公同詢明並無他弊該

給事中等所奏已非虛妄何必務求其人以實之復為此風影無據之談藉以塞責乎劉權之身任吏部尚書居六曹之首苟非實有款蹟豈可任情污蔑至六部堂司各官原無師生迴避之例如果堂官有意徇私即其門生之不在本部所屬者亦可輟轉請託若竟係營私受賄又豈必誼屬師生始有情弊耶朕召見吏部各堂官時曾詢及此事僉稱奏留吳侍曾實係意見相同豈有劉權之因係

師生轉行遏抑之理該給事中等所稱來往甚密噴有煩言全屬懸揣虛詞毫無指實若如此任意摭摭甚或有交通賄囑等語即續經辯白已成瑕玷科道為朝廷耳目之官如大臣中實有營私舞弊確據原應列入彈章以儆有位即朕有失德亦可犯顏直諫朕必樂從若徒託空言污人名節以自見其風厲豈簡用言官之意耶魯蘭枝施履亨均著傳旨申飭命雲南貴州四川廣西四省都司

病故俱照守備以下例給與勘合資送回籍以已革果毅繼勇公明安兄興長襲爵

壬寅戶部議准浙江巡撫阮元疏報富陽臨海西安三縣開墾山塘沙地六十四頃六十七畝有奇照例升科從之 癸卯

孝惠章皇后忌辰遣官祭

孝東陵 以勦捕廣東博羅永安會匪功叅將唐光茂等下部議敘除浙江仁和永嘉二縣捐置義塚及被潮衝坍田地二十九頃三

十三畝有奇額賦 甲辰

上幸瀛臺閱冰技 乙巳

上詣

大高殿行禮 幸瀛臺閱冰技 丙午諭內閣

昨據初彭齡覆奏審訊已革道員胡鈺失察

家人等款懇請免其治罪一摺朕詳閱情節

胡鈺並無營私婪賄等弊初彭齡前次遽請

革審本覺過當此次審明後又不奏請開復

辦理亦屬未合朕未即明降諭旨仍交部臣

覈議茲據該部奏稱胡鈺於原叅各款均已

審虛並無罪名可擬其誤行詳委及失察家

人犯贓自有應得處分請照例開復原職交

部議處所議甚是前此初彭齡叅奏胡鈺各

款內惟欲以常明查抄玉器朝珠等物代抵

官項一節是其咎之重者必須查訊明確今

據初彭齡查奏胡鈺向伊面稟代常明變抵

什物係在八月中旬而常明任所家財於八

月二十三日始奉到諭旨查抄是胡鈺稟請

售變在前豈能逆料常明必有籍沒之事且胡鈺稟商售變其時並未允行初彭齡以胡鈺於常明既叅之後即不計及將來查封家產亦不應聽其託售此未免深文周内其於屬員委署更調一節並未未有賄囑情弊其答止於草率至伊家人楊裕求索書吏銀兩亦止係失於覺察胡鈺係原任總督胡季堂之子朕於大臣子嗣遇有叅劾事件固不肯意存寬縱亦豈肯因係大臣之子有意從嚴辦理惟視其獲咎之重輕初無偏倚之見胡鈺著加恩開復原官仍交部議處以昭平允○丁未

上辛北海閱冰技○戊申予江蘇故兵部尚書金士松入祀鄉賢祠從巡撫岳起等請也○免雲南獠匪滋擾之麗江府屬本年礦廠鹽井額課銅斤及稅秋官莊租米○己酉旌表守正捐軀江蘇新陽縣民殷兆清妻龔氏河南溫縣民王思侯妻李氏○庚戌諭內閣明

年正月初六日孟春時享

太廟遣官致祭自初三日始齋戒三日是日因恭值

皇考高宗純皇帝忌辰前已令軍機大臣會同禮部將朕所御服色悉心酌議旋據慶桂等奏稱是日究在齋戒期內懇請御藍袍青褂其陪祀及執事之王公大臣官員穿貂褂紅青褂掛朝珠其無執事及不陪祀之王公大臣官員俱穿紅青褂不掛朝珠所議固是但

思孟春時享係遣員恭代行禮與親詣行禮者不同所謂吾不與祭如不祭朕端處宮中若竟御藍袍於心究有未安來年正月初三日朕仍御青袍青褂用展慕思其有執事及無執事之王公大臣等應用服色均著照前議行封禮親王永恩子昭棟為不入八分輔國公故睿親王淳穎子禧恩為二等鎮國將軍裕郡王亮煥子恒晉貝勒永璉子綿岫綿峻均為三等鎮國將軍和郡王綿脩子奕

亨為一等輔國將軍故鄭親王積哈納子愛新為三等輔國將軍不入八分輔國公恒謹子椿齡為一等奉國將軍鎮國將軍德尊子秀福弘康子永純均為三等奉國將軍貝子永碩子綿默奉國將軍興瑞子成勳恒齡子倫興永麻子綿諒綿訓故奉國將軍恒存子文傑均為奉恩將軍賞三等侍衛都爾嘉副都統銜為巴里坤領隊大臣以前任福建福寧鎮總兵官劉景昌為直隸宣化鎮總

兵官辛亥湖廣總督吳熊光奏報擊獲在逃首逆崔宗和得旨嘉獎賞同知陳桂生花翎候補同知楊開鏡等藍翎餘升擢有差壬子兩江總督費淳等奏報勦平宿州戕官賊匪王朝名等得旨嘉獎賞總兵官王集提督銜按察使珠隆阿花翎均下部優敘休致遊擊徐大鵬以原官起用賞花翎餘升賞有差旌表守正捐軀四川渠縣民張國運妻殷氏癸丑以三省邪匪悉平論功行賞諭

內閣本日申刻據額勒登保德楞額奏保惠齡吳熊光等聯銜遞到六百里加緊奏報川陝楚勦捕逆匪大功戡定一摺朕與天下臣民同深欣慰邪教之始由奸民假燒香治病為名惑眾飲錢無知愚民被其煽誘黨與既多脅從愈眾起於湖北宜都當陽繼且闖入豫省由陝入川蔓延三省蹂躪地方無限生靈遭其荼毒不得不盡力勦辦以靖兇殘溯自嘉慶元年受璽之初即值辦理軍務朕仰

荷

皇考高宗純皇帝付畀之重兢惕實深幸蒙睿謨指示兩年之間疊次殲擒起事首逆多名迨至三年

皇考聖壽益高秋冬之間

聖體違和每遇軍報到時猶復

親授機宜孳孳不倦而朕日侍

左右仰見

皇考精神漸減侍奉湯藥寢食靡寧心志昏迷

是以區畫未能周備以致勦捕事機稍形疏懈猶蒙

皇考隨時訓迪迨彌留前一日仍以

望捷成什追維

在天未竟之志五中悲感益凜仔肩四年正月

初三日愴遭

皇考大故飲泣椎心哀痛弗釋軍書旁午更不能謀慮周詳直至奉安

山陵禮成始得專心軍務申明軍紀激勵將士

責以成功數年來斬獲著名首逆不下百餘

人積惡頭目亦有數百名悔罪投出者數萬

餘人茲幸三省餘匪一律殄除者定大功飛

章奏捷從此海寓救寧昇平永慶皆仰賴

吳蒼眷佑

祖

考垂慈感慰之餘彌深欽惕此事係勦捕內地

亂民雖非平定外域拓土開疆可比然辦理

已及七載領兵大臣等沐雨櫛風馳驅險阻

艱苦備嘗以及徵兵轉饒團勇安寨之各督

撫等並在廷叅與機謀趨承密勿之王大臣

等均能各殫心力用藏鉅功允宜普沛恩綸

酬庸懋賞成親王於四年在軍機處行走幾

及一載贊襄機務一切勦捕機宜深資擘畫

今大功告竣自應嘉獎公勤王已列親藩著

施恩加賞一員勒令其子綿懃受封儀親王

雖未在軍機處行走但自元年以後軍報絡

繹之時王見朕憂勤每申誠悃時進嘉謨茲

當喜報過來同深歡慶著施恩加封一員子

令伊子綿志受封慶郡王永璘定親王綿恩

前在書房時咸念切軍務盼捷維殷永璘近

來亦醇謹自持深可嘉慰綿恩在御前大臣

上行走夙夜勤慎當此奏績慶成之際亦應

一體加恩著再將永璘之子綿懋綿恩之子

奕紹俱封為八分公以昭恩渥額勒登保總

統師干公忠懋著謀勇兼優前此平定苗匪

時即經賞給侯爵嗣因勦辦邪匪遲延暫予

降黜自膺經畧重任運籌決勝悉中機宜躬親行陣與士卒同勞苦用能屢獲渠魁掃除苞蘖業經節次加恩晉封三等侯爵茲三省全奏底平厥功殊偉額勒登保著晉封一等侯世襲罔替並授為御前大臣加太子太保銜賞用紫纁以彰殊錫德楞額泰前於平定苗匪時亦曾賞給子爵自授為叅贊後督率將士奮勇超倫所向克捷前後殲賊最多勲績炳然節經封至三等侯爵著加恩晉封一等

侯加太子太保銜賞用紫纁伊子蘇冲阿並賞給副都統職銜即著齎送賞件前赴軍營看視額勒登保及伊父德楞額泰用示眷念勒保從前辦理犂苗擒渠埽穴伊一人之功曾經賞封侯爵至今苗民安輯嗣命赴川省總統軍務奏報生擒賊首王三槐晉封公爵旋廉知王三槐本欲自行投出其事尚涉疑似後授為經畧大臣辦賊遲延降旨逮問復念其於川省地方情形熟悉仍令赴川帶兵存

升總督勒保自復任以來倍加奮勉督兵連獲首逆協同德楞額泰將川省全境廓清已加封一等男爵現當大功戡定覈其功過雖不能復還原爵亦當加以褒封著加恩晉為一等伯並加太子少保銜明亮為多年宿將前此在金川帶兵立功甚著迨教匪滋事後派令統兵勦辦曾將湖北孝感賊匪悉數殲除辦理最妥嗣因在陝辦理逆匪遲延罷其世職又因南山賊匪未能迅速殄除降旨逮問

念其久歷戎行仍畀以勦捕之寄伊自復用後亦尚能奮勉立功惟因年老不能衝鋒接仗諭令回京存擢都統茲功竣載念前勞著加恩賞封一等男西安將軍賽冲阿固原提督楊遇春自隨征以來在諸將領中勇畧尤著節次殲擒首夥各逆為數較多伊二人俱經賞給騎都尉世職著加賞輕車都尉世職惠齡由湖北巡撫任內勦賊旋接辦總統事務疊獲首逆張正謨等歷升尚書都統並給

與宮銜及輕車都尉世職嗣守制回京因聞其在軍營亦有延誤之處且賊匪由陝竄川惠齡不能遏截曾經降黜示懲此次在陝甘總督任內勦辦南山餘匪辦理遲延復革去花翎降為二品頂帶今大功底定念其從前著有微勞惠齡著加恩賞還頭品頂帶花翎吳熊光自簡任湖廣總督以來於一切糧運團堡事宜實心經理著加恩賞給太子少保銜仍交部從優議敘姜晟前在湖北辦理軍糈並無貽誤嗣因在直隸總督任內報災延緩罷斥治罪念其尚無大過現以四品頂帶擢任侍郎著加恩賞給二品頂帶倭什布前在湖廣總督任內亦曾帶兵勦賊賞給雲騎尉世職嗣因辦餉稽遲被劾逮問訊明尚非有心貽誤其平日居官聲名尚好復行錄用以三品頂帶補授巡撫茲著加恩賞給二品頂帶福寧前在楚境督勦賊匪曾加賞宮銜因在軍營節次獲罪罷職遣戍旋經釋宥以

侍衛前往西藏辦事茲著加恩賞給副都統職銜英善前以侍郎署四川總督亦有勞績嗣緣事鐫秩命在西藏辦事亦著加恩賞給頭等侍衛溫承惠楊揆文需劉清或帶兵堵勦或籌辦軍儲勤勞數載均著加恩交部議敘至軍機處行走之大學士慶桂董誥尚書戴衢亨均經

皇考簡任多年克盡忠悃知無不言言無不盡自用兵以來承旨書諭勤慎小心朕敬推

皇考之恩慶桂董誥著賞給騎都尉世職戴衢亨著加太子少保銜仍賞給雲騎尉世職尚書劉權之德瑛雖在軍機行走未久其素日陳奏亦時有所見協辦大學士朱珪尚書彭元瑞雖未入直樞廷亦能留心軍務每有數陳均著加恩交部議敘大理寺少卿章煦在軍機章京上行走年久辦理軍務始終其事著加恩交部從優議敘宜綿前在軍營督勦洞汝河等處賊匪尚屬認真後因總統軍務

安坐大成寨任賊匪往來奔竄革職發往伊犁念其年老釋放回京伊究曾出力亦著加恩以六部員外郎用景安前任河南巡撫不能堵禦賊匪致令延及川陝其罪甚重業經問擬重辟念其平日居官廉潔從寬監禁茲軍務告嚴著加恩釋放伊係本身獲罪非若完顏扎拉芬因伊父魁倫發遣者可比著發往熱河充當披甲以示朕覃敷惠閭嘉賞成功至意通諭中外咸使聞知○又諭原任兩

廣總督吉慶平日居官操守廉潔辦理地方公事尚無貽誤前因查辦歸善博羅永安等縣添弟會匪一事節次奏摺俱係寥寥數語聲敘總不明晰其前後自相矛盾之處甚多朕恐其有濫殺激變及有心疏縱情事諭令那彥成於江西審案之後就近赴粵查訊復因永安首匪曾清浩等三犯投出後吉慶不行定擬輒奏請安插辦理謬誤特將伊革去協辦大學士拔去雙眼花翎並解兩廣總督

之任旋據瑚圖禮奏稱吉慶自戕身故更堪駭異恐其中或有別情茲據那彥成查奏歸善博羅會匪實係叛逆吉慶帶兵攻勦殲厥渠魁餘黨瓦解地方遂得平靜吉慶辦理此案並非濫殺激變惟曾清浩等祇各帶百餘人投首而吉慶則奏稱曾清浩率夥投出四千餘人官粵瓏賴東保率夥投出一千餘人其官兵攻勦天字嶂賊匪一節並無其事吉慶率聽員弁稟報虛詞遽爾入奏並將永

安投首賊目概予寧釋加以賞賚以致民心不服紛紛控訴吉慶慚畏交并因病後糊塗自尋短見等語吉慶辦理疏縱種種錯誤之處固有應得之咎設曾清浩等三犯竟已釋放則復罪甚重今據那彥成奏稱首犯曾清浩官粵瓏賴東保三人俱在監禁現經審明正法是吉慶之罪斷不至於死且吉慶平日素有廉名即此次獲咎亦不過革職或發往新疆効力將來尚可用為巡撫何至遽爾輕

生況身為封疆大臣即罪在不赦亦當靜以待命豈得私行自盡劾匹夫溝瀆之為是其自戕一節即吉慶之罪實無足惜豈尚可復邀恩卹至吉慶辦理疏縱之處既經那彥成查明委無別項情事亦不必再行追論著那彥成傳知伊家屬扶柩回旗並將吉慶前後獲罪及身故緣由通諭知之○以故一等侯圖桑阿子松齡三等子德山姪額勒精額福祿子三音博勒格圖各襲爵○旌表守正捐

軀江西雩都縣民鄧佐桂妻陳氏○甲寅

上以四川陝西湖廣三省教匪全平詣

壽皇殿行禮○

御乾清門聽政諭內閣固倫和孝公主素為皇考鍾愛下嫁固倫額駙豐紳殷德其品秩原與貝子相等嗣因伊父和坤身獲重譴是以將豐紳殷德一併革職旋經朕格外加恩授以散秩大臣今當大功戡定思逮親藩因念固倫和孝公主亦應一體錫予恩施著將豐

紳殷德賞給民公品級仍在散秩大臣上行走俾公主同深歡感以示朕篤念推

恩之至意○舉行本年軍政盛京將軍所屬卓異官五員罷軟官二員年老官四員有疾官三員才力不及官二員吉林將軍所屬卓異官二員年老官二員有疾官四員江寧將軍所屬卓異官三員福州將軍所屬卓異官一員年老兼有疾官一員荊州將軍所屬卓異官一員西安將軍所屬卓異官四員年老官

一員寧夏將軍所屬有疾官一員廣州將軍所屬卓異官一員察哈爾都統所屬卓異官三員有疾官二員年老兼有疾官二員熱河副都統所屬卓異官二員青州副都統所屬年老兼有疾官三員密雲副都統所屬卓異官二員年老官一員山海關副都統所屬罷軟官一員年老官一員有疾官二員涼州副都統所屬卓異官一員罷軟官一員年老官一員河南巡撫所屬卓異官一員才力不及

官一員山西巡撫所屬年老官一員稽察右翼保定等五處大臣所屬年老官一員分別議敘處分如例○以故二等子和順子常興襲爵命廣州將軍書敬回京以鑲黃旗蒙古副都統慶怡為廣州將軍副都統銜托津為鑲黃旗蒙古副都統○命吉林副都統吉祿以副都統銜辦理打牲烏拉總管事務以叅領達祿為吉林副都統○旌表守正捐軀河南睢州民王常春妻丁氏○戶部議准前任廣東巡撫瑚圖禮疏報香山恩平二縣開墾水旱田十頃四畝有奇照例升科從之○乙卯諭內閣現在大功告成所有川陝楚各路征防官兵數載以來或身親行陣或嚴防卡隘倍著辛勤朕心甚為憐憫其從前起身時所借整裝銀兩並在軍營支借俸餉等項除陣傷亡故滿漢官員及兵丁等照例題請豁免外其奏凱回營各官兵借支行裝等項銀兩若照戶部定例官分四季兵分八季扣

繳該官兵等所餘俸餉有限恐不敷當差之用所有此次奏凱回營官兵借支銀兩著加恩官員分作四年兵丁分作八年在應得廉俸餉銀內扣還以示體卹○又諭川陝楚及河南甘肅等省被賊近賊各州縣應徵地丁漕米等項前經隨時降旨分別蠲緩以紓民力現在大功戡定地方全就肅清小民等復業歸農漸臻樂利所有逾年積壓未完各款自必踴躍輸將但念該地方經積年蹂躪之餘元氣未復此時甫經安集生計尚艱正當加之培養俾得永慶盈寧著四川陝西湖北及河南甘肅各督撫即查明所屬各州縣廳衛自嘉慶元年至本年為止其因被賊近賊不能完納現在帶徵緩徵民借民欠一切銀米等項分別開單奏聞候朕施恩豁免該督撫等務當實力詳查毋得稍有遺漏亦不可任官吏等從中隱冒以副朕軫念黎元慶成施惠至意○旌表守正捐軀河南祥符縣民

孫起先妻郭氏○丙辰諭內閣安南國為南
徵藩服前此黎維祁與阮光平構兵先經率
屬內投繼復棄國潛遁

皇考高宗純皇帝以黎維祁巽懦無能不能自
振

天厭黎氏不宜復加扶植惟念其流離失所將
黎維祁送京入旗授職養贍其時阮光平修
表啟關籲求內附並請親詣闕廷祝

釐瞻觀

皇考高宗純皇帝鑒其誠悃

錫之勅印封阮光平為安南國王阮光平受封
之後時修職貢終其身祇承

恩眷及伊子阮光纘嗣封比年來閩粵洋面屢
有劫盜經疆吏訪聞入告該國竟有潛通窩
納之事朕以誠信懷遠人尚謂事涉疑似祇
令飭知該國一體查緝旋據阮光纘自陳惶
悚堅稱實不知情本年八月吉慶奏到農耐
國長阮福映遣使齎進表貢縛送盜犯莫觀

扶等三名係內地奸民經安南招往授以偽
職並給與印劄行劫內洋審訊明確已伏厥
辜是阮光纘養盜賊通同劫掠負恩背叛
情跡顯然實為王章所不宥設阮光纘此時
尚膺封土必應聲罪致討以懲兇詐乃伊國
連年與農耐戰攻上年阮福映拔取富春時
阮光纘輒將天朝所

頒勅印遺棄潛逃其罪更無可逭阮光纘不念
皇考高宗純皇帝覆幬深恩又不能繼伊父之
志於臣為不忠於子為不孝今已自取滅亡
益見傾覆之理昭然不爽阮福映能為天朝
緝捕遁逃縛獻請旨定奪並將安南舊領
勅印遣使呈繳深為恭順茲表陳摺兵顛末本
係為伊先世復讎雖得其國土不敢擅專虔
遣陪介納貢請封除將表文請賜建國名號
之處交大學士會同六部尚書議奏外所有
安南阮光纘獲罪覆滅及阮福映恭順出力
緣由先行通諭中外知之○賞貝勒綿懃子

奕綬二品頂帶○丁巳諭內閣現在大功告成已明降諭旨普霽恩施因念京外文武大員同殷盼捷亦宜酌量加恩著吏部兵部將文職三品以上武職二品以上從前所得降革留任處分詳悉查明摘敘案由開單具奏候旨施恩○又諭御史朱紱奏請寬地方官去思碑例禁一摺所見甚屬非是守令職司民牧分應廉潔自矢撫字為懷果有善政及民自必口碑載道閱久流傳原不假區區製衣勒碑粉飾虛聲

世宗憲皇帝

高宗純皇帝屢申飭禁意在崇實黜浮使人皆盡心實政若如該御史所奏專以外飾之繁文驗在官之賢否如從前甘省即有抑勒部民製造衣織之事亦豈盡足憑耶總之地方官惟在悃愍無華實至者名自歸上年直隸省知縣朱杰錢桂因盡心賑務惠逮閭閻及緣事去官百姓等愛戴懇留奏聞後均經格

外加恩朕亦何嘗不以輿論之公獎循良之績但不必特寬例禁致開沽名飾譽之端且各省從前去思德政等碑俱經仆毀又豈有復行建立之理朱紱不曉事體著飭行○諭軍機大臣等昨據孫玉庭奏進阮福映請封表文朕詳加披閱所請以南越二字錫封一節斷不可行南越之名所包甚廣考之前史今廣東廣西地界亦在其內阮福映邊徼小夷北時即全有安南亦不過交趾故地何得

遽稱南越安知非欲夸示外夷故請易國號先為嘗試自應加以駁斥已令軍機處代擬檄諭一道並原表交孫玉庭發回看其接奉之後如何稟覆候旨酌辦至阮福映求封南越顯有恃功要請情事恐其心存叵測所有廣東廣西一帶海道邊關俱著密飭地方官留心防備不可稍涉懈弛將此各傳諭知之○舉行本年軍政京營卓異官三員年老官一員才力不及官一員直隸卓異官十員年

老官二員有疾官二員才力不及官一員江南卓異官十二員年老官四員有疾官二員才力不及官五員江西卓異官四員年老官一員有疾官一員浙江卓異官八員罷軟官一員年老官三員有疾官三員才力不及官二員福建卓異官六員罷軟官六員年老官二員湖北年老官一員湖南年老官一員有疾官一員山東有疾官二員山西卓異官六員罷軟官三員年老官一員才力不及官一員河南卓異官一員廣西卓異官一員年老官一員有疾官二員分別議敘處分如例○鑄給甘肅西寧縣土司指揮同知印從總督惠齡請也○以擒獲四川賊匪張士雲功拔兵丁胡文為千總賞藍翎餘升敘有差○予故陝西巡撫陸有仁祭葬如例○旌卹遇賊捐軀陝西署寧羌營遊擊李景母王氏嫂張氏妻楊氏子媳黃氏姪大存小存三兒姪女閨女二娃如例○旌表守正捐軀安徽霍邱

縣民劉貞妻張氏○戊午

上幸瀛臺閱冰技哈密扎薩克郡王額爾德錫爾等十七人瓦寺安撫司索諾木榮宗等三十二人霍罕來使呢雅斯邁莫特西哩布等二人於西苑門外瞻觀○以總管內務府大臣巴寧阿為盛京工部侍郎○庚申上御撫辰殿大幄次賜蒙古王貝勒貝子公額駙台吉及外藩使臣等宴並賞賚有差○以裕祭

太廟致齋前期命

皇次子吳寧詣

孝淑皇后殯宮行歲暮祭禮○以甘肅安西協

副將德成額為江西九江鎮總兵官○辛酉

上幸瀛臺閱冰技○諭內閣據初彭齡奏滇省

辦理維西軍務動用司庫銀兩布政使陳孝

昇迤西道薩榮安通同弊混並提存關稅私

支養廉及管理關廠縱僕橫行各款必須徹

底根究陳孝昇薩榮安俱著解任開缺著派

兵部侍郎那彥寶大理寺少卿章煦馳驛前往查辦那彥寶即著署理雲南巡撫印務初彭齡著俟那彥寶到後即行來京供職○以理藩院左侍郎貢楚克扎布署兵部右侍郎戶部右侍郎額勒布署倉場侍郎○調貴州布政使百齡為雲南布政使以廣西按察使公莪為貴州布政使○壬戌
孝莊文皇后忌辰遣官祭
昭西陵○

上詣

慈寧宮

壽康宮行禮以山西歸綏道齊布森為廣西

按察使○

上以歲暮禋祭

太廟自是日始齋戒三日○癸亥以恭纂

高宗純皇帝實錄進呈至二十年予專勘稿本

之總裁彭元瑞及提調纂修等官議敘有差

彭元瑞尋具摺懇辭允之○甲子以歲暮禘

祭遣官祭

太廟中殿

後殿乙丑禘祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

端慧皇太子園寢遣官祭

太歲之神諭內閣本日遞到全保由驛馳

奏之摺當加披閱祇係奏報該省得雪情形

及糧價清單別無緊要事件督撫等身任封疆於地方應行陳奏之事自當差人齎摺恭遞乃近來各督撫等往往於尋常照例事件輒用由驛馳奏殊屬無謂朕念切民依外省雨雪情形時深縈慮如果該省待澤稍殷或經特旨垂詢自不得不由驛奏報若雨澤調勻循例奏聞又豈得輕用馬遞徒勞驛站耶除全保原摺存俟該省摺差之便再行發還外將此通諭各省知之○丙寅

上御保和殿筵宴朝正外藩科爾沁喀喇沁巴林翁牛特土默特扎魯特茂明安敖漢阿巴哈納爾鄂爾多斯郭爾羅斯喀爾喀阿拉善四子部落蘇尼特哈密土爾扈特青海王貝勒貝子公額駙台吉塔布囊等及瓦寺安撫司霍罕來使噶勒丹錫呼圖呼圖克圖等隨文武大臣依次就坐諸樂並作

上進酒召左翼科爾沁扎薩克卓哩克圖親王拉旺科爾沁達爾漢親王丹曾旺布喀喇沁

親王銜扎薩克郡王滿珠巴咱爾科爾沁郡王桑濟扎布巴林扎薩克郡王索特納木多爾濟翁牛特扎薩克郡王包多爾濟土默特扎薩克貝勒理藩院額外侍郎索諾木巴勒珠爾翁牛特扎薩克貝勒達瑪琳扎布土默特扎薩克貝子固倫額駙瑪呢巴達喇科爾沁扎薩克貝子鄂勒哲依圖右翼喀爾喀扎薩克親王固倫額駙拉旺多爾濟喀爾喀車臣汗瑪哈錫哩喀爾喀扎薩克親王達爾瑪

錫里阿拉善扎薩克親王旺沁班巴爾科爾沁扎薩克郡王和碩額駙索特納木多布齋四子部落扎薩克郡王朋楚克桑魯布蘇尼特扎薩克郡王巴勒珠爾雅喇木丕勒鄂爾多斯扎薩克郡王什當巴拜回部郡王銜貝勒哈迪爾哈密郡王銜扎薩克貝勒額爾德錫爾至

御座前賜酒成禮○是月護山西巡撫布政使張師誠密奏督辦各屬彌補倉庫逐款清釐

現已陸續完繳得旨此等事總防累民若有
派累不如倉庫不實應知此意○是年旌表
孝子安徽等省江有容等八名孝婦河南呂
王氏一口孝女江蘇等省方氏二口守節合
例宗室三等侍衛明興妻塔他拉氏等十三
口滿洲盛保妻鈕齊特氏等九十九口蒙古
富明阿妻白氏等三十八口漢軍王謙妻劉
氏等三十四口內務府五福妻李氏等十口
各省駐防達力馬妻關氏等一百二十八口
直隸等省劉瑄妻楊氏等六百一十三口夫
亡殉節宗立鰲妻吳氏等一十八口未婚守
志滿洲恒福聘妻富氏等二口漢軍萬永明
聘妻馬氏等二口直隸等省徐翹聘妻溫氏
等十四口百歲壽民婦直隸等省苑思喜等
十八名口五世同堂廣東等省余英舉等四
十家各給銀建坊如例○一產三男直隸等
省李俊武等八家○會計天下民數穀數各
省通共大小男婦二萬九千九百七十四萬

實錄卷一百六

三

九千七百七十名口存倉米穀三千一百一
十八萬四千五十二石一升一合六勺

實錄卷一百六

三

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百六

[illegible]

嘉慶八年癸亥春正月丁卯朔

奉先殿行禮○詣

太廟後殿○御太和殿受朝作樂宣表如儀○

大高殿

壽皇殿行禮。○御乾清宮。賜皇子親藩等宴。○
戊辰。以三省邪匪蕩平。元旦祥霽。溥被加賞。
八旗兵丁一月錢糧。○己巳。

上詣	奉先殿
----	-----

壽皇殿行禮○庚午以山東巡撫倭什布為兩廣總督署兩廣總督瑚圖禮仍為廣東巡撫調廣東巡撫鐵保為山東巡撫○免直隸宛平文安二縣六年水災應徵旗租文安大城新安安四州縣節年應還口糧籽種穀米並

折色銀○貸江蘇海沭陽碭山蕭銅山豐沛清河桃源安東邳宿遷睢寧句容江浦六合山陽鹽城阜寧東臺興化贛榆二十二州縣並坐落各衛所上年水災旱災民丁籽種口糧○免安徽宿靈璧泗盱眙五河五州縣鳳陽長淮泗州三衛連年水災應還二年口糧銀並給鳳陽宿靈璧壽鳳臺懷遠定遠泗五河盱眙宣城涇南陵貴池青陽銅陵石埭建德東流望江二十州縣上年被水被旱災民

一月口糧○展賑江西南昌瑞州袁州臨江吉安撫州建昌廣信饒州南康九江十一府屬各州縣被水被旱災民○免湖北潛江公安江陵監利松滋漢川沔陽鍾祥天門荊門江夏咸寧嘉魚漢陽黃陂孝感安陸雲夢應城京山枝江武昌蒲圻崇陽通山通城興國大冶黃岡蘄水麻城黃安羅田蘄黃梅廣濟隨應山三十八州縣並各衛所上年水災旱災額賦有差又免荊州荊左荊右沔陽四衛

緩帶元二三年漕運各款銀○加賑陝西渭南華陰潼關四廳州縣被水災民並貸朝邑大荔留壩沔陰安康石泉榆林八廳縣常社倉糧○貸甘肅寧夏寧朔平羅中衛靈五州縣被水災民籽種口糧○壬申享太廟遣豫親王裕豐恭代行禮○遣官祭太歲之神○

上詣

大高殿行禮○幸圓明園○詣

安佑宮行禮○免雲南河陽縣鹽井溝等七村被雹災民條公銀並緩徵夏秋租米○癸酉世祖章皇帝忌辰遣官祭

孝陵○甲戌

上御山高水長賜王公大臣蒙古王貝勒貝子公額駙台吉及外藩使臣等宴並賞賚有差○乙亥諭軍機大臣等軍機大臣會同戶部等部議覆額勒登保等奏川楚陝凱旋善後各事宜已依議行矣朕閱單內所開撫卹被

難窮黎一款此等窮民無所依歸當賊匪滋擾之時被賊迫脅以致附從日多迨修寨築堡以後百姓各能自衛方不致為賊所驅賊勢漸孤未必不由乎此今大功告竣地方教寧在有有力之戶自己爭先下寨各謀生業而鰥寡孤獨蕩析離居既難自立有力之家勢不能普行周卹即有一二樂善好施之人亦焉得人人而濟朕思該處百姓現俱歸家復業所築堡寨搬移一空其房屋牆垣自在莫

若查明原築寨堡之家。勸令將空出寨堡。給與窮而無歸之人。令其聚集棲止。地方官以時查察。並嚴禁胥吏人等藉詞稽查。致有訛詐滋擾之事。至收繳寨堡鎗礮。該督撫等當出示曉諭。以民間私藏軍器。本干例禁。前准爾等製造。原為防禦賊匪。今地方已就寧謐。爾等各當呈出繳官。照例給予價值。如有胥役人等向爾等勒索規費。或有短發價值等事。爾等當稟明查辦。毋得再有私藏。則百姓

等自必踴躍。而在官人役。亦不敢藉端滋擾。至出力鄉勇首領。著有勞績。均經賞給翎頂。其情願入伍者。自應照所議。各按品級。分別拔補。其不願入營者。現據額勒登保等奏請。給予執照。回籍安業。該督撫等於其回籍時。當諭以爾等勦捕出力。蒙皇上賞給頂帶翎枝。原准令爾等入營拔補官職。爾等自稱不願歸伍。業經奏明。給予執照。頂帶榮身。爾等回籍後。當知感激皇恩。安分居家。毋得復思

倖進。向京城部院衙門具呈。請以上三款。皆朕思慮所及。該督撫等悉心籌酌。辦理盡善。仍將如何酌辦情形。據實奏聞。將此諭令知之。○丁丑。諭內閣。松筠等奏。請賞借伊犁駐防滿兵耕種器具。牛隻一摺。所辦甚是。伊犁土田肥潤。可耕之地甚廣。向因灌溉乏水。未經籌辦。今該將軍設法疏渠引泉。以資汲沃。上年墾種。業經試有成效。自應廣益耕屯。俾滿兵生計日臻充裕。所需器具等項。准其

於公設官鋪息銀內。動用製備。按限歸款。其應用牛隻。即照所請。於官廠內賞借。惠遠城八旗。每旗牛八十隻。惠寧城八旗。每旗牛四十隻。該將軍等即責成各該協領。督率駐防官兵。盡心耕作。以收兵農並習。屯守兼資之效。○又諭。前因姜晟奏。到查審張誠基。於勦辦義寧州滋事匪徒一案。實未親身督戰。係屬飾詞。陳奏。當經降旨。將張誠基革職。解京交軍機大臣會同刑部審訊。治罪。本日張誠

基解到。據軍機大臣會同刑部堂官審訊。張誠基俯首認罪。無可置辯。經軍機大臣等照依合奏公事有規避增減緊關情節。朦朧奏准施行。律擬斬監候。因屬按律辦理。但閱其情節。張誠基聞知該州匪徒滋事之信。在省派撥官兵分投堵剿。尚非漫無調度。特因到彼已遲。未得親身督戰。而匪徒先經兵勇殲盡。彼時如果據實陳奏。不但不加之罪。尚當量予加恩。交部議敘。乃張誠基輒因地方有反叛重案。已干失察之咎。又恐未經親辦。獲戾滋重。遂將搜捕全完之日。作為帶兵打仗之期。捏詞飾奏。希圖攘功卸過。其罪實在於此。此事與伊桑阿相似。而實不同。伊桑阿簡任貴州巡撫時。因有應賠官項。曾面奏請將俸廉全數扣繳。朕尚念及若將俸廉全扣。恐辦公必有不敷。加恩祇令扣繳一半。冀其保全操守。詎伊到任後。即以賠項為名。令各府幫貼銀兩。又令屬員修造署屋。並不給發價

值。貪黷營私。聲名狼籍。而於奏報攻克石峴苗匪一案。據稱由銅仁趕赴前敵。傳諭各將弁四面兜圍。並稱親見山梁有執旗指揮苗目。伊即傳令帶兵各員。向執旗之人指定放鎗立時殲斃等語。真似身在行間。歷歷如繪。詎知伊竟安坐銅仁。並未親身前往。公然以毫無影響之事。捏造虛詞。冒功誑奏。其罪較重。彼時琅玕等審辦。亦將伊桑阿問擬斬候。朕不待部議。特降旨改為絞決。今張誠基尚無貪劣款跡。即奏報辦理義寧州匪徒一案。因恐遲到獲罪。希圖掩飾。而於聲敘勦捕情節。尚非全屬子虛。且伊究已親身前往。於軍務並無貽誤。亦未有捏冒錢糧等弊。尚可稍從末減。張誠基著從寬改為絞監候。交刑部監禁。餘著照議完結。朕辦理庶獄。於罪名輕重。悉視其人之自取。此案張誠基與伊桑阿情罪本殊。是以辦理不同。並非嚴待滿洲而寬於漢員也。將此通諭知之。○戊寅

上還宮○以次辛祈穀於

上帝自是日始齋戒三日○庚辰

上詣

南郊齋宮齋宿○是日立春順天府進土牛春

山寶座○辛巳祈穀於

上帝

上親詣行禮○辛圓明園○御奉三無私殿賜

皇子親藩等宴○御山高水長賜王公大臣

蒙古王貝勒貝子公額駙台吉及外藩使臣

等食至癸未皆如之○壬午

上御正大光明殿賜朝正外藩等宴作樂賜酒

如除夕儀○諭內閣慶桂等奏懇請刊刻御

製詩初集頒示中外一摺朕萬幾餘暇偶事

摘毫本不欲與文士逞藻矜奇傳播藝苑但

自元年受璽日侍

皇考訓政凡釐綱剔紀決勝籌幾諸大端無不

寅承

指示見諸施行往往紀以吟詠迨四年後夙夜

孜孜亦惟以軍務民生雨暘水旱為念篇章
所積大率紀捷勤民之什居十之八九其泛
覽留題者絕少朕素不喜風雲月露之詞亦
不欲以此擅場敬思

皇考高宗純皇帝學集大成

奎章富有每十二年為一集編至五集尚有餘
集實古來詩人所未有朕游藝篇章曷敢上
同

聖製意欲以八年為一集今既據內廷臣工合

詞奏懇頒刊著照所請交慶桂等將元年至

八年御製詩編為初集繕校刊刻○癸未

上御正大光明殿賜大學士尚書等宴○甲申

調甘肅涼州鎮總兵官劉瑞為貴州安義鎮

總兵官以陝西定邊協副將百祥為涼州鎮

總兵官○乙酉

上御同樂園茶宴廷臣及內廷翰林以平定三

省教匪聯句○御山高水長賜王公大臣蒙

古王貝勒貝子公額駙台吉及外藩使臣等

食○諭內閣本年節候較遲入春以來天氣尚寒無業貧民衣褐不完殊堪憫念因思前年秋閒曾諭令步軍統領衙門置辦棉衣八萬餘件除陸續放給外尚餘數千件存貯該衙門著祿康等即提取棉襖二千五百六十二件棉袴一百件發給五城交該巡城御史等各就附近貧民內擇其衰老羸病者酌量賞給俾免號寒以副朕嘉惠窮黎至意○丁亥命廣東碣石鎮總兵官馮建功來京引見候旨以廣東澄海協副將李漢升為碣石鎮總兵官○戊子命翰林院編修帥承瀛提督廣西學政○己丑孝聖憲皇后忌辰遣官祭泰東陵○上詣恩慕寺恩佑寺行禮○諭內閣王汝璧秦鳳陽府同知長慶因母老呈請回旗賞當京差一摺所奏

非是長慶係長琇長麟胞弟上年長麟簡放兩廣總督時因伊母年老雖有伊兄長琇在京侍奉而長麟為伊母素所鍾愛亦未敢在朕前懇辭外任朕察其母子依戀情切特加恩留京供職已可遂其烏哺之私今長慶又以接到家信知伊母近來精神衰邁伊心懸兩地寢食不安呈請回旗自因見有將長麟留京侍母諭旨故為此請實非出於至誠不過沽名取巧長慶如果真心戀母於從前補放同知時計伊母業已年逾八旬彼時長麟又不在京即不應遠離赴任何待今日始行呈請回旗耶終養所以教孝但定例家有次丁即有老親年逾八十者並未嘗勒令概行終養設一家兄弟多至七八人俱在外出仕紛紛以親老同時告歸殊非國家用人之道且或因缺分平常藉詞飾請亦恐開規避之漸所有長慶呈請回旗當差之處著不准行○庚寅諭內閣御史秦維嶽奏

實錄館議敘過優有礙銓法請旨仍交部照例議敘一摺所奏固是向來開館纂輯

實錄闡釋

前謨原與他館修書有別其議敘定例亦較他館為優

皇考高宗純皇帝臨御六十年來

功文巍煥卷帙繁多曾降旨每書成二十年給予議敘一次上年十二月恭纂

實錄進至乾隆二十年經朕特降諭旨照例議

敘該總裁等旋復開單進呈奏請分別升用朕特以該館人員纂辦尚為迅速並無舛漏當即降諭俯允用示鼓勵豈有復行撤回之理況館臣所議各條該部仍須再行覈辦不致格礙難行至該御史所稱提調沈馬施杓遇有應升之缺開列在前不免撓越等語即如昨日廣西學政出缺施杓亦在應放之列朕並未將伊簡放豈一經開列在前即可仰邀擢用乎所有此次在館人員給予優敘之

處仍照前旨覈辦此後再纂輯二十年書成時不能復照此次從優以昭限制○辛卯諭內閣額勒登保等奏陣亡病故受傷民壯懇請照鄉勇例議卹一摺向來民壯陣亡傷故例無議卹專條但念該民壯等俱係挑派隨營殺賊衝鋒勤勞王事與鄉勇團勇等原無區別所有軍營陣亡受傷及立功後病故各民壯俱著加恩照鄉勇議卹之例一體咨部給與卹賞以昭激勸○癸巳諭內閣吳熊光

奏原任施南府知府周季堂丁憂留營現已服闋請送部引見等語周季堂在楚有年前因委辦軍需未便驟易生手特降旨將周季堂留營効用現在大功告竣該員已屆服闋呈請起復若遽行赴部補官為人子者於心究有未安著吳熊光給咨周季堂回籍補行穿孝看視墳塋不必限以月日即由本省起程來京引見此外在軍營丁憂文武各員目今已無經手緊要事件其未經服闋者均令

其回籍守制將來照例起復其已經服闋者於軍營給客先回本籍補行穿孝均不必限以月日赴部補官以示體卹○甲午

上詣

時應宮拈香○還宮○以舉行仲春經筵遣

官告祭

奉先殿

傳心殿

御文華殿經筵直講官琳寧紀昀進講大學顧

諱天之明命講畢

上宣御論曰大學釋明明德之理引伊尹告太甲之言曰顧諟天之明命蓋人之明德本天之所付即天之明命也故呼吸相通絪縕感召時存於心若常目見無一時之敢忽焉天之所與我我之所以為命也自明其德推而及於民物無往而不明矣人君代天治世尤覺親切著明自明德即克己之功極明德之量自能感格咸通上下交而允協可以類推

矣天人交感之理無時不在人心範圍曲成造次顛沛不可須臾暫捨久道化成已成物之功胥於是繫修己之道可不勉諸直講官明志錢機進講書經德惟善政政在養民講畢

上宣御論曰為君貴乎有德然非獨善其身也必恩施於政事及於民物所行之政無不善乃為實德而善政則在養民天生萬姓使人養之厚民之生計培民之元氣承天治人代天宣澤古昔聖王胥勉於修己之德數宣善政使各由其理順則安和六府修而九功敘治道日隆萬世永賴矣然大本總繫於人君之一心君心正而天下莫不歸於正正者政也移風易俗化莠安良斯事至大斯理至精不外乎清心修己以治百姓古聖王交儆之法言誠為君之準則也禮成

上幸文淵閣賜講官暨聽講諸臣茶復賜宴於本仁殿○朝鮮國王李珣遣使表賀

萬壽冬至元旦三大節進貢方物賞賚筵宴如例○乙未

孝儀純皇后忌辰命

皇次子祭

裕陵○諭內閣據玉德等奏查明琉球國二號貢船在洋遭風漂至臺灣地方衝礁擊碎救援人口上岸撫卹緣由一摺外藩尋常貿易船隻遭風漂至內洋尚當量加撫卹此次琉球國在大武崙洋面衝礁擊碎船隻係屬遣

使入貢裝載貢品之船尤應加意優卹其撈救得生之官伴水梢人等著照常例加倍給賞至所裝貢物除常貢各件業經沉失外其正貢船隻據稱既與常貢船同時開駕至今尚未到閩自係同時遭風現經玉德等移知浙粵等省沿海口岸一體確查如查無蹤跡或亦已漂沒沉失所有正貢常貢物件均毋庸另備呈進該督等即繕寫照會行知該國王以此次該國遣使入貢船隻在洋遭風衝

礁擊碎人口幸無傷損所有貢物行李盡皆沉失此實人力難施並非該使臣等不能小心護視所致現已奏明特奉恩旨優加撫卹其沉失貢物遠道申虔即與齋呈賞收無異諭令不必另行備進所有此次齋貢使臣等回國該國王毋庸加以罪責以副天朝柔懷遠人至意嗣後遇有外藩貢船遭風漂沒沉失貢物之事均著照此辦理○

上以祭

社稷壇自是日始齋戒三日○丙申遣乾清門侍衛羅布藏多爾濟往奠故奈曼郡王拉旺喇布坦茶酒○免四川大寧縣鹽場被水竈戶課羨銀並緩徵節年未完課銀有差

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百七

實錄卷一百七

七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百八

監修總裁官內閣學士兼禮部侍郎等事
上諭軍機處總辦等事
臣等謹將
嘉慶八年癸亥二月丁酉朔祭

先師孔子遣大學士保寧行禮○兵部議准

兩江總督費淳疏請移安徽壽春鎮右營王

莊汎把總駐劄阜陽縣驛口槁集以王莊汎

務歸臨淮汎把總專管改鳳陽汎協防外委

為臨淮汎把總協防移駐王莊汎歸亳州營

都司管轄撥鎮屬各營內兵五十名添設驛

口槁集以資巡緝從之○江南提督三等子

陳大用緣事革退以其子均襲爵○以故雲

南雲龍州屬六庫土千總段雲彩子理襲職

欽修

嘉慶八年癸亥二月丁酉朔祭

先師孔子遣大學士保寧行禮○兵部議准

兩江總督費淳疏請移安徽壽春鎮右營王

莊汎把總駐劄阜陽縣驛口槁集以王莊汎

務歸臨淮汎把總專管改鳳陽汎協防外委

為臨淮汎把總協防移駐王莊汎歸亳州營

都司管轄撥鎮屬各營內兵五十名添設驛

口槁集以資巡緝從之○江南提督三等子

陳大用緣事革退以其子均襲爵○以故雲

南雲龍州屬六庫土千總段雲彩子理襲職

○戊戌祭

大社

大稷

上親詣行禮○幸圓明園○己亥遣官祭

文昌帝君廟○諭內閣本年十月間奉安

孝淑皇后梓宮一切事宜需人經理從前原

派經理之王大臣或業經身故或現已外任

所有此次奉安事宜著派綿億保寧德瑛縉

布額勒布專司經理○又諭據御史朱紱奏

申明行禮時刻以重祀典一摺所奏尚是祭

祀大典例有一定時刻總當在寅卯之間行

禮方合禮經質明將事之義即執事陪祀人

員有失儀不到等事亦可便於糾察今據奏

此次遣官祭祀

先師孔子行禮時甫屆丑正寅初以致陪祀

人員未及齊到時尚黑暗該御史亦無從稽

查皆因行禮太早之故向來朕於

壇

廟大祀凡親詣行禮者經該衙門先期具奏行

禮時刻間有酌量改早之處亦不過一二刻

且該衙門於奉旨後通傳各衙門謹遵祇候

屆時自可齊集至遣官行禮若不定以時刻

則陪祀人員安能一一無誤糾儀之御史何

從稽察嗣後遇有遣官祭祀著禮部太常寺

按照定例時刻傳知行禮大臣及執事陪祀

各員一體遵照其派出行禮大臣是日即遇

值日奏事亦不必因禮畢後尚須趨赴宮門

呈遞膳牌將事過早致有歧誤如有不遵傳

定時刻率意遲早者該御史等照例糾參以

重典禮而昭誠敬○庚子吏部議准閩浙總

督玉德疏請將福州府江陰興化府前江二

鹽場改為繁缺福州府福清泉州府兩洲二

鹽場改為簡缺從之○奉恩將軍恒英因病

告休以其子倫蓋襲職○辛丑諭內閣總兵

富蘭係由軍營丁憂開缺尚未百日服滿之

員自應補行成服百日再行具摺請安乃富

蘭到京。即雜髮進內。遞摺請安。甚屬糊塗。非是。所有巴圖魯侍衛內富蘭。分應賞給緞匹等物。著毋庸賞給。姑念富蘭在軍營數年。著有微勞。加恩免其治罪。即令照例補行成服。俟百日服滿。再討差使。○壬寅

上幸靜明園詣

龍神廟拈香。○欽差內閣學士那彥成等奏報。攻破廣東鐵籠嶂賊巢。生擒首逆黃亞程等。得旨嘉獎。以那彥成署吏部侍郎。都司寧

舒等下部議敘。○額勒登保奏請鼓勵隨營出力人員。賞知府樊士鋒。周光裕。同知趙宜

震。知州顧紹先。花翎。仍下部議敘。餘升補有差。○旌表守正捐軀江蘇海門廳民曾素柱

妻俞氏。○癸卯

孝淑皇后忌辰。命

皇次子 祭

殯宮。○賞故大學士蔡新子本份舉人一體會試。○以故貴州定番州屬麻響司土官得玉

錦子恩榮襲職。○乙巳。諭內閣。大學士會同禮部議駁給事中永祚奏請伊犁地方設學一摺。所駁甚是。伊犁地處極邊。多係索倫錫伯察哈爾額魯特遊牧之地。迥非烏魯木齊建立府廳州縣設有學額者可比。該處毗連外域。自當以嫺習武備為重。若令其誦讀漢文。勢必荒疎藝勇。風氣日趨於弱。於邊防大有關礙。且屯田民戶及流寓商賈。來去無常。亦未必盡能讀書識字。儻伊犁地方增設學額。則吉林黑龍江等處烟戶繁稠。不更當奏請設學乎。此事如係漢員陳奏。或尚云未能深悉邊地情形。永祚身係滿洲。乃以斷不可行之事。撫拾陳請。太屬不曉事體矣。至該給事中摺內稱派官犯生監充當教習。及効力贖罪之科甲出身廢員充當主試。必係現在伊犁官犯中有伊親友在內。故有此沽名取巧之奏。希冀為伊等邀恩地步耳。永祚著傳旨申飭。○丁未

孝康章皇后忌辰遣官祭

孝陵 戊申旌表守正捐軀湖北江陵縣民羅習善妻胡氏陝西寶雞縣民杜浩妻鄭氏 己酉西安將軍祥保等奏請動支西安藩庫馬價銀四萬兩交鋪戶生息以備駐防兵賞從之 庚戌旌表守正捐軀湖北東陽縣民張志昇妻方氏 辛亥免四川連年被賊滋擾之太平大寧廣元通江南江巴州蒼溪奉節巫山九廳州縣額賦有差緩徵雲陽萬開

江北長壽達東鄉新寧忠鄧都墊江梁山太平竹園中昭化鄰水十六廳州縣額賦並太平大寧廣元通江南江五廳縣鹽茶課稅 壬子以翰林院修撰王以銜署日講起居注官 癸丑遣官祭

關帝廟 諭內閣戶部奏黔省銅仁興義軍需案內未發加賞卹賞銀兩請令飭查即將已經覈減及議賠各款迅速追交先行支發一摺此項官兵打仗加賞錢糧係屬獎勵奮

勇自應於接奉諭旨時即行散給以昭恩賚乃承辦之員遲遲不發已屬非是至卹賞銀兩則係官兵等臨陣捐軀加以恩卹俾資身後料理尤應迅速給發豈有遲至數年尚未支領之理歷任承辦軍需各員於此等要款率意延擱明係豫留地步今初彭齡等以部咨覈減追繳銀兩須俟定案後找發恐致遲延另請酌撥部款等語更屬錯謬從前該督撫等辦理軍需何以將緊要款項耽延不發

轉於無謂供支任意浮費逮事隔多年始將必應支發之款咨部請撥實則藉以彌其罅漏豈能逃朕洞鑒即如孫文煥案內攻克平隴等八案應發加賞錢糧多係挪掩前此應付福康安之款看來該省承管軍務各員似此影射支銷者正復不少即云福康安任意提用該員等亦不應濫行承應況福康安業經身故焉知非伊等藉此推卸所有濫應及侵蝕入己等款盡誣於已故之福康安遂可

朦混了結耶。此事著福慶秉公嚴查。銅仁興義案內加賞卹賞未發銀三十八萬一千三百餘兩。係何員經手如查有已領未發及挪移灑銷等弊。即據實指名叅辦。並著將此項賞銀一面於覈減議賠各員名下先行勒令按數給發。不得藉口追項未交。復有遲滯該撫甫經到任並未接辦軍需且未歷官黔省自無所用其迴護若曲法示惠是從井救人轉自陷矣。慎之。○甲寅遣官祭

先醫之神。○乙卯舉行嘉慶七年大計。奉天卓異官二員。年老官一員。直隸卓異官十九員。不謹官一員。罷軟官一員。才力不及官一員。有疾官五員。年老官五員。浙江卓異官十一員。不謹官一員。浮躁官一員。才力不及官二員。有疾官二員。年老官九員。福建卓異官十員。不謹官三員。罷軟官三員。浮躁官一員。才力不及官一員。有疾官四員。年老官五員。河南卓異官十二員。罷軟官一員。年老官一

員。山西卓異官十二員。浮躁官一員。才力不及官一員。有疾官二員。年老官九員。陝西卓異官九員。才力不及官一員。年老官七員。分別議敘處分如例。○舉行嘉慶七年軍政雲南貴州卓異官五員。罷軟官二員。才力不及官二員。有疾官一員。年老官四員。分別議敘處分如例。○丙辰

上御勤政殿聽政。遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。○諭內閣吏部議覆御史王麟書條奏疏通部員一摺。據稱主事一項向例比較奏留日期先後敘補。若將捐班主事另立一班開補。則報滿在捐班以前之主事轉為所壓。莫若仍照舊例挨補等語。是主事別無疏通之法。必各部郎中不致久占額缺。則員外有升轉之路。主事自可漸次疏通。向來郎中截取本係二年後經改為四年截取。至嘉慶四年因部員日形壅滯。又

復改為三年截取。今該部請復郎中兩年截取舊例。俾得相因升轉。以為主事補缺地步。自應如此辦理。著即照議行。統俟各部主事盡已疏通。實見成效之後。仍將郎中改復三年截取。至科道人數本少。其三年截取定限。毋庸更改。餘依議。○又諭上年辦理宿州戕官一案。據費淳等奏到查明出力紳士鄉勇各單。當經降旨分別加恩。嗣聞該處賊匪滋事之初。全賴紳士秦攀元同伊弟秦攀魁。秦攀萼。立時招集義民。將城門圍守。橋座拆毀。使賊匪無可遁逃。且當賊匪危言恐嚇之際。力持大義。不顧身家。伊兄弟因此一死一傷。情節尤為可憫。是以降旨令費淳等再行確查。並此外有無同時出力之人。一併具奏。茲據費淳等奏稱。上年十二月間。宿州賊匪進城滋擾。武生秦攀元。秦攀魁。秦攀萼。兄弟三人。實係首先糾勇。堵住城門。又公議拆橋。以斷賊匪去路。官兵到後。始得悉數殲擒。秦攀

元因此陣亡。秦攀魁受傷屬實。至此外同時出力之紳士丁萬倉等十六名。俱經賞給花紅銀兩。各等語。武生秦攀魁。秦攀萼。前此業經加恩。以把總補用。陣亡武生秦攀元。尚義急公。首先出力。前已交部議卹。著再加恩。照把總例。賜卹以示優獎。○以內閣學士戴均元。署刑部左侍郎。○丁巳。諭內閣。松筠奏請設伊犁學額一摺。伊犁地處邊陲。毗連外域。非烏魯木齊。建立府廳州縣。設有學額者。可比自應以武備邊防為重。若令專習漢文。必至藝勇生疏。風氣日趨於弱。且眷兵戶口。及種地商民。又安能盡令通曉文義。近日給事中永祚條奏此事。經大學士會同禮部議駁。降旨明白宣示。今松筠此奏。即與永祚之見無異。試思伊犁設立學額。則入學生童文字。去取必須派人閱看。向來迪化州等處。試卷係封寄陝甘學政衙門校閱。已覺路途紆遠。若再將伊犁生童應試之卷。一併解送。則長

途往返。更費周張。益難保無倩人頂替更換等弊。至教授生童。請於廢員內擇有科甲出身者。妥為教習。一節。係為伊犂官犯希冀邀恩地步。此事斷不可行。松筠係該處將軍。尤應留意邊防。整飭武備。何不曉事體。若此著傳旨申飭。○廣東巡撫瑚圖禮等奏報。勦辦永安會匪。實按察使卬庭澄奏將唐光茂都司許廷柱。守備董定銓。花翎知縣楊時行等藍翎餘升敘有差。○命廣州副都統黃文煥回京。在散秩大臣上行走。調荊州副都統海興阿。為廣州副都統。以河南城守尉色布星額。為荊州副都統。○己未。

上啟鑒恭謁

東陵○免蹕路經過地方。本年額賦十分之三。○是日。駐蹕湯山行宮。○庚申。調山海關副都統韋陀保。為圍場副都統。齊齊哈爾副都統來儀。為山海關副都統。署正藍旗漢軍副都統玉衡。為齊齊哈爾副都統。○是日。駐蹕

三家店行宮。○辛酉。駐蹕大新莊行宮。○壬戌。

孝昭仁皇后忌辰。遣官祭

景陵○是日。駐蹕白澗行宮。○癸亥。戶部議准。陝甘總督惠齡疏報。甘肅靖遠鹽茶山丹鎮番中衛五廳縣開墾地五十八頃九十畝。照例升科從之。○是日。駐蹕隆福寺行宮。○甲子。春分朝。

日於東郊。遣順承郡王倫柱行禮。○

上恭謁

昭西陵

孝陵

孝東陵

景陵

裕陵。俱未至碑亭。即降輿。慟哭步入隆恩門。詣

寶城前行禮。躬奠哀慟。王以下文武大臣官員均隨行禮。○額勒登保奏報。搜捕通江縣餘

匪殲斃首犯姚欣祖生擒陳文海得旨獎賞將軍興奎等賞敘有差○予四川陝西湖北陣亡遊擊賽尚阿楊春榮郭洪和新布陳五輯都司七十五孫斯禮哲楞泰酒天培吳浩徐萬寧守備張雲鳳吳純俊黃富國謝占魁李國志千總邢允襄彭樺韓萬年杜洪才朱得芳安榮庫朱登甲白漢把總何正貴畢振林閻亮溫紹祖田得楊文魁朱文貴楊廷秀胡兆遠邢允貴路維文柴如柏李榮貴張聯

平定縣志

卷十

王德知朕聞近日閩省洋匪與會匪頗有互相勾結狼狽為奸等弊海口各商船出洋要費用洋錢四百塊回內地者費用加倍此項費用俱係給洋盜蔡牽給則無事不給則財命俱失再陸地天地會匪甚多即衙役書吏亦有入會者州縣官無可奈何不敢辦理若致養癰貽患又成大案矣汝應不動聲色密為察訪派能事之人改扮客商隨彼入會得其實據並緊要頭目住址姓名一鼓成擒立行正法脅從勿問如此辦理幾處自可潛移默化誅數十名不法棍徒可保無限生靈塗炭陰功不亦大乎至於蔡牽為洋盜巨惡此賊一日不除洋面一日不靖而坐地分贓者大約皆係會匪密訪之法必須於大小寺院及花船鴉片館等處方能得其底細若大張告示明派兵役是速之使亂非徒無益而有害慎之密之殊諭先行回繳併將辦理之法先行覆奏

平定縣志

卷十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八

實錄卷一百八

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九

纂修總裁官臣等謹將乾隆五十四年庚子歲十一月間開辦賑務恭奉 上諭事恭摺具奏為管理賑務院院學士張等跪

奏為請旨將賑務院院學士張等跪 奏為請旨將賑務院院學士張等跪 奏為請旨將賑務院院學士張等跪

奏為請旨將賑務院院學士張等跪 奏為請旨將賑務院院學士張等跪 奏為請旨將賑務院院學士張等跪

奏為請旨將賑務院院學士張等跪 奏為請旨將賑務院院學士張等跪 奏為請旨將賑務院院學士張等跪

奏為請旨將賑務院院學士張等跪 奏為請旨將賑務院院學士張等跪 奏為請旨將賑務院院學士張等跪

奏為請旨將賑務院院學士張等跪 奏為請旨將賑務院院學士張等跪 奏為請旨將賑務院院學士張等跪

嘉慶八年癸亥閏二月丙寅朔賜扈從王公

實錄卷一百九

十一

大臣等食於靜寄山莊並賞賚有差○賞三

等侍衛恒伯頭等侍衛為西寧辦事大臣○

丁卯遣官祭昭忠祠○諭內閣賽尚阿奏陳

明蘆商實在情形一摺據稱長蘆自前歲被

災後諸物昂貴繩席水腳薪火各項加增其

中灘鹽歉收工價增至數倍以致各商成本

有虧現在除額徵正雜等款一百一十萬餘

兩外尚有本年起限應徵銀五十五萬餘兩

實難同時完納懇請展限調劑等語蘆商應

行帶交各項銀五十五萬餘兩現在均已屆限應徵此事若發交部議自必照例奏駁第念長蘆商力本疲又因前年灘鹽歉收諸物昂貴若將應行帶交各款同時並徵該商等不無拮据著加恩照賽尚阿所請除本年應交課帑及准本銀兩仍令按照限期交納外其本年起限之嘉慶五年緩徵引課分四年帶完者緩至本年奏銷後起限改為分二年完交其分十五年帶完舊欠課餉帑本於本

實錄卷一百九

二

年起限者俟前項改分二年引課全完後再行起限按原分之限完交以示體卹○以內閣學士戴均元為工部右侍郎仍署刑部左侍郎○以安徽巡撫王汝璧年老命來京授為內閣學士兼禮部侍郎銜以安徽布政使阿林保為巡撫調江西布政使邵洪為安徽布政使以署正黃旗漢軍副都統廣厚為江西布政使○以西寧辦事大臣恒伯為巴里坤領隊大臣巴里坤領隊大臣都爾嘉為西

寧辦事大臣 己巳諭內閣范建豐奏昨日夜間紫禁城內炭庫失火即帶領護軍等協同火班兵丁撲滅未經開啟禁門等語昏夜失火即時撲滅未曾開門所辦尚是其炭庫太監即照范建豐所奏交內務府照例辦理並著范建豐將救火出力之護軍營官兵步軍營火班官兵查明據實具奏○以提督銜長齡為京營右翼總兵○庚午免陝西渭南華陰潼關四廳州縣水災未完額賦○辛

實錄卷一百九

三

未以故杜爾伯特扎薩克貝子鄂勒哲依布圖庫子索諾木丕勒襲爵○是日駐蹕白澗行宮○壬申吳熊光奏截勦巴東二塘垣竄匪出力人員賞都司麻光裕遊擊銜並花翎○展五城飯廠煮賑一月○賞蹕路經過看守各行宮弁兵苑戶等半月錢糧○是日駐蹕烟郊行宮○癸酉

上詣

永慕寺行禮○以請轎校尉行急脫肩革豐紳

濟倫兵部尚書鑾儀衛掌衛事博啟圖鑾儀使均退出御前侍衛在乾清門行走以署鑾藍旗蒙古都統長麟為兵部尚書鑾白旗蒙古都統喀喇沁公丹巴多爾濟掌鑾儀衛事正白旗蒙古副都統慶長為鑾儀使○額勒登保奏報生擒首逆宋應伏殲盡餘黨賞守備馬忠良千總顧應全花翎千總馬貴等藍翎餘升補有差○予故副都統額勒亨額祭一次○是日駐蹕舊衙門行宮○甲戌

實錄卷一百九

四

上行圍翼日如之○以故四川建昌道屬已旺宣慰司雍中結弟羅卜藏納木扎爾陝西莊浪廳屬一眼井土千戶王正武子天賜甘肅平番縣屬西陸渠土百戶何毓璠子廷相各襲職○貴州貴陽府屬太平伐司土官宋之符緣事革退以其子安遠襲職○贈故已革四川提督七十五副都統銜于祭葬如例○是日駐蹕南衙門行宮○乙亥賞看守南苑各行宮苑戶等半月錢糧海戶等銀一千兩

○是日駐蹕團河行宮翼日如之○丙子諭內閣秦承恩奏江西南昌瑞州等屬糧價過昂請旨大加減糶等語南昌瑞州各屬地方上年偶值偏災收成歉薄節經加恩賑卹並諭令減價平糶茲據奏糧價較之常年增長過倍若僅照例減糶則祇一錢即至減亦不過三錢恐市價一時不能驟平自應大為調劑以濟民食著將南昌瑞州等屬糧價在二兩四五錢者每石減銀二錢價在二兩六錢至二兩八錢者每石減銀三錢價在二兩九錢至三兩一錢者每石減銀四錢價在三兩二錢至三兩四錢者每石減銀五錢統俟市價平復再行停止該撫即督率地方官認真經理務期於小民生計實有裨益毋任胥吏市儈從中滋弊以副朕惠愛黎元至意○以刑部尚書德瑛為

實錄卷一百九

五

實錄館副總裁官兵部尚書長麟為會典館副總裁官○勒保奏請鼓勵辦理軍務出力官

員賞知府劉佳琦花翎餘升擢有差○丁丑	上行園○遣官祭	歷代帝王廟○是日駐蹕新衙門行宮○戊寅	上還圓明園○庚辰清明節	上詣	安佑宮行禮○遣官祭	永陵	福陵	昭陵	昭西陵	孝陵	孝東陵	景陵	泰陵	泰東陵	裕陵○命	皇次子
																祭

孝淑皇后殯宮○遣官祭	端慧皇太子園寢○辛巳祭	先蠶之神	皇后親詣行禮○壬午前任雲南布政使陳孝昇以冒銷濫扣軍需革職嚴訊○旌表守正捐軀直隸東明縣民馬勇成妻張氏○癸未諭內閣本日在萬壽山玉瀾堂用膳辦事正值召見大臣時見有太監自西邊直至宮門猝然退避又有園戶自東而西徑行走過均屬不合朕召見大臣處所該管大臣及本處總管太監理應先時派人查管以昭嚴肅豈有任聽閒人往來行走之理所有管理三山事務之縉布額勒布著傳旨申飭再朕此次謁	陵往還計已二旬回蹕又閱六七日總未見內務府衙門有陳奏事件及引見官員之事該衙門所管事務較繁豈帀月以來竟屬一無所事昨召見縉布明德朕即微示其意據奏
			實錄卷一百九	

現有應行引見之員尚未揀選是以未經帶領等語。試思該衙門司員不過照常揀選有何難辦。致需時日。顯係因豐紳濟倫現為內務府大臣。列名居首。刻下伊告病在家。該大臣等輒羣相觀望。此又如從前和坤總理部務時。諸事專擅。過伊偶有告假等事。各大臣即將應辦事件稽延等候。最為惡習。內務府大臣同係總管。體制相埒。若因列名居首之人請假。衆人即置公事於不辦。此風斷不可

實錄卷一百九

八

長。所有該總管內務府大臣等。俱不免為積習所染。實屬卑鄙。傳旨申飭。除將該衙門應行陳奏等事。速行辦理外。並將此通諭知之。○甲申諭內閣。據初彭齡奏雲南縣賓川州地震情形較重等語。該二屬猝遭地震。城垣房屋多有倒塌壓斃人口。共有二百餘名之多。雖經初彭齡派員前往查勘撫卹。但該處被災較重。深為廛念。著該督撫再行詳細確查。如有應行蠲緩之處。即速查明具奏候

朕加恩不可稍有諱飾。用副朕軫念災區。不使一夫失所至意。又諭據托津等奏稱現在喀什噶爾邊外諸部落安靜。請將前留駐防兵三百名裁汰等語。近年以來喀什噶爾邊外諸部落均屬安靜。該處貿易之布魯特安集延亦極恭順。若仍駐兵在彼。轉滋伊等疑懼。著將索倫錫伯兵三百名即行裁汰。撤回伊犁。○旌表守正捐軀河南河內縣民李毛義姊李氏。乙酉

實錄卷一百九

九

上詣

大高殿行禮

時應宮拈香。還宮。予告大學士王杰。陞

辭

上以

高宗純皇帝御前陳設玉鳩杖並

親書御製詩章聯句。賜之。仍加賞人參一斤。給

饌賜錢。命馳驛回籍。經過地方二十里內官

員護行。○定親王綿恩等拏獲潛匿禁門逞

兇拒捕之逆犯陳德

上命大學士軍機大臣會同九卿科道等嚴鞠

○以拏獲陳德賞定親王綿恩固倫額駙喀

爾喀親王拉旺多爾濟御用補褂封綿恩子

奕紹貝子拉旺多爾濟子巴彥濟爾噶勒輔

國公賞乾清門侍衛喀喇沁公丹巴多爾濟

貝勒在御前行走御前侍衛扎克塔爾世襲

三等男珠爾杭阿桑吉斯塔爾世襲騎都尉

以廢弛門禁革阿哈保護軍統領副都統仍

留世職賞副都統銜在乾清門行走革蘇冲

阿副都統銜作為頭等侍衛餘降罰有差○

戶部議准河南巡撫馬慧裕疏報武安縣開

墾田二十四畝照例升科從之○丙戌遣官

祭賢良祠○德楞泰奏報勦捕四川老鴉寨

竄匪得旨嘉獎下部議敘賞外委孫廷彪藍

翎餘賞賚有差○以德楞泰勦賊功賞還其

子蘇冲阿副都統銜○以正黃旗蒙古副都

統綿志為正紅旗護軍統領頭等侍衛副都

統銜傳陞為正黃旗蒙古副都統○丁亥

上耕藉詣

先農壇行禮更服至藉田所

躬耕三推復加一推

御觀耕臺命鄭親王烏爾恭阿慶郡王永璘質

郡王綿慶各五推署吏部右侍郎劉鑲之戶

部左侍郎英和禮部右侍郎關槐署兵部右

侍郎貢楚克扎布刑部右侍郎賡音工部右

侍郎戴均元都察院左副都御史舒聘通政

使司副使廣興大理寺少卿慶岱各九推畢

順天府府尹率農夫終畝賞賚農夫耆老如

例○幸圓明園○予陝西湖北陣亡兵丁朋

成文等七十二名鄉勇曾紹貴等五十二名

賞卹如例○戊子諭內閣惠齡祖之望奏審

明商州匪徒滋事緣由分別定擬一摺所辦

非是此案首犯張東春本係遊蕩匪徒曾被

張漢潮裹脅入夥迨逃出賊營後無業營生

復起意糾集多人假充教匪在竹林關地方

公肆焚劫並與鄉勇抵拒傷人情罪重大該督等審明後必應將該犯凌遲處死乃惠齡等僅將該犯擬以斬梟殊屬輕縱即從犯李昇文於劉中祿邀約之時即踴躍入夥並跟同張東春等放大搶掠慙不畏死審明後亦應問以斬梟而惠齡等又祇擬以斬決且摺內據稱該犯情節較重應即一併斬決究竟曾否處決亦未敘明尤屬含混李昇文一犯若尚未正法著即處斬梟示此等地方重案

該督等並不嚴辦示懲陳奏又不明晰甚屬非是惠齡祖之望均著傳旨申飭餘照所擬完結其未獲各犯並著嚴拏務獲不可再有漏網○以擒獲陝西商州匪徒張東春等功典史馮日照等升擢有差○己丑諭內閣二十日進宮齋戒將入順貞門突有一人趨出彼時朕乘轎已入宮門實未見其面貌差內監詢問御前大臣方知其兇悍拒捕情狀因命軍機大臣會同刑部嚴審竟日所供情節

出乎情理之外次日又添派滿漢大學士六部尚書會審所供矢口不移又命九卿科道一同會審仍如前供在諸臣見此等逆犯義憤自不容己必欲窮究主使何人同謀何人有無黨羽反覆究詰悉心訊問忠君為國之忱必應如是盡心窮詰並非鍛鍊周內也然朕為天下共主以誠心御下毫無猜忌此中外所共知共見者八年以來雖無仁政及民然亦不敢妄行誅戮既不妄殺有何仇怨舉

朝臣工皆同朕之兄弟子姪至親骨肉朕又何忍令兇犯扳扯况實無疑忌之人乎總之天下之人何所不有譬如獬犬噬人原無主使鴟梟食母豈有同謀若一味刑求反肆狂吠所言之人如何存活即不究問終是疑團所損者大矣朕所懃懃者風化不行必有失德始有此警予之事當謹身修德勤政愛民自省已咎耳所有此案兇犯陳德併伊二子即行公同按律定擬具奏候旨施行其餘即

行省釋不可累及無辜但二十日捕捉兇犯之時定親王綿恩首先奮力推却衣被浮傷固倫額駙親王拉旺多爾濟御前侍衛丹巴多爾濟珠爾杭阿扎克塔爾桑吉斯塔爾同擒逆犯即時就縛丹巴多爾濟身被三傷實堪嘉尚是以超封貝勒綿恩等俱分別加恩矣然御前侍衛及各項人等彼時不下百餘人而奮不顧身擒捕兇犯者祇此六人在綿恩拉旺多爾濟等六人受恩固厚然百餘袖手旁觀之人竟無一受恩厚者乎綿恩係朕之姪拉旺多爾濟係朕之額駙固應休戚相關朕懷深慰然百餘袖手旁觀者豈無朕之至親豈非世受國恩之臣僕乎見此等事尚如此漠不關心安望其平日盡心國事耶朕之所深懼者在此而不在彼諸臣具有天良自問於心能無愧乎特書此諭中外知之○又諭阮元奏遵旨查辦昭忠祠宇事宜一摺據稱祠內應設牌位上年大學士等原議以

苗匪教匪二案為始惟查浙省舟師節年勦捕洋匪傷斃官員兵勇共計有二百九十餘人均係照陣亡例賜卹此時可否一體拊卹等語自應如此辦理浙省水師官員兵勇因出洋捕盜涉險衝鋒每有傷斃與陸路陣亡各官兵情節無異理應一體設牌拊卹用慰忠魂俾海洋捕盜官兵倍知觀感所有此項傷斃溺斃各官兵即著照阮元所請准其入祀本省昭忠祠因思閩粵二省各水師營伍均有出洋捕盜事宜連年該官兵等追捕盜匪陡遇颶風漂溺以及被賊戕害者自亦不少並著該督撫詳晰查明照此一律辦理至各省查辦入祀昭忠祠一事上年曾經降旨令各督撫實心經理迅速奉行並於辦竣後即行奏聞乃數月以來僅據阮元奏到浙江一省辦理章程此外各省督撫如何辦理均未奏及殊屬遲延怠忽並著該督撫等即遵照前旨迅速妥辦具奏勿再遲逾將此通諭

知之○喀爾喀車臣汗扎薩克貝子索諾木旺扎勒多爾濟緣事革退以其子威多布齊旺襲爵○逆犯陳德及其子祿兒對兒伏法○庚寅諭內閣御史費錫章奏請肅門禁一摺據稱紫禁城內向來當差行走之人並無查考俱應添設腰牌以嚴出入等語該御史所奏係專指禁城而言但朕臨蒞所在皆屬禁地如駐蹕圓明園巡幸熱河木蘭等處各行在即與宮廷無異斷無皆用腰牌之理况防盜弭奸之法亦不在此總應環衛森嚴分明堂陞其扈蹕在途之侍衛官員尤當近依乘輦一切應如何酌定章程及該御史所奏是否可行之處著派御前大臣軍機大臣領侍衛內大臣前鋒統領軍統領內務府大臣會同悉心妥議具奏尋議奏查從前舊定章程載在會典及現行各事例立法本為盡善特因遵行日久未免致有懈弛應請勅交各該衙門一一查照申明舊例各飭所司實

力奉行外臣等謹各就管見所及酌擬二十九條分繕清單恭呈御覽得旨總管內務府大臣豐紳濟倫等議奏章程條款內嗣後每遇朕臨幸瀛臺三海等處王公帶護衛三四名滿漢大臣帶家人三名仍准帶用所有司官等不准帶用家奴每遇朕詣廟拈香時只用總管內務府大臣一員帶領掌印僧官道官及本廟住持一人接駕其餘僧衆道衆俱不必接駕至朕詣風神雲神雷神時應宮各寺廟拈香時請磬及遞炷香攢香均著首領太監伺候其本廟住持不必請磬遞香再每遇公主進園不准轎夫等進福圓門過春熙院西門俱令太監等接至門外豫備餘依議○德楞泰奏報搜捕竄匪殲斃著名首逆曾芝秀賞守備周志林花翎以都司用兵丁吳國棟鄉勇湯貴藍翎以千總把總用餘敘賞有差○那彥成等奏報續獲會匪首逆溫亞利永安全境肅清知府楊楷等升敘有差○

壬辰諭內閣軍機大臣會同戶部兵部議奏。經畧額勒登保等陳請酌減陝安鎮等營馬匹。調濟兵食並懇恩加給糧價一摺。該經畧等奏請陝安寧陝等營馬步守兵。每月每名加米三斗折銀五錢馬兵馬乾加賞銀三錢。按照定例多有加增。但此時辦理善後事宜。兵食尤關緊要。該經畧等連年親身目擊。自係實在情形。所有加增餉銀五萬一千餘兩。著加恩賞給。俟三年後停止。至所請三年後寧陝漢中各營均照陝安鎮加給米折馬乾。永遠為制之處。俟三年後察看情形再行請旨。○又諭本日周興岱奏因大考屆期陳明年老有疾懇恩休致一摺。所奏非是。周興岱學問本屬平常。從前在編修任內大考時即曾列四等。茲又隔十餘年自更形荒落。上年伊由侍郎典試江西獲咎。經部議以革職。朕特加恩用為翰林院侍讀學士。此次大考周興岱本應與試。若隨眾較藝。即使考列下等。

或尚可酌量施恩。今一聞大考之信。輒冒昧奏懇乞休。據稱去冬病目數旬。眼力昏花。今春又復重感風邪。尚未痊愈。如果屬實。即應早為請假乞休。何待聞知大考始行奏懇耶。設此時尚無大考之信。伊自必覲顏戀棧。濫廁清班。尤屬有心取巧。且伊雖曾任大員。現已降補讀學。即有所陳請亦應於掌院前具呈代奏。乃自行摺奏。亦屬越分。周興岱懇請休致。既稱老病不能應考。即著勒令休致。

癸巳德楞泰奏報殲斃首逆劉渣翦子拔藍翎軍功胡超為千總賞鄉勇胡貴等藍翎七品頂帶餘升敘有差。○以勦賊失利降甘肅肅州鎮總兵官張績為都司革花翎。○以理藩院右侍郎佛爾爾額署庫倫辦事大臣。○旌表守正被戕湖南清泉縣民唐義宙聘妻龍氏守正捐軀安徽阜陽縣民梁進玉妻張氏河南封邱縣民張有幅妻陳氏。○甲午上還宮。○以廣西慶遠協副將王兆夢為甘肅

肅州鎮總兵官○旌表守正被戕湖北穀城縣民彭谷順妻朱氏

寶錄卷一百九

事

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十

救修

嘉慶八年癸亥三月乙未朔

上御太和殿視朝王以下文武升轉各官謝恩
丙申

上御乾清門聽政。大考翰林院詹事府各官。
於乾清宮。以通政使司副使周廷棟為太
僕寺卿。○丁酉。

上幸圓明園 戊戌諭內閣秦承恩奏請將江
西省帶徵漕糧分別起運酌留以省造辦剝
船經費一摺斷不可行據稱江西省上年緩
徵漕米今秋帶徵完納之後漕船不能同時

並運若造辦剝船又滋糜費查該省現在常平倉穀多有缺額請將帶徵漕米賞留一半以省採買仍將採買價銀解京收買旗丁餘米等語各省應徵漕米為天庾正供每年徵收完納之後皆應全數運通即使倉貯十分豐裕亦當源源輓運以資儲備近年間有因地方水旱災侵及軍需緊要曾經降旨截漕非可引為常例豈有因常平缺額輒將太倉之粟任意截留彌補之理若有漕省分相率

效尤成何事體至所云新舊兩漕不能並運試思該省緩徵漕米非止一次向來帶徵全完之後各幫船如何帶運赴通豈無舊定章程可以遵辦其各省旗丁兌剩餘米向准在通糶賣原所以卹丁惠民若如秦承恩所奏將該省常平糶價等銀解交直隸總督在通收買則餘米盡數歸倉於京師市價民食豈不更有妨礙所奏實屬非是秦承恩係朕棄瑕錄用之人地方公事尤應實心經理乃於

運京漕米並不籌辦妥協欲借以彌補倉廩殊為取巧秦承恩著傳旨申飭所有此項米石應如何帶運之處著交戶部妥議具奏尋議奏江西省嘉慶七年分緩徵漕米請分作兩年帶徵配運除先儘額設漕船酌量均勻派搭外其餘剩米石照向例令旗丁雇船足運從之 以兵部左侍郎成書為繕譯會試知貢舉工部尚書縉布為滿洲繙譯正考官刑部右侍郎賡音為副考官理藩院尚書博

興為蒙古考官 己亥諭內閣此次考試翰詹各官按其文字優劣分為四等一等三員二等三十員三等三十九員四等三員一等之編修陳嵩慶著升授侍講學士吳鼎著升授侍讀王引之著升授侍講二等之編修鮑桂星著升授右中允編修王鼎著升授左贊善右贊善周系英著升授左中允編修李潢著升授右贊善左庶子陳希曾著升授侍讀學士侍講學士萬承風著轉補侍讀學士右

庶子周兆基著升授侍講學士侍讀學士莫晉著賞緞二疋洗馬施杓少詹事茅元銘各賞緞一疋均著交軍機處記名遇有應升缺出題奏檢討張問陶編修李錫恭杜壻吳榮光汪守和蔡之定陳崇本孔昭虔著各賞緞一疋及名在二等未經升賞者俱著照例記名遇缺題奏其考列三等之侍講學士王宗誠著降為左庶子侍讀學士汪滋畹著降為右庶子洗馬那爾豐阿著降為右中允左贊善趙未彤著降為檢討侍講貴慶著降為左贊善左中允楊祖純著降為編修右中允杜南崇著降為檢討侍講學士法式善著降為右贊善編修陳蘭疇楊世英陸言汪如淵劉奕煜王鍾吉汪潤之袁名曜陸泌均著罰俸半年檢討常英編修毛謨花杰胡大成戴殿泗均著罰俸一年其考列四等之編修程國仁著罰俸三年編修何泌侍讀學士延弼均著原品休致其繙譯考列一等之侍讀成格

著升授侍讀學士其考列二等之右庶子賡泰著升授侍講學士其考列三等之左庶子扎蘭泰著罰俸半年左中允保麟著罰俸一年其考列四等之右中允圖明阿著以六部筆帖式用侍讀學士德蘊著原品休致餘俱照舊供職該員等其各績學勵行以副朕教誨成全至意予故輔國公恒謹祭葬如例○庚子諭內閣此次大考翰詹洗馬那爾豐阿侍講貴慶侍講學士法式善俱考列三等分別降補中允贊善向例滿洲內班翰林均不升轉中允贊善遇有缺出專由外班揀選補授朕思漢缺中允贊善定為編檢升階滿洲翰林品級與漢缺一例嗣後遇有滿中允贊善缺出著先儘編檢論俸升補以次遞轉如內班無人再由外班揀選其侍讀侍講缺出應用內班者先儘內班之中允贊善升用如內班中贊無人仍准其以編檢升補所有那爾豐阿貴慶法式善三人即著歸入內班

升轉○又諭惠齡奏本年奉旨查閱陝甘營伍事宜自入春以來甘省各營將備紛紛呈請告病乞休殊涉規避現經咨會署提督蘇寧阿就近查明分別叅革治罪等語向來軍政之年不准告病原以杜武員規避之漸其奉旨查閱營伍年分事關考覈即與軍政無異該營員如果自揣老病何不及早呈明必待臨時始行具報其戀棧規避情節顯然若不定章程無以整肅戎政所有此次甘肅省告病乞休各員著即照該督所奏交署提督蘇寧阿就近調驗分別懲辦不可稍有瞻顧嗣後各省凡遇奉旨查閱營伍之年均著照舉行軍政之例不准告病乞休違者照例叅辦著為令○旌表守正捐軀河南唐縣民張塊聘妻趙氏○辛丑諭內閣顏檢奏直隸災賑事宜未能悉符成例懇恩覈實報銷一摺前歲直隸被水本重非尋常災賑可比一切需費不能按照成例前曾降旨將南城採

買麵麥等項銀錢加恩准其報銷今該督所奏若交部覈議仍必按例議駁但念俱係實在情形所有撫卹摘賑加賑等項均著加恩各照實在所放銀米之數造冊報銷其採買不敷米石亦著照實在市價開報該督務當督飭屬員覈實辦理毋得因有此旨致啟浮冒之弊 轉京營右翼總兵長齡為左翼總兵以吏部右侍郎范建豐兼右翼總兵旌表守正捐軀河南葉縣民孫羊羣妻齊氏 壬寅諭內閣禮部呈遞科場條例於起送會試條下聲明教官降為雜職者其未經得缺以前請改照候補候選人員之例由舉人出身者俱准其會試由貢生出身者俱准其鄉試增入新例等語殊屬非是敎職一項降調佐雜等官向不准其鄉會試原因其緣事鐫級已呈吏議與在部候補候選人員例得應試者迥不相同况節年各省敎官降為雜職遇有呈請應試者均經批駁有案若因其由

舉貢出身降調執請准其應試顯與定例不符禮部堂官於條例內率行增入未免心存邀譽俱著傳旨申飭此後教官降為雜職人員不准應試仍著照舊例行免福建積年民欠社穀龍溪縣被水漂失倉穀免陝西民欠鹽課貸漢中興安商三府州屬貧民折色口糧 癸卯

上幸靜明園詣

龍神廟拈香 諭內閣向來

天壇神樂署兩廊以外空地有太常寺官生建屋居住並租給鋪戶收息以為貼補當差修理之用但

郊壇重地理宜內外肅清自不便任聽該官生率行租給平民在彼貿易惟相沿已久若驟令搬移則現在開設店鋪之人資本貨物恐多拋棄著照長麟等所請即令步軍統領順天府衙門於

天壇外圍牆之外指定隙地一處准令各官生

等將

壇內自建房間移於牆外仍准其收租貼補該鋪戶民人亦可不致失業其該衙門未經指定飭令搬移以前不必遽行驅逐餘依議予廣東出洋淹斃兵丁林鳳等一百二十三名賞卹如例戶部議准陝甘總督惠齡疏報甘肅山丹縣開墾田七頃有奇照例升科從之○甲辰諭內閣本日宗人府刑部具奏會審民人趙四等夥同圖騙車輛驟隻殺死車夫楊五分別定擬並聲明慶成係保開散宗室請旨定奪一摺此案趙四起意與周八商同誑騙車輛驟隻旋邀韓四同慶成保至酒店沽飲趙四道及東安門板橋河東地方僻靜欲於夜間借接收生婆為名將趕車人誑到彼處下手殺害得車輛驟隻賣錢分用趙四隨與韓四往買尖刀一把趙四插帶腰間至更餘時雇得楊五驟車一輛趙四慶成保與楊五同坐車上周八韓四在後尾隨行

至中途趙四捏稱先往收生婆家說知令楊五在彼等候時慶成保蹲在車邊韓四周八隨後走到趙四潛自走回見楊五橫轅車轆遂拔刀向楊五脊脊處所很扎兩下當即滾仆在地韓四趕揪髮辮令慶成保按其兩腿趙四復用刀混扎楊五立時殞命其時周八因看守車驛未曾動手是此事實係趙四韓四起意圖財謀命其用刀疊扎時楊五即滾跌倒地傷重可知即無加功之人已足斃命

況車輛係趙四獨自趕回寄放拉驛行走即以得財而論亦係趙四情節尤重自應將該犯坐以為首重罪趙四著即處斬梟示其揪扭髮辮之韓四係屬加功亦著按例即行處斬。周八並未近前動手著照擬斬候仍入於本年秋審情實辦理至慶成保曾將楊五兩腿按住亦係加功但該犯本非起意謀命賊物亦未入手且究係宗室慶成保著改為絞候交宗人府牢固監禁亦入於本年秋審情

實辦理其寄放車輛訊不知情之佟大著即釋回本日敬閱乾隆二十二年十月

皇考高宗純皇帝實錄恭載

諭旨一道以人命關天必期生死兩無所憾若徒為生者力為保全則死者且重被冤抑生者之命可惜死者獨非命乎在督撫州縣等以為如此辦理可使該犯留一綫之生而部臣定擬亦以已成之案樂於從寬完結不知事關刑獄務期情罪允當有意從寬與有意

從嚴其為刑罰不中一也恭繹

聖訓實為勅法用刑之準朕曾經屢諭內外問刑衙門於刑名案件惟當衡情定罪不可稍存偏倚適與

皇考訓諭符合即如辦理此案亦以慶成保情節較之趙四韓四稍有不同是以姑從末減嗣後內外問刑衙門於一切讞獄總當持平論斷固不可有意從嚴亦不可有意從寬以副朕明慎協中至意特將此案辦理緣由通

諭知之。諭軍機大臣等本日據額勒登保奏通籌三省大局一摺閱之實深煩悶益增焦急據稱設營築城實可制賊奔逃試思現在零星散竄之賊皆不過在深山老林潛匿冀延殘喘即從前大股賊匪亦並未敢攻撲城池占據寨砦此時即使擇要興築設兵駐守賊匪知有兵防早經遠道遠避官兵安能制其死命况寨砦百姓各處散布遇有零匪竄至尚可就地擒拏若如額勒登保所奏城營修整即可將附近寨砦百姓遷徙入城是直將民田廬舍委之賊匪而賊蹤所至無人抵禦更得來往自如乃轉稱賊匪不敢由彼奔突乎至所稱興築工程更可以工代賑一節無論久經從賊習慣搶掠者斷不肯勤苦工作圖趁口食即使果有窮蹙潰敗暫思傭趁之賊而有工時為民無工時即可為賊至如摺內稱各處裁撤鄉勇送回本籍後不能謀生現仍有隨營覓食充當夫役之人若

以工代賑兼可收養遊民設將來工程完竣亦難保遊民不仍散為賊額勒登保又將如何安置乎又據稱統計川陝兩省城營各工約需銀四十萬兩如蒙恩給發督撫及時趕辦額勒登保並可就近查覈督催等語尤為紕繆額勒登保總統師于自應以戢暴安民為己任乃不思辦賊轉欲監工豈經畧重任僅在監督工程抑伊專辦工程又另派人前往代辦經畧之任乎七年以來所奏之摺從無似此次不通事體之至且據摺內稱陝省兵勇共有三萬餘人川楚尚不止此統計零匪不過千四五百人是各路兵力較之賊數多至數十餘倍何難迅掃餘氛力圖肅清昨經疊降諭旨令伊於麥秋前將餘匪一律肅清乃摺內稱秋閒定可觀成其意直欲遲至秋閒始能淨盡豈此數月內額勒登保竟任零匪東奔西竄唯以督工為亟耶看來額勒登保竟不盡心辦賊殊負委任本應全行黜

革姑念八載勤勞向著勲績著暫留任以觀後效先行革去御前大臣並紫纓仍授御前侍衛傳旨嚴行申飭額勒登保於漢文素非通曉摺內以工代賑諸語斷不能解此必係三省督撫及不肖地方官因軍需不能報銷希圖借此延緩額勒登保受其懲愆故為此奏從前屢有人在朕前言及軍務日久未竣之故總由於此彼時朕原不肯輕信今閱所奏竟不免有此情弊額勒登保誤聽浮言咎

無可諉但此事究竟係何人主見並著明白覆奏○贈四川陣亡甘肅提督穆克登布二等男遣御前侍衛扎克塔爾帶領侍衛十員往奠茶酒予祭葬諡剛烈○乙巳

孝賢純皇后忌辰遣官祭

裕陵○改河南北岸上北同知為祥符北岸河務同知衛輝府糧河通判為上北衛糧河務通判南岸睢州上汎千總為懷河營北岸陽封守備下北廳屬祥陳把總為南岸睢州上

汎把總上北廳屬祥封把總為祥符上汎把總添設祥陳下汎封邱汎外委各一員從署東河河道總督嵇承志請也○丙午以不入八分公永琨子綿仲承襲三等鎮國將軍旌表守正捐軀河南許州民馬千里妻周氏○免雲南緬寧廳民應還常平倉穀丁未禮部以繙譯會試中額請得旨滿洲取中十三名蒙古取中三名己酉諭內閣此次大考翰詹原因向來每隔數年即大考一次是

以循例舉行其考列前三名者予以超擢此外考列二等各員或量升一階或賞給緞疋即考居三等後者亦不過降等錄用或分別罰俸稍示薄懲此內有曾任大員如李潢吳省蘭周興岱三人其才具皆所素悉豈尚復以一試定其優劣如果有欲行罷斥之員何難明降諭旨又豈必以考校翰林加之澄汰耶現在考試前列各員中亦無朕所素識者是大考黜陟朕全無所容心於其閒乃周興

岱見有大考諭旨率行陳奏懇請休致試思周興岱平日學問雖不如李潢吳省蘭伊二人現俱考列二等李潢在前量擢贊善吳省蘭在後亦照例候升周興岱若果與考安知其不倖居前列或轉得邀升擢即使考居後等朕尚可加恩或不予降調即降調亦不至於廢棄特因周興岱自請休致是以降旨勒休咎實由於自取但念伊父周煌曾任上書房總師傅周興岱前在南書房行走稍有筆

墨微勞著加恩賞給編修准其在館効力○又諭那彥寶奏查明交代遲延各員請旨覈辦一摺向來州縣交代例限綦嚴乃查雲南各屬竟有逾限數月及二三年以上未經結報者共積至四十餘案之多滇省吏治廢弛已可概見此總由已革藩司陳孝昇在任年久諸事因循既不嚴催於前又不揭叅於後遂致各該員將交代事件任意稽延而該管督撫等亦不實力整飭均難辭咎自應逐案

示懲但現據那彥寶開具例應革職降調各員名單不下七十餘員若概行褫職鍰級均另易生手人數過多著將原單發交吏部按其逾限時日分別詳議具奏俟部議上時再降諭旨尋部議以照例議處請得旨吏部議覆那彥寶奏交代遲延各員一摺將逾限年分久暫分別革職降調固屬照例辦理但若概行褫職鍰級人數未免過多所有逾限兩年以上之唐祖樾王子音張登第王禹甸

逾限三年以上之張德基均著照例革職其逾限半年以上之朱久括等十員逾限一年以上之蕭大經等六員均著加恩改為革職留任至失察之該管各上司總督琅玕前任巡撫初彭齡俱照例降一級留任其餘翟槐等十三員俱著加恩改為降三級從寬留任餘依議○命病痊來京原任直隸總督陳大文○以頭品頂帶署吏部右侍郎○庚戌諭內閣給事中汪鏞奏稱刑部接收步軍統領以

及五城送到案犯將牽連待質之人時或繫繫在獄並輕罪笞杖等犯於訊供後不暫行發保遂致久淹囹圄請勅部酌量案情分別寧釋以寓矜恤一摺所奏尚是辦理刑名事件原應細覈案情之大小隨到隨辦遵照定限依期完結庶一應牽連待質人證不至久羈犴獄有拖累疾死情事所謂明慎用刑而不留獄實欽恤之先務也惟治獄固期敏速然亦不可急圖完結致有草率又不免有冤

抑矣其案內應行詳加研鞫並一切應備質訊之人原當悉心推究但勿令株連拖累耳至接收人犯內或應鎖禁或應散收或應保釋自有一定章程豈能任意輕重其鎖禁之犯均按照情罪重輕分用一路三路成例本自昭然並非漫無區別此惟在該部堂官平日督率司員於各司當月及承審事件務當詳覈案情分別妥辦毋任胥役等從中需索牽累無辜以副朕矜恤庶獄至意○辛亥諭

內閣向來繙譯鄉會試照文鄉會試之例辦理簡派大臣及執事官多員以昭慎重但此項應試人數無多究與文闈春秋兩試有間本日據繙譯會試考官縉布奏稱從前鄂爾泰曾經條陳繙譯鄉會試請附春秋兩闈於頭場考畢後將應試繙譯人等隨同士子進二三場另號局試曾議准行旋復照舊例另場考試等語繙譯鄉會試歸併文闈考試除添派試官外此外無庸另派多員於一切支

應較為簡便而防範亦更周密著禮部詳查此例於何時准行於何年停止並嗣後遇有繙譯鄉會試是否可以歸併文闈春秋兩試及應如何酌定章程之處一併妥議具奏尋議奏事宜五條一年分宜通融歸併舊例鄉會文場三年一舉繙譯鄉會試五年一舉彼此參差難以歸一應如侍郎賡音所奏改為三年一舉如遇恩科亦一體加恩一號舍宜量為區別繙譯與文場事體各殊若令同號

而居恐生別故擬以內龍門左右兩旁六號為繙譯舉子坐號庶與文場舉子兩不相混一試期宜量為挪移鄉會試之弊實多在頭場擬請照鄂爾泰原議於會試二場點進繙譯頭場會試三場點進繙譯二場至順天鄉試頭二場人數衆多繙譯祇考一場應請於三場點進一閱卷宜酌復舊制查乾隆七年議准繙譯試卷照迴避卷例請旨另派大臣閱看擬定封進恭候欽定中式擬請每科繙譯完場後由監臨知貢舉封固送交軍機處請旨特派大臣校閱鄉試人數較多照殿試例在文華殿閱看會試人數較少照朝考例在內廷閱看一關防宜有分別凡內廷閱卷禁籟森嚴可不必再加防範惟文華殿閱卷地在外廷且係住宿二三日關防不可不嚴擬請欽派滿漢御史四員巡視稽查從之旌表守正被戕直隸涿州民孫傑妻王氏○壬子

上詣

安佑官行禮（舉行嘉慶七年大計江蘇卓異官十五員不謹官一員才力不及官二員年老官二員安徽卓異官六員才力不及官三員有疾官二員年老官一員湖北卓異官五員才力不及官一員有疾官四員年老官七員雲南卓異官八員才力不及官二員有疾官二員年老官四員分別議敘處分如例）旌表守正捐軀河南葉縣民蘇保妻董氏○給廣東會匪滋擾之博羅永安二縣難民籽種（癸丑予湖北陣亡總兵官王懋賞侍衛塔津保叅將常羣胥泗起遊擊高承耀副前鋒叅領阜祿都司胡宗典楊永順鄒宗夔馬相周長泰黑達色陸世元守備張建業鄭憲恩賈龍圖謝貴方雲超倪聯清雲騎尉韋正榮驍騎校烏爾恭保千總牛振標趙勝得馬世龍馬國良莫正魁黎振華李成俊把總王朝宗柴大貴黃勝照黃遇龍蘇林劉成榮韋

應宗農永明高承桂王開榮杭圻外委胡殿	韜陳元弼劉光祖黃玉林周中和蕭步雲傷	亡外委龔正宣陝西陣亡遊擊傅廷剛徐延	齡祭葬世職披甲多樂保等三名兵丁周連	城等二百三十九名鄉勇余發祥等一百二	十六名賞卹如例○甲寅調江西布政使廣	厚為廣東布政使廣東布政使康基田為江	西布政使○免湖北被賊滋擾之蒲圻崇陽	黃陂孝感黃安鍾祥京山安陸應城隨應山	江陵枝江宜都襄陽棗陽宜城南漳均光化	穀城鄖鄖西房保康竹山竹谿東湖歸興山	長陽巴東鶴峯長樂恩施宣恩來鳳咸豐建	始荆門當陽遠安四十二州縣各衛所及鄰	近賊氛之江夏咸寧嘉魚通城漢陽漢川沔	陽黃岡麻城潛江天門雲夢公安石首監利	松滋十六州縣並各衛所緩帶借欠銀米有	差緩徵武昌興國大冶通山蘄水羅田蘄廣	濟黃梅九州縣及各衛所借欠銀米○乙卯
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------

命於	黑龍潭	覺生寺設壇祈雨○丁巳	上詣	覺生寺拈香○改直隸涿州管河吏目為北	岸三工巡檢霸州管河吏目為北岸六工巡	檢滄州減河吏目為滄州風化店減河巡檢	專管河務從總督顏檢請也○命喀喇沁貝	勒丹巴多爾濟在紫禁城內騎馬仍賞紫纒	○戊午	上詣	黑龍潭拈香○陝西巡撫祖之望奏辦理商	州匪徒完竣賞出力寨首李維翰俞祿萬廖	鳳池八品頂帶○己未免湖北荊州駐防兵	丁出師湖南借支整裝銀○辛酉	上幸靜明園詣	龍神廟拈香○壬戌以翰林院侍讀學士成	格侍講學士莫晉充日講起居注官侍讀學
----	-----	------------	----	-------------------	-------------------	-------------------	-------------------	-------------------	-----	----	-------------------	-------------------	-------------------	---------------	--------	-------------------	-------------------

士陳嵩慶侍讀吳鼎侍講王引之署日講起居注官○廣西慶遠府屬永定土司韋爾昌因病告替以其子兆熊襲職除江蘇婁縣坍沒田一十三頃九十畝有奇額賦癸亥諭內閣本日據綿恩等會同議奏稽查禁門及行在扈衛各事宜一摺已降旨依議並飭令改正頒行矣適恭閱

皇考高宗純皇帝實錄乾隆二十三年六月內有瘋顛僧人持刀入東華門一事經軍機大

臣會同刑部議將未經攔阻之東華門進班護軍叅領等分別定擬並將護軍校護軍等擬絞欽奉

諭旨護軍叅領護軍校護軍等看守禁門係其專責似此瘋疾之人強行入內當經以棍擊斃或以刃砍傷俱分所當然乃守禦多人竟不能一為攔阻如軍前遇敵諒不過恒怯奔潰而已尚能奮勇殺賊乎此即應如所奏亦無不可但積習日久實未嘗經歷此等事件

且人數衆多著加恩將擬絞之護軍校努爾瑚訥長玉護軍福森保等十六人俱行寬免發往拉林阿勒楚喀餘依議此係朕格外恩施嗣後看守禁門之章京護軍校護軍等各宜勤慎當差嚴為守衛儻訓飭後如仍前怠玩偷安一經查出必從重治罪決不姑貸不可因此次加恩妄生希冀也將此旨著八旗護軍統領書於木牌凡進班之處俱行懸掛悉令進班人等知之欽此仰見

皇考準情定法垂誠諄諄至意因思前月逆犯陳德手持小刀直入神武門於朕進宮時突出逞兇拒捕扎傷御前親近王大臣較之瘋顛僧人持刀入東華門其情罪尤為重大然彼時未經攔阻之該管護軍校護軍等均經擬絞仰荷

皇考特恩分別發遣而此次逆犯陳德進東華門繞至神武門該管護軍章京護軍等不能先事查拏經朕降旨分別懲處止於革退枷

責其最重之賢福一人亦不過發往熱河披甲實係朕法外施仁逾格寬宥嗣後禁城各門該管之進班大臣章京護軍等惟當各思感奮按照所定章程實力奉行小心守護儻日久因循不思職守致有廢弛必當重治其罪不能曲邀寬貸至前蒙

皇考諭令將所奉

諭旨書於木牌懸掛進班處所原欲使大臣官兵等觸目警心恪恭盡職今閱時既久此項

木牌因已損壞並不懸掛以致進班人等不知儆惕漸就懈弛著前鋒統領護軍統領等敬將前奉

皇考諭旨恭錄一通並朕此次所降諭旨一併書於木牌在各進班處所敬謹懸掛俾知遵守勿替以副朕訓誡成全之意○德楞泰奏請獎勵軍營出力人員擢知縣劉遷為同知賞遊擊張紹緒都司瞿心能守備王正剛花翎把總胡魁等藍翎○加賞安徽按察使珠

隆阿巴圖魯名號並朝珠銀幣以在宿州勦賊出力也 旌表守正捐軀湖北襄陽縣民牛定谷妻吳氏 予湖北陣亡兵丁陳有等四十一名賞卹如例 甲子諭內閣給事中曹錫齡奏請禁匿名揭帖一摺據稱律載凡投帖隱匿姓名告言人罪者雖實亦置之重典見者即便燒燬無庸辦理即如陳德一案為天下所共憤近聞有匿名揭帖任意株連致被告之人輾轉繫獄如果屬實罪無可逭

萬一俱屬子虛則告者方蕭然事外而無辜者已受桎梏之苦乞勅下法司仍照舊例辦理等語所奏全無良心殊不成話投匿名文書告言人罪一條載在令甲原指挾有嫌怨因而訐人陰私或捏造尋常款蹟陷人得罪而言至於指稱叛逆則非尋常款蹟可比前據誠存奏稱伊家拾有匿名揭帖內稱筆帖式興德保父子曾與逆犯陳德熟識往來現在尚有陳德夥黨在外勾結情事等語如此

重情若見者即便燒燬無論事果屬實設別經發覺後究出曾在某處投遞揭帖未經申理罪不可當即身為職官見有首告謀逆之事竟忍置之不理於心安乎譬如人詈己之父母竟置而不問可乎况良莠不齊盛明之世亦難保無梟獍之徒即如陳德一犯在禁城內持刀逞兇又豈事理之所應有乃今竟有其人則投告此等重情事件如誠存為滿洲世僕豈忍不奏即朕亦不得不辦若所告

實錄卷一百一

十一

果實安得拘泥雖實不坐之條竟置勿論儻係告者有心誣陷自當根訊確實務得造言之人治以誣告大逆之罪庶使奸徒有所懲儆是審理此等匿名揭帖正所以申雪誣枉嚴杜告訐於律意本屬並行不悖况誠存初奏時當經召見詢問看伊人本樸實自無妄希見好之心且伊亦稱此必係挾仇誣害者所為當即諭令祿康等將興德保父子傳到伊等請將興德保解任尚未准行迨經軍機

大臣會同刑部堂官訊問興德保父子實無與陳德往來情事復諭令詳詢興德保父子令將與伊等素有嫌隙之人一一指出以便根究得實為之申理亦並未將被告之人輒轉繫獄致有苦受桎梏之事該給事中不知詳悉遽以入奏亦太不曉事矣曹錫齡著傳旨申飭並著將原摺擲還至此案前經軍機大臣會同刑部堂官在圓明園訊出大概情形後於二十五日交與現在城內刑部各堂官在署審訊今已閱五六日尚未得有確實情節頗屬遲緩仍著在城內刑部各堂官速行研鞫並著步軍統領衙門詳密訪查務將此案投遞匿名揭帖之人設法究出審明定擬毋得再有稽延致欲顛預了事○是月密諭玉德李殿圖知朕聞姜開陽年紀老邁記性日拙精神日衰藩司為通省領袖豈可任其戀棧因循汝二人速即公同密奏候朕裁酌又聞省漳泉二府最為難治而泉又甚於漳

實錄卷一百一

十一

總須培養出幾箇好府州縣官來庶幾可望
移風易俗如知府王紹蘭守清政勤馮國柄
民懷吏畏徐如瀾精明強幹吳裕仁善於控
制孫樹南勤於緝捕此數人似乎可用佐貳
中柳成梅亦得民心高叔祥官聲頗好朕所
聞如此汝等亦當留心體察得一賢員闔邑
蒙福庇一劣員合郡受禍近年以來各省督
撫奉公守法者居多但止知潔己未能用人
所以政不行而民益困頗有大法小不廉之
弊有何益處汝等患在不知人斯所以不能
安民亟須勉之硃批即速繳上特諭

實錄卷一百十

十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十

實錄卷一百十

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十一

[illegible]

嘉慶八年癸亥夏四月乙丑朔享

太廟遣肅親王永錫恭代行禮諭軍機大臣等額勒登保奏截勒合夥股匪雖稍有斬獲尚未辦竣一股額勒登保當嚴飭帶兵將領務將勒敗所剩零匪確探窮追不留餘孽如能於四月內一律歲事則不但復還御前大臣賞還紫纁並當再予加恩功過惟汝自取朕從無成見况據覆奏現在帶兵將領足數分派陝省征防官弁兵勇尚有三萬餘名較之千餘賊數幾二十餘倍以多擊少有何難

辦惟三萬餘名兵勇內隨征者僅有六千餘名其餘分撥防堵者轉有二萬餘名在各路緊要隘口自宜駐兵防守但未必處處均屬隘要而兵勇等日久閒居即趨健者亦轉形疲弱莫若於此項防堵將備兵勇內挑選勇健者派令隨營搜剿或就各該處地勢察看有可將卡隘量為移近緊逼堵剿之處則需兵較少亦可騰出防兵作為征兵於捕賊更為有益此皆經畧分內應辦之事額勒登保未見及此即伊不能通盤籌畫之咎現在零匪雖屬無多而輾轉奔竄狡猾異常此時惟當痛加剿戮不必再事招撫轉致稽延將此傳諭知之○以甘肅河州鎮總兵官阜保為提督江南河標左營副將仙鶴林為河州鎮總兵官○免陝西被賊滋擾之南鄭孝義寧陝西鄉洋城固寧羌沔褒城留壩鳳畧陽安康漢陰石泉平利紫陽洵陽白河商鎮安山陽雒南商南咸寧長安藍屋鄠藍田渭南郿

扶風岐山寶雞隴汧陽華三十七廳州縣七
年以前民欠額賦鹽課常社倉糧承辦軍需
之咸陽興平醴泉臨潼高陵涇陽三原富平
耀同官潼關朝邑郃陽大荔澄城華陰韓城
白水蒲城鳳翔麟遊乾武功永壽郃長武淳
化二十七廳州縣舊欠銀糧十分之五並沿
邊轉運軍火之膚施安塞甘泉安定保安宜
川延川延長靖邊定邊榆林葭懷遠神木府
谷綏德清澗米脂吳堡鄜洛川中部宜君二

十三廳州縣未完常社倉糧籽種十分之五

○丙寅

上御勤政殿聽政○諭內閣四庫全書內恭繕
皇考高宗純皇帝聖製詩文存貯諸閣

奎文炳煥垂示萬古惟

聖製詩自四集以後文自二集以後俱未繕寫
恭貯理宜敬謹增入此外如

八旬萬壽盛典及續辦方畧紀畧等書亦應一
體繕入度藏尚書紀昀係纂辦四庫全書熟

手著即詳悉查明開單具奏○又諭戶部奏
各省未完嘉慶六年分正賦等項銀兩請勒
限完交一摺地方各項錢糧乃國家惟正之
供自應各按年月儘收儘解乃嘉慶六年分
尚有未完正賦耗羨雜稅及歷年帶徵等項
共一千一百二十七萬六千餘兩均係七年
分應徵及本年四月奏銷以前應完之款豈
容任意拖欠著傳諭各督撫即行嚴飭地方
官務將此等積欠銀兩迅速徵解照該部定

限於本年十月內全數徵完以清帑項儻仍
前因循輾轉巧為彌縫抑或徵不足數藉詞
延宕即著該部將經手之員指名嚴叅懲辦
不貸餘均著照議行○又諭前據誠存奏稱
伊家拾有匿名揭帖一紙內稱興德保父子
曾與逆犯陳德往來現在尚有勾結情事等
語當經發交軍機大臣會同刑部嚴審現已
將投遞匿名揭帖之正犯兆昌訊出確情實
係挾仇誣陷此等匿名控告重情之案朕所

以審辦者正恐訐告之風不止必至累及無辜是以必欲將控告之人究出懲治即如前日步軍統領衙門請將被控之興德保解任朕並未准行僅將筆跡可疑之兆昌一犯指名嚴訊數日之內不用刑求遂得實情此外亦毫無株累且呈內所稱陳德夥黨等語若不審明捏控實情其事轉涉疑似何如究出虛誣使人共曉耶兆昌挾仇陷害竟至以大逆誣人若任令漏網彼無知妄作又將別滋事端豈可不懲一儆百乎至誠存於拾到匿名揭帖即據實奏辦尚有良心著加恩交部議敘給事中曹錫齡前奏請停止查辦此案竟屬全無良心本應將伊交部議處姑念其職係言官施恩寬免著將辦理緣由先行通諭知之諭軍機大臣等勒保奏叅將羅思舉所追之賊七八十人將劉清所差軍功李植德僧人通添等戕害旋即竄走等語前次該督曾奏及劉清往南江招撫一節當經諭

以賊匪狡詐雖當十分窮蹙之時安知不以悔罪之詞為緩兵之計飭令勒保上緊勦拏不必稍存觀望今閱所奏果不出朕之所料劉清本應治罪姑念平日官聲清潔暫從寬免總之此等匪徒怙惡不悛投誠本不足信現在祇應剴絕根株方為正辦不必再主招撫之說以致有誤勦辦機宜並著勒保嚴飭劉清當督率團勇認真搜捕儻再輕信賊匪之言仍事招撫致該匪等得以延喘奔逃輟轉滋擾必將劉清治罪不貸將此諭令知之又諭台布奏青海河北二十五旗王索諾木多爾濟等前來西寧遞呈以循貴番賊強橫疊次搶掠懇求辦理台布飭令自行振作護衛游牧等語前曾節降諭旨令各蒙古振作自強不得專恃內地官兵代為防護台布於蒙古遞呈時當即面加駁飭固屬正理但據另片奏貝子齊默特丹巴呈報三月內有番賊前來搶掠將伊捉住剝去帽頂衣服鎗

斃伊妻。鎗傷伊媳。拏去蒙古男婦五名。口並馬牛羊隻俸銀緞匹口糧等項甚多。且索諾木多爾濟等陸續具報被搶牲畜約計馬三千五百餘匹。牛一萬七千餘頭。駝五百餘隻。羊十九萬一千餘隻。伊等所失牲畜。焉有如許之多。其呈報數目。自未必盡確。但番族等膽敢剝去貝子帽頂衣服。傷斃伊妻。擄掠人口。藐法已極。該處設立辦事大臣統轄蒙古番衆。俾資彈壓。即如內地州縣。遇有搶劫民

人案件。尚必官為查辦。若青海蒙古之貝子等現被番賊如此欺凌。竟置之不辦。非特使蒙古部落疑為袒護番衆。未免寒心。而番衆更必肆行無忌。益長刁風。成何事體。亦安用設立辦事大臣為耶。都爾嘉現已到任。該貝子等亦必向伊衙門呈告。惟所控各情。未知是否真確。著都爾嘉詳細訪查。如果實有其事。即應嚴行查辦。或令該番衆將為首之犯獻出。從嚴懲治。若不知畏罪。尚須懾以兵威。

都爾嘉酌量再行帶兵親往督辦。以儆兇頑。不可姑息了。事仍將如何辦理緣由先行具奏。嗣後遇有此等事件。應行陳奏者。俱著書寫漢字。其尋常事件。仍用清字。摺將此諭令知之。○大學士等議奏。此次新纂科場條例於

列聖廟諱恭避字樣。請勅該部謹遵。

高宗純皇帝欽定四庫全書於

聖祖仁皇帝聖諱下一字。用煜字恭代。

世宗憲皇帝聖諱下一字。用禎字恭代。並通行內外大小各衙門。一切官私文字。一體遵照書寫。從之。○命烏里雅蘇台叅贊大臣富俊留京。暫署鑲紅旗漢軍都統。賞已革廣東布政使常齡藍翎侍衛。為烏里雅蘇台叅贊大臣。尋命常齡改名常安。○調江南壽春鎮總兵官王集。為江西九江鎮總兵官。九江鎮總兵官德成。額為壽春鎮總兵官。○丁卯上還宮。○以常寧祀

天於

園丘自是日始齋戒三日○戊辰諭內閣長麟等奏凡遇恭祀

天壇例載陪祀之王公大臣下轎處本有參差請旨畫一辦理一摺係為慎重典禮規制起見所奏甚是

郊壇重地凡陪祀王公大臣禮宜倍加敬慎於頭層門外一體下轎但念漢大臣內有年老不能乘騎者若概令其於頭層門外下轎騎

馬進內或自揣恐有失跌藉詞告病以致陪祀人少殊非體制嗣後凡遇

天壇大祀儀親王成親王雖年未六十著加恩准其乘轎至二層門外其餘諸王以下及滿漢頭品大臣年至六十五以上者亦著加恩准其乘轎至二層門外仍各嚴飭家丁管束轎夫等毋許嘈雜儻有滋事之處惟各該王大臣是問此外頭品年未至六十五歲以上及二品大員均不准乘轎進頭層門以崇體

制而昭畫一○又諭凡遇

常雩禮及冬至

園丘大祀前一日朕詣齋宮前引大臣及護從侍衛等俱乘馬入

壇門過石坊直至朕降輦處始行下馬殊於體制未協嗣後凡遇進

壇所有前引大臣及護從侍衛等俱著於石坊外下馬次日禮成回蹕亦於石坊外上馬○

戶部議准直隸總督顏檢疏報宛平香河安

肅天津豐潤五縣開墾地二百十八頃三十畝有奇照例升科從之○己巳

上詣

南郊齋宮齋宿○庚午常雩祀

天於

園丘

上親詣行禮○辛圓明園○諭軍機大臣等孫玉庭奏接到阮福映回稟請旨遵行一摺覽奏俱悉阮福映以前次檄諭係出孫玉庭之

意未經奏聞。故此次仍以請封南越表文稟
懇代奏。朕閱其稟文。情詞委婉。極為恭順。所
稱該國先有越裳之地。今併有安南。不願忘
其世守。襲用安南舊名。自亦係實情。孫玉庭
即檄知該國長諭。以前此因來表請封國號。
名義未符。未敢冒昧具奏。今來稟詳述建國
始末。請錫新封。已據情奏聞。大皇帝奉有諭
旨。以該國長前此航海輸誠。恭繳阮光纘遺
棄舊

頒勅印。並縛獻海洋通盜。恪恭請命。具鑒惻忱。
茲請錫藩封。虔具表貢。特諭嘉納。至所請以
南越名國之處。該國先有越裳舊地。後有安
南全壤。天朝褒賜國封。著用越南二字。以越
字冠於上。仍其先世疆域。以南字列於下。表
其新錫藩封。且在百越之南。與古所稱南越
不致混淆。稱名既正。字義亦屬吉祥。可永承
天朝恩澤。現已令陪价等詣闕請封。所頒勅
印。即以此二字稱名。該國膺此嘉名。備位藩

服。更足顯榮。勿替。孫玉庭接奉此旨。一面檄
諭阮福映。一面即委員伴送該使臣恭齋表
貢進京。諭以天氣漸近暑熱。可緩程行走。以
示體卹。約於七月杪到京。彼時朕駐蹕避暑
山莊。正值哈薩克入覲。亦可令其一體與宴。
仍將該使臣自粵西起程日期。先行奏聞。將
此諭令知之。勒保奏報。叅將桂涵於高灘
場擒獲賊首宋國品。得旨嘉獎。升賞有差。
免甘肅被賊滋擾之隴西。寧遠。伏羌。安定。岷

會。寧通渭。西和。洮漳。平涼。靜寧。隆德。固原。秦
華。亭鹽茶。泰安。清水。禮徽。兩當。崇信。階。文。成。
靈臺。二十七廳州縣。並西固州。同三岔州。判
所屬及鄰近賊氛。供應軍糧之皋蘭。河狄道。
渭源。靖遠。金莊。浪。循。化。安化。寧正。寧合。水。環。
涇。鎮。原。寧夏。寧朔。中衛。平羅。靈。二十廳州縣。
並沙泥州。判。紅水縣。丞所屬。歷年民欠銀糧。
草束有差。○辛未。諭內閣。現在續行繕辦四
庫全書。前已諭令紀昀查明具奏。茲據將應

入各書開單呈覽並擬出事宜十條著添派慶桂董誥朱珪戴衢亨英和錢樾潘世恩會同紀昀經理並將應辦各事宜悉心妥議具奏○又諭本日軍機大臣會同刑部審擬兆昌投遞匿名呈詞誣告謀逆照律問擬斬候請旨即行正法一摺兆昌因家庭私恨欲圖申雪儘可到官呈訴求為剖斷乃假用他人名字捏寫興德保父子黨逆重情投遞呈詞冀圖拖累報復且書寫字句種種狂悖即照

議斬決亦屬情真罪當但此等誣控之案如被誣之家及其餘待質人證或有一人拖累斃命或在監因病致斃必當將誣告正犯立正刑誅幸此案誠存具奏之初朕早察其虛捏是以於興德保父子傳訊時即不准將興德保解任伊子剛亮剛安亦未革退差使並屢經指示軍機大臣及刑部堂官等惟應詳訊興德保等素有仇怨之人自可根究得實一切人證概勿刑求果據剛安將兆昌供明

到案數日之內不事刑求備得實情辦理尚為迅速不獨無拖累致斃之人即株連被逮久繫囹圄者亦無其事是此案並未干係人命該犯尚可姑緩其死兆昌著從寬改為應斬監候秋後處決○入於本年情實辦理至伊父剛柱明知兆昌素性乖張不能教導約束縱令其子另居滋事身陷法網且剛柱平素治家不正棄妻寵妾蕩踰閑檢行止有虧豈可尚膺官職剛柱著即照擬革職餘依議○

壬申

上幸萬壽山○諭軍機大臣等琅玕奏江外夷人圍拏首逆擒戮賊黨各情形一摺據稱隴戛一帶夷人攜家乞投共二百數十名口願將家口留營作質男丁仍回江外截拏首逆當經琅玕派撥夷勇帶同前往兜圍連次斃賊數十人擒獲恒乍綱妻母及妻弟二名並有老幼男婦百餘人哀籲乞投亦經量給口糧全行放回現據恒乍綱妻母供稱願將二

子留質伊單身過江找尋伊女密為商酌設法辦理等語所辦甚好且據稱該逆攜帶多人向不裹積糧食惟仗各寨隨時供應今經琅玕密諭各寨令於該逆就食時乘機縛獻看來該逆勢極窮蹙自可即就俘擒琅玕當迅速妥辦俟恒乍緹就擒後即將該逆凌遲處死在彼梟示俾江內江外夷人共知儆懼即可完案其擒獲該逆之夷人自當從重獎賞或奏請賞給頂帶以示鼓勵至恒乍緹之

妻及妻母妻弟等本例應緣坐之犯但既據該夷婦供稱本係江內獠獠被恒乍緹硬將伊女奪占為妻以致棄家失業儻該夷婦母女果能將恒乍緹設法獻出或別經擒獲後訊明該逆妻室實係奪占即當將夷婦及子女等一併釋回俾免株累其江外夷人等琅玕仍當出示曉諭以爾等本係向化夷人特因恒乍緹蠱惑滋事為所愚弄今官兵已將首逆擒獲正法其餘概不株連前此逃出乞

投之百餘人均經量給口食加恩釋回爾等嗣後當各安生業勉為善良以承天朝恩澤如此明白開導並一面加以撫卹該夷眾等自必心知感激安分守法則邊陲可以永靖又據另摺奏緬甸土司孟幹稟懇將腊蚌咱襲職一節覽布幹既附緬甸則腊蚌咱應否承襲土職應聽該國自行查辦其覽布幹送伊國王禮物尤與天朝毫無關涉何須該土司稟知况據稱腊蚌咱逃赴京城奏明大皇

帝賞給印信轉回原籍之語查明並無其事其捏飾已屬顯然至該土司稟內有伊國有事即行具稟天朝天朝如有應辦之事祈賞示知等語尤不成話該國係化外蠻夷如有應辦之事天朝既不必與聞至天朝政事豈有傳播外夷俾共聞知之理看來自係該國與暹羅構釁因見暹羅勢強思欲藉以乞援天朝助其聲勢乃作此隱躍之詞冀為地步殊屬狡詐且暹羅臣事天朝極為恭順揆諸

柔達字小之義亦不應干與其事琅玕惟應札諭駁飭以杜其續行瀆稟亦不必提及該國與暹羅構釁之事若不諭其意者然並將原稟及覺布幹與緬甸原文一併發還方為得體至伊致送象牙孔雀尾自應發還琅玕業經賞給緞匹足矣將此諭令知之○癸酉諭內閣彭元瑞奏染患腿疾未愈請假調理將本身職事派員署理一摺彭元瑞腿疾已逾三月尚未痊愈著加恩准其乞假俾得安心調理至伊現充

實錄館總裁一切事例素為熟悉雖在家養病纂辦之書仍可照常恭閱無庸派署即所兼翰林院掌院學士職司文字此外並無要務其稽察上諭處及各館總裁事務均無庸派員署理惟工部尚書每日有應辦事件彭元瑞現既不能進署誠恐照料未周所有工部尚書事務著陳大文署理陳大文原署吏部右侍郎事務仍著劉鏞之署理○予四川陝

西湖北陣亡都司李懷玉守備楊奎外委蘇衛疆土把總阿咱納外委谷巴扎舍祭葬世職如例武生李國英祭葬世職如千總例鄉勇陳世棠祭葬世職如外委例武生朱承鵬等二名兵丁唐受能等二十五名鄉勇胡連等一百九十五名土兵洛洛朗卡等五十一名賞卹如例○甲戌

上幸靜明園詣

龍神廟拈香○辛靜宜園駐蹕至戊寅皆如

之○乙亥諭內閣吳熊光奏兵丁折給長夫及外委加給鹽菜鄉勇日支口糧三款據稱楚省舊辦章程馬兵連長夫折給七十名步兵折夫五十名守兵折夫四十名川省奏定條例係綠營兵丁無論馬步守兵均折給長夫四十名又定例各官跟役只給口糧川省奏定章程因外委一項係屬微弁所得分例無幾特加給跟役每名鹽菜銀五錢又楚省鄉勇按月給銀二兩四錢不支口糧而陝省

鄉勇按月給銀一兩四錢日支口糧米一升請照川陝之例辦理等語此事若交部議自必照例議駁但念長夫鹽菜兩項該省改給已久未便復令更易現在鄉勇搜捕零匪多在老林窮谷無處買食尚係實在情形且川陝楚事同一律著加恩照所請行○賑陝西渭南華潼關華陰朝邑大荔六廳州縣上年被水災民並貸榆林縣被雹災民籽種○丙子諭軍機大臣等本日大理寺卿高星額由盛京差竣來京召見時據奏伊於關外路上見出關民人或係隻身或攜帶眷屬紛紛前往傭工貿易緣關外地方傭趨工價比內地較多若遇偏災年分山東直隸無業貧民均赴該處種地為生漸次搭蓋草房居住是以愈集愈眾現在一應物價因生齒日繁未免增貴惟米價較之內地尚為平減至該處旗人近因無業貧民出口種地者多究於生計不能充裕等語看來關外民人聚積日多物

價較前昂貴即所產米石有餘食之者眾其價亦必至增加於旗人生計未免有礙總由旗人等怠於耕作將地畝租給民人坐獲租息該民人即借此牟利著晉昌勸諭旗人或將現有地畝自行耕種或將未種荒地以次開墾俾各自食其力漸臻饒裕斷不可圖得一時租息將自有地畝盡租佃民人轉致生計缺乏至民人等出關後定例不准私墾私典旗人地畝並當出示查禁勿得陽奉陰違視為具文晉昌等務當公同商酌將如何妥為辦理之處據實奏聞○又諭德楞泰奏稱蒲尚佐等探有賊匪二百餘人現屯於交界之雙合寨該鎮將兵勇撤回讓出西面俟其果入再由東北向西南尾擊等語此時該匪既竄入楚界即當督率鎮將等就地殲除勿留餘孽若必讓出西面俟其入川再行兜截則往返徒費時日且安知該匪不更從別路折回似此輟轉跟追何時始能辦盡耶總之

川楚皆吾百姓豈厚於楚薄於川賊在何處即於何處痛勦為正辦豈可任其奔突轉增裹脅又延時日乎將此傳諭知之旌表守正捐軀河南項城縣民鄒費兒妻呂氏丁丑賑兩淮海州屬板浦中正臨興三場上年被水竈戶並緩徵泰州屬丁溪草堰劉莊伍佑新興廟灣六場未完折價銀有差○戊寅上御演武廳閱健銳營操○諭軍機大臣等鐵保奏酌議州縣收納錢糧一摺據稱州縣收

李三

王

納錢糧有不得不因地變通者向來交銀在一錢以上定例已久自不可輕易更張除通都大邑及商旅輻輳之所有銀可易仍遵定例辦理外間有山僻小邑向無銀鋪地方准聽民便仍飭該州縣按照旬報銀價如數完納等語地方官收納錢糧原應使官民兩便若山僻小邑向無銀鋪地方必欲小民按照定例以錢易銀始准交納未免強以所難鐵保所請山僻小邑向無銀鋪地方聽民自便

之處係屬通融辦理但奉行不善則州縣仍可多取於民即州縣所開旬報銀價之數亦何嘗可信該撫當督飭司道隨時認真查察惟按照錢文時價酌定數目設州縣等有因此多取於民及必欲強民以錢文交納者即著嚴叅示懲於便民之中仍防滋弊為要又另據奏登郡捕蝗民人請准其酌借倉穀以資口食一摺登州一帶多有蝗蝻萌發必須多集人夫趕緊捕撲現當青黃不接之際該民人等口食無資自應酌借倉糧俾資果腹鐵保所請將常平倉穀出借之處著照所請辦理現在該處蝗蝻捕撲未淨應即勸令百姓自行捕撲或官給銀米易蝗亦屬一法該撫即飭令藩司陳鍾琛及印委各員實心經理不可令吏胥等藉端滋擾一俟蝗蝻撲淨即迅速奏聞以慰廛注將此諭令知之○又諭本日據楊揆奏續接馬邊廳稟報番匪退遁各情形一摺據稱凉山生番經張志林分

李三

王

派官兵往捕救回被擄難民黃星安等四十
七名。口番匪俱四散逃竄等語。看來該番匪
等此次滋擾馬邊。未必別有起釁根由。及漢
奸主使情事。竟係窺伺邊備稍虛。乘機侵侮。
與甘省之循化貴德番衆搶掠蒙古者無異。
但彼處尚係蒙古地方。此則欺擾內地民人。
不可不嚴示懲創。此時該番匪等見有官兵
到彼。輒行退回。然尚未實心畏罪。官兵又豈
能日久駐彼防護。番匪等狡詭異常。將來官

實錄卷五十五

十五

兵一經移撤。該番匪等勢必復出滋事。成何
事體。勒保竟當遴派得力將弁。挑帶官兵數
百名前往。協同張志林方積等。懾以軍威。仍
一面設法曉諭。務將為首番匪擒獲一二人。
按例辦理。即有漢奸從中搆釁。亦祇應密為
訪拏。一律懲治。轉不必以查拏漢奸為詞。使
番匪聞知。豫為卸罪地步。總當使該番實在
畏懼。不敢復行肆擾。方可撤兵完結。以期邊
隅永就敎寧。將此傳諭知之。○己卯。

上還圓明園 旌表守正捐軀陝西富平縣民
呂子謙妻田氏

實錄卷五十五

十四

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十一

聞皇上深加憐憫。特派欽差大臣前來齎給銀兩緞匹撫卹。並令將此案兇犯嚴行緝獲。處以國法。為爾中雪仇恨。爾當感激天恩。善為振作。龜勉自立。毋稍畏怯。至爾現因躲避番賊。搬至哈拉果勒地方。自當暫留住牧。俟拏獲兇犯辦理後。番衆自不敢再出滋擾。爾當仍回原游牧處所安心樂業等語。向其明白宣諭。以安其心。仍督飭文武實力查拏兇犯。如於貢楚克扎布未到之先。能將正兇弋獲。固屬甚善。若一時未能即獲。俟貢楚克扎布到後。即當會同妥商。或懸賞購線。或檄諭緝拏。如該番聞知。尚形畏懼。不煩兵力。能將正兇縛獻。則當審明按律照盜案辦理。即可完結。儻該番野性難馴。或竟有抗拒不法情事。勢不得不懾以兵威。即據實奏明辦理。至該蒙古逼近番地。不能自強。將來此案辦畢後。若不安為經理。永定章程。則番衆日久玩生。難保不復行滋擾。而蒙古等一經被擾。惟

知赴愬天朝。紛紜不已。亦屬不成事體。都爾嘉當於辦竣時。會同貢楚克扎布及臬司蔡廷衡酌量該處情形。悉心會議。或為劃定界限。或設立卡倫。以杜侵越。及此外有無另行籌辦之處。詳悉定議具奏。以期青海地方永臻寧謐。將此諭令知之。○又諭此次楊芳吳廷剛兩路帶兵搜捕。沿途雖有斬獲。統計不過二十人。總由官兵不能奮力搜捕。以致零匪尚在窟匿。日久未能竣事。惠齡著傳旨申飭。太白山老林地勢遼濶。林箐深密。搜捕較為費手。朕所素知。但該處老林。如果人迹不到。並無居民。則零匪等窮竄至彼。口食靡資。無可搶掠。勢不能久處絕地。自必仍思乘間出竄。此時官兵轉不必深入窮追。但當於各隘口嚴密布列。俟該匪等分投竄出時。正可截擊淨盡。若該處老林內亦有烟戶。或有客民在彼種植營生。則竄匪等便可掠食度日。惠齡即當督飭將領帶兵追捕。就地殲除。豈

賊匪能到之地官兵轉不能窮其所向乎將此傳諭知之○以翰林院侍讀學士陳希會署日講起居注官○壬午遣官分詣

天神壇

地祇壇

太歲壇祈雨○遣官再祭

黑龍潭神祠○諭軍機大臣等此次臬司劉

清派令軍功臧青雲探賊追剿有藍號張場

黃號何悠然白號吳青揚三起賊匪共九十

三名一見兵勇棄械投誠匪徒等從賊日久

均屬罪無可赦今念其悔罪來投貸其一死

原屬格外施恩仍當隨時留心防範勿涉大

意蓋此等夥匪甫從賊中投出情性狡詭反

覆靡常若令其聚處一方復恐糾合滋事總

須設法散置各州縣嚴為鈐束儻有滋事即

應嚴辦示懲若仍思蠢動則當立行正法勒

保斷不可存姑息之見以致別生事端其招

撫賊匪多名之軍功臧青雲著賞戴藍翎將

此傳諭知之○癸未通飭八旗及地方官化導旗民敦行孝弟諭內閣本月初間有鑲黃旗蒙古護軍將伊母毆傷以致伊母忿極自縊身死○宛平縣民人將伊父毆斃二案茲復有正紅旗蒙古馬甲將伊母扎傷旋即自戕殞命○又宛平縣民人將伊父毆斃二案兩旬之內疊見蔑倫重案殊堪駭異旗人清語騎射尚謂必待教而後能至愛親敬長本乎天性雖孩提亦具良知况各該旗設有官學廣為訓迪開宗明義首以孝為先務凡旗人子弟漸摩日久自宜敦篤天倫克循子職至於京師及各省民人每至朔望日期恭宣

聖諭廣訓教以孝友睦婣提命諄諄已不啻家喻戶曉乃近來逆倫之案竟至重見疊出可見各該旗及地方官平日並未實心教導一切條教號令大率視為具文虛應故事而已夫孝為百行之原今根本之地天良漸滅至此其甚者犯上作亂致有陳德在禁門內拒

捕之事。無父無君。曾禽獸之。不若矣。朕臨御萬方。方期日臻上理。而教化未孚。每引以為愧。其各旗該管官員及地方官吏。均有承流宣化之責。可不敬思職業。各深慚惕乎。即如每歲秋審。朝審。明慎用刑。原期辟以止辟。然不深求乎化理之原。雖有犯必懲於人心風俗何裨。試思此等梟獍之徒。忍心害理。至於斯極。其他違犯教令。惡跡流露者。諒復不少。何難隨時覺察。此在各旗都統及地方大吏。或未能周悉無遺。而佐領驍騎校並州縣各員。管轄愈近。見聞愈親。儻有不率教者。赴其罪惡未彰。遇事早為禁約。亦可小懲大誡。何至任其肆逆。釀成重案。況和氣足以致祥。乖氣亦足致戾。本年立夏以來。雨澤愆期。未必不由此種乖戾上干。

天和所致。甚可畏也。朕孜孜圖治。日以敦化善俗之道。訓飭大吏。大吏等即當仰體朕懷。以此訓飭所屬。隨時化導。旗民務各循循孝弟。

遷善遠罪。毋負朕懃惓告誡。至意將此通諭八旗及順天府各直省知之。又諭戶兵等部議奏廣東省勦捕博羅永安二縣會匪軍需各款。開單進呈。朕詳加披閱。部駁各款內如安設站夫。並隨營長夫。照口外之例。以四十里為一站。一款。該省博羅等處會匪滋事。皆係內地亂民。地方官帶兵捕勦。旋即撲滅。乃分內應辦之事。按照定例。本不准開銷錢糧。乃該督等支應軍需。率以山多路險。照口

外之例。為請。試思從前大小金川。廓爾喀等處。用兵均係口外地方。後遂援以為例。今博羅永安等縣。係由何處出口。若云係屬山僻小徑。則有山地方居多。儻俱援照口外定例。報銷軍需。則例又焉用分別口內口外耶。顯係越例懇請。為屬員開銷地步。再被賊傷亡之隨營人夫。給予賞卹。一款。冒濫已極。尤不可行。此等人夫。隨營雇用。非鄉勇可比。向無議卹之條。即各省具報鄉勇打仗陣亡之數。

尚難盡信。況隨營夫役人數衆多。憑何查覈。此不過不肖地方官藉此名目。易於浮冒耳。至博羅起事之時。賞給難民錢米歸入撫卹案內彙辦一款。益不可解。博羅永安二縣各村被擾難民。前經那彥成查明奏請分別撫卹。並未議及此等賞項。即瑚圖禮前奏軍需章程撫卹款內。亦並未奏及。乃突於會匪戡定之後。續行奏請。此非事後增添希圖冒領。而何。該省軍需前據瑚圖禮陳奏各款。經部臣議駁。曾經降旨令倭什布查明酌議。今該督尚未接准部議。復添列各款。率行瀆請。均屬非是。倭什布瑚圖禮著傳旨申飭。倭什布甫經升任廣督。上年辦理軍需。非伊任內之事。所有以上斥駁之條。仍著倭什布詳加覈正。據實具奏。餘依議。○舉行嘉慶七年大計。湖南卓異官十員。不謹官三員。年老官四員。有疾官二員。才力不及官二員。分別議敘處分如例。○甲申諭內閣。兵部奏請定亡故兵

丁眷屬及曾經打仗受傷年老病休人員。給餉章程。均由各該州縣加結具報。以杜冒濫。一摺。所議甚是。已依議行矣。陣亡病故兵丁眷口無倚及子弟幼小不能食糧者。每月給與半餉。以資養贍。俟該亡故兵丁子弟年至十六歲以上。報部截支。向例僅令同省營員結報。恐有瞻徇。或眷屬尚有依靠。而捏報無所倚恃。或將子弟少報年歲。豫為日後冒領地步。或子弟年已及歲。並續有亡故隱匿不行截支。俱未可定。至曾經出兵打仗受傷年老病休各員。給與俸餉。原因其並無產業。及別項營運。是以格外施恩。俾得餬口。第恐地方不肖書吏。於伊等詳報時。藉端訛索。遇有力之家。得受賄賂。使之濫行支領。其實在無力。應行具報者。轉以無錢。使費致有遺漏。假公濟私。有名無實。殊非覈實辦公之道。地方州縣於所屬亡故兵丁眷屬有無倚靠子弟曾否及歲並年老病休人員。有無產業。易於

查察自應責令各該州縣切實詳查。加具並無扶同捏冒遺漏印結。送部覈辦。儻各該州縣不能據實確查。任聽書吏舞弊。朦混具報。著該管上司嚴行查叅。以期官兵皆邀實惠。帑項不致虛糜。用副朕覈實施仁至意。將此通諭各督撫及提鎮等知之。予江蘇故通政使司通政使吉夢熊。入祀鄉賢祠。從巡撫岳起等請也。乙酉。德楞泰奏報殲賊衆。並擒獲賊目多名。得旨嘉獎。副將張瑗等下部議敘。賞守備王元相。千總齊慎。花翎千總王興等藍翎。丙戌。

上再詣

黑龍潭神祠祈雨。旌表守正捐軀安徽泗州民魏明倉妻孫氏。戊子諭內閣。前據馬慧裕奏。宿州匪徒滋事時。開監逼令各犯入夥。有絞犯程學進。及在監支更之流犯鄭來有。被脅不從。乘間逸出。至河南歸德府行署投首。當交該撫審擬具奏。茲據馬慧裕移查。

原案。提犯訊擬覆奏。該犯等一係語言調戲。致本婦羞忿。自盡擬絞。監候一係搶奪。為從擬流。今被賊迫脅。不敢從逆。逃到官自首。尚知畏法。程學進著加恩減等改流。鄭來有著加恩減等改徒。刑部議准。貴州巡撫福慶疏稱。貴筑縣民婦李周氏。被傷伊姑李熊氏。致令忿激。自縊身死。犯夫李紹燮。賄囑匿報。應將李周氏依律擬斬立決。李紹燮擬絞。監候。得旨。周氏著即處斬。至犯夫李紹燮。素知伊妻賦性强悍。不能管教。致伊母常被觸忤。已屬有虧子道。迨伊母被周氏毆傷。手背忿激。自盡。該犯復希圖隱瞞。竟將其母棺殮。並於鄰人傅明鄉約莫士漢等。查知後。賄銀累累。求為寢息。其睚愛忘離。尤為罪無可逭。該部將該犯擬以絞候題覆。固屬按律辦理。但此等情重人犯。即將來秋審時。亦必予勾。李紹燮著即行處絞。旌表守正被戕直隸東光縣民曹幅貴妻王氏。守正捐軀。江蘇碭

山縣民王惠總程氏○己丑遣官分詣

天神壇

地祇壇

太歲壇謝雨○遣官祭

黑龍潭神祠密雲縣

白龍潭神祠○諭軍機大臣等琅玕奏官兵

擊斃偷渡賊黨並設法擒拏首逆各情形一

摺覽奏俱悉恒乍綱在江外北路勾結多人

到處搶奪自連次圍拏之後賊黨均由山溝

小路竄至江邊思欲紮筏偷渡經官兵兜圍

擊殺餘匪紛紛望南敗竄仍未將恒乍綱弋

獲琅玕現飭順夷練勇等暫行撤回故示疏

慢仍在各隘口密為堵截以便乘機緝獲並

遣人設法購線擒拏祇可如此辦理此時恒

乍綱既經南竄琅玕惟當飭令沿江營卡留

心堵禦並飭麗江及卯照土司一帶加意嚴

防以杜該犯竄入吉尾之路一面仍令順夷

等設法購拏或將該犯隨身夥匪開導解散

則賊勢既孤自不難將首逆擒獲剋期戴功

將此傳諭知之○又諭琅玕奏思茅廳屬土

弁刀永和將江內土弁刀太昌戕害之後自

知獲罪恐被追拏竟敢遣練到江將檄攪壩

占踞當有附江土弁召齋翁勦殺奪回刀永

和復招集數千人與召齋翁相持日久本年

閏二月十二二十七等日竟敢遣練數百名

偷渡竄擾又九龍江外裸黑向責成夷僧銅

金管束不許滋事乃上年有江外裸黑楊金

羅小二滋事之案復節次將孟連土司地界

占去三猛五圍銅金轉欲還俗懇請賞給頭

目頂帶以便約束以上二事均邊關要務已

飭令烏大經及臬司楊長桂前往酌辦等語

提督烏大經究係武弁出身尚恐籌慮未協

即臬司楊長桂才具亦非所宜此事著專派

永保前往會同烏大經妥為辦理總須持以

鎮靜勿致另生枝節至省城現少大員臬司

楊長桂即著回省辦事又藩司百齡前據永

保奏令赴劍川一帶查覈軍餉。此旨到後。並著永保飭令該藩司。即回省署辦理一切。總俟百齡楊長桂俱回省後。永保再往督辦。未遲。再江外猺黑等侵占孟連土司地界一案。夷僧銅金前於勦辦猺黑時。因其投誠免罪。將江外猺黑責令管束。乃上年江外猺黑曾有滋事之案。銅金尚敢捏稱伊係出家之人。難以服衆。情願還俗。並求賞給頭目頂帶。現在孟連土司地界。多被猺黑侵占。而銅金復

新錄卷五十五

五

稱猺民實因人多地少。口食維艱。懇求賞給牛具糧種。俾安生業。是銅金一犯。非但不能將江外猺黑嚴加約束。竟欲將孟連土司地界侵占。身充頭目。情節顯然。殊為狡詐。琅玕摺內。何尚有欲為銅金奏賞頂帶之語。殊屬輕縱。銅金本係投誠免罪。今永保到彼時。竟應將該犯傳出。治以應得之罪。庶猺黑共知畏懼。其侵占土司地界。應如何代為清理之處。亦著一併妥協辦理。即行奏聞。將此各傳

諭知之。○庚寅

上幸萬壽山。詣

廣潤祠拈香。旌表守正被戕陝西涇陽縣民樊申娃妻魏氏。○辛卯。德楞泰奏報生擒首逆張士虎。賞外委唐大德等藍翎。餘升擢有差。○壬辰

上以

高宗純皇帝聖德神功碑鐫刻告成。詣

安佑宮行禮。遣官祭告。

新錄卷五十五

五

裕陵。○額勒登保奏請鼓勵軍營出力人員。賞叅將哈豐阿守備蘭國額花翎千總楊觀貴等藍翎。○癸巳。旌卹遇賊被戕湖北黃安縣民劉洪等五名口如例。○旌表守正捐軀直隸涿州民林興華女林氏。○是月。直隸總督顏檢奏本月二十二日

皇上躬禱

黑龍潭。次日即沛甘霖。現在省城一帶。得雨霑足。仰見精誠上達。有感皆通。得旨。朕事

天惟一誠字。卿事朕亦然。勉此則諸事響應矣。二十四日亦有雷雨一陣。勢極滂沛。旋即暢晴。特諭卿知。亦殷感慰。○又覆奏廣平府知府徐煥品端才練。能察吏卹民。大名府知府張體公才具精幹。東安縣知縣金鳴琴。惻愍無華。辦事可靠。武清縣知縣朱杰才尤強幹。更為開展。陳大文所奏。洵屬公當。得旨。賢員不可多得。當加意訓勉。為民保障。毋忽培植。好官乃安民之本。

實錄卷一百五

下

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十二

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百十三

監修明教官曜庭日講起居注官太子太傅武英殿大學士文淵閣領閣事稽察欽奉

二級序常加四級臣曹振鏞戴官太子太保文淵閣大學士管理刑部事務加五級臣戴均元痘疹捐起居注官太子少保內廷翰林學士

事務察致奉
上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲那統步軍統領管理

戶部一庫奉宸苑清漪園等處總理工程處御茶膳房御藥房太醫院西洋黨事務兼功加二級隨帶加二級尋常加五級紀錄三次臣英和

恒茂請官太子太保禮部尚書上書房行走武英殿總纂管理國子監事務加六級隨帶加級紀錄四次臣汪維珍等奏

救修

嘉慶八年癸亥五月甲午朔

卷一百一十五

上詣

大高殿行禮○還宮○以夏至祭

地於

方澤自是日始齋戒三日○乙未禁貧民攜眷

出口。諭內閣兵部議奏稽查關口出入民人。

分別酌定章程一摺山海關外係東三省地

方為滿洲根本重地原不准流寓民人雜處

其閒私墾地畝致礙旗人生計例禁有年自

乾隆五十七年京南偶被偏災仰蒙

皇考高宗純皇帝格外施恩。准令無業貧民出口覓食。係屬一時權宜撫綏之計。事後即應停止。乃近年以來。民人多有攜眷出關。並不分別查驗。概准放行。即因嘉慶六年秋間。畿南州縣被水成災。閭閻有窮。黎攜眷出口之事。迨至上年直隸收成豐稔。民氣已復。何以直至今春。尚有攜眷出關者數百餘戶。彼時韋陀保正任該處副都統。稽查是其專責。見有出口民戶如許之多。自應奏明請旨。即放行

實錄卷百三

二

以後亦當奏請飭禁。乃漫不經心。前後總未陳奏。任意辦理。殊屬非是。韋陀保著交部議處。嗣後民人出入。除隻身前往之貿易傭工。就食貧民。仍令呈明地方官給票到關查驗。放行造冊報部外。其攜眷出口之戶。概行禁止。即遇關內地方偶值荒歉之年。貧民亟思移家謀食。情願出口營生者。亦應由地方官察看災分輕重。人數多寡。報明督撫據實陳奏。候旨允行。後始准出關。仍當明定期限。飭

令遵限停止。毋得日久因循。致滋弊端。此次定立章程以後。並著直隸山東各督撫接到部咨。徧行出示曉諭。以現在欽奉諭旨。飭禁民人攜眷出口。該民人等當各在本籍安業謀生。不得輕去其鄉。希圖出口謀食。相率赴關。以致半途而返。庶民人知干例禁。不致徒勞跋涉也。○又諭近聞宗室覺羅有因無自置住房。於各處浮居者。詳究其故。蓋因生齒日繁。生計不能充足。或不知節儉。任意奢糜。以致棲身無所。因思宗室覺羅必須先裕其生計。然後施之以教。且以宗室覺羅而致浮居。亦不成體制。著交管理宗人府王公等會同八旗滿洲都統查明。委係無力之宗室覺羅。或擇地另建房屋。或酌量歸入八旗城外營房通融居住。覈議具奏。○丙申

實錄卷百三

三

孝誠仁皇后忌辰遣官祭

景陵○諭內閣近來各部院衙門承辦事件。每有遲延。昨日朕偶思及通政司叅議誠存早

經加恩議敘何以日久未據該部具題諭令軍機大臣查明覆奏。茲據奏稱此件諭旨自四月初三日傳抄到部吏部於初八日定稿移文繕書房繕譯諭旨至二十二日經繕書房繕出交部二十九日送交本房繕寫等語。此等議敘之本有何難辦既無須輟轉行查多為商酌何以必待項限始行具題耶。乃繕書房遲至十五日而吏部承辦司員又不趕緊交辦復遲六日始交本房繕寫雖未逾定

實錄卷一百三

四

限究屬因循疲玩著將繕書房及吏部承辦各員交各該衙門察議其管理繕書房及吏部各堂官俱著分別察議嗣後各部院衙門辦理題奏事件固須詳慎但必當督飭承辦之員認真趕辦毋任稽延致滋曠廢將此通諭各部院衙門知之○免四川生番滋擾之馬邊廳本年額賦○丁酉夏至祭

地於

方澤

上親詣行禮○幸圓明園○戊戌戶部議准福建巡撫李殿圖疏報閩古田屏南同安霞浦福鼎漳平七縣開墾地五頃三十五畝有奇照例升科從之○己亥諭內閣據正黃旗滿洲都統奏稱一等武毅謀勇公英俊身故無嗣請將兆惠之弟瑚什圖之孫百善保承嗣一摺。英俊係扎蘭泰之子扎蘭泰曾尚和恪和碩公主。今英俊絕嗣兆惠及公主額駙均不可無承祀之人且此公爵乃兆惠所立兆

實錄卷一百三

五

惠勞績懋著理應世襲因替閱該旗所進家譜內載瑚什圖之子瑚圖禮現有四子著交該旗於年終承襲世職時瑚圖禮之子百善保等四人全行帶領引見候朕揀放即將襲爵之令為扎蘭泰繼嗣承祀○予江蘇故工部侍郎汪廷璣入祀鄉賢祠從巡撫岳起等請也○庚子命戶部右侍郎額勒布刑部左侍郎彭齡馳往陝西查辦事件○以吏部左侍郎那彥成兼署戶部右侍郎署都察院

左副都御史汪志伊改署刑部左侍郎○辛丑諭內閣各省大計軍政關繫激揚鉅典向來六法劾叅人員循例引見者均係按例降革勒休原以甄別人材責成既專自當照議黜陟以示勸懲昨日兵部帶領武職官員引見內有劾叅有疾之原任湖南岳州衛守備周代暄劾叅罷軟之原任山西吉州營千總許大詔均係軍政案內應劾之員本應照例休致革職朕以該二員從前在河南湖北軍

實錄卷一百三

六

營曾經出力且所叅係有疾罷軟尚無別項劣款特降旨將周代暄以千總補用許大詔以把總補用此係朕軫念微勞格外施恩非可援以為例此後大計軍政被劾之員不得妄思倣倖也將此通諭知之○又諭玉德等奏拏獲聽糾入會各犯審明辦理一摺此案結會為匪係在逃之顏和尚起意為首南靖縣役黃昆王崇與余朗等俱聽從入夥同拜顏和尚為師嗣顏和尚疊犯搶劫屢經縣府

查拏黃昆王崇俱代為探信以致顏和尚脫逃未能就獲現經該督等將黃昆王崇二犯依左道惑人為首例擬以絞候此等在官人役本有緝捕邪匪之責乃膽敢聽糾入會及事發後又復透漏消息致令首犯疏脫實屬藐法黃昆王崇均著即處絞該督等應明白曉諭嗣後辦理此等案件除尋常為從之犯仍照例擬遣外如有衙役聽糾入會並私相通信者俱照黃昆王崇之例立予縲首庶足

儆奸蠹而靖地方餘著該部覈擬具奏○又諭據崇尚等奏稱遵旨查明煤窰租價駝價生息項下動用各款及實貯餘銀數目並稱前二次摺內實屬含混錯謬自請交部議處等語現在土默特等生計稍形拮据著加恩於該處歲收駝價生息煤窰租價項下動用餘銀一千四百兩零於每歲春秋二季賞給土默特極貧蒙古七百五十戶次貧蒙古一百五十戶仍將歲支細數造冊咨送戶部理

藩院覈銷崇尚等必須揀派幹員辦理務使貧窮蒙古均沾實惠。二三年後崇尚等查看土默特等生計寬裕即行奏明裁汰並令崇尚等曉諭土默特等皇上念爾等拮据是以特恩賞賚務當善為牧養節儉度日。此乃皇上格外恩施。二三年後爾等稍裕即應裁汰不能永遠為例。至崇尚錫拉布等均著照所請交部議處。○命福建布政使姜開陽來京候旨。以前任江寧布政使裘行簡署福建布

政使。○調陝西布政使溫承惠為河南布政使。河南布政使方維甸為陝西布政使。○免河南被賊滋擾之唐泌陽內鄉新野淅川鄧裕舞陽葉嵩碓山西平遂平信陽羅山魯山郟寶豐息九州縣舊欠丁耗鹽課社穀並供應軍需之南陽鎮平襄城長葛鄭祥符滎澤汲淇新鄉獲嘉考城湯陰安陽武陟孟洛陽澠池宜陽永寧伊陽二十一州縣舊欠丁耗鹽課籽種銀及未完常社漕薊穀十分之

五○壬寅

上御勤政殿聽政。○諭內閣本日扎郎阿奏嗣後扈蹕王公大臣等請仍照舊例不准先趕前營豫備次早站班一摺所奏甚是向來巡幸地方所有隨從之王公及各衙門堂官俱於本日啟鑾時在行宮門外站班夜間所搭帳房俱不離大營住宿原以駐蹕重地理應環衛森嚴敬謹扈從。乃近日隨圍之大臣等往往於晚膳後先趕前營豫備次日站班並

有沿途賃宿民房不住行帳者殊屬非是嗣後派出扈蹕大員除軍機大臣每日遇有報到即須豫備召見自應於本日啟鑾前先往伺候至前營有差使各員亦應照例於本日前行不必站班外即派出查道大臣如遇道路狹窄必須夜間攔截車馱者仍准豫行前往餘俱著於本日啟鑾前各赴所管地段查看管束不得於前一日先往該處附近地方住宿僅於御道旁站立少頃塞責此外扈從

王公及各衙門堂官均著循照舊例在卡倫內住宿。次早在宮門外應佩纓者佩帶纓鞵於站班後隨從行走。不准先趕前營如有擅離大營不敬謹遵照者著總理行營大臣隨時查明叅奏。至所奏直夜兵丁常川送籌之處亦如所請行。交該衙門製造。○又諭昨兵部將軍營撤回寧古塔防禦色克金保帶領引見。色克金保所奏履歷竟非清語。因交軍機大臣詢問。據稱伊平日屯居該處漢人

居多。故未諳清語。色克金保以東三省人不能清語。本應治罪。姑念伊在軍營甚屬奮勉。著加恩寬免。即令同任色克金保身為防禦。有管教兵丁之責。且年歲尚輕。著交秀林善為教導。務令熟習清語。至東三省係我朝根本之地。清語即如鄉談。原應不學而能。乃竟有不曉清語之人。想東三省似此者尚復不少。相沿成習。不惟不曉清語。必致技藝廢弛。所關綦重。不可不加整飭。著盛京吉林黑龍

江將軍等各將所管官弁嚴行教訓。務令馬步射精銳。清語嫻熟。毋忘本業。○命戶部左侍郎英和馳往熱河查辦事件。命署刑部左侍郎汪志伊馳往江西會同巡撫秦承恩審辦控案。○癸卯諭軍機大臣等。現在已交夏至。雨水漸多。恐各路鎮將以道路阻滯。難於入山搜剿。率以並無賊蹤具報。希圖卸責。額勒登保應將派委何人專辦何處賊匪。豫為登記。俟辦竣一處。即令該鎮將會同地方

官各具實數。甘結以專責成。如結報後再有餘孽潛出。即查明嚴叅懲辦。庶各將領及地方官自顧考成。必能竭力嚴搜。迅勉奏績。務於五月內一律殄除。將此傳諭知之。○甲辰除山東惠民縣沙壓地七十頃六十七畝有奇額賦。○乙巳諭軍機大臣等。吳熊光奏各路官兵寨勇等殲斃賊匪。不過二三十人。而竹谿地方又有賊匪二股。由川省竄入。該縣與川省交界。所有各處隘口。自必派有

官兵防守何以任令闖入此即楚省防堵不力之咎今該匪等既經竄入吳熊光惟當飛飭鎮將等上緊追剿並知會德楞泰邁派將領併力合擊就地殲淨勿致再令折回又稽時日為要又據訊獲犯劉世舉供詞川省青龍寨民人向奉張士虎為師此次張士虎即糾同該寨民人赴楚滋擾並稱此外尚有白虎寨四季寨民人是否習教亦未可知等語所供殊難憑信該犯自揣情罪重大或造作

此語希冀暫時留質或該匪曾向青龍等三寨民人求索不遂借此誣陷均未可定此時無論青龍等三寨民人未必有習教之事即使習教屬實伊等並未出而為匪豈可遽行查辦激成事端况曾經習教之人如果畏法斂跡尚當置之不問朕前親製邪教說申諭甚明豈轉於寨勇等有意嚴辦乎總之此時零匪已將辦竣其搶劫滋事抗拒官兵者無論平日習教與否均當一律勦辦亦不必問

其是否曾充鄉勇設將來此數寨民人實有為匪滋事之處自當隨時懲辦該督惟當督飭將領將境內迅就肅清匪徒自可立就消弭不得輕聽賊供以致各處傳聞轉滋疑惑於事實屬無濟將此傳諭知之○丙午遣官祭

關帝廟○加賑陝西渭南華潼關華陰四廳州縣上年被水災民○丁未

上詣

火神廟拈香○還宮○諭內閣顏檢奏請將三河縣知縣張力勤調補武清縣一摺已批交吏部議奏矣閱其摺尾有會同兼管順天府尹戴衢亨等恭摺具奏之語本日召見軍機大臣面詢戴衢亨據稱並未知此事可見外省於會銜具奏各件並不事前咨商僅於陳奏後關會實為相沿陋習此等調補人員本非迫不及待之事既係例應會銜奏請自當將人地是否相宜彼此詳細公商以昭慎

重。況奏調之員。若列名會奏之人。竟不與聞其事。將來設遇所保非人。自當一律交議。徒代他人任咎。則會銜一節。不幾成具文耶。著通諭各督撫。嗣後遇有彼此會銜及會同府尹。河督。漕督。學政等衙門具奏事件。總當先期知會。公同商定。俟有回文。始行具奏。儻應會不會。或僅於事後關會者。即著應行會銜之員。據實叅奏。交部議處。以杜專擅之弊。○奉恩將軍薩弼圖。緣事革退。以其弟恒璫襲

職○戊申

上御太和殿視朝。王以下文武升轉各官謝恩。○幸圓明園。○諭內閣。朕本日升殿。領豹尾槍之領侍衛內大臣。未見一人。詢之綿恩。奏稱成親王與保寧閱看軍政。阿克棟阿想在外間等語。領侍衛內大臣內如綿恩。綿懿俱有後扈。差使丹巴多爾濟。豫備謝恩。不克分身。尚屬有因。至成親王與保寧若謂閱看軍政緊要。領豹尾槍差竣再往。有何不可。況向

來派閱軍政王大臣等。凡遇奏事帶領引見等事。均照常進內。當差如此大典。豈比尋常成親王。保寧均屬拘泥錯誤。成親王著交宗人府查議。保寧著交部查議。阿克棟阿如果真病。亦當奏聞。今朕升殿大典。無故不領豹尾槍差使。殊屬非是。阿克棟阿著交部議處。○陝甘總督惠齡奏。請鼓勵搜捕零匪出力人員。賞道員朱爾漢素納知府陳文駿。知州李榮曹。用蔡通判維昂。叅將馬國用。遊擊七

十九。林向榮。馬德延。都司朱承受。祁祥花。翎千總張懷輔等藍翎。○調正藍旗漢軍都統阿克棟阿為鑲藍旗蒙古都統。以經畧大臣額勒登保為正藍旗漢軍都統。○己酉。諭軍機大臣等。吉綸等奏黃河口門淤淺。籌辦情形一摺。據稱今歲黃水較盛。清黃僅足相抵。以致溜緩。沙停口門一帶突起淤沙二百餘丈。糧船時遇淺阻。現在力加挑濬。並將舊有李工口門啟放。掣減黃水。以冀暢行等語。現

在河口水淺尚有十七幫鱗集待渡自應相機籌辦。但前因黃水較長各幫暫借倒灌溜勢趨渡已非良策。若此時竟將李工口門遽行啟放。將來伏汛經臨萬一清水不旺黃水又復盛漲不能收束。於田禾民舍均有妨礙。是於糧運仍無得濟。而下游轉受其累。非徒無益而有害。不可不出以慎重。著吉綸吳敬等妥為熟籌。或將淤河極力梳爬。或用船隻趕緊起撥。俾重運得以通行。無誤抵通交兌。

日期此為至要。儻該處停沙旋空旋淤。河口總形淺阻。實有礙難辦理之處。即著該漕督河督等速行具奏。將此諭令知之。○庚戌諭內閣額勒登保奏親督官兵勦賊殲斃緊要賊目。現赴川東趕勦另股賊匪緣由一摺。覽奏欣慰。齊國典一起零匪百餘人。經官兵追勦緊急。又分三股奔逃。經額勒登保親督官兵並分派將領跟蹤搜捕。均有斬獲。將賊目齊國典偽元帥靳思慶偽先鋒路紹成殲斃。

所辦好。自上年奏報戡定以來。賊匪著名首逆均已殲戮。惟齊國典一犯。前曾隻身潛匿。繼又結夥奔逃。輒轉稽誅。今臨陣殲斃。是從前未獲兇渠實無一名漏網。指日即可全數廓清。額勒登保前因冒昧陳奏善後事宜。干與地方事務。曾降旨將伊革去御前大臣。並紫纁。稍示薄懲。嗣伊陳明實係伊一人主見。並非聽信地方官慫恿。且伊於外省地方情形。本不甚熟諳。自經朕訓飭以來。甚知感奮。

親督官兵認真趕勦。將緊要賊目盡數殲除。實屬可嘉。額勒登保著賞還御前大臣。並紫纁。用昭優獎。遊擊馬成林帶同弁兵入林搜捕。使齊國典無路可逃。跳崖跌斃。實為出力。著交部議敘。其硃筆圈出之把總毛三貴兵丁陳玉奉軍功熊鳴鳳余貴均著加恩賞戴藍翎。以示鼓勵。○諭軍機大臣等。都爾嘉等奏查辦番案情形一摺。此次野番一聞查拏緊急。俱攜帶眷口逃入老山。其畏懾情狀已

可概見。自無庸遽用兵力。至現獲之完納山莫等六名。如實係正兇。則當於審明後傳到貝子齋默特丹巴。眼同正法。俾各蒙古咸知此案兇賊業已拏獲。嚴辦。共伸積憤。儻所獲之賊。訊明尚非正犯。應一面仍飭各路員弁上緊緝拿。一面宣諭該番擒獻兇賊。以憑審辦。至於索諾木多爾濟等。呈報被搶牲畜。輒以千萬計。斷無有如此之多。况臬司蔡廷衡行抵西寧時。查看丹噶爾搬來蒙古實在大

小三千餘口。幾至形同乞丐。該蒙古如有牲畜充物。何致頓形狼狽。一至於此。可見伊等浮開賊數。其意不過希圖官為追出多賊。伊等又可藉得便宜。此等虛報牲畜數目。儘可置之不問。惟是現在該蒙古等既遭此播遷。自宜恩加撫卹。據摺內稱大口日給炒麵一升。小口減半之處。著准其作正開銷。亦不必該道府等捐貲散給。都爾嘉等惟應督率各員妥為經理。將此諭令知之。○命江蘇巡撫

岳起留京。署禮部右侍郎。以署刑部左侍郎汪志伊為江蘇巡撫。○辛亥諭軍機大臣等。據琅玕奏酌派官兵過江。得獲勝仗。並各處順夷拏送。勾結賊目及後路防範嚴密。各情形。一摺。恒乍綑一犯在江外逃竄日久。尚未弋獲。琅玕既經酌派將弁於各營抽撥壯練官兵。並帶順夷分三路過江。看來勢難中止。亦祇可如此辦理。恒乍綑煽惑滋事。全賴江內江外獠獠附合為奸。今官兵渡江之後。隨

有從賊各寨畏懼來投。不獨江內順夷不肯聽從。勾結即江外夷人亦有幫同拏獲夥匪之事。是該逆黨與日見解散。業已力感勢孤。無難一鼓集事。琅玕惟應諭派順夷等踴躍探賊蹤。許以重賞。官職令其將首逆恒乍綑及早設法擒縛。嚴加懲創。俾夷衆咸知震懾。彼時即可就案完結。總之首逆既得。切勿再有株連。惟在琅玕妥速辦理。以期早靖邊隅。為要。將此諭令知之。○以故不入八分公恒謹

子春齡襲鎮國將軍。輔國將軍弘豐孫綿鸞襲奉國將軍。予禦賊被戕河南裕州揀選知縣王玖州判王珣泌陽縣捐職從九品裴涑桐祭葬世職並旌卹監生王編等一百五十五名如例。旌卹遇賊捐軀河南南召泌陽內鄉淅川遂平羅山葉裕新野唐桐柏魯山盧氏鄧嵩十五州縣民人陳寶等二千四百七名婦女傅齊氏等一百二十三口如例。○壬子命貴州古州鎮總兵官永寧來京引見。以鑲藍旗漢軍副都統武隆阿署古州鎮總兵官。以前任直隸宣化鎮總兵官富蘭為鑲藍旗漢軍副都統。癸丑命江寧將軍富昌來京候旨調吉林將軍秀林為江寧將軍。以署鑲紅旗漢軍都統富俊為吉林將軍。○以直隸泰寧鎮總兵官福敏泰為正黃旗蒙古副都統。鑲藍旗漢軍副都統富蘭署泰寧鎮總兵官。調正黃旗蒙古副都統明興為鑲藍旗漢軍副都統。甲寅諭內閣乾清門

侍衛達靈阿條奏請添派行圍官兵數百名並請定哨內撲救荒火章程等語。乾清門侍衛並無奏事之責。達靈阿即有所建白亦當由御前大臣轉奏。乾清門侍衛甚多若皆妄行陳奏已非體制。況達靈阿係特庫之孫特庫曾隨侍皇考高宗純皇帝清語甚好。達靈阿係滿洲且充乾清門侍衛應用清字摺茲達靈阿竟用漢摺入奏。自係因朕近以武隆阿富蘭認識漢字用伊等為總兵是以達靈阿繕寫漢字摺希冀外任其居心卑鄙已屬顯然朕非不肯納言之主其有言責者所言果當必立加採聽如無言責而妄陳奏者亦必加以懲儆。達靈阿著退出乾清門降一級賞給三等侍衛作為領隊大臣自備資斧前往英吉沙爾換班。所有達靈阿奏請添派行圍官兵斷不可行。其請定撲救荒火章程尚有所見嗣後哨內若遇荒火大臣官員侍衛章京兵丁等

著不必全往撲救。均著在門聽候。其應何項人員前往撲救之處。著總理行營王大臣等豫定章程。通諭遵行。○又諭據派出考閱軍政王大臣等將各營護軍等分別等第具奏。列為一等者八十一名。較之前次加倍。蓋自朕年來疊次降旨。令各大臣等留心操練。所致朕心甚為嘉悅。但前次列為一等者四十二名。此次列為一等者雖較多一倍。然八旗前鋒護軍等共二萬七千餘名。列為一等者僅八十一名。朕心猶以為少。著八旗各營大臣。從此愈加留心。隨時操練。俾屆下次考閱時。列一等者益多。以副朕期望。兵丁各臻精銳之意。此次列為一等二等之人。著照例獎賞外。餘俱著照所奏行。○丙辰。

孝恭仁皇后忌辰遣官祭

景陵○旌表守正捐軀浙江臨海縣民女盧氏。山東觀城縣民谷倉妻王氏。○丁巳添設河南荆子關千總二員。把總三員。外委二員。額

實錄

五

外外委三員。裁馬兵一百四十名。改補守兵充額。從巡撫馬慧裕請也。○戊午。諭內閣。御前大臣等遵旨議駁永慶條奏。嗣後行營再增黃城一層。添派進班侍衛兵丁。大城各門懸掛烏鎗。均無庸議。一摺。所議是著即依議。我朝舊設行營。體制威嚴整肅。實為盡善。是以百餘年來。進哨及巡幸各處。俱率由舊章。後人惟在實心經理而已。今若忽更舊制。斷然不可。在永慶雖因欲行營嚴肅壯觀起見。但未深思舊制。其所請增設黃城。添派侍衛兵丁。及各門懸掛烏鎗。均屬難行。即如大城內增設黃城一層。門懸烏鎗。則看城尖營。亦應各增設黃城烏鎗。是每遇行營。紛紛攜帶黃城烏鎗。外間無識之徒。必至妄生疑惑。大凡定立規條。必當永遠奉行。方為妥善。儻一旦遽廢。或至始勤終怠。於事何益。著交各該管大臣等。嗣後惟遵舊制。及新定章程。凡於行在嚴飭各該管侍衛章京等於一切事務。

實錄

五

差使務須實心奮勉儻有玩忽即著指名嚴叅毋得稍為瞻徇該大臣等如有草率因循或別經叅奏或經朕查出。不特將侍衛章京等治罪。必將該管大臣等一併治罪。將此通諭知之。○移陝西麻柳壩都司駐安康縣磚坪。磚坪千總駐孟石嶺。從總督惠齡請也。○德楞泰奏報總兵官色爾滾等擒獲首逆趙聰觀。得旨嘉獎。賞千總胡超花翎。鄉勇薛學義藍翎。○旌表守正捐軀河南信陽州民胡

實錄卷百十三

二十五

志啟妻陳氏。○己未諭內閣。朕於本月二十七日起看射布靶。凡屬王公大臣均應照例站班。但念儀親王。成親王。係朕兄輩。雖年尚未逾六十。亦俱在五旬以外。且時屆暑熱。若每日在旁侍立良久。於閱射畢後始行散班。非所以昭體卹。儀親王。成親王。著加恩免其站班。成親王。係總理行營。有微名單差使。亦祇須臨時請徹。無庸在彼守候。所有王公文武大員。除軍機大臣每日承旨書諭亦著加

恩免其站班外。其餘年過六十者。俱著於朕升座時。隨眾站班。即准退散。若年未至六十者。仍照常站班。○又諭阮元奏彙覈節次海洋捕盜。傷斃溺斃弁兵。懇恩准令咨部議卹等語。把總鄭金柯。介錫兵丁楊兆進等。或跟隨大幫兵船。或帶領巡哨小船。捕盜傷斃。或中礮落海。或押犯遭風。均屬歿於王事情殊可憫。俱著加恩照例賜卹。其有應入昭忠祠者。並於浙省所建昭忠祠內添設牌位。嗣後

實錄卷百十五

二十六

該省緝捕洋匪。如有傷斃溺斃弁兵。該撫即當覈實查明。照例咨部議卹。以慰忠魂。而示鼓勵。無庸專摺請旨。○諭軍機大臣等。近日各處零匪。勢極殘敗。多者不過百餘人。少或數十人。十數人為一起。而官兵分路追剿。尚派至千餘名。六七百名。似此重兵追壓。不特沿途遇有道路橋梁行走需時。并恐人多聲勢浩大。賊匪易於探信。聞風遠遁。多多益善。原指勁敵而言。近來餘匪無多。其所以輾轉

追逐未能及早完竣之故未必不由於此朕思與其多而無益將有用之兵置之無用之地何如確探賊數多少但酌加數倍勻出兵力分路掩捕不致聲張總同地方官聲氣聯絡為要或擇要設伏或探蹤進剿賊匪無從探聽自難趨避定可一鼓成擒此朕廑念軍務偶籌及此著額勒登保德楞泰勒保酌量情形分投掩擊庶兵皆得用迅掃餘氛於六月內早奏肅清○旌表守正捐軀陝西郃陽

實錄卷五十三

二十六

縣民馬興貴妻屈氏○庚申諭軍機大臣等陝省從前召募鄉勇四五萬人前年冬間陸續裁撤至上年七月間經額勒登保奏定始有給資遣送回籍之例此等鄉勇前後散遣日期有無登記其給予路費及未經給予者該地方官是否申報上司立有案據亦當詳細查訪勿令致有侵冒捏飾至遣散之鄉勇在安分者無論得受廩給與否自能各謀生業若桀驁性成之徒即給與路費賞銀亦不

能保無流蕩為匪情事額勒登保當移知各該督撫等飭令地方官隨時查察如有散遣之鄉勇犯法滋事亦不問其從前曾否給與路費賞銀總當一律嚴拏懲治俾知儆畏自可漸就安輯也將此傳諭知之○辛酉諭軍機大臣等此時楚省已無成股之賊零星散竄者為數實已無幾吳熊光惟當飭令鎮將等倍加奮勉務於六月內將各處零匪搜捕淨盡用藏全功不得以驅逼出境遂為了事

實錄卷五十三

二十七

至軍火糧運亦當飭知屬員等按時供支勿形缺乏又奏議各處堡寨除原有坍塌並未修復及居民較眾不致藏垢納污處所自應仍舊存留外其山巔各寨此時因餘匪未盡殄除居民等尚資棲止或未可即時毀棄但將來匪黨全就廓清後山頂居民亦必漸歸原屋所有空閒堡寨自當即行拆毀雖從前如姚之富齊王氏等首逆滋事時並未有占踞山寨之事但既有曠宅憑高負險查察難

周恐無籍遊民不免招呼匪黨聚處其中致生事端不可不豫行防範該督等惟當派委誠實可靠府州縣官妥為經理俾絕根源其軍器一項該省既有冊檔可稽俟搜勘全竣後即可按冊指名飭繳總在該督撫慎選官吏留心整飭地方自可寧謐將此傳諭知之○刑部議覆浙江巡撫阮元疏稱樂清縣民人南阿紀圖姦民婦陳葉氏不從毆傷該氏越日身死依律將該犯擬斬監候葉氏循例

實錄卷一百一十五

三

請旌得旨此案南阿紀因酒醉途遇陳葉氏拉住圖姦該氏不從喊罵該犯將其推倒用石塊連毆致傷延至次日殞命該撫將該犯照強姦未遂致傷本婦越數日身死律擬以斬候經刑部覈覆具題固屬按律辦理但該犯因強姦不遂輒用石塊致斃本婦若以其素患癡病稍從末減恐致啟淫惡匪徒藉口裝癡之漸不可不嚴辦示懲且該犯疊毆致命本婦即於次日身死與立時殺死無異即

問擬斬候辦理秋審時自當將該犯入於情實亦必予勾南阿紀著即處斬○命甘肅提督阜保留京以提督銜為京營右翼總兵調直隸古北口提督特清額為甘肅提督以京營左翼總兵長齡為古北口提督轉右翼總兵范建豐為左翼總兵○壬戌旌表守正捐軀順天大興縣民孫茂澄妻李氏貴州貴定縣民龔紹緒妻宋氏○癸亥封浙江慈谿縣北雪山

實錄卷一百一十五

三

龍神為寧民普惠鎮海龍神從巡撫阮元請也○是月直隸總督顏檢以面奉訓諭具摺謝恩得旨君臣相得亦非常之緣不可思議卿當思頌不忘規朕若有叢脞之處必密行進諫切勿不言不言則為負恩矣卿若有失算之處朕必加譴責斷不姑息姑息轉為私德矣勉之志之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十三

實錄卷一百十三

三十

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十四

敕修

嘉慶八年癸亥六月甲子朔諭內閣。昨日夜

實錄卷一百十四

一

聞戶部衙門四川司貯稿樓房失火。惟尚書
祿康署侍郎那彥成。護軍統領春寧。在彼救
護。此外並無一人前往。衙署重地。非民間房
屋被燒可比。向來居住城內之文武滿大臣。
一經聞信。例應迅速往救。此次戶部貯稿樓
房被燒。多未前往。殊屬非是。除是日在紫禁
城內值宿。並圓明園各公所該班者。俱毋庸
查叅外。其餘未經救護之文武滿大臣著吏
部。兵部。及值年旗。一併查明。因何不行前往

之處。據實奏。○諭軍機大臣等。此次野番等膽敢將蒙古貝子衣帽剝去。鎗斃伊妻。實屬光橫。是以疊次降旨。諭令嚴拏務獲。並令貢楚克扎布馳往督辦。茲據都爾嘉等奏。已將鎗斃貝子妻室之正兇齊克他勒拏獲。所辦尚好。據獲賊供。同夥搶劫之犯。約共幾十人。雖不能盡數拏獲。但首犯扎拉南什濟。及單開之隆本等七人。疊次肆劫。必應按名擒獲。毋任漏網。該犯等罪名。雖不至於凌遲。亦

當分別斬梟。並傳集該貝子等當面懲辦。以紓積憤。至蒙古人等當番賊搶掠時。人數無多。番賊既能放鎗。豈蒙古轉不能放鎗抵禦。何以任番賊來至帳房。將衣帽搶去。該貝子輒躲入喇嘛寺內。次日番賊復至。又思出外奔逃。以致伊妻跑出被傷。實屬懦怯無能。且據該犯拉隆供稱。我因不識水性。不能擺渡。有納漢王旗下渡賊之水手攔角爾等七人。陸續渡過賊番三十餘人。分得牛羊若干隻。

等語。其乙旦木一犯。據供即係特禮貝勒旗下蒙古。可見蒙古被搶之案。多係伊等屬下人戶。與賊番通線。為其擺渡。較之番賊等情。罪尤為可惡。應將數犯嚴拏務獲。加倍懲治。使知所儆懼。並曉諭該蒙古等。嗣後當大加振作。自衛身家。勿以天朝此次為之查拏。兇賊恃為長策。尤當於所屬人戶。嚴加管束。毋任與賊勾通。自滋擾累。其被搶牲畜。雖應多為追給。但番賊等果能畏法。繳出贓物若干。

即可就事完結。亦不必全數著追。至蒙古等屢被番族搶擾。該處交界地方。既有河一道。番賊等不識水性。難於濟渡。即可在彼嚴防。以絕番賊往來之路。但蒙古積弱已久。不能自行經理。或代為設法。即在沿河地方。令蒙古添設卡倫駐守巡防。並將船筏概行徹收。使番賊不能乘閒偷渡。庶可永杜弊端。著貢楚克扎布會同都爾嘉等察看情形。悉心妥議具奏。再另片奏永昌敦煌等處。又有蒙古

人戶攜眷前來酌加撫卹一節前此丹噶爾搬來蒙古貧戶業經降旨妥為撫綏即令其仍回原牧處所此次又復有蒙古紛紛前來挈眷居住豈能長恃官為贍給著曉諭伊等早回游牧原處各安生業毋許再行攜帶多人投入內地將此諭令知之○惠齡奏請鼓勵承辦軍務出力人員賞知州陳祁莊振花翎知縣薛因勉藍翎餘升擢有差○乙丑諭內閣朕本日閱看隨圍侍衛等射靶二等侍

衛委侍衛班領明勳射箭三枝內兩箭並未到靶明勳身充侍衛步射平常甚屬不堪著革去二等侍衛委侍衛班領仍留多羅額駙職銜罰俸三個月回旗當差以示炯戒此皆該領侍衛內大臣等平日未能指教如此庸劣之員該大臣等尚以題升委侍衛班領尤屬不合正黃旗領侍衛內大臣綿恩保寧著交各該衙門查議嗣後如有似此題升劣員者經朕察出定將原保領侍衛內大臣等治

罪不貸○陝甘總督惠齡等議覆前任總督長麟條奏善後事宜查現在陝境肅清民人以次復業其山峯堡寨無人居住者應行折毀以杜藏垢納污其現有百姓居住者則暫從其便此外平地堡城民人業已盡室安居勢難概行折毀應飭地方官親為查看詳報備案所有應繳軍器在官為給發者按數收回其百姓自製者令呈明原製之價到局繳銷即照原價給發嚴禁抑勒剋扣等弊其長

麟所奏添設鄉正鄉鐸名目既難得可信之人轉恐恃符把持為鄉里之害應毋庸議至老弱無歸之人臣等現飭屬於舊有養濟院等處收養其年壯者或充夫役或佃種謀生不致流離失所再查軍功鄉勇願入營伍者已派赴各營嫻習紀律其不願入伍者俱經資遣回籍仍飭地方官隨時稽察得旨允行○丙寅諭內閣國家承平不忘肄武每歲木蘭行圍簡蒐軍實兼以綏懷藩服意至深遠

我

聖祖仁皇帝在位六十餘年。歲時出口行圍。著為恒典。朕恭閱

高宗純皇帝實錄。內載雍正四年

世宗憲皇帝諭旨。以校獵講武一事。朕年來未一舉行。庸劣無知之員。及怠惰不堪之兵丁。頗有以朕之不往為是者。此皆愚賤之人。偷安自便。不知大體之論。國家武備。關繫緊要。朕欲俟經理政事。悉皆得宜。即當於農隙之

時。躬行獮狩之禮。欽此。仰見

世宗憲皇帝垂訓諄諄。雖未及親舉行圍。而訓練滿洲之意。未嘗一日忘也。我

皇考高宗純皇帝敬承

世德。每歲舉行秋獮大典。自平定西域以來。新疆諸部。絡繹來庭。其中多有係生身者。每於山莊展觀

聖製避暑山莊後序。以後世子孫當毋忘

家法。習武木蘭。後人如忘此言。則與國休戚之

大臣。以及骨鯁忠直之言。臣隨時進諫。

訓辭。肫摯。不啻面命耳提。朕纘緒

丕基。若於行圍舊典。竟不率由。而蒙古諸藩王。及新疆諸部。曾不加之款洽。聯為一體。是不能仰體

祖

考之心。以為心實愧且懼。設云事近遊觀。殊不知盤於遊畋。古人示戒。原為侈耳目之娛。今則習勞舉典。正由不自暇逸。如果以暇逸為事。則御園憩賞之處。較之塞外山莊。清勝迴殊。更何耽戀於彼。况蹕路所經。設雨水泥渾。跋涉維艱。人情莫不好逸而惡勞。朕何獨好為此舉乎。且朕日以肄勞講武為訓。而近日八旗官員。於騎射尚多不能嫺熟者。若竟停止行圍。伊等更日事恬嬉。漸忘本務。何以仰承

列聖教養之盛心。朕實不敢出此。亦不忍不遵皇考屢次教導之

聖訓著將此旨明白宣示。俾共知朕意。○丁卯總理行營事務王大臣等議奏。哨內撲救荒火章程。得旨著交御前大臣於進哨時擬派乾清門侍衛四員。若遇倉猝起火。即著此四員前往撲救。如撲救及半。著二員先赴大營具奏情形。其餘二員俟撲救完竣。再回大營具奏。並著派虎槍長帶領虎槍營人員一半前往撲救。其餘一半在大營門外將附近枯草芟割遠棄。儻火光甚近。文武大臣官員等再行上門。如相距甚遠。文武大臣官員等仍無庸紛紛上門。○山東巡撫鐵保奏。接准部駁覆。究出滕縣民人王連王牛因姦謀命實情。得旨著交刑部速議具奏。此案山東省民人王連等謀死徐大生母子二命。先經該省將王連照謀殺人從而加功律擬絞監候。王牛依誘拐例擬軍。威氏止科姦罪。經刑部飭駁。鐵保等復提犯研鞫。始究出王連王牛均與威氏通姦。商謀害命。威氏目擊夫姑被害。

仍與姦夫同回姦宿。事發之日復捏情諱飾。按律將威氏改擬凌遲。王連王牛分別斬決。斬候罪名輕重實屬懸殊。該撫請將承審各官交部議處。自屬咎有應得。所有滕縣知縣蔡臨及前署兗州府事青州府同知趙懷玉均著交部議處。至刑部司員向來駁飭案件外省遵駁改正者。即將司員予以紀錄。此次所駁王連等謀命一案罪關重大。若非刑部將情節指駁幾致正兇倖逃。顯戮自應將該部駁正之員量加鼓勵。著查明該司首先議駁者係屬何人。同定議之各該堂官一併奏聞。候降諭旨。尋刑部奏首先議駁之郎中瑪隆阿等得旨嘉獎。加級紀錄有差。○增設日講起居注官滿員二缺。從翰林院掌院學士彭元瑞等請也。○戊辰命科布多叅贊大臣宜興回京候旨。以巴里坤領隊大臣恒伯為科布多叅贊大臣。乾清門二等侍衛圖善為巴里坤領隊大臣。○旌表守正捐軀甘肅寧

夏縣民胡承業妻侯氏。四川資州民朱有貴妻李氏。○己巳。以恭修

裕陵隆恩殿。先期遣官告祭

裕陵。及

后土之神。○旌表守正捐軀河南寶豐縣民翟旺妻郭氏。○庚午。賞伊犁協領滿祿。副都統銜。為領隊大臣。○辛未。諭軍機大臣等。川省零匪不過四百人。此時若仍以數萬兵勇稽時糜帑。誠屬不值。是以節次降旨。諭令分

兵搜捕。不可以大隊之兵。搜剿零賊。徒勞跋涉。今額勒登保奏。另籌變通之策。自必思減撤兵力。節省錢糧。而摺內又未將如何變通之法。聲敘。朕思現在官兵儘數派撥。且鄉勇所得分例較多。莫若先將各處鄉勇裁撤。則節費已屬不少。額勒登保惟儘現有之兵。分派鎮將。將餘匪搜剿淨盡。然後再議撤兵。且朕所謂辦理淨盡者。原非必一匪不存。但如成股之賊。或百人或數十人者。必當散其黨

類。斷其脅從。使之不能再合。零星散竄。即可搜剿無遺。若祇剩一二散匪。未經剿盡。不過潛匿逃生。無能再行勾結。自即可馳奏竣事。至所稱責成地方官查拏餘匪。恐有名無實。所論亦是。但如本日摺內所稱東鄉縣差役李坤。帶同寨民在梭羅碕。拏獲賊匪二名。近年以來。地方似此認真查拏者。亦復不少。惟大兵未撤以前。官軍不時往來境內。地方差役人等。俱得憑藉聲勢。易於查拏。若兵力全數裁撤。惟恃州縣辦理。勢自有所不能。額勒登保等總當將成羣合夥之賊。全數辦竣。所剩不過一二竄匿之徒。彼時自應責成地方官緝捕。將此諭令知之。○旌表守正捐軀河南信陽州民婦熊氏。○壬申。

上御勤政殿聽政。○諭內閣御史雙壽奏。請將王公名下五旗包衣藍白布甲。民公侯伯各大臣及八旗佐領名下坐甲米石。仍改於京倉支放一摺。所奏尚是。此項米石。向來本在

京倉關領嗣因通倉貯米稍多御史赫霖奏請改於通倉支領經戶部倉場衙門議准本屬一時通融辦法該旗人等赴通關領需用腳價既不免增多設因盤費缺乏竟在通變賣通州為七省漕糧交卸之所積米本多勢必至於賤售恐奸丁等易於購買致啟弊端且該旗人於回京後轉須貴價糴買食米京城米價必至昂貴於生計殊多未便除本年春夏兩季米石業已在通關支外著自秋季為始所有各該旗應領各項甲米准照所請仍在京倉支放○又諭晉昌等奏查勘新團莊頭呈請更換馬廠地畝情形一摺莊頭黎永貴等因原領新立屯地生長蘆葦荒城不能開墾呈請將古同山等處馬廠閒荒兌換本與定例不符且乾隆三十五年曾經奉旨莊頭等所種地畝概不准另行撥補自應永遠遵行今該莊頭承種地畝既查明並非城片不毛之地輒欲換馬廠邊沿恐啟覬覦肥

沃之端除此次違例懇請之莊頭黎永貴等不准更換外嗣後如有將額撥官地率請更換並民人呈討馬廠墾種納租等事即著照違制例治罪○癸酉諭內閣工部堂官等奏河道搶險工程請勅河臣於奏報情形摺內確計丈尺約計銀數以昭覈實一摺係為慎重錢糧起見但黃運兩河遇有險要工程臨時急須搶護多係刻不容緩是以向來各該河臣奏報情形均即一面興修迨各處工竣分案造冊題估今若令其於估計後始行搶修轉致於河工有誤殊有關繫惟是各該河督奏報摺內凡遇搶險處所往往用一帶等處字樣並不確指起止地名恐啟廳汎各員影射浮開及事後增添情弊亦不可不防嗣後凡有添築埽壩等工如勘明實係緊要處所萬難稍緩者仍著各河臣一面上緊搶護一面於興工後即將新工地名段落確實聲明並各工長寬高厚丈尺若干約需銀數若

干逐一分開詳悉具奏。以便交部查覈。不得仍稱一帶等處語涉含混。其尋常各工。仍俟估報後再行興修。庶於國帑工程均歸覈實。而杜浮冒。○諭軍機大臣等。貢楚克扎布奏。撫卹青海蒙古並現在辦理情形。覽奏俱悉。貢楚克扎布以野番強悍。非僅以空言懾服。勢須天兵臨集。伊等方知震懼。所見亦是。惠齡係該省總督。西寧既須用兵。自應親往督辦。著即馳赴該處。與貢楚克扎布都爾嘉等。會籌熟商。於就近營分調撥官兵一二千名。以張聲勢。如尚覺不敷。即酌量加增。或揚言大兵數千即日前來。亦無不可。總須令聲威壯盛。使野番聞風惕息。雖不犁庭掃穴。殲戮無遺。亦必令將先犯並所搶牲畜贓物。早行獻出。真心畏懼。持咒具結。再不敢復圖搶掠。方為一勞永逸之計。蘭州省城。不可無大員彈壓。臬司蔡廷衡於惠齡到後。即令回省辦理地方事務。將此各諭令知之。○甲戌。

上幸靜明園詣

龍神廟拈香。○乙亥。予陝西解餉遇賊被戕。同知汪銓。祭葬世職。如知府例。○戶部議准。前任江蘇巡撫岳起。疏報婁縣開墾蕩田一十畝有奇。照例升科從之。○免江蘇海。沐陽。碭山。豐沛。蕭。銅山。七州縣大河。徐州。二衛。上年水災地丁屯折河租漕項麥折等銀米。○丙子。諭內閣。兵部具題。富僧德。富翰等軍功議敘一本。已依議行矣。此案富僧德。富翰等。因趕勦樊曾股匪。打仗勇往。交部議敘。係上年六月之事。乃該部遲至一年之久。始行具題。延緩已極。雖經聲明奉旨後。行查該員等旗分實缺營制。於本年五月始據叅贊成都將軍德楞額奏明辦理。但富僧德。富翰二員。均係侍衛。上年降旨議敘時。該部何以不就近向侍衛處咨查。轉欲行查外省。以致輾轉稽延。實屬拘泥。至外省奉到部文後。自應即速查明。早為咨覆。何以直至本年五月始據

覆到。且此外尚有行查之協領明德等六員。至今並未查覆。亦屬因循怠玩。均著傳旨申飭。其未經查覆各員。仍著該部速行咨催辦理。近來內而部院各衙門。外而督撫司道。所辦之事。延緩怠弛者多。急公任事者少。朕深以為愧。若再不加振作。力矯頽風。朕惟執法嚴懲。勿謂教之不豫也。○丁丑。以翰林院侍講學士秀寧。侍講那爾豐阿。充日講起居注官。○戊寅。諭內閣。向來

皇后出入。均派內務府大臣一員。帶領豹尾槍扈從。此次隨朕巡幸。轉無扈從之員。殊非體制。嗣後

皇后行營。俱著派內務府大臣一員。帶領豹尾槍扈從。著為令。○又諭。據京畿道御史多福等奏稱。近來各省赴京控案。日漸增多。大半皆地方官不為審理。且有經上司衙門批令訊詳。仍然置之高閣。以致紛紛進京控告。請勅下各督撫。轉飭所屬。嗣後審斷詞訟。務

當照限完結等語。近來各省民人控告之案。據都察院步軍統領衙門陳奏較多。朕隨時披閱。大率皆地畝銀錢。及蠹役把持。土豪凌壓等事。因本處地方官不為速結。或致拖斃人命。案越多。年無所控告。始不得已。攢湊盤費。跋涉道途。來京呈訴。該御史等所奏。實為近日通弊。此等尋常案件。當其控告之初。原不難隨時申理。無如外省積習廢弛。因循怠玩。其視民間爭訟細故。以為無足重輕。任意

延擱。不以公務為重。惟知剝削肥己。實為可恨。殊不知小民等致釁之由。原不在大。即如數十金銀債之事。在地方官不以介意。而小民生計攸關。賴以度日。若不迅為剖斷。計無復之。勢必情急上控。此等民人既經到京陳控。自不得不徹底究辦。而一經發交該省。該督撫等非袒庇屬員。即瞻徇前任。往往以誣告審結。民隱終不上聞。若派令欽差嚴審。則控案繁多。又安能一一派員前往。疲勞驛傳。

且外省尋常案件俱必俟赴京呈控始為申
理又安用各地方官為耶嗣後各督撫當嚴
飭屬員於地方詞訟申詳事件務須依限審
結不得遲逾即自理詞訟亦須迅速完結設
有久延不結之案在本省上控該督撫等尤
當迅速催結將延玩之地方官照例叅處儻
督撫等狃於積習任意延宕以致小民抱屈
含冤遠來呈訴審明後必將該上司一併嚴
懲不稍寬貸將此通諭知之○又諭祿康等

實錄卷一百一十五

十一

奏步軍統領衙門各司員請一體保送各差
一摺向來各部院司員遇有關稅錢局等差
均准隨時保送步軍統領衙門各司員當差
既與部院無異且據稱該司員等於審解旗
營事案尚知黽勉著加恩照所請嗣後遇有
應送關稅錢局倉差時准該堂官照各部院
衙門一體保送以示鼓勵○諭軍機大臣等
鐵保奏沂屬地方飛蝗過境一摺據稱所屬
之郟城蘭山兩縣於本月初旬有蝗自東南

飛過縣境並未停落等語蝗蝻自東南飛來
經過該二縣地方豈無零星停落之處既有
停落即難保無傷及禾稼之事所奏恐未確
實據云經過該二縣時並未停落現在究竟
飛往何處必須派委妥員迅速查捕毋留遺
孽並將有無傷及禾稼之處據實具奏不可
稍存諱飾將此諭令知之○又諭據鐵保奏
沂州府屬之郟城蘭山等縣地方於本月初
間先後有蝗自東南飛過縣境並未停落等

實錄卷一百一十五

十一

語該府地界與江南徐州海州等屬毗連此
次飛蝗來自東南自必起於江省境內何以
總未見費淳奏及著傳諭該督將東省飛蝗
係江省何處所出該地方官作何辦理現在
有無存留傷損禾稼之處迅速查明據實具
奏不得以前此未經奏聞稍有迴護將此諭
令知之○又諭楚境零匪此時業已垂盡惟
陰峪河合夥之賊亦不過數十人又經官兵
分路擒截益形減少吳熊光當嚴飭吉林泰

孫應奉等上緊追截就地辦淨勿使再有他
竄至零匪等四散奔竄固當扼要防捕尤須
曉諭各處寨勇人等以從前賊勢鴟張有向
各村寨掠取食物或恣意強索爾等因心懷
畏懼任其肆劫非惟不敢抵禦甚或與以接
濟均所不免事屬已往亦不追究今大兵搜
捕將竣賊勢已極衰威僅有零竄匪徒經過
各村寨意圖掠食或官兵一時未到該匪等
在彼停留爾等務當同心協力趕緊擒捕送
官辦理

實錄卷一百

二十

況現在大田將屆成熟新穀指日登
場尤恐該匪等猝行竊掠爾等各當加意防
護嚴密守禦則匪徒口食無資自不能苟延
殘喘慎勿稍有畏蒞致令疏脫設有私行接
濟情事一經查出必當嚴行治罪如此明白
示諭並酌量懸立賞格俾寨勇等知所感奮
合力查拏於搜捕自屬有益將此傳諭知之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十四

實錄卷一百

二十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百十五

監修總教官經學士掛起眉溫官太子傳武英殿大學士文淵閣領閣事稽察欽奉
上諭事件處管理工部事務翰林院掌院學士隨帶

級尋常品級。曾振鐸總載官太子太保文淵閣大學士管理刑部事務加五級。戴均元總載官太子少保內文閣大學士管理

蔡致華 上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統領管理戶部廣

奉宸苑清園等處總理工程處御營膳房御藥房太醫院西洋堂事務軍功加三級隨帶加二級尋常加三級紀錄二次臣 英和謹

璫官太子太保禮部尚書上書房行走武英殿總管管理園子監事務加六級隨帶加一級紀錄四次臣王延珍等奉

救修

嘉慶八年癸亥六月己卯諭軍機大臣等各

省設立倉庫以備緩急之用皆係正供歲入
及一切經費所關原不容稍有虧缺前聞各
省州縣多有任意侵虧以完作欠情弊其中
或私肥囊橐或逢迎上司豈必盡屬因公挪
移而該管上司或因平素婪索屬員分肥入
己或因有三節兩生日之私情礙於顏面並
不實心查辦以致上下通同不惟舊欠未補
抑且新欠復增遂令儲積空虛有名無實節
經降旨諭令各該督撫悉心查覈力加整頓

嗣於嘉慶六年五月內復經諭知各該督撫將查出無著款項總當責成現任之員上緊彌補不得任意諉之前任虧缺徒以查追了事儻於一二年後經朕特派大臣分往實力盤查如有虧挪情弊惟現任接收之員是問誠以清釐正項乃國家理財大端非鯁鯁言利也今閱時已屆二年總未見各該督撫將各屬倉庫如何勒限彌補現在曾否彌補完竣詳悉具奏一味遷延含混當此整綱飭紀

之時該督撫等豈應全無畏懼復有從前營私袒庇惡習且如川陝楚三省或猶以現辦軍需未暇清查其餘各省督撫等正當督率屬員及早完款何以至今尚未奏及殊屬延緩著再傳諭各該督撫於接奉此旨後即將各該省現在有無虧缺其查出虧缺之州縣銀數穀數共有若干現在已補若干未補若干其在本省現任官員名下勒令彌補者若干已經離任各員由該省行知旗籍咨追者

共有若干究於何時可以全數彌補完竣一
一詳細分析開單具奏毋得稍有諱飾迴護
仍著一面嚴催完繳勿任因循疲玩並嚴查
各該州縣等不得藉詞彌補致有勸輸派累
等事擾及百姓將來朕派員查辦時仍有未
完款項或查出別項弊端則係該督撫等奉
行不力朕將執法懲治勿謂罰不及衆亦莫
謂言之不早也○予陝西甘肅陣亡藍翎侍
衛長安都司李廷彪金三重守備歐凱郭大

朝千總李正太把總張斌彭升洪啟貴柴東
忠江順湯日清劉統邦何勝祭葬世職馬兵
李有學等一百八十二名賞卹如例○予四
川湖北陣亡把總石華貴王占鼐朱之必戴
應教外委楊正坤祭葬世職如千總例參將
李芝榮唐玉龍都司賈紹復千總李文彪蕭
鵬飛陳洪遠把總李翠朱道勝王大凱王大
順外委鄭起高王有仁陳元速忠賈士元李
盛敏余開國已革把總劉鳳祭葬世職馬兵

吳經邦等八十五名步兵閔華等一千一百
八十一名鄉勇李盛宗等七名賞卹如例○
予福建出洋淹斃把總李如彪祭葬卹廕如
例○庚辰戶部議准江西巡撫秦承恩疏報
南昌建昌二縣開墾田一頃二十六畝有奇
照例升科從之○辛巳諭軍機大臣等隨征
鄉勇一項本非各寨堡團勇可比前曾節次
降旨諭令額勒登保等於大兵未撤之前陸
續裁撤誠以該勇等半係無業游民從征日

久多有桀驁難馴之氣不可不豫為安置乃
此次摺內何以僅稱凱撤東三省官兵及外
來客兵而於鄉勇轉未提及設藏功以後將
官兵全數撤回該鄉勇等閒有滋事又何以
彈壓額勒登保等寧不籌慮及此乎將此傳
諭知之○額勒登保奏報官兵搜山殲擒餘
匪並生擒戕害穆克登布之首逆熊老八得
旨嘉獎賞出力鄉勇羅得興胡貴軍功盧仕
偉頂帶藍翎○壬午旌表守正捐軀江蘇嘉

定縣民張在明女張氏、癸未諭內閣舒聘奏請挑運城垣下積土一摺京城九門外附近城垣地面原應修治平坦以肅觀瞻今城垣下各處皆有積土而前三門外竟有高至丈餘者即間有風沙壅積亦必不至如此之甚揆厥由來皆因修築城工時不遵照定例將餘剩砂礫加工運遠以致填委城下又前年挑濬護城河時將河內挑出淤沙全行堆積兩岸彼時承辦各員希圖減省運腳此時

又復派人挑運轉多糜一番工費著交步軍統領衙門即將九門外沙土淤墊之處逐一履勘查明具奏除實係風沙吹壅官為挑運外其餘如係曾經修築城工地段即著落承修之員自行雇覓人夫挑運係護城河岸地面即著落原辦挑濬河渠之員自行雇覓人夫挑運俟一律修治平坦具報工竣查驗後步軍統領衙門仍於每年霜降前周歷查勘隨時修整以符定制再前曾降旨諭令步軍

統領衙門將城牆樹木靠近倉廩易於攀援者相度芟除此次並著該衙門於履勘城外積土時再行查看除根株盤結與城工甃石相連者無庸剷它外其叢生雜樹量為翦伐並飭令該管弁兵不時留心巡察勿致日久懈弛○舉行嘉慶七年大計東河河員卓異官三員有疾官一員年老官一員分別議敘處分如例○甲申諭內閣據理藩院轉奏喀喇沁之扎薩克頭等塔布囊喇特納濟爾第

呈稱丹巴多爾濟之祖母和碩格格冰霜持節現已八旬懇請旌表等語和碩格格係鎮國公弘昉之妹指與額駙僧袞衮扎布未婚守節今年逾八旬撫養子姓五世同堂良為昇平祥瑞光耀宗支甚屬可嘉除加恩交該部照例旌表外御書扁額併由內賞給如意一柄紗緞十八匹派散秩大臣松齡馳驛送至游牧處所頒給以示朕嘉勵貞操篤眷宗支至意○又諭那奇泰等遵奉部文查奏打牲

地方世職襲至二次向不給俸一摺所奏甚是前因額勒登保德楞泰等奏打牲地方世職初次承襲給與半俸襲至二次即不給俸請照呼倫貝爾世職之例永遠給俸等語當交戶部議奏旋准戶部奏交黑龍江將軍查覈茲據那奇奏稱打牲地方世職除打牲外別無差使打牲烏拉承襲世職二次向不給俸呼倫貝爾地方與俄羅斯接壤差使繁多該處世職官與職任官一體常川巡查卡

界是以呼倫貝爾世職永遠給與半俸原係酌量二處情形差使輕重辦理奉行已久似應仍照舊例辦理等語是額勒登保德楞泰所奏係屬例外乞恩著交部仍照舊例辦理○乙酉刑部議覆山西巡撫伯麟疏稱平定州民王曰增毆傷期親服兄王曰俞身死查該犯自幼雙瞽惟毆死期親服兄倫紀攸關毋庸援例聲請將該犯擬斬立決得旨此案王曰增因伊兄王曰俞借欠宋裕昆錢文屢

索未還迨至上年十月十九日宋裕昆又來索欠王曰俞並不好言懇緩轉向爭吵本非理直王曰增用言勸走因向伊兄理說並無干犯情事乃王曰俞不服輒行村罵將該犯揪倒用靴毆傷顙門該犯本屬雙瞽又因一時掙不脫身遂摸拾靴塊回毆原係冀其鬆放王曰俞揪扭益緊該犯復連毆致傷王曰俞始行鬆放該犯亦即歇手且王曰俞並無骨損重傷其身死已在二十日之後况該犯

究係瞽目之人不能辨視假使伊兄亦係雙瞽自仍當按律斬決今王曰俞先行毆傷雙瞽之弟該犯情急圖脫摸靴回毆致傷身死究與尋常毆死期親尊長者稍有不同朕辦理庶獄固未嘗稍事從嚴亦不肯過為寬宥惟在覈其情罪期於生死兩無冤抑以昭平允王曰增著改為應斬監候秋後處決照例入於服制情實餘依議○光祿寺卿鶴林老病休致以奉宸苑卿永來為光祿寺卿○丙

戎遣官祭

火神廟○刑部議駁四川總督勒保奏審富順縣民何秉成毆傷余廷璠身死一案擬罪未當得旨此案何秉成先因雇主劉仁現欲開挖煤洞李世耀恐礙祖墳邀約余廷璠等往阻適劉仁現他出李世耀即向何秉成告知致相爭鬪余廷璠在旁攏護何秉成躲避而散余廷璠回時見有雞隻順捉三隻而歸此不過順便攫取與實在竊盜不同且亦未必確知是何秉成雞隻有心行竊迨數日後何秉成趕場路遇余廷璠向索雞隻彼此詈罵何秉成即拔身帶鐵尺疊毆致傷余廷璠仆跌倒地辱罵何秉成一時氣忿起意致死又用鐵尺連戳見其尚未絕氣復毆傷其左脚內踝當時殞命是何秉成明係挾余廷璠攏護阻開煤洞之嫌心懷忿恨因藉索雞細故兇毆多傷起意致死自應將該犯照故殺問擬該督等輒依擅殺罪人律科斷殊失輕

縱部駁甚是著該督再行研審確情另擬具題朕慎理庶獄一秉至公即如昨日刑部具題山西省瞽目民人王曰增毆傷胞兄一案以其情節稍有可原特降旨將該犯改為斬候今何秉成實係挾嫌致死自當問以故殺惟覈其情罪之平權衡至當務使生死兩無冤抑從不畸重畸輕稍有容心也 丁亥軍機大臣會同吏戶等部議覆陝甘總督惠齡條奏善後事宜一南山內西鄉平利商州鎮安各州縣均准改為繁缺一南山內各州縣准就地方大小各添壯丁數十名於隨征鄉勇內挑選其口食先以查出絕產叛產變價生息支放再行籌款一陝省各屬因軍需動撥常平倉穀應買補其山內各州縣原貯倉穀少者酌量加增並令妥議章程辦理一留壩寧陝石泉等廳縣應行建築城垣棧道內東河橋草涼驛廢邸關南星馬道大安驛黃壩驛等處應行添建土堡令其照例估辦從

之 戊子諭內閣彭元瑞奏太學石經現在
所刊碑文與

聖祖仁皇帝御纂四經康熙字典及

高宗純皇帝欽定三禮校定武英殿十三經開
有異同請詳加察覈等語石經為同文盛舉
刊布黌宮垂世行遠今碑內文字既尚須檢
校著派董誥朱珪紀昀戴衢亨邢彥成將石
經碑文與

御纂

欽定各書悉心查對有無異同黏簽呈覽○又
諭工部尚書彭元瑞學問素優供奉內廷三
十餘年行走勤慎前以腿疾艱於動履特兩
次恩准展假令伊在家調理茲據奏宿痼已
久時收時潰現在難望即痊懇情懇請解任
等語彭元瑞賞假療治已及半年現既未能
痊愈著照所請准其開缺俾安心調養至伊
現充

實錄館總裁一切事例素為熟諳伊在館總司

編輯之任未便遽易他手著加恩留充

實錄館總裁俾得一手恭纂並著賞給尚書應
領正俸銀米其總裁應得公費照常支領以
示眷念即令其進城調養如果腿疾就痊步
履如舊仍當以原官起用 諭軍機大臣等
額勒登保等督率將領分路搜剿多有斬獲
共計殲擒賊匪百十人並將偽元帥趙金友
拏獲額勒登保勒保於拜摺後即分東西兩
路進發分投督辦俟川匪排搜淨盡額勒登
保親至湖北周歷巡查所見亦是本日吳熊
光奏留東三省馬隊官兵額勒登保俟回京
時即可帶領由襄陽至河南一路凱旋俾所
過地方知經略親帶大兵回京聲勢更壯其
川省應徵弁兵應行進京者亦可一併順帶
前來至另摺奏籌商裁撤客兵及酌擬留防
搜捕章程所議悉合機宜鄉勇一項隨征日
久半係無業可歸之人朕節次降旨總以安
頓鄉勇為亟額勒登保現咨商德楞泰請將

現無家業情願歸營之人准照川省所設新兵之例各給守糧一分俟有制兵缺出隨時撥補所見甚是入營充伍既有錢糧可資養贍該營員等更可隨時鈐束如有桀驁滋事者即可懲之以法額勒登保等籌議及此既稱萬全無弊此即伊等專責設置稍有不安惟伊等是問此外如先撤外省及東三省馬隊之兵請留本省官兵分路防勦每月所費餉銀不過十四五萬並於川陝楚三省分駐大員以資統率各款均照所議再據稱拜發六百里喜摺之後擬將經略印信先行申繳一節此可不必現在三省邪匪雖已蕩平尚有一切應辦善後事宜即日德楞泰進京後額勒登保由川赴楚順道排搜一切文檄往來均須鈐用印信非如叅贊德楞泰現係成都將軍尚有本任印信可用者比額勒登保若將經略印信先行繳回轉恐呼應不靈且三省歲功完善中外欣慶額勒登保始終

其事其印信自應俟入都時親自齎回方符體制將此諭令知之○以協辦大學士戶部尚書朱珪兼翰林院掌院學士吏部尚書劉權之為國史館副總裁官禮部尚書紀昀教習庶吉士○調兵部尚書戴衢亨為工部尚書充會典館副總裁官以兩江總督費淳為兵部尚書署工部尚書陳大文為兩江總督○調刑部左侍郎初彭齡為工部右侍郎轉刑部右侍郎姜晟為左侍郎以工部右侍郎戴均元為刑部右侍郎○己丑改安南國為越南國封阮福映為國王諭內閣前此農耐國長阮福映表陳與安南構兵顛末係為先世復讐恭遣陪价齎繳阮光纘遺棄舊頒勅印並縛獻海洋通盜恪恭請命朕鑒其航海輸誠特予嘉納曾經明降諭旨將安南阮光纘獲罪覆滅及阮福映恭順出力緣由先行宣示中外嗣節據該國長請錫新封陳明該國係先有越裳之地今併有安南不願忘

其世守額懇仍以南越名國經疆吏據情入告部臣議駁以南越命名與徽外封域未協特念其畝關內附敬抒惻忱命用越南二字以越字冠於上仍其先世疆域以南字列於下表其新錫藩封並令廣西撫臣孫玉庭一面檄知阮福映一面委員伴送齋進表貢使臣赴京諭其緩程行走以示天朝柔遠之意茲復據孫玉庭奏稱阮福映接奉欽定越南恩命倍深感激情詞歡忭出於至誠該使臣

業已起程北上計七月下旬即可到京等語應即加之寵命封為越南國王所有應行頒給該國王印信勅書等件著各該衙門查照定例先期豫備並著欽天監衙門於頒行時憲書內將安南二字改為越南永遵正朔至將來冊封時著派廣西臬司齊布森將新頒勅印帶同來使齋捧出關前往宣示詔旨俾該國王長承恩眷世守勿替將此通諭知之○又諭鐵保奏請將平度州知州邱鼎調補

膠州知州滋陽縣知縣孫良炳升署濮州一摺已批交吏部議奏矣及閱夾片內稱明知與例不符實無辦法即奉部駁亦再無人可換等語殊不成話向來督撫保題不合例人員經部照例議駁朕念其人在實任相需每加恩准並將該督撫等處分寬免節降諭旨甚明該撫豈不知之即使因該省現無合例人員不得已將該二員升調亦應婉詞聲請以期恩出自上方合敷奏之體乃竟以為即

奉部駁亦再無人可換並將不合例人員全行開列是欲朕必如所請非有心要挾而何若各省督撫保題不合例人員俱不待交部議國家又安用設此吏部為耶鐵保著傳旨嚴行申飭並著交部議處○諭軍機大臣等貢楚克扎布等奏籌辦丹噶爾蒙古內徙情形一摺丹噶爾蒙古陸續內徙積至九千餘人之多流離播遷自應妥為撫卹無致失所但亦須明白宣示著貢楚克扎布等即傳諭

該蒙古以爾等各有所牧今因畏懼番衆不能自衛紛紛內移蒙大皇帝俯賜矜憐不特未加譴責且格外施恩給予賑卹從前歷任辦事大臣經理未能周備聖明早經洞鑒是以欽派大員前來查辦但爾等數千人移居內地豈能久恃官為給養現在熟籌妥辦務使番衆懾服不敢再行搶劫邊疆永臻綏靖俾爾等得以迅回故土各安生業務須力加振作奮勉自強不可委靡以期無負大皇帝

逾格矜全至意所有撫卹丹噶爾蒙古於十日散麪時每日加給官茶一兩事屬可行將此諭令知之又諭英善等奏拉布丹納木扎勒患病身故並駁回達賴喇嘛來咨不准承襲公爵等語拉布丹納木扎勒所襲公爵原係

高宗純皇帝逾格殊恩前經理藩院奏准俟伊出缺後將公爵削去不得再請承襲今拉布丹納木扎勒業已病故並無兄弟子嗣達賴

喇嘛率以伊姨表弟索諾布達爾結懇請承襲尤屬不合英善等接到來咨即備文將所出公爵例不准襲之處咨覆所駁甚是至從前伊父索諾木達西在庫倫病故曾經賞給銀五百兩今拉布丹納木扎勒在藏身故著賞銀二百兩交與達賴喇嘛俾作好事以示恩賚本日據貢楚克扎布等奏丹噶爾散賑蒙古內即達賴喇嘛班禪額爾德尼屬下原在青海沙拉圖約和壘地方住牧二百餘名

口因避番族內徙口食無資現已一同給賑等語英善等應傳知達賴喇嘛班禪額爾德尼告以伊屬下二百餘人共沐恩施俾益知感激將此諭令知之○庚寅

上詣

大高殿行禮○還宮○以孟秋時享

太廟自是日始齋戒三日○辛卯諭內閣前因山海關地方多有內地民人攜眷出口經兵部議定章程具奏當即降旨飭令直隸山東

各督撫出示曉諭居民明定期限禁止出口
近聞內地民人前往山海關守候出關者尚
復不少蓋緣前旨經督撫接奉後刊刻宣布
一時間閤未及周知貧民亟思移家謀食相
率赴關係尚在未經定限以前若令仍回原
籍領票該民人等力有不能如任其擁擠關
口概不放行則日聚日多成何事體著策拔
克即馳驛前赴山海關會同來儀查點欲行
出口之戶現有若干逐一放行仍著直隸山
東各督撫再行定限出示曉諭該民人等自
此次定限之後斷不得攜眷出口致干例禁
仍各將如何出示定限緣由先行具奏○諭
軍機大臣等前因盛京地方間有蝻子發生
曾派德文成林馳赴該處查辦嗣據德文等
覆奏已將蝗蝻撲滅淨盡近復聞錦州至山
海關一帶沿途皆有飛蝗該副都統富疆阿
業已帶同知府佛喜保等分投撲捕地方文
武各員非不趕緊查辦但既有飛蝗因何並

不迅速馳奏著傳諭晉昌如此旨到時尚未
捕淨即仍派德文成林往彼會同富疆阿等
協力妥辦並當嚴飭地方官勸諭居民及早
撲滅或酌量換給錢米總期孽種早除可以
不至成災斷不必分派胥役人等紛紛撲打
致多擾累該將軍一面傳知德文成林亦迅
即前往轉飭承辦各員上緊撲除並一面將
如何辦理情形有無妨害禾稼之處據實具
奏不可稍有隱飾○又諭近聞直隸地方自
三河至山海關一帶均有蝗蝻滋生地方官
現在分路撲捕何以旬日以來總未據該督
奏到本年夏秋之交雨澤霑足農田可望有
收若被蝗蝻殘食豈不可惜若不速行撲打
恐為害甚烈今自三河至山海關俱有蝗蝻
萌蘖亟應捕除淨盡該督務嚴飭各地方官
勸諭居民上緊撲捕或用錢米換給以期速
就掃除並嚴禁胥役藉端滋擾仍將現在如
何辦理情形並未稼有無傷損之處迅速奏

聞以慰廩注將此諭令知之。又諭前因鐵保奏沂州府屬之郟城蘭山等縣地方有蝗自東南飛過縣境當即降旨詢問嗣據鐵保覆奏查明飛蝗起於江南海州葦地並經降旨詢問費淳至今尚未覆奏本日又據吉綸奏江南邳州間有零星飛蝗詢係山東郟城縣飛過等語是東省則以為起於江境江南又以為起於東境外省地方官總因向來飛蝗起處處分較重往往互相推諉希圖規避

實錄卷一百一十五

主

實為惡習殊不知地方遇有蝗蝻無論本境萌生及從外縣飛來總當立時撲淨何必究其所自來若彼此推卸轉不以撲捕為事勢必日漸蔓延於禾稼大有妨礙費淳昨已簡用兵部尚書尚未交替著傳諭費淳鐵保查明海州郟城等處現在飛蝗有無存留傷稼之事並著鐵保將郟城一帶飛蝗曾否撲滅淨盡各行據實覆奏毋得稍存隱飾。又諭永保奏馳抵普洱查辦各事件三摺覽奏俱

悉據稱刀永和因係舊宣慰之子不得承襲現又不能干與宣慰事務心懷不平設計誘令刀太昌等過江戕害復焚燒車里宣慰司房屋肆行搶劫等語是曲在刀永和自應嚴拏懲辦今永保等以刀永和現已遠逃江外藏匿若派官兵捕拏轉恐聞風遁竄經酌派道府各員前赴思茅向土目召齋翁等面為開導鼓勵令其設法購擒所見是該撫即飭令諭知召齋翁如果能設法將刀永和擒獻

實錄卷一百一十五

主

所有猛籠土弁一缺即當奏請將召齋翁頂補自必踴躍從事易於弋獲也又據稱孟連土司刀派功素性貪酷因僧人銅金引誘三猛五團之人向其布施心懷嫉妬即以銅金爭奪占踞其寨至僧人銅金據稱伊自歸順以後尚屬安靜並無不法劣跡其占踞孟連地界之處並無實在確據即伊前曾以俗家本名張輔國呈報官長一節亦尚無不合該撫現飭文武各員前赴威遠查辦如銅金果

有爭奪霸占情事即應嚴拏究辦若果無其事自可不必查拏但銅金究係僧人總當調至內地安置不得聽其在江外逗遛况天朝管轄保夷豈有僅令一僧人前往彈壓之理該撫惟當酌量妥辦勿滋邊釁為要又據奏威遠保黑在近邊地方滋擾想祇係窮夷希圖搶掠糧食尚非別有他意但究屬何項夷匪人數若干有無為首之人亦須查明酌辦或應量加安撫或竟應驅逐著該撫等相機

實錄卷五十五

十五

妥為經理以期永靖邊隅將此諭令知之○命釋獲罪圍禁之宗室景燭賞給粘竿處拜唐阿○壬辰諭軍機大臣等馬慧裕奏考城東北一帶有飛蝗入境向虞城商邱寧陵睢州蘭陽陳留祥符等處地方迴翔停歇現在趕緊撲捕伊不能先事豫防甚為悚惕等語蝗蝻最為地方之害在司土者止能實力搜除不能保其絕無萌蘖况由鄰境飛入焉能先事豫防有何可悚惕之處惟飛蝗一經停

歇為害甚烈本年豫省雨澤霑足農田可望豐收若被蝗蝻殘食豈不可惜馬慧裕務當督飭屬員儘力撲捕無論係本境所出及鄰境飛入皆當一律捕除不可稍留餘孽該撫摺內稱考城等八州縣具報飛蝗向東南西南飛去恐所過地方未必止考城等數處該撫仍當詳細確查東南西南一帶係何州縣究竟飛蝗停落何處曾否害稼現在曾否捕淨有無遺留蝻子之處迅速具奏以慰廬注

實錄卷五十五

十五

將此諭令知之○吏部議准直隸總督顏檢疏請將元城大名南樂清豐四縣捕務責成大名府同知管理改為兼河捕盜同知長垣開州東明三州縣捕務仍歸大名府通判管理兼管通屬鹽務從之○是月貴州巡撫福慶奏黔省昭忠祠現在擇地修建以祀陣亡官弁兵勇其從前苗匪滋事時紳士齊民不肯從賊或全家被害或守義捐軀可否准其一體祀出自

聖恩得旨甚是准其祔祀

寶錄卷一百十五

二五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十五

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百十六

盤條總教官洞道員請赴居宮太子太傅益英殿太監士文朗領閣事積聚款奉
上諭事件處管理工部事務翰林掌院學士廣

學知二級尋常加四級在曹振鏞總裁官太子太保文淵閣大學士管理刑部事務加五級在戴均元總督日講起居注官太子少傅內大臣文淵

閣下舉閣事務欲奉
上諭事件處協辦大學士戶部尚書翰林院學士殿學士
官主總管內務府大臣鑲黃旗滿洲都統崇

統領管理處 庫奉宸苑 圉圉處 總理二提處 御膳房 御藥房 醫院 西洋事務 功五級 隨帶加二級 尋常加主級 紀錄三

決在英和經理讀書李太保禮部尚書王書房行走武英殿總管管理園子監事務加一級隨帶加二級紀錄四次臣汪琬等奉

救修

嘉慶八年癸亥秋七月癸巳朔享

平家義朝

5

太廟。

上親詣行禮。○幸圓明園。○諭內閣。前因倭什布奏據革職惠州府知府伊秉綬之父原任光祿寺卿伊朝棟呈稱伊子秉綬因失察會匪叅戍軍臺。曾於事先疊稟有案。屢求總督提督發兵。皆不見信。致釀巨案。等情。經倭什布查閱原詞。有提督之兵無不通賊之語。殊不成話。當經降旨將伊朝棟革職。交倭什布親提審訊。將伊呈內所稱提督之兵無不通

賊之語令其切實指出憑據並令查明是否
係伊秉綬憑憑具控。茲據倭什布覆奏訊據
伊朝棟供稱伊子伊秉綬任惠州府時於七
年八月間訪聞博羅縣匪徒有結會聚眾之
事曾面稟吉總督孫提督請發兵往捕吉總
督恐激成事端諭令再加確查後來陳爛屐
四果然鬧事吉總督調兵勦捕伊子率同守
城彼時曾向詢問賊情據說現獲賊目朱得
貴係提標阜白田汛兵又窩留賊目之犯阜
亞五亦係提標兵丁均經吉總督訊明正法
我聞了此事心中駭異後來兒子奉旨發往
軍臺効力贖罪我因朱得貴阜亞五都是提
標兵丁而提督並未議罪心裏不甘是以具
呈投遞至無不通賊之語實是我老悖糊塗
措詞過當等語質之伊秉綬供亦相同並據
詢之前在惠州總理軍需之臬司邱庭澤知
獲解賊目朱得貴及窩留賊匪之阜亞五均
係提標兵丁屬實等語粵省提標兵數繁多

實錄卷百六

二

此內查有一二與匪徒潛通為逆者原屬法
所不貸彼時吉慶拏獲朱得貴阜亞五二犯
既經訊明係屬提標兵丁即應一面辦理一
面據實陳奏將該管營員並提督併請治以
失察之咎總督統轄行伍吉慶亦當自請議
處方為得體乃於獲解後雖經審明正法並
未具奏以致伊朝棟因未見提督被議心懷
不平遞呈控訴此皆因吉慶辦理不善之故
設其身尚在必當懲以應得之罪今已自戕
毋庸再議伊朝棟呈控有因本可加恩開復
但伊既具呈申訴即應將所聞二犯指明呈
出乃率稱提督之兵無不通賊是執一二為
匪之跡遽行污蔑闖營良善兵丁設此語傳
播被眾共知豈不大有關繫伊朝棟張大其
詞希圖聳聽殊屬不合今業已革職亦毋庸
再行治罪至伊秉綬在任時訪聞博羅縣屬
匪徒有拜會聚眾之事即經面稟總督提督
發兵往捕總因吉慶未肯發兵釀成巨案據

實錄卷百六

三

倭什布奏稱惠州紳士均有總督不聽知府之言未早撲滅之語。此與劉清豫料教匪必搶太和鎮稟知魁倫而魁倫不聽情事相同。是伊秉綬於匪徒滋事之案。尚非隱匿不報。此次伊朝棟呈控。亦非出伊慫恿。其罪轉屬可寬。伊秉綬業經另案革職。著加恩免其發往軍臺効力。即行釋放回籍。提督孫全謀於所屬兵丁為賊窩匪。漫無覺察。實難辭咎。孫全謀著交部議處。其朱得貴卓亞五二犯之該管各營員。並著該督查明奏請嚴加議處。

○諭軍機大臣等。楚境山叢菁密。最易藏奸。歸巴興房二竹一帶地方。保無未盡餘匪。慶成不可稍為鬆勁。致鎮將相率懈弛。惟當飭令按照段落。周歷窮搜。至搜擒餘匪。若仍如軍行時概予駢誅。不特弁兵等有意邀功。或致戕及良善。並恐兵丁寨民等有仇殺情事。殃累無辜。慶成當傳知各鎮將等。嗣後如遇零星餘匪。尚敢臨時抗拒打仗。成擒者。自當

仍行斬馘。其餘拏獲匪黨。著各解交該提督處親提審辦。如果實係從逆日久者。亦當恭請王命正法。一面具奏。其或係曾充賊目。得受偽封。情罪較重之犯。當解交總督處訊明。辦理毋許弁兵擅自殺害。以重生命。將此傳諭知之。○又諭琅玕奏偵探逆匪蹤跡一摺。恒乍綑一犯遁入摠地。刻下固不便帶兵窮追。若遽行徹兵。則夷衆益無所畏懼。即江外不宜久駐。亦應將兵練徹至江內駐劄。懾以聲威。各順夷自必幫同搜捕。仍一面設法傳諭摠子等。如能將恒乍綑縛獻。必當從重加賞。首逆一獲。即可徹兵歲事。琅玕當安速辦理。不可再有遲誤。將此傳諭知之。○予廣東鐵籠嶂攻賊被戕紳士杜仁溥張景仰祭葬。世職。如外委例。四川陣亡都司袁洪外委張廷貴陝西陣亡千總向開武外委劉紹先韓國英京口巡江淹斃防禦哲克東額祭葬。世職。兵勇高尚志等一百二十六名。賞卹如例。

○甲午諭軍機大臣等據顏檢覆奏查明三河昌黎樂亭三縣並無蝗蝻其餘如遵化豐潤玉田灤州盧龍遼寧撫寧臨榆等各州縣境內聞有飛蝗過境俱在空際飛揚並未傷及禾稼等語飛蝗經過之處道里綿長豈有久飛不停之理既經停歇斷不能忍飢待斃又焉有不傷禾稼之理總由地方官規避處分非以有報無報以不傷禾稼之語諱匿具詳視為故套在顏檢自不肯飾詞陳奏而地方官誑報積習實不可信本年直隸省雨暘時若田禾豐茂此實仰賴上蒼恩賜現屆收成已近偶有蝗孽尤當認真撲除勉盡人事以迓天庥豈可隱匿不辨朕聞三河一帶蝗蝻不但飛集田疇即大路旁亦紛紛停落而豐潤竟有填積車轍者此皆係過往官員目擊之語顏檢不可聽屬員稟報遽以為實仍當詳細訪查或選派妥實之員或親信家人密往確

查如州縣等果有諱匿情事即一面據實嚴叅一面上緊設法撲除淨盡期於秋收無礙儻該督不認真查辦經朕查出恐不能當此重咎也將此傳諭知之○又諭費淳奏徐州府屬聞有飛蝗停落旋即撲滅一摺飛蝗停落豈有成羣來往盡皆朽腹而過之理摺內所稱並未損傷禾稼之語殊難憑信且江海灘一帶沮洳之區有魚鰕遺子易滋蝻孽該督等早應督飭地方官刨挖淨盡今已報有飛蝗無論係本境所生及從鄰境飛來總當遴委實心任事之員嚴密查勘迅速撲淨費淳即確實查明如有未淨之處勸諭居民人等上緊自行撲打或易以錢米並嚴禁胥役藉端滋擾致有踐踏禾稼之事其有諱匿及辦理不善者即行叅奏勿得諱飾將此傳諭知之○乙未諭內閣吏部職司銓政若不遵照定例覈擬准駁則直省升調各官皆得上下其手而督撫身任封圻遇有繁劇要缺

所保之員。若盡限以年格。又無以收得人之效。是以向來各省保題人員。發交部議。其中不合例者。吏部照例議駁。議上時。朕念人地實在相需。每特加恩准。並將該督撫等違例保題處分寬免。各督撫等接奉後。尚具摺謝恩。人臣敬恭事君之道。原應如是。今鐵保題調不合例人員。竟敢以即奉部駁。再無人換之語。形之奏牘。實屬專擅要挾。全失敷奏之體。若各督撫相率效尤。其流弊尚可問耶。鐵

保本應照部議降三級調用。念係初任。且平日辦事尚屬認真。著從寬改為革職留任。邱鼎孫良炳二員。本可邀恩允准。但鐵保既有此奏。俱著照部議不准升調。其膠州濮州二缺。著該撫另行揀員具奏。○諭軍機大臣等。惠齡奏馳赴西寧會商辦番案一摺。據稱各族番衆。自尖木贊前往曉諭。甚為畏懼。又稱辦理此案。總以妥設卡倫籌備善後為第一要務等語。所見甚是。該處番族此次搶劫

蒙古祇當將本案起意為從。及贓證確鑿之犯。嚴行懲治。此外各族番衆。縱平素曾或為匪。而此次並未隨同行劫。亦不便遽加之罪。若不分皁白。概繩以法。朕亦不忍。若使番衆心疑。以為並非辦理此次搶案。直似誅鋤番種。勢必人人自危。於事殊有關係。如該番衆等能將正犯及贓物如數獻出。即分別罪名。辦理完案。可以不煩兵力。儻仍敢恃強。自當調集兵力。懾以聲威。總在惠齡等相機酌辦。

但事定之後。該蒙古等積戾已久。恐番衆挾嫌報復。仍出肆擾。成何事體。此次善後事宜。總在妥設卡倫嚴密防範。朕聞該處有大河一道。蒙古與番族以河為界。春夏間係紮筏過渡。冬令則由冰橋行走。若於河邊妥設卡倫數處。飭將木筏提集近蒙古之岸。毋許私渡。冬閒即於冰橋處所設卡偵緝。一面諭知蒙古各將其屬下人等嚴行管束。則番賊不能偷渡。日久自可漸臻寧謐。著惠齡會同貢

楚克扎布都爾嘉妥酌章程期於一勞永逸以靖邊圉。○裁葉爾羌卡倫侍衛從辦事大臣多善請也。○丙申旌表遍嫁捐軀鑲紅旗滿洲馬甲阿哈布聘妻伊爾根覺羅氏。○丁酉諭內閣馬慧裕奏請將河南駐防滿營增設領催一摺。豫省駐防滿營領催每一名管兵二十二名。所管兵數本較他省為多。率領差操訓練未免照料難周。著加恩於原定領催之外每旗翼各增設領催四名。即在馬甲

內擇其弓馬嫻習者抽補不必再行挑補馬甲之缺總以領催一名管兵十名為率。該領催拔擢有階。惟當認真督率操演俾各兵丁技藝均臻嫺熟。所有應行月支餉銀並著加恩照數賞給毋庸在各領催應領月餉內勻出增添以示體恤。○又諭前據鐵保奏昌邑縣知縣郭文元請暫寬接徵不力處分勒限清完一摺。語多含混當即降旨令其明白回奏。茲據奏稱郭文元到任後經徵錢糧並無

挪掩惟接徵不力正屆複叅例限鐵保愚昧懇恩代為展限辦理錯誤自請交部議處等語所奏仍未明晰郭文元接徵錢糧如果實欠在民該縣既經接收即係伊任內之事若不上緊徵催自有應得之咎豈能因其於本任錢糧年清年款即為寬免至所稱該縣並無挪掩試思挪新掩舊乃各州縣等倉庫虧缺將新徵錢糧彌補舊缺與經徵未完何涉該撫以並無挪掩之語為屬員開脫處分殊

不可解此摺著交該部詳覈郭文元是否有接徵前任未完元二四等年錢糧四萬八千餘兩解過若干兩其本任錢糧是否年清年款查明具奏再降諭旨。尋戶部將郭文元接徵及本任經徵已未完數目開單覆奏得旨照例察議。○諭軍機大臣等日前朕聞東省飛蝗起自江省境內當即諭令費淳查奏昨據覆奏徐州府屬曾有飛蝗停落旋即撲淨未損禾稼朕又恐蝗不食稼之言未盡確實

仍令嚴密查勘朕所以不憚再三詢問者原以地方遇有蝗災自應量其輕重分別加恩儻稍有諱飾間閭即不能均霑實惠於民生殊有闕繫若實無蝗孽豈有轉令地方官捏報成災之理茲復據費淳奏到徐屬各州縣飛蝗停落之處俱已撲淨禾稼實未被傷海州境內於蝗孽萌動時業經挖坑深埋現在莊稼均屬完好等語該處蝗孽如果實無妨害固所深願惟飛蝗經過之處既經停歇斷

不能忍飢待斃即云蝗不食稼亦應將因何不致傷稼實在緣由詳悉查明不得僅據屬員稟報竟成外省通套惡習著傳諭陳大文於接印後仍當查明徐海各屬境內有無飛蝗是否業經撲捕淨盡何以未傷禾稼如實無諱匿則已儻稍有不實即將原報之文武各員據實叅奏以示懲儆○戊戌

上御勤政殿聽政○命署戶部右侍郎那彥成太僕寺卿周廷棟馳往直隸永平府審案○

己亥諭內閣綿志奏值火班之步甲閭良即閭來福用刀扎傷太監下處廚役民人喬三身死請將值火班之協尉等交步軍統領衙門查辦綿志昨日值班自請交部察議等語閭良即閭來福膽敢私借腰牌進紫禁城因與喬三挾有微嫌用刀扎斃殊屬目無法紀閭良著交刑部嚴審定擬速行具奏值火班之協尉等係屬專管著照所請交步軍統領衙門查辦綿志是日值班亦有失察之咎著

照所請交宗人府察議並著前鋒統領護軍統領等嗣後於紫禁城各門出入人等不時留心嚴查儻仍有似此借用腰牌等事一經查出立即嚴拏照例辦理斷不可因循從事將此通諭知之○又諭前因惠齡等保奏陝省出力各員請將革職通判阿齡阿開復原官並未將原叅之案及續經奮勉出力之處詳悉聲敘當經降旨飭令詳查具奏茲據惠齡等覆奏阿齡阿前在白河縣任內將難民

內無歸婦女在本城擇人婚配。辦理祇屬冒昧尚無通同鬻賣情事。請將該員革職留營効力。嗣經派委邊界防堵衝寒冒暑不辭勞瘁。節次率勇禦賊。均能愧悔奮勉。惟未將原案及現在出力緣由具奏。實屬疏漏等語。該督撫保奏軍營出力各員。本應將勞績註明候朕披閱。況阿齡阿係參革留營。與別項人員不同。尤宜聲敘明晰。現據該督查明。阿齡阿自革職効力之後。尚知愧悔奮勉。但亦未

便遽准開復原官。著加恩留於陝省以知縣補用。○諭軍機大臣等。額勒登保由七里坪向大寧山內進發。派令將弁分道排搜。斬獲一百數十名。並招出零匪多名。現在大寧開太等處達斯呼爾岱追剿之匪。尚有三四十人。田朝貴羅斯舉所剿之匪。各有數十人。此外零匪或數名或十餘名。統計不過一百餘人。惟應督飭鎮將剋日悉數殄除。據摺內稱俟與德楞泰勒保等會晤察看情形。當會同

馳奏六百里喜摺。當此全局將蕺之際。額勒登保自不得不持以慎重。但馳遞喜摺。後亦難保無一二殘孽在深山老林潛藏。乘閒逸出。不可信。地方文武官稟報不加嚴察。總之勦辦教匪業已延至八年。務須實在勦除淨盡。方不至遺孽復萌。儻稍有草率。或致別生事端。則欲速轉遲。成何事體。如此次發遞六百里奏摺之後。設有一二餘匪。不妨據實聲明。上緊辦淨。若以馳報藏績在前。稍有粉飾。

一經發覺。額勒登保等轉不能辭咎矣。至太白山內既有竄出零匪。雖經揚芳等緊躡搜勦。究恐不足深恃。楊遇春在陝帶兵多年。素稱奮勇。且係該省提督。著額勒登保即飭令楊遇春迅速前往督同楊芳吳廷剛等將南山內排搜數次。勿憚勤苦。以期早就廓清。為要。將此諭令知之。○旌表守正捐軀直隸東鹿縣民韓漁妻李氏。○庚子引見翰林院保送御史人員。得旨陳蘭疇蔡維鈺蘇兆登韓

鼎晉俱著記名○以刑部右侍郎賡音署戶部右侍郎○辛丑諭軍機大臣等楚省餘匪惟歸州地方五十餘人一起為數稍多業經毛東剛帶兵緊躡該處與川境接壤該匪等或復思竄川追截恐稽時日該督添調李東宣等馳赴幫捕尚恐不足深恃著吳熊光於慶溥李天林吉林秦數人內酌派一員迅往督辦又據奏審訊逃勇藍貴一節該犯曾充鄉勇既經脫逃假充賊匪自當嚴辦示懲該

督仍當出示曉諭以鄉勇等殺賊打仗皆為國家出力良民現當大功告藏餘孽搜捕垂盡爾等樂業安居正可共享太平之福如不守本分在外滋事必當從重治罪斷不稍從寬減爾等當各知儆畏勉為良善何苦自棄前勞甘蹈法網如此剴切示諭該勇等自可漸就敝戢嗣後如再有鄉勇犯事之案除情罪較重者從嚴懲辦外其餘或搶竊鬪毆所犯祇尋常案件而該鄉勇從前或殺賊奮勇

賞給翎頂著有勞績及打仗受傷者該督於審明後按律定擬將從前出力之處據實敘明具奏候朕酌量辦理但該督此語祇可密存於心不可稍有宣露轉致鄉勇藐法也再各處團勇堡寨原因禦賊而築今漸就廓清自當以次拆毀今據奏各寨民人頗知敵愾殲擒首夥賊匪不少該寨勇等既能急公出力亦當加以體恤所有空閒堡寨吳熊光應諭令自行陸續拆毀不必派官役過於迫促

致有抑勒設吏胥等有因勒索不遂押令拆毀等事尤當嚴行查禁以杜擾累將此傳諭知之○又諭伯麟奏山西虧空經嘉慶五年六年兩次清查按款著追庫項除已完銀一十七萬一千餘兩外尚未完銀七千兩零倉項除已完價銀七萬九千一百餘兩外尚未完銀一萬二千八百餘兩零現在勒限一年內全完等語所辦尚好現已交軍機處存記所有未完之項該撫即督同藩司嚴飭該州

縣如限追繳不得再有遲緩並責令派出覆查之道府等出具切實印結俟實在場數全清該撫即據實具奏朕不拘何時當派員前往查看彼時必不能稍有隱飾至所稱倉庫在州縣之手今日補清焉知明日不虧等語所論甚是此亦必有之弊州縣官賢愚不一此時即彌補足數若不隨時詳查日後難保不再有虧缺情事該撫既酌定章程於每年夏季五月冬季十一月盤查兩次並不准後

任通融接收總須責令認真嚴查據實結報切不可視為具文顯預塞責設既清之後再有虧缺挪移必當執法嚴懲不可姑息儻該撫等或有瞻徇隱飾之處經朕察出則惟該撫等是問將此傳諭知之○以署江寧布政使先福為江西布政使調江西布政使康基田為江寧布政使○予湖北陣亡驍騎校黑格祭葬世職武生周振宗等八名前鋒伊克精阿等八名兵丁徐廷傑等七名鄉勇杜景

等一千六十七名賞卹如例○壬寅

孝懿仁皇后忌辰遣官祭

景陵○諭內閣易州太平峪係

皇考賜朕之吉地自經始以來至本年工程甫畢而

皇后在靜安莊暫安已七年之久今地宮既成敬倣

孝賢純皇后乾隆十七年從靜安莊奉移至聖水峪之例於十月內移至太平峪地宮仍如

在靜安莊奉安事同一律乃本日辦事王大臣具奏事儀摺內有掩閉石門大葬禮成八字殊屬粗心疏忽不經之極試思石門豈可閉既閉不能復開此吉地乃

皇考賜朕之地非

賜皇后之地若關閉石門欲朕另卜吉地乎朕導

皇考之旨斷不敢更易至大葬禮成更不成話王大臣等又何忍出諸口形諸筆墨總之朝

廷之上無實心辦事之人彼此因循將就是朕之隱憂刻不能去所有辦事之王大臣併禮部堂官著交吏部會同宗人府嚴加議處速議具奏○又諭庶子王宗誠汪滋峴充當武英殿提調有年辦理書籍五十餘種妥協無誤向來書成並未得邀議敘該二員因本年大考三等降補今職例不計算前俸第念其在館年久著加恩准其接算前俸以示鼓勵再開坊翰林由大考降職者聞舊例本按

前俸接算近年數次大考降補人員均不准接算前俸是以俸深各員一經左遷資格轉居最後此例始自何年因何更改之處著吏部詳悉查明具奏尋議大考降調之員查其現由何官降調即將任內之俸全行扣除而以現在所降之官接算從前曾歷此官之俸如前升遷本係越級所降之官並無已歷之俸准接前升遷日原官之俸從之○又諭成寬奏昨日值班拏獲賭博人等請交各該處

辦理並請將該管官員交部察議等語成寬進班親往各處巡查聞有賭博即帶護軍等拏獲實屬可嘉所有賭博之內務府馬甲永舒福蘭泰茶房民人王祿程祥等均著交各該衙門從重懲辦該管司鑰長等著交各該衙門查議並飭知紫禁城進班之王大臣等嗣後值班必須實力巡查凡遇不法之徒即行拏辦斷不可因循塞責○諭軍機大臣等德文等奏報奉天府屬九州縣錦州府屬四

州縣五月分各色穀價清單一摺奉天府屬稻米價值自二兩至三兩八錢錦州府屬稻米價值自三兩三錢至三兩八錢其餘別色穀價亦多增長盛京糧價本賤今昂貴若此旗民生計不無拮据德文等理宜籌畫或平價糶賣或將如何籌辦之處具奏今摺內僅以旗民俱各樂業比戶安輯具奏於地方之事竟不存心錦州府所屬地方曾遇蝗蝻此時糧穀究竟有無被災之處摺內亦未提及

甚屬非是。除將德文良貴申飭外，其穀價昂貴之州縣，或平價糶賣，或應如何籌辦，此間蝗蝻或已除淨，或尚未除淨，究竟糧穀成災與否，務必據實奏聞，不可稍有隱飾。○癸卯諭內閣：策拔克來儀奏查閱攜眷出關民人各情形一摺。據稱六月初間有攜眷出口民人十戶，計三十七名，因到關方知新例，均紛紛回籍。此外有貿易民人百有餘人，未經本籍給票，經來儀照舊放行，又策拔克到後，適有出關民人五戶，計十六名，因不知新例，不准出關，亦經策拔克等給票放行等語。所辦尚是。各關口禁止民人等攜眷出口，前經兵部於五月初間奏定章程，朕特降諭旨，令直隸山東各督撫等通行出示曉諭，原欲使民人早知例禁，不致紛紛冒昧赴關復被阻止。徒勞往返跋涉，此事已閱兩月，何以民人等尚未知悉？試思小民家居乏食，至遠涉數千里，覓地傭工，其窮苦已可概見。因格於

新例，到關後不能放行，復須回歸本籍往來跋涉，徒費盤纏，豈不倍形拮据？若不早為飭禁，大張示諭，實無以體卹貧民。著再傳諭直隸山東各督撫等，於接奉此旨後，迅即將現定章程速行宣布，俾小民等共見共聞。家喻戶曉，自不致冒干例禁。該督撫等於出示曉諭後，即一面知會來儀互相照察，庶無歧誤。再此次小民等因不知新例，紛紛到關，經朕施恩准放，但恐此外各處愚民聞知，不持票引，仍可出關，未免心存希冀。相率前來，不可不明示限期，著定以本年十月初一日為限，除限內到關者仍准放行外，如限外到關，並無票據，即當遵例停止，毋許擅放。○諭軍機大臣等：此次搜捕匪犯，不下百餘人，川境此時不過一二零星竄賊，該督應趁大兵未撤，掃除淨盡，不可稍事草率。至摺內稱劉清稟報有老龍洞店民袁朝文前來報信，將邱高科等二犯拏獲，審明正法，已飭劉清將袁朝

文就近給賞等語。所辨是此等居民聞知賊匪藏匿。報官緝拏到案審訊。後如實係匪犯。自應給予賞賚。或係賊目。即酌賞翎頂亦可。若審係虛誣。捏報有挾仇邀功情事。即應按律治罪。則民人等知所感奮。可資協捕。亦不致啟誣良報復之漸。惟在該督等詳慎辦理。將此傳諭勒保知之。○又諭據策拔克奏沿途察看薊州玉田豐潤遷安灤州盧龍撫寧臨榆八州縣閒有蝻孽。均不甚重。業經地方

官分投撲打。並出示以錢米易換。現在田禾微受傷損。而晚穀一種。被傷稍重。且各處舊蝗甫滅。新孽復生等語。山海關一帶州縣前聞有蝗蝻滋長。業經申諭該督飭屬趕緊撲除。今據策拔克奏薊州等處大路兩旁均有蝻孽。雖經地方官分投撲打。尚未能即時淨盡。且舊蝗甫滅。新孽復生。尤當及早撲滅。本年雨暘時若。畿輔實屬有秋。但經蝗蝻殘食之後。恐各處田禾收成不無稍減。著顏檢即

飭所屬地方官或派委妥實之員分赴各該州縣督同履勘。勸諭居民速將蝻孽捕盡。其被蝻州縣收成分數如有減少之處。亦著確切查明據實具奏。不可稍有諱飾。以副朕廑念民依至意。○兵部議准湖廣總督吳熊光奏湖北添設營制。原議提標後營都司移置棗陽縣。與守備俱駐城中。查棗陽縣屬之湖河鎮東接隨州北與豫省桐柏等縣毗連。請將駐城之守備帶同額外外委一員移駐湖

河鎮。原設湖河鎮把總移駐唐梓山兼管寺莊汛。原設唐梓山千總寺莊汛外委。撤回縣城。隨同都司差操。原議襄陽城守營守備移置樊城。查城守營守備有防守城池之責。未便移駐。請將襄陽提標右營守備帶同該營新添兵一百一十五名移置樊城。其所管汛地即與城守營酌量調換。均應如所請。至該提督請將樊城守備改為水師之處。已據該督奏稱詳查形勢窒礙難行。應無庸議。從之。

○勒保奏請鼓勵四川軍營出力人員賞知州銜署知縣梁敦懷知府銜知縣郭南英等蓋翎○又奏查明捐建四川長壽縣新城紳士人等請予鼓勵現任浙江杭州府知府李坦下部議敘貢監生戴大棟等升賞有差賞長壽縣知縣余鈺知州銜遇缺即用○以故三等子陝西提督王文雄子刑部主事開雲襲爵以六部員外郎用○除湖北監利縣修隄挖壓屯田一項六十九畝有奇額賦○甲

辰諭內閣崇尚等以勦除教匪大功告藏具摺奏賀本無不合但摺內稱戈什哈回時聞知甚屬錯謬外省無識之徒率稱跟隨將軍大臣等兵丁為戈什哈本係相沿陋習即咨文內尚不當用何況形諸章奏崇尚等摺內或稱差官某或稱兵丁某均無不可乃率稱戈什哈又未聲明姓名殊屬不曉事體崇尚等著申飭並通諭各省將軍副都統等知之○乙巳諭內閣昨因承辦

孝淑皇后永遠奉安事儀之王大臣禮部堂官於會奏摺內粗心疏忽措詞不經特降旨交吏部會同宗人府嚴議本日據慶桂等議奏請將王大臣及禮部堂官等一併革職等語國家典禮關繫綦重司其事者理宜參考周詳敬謹具奏何得率意辦理此案若係承辦

壇

廟等事稍有粗忽則獲戾滋重不但應行革職

並當交部治罪即此次承辦奉安

孝淑皇后事儀其奏章語句粗忽不經若非沿襲舊訛亦當照例革職姑念摺內諸語係率照舊稿謄寫臨時不能詳慎參酌尚可量為寬減分別薄懲綿億係朕加恩錫授王爵伊向來居心蒼滑遇事推諉無能已極所管各處俱不妥協屢獲愆尤茲復有此錯謬著革去正紅旗蒙古都統管理上駟院事務行圍領蠱大臣仍罰郡王俸六年姑念其屬下

人等有資養贍若將王俸每年全扣未免竭
慶著每年扣俸一半准支一半作十二年扣
完以示體卹保寧更事有年亦不應疏忽若
此著革去太子太保領侍衛內大臣文淵閣
提舉閣事戶部三庫事務仍帶革職留任永
慶本係武職上年因禮部尚書缺出簡用乏
人將伊由都統補授伊不能諳悉部務且年
已老邁難以稱職著革去禮部尚書仍帶革
職留任紀昀久任禮部向來於典禮事宜尚
為諳習惟年已八旬於各處事務不能兼顧
紀昀毋庸署理兵部尚書並革去文淵閣直
閣事教習庶吉士仍帶革職留任八年無過
方准開復德瑛在軍機處行走又係刑部尚
書事務繁多且伊目係短視未能詳細閱看
著改為革職留任緡布所管事務較多近年
多病精神不能周到所有伊管理之御茶膳
房暢春園太醫院御藥房織染局等處事務
俱毋庸管理仍帶革職留任扎郎阿管理武

職差使尚屬勤勉惟人近粗率不能諳悉部
務扎郎阿著革去經筵講官禮部左侍郎降
補內閣學士仍帶革職留任莫瞻菴著改為
革職留任八年無過方准開復岳起現在患
病著不必署理禮部右侍郎仍以革職留任
註冊關槐患病已久尚未痊愈著革去禮部
右侍郎降補內閣學士仍帶革職留任至司
員等承辦稿件是其專務禮部主事宋其沅
於關繫典禮要件不能加意詳慎咎實難辭
著照部議革職○又諭臺灣鳳山等縣因地
震倒塌兵房動支備公銀兩修建係乾隆五
十八年題銷卹賞銀兩案內聲明趕辦工程
該督自應遵照定例先將估冊報部俟覆准
後再行按限題銷庶不致有浮冒遲延情弊
此等工程並非若險要河工必須趕緊搶護
者可比何得不豫先估報即行動項修建况
又遲至十年之久此時始稱修竣違例率請
奏銷外省辦理諸事因循疲玩最為惡習王

德著傳旨申飭即著將此案應修物料趕緊造具估計冊結報部候覈並查取辦理遲延與違例報銷之承辦官及該管上司率轉各職名送部照例分別議處○諭軍機大臣等貢楚克扎布等奏會商分兵籌辦番案緣由一摺覽奏俱悉此次野番搶劫蒙古經貢楚克扎布等節次曉諭令其交贓獻賊而該番等遷延觀望自應懾以兵威俾知畏懼現經貢楚克扎布等分路進兵朕亦不能懸揣惟在貢楚克扎布等妥為辦理摺內所稱此次用兵乃係捕賊並非埽滅野番之語所見甚是惟所派署西寧鎮馬斌帶兵一千二百名渡過黃河直抵恰克圖自西向東驅逐一節恰克圖地方既據查聞被番族占居者甚多此時祇派馬斌一人前往恐該署鎮或有濫殺情事且所帶官兵一千二百名設稍有挫折益復不成事體著貢楚克扎布惠齡二人內酌量一人親往恰克圖督同馬斌驅逐野

番回巢方為正辦其循賁適中之清水河地方著都爾嘉在彼暫劄以資策應至仙鶴林帶兵駐劄保安沙卜朗一帶亦足遙為聲援如該番等即日獻賊交贓遵奉持呪具結即可將獻出正犯在彼對眾正法辦理完案至扎薩克等請挑兵丁聽候調遣現經貢楚克扎布等派在黃河南岸防守所辦亦是又據奏續獲搶劫賊番及替賊牧放分贓各犯分別辦理摺內將齊克他勒等四犯暫行監禁待算所辦亦是其渡賊蒙古各犯著即責成那漢達爾濟等查拏務獲該蒙古即屬無能不克捍禦外侮豈於其屬下匪犯亦不能緝拏到案乎將來事竣後辦理善後事宜應將該蒙古屬下人等如再有私通番賊偷渡竊劫之事一經究出除將正犯嚴行治罪外並將該管之王公扎薩克等治以不能管束之罪議立章程庶使該蒙古自顧責成各知約束其屬下人等自可漸知畏法日就安戢將

此諭令知之。○勅保奏查辦涼山滋事生番夷務完竣並出力官員總兵官張志林道員方積下部議敘。○以內閣學士署吏部左侍郎那彥成為禮部尚書都察院左都御史汪承霈署兵部尚書刑部左侍郎瑚圖靈阿兼署吏部左侍郎轉禮部右侍郎恩普為左侍郎以內閣學士王麟為禮部右侍郎充經筵講官內閣學士王懿修為禮部右侍郎命兵部右侍郎潘世恩教習庶吉士。○以兵部尚

書長麟兼正紅旗蒙古都統鑲白旗蒙古都統丹巴多爾濟為正黃旗領侍衛內大臣。○調正黃旗漢軍副都統孟住為正紅旗滿洲副都統正白旗蒙古副都統慶長為正黃旗漢軍副都統以副都統銜阿哈保為正白旗蒙古副都統。○丙午諭軍機大臣等祿康奏據福建龍巖州人連任率首告興京高麗溝地方有二萬餘人砍伐樹木售賣之事並據供稱伊於六月間到彼見有二萬餘人支搭

窩棚六百餘座設有鐵匠爐座打造大船運販木料官兵不能查禁並探聽得為首係劉文喜秦士雷鮑有祥張九孫有交顧學彥六人等語興京一帶為陪都重地若果有無賴匪徒在彼聚集多人搭蓋窩棚爐座打造船隻砍伐樹木售賣殊干法紀策拔克前經派令查辦山海關出口民人業據奏報辦竣現已諭令出關馳往錦州一帶查看蝗蝻著接奉此旨後仍以查蝗為名迅速前往盛京一

路不可宣露密將此旨交晉昌巴寧阿閱看公同商酌挑帶兵丁與巴寧阿同赴高麗溝地方詳細訪緝但不可透漏消息以致奸民等聞風遠颺無可究詰至辦理此案祇須將為首之犯查明按名拏獲照律治罪其餘夥犯俱著酌量分別懲辦不可多事株連並將疏防官員查叅至連任率來京首告或因訛索起釁或希圖入夥不遂所願挾嫌呈控現已飭知兵部將連任率解交策拔克質訊如

訊出另有別情亦當治以應得之罪其查出
木植自應全數入官應如何運送作何用處
並將來如何安設卡倫一併詳議具奏將此
密諭知之○命和郡王綿慎兵部尚書長麟
戴衢亨兵部右侍郎那彥寶工部右侍郎明
德會同禮部恭辦奉安

孝淑皇后典禮○命刑部侍郎賡音光祿寺卿
邵自昌馳往湖南審案○以烏里雅蘇台將
軍綿佐母老命回京為右翼前鋒統領以右

翼前鋒統領成寬為烏里雅蘇台將軍○以
鑲白旗蒙古副都統奇臣為正白旗滿洲副
都統英吉沙爾領隊大臣衆神保為鑲白旗
蒙古副都統○改江南提督管轄之壽春鎮
及六安亳州泗州廬州徽州寧國潛山池州
蕪米廣德十營並兩江總督管轄之安慶協
遊兵營及池州之分防把總歸安徽巡撫統
轄給安徽巡撫兼提督銜關防仍聽兩江總
督節制從兵部尚書長麟等請也○丁未中

元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子■軍祭

孝淑皇后殯宮遣官祭

端慧皇太子園寢○以三省餘匪淨盡加恩
行賞諭內閣本日由六百里遞到額勒登保
德楞泰勒保會奏勦捕餘匪全竣三省地方

肅清喜摺覽奏實深欣慰邪教匪徒雖不過內地秀民聚眾倡亂然勦辦已閱八年之久湖自嘉慶元年命將出師正值朕受璽之始親承

訓政荷蒙

皇考睿謨廣運

指示機宜纖悉備至惟因賊黨蔓延日久一時

未能迅就埽除我

皇考聖壽益高猶復

籌諮不倦每於軍書旁午之時朕躬侍

左右仰見

宵旰焦勞無時或釋殷殷

望捷直逮

彌留朕追維

光烈益凜仔肩親政以來辦理軍務一一恪遵

遺訓申明紀律連年將擒惡首逆殲擒淨盡匪

黨數萬一律殄除上年冬閒業已三省耆定

馳告藏功祇因大山老林不無餘孽竄匿偷

生復諭令經略叅贊等遴派官兵四出窮搜及今又閱八月始能全境肅清本日中元節日朕恭詣

安佑宮行禮瞻拜

聖祖

世宗

皇考聖容正在虔籲

恩慈而未刻已據馳報捷書如響斯應此皆

昊蒼默佑

祖

考垂庥得以底績告成仰酬

皇考在天未竟之志稍釋朕躬繼序之責從此

海寓敕寧天下臣民共享昇平之福皆由

皇考訓誨貽謀朕實不敢存運籌決勝之意惟

帶兵大員等懋著勤勞允宜再加甄敘經略

額勒登保叅贊德楞泰於上年冬閒奏報大

局戡定之時錫爵酬庸曾邀上賞現雖係勦

捕餘匪辦理又經八月有餘奮勉窮搜不遺

餘力前後復誅斬著名遺孽十有餘名此外偽先鋒偽總兵等又殲擒數十名其餘賊夥殲擒招撫者共以千計現在更無遺孽三省地方寧謐辦理實為完善額勒登保德楞泰著加恩賞俱仍交部從優議敘額勒登保現因經理善後事宜暫留川省其賞件即由驛發往德楞泰業已啟程著派伊子乾清門侍衛副都統銜蘇冲阿親齎賞件馳驛迎交祇領四川總督勒保湖廣總督吳熊光陝甘總

督惠齡督率地方文武及堡寨人民幫同搜捕勤勉出力均著交部議敘再發去白玉扳指三箇翡翠扳指二箇瑪瑙扳指五箇磁扳指十箇磁帶頭十箇磁鼻烟壺十箇大荷包五對小荷包十箇著加恩賞給出力將領官員又發去一兩重銀牌一百面五錢重銀牌二百面著加恩賞給出力兵勇均交經略額勒登保分給並著查明實在超眾出力人員據實保奏候朕施恩以示鼓勵軍機大臣等

承旨書諭獲與觀成大學士慶桂宣力有年且在軍機處行走班次居首著加恩賞戴雙眼花翎大學士董誥之子董湛本由廕生任戶部員外郎著加恩以郎中用尚書劉權之尚書德瑛在軍機處行走已越一年劉權之著加恩交部議敘德瑛昨因會同禮部具摺字句粗忽部議上時已經加恩留任此次無庸交部議敘尚書戴衢亨之子年尚幼稚伊姪候選縣丞戴嘉穀著加恩賞加知縣升銜

仍令在

實錄館効力行走軍機章京等著軍機大臣查明出力之員據實保奏候朕加恩本日接遞喜報之奏事處員外郎瑞寧著加恩賞戴花翎仍交部議敘其在奏事處領班之御前侍衛副都統扎克塔爾及郎中滿保清安員外郎常申德興克蒙額均加恩交部議敘兵部捷報處之員外郎景德著加恩賞戴花翎員外郎德昌前已賞戴花翎主事扎蘭泰前已

賞戴藍翎著與筆帖式輔良劉永澤均加恩
交部議敘其自軍營至京沿途各驛站接遞
喜報之官員夫役俱著加恩交該督撫查明
分別升賞用示歲功行慶至意○又諭翰林
院為儒臣文藪圖書清秘規制纂崇乾隆甲
子年

皇考高宗純皇帝曾經

臨幸錫宴賡吟允為藝林盛軌明歲又屆甲子

朕當踵行斯典諏吉親臨用光文治所有應

實錄卷一百六

四

行豫備各事宜著該衙門照例辦理屆時具
奏○諭軍機大臣等軍務全局業已告歲上
年馳遞大功告竣黃摺後究因帶兵人員稍
存懈緩以至搜捕遲延又將及八月今已奏
報全局肅清務須鼓勵弁兵乘此精銳之氣
將各處深山老林偷竄餘匪一律搜捕況前
摺內所獲之賊尚有偽總兵偽先鋒等兇狡
之徒尤須趕緊洗淨不留一孽惟此後搜捕
餘匪除臨時抗拒被擒者仍照舊辦理外其

零星搜獲者總當訊明確供分別懲辦若仍
前一概誅戮不特弁兵等有意邀功或至戕
及無辜並恐兵丁寨民等有仇殺等事累及
善良殊有關繫且聞從前德楞泰擒獲餘匪
從賊一年者始行正法額勒登保所辦較嚴
從賊三月者即行正法辦理殊未盡一此後
應酌定章程從賊日淺者量予末減或改為
發遣其從賊日久應行正法者或解經略或
解總督處覆訊亦當恭請王命辦理額勒登
保可通飭各鎮將一體遵照至陝省防勦鄉
勇多係川省民人赴此大兵未撤之先隨時
散遣所辦甚是將此諭令額勒登保勒保知
之○又諭費淳覆奏徐州之邳州宿遷等處
飛蝗近日旋飛旋落現經分投撲捕惟萊豆
等項雜糧稍有受傷其豐沛碭三縣亦有飛
蝗不致停留又據揚鎮常三府稟報所屬間
有飛蝗過境並據分委撲捕各員稟報莊稼
偶有嚼食亦不致成片段等語江省沿海一

帶既經長有蝗蝻飛落他處該地方官即應具稟督撫該督撫等亦當即時陳奏乃從前並無一字入告直待朕訪聞後降旨詢問始據費淳奏稱徐州府屬間有飛蝗停落旋即撲滅未傷禾稼復經降旨以該處既有飛蝗停落豈有成羣來往忍飢待斃竟於禾稼一無傷損之理諭令查明據實具奏今果據奏稱菜豆等項雜糧稍有受傷又稱莊稼偶有嚼食並揚鎮常三府亦有飛蝗停落等語可

實錄卷五十六

四十五

見前次所奏並未確實若非朕根切詢問則竟以虛詞搪塞外省粉飾朦混實為惡習朕視民如子民間耕種收成與朕息息相關儻稍有災傷必當隨時撫卹所費者官帑並非地方大吏各出已貲不知何所瞻顧而必壅於上聞乎今徐州等屬地方莊稼既被蝗孽恐費淳所稱雜糧受傷及嚼食不成片段之語僅據屬員稟報之詞尚未詳盡陳大文此時諒已接任著即派委誠實妥員前赴被蝗

處所查明各該處田禾如果受傷無多大局實係豐稔自不應率報成災致啟捏冒儻實有傷禾稼或於收成分數稍減或竟至成災有應需賑濟緩徵之處即著據實詳晰具奏毋得稍有隱飾

實錄卷五十六

四十五

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十七

藍修規歲官贈通議大夫太子太傅武英殿大學士文淵閣領閣事務祭敘奉 上諭事件處管理三部事務翰林院掌院學士陸

華加級每常加四級臣曹振鏞總辦官太子太保文淵閣大學士管理刑部事務加五級臣戴均元經履日講起居注官太子少保內大臣文淵

閣提舉閣事情察欽奉 上諭事件盧福祥大學士戶部尚書翰林院掌院學士教習呂志士護軍內務府大臣鍾黃旗滿州都統董

統領管理戶部主庫奉宸苑清將園等處總理二程威御茶膳房御藥房太醫院西洋堂事務軍功和三級頂帶加二級序常加主顧記錄二十

次英和禮是攝官太子太保禮部尚書上書房行走武英殿總管理國子監事務加六碩隨帶加三級紀錄四次在汪廷珍等奉

救修

嘉慶八年癸亥七月戊申

實錄卷一百七

上以三省底定。餘孽全平。詣

安佑宮行禮○軍機大臣慶桂等奏查明四川

陝西 湖廣 河南 應行遣官告祭 名山大川 陝

西

西嶽華山

昭靈普潤
太白山神
河南

淮瀆之神

濟瀆之神。

黃河神四川

江濱之神。灌縣數澤興濟通佑王。承續廣惠顯英王。湖廣

南嶽衡山又山川祠宇靈蹟顯應處所湖北

武當山

真武帝君廟荊州

關帝廟四川梓潼縣

文昌帝君廟陝西

漢江之神

終南山之神定軍山漢臣諸葛亮祠奏入諭

實錄卷一百十七

內閣。川省軍務告蒞。捷書馳奏。八表同歡。因

思前此兵燹擾及三省地方並曾竄及豫境

大兵所至仰賴山川效靈神祇助順用得師

行貞吉。全奏底平。允宜修舉。明裡敬答。

鴻佑。所有四省。

獄

瀆諸神。湖廣河南著派賡音邵自昌於審案

事竣後分往告祭陝西著派額勒布初彭齡

於查辦事竣後分往告祭四川即派勒保親

往告祭。凡載在祀典者。著該衙門照例撰文。將應用儀物。虔備發往。其向來告祭所不及。而自用兵以來。經過名山大川。靈蹟顯應。各祠宇。經軍機大臣查明開單進呈。均著頒發藏香。分交承祭各大員一體申謝。○又諭御史明恒奏。請添派員弁護送御寶一摺。所奏尚是。鑾輅巡行。內閣官員恭齋御寶。理應由御路行走。因護送人員無幾。墊道兵丁無由辨識。多被阻攔。致由便道齋行。殊乖體制。嗣

後齋送御寶。除內閣官員照例護送外。著照

該御史所請。添派綠營馬兵四名前導。千把

總二員後護。毋許墊道兵丁混行攔阻。以昭嚴肅。○又諭。溫布等奏。請將記名以繁缺知府用之。郎中溫承志升銜。留任一摺。各部郎中俸滿截取時。該堂官等往往先以繁缺知府保送。及至引見記名後。則又以在部得力為辭。奏請留任。因懇賞升銜。頂帶辦理。殊屬未協。司員等在部行走。至郎中截取之時。年

分已久。其平日辦事才具。堂官等自己灼知。如果其人本堪外任。而辦事諳練。為該部得力之員。何難據實聲明。留部辦事。俟京察時再照例保舉。何必遽行保送外任。若既已保送外任。而記名後。又復奏留。是明明欲為該員圖給升銜地步。近於取巧。市恩。嗣後各部堂官等。遇司員截取時。惟當公同詳酌。除照例分別保送繁簡缺知府外。如果係必須留部之員。即具摺奏明。將來入於京察一等。設

或京察引見時。經朕記名外用。而該員係部中必不可少之人。准該堂官據實奏留。仍不得以升銜懇請。著為令。所有溫承志一員。著註銷繁缺知府。准其留任。不必賞給升銜。○兩廣總督倭什布奏。緝獲廣東東莞縣會匪出力人員。知府福明等下部議敘。○以四川陝西湖北三省軍務全竣。賞八旗兵丁半月錢糧。○乙酉。諭內閣。王德李殿圖奏。審擬胡洪藍田等械闖斃命一案。已諭令刑部速議。

具奏矣。閩省漳泉地方風氣獷悍。多有械鬪斃命之案。近年來申諭該督撫等遴選守令善為化導。泉州守王紹蘭聲名本好。自擢任以後。頗能整頓民俗。漸馴兇鬪案件。日見稀少。方應恒聲名本屬平常。迨任漳州府後。又不能實力奉職。令於所屬械鬪重案。既知該縣獲犯不辦。並不嚴行督催。以致拖斃多人。縱犯脫逃。且於訊釋無干人等之後。尚復有意瞻徇。不將該縣揭叅實屬徇庇不職。方應恒僅予革職。不足示懲。著發往烏魯木齊効力贖罪。至該革令黃士堂於致死三命重犯。不能立拏究辦。迨拏獲在場從犯。又不拘禁。以致拖斃脫逃多名。復敢規避處分。匿不通報。並於堂弟家丁書役屬員。通同受賄。故縱罪犯。毫無知覺。非尋常昏庸不職可比。黃士堂著發往伊犁効力贖罪。外省官官相護。於所屬劣員。不行據實揭報。輒復心存袒庇。以致諸務廢弛。實為惡習。各督撫等惟當痛加

懲誡。嚴察屬僚。以端吏治而振民風。○又諭此案龔學科因園旁桑樹被伊胞兄龔昇祿砍伐。該犯外回瞥見。疑係鄰人偷砍。當時叫罵。經伊兄龔昇祿告知。並斥其不應混罵。該犯不服。因被伊兄揪扭。該犯輒用竹桿毆傷其額。額角手背等處。已屬有心干犯。迨伊兄於勸開後。赴該犯門首叫罵。復閉門不理。以致伊兄氣忿莫釋。投繯殞命。是該犯先既肆毆。繼復怙惡。刑部以其毆係致命處所。而非重傷。將該犯仍照逼迫本律擬以絞候。係屬依律科斷。但服制攸關。情罪較重。龔學科依擬應絞。著趕入本年秋審。情實辦理。○兵部議覆兩廣總督倭什布疏。劾失察永安縣會匪武職各員。請將專汛之弁斥革。兼轄之副將等降二級調用。查該議抵免其降調。得旨。此案失察會匪。糾眾焚掠。與尋常失察案件不同。副將薩哈蘇署副將事。叅將張士英都司全保俱著降二級調用。不准抵銷餘依

議嗣後文武官有失察邪教會匪滋事重案其應議以降調者均按所降之級實降無庸查級議抵著為令○庚戌諭內閣王德等奏漳州府知府裘增壽係藩司裘行簡胞姪例應迴避現在浙省知府內無人堪勝此缺而閩省亦無堪調之人夾片陳請將永春州知州馮國柄升署等語漳州府一缺向係請旨簡放該督撫即謂此時民風刁悍必須熟悉地方之員前往整頓亦須擇其於例無大違礙者奏明簡補今知州馮國柄既未卓異又未保過堪勝知府且於補授永春直隸州之後尚未引見何得遽行奏署繁缺知府似此違例保奏恐開督撫專擅之漸王德等所請不准行該督等既稱閩浙二省皆無可調之人因思直隸正定府知府景敏人尚明白能事著調補福建漳州府知府其正定府一缺即著裘增壽補授著各該督等照例給咨令各赴新任至漳州地方正資整飭景敏到任

之後設於地方情形未能熟悉難於勝任該督等仍當據實奏聞不得以該員係特簡之人稍為遷就也○諭軍機大臣等楚境餘匪統計不過八十餘人吳熊光當上緊搜盡剷絕根株著責成慶成慶溥吉林泰李天林等奮力追捕剋期完竣其另片所奏挑留黑龍江奮勇官兵一百十三員名楚省平地居多東三省馬兵馳驟較為得力而黑龍江官兵弓箭賊匪更形畏懼應即將此項官兵交與慶溥等帶領排搜自屬有益即撤回稍遲亦無不可至另摺奏稱將本省官兵密為分派陸續抽調先將兩廣湖南官兵照數撤回等語所辦非是外省官兵自調赴從征以來已閱數年今搜捕垂竣奏報肅清若復於各營汎續調官兵未免民情疑駭且新調兵丁於各處山林徑路向未熟悉難期得力况一撤一調沿途應付供支及借給行裝安家等項亦屬虛糜莫若將兩廣湖南官兵先行徵遣

回營。至湖南官兵係該督所轄。即餘氛淨掃。以後或有需資彈壓之處。亦不妨再行酌留。陸續撤歸。儘可毋庸亟亟也。將此傳諭知之。○舉行嘉慶七年大計。貴州卓異官五員。不謹官一員。罷軟官一員。年老官五員。有疾官一員。廣東卓異官十三員。不謹官一員。罷軟官一員。年老官四員。有疾官二員。才力不及官三員。浮躁官一員。江西卓異官十一員。不謹官一員。罷軟官一員。年老官四員。有疾官一員。才力不及官二員。浮躁官一員。山東卓異官十二員。不謹官二員。罷軟官二員。年老官八員。才力不及官四員。浮躁官二員。分別議敘處分如例。○辛亥。

上詣

安佑宮行禮。○諭內閣。據御史茅豫奏。敬陳留京王大臣事宜一摺。王大臣等留京辦事。自應共在一處。公同商酌。方符體制。嗣後王大臣等每日進內。俱着在文華門門房會齊。每

次行在本報發回時。著王大臣等在文華門會同開拆。遇有交辦事件。即在彼商辦。再此。次朕啟鑒後。

皇后駐圓明園。王大臣等俱無庸赴園請安。惟上書房總師傅總詣達著隔數日詣圓明園一次。○補行嘉慶二年七年軍政。山東卓異官三員。罷軟官二員。才力不及官一員。分別議敘處分如例。○免安徽望江宣城南陵浮貴池青陽銅陵石埭建德東流壽宿鳳陽懷遠定遠靈璧鳳臺泗盱眙五河二十州縣並新安宣州建陽安慶鳳陽長淮泗州七衛上年被旱被水災民額賦。○壬子。

上以秋獮木蘭自圓明園啟鑒命

皇次子旻隨駕。○命儀親王永璇成親王永理大學士保寧協辦大學士尚書朱珪留京辦事。○免蹕路經過地方本年額賦十分之三。○除甘肅山丹縣被水衝塌地三頃三十八畝有奇額賦。○是日駐蹕南石槽行宮。○

癸丑。賞密雲縣接駕兵丁半月錢糧。○是日駐蹕密雲縣行宮。甲寅。諭軍機大臣等。琅玕奏。連日將著名賊目盡數擒戮。並設法搜捕首逆一摺。覽奏俱悉。恒乍綢逃往懋地。懋子等不特不肯依附。並欲齊心協拏。先將恒乍綢之表妹擒獻。可見其出於真心。琅玕即當勸諭懋子等。如能將恒乍綢設法擒縛。必當立加重賞。或給予頂帶。俾共知鼓勵。奮勉圖功。至夷衆等因恒乍綢編造邪說。有喫他符水能避鎗礮之語。甘心從逆。迷而不悟。琅玕更當剴切曉諭。以破愚蒙。祇須將恒乍綢一犯。及助惡之別的扒。剋日就擒。即行正法。即可徹兵藏事。再遊擊六十四接護糧運。行至舍子膊地方。突有賊匪前來焚搶。該遊擊即帶兵追捕。猝被弩傷致斃。著咨部照陣亡例賜卹。其燒搶各賊掠食滋擾。固當急為勦辦。但不可過事株連。惟將戕害六十四之賊嚴拏務獲。即可完案。其關外無關緊要各卡。

未便久駐兵練。琅玕自應將原駐之兵撤換。至江內地方防堵。緝拏務期剋日辦竣。永靖邊圉。將此傳諭知之。○以大理寺卿富星額為內閣學士。兼禮部侍郎銜。○以浙江定海鎮水師總兵官黃象新。不諳緝捕。降為遊擊。以福建閩安協副將羅江太為定海鎮總兵官。○以雲南昭通鎮總兵官孝順阿。年老命來京引見。以四川夔州協副將富明阿為昭通鎮總兵官。○旌表守正捐軀山西長治縣民栗從秀妻常氏。○是日駐蹕要亭行宮。○乙卯。賞熱河接駕兵丁及看守避暑山莊弁兵一月錢糧。看守口內外各行宮弁兵半月錢糧。○是日駐蹕兩閒房行宮。○丙辰。駐蹕常山峪行宮。○丁巳。駐蹕喀喇河屯行宮。○戊午。上至熱河。詣文廟瞻禮。闕帝廟。

城隍廟拈香。詣

永佑寺行禮。直隸總督顏檢奏報永定河伏秋兩汛安瀾得旨嘉獎。加太子少保道員陳鳳翔等下部議敘。○賞接駕之蒙古王公額駙台吉等及隨扈之額駙索特納木多布齋等紗葛有差。○是日駐蹕避暑山莊。至八月癸未皆如之。○己未諭內閣御史鄭敏行叅奏禮部於奉安

孝淑皇后事宜措辭謬誤祇將分部學習之宋其沅一人咨部議處。辦理不公等語。此案禮部陳奏舛謬之處。承辦官員中主稿及隨同畫押者均有應得處分。自不止宋其沅一人。前經吏部查取職名禮部僅將宋其沅開送。吏部祇憑所送職名議處具奏。尚無不合。而禮部堂官於承辦各員並不全行聲敘。惟將額外之主事宋其沅一人送議。殊屬有心含混。著該堂官再行詳查是否實係宋其沅一人主稿。並將隨同畫押各員補叅再交部

議至該堂官於咨送司員議處未能公允著一併交部議處。○諭軍機大臣等阿林保奏籌辦彌補倉庫情形據稱彌補虧空總不外乎嚴追舊欠等語。外省州縣於本年奏銷錢糧格於處分自不敢不上緊徵解而於舊欠往往意存推諉殊不知既接舊欠即屬新虧。各州縣於交替時業已出具甘結自應責令現任之員如數歸結庶不致款項久懸無著。並須查明舊欠是否實欠在民抑或以徵作欠。毋使稍有牽混。至各州縣缺有大小。地有美瘠。原難一概而論。全在督撫等量為設法酌盈劑虛。俾得從容彌補。即向來沿習舊規在各上司養廉優厚。自應將一切苞苴承應概行屏却。而各州縣多係寒畯出身。豈能挾有餘貲。墊充公用。若使將舊有陋規裁革淨盡。又復責以彌補。勢必地方詞訟等事藉端婪索。是於虧項毫無裨益。而閭閻反滋擾累。惟在該管上司詳加體察。於各屬舊有陋規

不可刻意剔除。俾得逐漸歸補正款。但不可明示以意。任其藉彌補為詞。將規例私肥己橐。竟不實力補償。甚至勸輸派累。擾及百姓。如有此等不肖官吏。該撫當據實嚴叅治罪。不可稍有姑息。所有該省各屬倉庫正雜各項。著照所請賞限四箇月。查明各州縣銀數穀數。實虧共有若干。現在已補若干。未補若干。據實分晰開單具奏。毋得新舊轆轤致多弊混。將此傳諭知之。○賜扈從王公大臣食並賞賚有差。○賞熱河綠營兵丁一月錢糧。○庚申諭軍機大臣等。鐵保奏定限停止出口民人一摺。內稱山海關稽查既嚴。恐無識愚民。於登萊青各海口攜眷偷渡等語。向聞山東民人前赴奉天。多由海道行走。較之陸路尤為徑捷。今山海關定例綦嚴。民人既不便於攜眷出口。則此後乘桴者必眾。自不可不防其漸。著該撫督飭沿海口文武員弁。於所管地方實力稽查。毋許民人私行偷渡為

要。○福建臺灣鎮總兵官愛新泰等奏報。擊獲洋盜。擊沈盜船。得旨嘉獎。拔兵丁雷廷春為外委。○辛酉賞熱河及額魯特兵丁一月錢糧。○壬戌諭內閣。綿志等奏。安南人黎伺私往涿州探看伊子。請交順天府照例辦理。一摺。黎伺等本係邊徼累臣。在監羈禁嘉慶五年。朕特加恩釋放。命在外火器營地方安插。各賞給馬甲錢糧。仍著該管官留心查察。原不許其任意輕出。今黎伺及李秉道詭稱告假。與黎維祁上墳。經該營章京派護軍二人照料。詎黎伺等乘閒至盧溝橋一帶行走。旋經護軍僅將李秉道追回。而黎伺已至涿州。經該州查詢始據供出。因聞知越南貢使內有伊子黎允倬充當行人。一同赴京。伊特前來迎探等情。黎伺等在藍靛廠居住。何由知黎允倬隨越南貢使來京。况該國使臣於二十五日行抵涿州。黎伺即於次日到彼。何以得信如是之速。且黎伺等即欲出外探看。

亦當稟明該管大臣奏明請旨。俟恩准之後。方可前往。乃並未呈明。輒私自潛行。實屬不遵管束。除將該營官員另降諭旨。分別議處外。所有黎佃李秉道二人。著該營及順天府。解交刑部審訊。定擬具奏。○贈故江蘇巡撫岳起。太子少保。予祭葬如例。○是月。署福建布政使裴行簡奏。閩省倉庫自乾隆六十年清查以後。有流交無著之款。分攤後任而接任之員。以為非己任內之事。遷延諉卸。迄無

清款之期。又海洋船工經費。及緝匪口糧等項。皆取給鹽商生息項下。及本省官員捐廉銀兩。遇有不敷。則動用司庫雜款。先行發給。此則以官帑墊私捐也。又州縣應交攤捐各款。一時不能措繳。轉挪動地丁錢糧。先行解送。此則以正項墊雜款也。節年頭緒不清。以致司庫雜款項下。墊用較多。致干部詰。州縣經徵項下。丁耗私挪。轉多懸宕。此則為各省所僅有。臣現在嚴覈州縣正項。按款批解。不

許與攤捐各款。稍涉通融。至司庫動用項下。詳慎出納。即船工口糧等項。有可節省。即詳明立案。得旨甚是。又奏。閩省風氣。俗悍民刁。向稱難治。然臣察訪閩里小民。最畏官勢。亦甚有良心。官長如果清廉。即聽斷偶誤。亦皆心服。以為官長未得錢也。自貪吏輩出。以詞訟為取利之源。以械鬪為斂財之藪。不但不能養之。並其所養者而奪之。不但不能教之。並其服教者而誣之。而民心始離矣。始而怨官。繼而仇官。遂至抗糧械鬪之風。日益滋甚。罪豈在民。實地方官有以啟之也。得旨平心之論。即從前教匪之事。亦由官逼民反也。又奏。閩省近日營伍。略知斂戰。然藩司署中。每日各營投文。除應領正餉外。如修補戰船。籌鑄礮械。及賞卹溺海兵丁難眷。與夫兵弁出洋借支糧俸。日不下二三十件。無怪經費之不敷也。臣愚以為止須整飭營規。嚴防海口。所設戰船。仍照從前會哨巡查。使之不敢近

岸居民即可安堵。似不必責以遠涉大洋。衝
波緝匪。况聞蔡牽私收商稅。任意揮霍。與沿
海居民久相浹洽。即水師兵丁及投誠賊匪。
亦有為蔡牽通信之人。官兵一有舉動。彼早
聞信遠颺。即有可乘之機。弁兵亦未必肯出
力前往。蓋此匪一經擒獲。營中別無希冀。不
能藉寇糜餉矣。以臣竊計。恐蔡牽終難就獲
也。得旨。實有此弊。覽奏俱悉。一切勉力辦理。

實錄卷五十八

十九

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百十七

清 實 錄 嘉慶八年八月上

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百十八

嘉慶八年八月癸亥朔遣官祭昭忠祠
教修

實錄卷五十八

一

諭內閣前據縑布奏和孝公主府內已革
長史奎福呈控額駙豐紳殷德演習武藝與
父報仇並欲毒害公主及將侍妾帶至墳園
於

國服內生女各款。豐紳殷德係和珅之子。和珅
獲罪重大。中外共知其伏法實由自取。國家
憲典所在。一秉至公。從無罪及其孥之事。至
罪臣後嗣。自古從未聞有敢讐國法者。况辦
理和珅一業。經大學士九卿等僉稱伊種種

五六五

狂悖欺罔。照大逆律。應凌遲處死。定擬具奏。朕因和珅蒙

皇考養多年。又曾任首輔大臣。曲為末減。然論其妄誕。即肆市亦罪所應得。仍加恩。賜令自盡。伊子豐紳殷德。旋授為散秩大臣。上年勦辦邪匪大局。戡定復推恩賞給公銜。朕於和珅父子。實可謂仁至義盡。在豐紳殷德。具有天良。自應感激無地。豈有反生怨望。隱蓄異謀之理。此案縕布奏上時。朕即知事屬虛誣。但所控謀逆情事。案關重大。朕若少露意旨。即使此案審訊實係誣控。而外間無識之徒。妄生臆度。必以朕過於仁慈。不忍遽興大獄。而承審大臣亦似有心迎合。轉不足以破羣疑。而成信讞。當即特派大學士董誥。星馳回京。與留京王大臣及內務府大臣。縕布刑部堂官等會同。秉公研訊。並節經降旨諭令悉心推究。務得實情。不可加以刑求。茲據王大臣等連日詳細鞠問。惟豐紳殷德在

國服內侍妾生女一節。業已自認不諱。此外如公主疑心飲食下毒。僉供實無其事。朕亦素知額駙與公主和睦。誣妄實屬顯然。至演習白蠟桿。始自乾隆五十九年。藉以練習身體。並非起自近日。其私放利債。尚非違例。盤剝即引進高升。鄭二戲耍棍棒。亦祇係少年不謹。而豐紳殷德。平日所作詩文。經保寧董誥縕布等親至府內查出。封固進呈。多係嘉慶三年以前所作。惟青蠅賦一篇。係四年在墳塋栽樹。聞外間有傳說大動工程之語。憂讒畏譏。而作詳加檢閱。委無怨望違悖語句。現經王大臣等訊明。實係奎福因豐紳殷德將伊責打革去長史。又追索經手銀兩。心懷怨恨。捏詞誣控。並傳到奎福妻子。質對供吐。一如繪按律將奎福定擬斬候。請旨定奪。王大臣等審辦此案。虛心詳細所擬罪名。亦屬允當。今爰書已定。豐紳殷德並無謀為不軌之事。毫無疑義。其罪惟在私將侍妾帶至墳

園於

國服一年內生女實屬喪心無恥前已降旨將伊革去公銜及所管職任仍著在家園禁令其閉門思過如此懲辦已足蔽辜其他俱屬輕罪不議總之此案如豐紳殷德果有悖妄之處朕斷不肯因公主曲法姑貸既經訊係誣捏朕又豈肯因其怨家造作蜚語遽將豐紳殷德置之重典置公主於何地乎奎福著依擬應新監候秋後處決入於本年朝審辦

書奏事

四

理餘俱照所議行並著將審辦此案緣由通諭知之諭軍機大臣等策拔克等奏前赴盛京查辦劉文喜等砍伐木植一案盛京為陪都重地既有無賴匪徒在高麗溝一帶聚集搭蓋窩棚私砍樹木等事自應嚴飭各卡倫留心查禁使奸民知所斂戢巴寧阿到任未久且非伊專管自難加之責備若晉昌則在彼有年且係盛京將軍稽查地方及各處卡倫皆其專責今接奉前旨僅稱悚惶駭異

可見伊於高麗溝地方偷伐木植一案竟全

未聞知所司何事現據德瑛奏除高麗溝之外尚有韭菜園三道浪頭兩處晉昌均未查及太覺不成事體晉昌著先傳旨申飭至策拔克等選派協領珠琿額恒福改裝易服潛率番役星赴該處設法偵緝並恐奸民等將木植運赴天津等處海口販賣飭令沿海一帶旗民地方官嚴密訪拏所辦俱是該處藏匿奸民甚至有打造大船運販木植之事策

書奏事

五

拔克等此次必應徹底查辦將首犯逐名拏獲按律定擬其餘為從各犯分別懲治此番查辦之後該處斷不容再有奸民藏匿滋弊其天津登萊青各海口諭令直隸山東各督撫飭屬嚴查如有奸民運木到彼即令盤拏其中儻有劉文喜等六人並令解赴盛京歸案審辦將此諭令知之甲子諭內閣本日朕詣獅子園閱摺辦事茲園為皇祖世宗憲皇帝在藩邸時恭侍

聖祖仁皇帝來至熱河特建斯園以資憩息並蒙

聖祖仁皇帝親臨御膳

宸翰昭垂我

皇祖亦嘗親書墨寶輝耀檐楹迨

皇考巡幸熱河每歲

躬詣獅子園疊見吟詠迄今瞻仰

奎章敬思

列聖貽謨締建山莊永垂堂構實為吉祥福地

從前

聖祖仁皇帝歲時舉行秋獵著為恒典我

皇祖在位十三年雖未出口行圍而登極以前

屢經隨扈且恭讀

皇考避暑山莊後序敬述

皇祖面諭曰予之不往避暑山莊及木蘭行圍

者蓋因日不暇給而性好逸惡殺生是予之

過後世子孫當習武木蘭毋忘

家法我

皇考高宗純皇帝欽承

世德每歲校獵木蘭久而弗懈

垂訓尤詳朕繼紹

鴻圖亦惟式循

前典罔敢或渝今山莊內

永佑寺恭奉

聖祖

世宗

皇考神御

心源默契優懷長存萬世子孫所當繼繼承承

勿忘

先烈蓋我國家詰武綏遐意至深遠木蘭行圍

實歲時典禮所繫並非前代遊獵可比如以

為遊觀之娛則長途跋涉策騎辛勤較之京

師御園清適勞逸迥殊何可娛樂然以無可

娛樂而遂憚勤勞朕實不敢出此也著將朕

敬承

祖

考肄武習勞有舉莫廢之意再行明白宣示通諭中外俾衆共知○又諭額勒登保等奏查明軍營獲咎人員籲懇施恩一摺現在大功全竣軍營帶兵出力各員業已疊沛恩施其歷年獲咎各員中如有情罪可原者自應量加寬貸以昭渥愷所有單內開列之都司柯藩德忠永明張績等四員均係由提鎮大員降革留營効力從前獲罪之由或因病未能出擊竄匪或因該管地方有賊匪經過堵剿不力尚非有心貽誤且出兵年久曾著勞績柯藩德忠永明張績均著加恩以遊擊升用張超前於叅將任內因約束兵丁不嚴降為都司尚未得缺著加恩留於陝省差委遇有陝甘都司缺出即行補用革職都司孫奉朝馬萬年自被叅以後隨營打仗尚知奮勉孫奉朝著留於陝省馬萬年著留於川省均加恩以千總補用至革職都司倭里布係因在陝防邊未能截擊竄匪本應枷號軍營候事

竣發往伊犁贖罪之員前已加恩疏枷免其發往伊犁著回京充補馬甲原任按察使瑞亨前因賊匪竄至虞關未及拏卡堵禦原任副將七格在貓兒垭打仗帶傷未經具稟私赴保寧調養原任都司周健勇在孝義地方防守因出擊竄匪致被另股賊匪乘虛焚燒糧餉均經發往伊犁覈其情節尚有可原且到配已及三年著加恩一併釋回至吉林前鋒伍靈阿甲兵長雲保因患病留於廣元調養病痊後仍不赴營是以發往伊犁充當苦差著再留三年俟期滿之後該將軍奏聞請旨其因帶兵不嚴枷示軍營之革職都司曾連光守備孫銳二員均著加恩一併釋放○諭軍機大臣等川楚陝三省賊數不滿二百人無難剋期殲盡從前川省囑匪動輒數百為羣較之此時剿剩零匪尚多今餘氛業將淨盡仍應力為掃蕩即囑匪餘孽亦可趁此辦淨至三省地勢犬牙相錯深山窮谷誠恐

有散匪零星藏匿額勒登保等將三省應留兵勇均勻散撥責成各將領分投梭巡會哨並繪圖貼說進呈自應如此辦理該處地方情形伊等經歷數年最為熟悉果能逐段嚴搜自不虞再有餘匪潛匿其所留兵勇則全在伊等酌量情形以次裁撤德楞額泰將次到京伊展覲回川時額勒登保接替入京或將所留兵勇酌為減撤一半其餘存留兵勇川省責成德楞額泰勒保楚省責成吳熊光慶成

陝甘責成興奎楊遇春總須察看各該省境內實在無零匪潛留將兵勇全行裁撤否則寧以稍遲為要又據稱所獲賊匪該鎮將等解送軍營審明正法所辦甚是其各州縣拏獲零賊經地方官訊明均係官兵勦散之賊當即批飭正法此亦可行嗣後凡遇相近大營地方情罪較重之犯自須解赴大營審辦其離營較遠者亦必訊係真賊稟明經畧總督親加批飭方許隨時正法至戕害穆克登

布之賊惟余佐斌一人日久稽誅該犯係著名賊目應飭嚴密查拏毋任漏網將此傳諭知之○又諭陳大文覆奏該省宿遷桃源清河等縣飛蝗本少亦未傷及禾稼惟晴旱日久兩月以來未經得有透雨以致高阜地方收成歉薄等語是該三縣不傷於蝗而實傷於旱何以總未據費淳奏及朕心深為廬念該處本屬積歉之區今復有乾旱地段雖據該督詢訪尚不成災民力究不免拮据著陳

大文迅委妥員前往查看被旱地方究屬起於何時如有應須撫卹蠲緩之處即行奏聞候朕另降恩旨此外徐海所屬各州縣及鎮江揚州常州等府既據報聞有蝗蝻並高淳江浦六合等縣被水窪區兼有飛蝗停落地方該督均當嚴飭司道即派文武員弁分投履勘將成災處所據實陳明不可稍有諱飾○又諭本日據特清額奏行抵甘肅即於莊浪協營內酌調官兵五百名帶往西寧策應

等語。野番搶劫一案前據貢楚克扎布等奏該番等首鼠兩端應懾以兵威使知畏懼貢楚克扎布等及總兵馬斌兩路共帶兵二千三百名今特清額又調兵五百名現在賽冲阿自陝回甘亦帶有寧夏官兵軍威極為壯盛何以尚未據伊等將如何辦理情形迅速具奏。貢楚克扎布等應趁此兵力厚集之時上緊籌辦務使野番知所震懾而又須籌畫萬全弗致稍損兵威方為妥善。如果番眾聞

風惕息獻賊交贖即令其持呪出結就事完結該處蒙古陸續內徙者已有九十餘人豈能長恃官為養贍一俟此案完畢即令該蒙古等早回原牧處所並將一切善後事宜及如何妥設卡倫等事妥協布置使番賊不敢再行搶劫方足以靖邊圉而綏藩服貢楚克扎布等不可不速籌妥辦也。將此傳諭知之。○吳熊光奏據叅將毛秉剛一路軍功梁奇在房縣牌口地方擒獲賊匪李文魁供係從

前戕害惠倫之犯等語得旨該犯罪大惡極天理難容斷不令其漏網亦由効命疆場忠魂毅魄默為震懾俾其自行供吐吳熊光提到該犯訊明後應即予凌遲處死仍將該犯首級解送來京於惠倫墳塋設位致祭以慰泉壚。○額勒登保奏查明辦理軍務出力人員賞四川道員吉陞保同知鍾蟠雲知州錢國瑞遊擊周士貴驍騎校台清阿都司石成玉趙琴守備呂應揚馬士相嚴登魁李思貴

朱福壽李輝林花翎守備殷占鼐等藍翎餘升敘有差。○調陝西陝安鎮總兵官田朝貴為四川川北鎮總兵官甘肅肅州鎮總兵官王兆夢為陝安鎮總兵官川北鎮總兵官達自祥為肅州鎮總兵官。○予陝西陣亡佐領巴里善驍騎校明興祭葬世職如例鄉勇李秀泰祭葬世職如千總例監生王恒祭葬世職如外委例前鋒奇那力圖等十三名鄉勇莫英等六十三名湖南陣亡兵勇熊昌龍等

五十三名四川陝西陣亡兵丁曾逢元等一百二十八名湖北陣亡生員胡盛霖等六名鄉勇孔繼順等一千二百六十八名賞卹如例○予福建捕盜淹斃兵丁梁興國賞卹如例○旌表守正捐軀山西和林格爾廳民喬得寶妻任氏○乙丑遣官祭

關帝廟○諭軍機大臣等永保等奏設法查拏土弁刀永和並籌辦江外窺伺猓黑及查明銅金非漢奸情形各摺覽奏俱悉刀永和畏罪逃至緬甸所屬之孟艮地方不特官兵未便前往即該土司亦難遠涉若飭令該國王代為擒拏殊屬不值現在永保酌令思茅同知寄信孟艮頭目召布蘇若能縛獻刀永和自當酌加重賞即不能擒拏亦斷不肯容留內地滋事之人刀永和無可藏身諒必潛回復經永保勸諭刀永康召齊翁等賞給糧石銀牌等件自必同心緝捕俟刀永和拏獲此案即可完結再威遠所屬猓黑窺伺查係

邦奈之帶脚猓約有千餘人偷渡猛撒江至猛班土司邊界三圍地方搶掠因瘴氣方盛現已退出江外又猛撒江邊六困土司地方亦有猓匪在普洱河對岸窺探該猓匪等雖不過在邊境掠食但猛撒江與六困既有小路可通恐兩處猓黑糾結合夥自應齊集練勇兩路夾擊驅逐出境其沿江一帶尚須擇要防堵嚴緊邊境設秋深瘴退江水消落該匪仍思窺伺即可乘勢勦辦使彼畏懼不敢

復來庶可永靖邊隅至僧人銅金前據初彭齡奏係屬漢奸茲據永保查明現在滋事之猓黑另係一種黃脚猓為首係楊金羅小二李伙頭三人銅金並非漢奸其所管乃係大肚猓黑近來甚屬安靜並無勾結為逆情事楊金羅小二李伙頭三人永保等當設法捕拏務獲銅金既無滋事不法之處自不便遽行查拏轉令三猛五圍之人心生疑駭其孟連土司界地該土司既不能自行管束豈有

轉向內地要糧要兵代為勦辦之理該撫等當持以鎮靜相機妥辦以上三事俱係邊地夷人互相構鬩並不敢侵犯內地永保現已辦理稍有頭緒著再妥為籌畫將集糧派練等事辦定章程即可交提督烏大經協同道府等員接辦該撫應辦地方事務繁多責任綦重琅玕現駐維西省城不可無大員彈壓永保即當回省辦事不必久留該處也將此諭令知之○丙寅

上出惠迪吉門哈薩克汗瓦里蘇勒坦子伯格里蘇勒坦及正使托克托蘇勒坦愛里等六人副使杭愛等十八人於道旁瞻覲○諭內閣朕因蒙古地方容留民人租種地畝日久必致有礙游牧是以從前理藩院奏請將齊巴克扎布游牧處所種地民人驅逐曾經降旨派永保妥為經理今蘊端多爾濟等奏土謝圖汗部落扎薩克齊旺多爾濟齊巴克扎布旗分及哲布尊丹巴呼圖克圖徒衆所屬

地方皆有游民棲止而蒙古等多有負欠民債者今若概行驅逐則負欠之蒙古措償拮据而貧民亦無所歸等語可見蒙古等情願容留民人已屬顯然著照所請此次免其驅逐惟嗣後不准另墾地畝添建房屋侵占游牧處所其從前租種地畝並令按地納租其聘娶蒙古之女為妻者於該民身故後將伊妻子給與該處扎薩克為奴其隸呼圖克圖徒衆地方者即著為其所屬所有各該處居

民現已查明著庫倫辦事官員按人給予執照每年由蘊端多爾濟派員檢查造冊報院備經此次辦理之後再有無執照民人任意棲止不特將該民人從重治罪必將該盟長扎薩克等一併治罪○諭軍機大臣等貢楚克扎布等奏帶兵辦理番案該番等親見天兵臨巢將占住蒙古地方業已讓出撤回番境並央同番目尖木贊來營乞恩情願交還賊畜並各處訪緝案內正賊一經尋獲即當

縛獻等語此等化外野番罔知法紀朕本不欲遽煩兵力特因番衆愈見强悍蒙古日形懦弱甚至該貝勒被番賊剝去衣頂槍斃眷屬欺凌已極若不懾以軍威代為懲辦則番族更無所忌憚而蒙古更失所倚仗朕之節次諭令貢楚克扎布等酌派官兵前往辦理者實出於萬不得已今大兵甫到該番等即聞風悚懼畏罪乞恩看來事局已定總可就事完結惟是一切善後事宜尚須妥為籌度

以垂永久向來河北二十五旗以黃河為界河南五旗以沙溝為界自應於該處安設卡倫嚴密防範但蒙古積弱已久刻下斷難令其自行護衛著貢楚克扎布等察看情形酌定卡倫處所派撥兵丁前往代為防守俟一二年後蒙古少能自強再行撤退並曉諭蒙古王公此次因爾等被番賊搶劫蒙大皇帝施恩特派大臣前來查辦徵調官兵多費糧餉總為爾等不能振作之故今番賊業經震

懼畏罪其在逃正賊並贓物等項責令番族頭人擒縛獻出並為爾等安設卡倫為一勞永逸之計爾等當知感奮勉力自強勿負大皇帝終始成全之意其沿河一帶雖據爾等稱並無禁筏工匠但從前番賊搶劫時若非禁有木筏搶去牲畜豈能徑渡況前次賊供內即有爾等所屬之人勾通番賊用筏擺渡爾等失察所屬之人通賊之咎已往不究嗣後務宜嚴防河岸禁止禁筏以絕番衆往來之路尤應嚴飭屬下人等毋許與番賊私相勾結儻再不能防範仍有潛行渡賊之事必將爾等一併治罪如此剴切曉諭俾蒙古力圖振作自衛藩籬庶永杜爭端不虛朕籌畫萬全至意至蒙古番子各有地界原不應聽其混行雜處何以察罕諾們汗旗下有番子數十戶番地之扎木養呼圖克圖寺內又有蒙古人戶此次雖已驅番回巢若不徹底清釐嚴定章程仍恐日久互相構釁自應分

別戶口。各歸所屬劃清地段。毋許私遞。再丹噶爾蒙古陸續內徙者。人數過多。豈能常恃官為養贍。即該蒙古等亦未必願久留內地。貢楚克扎布等應速將番賊搶去牲畜代伊追出給還。即可令該王公等率領所屬人戶。迅回原牧處。所各安生。計將軍賽沖阿提督特清額現已降旨。令其各回本任。毋庸帶兵到彼。貢楚克扎布一俟辦竣。此案並酌定應辦事務。即行來京覆命。將此各諭令知之。

丁卯祭

先師孔子遣慶郡王永璘行禮。○諭內閣。哈達所襲之輔國公爵。並非軍功所立。本應註銷。但念此爵係

皇考高宗純皇帝特恩賞予哈達著加恩。准令伊記名之子二等台吉巴特瑪仍襲一次。再出缺時。即行註銷。○越南國王阮福映遣陪臣表貢方物。降勅褒獎。宴賚如例。○廣東巡撫瑚圖禮因病解任。調陝西巡撫。祖之望為

廣東巡撫。以陝西布政使方維甸為巡撫。直隸按察使慶章為陝西布政使。直隸清河道傅修為按察使。旌表守正被戕廣東南海縣民蔡琳媳馮氏。免安徽疊被水災復經賊匪滋擾之宿州。並長淮宿州二衛舊欠漕項額賦。○戊辰祭

大社

大稷遣成親王永理恭代行禮。○諭內閣。戶部奏直隸大城等七州縣並宛平文安二縣七

年旗租應否仍照該部前議准免五分。抑或如願檢所請全數蠲免。請旨遵行。一摺。旗租一項。與民糧不同。向來蠲免例內。本無全免之條。即如嘉慶四年。恩免大興通州各州縣錢糧旗租。即係照定例辦理。乃此次該督於大城等各州縣。應行蠲免旗租。輒咨請全行寬免。嗣經接到部覆。照例酌免十分之五。該督復以該部繕寫錯誤。仍請查覈更正。概行豁免。殊屬非是。該督即不知旗租定例。寧於

該省四年辦過成案亦不知查覈耶顏檢著傳旨申飭仍著照部議行 旌表守正被戕江寧駐防正紅旗滿洲閒散成順妻白氏己巳遣官祭

文昌帝君廟以詹事府詹事榮麟為大理寺卿○緩徵河南祥符陳留睢杞安陽湯陰臨漳林武安涉內黃汲新鄉輝獲嘉淇延津滑濬封邱考城濟源修武武陟孟溫陽武洛陽孟津鞏中牟蘭陽鄭榮澤滎陽汜水新鄭

河內原武偃師登封嵩商邱寧陵四十四州縣蝗災旱災本年漕糧額賦並歷年帶徵各項銀穀○庚午諭軍機大臣等玉德等奏拏獲糾衆結會首夥各犯分別審擬一摺已另降旨將高廷彩等四犯即行處決餘著刑部覈擬具奏矣此等會匪藉賣經傳徒為名騙錢使用輾轉邀結設地方官置若罔聞不立加懲辦必至日久蔓延釀成巨案若辦理不善祇將零星夥黨紛紛捕拏或將良民妄捕

而著名首犯轉任其遠颺漏網則根株未剷轉致別生枝節是惟在各州縣於匪徒甫經起會聚衆未多之先不動聲色將為首者密行訪拏懲一儆百則餘黨不解自散切不可過事株連致滋紛擾並當督飭所屬廣為出示諭以爾等均係良民祇因惑於邪說妄立會名希圖斂錢獲利殊不知所得錢文為數有限而一經發覺國憲難容所有結會入會之人節經嚴加懲辦爾等寧不知之即如現

獲之鄭得源一案為首者俱立正典刑其餘聽從入夥者亦經按名遣發爾等俱有生業可謀何苦聽信邪言自罹罪戮此後務宜各安本分勿得再行糾會致干法紀如此剴切曉諭庶共知儆懼可期勉為良善將此諭令知之○閩浙總督王德奏拏獲會匪要犯人員巡檢楊奎以縣丞用賞武舉張家駒武進士一體殿試○辛未秋分夕月於西郊遣裕郡王亮煥行禮

太宗文皇帝忌辰遣官祭

昭陵○諭內閣朕於四年痛遭

皇考大事時先期令莊親王綿課榮郡王綿億

景燬成林前赴

裕陵辦理工程曾據綿課等奏稱

隆恩殿間有剝朽之處緣正屆

山陵大典未遑議興修旋派縕布張若淳前

往敬謹查勘亦據稱應加整葺特因連年山

向不宜興作暫行緩辦而朕以

陵寢重地未嘗一時釋念又令額勒布馳赴詳

加查看據奏

殿工必須大加修整即令趕緊購料辦理旋因

額勒布出差陝省特派綿課蘇楞額戴均元

監修已於七月內擇吉興工曾諭令伊等一

面拆卸一面將舊料剝朽成數分別開單進

呈並將從前原辦各員係屬何人查明具奏

茲綿課等奏到拆卸情形據稱鑽金等柱或

係裏外間段剝朽或係中間已成空槽甚至

西北一柱通身已全微爛甫經拆卸即自行

折斷完整者僅有八根其餘棟梁望板等項

覈計剝朽成數四五成至七八成不等並將

剝朽木屑分別等差包封及原辦大臣名單

一併進呈覽奏曷勝悚懼

陵工昭垂億載理應倍加慎重揀選堅實料件

敬謹造成潮查

裕隆隆恩殿建自乾隆十六十七兩年係原任

大學士公傅恒尚書海望等承辦至三十五

年復經福隆安三和等賠修若云因閱時久

遠則自賠修之年至嘉慶四年尚不及三十

年即已看出剝朽且

孝陵

景陵

泰陵自建造以來均極鞏固何以

裕陵殿工竟至剝朽若此況內有金柱一根拆

卸時自行折為三截可見建造之始原辦各

員實屬昧良並不認真及至賠修又復草率

從事以致工料未能經久。試思尋常殿座或止係遊觀處所。於例尚有保固。若至限外虧朽。原可不加深責。至於

陵殿工程。本非例限保固可比。况修建之期不久乎。此而不加以嚴懲。何以儆示將來。設傳恒、福隆、安海望等尚在。均當斥革治罪。今業俱身故。豐紳濟倫係傳恒之孫。福隆安之子。所有伊現管職任。著全行革退。仍加恩賞留公爵。永來係海望之孫。亦著革去各項差使。加恩賞留世襲佐領。伊二人仍交部嚴加議處。著即赴

裕陵工所。作為司員交監修大臣綿課等差遣委用。此外尚有原派大臣尚書公哈達哈侍郎三和、德爾敏、監督司員大理寺少卿富凱、內務府郎中車勒庫員外郎扎蘭布、內管領保住著各該旗將伊等嫡派子孫現在有無官職迅速查明具奏。不許遲滯。候朕降旨。至綿課、綿億、景熠、成林於四年派往時即奏請

興修尚屬留心。若非伊等早為具奏。朕屢次恭謁

裕陵哀感涕泗之下。亦何能周覽詳悉。諭令修葺。設此時尚未興工而柱木等項如此虧朽。若竟至傾圮則關係重大。更不忍言矣。綿課著先行賞還三眼花翎。綿億前此獲咎議罰王俸六年。作十二年分繳之處著加恩寬免三年。其餘三年仍作六年完繳。景熠著賞給上虞備用處四等侍衛。成林亦經獲咎拔去花翎。著加恩仍賞戴用並著查明伊任內有無未經開復降革處分。俟奏上再降諭旨。又諭勦辦教匪以來官弁兵勇義切同仇捐軀効命。所有八旗陣亡官兵例於京城昭忠祠添設牌位致祀。其各該省陣亡官兵勇祠一體附祀。俾得咸依故土鄉里。亦共知激勸。近據各該省陸續奏到俱已遵照諭旨妥為辦理。因念八旗大員帶領兵勇赴各該處

地方防勦以致殺賊陣亡其致命効節之地忠魂毅魄常所憑依亦宜入祠致祀以妥其靈著從前用兵省分各督撫詳查八旗二品以上大員於何處陣亡即入於各該府州縣祠內居中設位致祭用示朕褒忠勵節至意

○又諭密雲縣滿洲官兵向無學團差使本年因永懋奏請將該處官兵挑選數名學團當經照所請行本日閱看該兵丁等步射俱甚平常步射騎射乃滿洲根本甚屬緊要兵

丁等尤應精熟今密雲縣官兵步射生疏可見永懋平日並未操演殊屬非是永懋著申飭嗣後進哨時此項官兵著不必派出隨往

○以正紅旗滿洲副都統孟住為總管內務府大臣調正紅旗漢軍都統琳寧為正藍旗滿洲都統以署正白旗蒙古都統富昌為正紅旗漢軍都統○命成都將軍德楞泰在紫禁城內騎馬○壬申

上御萬樹園大幄次賜扈從王公大臣蒙古王

貝勒貝子公額駙台吉及外藩使臣等食並賞賚有差○以哈薩克汗瓦里蘇勒坦遣其子伯格里蘇勒坦至避暑山莊請安賜救獎賚並賞伯格里蘇勒坦寶石頂雙眼花翎正副使托克托蘇勒坦等銀幣有差○癸酉

太祖高皇帝忌辰遣官祭

福陵○諭內閣勦辦邪匪以來所有歷年隨營辦理軍火糧餉團練寨勇出力各員俱著有勞績節經該督撫等查明保奏業已疊次加

恩分別升擢其有與例不符應須酌量更調者亦曾准專摺奏請原以軍興之際為鼓舞人材起見或偶因一時權宜不得不量為變通目下搜捕三省餘匪績奏蕩平各地方悉臻寧謐軍務業經完竣非如從前差事殷繁可比茲據吳熊光全保等續將軍營出力地方官及武職各員懇請分別升調補用開列名單具摺陳奏未免過濫且詳閱單內有江西南昌營都司張大勲遺缺請以貴州鎮遠

營都司汪鉉亮調補所遺之缺請以荊州營守備王元相升補一節江西貴州二省均非該督等所轄之地何以隔省出有武職各缺輒越俎代為陳請除汪鉉亮等調補員缺毋庸議外其楚省所出文武各缺該督等奏請升調之處俱著該部覈議具奏現在各該省軍務俱已完竣該督撫不得以防堵搜捕為名率行保舉多人並將違例人員濫請更調致滋冒濫○又諭前因陝省軍需日久總未報銷節經戶部飭催僅據題到收銀總數而於支用款項猶未題銷一案並聞該省竟無用帳恐有浮冒情事特命額勒布初彭齡馳往清查茲據查明奏稱該省支發兵餉本未定有章程俱係隨領隨發只存總數其支用細數並無月報底帳因即調取該司支發底冊與各員文領覈對領款數目相符又將各員銷冊內用數與領數覈對亦無短少及研訊經手各員亦無餽送侵肥供據應即就

現在查審情節請旨分別叅賠等語陝省自軍興以來所糜帑項計嘉慶元二三年已用至一千餘萬兩之多其初未定章程以致節年多有與例不符之款茲據各該員開報均係濫支濫應並未入己因思從前師行喫緊之際各帶兵大員提取銀兩以備賞需今覈其用款皆稱係屬犒養兵丁其實私行挪用或經手家人從中沾潤俱所難免現在大功告藏念伊等著有勞績均不加深究至濫應各員一時恐誤軍需於例外支應亦係事之所有而不肖劣員即藉此名目影射私肥此種情弊自難逃朕洞鑒特以款項繁多閱時已久現又查無侵冒確據朕不為已甚刻意追求但伊等辦理不善之咎實無可辭所有額勒布等請將各該員分別議處及分賠之處著交該部覈議具奏○予湖北陣亡領催諾敏等十四名兵丁黃松等十五名傷亡兵勇李宗開等四名湖南陣亡苗兵隴天才等

二名陝西陣亡武生馬國棟等四名鄉勇唐
天玉等九百四十名賞卹如例○甲戌諭軍
機大臣等吳熊光等會籌晉鹽定立章程一
摺已批交戶部議奏矣又據佶山密奏晉省
民人願食池鹽祇緣口鹽侵占以致池鹽不
能暢行若將口鹽禁止水運可無晉私充斥
之虞等語從前蒙古鹽斤原不許運入內地
定例綦嚴迨巡撫農起以口鹽不通或致土
鹽價貴議請弛禁但彼時止准由陸路零星
販賣並不准其水運嗣經伊桑阿以口鹽陸
運所銷無幾會同旺沁班巴爾奏准販運口
鹽由黃河至臨縣磧口鎮起岸亦曾立有定
界以為節制自從課歸地丁以後聽民自銷
而口鹽水運地界無人稽察日久亦俱廢弛
由是口鹽越界行銷而池鹽轉不能暢行於
晉省遂致私越楚豫兩淮官引歷年每有積
滯自應通盤籌畫以杜弊源今該鹽政請禁
止口鹽水運祇准由陸運行銷固屬探本之

論但口鹽准由水運已非一日是否可以概
行禁止抑祇須嚴定地界杜絕私越之處著
伯麟察看情形或與阿拉善王旺沁班巴爾
會商期於內地鹽務有益而蒙古亦可日久
相安方為妥善該撫務須悉心詳議據實具
奏將此諭令知之○乙亥

上詣

永佑寺行禮○諭軍機大臣等本日召見德楞
泰詢及從前殲斃齊王氏姚之富情形據稱
齊王氏等由陝西向東奔竄明亮德楞泰帶
兵追剿賊匪由上津堡竄至張家灣溝內彼
時賊匪如從溝口竄出大路即毫無攔阻因
別無路徑可以繞至賊前正在焦急忽見賊
衆轉回又有數千人緊跟其後疑係另股賊
匪及詳加察看並令官兵示以軍中暗號始
知係屬鄖西鄉勇迎頭將溝口截住賊匪因
前有鄉勇迎截思欲搶上山梁經阿哈保帶
兵下壓明亮德楞泰督率弁兵四面圍剿齊

王氏姚之富等無路奔逃遂跳崖跌斃其時因急欲奏報未及詳查後來方知此項鄉勇實係鄖西縣知縣孔繼榘自行捐貲雇募練習有方彼時全資其力際此大功告成軍營出力人員無不仰邀恩獎而孔繼榘從前著有勞績實不敢掩沒其功等語孔繼榘平日官聲甚好朕所素知著傳諭吳熊光詳查該縣令所帶鄉勇是否自行出貲雇募孔繼榘現在有何加銜是否賞戴翎枝據實具奏候

朕加恩尋奏上津堡之張家灣義勇係鄖西民人郭友桂榮為首各自捐糧團練為保護村莊而設截擊齊王氏姚之富實係義勇之功該縣知縣孔繼榘雖無捐貲雇募之事但能晚諭百姓自相團練尚屬能事該員曾先後蒙賞升銜頂帶一級並賞藍翎奏入得旨嘉獎賞孔繼榘同知銜並賞花翎義勇桂榮以千總即用郭友不願入營賞千總銜○丙子

上御萬樹園大幄次賜扈從王公大臣蒙古王貝勒貝子公額駙台吉及外藩使臣等食○諭內閣德楞泰奏成都滿營兵丁操練賞項及出差幫貼向於兵餉內撥給請賞借銀兩生息作為操練賞項等語成都滿營操練兵丁獎賞及出差幫貼銀兩向由兵餉內坐扣兵丁生計未免拮据著加恩照德楞泰所請於四川藩庫存貯滿兵馬價銀二萬餘兩項下賞借銀五千兩生息作為獎賞幫貼等費

其收支數目著於年終造冊報部覈銷○諭軍機大臣等策拔克等奏查辦偷砍木植情形一摺據稱在遼陽州所屬地方搜獲私伐黃松木植二千四百餘件又興京城廠邊內查出木植甚多不可勝數等語現在策拔克等尚未至高麗溝一帶而遼陽興京等處據該佐領等呈報查獲私砍木植已有如許之多可見此等藏奸處所正不一而足從前琳寧在將軍任內曾查出高麗溝地方有偷砍

木植之事僅將窩棚燒燬驅逐奸民並未將該管官員叅奏辦理已屬過於疏縱迨晉昌到任後亦曾分路查拏辦過數次但總未嚴叅究辦更覺疲軟無能以致該管各員日漸怠玩而奸匪等毫無畏懼日聚日多竟敢肆意偷竊顯干例禁晉昌係盛京將軍稽察地方及各處卡倫皆其專責今卡內卡外均有偷砍木植之案實難辭咎著與該管之副都統一併交部嚴加議處至興京城守尉慶祥

實錄卷一百一十五

奏

通判景會鳳凰城城守尉賡寧岫巖通判崇福有守關之責乃該管地方偷砍木植至數千餘株之多其咎甚重均著解任交與策拔克等嚴加訊鞠該管兵役及該員等有無受賄故縱情事仍一面將案犯劉文喜等上緊嚴拏務獲到案後向該犯等嚴切根究是否該處兵役得錢賣放抑竟係該管官員通同舞弊令其據實供吐如祇係兵役賣放則該員等尚不過失察儻竟係該員等得賄故縱

必當按名嚴叅治罪將此諭令知之○以故廣西慶遠府東蘭土州同韋永鎮子承基鎮安府都康土知州馮永吉子振鐸各襲職○緩徵山東清平博平茌平高唐莘恩冠陽穀朝城東阿平陰平原長清德范十五州縣節年帶徵漕糧漕項並河澤濮定陶鄆城單城武鉅野觀城曹范蘭山郟城海豐十三州縣本年額賦十分之三○丁丑

實錄卷一百一十五

奏

上御卷阿勝境賜扈從王公大臣蒙古王貝勒貝子公額駙台吉及外藩使臣等食○諭內閣木蘭園場為上塞神皋水草豐美孳生蕃富我

聖祖仁皇帝肇舉行圍著為令典

世宗憲皇帝在位十三年雖未出口行圍曾

特降諭旨以後世子孫當習武木蘭毋忘

家法

皇考高宗純皇帝欽承

世德歲時秋獮肄武習勞綏懷藩服

垂訓諄諄萬世所當法守朕續紹

丕基式循

前典上年即躬親獮獵今歲邪匪全平諸事合序又喜雨暘時若年穀順成朕駐蹕避暑山莊藩部絡繹來庭近日氣候晴和正擬諏吉啟鑒率領蒙古王公及八旗官兵以時講武行慶施惠詎本月上旬總管圍場副都統韋陀保呈報今年圍內天氣較寒水涸草枯當即派丹巴多爾濟孟住滿珠巴咱爾等前往

實錄卷一百一十八

元

查看伊等徧歷十圍察看各該處水草雖不甚豐足尚可駐營惟鹿隻甚覺寥寥此必係韋陀保現因所管圍場牲畜稀少藉水草為詞希冀掩飾卸責即伊等前此節次所稱罕獲偷打牲畜各犯二百餘名之多亦未可盡信即其言實而已獲者已二百餘名未獲者更必加倍彼時丹巴多爾濟等覆奏並經蒙古王公等合詞懇請停止行圍朕總未允准復派監放馬匹之王大臣綿脩綿懿鄂勒哲

依圖阿克棟阿帶同韋陀保再往詳查令將實在情形迅速具奏茲據綿脩等奏遵旨前至永安莽喀巴顏錫納塔里雅圖三圍查看竟未見有鹿隻與丹巴多爾濟等所奏相符湖查乾隆五十七年以後

皇考駐蹕熱河

春秋增高兼以連年雨水過大屢次停圍自應生息蕃滋倍加充牣乃朕於上年行圍時鹿隻已屬無多今歲竟至查閱十數圍絕不見

實錄卷一百一十八

元

有麋鹿之跡殊堪詫異聞近日該處兵民潛入圍場私取茸角盜賣希獲厚利又有砍伐官木人等在彼聚集以致驚竄遠颺而夫匠等從中偷打亦所不免是以鹿隻日見其少此皆由管理圍場大臣平時不能實力稽查咎無可逭本應將韋陀保從重治罪姑念伊到任未久不即加以嚴譴著交部議處其現任之圍場官員等多係在彼年久之員因循疏玩一至於此若不加以懲儆則日復一日

圍場幾於曠廢尚復成何事體著該部查取職名按其在任年月分別嚴加議處並查明乾隆五十七年以後之歷任該管大臣及官員等一併嚴議因思從前鐵保曾經條奏將圍場偷盜牲畜罪名寬減以致無所儆懼冒干禁令者多著軍機大臣會同該部將鐵保所奏條例酌為改易並將台費蔭前此所奏圍場一切章程未盡詳悉之處再行妥議今歲圍場中既無鹿隻業據王大臣及蒙古王貝勒等節次查明朕若必執意行圍蒙古藩部等扈獵辛勤無由獻獲朕亦難加之旌賞即撥之講武肄勞亦覺有名無實此次姑允蒙古王公等所請停止行圍非朕本意也至今歲既已停圍該管圍場大臣等經朕此番嚴飭務宜倍加謹凜實力稽查嚴拏偷鹿人犯懲治來年朕巡涖熱河必遵循前憲於中秋節後即啟蹕至木蘭行獵亦斷不先期派員前往查看如彼時鹿隻較前增多

實錄卷一百十八

聖

自當將該管大臣及官員等量加獎勵儻仍復稀少必將伊等重治其罪決不姑貸所有此次豫備行圍之蒙古官兵等仍著減半賞賜將此通諭知之○又諭昨因裕陵隆恩殿殿柱鈔朽業將原派監修大臣傅恒福隆安海望之子孫豐紳濟倫永來革去職任差使仍交部嚴議並令查此外監修大臣及各司員嫡派子孫現在有無官職迅速具奏茲據各該旗查覆原任尚書哈達哈之孫直隸試用遊擊安惠工部學習主事關靈保原任侍郎三和之孫提督衙門筆帖式舒齡雲騎尉恒齡工部筆帖式多齡候補筆帖式阿齡均著交部嚴加議處此外如原任侍郎德爾敏大理寺少卿富凱原任郎中車勒庫原任員外郎扎蘭布之子孫或係文生員官學生或係兵丁本應一體懲治但念伊等均屬無職之人若概將錢糧革去未免艱於度日且究係伊等祖父辦理不善非己身獲

實錄卷一百十八

聖

咎可比均著加恩免議尋議安惠等降三級調用得旨著加恩改為革職留任恒齡雲騎尉世職亦著照舊承襲○又諭刑部奏將叅領寶善與黎伺質訊明確定擬具奏一摺安南人黎伺等在藍靛廠居住叅領寶善係專管之員乃於黎伺等懇假迎探貢使並不稟明該管大臣輒准其告假已屬專擅前據黎伺供出經行在該管王大臣向該叅領面加詢問伊並不承認旋命軍機大臣傳旨詳詢

實錄卷一百十八

聖

再四開導仍不據實供明及至解交刑部與黎伺當面質對無可抵賴始行供認實屬狡詐僅予交部嚴加議處尚屬過輕寶善著即革職發往烏魯木齊効力贖罪至黎伺李秉道既訊明並非私自潛往尚無不合著仍交外火器營於藍靛廠安插留心管束毋任出外滋事其供出之蒙古官員阿姓係黎伺於途間偶遇其旗分姓氏自未能記憶明悉亦不必紛紛查究○旌表守正捐軀廣東長樂

縣民曾維泗妻陳氏

實錄卷一百十八

聖

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百十八

[illegible]

嘉慶八年癸亥八月戊寅諭內閣從前木蘭

清實錄
嘉慶八年八月下

五
八
七

深山或滾崖身死亦必須獲有屍身呈驗明確方足為憑總之恒乍綑及別的扒二犯既得即可出示安撫撤兵藏事此時如有應徹卡兵著即先行徹回將此諭令知之○又諭英善等奏廓爾喀頭人與披楞互相和睦該部落平安寧靜等語廓爾喀一帶邊防本應隨時嚴密查察即該部落素屬安靜亦不可稍涉大意今據英善等節次探明廓爾喀等業已和好惟當嚴飭卡隘各員慎重邊防所

有邊關附近地方暗備木石等件應即全數撤去免致四處傳播疑有他故並不必多差弁役紛紛探聽信息也將此諭令知之○額勒登保奏請將歷年隨同帶兵之各省將弁一百一十四員分別等第下部議敘得旨允行○己卯諭內閣前因彭元瑞奏太學石經現在所刊碑文與

御纂

欽定本間有異同請詳加察覈特簡派大臣悉

心檢校茲據董誥等奏將石經全部公同詳細校勘除曾奉

特旨改刊各條外實無違背更改之處並開列清單進呈因思石經為同文盛舉從前彭元瑞撰進之考文提要亦係援引武英殿唐宋石經及天祿琳琅宋槧各書作為證據現在太學石經早已刊布通行毋庸改易其石經內有遺漏筆畫及鐫刻草率各條著交御書處查照修整以臻完善○諭軍機大臣等特

清額奏已抵西寧詢知野番乞降可以無需兵力伊即由丹噶爾前赴貴德等語該提督如已至丹噶爾地方即宣布恩意飭令內徙之蒙古等勉力自強知感知足早回原牧伊即可仍由西寧帶回莊浪官兵各令歸伍併不必再往貴德該處現有惠齡等在彼可以無庸特清額前往協理該提督應早回甘州辦理本任事務以便蘇寧阿交替進京可也將此諭令知之○庚辰遣官祭黑龍潭

昭靈沛澤龍王之神。玉泉山

惠濟慈佑靈護龍王之神。○諭內閣。向來挑選驍騎校。例應揀選外營出兵人員二次。本旗領催一次。此次輪應揀選外營出兵人員。額勒謹係屬外營。曾經出兵。著有勞績。現在又係保送首列之人。該旗何以竟未將伊揀選。該叅領所稱額勒謹不諳清漢文之處。殊屬強詞奪理。恐係有心屈抑。或瞻徇在旗行走之人。均未可定。著永裕裕興。將因何不行

揀選額勒謹緣由。明白回奏。並著留京辦事王大臣。傳到額勒謹。詳加驗看。秉公據實具奏。○諭軍機大臣等。松筠奏哈薩克王江和卓擬遣伊弟達呢雅爾。隨同伯格里蘇勒坦。於本年秋間前來瞻覲一摺。江和卓感激朕恩。遣伊弟達呢雅爾瞻覲。殊屬可嘉。著諭知松筠。轉諭江和卓云。已將爾所請轉奏。奉大皇帝諭旨。爾弟達呢雅爾前次未得前來。原因雪阻。大皇帝並未責斥。但向來哈薩克等

入覲。俱隔三四年後。會集數人。始來一次。並無一二人。即行入覲之例。况爾等未出痘者居多。向來均赴熱河涼爽地方朝覲。亦無秋閒啟程來京之例。達呢雅爾年幼。尚未出痘。此次毋庸前來。俟逾三四年。會同數人。再行入覲。如此明白曉諭。俟過三四年後。江和卓如再呈請遣子弟來京瞻覲時。再行奏聞。遵照辦理。○以故喀爾喀土謝圖扎薩克輔國公車都布多爾濟子沙克都爾扎布襲爵。○

辛巳諭內閣。勒保奏請升補軍營出力人員各摺。其文職各員。俱係以本省之員。請升補本省之缺。尚無不合。該員等是否與例相符。已批交該部覈議。至武職各員。內惟滇省副將桂涿。本係四川鄉勇。節次又經打仗出力。朕所稔知。所有四川綏寧協副將。准其以馬元調補。其維州協副將。即著桂涿調補。俾資駕輕就熟。其餘各員。奏報軍營摺內。既未常見其名。且有川省將弁而升調他省員缺。又

有他省將弁而升調川省員缺者此等人員均與定例不符著交兵部覈議具奏其以他省將弁而調他省員缺者尤非勒保分內之事俱不准行毋庸更交部議此後遇有地方文武缺出總當以合例之員奏請升調朕必飭交部臣覈辦該督不得率行瀆請致滋冒濫○諭軍機大臣等此次搜緝零匪斬獲四十餘人勒保因川東川北賊蹤漸次肅清無須親赴前敵即回駐紮定經理徹兵徹勇各事宜自應如此辦理該督當勉籌善後以安民為本其餘皆屬可緩此時川境一二零星竊賊本無所謂前敵自無庸勒保親往但各將領因餘匪無幾或藉詞風雨天寒有意延宕虛糜餉項尚屬末節若令遺灰稍然成何事體該督務當嚴催各鎮將上緊排搜勿留餘孽其實在出力者仍當隨時保奏儻有搜捕不力者即據實叅辦務令賞罰嚴明人知激勸以期剋日淨盡將此傳諭知之○壬午

諭內閣前派策拔克等前往興京等處查辦民人私砍木植一案因福長安以平日暗訪一切情形備細告知始得案情顯露看來福長安尚有天良現在興京城守尉出缺著加恩以福長安補授福長安曾任尚書旋獲重罪茲朕又復委曲加恩將伊擢為城守尉福長安到任後惟當感朕格外恩施於所屬地方奸民糾眾偷砍木植等事實心查覈務期剔除積弊慎勿如前怠忽○諭軍機大臣等據策拔克等奏查辦偷砍木植情形一摺內稱協領恒福等稟報前往高麗溝等處查看見有已燒窩棚二十餘間獲犯十餘名其餘奸民二千餘名俱已竄入獐子島並稱官兵等得受銀兩豫先通信任其竄匿等語此案情形先係佐領崔守興與城守尉賡寧送信該尉聽從其言即帶兵赴高麗溝將窩棚燒燬人盡驅逐希圖滅跡驍騎校福慶領催烏勒青額並得受奸民元寶三箇私行縱放該

官民等膽敢通同舞弊實屬可恨至策拔克巴寧阿前此接奉諭旨自應星夜馳往高麗溝密為查辦乃伊等於七月二十三日甫經商辦而是日晚間即被崔守興聞知差兵送信可見策拔克等查辦此事露有風聲以致官兵得錢賣放奸匪乘間脫逃且伊等安坐瀋陽直至八月十五日發摺之時尚未前往鳳凰城而辦理又不能慎密策拔克巴寧阿俱屬無能著傳旨申飭再晉昌於所管卡內

卡外疊有偷砍木植之案其平日毫無聞見竟同木偶及經朕降旨查辦又復任聽屬下官員等愚弄甚至官兵等有營私作弊等事晉昌如此疲玩無能實屬辜恩溺職難勝將軍之任已降旨將伊革職即著來京候旨佐領崔守興城守尉賡寧驍騎校福慶均屬不法俱著革職等因同案內各犯嚴審定擬具奏至策拔克等因奸民逃往獐子島輒輕派戰船赴高麗地界緝拏奸匪亦屬冒昧高

麗向稱恭順應一面行知該國守土官吏令其幫同緝拏如能將劉文喜等六人擒獲即可解送內地懲治即不能按名拏獲但能截其去路自必仍行竄回內地兵役易於盤緝策拔克等慎勿派調多兵致駭聽聞並將所調戰船酌量撤回妥協辦理將此傳諭知之○又諭前此祥符下汛六堡隄工過水約計十餘丈該工距省亦約十餘里近聞此次漫水已及城根該處附近田廬不免有淹浸之處殊為慮念著嵇承志馬慧裕即遵前旨迅

委妥員詳悉查明具奏候朕另降恩旨毋稍諱飾○戶部奏查向來索倫墨爾根官兵來至熱河由理藩院請旨賞給銀兩出哨後復奏明給予賞銀并按月支領路費得旨此次索倫墨爾根官兵賞銀於未經降旨停團之先經理藩院奏明全數給領著加恩不必回繳即作為該官兵等回程路費以示體卹○調吉林將軍富俊為盛京將軍江寧將軍秀

林為吉林將軍。綏遠城將軍崇當為江寧將軍。以鑲黃旗蒙古都統德勒格楞貴為綏遠城將軍。寧夏將軍蘇寧阿為鑲黃旗蒙古都統。○旌表守正捐軀四川崇慶州民張永華妻王氏。○癸未遣官祭賢良祠。○諭內閣。昨因給事中揆文叅奏永錡等揀選驍騎校不公。當即降旨令留京辦事王大臣等將應擬正之護軍額勒謹詳加驗看。據實具奏。本日據留京王大臣等覆奏。傳到額勒謹驗看清

語甚屬熟練。並認識清字。請將辦理錯誤之該都統糸領等分別嚴加議處等語。都統副都統等遇有揀選自應照例秉公辦理。護軍額勒謹曾經出師。既能清語。復識清字。堪以補放驍騎校。何以不行揀選。額勒謹著交該旗即行擬正。俟回鑾後帶領引見。永錡等辦理錯誤。昨經降旨查問。伊等雖俱認罪。尚復飾詞巧辯。甚屬謬妄。永錡著革去都統。裕興著革去副都統。其餘管項著加恩仍留管理。

鑲藍旗漢軍都統員缺著綿課補授。綿課現在

裕陵工次。其未回京以前著琳寧署理。裕興所遺鑲藍旗蒙古副都統員缺著薩敏補授。所有承辦之叅領盛和興崙均著交部嚴加議處。○又諭前因景安承辦軍務種種貽誤。將伊革職治罪。上年大局戡定。加恩釋放。發往熱河披甲。茲三省業已肅清。大功全戡。姑念景安平日居官操守尚好。著加恩以六部筆帖式補用。○鑲紅旗漢軍副都統全福因病休致。以頭等侍衛蘇沖阿為鑲紅旗漢軍副都統。○甲申

上自避暑山莊迴鑾。○諭軍機大臣等。昨因奸民等在鳳凰城偷砍木植一案。福長安平日留心訪察。向策拔克等詳細告知。是以加恩將福長安補授興京城守尉。並令其認真查辦該處偷砍木植之案。因思原署城守尉扎布善泰及現任城守尉慶祥於策拔克等未

經查及時即已先後畏罪自縊其情節甚屬可疑興京地方距

永陵密過若奸民等僅在興京一帶私砍木植伊二人咎止失察何至情急自縊恐奸民等竟於附近風水禁內將樹木偷砍伊二人知情受賄自揣罪重故不待查辦即已投縊本日據德瑛奏稱伊從前至興京謁陵見飛牛地方即有砍刺木椿是偷砍情弊或所不免

祖陵樹株向來最為慈懣實

興朝王氣所鍾理宜敬謹護持設竟有私伐木植之事關繫甚重福長安到任即先赴永陵附近一帶敬慎查勘如有偷砍樹株之處即查明是否該管之員有心賄縱據實呈明將軍轉奏福長安係身獲重咎之人經朕棄瑕錄用不可不激發天良認真查辦也將此諭令知之○又諭奸民砍伐木植販往各處售賣陸路輦運維艱自應於沿江邊岸嚴密

稽查本日召見薩敏詢問近日江岸情形據稱江口一帶祇有兵丁十數名在彼巡防現在奸民由彼偷竄即有二千餘人之多豈此十數名兵丁所能攔截著富俊於抵任後留心體察該處情形或酌量添設弁兵分段防緝每年輪派副都統大員前往巡查俾資整飭此係富俊等善後章程亟應籌辦之事務宜詳細熟商據實陳奏○河南巡撫馬慧裕奏節年軍務出力文武人員署布政使策丹

署按察使何銑等下部議敘賞二等輕車都尉張長齡藍翎以巡檢許明子攀龍殺賊被戕二孫遇害擢升知縣知府王汝金等三十三員升賞有差○是日駐蹕喀喇河屯行宮翼日如之○乙酉

世宗憲皇帝忌辰遣官祭

泰陵○諭內閣刑部等衙門具題彭啟良等行竊黃文盛家銀物贓逾滿貫一案因彭啟良係屬癱瘓定擬絞候請旨減等擬流仍行收

贖所辦太覺輕縱此案彭啟良係首先造意行竊復窩留分贓數逾滿貫即因伊素患癱病亦止可稍為輕減若竟由死罪減流又復准其收贖未免失之過寬恐嗣後身有篤疾之人恃有寬典均得肆意妄行冒干法紀並恐將來賊犯中起意行竊者捏稱係篤疾之人為首既可照例減等收贖而本犯轉得倖逃法網適足啟推卸之漸著大學士九卿將篤疾人犯如何量減罪名予以限制推廣律文悉心妥議具奏俟議上時所有彭啟良一犯即照新例辦理尋議奏一應死罪人犯請各照本律問擬入於秋審分別實緩辦理應緩之犯於減等之年覈其情節再行依律收贖從之○撫卹琉球國進貢難夷如例○丙戌駐蹕常山峪行宮○丁亥諭軍機大臣等鐵保奏清查倉庫酌立彌補章程一摺據稱東省虧項共有一百八十餘萬兩通計每年各州縣可彌補銀二十餘萬兩約六七年可

以全數歸款等語彌補之法原不能責效旦夕該省虧缺各項果能按照現定章程於每年彌補二十萬兩則六七年後不難陸續清釐全行歸款亦不為遲但此事總須行之以實不可徒託空言至外省州縣俱有相沿陋規該管上司自無庸刻意剔除俾各州縣得藉以從容彌補稍有所餘並可為伊等津貼辦公之用但不可任其借彌補為名將規例私肥己橐竟不實力補償甚至有勸捐派累等弊總之既屬官虧並非民欠若不肖官吏有藉端絲毫擾及百姓者必當嚴叅懲辦再摺內稱無論人虧己虧先責成現任人員按數彌補一節各州縣交替時業已出具甘結在前即不得意存推卸其已離東省人員若紛紛向別省咨追而別省又復咨追該省輟轉稽延終無實濟此時辦理積虧自莫若著落現任之員上緊彌補為是惟經此次清查之後各州縣不許再有分毫虧短儻舊虧未

完復有新虧則當嚴叅治罪不得稍有姑息鐵保惟當督率所屬認真彌補仍將每年彌補實數於年終密奏以憑查覈將此諭令知之○又諭貢楚克扎布等奏稱官兵一入蒙古境內所有占居各番聞信震懼紛紛搬回番地現在貴德野番已陸續交贓並將本寨正賊扎拉南什濟等四人及另案賊犯策楞加等三名擒獲看此情形野番畏懾兵威無難迅就完結至循化沙卜朗加咱等族因本寨賊犯俱在貴德飾詞推諉尚在遷延觀望貢楚克扎布等現已移兵逼近該族亦必畏罪輸誠但此案不難於目前完結而難於辦理善後章程為一勞永逸之計現在賊番見官兵勢盛倉皇遁去官兵一撤難保不復來滋擾且蒙古平日無能致被搶劫此時藉官兵聲勢又復貪得便宜乘機搶掠野番牲畜更屬無恥如此自開營隙將來番族心懷忿恨必又仍來搶占貢楚克扎布等應一面

移兵循化之沙卜朗地方俾其真心畏懼並令各該處頭人設呪出結永遠不生反側一面將未經撤回之蒙古七千九百餘名口妥為勸諭悉令移回並嚴飭蒙古管束所屬毋許再與番族勾結及乘機搶掠等事並當酌議章程如再互相搶掠各治以應得之罪總應分畫蒙番界限毋任彼此偷越永杜爭端方為妥善貢楚克扎布等一俟循化等番族畏懼帖服後即可就勢徵兵熟籌善後事宜將此諭令知之○除甘肅靖遠縣水衝地一百十三頃九十三畝有奇額賦○是日駐蹕兩間房行宮○戊子諭內閣前因兵部奏請派員輪查直隸等五省營伍曾經降旨令額勒登保於凱撤回京順道查閱陝省各營其甘肅省營分派蘇寧阿查閱茲據額勒登保奏陝省各營官兵均經調派隨征甫行撤回一切馬匹器械舊營則調用居多新營則製造未全難照向例一律查閱其甘肅各營亦

與陝省大畧相同等語。自係實在情形。所有陝西甘肅兩省營伍著緩至來年兵部再奏請派員查閱。○諭軍機大臣等。額勒登保奏據總兵馬瑜等稟。巫山邊界與楚省防兵會哨。並無賊蹤。又慶溥等與川省官兵會哨。亦無賊匪等語。此則未可盡信。從前賊匪滋擾各鎮將等打仗時。每以雨水過多。道路泥濘。為詞。今大功已蕝。所剩零匪。各鎮將等未免心存懈怠。即於邊界會哨。亦或畧為巡邏。輒以無賊稟報。額勒登保仍當飭令川楚防守各員認真排搜。勿得以零匪無多。稍為鬆勁。將此傳諭知之。○是日駐蹕要亭行宮。○己丑。諭內閣。前因山東沂澤縣捐職從九品武勇靖在提督衙門呈控江寧藩司康基田。前在江南總河任內。辦工短發銀兩等款。當經降旨將康基田暫行解任。交陳大文會同吳璥秉公查審。並將武勇靖解往質訊。茲據陳大文等奏稱。原告武勇靖尚未解到。康基田

已於八月初二日到江。即先行傳問。並提取從前道府收發料價案卷。詳細覈對。實已按數全給。並無短發剋扣等事。又就近查勘。亦無康基田所置園宅。復於在工年久之員弁詳加體察。無一人議及康基田有營私舞弊之處。是武勇靖所控該藩司各情節。盡屬虛誣。康基田著即赴任辦事。其誣控之武勇靖。俟解到時。照例治罪。○是日駐蹕密雲縣行宮。○庚寅。諭內閣。前因戶部具奏直隸督臣顏檢將大城等七州縣旗租例應蠲免五分者。於奉到部覆後。仍咨請查覈更正。全行豁免。曾降旨申飭。仍照部議行。旋經顏檢於差次面奏。此項旗租業已頒發。騰黃與民糧一體全行豁免。且被災較輕之大興等州縣旗租業已蠲免五分。當即令軍機大臣查奏。茲據查明上年顏檢摺內。以大城等七州縣被水較重。請將應徵錢糧及各項旗租照宛平文安之例一體豁免。其時宛平文安錢糧雖

經全免並未免及旗租何例可照是該督奏請本覺含混戶部前議詳覈定例止准免旗租五分原無不合惟於被水較輕之大興等七州縣因諭旨內將前項銀糧准豁免十分之五遂咨覆該督將旗租蠲免五分亦欠分晰惟是大城等處旗租該督等已誤行蠲免十分而大興等七州縣被災較輕之處旗租亦已免至五分自未便復令補徵此係加惠黎元之事朕覃敷愷澤寧濫無遺所有大城

河間新河寧晉隆平新安安州七州縣及宛平文安二縣應徵七年各項旗租竟著加恩全行蠲免其大興霸州保定涿州房山良鄉任邱七州縣應徵七年分旗租亦著加恩准免十分之五此後不得援以為例至該督於奏請時如欲將旗租與民糧一律請豁則當聲明旗租從無全免之例懇求破格施恩方為正辦何得含糊聲敘以致辦理歧誤咎實難辭著將顏檢同藩司瞻柱一併交部議處

是日駐蹕南石槽行宮○辛卯
上還圓明園○詣

安佑宮行禮○壬辰諭內閣據高杞奏前此會同吳熊光題請將臨湘縣知縣周寧遠調補湘潭縣知縣一本現經部駁將該督撫均議以罰俸此案吳熊光並未會稿不敢不據實陳明等語外省會奏之事往往列名之人尚未與知即將銜名一體列入僅於事後送稿補畫最為相沿陋習本年五月內因直隸總督顏檢將三河縣知縣張力勤調補武清縣並未咨商順天府尹即行會銜奏請曾經降旨通諭嗣後督撫等凡涉會銜皆須先期咨會公同酌商俟得有回文再行具奏今高杞於題請將臨湘縣知縣周寧遠調補湘潭縣一事又係伊一人專辦並未與吳熊光會商實屬非是今周寧遠既不合例督臣撫臣皆有應得處分吳熊光既未會稿與伊何涉即如在京部院堂司各員若將題稿內未經閱

畫之人亦率於本內一體列名設有錯誤又豈能代人任過耶此次高杞辦理錯誤在未奉前旨之先姑免深究所有吳熊光罰俸處分著寬免嗣後內外各衙門務當遵照前旨於會題會奏事件必俟會商定稿後方准題奏儻再有專擅錯誤之處必當交部懲處○免陝西被賊滋擾並屢被偏災之咸陽興平醴泉臨潼涇陽三原高陵富平耀同官大荔朝邑澄城蒲城白水鳳翔乾武功十八州縣

六年以前蠲剩銀糧並緩徵上年額賦及鄰近賊氛之潼關郃陽華陰韓城麟遊永壽郃長武淳化九州縣節年蠲剩銀糧又免被賊滋擾及鄰近賊氛之寧陝孝義南鄭西鄉洋城固寧羌汧褒城留壩鳳畧陽安康石泉漢陰平利紫陽洵陽白河商鎮安山陽雒南商南咸寧長安藍屋鄠藍田渭南郿扶風岐山寶雞隴汧陽華咸陽興平醴泉臨潼高陵涇陽三原富平耀同官潼關朝邑郃陽大荔澄

城華陰韓城白水蒲城鳳翔麟遊乾武功永壽郃長武淳化六十四廳州縣及運送軍火之膚施安塞甘泉安定保安宜川延川延長靖邊定邊榆林葭懷遠神木府谷綏德清澗米脂吳堡鄜洛川中部宜君二十三州縣六七兩年應還常社倉糧○是月湖廣總督吳熊光等奏現在查造餉冊分別辦理以期覈實而杜弊混得旨查明後據實奏報不可歸罪於一胡齊嵩疏脫傍人若有此弊是汝等亦朦混朕矣恐汝等不能當此重戾勉之慎之

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百十九

寶錄卷一百十九

事

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十

此據轉載官報題云請起居注呂太子太傅武英殿大學士李嗣閣領閣事稽察欽奉 上諭事件處管理三部事務翰林院掌院學士張

曾加一級庫官四級
由候補轉職官太子太傅文淵閣大學士管理刑部事務加五級
戴均元經筵日講起居注官太子少保內大臣文淵閣

提舉間事稽察欽奉 上諭事件應由辦大學士戶部尚書翰林院掌院學士教習詹士體等內務府大臣鎮黃旗滿洲都統吳景燾

領管理部奉派或清湖等處總理工程處御茶膳房御藥房太醫院西洋堂事務兼功加三級頂帶加級尋常加三級紀錄二十

次在英和館通譯官太子太保禮部尚書上書房行走兵部副總管管理園子監事務加二級紀錄四次自汪兆銘等奉

教修

嘉慶八年癸亥九月癸巳朔諭內閣惠齡奏

宵銀臺市子

11

各州縣秋雨過多。山水漫溢情形一摺。據稱
皋蘭縣西鄉。於七月二十日。河水泛漲。淹沒
秋禾地畝。衝塌房屋。又沙泥州。於六月二十
三等日。被水衝塌城角城身。及民房一百四
十七間。又秦州。及秦安縣。被水衝刷土山傾
圮。壓斃人口。寧夏府屬民田。亦被黃河猛漲
漫淹。此外平涼等府屬地方。城垣衙署民房。
多有被山水衝塌等語。該省因雨水過多。致
各屬地方。間被山水衝刷。民廬田畝。多有淹

沒。甚至傷斃人口。此係民瘼攸關。為地方緊要事件。惠齡現往西寧查辦番案。王文湧駐劄省城。接據各屬稟報。即應一面稟知總督。一面先行具奏。查勘撫綏。惠齡現駐邊境。於接到稟報後。亦應由驛馳奏。乃率用差人齎遞奏摺。試思該省被水地方。其最早者。係在六月下旬。乃直至九月朔日。始達朕前。寧不知朕宵旰民依。而任意遲延若此。亦太不曉事矣。惠齡在西寧得信較遲。但未經由驛馳奏。究屬非是。著傳旨申飭。王文湧身任藩司。並不即時具奏。實屬玩延。著交部議處。惠齡即馳回省城。順道將被水各屬親行履勘。加意撫卹。所有動用銀兩。均著作正開銷。毋庸捐貲辦理。其成災地方。有應行蠲賑之處。亦著迅速奏明請旨。毋得再有延緩。○甲午。諭內閣。勒保奏查明川省節年辦理軍務積勞身故各文員開列清單。請量予加恩一摺。川省自軍興以來。該員等竭力致身。歿於所事。

殊堪憫惻。現當大功全藏。自應加之軫卹。所有單開之鍾達等二十二員。均著加恩。交部照軍營病故例賜卹。以示追獎勤勞至意。○勒保奏。川省歷年承辦軍務出力文員。請分別鼓勵。賞知府積朗阿等二員。道銜同知恒敏等四員。知府銜。知縣呂朝恩等八員。知州銜。知州周偉業等五員。以同知直隸州升用。知縣楊世鼈等六員。以知州升用。候補同知黃為琳等五十三員。各歸本班先用。鹽茶道姚令儀等三百二員。升敘有差。○以戶部右侍郎額勒布丁憂。改派戶部左侍郎英和恭辦奉安。孝淑皇后典禮。乙未。諭內閣。現在三省軍務全藏。德楞泰係成都將軍。不必兼叅贊大臣銜。○吏部議處陝西辦理軍需各糧員。並不遵照定例。濫支濫應。均屬辦理不善。應請將秦承恩等五十九員。照例降五級調用。得旨。辦理軍需各員。浮冒支銷。如果有侵肥入己。

情事即當按律治罪。今秦承恩等祇因一時恐誤軍需。濫行文應以致與例不符。均屬辦理不善。本應照部議降調。姑念伊等從前承辦軍務亦稍有微勞。且所用銀兩並未入己。所有秦承恩等五十九員內無加級紀錄者。均著從寬改為革職留任。本有革職留任處分者。著加恩免其革任。仍註冊其有級可抵者。均著從寬照所降之級。准其抵銷。其級不敷抵者。除將原有加級准其抵銷外。仍查照不敷之級。改為降級留任。以示朕格外施恩至意。○丙申。

上幸萬壽山。○遣官祭

歷代帝王廟。○諭內閣。各衙門題奏事件。恭

遇

列祖

列宗

廟號應行繕寫之處。堂司各官自應敬謹繕寫。詳細覈對方足以昭恪慎。此次兵部等部會

題之本抄錄諭旨內

世宗繕寫之處繕錄錯誤。未經校對改正。非尋常疏忽可比。吏部議將兵部堂司各官照溺職例革職。並據都察院將會題之吏部堂司各官分別議以降級罰俸。本應照議行。惟念此次錯誤之處。不但出於無心。且尚非違悖字樣。總因兵部傳抄之員書寫錯誤。以致辦稿繕題各員相率承訛。而該堂官等總不寓目。漫不經心。其疏率之咎。雖此次姑從寬減。而因循疲玩之惡習。不可不各思遷改也。所有傳抄錯誤之兵部郎中毛承先著革職。加恩免交刑部治罪。其議以革職之兵部堂官保寧、長麟、劉鏞之潘世恩、前署尚書汪承霈及司官景善等各員俱著加恩改為革職從寬留任。其未經畫稿不行詳查之兵部堂官費淳、那彥寶著照議降一級留任。至吏部堂官琳寧、瑚圖靈阿、錢樾、范建豐均著照議罰俸一年。其司官繼昌等二員亦著改為罰俸

一年俱准其查明紀錄議抵此係朕格外施恩嗣後內外各衙門大小官員惟當隨事敬慎遇有恭繕

天

祖及一切應行擡寫之字尤宜倍加謹凜免蹈罪愆試思此等舛誤之處該員等不能小心詳悉繕校迨本章呈遞之後朕一經看出焉有不加指摘立時懲辦之理而部臣等於此等嚴議事件又豈敢不照例議上乎儻諸臣

等見朕此次辦理從寬謂此後即有錯誤總可希冀邀恩得免重戾仍復不知儆戒尚可謂實心任事之大臣乎不過旅進旅退之庸臣耳戒之如再有貽誤朕必按例嚴懲不能照此次寬貸矣將此通諭知之○免安徽涇青陽銅陵建德東流鳳陽定遠七縣旱災學田額賦○丁酉諭軍機大臣等策拔克等奏拏獲正犯陳曰雷及現在審辦情形一摺據稱策拔克等在晉昌寓所密商時當將院內

之人概行驅逐今據委官李景善供出聽差佐領烏爾圖那蘇圖在院驅逐閒人之便潛入書房外間竊聽消息轉給崔守興送信等語此究係策拔克等辦理不能慎密所致但烏爾圖那蘇圖係事外之人若非此事與伊關涉或聽從囑託何肯潛探消息為崔守興送信情跡顯然佐領烏爾圖那蘇圖著即革職交策拔克等嚴行審訊如究出賍私情弊即將該革員按例治罪並將其家產查抄至

慶祥得受賍銀九百餘兩業據伊家人李福供出而扎布山太家屬據稱訊不知情但該員等若無婪賍散法情事何至輕生自戕即額勒經額慶寧何以此次肯將窩棚燒燬滅跡崔守興差人送信亦恐得有賍私策拔克等當根究實情不可稍有顛預其供認得賍之福慶烏勒清額均著嚴行治罪○河南巡撫馬慧裕奏豫省額設兵九千九百九十餘名分布於一百八廳州縣經前撫臣景安吳

熊光批募新兵七千四百名并將開封團練鄉勇一千一百四十三名作為撫標兵丁先後得旨准行查荆子關等處上年酌添營汛增設額兵二千七百二十四名曾於前項新兵內挑補一千六百五十六名下餘糧額因各兵原籍較遠難以強令前往是以就近於土著民人另行招募足數其節次所募新兵除挑補額缺並陸續褫革外尚存兵二千五百二名現在川陝楚三省肅清邊防次第全

徹所有前項新兵若概行裁汰不特訓練垂成棄之可惜而歷年戍守曾著微勞且其中無恒業者居多必須妥為安頓所有前項未經補額新兵請暫留各原營同額兵一體差操遇有缺出逐漸挑補約計二三年內皆可補入營額現在所需餉銀應請照舊支給入於兵馬奏銷案內造報下軍機大臣議行○戊戌

上御洞明堂勾到新疆雲南貴州廣東情實罪

犯停決新疆斬犯五人絞犯一人雲南斬犯三人絞犯二人貴州斬犯三人絞犯五人廣東斬犯七人絞犯十人餘一百五十七人予勾○諭軍機大臣等方維甸奏賊匪於八月二十一日由辛口峪黑水峪內竄出景峪經堡長李進才集勇堵剿殺賊數名二十二日賊匪由滂峪入山徑趨八里坪瓦子溝過嶺南竄楊芳現在帶兵跟追並據鄆縣訊據逃出難民李更法供稱此股零匪約共男婦二

百餘人且有驢馬等語南山零匪從前祇剩二三十人節經諭令楊芳督兵進擊乃遲延日久以致該匪復有裹脅湊聚二百餘人皆由楊芳勦辦不力所致著先拔去花翎仍責令帶兵速剿以觀後效現在楊遇春雖已前往尚恐未足深恃額勒登保在西鄉安置兵勇尚非緊要著即馳赴南山將此股零匪上緊辦淨德楞泰於初九日啟程回任已諭令於過陝時前赴南山儻尚有未完餘孽額勒

登保不必急於起程。竟當在彼會同督辦。搜
勦無遺。方可來京瞻覲。將此傳諭知之。○戶
部議准。兩浙鹽政延豐疏報仁和海沙二場
開墾蕩地五頃十九畝。有奇。照例升科。從之。
○緩徵直隸文安。大城。雄。安。新安。河間。青靜
海。寧。晉。隆。平。新。河。十一州縣被水村莊新舊
額賦。○乙亥。

上御洞明堂。勾到四川情實罪犯。停決官犯二
人。斬犯十八人。絞犯十二人。餘一百五十一
人。予勾。○諭軍機大臣等。本日據賡音等奏
經過沿途雨水。秋禾情形。摺內稱入河南彰
德府。漸覺乾旱。衛輝府屬之汲。淇。新鄉等縣
乾旱較甚。聞有零星蝻子。現在地方官設廠
收買等語。前因考城等各州縣延入飛蝗。曾
經降旨令馬慧裕飭屬捕撲。並將遺蝻。除
免致來年傷及禾稼。此時是否搜挖淨盡。該
撫務須督飭所屬認真辦理。不可稍留餘孽。
其彰德。衛輝等處。近日曾否得有甘霖。一律

均霑。能否趕種秋麥之處。著馬慧裕即速查
明具奏。以慰廑注。○予陝西陣亡委叅領畢
勒屯察把總劉燦章黃大勇祭葬世職。湖北
陣亡生員蕭大鍾前鋒穆昌阿等二十五名
甘肅陣亡前鋒站保等二十五名。四川陣亡
兵丁廖昌貴等八名。賞卹如例。○庚子。諭內
閣。前因那彥寶奏滇省存貯局錢較多。曾經
降旨令永保籌酌。是否可以運往維西為搭
放兵餉之用。妥議具奏。茲據奏稱雲南大理
等府距維西軍營較遠。雇夫運往腳費繁多。
請於附近永昌。楚雄。廣南。大理等府屬應支
養廉役食兵餉經費各項。均自本年秋季為
始酌量搭放等語。維西軍務業已將次完竣。
且運腳過多。無庸撥往搭放。其所籌分成給
發養廉兵餉等項之用。俱著照所請行。○免
雲南賓川。雲南二州縣地震災民本年銀米
○辛丑。諭軍機大臣等。額勒登保奏。苟文渠
係首逆。苟文明胞弟。被寨民盤獲。嚮割示衆。

至苟文明之子苟朝九亦屬緊要賊目務須嚴行緝拿勿任漏網惟所稱南山零匪八九十人此則未確昨據方維甸奏賊由滯峪入山約共男婦二百餘人且有驃馬等語當即降旨令額勒登保親赴南山督同勦辦若所帶之兵不敷搜勦不妨於所設各卡內擇其地非要隘者將防兵酌留抽撥一二千名前往勦捕以資得力其各處營卡雖據報並無賊匪但如苟文渠一犯久未見其蹤跡何以忽又被擒恐似此隻身潛竄者又復不少額勒登保當嚴飭將弁不得專在各卡株守必須實力排搜彼此會哨使無一賊藏匿方為完善將此傳諭知之旌表守正被戕直隸東光縣民徐升女徐氏○壬寅諭內閣大學士九卿議駁顏檢賽尚阿奏籌辦水利工程請加鹽價一摺此事本屬難行鹽斤加價不獨係病民之舉且官鹽價昂則私販愈多滯銷愈甚於鹽務亦屬無益若以興修水利籌

款為詞則該督等所奏每歲僅將加價銀六十萬餘兩歸入河工於目前修濬事宜亦屬緩不濟急顏檢向來辦事尚屬認真此奏未必全係該督主見自係賽尚阿輕聽商人之言從旁慫恿而顏檢即會同入告殊屬非是顏檢賽尚阿均著傳旨申飭至該省河道隄工數十年來久未修濬兼以前歲雨水較大工段率多衝損自宜及時興修但水利事關重大亦非一時所能猝辦即著顏檢派員履勘應自某處修起再接修某處約幾年可以完竣統計需銀若干現在興工即需銀若干通盤籌畫妥議具奏俟奏到時再降諭旨其蘆東各商積欠帑項該鹽政惟應嚴飭各商遵照定限上緊完交若如該御史舒昇阿所奏於應交積欠項下另籌生息事屬繁瑣且商力斷有所不能朕豈肯因籌辦水利總計及錙銖乎再前此鹽務加價多以錢價過賤為詞年來錢價甚昂商人等獲利增倍而

原加之價既未議減。其所得贏餘。能否如該御史所奏。劃出歸公。仍著該督會同該鹽政體察情形。據實具奏。尋奏長蘆現行鹽價。委無餘利。其應行歸公之處。請無庸議。下部知之。○諭軍機大臣等。從前隨同黎維祁陸續內投之安南人。節經分別安插。歷有年所。現在阮光纘業已自取覆亡。農耐阮福映啟關內附。新封為越南國王。因念前此安插內地之安南人。自必心懷故土。業經查詢火器營安插之黎何等及編入旗下之黎姓舊臣咸願回至本國。並將黎維祁骨殖帶回。此時越南國貢使已自京起程。抵粵西後。臬司齊布森自遵照前旨。齎送勅印出關。錫封即著該撫傳諭齊布森。於錫封時告知該國王。從前內投之安南人等。現蒙大皇帝垂詢。伊等俱願回歸故土。該國王是否願將此項人等收留。令其據實登覆。稟知該撫具奏。俟奏到再降諭旨。將此諭令孫玉庭知之。○癸卯。遣官

祭都城隍之神。

上御洞明堂。勾到廣西福建陝甘情實罪犯。停決廣西斬犯六人。絞犯一人。福建斬犯四人。絞犯六人。陝甘斬犯十八人。絞犯七人。餘九十人。予勾。○諭內閣。乾隆十七年十月內。皇妣孝賢純皇后奉安地宮時。皇考高宗純皇帝欽遵。

祖制。親送視奠。本年十月二十二日。行。

孝淑皇后奉安地宮禮。朕於十二日至靜安莊臨送。後於十七日啟鑾恭謁。

祖陵禮畢。至。

孝淑皇后奉安處。親行視奠。○又諭自邪匪滋事以來。三省官紳士民兵勇有捐軀赴義者。均經給予恩卹。因念從前賊匪經過地方。婦女中或為賊迫脅。不從被戕。或逼近賊氛。完貞自盡。甚至有全家遇害者。俱堪憫惻。茲當大功告成。著該督撫即飭知地方官據實。

詳查。必須確有指證可憑者。加結申報。該督撫奏請旌表。一面開造清冊咨部覈辦。務期毋濫毋遺。以慰幽貞而崇節烈。○又諭本日據副都御史舒聘奏。近來各部院衙門進內奏事時。堂司官員等往往任意談笑。毫無忌憚。禁地森嚴。非私下會談之所。請飭派侍衛數員。不時稽察。即緊要事件。必須相商者。亦當低聲講論。如有不遵管束者。指名叅奏等語。朕以該副都御史所奏。自必實有其人。當即召見細加詢問。婉言開導。舒聘毫無指證。但稱此內堂司官俱有。而司員更多。復詢以此種風氣。始自何時。則稱起於和坤在日等語。所奏殊不成話。朝房禁地。臣下理應恭謹。果有高談闊論。嬉笑喧譁。自當加以懲儆。但亦須確有指實。方可究辦。豈得籠統具奏。舒聘於各部院司官。即不能徧加識認。豈堂官等亦不能認係何人。乃一味含糊其詞。若謂此種風氣起於和坤在日。則舒聘彼時已早。

列卿員。非無奏事之責。何不立時叅奏。緘默多年。直至今日始為此奏。以見其風采乎。近來廷臣奏事。往往有所叅劾。不加指實。及詢以所聞何事。所指何人。則茫然不知所謂。無從查究。殊可憎厭。即如舒聘今日所奏。朕將如何懲辦。耶。夫朝堂為辦事之所。各衙門堂司官員。彼此論議。閤閤侃侃。所言公公言之。原不妨明白談論。若如舒聘所奏。遇有緊要事件。亦祇許低聲講論。從此交頭接耳。迹類營私。又復成何體制。嗣後朝房禁地。如果有喧笑非儀。及口角爭論等事。科道確有所見。即指名叅奏。並著領侍衛內大臣傳知該班侍衛等。隨時留心稽察。以昭整肅。○諭軍機大臣等。貢楚克扎布等奏。辦理番案完竣。一摺。覽奏俱悉。循化江什加族番藏匿罪人。阻止衆番投出。貢楚克扎布等移營前進。該番竟敢抗拒。經官兵鎗箭齊發。擊殺二十餘人。自應如此辦理。此時該番已知畏懼。服罪。夥

賊二名。業經鎗斃。其南木加旦木增二名。仍當設法嚴拏務獲。至賊畜一項。從前蒙古開報之數。未必一無虛捏。今據交出四萬為數。亦已不少。其餘自當責令全交。但恐該番等力量實有不能。亦毋庸過事逼勒。轉致再生事端。貢楚克扎布等當善為辦理。並一面曉諭各蒙古。以該番等屢次侵擾。今經官兵進擊。示以軍威。該番即形震懾。獻賊交贓。可見從前總由爾等積弱無能。致被凌侮。內地官

兵。豈能久駐邊疆。常為爾等守禦。嗣後惟當振作自強。善衛身家。慎勿恃天朝兵力。仍前怯懦。或自行召衅。取侮野番。以期日久綏寧。方為妥善。至善後事宜。尤關緊要。貢楚克扎布等當會同熟籌。高務使此疆彼界。蒙古番人相安。不致滋弊起衅。其分界之河口。春夏間設有渡船。總當停泊蒙古界岸。毋許私越彼岸。致被番人潛渡。並嚴飭蒙古屬下人等。不得勾結番衆。紮筏偷渡。冬閒有冰橋行

走。亦當設卡巡查。則番衆不能擅入蒙古地界。自無從肆其剽竊。而邊陲亦可永靖。並著該侍郎等。悉心妥議具奏辦理。○甲辰。諭內閣。朕閱本年直隸省秋審情實各案冊內。有開棺見屍三案。一起係呂二起意開棺見屍。復移屍圖詐。割去屍頭。朱二小攜刀開棺。一同移屍。刑部按律將呂二擬絞。朱二小照為從擬軍。一起係王四開棺見屍。亦經擬絞。逃犯吳起封。一同開棺擡屍分贓。緝獲另結。一

起王三李明三次開棺見屍。內二次係王三起意。一次係李明起意。是以將該二犯一併擬絞。而從犯李五三次俱在墳外瞭望。該督照竊盜三犯例。擬絞入緩。復經刑部改入情實三案。情事相同。其為首各犯均應按律擬絞。至各從犯內除吳起封尚未緝獲外。其朱二小係幫同開棺移屍。情節較重。亦祇問擬軍罪。而李五一犯雖係為從三次。但俱在墳外瞭望。並未幫同開棺移屍。較之朱二小究

屬稍輕該督等援照竊盜三犯例擬絞刑部復將該犯改實罪名轉重因思盜劫為從之犯其入室助勢搜贓者均問斬決其止在外瞭望接遞財物者仍以情有可原免死發遣死者以棺為室則幫同開棺移屍者即與入室搜贓盜犯無異而墳外瞭望之犯與把風接贓無異即以命案比較其下手加功與止於在場助勢者輕重亦有不同今將朱二小擬軍而以李五擬絞且改入情實兩相比覈

非於朱二小失之過輕即於李五失之畸重究未平允著刑部堂官將此三案情節朱二小因何祇擬軍罪李五因何應擬絞罪改入情實之處一一查明具奏務使情真罪當均得其平或條例尚有未盡之處並著悉心綜覈俾臻妥協以副明慎用刑至意尋奏查律發塚從犯初次二次均擬發邊充軍三次者擬以絞候未將幫同動手及在外瞭望之處分別輕重嗣後請將初次二次從犯仍照例

發遣其三次應絞之犯係幫同開棺者秋審時入於情實在外瞭望者入於緩決三次以外瞭望之犯亦擬情實分別辦理從之○又諭清安泰奏差役斃命驗訊不實率行詳報之知縣請旨革審一摺朕詳覈摺內所敘案情王炳高以素不安分之徒受雇與王心言等代為拒捕並用鐵針將端千雙目立時戳瞎兇橫已極繼經該縣添差往捕該犯復首先持械出拒差役受傷迨拏獲之後猶復

倔强跳躍實屬不法係應擬死罪之人差役李華等本有應捕之責因其不服拘執將該犯毆打致死摺內何得指為正兇輒稱應以李華擬抵至差役傅忠等於李華毆斃王炳高之後賄囑汪高一人捏認推跌致死朦混屍傷該縣不能查出率行具詳自應徹底根究現在阮元業已回任此案著交該撫提同應訊人證秉公詳審按律定擬其驗訊不實率行詳報之建德縣知縣楊亨復著革職一

併提質○以禮部右侍郎王麟通政使司通政使曹振鏞為

實錄館副總裁官並命曹振鏞敬勸藁本○乙

巳刑部議覆貴州巡撫福慶疏報民人教茂

文誤毒胞兄致斃依律定擬一案諭內閣此

案教茂文欲毒伊嫂李氏以致誤將胞兄教

茂順毒死刑部議照該撫原題將該犯按律

問擬凌遲但細覈情節該犯因伊嫂李氏平

日挑唆伊兄不時將伊訓責懷恨於心乘其

患病獨自喫粥是以趁便下毒教茂順回家

同喫時該犯業已出門迨該犯回家見教茂

順業經身死始知伊兄誤被毒斃痛恨無及

當將緣由向伊次兄教茂泰哭泣跪訴據實

承認不諱教茂泰因將李氏等解救平復是

該犯於誤毒伊兄死後尚知悔恨自行承認

稍有一綫可原教茂文著從寬改為斬立決

嗣後遇有似此誤毒胞兄身死之案如果本

犯能自知痛悔立時承認自首者均著照此

問擬餘依議○又諭凡

陵寢清語字樣俱宜敬避臣下不應以此命名

著查明現在八旗人等如有以

陵寢清語字樣命名者大臣等著自行具奏更

改官員兵丁等著呈明該管大臣更改嗣後

八旗人等俱不准以此等清語命名所有黑

龍江副都統銜總管色爾袞原賞之巴圖魯

名號著改為健勇巴圖魯○諭軍機大臣等

琅玕奏恒乍緬賊黨搜獲殆盡首逆窮極南

甯現有順夷截拏留兵接應一摺恒乍緬窮

蹙奔逃此次又將恒乍緬助惡之女沙泥刷

先並所生幼孩及別的扒之胞兄黑蘇扒等

十數名概行拏獲恒乍緬不敢逃往撣地僅

帶同二三十人往南奔竄已如釜底遊魂萬

分窮蹙此時祇將首犯恒乍緬拏獲其別的

扒一犯想亦無可奔逃即當徹兵了事但必

須實在殲擒即或餓斃深山或滾崖身死亦

須得有確據現在差往誘擒之巖池既糾集

五寨夷人齊心截擊兼有夷勇四百名在交界防堵琅玕此時惟當懸立重賞俾該順夷等踴躍跟尋爭先縛獻此案即可完結。該思首逆等一日不擒則大兵一日不徹其所糜糧餉豈不更甚於此。又何如重賞之下立時辦竣。大兵早徹其所省不較多乎。至此時南路正在搜拏之時其緊要卡隘自應暫留兵勇防堵其北路兵卡即照琅玕所奏先行陸續撤回一俟首逆就擒後即當全撤竣事。琅

玕當遵照諭旨迅速妥辦切勿稍有延緩以致天氣寒冷大雪封山賊蹤又難尋覓再稽時日將此傳諭知之。○賞已革盛京將軍晉昌宗人府主事○予湖北陣亡候補教諭魏一輪祭葬世職如例。○旌表守正捐軀山東單縣民王伯嶺妹王氏。○命五城於冬春二季設廠煮賑。○丙午諭內閣南河另堵邵壩工程前經工部以該督於幫價之外復又例外加用詳悉奏駁已依議行旋據該督具奏

以加價加料本屬二事復經交部議奏茲據工部查明乾隆五十三年奏定成案例外加用一項即有加價在內且必須切實具奏方可准行。至另堵邵壩例外加用之處並未專摺奏明其節次奏報摺內祇將酌給飯食多用繩樑及慎重進占加做夜工等語零星攬入以為例外開銷地步且本案既有特旨准其幫價更非從前各案可比何得將逾例之事作為定例以致加而又加伊於何底即如

該督所稱盤繩一項其加增數目較之例內增添多至數倍其燈燭一項則南河經費舊有開銷原非令其黑夜施工而河兵本有應得錢糧又何至枵腹從事必須另給飯食乎該督摺內所敘殊非確實情形所有此項例外加用銀兩仍照部議行吳璥著傳旨申飭嗣後堵築大工例外加用一款非專摺奏明者悉行議駁至南河堵築各工向無幫價名目此次邵壩因火燬隄身以後兩次興動大

工物價較昂經該督等兩次奏請係朕特旨
允行嗣後不得援照此例率行瀆請○諭軍
機大臣等汪志伊查明江蘇省倉庫虧缺將
已未補完各數開單具奏一摺內稱將江寧
各屬未補銀共十四萬五千五百餘兩仍照
舊定章程勒催於嘉慶十年歸補全完蘇藩
所屬未補銀共三十萬九千餘兩限每年補
銀五萬七千餘兩計至嘉慶十二年全數補
完等語該省原報虧缺銀數經費淳岳起等
酌盈劑虛分限彌補此時已補還十分之八
其未完之數自仍應妥為籌補今該撫將江
蘇兩藩司所屬覈其銀數多寡按照各屬實
在情形分別勒限補完辦理均屬妥善該撫
應照此次所奏限期認真督催按年覈實除
俟本年底再將彌補確數奏聞外仍於每年
年終密奏一次如既補之後復有新虧即行
嚴叅懲辦統俟至嘉慶十二年通省全完後
朕不拘何時特派大員前往查覈僅稍有不

實均惟該撫是問至該省漕務素多積弊經
朕節年降旨飭諭此時正在力加整頓之際
誠恐不肖官員或以現辦彌補為詞又於漕
務內有所派累則大不可該撫尤當嚴行飭
禁留意稽查勿致稍滋弊竇為要將此傳諭
汪志伊並諭陳大文知之○又諭本日富俊
奏據福長安稟稱查得飛牛嶺等處均有偷
砍木植當於草倉後溝等處拏獲人犯十餘
名至飛牛嶺見有人犯放火燒山福長安等
衝火越嶺將放火人犯拏獲又於嶺北拏獲
砍木人犯三十餘名並選派兵役將西溝偷
砍木植逃犯嚴緝務獲富俊馳往查看業將
獲犯解交策拔克等歸案審辦等語飛牛嶺
一帶前經諭令轉飭福長安就近查看如有
偷砍木植人犯自應上緊緝拏今福長安拏
獲數十餘犯之多或竟濫行搜捕累及無辜
亦未可定著策拔克等秉公審訊如有實係
平民在內不可因係福長安所拏稍為袒護

立予省釋。如實係偷砍樹株確有證據則該犯等聚集多人砍樹至一千餘株實屬不法即將各該犯按律定擬具奏。○又諭富俊奏查看卡倫情形一摺。邊外各卡倫久經安設均係扼要防堵且設有專員立法本屬嚴密自可毋庸議添總由日久疏懈致有偷砍木植得銀賣放等弊嗣後該將軍果能實力稽查不令官兵等營私舞弊則奸宄自無從竄越若坐卡官兵仍前因循怠玩甚至受賄賣

實錄卷一百一

十一

放而該管大員亦漫無覺察則添設卡倫適足以滋弊竇又復何益。總在富俊等遴派妥員嚴行查察立定章程督率官兵丁奉公守法於一切應行查禁事件認真偵緝毋得私行賄縱違者立即嚴叅懲辦邊卡自可肅清。將此傳諭知之。○廣東巡撫祖之望入覲賞假回籍省親調廣西巡撫孫玉庭為廣東巡撫以雲南布政使百齡為廣西巡撫浙江按察使阿禮布為雲南布政使山西河東道

金應琦為浙江按察使。○旌表守正捐軀河南信陽州民王進法妻袁氏。○丁未以山東阿平陰東平陽穀荷澤鄆城濮觀城聊城聊城博平茌平清平泰安萊蕪肥城寧陽齊河齊東濟陽禹城臨邑陵德平惠民青城陽信樂陵商河二十九州縣豆收歉薄改徵粟米。

實錄卷一百一

三十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十

高麗溝等處偷砍木植皆由該管官員平日受賄故縱通同舞弊及策拔克等前往查辦該員等又復透漏消息得錢賣放情節實為可恨自應嚴加懲辦向來朕辦理庶獄原情定罪節經諭令內外問刑衙門不得輒用從重字樣但須視案情之重輕權衡剖斷即如城守尉慶祥身係宗室膽敢於附近

陵寢地方縱令奸匪肆行偷砍樹木並得受訛詐錢文已逾千兩實屬藐法伊業已畏罪自

縊不足蔽辜著將伊子查明革去差使作為閒散宗室署城守尉扎布山太雖已身故現

據案犯供出伊曾得受砍木奸民贓銀一千二百兩之多著將伊子查明亦革去差使發

往黑龍江充當苦差佐領崔守興贓私纍纍

此次探聽消息輒敢差人送信以致奸匪乘

閒脫逃情罪尤重策拔克等於審明後加等

問擬具奏勿令其稍有狡展至城守尉慶寧佐領額勒經額等雖訊無受賄情弊亦難盡

信平時漫無覺察此次查辦匪徒輒輕聽人

言將窩棚盡行燒燬希圖滅跡非尋常失察

可比著一併從嚴定擬具奏驍騎校富倫畏

罪輕生策拔克等現將伊家產查封所辦尚

是若另有婪贓之處亦應將其子嗣一併定

罪其扎布山太案內過付銀兩之防禦楠欽

並現經審出得受木排銀兩布匹之大江口

三道浪頭坐卡防禦嗎哈那驍騎校穆克登

額巴彥布及未到案之防禦三達力驍騎校

鄂托爾齊俱著革職等因嚴行訊究其劉文

喜一名既據包永祥供稱係屬劉廷宣自應

同在逃之各首犯嚴拏務獲此外各犯或係

傭趁之人毋庸紛紛查拏至福長安所拏之

犯是否實係偷砍樹木策拔克等訊明後即

行定擬具奏不必守候富俊到時會同辦理

也將此諭令知之○兩廣總督倭什布奏傳

羅縣屬之范家田添設把總一員兵五十名

請移駐橫河其范家田建設汛防一所於羅

溪營撥兵十名輪班駐守均歸提標中軍叅將統轄以重巡防下部議行○贈故工部尚書彭元瑞協辦大學士遺乾清門侍衛孟佳帶領侍衛十員往奠茶酒並賞銀一千兩治喪予祭葬諡文勤○以安徽安慶協副將游棟雲為江南狼山鎮總兵官○予四川陣亡把總饒定顯王自成王發明外委張世明陝西陣亡外委郭復全祭葬世職如例兵丁向天倫祭葬世職如外委例王得勝等三百二十三名鄉勇彭喜等二百九名番兵旦住次力等八名賞卹如例○己酉
上御洞明堂勾到浙江江西安徽江蘇情實罪犯停決浙江斬犯一人絞犯一人江西絞犯五人安徽斬犯三人絞犯三人江蘇斬犯四人餘九十四人予勾○諭軍機大臣等黔省官兵經該督陸續調回並將隨營征勇以次裁撤又於通江等處搜獲零匪數名概行正法自應如此辦理惟太平沿邊山內老林尚

有零賊數十人現在田朝貴所帶兵勇計有二千七八百名不啻數十倍於賊儘數搜捕該鎮將務於冬初悉數殲除若遲至冬令不能淨盡必立降嚴罰斷不姑息不許又以冰雪凝沍艱於前進為詞予賊以暇任其潛匿深山若再延至春月又復勾結多人仍似往年光景則更不成事體矣勒保當嚴行督催不得稍涉鬆懈將此傳諭知之○庚戌諭內閣嵇承志奏豫省於九月初九日大雨晝夜河水增長衛糧廳屬衛家樓無工處所南岸忽生灘嘴挺入河心將全河大溜圍注北岸淘刷於十二日夜間又復風雨交作溜勢更緊正在搶護之際十三日未刻隄身忽然蟄陷登時過水三十餘丈尚在塌卸趕緊盤頭裹護等語覽奏實深惶懼目下已過霜降水落歸槽方期各工鞏固茲豫省封邱汎衛家樓無工處所因風雨交作南岸灘嘴逼溜北趨以致隄根刷陷過水三十餘丈此雖由溜

勢湍激人力難施但嵇承志有河防專責平日未能豫籌妥協致有疏虞咎無可辭嵇承志著交部嚴加議處巡撫馬慧裕兼管河務並著交部議處所有該管文武各員著查明叅奏其落水弁兵有淹斃者並著查明卹賞○辛亥勅諭管理國子監事大學士劉墉祭酒潤祥顧德慶等我國家

列聖重光以典學親

師為首務羣士霑濡

化雨決髓淪肌朕紹承

大烈嘉慶三年即舉臨雍之典八年於茲兢兢

業業不敢昕夕愆忘今仰荷

洪慈武功歲事文教宜修首善之地尤加意焉

夫學以明倫為本士以喻義為先倫不修而

以文責飾義不明而以利計私何以為士子

之倡乎學校之科條非不燦然顧或於倫物

不躬行則三德六行皆空華矣或於義利不

明辨則服古入官皆市道矣爾監臣可不孜

孜以是道其國子爾多士可不汲汲以是臻於高明毋以為迂闊而遠於事情毋以為陳言而不求切己朕所厚望於臣工庶士滌濯其心誠勤無懈以培植賢才為國楨幹焉各宜交勉特諭○諭內閣前召見孟佳問及奉移

孝淑皇后梓宮時伊家屬何人恭送據孟佳回奏伊家無人恭送嗣又詢問據稱伊妻前往恭送等語朕以孟佳係

孝淑皇后外家於

孝淑皇后梓宮奉移時孟佳闔家自應感荷

深恩出於至誠踴躍從事旋派扈從

孝淑皇后梓宮人員朕將明德派出並未派

伊及派隨入地宮人員又將伊兄盛佳派出

亦未派伊此等差使孟佳理應懇請出派乃

伊漫不感悟並未乞請殊屬無用糊塗之至

難勝內務府大臣之任孟佳著革去內務府

大臣並革退管理茶膳房及崇文門稅務副

監督加恩仍留副都統乾清門侍衛

孝淑皇后梓宮奉移時並著伊隨往○諭軍

機大臣等據馬慧裕奏封邱隄工墊陷現

在趕緊查辦情形一摺昨據嵇承志奏衡家

樓大隄墊塌三十餘丈今據該撫勘得北岸

隄工墊陷過水勢若建瓴以致掣動大溜盡

由口門奔注現已塌寬一百餘丈等語計馬

慧裕發摺之期距嵇承志奏報僅閱兩日已

塌至一百餘丈之寬水勢甚屬浩瀚現在水

頭向東北行走由封邱濬滑一帶下注恐下

游州縣猝遇水災亟須查明撫卹朕心殊深

廬念著該撫一面會同嵇承志相度情形速

備工料上緊堵築一面飭委道府大員趕緊

確查下游地方有無傷損人口及衝刷城池

倉庫等事妥為經理如有應行蠲賑之處即

行奏請加恩仍著將水勢經過某州縣地方

並曾否搶築裏頭溜勢是否稍定先由五百

里速行馳奏以慰焦思詳細繪圖貼說約計

辦理大概情形續即由驛具奏○又諭直隸

大名一帶與封邱濬滑毗連其下游即係山

東曹州等屬現在水勢向東北行走著鐵保

親往查勘是否有礙運道顏檢即派委道府

大員星夜馳往查明現在河溜經過州縣即

遵照前旨各將該處田廬人口有無被水成

災之處一面據實奏聞一面將應行撫卹事

宜各行妥速辦理將此諭令知之○以已革

輔國公晉昌弟晉隆襲爵○命吏部尚書劉

權之兵部右侍郎那彥寶馳赴河南勘辦河

工○以失察偷砍木植革盛京副都統成林

職以正藍旗滿洲副都統宜興為盛京副都

統○予福建故大學士蔡新入祀鄉賢祠從

巡撫李殿圖等請也○壬子諭內閣候補筆

帖式景安曾任河南巡撫該省地方情形自

為諳習著自備資斧前往豫省河工交與那

彥寶等差遣委用○諭軍機大臣等南山餘

匪裏脅至二百餘人公然竄至鎮安焚燬兵

房肆行無忌。已有遺灰復然之勢。看來馳奏肅清以後。不特帶兵人員心存懈弛。即額勒登保亦未免急思凱旋。稍有鬆勁。且所稱零匪二百餘人。係得自方維甸來信。而楊遇春楊芳等竟未將賊數據實具稟。即川楚二省均尚有零匪數十人。額勒登保此時尚係經畧各路搜捕情形。摺內並未提及。似未經得有信息。可見各路鎮將。並不上緊追捕。即其明驗。楊遇春著拔去花翎。楊芳前已拔去花

翎。著再摘去頂帶。吳廷剛亦著摘去翎頂。均著傳旨嚴行申飭。額勒登保亦著傳旨申飭。現在楊遇春已抵鎮安。額勒登保亦已親往督辦。著即嚴飭該提鎮等合力兜圍。務於十月內將此股零匪殲盡。固不可使之竄入豫境。亦勿令闖入二竹界內。此時額勒登保尚有搜捕事宜。即德楞泰到陝。亦不准即行來京。俟辦竣此股零匪。即當由五百里馳奏。候朕諭令進京。再行起程。若再稍有怠忽。不特

將楊遇春楊芳吳廷剛等嚴行懲治。即額勒登保亦不能辭罪矣。凜之勉之。至現徹各兵如有尚未出境者。仍當酌量暫留。其應徹鄉勇。本係無業之徒。惟利是趨。此時零匪尚在奔竄。或該勇等散遣之後。無所依歸。又思入夥。不可不豫為防範。著額勒登保酌量情形。如現徹之勇尚有未出陝境者。即截回帶同搜捕。暗事羈縻。統俟剿盡南山零匪後。再行裁撤。再此股為首之犯。額勒登保仍應懸立

賞格。設法擒獲。餘匪更易剪除。○又諭據額勒登保奏。零匪竄至鎮安。沿途焚掠。德楞泰此時將抵陝省。著即馳赴鎮安會同勦辦。○又諭據顏檢奏。稱長垣縣南治垌等村。因黃水自西南而來。流入該縣之沙河。一時宣洩不及。以致漫溢出槽。現已飛飭徐逢豫馳赴查辦等語。是黃水業已漫入直隸境內。一切搶護疏消。及查辦撫卹事宜。均關緊要。大名道徐逢豫才具中平。不足深恃。顏檢現辦十

月差務未能分身著即遣派明幹道府大員馳往該處查勘究竟漫水經過幾州縣道里若干所過村莊有無傷損人口淹浸田廬現由何處出直隸境下注何處是否正溜均向長垣一帶直趨抑祇係分注漫溢之處一接委員稟報即由驛星速馳奏朕宵旰繫懷無時或釋該督務當飭知地方官妥為經理所有被水地方應如何加恩撫卹一面辦理一面奏聞再豫省堵築此項工程需料繁多該

省今年閒被旱蝗恐一時難於採買畿輔地方秋收豐稔購辦較易該督當豫飭鄰近之正定順德廣平大名等屬多為儲備一俟豫省需用協濟若干時即可照數解往以應急需至豫省現在尚能趕辦料物若干需用鄰省接濟若干並著嵇承志馬慧裕通盤覈計隨時具奏嗣後該督奏報漫水情形俱著由驛馳奏○調鑲黃旗蒙古副都統托津為鑲黃旗漢軍副都統鑲黃旗漢軍副都統富僧

德為鑲黃旗蒙古副都統鑲白旗蒙古副都統裕瑞為正黃旗漢軍副都統正黃旗漢軍副都統格布舍為鑲白旗蒙古副都統○予浙江故鴻臚寺卿銜御史馮浩入祀鄉賢祠從巡撫阮元等請也○癸丑

上御勤政殿聽政○諭內閣大學士會同吏部議覆御史賈允升條奏各款分別准駁已依議行內如清查驛站一款各省驛站安設馬匹原以應付辦公遇有大臣官員等奉差經過之時若於例給馬匹不能應付足數或馬匹羸瘦不堪驅使以致耽延稽滯此係玩誤公事自當將該州縣等參辦示懲若應付本無不足馬匹臃壯而奉差之員於例外多索甚至縱容跟役人等多方作踐橫索使費此又係差員有意騷擾該州縣即當申報上司據實具奏無論軍機及在內廷行走大臣等朕必嚴行究辦至外省督撫司道等遇公出之時往往責令本省州縣備辦夫馬需索供

應書信往來亦每由驛馳遞軌填用四五百里甚至長隨家人等因私事外出亦復騎用驛馬沿站需索大為驛站之累此皆朕所素知督撫中未必肯效法岳起清苦儉樸能不過於奢靡亦可徐臻樸淳則大省民力矣嗣後督撫司道等官俱當力除積習各自檢束設有前項情事一經叅奏或經朕訪查得實必當加以嚴懲至所議嚴禁官價一款各衙門需用鋪戶貨物自應各照市價平買安得

軌立官價名目向鋪戶等紛紛科取物件倚勢病民嗣後著將官價之名永遠禁革違者照例懲處不貸將此通諭知之○又諭陳大文吳璥奏徐州河務道徐端現報丁憂請旨簡員補放一摺徐州道經管工程為南河最要之缺一時難得其人因念徐端本係河員出身自擢任徐州河務道以來每當大汛緊要之時搶險要工均能奮勉出力茲據報丁憂未便另易生手徐端著不必開缺令其回

藉治喪百日仍回徐州署理河道印務俟服闋另請實授此係朕因河道要缺需人起見並非破格奪情聞在任守制之漸○諭軍機大臣等前據慶傑奏哨內每歲冬令有民人偷打牲畜私賣牟利一摺現屆冬令著慶傑於十月內帶領熟河兵丁百餘名會同韋陀保進哨迅為巡查儻查有偷打牲畜之人嚴行拿獲照新定條例辦理不可草率塞責○又諭永保等奏查明孟連土司與銅金爭界

情形據情斷結一摺據稱銅金遵調前來稟稱並未有所爭搶占踞土司人地之事惟該處夷人因孟連土司不善撫綏兼多派累衆心離棄所有應交山水錢糧不肯交納亦不服差派且據各頭人等僉稱孟連土司苛派過甚衆人怕歸管束銅金實在公道是以情願聽他管束他並無強占之事等語銅金與孟連土司如果有爭奪霸占情事自應究辦今既據查明銅金實無不法而各裸夷等亦以

其辦事公道情願聽其管教且據稱看其光景極形恭順銅金前已准令還俗更名張輔國自應將原給土目戳記賞還遣回南興仍令約束衆獮如稍有事端惟該土目是問以專責成至山水錢糧該夷衆等既因孟連土司苛派不肯交納若內地地方官為之收發亦非體制應即令張輔國代為收納轉交孟連仍諭令毋許絲毫派累以順夷情至另摺奏查辦偷渡威遠思茅獮黑情形據稱男婦

大小約有二千餘人因上年江外無收今歲又甚荒歉是以相約偷渡過江欲於沿邊一帶搶掠活命等語此等偷渡獮夷既因歲荒乏食希圖活命前赴沿邊搶掠尚係迫於飢寒可不必大加勦辦該撫等當訪查首犯李伙頭楊金二犯指名拿獲辦理其餘人戶止須驅逐回巢並當出示明白曉諭如該獮夷等稍有違抗情形自當懾以兵威將夷匪全數驅出江外即可於該處相度情形設立卡

座駐兵防範一面將兵練徹回完事以靖邊圉將此諭令知之○以鴻臚寺卿誠存為光祿寺卿詹事府少詹事觀誠為詹事○湖南布政使通恩因老病留京以福建按察使成寧為湖南布政使調陝西按察使文霽為福建按察使以陝西陝安道朱勲為按察使○甲寅旌表守正捐軀山西洪洞縣民陳得新妻陳氏○乙卯諭內閣恭閱

皇考高宗純皇帝實錄內載禮義廉恥居官者立身之要雖不可妄行驕縱亦不應自處過卑以為取悅上司之計近聞侍衛部院司官內有見該堂官執行屈一膝者於定制甚為錯謬著通行曉諭侍衛部屬接見本管堂官俱照舊例侍立回事再邇來卑鄙無恥之徒稱莊親王誠親王為太王及見王等長跪請安者以諂媚為謙恭至於此極假如莊親王誠親王諸子內有晉封王爵其屬下人等以伊為現任親王之父稱為太王尚可今無故

遽稱爲太王。將何所指耶。此後稱王爲太王。及見王等長跪請安者。凡王大臣遇見即行參奏。欽此。仰見我

皇考嚴辨等威至意。向來內廷皇子體制。本與諸王不同。各臣工俱長跪請安。蓋緣皇子內有紹承大統者。外廷斷不能存揣度逢迎之見。是以一律長跪請安。迨正名定位。君臣之分秩然。諸皇子皆屬藩王。臣工等即有應行施禮之處。亦祇當屈一膝請安。何得仍照在

內廷時舊制。嗣後凡見親王郡王。如有仍蹈前轍長跪請安者。即著王等自行參奏。如大臣等遇見時。亦即指名參奏。若王等徇隱不奏。被人參奏。則王等亦難辭咎。至侍衛部院司員於本管堂官接見禮儀。自有定分。遇有公事。祇應侍立回堂。毋許屈膝請安。以肅體制。而杜詭譎。將此通諭知之。○諭軍機大臣等。本日據嵇承志奏。衡家樓口門。幸已稍定。盤頭裏護。可以施工。請調南河營參將張永

盛淮徐遊擊姜煥。並熟諳椿埽之守備二員。千把總六員。赴豫幫辦。可期得力等語。現在江境已慶安瀾。而豫東士庶困苦極矣。著吳璥即派參將張永盛。遊擊姜煥。並揀選熟練椿埽之守備二員。千把總六員。一同迅速前往幫辦要工。○又諭嵇承志等奏。衡家樓漫溢之後。因地勢建瓴。旋掣大溜。東西兩岸汕刷塌卸。遂漸寬至一百八十餘丈。現已稍定。盤頭裏護。可以施工等語。覽奏稍爲幸慰。至

現在採辦料物。最爲急需。本年豫省秋收稍減。但大河以南。年成尚好。自可就近購買。較之鄰省採辦。究爲便捷。即將該省約可辦料若干。需用他省接濟若干。先行具奏。向來堵築口門。必須開挖引河。俾河流得歸故道。朕詳閱此次所繪圖內。十五堡地方。似可挑挖引河。但必須相度情形。不拘道里之遠近。而在地勢高卑之得宜。該堡與正河身高下。若何。朕亦不能懸揣。著嵇承志等。妥爲籌議。酌

定引河處所速行具奏並測量引河地勢較之正河高下丈尺若干詳悉繪圖貼說進呈再披閱圖內衡家樓正當頂衝封邱縣城四面皆水該處田廬自必衝損城垣亦恐有坍塌之處其下游被水各處災黎均應亟為撫卹著該撫派委妥員確切查勘一面上緊辦理一面據實具奏至埽工進占數十丈即由驛奏報一次將此諭令知之○又諭嵇承志馬慧裕先後奏衡家樓大隄整壩掣動大溜

水勢向東北趨注下游與山東曹州等屬毗連節經降旨飛飭鐵保親往查勘迄今已閱六日本日復據嵇承志等奏該處下注之水於十四五兩日由考城蘭陽西隅經由沙河入山東境內等語何以十九日該撫發摺之時尚未據奏及想係地方官稟報遲延所致黃水衝淹為害甚大乃地方之大變該管地方官自應立時稟報刻不容緩乃東省州縣並不早行具報殊屬延玩鐵保應查明奏

本日據莫瞻萊奏稱豫省北岸衝決恐於運河有礙應及早詳籌搶護又據嵇承志等奏回空漕船截至本月初十日在濟寧以北者尚有十七幫約於未經漫口之前可以趲行出境各等語著鐵保督率大員親往履勘運河回空漕船行走有無妨礙其沿河各工如有隄身單薄緊當溜勢者即鑲埽幫護其隄身低矮恐被淹浸者或加料堅築儻竟已經坍塌亦應乘其尚未刷寬添椿補築該撫務

宜相機搶護及早籌辦勿使運道稍有阻礙仍著將履勘情形先行迅速具奏所有莫瞻萊原摺著發交閱看將此諭令知之○兩江總督陳大文江南河道總督吳璥奏報伏秋汛安瀾得旨獎賚吳璥下部議敘福建布政使姜開陽年老以三四品京堂補用○復緩徵安徽懷寧桐城潛山滁全椒宣城南陵貴池銅陵蕪湖繁昌廬江來安和十四州縣安慶宣州建陽三衛歷年被災遞緩額賦○

丙辰諭內閣吳熊光全保奏審明鶴峯州民李爾聞謀死胞兄李爾明按律定擬一摺此案李爾聞欲圖誣陷張有本等起意商同郭義山等攜帶酒菜至伊兄家勸飲該犯乘李爾明沈醉即取繩縛其兩腿擡放門首塘內登時溺斃復將屍身擡回捏報張有本等毆斃閱其情節李爾聞係欲誣陷他人輒將胞兄設計謀命似此忍心蔑倫重案審訊明確該督等自應一面具奏一面將該犯立正典

刑方為正辦何得尚請勅部議覆施行若因此稍遲時日或該犯在監病斃轉得倖逃顯戮何以飭倫紀而儆兇殘吳熊光全保均著傳旨申飭李爾聞著即凌遲處死餘著刑部覈擬具奏○丁巳諭軍機大臣等鐵保奏曹屬受水情形一摺內稱十五日濮州地方忽有黃水自西南而下由范縣直達張秋運河現在加築隄埝又荷澤縣境猝有黃水漫入濱河之甘露等集被水現漫至曹州府城之

南幸水勢倒漾不甚湍急等語此次豫省北岸漫口朕即慮及東省運河必有妨礙當經降旨令鐵保親往查明迅速具奏乃閱奏到摺內但云黃水直達張秋並未將水勢或即由運河行走抑僅止穿過運河之處逐一聲敘其所築隄埝是否即於漫溢處所施工抑於未經黃水地方先為籌備若論已漫之處水勢必形浩瀚恐亦未能立時堵築又曹州城南既稱倒漾則非正溜可知是黃水大溜

究往何處經行亦未詳悉奏聞種種殊欠明晰且於十九二十兩日接據各屬稟報直至二十二日兩次接奉諭旨始由尋常馬遞覆奏亦覺遲緩看來該撫於河防事宜未能諳悉況東省既有漫淹小民蕩析離居亟應拯救而運河一經黃水衝灌必有淤墊於運道大有關係朕刻深廑念豈封疆大吏轉存忽視乎鐵保現已親往查勘著即將以上所指情節並黃水由何處入東省地界漫及運河

若干里由何處出運其下游由何處歸宿入海現在作何籌辦俱詳細繪圖貼說由五百里馳奏其被淹各村莊迅速查明妥為撫卹勿令失所將此諭令知之○貢楚克扎布奏辦理野番事務出力司員主事奇明等升敘有差○戊午諭內閣本日恭閱

皇考高宗純皇帝實錄內載

諭旨以督撫辦公出省輕騎減從固分所宜然惟隨帶幕友胥役及舊案卷箱二節率視為途次必需之項以致與臺像衛儲侍驛驛勢難抑制嗣後務須加意省約屏去繁文以免猾吏巧為逢迎及家人長隨借端勒索欽此仰見我

皇考砥礪疆臣慎節勞費至意與日前朕所降通飭地方大吏毋許因公騷擾驛站諭旨適相符合外省督撫司道遇有緊要公務應親身前往查辦者自不容深居簡出坐乖職守但伊等養廉優厚其盤餐供頓原應自出已

貲毋許屬員承應定例綦嚴乃各省大吏率未能實力奉行遇公出之時輒多帶幕友委員以及僕從胥役所過之地車馬供給繁費紛如大為地方之累試思各上司供應既欲取之屬員而屬員勢必取之百姓民勞吏困職此之由朕自親政以來節經降旨諄諄訓誡外省大吏亦稍知謹飭近日遇有公出往往多以輕騎簡從為詞第恐其徒託空言未必行之以實從前督撫中如書麟之模倣自持岳起之清操刻苦其所至屬邑不知有官差經過伊等並未多帶幕僚亦並未稍誤公事可見督撫司道為一方表率果能刻自簡約則民力所省實多並可杜猾吏逢迎之習於吏治民生均有裨益特此再行申諭惟在封疆大吏實力遵行毋負朕勤加訓誨至意其有陽奉陰違經朕察出或被入糾叅必當嚴行懲治不貸○又諭豐紳濟倫永來前因獲咎派往

裕陵工程處効力現屆隆冬停工降旨令該二員回京豐紳濟倫身係公爵例得奏事到京時即應具摺求賞差使永來亦應呈明該旗都統代奏求賞差使乃該員等於二十四日到京已逾一日昨日始據各該旗都統轉奏討差殊屬非是豐紳濟倫若到京時即自行具摺求賞差使朕必加恩令其仍以公爵在散秩大臣上行走今豐紳濟倫並未自行具摺且遲延一日豈可仍授以散秩大臣豐紳

濟倫著賞給頭等侍衛在大門上行走永來本係佐領著在本旗印房行走明歲

裕陵興工時豐紳濟倫永來俱著仍赴工次在司官上効力諭軍機大臣等顏檢奏遵旨飭令藩司瞻柱派妥員齎帶銀兩馳赴長垣等處查勘被水情形及經理撫卹各事並令道員陳鳳翔即速回任趕緊購辦歲料後隨赴差次照料稽查等語所辦俱是至分派各員先於廣平府屬採辦稽料一千萬斤就近

運赴豫省工次該督務須嚴飭各委員於歲收豐稔地方按照定價公平採買斷不可聽吏胥等將料物任意浮收而於價銀有短發情弊致民間多有擾累再該省開州東南一帶水勢未退平地俱深至二三尺至四五尺不等沿河村莊多被淹浸其長垣東明境內積水曾否疏消朕心甚為廑念著顏檢飭令瞻柱迅速前往一面妥為撫卹具奏勿令失所將此諭令知之旌表守正捐軀河南修

武縣民王進良女王氏己未

孝慈高皇后忌辰遣官祭

福陵

上詣

大高殿行禮還宮諭軍機大臣等富俊奏查勘飛牛嶺等處偷砍木植情形一摺內稱青椿以內並無砍代木植之處行至草倉溝山坡上開種熟地間有伐樹椿椿並飛牛嶺地方砍棄木植約有千餘根統計各處所砍

木植共有四千餘件。椿植共二萬有餘。舊多新少。甚有至斲朽等語。該處砍棄木料。既有斲朽。則偷竊之事。其來已久。並非始自近日。可知事屬既往。姑免深究。從前欽奉

皇考高宗純皇帝諭旨。以附近

陵寢週圍山頂。除現有熟地。毋庸禁止。外。不可再行開展。彼時該將軍等。自必恪遵查辦。迨久而懈生。即任聽無業貧民。私於附近山坡。砍去樹木。開墾耕種。甚至不肖官員。希圖得

賄。並縱令匪徒偷伐木植。以致釀成巨案。自當嚴行查禁。青椿以外。雖距風水禁地稍遠。亦係例應封禁處所。若聽民人私相開墾。日久必致更有侵越。此時亦不必另立界限。即於原定舊址。嚴申厲禁。以垂永久。著富俊傳諭福長安等。隨時稽查。如有仍前私墾偷砍。及官員等得賄故縱情弊。即查拏治罪。以示懲儆。又諭昨據工部題估。豫省黃河北岸封邱汎古黃池下壩。婦工動用錢糧一本內

稱黃河北岸封邱汎古黃池下壩。婦工。據署河督嵇承志奏。因本年桃汎內對岸生灘。逼溜北趨。三婦至十婦。陸續坍塌。卸當即補鑲新婦八段。其十婦迤東。亦被河溜匯刷。塌及壩坦。並接做新婦六段。應將估需工料銀兩。造冊送部題估等語。因檢查本月衡家樓漫口。該河督奏報。即係封邱汎地方。圖內開載。古黃池距漫口不遠。其南岸挺生灘嘴。將全河大溜逼向北趨。以致隄根衝塌。即與前此嵇

承志所奏情形無異。該處婦工。該河督於桃汎時。既經趕緊補鑲。接做工程。何以為時未久。輒至塌墊。恐其中不無虛捏情弊。或此項工程。彼時並未鑲做。竟係河員等捏飾冒銷。抑或於興修時。工程辦理草率。以致頂溜衝塌。均未可定。嵇承志等原報摺內。稱衡家樓係無工處所。恐係粉飾。其所奏是否確實。且南岸灘嘴。諒非近日新長。該河督等既於桃汎時。見有灘嘴。關繫緊要。何不早為籌辦。俱

著劉權之。那彥實到彼即密行詳查據實速奏不得稍有瞻徇所有工部原題案由著抄寄閱看○以孟冬時享

太廟自是日始齋戒三日○庚申諭內閣本日都察院題請更換兩浙鹽政一本已降旨將延豐再留一年矣前此長蘆鹽政屆應行更換之期朕即令賽尚阿回京當差於開列本內簡放玉慶前往更代同一更換鹽政朕於該二員一去一留者蓋因延豐在浙辦理鹽

務尚屬妥協聲名亦好是以加恩屢次留任藉資熟手賽尚阿於長蘆任內雖無劣跡但慇懃顏檢會奏請加鹽傳事涉言利病民是以將伊撤回以玉慶身係宗室又係都察院官員或尚知認真辦公以矯內務府人員積習乃本日召見琳寧詢以伊子玉慶簡放鹽政後有無請託薦屬等事據琳寧奏稱尚無請託情事惟薦到長隨竟有一百餘人此內雖無大員薦託均係伊家親友引致聞之殊

為可詫試思鹽政衙門即事務稍繁需用長隨亦何至百餘人之多日後將何所位置此等遊手無藉之徒夤緣轉薦希沾餘潤其流弊何所不至琳寧經朕面詢始據實具奏以此類推其餘廉俸豐贍衙門似此者尚復不少著傳諭玉慶就此百餘人中擇其人尚小心誠樸並知有根底者酌留一二十人以供使令足矣其餘即傳旨概行驅逐毋許收留嗣後外任大小官員均應不聽屬託屏絕華

靡減汰儉從潔已奉公以省浮費而飭廉隅○又諭此次多慶等二員派往巡視吉林黑龍江兩處事務其由禮部頒給關防二顆著於巡視事竣即就近繳存盛京禮部衙門收貯此後逢派員巡視之年即由盛京禮部頒給○諭軍機大臣等策拔克已寧阿審辦盛京等處奸民偷砍木植一案為時已久節據奏到官員等平日受賄故縱及透漏消息得贓賣放各情弊大概俱已確鑿本日報到朕

以為必係定擬完案之摺及加披閱則不但未經結案且所敘情節於官員等得贓舞弊之處並未切實究出嚴行定擬所辦實屬疏緩竟似扶同故縱情景大負任使矣此案官員等婪贓受賄舞弊營私大干法紀較之奸民等牟利無知情節尤重策拔克等既經節次審出贓私人證即當訊明贓數先將官員等定擬具奏不必俟全案人證到齊一同定擬今策拔克等不但不行奏結且將前此究出得贓賣放情弊層層申說竟思為伊等開脫重罪以致各犯彼此串供圖卸重罪而策拔克等此奏亦竟欲為各犯豫行減贓以便將來定罪之時藉稱贓不滿貫輕減罪名殊負委任官官相護之惡習朕前豈容嘗試汝二人太不知分量矣此案除富俊係甫經到彼會審未久尚無不合外策拔克巴寧阿俱著傳旨申飭伊等接奉此旨即按照摺內硃筆點抹各犯一一徹底嚴究務得受贓確數

各犯等俱係已經革職之人設有供詞閃爍之處即可加以刑夾策拔克等於審明後遵照前旨嚴行定擬即由四百里具奏策拔克巴寧阿二人辦理此案既不慎密於前又復疏緩於後此時姑行訓飭仍令伊等趕緊審辦如再有延緩或竟意存開脫朕必另派大員前往審辦彼時水落石出並當將策拔克巴寧阿一同治罪矣凜之慎之○又諭富俊奏遵旨查辦各事宜一摺覽奏俱悉所稱安設卡倫一事即應照前議毋庸增添惟在稽察嚴密委用得人以期杜絕弊端至該將軍每年十月例應進圍其未進圍之前仍當會同策拔克等將賄賂縱偷砍木植各案犯秉公審辦俟應進圍時再行前往至鳳凰城一帶酌議章程一節富俊現在既未能與策拔克等同往即明春再赴該處詳悉覆查亦無不可惟策拔克巴寧阿此次辦理木植一案前既未能慎密後復失之延緩其所訊各犯供

詞於賊銀數目。總未切實究出。遷延日久。難保無串供欺隱等弊。且恐策拔克等有意代為開脫。或為承辦各員所愚。均未可定。著富俊密行查察。如有前項情事。即於伊等定案具奏時。據實密參。不可徇隱。又福長安前此稟報在飛牛嶺衝火越山。拏獲人犯一節。朕即疑其有意見長。張大其辭。今富俊體察該處情形。及審訊現獲各犯。並無放火之人。可見福長安前稟未盡確實。但伊此次所獲各犯。尚無妄行查拏等事。仍著富俊轉飭福長安。將興京地方應行查辦木植事件。上緊查緝。並將伊是否認真出力。及所獲之犯。有無不實不盡之處。據實密奏。將此諭令知之。○又諭。本日早間。據鐵保奏。查勘運河被水情形。一摺。聲敘仍未明晰。又未繪圖貼說。呈覽朕心深為廕念。正在降旨飭諭。聞未刻又遞到鐵保四百里馳奏之摺。始知黃河大溜。在張秋橫穿運河。東趨鹽河。至利津入海。並不

直往運河。尚為不幸中之幸。閱之稍慰。惟閱圖內蓮花池漫口一處。係在張秋迤北。據稱水勢連日稍平。該處漫口之水。又係下注何處。現在水勢既平。是否可以先行堵築保護。張秋迤北之運河。勿令再往北趨。著該撫即行派員查勘。妥協辦理。其張秋迤北各隄。均應督飭搶護。至漫口處。所業經裏護兩頭。俟水勢稍減。再相度形勢。酌量妥辦。其荷澤濮州壽張各處。及鹽河下游兩岸被水地方。

著即分派妥員。直至海口。迅速查明被淹地畝場竈。妥為撫卹。毋任稍有失所。其被水州縣。應行緩徵之處。俟查奏到日。再降恩旨。惟回空糧船。尚有十幫。未過張秋。經鐵保派員催趲。設法輓渡。此則應須慎重。現在張秋迤北緯道。雖尚可保護。而河坡相連一片之處。溜勢甚大。該撫當飭令各員弁等。加意小心。設法行走。仍將何時輓過幾幫。是否不致守凍之處。隨時速奏為要。○管理宗人府王公

等奏查得八旗宗室覺羅內實係無力願住官房者共一百八十六人現在查出官房統計一千一百二十二間半足數撥用但成所房閒難以分撥僅就零星房間五百一閒半內按翼酌撥覈其家口多寡酌量分給居住每人撥給二閒或一閒半查左翼四旗宗室覺羅共一百十五人即在坐落左翼四旗地方並坐落地安門內零星房屋共二百四十九閒半內分撥居住右翼四旗宗室覺羅共七十一人在坐落右翼四旗地方零星房屋二百五十二閒內撥給一百八十八閒其餘剩房屋六十四閒及成所房間八處仍歸內務府收管所有撥給宗室覺羅等房間內有牆垣坍塌柱木歪閃瓦片脫落門窗不全之處相應請旨交內務府稍為修理再行分賞居住得旨此項撥給宗室覺羅房間著交總理工程處會同內務府大臣速即勘估趁此冬初晴暖將應行修葺之處畧加修葺俾可

棲止俟工竣奏明再行照單賞給○命兵部尚書費淳帶同主事銜王念孫馳赴山東東昌臨清一帶查勘河道○予山東故太常寺少卿袁承寵入祀鄉賢祠從巡撫鐵保等請也○賞廣寧門外普濟堂煮賑小米三百石○辛酉
孝敬憲皇后忌辰遣官祭泰陵○諭軍機大臣等現在封邱汎漫口大溜全掣漫及直隸長垣東明開州並東省曹濮荷澤等州縣至張秋地方穿過運河匯注鹽河入海其江南下游水勢自日見消涸該省清黃交匯處所為糧艘必經之路今黃水斷溜恐運道不無淺阻來春重運北上時若豫省漫工已早合龍河歸故道自可無虞儻年內未能藏工屆期必至阻滯自宜豫為籌畫俾重運不致貽誤方為妥善即著吳璥於清口一帶酌量籌辦並將現在情形及如何辦理之處迅速具奏再江省由清口至徐城以

下黃河斷溜諒多淤墊亦當趁此水涸之時
或逐段挑挖或酌抽溝槽一俟黃流順軌下
游不致高仰方能暢達無滯○是月山東巡
撫鐵保奏東省地處衝衢官兵除解犯護餉
緝匪外有催漕差使遇有出差每攤扣餉銀
相沿幫貼衆兵得項既少差使又繁易啟勒
索幫規之事查藩庫有積年所存朋銀及馬
乾等項現擬動借銀一萬八千兩交商生息
按大小營頭自數十兩至百餘兩均勻攤派
以為兵丁差費修理器械之用於戎政大有
裨益得旨依議妥辦勿令不肖胥役入己兵
不得實惠矣○署河東河道總督嵇承志等
奏衛家樓漫工應挑引河遵旨在对岸西南
孟家莊灘面就其兜灣之處開挑引河直對
漫口迤東十五堡甚為得勢得旨不可迎合
惟期得地利順天時及早合龍救萬民之命
為急○四川總督勒保奏審明兇狡不法兵
丁必須立彰刑憲以儆兇頑得旨所辦俱是

軍機處

五

流離甫定應用重典不宜姑息

軍機處

四

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十二

[illegible]

稽察欽奉
上諭事件及編辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統領管理戶

御庫來客凡得賜顧者須預理正底御茶膳房御樂房壽院四庫堂等處預備功役一級隨帶一級廚常帶一級靴子一級靴子一級次
和服儀官今在接理御內番古番行差武裝總成管理諸子整齊功役一級隨帶一級靴子一級次
注法珍等奉

較修

嘉慶八年癸亥冬十月壬戌朔享

太廟

上親詣行禮○遣官祭

永陵。

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

孝淑皇后殯宮遣官祭

端慧皇太子園寢
頌嘉慶九年時憲書

癸亥

上幸圓明園
諭軍機大臣等此時川省客兵

業經全數徹完本省各官兵自未可即時議

徹該省山內老林零星未淨之賊此次各路

搜獲者即有二三十名可見匪徒未能絕跡

楚省餘匪三四十人又竄至大寧邊界此等

零匪保無因天氣漸寒暫匿山內迨至春融

復乘間出擾勾結漸多勒保務當嚴飭鎮將

實力搜擒仍加意巡防至來春永就寧謐方

可徹兵如復有萌蘖則惟該督是問又奏嘉

陵江為川省緊要之處恐零匪假充良民偷

渡川西須留兵防範川西地方久經寧謐此

時若以防範竄匪到處宣布恐愚民又生驚

疑該督惟當不動聲色密札文武各官留心
察訪勿令遺孽潛逃為要將此諭令知之
又諭上次吳熊光奏稱首逆王世輝等帶領
刀牙手二十四人往竹山奔竄此次摺內又
稱陸續湊合共有四十多人數日又復增添
看來軍營所報賊數總不確實此時該逆既
分兩起奔竄其竄往川省者吳熊光當嚴飭
麻光裕等上緊尾追與川兵夾擊其逃往順
水溪一帶者即飭李東宣等迅速搜捕務於

十月一律肅事將此諭令知之 甲子諭內
閣前因晉省行銷蒙古鹽斤日久漫無限制
諭令伯麟與旺沁班已爾會商妥議茲據籌
定章程查照從前奏案阿拉善地方每年准
造船五百隻每隻裝鹽四十石計二萬八千
斤由阿拉善王給與執照運至山西例食口
鹽各地方販賣等語內地行銷口鹽原因軫
念窮苦蒙古令其藉沾餘潤向年由水程運
販行之已久奚忍加之厲禁頓至窮乏然不

定以限制則口鹽私販日甚增添船隻偷越
原定地界以致官引滯銷累及內地商民亦
非一視同仁之意此後著照伯麟所奏以明
年二月為始所有蒙古水運鹽斤照舊例每
年用船五百隻裝載額定鹽斤均由阿拉善
王旺沁班已爾給發執照交與地方官並各
卡巡委員驗明放行其所收執照俱彙送巡
撫衙門查對數目相符再行銷燬此外不得
再逾定數如有越界多販者即照內地查拏

私販之例一律辦理該撫仍當隨時留心稽
察勿任官員等稍有騷擾致滋弊端至該處
鹽斤經此番立定章程內地行銷鹽引地方
更無阻滯該鹽政等惟當督率商民妥為經
理不得再有藉詞鹽錯以副朕柔遠便民一
律施恩至意 又諭現在直隸長垣東明開
州三州縣因豫省黃河漫口下注被水成災
已飭令布政使瞻梓攜帶銀兩前往辦理撫
卹事宜但時屆冬令小民田廬儲蓄猝被淹

浸飢寒交迫。朕心深為軫念。著再派鴻臚寺卿通恩候補卿姜開陽馳驛前往該處。督同地方官實力經理。務令惠澤及時。下逮災黎。不致失所。俟督辦十餘日。賑卹各事。具有章程。即由該處馳赴山東張秋一帶。查勘運河被灌情形。回京覆奏。○倉場侍郎達慶等奏。通州北門外溫榆河。為糧船起卸之所。現在河形東徙。請開派大臣勘驗疏濬。得旨。著長麟戴均元前往會勘興工。○乙丑

上以萬壽節御同樂園賜王以下文武大臣蒙古王公等食。至戊辰皆如之。○諭軍機大臣等。據多善等奏。葉爾羌城垣年久傾圮。業經阿奇木伯克阿克伯克等帶領回子等自行修理等語。葉爾羌城垣年久傾圮。自應勘估具奏。動用公項修理。不可稍累回民。即回子等感恩報効。亦應請旨興修多善等並未先行具奏。任意擾累回民。修理城垣一千一百餘丈。殊屬非是。除將多善等嚴行申飭外。並

通諭新疆各城將軍大臣等嗣後凡遇工程該將軍大臣等務須請旨遵辦。不可以多善並不具奏。即行擾累回民也。○又諭額勒登保奏三省蕩平以來已逾三月。而南山零匪今復有二三百人。且到處掠食搶船渡江。肆行無忌。現在竄至西鄉。已與川省毗連。額勒登保當速行知會勒保。札令田朝貴帶兵迎剿。兩面夾擊。若能在陝境就地殲淨。更為妥善。額勒登保當知愧奮。毋再因循。致干重

譴。將此諭令知之。○以葉爾羌阿奇木伯克等率領回衆自修城垣。賞玉蘇布塔木薩克托克托尼雜爾花翎。○戶部議准陝甘總督惠齡疏報。烏嚕木齊塔西河所開墾地十七頃十畝。照例升科。從之。○丙寅命酌留山東荷澤濮范鄆城曹定陶壽張陽穀東昌等州縣衛應運米麥豆十一萬餘石於本省備賑。○丁卯

萬壽節遣官祭

太廟後殿○遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵○遣官祭	顯佑宮	東嶽廟	城隍廟○	上詣	安佑宮行禮○御正大光明殿皇子及王以下文武大臣官員蒙古王公等行慶賀禮○己巳雲貴總督琅玕奏生擒賊目別的松並首逆恒乍綱家屬出力人員叅將成文等升敘
----------	----	----	-----	----	-----	----	----	-----	--------	-----	-----	------	----	---

清 實 錄 嘉慶八年十月

有差○庚午	上詣	大高殿	壽皇殿行禮○還宮○以查辦威遠思茅一帶刀永和仇殺起釁並孟連土司與銅金爭界及驅逐偷渡過江之裸黑三事妥協完竣賞雲南巡撫永保二品頂帶花翎加道員敘桂按察使銜知府福桑阿道銜總兵官書成等下部議敘○免河南封邱滑祥符蘭陽考城陽武延津七縣水災新舊額賦○辛未	皇后千秋節宮內行禮如儀停止筵宴及在外公主福晉命婦行禮○命廣東惠州府糧捕通判仍駐府城毋庸移駐陸豐縣甲子司地方從總督倭什布請也○壬申	上詣	雍和宮行禮○以	孝淑皇后梓宮奉移	山陵前期至靜安莊殯宮奠酒○還
-------	----	-----	--	--	----	---------	----------	----------------

六三七

雍和宮駐蹕○諭內閣軍機大臣會同戶部議奏。嵇承志馬慧裕懇請暫開衡工捐例一摺。國家偶值度支繁費之時。請開事例。原非得已。此次豫省衡家樓漫口工費甚鉅。若非軍興八載。節次動撥餉項數逾千萬。即該河督等合詞籲懇。朕亦斷不允行。今大功雖經底定。而一切善後事宜。尚多需用。復值此河水漫溢。亟須剋期堵築。工程緊要。刻不容緩。不得不寬為籌備。著姑准所請。暫開衡工事例。

一俟該處漫工告竣。即降旨停止。所有應行覈定條例。著即會同吏兵二部詳議具奏。雲貴總督琅玕奏報生擒首逆恒乍。綱得旨嘉獎。下部議敘。賞道員豐紳知州史紹登花翎鄉勇末君相千總銜並藍翎餘加銜議敘有差。○以京營左翼總兵范建豐署

萬年吉地總管內務府大臣右翼總兵恭阿拉兼攝左翼總兵。○以江南太湖協副將孫廷璧為狼山鎮總兵官。○賞已革兵部侍郎江

蘭七品小京官命赴南河効力。○免直隸長垣東明開三州縣水災額賦。已徵者作為次年正賦。○緩徵江蘇句容六合鹽城碭山邳山陽阜寧清河桃源安東寶應銅山蕭宿遷睢寧十五州縣淮安大河徐州三衛被水被旱漕糧額賦。○癸酉

上至靜安莊臨送

孝淑皇后梓宮啟行。○詣

火神廟拈香。○甲戌緩徵安徽鳳陽壽鳳臺

懷遠定遠泗盱眙五河宿靈璧天長十一州縣及各衛水災新舊漕糧額賦。○緩徵甘肅寧夏平羅二縣被水馬廠租賦。○丙子諭內閣。昨倉場侍郎達慶條奏。請令直省捐納義監生一摺。朕披閱之下。即謂其說不經。因交廷臣集議。今據大學士會同該部議駁。國家正供歲有定額。若如該侍郎所稱。將每歲應交地丁銀四十兩以上者。定為四五十倍。按數合計。彙總交納。准作義監生。免其租賦。差

徭以終其身等語是直欲將數十年之賦額併徵於一時自古無此取民之制竟不知該侍郎何所引據忽創此無稽之言妄行陳奏不惟其事斷不可行即形之章牘亦不成話室礙不通紕繆已極除照部駁不准外達慶著交部議處以為率臆妄言時事者戒○諭軍機大臣等勒保稱此起楚匪入川有悔罪投誠之意殊不可信惟當飭令該鎮將實力搜緝斷不可墮其術中此為最要德楞泰勸

盡陝境餘匪後回至川省亦當督飭往來邏察總期明歲春和一無萌動再將兵勇撤回毋得稍涉大意至覆奏長麟條奏各款所見多與朕意相合民間堡寨係因避賊所築此時地方肅清小民等移家下寨安居其有重資修築及舊有居民不願搬移者亦應聽從民便至四面無依處所祇當勸令自行拆毀若官為辦理轉恐胥吏擾累其收繳兵器亦應如所奏辦理民生良莠原不在兵器之有

無即全行查繳如果民心未靖亦不能保其不復私造惟當飭知地方官妥為緝緝隨時查察其寨長充當鄉正如果三年奮勉應如所議旌以花紅扁額若准其加級請封殊非體制應毋庸置議將此傳諭知之○丁丑諭內閣嗣後凡遇朕御養心殿召見時除內廷諸臣例得由內右門行走者仍照舊行走外其餘文職三品以上武職二品以上各大臣內有年逾六十者均加恩著奏事處官員帶

領一體由內右門出入以示體卹○又諭策拔克巴寧阿奏審明偷砍木植案內受賄故縱及透漏消息得贓賣放各官兵先行定擬一摺據稱高麗溝地方係邊外濱海之區奸民等偷砍木植潛往積聚分運販賣由來已久乾隆五十六年前任將軍琳寧派員嚴拏焚燬窩棚木植等語是該處奸民聚集偷砍木植轉運販賣已非一日琳寧在將軍任時既經查出即應將拏獲之犯根究首夥審明

治罪並嚴查該管官兵等有無得賄賣放情
弊據實叅奏辦理則奸民等及不肖弁兵知
所儆畏自不敢復蹈法網且彼時就案懲辦
或尚不至牽涉多人盡罹重罪乃琳寧並不
奏辦祇將窩棚木植焚燬以致奸民等竄跡
日久匪黨漸多竟敢搭蓋窩棚設爐造船偷
運私砍木植毫無忌憚而卡倫官兵亦遂玩
法營私得受銀布肆意放行年復一年釀成
巨案皆由琳寧辦理不善而接任將軍晉昌
及副都統成林又未嚴查整頓所致今晉昌
成林已經褫職琳寧著交都察院議處至已
革佐領崔守興前署城守尉時科斂鋪商收
受屬員盤費此次復寄信城守尉賡寧囑令
燒燬窩棚實屬貪黷不法已革驍騎校福慶
經賡寧派往燒燬窩棚膽敢串通作弊私受
賄銀馬兵烏勒清額說事過財又復隱匿一
半贓私均屬大干法紀崔守興福慶烏勒清
額俱著即行處絞以彰國憲而儆貪官已革

城守尉賡寧雖未得有贓私但聞信後懼干
處分輒派人燒燬窩棚希圖滅跡以致奸民
遠颺情罪亦重著照所擬發往伊犁自備資
斧効力贖罪李景善係將軍衙門委官竊聽
信息輒以崔守興平素優待圖盡私情向其
告知以致輾轉漏洩亦屬翫法策拔克等擬
照旗人犯杖徒罪鞭一百枷號四十日殊覺
過輕已革佐領烏爾圖那蘇圖係奉派管逐
閒人乃轉以竊聽之言向將軍家人多福訶
問以致李景善在旁聞知送信是此案漏洩
實始於該犯策拔克等擬以革職亦屬過輕
已革佐領額勒經額既稱好官聞有查辦偷
砍木植之案即應等候差委查拏之恒福到
時協同緝捕乃輒令燒燬窩棚縱犯遠颺六
十九條屬馬兵設崔守興差令送信時給以
封函令其齎往伊並不知內係何事尚無不
合今崔守興既明告以燒燬高麗溝窩棚之
語該犯輒聽從前往即係通同漏洩情節亦

重李景善烏爾圖那蘇圖額勒經額六十九均著發往烏魯木齊自備資斧効力贖罪均永不敘用其餘案犯著交刑部覈擬具奏至案內應行追繳贓款銀兩除各該革員名下應追銀數仍勒令各該家屬完繳外其兵丁等應追銀數著一併覈計分別於晉昌名下著賠六成於成林名下著賠四成以示法外施仁之意○以西寧辦事大臣都爾嘉為鑲白旗蒙古副都統○旌表守正捐軀直隸臨榆縣民王均妻王氏○蠲緩山東濮河澤范壽張陽穀東阿平陰東平鄆城肥城利津蒲臺濱定陶曹莊平聊城東昌十八州縣衛水災本年額賦並賑卹有差○戊寅
上啟鑒恭謁
西陵並臨視
孝淑皇后梓宮奉安地宮○
孝淑皇后梓宮至
陵

皇次子 遜向
泰陵
泰東陵恭代行禮奉安於正殿
皇次子奠酒舉哀行禮王以下文武大臣官員均隨行禮○免蹕路及
孝淑皇后梓宮經過各地方本年額賦十分之五○是日駐蹕黃新莊行宮○乙卯命起居注官凡遇恭謁
泰陵
泰東陵照例侍班不必隨至太平峪○以唐儒韓愈後裔錫爵襲五經博士○旌表守正捐軀湖南安福縣民汪昌奉妻王氏○是日駐蹕半壁店行宮○庚辰以
孝淑皇后梓宮奉安地宮前期遣官告祭
天
地
太廟
奉先殿

社稷○諭軍機大臣等楚省現報並無賊匪蹤

跡殊未可信即使楚境實無餘孽現在陝省

山內餘匪一百七十八人竄至川境設使復

偷竄入楚亦不可不嚴為防禦吳熊光惟當

督飭慶溥等於各處山內嚴防會哨務期實

在肅清不留遺孽所有兩廣湖南官兵總俟

川陝一律搜捕淨盡額勒登保班師回京德

楞泰亦回成都將軍之任方可撤令歸伍此

時毋庸亟亟將此諭令知之○是日駐蹕秋

實錄卷二二一

十一

瀾行宮○辛巳駐蹕梁格莊行宮翼日如之

○壬午

上恭謁

泰陵

泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○

孝淑皇后梓宮奉安行遷奠禮畢奉移於

蘆殿

上親臨奠酒舉哀畢至

妃園寢賜奠遣官祭

后土之神

永寧山神○以

萬年吉地工程堅固宏整賞監工大臣公盛侔

雙眼花翎侍郎范建豐花翎餘賞賚加銜議

敘有差○癸未

上至蘆殿

實錄卷二二一

十二

孝淑皇后梓宮前奠酒俟奉安地宮禮成

親臨視奠畢命

皇次子○行禮王以下文武大臣官員均隨

行禮○諭軍機大臣等江南徐州一帶黃水

現在斷流河身必多淤墊儻河歸故道而下

游轉多高仰仍恐或有潰溢所關非細黃河

全體如人之一身四支百骸務令血脈通暢

則無疾病稍有壅滯則必有痛楚之患著吳

璚親往徐州確勘應挑工段趕緊興辦其蕭

碭以上與豫省交界至封邱一帶恐亦有淤淺處所不可稍存畛域之見○伊犁將軍松筠奏每年操演伊犁八旗兵丁日久恐致廢弛請於歲終將勸懲之處具奏報可○以孝淑皇后梓宮奉安地宮禮成予理事王大臣及執事各官議敘並賞賚有差○予直隸辦差各官議敘○是日迴鑾駐蹕秋瀾行宮○甲申駐蹕半壁店行宮○乙酉

實錄卷五十五

十九

上御行殿勾到河南山東情實罪犯停決河南斬犯一人絞犯十五人山東絞犯十八人餘九十人予勾○是日駐蹕黃新莊行宮○丙戌

上詣

大高殿行禮○還宮○丁亥

上御懋勤殿勾到山西情實罪犯停決斬犯十五人絞犯四人餘三十三人予勾○軍機大臣等議准欽差侍郎貢楚克扎布奏定青海蒙古野番諸制一定界設卡以資防守○立鄂

清 實 錄 嘉慶八年十月

博使不得私越一設頭目給銅頂使野番有所約束○循化貴德兩廳營令每年會哨使知震懾○民番交易示定期以便稽察○劫奪殺傷以交蹤相驗為據使不得捏報○明示勸懲以靖盜源一不容蒙古野番人戶混處以絕串通一兩廳營定為三年更替衡其功過以專責成報可○禮部奏朝鮮國王李琄咨稱盛京高麗溝偷砍木植奸民劉文喜等六名竄至該國令地方官嚴緝獲犯劉青山蔡法二名劉文喜等乘間復竄已將龍川府使等拏勘

實錄卷五十五

二十

上嘉該國王情詞恭謹並以首犯已於山東緝獲令禮部傳諭該國王將勘處之員寬免○以孝淑皇后奉安禮成寬免前會奏奉安事宜摺內措詞不經之王大臣官員處分賞還大學士保寧太子太保○戊子諭內閣向來孟春太廟時享係於正月上旬諏吉舉行非如夏秋

六四三

冬之必於孟月朔日著有定期者可比且較之

祈年祀典定以辛日將事者亦屬有間因思祭

期若在正月初四五六等日則初三日適當

致齋之期正值

皇考高宗純皇帝忌辰是日朕若仍御青袍青

褂則

廟祀為重若竟御齋戒常服朕心實切不安即

臣工等常服將事亦究有未協禮緣義起自

實錄卷百三

至

當斟酌變通明年孟春時享祭期本擇於正

月初六日但既係蠲吉舉行即非不可改移

之期檢查嘉慶元年以來正月初八初九等

日均曾練日明禋明歲正月初八日亦係吉

期即著改於是日舉行孟春時享典禮嗣後

孟春時享日期總於正月初八初九初十等

日內擇吉舉行著為令○諭軍機大臣等鐵

保奏沿河地方籌畫修築隄埝等事自當以

次辦理所派之崔映辰劉大紳李如珩三員

朕亦知其居官素好自能妥協百姓皆吾赤

子不但官與民親即朕痼瘕在抱亦與閭閻

休戚相關果能仰體德意實心辦理民事則

得其心者即得其力何患不治惟在該撫倡

率經理急公趨事以衛民生為要將此傳諭

知之○以喀什噶爾叅贊大臣托津為倉場

侍郎未到任以前以理藩院左侍郎貢楚克

扎布署理兵部左侍郎成書兼署戶部右侍

郎○調鑲藍旗漢軍副都統明興為正黃旗

實錄卷百三

至

滿洲副都統以內閣學士薩彬圖兼鑲藍旗

漢軍副都統禮部左侍郎恩普兼鑲黃旗漢

軍副都統○調葉爾羌幫辦大臣和寧為喀

什噶爾叅贊大臣賞降調倉場侍郎達慶頭

等侍衛為葉爾羌幫辦大臣○己丑

上御懋勤殿勾到朝審及直隸情實罪犯停決

官犯六人斬犯二人絞犯十人直隸絞犯十

一人餘五十五人予勾○湖南巡撫高杞奏

查明擒捕永綏九里癩苗出力員弁總兵官

富志那同知傅鼎等下部議敘餘升擢有差
○以內閣學士王汝璧署吏部右侍郎○庚寅

上詣

昭顯廟拈香○辛卯

上詣

奉先殿

壽皇殿行禮○諭內閣向來秋朝審人犯內有
屢經緩決三次以上人數積多每屆數年諭

實錄卷五十一

三十三

令刑部堂官量為查奏減等以示法外之仁
今自嘉慶五年十一月查辦之後至本年秋
揪入緩決者又積有一萬餘名為數已為不
少著刑部堂官將本年秋朝審緩決三次以
上各犯照節次查辦之例逐一查明所犯情
節分別減等發落以昭矜恤該部即遵諭行

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十二

實錄卷五十一

三十四

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百二十三

駐修總裁官體道可堪起居注官李太傅武英殿大學士之洲間領閣事稽察欽奉
上諭事件處管理理部事務翰林院掌院學士隨帶

加級尋常品級
曹振鏞
戴均元
趙晉
張蔭桓
屠澤宣
于少保
內大臣文淵閣提舉閣事

精察錄
上諭事件處協辦大學士、部尚書翰林院掌院學士數習庶吉士總管內務府大臣鑲黃旗滿洲都統步軍統領管理戶部

康泰宏統清補固等處總理三程處卸茶膳房御藥房之醫院西洋掌事務軍功加三級隨帶聖恩尋常字五級紀錄五次臣英和謹奏

子又保禮部尚書上書房行次武英殿總管理園子監事務加六級隨帶加二級紀錄四次

教修

嘉慶八年癸亥十一月壬辰朔賑山東齊東

平集本

1

霑化二縣及東平所被水災民並蠲緩額賦
給青城惠民海豐濟陽四縣水災貧民一月
口糧緩徵城武鉅野單長清齊河厯城鄒平
長山禹城九縣額賦有差○癸巳諭內閣據
全保奏拏獲蒲圻縣糾衆滋事首從要犯審
明辦理一摺已交刑部速議具奏矣地方官
吏如果貪酷虐民或有重徵苛派等事擾累
閭閻以致激成事端必應嚴行叅辦以儆官
邪為上官者斷不可稍存迴護屬員之見若

卷之三

一

徵收錢糧小民惟正之供而刁劣衿民把持抗納以及造言唆訟播弄鄉愚致被惑多人釀成巨案似此刁風亦斷不可長自當繩之以法從嚴懲辦以期鋤莠安良總在直省督撫大吏秉心公正寬嚴得宜不袒庇墨吏奸胥亦不妨息刁衿惡棍平時多方化導遇事權衡曲直無倚無偏庶吏治肅清民風日臻淳厚將此通諭知之○諭軍機大臣等長垣等三州縣被水雖蓋藏尚未漂失而流離失所情形已可想見該藩司惟當實力撫綏毋使一夫稍有失所如大賑放完後尚需接濟卽著奏請現在豫省興工仍當出示曉諭災民等實在貧無儲蓄年力強壯者即當赴豫省工次傭工趁食藉資餬口庶不致為飢寒所困將此傳諭瞻柱知之○旌表守正捐軀山西榆次縣民韓琮母杜氏○甲午遣官祭先醫之神○諭內閣前因陳大文奏臬司珠隆阿任性喜事於查拏訟棍株累多人士民

頗有怨言。朕恐其有恃功驕恣之處。特降旨令阿林保密查據實覆奏。茲據該撫奏稱。珠隆阿辦理案件過於嚴刻。究其意在為公。尚無營私情弊等語。珠隆阿本係提督衙門司員出身。其性情粗率。朕所素悉。此次如果有妄掣無辜。及審斷不公等事。必將伊立加懲辦。斷不因其前此曾著微勞。稍為曲貸。今既查明該臬司平日訪拏各犯。均係不安本分之徒。並非良民。即陳大文原奏內稱現有安徽民人陳接三在監敲指血書赴總督衙門鳴冤一事。亦據該撫說明該犯曾代人作詞。得受錢文。經委員審擬枷杖罪名。珠隆阿恐有唆訟別案。駁飭研審。亦係應行懲究之犯。至其於衙署門首擺列兩眼三眼等枷。則非例所應用。未免故示嚴厲。看來珠隆阿為人勇幹。是其所長。惟地方事件。未能細心講求。往往不知大體。以致物議紛滋於外。任殊不相宜。珠隆阿著來京以五品京堂補用。所遺

安徽按察使員缺著鄂雲布補授。至阿林保以臬司舉措失宜。未能即時陳奏。自請交部議處一節。該臬司現在並無妄掣枉斷情事。該撫接奉諭旨。即據實查奏。尚無瞻徇。所有自請交議之處。著加恩寬免。○諭軍機大臣等。吳璥奏查勘邳宿運河豫籌明春濟運一摺。此次吳璥會同吉綸熟籌中河事宜。欲將邳宿汎內各閘照舊挑通。並於宿桃交界河寬水淺之處。築束水草壩以資掣束。並挑挖古淺新淤。使水有滯蓄。不至直瀉以利運行。所辦俱合機宜。吳璥既知先從淺阻一邊著想。所見甚是。但必須言行相符。切勿僅作紙上空談。務宜趕緊挑築。設法節宣。使來歲重運經臨。不致阻滯。方為妥善。至另片奏前赴徐州一帶查看黃河水已澄清。而河面仍寬闊如故。水深七八尺至一丈以外。其自徐城以下。銅沛邳睢等處。河身遶覺淤墊。至山海各廳愈形高仰。細揣其故。究係海口去路不

暢等語。自豫省封邱汎漫口後。徐州一帶。早經斷溜。無源之水。自易消落。乃至今徐城北門外。尚停蓄七八尺。至一丈不等。其為海口壅塞。去路不通無疑。實屬全河大病。其受病之由。諒非一朝一夕。若不疏通尾閘。則河身仍多淤壅。水勢日見其高。僅於各工增卑培薄。年復一年。伊於胡底。且海口不能暢行。即使豫省剋日合龍。河流暫復故道。祇可為目前補苴之計。而水無歸宿。日久仍不免有壅

潰之患。所關匪細。所費益多。聞用混江龍鐵籠子等具。亦屬疏濬之一法。現在是否行之有效。此外有無經久良策。著吳璥通盤相度。設法妥籌。如何使海口不致壅塞。即需費較多。亦不妨據實具奏。將此諭令知之。○以查拏高麗溝偷砍木植案犯。將荒火捏報放火燒山。拘拏無辜冒功。降興京城守尉福長安。為驍騎校。○旌表守正被戕河南光州民胡約妻向氏。山西忻州民郭二子妻宿氏。○乙

未。

上詣

時應宮拈香。○丙申

上御太和殿視朝。王以下文武升轉各官謝恩。

○封陝西

終南山神為寧民顯佑之神。並頒發

御書扁額曰壽民佑正。從巡撫方維甸請也。○

賜貝子載錫子名奉慶。○丁酉

上御乾清門聽政。○諭內閣大學士九卿會議

勅保奏清查軍功頂帶一摺。軍功等幫同官

兵勦捕出力得有頂帶。其情願入伍者。自應

按照頂帶分別拔補。惟此內四品軍功一項。

品級較大。當時自因其勞績出眾。是以逾格

賞給。今議以千把總兩項兼補。尚覺銜級懸

殊。所有四品頂帶各軍功。著加恩專以千總

拔補。此內再查有曾殲擒有名首逆勞績尤

著者。即格外施恩。准其奏明以守備補用。其

五品以下各軍功。有似此者。亦查明加等拔

補至現在清查之時誠恐無知鄉愚平日不無捏飾情事該地方官惟當廣為曉諭以此時查辦軍功頂帶全憑執照為驗須於執照上註明年貌籍貫三代再行給發若不能呈出執照則弊混顯然將來如有查出假冒頂帶者即按其假冒頂帶之大小分別罪名之輕重如此剴切諭知庶名器不致冒濫而辦理亦無紛擾餘俱著照所議行○以大理寺卿榮麟為內閣學士兼禮部侍郎銜鴻臚寺

卿通恩為大理寺卿○戊戌諭內閣朱珪英和奏請將敬一亭兩旁舊刻前明嘉靖六年兩碑細為刮磨恭繕乾隆九年

臨幸翰林院

諭旨及朕此次幸院諭旨摹勒上石以光盛典並鈔錄明時碑文進呈因屬臣下尊崇本朝令典之意但前明所建兩碑幾及三百年且詳閱碑文係飭修明倫大典古帝王之勅諭亦不可輕去若磨去原碑將我朝幸院鴻臚儀

改為刊泐亦不足以昭盛美所有前明兩碑毋庸更動朱珪等既欲摹刻

皇考高宗純皇帝諭旨及朕此次諭旨著即於該院署內製造扁額敬謹懸挂垂示藝林永彰盛軌○又諭湖北學政茹荼因蒲圻縣劣衿熊士鰲抗糧縱兇滋事自請議處一摺各省設立學政原欲其化導士子訓俗型方非徒以校閱藝文遂稱盡職蓋士為四民之首學政於平日誠能盡心訓迪令士子循循然

動遵法度而士子等又各於鄉黨中互相勸喻俾人人知尊君親上之義則奸宄潛消善良蔚起士習端而民風厚所謂經正則庶民興庶民興斯無邪慝也今熊士鰲身列膠庠敢於抗糧縱兇釀成龔如昇等糾眾劫獄鉅案此等劣衿自由平時失於教導所致茹荼到任已久咎有應得著交部議處至各省學政職司學校有教士之責與其俟該生員等有抗糧包漕唆訟武斷種種不法之事犯而

後懲。曷若正其趨向。遷善遠罪。而不自知。總之道政齊刑。末也。道德齊禮。本也。德禮之化。非平日漸摩涵育。焉能蒸蒸丕變。著通諭各學政。務宜敦崇教化。庶庠序皆循規矩。問閭得資表率。用副朕端本善俗至意。○諭軍機大臣等。秦承恩奏。廣昌匪徒賴達忠等勾結寧都李步高。石城廖幹周等。欲圖搶掠。經該縣會同都司先期往捕。首犯廖幹周。李步高。胡儀書。殺斃。李天奇。生擒。此外殲斃捕獲者。不下千餘名。該犯因何起事。李天奇是否與廣昌寧都兩處同夥。抑或另為一起。據稱搜獲布旗鐵礮軍器符咒等件。看此情形。竟係謀為不軌。鐵礮軍械。非倉卒所能造辦。蓄謀自非一日。該處與閩界毗連。或恐有鹽梟在內附和。著秦承恩詳細研鞫。根究下落。固不可過事搜求。亦不可稍有疏縱。總當將起事根由及現在辦理情形。據實具奏。稍有粉飾。張誠基即前車之鑒。○調湖南按察使韓鈞

為福建按察使。浙江按察使金應琦為湖南按察使。福建按察使文需為浙江按察使。○上以冬至祀天於圜丘。自是日始齋戒三日。○己亥。諭內閣。給事中汪鏞奏。據捐職照磨金庚嶺呈遞封口摺件。懇求轉奏。當將原封進呈。該給事中職司言事。於此等呈遞封摺。即行奏明呈覽。使草野數陳。不致壅於上聞。所奏尚是。至金庚嶺陳奏各條。朕詳加披閱。尚均與時務有裨。如所稱申禁私用鎗棒一條。小民等生長昇平。自應循分守法。是以私藏軍器。本干例禁。收繳烏鎗。歲有常令。鄉閭無賴之徒。即不敢擅用烏鎗。或執持刀棒。各項軍械。開場鬪舞。賣藝斂錢。而無知惡少。被其愚惑。必致結黨逞兇。釀成事端。地方官等自當申明嚴禁。其械馬流伎。以及抓杆盤槓。蹬鐔拔梯等事。男女混雜。最為風俗人心之害。從前教匪首逆齊

王忬即係械馬倡伎始則淫蕩惑人旋且勾結滋事亦應申嚴例禁以正民風至職官蒞任多帶官親僕從稽察難周以致百弊叢生實所不免即如前次玉慶蘭放長蘆鹽政時朕詢之伊父琳寧據稱外薦長隨有百餘人實屬可鄙當經降旨諭令裁減此等外官積習該督撫自當通飭屬員定以限制至於同寅會賂或文武同局或堂屬合場尤為有玷官方必當嚴切查勘至審理獄訟本有定制若州縣等遲逾不結或任胥吏勒索耽延民間苦累難堪往往致來京籲訴案牘繁滋如朕日理萬幾遇有應行查辦之事即飭所司訊斷從無稽閣地方官果能似此急公自矢則依限審結獄訟自當減息而閭閻亦不致為所拖累又所稱肅營伍以重戎政查關津以便行旅國家修明武備訓練本有常經設立關郵稅權亦著有定額如果有廢弛抑勒等弊自當嚴行整頓其請除漕糧潮濕虧折

之弊及將運丁應領餘米羨剝等銀全抵茶果二款是否可行著倉場侍郎詳細覈議具奏又據稱勅令河督等派官辦理埽料及豫防隄堰二條均係為河防起見金庚嶺著即以本職前往豫省河工交與那彥寶等差遣委用如該職員到工後果能勤奮辦公有格外出力之處著那彥寶等於衡工合龍後據實保奏加恩錄用○賞已革盛京副都統成林藍翎侍衛在大門上行走○淮安插江寧之安南夷人閉阮傑等回國並賞路費有差○緩徵江蘇淮安徐州海三府州屬歷年水災未完額賦○庚子

上詣
南郊齋宮齋宿○辛丑冬至祀
天於
圓丘
上親詣行禮○遣官祭
永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子

孝淑皇后陵寢○遣官祭

端慧皇太子園寢○停次日朝賀○諭內閣

扎郎阿管理太常寺事務有年於一切典禮

素為諳悉本日恭祀

南郊唱贊趨承恪恭妥協因思扎郎阿之子圖

薩日前踢傷伊炳阿斃命一案彼時扎郎阿

扈蹕熱河並非知情故縱三法司審明定擬

絞候覈其啓釁之由實緣伊炳阿與圖薩先

有口角旋復至圖薩門首尋鬬維時已屈昏
夜圖薩正欲睡卧伊家人住兒等進內告知
圖薩出外欲向伊炳阿撲打被家人倪三攔
住圖薩欲將倪三踢開適傷伊炳阿腎囊致
斃是圖薩究屬誤傷與恃強逞兇者有間常
犯似此者必入緩決即明年辦理秋讞圖薩
亦不應在情實之列尚可量予寬貸著加恩
在刑部衙門令伊父扎郎阿眼同決責四十
板即行釋放交扎郎阿帶回園禁在家嚴加

管束不許出外滋事此係朕細覈案情本可
末減是以格外施恩並非因係扎郎阿之子
曲為寬恕設大臣子弟中竟有謀故逞兇等
事則較之平民尤當從嚴懲辦也嗣後各大
臣等務宜禁約子弟安分守業勿滋事端以
致身罹罪譴而為大臣子弟者尤當各自檢
束不可輕蹈法網有玷家聲若因此旨不知
自惜故為犯法之事必仍執法重懲決不姑
容勿忘朕教誡成全至意○以

南郊大祀風日晴明。為來歲豐稔休徵。予執事官員議敘。○以二等侍衛阿爾塔錫第為庫倫辦事大臣。駐藏幫辦大臣福寧為辦事大臣。藍翎侍衛成林為幫辦大臣。乾清門侍衛隆福為喀什噶爾幫辦大臣。調喀什沙爾辦事大臣納清保為庫車辦事大臣。哈密辦事大臣麒麟保為喀什沙爾辦事大臣。以三等侍衛景熠為哈密辦事大臣。○壬寅諭內閣。據吳熊光奏。自上年川陝零星餘匪。聞有闖入楚境該處防守。多抽調協捕。未能悉赴邊卡。且楚省邊界綿長。所設邊卡。俱在深山老林。時屆冬令。節候沍寒。而本年鄭宜一帶收成稍歉。食物昂貴等語。該省防兵。應得分例無多。若將馱折餘丁。及客兵例加鹽菜銀四錢。概行裁減。未免拮据。除北路與陝省交界之鄭西縣久已肅清。原設防兵。仍照奏定章程酌減支給外。著加恩將南路與川省交界防邊官兵。應得分例暫緩裁減。照征兵一體

支給。俟將外省官兵全數撤回。止留本省官兵彈壓時。再行遵例酌量裁減。以示體卹。○又諭據鑲白旗滿洲都統奏。稱養育兵烏什杭阿路旁拾銀一百七十餘兩。呈報叅領未敢入己。一摺。烏什杭阿以養育兵路拾遺銀。因未尋得原主。不敢私昧。即申報叅領。甚屬體面。不愧滿洲淳風。朕深欣悅。烏什杭阿著加恩即挑補領催。仍賞戴金頂賞銀五十兩。並著將此通諭八旗。凡有行止卑鄙者。朕必嚴加懲辦。似此性行篤誠。必優加獎賞。我旗僕等其交相勸勵。用副朕教養成全至意。○鑲藍旗蒙古都統阿克棟阿老病解任。以鑲黃旗護軍統領春寧為鑲藍旗蒙古都統。調正紅旗護軍統領綿志為鑲黃旗護軍統領。以己革正紅旗護軍統領阿哈保為正紅旗護軍統領。調正黃旗漢軍副都統裕瑞為鑲紅旗滿洲副都統。以副都統銜格布舍為正黃旗漢軍副都統。○以捐貲築堤于山東官

員生監等加銜有差○緩徵湖北興山巴東二縣旱災額賦○癸卯諭內閣刑部題覆福建清流縣民人劉庭觀等追逐林長發等落河淹斃四命一案將劉庭觀依毆死一家二命及毆死三命而非一家者例擬絞立決覈其情節林得勝因貧難度將妻吳氏嫁賣劉庭觀為妻並伊兩子初僇久僇隨至劉庭觀家撫養言明長成歸宗於伊妻身價內扣銀十五兩作為養費嗣林得勝將銀花盡欲將

兩子領回另賣並索還扣存飯食銀兩劉庭觀同吳氏不允林得勝旋邀林長發林義發黃賜羅上鶴於四更時分至劉庭觀家搶抱兩子跑走劉庭觀遂喊同劉成姑等往追林長發等貪近小路逃避誤涉深水均各淹斃至此案劉庭觀於林得勝初次向伊索還兩子時曾據林得勝供稱劉庭觀同吳氏恐領回後兩子凍餓是以不允給還迨經林得勝搶抱過手劉庭觀邀人往追欲行奪回其意

尚為撫養幼孩起見且被搶時並無逞兇鬪毆情事而林長發等四人落水淹斃係因黑夜避走小路涉河誤入深處所致劉庭觀等趕至河邊即已轉回亦非追逼致斃惟事關四命未便遽從寬減劉庭觀著改為絞監候秋後處決餘依議○甲辰

聖祖仁皇帝忌辰遣官祭景陵○

上詣

壽皇殿行禮○諭內閣本日朕詣

壽皇殿行禮出神武門時有昨日簡放張家口監督之內務府堂郎中廣惠在道旁撻頭及朕回宮又有本日內務府奏署堂郎中之六庫郎中伊昌阿遮署六庫郎中之都虞司郎中廣泰在道旁撻頭甚屬膽大妄為各部院司員職分較小向來遇有加恩事件從無撻頭之例即如張家口監督一缺設簡用宗室及部院司員伊等必不敢違例撻頭今廣惠

以內務府司官輒倣效大員體制。而伊昌阿等僅係遞委署缺亦相率效尤。又無總管內務府大臣帶領實屬踰分。若六部滿漢司官升遷調轉徑行見朕謝恩。成何體制。伊等妄冀道旁瞻仰朕即可記識其人。遇有鹽政織造關差等缺或可邀恩簡用。此實內務府人員昏夜乞憐鑽營奔競陋習。殊為可鄙。所有總管內務府大臣等均著傳旨申飭廣惠。伊昌阿廣泰並著該管大臣轉行申飭三人俱

交部察議。嗣後著該大臣等嚴行教導。儻再有不遵定制任意妄行者。定行懲治不貸。將此旨通諭各部院知之。○戶部議准陝甘總督惠齡疏報烏魯木齊塔西河所蘆草溝開墾地七頃二十畝。照例升科從之。○緩徵山東濮河澤范壽張東阿平陰濟東利津蒲臺濱霑化十一州縣並東昌衛被水村莊本年額賦並蠲緩漕項銀米。○乙巳以廣東擒獲博羅永安會匪逃犯予總督倭什布議敘賞

署惠潮道吳俊道員頂帶。○丙午旌表守正捐軀安徽霍山縣民何添尺妻包氏。○緩徵吉林等處新丈地水災額賦並免被水村莊額米。○丁未諭內閣御史體德奏扎郎阿之子圖薩業已蒙恩釋放請飭令扎郎阿出埋葬銀兩交與伊炳阿之親屬具領等語。此奏似是而非。向來刑部定例凡過失殺人及留養承祀者均分別追出埋葬銀兩給付死者之家。原以過失殺人者實係思慮所不及耳。

目所未周而留養承祀之人聲明親老丁單是以均不擬抵追給埋葬銀兩免罪釋放使情法兩得其平。若圖薩踢傷伊炳阿身死一案係屬鬪毆斃命經三法司審明按律定以絞候。日前所以降旨將圖薩釋放者祇因伊父扎郎阿管理太常寺事務有年典禮熟諳於

南郊大祀一切引贊趨承恪恭妥協細覈伊子圖薩與伊炳阿爭毆情節究屬誤傷明年辦

理秋讞亦不應在情實之列。是以格外施恩。將伊決責。仍交扎郎阿帶回。在家嚴行團禁。此不過於圖薩原擬罪名。為末減同一羈禁。免其久繫囹圄。與過失殺人留養等項。判然不同。何所用其追給埋葬銀兩乎。若如該御史所奏。凡大臣子弟中。設有鬪毆命案。俱准其交銀給付死者親屬。而應抵之罪。概從寬釋。則大臣子弟更易藐法滋事。甚至有行賄私和等弊。轉非朕教誡矜全之意矣。體德所奏。斷不可行。○又諭兵部。奏請將策拔克等分別降調一摺。策拔克查辦高麗溝等處偷砍木植一案。於初到盛京時。與巴寧阿商辦。未能慎密。透漏消息。致要犯疏縱。策拔克等知事已播揚。又輒將各處木廠查封。並拏獲商人至數百餘名。及至到官。均非此案正犯。無可問擬。遂加以笞杖罪名。從輕發落。其中雖未曾有拖累斃命情事。而策拔克等毫無把握。妄拏多人。實屬波及無辜。奚能辭咎。

策拔克著降為二等侍衛。審結此案。即來京當差。巴寧阿降為內務府佐領。仍暫署盛京工部侍郎。於新任到彼交替後。巴寧阿即在盛京辦理宮殿歲修工程。○以內閣學士薩彬圖為盛京工部侍郎。○調鑲紅旗滿洲副都統瑚素通阿為正黃旗滿洲副都統。正紅旗漢軍副都統貢楚克扎布為鑲紅旗滿洲副都統。以副都統銜喀什噶爾辦事大臣富明阿為正紅旗漢軍副都統。○予喀喇沁貝勒丹巴多爾濟子托恩多頭等塔布囊頂帶。○旌表守正捐軀廣東恩平縣民陳維才妻鄒氏。○戊申。上詣雍和宮行禮。宣仁廟。凝和廟。火神廟拈香。○諭內閣。朕諏吉於來年甲子二月初三日。臨幸翰林院。上繼。

前徽恩榮藝苑仍用唐張說東壁圖書府五律字分韻賦詩朕賦東字音字二首餘三十八字著派儀親王永璇成親王永理慶郡王永璘定親王綿恩大學士公保寧大學士慶桂劉墉董誥協辦大學士尚書宗室琳寧協辦大學士尚書掌翰林院事朱珪尚書劉權之那彥成紀昀覺羅長麟戴衢亨侍郎掌翰林院事英和侍郎錢樞王麟王懿修潘世恩戴均元劉躍雲初彭齡內閣學士蘭槐通政使曹振鏞詹事王綬南書房行走太常寺卿趙秉冲通政副使莫晉少詹事茅元銘上書房行走翰林院侍讀學士萬承風翰林院侍讀學士周兆基陳希曾侍講學士吳省蘭陳嵩慶侍讀吳鼎侍講王引之中允鮑桂星吳烜等各分一字賦詩其為字數所限不得同與賦詩者應重賦柏梁體一章朕為首倡諸臣依次聯吟俾清華列秩共效賡飏以昭盛典○調廣州副都統黃文燦為鑲藍旗漢軍副

都統○己酉申禁上控案件發原審官諭內閣恭查乾隆四十九年欽奉

皇考高宗純皇帝諭旨各省民間詞訟經州縣審斷復赴上司衙門控告者該督撫司道等往往仍批交原審之府州縣審辦在該府州縣心存迴護斷不肯自翻前案即派委鄰近之府州縣會辦亦不免官官相護嗣後如有赴上司衙門控告者該督撫即應親提人證卷宗至省秉公審辦設道路遙遠人證較多恐致拖累通省內豈無公正明幹之道府大員即當遴委前往研訊毋枉毋縱庶民情各得其平仰見

聖訓諄諄勤卹民隱至意允宜實力遵行向來督撫尋常奏案各案督參撫審撫參督審因其迹涉嫌疑令原參者迴避立義恭嚴至各省民間詞訟經州縣審斷不公復赴上司衙門控告者各督撫亦應令原審之州縣迴避或親提研鞠或派員審辦方足以昭雪民冤

乃各督撫日久怠生。往往於上控之案。仍發交原審各員訊究。該州縣心存迴護。斷不肯自翻前案。以致百姓抱屈莫伸。紛紛赴京呈控。朕亦常特派大員馳往查審。以期務得確情。督撫等皆係簡任大員。於地方事務。自應仰體朕懷。周察民情。不令少有屈抑。嗣後各省案件。如有離省較近地方。赴上司衙門控告者。即著督撫提齊人卷至省。親率藩臬臬公審訊。其犯證較多。距省遙遠。未便親提者。若令鄰近州縣前往究辦。或彼此袒護。亦不足恃。當於隔屬道府大員內。擇其公明幹練者。派委辦理。庶可以杜瞻徇之弊。而小民等亦不致冤抑難伸。特此再行申諭。各督撫等務宜遵

皇考聖訓及朕之旨。辦理儻仍沿惡習。猶將控案發交原審官員。或經朕察出。或被人叅劾。必當懲治不貸。○又諭前因御史喬遠瑛奏本年查辦貴州陝西經理軍需各員案內。有

原叅嚴加議處。而吏部僅照常例覈議者。有原叅分別嚴議。而吏部不按銀數多寡概議以降五級調用者。特發交該部詳查軍需處分例案。妥議具奏。茲據奏稱。定例各省督撫叅劾屬員。不得用嚴加議處字樣。吏部辦理此二案時。覈其情節。均屬濫支濫應。各員經理不善。咎實相同。而例無按其銀數多寡分別輕重之條。是以均照軍需錢糧擅自動用常例。一律定議等語。外省叅劾屬員。定例固有不應奏請嚴加議處之條。但既有此請經朕閱看。其中或有不應嚴議者。朕必即行更改。若既發交部議。即同奉旨嚴議。豈可不遵該部如以嚴議一節。惟特旨交部之員。照例加等。若係臣工奏請者。仍照常例辦理。即當隨案聲明。或將違例叅劾之大員據實奏。奏方為正辦。今吏部於黔陝軍需兩案。未經詳晰聲敘。未免拘泥。嗣後除特旨交部嚴議之案。仍加等覈議外。其各省叅劾屬員。如有情

節本輕而上司遽請嚴議。或情節較重。僅請議處者。著該部即將奏請處分未協之原叅督撫等。隨摺聲明。候朕定奪。○諭軍機大臣等。福建汀邵二府所屬與江西石城等縣地界毗連。雖首逆李天奇等業已就擒。尚有廖廣周及夥黨在逃。恐交界各縣境亦有匪徒勾結煽惑。王德接奉此旨。即馳赴汀邵一帶相機妥辦。如探聞江西匪徒勢尚猖獗。即酌調閩省官兵協剿。儻江西將次辦竣。王德應暫駐汀邵一帶。擇要嚴防。總須持以鎮靜。不可過事張皇。江西避難民人。現在搬入閩省者。應飭所屬妥為收卹。但須於撫綏之中。密加盤詰。恐有奸徒混迹在內。俟江西寧謐。再酌量將難民遣回。至閩省有無匪黨勾結。亦應不露聲色。嚴密訪拏。不可擾累株連。激滋事變。將此諭令知之。○庚戌。旌表守正被戕廣東三水縣民鄧枝盛妻梁氏。○辛亥。貴州巡撫福慶奏請裁銅仁府屬石硯苗弁。分設

松桃廳屬太平磐芭石茅地方下部知之。○壬子。賞八旗兵丁一月錢糧。○癸丑。諭內閣。前月朕因萬年吉地工程堅固宏整。當即將在工各員。分別給予升銜議敘。並賞緞匹銀。保奏。復降旨。加恩將各該員准以應升之缺升用。亦足以酬其勞績矣。本日汪承霈等又將曾經得賞銀錄之監修人等。擇其奮勉者。請做照各館之例。分別等第。奏懇議敘。殊屬過當。在工各員。既已疊次邀恩。何得再三煩瀆。且援照各館謄錄供事議敘之例。分別超等頭等二等開單進呈。懇予恩獎。尤為非是。汪承霈范建豐盛住富蘭俱著傳旨申飭。除另片所奏泰寧鎮左右兩營守備白明玉李坤千總陳萬邦李寧和張湧把總吳彥培張浦外。委葛瑞張克聖等。自嘉慶四年興工以來。照管物料。勤慎巡邏。尚為出力。俱著以應升之缺。先行升補外。其餘單開筆帖式吉祥

等及書算人共九十八員名奏請議敘之處均不准行著交軍機處存記現在吉地尚有應辦工程俟二三年後該員等在工如果倍加勤奮再行奏聞候朕酌量施恩○甲寅浙江巡撫阮元奏試用訓導葉機熟悉洋島情形捐貲募勇捕盜多名並救出難民三十名得旨嘉獎命以教諭升用○以捐貲助賑予浙江諸暨縣紳士周源瀛等議敘○旌表守正捐軀四川捷為縣民楊春先妻連氏○丙辰

上詣

慈寧宮

壽康宮行禮○申嚴番役子弟入仕應試之禁諭內閣御史王麟書奏步軍統領衙門請將番役一項仍准子弟居官實屬率意妄奏等語番役人等專司緝捕與各衙門隸卒無異其子孫自不准入仕應試上年特降諭旨著之令典如有再行濫請以違制論原所以別

流品而重名器今祿康等輒以招募無人仍請准其子弟居官妄行籲懇初奏上時朕即以爲事不可行勅交該部詳議具奏諒部議自必駁飭即或經部議准朕亦斷不允行王麟書據實劾奏實屬持正可嘉隸卒人等所以不准入仕考試者賤其役非賤其人尋常祇庶原係良民一經充當差捕則執役微賤自不得濫邀登進若謂係由良民而來則各衙門卑役獨不自良民來乎况上年甫經降旨定例遵行番役等從前得過頂帶不准以實缺補用其子孫應試中式者祇准留其舉貢生員不准選用官職其現在出仕者概令徹回今未及一年復請准令入仕予奪靡常成何政體且據祿康面奏此項番役即不便令其濫廁文員或請加恩准令備官武職俾知鼓勵更屬非是國家文武分途名器則一有何高下若准令補授武職日後必致漸廁文階又將何以限制如謂良民咸知賤役不

肯踴躍充當則各衙門卑役設亦挾制官長以此為詞豈將隸卒子孫亦概准其居官考試有是理乎看來祿康等未免為番役所挾制或竟受其慫恿意存市恩故為此奏殊屬冒昧祿康范建豐卓保均著交部議處所有祿康等原奏之摺該部無庸議奏仍著照舊例行○諭軍機大臣等川省零匪全數肅清勒保由綏定起程回省經過渠縣營山蓬州南部閬中一帶地方極為寧貼且年歲豐稔

實錄卷一百一十五

三

糧價平減勒保惟當督飭該處地方官加意撫綏俾元氣早復為要現在陝境零匪未清嘉陵江防兵關繫緊要此項防兵著俟德楞泰到川巡查後實無一名餘匪回至成都方可會商撤回原營此時切勿輕散將此諭令知之○以左春坊左庶子凱音布為日講起居注官○丁巳旌表逼嫁捐軀湖北江夏縣民張大勳妻董氏守正捐軀河南禹州民袁大柱妻趙氏己未諭內閣吉勒章阿以伊

弟阿那圖補授整儀尉隨報謝恩一摺前伊子堆音德由藍翎侍衛補授三等侍衛今伊弟阿那圖由筆帖式補授整儀尉皆伊等照例升途並非因吉勒章阿加恩其摺內陳敘感恩語句嘵嘵不休殊屬過當伊即欲謝恩亦應於奏事之便具奏何必專摺幸伊在烏魯木齊與明亮同城隨奏報同發若係專任定因謝恩發報矣新疆距京遙遠豈得如此疲勞驛馬除將吉勒章阿申飭外仍通諭新

實錄卷一百一十五

三

疆各城將軍大臣等嗣後如遇特加恩施亦必於奏事之便謝恩如其子弟照例升遷俱毋庸奏謝俟回京時再行謝恩 諭軍機大臣等額勒登保等自督兵勦辦以來前後各股賊匪數十萬俱以次殲除額勒登保身係經畧全功告藏後餘匪可歸入善後事宜交本省官兵搜捕況此時統計所剩僅有百餘零匪又現有德楞泰可以接辦經畧自不必日久帶兵於外著額勒登保於接奉此旨之

日即帶印起程所有未經辦淨賊匪著交德
楞泰督率搜緝德楞泰俟明歲春融實在肅
清再回本任其竄入川境之零匪四五十人
著交楊遇春專辦○以故奉恩將軍祿增子
連聰襲職○庚申以大學士保寧為內大臣
○貴州提督珠隆阿因年老留京署鑲黃旗
漢軍副都統以湖南鎮筵鎮總兵官富志那
為貴州提督調甘肅河州鎮總兵官仙鶴林
為鎮筵鎮總兵官以甘肅永固協副將珠爾
素為河州鎮總兵官○旌表守正捐軀直隸
易州民王汶達妻王氏○辛酉命禮部尚書
那彥威往黑龍江查辦事件以兵部尚書長
麟兼署禮部尚書○以河南按察使策丹為
雲南布政使陝西鳳邠道台斐音為河南按
察使○旌表守正被戕吉林民紀勇受妻李
氏

實錄卷百五

五

實錄卷百五

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十三

[illegible]

嘉慶八年癸亥十二月壬戌朔以故奉國將

軍永夢子綿稻襲奉恩將軍○惠齡秦甘肅
軍營出力官員道員隆興等升敘有差○癸
亥○命史館恭纂

高宗純皇帝本紀論內閣御史賈允升奏請恭修

紀一摺所奏甚是。自來文書皆有本紀以為
弁冕。我朝

列聖相承均經國史館恭修

本紀敬謹貯藏伏念

皇考高宗純皇帝聖德神功登三咸五業於四
年春特命纂修

實錄現已進呈至三十年自應恭修

本紀以垂史冊著國史館總裁派提調等督率

膳錄就近赴

實錄館將業經進呈之書照副本鈔寫恪遵編

纂隨時進呈。務於

實錄館告成後陸績辦竣其鈔寫

實錄副本。即藏貯史館。以資考據。至國史館尊

藏

五朝本紀尚未裝潢成帙亦著該館將原本分

函裝修謹貯。並著另繕一分進呈。以昭慎重。

○又諭給事中魯蘭枝奏圖薩踢斃伊炳阿

一。案本係鬪殺罪名。部臣照誤殺之例辦理。

已屬從寬。且以甫經定案。監候。尚未得經秋。

審即蒙恩予以責放。似未減之外。又有未減

等語。所奏非是。此案圖薩踢傷伊炳阿斃命。

當經三法司審明。即從鬪毆本律擬以絞候。

經朕詳覈其起釁之由。實緣伊炳阿與圖薩先有口角。迨其昏夜尋鬪。圖薩欲向撲毆。因家人倪三攔住。欲行踢開。適踢傷伊炳阿致命身斃。念其究屬誤傷。尚非恃強逞兇。明年辦理朝謝。亦不應在情實之列。適恭值

南郊大祀。念伊父扎郎阿典禮熟諳。趨承敬謹。特格外施恩。將圖薩寬釋。仍予以滿杖。交伊父在家園禁。勿許出外滋事。並非法司衙門初定案時。竟援照誤殺之條。遽為開脫。且原

降諭旨。令大臣等嚴行約束子弟。若因有此旨而故為犯法者。必當從嚴懲辦。該給事中於朕一再申諭之旨。寧未寫目耶。至摺內稱圖薩雖經奉旨嚴行園禁。但止在其家。究尚不如宗室獲罪。圍禁高牆。猶必在宗人府衙門之內等語。更不成話。凡係宗室獲罪之人。原以其派屬天潢。未便與尋常人犯一體在刑部拘繫。是以圍禁高牆。即與監獄無異。並非減其罪名。仍加園禁。與圖薩迥然不同。所

奏尤屬牽混。夫生殺予奪之權。操之自上。即如每年秋謝大典。其緩決人犯。向不呈進黃冊。所辦者俱係情實之犯罪。在不赦原。無可寬。朕體

上天好生之念。於萬無可貸之中。擇其有一綫可原者。免其勾決。若科道等以經朕寬宥一人。輒欲拘照例文。持其輕重。紛紛瀆奏。勢必至如明季臺臣把持朝政。肆意妄陳。此風斷不可長。從前

皇考高宗純皇帝以舒赫德李侍堯等身獲重譴。屢經議死。旋蒙

俯賜矜全。復加重用。迨朕親政以來。以明亮勒保永保景安。辦理軍務稽遲。先後降旨。拏問均已定擬重辟。亦經朕法外原情。棄瑕錄用。予以自新之路。我朝

家法。刑賞大權。悉由乾斷。若朕赦一人。用一人。該科道等即欲執簡而爭。尚復成何政體。豈不蹈勝朝陋習耶。朕非拒諫飾非之君。然亦

不肯庸懦自居。博納言之虛名。受莠言之實害。大臣等尚不敢攬生殺之權。犯則必誅。魯蘭枝竟敢以此嘗試。欲擅朝政。朕斷不能允。准况孔郎阿與朕有何私恩。圖薩仍行圍禁。並未免罪。噶噶置辯。其意何居。且朕廣開言路。原欲科道等遇事直陳。近年科道中。如汪鏞之叅奏明安。日內王麟書之叅奏祿康等。俱經朕以持正嘉獎。即本日賈允升同有條奏。請恭纂。

皇考高宗純皇帝本紀。其奏甚是。現已准行。朕於臣工嘉言讜論。無不詳加採納。若如魯蘭枝此奏。實屬率臆妄陳。竟欲干與刑名大柄。不可不示以懲儆。魯蘭枝著交部議處。嗣後言官遇有關繫國政民生諸大端。仍當切實敷奏。朕必嘉其公直。若所奏謬妄不經。朕惟執法。不能曲為原宥也。將此通諭中外知之。○又諭兵部議奏。韋陀保請將圍場兵丁所存鳥鎗查出貯倉。並令各地方官於附近村

莊查收鳥鎗等因。一摺。八旗兵丁有操演巡防之責。所用鳥鎗皆係官為製給。若防其偷打牲畜。遂爾概行收貯。勢必不能勤加習練。技藝生疏。殊屬因噎廢食。設有兵丁用箭偶射鹿隻。即將各營制所備弓箭全行收繳。有是理耶。至民間私藏鳥鎗。原干例禁。而附近山林村莊。其居民或製備鳥鎗以防猛獸。或藉禦暴客。定例報官編號。准其留用。此時因嚴禁民人偷鹿。即將伊等所用鳥鎗盡數查

收。而蒙古等皆以鳥鎗打牲為業。萬一居民向其借用。又安能將蒙古所用鳥鎗逐一查禁乎。是欲杜偷鹿之弊。惟在嚴查圍場附近地方。毋許開設店鋪。收買茸角等項。使不能寄跡消藏。奸民無利可圖。可不禁而自絕矣。所有查收八旗兵丁鳥鎗。著韋陀保即行發還。俾資操習巡防。○命禮部。右侍郎王懿修。提督順天學政。以內閣學士。關槐署禮部右侍郎。○添設阿克蘇筆帖式一員。從辦事大

臣托津請也。○甲子諭內閣各直省揀調州縣。凡係省會首邑及邊疆要缺。經該督撫專摺奏請。實係人地相需。雖交部議駁。奏上時朕無不俯加允准。並將該督撫處分。加恩寬免。至州縣互相調署。久經飭禁。誠以州縣官各有地方專責。如果人地不宜。何難奏明更調。若不行陳奏。輒將員缺彼此互易。殊非覈實辦公。慎重職守之道。乃近日各督撫漸又不遵定制。率以調劑地方為辭。紛紛互調。並

或避調署州縣名目。將實缺州縣委署同知通判。而另以他員委署州縣。本缺在督撫中居心公正者。或實為地方起見。如稍有私意。即不免以愛憎為予奪。較量肥瘠。為人擇缺。種種弊竇。由此而起。實於吏治大有關繫。著再行申諭。嗣後督撫將州縣官互相調署。或委署同知通判。必係人地實在相需。始准專摺奏請。候旨遵行。仍一面咨部查覈。其有應行會銜之處。照例會銜具奏。儻仍沿舊習。陽

奉陰違。經朕查出。或被人糾參。定將該督撫議處不貸。將此通諭各督撫知之。○湖廣總督吳熊光奏。都司麻光裕。原帶鄉勇五百名。半係施南府人。隨征數年。技藝嫻熟。多願入伍。查楚省宜昌居荊州之上。西通巴蜀。為川楚門戶。且宜昌鎮所轄之施南協。衛昌營等處。俱係改土歸流之地。山深箐密。尤宜認真稽查彈壓。應俟搜捕事竣。即飭該都司將此練勇五百帶赴巴東江止地方駐劄。各給守

糧一分。另立一營。即令麻光裕統領。設馬糧十二分。作為額外外委。令其管帶操演。巴東西接川省。巫山南連施南。止通興歸等處。最為扼要之地。該縣向僅守備一員。駐劄江南。額兵無幾。若添此勁旅。不但足資彈壓。且各鄉勇可藉此鈐束。不致為匪。臣仍飭施南各營。出有制兵之缺。即以此項練勇就近頂補。所添額外外委。宜昌鎮標有未設額外營分。應即酌量添設。下部議行。○轉吏部右侍郎

李鈞簡為左侍郎。仍留江西學政任。命兵部右侍郎劉鏞之兼署。調戶部右侍郎錢樾為吏部右侍郎。工部右侍郎彭齡為戶部右侍郎。禮部左侍郎莫瞻菴為工部右侍郎。轉禮部右侍郎。王懿修為左侍郎。實授闕。槐為右侍郎。以通政使司通政使曹振鏞為內閣學士。兼禮部侍郎銜。太常寺卿趙秉冲為通政使。光祿寺卿邵自昌為太常寺卿。候補京堂姜開陽為光祿寺卿。○湖南巡撫高杞以被總督吳熊光劾奏違例調補州縣。查覈得實。命來京候旨。調安徽巡撫阿林保為湖南巡撫。未到任以前。命奉差之刑部右侍郎廣音署理。以內閣學士王汝璧為安徽巡撫。○丙寅。諭內閣。陳大文奏。江西樂平縣職員朱夢蘭遣屬朱夢文等攜帶倉斛赴京呈控。知縣勒折重徵。挾嫌誣陷一案。審有情弊。請將府縣等官革職提究一摺。外省民人赴京呈控案件。往往發交該省督撫提究。率以審明

實係誣控。或重事不實。轉坐原告罪名。具奏完案。陳大文自任兩江總督以來。前於昭文縣民人吳道昌呈控該縣浮收漕糧一案。審出記書姚士林勒令加找米石實情。問擬杖徒。將該令劉嘉穀照溺職例革職。此次朱夢蘭控案。復經該督訊出該縣漕書徐文亨改串舞弊。書役王國用等包攬折收浮收樣米餘米。將控京兩斛較量道庫鐵斛均有浮大屬實。難保該府縣無通同苛斂情事。並以委審之知府等有瞻徇朦混。逼勒供招等情。並請提訊。是該督於辦理發審事件。均能秉公持正。不存徇庇屬員之見。一經鞠實。立請平反。使小民含冤得白。而奸胥猾吏。不致倖逃法網。辦理實屬可嘉。各省督撫等身任封圻。於民人上控之案。未必盡有意瞻徇。總由委審之員。心存袒庇。有意朦混。遂不免為其所愚。將就完結。或轉坐原告之誣控之罪。以致小民負屈莫伸。赴京籲訴者紛紛。因該省上

司不可盡信。不得不特派欽差前往審讞。試思鄉里愚民。生計本艱。一旦被官吏侵欺。赴上司衙門申訴。如督撫等果能秉公訊斷。毫無枉縱。又豈肯遠涉關河。來京呈瀆。致須欽派大員前往審辦耶。况欽差皆部院大臣。均有本任應辦之事。亦不可馳驅於外。久曠職守。若外省案件。必一一特派員往為申理。又安用督撫為耶。嗣後各該督撫等當力改袒護屬員積習。共發天良。於民人控訴事件。一秉大公。虛衷審辦。務得實情。以申民隱。而肅吏治。毋得稍存徇庇。顛預結案。以致使軫絡繹。徒滋案牘也。所有此案應行質訊之前。署樂平縣陳發知縣曹淵前任樂平縣調任上饒縣知縣李德樹。饒州府知府官懋弼俱著革職。委審之南昌府知府楊燁亦著解任。該督即委員署理。一面將案內人證提至江寧審訊。定擬具奏。○諭軍機大臣等。陝省賊匪所剩無幾。德楞泰威名素著。斷無不能辦竣

之理。軍營積習。每屆年節之時。即往往藉此休息。現有餘匪未淨。更當上緊搜捕。德楞泰務當督飭將弁。剋期辦完。不可任其懈弛。將此諭令知之。○以經畧額勒登保振旅還朝。遣御前侍衛珠爾杭阿迎至直隸正定府。頒給賞件。○賞降調盛京刑部侍郎繼善藍翎侍衛為和闐幫辦大臣。○丁卯。

孝惠章皇后忌辰遣官祭

孝東陵。○戊辰。諭內閣。魯蘭枝前奏圖薩踢斃伊炳阿一案。並不明悉案由。惟以前降諭旨內所敘情節。係圖薩欲將家人倪三踢開。誤傷伊炳阿致斃。誤字出於朕旨。並非該部錯擬。魯蘭枝將誤殺二字輾轉糾纏。實屬謬妄。此案經朕量予施恩。復明白曉示大臣子弟等。各宜加意檢束。仍將圖薩在家圈禁。並未除其罪名。魯蘭枝豈不知之。乃於業已施恩之案。嘵嘵不休。竟欲干與刑名大柄。是以降旨將伊交部議處。今據吏部議以革職。本屬

咎所應得。姑念魯蘭枝究屬言官。若因此將伊斥革。恐科道等不曉事體。妄謂魯蘭枝因言事褫職。相率緘默。且此事若係滿洲臣僕如此妄言。朕必照部議行。魯蘭枝係屬漢員。書生迂腐。罔識政體。著從寬改為降三級調用。若各科道因朕懲治魯蘭枝。遂不敢陳奏事件。則大非朕意。朕節次降旨廣開言路。其條議可採。及叅劾得實者。無不立予施行。或量加升擢。如魯蘭枝之懷挾私心。妄陳臆見。是直蹈明季臺諫陋習矣。豈可置之不問乎。嗣後各科道等。惟當勉思職守。如果於興利除弊。確有所見。或部院及外省本籍辦事有應叅劾之處。仍應剴切敷陳。朕必加之嘉納。慎勿謂魯蘭枝以妄言獲咎。遂自同寒蟬也。將此通諭知之。○諭軍機大臣等。現在川陝邊界所剩之賊。尚有二百餘名。恐被勒緊急。或由川折遁入陝。復竄南山老林。陝省帶兵大員。惟楊遇春一人。尤宜嚴加防範。著即責

成方維甸。會同提鎮嚴飭各營卡。凡川境可以通陝路徑。俱實力防堵為要。○予直隸堵築長垣。東明。開。三州縣漫水出力官員議敘。生監職銜有差。○己巳。

上詣

大高殿行禮。○諭內閣。秦承恩奏審明邪匪分別辦理。地方寧謐一摺。此案石城等處首匪廖幹周等。煽誘勾結一千五百餘人。擇日起事。因大雨阻隔。不能如期畢至。即被該處紳耆士庶探知具報。地方文武帶領兵役前往掩捕。悉數殲擒。當經秦承恩認明獲犯分別懲治。該撫於一月之內。督率員弁兵勇。將地方謀逆重案。上緊擒拏。不致釀成大事。所辦尚為妥速。本應加恩賞還該撫二品頂帶。並交部議敘。以獎其勞。惟是該省遇有此等奸民在彼蠢動。一經奏聞。朕無刻不深懸念。該撫於前月初七日奏報大概情形後。亦當將因何起釁緣由。及餘匪曾否捕淨。民情是否

寧貼之處陸續馳奏以慰朕懷乃匝月以來不特驛遞杳然即尋常地方事件亦未見差人齎奏殊屬延緩疏忽雖辦理完竣而該撫既奏報遲延其案內要犯經該撫率同臬司審訊明確又未將各首匪供詞繕錄隨摺進呈僅稱備錄各供咨部亦屬草率不能辭咎覈其功過僅足相抵是以此次未予恩施該撫仍當奮勉辦公力圖報稱以期仰邀渥賚並著該撫即將臬司銜齡以下各文員及武

職官弁最為出力者據實保奏並詳開受傷兵勇名單候朕加以恩賞至廣昌石城寧都等州縣亦須查明該牧令到任久暫如係久任平日失察而此次擒捕出力自可將功抵過儻到任未久又能捕獲多名則有功無過該撫當秉公查奏不可稍有不實○諭軍機大臣等本日秦承恩奏江西奸民賴達忠廖幹周等傳習邪教糾衆一千五百餘人約會起事因雨阻夥匪不能如期畢至經地方官

掩捕悉數殲擒據供多係福建李凌魁傳授其徒現有杜世明甯金鼂密約賴達忠等起事李凌魁一犯前據王德孥獲處絞其傳教之逸犯吳子祥吳鼂二人現據秦承恩摺內有吳子祥身故之語著王德孥派幹員訪緝務期獲此三犯吳子祥是否身故務得確信一經就擒即取供奏辦其餘不必株連庶足安善良而消奸宄也○實授襄行簡為福建布政使○庚午

上御乾清門聽政○以鴻臚寺卿多永貳為內閣學士兼禮部侍郎銜○辛未諭軍機大臣等陳大文等奏江境黃河淤沙擇要疏挑一摺徐城以下河槽高埂並膠淤岡淺及挺出灘嘴既經該河督確切勘估即當剋日興工於年內一律疏濬庶豫省引河於正月開放之時得以順軌遄行至海口去路不暢尾閘壅滯即使上游節節挑挖仍屬無益前曾諭令吳璚妥為查辦茲據該河督奏稱擬即前

往自應迅速赴該處悉心履勘。通盤籌畫。近日有人陳奏海口改由安東行走。此事殊非易辦。是否可行。據實具奏。將此諭令知之。○癸酉。緩徵三姓旗丁屯莊地水災新舊額穀。並給口糧。○甲戌。以詹事府詹事王綬為內閣學士。兼禮部侍郎銜。○乙亥。以雲南夷疆戡定。於維西麗江四路各設頭人二名。給把總外委頂帶。約束夷衆。從總督琅玕請也。○以雲南江內江外肅清。賞知府存桂。遊擊國申。都司善朋。守備張國寶。花翎守備沈洲等。藍翎餘升敘有差。並賞兵丁一月錢糧。○丙子。月食。○諭軍機大臣等。吳敬奏由外河山海一帶沿途查勘水勢情形。並即前赴海口一摺。據稱雲梯關外。連年淤積。竟成鐵板沙。以致海口愈移愈遠。相距有三百七十餘里。現在黃水雖已斷溜。而洪澤湖清水仍由此滔滔外出。細看情形。高仰洶屬不免似尚不至壅阻等語。黃河下游之水。全仗海口消納。

一有壅阻。其病百出。本年即聞南河水勢甚大。在在可虞。後由豫省衛家樓隄工壅陷。大溜北趨。江境始得幸保無事。可見該處下流必有壅阻。自皆由海口不能通暢所致。將來豫省一經合龍。全河下注。若海口稍有壅滯。關繫非小。吳敬摺內所稱。尚係雲梯關以上情形。該處距海口三百七十餘里。道路綿長。不可遽以為準。現在吳敬既按段測量。直至海邊。並徧履南北兩岸查勘。務當將實在情形繪圖貼說。詳晰入告。若此時有可辦理之處。即當趕緊籌畫。不可存吝惜之見。試思此時若以節省為事。將來設有他患。豈不糜帑更多乎。若果該處難以施工。無可辦理。究竟來歲全河下注。有無妨礙。是否日久無弊。總宜未雨綢繆。熟籌盡善。斷無任其壅阻不暢。不復計及久遠之理。該督專司河務。責無旁貸。務即據實速奏。不可因循貽誤。將此諭令知之。○冊封睿親王寶恩嫡妻章佳氏儀親。

王永璘嫡妻章佳氏克勤郡王尚格嫡妻他塔拉氏慶郡王永璘繼妻武佳氏榮郡王綿億嫡妻章佳氏為福晉貝勒綿懃嫡妻烏彌氏貝子綿志嫡妻瓜爾佳氏貝子奕紹繼妻楊佳氏為夫人肅親王永錫第六女為郡君順承郡王恒昌第四女為縣君○以江寧協領三成為荊州右翼副都統荊州協領喜布禪為乍浦副都統○丁丑諭軍機大臣等上年大功將次告竣朕即慮鄉勇一項於裁撤後或復行滋事再三諄諭各督撫妥為安插今賊夥內陳賊祇三四十人其餘皆係鄉勇可見該地方官於安插一事竟屬陽奉陰違未嘗認真經理茲伊等既已從賊即當與賊一律勦辦惟各路鄉勇尚未盡撤不可遽為宣露以致隨征鄉勇轉生疑懼其有自賊中棄械來投者當追問係何處鄉勇地方官曾否安插及因何從賊緣由徹底根究如查有剋扣資給銀兩等弊德楞泰務即會同勒保

從嚴叅辦至田朝貴營內兵勇尚是夏季單衣不能禦寒且大半跣足朕心深為憫惻試思官兵衣履尚不能禦寒如何責令勦賊其運送遲誤之員必須查明叅辦田朝貴係帶兵大員既目擊部下情形亦應早行稟知經畧叅贊妥為籌辦著德楞泰會同勒保即將此一路承辦軍需之員查明嚴叅並將田朝貴不及早稟知之處一併叅奏此項兵丁如此辛苦並無逃亡等事尚知大義深堪嘉獎除德楞泰於賞需銀內製造棉襖中衣布鞋等件分給外著再於賞項內添備衣服普賞該營以示體卹○以故二等男崇慶子貴齡襲爵○戊寅以故一等公英俊兄百善保二等伯巴爾桑阿孫文恒二等子齊巴克納木扎爾叔伍勒登各襲爵○以察哈爾都統觀明為黑龍江將軍理藩院右侍郎佛爾卿額為察哈爾都統署熱河副都統明興為理藩院右侍郎兼正黃旗滿洲副都統調正白旗

漢軍副都統達冲阿為鑲紅旗蒙古副都統以正藍旗漢軍副都統本智為鑾儀衛鑾儀使調墨爾根副都統額勒琿為齊齊哈爾副都統以副都統銜達斯呼勒岱為墨爾根副都統○以甘肅布政使王文湧為光祿寺卿甘肅按察使蔡廷衡為布政使安肅道崇祿為按察使○已卯以廣東羅定協副將伊昌阿為雲南開化鎮總兵官○予四川陣亡頭等侍衛烏什哈達祭葬加等世職如例湖北

陝西四川陣亡佐領忠福驍騎校都里保祭將烏勒喜納守備鄭光明千總彭國棟黃元吉馬志融祀總楊先海羅萬太王廷彪路必先蕭文魁朱國良陶正陽外委蘇廷連趙光前張廷鳳文先祭葬世職領催哈勒吉拜等八名兵丁余昌福等一百十名賞卹如例○予山東出洋淹斃守備王再門祭葬卹廕兵丁李光弼等三十二名賞卹如例○旌表守正捐軀江蘇昭文縣民邢泰幅妻殷氏○庚

辰刑部奏審明魏午假名王受福捏寄稟信圖詐河南藩司溫承惠一案得旨此案魏午即魏延卓因借貸不遂挾制詐騙著照刑部所擬革去監生發近邊充軍其知縣王旭藻聲請免議之處殊屬未協王旭藻與本管藩司溫承惠素無年誼世誼並未識面乃聞知溫承惠回籍葬親即向親幕相商欲遣人餽銀祭奠嗣因探知通省無人致送始行中止看來王旭藻平日在州縣中必非廉潔自好

守正不阿之員設豫省府縣官有商同餽遺之事伊必效尤更甚或王旭藻與溫承惠舊有交誼更不知若何趨奉鑽營希冀見好此等劣員不應復留州縣之任王旭藻著以縣丞降補以為屬吏黃緣奔競者戒○免雲南被賊滋擾之維西麗江兩廳縣本年地丁稅秋銀米及麗江府官莊租米並免集勇防堵之中甸知州鶴慶雲龍四廳州及兵差糧運經由之大理雲南永昌三府及太和趙雲南

浪穹鄧川楚雄鎮南姚大姚廣通南安定遠
昆明昆陽富民安寧祿豐易門羅次宜良呈
貢晉寧騰越保山新興河陽江川蒙化永北
二十九廳州縣條公銀有差○辛巳諭軍機
大臣等方維甸奏鄉勇一項資送回籍安插
得所恐係紙上空談未可盡信果能不令失
所何至賊夥內大半俱屬鄉勇著方維甸飭
令地方各員妥為安置並隨時管約有犯必
懲務使散處毋任聚集一處或致滋生事端
國家設兵衛民原不可一日不加整飭此時
兵丁大半撤令歸伍正可隨時習練各成勁
旅地方偶有徵調足資捍禦亦無藉團練之
力矣該撫當加意整頓營伍為要○命御前
大臣額勒登保在紫禁城內騎馬○予四川
陝西湖北陣亡副將海常佐領百順防禦阿
卜當阿千總孟國卿宋廷杰把總江鯤化龍
廷貴外委羅明玉祭葬世職領催闊太等五
名披甲佛爾固善等二十四名馬兵楊啟芳

等五十四名鄉勇萬世著等八十六名賞卹
如例○予福建捕盜被戕外委林朝陞祭葬
卹廕如例○壬午
上幸瀛臺閱冰技科爾沁扎薩克郡王羅布藏
嘉木參等二十八人土爾扈特扎薩克郡王
策伯克扎布等二人青海扎薩克頭等台吉
旺舒克等二人察哈爾三等台吉諾海等五
人額魯特總管博本等六人回部頭等台吉
四品伯克玉努斯等十四人杜爾伯特扎薩
克汗瑪克蘇爾扎布等十人於西苑門外瞻
覲○癸未以正白旗滿洲副都統奇臣為綏
遠城將軍調正白旗漢軍副都統玉麟為正
白旗滿洲副都統鑲藍旗漢軍副都統豐紳
濟倫為正白旗漢軍副都統○命署倉場侍
郎鑲紅旗滿洲副都統貢楚克扎布刑部右
侍郎戴均元馳往山東查勘張秋運河並豫
工漫口○以戶部右侍郎額勒布署倉場侍
郎○甲申

上御撫辰殿大幄次。賜蒙古王貝勒貝子公額駙台吉及外藩使臣等宴。並賞賚有差。○諭軍機大臣等。據吳璥奏稱。該河督帶同道將員弁等親往雲梯關一帶測量口門。南北兩灘之間約寬一千五六百丈。底有暗灘橫攔。橫灘之內水勢遶深。計有七八九尺。為所攔阻。而灘脊上過水。仍有四五六尺。滔滔東注。等語。是海口情形固屬高仰。而攔門沙灘脊尚可過水數尺。並非竟至阻遏。此外亦更無去路。自係實在情形。現據奏請將黃泥嘴兩灣相對處挑挖引河。使之取直而行。導流迅注。又吉家浦于家港倪家灘宋家尖等處挺出灘嘴一併挑挖。均著照所請辦理。至混江龍鐵籠子等項。原非施於海口潮汐往來之地。或雲梯關上下河水經行有挾沙停淤處所。亦未始不可用資肥剔。此係前人留遺成法。自屬可用。吳璥仍當留心講求。如有可施用之處。如法製辦。將此諭令知之。○乙酉。

上幸瀛臺閱冰枝。○是日甲子年立春。順天府進土牛春山寶座。○丙戌。孝莊文皇后忌辰。遣官祭昭西陵。○上詣慈寧宮。壽康宮行禮。○賞固倫額駙豐紳殷德三等輕車都尉俸。○以歲暮祫祭太廟。自是日始齋戒三日。○丁亥。諭內閣兵部議駁。來儀具奏出關民人就近給票一摺。所駁甚是。商民出口。既定有章程。各州縣早經出示曉諭。凡領有照票者。到關驗放。若無票據。不准放行。該商民等自應一體凜遵。乃該關前有載鐵鍋車九輛。車夫九名。行至關口。並無商人持票呈驗。此項車輛。詢係由文安縣地方攬載。何以不在該縣請領印票。且商人以販貨為生。豈有將貨車盡委之車夫。並不跟隨同行之理。乃來儀奏稱。將來如有載

貨車輛車夫未在原籍起票。商人亦未持票到關者。俱請由臨榆縣發給照票驗放。此端一開。各商民必致仍前混冒出口。與不起票何異。明係該關兵役受賄私放。來儀聽其恣憑。並未根究。商人實在下落。率即放令出關。殊屬不合。著傳旨申飭。嗣後凡商民出關。仍須遵照奏定章程。或在原籍。或在貿易處所。起票驗放。即攬載車夫。亦應將其年貌姓名。同商人總注一票。以憑查覈放行。毋得再任。

其冒干例禁。致滋弊混。○諭軍機大臣等。德楞泰追賊至橫山大梁。雪夜襲勦。衝鋒前進。忽前敵鄉勇袖手不動。賊匪踞巖下壓。以致張應貴彭家棟身受矛傷陣亡。旋據前營三旗鄉勇來稟。接仗時看見多是同當過鄉勇的弟兄親友。說是受了冤屈。是以不肯動手。願求諭帖。叫他們出來伸冤。德楞泰因鄉勇人多。恐激變釀事。從權辦理。頒給諭帖。令鄉勇魏忠才等持往招諭。看此情形。實為可恨。

鄉勇現在竟有挾制官兵之意。魏忠才往諭。即使竟從招撫。而此等桀驁狡黠之徒。亦難保其不再生反側。且不獨此數百人未可盡信。即現在隨征之鄉勇四五百人。散之甚難。尤須豫籌萬全。以資控制。著方維甸體察情形。應如何設法安置鈴束。如有所見。即行詳悉具奏。總期不致激而生變。亦不致姑息養奸。方為妥善。○戊子以歲暮禋祭。遣官祭

太廟中殿

後殿。○諭軍機大臣等。本日召見額勒登保。據稱伊在軍營。即聞鄉勇等因散遣時得項較少。未遂所欲。或窮而無歸。不免心生缺望。此外實別無抱屈之事。該匪等既經從逆。戕害大員。自當嚴行懲辦。不可稍存姑息等語。德楞泰現今持諭開導。儻竟受撫來營。亦不能概從寬宥。務將此次戕害副將都司各逆首。諭令指出。明正典刑。此外兇悍助惡者。亦應查出數人發遣。其餘情願入伍者。分發各標。

營當差。其不願入伍之人。酌量優給行資。俾歸鄉里。著德楞泰查照妥辦。至此次在橫山大梁前敵觀望不前。甚至與逆匪交談。代為申訴。心懷挾制。事定後。亦當查明數人。照軍法從事。俾知儆畏。將此傳諭知之。○己丑。裕

祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵。○遣官祭

孝淑皇后陵寢。○遣官祭

端慧皇太子園寢。○遣官祭

太歲之神。○庚寅

上御保和殿筵宴。朝正外藩。科爾沁喀喇沁巴林奈曼土默特阿魯科爾沁喀爾喀翁牛特鄂爾多斯教漢烏珠穆沁阿巴噶土爾扈特烏喇特蘇尼特克什克騰和碩特青海察哈爾綽羅斯王貝勒貝子公額駙台吉塔布囊等及朝鮮國正副使。回部台吉伯克等隨文

武大臣依次就坐。諸樂並作

上進酒。召左翼科爾沁扎薩克土謝圖親王諾爾布琳沁科爾沁卓哩克圖親王拉旺喀喇沁親王銜扎薩克郡王滿珠巴咱爾科爾沁扎薩克郡王和碩額駙索特納木多布齋巴林扎薩克郡王索特納木多爾濟奈曼扎薩克郡王巴勒楚克土默特扎薩克貝勒理藩院額外侍郎索諾木巴勒珠爾喀喇沁扎薩克貝勒丹巴多爾濟土默特扎薩克貝子固

倫額駙瑪呢巴達喇科爾沁貝子鄂勒哲依圖右翼喀爾喀扎薩克親王固倫額駙拉旺多爾濟科爾沁扎薩克達爾漢親王丹曾旺布烏珠穆沁扎薩克親王已勒珠爾喇布齋喀爾喀土謝圖汗車登多爾濟喀爾喀車臣汗瑪哈錫哩喀爾喀扎薩克圖汗布尼喇特納教漢扎薩克郡王德親喀爾喀扎薩克郡王薩木丕勒多爾濟土爾扈特扎薩克郡王策伯克扎布回部郡王銜貝勒哈迪爾至

平定李市

十一

御座前賜酒成禮○是月兩江總督陳大文等奏給事中蕭芝請於南方產米之鄉官為採買由海道北運查江蘇每年漕米共計二百二十二萬餘石江蘇地隘人稠日食浩繁儻遇川湖等省商販市價即不免增昂且江省買補常平倉穀均係赴外省採買若再加採買此項米石誠如

聖諭必致有妨民食至海運徑抵直沽汪洋巨浸之中風信靡常洪濤難測利少害多稽古

平定李市

十一

歷有明證實屬窒礙難行得旨原係必不可行之事然若不交議又謂朕不聽言矣為君難於此益知○是年旌表孝子江蘇等省楊志管等八人孝女余氏一口守節合例宗室伊常阿妻馬佳氏等十四口滿洲成福妻那拉氏等二百十二口蒙古富森布妻額氏等二十四口漢軍安泰妻曹氏等四十二口直隸等省梁潤繼妻高氏等六百六十五口夫亡殉節直隸邵梁妻王氏等三十三口未婚守志滿洲瓜爾佳氏等二十口百歲壽民婦山東等省張清源等二十六名口五世同堂浙江等省黃必敬等三十五家各給銀建坊如例○一產三男奉天等省高幅等八家○會計天下民數穀數除湖北陝西福建三省未經查報其直隸各省通共大小男婦三萬二百二十五萬六百七十三名口存倉米穀三千五十四萬八千二百七十三石二斗五升六合八勺

五

大清仁宗受天興運數化綏猷崇文經武恭
勤儉端敏英哲睿皇帝實錄卷之一百二十五

監修總裁官柳廷昌、起居注官太子傅武英殿大學士文淵閣領閣事稽察欽奉
上諭事件處管理工部事務翰林院掌院學士廣

帝加服。年卅加四服。自非鑄錢數官太子太保文淵閣大學士管理刑部事務加五級。戴均元保道員請起居注官太子侍內太在文淵

閣下此間事務繁夥奉
上諭事件處偏辦大學士戶部尚書翰林院掌院學士教習戶部主事總管內務府大臣錢謙益領滿洲都統章

統領管理戶部三庫奉宸苑清漪園等處總理工程處指茶膳房御藥房太醫院西洋事務軍功加三級隨帶加二級尋常加五級紀錄二十一

次任英中經道請官太子太保禮部尚書主書房行走武英殿總管圖書監事於六親傳帶二親已錄四次自汪廷珍等奉

救修

嘉慶九年甲子春正月辛卯朔

上詣

奉先殿行禮詣

堂子行禮遣官祭

太廟後殿、御太和殿受朝、作樂宣表如儀、

詣

大高殿

壽皇殿行禮
御乾清宮賜皇子親藩等宴

癸巳

高宗純皇帝忌辰遣官祭

裕陵

上詣

奉先殿

壽皇殿行禮 甲午諭內閣前據顏檢奏直隸

省之安州新安隆平寧晉新河五州縣地處

窪下非接連泊地即逼近河隄積水村莊一

時未能全涸當經諭令查明奏請施恩旋據

該督奏稱查明安州三十三村新安縣二十

一村隆平縣四十一村寧晉縣八十二村新

河縣二十一村積水均未涸出等語該州縣

各村莊地連河泊被水連年積潦難消有妨

耕作所有額徵地丁錢糧若令照舊供輸民

力未免拮据著加恩將安州等五州縣積水

各村莊應徵額賦照從前文安縣大窪減賦

成例每年查明實在情形水大則全行蠲免

水小則量為減賦俟積水全涸可以耕種時

再行查照原額徵收該督當飭令地方官妥

為勘辦務令實惠及民毋使胥吏等影射侵

漁以副朕廕念潦區恩施無已至意○江西

巡撫秦承恩奏查明殲擒石城縣匪徒出力

官員賞按察使衡齡花翎餘升敘有差○杭

州將軍張承勲年老命回京在散秩大臣上

行走以散秩大臣明俊為杭州將軍○增巡

查圍場八旗兵各四十名○展賑直隸長垣

東明開三州縣被水災民○貸安徽鳳陽懷

遠定遠壽鳳臺泗盱眙五河宿靈璧天長十

一州縣鳳陽長淮泗州三衛被水被旱災民

籽種口糧○展賑山東荷澤濮范壽張東阿

齊東濱利津霑化九州縣並東昌衛被水災

民貸陽穀平陰東平鄆城肥城蒲臺六州縣

並東平所籽種口糧○展賑河南封邱祥符

蘭陽滑四縣被水災民○貸陝西朝邑華陰

二縣被水災民常平倉穀 貸甘肅寧夏平

羅秦秦安皋蘭張掖永昌靜寧階九州縣並

沙泥州判所屬被水災民籽種口糧○展賑

雲南浪穹縣被水災民免上年稅秋麥米暨

條公耗羨銀並貸常平倉穀 丙申

上詣

雍和宮行禮 丁酉

世祖章皇帝忌辰遣官祭

孝陵 戊戌享

太廟遣鄭親王烏爾恭阿恭代行禮 遣官祭

太歲之神 諭軍機大臣等前據德楞泰奏

前敵鄉勇代訴從賊鄉勇受屈經德楞泰發

給諭帖令魏忠才等持往招撫今據奏獲賊

李思貴供稱都被衆人殺死經德楞泰派令

弁兵將魏忠才等屍身起獲驗明等語可見

該匪等甘心叛逆從前所稱受屈之語全不

必究德楞泰誤聽其言辦理失之過軟然以

事勢而論此正極好機會設該匪等竟受撫

投出則此內戕害大員各犯勢不能不按律

嚴辦此外夥黨若概事賞宥固無此理但加

以誅戮該匪等又必謂已經投出仍不免於

伏法或又心生反側辦理轉未免棘手今該

匪既將魏忠才等殺死德楞泰正當趁此激

怒鄉勇上緊勦辦剋期殲滅以靖地方至魏

忠才等同時被戕實屬忠義可嘉著德楞泰

將該員等賜卹卅銜繕寫名牌齋赴被害處

所設位傳旨賜祭以妥忠魂並傳集隨征鄉

勇咸使觀瞻俾共知感奮○撥廣東關稅銀

一百萬兩解往四川備善後事宜之用○

上以次辛祈穀於

上帝自是日始齋戒三日○己亥諭軍機大臣

等那彥寶等奏進占壩工自上年十二月二

十一日起至本年正月初三日西壩續進占

七十八丈合計壩工已得十分之七等語覽

奏欣慰朕初不料其辦理能如此妥速此皆

那彥寶等督率官弁兵夫踴躍從事諸臻順

利殊屬可嘉此時所做壩工尚在分溜處所

水深已有四五丈不等以後漸逼大溜水勢

更激而深施工非易那彥寶等更當節節持

重務令進占若干丈即實得若干丈當此功

屆垂成之際設辦理草率稍有疏虞所關匪細其所挑引河及下游抽溝亦須一律深通庶大河得有建瓴之勢安軌暢流則合龍更易為力將此諭令知之○庚子

上詣

南郊齋宮齋宿○辛丑祈穀於

上帝

上親詣行禮○諭內閣賡音邵自昌奏遵旨查明前任湖南巡撫高杞違例調補湘潭縣知

縣又綏靖營兵米遲誤及己革耒陽令熊維培承審命案顛倒出入遲至數月始行詳叅三事均無舞弊營私之處止於辦理遲延請將高杞通恩韓對一併交部分別查議等語湘潭縣一缺既非苗疆首邑不過地處衝繁該撫等初以歷任未滿三年之周寧遠調補業經部駁自當另簡妥員會商具題豈楚南闔省中即無一合例之員才具堪勝是任者何以經吳熊光駁飭以後該撫等固執已見

有意齟齬仍欲將周寧遠調補以致輾轉稽遲其採買一節雖據稱該省年來買穀較多價值昂貴但究因地方官辦理不善是以紛紛上控否則他省辦理採買處所甚多何並無來京控告之人乎況既經採買自應倉穀充裕何以於綏靖鎮協應放兵米又不能如期運供遲至數月若云因該處移改營伍則各縣運解兵米章程亦應及早酌定通飭遵行乃並不豫為經理致誤兵食實屬延緩其熊維培承審徐顯森命案認係被毒致死通報韓對以案情不確提省委審但既於五月中經該府縣稟明是毆非毒何以轉將人證發回直至十月開檢十一月始行叅辦亦屬遲緩各省督撫兩司於地方事件自當和衷妥辦上緊清釐似此因循廢弛吏治何由整飭賡音等僅請將高杞等交部查議未免過輕高杞通恩韓對均著交部議處其餘應議各員均著查取職名咨部議處尋議上賞高

杞副都統銜為喀什噶爾幫辦大臣通恩降一級調用韓封降四級留任○勒保奏前以安防官兵與逐日追賊進剿者不同糧餉酌量裁減後因陝楚餘匪沿邊游奕各兵勇在川陝交界逐日搜捕均應攜帶鍋帳軍裝且深山老林食物昂貴若將馱折等項及加賞鹽菜銀全行裁減兵力更形拮据是以仍前支給查川省原定留防官兵遞經裁撤僅留官兵七千餘名征勇二千餘名除征勇照舊支給鹽菜夫價外所有現留官兵請仍照征兵分例一體支給從之○以臨幸翰林院晉掌院學士協辦大學士尚書朱珪太子太傅加侍郎英和太子少保並賞一品補服○改懋勤殿行走主事黃鉞為贊善遇缺即補命在南書房行走○壬寅

上御重華宮茶宴廷臣及內廷翰林以毓慶宮聯句○御紫光閣賜蒙古王貝勒貝子公額駙台吉及呼圖克圖外藩使臣等宴並賞賚

有差諭內閣那彥成等奏遵旨審明那奇泰玉衡撤回奏摺復行更換及協領額勒德善等擅自發摺參奏那奇泰等各款已遵旨將那奇泰玉衡革職並請將協領額勒德善等革職同那奇泰玉衡一併交部治罪一摺前那彥成起程時曾降旨如查明那奇泰等實有更換奏摺之事即傳旨將那奇泰玉衡革職嚴審今據審明那奇泰等因未經查明收成分數即行具奏嗣查出乾隆十七年舊案始知初次奏報分數與例不符是以將奏摺撤回更改等語那奇泰等並非知額勒德善等將伊等控告始將奏摺撤回更換但未

能詳查收成分數又未詳查舊案以致拜摺後復行追回究屬錯誤那彥成等已傳旨將伊等革職那奇泰著加恩賞給藍翎侍衛前往伊犁作為領隊大臣更換菩薩保回京玉衡著加恩賞給藍翎侍衛前往吐魯番作為領隊大臣更換綢武布綢武布著前往烏什

更換伊冲阿回京那奇泰玉衡俱係獲罪之人著那彥成傳諭令其自備資斧前往新疆至各省駐防協領等遇有事件應稟明將軍副都統商同辦理或將軍副都統不允亦應秉公細商否則聲明緣由直揭部科辦理今額勒德善等私令佐領舒隆阿繕摺違例差人呈遞甚屬膽大且於玉衡署中拾獲匿名揭帖經玉衡將額勒德善等傳詢額勒德善等尚不認錯倨傲無禮此風斷不可長額勒

德善剛安保嫩積布拉克留善保俱照那彥成等所擬革職派委官兵押解來京交刑部治罪以示懲戒佐領舒隆阿係屬職官私代額勒德善等繕摺亦屬非是那彥成等擬以交部議處尚屬輕縱舒隆阿著革職額勒德善等所派遞摺之委前鋒萬壽領催訥恩德亦屬違例萬壽訥恩德亦著照那彥成等所擬俱革退錢糧枷號滿日鞭責發落舒隆阿萬壽訥恩德俱著永不敘用○免黑龍江歉

收四十官莊齊齊哈爾被水官莊新舊額糧
癸卯

上詣

大高殿行禮○幸圓明園○詣

安佑宮行禮○甲辰

上御奉三無私殿賜皇子親藩等宴○御山高水長賜王公大臣蒙古王貝勒貝子公額駙台吉及呼圖克圖外藩使臣等食至丙午皆如之乙巳

上詣

安佑宮行禮○御正大光明殿賜朝正外藩等宴作樂賜酒如除夕儀○丙午

上御正大光明殿賜大學士尚書等宴○諭內閣浙江巡撫阮元議奏給事中蕭芝陳請採買海運難於舉行一摺上年豫省衡家樓漫溢之後黃水下游由山東張秋穿運經行於運道不無妨礙自應就現在應行事宜亟為籌畫經朕特派那彥實前赴豫省會同嵇承

志等上緊堵築並派費淳前往山東會同鐵保設法辦理運道挑挖淤淺疏導泉源並於各決口溜急之處詳悉籌備續又降旨有漕省分各督撫催令幫船及早開行現在豫省堵築工程已得十之七八餘亦均辦有端緒誠以重運北來至關緊要以前此不憚煩勞妥為經理而外間議論紛然即有以山東運道難通宜改為海運者而給事中蕭芝竟以此入奏朕原知其窒礙難行若不交議則無識之徒或疑朕不能虛衷採納是以彼時未經降旨將原摺擲還仍發交江浙各督撫妥議奏聞並諭令勿存成見前據陳大文汪志伊奏事屬掣肘不能辦理而本日阮元摺內亦稱海道險遠不敢輕試且現無舊辦章程堪以循照若於額漕之外再為採買必致有妨民食實不能輕議舉行等語該督撫等久任封圻諳習政務前後所奏不謀而同是其事之必不可行較然共見並非朕自矜獨

斷也所有蕭芝原奏著無庸議科道等有言事之責若果於朝廷政務實有裨益者自當切實敷陳朕必加之採納若以必不可行之事率臆瀆陳輕更成憲則非朕周咨博採之意矣將此通諭知之○諭軍機大臣等朕御極以來未經恭謁盛京
祖陵瞻念
橋山無時少釋原擬於本年敬謹舉行特因上年奉天省收成稍歉復經降旨展期明歲秋間必當躬詣陪都虔修展謁今富俊等奏請降旨以便先期料理等語未免太早恭謁祖陵係屬大典若此時即行降旨頒發中外設該省經過地方今歲秋成或不能一律豐稔彼時又須降旨改期則於禮制未協總俟本年秋成以後再行明降諭旨其應行豫備事宜富俊等原可一面先為料理妥行籌辦何待明降諭旨殊覺拘泥如果有礙難辦理之處亦不妨據實奏聞候旨指示將此諭令知

之。丁未諭內閣。刑部奏審明本月十二日紫光閣叩閣之護軍新德那。定擬一摺。新德那違例叩閣。理應治罪。朕覈其情節。酌量從寬。改為枷號一箇月。已另降諭旨矣。惟新德那所控八旗官員兵丁。拴養馬匹。空額甚多。各倉庫該班兵丁。雇人替代。此二款。朕亦曾風聞。八旗官兵拴養馬匹。原因備派隨圍等項差務。所關甚要。必須各照實數拴養。始可供緊急差務。亦不致虛費錢糧。著八旗管理各營大臣。及放馬大臣。官員等。嗣後分給官員兵丁。拴養馬匹。務照實數放給。勿得折價領馬之官員兵丁。亦不得領價。俱著領馬途間。亦斷不可使其倒斃。務照數領取。妥為餵養。至各倉庫。俱係重地。該班兵丁。私行雇替。曾經禁止。著各該管大臣。嚴傳所屬官員等。將各處該班馬甲。留心查覈。各令正身該班。儻有代替者。一經查出。即行懲辦。不可因循怠忽。將此通諭知之。○又諭前據額勒登保

奏陝境現已肅清。防堵官兵支領分例。應照奏定章程。於十月起。官員支領鹽菜。及本身馬乾。裁去駝隻銀兩。兵丁祇支鹽菜。夫價。裁去餘丁。及加增鹽菜銀兩等語。當經降旨。令方維甸酌量情形。妥為辦理。茲據該撫奏稱。設卡防兵。俱應照額勒登保所定章程。裁減分例。惟前奏內。祇係裁減銀兩。並未議及口糧。現在邊界山內。食物增昂。未免不敷。口食等語。此項防兵。餘丁口糧。著加恩。仍准暫行支給。再。留防官兵內。有曾經調往搜捕零匪者。若將馱折餘丁。加增鹽菜。概行酌減。不免稍形拮据。著加恩。仍准照向支分例。暫緩裁減。該撫惟當飭知糧臺各員。隨時報明查覈。不得稍有浮冒。○諭軍機大臣等。方維甸奏酌籌鄉勇情形一節。陝省征勇。此時尚有一二千人。該撫欲俟將零匪辦竣後。分給西安同州等屬五十九廳州縣。似未妥協。鄉勇分給各地方。每處尚有二三十人。設桀驁不馴。

之徒聚集滋事難保他處鄉勇不聞風效尤且每名每日仍照常給銀一錢此等無業游民常恃官為養贍直至何時始能散遣乎現在川楚鄉勇安置尚未妥貼其滋事鄉勇據該撫奏即係吳廷剛所帶之鄉勇足見與川楚無涉陝省鄉勇既有從賊之人自由從前辦理不善所致將來搜捕事竣後自應妥為解散或優給賞需令各回原籍自謀生理此為正辦若無籍可歸祇可勸令歸伍俾資給束儻實不願充伍食糧亦祇可派各州縣充當壯丁必須詳查各州縣中有平日素得民心而又能善為駕馭者不分滿漢各員如四川之劉清梁敦懷等方能隨時管束不慮其再生反側或於省城及各處大員衙署酌量多為分給安置亦無不可然總不如設法遣散為妙此輩宜散不宜聚須知此意其遣散鄉勇俱係從前堵剿出力之人今充當壯丁所得工食每日祇給銀二分未免口食不敷

該撫體察情形如有應須加增之處不妨奏聞辦理將此諭令知之○調西安將軍興奎為寧夏將軍寧夏將軍賽冲阿為西安將軍○戊申諭軍機大臣等勦辦邪匪自前年臘月奏報大局戡定上年七月又續奏三省肅清而敗殘零匪至今仍輾轉奔逃總未淨盡現在已屆春融賊匪必思到處掠食即已散之鄉勇聞伊等夥黨尚在各處搶掠互相效尤愈集愈多豈不又成大股劇賊即如元年賊匪初起時原不過數百人後來到處裹脅人數日眾遂至猖獗此時統計零匪雖不過三百餘人若不上緊辦竣必致遺灰復燃德楞泰務於二月內將此起賊匪速行勦洗無遺以贖遷延之咎若以帶兵乏人各路兵丁業經陸續裁撤現在兵力實屬未敷應即時奏聞朕必俯如所請每思元二年帶兵大員曾請京兵不即發往以致賊勢鴟張遷延時日深以為前車之鑒總之辦理軍務最忌因

循粉飾如果零匪未淨需調多兵亦無可諱飾德楞泰接奉此旨即將是否需用領兵之員及尚須加添兵力之處速行覆奏並著傳諭楊遇春令其前赴南山一帶將各要隘及江防嚴密防禦緊顧北面毋令零匪一名逸入所有陝省南山隘口及江防專交楊遇春堵禦其未盡零匪專交德楞泰一手辦竣俾各專責成以期毋負委任將此各諭知之○又諭徐城以下高埂總由於海口阻塞黃河下游不能宣暢以致積淤成埂其莫瞻萊所稱河心積石堆塚或有掛淤等弊既據吳璥查明徐城河身水深一文數尺實無石塊坍卸阻塞確切無疑自係莫瞻萊誤聽人言該河督參考載籍虛心訪求惟束水攻沙一策較勝於人力遠甚應即督同文武各員刻刻留心籌度因地制宜妥為經理至混江龍鐵籠子等項遇有挾沙停淤處所用資爬剔此實前人遺法該河督現已飭令製造試行於

疏導自不無裨益也將此諭令知之○己酉上御山高水長賜王公大臣蒙古王貝勒貝子公額駙台吉及呼圖克圖外藩使臣等食○諭內閣陳大文奏疏防洋盜連劫商船之武職各員並自請議處一摺此次洋盜乘風駛至吳淞口內洋先後劫擄商船共計四十號之多該處川沙營東岸礮臺額設防兵四十名其時僅有兵丁二名在彼即使此二人技藝過人亦不足以資緝捕可見該省水師廢弛已極所有疏防各員陳大文原擬未免過輕亦無庸發交部議其原擬革職枷號之把總朱成秀外委王飛熊著即行斥革於海口枷號三箇月滿日發往伊犁原擬革職之代理叅將事守備陳天桂署千總馮邦慶委巡外委楊秀成周榮貴署守備王萬春委巡把總錢開雲黃智林署守備胡大雄千總倪振先沙文秀把總王如龍均著革職發往軍臺効力提督哈豐阿到任年久於捕盜事宜

不能督率鎮將等認真查緝實難辭咎著與川沙營叅將陳配高總兵謝恩詔一併交部嚴加議處謝恩詔前經奏請陞見業已批准此時應聽候部議無庸來京瞻覲總督陳大文甫經到任辦理地方事務尚能認真其自請議處之處著加恩寬免尋議上賞哈豐阿二等侍衛為葉爾羌幫辦大臣謝恩詔等降調有差○庚戌諭軍機大臣等貢楚克扎布戴均元奏詳查張秋運道事宜一摺計二月

內南漕頭幫行抵張秋其時豫省漫口諒已如期合龍東境下游水勢日就消落自不致河坡一片有礙船行惟所稱合龍以後上游斷流水已無源張秋至臨清一帶河身必有膠淺阻滯之虞等語此則可慮張秋運道若來水無源又經黃流停沙淤墊處所亟應疏濬其東岸缺口之處更應上緊修築收蓄汶水以資利運著費淳鐵保自張秋起至衡工處安設馬站探聽漫口合龍信息即行飛報

並豫集夫料一俟衡工堵合速將該處東岸缺口四處趕緊堵築庶汶水不致旁流得以源源接濟其淤淺處所亦仍當及早挑挖俾重運通行為妥善○調刑部右侍郎戴均元為戶部左侍郎以前任廣東巡撫祖之望為刑部右侍郎○以前任廣東巡撫瑚圖禮署禮部左侍郎兼鑲藍旗漢軍副都統○命兵部左侍郎劉環之提督江蘇學政○命刑部尚書德瑛理藩院侍郎明興馳往山東查

辦事件○癸丑

孝聖憲皇后忌辰遣官祭

泰東陵

上詣

恩慕寺

恩佑寺行禮 命詹事府詹事照翰林院掌院

學士例坐充日講起居注官著為令○以文

淵閣度藏書籍現有續增歸架各冊增設校

理四員協同武英殿纂修各員校對○緩徵

山東荷澤濮范壽張東阿齊東濱利津霑化
東平平陰陽穀鄆城肥城蒲臺青城惠民海
豐濟陽十九州縣並東昌衛東平所水災額
賦蠲緩四川大寧場被水竈丁上年課羨
銀甲寅

上幸萬壽山。飭將軍都統督撫提鎮整飭營
伍諭內閣本日軍機大臣會同戶兵工三部
議駁御史體德奏請增改軍需則例一摺。已
依議行矣。閱摺內有鄉勇一項。不應復有募
用之語。所奏甚是。國家設兵所以衛民。內而
八旗勁旅。外而駐防綠營。原以備一時徵調
之用。我朝軍政修明。從前用兵外域。平定準
噶爾回部大小金川以及勦捕內地亂民。如
王倫蘇四十三田五之類。均係調用額兵。隨
征奏凱。從未有雇募鄉勇之事。自臺灣匪徒
林爽文滋事時。該處地隔海洋。本有義民等
急公慕義。請効馳驅。因而隨宜量用。協同官
兵分司搜勦。迨至勦辦。邪匪帶兵大員及地

方官等召募鄉勇多名。輾轉隨征。以致愈集
愈多。數盈累萬。在鄉里小民等各衛身家。遇
地方偶有不靖。自行團集。什伍保護。田廬原
屬通曉大義。分所當然。若竟官為雇募。隨營
接仗。甚或調往隔省從征。經年累月。成何體
制。試思八旗兵丁。如簡發東三省官兵。不聞
有召募奉天等處民人從軍者。即簡發京營
勁旅。亦從未有令大宛兩縣民人幫同出兵
者。況國家兵制之設有將軍都統督撫提鎮
以資統轄。設立營伍。蒐簡軍實。豈尚不能為
國宣力。乃必藉閭閻未經練習之人。供疆場
折衝之用。則又安用官兵為耶。揆厥所由。皆
因武職大員不能實心辦公。平居無事。往往
令本標兵丁充僕隸廝養之役。或兼習手藝
在署傭工。而於訓練操演。轉視為具文。屬下
將弁相率效尤。而督撫大吏又不能隨時整
飭。遂致隸名營伍。步伐茫然。一旦有事徵調。
其能知紀律。陷陣衝鋒者。寥寥無幾。勢不得

不募民充勇以供調撥是非惟兵不能衛民而轉率民以充兵則大非立制之意矣現在三省邪匪肅清干戈永靖然兵可百年不用不可一日無備況兵之強弱總視乎練兵之勤惰如勤加訓練則弱者可漸使之強儻玩愒從事則強者亦流而為弱嗣後各省將軍都統督撫提鎮等均應嚴飭營員痛改積弊於所轄官兵認真操演俾標兵皆成勁旅以肅軍政而勵戎行將此通諭知之○以四川重慶鎮總兵官馬瑜為江南提督陝西神木協副將劉芬為江南蘇松鎮總兵官○以葉爾羌幫辦大臣達慶為辦事大臣○乙卯以四川懋功協副將雷仁為重慶鎮總兵官○丁巳禁多派辦差官員諭內閣朕前因蹕路經過地方直隸辦差官員過多曾屢經面諭該督等不得紛紛調派本日恭閱

皇考高宗純皇帝實錄內載乾隆三十一年欽奉

諭旨以蹕路所經不過近畿數百里以內且為日無多各該地方佐雜各官足資料理即欲調他屬協辦亦當有所限制何須如許多員往來僕僕著嗣後此等差務止許調取四五十員不得仍前多派致曠公事欽此仰見我皇考慎重地方至意朕前次所諭正與聖諭適相符合地方官均有守土之責若以承辦差事為名於本任經理事務轉致曠廢日後或有貽誤又藉口辦差公出冀圖諉卸處分何以飭吏治而專責成且直隸風氣道府各員每欲藉差務前赴行在希圖召見朕屢加詢問伊等承辦差使不過查道等事其實辦道之官各有地段伊等原未嘗分段稽查特假此為名而已鑒輿臨幸之地祇須除道清塵該督酌派近屬各員已足資辦理安用遠調多員紛馳道路著傳知該督嗣後遇有應辦差務自道府以下以及各廳州縣佐雜覈計足數辦差之用而止毋得仍前多行檄

調以重責守將此通諭知之○罷湖北宜都縣灌灣腦山梁添設營汛從總督吳熊光請也 戊午

上詣

大高殿行禮○還宮○朝鮮國王李璘遣使表

賀

萬壽冬至元旦三大節及歲貢方物賞賚筵宴如例○予陝西故雲南右鎮總兵官王景廣西平樂府知府李演江蘇揚州府同知師彥公江蘇故光祿寺卿沈起元浙江前明南城兵馬司指揮姚以誠入祀鄉賢祠從巡撫祖之望汪志伊阮元等請也○己未

孝儀純皇后忌辰遣官祭

裕陵 庚申諭軍機大臣等本日據鐵保覆奏史培呈控浮報漂失鹽斤及兇役害民各款情節一摺臨清濟寧二州書役過多鐵保既有所聞且提簿查閱雖無盈千數目而一州之地已多至一百數十名試思載在卯簿者

數已逾百則此外隨從散役必尚不止此數該撫即應徹底根究據實叅辦一面將各兇役大加裁汰庶通省州縣均知所警惕蠹役擾民之風可以漸息乃僅止出示嚴諭不免失之寬縱至漂失鹽斤一案鐵保於緩徵摺內雖未會銜但雒口一帶地方相距甚近其漂失鹽包數目既有輿論該撫豈毫無所聞如果有浮報欺公情弊該撫亦難免咎所有各項情節著德瑛等詳悉查究將此諭令知之○是月兩廣總督倭什布等覆奏查究匪徒得旨有犯必懲常川留意總不可姑息地方官懼干處分諱盜者多爾大吏不可愛惜一二不肖官吏之身家不惜數千百家窮民之性命於心安乎勉力緝捕然亦須防冒濫邀功汝等誌之○湖南巡撫阿林保奏調署知縣各缺撤回本任得旨此等事惟存一公字一是字而已部例須遵地方尤要不可太拘不可過濫秉公辦理為要勉之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十五

實錄卷一百二十五

未

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十六

世宗憲皇帝御製詩經卷之六

世宗憲皇帝御製詩經卷之六

世宗憲皇帝御製詩經卷之六

世宗憲皇帝御製詩經卷之六

世宗憲皇帝御製詩經卷之六

教修

嘉慶九年甲子二月辛酉朔○壬戌以舉行

仲春經筵遣官告祭

奉先殿

傳心殿

上御文華殿經筵直講官劉權之玉麟進講孟

子謹庠序之教申之以孝悌之義講畢

上宣御論曰王政以養民為先而移風易俗莫

善於教自小學入於大學黨庠州序申孝悌

之義為教化之源夫人之生本於天倫身體

髮膚受於父母天經地義萬善之首孝也愛

親敬長敦敘和睦消爭鬭之習興遜讓之風
老安少懷百行之要悌也正邪兩途惟人自
趨人性本善惟設教以防之善善欲長日加
益而不自知孝弟之人烏有作奸犯科之事
哉道德齊禮庶可冀矣古聖賢立言必先孝
悌蓋深知設教之本義入而在家以此理事
父兄出而在外以此理事君上所謂移孝作
忠理無二致孝悌也者其為教之本可不謹
歟直講官扎郎阿曹振鏞進講易經節以制
度講畢

上宣御論曰儉為美德貴乎有節天地有節則
四時流行王者有節則庶民藏富夫數有多
寡度有等差不可無節制之道也節者中也
無過不及之謂也若矯情拂理為苦節窮奢
極欲為不節皆失中道不得節制之宜矣人
君有中正之德敦善俗養民之政立為制度
損己益人得甘節之吉矣人臣守順正之理
消肥家利己之私奉為制度致君澤民得安

節之道矣當位之節節以天下使賤不踰貴
各安其分得節之要道治亂安危之機實繫
此理其可忽哉禮成

上幸文淵閣賜講官及聽講諸臣茶復賜宴於
本仁殿諭內閣翰林院為典冊淵藪從前
皇考高宗純皇帝臨幸時曾將古今圖書集成
全部

頒發珍藏碑詞臣咸得觀摩共窺美富敬念
皇考聖製詩文全集闡經明道茹古涵今集聖

學之大成括羣籍之義蘊允宜垂示藝林光
昭萬禩至太學鐫刻石經仰維

皇考尊經典學超軼漢唐亦當頒之冊府用示
楷模此次朕臨幸翰林院特將內府尊藏

皇考聖製詩文全集及

欽定石刻十三經各一分交該院祇領恭貯以
昭朕懋

緒右文嘉惠儒臣至意又諭兵部議覆愛新
泰所請將現在由臺募兵及義民首內拔補

各員弁准其留臺升拔並嗣後與以限制一摺。臺灣千把外委等官舊例於三年俸滿班滿時均應調回內地差委。惟近年以來多有由義民首及臺募兵內打仗緝匪著有微勞以次拔補者。該弁等本係土著於該處地方情形素為熟悉緝捕自較得力。若調至內地轉屬生手。且伊等父母妻子向皆就近團聚。一旦因換班內渡無力搬移不能兼顧以致紛紛告退。情亦可憫。著照該部所議查明該

處現由本地募兵及義民首內除先經拔補各員外嗣後定以限制。千總准其拔補三名。把總准其拔補五名。外委准其拔補十名。額外外委照缺計算俱准其留臺差操。如有緝捕出力者以次升拔。仍造冊咨部以備查覈。至臺灣兵丁向由內地調撥換防原欲令其更番輪替熟習海洋以資緝捕。若悉由該處召募就近升拔行之日久則該處額兵皆係本地之人將來內地弁兵竟不知有換班渡

臺之事於洋面情形無由練習。即臺灣風土人情亦全不通曉殊非善政。大乖立制本意。嗣後臺灣兵丁著遵照定例仍由內地調取換班其現由該處召募之一千一百餘名遇有缺出時仍由內地挑補亦無庸再由該處募補以肅營制。予四川陣亡佐領永恰布雲騎尉舍楞額防禦常福德陞驍騎校巴哈布常善常齡委前鋒哈豐阿祭葬加等世職如例。兵丁鄭福陞等八百九十二名賞卹如

例。予廣東出洋淹斃外委鄭勇鄭國威周應泰福建出洋淹斃把總陳家駒外委王陞李文耀祭葬卹廕。兵丁溫永裕等二百三十四名賞卹如例。○癸亥。

上幸翰林院先期

御書天祿儲才清華勵品二額分懸院署是日

謁

先師孔子畢升座作樂行禮如儀賜羣臣宴。王大學士以下翰林院詹事府諸臣並部寺

科道之由翰林出身者咸與宣示

御製敬依

高宗聖製元韻詩二首命諸臣分韻賦詩又做

柏梁體詩

御製首句命羣臣以次賡續成章復宣示

御製七言律詩二章命諸王及分字諸臣和韻

宴畢賜

御製味餘書室全集並賞賚有差○遣官祭

文昌帝君廟○甲子遣官祭

先醫之神○直隸總督顏檢奏南運河鄰近

州縣兩岸隄工應擇緊要處所加高培厚並

將捷地興濟二減河淤淺之處廣為挑挖以

暢河流從之○以軍營出力賞加渴瓦寺土

司索諾木榮宗宣慰司職○旌表守正被戕

四川名山縣民女李氏○乙丑遣官祭

關帝廟○調三姓副都統斌靜為齊齊哈爾

副都統齊齊哈爾副都統額勒琿為三姓副

都統伯都訥副都統伊鏗額為墨爾根副都

統墨爾根副都統達斯呼勒岱為伯都訥副

都統

上以祭

社稷壇自是日始齋戒三日○丙寅諭內閣朕

披閱勦平邪匪方略內載散秩大臣佛住

東鄉勦賊時與協領塔克新等九員同時陣

亡曾諭知觀成等將佛住及塔克新等一併

咨部加一等優卹因令軍機大臣查明當時

如何優卹之處旋據交查兵部佛住本係三

等子爵因明發諭旨內有優卹字樣是以加

等議給一等子又一雲騎尉其塔克新等九

員因明發諭旨內祇係交部議卹並無從優

二字部中辦理卹典時並未加等議給等語

該員等本與佛住同時陣亡佛住既邀優卹

則該員等亦應一體從優從前明發諭旨內

自係書寫遺漏協領塔克新佐領石柱遊擊

范林防禦貴隆額勒精布守備楊成白知縣

陸霖張寧陽典史楊永錫著該部將所得卹

典仍加恩從優補給以示朕憫念蓋臣至意

丁卯

孝淑皇后忌辰命

皇次子~~是~~祭

陵寢祭

先師孔子遣榮郡王綿億行禮諭內閣朕

恭閱

皇考高宗純皇帝乾隆三十一年

實錄因朕所執成親王題畫扇頭有兄鏡泉三

字當奉

聖諭以十一阿哥幼齡所學文理字畫尚覺可觀但落款鏡泉則非皇子所宜此蓋師傅輩書生習氣以別號為美稱妄與取字於蒙養之道甚有關係皇子讀書惟當講求大義期有裨於立身行已至於尋章摘句已為末務矧以虛名相尚耶我國家世敦淳樸所重在乎習國書學騎射豈可效書愚陋習流於虛謾設使相習成風其弊必至今羽林侍衛咸

以脫劍學書為風雅甚且改易衣冠變更舊俗不可不知儆惕等因欽此仰見我

皇考崇實黜華敦本貽謀至意自奉

皇考訓諭以後咸各凜遵弗忘今皇子等在書

房誦讀本無另取別號之事而

聖訓昭垂意至深遠所當敬謹申明俾知法守

將來皇子中年齒稍長者閒取一二字顏其

書齋鐫之圖章尚無不可總不得自署別號

競尚虛文惟當講明正學以涵養德性通達

事理為務至詞章之學本屬末節况我朝

家法相傳國語騎射尤當勤加肄習若竟以風

雅自命與文人學士爭長是舍其本而務其

末非蒙以養正之意也著將此旨實貼上書

房俾皇子等提撕警覺用仰副

皇考及朕諄諄垂訓之意又諭本年京察屆

期吏部開列在京各部院大臣及各省督撫

名單進呈請旨甄別大學士向不開列第念

大學士保寧慶桂劉墉董誥協辦大學士琳

寧朱珪叅贊綸扉或職司票擬或趨承樞禁俱能恪勤匪懈尚書劉權之德瑛戴衢亨在軍機處行走小心勤慎尚書祿康職任度支兼管步軍統領辦事勤妥內閣學士曹振鏞恭纂

高宗純皇帝實錄稿本尚為詳慎均著交部議敘直隸總督顏檢辦理地方一切事宜。龜勉妥協山西巡撫伯麟久任封圻循聲素著。浙江巡撫阮元有守有為清儉持躬亦均著交

部議敘閩浙總督玉德前因江西石城等處匪徒滋事與閩界毗連當令玉德馳往建寧一帶查辦已據奏將首犯吳韜寧金鰲等緝獲到案尚屬勤勉著賞還花翎江西巡撫秦承恩當該省匪徒廖幹周等滋擾時即帶兵趕往督捕全數掃除特因其奏報遲延是以未即加恩但念糾眾鉅案該撫能剋期辦竣其功足錄著賞給二品頂帶餘俱著照舊供職又諭鑲黃旗都統奏查出該旗漢軍秀

女內有十九人俱經纏足請將該管大臣交部查議叅佐領等交部議處等語我朝服飾本有定制必當永遠遵守今該旗漢軍秀女竟有纏足者甚屬錯謬一旗既有十九人其餘七旗漢軍想亦不免今姑不深究祿康查出據實奏聞尚屬細心著免其查議該管副都統並未查出均屬非是成書珠隆阿俱著交部察議該管叅佐領等交部分別議處至此秀女十九人父兄本應照例治罪惟此等

漢軍自幼鄉居是以沾染漢習此次著格外加恩暫免治罪著通諭八旗漢軍各遵定制勿得任意改裝各該管叅佐領等務按戶曉諭各該旗大臣不時留心詳查如有不遵定制者即行叅奏儻別經叅奏不惟將該秀女父兄照違制例治罪定將該管都統叅佐領等一併治罪再此次挑選秀女衣袖寬大竟如漢人裝飾競尚奢華所繫甚重著交該旗嚴行曉示禁止務以黜華崇儉為要○緩徵

直隸長垣東明開三州縣水災額賦○戊辰祭

大社

大稷

上親詣行禮○定直隸古北口協領由三河玉田協領調補三河玉田協領由順義昌平協領調補順義昌平協領由五處防禦一體選補從密雲副都統永慈請也○補行嘉慶七年軍政廣東卓異官六員有疾官二員年老

官一員才力不及官一員分別議敘處分如例○己巳諭內閣額亦都為本朝開國勲臣其後嗣如阿里衮豐昇額均曾為國宣勤著有勞績豐昇額之子明岑未能承受朕恩自獲咎譴旋即身故念其祖父前勞是以加恩將伊子和色本賞給主事令其在吏部行走今聞和色本又已病故且伊家現有兩世孀居情殊可憫明安之次子那蘇巴團尚在穉齡著加恩賞給主事在家支領半俸以資養

瞻俟伊年長及歲再行帶領引見當差用示朕篤念舊勲推恩後裔至意 庚午春分朝日於東郊

上親詣行禮 詣

雍和宮行禮 幸圓明園○辛未

孝康章皇后忌辰遣官祭

孝陵 諭內閣本日據汪志伊奏拏獲幾倫重犯審明辦理并將夥劫勒斃事主各兇盜問擬斬梟請勅部覈覆一摺此案陳老三許得

安二犯聽從逆犯康淮行劫其父康華周財物並與康淮同謀將其父康華周用繩勒斃助逆行兇情節實為可恨外省督撫於尋常盜犯有夥劫勒斃事主者自應照例問擬奏明聽候部議此案關繫蔑倫非尋常盜案可比豈容稍稽顯戮該撫於審明後即當一面奏聞一面恭請王命一併正法又何必拘泥奏請勅部覈覆耶所有陳老三許得安二犯著即處斬梟示不必再交部議嗣後各省案

犯有似此情罪重大者。即照此辦理。○癸酉。命遣送編置佐領及安置各處之安南人回國。諭內閣。前據阮福映具表啟關。籲請錫封。業經加恩封為越南國王。撫有交南。備位藩服。因思從前隨同黎維祁內投。編置佐領之安南人等。雖經給有廩糈。團聚安居。但遠離鄉土。已閱多年。情殊可憫。著加恩准令回國。以遂其懷歸之志。並可將黎維祁骸骨還葬故墟。俾正首邱。著該旗都統等按照冊開安

南人戶佐領一員。傳旨賞給銀十兩。驍騎校一員。賞給銀八兩。領催以下男婦大日每人賞給銀五兩。小口每人賞給銀三兩。均於廣儲司庫支領給發。令其分起行走。沿途資送廣西。交與巡撫百齡遣送出關。知會該國王收領。除江寧安插者已諭知陳大文遵照辦理外。其在熱河張家口者。著該都統等即查照送京。交該旗一例遣送。至前經發往奉天黑龍江伊犁等處之安南人等。並著該將軍

等查明釋回。一體賞給資送粵西。遣令出關。以示格外矜卹至意。○諭軍機大臣等。那彥成奏籌辦齊齊哈爾事宜一摺。並條列六款。進呈朕詳加披閱。如所請嗣後內地民人。有來黑龍江貿易者。准其攜眷居住。種地謀生。屯丁之放出為民者。亦准其安居樂業。不必逐出境外一款。事不可行。東三省為根本重地。原不准民人雜處。致礙旗人生計。是以內地貿易之人。不許在彼居住謀生。如有私自

逗遛。尚當驅逐出境。昨因山海關等處出口人多。曾降旨定立章程。嚴行稽察。豈可執通商致富之說。轉令內地民人。前赴黑龍江居住謀生。聽其自便乎。若云准令漢人居住。則地方富庶。兵力可以勇健。亦無此理。東三省旗人以弓馬為本務。每日勤加演習。及捕打牲畜。兵力自臻驍健。設與漢人相處。必致沾染氣習。漸流懦弱。今黑龍江之兵。勝於吉林。而吉林又較勝於奉天。可見強兵之法。不在

通商此其明驗也。又據稱嗣後黑龍江等處自副都統至協領佐領等官本處旗人祇用一二人其餘皆以京員及盛京吉林旗員升調一節將軍副都統有統轄閫營之責自當簡用京員前因副都統額勒琿達斯呼勒岱均係該處旗人辦理諸務恐有瞻顧是以降旨將斌靜調為齊齊哈爾副都統伊鏗額調為墨爾根副都統至協領佐領等官即為各該營官等升轉之階外省駐防皆係以本處旗人升調營制有常若黑龍江一處改用他處之人勢必將各省駐防一律照辦亦未免事涉更張斷不可行至於把持勾結之弊惟在該將軍副都統等潔己奉公留心管束自可潛消積習豈屬員盡用他處旗人遂能經久無弊乎以上二款應無庸置議惟據稱該處田土多曠屯丁日貧自當妥為調劑或於該處屯丁子弟內或於發往罪人內酌給籽種牛具等項責令開墾以期土無遺利人有

恒業方為盡善至所稱每丁領牛一隻須交糧二十五倉石而官員子弟及兵丁之不領牛隻者一任種地之多寡並無升斗之糧以致富者日富貧者愈增積欠此則太覺偏枯亦應將官員及豐厚之戶承種地畝立定限制不准私行開墾著觀明會同宜興體察情形酌立章程總當使旗人等均沾樂利期於行之可久並將那彥成所奏請添給新官莊牛隻倒斃銀兩及請減額糧等款一併詳悉妥議用漢字摺具奏候旨遵行再據那彥成面奏黑龍江兵丁有不能騎射者該處兵丁素稱勁旅豈可廢弛騎射至此並著觀明隨時查察務令嫻習為要將此諭令知之○改授吐魯番領隊大臣藍翎侍衛玉衡為四等侍衛以宗室向無藍翎故也○甲戌遣官祭昭忠祠○引見京察三四五品京堂得旨大理寺卿孟邵翰林院侍講學士吳省蘭年已就衰才力不及俱著以原品休致回籍大理

寺少卿宗室慶岱光祿寺少卿五德太僕寺少卿博慶年齒亦衰俱著以原品前往

裕陵守護更換特克慎翁方綱觀岱休致各回旗籍所遺大理寺卿員缺著周廷棟補授其太僕寺卿員缺著章煦升補光祿寺少卿員缺著珠隆阿補授侍講學士員缺著王宗誠升補汪滋嘜著轉補左庶子其右庶子員缺著溫汝适升補所遺翰林院侍讀員缺著余集補授餘著照舊供職○調伊犁領隊大臣

那奇泰為葉爾羌幫辦大臣葉爾羌幫辦大臣哈豐阿為伊犁領隊大臣喀什噶爾幫辦大臣高杞為烏魯木齊領隊大臣烏魯木齊領隊大臣德勒克扎布為喀什噶爾幫辦大臣○旌表守正被戕安徽無為州民鄭銀倉妻杭氏○乙亥諭內閣本日慶桂等因恭進實錄內擡寫之處訛繕一字請將各總裁及纂修等官交部嚴議一摺每次館臣呈進實錄朕以

皇考高宗純皇帝聖德神謨具載簡策無不敬加披覽凡在館總裁官理應督同纂修等員詳慎編校以昭恭謹豈僅知屢次乞恩瀆請議敘遂盡總裁之職耶節次進呈正本屢有字畫訛錯者均經指出至擡寫字樣闕繫尤重朕於恭閱時更為留心一經看出錯誤豈能不加懲處乃此次於欽奉

聖諭內應行擡寫之處訛書一字實非尋常疏率可比所有專辦稿本之總裁內閣學士曹振鏞纂修官編修葉紹本覆校官編修周興岱著照所請交部嚴加議處其總裁官朱珪紀昀玉麟伊等雖有在內廷行走者暇時儘可校閱此次未能看出亦屬疏忽著加恩改為交部議處至慶桂董誥二人日直軍機樞務較繁著加恩改為察議嗣後務當倍加敬謹悉心纂辦儻再有似此錯誤之處必應嚴治不貸尋議曹振鏞等三員各降一級調用上以訛寫僅止半字且該員等在館纂辦尚係

熟手均改為降三級留任○兵部議准四川總督勒保疏稱苗疆甫經戡定防範均關緊要所有綏寧協副將左營都司右營守備酉陽營遊擊中營守備俱歸題缺在外遴補應如所請從之○廓爾喀額爾德尼王吉爾巴納祖塔畢噶喇瑪薩野遣使表賀凱旋賜勅賞賚如例○旌表守正捐軀安徽舒城縣民汪添順妻張氏○緩徵兩淮板浦中正臨興三場六年未完折價銀○丁丑以病休喀爾

喀車臣汗貝勒達克丹多爾濟子納木濟勒多爾濟賽因諾顏額魯特扎薩克貝子貢楚克邦子濟克默特貢桑故土謝圖汗輔國公散都布多爾濟弟巴勒多爾濟扎薩克圖汗輔國公格哩克子車登多爾濟賽因諾顏輔國公噶爾瑪子格木丕勒端多布各襲爵○戊寅諭內閣本日刑部奏酌擬雲貴等省緩決三次以上減等人犯一摺詳閱單開情節雲南省絞犯楊光一起因王思文糾竊該犯

與張明德夥養牛隻經張明德訪獲商令送究該犯起意令張明德將王思文拴於茅房燒斃四川省絞犯周仕盛一起因王正科竊伊柴薪該犯拏住欲行送究王正科聲言定將該犯殺害該犯氣忿起意活埋隨挖坑推入掩埋斃命絞犯聶維剛一起因何增習竊伊牛隻拏獲網縛送究何增習聲言欲行殺害該犯起意活埋推入糞坑掩埋斃命又廣西省絞犯黃開遠一起因充當村長適張積

彩偷竊張接遠田禾被獲投明該犯送官張積彩聲言回家後定當放火燒村該犯起意除害商同挖坑推入活埋致斃絞犯陶開先一起因刺匪劉大名竊伊雞隻登時捉獲被其辱罵該犯起意致死令陶開坤等扛赴山坳拾草焚燒致斃以上各案死者雖係罪人但所犯均止偷竊即送官究治罪不至死乃該犯等或用火燒斃或挖坑活埋情殊殘忍未便概予減流楊光周仕盛聶維剛黃開遠

陶開先均著改發近邊充軍。至四川絞犯秦應遼一起。因陳正位毆斃伊父。減流赦回。輒以殺人不用抵償之言。向人誇口。該犯聽聞面斥其非。被陳正位拔刀向戮。隨奪刀回戮致斃。陳正位本係該犯父讐。赦回後復敢肆言誇口。迨經該犯面斥。又輒拔刀向戮。該犯一時忿激。奪刀回戮。致斃。情殊可憫。秦應遼著改為杖責發落。以示朕準情執法斟酌用中之意。補行嘉慶七年大計。甘肅卓異官九員。罷軟官一員。有疾官一員。不謹官一員。年老官四員。分別議敘處分如例。○予湖北陣亡把總胡銅楊名。外委米正強。章士超。守備銜武生陳必富。千總銜武生章景龍。柯隆忠。雲南陣亡把總羅德超。四川陣亡外委黃得方。儀祭葬世職如例。鄉勇楊仕山祭葬世職如把總例。湖北四川勦賊壓斃委叅領張進。恒淹斃驍騎校克陞。額把總陳在朝祭葬世職如陣亡例。外委秦先成等三名委驍騎

校富順等四名。兵丁周學達等一百八十六名。賞卹如例。○予廣東捕盜被戕叅將陳名魁。守備李象斌。外委黃振陟祭葬世職。額外委曾楊標。兵丁李恩等五名。賞卹如例。○已卯諭內閣。本年正月間。兵部奏輪應查閱之湖北等省營伍。及上年額勒登保奏請展期查閱之陝省各營。請派大員查閱。朕以陝省及楚北之安襄鄖三府營伍官兵。數年來隨同勦賊。且營制多有新設。額勒登保較為熟悉。是以降旨仍派額勒登保馳驛前往。茲據奏稱。即日起程。因思三省地方。自肅清以後。民氣甫經安輯。而川陝邊界一帶。大山老林。尚不免有一二零匪。潛迹滋事。尤當趁此時。搜捕淨絕。永靖閭閻。且裁撤兵勇。以及安設邊防各事宜。亦關緊要。德楞泰一人駐彼。猶恐未能周至。著額勒登保先行馳赴該處。會同督辦。安速經理。務臻盡善。俟歲事後。將各處營伍。以次巡查完竣。再行回京。所有應

用文移等項。著將欽差大臣關防齎帶。鈴用其所請。現在來京引見之陝西知州方載豫。四川知縣顧紹先二員。均著准其隨帶。並令一併馳驛。○增設伊犁固爾扎城六品已濟格爾伯克一員。七品色迪爾伯克一員。從將軍松筠請也。○給河南杞陳留武陟原武四縣被水災民一月口糧。○庚辰。上御勤政殿聽政。○遣官祭黑龍潭。昭靈沛澤龍王之神。玉泉山。

惠濟慈佑靈瀆龍王之神。○諭內閣。前因史培呈控山東商人鹽包被淹。浮報緩徵等款。當派德瑛等馳往查辦。嗣據訊明所控虛誣。惟鹽政王慶上年赴東。祇由碓口履勘。並未親赴南橋。經德瑛等咨詢。未據聲覆。業將王慶交部議處。並傳諭該鹽政令其明白。回奏。茲據王慶覆奏。伊於上年十一月內至碓口地方查勘。被淹鹽包與運使詳報印冊數目相符。以為南橋自亦無異。即未親往。且其時

運庫尚未盤查鹽斤。亦未稱掣商人應交課銀。未經題報全完。恐往返南橋。未免顧彼失此。等語。南橋等處鹽包被淹。經該地方詳報。該鹽政自應親往履勘。若因有盤庫掣鹽等事。不能分身前往。即應於陳奏摺內據實聲敘。乃王慶上年具奏時。輒稱星夜前赴被水各處。繞道逐一履勘。迨此次降旨詢問。又稱未能親赴南橋。是前奏實屬膽大捏飾。王慶著交部嚴加議處。即來京聽候部議。○以詹

事府少詹事茅元銘為詹事。太常寺卿廣敏為大理寺卿。○辛巳。遣官祭

歷代帝王廟。○以翰林院侍讀學士陳希曾侍讀吳鼎充日講起居注官。侍讀學士周兆基編修蔣祥墀署日講起居注官。○壬午。上幸靜明園。詣

龍神廟拈香。○癸未。諭軍機大臣等。本日御史周廷森條奏各省水師戰船向照部頒定式。祇能在海邊巡查。不能放洋遠出。請改照

商船制度以收實用一摺。各省水師均設有戰船。惟船身笨重。不便駕駛。多有雇用商船出洋堵拏盜匪者。且該匪等如遇戰船。知係官兵緝捕。轉得駕舟逃逸。是以各處出洋緝盜。往往用商船暗伏兵丁。乘其不備。以為掩捕之計。今該御史既有此奏。亦為整飭水師起見。但各省戰船亦難一律紛紛改造。前此長麟在廣東時。曾捐辦米艇數十隻。而閩浙兩省近亦倣照商船之式改造。於巡洋捕盜頗為得力。因思江省濱海之區。近日屢有盜劫之案。自應嚴加搜捕。所有該處戰船。著陳大文即行倣照廣東閩浙等省之例。妥為籌辦。或另製船隻。或改造戰船。詳議具奏。惟是出洋固須船隻便利。而尤在兵丁技藝嫺熟。方有實濟。若水師日就廢弛。即多設捕盜船隻。仍無裨益。該督務須轉飭各鎮將認真操演。以期肅清洋面為要。至盜匪在洋肆劫。多由陸地奸徒私運糧米接濟。並代為銷贓。節

經降旨飭禁。陳大文務於各海口嚴行申諭。文武員弁留心稽察。毋許將糧米私行出洋。如查有富家奸線。一經拏獲。即加懲辦。勿得視為具文。將此諭令知之。○甲申。

上詣

安佑宮行禮。撥廣東商捐銀四十萬兩。兩淮鹽課銀二十萬兩。解往陝西。以備善後事宜之用。○免四川太平。大寧。通江。巫山。四廳縣額賦有差。並緩徵鹽茶課稅銀。○乙酉。清明

節

上詣

壽皇殿行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵（命）

皇次子（祭）

孝淑皇后陵寢○遣官祭

端慧皇太子園寢○還宮○諭內閣全保奏

拏獲占種搶割拒傷官役各犯審明定擬一

摺此案沔陽州民人劉禮秀等與嘉魚縣民

人爭占洲地並於蕎麥黃熟時邀約劉禮書

孫名宗等多人前往搶割適嘉魚縣飭委石

頭口巡檢聞夢霖赴彼彈壓劉禮書明知地

方官前來執敢喝令毆打孫名宗站立巡檢

轎旁即用竹棍戳進致傷聞夢霖左右眼胞

鼻梁等處劉禮書用竹煙袋戳傷頂心並將

帶往弓兵韓柱等毆打而散該犯等糾眾搶

割已屬不法甚至不服彈壓毆傷官長兇橫

已極設官原以治民若民不畏官即不畏王

法設地方官果有貪黷殃民等事亦應赴上

司衙門呈訴靜候查辦似此目無官長恃眾

逞毆犯上作亂之風漸不可長自應立加嚴

辦以儆刁頑全保審明後即當一面具奏一

面將喝令毆打為首之劉禮書為從下手之

孫名宗二犯按律正法方為正辦乃復拘泥

聲請部議實屬不知事體全保著傳旨申飭

劉禮書著即處斬孫名宗著即處絞餘著該

部覈擬具奏所有逸犯孫名標等該撫飭屬

嚴拏務獲毋使漏網○旌表守正被戕湖北

天門縣民楊星奉妻謝氏○丙戌

孝昭仁皇后忌辰遣官祭

景陵○諭內閣鐵保奏請將額外外委開缺補

扣一摺前因東省官兵調赴軍營存營官兵

不敷曾經暫添額外外委六十名今凱旋員

弁業已回營自應扣除以符原額惟此項額

外外委向係於各營兵丁內挑選拔用若俟

全數扣完後再予拔補兵丁等進身無階殊

非隨時鼓勵之道著照所請此項額外委
每出二缺以一缺各部扣除一缺照常考拔
以勵戎行而符營制○以福建澎湖協副將
吳奇貴為金門鎮總兵官直隸通州協副將
馬國銳為四川松潘鎮總兵官○予江蘇故
兵部尚書彭啟豐入祀鄉賢祠從巡撫汪志
伊等請也○丁亥

上耕藉詣

先農壇行禮更服至藉田所

躬耕三推復加一推

御觀耕臺命豫親王裕豐肅親王永錫質郡王
綿慶各五推吏部右侍郎錢樾戶部右侍郎
初彭齡禮部右侍郎王麟兵部左侍郎成書
刑部左侍郎瑚素通阿工部右侍郎莫瞻菴
都察院左副都御史舒聘通政使司副使廣
興大理寺卿周廷棟各九推畢順天府府尹
率農夫終畝賞耆農夫耆老如例○旌表守
正捐軀河南鹿邑縣民張永興妹張氏○戊

子

上啟鑒恭謁

東陵○免蹕路經過地方本年額賦十分之三
○是日駐蹕烟郊行宮○己丑遣官祭賢良
祠是日駐蹕白澗行宮

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百二十六

[illegible]

嘉慶九年甲子三月庚寅朔駐蹕隆福寺行

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員。

清實錄
嘉慶九年三月

均隨行禮。是日迴鑾駐蹕桃花寺行宮。

壬辰以豫工東壩墊塌革留工幫辦之雲南布政使策丹等頂帶遣散秩大臣衮布扎布往奠故阿拉善親王旺沁班巴爾茶酒並賞銀五百兩治喪是日駐蹕盤山行宮至丁酉皆如之○癸巳祭

先蠶之神遣妃恭代行禮 賜扈從王公大臣等食於靜寄山莊並賞賚有差 甲午以前任雲南布政使阿禮布署雲南布政使○

乙未旌表守正被戕烏嚕木齊駐防間散圖

瓦謙本妻成氏 丙申伊犁將軍松筠奏察

哈爾額魯特兵丁每年應交羊隻請每隻折

銀三錢交納從之。實授興長為直隸馬蘭

鎮總兵官 賞額魯特被災部落孳生牛馬

有差並展駝匹納生之限
丁酉旌表守正

捐軀河南扶溝縣民胡大本妻梁氏 戊戌

撥山西糧三萬石解往陝西以備兵糈○是

日駐蹕白澗行宮 己亥諭內閣昨據御史

鄭敏行參奏此次京察都察院保送一等人員內有給事中宋澍上年陳奏日食不及七分會奉旨交部議處係謬妄不職之員又御史費錫章於嘉慶七年春闈監試適主考熊枚奉旨出闈署理直隸總督該御史在至公堂向熊枚懇求隨帶出差及帶往直隸後熊枚又因費錫章聲名不好欲將該御史徹回費錫章尚在逗遛即經砥柱指名參奏是費錫章為人卑鄙不堪今都察院將該二員首

列一等不特中外傳為笑柄亦無以清羣吏而儆官邪等語科道職司糾劾如各部院堂官果有不公不法瞻徇情面之事自當據實陳奏況京察為激揚大典儻各衙門所保人員實有奔競營私情弊科道等得有確據尤應直言無隱此次該御史參奏若係六部及各衙門保送人員或該御史亦在一等之列則其言尚屬因公今鄭敏行係參劾本衙門保送之員而該御史又並未得列一等是其

居心即已涉私但既有此奏豈可不加詳察宋澍前年妄奏日食一事業經交部議處原不應保送一等今該御史目以謬妄不職是否宋澍平素尚別有謬妄實蹟即費錫章據稱在至公堂衆人屬目之地向熊枚懇求該御史自係在闈目睹何以不即時彈劾直至今日保列一等始行舉發究竟費錫章如何向熊枚懇求其時至公堂衆人屬目又係何人在旁一同聞見其帶往直隸後如何聲名

不好亦必實有劣蹟可指如該科道果係謬妄卑鄙則豈特不可濫廁一等直不應玷居官職何況臺諫清要之秩耶着鄭敏行即將指出情節一一據實回奏毋得一字稍涉含混至京察保送人員三載考績自應就數年中奉職無過之員遴選薦舉今宋澍甫於前歲以言事議處何以此次即將該員保送一等或竟係瞻徇請託伊近日辦事有何出色之處費錫章才具聲名究竟如何何以列入

薦牘並著都察院堂官據實覆奏至熊枚在至公堂時費錫章曾否向伊懇求其在直隸時聲名如何不好熊枚是否因此令其回京亦著熊枚據實具奏勿稍徇隱朕於用人行政一秉至公即科道有所參劾必令據事指實斷不肯採聽空言輕為措置今鄭敏行所奏二事不獨有關人品且京察為黜陟大典所繫都察院為風紀之司若本人因不入上考即撻拾他人瑕疵以快私意勢必傾軋成風互相攻訐成何政體此事俟伊等回奏明確再行降旨○是日駐蹕大新莊行宮○庚子

孝賢純皇后忌辰遣官祭

裕陵○諭軍機大臣等那彥寶等奏報連日河流形勢及趨辦進占緣由一摺據稱東壩壅壅之三十丈埽段尚存水底昨經補進八丈近又接做十餘丈兩壩相距共剩二十餘丈現仍按日施工等語所奏不足為喜堵築漫

工全賴引河通暢掣溜直趨方能合龍此次引河初開時據稱即祇掣溜四分迨東壩壅壅之後溜勢減至三分今又稱初二日以後溜勢分為兩股一由東首仍歸引河其勢較小閘園內黏簽稱引河現行溜二分殊深憂慮引河掣溜日形減少而中洪十數丈之水並無歸宿即將壩工勉強進占數丈所謂不揣本而齊末於事何益況進占之後急溜奔騰或水勢稍長或風力激撞必致別有衝壅

隱憂前功豈不徒糜帑項二十七日東壩壅壅受病全在引河不暢豈可不治真病妄投藥石耶前已降旨諭令將引河水勢情形據實具奏今據稱引河下游或有淺阻處所已派員前往設法隨時疏刷等語仍未將引河實在形勢詳悉聲敘朕風聞引河至第三十六段處所即形阻滯聞所奏圖內亦未將逐段工程地方簽貼明晰而於二堡迤東舊河身抽溝一帶並未繪有溜行形迹可見引河

之水尚不能流至下游自係開挖未能得勢即使設法疏刷而去路不暢安能掣動全溜且水行既已紆緩沙停淤積尤所必然目前急務總以籌辦引河為第一緊要那彥寶等不妨將進占工程暫行緩辦先當詳勘引河形勢如何設法補救俾資暢注或原辦實未妥協此時必須另行辦理亦應上緊相度奏明籌辦那彥寶等此次應得之咎業已加恩寬貸更不可迴護前非陳奏稍有不盡也朕

閱圖內引河頭迤西淤出灘嘴一處將大溜逼向西北以致西壩頂衝看來即將挑水壩往前邁進亦恐不能得力莫若將此灘嘴切去則水勢自可東移又據稱南首水勢現在坐灣折向北注等語閱所奏舊圖內該處向未坐灣此次自因迤北迎水壩前淤出新灘一片是以挑溜向南勢成坐灣以致折回北注之水愈形駛急自應將此灘一併切去至引河頭分溜勢甚微弱現於圖內用硃筆畫

出可否於此處將引河頭設法改移再行挑溜東趨似為得勢然皆紙上談兵不可迎合總宜相度地勢高下引水歸引河為急務著那彥寶等詳細斟酌是否可以如此辦理悉心速奏將此諭令知之○是日駐蹕三家店行宮 辛丑賞蹕路經過看守各行宮弁兵半月錢糧 是日駐蹕湯山行宮 壬寅上謁明長陵 諭內閣本日朕親至明成祖長陵酌奠並遣大臣分詣諸陵行禮憑眺山陵

彌深殷鑒敬念

皇考高宗純皇帝特諭重修明帝諸陵明樓亭殿規制煥然嚴禁樵蘇松楸無恙茲朕鑒輅經臨再申禁例著該地方官以時飭令守陵人戶敬司灑埽並嚴禁砍伐樹木永遠遵奉無得懈弛以副朕恪守

前謨培護勝國陵寢至意

御製謁明陵紀事曰明十三陵在昌平天壽山我朝定鼎後代為保護申禁樵採恩禮之隆

自古未有

皇考特發帑金一律修葺朕繼承

遺志親來叩奠遍瞻榱桷式煥松柏舒榮益欽聖德之高深彌凜守成之不易殷鑒不遠

天命靡常惟日孜孜猶恐有失勤政實為君之大本怠荒實亡國之病源可不慎其幾與夫明代諸君洪武永樂皆大有為之主中葉以後荒淫失德者鮮亦無暴虐放恣諸弊然其大病則在於不勤政耽宴安夫不勤則上不

敬

天下不愛民人君為

天之子不敬則不孝不孝之子

天必降罰人君為民之父不愛則不慈不慈之

父民必備之

天罰民借國事尚有為乎前明亡於宦官固不待言然深信宦官之故亦由於急情偷安不親朝政使此輩乘機弄權而外廷臣工君門萬里抱忠者徒上彈章愴亡者競圖富貴上

下不交遂成傾否不可救藥矣嗚呼明之亡

不亡於崇禎之失德而亡於神宗之急情天啟之愚騃雖係流賊作亂而亡於宦寺之蒙蔽蒙蔽之來總由於君心不正耽逸厭勞之君始則明知蒙蔽而甘受繼則入其術中而不覺矣欲免臣下之蒙蔽必先克勤政事不自暇逸宵小烏能施其伎倆哉丹書曰敬勝怠者吉周公曰君子所其無逸古聖先賢孰不以是為亟敬怠之幾繫於治亂勤惰之別

驗於安危茲謁明陵思及明亡之由由於君心之急忽以致羣小乘機內外蒙蔽遂淪於敗予敬守

慈訓曷敢稍忽萬幾之繁宵旰治理庶幾常承天眷永保

天命以鞏固我大清億萬年丕丕基時以急忽之戒為戒勤敬之心為心則政無闕失民隱上達予深信此理之不爽書之自警永綏我皇祚可期邇隆之世無疆之祚敢不勉諸

以前明後裔延恩侯朱毓瑞為散秩大臣○賞看守明陵人銀是日駐蹕工部廠御營癸卯諭內閣本日都察院堂官覆奏御史鄭敏行叅奏宋澍費錫章不應列入京察一等并尚書熊枚御史鄭敏行各將前日降旨詢問之處據實回奏三摺都察院堂官摺內稱宋澍久任京畿道上居兩次京察俱列一等前歲論奏日食一事部議降級業蒙恩准抵銷是以此次京察將伊仍列一等費錫章聲名並無不好實未聞費錫章在至公堂有懇求熊枚帶往直隸之事因其在本衙門辦事勤慎是以列入一等等語該堂官保奏宋澍尚非違例其費錫章係列一等係因其辦公勤慎並未聞聲名不好之處該堂官均無不合惟宋澍本係時路人朕所素悉且究會緣事議處著改列二等至熊枚覆奏摺內稱前年奉旨出關署理直隸總督因素知費錫章諳習奏摺於開啟龍門時面與商酌欲其

前往幫辦費錫章因向無此例力辭不允有知貢舉瑚素通阿等在闈目擊可證及奏明帶往後費錫章到彼從不與聞地方事件亦未與官員等接見何從得有不好聲名等語費錫章不但無懇求熊枚帶往直隸之事而當熊枚欲伊隨往時方且力辭不允即有營私鑽競情事必有昏夜乞憐之狀豈肯於衆耳衆目之地率意徑行毫無避忌鄭敏行所云費錫章在至公堂向熊枚懇託之言本非情理且當熊枚帶同費錫章前往時本會奏明該員不願隨往今鄭敏行覆奏摺內尚稱砥柱係當時同在闈監試之人伊出闈後即指名叅奏是費錫章向熊枚懇求出差憑證確鑿等語伊與熊枚所奏各執一詞情節迥異若不確切查明設費錫章事有左證豈可任其濫膺上考儻鄭敏行所言無據是飭躬自愛者無端蒙奔競之名而居心妒忌者轉得肆污蔑之計不獨有關人品心術而於政

體所繫亦復不小既據熊枚鄭敏行奏稱所言皆有證據即傳令熊枚瑚素通阿砥柱費錫章鄭敏行五人於本月十六日同至圓明園交軍機大臣詳悉詢問並令當面質證明確據實具奏再降諭旨○德楞泰等奏報殲斃賊目苟文華等得旨獎賚賞還提督楊遇春花翎副將吳廷剛頂帶旌表守正捐軀山西豐鎮廳民高恒榮妻劉氏是日駐蹕湯山行宮○甲辰

上還圓明園諭軍機大臣等費淳鐵保奏糧船近日行走情形一摺據稱衡工信息難有轉機恐變遷無定合龍之說尚不足恃等語昨據那彥寶等奏全河形勢遷改與費淳等探聽情形相同費淳等總不可豫存即日合龍之見於東境一切應辦事宜惟當有備無患其漫水中間接緯遞纜提溜絞關需人甚多現雇長夫三四百名分派緯轆並酌撥划船護送自應如此辦理所有重運糧艘費淳

等擬於盛漲以前趕緊輓渡可免涉險之虞所見甚是總當於趲運之中倍加持重為要但聞所奏皆係籌辦幫船事宜於地方事務尚未提及東省各州縣自去冬被水後低窪地畝此時諒未全行涸出如合龍之期有待小民口食維艱或應量加撫卹且將來盛漲經臨設下游未曾被水州縣間有漫溢之處更不可不豫為籌備此皆地方大吏專責鐵保係該省巡撫非如費淳祇係差派前往督

辦運務者可比著鐵保將前此被災處所或應再行展賑或量予蠲緩其濱河各州縣如何豫為防護俾民人等不致流離失所方為不負委任將此諭令知之○旌表守正捐軀河南葉縣民孫海松妻宋氏乙巳諭內閣前因御史鄭敏行奏宋樹費錫章不應列入京察一等業據熊枚覆奏實無費錫章求伊帶往直隸之事而鄭敏行覆奏則稱確有憑據復降旨令熊枚瑚素通阿砥柱費錫章

及鄭敏行交軍機大臣詳悉詢問本日召見熊枚瑚素通阿二人經朕面詢熊枚稱前年在闡時得聞署理直隸總督之信欲將費錫章帶往費錫章以御史衙門向無隨帶之例力辭不允伊曾經面奏懇求恩准帶至任所僅止四五日細思未便久留仍令其回京供職費錫章實無聲名不好之處詢之瑚素通阿據稱伊知貢舉時在至公堂親見熊枚向費錫章口稱欲帶伊同赴直隸費錫章當以體制不符再三致辭迨奉旨准令隨往費錫章因係奉有諭旨未敢故違出闡時仍復躊躇不得已而隨往並據砥柱稱在闡監試實未見費錫章向熊枚面求帶往即鄭敏行亦已自認冒昧陳奏無可置辯並請治罪等語可見費錫章實無營私鑽競情事現有熊枚瑚素通阿等確證可憑即從前砥柱奏亦以熊枚違例奏帶御史並未劾及費錫章聲名是鄭敏行特因伊未列一等妒忌同僚摭

拾浮詞欲圖污蔑竟至加以卑鄙不堪之語實屬挾私懷詐希冀朕嘉其敢言給伊一等可升外任即宋澍前此陳奏不實亦何至遽指為謬妄不職試思若果係卑鄙不堪謬妄不職豈止不應列入上考尚可濫廁班聯乎似此妄行陳奏本應革職治罪但念其究屬言官若將鄭敏行斥革恐科道等官因此又相率緘默然鄭敏行以同與京察之人不得一等即飾詞瀆奏有心淆亂是非其居心嫉妬豈可復膺臺諫之任著改為員外郎遇有禮兵二部缺出銓選補用至給事中宋澍朕素知其係時路人即將來引見時亦必將伊改列二等並非因有鄭敏行之奏也御史費錫章既查訊明確毫無不合著准其列入一等以示朕持平覈實至意又諭前聞張承勳年老有疾當經降旨將明俊補放杭州將軍令張承勳來京授為散秩大臣本日張承勳到京即奏稱途次感受風寒不能見面乞

假數月在家調養可見張承勲老病屬實若無調回之旨仍在杭州觀望逗遛必致誤事而後已從前如提督珠隆阿藩司姜開陽等俱經朕訪知年力衰邁諭令開缺來京珠隆阿果屬龍鍾姜開陽旋即病故豈此等衰老之員必待朕一一訪聞酌量更換耶各省督撫將軍都統提鎮及藩臬大員俱有地方營伍專責安可容衰病人員日久戀棧致有貽誤朦混君上市恩僚佐不顧公事惟博私恩若本人自揣精力不能勝任即應具摺陳明而同城官員見聞更確尤當隨時奏聞乃近日相率姑容即經朕降旨詢問仍復含混其詞不肯遽行劾奏試思大員衰老多病衆所共見猶復曲為容隱其官階較小各員老病戀職及年雖強壯不能任事聲名平常者更不知姑容幾許於吏治官方大有關係嗣後各督撫將軍都統提鎮等各發天良於所屬各員留心查察外其同城文武大員遇有年

老多病及官聲平常者俱著據實具奏儻仍前徇隱袒護經朕訪聞確切必當一併究治決不寬貸將此通諭知之 賞山東捐給災民棉衣之紳士李瀚等頂帶加級有差 予廣東出洋淹斃把總王瑞鳳祭葬世職如例 丙午諭軍機大臣等那彥寶等奏連日搶鑲補進埽段並水勢情形一摺該處東壩經那彥寶等竭力補鑲已得二十一丈其未補埽段六丈合之原未做壩工七丈餘尺共祇十餘丈口門漸次收窄而大河形勢南首坐灣北注西壩溜趨金門引河水勢較前稍減此皆由河心兩處新灘梗阻所致自應即行挑切俾溜勢直趨引河西壩亦可不致喫重全河轉機實在於此那彥寶等務須一面挑切淤灘一面保護西壩勿令稍有走失仍由東壩進占相機鑲築盡人事以待 天眷我君臣得盡一分之力減一分之咎勿為邪言所惑為要將此諭令知之 丁未

上詣

安佑宮行禮○禮部議准四川總督勒保咨稱雅州府屬番民呈請援例捐監應責成各該土司查明身家清白取具族鄰甘結加具土司印結申送附近所屬州縣再行加結由該督彙齊送部查覈以昭慎重而杜冒濫至所請鄉試之年與漢民生監一併憑文去取卷面不必分別漢番取額不必加增之處均應如該督所咨辦理惟查番民子弟讀書既准其捐監鄉試其願應童試者並請照雍正八年議准之例准其於附近州縣報名地方官查明其卷面亦不必分別漢番仍照原額取中如漢民有肆行阻撓者照例辦理再查湖廣之苗猺廣東之黎峒廣西之土官土目子弟雲南威遠之彝人四川茂州之羌民等向俱准應童試如有情願捐監者照番民例辦理從之○陝西巡撫方維甸奏搜捕零匪出力各員擢候補知府陳祁為道員賞還通判

雄昂頂帶花翎知縣蓋方泌藍翎同知嚴如煜等升擢有差以搜防出力賞還陝西總兵官楊芳頂帶花翎戊申賞阿克蘇賽哩木貧回地五千三百畝以資養贍從辦事大臣富色鏗額請也○乙酉諭內閣京察為考績大典各部院衙門堂官就所屬中數年以來供職勤慎者保列一等經吏部帶領引見奉旨准其一等加一級所以獎勞示勸並非專為簡用外任而設也至其中有經朕察看材堪任使者特行圈出交該堂官再出具切實考語覆行引見以備簡擢外任各該堂官於所屬人員或素悉其才具優長或深信其居官廉謹原可分別注考朕因材器使於簡用時繁簡先後自有權衡其家有老親或身非獨子而侍養情殷者即現任外官尚得援例終養此次京察記名後此項人員仍准其聲明留京供職外其餘概不得以不勝外任呈請內用試思該員在京供職既係出色之

員經該堂官遠注上考豈有畀以外任轉藉口才不稱職之理且該堂官既已舉才薦能列名上達亦不得復以本衙門辦事需人奏請仍留本任現在京察引見屆期著先將此諭令各衙門知之○庚戌諭內閣昨據刑部奏湖廣等省緩決三次以上酌擬減等人犯一摺朕詳閱案由清單內湖廣省絞犯劉東成一起因川匪竄入該犯挈眷搭棚棲避適石五走近棚側出恭該犯攜刀向問聽係外

路口音認為教匪用刀向砍致斃該犯係屬平民避賊棲止非若圖纂義勇及在官人役奉派拏卡有緝捕之責者可比且石五並無逞兇抗拒情節乃輒用刀砍斃若遽行減流恐開藉詞仇殺之漸劉東成著改發邊遠充軍又安徽省絞犯丁西明一起因妻武氏於未嫁時與其表兄蔡順通姦有孕嗣該犯迎娶過門查知氣忿起意將蔡順致死潛懷小石碓頭尋見蔡順將伊毆跌取刀連扎致斃

復回家逼令武氏自盡凡本夫殺姦之案例應於姦所親獲登時殺死此案武氏係於未嫁時與蔡順通姦丁西明既經查知儘可鳴官究辦或將武氏休回乃起意將蔡順致死且於扎斃蔡順後回家逼令武氏自盡設兇詐之徒有因他故致斃人命復行逼殺其妻思以殺姦為名圖卸重罪者亦不可不防今擬以減流殊屬過輕丁西明著改為近邊充軍又江西省絞犯鄒卓甫一起因無服族兄

鄒松齡先曾毆斃伊父遇赦累減遞籍嗣該犯遇見即以爾回來之言向問鄒松齡聲言該犯從前言其不得回家今已歸來之語回答該犯向斥被其掌毆腮頰隨用拳回毆致斃此案鄒松齡本係該犯父仇且因被毆回拳致斃情尚可憫鄒卓甫著改為杖責發落餘依議○諭軍機大臣等據英善福寧奏廓爾喀老王子喇特納已都爾現在回至陽布與伊子同住有噶箕乃爾興差人來至邊界

告知意欲攜家逃入唐古忒境內已飛飭該處番營官明白宣諭不准收留等語所辦甚是其令營官等宣諭之言亦屬得體廓爾喀臣服天朝頗稱恭順從前老王子因病傳給伊子承襲伊子年甫數歲今老王子既回陽布原可率同辦事該噶箕等乃伊臣屬輒思背主潛逃豈有天朝容納叛臣之理若准其入境何以撫馭外藩乃爾興如不內投則已若再差人瀆請英善等並當諭知來人以乃爾興背棄國王即屬天朝所惡若逃至境上不但不應收留並當縛交該國王聽其自行辦理如此嚴切示諭則乃爾興及其餘噶箕自必皆知凜惕即或本國不能存留逃往他處聽其自便若潛來至唐古忒地方滋生事端即行縛交該國邊界自可永臻寧謐將此諭令知之○給山東菏泽縣被水災民一月口糧展賑陽穀鄆城二縣續淹災民貸壽張東阿平陰東平曹定陶城武鉅野八州縣暨

各衛所並鹽河下游各州縣籽種口糧有差緩徵本年額賦○辛亥上御勤政殿聽政廣東按察使邱庭澹以母老請回京侍養允之以浙江杭嘉湖道秦瀛為廣東按察使○旌表守正捐軀福建平和縣民林壠妻陳氏 壬子上幸靜明園詣龍神廟拈香 甲寅諭內閣向來部院各官補授實缺者方准考試試差候補贊善黃鉞現在尚未得缺但念該員本係實缺主事經朕特恩擢授贊善所有此次考試著加恩准其一體與考○費淳等覆奏南糧首進幫船全過張秋催趲出力人員得旨嘉獎下部議敘加鐵保太子少保道員王念孫等升敘有差 乙卯引見各衙門京察保送一等人員得旨此次京察一等圈出人員宗室博慶額例不簡放外任其餘各員著各該堂官再行出具切實考語交吏部帶領引見圈出之滿

洲蒙古中書筆帖式等官著歸入理事同知	通判內遇有缺出與舊記名人員一體帶領	引見其漢軍漢人著交部以撫民同知通判	照例選用至內閣侍讀學士梁上國翰林院	侍讀覺羅桂芳吳鼎侍講貴慶王引之詹事	府司經局洗馬周系英俱著准其一等宗人	府理事官宗室綿能准其於副理事官任內	一等加一級吏科給事中多福准其於御史	任內一等加一級起居注主事策名准其於	筆帖式任內一等加一級內閣侍讀覺羅善	璉等二百五十四員俱准其一等加一級其	戶部員外郎齡椿工部主事岳安俱著改為	二等予陝西甘肅湖北陣亡副將應元寬	祭葬世職如總兵例遊擊周國平都司吳振	亮張大勲守備徐明元張明陞蘇明千總楊	基鵬楊宗道殷光福把總王孝忠陳祿外委	李章韓復始沙啟龍胡英吳應學稅印泰祭	葬世職如例藍翎步兵李世章祭葬世職如
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	------------------	-------------------	-------------------	-------------------	-------------------	-------------------

把總例淹斃叅將桑漢祭葬世職如陣亡例	兵勇王朝貴等五百二名賞卹如例予福	建捕盜傷亡兵丁陳鳳高賞卹如例丙辰	上以河南衡工合龍詣	安佑宮行禮命	皇次子吳寧詣宮內供奉	神佛各處拈香遣官分往	大高殿	雍和宮行禮	大光明殿	時應宮	昭顯廟	宣仁廟	凝和廟	火神廟	玉泉山龍神	關帝廟	文昌帝君廟拈香那彥寶馬慧裕嵇承志
-------------------	------------------	------------------	-----------	--------	------------	------------	-----	-------	------	-----	-----	-----	-----	-----	-------	-----	------------------

等奏報衡工合龍河歸故道得旨獎賚賞那彥寶又一雲騎尉世職仍與馬慧裕溫承惠均下部議敘賞還策丹頂帶仍以布政使補用景安以員外郎用出力官升開復升敘有差賞兵丁一月錢糧○丁巳命各省學政解到生員歲科前列試卷仍照舊例由禮部會同禮科磨勘改設甘肅瓦亭驛以東驛站於北路之南大通改靖遠縣為要缺在外升調金縣為中缺歸部銓選從總督惠齡請也

命河南駐防兵夏季月餉改給本色米石以堵築衡工錢糧價均昂貴故也○予四川陣亡守備鮑友信李天林候補千總彭大年楊國弼外委吳成彭得元祭葬世職領催鄂齊爾等十四名賞卹如例戊午諭內閣近見圓明園火器營健銳營兵丁與護軍營兵丁人才迥異細思其故緣圓明園等三營兵丁差使繁多每日操演聚處一營該章京等朝夕易於約束無暇間游互相勵學技藝講

求生計是以均有長進護軍營兵丁散處城內該章京等難於查管其不值班之日又不每日操演往往不知演習技藝惟於街市間游飲酒賭博漸入下流者有之伊等皆係朕之旗僕若坐視其不肯實有不忍去年管理圓明園王大臣等曾奏請添設圓明園護軍朕未允准茲念護軍營護軍與其城內散處莫若酌撥移駐圓明園每旗移駐護軍或四五十名或二三十名庶可易於約束城內護

軍人少差多不暇游惰可漸長進而圓明園兵數加增足數當差兩有裨益惟將護軍營護軍分移圓明園其餘護軍在城內當差是否足數可否如此辦理之處著管理圓明園王大臣會同八旗護軍統領叢議具奏○引見內務府京察保送一等人員得旨此次內務府京察人員內署理坐辦堂郎中六庫郎中伊昌阿六庫郎中那祥寧壽宮郎中李如枚廣儲司員外郎舒明阿營造司員外郎福

珠隆阿五員俱准其一等加一級仍著交軍機處記名遇有關差道府缺出與上次內務府記名人員一體開單進呈請旨簡用造辦處六品庫掌伯齡堂筆帖式施蒙額三員俱准其一等加一級仍交部遇有同知通判缺出入於各衙門記名人員之末帶領引見其郎中廣泰等七十三員俱准其一等加一級予四川湖北陣亡千總羅萬年周之光把總萬大發藍翎守兵方廷賢祭葬加等世職如例額外外委桂天元武生王邦寧祭葬加等學正胡鵬威吏目汪順梁從九品易格心把總李傑外委胡興茂蕭仕位祭葬世職如例陝西遇賊被戕知縣黃宸訓導張建四川吏目江淑雲南傷亡經歷陳炳祭葬世職如陣亡例額外外委楊億龔大清軍功朱障兵丁喻開秀等二十一名追賊淹斃馬兵張楷等二名賞卹如例

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十七

不可濫增 諭軍機大臣等吳璥奏。衡工合龍全河已歸故道。江境水勢暢順。各工平穩。情形一摺。豫省衡工合龍之後。全河暢歸江境。現據各廳員稟報。長水六七尺至九尺餘。寸不等。大溜奔騰。沛然東注。其為通順無疑。此時全河已歸故道。又將屆夏令水長之期。所有江境隄工。均當察看情形。加壓鑲高。豫為防守。該河督接奉前旨。自應即駐徐州。地方相機督辦。並著順流而下。沿途查勘各工。務須嚴飭所屬。擇要妥籌。斷不可因全河均各安瀾。致任防護各員。稍形鬆懈。總宜加倍敬慎。俾伏秋大汛。永臻穩固。方為不負委任。復引見京察一等園出人員。得旨。善璉。趙文楷。黃焜。望喜。步昌。阿。朱爾賡。額。鄭鵬。祥。靈。保。沈華旭。楊懋恬。富海。倪思淳。色克精。阿。瑪。隆。阿。交軍機處記名。以道府用。世永。盧蔭溥。奇明。伊明。阿福。興。錫齡。慶德。寶升。著交部記名。以道府用。其不應補放道府之起居。注主。

事策名光祿寺署正周大沅。俱著照例俟調部後。以直隸州同知選用。壬戌上還宮。以本年鄉試考試應開列試差人員。於乾清宮。以常雩祀。

天於

園丘。自是日始齋戒三日。癸亥。諭內閣。內廷行走大臣。每日固應晨趨入直。而管理部旗事務者。亦應於散直後。進署辦事。朕駐蹕圓明園時。惟軍機大臣。每日承旨書諭。且外省。

由驛馳奏之摺。不時呈遞。早晚或有急宣。自無暇分身赴署。朕在宮內時。偶遇散直較早。猶必諭令到署辦事。至總管內務府大臣等。多係部院堂官兼轄旗務。近來每以駐園豫備召見。為詞。概不進城赴署。況散直甚早。又不進城入署辦事。在寓所坐待司官回稿。殊屬非是。朕日常召見內務府大臣。不過一二。人輪對。即有同時並宣之事。缺一二人。有何不可。何必相率駐彼。致曠職任嗣。後朕在園。

時內務府大臣內除並不管理部旗事務者仍應每日伺候外其管理部院旗務各堂官著每日輪流一人進城到署辦事並赴紫禁城內將宮內及各太監飯房一切事務就近辦理常川稽查毋得稍有曠誤○諭軍機大臣等賡音奏查過湖南省西南兩路各標營官兵情形一摺據稱查竣沅州協即赴鎮草乾州等處等語鎮草乾州一帶均係苗疆營伍尤關緊要賡音到彼查閱惟當將官兵技

藝詳細較覈課其優劣予以勸懲飭令該管將備隨時訓練俾成勁旅至該處營制控馭苗疆歷年籌酌周詳不可稍有更張為要將此諭令知之○予四川陝西湖北陣亡叅將王兆龍守備蘭魁武邊奏凱千總呂萬德劉官馬良奇高守謙把總楊啟龍鍾朝佐魏雲漢謝加凝外委畢士傑張振基父玉林李秉健熊振先鄒有福陳榮先黎國磯左翼總管齊木巴圖驍騎校烏金保藍翎軍功岳貴祭

葬世職額外外委朱文奉藍翎步兵湯奇志祭葬加等世職如例額外外委李大盈等六名披甲阿哈太土都司包上寬土守備思達太不什卓旺扎土千總切登桑得生根郎結太土把總熱布土外委郎結七立郎太肯布兵丁王漢升等七十七名傷亡兵丁李仲林等一百九十五名鄉勇周士榮等一百四十二名淹斃兵丁侯得勝等十名賞卹如例○甲子

上詣

南郊齋宮齋宿○乙丑常雩祀

天於

圜丘

上親詣行禮 辛圓明園○丙寅

上幸萬壽山○諭內閣昨因總管內務府大臣等管理部旗事務者均在圓明園豫備宣召並不到署業經降旨諭令按日輪流進城赴署辦事因思南書房上書房行走之各部院

堂官於朕駐蹕圓明園時。每日散直甚早。亦祇安坐寓所。並不到署辦公。惟待司官回稿。畫諾每於召見時詢及部務。多不能詳晰。奏陳殊非敬事恪恭之道。況南書房尚有翰林等常川住園。筆墨之事。本屬無多。足可辦理。上書房師傅有專課之責者。遇因公赴署日期。儘可將功課交與同直代為檢理。至總師傅並無專課之責。不過旬日一到書房。又何必藉此在園轉置。本任於不問。嗣後遇朕駐

園時。南書房上書房行走各員。除職務本簡。及翰林等仍每日入直。毋庸到署外。其管理部院之堂官。均著輪流進城赴署。至冬月朕進宮後。即著每日於散直後入署辦事。以期無曠職守。○丁卯。

上辛靜明園詣

龍神廟拈香。○辛靜宜圓駐蹕。至辛未。皆如之。戊辰。兵部右侍郎那彥寶。以病回京。命戶部右侍郎額勒布。馳往接辦衛工善後事。

宜 以硃老山空封閉。雲南紅坡吉。咱樂吉古銀廠。從巡撫永保請也。○旌表守正捐軀四川鹽亭縣民王藩女王氏。○己巳。

上御演武廳閱健銳營操。○以福建擊獲從逆逃犯僧志明等。賞生員李紹基舉人一體會試。庚午。四川總督勒保奏報查辦黑嗎溪。裸匪生擒首犯庚兒。得旨嘉獎。擢千總舒卓為守備。辛未。諭內閣。恭閱乾隆三十二年皇考高宗純皇帝實錄。內載肅州總兵俞金鰲。

派往伊犁奏報起程一摺。由驛馳遞。殊屬非是。向來各省督撫等於地方尋常公事。俱不准輕用驛馬。至以本身私事。而由驛遞奏。更為不合。本應交部察議。但俞金鰲係初任。且前往新疆辦理屯務。姑從寬免。著通行傳諭。嗣後有不諳輕重。復蹈此轍者。定行照例議處。欽此。仰見。

皇考慎重驛站至意。而朕於未經恭閱是年實錄以前。因各督撫往往輕用驛遞。早經節降。

諭旨申禁適與

聖訓默相符合。地方設立驛站。原為馳遞緊要公務。如以尋常事件。紛紛擅動。必致驛馬疲勞。設遇要務。轉恐遲延。今督撫等經朕飭諭。後固不敢輕用。急遞。然過於拘泥。轉有應用而不用者。即如本年二月。江西袁州等幫糧艘在都陽湖失風。沈溺米石淹斃人口多名。此亦地方緊要之事。即由驛馳報。尚無不可。乃秦承恩遲至一月之久。始差人齎奏。又未免失之過緩。是以將該撫交部議處。以儆延玩。第恐各省大吏。又錯會朕意。遇事輒擅動驛馬。更屬不成政體。特再行申諭。各督撫身任封圻。務須權其輕重。於緊要事件。仍用驛遞。若尋常奏摺。惟當專人齎進。緩急得宜。方為曉事。再外省官場往來書信。多有私用驛遞者。尤屬非是。嗣後如仍不改從前陋習。或經朕訪聞。或被人糾參。必當從嚴懲辦。決不寬貸。將此通諭知之。○諭軍機大臣等。伯麟

等密奏查勘五臺山行宮尖營情形。分別辦理。一摺。前因該撫等奏。晉省五臺山各廟工。俱已修理完竣。朕意各寺廟業經見新。或於一二年內巡幸五臺。拈香廟宇。可無須復行修飾。曾諭令該撫等酌量豫備。旋於摺內批諭。如實有難辦之處。據實具奏。即再遲數年。亦可。茲據該撫等詳細履勘。據稱五臺自節年被水之後。白雲寺湧泉寺臺懷等處行宮尖營均已全塌。必應慎重籌辦等語。此事原

上詣

非必不可緩。既據該撫等查明工程較大。所有原擬明年巡幸之舉。即著停止。其一切工程。俱著緩為修理。該省庫貯閒款。前經湊撥各省急需。俟數年內逐漸歸款充裕。再將各處工程妥協辦理。惟當遵照舊式修理完竣。務從簡樸。不准踵事增華。以副朕敦崇節儉之意。彼時各工一律完竣。該撫再行奏明。請旨可也。將此傳諭知之。○壬申

大高殿行禮。還宮。旌表守正捐軀陝西朝邑縣民張輝妻楊氏。○癸酉

上御太和殿視朝。王以下文武升轉各官謝恩。

幸圓明園。諭內閣本日戴均元回京復

命。召見時詢以衡工合龍情形。據奏工次自

二月底間有墊塌。後河流南首坐灣。北注西

壩溜趨金門。水勢至十餘丈。自初八日陡起

西北大風。致停工作。竟夕達旦。不期溜已東

趨口門水減。此後日順一日。全溜漸歸引河。

至二十二日合龍之前。東西兩壩似有墊陷。

而壩根實已暗合。始得下埽挂纜。及時藏績。

此皆

吳蒼洪佑

祖

考垂慈所致。前於奏報合龍時。業經親詣

安佑宮各處拈香。並遣二阿哥及王大臣等分

往供奉。

神佛各處拈香申謝。而事機化險為順之由。

實仰賴

風神呵護之力。憶自鉅工興築以來。朕在宮

內常時齋心默禱。於三月初旬適見風從西

北而來。彼時正廛念河工。因即望風虔籲。儻

得吹噓佑助。引溜而東。冀可合龍。藏事曾以

此意見之。吟詠一面頒發藏香。命那彥寶等

亦於工所代朕虔祈。今據戴均元所奏。果係

風師効順。得慶安瀾。一誠上達。如響斯應。

臨鑒昭然。聞之益深敬畏。是宜蠲潔薦馨。以

答

靈眈著該衙門即行諏吉。交翰林院撰擬祭

文。遣二阿哥敬詣

風神廟致祭。再

廟宇歷年已久。著總理工程處詳細估勘。重

加修葺。丹雘一新。以副祈報功宗之意。○甲

戌

上御勤政殿聽政。諭軍機大臣等。秦承恩奏

續獲逆匪審擬具奏一摺。覽奏俱悉。此案素

習老母教之王添組即王瑞忠捏稱彌勒佛轉世煽惑鄉愚上年廖幹周起事之時懇其幫助許為上清宮教主該犯輒自稱瑞忠法中皇寫入旗內號召衆人實為罪大惡極若日久潛逃必致養癰貽患秦承恩於訊出之後能不動聲色設法鉤致密將該犯及助惡之曾啟三周仲祥王添保一併拏獲搜出旗式底稿究訊得實將該犯等分別首從問擬凌遲斬決即請王命正法傳首示衆俾地方

匪徒知有儆戒所辦甚好其各教內安靜守法未經滋事之人秦承恩並不紛紛查拏免致驚擾所見亦是該撫仍當出示曉諭以王添組係教內為首之犯伊自稱彌勒佛轉世能知過去未來人有災難皆可藉伊解救今伊已經地方官拏獲正法是該犯本身即不能自免災難又何能解救人之災難乎可見邪說斷不可聽徒自罹法網耳爾等鄉愚無知受其哄騙紛紛斂錢施捨隨同入教今亦

不加深究但爾等見該首犯如此被拏伏法亦當共知猛省悔悟前非從此安靜家居勿再從教滋事庶可免罹重罪儻尚執迷不悟廣招醜類播造謠言則憲章具在不能稍為曲貸如此詳明曉諭示以利害民人等自必畏懼警省勉為善良將此諭令知之○又諭額勒登保奏稱安康一帶江水漲發賊匪不能偷渡且匪蹤已經南竄距江岸亦遠即趕緊探勦前進所見甚是現在賊匪奔竄老林

楊遇春等各路追截殲擒計有十數名官兵仍分路躡追德楞泰鼓勵士心加倍懸立賞格自必格外振興但刻下已交夏令此二百餘殘匪依險竄聚總未能掃除淨盡實深焦慮而額勒登保等宣力多年此時尚在多方籌辦不能回家安享富貴朕心實深憐憫亦不忍再行催促或致官兵轉有冒險輕進之事特恐官員兵勇等未能盡悉此意額勒登保德楞泰等當傳諭官兵以爾等從征數載

備極辛勞均蒙皇上洞鑒乃此起無多零匪偷竄稽誅迄今未淨皇上因爾等久勞於外不忍降旨飭催特因賊匪狡恃老林蹤跡無定轉瞬雨水載塗搜捕較為費手若一日不能藏事爾等一日不能歸家聖心殊為憫念所以重懸賞格恩意有加爾等惟當同心協力奮勉殺賊務將餘匪迅速殲除即可早日還鄉骨肉團聚共享太平如此剴切示知官員兵勇等共知感奮自能爭先効命迅掃餘

氛也將此諭令知之○以新授大理寺少卿原充

實錄館提調官王寧為總纂官○以光祿寺卿誠存為太常寺卿前任大理寺卿通恩為光祿寺卿雲南按察使楊長桂年老命以四品京堂候補以浙江溫處道李鑾宣為雲南按察使○嚴禁內地民人潛往烏里雅蘇台北面等處貿易從將軍成寬請也○命月給黑龍江八旗孤寡倉糧四斗從盛京副都

統宜興請也 乙亥
孝端文皇后忌辰遣官祭

昭陵 諭內閣勒保奏本年川省補行大計所有應行叅劾各官員缺例應歸部銓選惟查該省候補人員如奉旨發往軍功保奏及奏准留川辦理軍務出力各項均係例得先儘補用合之大挑投効以及川楚工賑等例分發試用正佐各員統計不下三百餘人請將計典叅劾遺缺援照成案遴員補授等語川省各班候補人員為數較多况積年辦理軍務保奏留川者均係出力之員自應儘先補用所有此次補行七年大計叅劾各員遺缺著照所請准其於該省候補人員內遴選本班合例之員分別題咨補用因思陝西湖北兩省自用兵以來保留需次者亦不乏人情形自屬相同著該督撫查明一體照辦再川省候補者既有三百數十員此次即將遺缺儘數補用亦不過十分之一此外候補人員

仍不免於壅滯陟楚事同一例或於鄰近省分查明現在分發人員較少及何項班次稍寬可以通融酌劑之處撥往候補庶使微末人員得以漸就疏通並著勒保會同吳熊光方維甸通盤籌覈妥議具奏或三省情形不同候補人數多寡互異各抒所見自行具奏亦可該部即遵諭行○四川總督勒保奏報來谷夷目縛獻聽從黑嗎溪猓匪糾約搶掠六翁堡滋事兇夷辦理全竣總兵張志林道

員鄭成基等下部議敘餘升用有差○調江南提督馬瑜為雲南提督以京營右翼總兵阜保為江南提督調直隸天津鎮總兵官福會為右翼總兵以候補總兵官薛大烈為天津鎮總兵官○丙子河東河道總督嵇承志年老命來京另候簡用賞江南淮徐道徐端三品頂帶護理河東河道總督○戊寅諭內閣倭什布孫玉庭奏新會縣外海村被洋匪搶劫請將疏防文武各員分別革職議處一

摺廣東洋匪向來不過在外洋劫掠此次膽敢由磨刀虎跳門潛行登岸劫掠村莊該處設有礮臺二座倚角相持原為防守門戶地方官弁如能督率兵丁嚴行防禦何至任盜匪潛行駛入可見該省武備廢弛守口員弁漫不經心以致洋匪肆行無忌非尋常疏防可比倭什布等應先提訊該處防守弁兵洋匪潛入時曾否在彼巡防抑或有得贓故縱情弊查訊確實按律嚴辦乃僅將本管新會

營專轄虎跳門西礮臺之守備曹守仁請旨革職發往軍臺効力兼轄統轄之將弁等請旨革職殊屬輕縱疏漏曹守仁著先革職枷號兩箇月發往伊犁効力兼轄東礮臺署香山協右營都司事守備譚璋兼轄磨刀礮臺署香山協左營都司事守備吳陽春代辦營務之署香山協左營把總事外委劉定邦統轄磨刀及虎跳門東礮臺香山協副將周自超統轄虎跳門西礮臺署新會營參將候補

遊擊德昌均著革職留於地方協緝如審明兵丁等有得贓故縱情事再嚴行治罪把總馮彪殺賊受傷又將緊要頭目阮姓戳斃若使外海村非其專管尚當加之獎賞今功過足以相抵馮彪著免其交部議處至署新會縣知縣孫樹新潮連司巡檢蔣福基雖經帶勇堵禦擊殺但究係疏於防範著革職一併留於地方協緝提督孫全謀護左翼總兵魏大斌碣石鎮總兵李漢升督帶師船在洋緝捕不力著交部嚴加議處倭什布疏於覺察亦著交部議處尋議上得旨此案提督孫全謀總兵魏大斌李漢升平時不能督率水師認真緝捕及至匪船駛入之時又不能督飭兵丁嚴行防禦致被登岸劫掠實屬有乖職守該部照廢弛營伍革職例議以革職本係咎所應得姑念該提鎮等從前均經出力著加恩改為革職留任孫全謀所有世職仍准其留於本身至總督倭什布疏於覺察著降

一級留任准其抵銷 熊岳副都統噶勒珠緣事革職以二等侍衛策拔克為熊岳副都統 命奉天錦州府知府善璉改名善連以與 端慧皇太子名同故也 庚辰諭內閣御史賈允升奏請嚴禁挖改題本年月益印之處以防流弊一摺所奏甚是足見留心國政非撫拾浮言者可比題本後填寫年月例用印信鈐蓋原以防吏胥竄改情弊近來外省題本往往於填寫年月之處多有挖補即經內閣票出飭行亦復不加查察殊非杜弊之道題本書寫年月之處乃係末幅字數無多若有錯誤何難接扣另繕嗣後外省各督撫凡遇題本年月日俱不准挖改一有錯誤即著另換一扣黏尾接寫仍將粘接之處鈐印以杜弊端而符體制至通政司衙門遇有題本月日改補者向俱隨時用揭帖聲明送閣內閣即票擬飭行何必逐件題參徒滋煩瀆所

有近數月間內閣票出年月挖補飭行之本著大學士會同通政司堂官詳細覈查到閣日期是否踰限及月日有無不相符合之處另行具奏。實授納爾松阿為伊犁總兵官。

辛巳

上詣

黑龍潭神祠拈香。旌表守正捐軀河南宜陽縣民劉生林母王氏。○壬午。諭內閣。御史邱勲奏向來戶部現審處審辦案件並無一

定限期人犯未免拖累請嗣後定限速結無任懸宕等語。各衙門審辦案件皆有一定限期何以戶部於現審事件並無定限。其發坊看守取保人犯有遲至數月之久並不提訊者甚至有提訊一二次至年餘仍復不結者。即云往返關查其時日亦有程限何至任意延擱徒致拖累平民。嗣後戶部現審事件著該堂官酌定限期督同司員等作速完結毋任遲延拖累於發坊看守取保各人犯尤應

詳慎區別開列案由鈐蓋印信以杜弊端。至戶部現審各案多係旗民交涉地畝等事總須地方官勘訊方能明晰何必紛紛提訊致多株累況提到之後又不趕緊審結將待質之人發坊看管經年累月波及無辜此後著該堂官等隨時稽查除必應提犯來京質訊者飭令依限審結外其餘俱發交地方官速為審結毋得濫行提訊。○調貴州威寧鎮總兵官七格為直隸正定鎮總兵官。正定鎮總兵官烏爾袞泰為威寧鎮總兵官。○調庫倫辦事大臣阿爾塔錫第為喀什噶爾幫辦大臣喀什噶爾幫辦大臣德勒克扎布為庫倫辦事大臣。○癸未。諭軍機大臣等現在阿拉善王旺沁班巴爾業經身故伊並無子嗣將來係伊弟襲爵因思上年籌議蒙古鹽斤入口事宜曾經伯麟會晤旺沁班巴爾商定章程具奏准行但省鹽務從前僉商辦理時曾不聞蒙古鹽斤充斥內地迨課歸地丁以

後因池鹽聽民間行銷官無緝私之責鹽禁日就廢弛蒙古鹽斤因而偷越不特於晉省地方任意行銷甚至河南湖北等處口岸亦均有侵界私銷之事以致淮北官引轉有滯銷隨運此弊言者噴噴於國計關繫甚重不可不亟為治理目今口鹽雖已定立船隻鹽斤數目並於磧口畫界稽查然蒙古趨利若鶩而派出稽查之官員胥吏等亦難保無疏縱賣放等弊勢必仍有侵越恐屬有名無實

從前辦理課歸地丁原因河東僉商一事竟有富戶出貲求免輾轉改僉不肖地方官藉得私肥囊橐思欲絕其弊源殊不知改歸地丁則窮民小戶轉代殷實之家輸納鹽課本未平允況池鹽或有偷漏其利總在民間若口鹽侵占到處行銷設不杜漸防微必致閭閻之脂膏漸為外藩盤剝殊有關繫著伯麟率同張師誠悉心籌畫如能將晉省鹽務仍歸官辦按照舊章使口鹽無從侵越最為妥

善若實有不能復舊之處亦著將窒礙情形據實具奏仍將口鹽酌量情形或仍照乾隆五十一年以前祇准陸運不准水運之例辦理若水運不能遽禁亦當嚴定地址聞該處鹽船一至磧口順流而下稽查較難或於未至磧口之前另擇要隘處所嚴立界限庶足以資防範此時阿拉善王尚未襲爵機會正屬可辦伯麟張師誠不可畏首畏尾當詳細體察妥為籌畫詳議具奏務使疆政邊情兩

得其便經久無弊方為盡善將此諭令知之
賑陝西涇陽大荔蒲城郃陽白水永壽淳化中部洛川九縣蟲災及鳳翔縣被雹災民並貸蟲傷較輕之咸寧長安耀咸陽興平臨潼高陵藍田三原富平渭南同官醴泉鄠潼關澄城華韓城朝邑華陰岐山扶風隴寶雞郿商邠長武三水郿宜君宜川三十二廳州縣常社倉穀（甲申）諭內閣大學士六部尚書議覆倭什布等奏籌辦洋匪章程一摺朕

詳閱各款如原奏請於各府州縣沿海村莊設立城堡官給器械團練鄉勇及將兵船停泊虎門以內壕墩地方。聞報盜分撥赴捕各條本不可行即保甲之法亦祇能行之於鄉村不能行之於市鎮惟在曉諭居民毋窩留匪類及來歷不明之人即客店招留行旅亦必稽查蹤跡勿致奸宄潛入則盜源既靖自可漸期安堵至水師船隻均須修理整齊以備緩急之需若任令日久停泊致多損壞不獨艚船不便駕駛即米艇亦成虛設豈非徒糜經費乎再礮臺添兵一款適召見瑚圖禮據奏粵省礮臺守兵往往因薪米什物購買較遠遂致私離汛所僅雇附近村民在彼駐守而村民畏懼盜匪方退避之不暇安能藉其防禦總之捕盜所以安民全在行之以實若立法定議奉行不力仍屬紙上空談倭什布係該省總督統轄文武當會同巡撫提鎮等務令地方有司及營汛各員同心協力

相機妥辦其應如何設立章程總在該督等通籌大局隨宜布置勿惜小費而釀事端勿存畛域而生推諉庶海洋地方可期日就寧謐其另片所奏陳昌齊條陳一款並著該督等詳查體察一併籌議具奏 乙酉諭內閣御史花良阿奏請酌定稽查御史章程一摺內稱

東陵

西陵各建衙署十五處所設官員兵役甚多請

欽派滿洲御史二員每遇祭祀典禮即令該御史分赴

兩陵查察等語所奏實屬不諳政體

東

西陵寢非止一處若遇四季大祭同日同時均有祭祀則御史兩人勢必不能分投周察如欲俟祭過一處再詣一處又必致誤質明將事之期且盛京

祖陵各祀典又將如何分派御史巡查所有花

良阿奏請簡派

兩陵御史之處事不可行至所請部院各庫及左右兩翼添派御史稽查並查旗御史限年更換各條著都察院衙門詳悉妥議具奏。其另摺奏酌籌關防郎中各事宜著交吏部議奏。尋議上得旨恭阿拉等奏議覆御史花良阿條陳酌籌稽查御史章程一摺稽查各務本有專司安得復派多員將各處庫貯等項紛紛稽查都察院所議固是但如戶部三庫

及工部製造節慎等庫聞向來於外省解交之項該司員等往往任聽吏胥勒措加增平色而支發之款又不免有短發透漏等事該管大臣自當不時廣行查察如有此等情弊即應據實嚴叅懲辦每逢收發日期該大臣等亦應輪流親往抽查不得專諉司員經理致滋弊竇以河南開歸道胡克家為湖北按察使予四川陝西湖北陣亡前鋒隆保等二名披甲六十八等三名兵丁陳朝輔等

三十六名鄉勇張奇等二百四十九名民壯劉萬清等九十二名賞卹如例追賊淹斃額外委龔大青傷亡兵丁葉茂昌等七名鄉勇陳回祖等三百四十四名賞卹如陣亡例予福建出洋淹斃兵丁李朝梅等三名傷亡兵丁陳洪貴等二名賞卹如例○緩徵直隸青縣嚴鎮場被水竈地鹽課○丙戌以翰林院編修黃焜望為雲南鄉試正考官檢討李鴻賓為副考官編修張師泌為貴州鄉試

正考官鄒家燮為副考官○丁亥喀爾喀貝子土謝圖汗幫辦將軍蘊端多爾濟以私令本部落扎薩克將辦事圖記改式刻用革幫辦將軍御前侍衛在乾清門行走其喀爾喀四部落扎薩克幫辦台吉等所用圖記命禮部各鑄滿洲蒙古字樣銅圖記頒給○戊子調烏魯木齊都統明亮為鑲藍旗蒙古都統以綏遠城將軍奇臣為烏魯木齊都統鑲藍旗蒙古都統春寧為綏遠城將軍○除浙江

仁和西興二場。坍沒地二百四十二頃。有奇。竈課。是月。直隸總督顏檢奏陳惶悚微忱。得旨。常持此心。不令稍放。自能永受多祜。朕以自勉之心。望卿慎毋稍忽。又奏謝得旨。物阜民安。度節方能愉快。近日望澤頗殷。未蒙沾溉。朔日內苑。例陳龍舟水戲。亟命罷之。以待。

天澤。赦過憫農。曷勝企望。○兩江總督陳大文奏閱營兵情形。得旨。練兵為衛民之用。近日稍有事故。輒集鄉勇。可見兵之無用。殊有關繫。卿其思之。○江蘇學政劉鏞之奏士習情形。得旨。江南不患無才。但有才無行之輩。不可姑容。去稂莠。正為培植嘉禾。非凌辱斯文也。勉之。○湖廣總督吳熊光奏謝得旨。實心辦公事。乃臣下分所當然。然求治太急。必有扞格難行之事。凡事當分緩急。非一概而論。勉之。○雲貴總督琅玕等奏獎賞鎗斃倮匪之張輔國。得旨。祇可加賞。不可授職。此人終

不可信用。後必為蛇足之患。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十八

[illegible]

嘉慶九年甲子五月己丑朔命烏嚕木齊領

清實錄
嘉慶九年五月

七三九

且不必究辦。交該撫傳知伊家。毋庸為謝。揚鎮立嗣。並將謝恭銘嚴行管束。隨時照察。將來謝揚鎮妻女回籍。謝恭銘不得稍有欺陵。僕不知悛改。或仍有挾嫌陵虐。侵占情事。該撫一有聞見。即據實叅奏懲辦。毋得迴護瞻徇。將此諭令知之。○諭內閣。據全保奏。駐防南漳縣之改設提標左營。新添弁兵一百一十六員名。四季俱係全支折色。遇糧價較昂之時。買食未免稍艱。請籌備米石以資接濟等語。著照所請。將該省提標左營新添弁兵應食月米。循照各協營舊案。每兵豫備四箇月米一石二斗。改存穀二石四斗。准其先於司庫公項銀內。借動發交營坐州縣買穀。附貯常平倉內。於青黃不接之時碾放。俾弁兵等無虞食責。益資寬裕。○予四川陝西湖北陣亡叅將馬濟都司李鳳鳴。守備陳應彪。外委劉秉義。祭葬加等世職如例。叅將張明德。遊擊馬明德。都司張超。黃鳳。守備李自明。千

總李洪彥。劉榮。李正潮。張元楷。段煌。馬中俊。陳萬升。把總袁邵。董玉林。李必榮。羅純。楊松。蘇應照。譚福。袁銘。馬大勇。外委王得勝。周廷貴。陳明珍。朱常元。千總銜武生都建。竄侯建業。曹緒德。鄭紹舉。藍翎馬兵胡朝卿。藍翎守兵王世德。祭葬世職。額外外委胡起林等十五名。武生樊安邦等二名。兵丁柳福春等二百一名。鄉勇馬連升等二十一名。賞卹如例。傷亡已革把總羅廷貴。祭葬世職。兵丁晏奎等七十名。賞卹如例。○旌表守正捐軀安嶽和州民裴玉高妻楊氏。河南中牟縣民婦張秦氏。○辛卯。孝誠仁皇后忌辰。遣官祭景陵。○上幸靜明園。詣龍神廟拈香。○命於黑龍潭設壇祈雨。○戶部議准。陝甘總督惠齡疏報。西寧縣開墾地二十三段。照例升科。

從之。○緩徵山西臨晉臨汾洪洞曲沃翼城
太平解安邑夏絳州。河津霍趙城靈石襄陵
永濟猗氏虞鄉榮河萬泉。援山。聞喜絳縣浮
山岳陽鄉寧。二十六州縣旱災蟲災額賦並
應還倉穀。○癸巳。諭軍機大臣等。鐵保奏。運
河水勢及查捕蝻子各情形。覽奏俱悉。臨清
一帶。於黃水退後。河道淤淺。朕早經計及。曾
於策丹召見時。面令前往臨清一帶查辦。著
鐵保即飭令策丹。將該處蓄水挑淺起剝等
事設法籌辦。一律妥竣。再行赴任。至長清等
處萌生蝻子。亟應搜撲淨盡。雖東省於本月
初一日已得透雨。河水增旺。蝻孽亦易殲除。
但總須上緊挑挖河道。將蝻子認真撲捕。勿
令蔓延。儻竟有被蝻成災州縣。應如何酌量
撫卹之處。即據實速奏。不可稍有諱飾。將此
諭令知之。○甲午。

上諭

黑龍潭神祠拈香。○乙未。

上御勤政殿聽政。○丙申。諭軍機大臣等。伯麟
等密奏。增定禁截口鹽章程。並緩籌官辦池
鹽一摺。前因晉省鹽務。自改歸地丁以後。池
鹽聽民閒行銷。官無緝私之責。鹽禁日就廢
弛。遂至蒙古鹽斤得以乘閒偷越。於國計民
生。大有關係。是以諭令伯麟等妥為籌辦。今
既據查明。改商運。行有納課延夥等事。鹽價
必致增昂。更恐販運貧民紛紛失業。且檢查
倉商舊案。諸弊叢生。一時不敢輕議復舊。自
係實在情形。調劑各省鹽務。所以便民。朕豈
肯輕復河東官鹽。致令晉民稍有不便乎。惟
中國自然之利。若任外藩圖占。此則所關非
細。自應禁其水運。方可嚴杜偷越。伯麟等此
時既未便遽行更張。惟應於積口上下。另擇
要隘地方。添派幹員。會同該管各官。嚴行查
禁。儻有無照鹽船私自偷越。即行截拏。按律
懲治。至摺內稱。前與旺沁班巴爾會商章程。
並無違抗不遵。請於旺沁班巴爾之弟襲封。

後再行開導。令其自願改歸陸運。所見亦是。伯麟等應俟該王襲爵之後。乘便會晤。再將停止水運之處。向其商議。看彼是否願從。另行據實密奏。將此密諭知之。○丁酉。諭內閣。吏部議奏。請將辦理虧賠倉穀錯謬之原任巡撫高杞。照違制例革職一摺。此項湖南省虧賠倉穀。早經總督吳熊光奏定。在各員名下。按照時價追補歸款。已降旨允准。乃高杞輒妄議更張。既以例價追銀。復向有糧之家。

按糧勻買。覈計民間。須賠銀至二十萬兩之多。殊屬袒官病民。朕惠愛黎元。於地方一切公事。從不肯科派閭閻。總期藏富於民。培養元氣。此事若照高杞所奏辦理。則地方官員等得任意私虧。飽其囊橐。而百姓代官賠補。貽累無窮。豈不大形紛擾。且此端一開。儻有不肖地方官。乘穀貴之時。將倉穀照市價難賣入己。迨採買時。不過以半價歸公。仍按糧戶派買。輾轉侵吞。多方朘削。勢復何所底止。

設各省從而效尤。小民生計。尚可問乎。高杞妄更成議。實屬乖謬。著照部議革職。仍來京候旨。○戶部議准。陝甘總督惠齡疏報。秦中衛三州縣開墾地四十二畝。照例升科。從之。○戊戌。諭內閣。前因本年交夏後。得雨稍稀。農田望澤。朕心深為焦廬。特命禮部於本月初八日為始。敬禱

天神
地祇

太歲三壇。分派諸王行禮。朕於宮中齋心虔祈。以冀醲膏速沛。茲初九日甘霖渥霑。四野滂敷。正當禾苗長發之時。得此滋培。益增暢茂。此實仰蒙

神祇眷佑。寅感倍深。著即於本月十三日。敬謹報祀。仍派儀親王。成親王。慶郡王。永璘。分詣行禮。○又諭據御史邱勲奏。請將實錄館纂進之

紅綾本添派勤慎人員。細心覈對。期與

黃綾本一律完善等語所奏甚是該館每日進呈

黃綾本經朕敬謹恭閱偶遇字畫訛舛即隨時指示更正足以昭垂永久其尊藏各處之

紅綾本字經數寫卷帙較多難保無偶失檢覈之處將來全書告成後朕每日恭閱即係

紅綾本若看出繕寫錯誤再將職司校勘人員交議已不免有改換篇頁之事自應趁此全

書未竣校閱各員尚多從容覈對務臻精善著該館總裁遴派勤慎之員將現辦

紅綾本即以經進之黃綾本為準本詳細恭校不可稍有忽略○又

諭貝勒永鑒奏請隨園等語朕每歲前往避暑山莊由彼進哨派諸王公隨往原係照例

差使去歲儀親王成親王慶郡王俱未派出伊等俱係朕弟兄尚未敢具摺奏請若謂永

鑒年壯正當出力現在宗室王公內年壯者甚多若俱效尤清陳事涉紛繁已屬非是至

謂永鑒自

西陵回京尚無効勞之處今欲隨園出力尤屬牽強永鑒去歲曾經陳請朕未允准本年又復瑣瀆甚屬膽大不安本分除不准所請外仍著嚴行申飭嗣後儻有似此瀆請者必交宗人府議處○廣西巡撫百齡奏擊獲廣東竄匪知縣顏樾等升敘有差○調禮部左侍郎瑚圖禮為工部右侍郎○庚子

上詰

時應宮

昭顯廟拈香○還宮○諭軍機大臣等本日據孫全謀奏稱上年十一月內在雷州洋面探聞盜首鄭一烏石二等竄回粵洋共有匪船二百餘隻內有百餘隻聚泊遂溪縣廣洲灣洋面其餘六七十隻分投各洋面游奕孫全謀督率兵船五十八號於十二月二十等日馳赴攻剿賊船隨拒隨逃官兵傷斃二十名緣孫全謀所帶兵船內有九號小料民船

配兵無多其餘各兵船在洋駕駛日久船底
滲漏僅有兵船三十九號跟蹤追捕詎盜船
百餘隻竄至平海黃茅洋面見官兵稀少膽
敢放礮迎敵傷斃千總一員兵丁四名俱經
札達倭什布外並自請交部治罪等語洋盜
鄭一烏石二等匪船二百餘隻在廣洲灣等
處分屯游奕經官兵兩次追捕傷斃兵丁二
十餘名戕及弁員此係上年十二月間之事
該督接到札稟後自應據實具奏一面認真

督辦乃檢查倭什布節次奏到各摺並未詳
晰陳奏殊不可解洋盜為廣東大患此事尚
不留心別項事自必更形疏懈伊係棄瑕錄
用之人尤不應如此怠忽粵省洋匪自越南
受封以後已無窩留遁逃之藪自當漸就肅
清乃至盜船數百連幫聚泊遊奕各洋豈地
方文武尚不亟思上緊撲捕乎試思盜船有
二百餘隻之多而兵船祇有五十八號即一
律整齊已覺寡不敵衆何況此內半有損壞

僅剩三十餘船追捕大幫賊匪無怪乎官兵
之被戕而匪徒之遠颺也近聞該省船隻於
製造完竣後祇在海口停泊以致日久浸漬
多有虧壞此即營員出洋懈弛之明證但既
有損壞地方官即當隨時修整乃亦因循觀
望一有調發之事始雇覓小料民船數號擔
塞了事此等積弊朕所深知大率營員憚於
出洋輒以無船可駕為詞地方官則以營員
平素並不出洋空船停泊徒置無用一旦議

令修艚每稱所費不貲似此互相推諉日漸
廢弛海洋何能安輯倭什布係該省總督文
武皆其統轄著即嚴切查明分飭所屬痛改
積習和衷辦公若陽奉陰違仍前貽誤或稍
有諱飾一經朕訪聞得實或別經劾奏惟倭
什布是問所有孫全謀自請治罪之處此時
且暫緩交部仍著該提督上緊督緝務淨根
株如再有遲誤即當一併治罪不能曲貸矣
將此傳諭倭什布並孫玉庭孫全謀知之○

予四川陝西湖北陣亡生員王博書等二名
武生劉全瀧等五名披甲德保等八名土練
侯文華等十名兵丁武占魁等五十四名鄉
勇任士友等四千四百六十五名傷亡兵丁
張林興等四名民壯楊升等六名鄉勇馬永
琳等二名福建捕盜傷亡額外委黃鳴皋
兵丁江世貴等五名出洋淹斃兵丁蘇大邦
等三名賞卹如例○
上以夏至祭

地於

方澤自是日始齋戒三日○辛丑遣官祭

闕帝廟○以翰林院侍講施杓為四川鄉試
正考官編修程國仁為副考官翰林院侍講
學士陳嵩慶為廣東鄉試正考官編修陳壽
祺為副考官翰林院侍讀吳鼎為廣西鄉試
正考官刑部員外郎張志緒為副考官詹事
府詹事茅元銘為福建鄉試正考官司經局
洗馬周系英為副考官翰林院修撰吳廷環

為湖南鄉試正考官檢討韓鼎晉為副考官
賞喀喇沙爾貧回地千頃以資墾種從辦
事大臣麒麟保請也○癸卯夏至祭

地於

方澤

上親詣行禮 幸圓明園○甲辰免齋齊哈爾

貧丁舊欠倉糧○丙午

上幸萬壽山○諭內閣據蘊端多爾濟等奏請

將巴彥阿達爾罕卡倫駐防兵丁二百名裁

撤即於此內派兵二十名駐劄庫倫之南汗

山地方巡查牲畜樹木一摺前因俄羅斯所

屬喀木呢罕等進巴彥阿達爾罕卡倫搶擄

車臣汗部落游牧地方牲畜是以由該部落

派兵二百名駐防近年俄羅斯感恩向化甚

屬恭順此項駐防兵丁亦屬無用著照蘊端

多爾濟等所請裁撤至汗山係每歲春秋致

祭地方該處樹木牲畜不可傷損即著由現

撤兵丁內挑派二十名仍派章京一員管領

巡查以示朕惠愛蒙古至意其餘兵丁著各回旗照例當差○諭軍機大臣等額勒登保等自奏報分路勦賊情形後迄今已閱旬日朕盼望之殷刻深焦廬本日四百里報到所敘連日分兵探勦情節不過殺賊一名生擒被擄民人十名賊匪除二百三四十人外又新擄百姓一二百人賊數竟添至一倍現據摺內稱官兵連日為大雨所阻一俟天色稍霽奮力進攻儻賊匪他遁亦即設法趕勦等

語殊不成話如此大雨官兵既寸步難進賊匪又何能遠遁若賊匪竟能冒雨前行官兵自亦可跟蹤追躡何至不能奮力進攻額勒登保等不過又為將來追賊遲延自占地步此等敗殘零匪不但不能殲除又復輟轉奔逃致增裹脅均由伊等辦理延誤所致上年冬間德楞泰接辦時朕以該處零匪祇剩一二百人無難剋期辦淨乃德楞泰誤聽鄉勇詭計欲事招降予賊以暇坐失事機不得已

又令額勒登保到彼幫辦額勒登保在京時即再三婉辭及至到陝後聞德楞泰於三月初二日得有勝仗又欲避分功之嫌不即會辦德楞泰屢次不能得手伊自知難以坐視始行前往今自與德楞泰會合以來又閱月餘老師糜餉一籌莫展此而不加黜罰何以肅軍紀而勵戎行此起零匪德楞泰勦辦最久其貽誤之咎尤重著降為二等侯革去內大臣降戴單眼花翎並革去紫纁賽冲阿以西安將軍幫同勦賊且係聯銜奏事之員非專聽調遣鎮將可比其獲咎亦重伊前賞輕車都尉世職著降為騎都尉並拔去花翎額勒登保會同督勦雖不似德楞泰等為時已久但到軍營後毫無振作咎亦難辭著降戴單眼花翎並革去紫纁朕權衡伊三人貽誤輕重之咎分別降革以示薄懲額勒登保等務宜知感知奮迅勉戴功仍可復邀恩賞儻再泄泄沓沓任賊匪輟轉奔逃沿途勾結

必將額勒登保等三人一併從重治罪。不能稍為寬貸矣。○旌表守正捐軀山西萬泉縣民淮金柱妻趙氏。○丁未諭內閣我國家景運昌明。文治隆茂。八旗臣僕。涵濡

聖化。輩出英才。自定鼎以來。後先疏附。奔奏之倫。其足任干城腹心者。指不勝屈。而於騎射本務之外。留意謳吟。馳聲鉛槧者。亦復麟炳相望。前此鐵保在京供職。曾有採輯八旗詩章之請。經朕允行。茲據奏進詩一百三十四

卷。請賜書名。朕幾餘披覽。嘉其搜羅富有。選擇得宜。格律咸趨於正。而忠義勇敢之氣。往往藉以發行。存其詩實重其人。益仰見

列聖培養恩深。蒸髦蔚起。正未有艾。爰統命名。熙朝雅頌集。並製序冠於簡端。以垂教奕。禩非徒賞其淹雅博麗之詞也。著將原書發交鐵保付之剞劂。用昭同風盛軌焉。○戊申諭軍機大臣等。倭什布等奏。擊獲在洋疊劫並搶劫礮位盜匪朱亞三等。審明辦理一摺。已

批交刑部覈擬具奏。並降旨將呂潑加恩以知縣升用矣。惟聞摺內稱呂潑係雇募鄉勇督率追捕。並未將營汛升兵曾否會同緝獲之處詳晰聲敘。海洋地方營汛聯絡。專司緝捕。況高雷交界處所。尤易藏奸。自必設有營員以資控制。何以此次擒拏各盜匪。祇有鄉勇駕船追擊。並未經會營協緝。國家設兵衛民。緝盜若專用鄉勇。何必設營置汛耶。如果該地方官等曾經咨會營員。而營員等推諉

不前。則當將營員叅辦。或兵不堪任使。則當責懲訓練。著倭什布等查明覆奏。○庚戌旌表守正被戕湖北京山縣民吳甫潮妻丁氏。

辛亥

孝恭仁皇后忌辰遣官祭

景陵○

上幸靜明園詣

龍神廟拈香。○諭軍機大臣等。惠齡奏。查明陝省各營軍裝馬匹等項。請俟征兵全行凱

徹後再行估造等語。著照所請。准其展限。暫緩查閱。並降旨諭知額勒登保。矣。至摺內所稱官兵隨征日久。奔走山徑。於排隊走陣。亦多生疎之語。實屬自相矛盾。隨征官兵。而不知排隊伎倆。可知。但外省營伍操練。所演技藝。多係虛應故事。至臨陣對敵。全不賴此。即如東三省勁旅。所向克捷。何嘗講習排隊走陣等項。虛文耶。該督惟當督飭鎮將各員。平日認真訓練。俾成節制之師。原不待查閱營伍之際。始求嫻習技藝也。將此諭令知之。○裁四川冕寧縣訓導一員。移駐雷波廳。增設雷波廳文武學額。從總督勒保等請也。○河南河北鎮總兵官常麟。以病解任。調直隸泰寧鎮總兵官富蘭。為河北鎮總兵官。馬蘭鎮總兵官興長。為泰寧鎮總兵官。以正白旗漢軍副都統豐紳齊倫。為馬蘭鎮總兵官。兼總管內務府大臣。署鑲黃旗蒙古副都統阿明。阿為正白旗漢軍副都統。甲寅諭內閣。盛

京
三陵總管。既向無借給俸銀之例。又非派令出兵製備軍裝者可比。此次文昌保具呈時。戶部堂官祿康等。即應按例批駁。何以明知向無此例。率行具奏。並請嗣後補放三陵總管。亦一體借給。此端一開。將來凡與例不符之員。俱似此紛紛呈請。成何事體。戶部堂官等。不過聽信司官慫恿。意圖見好於人。一經奏准。則恩皆歸己。如此邀譽市恩。豈大臣公正居心之道。近日各部院衙門。多有陳請乞恩之事。從未見認真綜覈。任勞任怨者。記云善則歸君。過則歸己。今諸臣總思市恩見好。稍有建白者。共目為多事。此等習氣。亟宜整飭。所有文昌保借支俸銀之處。著不准行。戶部堂官著傳旨申飭。仍交部察議。其承辦司員著交部議處。○乙卯諭內閣。此案繆細妹回毆小功服兄繆三康致死。律應斬決。又致母黃氏畏累自縊。例應照本犯罪名擬

以立決該犯身兼二罪問擬斬決已無可復加但該犯祇科毆死服兄之罪已應斬決又因逞忿累及所生不可不量加嚴辦以昭區別繆細妹著即行處斬仍於犯事地方梟示俾鄉愚觸目咸知儆戒嗣後有身犯二罪俱應斬決者均加擬梟示著刑部纂入律例用示明刑弼教至意○諭軍機大臣等本日朕披閱勦平三省邪匪方略嘉慶二年九月內宜綿奏軍營情形據稱各州縣團練鄉勇其中勇往出力者固不乏人但賞過則驕威過則散究非紀律之師可比請於新兵外各按省分添練備兵自一萬名至五千名不等等語朕猶憶從前奏到此摺時當經恭請

皇考高宗純皇帝訓示仰蒙

聖訓以軍營鄉勇不能繩以部伍不若挑充入伍可資約束則多一兵丁便少一鄉勇俟軍務告竣後或挑補營頭或散令歸農其事尚屬易辦宜綿之言似有所見隨降旨諭知四

川陝甘湖北河南各督撫等按照宜綿所奏之數招募入伍可見鄉勇之不足恃早經聖明洞鑒示以辦理之方該督撫等如果及早遵行彼時鄉勇等貪得鹽糧自必咸願應募一經入伍則駕馭較易即事竣散遣亦不虞其滋事乃數年以來督撫皆委之於經略叅贊遠延不辦各路軍營仍襲用團練之人浸無控制以致大功告竣後散遣為難其留軍營者不肯出力徒糜鹽糧其散歸者或流而為匪別生事端年來疊次降旨諭令妥籌安插迄無善策連日以來又屢諭該省督撫等悉心籌辦此時各路鄉勇內如尚有情願入伍者自當即令歸營食糧但恐此等遊民憚於管束未必情願入伍著該督撫等遵照節次諭旨將鄉勇有家可歸者酌加賞給遣回原籍取具收管印結其無業可歸者或分給各大員及各廳州縣署內充當壯丁雜役給以飯食俾資餬口總當使之有所羈管足資

生計不能遊蕩為匪方可日久相安。各督撫惟當速發天良。以國事為家事。妥協辦理。勿再因循。將此諭令知之。○以遣戍釋回賞給員外郎前任陝甘總督宜綿前奏鄉勇情形。切中時弊。命以四五品京堂候補。○旌表守正捐軀四川崇慶州民王萬驥女王氏。山西臨晉縣民王講娃妻趙氏。○丙辰。諭內閣據托津等奏。本年二進糧船。自四月二十九日首幫抵壩。至本月二十三日。僅有十一幫到通。二十四日以後。至二十八日。五日內並無續到糧船。且據各運弁稟報。東省開河內外水勢淺弱。草寺蔣家園至四女寺一帶。淤淺特甚。因無剝船。該丁等自行刮挖。並用小划船輪轉起剝。以致延滯等語。前因汪鏞具奏糧船脫幫情形。鐵保總未奏及。特降旨令其明白回奏。嗣據鐵保覆奏。因堵築漫口。閉閘蓄水。暫令糧船停泊。現集夫挖淺。並添備剝船。催艤前進。惟未經詳悉奏明。自請交部議

處。當經降旨。以鐵保尚係在彼籌辦。其遏止於聲敘不明。加恩改為察議。今糧船在東省境內。節節遲延。並聞有每日祇行數里者。河水淺滯。地方致旗丁等自行刮挖。則所謂集夫者安在。各幫船自用划船起剝。則所稱多備剝船。豫備起卸者。又歸何用。看來鐵保所奏。全係紙上空談。並未認真辦理。本日又據鐵保奏。臨清閘內外汶河。衛河連次長水。幫船現在行走通順。即該運弁所稟阻滯情形。係以前之事。而鐵保前摺亦未據實奏明。實屬諱飾。鐵保著再交部議處。其草寺等處地方。前經鐵保開單具奏。派委道將專駐催趲。著即查明各該處係何員承委督辦。據實參奏。交部嚴加議處。○諭軍機大臣等。朕近聞本年豫省合龍後。黃流由雲梯關入海。不甚暢利。竟有分溜直入洪澤湖及淮揚一帶。運河倒灌。較往年為甚。此事殊有關繫。海口一帶舊有阻遏。上年豫工未經合龍時。朕早為

慮及節經降旨令吳璥親赴海口一帶隨機酌辦務為一勞永逸之舉。不可惜費畏難。申諭甚為明切。該督屢次奏到。皆言雲梯關一帶出水通暢。惟請再將黃泥嘴新河等處取直開挑。以收束水刷沙之益。本月初旬復據奏稱各工業經挑切如式。河水滔滔外注。並無阻遏等語。今黃流分溜直入洪澤湖。連河是海口之不能通暢。已可概見。現在未交大汛以前。已形倒灌。將來伏秋大汛。清黃並漲。洪澤湖不能容受。各處工程。豈不大形危險。海口阻滯。本非一日。但上年有旨特交吳璥查辦。何以並不通盤籌畫。以致本年黃水倒灌。甚於往年。該督前此辦理。自不免存惜費之見。殊不知顧惜小費於前。即不免多糜帑金於後。試思海口消納不暢。洪澤湖又遭淤淺。則河身漲滿。濱河州縣。存在可危。彼時設有漫溢。工鉅費繁。又將如何辦理。吳璥即不惜身家。更於國事何益。著傳諭吳璥。即查明

現在河水倒灌情形。務即設法籌備。不可遲緩。貽誤。○予雲南勦捕猺匪陣亡外委高序祭葬。世職如例。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百二十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十

[illegible]

較修

嘉慶九年甲子六月戊午朔命禮部尚書那

仍當一體照辦至閑阮傑等於江寧私置奴僕該地方官何竟毫無覺察若非廣西地方查出截留則內地齊民轉供夷人役使殊與體制不合現在謝昌伶等已交江南委員連契帶回著陳大文查明契內係何處籍貫何年契買姚成貴係何年經黃廷球收留按照年分即將該管各員具摺參奏○緩徵四川生番滋擾之馬邊廳屬岡外烟峯迴龍三鄉額賦 壬戌諭內閣朕躬駐蹕圓明園時所有內廷行走兼管部院之滿漢大臣俱應乘暇赴署辦事每日早朝退後不得以內廷行走為詞優游園囿僅令屬員赴園稟事前經降旨訓飭不啻再三本日恭閱乾隆三十五年

實錄內載回子白和卓叅奏舒山李漱芳監放米石曠誤未到一摺仰蒙

皇考高宗純皇帝

天語

褒嘉景緬之餘。覺朕節次訓諭。與

皇考高宗純皇帝誥誡臣工。冀其力懲懈弛。各

勤職守之。

聖心適相符合。白和卓乃御前行走回子。尚爾

詎勉奉職。豈內廷及御前乾清門行走之王

大臣。轉可託故偷閒。竟不赴署辦事耶。且朕

每日視朝甚早。不過已刻即散。王大臣等進

城揀選查辦事畢。再行回園。次早進內。頗覺

從容。况御前乾清門侍衛常川住園。並無別

項差使。故定例給與官房。至兼攝他職之王

大臣。例不給與官房。特以早朝退後。俱應赴

署辦事也。嗣後內廷及乾清門行走兼管旗

營之王大臣等。務於每日退直後。各赴公署

查辦一切。慎毋恣意養安。致負委任。特此通

行。曉諭永遠遵行。○甲子。

上御勤政殿聽政。○諭內閣。前日吏部具題內

閣侍讀學士員缺。請簡一本。將奉旨以三四

品京堂用之陳鍾琛開列。並註明此缺雖係

四品。但入本衙門京察考覈之員。似與京堂

有間等語。殊不成話。設官分職。自有一定秩

序。豈可在疑似之間耶。本日御門。已將陳鍾

琛補授此缺。因思內閣侍讀學士。係從四品

官。階定例缺出時。以通政司叅議光祿寺少

卿鴻臚寺少卿及科道各部郎中分班輪用。

祇因京察年分。應歸大學士考覈。不得與各

衙門卿員同邀引見。是以與京堂稍有區別。

該員於簡放謝恩。亦由大學士據情代奏。不

准自遞奏摺。雖係向例如此。但思通政司叅

議光祿寺少卿鴻臚寺少卿。其階級係在內

閣侍讀學士之下。均列為京堂。自行具摺謝

恩。京察時帶領引見。何一升內閣侍讀學士

轉不獲遞摺謝恩。其體制介在堂司之間。殊

屬未協。嗣後內閣侍讀學士員缺。著照翰林

院講讀學士之例。遇京察之年。同各京堂一

體引見。其簡放時俱著各該員自行具摺謝

恩。此外各京員中如尚有階級雖小。而職任

係屬堂官及升任後轉不得具摺謝恩。及由本衙門註考者共有幾項。其由各衙門開列補放及引見人員。應如何分別堂司體制。酌歸畫一之處。著吏部詳查議奏。尋議詹事府滿洲庶子。欽天監監正。監副。每屆京察。亦係歸入京堂引見。而補放時。係行文鴻臚寺於升殿之日謝恩。與各項京堂自行具摺者不同。應請嗣後詹事府滿洲庶子。欽天監監正。監副。於補放時。亦令其自行具摺謝恩。以昭畫一。至國子監漢司業。應升翰林院侍讀。侍講。詹事府洗馬。中允。欽天監滿洲監副。應升各部員外郎。科甲班並升詹事府中允。漢監副。應升各部員外郎。升任後。既非京堂。自應仍歸本衙門註考。亦無庸自行具摺謝恩。以符體制。從之。○諭軍機大臣等。玉德李殿圖奏蔡牽匪船竄至鹿耳門滋擾。現在調遣官兵赴臺協剿情形一摺。盜首蔡牽在洋面竄擾劫奪日久。未能緝獲。今竟敢率其夥匪。駛

至鹿耳門海口。突入北汕木寨滋擾。以致戕害官兵。實屬可恨。但武克勤王維光二員。既經玉德等派往北汕寨防堵。遇盜船登岸時。自應奮力擒拏。何致遽有失事。儻該遊擊等竟係畏葸不前。未經抵禦。以致被戕。則本有應得之罪。無庸再行加恩。若果督兵殺賊。或因衆寡不敵。力竭被害。仍當照陣亡例賜卹。著該督等確切查明。具奏請旨。其臺灣鎮道府各員。據稱愛新泰同慶保先經聞信。馳赴鹿仔港。因盜蹤業已他竄。即行回郡。嗣於二十八日。接有汛弁稟報。該鎮即馳赴北汕木寨督捕。遇昌慶保在海口一帶彈壓巡防。是日該鎮坐船。因黑夜逆風暴雨。急切不能趕到。等語。地方文武大員。於此等盜劫重案。自應即時馳往督捕。况郡城距鹿耳門水程祇三十餘里。相距不遠。究竟北汕寨失事時。該鎮暨道府等曾否趕到。並著該督等查明。如果該鎮卸退避情事。即應據實參奏。不可稍

有迴護此時盜船業已遠颺該督現分派鎮將帶兵擒捕惟當嚴飭上緊兜圍截擊追蹤務獲即該匪從外洋竄逃鄰近省分亦應不分畛域協力嚴拏閩浙兩省均係王德所轄應通飭營汛並知照阮元李長庚等飭屬上緊圍擒其濱海如粵東江蘇等省亦著飛咨各該督撫一體嚴拏毋任日久稽誅將此諭令知之○順天府府尹閻泰和緣事解任以太僕寺卿章煦署順天府府尹○乙丑諭內

閣昨日內閣進呈嵇承志等五月初二日具題搶辦秦家廠魏家埠單下汛虞城下汛四處壩埽工程及增培南北兩岸各工土方錢糧並實授廳員題署廳員本共七件於本後書寫五月字樣之處均係挖補蓋印殊屬不合除將所題各件交該部議奏並隨本飭行外本內年月蓋印之處關繫緊要即偶有錯誤亦應敬謹另繕方足以昭慎重而備稽查豈得任意挖補填改致啟弊端今嵇承志等

同日題本七件皆將月分挖改若非前數月應題之本積壓經時將月分移後即係嵇承志因離任在即於未交代時趕緊具題將月分移前著嵇承志明白回奏其中有無情弊並交護理河道總督徐端詳查據實具奏○以集勇防堵安徽宿州賊匪賞河南永城縣生員范秉文訓導銜旌表守正捐軀直隸灤州民王宗孟女王氏廣東遂谿縣民林茂萊妻周氏○丙寅諭內閣本日朕恭閱

皇考高宗純皇帝實錄內載乾隆三十五年奉旨宗室公寧陞額所用太監張德謀殺道士康福真已將張德按律辦理寧陞額交宗人府查議仍著交管理宗人府王公嗣後王公內儻有與此等不肖之徒往來者立即叅奏嚴行治罪欽此仰見我

皇考高宗純皇帝保全宗室

仁恩至深且切現在儀親王成親王慶郡王永璘定親王綿恩平素不為此等人所惑朕所

深知至宗室諸王公等果否均能遵制安靜。朕實不能周知。宗室諸王公等延師教誨子弟。理所當然。或延請書畫人等。雖非正事。尚無大礙。至如僧道星相人等。皆遊蕩無賴之徒。姑息容留。每受其累。甚為無益。若宗人府再行曉諭宗室王公等。嗣後僅查有容留僧道星相等人者。宗人府即據實叅奏。不可瞻徇。旌表守正捐軀河南確山縣民袁來妻趙氏。戶部議准。江西巡撫秦承恩疏報廣豐縣開墾田九十一畝有奇。照例升科。從之。

○丁卯諭軍機大臣等。從前額勒登保等總稱賊匪往往四散潛竄山林。官兵無從圍剿。此次該匪等前來偷撲營卡。正當率兵奮力殲旃。乃祇斃賊三名。生擒一名。豈非坐失機。會若云昏夜莫辨。則賊匪既能行走。何獨官兵不能追捕。用兵機宜。全在乘賊之隙。或霧雨交作。或昏夜之中。出其不意。一鼓制勝。若必俟天色晴霽。又須於白晝時方可督兵剿。

賊萬無是理。即楊遇春一路。亦祇殺賊一名。其被水衝去之二三十人。乃賊匪過河。自遭覆溺。何得為官兵擊剿之功。而額勒登保等猶稱乘此勝勢。能無愧乎。此時搜捕之要。總在設法籌辦。或用火焚林。或斷賊樵汲。或於扼要地方設伏。拏卡出奇。決勝。今額勒登保等惟知帶兵尾追。日復一日。何時始能告竣。本日摺內據稱。路經八面溪大山等處。羊腸鳥道。萬丈懸崖。額勒登保與各官員馬匹陷。跌殆盡。眾官兵扯引下山等語。看此情形。官兵等不為不盡力。即額勒登保等亦實艱苦。備嘗當此盛暑煩歎。即馬匹陷跌致斃。閱之亦覺惻然。況如此涉險。官兵等自不免有所損傷。實不忍再加懲治。但毫無布置。僅事跟剿。仍屬無益。用兵之道。謀畧為先。羽扇綸巾。能推勁敵。若恃勇輕進。拚命相鬪。是市井無賴之情形。何能制勝。為將之道。以審察天時。地利。人和為最要。今春令不能趲辦。至三伏。

時猶須馳驅跟擊此不知天時也賊匪出沒無常不伺其竄近平曠之地逼擊兜圍致令奔逃林箐任其往來攻撲束手無策此不知地利也不能信賞必罰鼓勵隨征將士以致日久疲勞衆心懈弛此不得人和也失此三者何以為將額勒登保德楞泰賽冲阿均著傳旨嚴行申飭○調正黃旗漢軍都統恭阿拉為正藍旗滿洲都統正藍旗滿洲都統琳寧為正黃旗漢軍都統○撥九江龍江淮安

潞墅等關稅銀五十萬兩解往陝西並撥陝西實存雜項銀十萬兩備軍營善後之用○戊辰先是吏部書吏舞弊將告病治中趙曰濂虛選運同事覺

上命大學士保寧等會同刑部查辦至是諭內閣君臨天下勅政治民仔肩至重奚能獨任哉我朝特設內閣綜理樞機六卿分職各率其屬即古之四岳九官輔弼匡贊之職也朕德薄才疎寅承大統惟求天下乂安兆民蒙

福孜孜圖治不敢暇逸奈諸臣全身保位者多為國除弊者少苟且塞責者多直言陳事者少甚至問一事則推諉於屬員自言堂官不如司官司官不如書吏實不能除弊去害是甘於旅進旅退忘職思其居之義矣諸臣皆我

皇考所用之人似此委靡不振自暴自棄諸臣自為計則可矣何以報

皇考數十年之恩遇乎自大學士尚書侍郎以及百司庶尹唯諾成風皆聽命於書吏舉一例牢不可破出一言惟令是從今吏部京兆相爭一事任書吏之顛倒是非變幻例案各堂官受其愚弄冥然不覺所爭之情節與所為之弊竇毫無干涉良可慨歎一部推而至於五部若堂司如此庸碌書吏如此狡猾上無道揆下無法守太阿倒持羣小放恣國事尚可問乎此案雖經分別治罪諸臣各宜痛改前非急圖後效念朕求治之苦心佐予不

逮亟思致君澤民之實政莫存尸祿保位之鄙見使朕成一代之令主諸臣亦得為千古之名臣經朕訓諭之後尚不知悔改是激朕之怒必欲朕受薄待大臣之名朕寧受此名曷敢廢法必挽回乃止其無悔此案禍首罪魁皆由吏部書吏舞弊朦混而阿勒經阿貴徵二人選司掌印失察作弊混行搪塞即行革職發往伊犁効力吏部尚書琳寧老邁無能難期振作著革去協辦大學士吏部尚書

范建豐錢樾每日入署辦事毫無覺察俱著革去侍郎三人仍交都察院議處瑚素通阿究係署理不必兼署吏部初彭齡亦不必兼署俱交都察院嚴加議處劉權之調補兵部尚書仍交都察院嚴加議處慶桂究係總理又在軍機仍管吏部事務亦交都察院嚴加議處戴衢亨心為除弊激於公忿毫無不是惟失察書吏用印補畫催稿實不能為之諱著不必兼管府尹交都察院議處聞泰和亦

為除弊惟失察書吏私用印信又受同鄉囑託標畫先行其咎較戴衢亨為重然究為除弊情尚可原罪不至於革職著降補四五品京堂仍交都察院議處○又諭軍機處承旨書諭向於大學士及尚書侍郎等官慎選行走誠以絲綸出納必有總匯之區不能分隸各部亦斷無更番輪值之理但六曹事務殷繁軍機大臣中偶值此一部無人適有垂詢交辦等事該大臣非其專管未能熟悉必俟

該部值日召對轉覺遲緩自應職備六官方足以資經理而在內行走之各衙門司員亦得本堂官覈其勤惰軍機大臣德瑛自行走以來人甚慎密清文最為通曉辦事俱極認真本日已降旨調補吏部尚書該部職掌銓衡事務繁重軍機大臣慶桂係兼管吏部較之德瑛倍加老練若仍留德瑛在軍機處行走部中即少一專辦之人而軍機處轉多一吏部堂官德瑛著不必在軍機處行走即赴

本衙門辦事。現在軍機大臣。戶禮二部無人。禮部尚書那彥成著仍在軍機處行走。戶部侍郎英和年力富強。人有出息。著在軍機處學習行走。伊所管事務較多。又係內務府人。著不必兼總管內務府大臣。○又諭御史顏培天奏軍需覈減銀兩請旨飭追報撥一摺。所奏是川陝楚三省。自嘉慶元年至今。動用軍需隨案報銷。俱有覈減銀兩。自應上緊追出。以歸原款。乃各督撫任意延緩。以致公帑

虛懸。轉因動支不敷。輒時請撥餉。藉為屬員挪掩地步。此實近日通弊。著該督撫等將節年軍需各案覈減銀兩。立限追完。貯庫歸款。候撥勿任宕延。至軍需與例餉各有專款。尤不得率行牽混。嗣後如有動用之處。務令各清各款。彼此不致混淆。以昭慎重。○命戶部尚書祿康協辦大學士。調刑部尚書德瑛為吏部尚書。兵部尚書長麟為刑部尚書。以鑲藍旗蒙古都統明亮為兵部尚書。調兵部尚

書費淳為吏部尚書。禮部左侍郎恩普為吏部右侍郎。轉禮部右侍郎玉麟為左侍郎。以內閣學士扎郎阿為禮部右侍郎。調兵部左侍郎劉鏞之為吏部右侍郎。轉兵部右侍郎潘世恩為左侍郎。以內閣學士劉鳳誥為兵部右侍郎。太僕寺卿章煦為順天府府尹。降吏部右侍郎錢樞為內閣學士。兼禮部侍郎銜。○改直隸承德府為請旨簡放缺。大名府為在外題升缺。從總督顏檢請也。○減各關

盈餘額稅。定浙海關四萬四千兩。揚州關七萬一千兩。鳳陽關一萬七千兩。西新關三萬三千兩。九江關三十六萬七千兩。潯墅關二十五萬兩。淮安關十二萬一千兩。○己巳。以兵部左侍郎潘世恩為浙江鄉試正考官。禮部員外郎盧蔭溥為副考官。工部右侍郎瑚圖禮為江西鄉試正考官。刑部主事張燮為副考官。右春坊右庶子王引之為湖北鄉試正考官。掌陝西道御史賈允升為副考官。○

緩徵湖北被賊滋擾及鄰近賊氛之江夏咸寧嘉魚通城漢陽漢川沔陽黃岡麻城潛江天門雲夢公安石首監利松滋武昌興國大冶通山蘄水羅田蘄黃梅廣濟二十五州縣並屯坐各衛。歷年積欠額賦有差。○庚午。諭內閣御史韓克均奏請詳校例案以歸畫一。杜絕弊端。一摺。所奏尚是。各部院衙門事件。原應遵照定例辦理。其例有未備者。方准以舊案比照。誠以事端百出。從前定例或有未盡周備。而成案日積日多。其中又不無辦理參差之處。於是吏胥得以意為援引。高下其手。此案牘愈紛。而隱匿朦混諸弊。所由滋也。著各部院堂官督飭司員。將各該衙門例案逐一檢校。遇有例意未盡昭晰者。詳細註明。使人人易曉。其成案前後兩歧之事。酌中叅覈。將不可遵行者。概行刪去。免滋淆混。統俟將來增修。則例時明晰開載。庶足以杜弊端。而歸畫一。○又諭松筠等奏兇犯自首審明

即行正法。一摺。此案步甲貴勒赫與該犯郝鏡合夥開鋪營生。因無力出資。並將貨物賒給回人。該犯屢向催取。總以無從措辦為詞。互相口角。該犯又以既無本銀。不如即日閉歇。買賣相商。貴勒赫堅執不允。該犯因貴勒赫既不出本。又不催討。賒出貨物。亦不准停歇。鋪業疑其有心坑害。起意殺死。與伊償命。乘貴勒赫熟睡。即用斧疊砍多傷。見其未死。又取刀很抹咽喉。斃命。細閱情節。該犯起意致死。心口相商。供情如繪。實係謀殺。並非頓起殺機之故。殺可比雖謀。故罪名俱屬斬候。並無歧異。而以故殺定擬。尚未確切。至向來新疆地方。遇有兇殘命案。罪應監候者。俱立正典刑。不必請旨。誠以邊陲要地。非從重辦理。不足懲儆。兇頑今郝鏡致死貴勒赫後。即赴衙門投首。與拏獲到案者。究屬有聞。自應將該犯按律定擬。具奏。聲明自首緣由。或請旨即行正法。或請旨歸入秋審情實。方為正

辦乃松筠等於審明後將該犯即予正法若係鞏獲到案又將何所區別且自首者仍一律決不待時則罪人無所希冀誰肯自首必致潛蹤遠颺轉多漏網松筠等辦理此案殊屬過當嗣後新疆遇有此等謀故自首之案俱不必從重立決以昭平允○釋遣戍伊犁已革侍衛那彥瞻回京賞給拜唐阿在粘竿處行走○辛未諭內閣科道為朝廷耳目之官責任至重凡政治利弊攸關如有真知灼

見自應據實上陳直言無隱乃近年各科道等多有撫拾浮詞毛舉細故封章入告徒博建白之名而數陳毫無實際且每遇查辦事件率於事後紛紛條奏即如日前查出戶局銅斤虧短一案後科道等即相率以銅斤章程連篇具奏此次吏部書吏舞弊壓缺一案業經查辦完竣而昨日御史韓克均始有詳校則例之請已諭令各部院堂官議奏本日給事中費振勳又有請定章程以肅銓政之

奏此二事皆非科道所劾及至發覺之後始行補奏殊失言事之任部中例案均關緊要各科道等既知奸吏舞弊文結習思欲立法除弊自應早行陳奏豫杜未萌况吏科及河南道係稽覈吏部事務職有專司尤宜隨時查察儻風聞有書吏舞弊之案即當立時劾奏方為無忝厥職從前

皇考高宗純皇帝時曾有因外省吏治廢弛而本籍科道未經叅奏者均經量予處分此在距家已遠之言官尚因其漫無聞見示以創懲况科道與部院同係在京供職又有糾察之責乎今該給事中等於應行稽察之部務並不於事前陳奏迨至弊端發覺始行臚款上聞殊屬非是但念事屬既往姑不深究各該科道等均著傳旨申飭嗣後惟當共相勉勵實心奉職遇有國計民生所係及官方吏治一切弊端應行釐剔者該科道等確有所見總應先事剴切抒陳為杜漸防微之舉朕

必加以採納。切無徒作事後空言補苴罅漏。尤不可以捕風捉影之談。輒行執簡而陳。又有諫草已定。復行改易。遲迴觀望。皆非忠正入告之道。所有費振勲原奏。著交該部一併歸入詳晰議奏。調鑲黃旗漢軍都統祿康為鑲白旗滿洲都統。以禮部尚書那彥成兼鑲黃旗漢軍都統。調正藍旗漢軍副都統明志為鑲白旗滿洲副都統。以鑾儀衛鑾儀使本智兼正藍旗漢軍副都統。○壬申。諭內閣。昨據紀昀奏稱。四川省職官生員等有因敬避

陵名漢字呈請改名咨部覈辦之案。因令查取原案呈覽。一係該省縣丞樊泰詳請改名樊仲翔。經勒保咨請部示業經禮部咨駁。一係貢生張景超由該學政錢棫飭令改名步超。咨請換給貢單。禮部尚未創覆。前因山陵稱號各清語非臣下所當命名。應行一律更改。當經明降諭旨。專指清語而言。至

各陵稱號漢字臣民等如有以景字泰字等字命名而下一字係齡林等字者。兩字相連。兩音相叶。如策丹玉福之原名者。是以更改。其專用景字泰字等字命名者。原不在敬避之列。勒保係滿洲大臣。非不曉文義者。且久任封疆。乃率據樊泰原詳咨請部示。已屬拘泥不曉事體。禮部所駁甚是。錢棫身任學政。輒將貢生張景超易名步超。呈請換給貢單。尤屬不通。勒保錢棫均著傳旨申飭。並將此通

諭中外一體遵照。○又諭據觀明等奏。黑龍江現出協領五缺。揀定正陪奏請補放。並請嗣後協領缺出。將左右翼人員一體遴選補放。等語。協領職任較大。必須幹員方能辦事。除現出協領員缺。即著照所請辦理外。嗣後遇有協領缺出。本翼得人。仍由本翼揀選。如本翼一時乏人。再將左右翼人員一體揀選。觀明等務須秉公辦理。斷不可啟瞻徇夤緣之漸。○癸酉。諭內閣吏部書吏舞弊將告病

治中趙曰。濂虛選運同一案。前經特派大學士保寧等五人會同刑部秉公查辦。業據徹底查訊具奏。降旨辦理結案。本日錢樾復聲敘例案。具摺申辯。若不就所奏詳加覈定。無以折服其心。著再派協辦大學士祿康。朱珪。尚書費淳。侍郎關槐。成書。署侍郎曹振鏞。將錢樾摺內所敘各例案。悉心查覈。應存應去。據實具奏。至錢樾摺尾稱此案撞騙之姚承裕。係選司經承周照所雇之稿工。如南金。係所雇之貼寫。不見司官。司官並不知其名。今訊明經承既不知情。則非書辦有心舞弊等語。殊不成話。稿工貼寫等。既係該司經承雇令在署辦理公事。即係該司官員等分應稽查管束之人。今錢樾所奏。以伊等舞弊。經承尚不知情。其意自以經承既不知情。則司員等無從查察。並無不合。而堂官更無可任咎。雖未敢於摺內明言。而隱躍其詞。難逃洞鑒。朕辦理此案。酌理準情。權衡而出。慶桂劉權

之二人在軍機處行走。不能每日入署。是以僅交嚴議。將劉權之調任兵部。瑚素通阿。初彭齡均係署任。祇交嚴議。不令署理吏部。即琳寧范建豐。雖經革去協辦大學士。尚書侍郎。仍留都統。副都統職任。錢樾亦僅令降補。閣學。均未換易頂帶。已為格外從寬。而錢樾尚曉曉置辯。毫無感恩思過之意。頗有怨望之心。且伊於降補謝恩時。經朕召見。伊惟俯首認罪。今事閱數日。忽復具摺陳奏。自因前

日適當簡放江西等三省試差之時。伊若倖邀點派。即不置一詞而去。今未得試差。意存負屈。乃為此瀆奏。更不應如此居心。即所論例案尚可牽附。而以此案並非書辦舞弊。實屬強詞奪理。不知分量。錢樾著交都察院速行嚴加議處。尋議上。得旨。錢樾於吏部書吏舞弊一案。曉曉置辯。並有意為堂司官開脫。本應照都察院所議革職。姑念伊向在內廷行走有年。尚屬勤慎。著加恩賞給編修。在該

衙門行走○甲戌月食○乙亥以故喀爾喀右翼貝子喇什納木扎勒子阿迪雅襲爵○以正黃旗漢軍都統琳寧為禮部尚書○命禮部左侍郎王麟教習庶吉士○以禮部尚書那彥成署陝甘總督○贈故陝甘總督惠齡太子少保二等男命其弟長齡子桂斌前往迎柩入城治喪尋遣侍郎成書帶領侍衛十員往奠茶酒予祭葬謚勤襄○丙子

上幸萬壽山○調正紅旗蒙古都統長麟為鑲黃旗漢軍都統以右翼前鋒統領綿佐為正紅旗蒙古都統○予四川湖北陣亡藍翎馬甲克興額祭葬世職馬甲德爾和善兵丁申文亮等七十七名賞卹如例○丁丑諭內閣王汝璧具題乘時買補倉穀一本已批交該部察覈具奏矣惟本內將前任撫臣張誠基率寫張巡撫並未書名經內閣票擬飭行尚覺過輕向來臣下題奏事件無不書名今王汝璧於題本內將張誠基書寫張巡撫者屢

見若該撫於此項題本曾經寓目豈有不行改正之理可見外省習氣於尋常題本率委之書吏繕寫全不留心閱看實屬疎率王汝璧著交部議處嗣後內閣於各該省題本遇有一二字訛錯小有違式無關緊要者仍照舊夾簽請旨飭行若有似此等舛錯太甚關係體制之處即於本內夾片聲明請旨交部議處○己卯諭內閣倭什布等奏拏獲行劫外海村續又搶奪石獅礮臺拒捕傷斃弁兵盜匪多名分別審擬一摺已批交軍機大臣會同刑部速議具奏矣署守備連旭督兵緝捕一遇盜船直前奮擊斃盜多名以致被賊礮傷殞命殊可嘉憫連旭著照守備例咨部賜卹兵丁劉明光等四名亦著咨部賜卹至外委楊耀同隊目張得華大旗手吳雄等在石獅礮臺防守職有專司且帶有兵丁二十名臺上設有大礮數位於盜匪乘船攏岸時儘可督率日兵盡力轟擊使賊遠退迨賊已

至礮臺尤應奮勇抵禦。即或力竭被戕如此次之署守備連旭。一經奏聞。朕必加等賜以恩卹。乃楊耀心存畏怯。輒與張德華吳雄首先下臺躲避。以致兵丁相率奔避。兵房礮位俱被焚劫。綠營官兵畏葸積習。毫不足恃。以致遇有緝捕等事。動資鄉勇。官兵等竟相率不前。平時虛糜糧餉。遇賊不能致命。實為可惡。若不嚴行懲辦。何以肅軍紀而作士氣。楊耀一犯該督等原擬斬候。著於接奉此旨時。

傳齊沿海就近營汛弁兵等。即將楊耀正法示衆。俾知炯戒。其張得華吳雄二犯。依擬應斬。著監候秋後處決。仍入於本年情實辦理。該督等惟當曉諭各營汛弁兵等。以爾等職在緝捕。遇有盜匪伺劫之事。務宜奮不顧身。實力堵禦。以期立功受賞。設有力竭被賊戕害者。亦必仰蒙恩卹。澤及子孫。若昧於大義。臨事退怯。不過一念偷生。謂可須臾無死。而國憲具在。難逃顯戮。一榮一辱。相去懸絕。俾

弁兵等共知感畏。自於海洋捕盜。可期漸收實效。並將此通諭知之。○以翰林院編修李宗昉為陝西鄉試正考官。禮部主事謝振定為副考官。戶部左侍郎戴均元為江南鄉試正考官。戶部主事涂以翰為副考官。○命正白旗滿洲副都統范建豐赴廣渠門外至通州一帶查看捕蝗情形。○庚辰遣官祭火神廟。○調江南狼山鎮總兵官孫廷璧為蘇松鎮總兵官。蘇松鎮總兵官劉芬為狼山

鎮總兵官。○以署河東河道總督嵇承志宣防不力。革去花翎。以四品京堂候補。○辛巳諭內閣。和寧隆福奏請將駐防喀什噶爾現報丁憂之涼州永昌協副將夏福留於防所守制等語。所奏非是。新疆地方駐防各員。與現在軍營帶兵者不同。遇有丁憂事故。自應飭令回籍。况據稱該副將夏福到防以來。訓練兵丁尚無貽誤。是夏福祇係循分操防。並非該處必不可少之員。何必遽行奏留。此風

一開將來新疆各處遇有應行回籍守制人員俱援照此例紛紛瀆奏成何政體所有和寧等請將夏福留駐之處不准行○壬午上幸靜明園詣

龍神廟拈香○諭內閣昨據兵部彙題武職官員尋常事件處分本內有因失察護軍新德納在道旁叩關將護軍統領扎郎阿等分別議處一案此案係本年正月間事三五日內即經刑部訊結咨交兵部並經扎郎阿具

摺自請議處降旨交部該部自應即時查議具題此內即有查取叅領等官職名該旗營近在同城何難於數日內查付過部乃延至半年之久始彙入承緝盜案等項處分案內一併具題太屬遲緩可見各部院衙門諸事因循懈弛案牘久懸中尚如此疲玩無怪乎各直省相率效尤不知振作殊非敬慎辦公之道嗣後奉旨特交議處事件均著改用摺奏其應行查級議抵等項吏兵二部均有

冊檔可稽無難立限查明聲請其中或有輟轉咨查及查取職名之處即於摺尾聲敘明晰俟咨覆到日即行具題毋得任意遲逾其尋常事件應照例彙題者亦不得過於延緩所有辦理議處扎郎阿一案遲延之兵部堂官除新調各員餘俱著傳旨申飭仍交部察議將此通諭知之○癸未諭內閣前據孫全謀奏伊上年在雷州洋面探聞盜首鄭一烏石二等竄回粵洋聚泊廣洲灣孫全謀於十

二月二十二等日馳赴該處攻勦擊沈匪船三隻斃賊不知其數緣所帶兵船內有雇覓小料民船九號配載兵械無多打仗不甚得力餘船亦多有損壞僅駕船三十九號探蹤追捕盜船百餘竄至平海黃茅洋面膽敢放礮迎敵官兵奮勇攻擊追至黑夜收泊查有傷斃千總連旭一員兵丁四名等語因倭什布未經奏及降旨諭令查明覆奏茲據奏稱倭什布自上年檄飭左翼碣石二鎮並札會

該提督出洋督捕迄今一載。祇有黃標魏大斌在新安縣洋面獲盜七十名。其餘皆各處文武員弁擒拏捕獲。於提鎮毫無干涉等語。孫全謀身為提督。帶領舟師在洋。經年累月。並未擒獲一賊。任聽盜蹤往來肆劫。以致弁兵多被戕害。不知該提督在何處游衍塞責。所稱出洋督捕全不可信。况近日粵省沿海地方盜匪頻有上岸劫掠之事。甚至石獅礮臺亦被搶奪。外委楊耀等退避失守。可見該

省營伍廢弛已極。孫全謀所司何事。伊所稱千總連旭被戕一節。據倭什布奏係本年三月二十一日在滬隔洋面之事。檢查孫全謀原摺敘入上年十二月之事。明係故為牽混。以掩飾其督捕不力之咎。實屬溺職。且據倭什布奏稱該提督上年所帶兵船本有六十餘號。即有損壞原可趕緊修整。歸幫緝捕。而孫全謀概諉之兵船不敷。以為屬員卸過地步。無怪通省將弁怠玩成風。竟不思出洋捕

盜係伊等分內應辦之事。此而不加懲辦。何以肅軍紀而靖海疆。本應即將孫全謀革職治罪。姑念伊從前曾經出兵。且於上年辦理該省會匪一案著有微勞。著從寬拔去花翎。降為都司。戴罪効力。留於該省。以水師之缺補用。據奏魏大斌曾經在洋獲盜多名。尚為出力。所有廣東提督員缺。即著魏大斌署理。其左翼鎮總兵員缺。著該督遴員遞署。至倭什布係統轄大員。於提鎮出洋督捕不力。即

應據實參奏。乃一味因循。迨至降旨訊問。仍不明白參劾。惟於摺內隱躍其詞。亦屬非是。伊前於失察礮臺被劫案內。業經交部議處。仍著傳旨嚴行申飭。此時該省盜風尚熾。倭什布當振刷精神。將一切營伍緝捕事宜。與魏大斌盡心講求。實力整頓。申明賞罰。自總兵下至將弁等。如有年力就衰。從前曾經出力者。當查明勒令休致。其年老而並未出力。及年力富強懈弛不職。或憚於出洋捕盜者。

即應嚴叅斥革將弁中果有緝捕實在出力獲盜多名者即著據實保奏不妨越次聲請候朕破格施恩俾知鼓勵至地方官防堵籌辦事宜該督當與孫玉庭妥為商酌隨宜辦理務令文武員弁和衷相濟力改推諉觀望積習共矢實心除暴安良以期地方漸臻寧謐方為不負委任○諭軍機大臣等孫玉庭奏粵東防剿洋匪情形一摺據稱舟師終年在洋迄無成效從古以來沿海疆者論海防而未聞海戰是以此時以嚴守口岸添駐兵丁為第一要務等語此論尚屬近理粵東水師廢弛已久紀律全無遂致盜船四出為患屢有上岸搶劫之事孫玉庭以洋面綿亘三千餘里兵分勢單營員又不得力是以注意防守為保護村莊之計所奏不為無見但所謂海防者亦非專事株守竟置舟師於不用粵東官運鹽船及貿易船隻俱由海道行走若無兵船巡護任令盜匪搶劫亦不成事仍

應責成營員於洋面梭織巡查往來緝捕與防兵互相接應設遇近岸之賊實力捕拏庶盜船畏懼遠颺沿海地方漸臻寧謐將此傳諭知之○旌表遇賊捐軀湖北竹山縣監生魏正直妻何氏武生魏兆青妻李氏○甲申上詣大高殿行禮○還宮○諭軍機大臣等王德等奏温州鎮兵船追剿蔡牽被盜匪擲火焚燒官兵俱遭戕害一摺覽奏不禁髮指蔡牽夥盜向來不過在洋面遊奕劫掠商船尚不敢竄入內洋登岸滋擾前據該督撫奏蔡牽盜船駛至鹿仔港搶奪木柵已屬愍不畏法今於浮鷹洋面經官兵追剿盜匪向前拒敵並敢將温州鎮胡振聲坐船擲火焚燒該鎮及同船官兵均被戕害實為罪大惡極前聞蔡牽一犯屢欲投出經伊妻勸阻終止茲該犯膽敢傷害總兵大員罪在不赦斷無招撫之理即日蔡牽拏獲後當按叛逆律嚴辦其妻

子等亦應問以緣生該犯籍隸閩省陸路地方諒必有伊近支親屬在彼居住著王德等密為查辦分別治罪温州鎮總兵胡振聲在洋捕盜被害殊可矜憫著加恩照提督陣亡例賜卹查明伊如有子嗣著於服闋後送部引見此時官兵等見該犯戕害大員自必同深憤恨咸思滅此朝食但不可稍涉大意輕為嘗試總須謀出萬全持以慎重以期一鼓成擒王德業已親往督辦所有捕盜舟師應即派提督李長庚總統並著知會浙江江南各督撫提鎮派撥弁兵於所在洋面一體緝捕通飭各海口要隘禁止奸民接濟米水柴薪以清盜源將此各諭令知之○

上以孟秋時享

太廟自是日始齋戒三日○乙酉諭內閣常麟本係乾清門侍衛嗣經簡放河南河北鎮總兵自到任以後凡營伍錢糧等事歷經該鎮繕摺具奏前因染患腿疾懇請解任回旗調

理即應自行入告乃札致馬慧裕據情代奏建經降旨允准並諭令病痊後仍在乾清門行走該鎮尤應專摺謝恩而本日馬慧裕奏到摺內又有為常麟代奏謝恩一件提鎮本有奏事之責常麟况係乾清門侍衛於告病謝恩等事輒札致巡撫代奏殊非體制且該鎮近日曾有具奏營伍事宜之摺並無一字敘及病狀經朕批回詢問伊亦未經覆奏實屬糊塗伊原由乾清門行走之副都統出膺

外任將來回京病痊原欲仍以副都統補用今似此不曉事體難期勝任常麟著革去總兵並退出乾清門俟病痊後賞給頭等侍衛在大門上行走馬慧裕係該省巡撫兼理提督該總兵非其屬員乃於常麟兩次札致時並不駁令自行具摺輒為接收代奏亦有不合馬慧裕著傳旨申飭並通諭各督撫提鎮一體遵行○丙戌諭內閣近聞畿輔各屬地方間有蝗蝻飛集正當禾苗長盛之時急宜

趕緊撲捕除諭知直隸總督順天府府尹飭屬上緊督捕外著派長瑋楊長桂前赴東路至山海關一帶廣興周廷棟前赴西路至正定府一帶通恩陳鍾琛前赴南路至德州一帶萬寧梁上國前赴北路至張家口一帶各督同地方官迅速實力撲捕淨盡毋任稍有滋蔓致損田禾以副朕廩念農功至意所有派出各員均著馳驛○諭軍機大臣等朕於本日清晨在宮內披覽奏章適一飛蝗落於

案上當令捕捉以示軍機大臣僉稱實係蝗蟲續經太監捕獲十數箇試思宮禁之中尚能飛入則郊外田畝間不知更有幾何若非飛蝗竟至御案朕何由目覩此乃

上蒼垂儆俾朕早為飭辦用以保護田功至意前因廣渠門外及通州等處聞有飛蝗一面派范建豐查勘一面降旨令顏檢查明覆奏昨據奏現已撲捕淨盡並稱飛蝗不傷禾稼惟食青草殊不成話范建豐赴廣渠門外時

見田禾被蝗食者已有十分之四尚得云不傷禾稼乎顏檢不應出此當於摺內批示該督平日辦事尚為認真惟於摺內每數陳吉語未免近於虛浮朕勤求治理惟日尊尊總以實不以文即景星慶雲前史所稱朕皆不以為瑞必果係時和歲稔家給人足方為有象太平豈可稍有粉飾如顏檢之好語吉祥則屬員等意存迎合偶有地方災歉亦必不肯據實直陳閭閻疾苦壅於上聞吏治民瘼

大有關繫頃召見莫瞻萊章煦據稱順天府屬每有飛蝗章煦連日在外撲捕但順天府所屬印委各員無多且近畿一帶既有飛蝗則直隸各州縣自難保其必無現已派卿員分赴各路督捕仍著顏檢迅派妥員分投查勘務期撲捕淨盡如有傷殘禾稼收成稍減之處即據實奏候朕加恩毋得仍前諱飾致干咎戾本日御製見蝗數一首並錄交顏檢閱看其宮內捕獲之蝗蟲一併發往將此

諭令知之。是月密諭那彥成知任官唯才得人則治陝甘重鎮外接新疆非公正廉明不能率屬非精明強幹不能治民以誠信馭番回以清介示僚吏獄不厭精詳練兵必求精銳汝誠國家柱石之臣有為有守惟有稍恃己之聰明不求人之謀議夫一己之才有限仕途之邱壑難窮務資兼聽並觀之益莫為掩耳盜鈴之事汝雖署理即同實授莫存五日京兆之見當體朕用人之苦衷不可固辭近日已有旨命汝仍入軍機原無用汝外任之意孰意此缺忽出內而大學士尚書外而督撫竟不得人不得已命汝署理汝應勉力辦事毋負委任方維甸深可信任朱勳蔡廷衡皆有才幹堪為輔助慶章才識可用惟守之一字未可深信汝密誌於心從容察看此旨密行抄寫時刻展觀大有益處硃諭即行繳上特諭尋據那彥成奏陳感激下忱並懇辦理善後事宜完竣換令回京得旨

每日所行之事不論鉅細先以毋欺為主上可以對朕下可以對民即可無憾切勿自以為是尤須容人講論是者力行非者置之勉此數端諸事思過半矣至於內用一節自有其時此時尚早密之○直隸總督顏檢奏陳感勵微忱得旨用人最難知人不易須鑑空一切莫設成見是非自現若心有偏袒徒自亂耳焉能洞照勉之○廣東按察使秦瀛奏報到任日期得旨民命至重務得確情事務雖繁不可草率應正法者莫縱被屈者一杖不可加堅持此意妥協辦理

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百三十

實錄

聖

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百三十一

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

嘉慶九年甲子秋七月丁亥朔享

太廟

上親詣行禮 諭內閣永保奏查閱營伍情形

各摺據稱將閱過各營官兵技藝優劣分別

等第並將庸劣官弁等酌量降革及將古州

八寨屯軍訓練事宜交總兵武隆阿會同該

管道員就近校閱等語自應如此辦理其所

奏貴州苗疆地方現有修辦碉堡事宜提督

富志那熟悉該處情形請勅令常赴松桃一

帶督同文員指示辦理之處亦著照所請行

惟據稱貴州撫標中軍叅將珠當阿永保自滇起程時琅玕曾言及訪聞該員年老近日多病屬為查看永保於校閱時見該員履歷填註五十九歲實已六旬以外身體病弱不能騎射請旨將該叅將勒休等語即著勒令休致但該員既係年老患病琅玕前在黔撫任內自必早經知悉何以並不即時叅奏此次自因特派永保赴黔查閱營伍慮其看驗得實始將該員年老多病之言向其告知否

則仍必隱默不言姑容了事殊屬非是各省武職大員有營伍地方之責衰病人員豈能卧理上官多一日姑容公事即多一日廢弛前經疊降諭旨令各查明具奏若因此等老病人員內有從前曾經出力者亦何妨據實陳明朕自當酌量施恩或令在京當差俾資祿養總不應聽其貪戀外任以致誤公即如前此將軍張承勳提督珠隆阿總兵孝順阿均經朕訪聞老疾諭令來京迨到京以後果

係龍鍾衰病可見各省似此者必有外省積習率多容隱若必俟朕一一訪察則安用封疆大吏為耶嗣後各宜秉公查察如屬員內有實在老病者即行分別奏劾不得仍前徇庇市私恩而廢公義儻經此次飭諭之後再不據實陳告將來該員等遇有陞見及引見來京經朕看出衰老必將該督撫提鎮等治以容隱之罪又據另摺奏分別營伍兵丁技藝緩急嚴別積習請旨勅交覈議一摺所奏

本屬可行有何覈議國家設立武備所以訓練營伍者惟鎗箭最為利器不獨衝鋒陷陣藉資敵愾即行圍肄武所貴獲禽均當以弓力勁而有準放鎗捷而多中者為上其馬射亦須挽強命中馬上穩實始堪制勝原不在進退步伐閒講習虛文我朝東三省之兵所以素稱勁旅戰則必克者職是之故今綠營積習於一切技藝率以身法架式為先弓力軟弱取其拽滿適觀而放鎗時裝藥下子任

意遲緩中者十無一二即陣式雜技亦不過炫耀觀瞻於講武毫無實效永保此次校閱以實甄別所辦甚是督撫提鎮均有統轄營伍之責嗣後務當飭知將弁等平時訓練官兵弓以六力為度箭靶不得違式暗加寬大放鎗者裝藥下子勾火均須迅速而總以準頭為要申明教誡該督撫提鎮等尤不得養尊處優自耽安逸惟應不時親加校看以期卒伍皆成勁旅力挽綠營虛浮結習方為不

負委任將此通諭知之○諭軍機大臣等主德等會議勒限嚴拏蔡牽章程覽奏俱悉蔡牽在洋肆劫多年罪大惡極今王德等請以提督李長庚為總統溫州海壇二鎮總兵為左右兩翼帶兵前往緝捕自應如此辦理至沿海一帶道路遼遠豈能徧設弁兵並著王德飭知顏鳴漢及各總兵等擇要巡防現在捕盜喫緊之時水陸各營員內如有懈弛不職者即應嚴叅斥革勿再姑容以肅營伍

戶部議准廣西巡撫百齡疏報遷江天保二縣開墾水旱田一十五頃五十五畝有奇照例升科從之○戊子

上御乾清門聽政○至吉安所

華妃金棺前賜奠○幸圓明園○以頭等侍衛阿隆阿為內閣學士兼禮部侍郎銜通政使司副使莫晉為太僕寺卿○己丑諭內閣此案張文觀糾眾持械將王洪中毆辱現已供證確鑿且有朱平遠鎗傷可據乃該委員

黃姓承審五六次俱以王洪中所控虛誣轉將干證人等各加掌責並壓槓數次嚴刑逼供將王洪中依誣告十人以上例擬軍業已身死毋庸置議而率眾滋擾之張文觀等轉得概行省釋似此任性偏斷徇於外省救生不救死之惡習殊出情理之外其中難保無受賄聽囑情弊著顏檢查明黃姓委員係屬何官即將伊革職鎖拏派委妥員押解到部歸案嚴審如中途稍有疏虞惟顏檢是問保

定府知府吳兆熊於覆審時並不細心研鞫轉因王洪中出言頂撞輒加掌責顯係被委員朦蔽甚或有授意枉斷之處皆未可定吳兆熊著解任來京質訊本任束鹿縣知縣著顏檢查明如未經派審委審將來亦有應得處分儻原經派委審辦並著革職解京交部審訊至總督顏檢向來辦事尚屬認真近日查辦飛蝗即不免心存諱飾虛詞搪塞而此案任聽屬員將人命重案偏斷枉縱率據詳

咨結完案看來顏檢竟有迴護屬員情事非尋常失察可比除俟定案再行交議外先著傳旨申飭以左春坊左中允鮑桂星為河南鄉試正考官刑部主事陳希祖為副考官詹事府少詹事萬承鳳為山東鄉試正考官候補贊善黃鉞為副考官翰林院編修狄夢松為山西鄉試正考官陳崇本為副考官旌表守正捐軀陝西武功縣民魏廷傑妻李氏給安徽無為州被水災民一月口糧並

房屋修費庚寅引見各衙門保送御史人員得旨魏元煜何元煥楊健鄭士超牟昌裕著記名以御史用乍浦副都統喜布禪緣事革職以福州協領西齡阿為乍浦副都統辛卯諭內閣御史周廷森奏今歲考差凡試卷取在前者如涂以翰第一盧蔭溥第二陳希祖第三其餘十名前張志緒張燮談祖綬鮑桂星周系英等人人傳說恐啟揣摩夤緣之弊請加訓飭等語所奏甚是考試試差

派出閱卷大臣均應公正居心慎密從事其取錄之卷既不宣示外人自無由知悉今該御史所奏外間傳述之十名前惟張志緒不在其內其餘俱屬相符實堪驚詫朕所派之大臣不應如是朕視如手足諸臣不以腹心視朕一味瞻徇情面任意矢口交談臣不密則失身諸臣豈竟忘乎若非閱卷大臣於所取各卷偶記詩句一二聯向人傳說何致外間揣擬名次不甚參差閱卷諸臣皆係大員

若如此不可信任朕將何以用人乎此時若將所派閱卷大臣一一究問必俱不承認亦屬不成事體朕仰體

皇考不為己甚之訓此次姑不深究諸臣惟當內愧於心有則改之無則加勉可耳嗣後考差之年儻仍有傳說名次經朕查出漏洩確據必當從嚴辦理決不稍貸○諭軍機大臣等本日各該部議覆富俊條奏移駐卡倫增設官兵等款分別准駁已依議行矣內如議駁三道浪頭卡倫地方添設兵船一節所駁甚是該處黷江之東即係朝鮮地界該國臣事本朝極為恭順況溯查舊案

聖祖

世宗

皇考高宗純皇帝於該國懇請拆毀兵房停止設卡貿易等事無不歷邀

恩准並將

諭旨載入檔冊俾永遠遵行今該將軍忽議設

船配兵徒令該國心生疑駭而營兵等既有船隻即難保無私自越境情事所有該處添設兵船之處著永遠停止至三股泉等處四卡倫湯寶城等二十處卡倫統議裁撤雖據該大臣等照覆准行但奸匪等潛行出入其往來蹤跡原無一定該將軍以為無關緊要安知奸匪等不探知該處無兵巡緝仍復潛蹤前往又成出入要路該將軍總應隨時巡察相機籌辦不可拘泥地段心存懈弛也將此諭令知之○命候補國子監司業秦承業在上書房行走○以永定河伏汛安瀾遣兵部右侍郎那彥寶詣河神祠祀謝並察看河工○壬辰諭內閣穆克登額奏審訊吉林民人馮榮儀呈控周殿魁與伊胞叔馮祥之妻田氏通姦馮祥身死不明一案據訊馮田氏供伊與周殿魁通姦屬實因被伊夫打罵用藥毒死並未與周殿魁同謀周殿魁亦祇認與該氏通姦委無商

同謀害情事殊未可信各省因姦致死本夫之案或姦夫起意致死而姦婦並不與聞尚所時有從未有姦婦將本夫致死全不與姦夫同謀而姦夫亦全無知覺者此案若周殿魁起意同謀罪犯應死若止係通姦並不與謀其罪名相去懸絕不可不詳鞠實情致令淫兇漏網現在馮田氏一犯雖經自勒身死其家內必尚有堪以質證之人皆可傳令到案詳加研訊又該婦所用毒鼠信麪究由何人代買尤當加意根究至現據奏稱復訊刑件人等均有受賄情事並該同知司門家人張幅梁七亦曾分得銀兩等語行賄之人必是姦夫似非姦婦從此根追亦可得實情該同知家人既有與刑件人等受賄分贓情事或該同知亦有得贓舞弊等情皆未可定吉林同知舒成著革職交該侍郎會同盛京將軍富俊秉公詳訊務得實情按律定擬司獄唐惇緒於馮田氏在獄自勒殞命毫無覺察

著革職 癸巳諭內閣此項養廉銀兩原係賞給禮部衙門辦公之用從前該部堂司各官辦理不善未能撙節以致費用過多歷經移咨戶部支借甚至將隔年應領之項豫行提借實屬不合各部院衙門亦間有咨借銀兩者未聞因本年用項不敷借領下年之事似此日復一日將何底止但此項支取銀兩祇係該部因公幫貼並無月報奏銷其豫支之處究不得指為虧空紀昀原奏請令歷任堂官及經管司員按成攤賠之處現據戶部查明歷次借支已逾四十餘年之久若將歷年堂司各官按照在任月日紛紛咨行旗籍追繳未免瑣細所有此項銀兩著加恩免其按成攤賠嗣後該部堂官務須飭令經管司員酌量支用大加撙節年清年款毋滋糜費儻再有隔年豫行咨借之事著戶部一面駁回一面據實參奏 諭軍機大臣等額勒布等奏籌辦衡工放淤情形一摺並繪圖呈覽

朕詳加披閱東園埵一帶倒漾之水其勢尚緩該河督等酌議挖溝建閘灌注內塘其事似尚可行至將大壩迤西開放進黃溝一節究屬冒險况進黃溝之名實屬臆造殊不成話該處大壩費幾許工力始能堵築完固若在壩身開放溝渠萬一掣動大溜全向北趨豈非自潰其防朕撥之事理實覺不合詢之在廷諸臣亦以為冒險難行額勒布係特派前往工次之員今摺內稱未詣河務又稱徐端前在曹工邵壩辦有成效似屬防險合宜之策馬慧裕係該省巡撫兼管河務僅於摺尾聲明意見相同竟似此事全憑徐端一人主見徐端冒險輕率額勒布馬慧裕含糊推卸均著傳旨嚴行申飭仍著伊三人會同熟商將放淤一節是否事在必行如察看盛漲時大溜不致泛溢則並倒漾處所議挖溝建閘之處亦可中止若必須開放倒溝祇將東園埵一帶倒漾之水量為准挹其所議開進

黃溝之處或於附近壩工地段另行設法籌辦將此諭令知之○加協辦大學士戶部尚書祿康太子少保○戶部議准原任陝甘總督惠齡疏報靖遠正寧固原靜寧環秦鹽茶七廳州縣開墾灘地一項五十畝鐵地三項七十三畝銅地一項五十畝山地一十二項二十一畝官荒地四十四頃四十畝有奇照例升科從之○緩徵湖北天門沔陽漢川荆門潛江江陵監利七州縣及屯坐各衛水災本年額賦○甲午工部侍郎劉躍雲以御門誤班降補內閣學士○轉工部右侍郎莫瞻菴為左侍郎以內閣學士曹振鏞為工部右侍郎仍兼署吏部右侍郎○以詹事府詹事茅元銘為內閣學士兼禮部侍郎銜○乙未諭內閣前因京城廣渠門外及通州等處間有飛蝗一面派范建豐前往查勘一面諭令顏檢將直隸地方有無蝗蝻滋長之處詳悉查明具奏旋據該督奏稱均已撲除淨盡並稱

飛蝗祇食青草不傷禾稼本不成話嗣於前月二十九日朕齋戒進宮披覽章奏適一飛蝗集於御案當令捕撲續經太監等捕獲十數箇因思宮禁既有飛入者則郊原田野不知更有幾何旋即派卿員四路查勘並將御製見蝗歎及宮中捕得蝗蟲發交顏檢閱看復令趕緊飭查茲據奏馳赴宛平縣屬之水屯八角二村查看該處七八十畝之廣穀粟被傷約有三四畝復據大興宛平通州武清新城遵化任邱容城涞水固安保定滿城等州縣稟報所屬村莊均有蝻子萌生現在上緊捕除等語可見如許州縣均有蝗蝻若非特派卿員馳勘經朕再四嚴飭顏檢仍未必據實直陳前此所奏實不免於粉飾朕勤求治理以家給人足時和歲豐為上瑞至於前史所奏景星慶雲之祥猶皆鄙斥不言惟於地方水旱蟲傷等事刻深縻廩宵旰不遑勤加諮訪

祖
考付朕天下惟期豐年為瑞豈好言災祲實以民瘼所關至重朕早得聞知一日即可立時辦理俾民生早得一日安全督撫等狃於積習必不肯據實陳奏是誠何心若以隱匿不奏藉此可紓宵旰焦勞殊不知釀成大患宵旰焦勞更甚彼時朕一人承當隱匿不奏者轉得置身事外言及此實深畏懼總之粉飾之習一開則督撫等惟事數陳吉語而屬員意存迎合日久相蒙必至一切國計民生之事概不以實上陳即如今年直隸麥收顏檢早經奏報十分夫十分乃係上稔豈可多得彼時麥田尚未收割而奏牘已豫為鋪張實未免措詞過當此次蝗蝻萌孽又不先行入告直待朕節次垂詢始一一奏聞計所開村莊有三十餘處之多其中斷非盡係降旨查詢後具報者封疆大吏若事事務求粉飾其流弊必至於欺罔而後已顏檢奏請交部嚴

加議處之處本屬咎所應得姑念該督平素辦事尚屬認真著加恩改為交部議處嗣後惟當痛改前非實心任事遇有地方災歉事務尤當一面查辦一面據實陳奏俾閭閻疾苦不致壅於上聞方為不負委任若再有諱匿遲延經朕查出必當將該督嚴行懲處不能曲為寬貸矣將此旨通諭中外知之○額勒登保等奏報圍剿柴扒元嶺一帶賊匪殲斃多名拔兵丁徐上才為把總○丙申

孝懿仁皇后忌辰遣官祭

景陵 諭內閣祿康縉布奏酌擬看守田村暫安處弁兵一摺所有應派之散秩大臣侍衛及內務府護軍叅領等員俱著照例辦理外至田村地方雖與京營接壤究係直隸所屬其暫安處所自應令外營弁兵在彼照看且向曾派撥俱有舊例可循即日移送華妃金棺更須官兵守護著顏檢查明雍正年間成案應設弁兵若干名照例派往在田村暫安

處圍牆以外駐劄巡防其圍牆以內著步軍統領衙門派京營弁兵常川看守管理地面用昭慎重○丁酉諭內閣本年春間高杞由湖北巡撫來京候旨朕詢以吳熊光平日辦事據稱吳熊光性情躁急於接見屬員每加呵斥而批稟書札中往往措詞過當因其在軍機章京年久擬寫諭旨於訓飭之語習以為常遂爾率意書寫及問以操守何如則堅稱實屬廉潔願以身家相保並稱如吳熊光稍有簠簋不飭之事必慮人指摘其待下不敢如此嚴峻伊與吳熊光意見齟齬亦斷不肯代為容隱等語旋據初彭齡密摺奏吳熊光得受沔陽州知州秦泰銀一萬兩及每年收受匣費銀六萬兩又將貲財密送回家交伊親家李世望營運三款朕即一面密降硃諭令全保據實詳查於召見初彭齡時再三究問此語得自何人據稱係高杞向伊告知其時高杞派往新疆辦事經朕向其詰詢

據高杞面奏秦熊餽送總督一節係湖北通判魏耀所言又復申諭全保查奏據全保先後奏覆吳熊光實無貪鄙情事而魏耀向高杞所言亦堅不承認其匣費一款並令佶山密查據奏該省匣費久經裁革吳熊光既無劣蹟是以亦未將李世望代伊營運之處降旨飭查而高杞先在朕前力保吳熊光廉潔復向他人播揚吳熊光款蹟似係懷恨吳熊光將伊叅劾欲借他人彈章為報復之計適

高杞於夏間緣事革職即令其來京詢問並令全保將魏耀解京與高杞質對茲於解到時交軍機大臣會同刑部審訊據魏耀供稱秦泰餽送一事高杞先向伊詢問伊隨口迎合稱係在漢口兌換金子實則毫無影響其匣費及李世望代為營運二事高杞與初彭齡彼此謾卸各執一詞朕念初彭齡現任卿貳尚欲全其顏面不肯遽令對質此即朕格外施恩保全敢言之臣正所以去朕之壅蔽

迨高杞供出初彭齡將密奏事件及面奉諭旨向伊一一詳述實堪詫異此豈高杞所能捏造乎因將初彭齡解任與高杞面質初彭齡理屈詞窮惟有俯首認罪詳閱所供伊於漏洩密諭一節無可置辯懇請治罪並稱與吳熊光向無仇怨惟自認風聞不實等語朕此時若治初彭齡以陳奏失實之咎恐無識之徒見言事者身獲咎戾相率緘默即遇臣工果有不公不法之事亦不肯直言無隱於

政治大有關係且初彭齡叅奏吳熊光後朕不過密為飭查亦未遽以所言為實初彭齡既非有心傾陷轉不必曉曉辯白惟伊於獨對時將密陳面諭事件向人傳述是在朕前欲博侃直之名而在外間又欲透漏消息藉張聲勢其居心竟不可問初彭齡之罪實在於此朕亦不能曲為保全矣至高杞既聞秦泰有餽送吳熊光之語於朕垂詢時即深信該督操守廉潔亦何妨將此一事據實直陳

乃於朕前不言轉告之初彭齡殊非以誠事上之道有負國恩高杞之罪在此魏耀本係微員惟知迎合高杞將捕風捉影之談污蟻總督尤為卑鄙除高杞魏耀業經革職外初彭齡著革去頂帶俱交刑部看守不必監禁聽候定擬知縣王垂紀既經訊明湖北匪費由初彭齡誤聽生疑與伊無干應無庸議所有此案罪名著大學士滿漢尚書會同原審大臣定擬具奏轉戶部左侍郎戴均元為

右侍郎調兵部左侍郎潘世恩為戶部左侍郎轉兵部右侍郎劉鳳誥為左侍郎以都察院左副都御史陳霞蔚為兵部右侍郎大理寺卿周廷棟為左副都御史以吏部尚書德瑛為滿洲繙譯鄉試正考官通政使司通政使善寶為副考官理藩院尚書博興為蒙古考官戊戌

上幸萬壽山諭內閣陳嗣龍奏鄉會試科場辦理供給之順天府通判治中每日在場專

司供給並照料舉子粥飯管理水火夫役儻該員等有本家親戚入場應試難保無滋生弊端請照提調之例一體迴避以昭慎重等語著照所請自本科鄉試為始均行迴避並著纂入科場條例命理藩院左侍郎貢楚克扎布馳往河南審案予福建出洋淹斃典史談堃牟之珂祭葬卹廕兵丁陳全賞卹如例己亥以山西巡撫伯麟為雲貴總督湖北布政使同興為山西巡撫河南按察使

台斐音為湖北布政使山西冀寧道慶格為河南按察使添設南苑驍騎校二員仍食領催錢糧准其補放防禦章京缺庚子諭內閣本日大學士滿漢尚書及原審大臣會同議奏初彭齡等罪名一摺據稱初彭齡冒昧叅劾已屬陳奏失實此語非是朕從不因言事罪人最喜敢言之臣此實素懷至密陳面諭事件私向高杞傳述竟照漏洩機密重事律擬以斬監候尤為過當竟係諸臣欲杜

言事者之口必有不可令人知之事矣此案先經初彭齡往見高杞問及吳熊光操守高杞荅以實屬廉潔初彭齡不肯深信議論吳熊光聲名平常旋據高杞告以秦泰餽送一事初彭齡據以入奏並密陳得受匣費及吳熊光親家李世望代為營運二款迨召見時朕諭以此事交全保查辦恐未肯和盤托出伊奏稱若嚴切降旨全保自不敢稍為徇隱朕又以吳熊光如果贓款屬實則李世望代為營運之處亦當交汪志伊查辦初彭齡奏稱汪志伊查辦甚好伊出見高杞即將召對所奉之旨向高杞傳述其獲罪實在於此即照漏洩常事律加等罪亦不過褫職遠戍何至輒引近侍官員漏洩機密重事律擬以大辟况臣工必遇事敢言方可祛除壅蔽凡關繫弊端及臣僚中不公不法等事既有所聞本應即行陳奏候朕密為查察若所奏屬實亦係分所當言不足為功設其中未盡確實

朕準情酌理自有權衡必不致無辜被累若概諉諸尚無確據勢必事已破露罪狀昭著始行入告何如早為發覺轉不致釀成鉅案乎初彭齡風聞不實原無可罪至於漏洩一節亦當按事之大小以定罪名輕重朕召見臣下所降諭旨均不可視為泛常然漏洩之罪必視其所透漏者究屬何事關繫何項緊要機宜方可照漏洩機密重務擬罪今初彭齡所漏洩者祇係將諭令全保汪志伊查辦之旨向人傳述尚非別有重大情節且亦尚未交汪志伊查辦若遽照前律擬斬設遇有漏洩軍國重務者其罪更何以加乎且現在與議諸大臣中即皆常經召對之人試各捫心自問豈能盡守口如瓶毫無漏洩設有一二傳播之言被人指摘若俱照此例辦理既於政體有乖亦甚非諸臣之福也即如本日召見申諭之旨諸臣自當祇服訓辭互相戒勉正應向僚佐傳說亦豈得謂之漏洩乎初

彭齡平日陳奏各事除現在所辦銅案外其餘亦多非確實然朕所以諄諄訓諭欲保全敢言之臣者並非為初彭齡一人誠以大臣中建白者少而緘默者多即多方激勵尚恐不肯盡言今若將初彭齡問以重罪恐外間無識之徒妄生揣摩或疑朕於初彭齡厭其多言科以他罪從此藉口結舌惟事模稜必致壅蔽日多於政治大有關繫初彭齡之罪本應革職發往新疆姑念其現有老親著革職加恩令其在家養親閉門思過此朕因初彭齡言事之心尚屬可原是以格外施恩亦所以風勵臣工勉為謇諤也高杞以二品大員本有言事之責經朕再三詢問吳熊光操守伊既力保其廉潔而於魏耀傳說餽送之語當時不行陳奏轉向初彭齡詳述實屬巧詐著照議發遣伊犁令其自備資斧前往交與將軍松筠派委苦差効力贖罪魏耀惟知迎合上司以毫無影響之贓私重情污蔑總

督著即照擬總徒四年除將與議大臣等面加訓飭外著將此案辦理緣由通諭知之○吏部議准原任陝甘總督惠齡題請臬蘭縣河橋主簿移駐大橫路並增固原州養廉銀二百兩鹽茶廳靖遠縣各六百兩裁金安定會寧靜寧隆德五州縣前增養廉銀三千兩從之○辛丑中元節

上詣

安佑宮行禮○遣官祭

高麗王

王

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

孝淑皇后陵寢○遣官祭

端慧皇太子園寢○以尋常覆奏輕用急遞

革欽差戶部侍郎額勒布河南巡撫馬慧裕

護理河東河道總督徐端花翎○緩徵湖北

黃梅縣水災本年額賦並給一月口糧

實錄卷一百三十一

嘉慶九年七月下

清 實 錄 嘉慶九年七月下

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

朕奉 上諭 著 內閣 纂修 實錄 卷一百三十二 著 內閣 纂修 實錄 卷一百三十二

嘉慶九年甲子七月壬寅諭內閣百齡奏武

緣縣革生黃萬鏐現因毀屍誣告問擬絞候

遣子黃會泰呈控呼冤究出原問原檢各官

得贓刑求鍛鍊成招將承辦此案各官嚴叅

辦理一摺該省有此奇冤殊出情理之外人

命關繫至重豈可意為出入乃外省積習相

沿祇知官官相護不顧案情屈抑以致死者

含冤無辜拖累最為吏治官方大弊百齡莅

任未久能不顧情面平反重讞殊屬可嘉著

賞戴花翎並交部議敘至武緣縣知縣孫廷

七八五

標以人命重事膽敢受賄改傷縱兇捏詳又復私自開驗主使殘屍圖傾人罪貪酷殘忍莫此為甚披閱時不禁髮指上林縣知縣張第奉委會檢並不如法檢驗先傳黃萬鏐等到寓告以此案有礙孫廷標功名私商辦法繼復扶同拷逼顯有通同舞弊受賄情事孫廷標張第俱著革職等因將伊二人任所貲財及浙江山東原籍家產交各該撫一併查抄其從前委審之知縣石方川州判薛人麒

既經審出實情又復瞻徇寢息署任知府朱宗枋業經提訊仍行朦混了事該管知府三神保明知該縣審斷不公不為昭雪轉列銜會印其在省會檢會審之知府端東額通判武爾衮布知縣金毓奇一味刑求且轉委巡檢任謙逼供成招以上各該員俱著解任質審公哉於前任廣西臬司時經孫廷標帶犯上省稟求在省訊辦該司輒詳委桂林府等與孫廷標會審顯有袒徇情弊俟定案再行

降旨此案非百齡任內之事且係伊叅奏究出冤情即專交該撫辦理自無枉縱但該省各員除藩司恩長從前未經承審其餘道府等官與孫廷標半屬舊識且恐自為地步互相蒙蔽著倭什布傳諭藩司廣厚酌帶明幹公正之員馳驛前赴粵西隨同百齡秉公鞠訊如究出前臬司及委辦各員另有得贓故勘情事再行嚴叅治罪務得確情以成信讞至慶遠府知府嵇承閣託孫廷標代伊友銷貨是否確實必須訊明辦理著一併解任與孫廷標質對○定

皇貴妃喪儀停祭五日

貴妃二日

妃嬪無庸停祭例纂入會典○命新授兵部侍郎山西學政陳霞蔚來京供職翰林院侍讀學士陳希曾提督山西學政○以伊犁領隊大臣佛倫保為鑲黃旗漢軍副都統伊犁領隊大臣常明為庫車辦事大臣賞已革副

都統噶勒珠藍翎侍衛為伊犁領隊大臣
以疎防洋匪搶奪礮臺革福建臺灣鎮總兵
官愛新泰提督銜並花翎 癸卯諭內閣前
因瑚素通阿具奏匿名封摺一案當經查出
綿懿曾遣親軍藍翎長石柱為叅領德喜送
信此事綿懿係聞之扎郎阿扎郎阿係聞之
瑚素通阿隨降旨將瑚素通阿徹令回京命
軍機大臣傳詢據瑚素通阿稱接到密封時
先經拆看知係指告鑲白旗之事初九日呈
遞後曾經告知扎郎阿扎郎阿即告知綿懿
綿懿隨遣石柱告知該旗叅領德喜三面質
對均無異詞是其透漏消息竟係實有其事
朕詳覈情節此三人中綿懿之咎尤重綿懿
既知控告之案係鑲白旗而德喜即係該管
叅領更應避嫌乃不顧國家公事瞻顧親戚
私情竟遣官人向伊送信朕係綿懿之叔德
喜係綿懿之姪奕綬之丈人即以親誼而論
孰近孰遠何顛倒迷謬若此且平日曾有挑

甲交付名條並放缺不公等事又失察叅領
等放米得受花戶錢文種種荒謬實屬辜恩
本應革職治罪但國家有議親之典且綿懿
又係年輕無知若加以嚴譴設親郡王中有
似此者又將如何處置耶綿懿著革去貝勒
加恩降為鎮國將軍隨班上朝不必署理領
侍衛內大臣亦無庸隨赴熱河伊子奕緒不
准在上書房讀書原賞綿懿圓明園及熱河
房屋俱著歸出交該管官收管候朕另行頒
賞瑚素通阿接到匿名封摺即不應豫先拆
看迨拆閱後明知指控贓款重情猶復矢口
妄談本應照漏洩常事例罷職不敘姑念本
案由伊陳奏發覺且在刑部辦事有年著加
恩降為刑部筆帖式扎郎阿將瑚素通阿叅
奏鑲白旗之語向綿懿漏洩致伊通信德喜
釀成此案且扎郎阿曾管該旗事務於綿懿
挑甲交付名條等事及該叅領等於放米時
得受花戶錢文並不能查明叅奏亦應照例

罷職不敘姑念其於典禮尚為熟悉著加恩降為贊禮郎當本職差使不必贊引嗣後恭遇祭祀時著派明志贊引親軍藍翎長石柱乃係官人若遇有公事自應聽該管大臣差遣今綿懿明告以親戚被控令其送信顯係私情非如封交事件尚可諉為不知石柱著革去翎頂作為親軍仍交領侍衛內大臣鞭責四十用示懲儆○調盛京戶部侍郎德文為禮部右侍郎盛京兵部侍郎花尚阿為盛京戶部侍郎兼管奉天府府尹事以內閣學士榮麟為盛京兵部侍郎轉刑部右侍郎賡音為左侍郎以頭等侍衛英善為刑部右侍郎調鑲紅旗護軍統領奕紹為正黃旗護軍統領以散秩大臣德麟為鑲紅旗護軍統領調鑲黃旗漢軍副都統恩普為鑲黃旗滿洲副都統以和闐辦事大臣額勒金布為鑲黃旗漢軍副都統調鑲藍旗漢軍副都統瑚圖禮為正黃旗滿洲副都統署鑲黃旗漢軍

副都統珠隆阿為鑲藍旗漢軍副都統○以辦理陵寢工程革率革薩敏鑲藍旗蒙古副都統仍賞三品卿銜命往盛京賠修以禮部侍郎德文兼鑲藍旗蒙古副都統甲辰諭內閣成親王於諸子中鍾愛綿懿朕所夙知綿懿本有出息人亦明晰是以疊次加恩任使乃綿懿自派管諸務後竟意存滿足不自檢束屢獲愆尤甚至於鑲白旗滿洲都統任內有瞻顧私情洩洩素通阿陳奏匿名封摺及平日挑甲交出名條失察叅領等故米時收受錢文等弊種種荒謬實出意想之外國法具在不得不辦經朕將綿懿革去貝勒降為鎮國將軍以示懲創本日成親王率同綿懿具摺謝恩並自請交宗人府嚴議此可不必綿懿總因年輕無知不聽教誨以致自罹於罪尚非成親王之過其自請嚴加議處之處著加恩寬免嗣後務將綿懿嚴行管束俾痛

加悛改如果能悔過自新將來尚可邀恩若
怙終不悛朕亦無如之何其無悔又諭昨
日召見尚書德瑛詢以留京王大臣遇有陳
奏事件何人繕辦據稱俱煩在京軍機章京
辦理殊屬非是從前軍機大臣中有派令留
京者是以該章京隨同辦事近年來留京王
大臣並無軍機然俱有該管衙門其屬員中
豈無能辦章奏之人何必交軍機章京代為
辦理將應辦公事轉似煩情耶且與留京王
大臣浹洽日久恐不免有探聽漏洩情事朕
在藩邸時即確有聞見嗣後留京王大臣著
於宗人府及所管之部各派明白妥幹二三
人承辦諸務以符體制又諭宗人府會同
刑部奏審訊寶泉局虧短銅斤一案請將監
督五靈泰等援照因事在官受財以不枉法
贓論擬絞監候一摺所辦太覺失之輕縱此
案所短銅斤至七十餘萬之多該監督各任
所得銀兩自三百兩至一千八百兩不等此

等劣員所收之銀即局內短收之銅豈非通
同舞弊耶總緣童煥曾業已正法無可質證
該監督遂堅不承認殊不知五靈泰等即無
授意短收之事而童煥曾節次所送到任節
禮等項累百盈千伊係下賤經承安得有如
許家貲不時餽送且伊等果無弊端又焉用
賄賂監督為耶五靈泰等前此保送監督時
均由各堂官揀選自因平日辦事尚為明白
豈於此項銀兩即不問童煥曾從何處得來
徑行收受顯係任聽書吏等串通舞弊該監
督等佯為不知如此尚謂之不枉法必將局
內之銅盡行盜去始謂之枉法乎五靈泰等
已經革職不難加以刑訊即遐齡鳳麟身係
宗室朕又何難親行訊問伊等豈尚敢狡飾
不吐朕特不為已甚耳但此案所擬罪名僅
照不枉法贓論實屬失出總因童煥曾死無
對證不肯徹底根究此乃官官相護惡習大
屬非是五靈泰遐齡董成謙祁韻士鳳麟丁

樹本均著照枉法贓問擬絞監候入於本年秋審情實屆時再降諭旨所有審擬此案輕縱之各堂官均著交部議處至歷任管理錢法堂之戶部侍郎自嘉慶四年朱士龍一運起至上年麟瑞一運止失察該監督等受賄短銅均有應得之咎著該部詳查在任年月久暫註明收銅次數開單進呈候朕定奪毋庸部臣議處餘俱著照所議行○諭軍機大臣等吳熊光自簡用湖廣總督以來朕即聞其接待屬員過於嚴峻批稟事件往往措詞過當因其在軍機章京年久擬寫諭旨於訓飭之語習以為常率意書寫迨高杞到京朕詢及吳熊光辦事如何據稱性情躁急及詢以操守則稱其頗為廉潔旋經初彭齡密叅吳熊光收受秦泰餽送及得受匣費交伊親戚李世望代為營運三款經朕飭交各處密查均無確據已將此事明降諭旨並分別懲辦矣但人言可畏豈盡無因物必先腐也而

後蟲生之試思各督撫中何獨於吳熊光編造蜚語今事已訊明該督尤不可不返躬自省有則改之無則加勉若以初彭齡所叅不實而廉潔之名又為朕所知輒意存自滿不加檢束則是吳熊光自取咎戾不能永承恩眷凜之慎之至文稟批荅自有一定體制即使屬員偶有過失亦應明白開導何至動遭呵斥竟與擬寫諭旨相似亦非體制若云該督曾在軍機行走則軍機章京中如勒保方維甸等亦俱行走有年簡放外任並未聞伊等於屬員批稟有似吳熊光措詞過當之處嗣後該督務須平心辦事不可仍前躁妄用副委任將此諭令知之○予四川陝西湖北陣亡副將張應貴祭葬世職如總兵例都司彭家棟祭葬加等世職如例佐領賡音保領催蘇圖守備安朝聘千總徐成龍龔俊伍把總高以福外委馬朝鑾胡承烈傷亡千總蔡恩榮楊仕龍祭葬世職如例千總銜鄉勇王

福祭葬世職如守備例鄉勇王上達王名達祭葬世職如千總例武舉戴天福前鋒蕭德祭葬世職如把總例監生夏訓忠馬兵曾繼先鄉勇杜正心劉傑徐朝貴劉起貴祭葬世職如外委例貢生張騰耀武生陳鵬飛領催福綸等二名兵丁阮得勝等二十八名鄉勇汪周全等三千八百三十五名賞卹如例予四川陣亡協領塔克新祭葬世職如副都統例知縣陸霖張宇陽典史楊永錫防禦貴隆額勒精布守備楊成白祭葬加等世職如例兵丁許成龍等二名賞卹如例旌表守正捐軀廣東樂昌縣民張元勝女張氏緩徵甘肅皋蘭西寧碾伯金寧朔五縣水災本年額賦乙巳諭內閣百齡奏審明潘甫周在左州地方被李正智等謀毒斃命該州捏造情節分別定擬一摺李正智起意用藥迷人竊取財物將潘甫周毒斃情殊可惡李正智著即處斬梟示已革知州周豐於屍弟潘

甫立喊稟後並不據實驗詳緝究正兇又復規避處分改換報呈捏作雷擊身死幾致兇徒漏網僅擬杖流不足蔽辜周豐著發往伊犁効力贖罪旌表守正捐軀陝西韓城縣民孫家修妻陳氏丙午上以秋獮木蘭自圖明園啟鑒命皇次子旻寧隨駕命儀親王永璇大學士保寧協辦大學士尚書朱珪尚書德瑛留京辦事免蹕路經過地方本年額賦十分之三展緩河南中年鄭榮澤榮陽汜水新鄭安陽湯陰臨漳林武安涉內黃汲新鄉輝獲嘉淇濬濟源修武武陟孟溫洛陽鞏孟津河內原武偃師登封嵩商邱寧陵封邱滑考城延津陽武蘭陽祥符陳留杞睢四十四州縣上年水旱蝗災帶徵額賦及應還常社漕倉穀石籽種有差是日駐蹕南石槽行宮丁未賞密雲縣接駕兵丁半月錢糧是日駐蹕密雲縣行宮戊申駐蹕要亭行宮已

酉以牲獸稀少停止本年秋獮諭內閣木蘭秋獮行圍所以肄武懷柔我朝

家法相承百有餘年行之勿替朕恪守

成憲不敢廢弛前年即敬謹舉行見圍場鹿隻等項已覺稀少自不免有偷竊情弊是以特設圍場副都統嚴立章程專職稽查上年駐蹕熱河特派員前往圍場查看鹿隻更形缺少始停止行圍並早經降旨以本年必當進哨飭令豫為查察乃自夏間先後派滿珠巴

咱爾貢楚克扎布馳赴圍場閱看均稱鹿隻仍少朕尚不深信是以特命御前大臣拉旺多爾濟親往履勘具奏情形無異並據查奏係因近年來砍伐官用木植之外多有私砍者並任令奸徒私入捕捉牲畜以致鹿蹤遠逸實屬不成事體降諭旨查辦外所有本年木蘭行圍不得已仍著停止朕於八月二十一日自熱河啟鑒迴蹕謹涓三十日恭謁

東陵九月初一日告祭

裕陵

隆恩殿工成初四日駐蹕南苑初八日迴至圓明園又諭據拉旺多爾濟奏遵旨赴木蘭查勘本年所定十三圍地方內巴顏布爾噶蘇台巴雅爾額爾袞郭威遜格爾巴顏喀拉四圍並未見有鹿隻並詳看各圍場鹿隻甚少者四十餘處又稱該處砍刺木墩餘木甚多兼有焚燬枯株猶在往來車跡如同大路運木多人各立寮鋪以致鹿隻驚逸傷損並查有奸徒乘間逸入偷打鹿隻是以較前更為短少等語圍場為肄武重地自應嚴密稽查毋令有私砍木植偷打鹿隻等事今因節年有大工是以砍伐官木司其事者辦理不善任令匪徒逸入私立寮鋪影射偷砍運載出境牟利其未運之木尚堆積路隅不可勝數及聞知朕行圍伊邇復將餘木焚燒滅跡竟係烈山澤而焚之禽獸逃匿可見熱河副

都統總管等竟藉工程木植為名任令通同舞弊情事顯然。況伊等從前原奏祇於十四圍無礙圍場處所砍伐木植。今砍伐至四十餘處之多。且於現定行圍處所肆意偷砍。致令鹿蹤遠逸。並有攜帶烏鎗偷打鹿隻售賣鹿茸之事。是以國家百餘年秋獮圍場竟與盛京高麗溝私置木廠無異。而習勞講武之典連歲闕如。成何事體。不可不嚴行懲究。此項工程需用木植。係嘉慶四年間前任熱河副都統德勒克扎布總管姚良奏請辦理。接辦者係慶傑、董椿、穆騰額、伊等。不但辦理不善。且恐有別項情弊。德勒克扎布、姚良均著來京候旨。慶傑、董椿、穆騰額、熱河佐領德新泰均著解任。交總理行營王大臣軍機大臣行。在刑部詳悉審訊具奏。至韋陀保調任未久。亦尚能留心查察。但在任已閱一年。而鹿隻仍前稀少。亦難辭咎。韋陀保著革去副都統。作為圍場總管。以吐魯番領隊大臣玉

衡為庫倫辦事大臣頭等侍衛安福為吐魯番領隊大臣。賞熱河接駕兵丁及看守避暑山莊弁兵一月錢糧。看守口內口外各行宮弁兵半月錢糧。○是日駐蹕兩間房行宮。庚戌諭內閣。前因查辦戶部寶泉局虧短銅斤一案。自嘉慶四年十月以後。各該監督等均有得贓短銅情事。當經降旨諭令該部將失察之歷任管理錢法堂滿漢右侍郎。即按照在任年月之久暫並收運銅斤次數之多寡分晰開單呈覽。茲據該部查明繕寫清單具奏。朕閱單內。惟額勒布在任幾及三年。收過八運銅斤。共計售賣餘銅十四萬三千餘斤。歷任最久收銅最多。況額勒布本係戶部司員。於度支事件最為熟悉。屢經有人密保稱其諳習部務。是以於兩年中超用副都統。即授為戶部右侍郎。管理錢法堂。並授總管內務府大臣。派管各項差使。額勒布自當隨事黽勉。實心供職。而於戶部事宜尤宜格外

別除弊端以期仰副委任乃於寶泉局監督等得受贓私短收銅斤竟爾毫無覺察任聽營私舞弊實屬溺職且額勒布近年辦事多舛即如此次赴豫督辦衡家樓善後工程朕原以其平日召對時一切敷陳似尚能通曉事體是以特派前往伊亦稱平日頗講河工及至到豫後所論俱不切實甚至前次奏開溝放淤一節既與馬慧裕徐端籌商辦理而摺內復稱伊未諳河務豈敢妄議修防明係意存推諉豫為卸過地步迨接奉諭旨後忽用五百里馳奏致駭聽聞不但行不逮言而且動多錯謬實難勝卿貳之任看來額勒布竟係器小易盈不能承受朕恩本應即予革職姑念伊在戶部有年著加恩降補戶部郎中所有衡工河防事務額勒布既稱未諳無庸管理著交馬慧裕徐端督辦其隨帶之戶部員外郎定住及那彥寶帶往留交之兵部主事趙麟即著馳驛回京供職額勒布此時

仍當暫駐豫省專辦

河神廟工如遇有應行奏聞事件著告知馬慧裕徐端代為轉奏統俟廟工完竣自行回京赴部供職不准馳驛其在任一年有餘之原任侍郎周興岱錢樾雖亦經收銅四運七運不等但業於另案降調初彭齡在任未久祇收一運並無餘銅且已另案革職均無庸議那彥成於署任內曾收銅五運著降三級從寬留任祿康署理未久戴衢亨本任及署任十一箇月有零均曾收銅二運著降二級從寬留任其嘉慶四年以後有曾署理錢法堂之侍郎未曾驗收銅運者亦有失察之咎並著該部查明議處具奏○德楞泰奏報搜捕四川餘匪得旨獎賚賞還額勒登保德楞泰紫纁雙眼花翎提督楊遇春豐紳馬瑜提督銜田朝貴下部議敘賞兵丁一月錢糧調兵部右侍郎那彥寶為戶部右侍郎理藩院左侍郎貢楚克扎布為兵部右侍郎轉

理藩院右侍郎明興為左侍郎以喀什噶爾
叅贊大臣和寧為理藩院右侍郎仍留喀什
噶爾辦事調正藍旗滿洲副都統英和為鑲
黃旗滿洲副都統以刑部右侍郎英善兼正
藍旗滿洲副都統○以詹事府少詹事萬承
風為詹事○緩徵安徽懷寧桐城潛山太湖
宿松望江貴池青陽銅陵東流宣城南陵當
塗蕪湖繁昌無為廬江和含山全椒二十州
縣水災新舊額賦給廬江東關等二十二保

災民一月口糧○是日駐驛常山峪行宮○

辛亥以擒獲四川賊首羅思蘭等拔馬兵舒
秀為千總外委王萬得為把總○是日駐驛

喀喇河屯行宮○壬子

上至熱河詣

文廟瞻禮

關帝廟

城隍廟拈香○詣

永佑寺行禮○是日駐蹕避暑山莊至八月丙

子皆如之○癸丑以歲周甲子停止秋決諭
內閣我國家重熙累洽世際承平從前康熙
二十三年

皇曾祖聖祖仁皇帝以歲逢甲子

渥沛恩綸停止秋審逮乾隆九年甲子再週

皇考高宗純皇帝式循

前典

解澤載數曾奉

特旨將是年情實人犯停止勾決茲又屆甲子

紀年朕紹承

洪緒寔寓恬熙允宜恪遵

成憲省歲恤刑所有本年朝審秋審各省情實

人犯著加恩停其勾決一切條款著該部查

議具奏○又諭前因連次派拉旺多爾濟等

查看圍場均據覆奏牲獸實屬短少是以降

旨停止進哨但各處派來隨圍人員業已豫

備伊等製理行裝不無需費著加恩仍照向

例減半賞給即著停止前來以示朕曲加體

卹至意。命兵部右侍郎貢楚克扎布河南審案完竣後馳往湖北審案。賞熱河綠營兵丁一月錢糧。甲寅諭內閣松筠奏伊犁採鍊銅鉛廠夫口食總須哈什河南屯田收穫小麥二千石方足一年之需。該屯向係派撥遣犯數十名前往耕種。不但不習耕作。致所收麥石不敷。且因毗連額魯特游牧。每多偷盜於屯種有名無實。莫若撥給伊犁種地。回子六千戶。俾應納官糧盈餘即可養贍家口等語。著照所請。將哈什河南遣屯地畝改撥伊犁種地之六千回戶耕種。仍將本年回子借種額魯特之地一併撥給其春稽地方有田二千餘畝。亦准回子耕種。每年交納小麥二千石。以供銅鉛廠夫口食。所有撥往種地之遣犯數十名。即著撤回歸廠當差。諭軍機大臣等。本日據馬慧裕等奏。妥議河防一摺。據稱入秋以來長水不過數寸。旋即消落。大壩一帶均已露出新灘等語。可見新工

形勢極為平順。放淤之說業已停辦。所見甚是。東園埝鉗口閘壩現已先行引進清水灌注空塘。以作水戲。而舊河身內積有清水。陸續引注內塘。正可資以水抵水之力。至稱若水長至六尺以上。擬於西壩尾一帶相距大河稍遠之處察看水勢。相機啓放等語。自係馬慧裕徐端確有把握。乃為此奏。朕亦不為遙制。如果必須啓放。馬慧裕徐端務當籌計萬全。慎重辦理。將此諭令知之。○以詹事府詹事觀誠通政使司副使廣興為內閣學士。兼禮部侍郎銜。旌表守正捐軀直隸祁州民李興幅孫女李氏。賞熱河及額魯特兵丁一月錢糧。○乙卯除陝西朝邑縣被水坍壓田七十三頃四十八畝有奇額賦。○丙辰諭內閣刑部奏審擬直隸東鹿縣民婦王張氏呈控伊子王洪中身死不明一案。所議是此案王洪中被張文觀糾眾尋毆。寫呈具控。復被張文觀等揪落髮辮。剝脫衣履。王洪中

赴省在臬司處控告批府。該府即應親提訊辦。乃輒委之分發試用初學審案之知縣黃玠集訊。該員偏信張文觀等一面之詞。稱王洪中素不安分。屢有犯案。疑為誑告。轉將干證等各加掌責。遂致順口捏供。迨經臬府覆審。吳兆熊仍不虛衷研鞠。復將王洪中掌責。以致王洪中受屈自縊。經朱平遠喊稱被人謀死。黃玠復將其掌責壓積。而吳兆熊率即據供定案。將王洪中坐誣擬軍身死。免議。並

將張文觀省釋。詳結。王洪中平素即係刁健。而就案論案。實因官司負屈。莫伸。輕生自縊。皆由該府縣偏聽枉斷所致。黃玠著發往烏魯木齊効力贖罪。知府吳兆熊著革職。發往伊犁効力當差。至總督顏檢按察使傅修據詳率結。已屬非是。況此次伊二人在差次召見時。經朕詢問此案。伊等但奏稱係屬尋常鬪毆案件。於部訊各情節。竟茫然不知。可見該督等於此等民人冤上控之事。並不親

加伸理。僅委之首府審辦。任令顛倒是非。出入人罪。似此玩視重案。國家又安用督撫藩臬為耶。顏檢傳修均著交部嚴加議處。東鹿縣知縣吳復增雖未會審。而於地方糾眾持械之案。毫無覺察。亦著交部嚴加議處。清苑縣知縣張孔源於交押人犯。並不小心看管。以致自盡。著交部議處。餘俱照議行。至刑部堂官於此案平反得實。尚屬認真。前因審擬寶泉局虧短銅斤一案。失之輕縱。所有應行

議處之處。著加恩寬免。其首先審出情實之刑部郎中陳若霖著加一級。以示獎勵。○是月直隸總督顏檢奏覆捕蝗虛實一摺。得旨。卿之誠敬。尚有何諭。恐誤聽人言。再加粉飾。太平以為頌揚。則大謬矣。人情孰不好諛惡直。朕獨不然。常存良藥苦口。利於病。忠言逆耳。利於行之見。期與吾民共享太平。方遂素志。卿其勉之。戒之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十二

實錄卷一百三十二

七十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十三

嘉慶九年甲子八月丁巳朔祭

先師孔子遣榮郡王綿億行禮

戊午祭

大社

大稷遣儀親王永璇恭代行禮

諭內閣昨據

鐵保奏審擬高密縣民李詒遷具控仲二等

捏稱伊父屍係旱魃糾衆剗墳將屍燒燬一

案已批交刑部覈擬具奏矣旱魃之名見於

大雅後世稗乘相傳遂以為僵屍歲久即成

旱魃其說本屬不經而鄉曲小民惑於傳播

之言每有剗墳燬屍之事即如此案仲二等

等

等

等

等

等

等

等

等

等

等

與李詒遷並無仇隙祇因時屆亢旱見伊父李憲德墳土潮潤疑為屍成旱魃迨至糾衆創墳鈎出屍身以其皮肉未腐輒稱實係旱魃相率擊打燒燬情節殊為慘酷夫旱暵乃係天行豈朽腐殘骸所能為虐而蚩氓無識妄謂除魃遂可弭災若不嚴設例禁任聽鄉愚創墳擊打甚至不肖匪徒挾仇殘忍於風俗人心大有關繫著該部悉心酌覈纂輯例條嗣後遇有此等因指稱旱魃創墳燬屍之

案即應照開棺見屍律分別首從科罪如訊係實無嫌隙者其應絞首犯尚可予以緩決若訊有挾仇洩忿情事即應入於情實辦理如此嚴定罪名通行各直省轉飭地方官通行曉諭庶小民等心知畏法不再狃於鄙俗致啟讐害之漸所有高密縣一案即照此辦理○以太常寺卿廣敏為大理寺卿○遣科爾沁郡王和碩額駙索特納木多布齋帶領侍衛十員往奠故科爾沁卓哩克圖親王拉

旺茶酒並賞銀五百兩治喪○己未諭內閣前聞湖北省辦理軍需節次動撥銀兩承辦局員有濫支濫應情事諭令該督撫等詳細查明據實奏報不可歸罪於胡齊崙一人稍致朦混茲據吳熊光等查明各局濫用平餘確數分別開單具奏朕逐加披閱此內領兵各官用過賞犒銀兩共六萬有零兵丁等應調隨征均有鹽糧支給一遇打仗立功無不優加升賞示以鼓勵從前節次用兵時領兵

官員原無格外賞犒之需自福康安屢次出師始開濫賞之端任性花費毫無節制於是地方承辦之員迎合備送累萬盈千以及銀牌紬緞絡繹供支閱單內所開甚有備送翎枝一項軍營員弁賞戴翎枝均由京頒往賞給何須地方官辦送可見此等備用銀兩不過以賞兵為名亦未必實惠盡逮戎行也況官兵等果有應行獎勞之處自應據實奏明候旨加賞俾知感激恩施乃並不入告輒以

備送銀兩自行賞給在弁兵等得受者但知被主將之惠不知感君上之恩而領兵大員等亦祇以地方官備辦寬餘謂其能事情好款洽殊不知煩費之供億皆國家帑藏之虛糜今經徹底查明所有賞兵之項本亦應罰令賠繳但作俑者福康安已不深究安問其餘且如額勒登保德楞泰等俱已懋著勞績同膺上賞豈尚復令賠繳官項况備賞之項較之餽送他人者其數多少大相逕庭即如德麟豐紳伊綿彼時均係奉旨馳往迎其父柩地方官致送德麟奠儀並備賞等銀四萬餘兩德麟收受奠儀已屬不堪至於備賞銀兩更何所需實不成話豐紳伊綿亦收受備賞銀四千餘兩雖比德麟少至十分之一然比之帶兵最久之額勒登保德楞泰二人所收備賞銀兩轉有增多總係外省止知逢迎紈袴乳臭卑鄙惡習實出情理之外竟非人類所有德麟收受銀四萬一千五百五十二

兩著罰令賠繳八萬兩以示悖入悖出之天理為治世所不容各宜猛省毋墮火坑豐紳伊綿收受銀四千一百兩著照數賠繳其濫行支給之原任總督畢沅等員應行追賠銀兩著照單開細數除賞兵各項共銀六萬三百七十一兩零加恩免其賠繳外餘著於各員名下照數追賠歸款此次楚省清查軍需款目尚為詳晰該督撫藩司均著交部議敘此時搜捕零匪將竣大兵指日全撤從此海寓教寧永銷兵革然國家立法不可不周嗣後設遇有徵調之事凡經理軍儲者不准再立備送賞犒名目致滋浮費而市私恩如違旨者計贓論罪決不姑容將此通諭知之○諭軍機大臣等本日據刑部奏稱廣東省題咨監斃人犯本年春間曾據孫玉庭奏請將免死等項人犯先行起解經軍機大臣會同刑部議令將洋盜會匪各項案犯分別由驛題奏到部後速行覈覆以期獄囚疏通乃半

年以來監斃人犯仍有四百餘名之多此內情罪較重之犯既得倖逃顯戮而徒流及待質人犯應得之罪本輕轉不免於瘐死至案內株連人證無辜被禁若令病死獄中尤失平允且恐獄案未成而要犯病斃遂致無可質證不能研訊確實於審斷亦有關係不可不亟為籌辦各省囹圄自有定制固不便特行增建惟當設法妥商或就府縣各監地面量為展寬或就人犯內擇其案情較輕者另

行羈禁要之總在該督撫嚴飭臬司及各府州縣遇有承審案件勒限審結定案嚴轉則獄囚自不致壅滯而監斃者亦可漸少矣將此諭令知之○又諭本日刑部堂官具奏審擬密雲縣已故馬甲音達渾之妻趙氏毆傷伊姑高氏并已革前鋒達豐等挺身作證一案究出達豐素與趙氏通姦因伊姑高氏與媳口角起釁氣忿向揪達豐因護趙氏毆有多傷將達豐問擬發黑龍江當差趙氏發給

駐防兵丁為奴此案高氏與趙氏係屬姑媳倫紀攸關若高氏係由伊媳趙氏毆傷則趙氏即應照律擬斬如果達豐因護趙氏將高氏毆打方可照刑部所擬完結但細覈案情安知達豐非因與趙氏通姦情密恐趙氏自罹重辟遂將高氏被伊媳毆傷代為承認以冀避重就輕况達豐係年輕強橫之徒僅係該犯所毆則高氏受傷應重今不久而已平復似係婦女所毆輕傷則趙氏毆姑轉恐屬

實且高氏與伊子富勒渾原供俱稱趙氏按毆屬實此時集訊之下何以又云從前未經據實控告恐究出姦情顏面攸關種種疑竇不可不詳加覆訊著刑部堂官再親提高氏詳加開導以伊媳趙氏犯姦不服管教屢行撒潑淫悍已極此時復何所顧惜代為隱忍如究出傷由趙氏則毆姑重情必當按律定擬若果係達豐所毆即可照原議完結該堂官等務當虛衷研鞫訊出確情固不可鍛鍊

成獄亦不可迴護原奏致有輕縱俟覆訊到時再降諭旨。庚申諭內閣各省學政現屆應行更換之期除順天學政王懿修江蘇學政劉鏞之例不更換山西學政陳希曾甫經簡放其餘應行更換省分屆時再行降旨外所有現出試差各員內經朕簡用者自應先期頒發諭旨俾令早日接奉不致於典試事竣徒勞往返以示體恤浙江學政著潘世恩去山東學政著萬承風去湖南學政著吳廷

琛去均於出闈後留省接印任事廣東學政著茅元銘去即於福建典試畢後馳赴新任俱不必來京請訓。又諭前據太常寺卿誠存奏讀祝官明善呈控宗室德順與經書孫照勾通剋扣錢糧等款及貝勒綿律攜帶在逃已革經書王玉書更名復充并用庫貯席片木料搭臺演戲一案當派尚書德瑛馳驛前往查辦茲據德瑛審擬具奏明善所控德順與孫照勾通剋扣錢糧盜賣差缺及已革

經書王玉書盜賣戶役米石避罪潛逃復由貝勒綿律自京帶往再充經書等款審明大半屬實惟所控貝勒綿律擅將庫貯席片木料搭蓋涼棚戲臺一款訊明貝勒綿律並未動用庫貯木料等件而搭臺演戲已屬實有其事

陵寢重地理宜嚴肅雖距大紅門三十里係屬紅白椿外在愚民無知如鄉間報賽祀神演劇尚所不禁而綿律係屬近支宗室特派前往守護乃罔知恪恭謹凜搭臺演戲是誠何心貝勒綿律著交宗人府嚴加議處宗室德順任聽經書孫照藉端漁利復令已革經書王玉書改名王瑞亭進署幫辦牛羊園事務著交宗人府議處至盛住於史文明等呈訴孫照借錢扣利並不奏明辦理僅將孫照革役著追已有應得之咎今於明善所控各款及綿律演戲一事並未能豫為查出據實叅辦均屬失察盛住著交部議處餘著交軍機

大臣會同行在刑部詳細覈擬具奏尋議上得旨綿律著罰貝勒俸五年加恩免其斥革徽令回京餘依議○辛酉命戶部侍郎戴均元教習庶吉士○以太常寺卿邵自昌為大理寺卿○補行嘉慶七年大計四川卓異官十五員才力不及官一員不謹官二員有疾官三員浮躁官一員年老官九員分別議敘處分如例○壬戌遣官祭

關帝廟○諭內閣嗣後進哨舉行秋獮典禮

一二品以上各大臣隨至圍場者著給領馬三匹其不隨至圍場僅止隨扈進哨者著給領馬二匹以示體恤至此次停止進哨所有扈從迴鑾之大臣侍衛官員兵丁等應得馬匹仍著照舊例給領○又諭向來旗丁交剩餘米原准售賣但不得賣與別幫掛欠之丁任令弊混况現行新例俱係官為收買今台州後幫軍船虧短米石竟敢私自買補並將駁回微變之米復又私運至壩而各幫餘米

公然賣與該旗丁湊合足數均屬有干法紀著將私買私賣之旗丁及船戶人等交刑部嚴審定擬具奏至糧道達琳及押運通判德克進布領運千總張超羣於該幫運通米石微變及虧短至一千二百餘石之多已屬咎有應得又於該旗丁等私自買補攬入米石毫無覺察俱著交部嚴加議處○諭軍機大臣等玉德等奏查明溫州鎮及同船官兵被害情形一摺蔡牽一犯在洋疊劫多年今經

官兵督捕膽敢肆行抗拒戕害總兵大員並弁兵多名實屬罪大惡極亟當嚴行捕獲盡法懲治現據該督等查明蔡牽祖墳刨挖將屍骨揚灰自應如此辦理尤須嚴飭統率舟師之提鎮上緊追勦並通飭各海口員弁一體實力緝拏速行弋獲以靖海洋胡振聲此次出洋不察風色致有失陷固不免稍涉冒昧然該鎮首先駛船出洋督兵攻擊被賊船圍攔放火焚燒時該鎮猶在船頭喝令殺賊

情甘一死奮不顧身較之畏葸退避者相去懸絕若轉咎以失機使將弁等遇出洋捕盜之時必致以持重為名裹足不前於海洋殊有關繫胡振聲照提督陣亡例賜卹並將其子嗣查明於服闋後送部引見其隨同被害之把總馮光陞及兵丁八十一名並照陣亡例賜卹所有救援不及之海壇鎮總兵孫大剛及署副將蔡安國張世熊前經部議革職已降旨從寬留任此次王德等奏之將備

邱良功等四十九員內除高麟瑞一員前已降旨革職交阮元審訊定擬外餘姑照所請分別革職留任革去頂帶各令戴罪立功又摺內稱胡振聲有內姪林際泰由賊船放回自必洞悉賊情有無偽設官職名目一經詢出即速奏聞將此諭令知之○又諭本日軍機大臣奏接刑部來咨轉據烏魯木齊都統咨稱該處頭屯所地方有乾隆三十六年安插之安南夷民黃公纘等二十二戶應否一

體准其回國經軍機處查明黃公纘係前安南王莫氏後裔因黎氏滅莫改姓脫逃在猛天寨地方居住復被安南攻擊力不能敵率其眷屬一百餘人於乾隆三十四年懇求內附當經准其留於近邊安插嗣該國王請將伊等發回治罪駁飭未准旋發交烏魯木齊安置此項安南人戶與現在釋回之黎維祁帶同內投者情節不同自難一律辦理著傳諭該都統如此時黃公纘等各戶無懇求回

國之語即當置之不論儻伊等因聞黎維祁帶來各戶俱得回鄉亦欲懇求歸國該都統惟當諭以爾等本與黎氏為仇來投內地而現在得國之阮福映即係黎氏舊臣大皇帝慮爾等歸國之後轉致失所是以曲為體卹不將爾等交回該國爾等惟當樂業安居不必再為瀆請如此明白曉諭伊等自當感激恩施也將此諭令知之○以兵部左侍郎劉鳳誥兼署吏部左侍郎○以都察院左副都

御史舒聘陳嗣龍監臨順天鄉試大學士董誥為正考官禮部左侍郎王麟太僕寺卿莫晉為副考官○癸亥遣官祭

文昌帝君廟○諭內閣陳大文等奏審擬私挖官隄人犯一案訊出李元禮因黃水漫灘淹浸田廬糾眾盜決大隄進水以圖自便郭林高教令決隄僧人木堂極力慫恿糾人助挖經該督等審明將李元禮郭林高二犯問擬發近邊充軍僧人木堂量減一等問擬滿

徒係照本例辦理但大隄以內均係民田廬舍該犯等以河灘自有之田畝被淹輒敢決隄進水設或堵閉稍遲水勢一經流入則隄內田廬豈不盡被淹毀以鄰為壑損人利己其居心實屬忤忍况現當大汛經臨隄工喫緊之時非尋常盜決可比陳大文等所擬罪名尚輕李元禮郭林高僧木堂三犯著刑部另行覈擬具奏其為從之僧道學等七犯即照所議完結尋奏上得旨李元禮郭林高枷

號兩月發極邊烟瘴充軍所有酌改盜決隄防罪名各條纂入則例○諭軍機大臣等王汝璧奏清查安徽省倉庫分別追補一摺據稱飭司通查該省虧補實數凡有原案不實不盡之處悉行覈正現在未完銀一百八十九萬餘兩內共流抵有著銀一百三十四萬餘兩其餘五十五萬餘兩均係無著應歸於現任彌補酌看通省各屬情形每年約可節省銀十五萬兩以之彌補無著款項不過四

年之閒即可如數補足等語安徽省清查倉庫既經王汝璧查明確數自定四年限期全行完補著即照所請辦理此摺已交軍機處存記該撫務須認真督飭所屬責令樽節用度將無著之款固應彌補即有著之款亦必須追補兼施以期倉庫均歸實貯仍隨時留心嚴飭各屬毋許藉詞彌補稍有勸輸派累擾及閭閻儻既經彌補之後復有虧短即當嚴叅治罪該撫此次奏定限期後仍著每年

年終彙奏一次俟十三年奏報全數完補時朕當特派大臣前往查覈如彼時倉儲庫貯尚有絲毫虧短即惟該撫是問將此諭令知之○甲子遣官祭昭忠祠○諭內閣朕兄成親王自幼精專書法深得古人用筆之意博涉諸家兼工各體數十年來臨池無間近日朝臣文士之工書者罕出其右早應摹勒貞珉俾廣流傳而王揣謙自矢不肯遽付鈎鐫昨特命軍機大臣傳旨諭令將平日所書各

種自行選擇刻石始據王具摺陳謝遵旨於回京後覓工摹刻著照所請以詒晉齋名顏其卷帙王即繕朕此旨勒冠簡端以當製序本日王所奏之摺亦著另書一通附刊於後以誌一時翰墨欣賞之盛○以吏部右侍郎恩普兵部左侍郎劉鳳誥為

實錄館副總裁官並命劉鳳誥專勘稿本○命太常寺少卿梁上國為奉天府府丞兼學政工部右侍郎曹振鏞提督江西學政大理寺

卿邵自昌提督福建學政禮科給事中王麟書提督河南學政翰林院侍讀學士周兆基提督安徽學政右春坊右中允吳烜提督湖北學政光祿寺少卿馬履泰提督陝甘學政都察院左副都御史周廷棟提督四川學政刑部員外郎祁墳提督廣西學政禮部郎中譚光祥提督雲南學政翰林院修撰顧臯提督貴州學政○以吏部左侍郎李鈞簡兼署工部右侍郎兵部右侍郎陳霞蔚兼署吏部

右侍郎○旌表守正捐軀山東福山縣民蘇巖妻年氏○乙丑

太宗文皇帝忌辰遣官祭

昭陵○諭內閣托津鄒炳泰奏酌覈各倉情形請令各監督無庸在倉住宿一摺所奏尚是倉廩重地除收放米石始行開門外平日原應封閉若令該監督率役常時進倉住宿轉恐家丁蠹役得與外閒匪徒勾結夥竊欲防弊而適以滋弊且嚴冬時風高物燥火燭等

事在在可虞該監督查察難周而牆外巡邏
兵役未免恃有官役在內轉致疎曠於倉儲
殊有關繫嗣後著該監督等每閱數日在附
近之官房輪班住宿一次仍當常川周密巡
查認真防範以昭慎重而絕弊端順天府
以宗室鄉試中額請得旨著取中八名○丙
寅諭內閣據總理行營王大臣會同軍機大
臣行在刑部等具奏審擬圍場地方採辦木
植一案訊明德勒克扎布承辦大工木植時

原奏定於莫多圖等十四處無礙行圍地方
砍伐旋因大件木料不敷並不據實檢舉奏
明請旨輒札令委員擅赴向來行圍處所砍
伐而委員德新泰等奉行不善濫砍多株工
作車馬嘈雜喧闐迨慶傑聞知行圍之信派
員修治道途又復將散棄餘木任意焚燬遂
至牲獸驚逸不得不停止行圍是連年貽誤
秋獮大典實由德勒克扎布辦理舛謬所致
其咎甚重今經王大臣等擬徒折枷本應照

議懲治姑念德勒克扎布係一糊塗蒙古且
曾任大員著革職免其杖徒折枷慶傑雖訊
無別項情弊但伊接任以來已逾二年於德
新泰砍剩餘木及七克圖等延燒木植漫無
覺察亦有不合著回任仍交宗人府議處至
韋陀保係特設專管圍場之員在任年餘於
圍內堆積剩木牲獸稀少各情形不能及早
查明奏辦直至拉旺多爾濟遵旨前往查勘
始行呈出希圖卸過殊屬取巧業經降為總

管仍著交部嚴加議處餘著照所議行○直
隸總督顏檢奏報永定河秋汛安瀾並重建
廟宇告成頒發

御書

玉皇廟扁額曰太清錫祉

龍王殿扁額曰孚惠恬瀾○旌表守正被戕

陝西商州民洪法宇妻孫氏○丁卯

太祖高皇帝忌辰遣官祭

福陵戊辰諭內閣據正藍旗漢軍都統奏該

旗印務章京慶存脫逃請將慶存交刑部等衙門緝拏並將該叅領等交部查議一摺慶存身係職官膽敢脫逃甚屬不堪慶存著即革去印務章京二等輕車都尉世管佐領交刑部都察院步軍統領衙門順天府五城一體嚴拏俟拏獲時交刑部詳審定擬具奏該叅領等均屬失察叅領松茂等均著交部查議至慶存以三品職官無故脫逃伊弟馬甲春和及伊家屬具在不難查訊綿佐等摺內並未聲明實屬含混太不曉事著綿佐等將慶存究係何故脫逃或因家貧累重或有瘋病向慶存家屬詳細訊問據實覆奏○又諭據富俊德文奏盛京銀庫關防郎中一缺接准部議由奉天省各部郎中內揀擬正陪送部請簡現在奉省郎中合例者僅有二員均不勝掌庫之任請仍遵舊例辦理等語盛京銀庫郎中管理東三省一應錢糧及庫貯帑項有綜覈出納之責既據奏稱現在奉省各

部郎中難得其人著照所請仍照舊例令在京各部堂官於所屬郎中內屆期保送一員帶領引見候朕簡派發往更換但在京各部堂官每遇保送此項人員時於平素得力之員自應留部辦事而庫務關繫緊要亦必須於較次司員內慎重選擇務期得人方克勝任儻以年力衰邁才具平常人員濫行保送者經朕察出必將原保之各該堂官議處所有現任銀庫郎中寧泰著無庸撤回○諭軍機大臣等本日據步軍統領衙門奏安徽石埭縣民人唐虎呈控該縣侵蝕賑濟銀兩一案據稱該縣領銀八萬餘兩止散給貧民一萬四千八百餘兩歷經呈控各上司該縣捏改戶口底冊並戶書等串通地棍具結朦混現在轉將呈控之蘇國能等看押不為審辦等情此案上月二十七日曾據都察院奏有該縣生員蘇名舉等來京控告已降旨交陳大文審辦今復據該處民人唐虎赴提督衙

門控告恐竟實有其事亦未可定事關州縣冒賑侵蝕不可不嚴行究辦從前該處民人在總督衙門控告時經陳大文發交藩司審訊並經飭催尚未結案外省疲玩積習總未悛改現仍將原告發交陳大文審辦該督務即提集案內人證並散賑底印各冊秉公詳查究竟該縣兩次所領賑濟之項是否係八萬餘兩散給之銀是否止於一萬四千有餘其中有無弊竇務須徹底查明據實具奏不可稍有含混將此諭令知之○己巳

上詣

永佑寺行禮○諭內閣盛京為我朝發祥之地

橋山弓劍

謨烈存焉自

祖

宗以來祇修謁

陵之典朕憶從前隨侍

皇考高宗純皇帝恭詣陪都敬仰

鴻儀山川風景依依在目爾時即蒙

皇考恩慈欲畀以付託之重曾默以朕名告於

太祖

太宗仰維

昭鑒之誠畀以丕基之紹及茲寅承

統緒九年以來宵旰敬勤誠求治理期以上酬

眷顧本擬於親政後即恭謁

祖陵適緣勦辦川陝楚邪匪籌筆連年今幸事

機順利殲厥渠魁黨惡十數萬悉被殲除零

星餘匪亦已迅就肅清從此海宇教寧羣黎

蒙福此皆

列祖在天之靈默為垂佑俾歲鉅功允宜虔詣

山陵升薌對越特涓吉於明年七月二十一日

自京啟鑾由山海關一帶前往盛京謁

陵禮成後於九月二十四日回宮所有一切典

禮事宜著各該衙門照例敬謹豫備○辛未

上御卷阿勝境賜扈從王公大臣及蒙古王貝

勒貝子公額駙台吉等食○壬申諭內閣留

京辦事王大臣奏據候選員外郎鄭敏行呈稱於未經得缺之先懇請即在禮兵二部內先掣一部行走殊屬違例陳請等語鄭敏行係在御史任內妄行劾奏獲咎之員經朕加恩改補員外郎並特降諭旨以禮兵二部缺出選用該員自應靜候部銓乃輒呈請掣部行走且前在吏部具呈既經批駁復向留京王大臣曉曉瀆請有何急不可待耶該員前劾宋澍費錫章謬妄卑鄙今似伊之再三陳

乞心懷躁進較伊所劾宋澍等之款蹟尤甚實屬不安本分本應即予治罪朕不為已甚姑從寬宥著留京王大臣傳到該員嚴行申飭諭令在部投供候選如敢再事干求即當褫職治罪並著禮兵二部堂官於該員選補後嚴加約束俾令小心供職毋得越分滋事以肅官方軍機大臣議奏那彥成方維甸具奏會籌寧陝鎮新設官兵一事查寧陝一鎮前於嘉慶六年間設立鎮營額定兵六千

名分布巡防藉可安插鄉勇但該鄉勇等多係游手無藉之徒從前軍務未歲將弁兵丁多在行間或未能隨時整頓現在搜捕事宜將次告竣將士不日歸伍應飭令嚴加管束有犯即懲其該管弁員有能訓飭營伍歷久安靜者酌加獎拔儻有管教懈弛知情縱隱情事立即嚴叅究辦至寧陝營兵餉米折等銀原係按照陝安鎮兵得項銀數覈定該營處萬山之中食物昂貴兵丁拮据上年曾經

額勒登保奏及自應亟籌調劑所有南山內百姓願售之產若做照屯田即須令兵丁等承種交營員管理但日久易啟盜賣抗糧等弊自仍應召佃取租歸地方官徵收報解毋使胥吏侵占盜換以期經久可行至逢水旱歉收而兵丁仍行拮据俱應立法周詳有備無患其所請將新兵散調各營並守備千總以下不拘例限酌量對調以孤其勢並將六千名兵數量加裁汰之處應令該督等酌量

辦理從之○以故喀爾喀扎薩克圖汗輔國公拉沁蘇龍子敏珠爾多爾濟襲爵○賑甘肅西寧碾伯大通三縣被水貧民並緩徵蠲中衛二州縣本年額賦○甲戌遣官祭賢良祠○乙亥德楞泰奏報殲斃首逆苟文潤等餘匪潰散得旨獎賚賞還德楞泰內大臣一等侯爵將軍賽冲阿輕車都尉世職加總兵官田朝貴提督銜賞提督豐紳馬瑜巴圖魯名號並花翎擢五品頂帶鄉勇趙洪周為千總並賞花翎餘賞賚有差○又奏軍營出力人員賞知縣郭南瑛等藍翎千總趙啟貴張占鼈花翎餘升擢有差○以殲剿川省餘匪出力賞佐領巴杭阿防禦霍隆武精額禮花翎馬甲同錫保等藍翎○丙子秋分夕月於西郊遣榮郡王綿億行禮○諭內閣倭什布孫玉庭奏審辦疊劫盜犯並審明署把總羅鳴亮得賄縱盜透漏米石分別定擬一摺其情罪尤為可恨營弁等分汛防守專司詰

奸緝捕之事况瀕海地方盜風正熾尤關緊要此案署把總羅鳴亮派防萬山西礮臺以該處逼近外洋米穀稀少輒起意商同民人夥開米店得利均分往來船隻無論良匪一體賣給是米石出洋該弁不但不能查禁轉藉此牟利接濟盜糧而於鄉民拏獲盜犯杜亞複送到時因訊係曾當杜元受漁船水手該弁復起意傳喚杜元受令其保領回家乘機勒取銀兩與兵丁等均分致將正盜賣放此而不嚴行懲辦何以肅營伍而靖海疆前據該督等奏防守石獅礮臺之外委楊耀一見盜船首先奔避以致兵房礮位俱被焚劫而此次羅鳴亮竟至利欲熏心濟匪縱盜該省營伍廢弛已極尚安望其實心捕盜肅清洋面乎倭什布等請將羅鳴亮改擬斬決所辦甚是著接奉此旨後傳齊該弁犯事地方附近營汛官兵及民人等將羅鳴亮對眾正法以昭炯戒並將辦理此案緣由通飭各營

伍知悉俾弁兵等一體凜惕該督等仍當隨時申明訓誡務令痛改積習以期整飭戎行諭軍機大臣等本日吳熊光全保奏拏獲江陵縣拒捕傷差各犯並請將辦理不善之知縣革審各摺此案前據全保初次奏到時朕即以朱祥魁等如係尋常竊賊何以該縣往拏時竟有匪黨多人持械拒捕恐竟係該處巨盜必有糾衆肆劫夥黨窩留情事今吳熊光摺內果稱朱祥魁等六十餘戶平日駕船捕魚原係乘間竊劫此次拒捕之後四散逃逸全保摺內亦稱朱家灣地方本係窩盜之區情勢兇悍該縣方遵轍因查拏案犯猝帶多人執持槍刀前往其從役等復搶奪什物以致該處鳴鑼聚衆拒捕傷差等語朱祥魁等六十餘戶羣聚為奸已非一日地方官平日遷延不辦姑息養奸實可痛恨迨查拏案犯時又不慎密辦理猝帶多人執持槍刀前往驚動居民已屬輕率冒昧甚至所帶跟

役乘勢搶奪以致該處民人鳴鑼聚衆拒捕毆差斃至二十一人之多其情形尤為可惡此等巨案全係地方官釀成若不嚴叅懲治何以儆劣員而靖地方江陵縣知縣方遵轍著革職交該撫提同已獲各犯將起釁緣由及拒捕實情徹底嚴審分別定擬具奏現在獲犯三十二名內是否皆係真犯此外有無逃匿該督撫當飭知臬司胡克家督同該府遵照前旨妥速查辦將此諭令知之○丁丑上自避暑山莊迴鑾○是日駐蹕喀喇河屯行宮○戊寅駐蹕常山峪行宮○己卯世宗憲皇帝忌辰遣官祭泰陵○諭內閣我朝定鼎之初本未有建儲之典自皇曾祖聖祖仁皇帝始立理密親王為皇太子嗣因緣事即未建立我皇祖世宗憲皇帝皇考高宗純皇帝皆密膺

簡在肇承

神器迨朕兄端慧皇太子仰蒙

皇考恩慈因為

皇妣孝賢純皇后所出以嫡以賢

特行密立祇以無祿不獲永年

命以皇太子典禮祭葬自後未經續議建儲迨

乾隆癸巳

南郊大祀朕荷

皇考眷顧洪恩始以朕名默告於

天

祖然亦未蒙

宣示直至乾隆六十年將行

授璽典禮於九月初三日

頒發明詔立朕為皇太子仰承

付託獲纘

鴻圖是我朝皇太子之定名而正位者自朕躬

始爾時

勅立禮成即奉

命祇謁

東陵

西陵並詣端慧皇太子園寢酌奠當蒙

皇考諭以端慧皇太子先曾密立已有名分應

行叩跪之禮非因以弟拜兄

訓示周詳祇承無斁今朕紹登大寶自當別定

禮儀前據禮部等衙門奏請行賜奠之禮若

照所議行則當坐而奠酒朕心究有不安著

於享殿外陳設高几奠池朕立奠三爵隨從

行禮之大臣官員於朕每奠一爵行一叩禮

該衙門即遵照豫備此乃禮緣義起因時定

制著將此次舉行儀注纂入會典俾億萬世

子孫有可倣而行之者數典不忘得所遵守

焉旌表守正捐軀山西翼城縣民秦輝先

妻祁氏是日駐蹕兩間房行宮庚辰遣

官祭黑龍潭

昭靈沛澤龍王之神玉泉山

惠濟慈佑靈護龍王之神○諭內閣前據德

楞泰奏藍翎五品軍功趙洪周擄入賊夥將
苟文潤殲斃獻功業經降旨將趙洪周仍以
五品頂帶賞戴花翎並以千總補用矣因思
軍功鄉勇年來各路軍營奏報屢見此項名
目朕風聞鄉勇等隨營打仗給有四五六品
至七八品軍功頂帶者為數不少並不奏明
咨部僅係經畧叅贊提鎮等隨時獎賞給以
委牌為憑即文員督撫司道等辦理糧餉等
事亦有一體賞給者頂帶為名器所關錫予

之恩操之自上豈臣下所當專擅各路帶兵
大員等即因軍營鼓勵起見何難據實奏請
朕即破格施恩亦不稍有靳惜設人數較多
亦應彙奏咨部查覈若似此擅自行賞一無
稽察安保無冒濫徇私情弊殊非慎重之道
且恐軍功等回至原籍恃有頂帶在外滋事
亦不可不防其漸除現在軍務告竣所有各
路軍功鄉勇業經議定章程通行遵照外究
竟軍功名目始自何年何處軍營係由何人

首先賞給有無奏咨成案著該部即將歷年
來軍營檔案詳查確據奏明請旨辦理尋奏
此項軍功自乾隆五十一年福康安勦捕臺
灣始得旨福康安早經身故其餘概免深究
嗣後遇有應行獎勵之處俱當奏明請旨加
恩不得仍前擅給○又諭前因富俊宜興聯
名奏請將大凌河馬羣五千六百餘匹內選
出二千四百匹以備朕明年恭謁

祖陵為隨從官兵校尉等騎乘之用經總理行
營王大臣等議駁朕即以為該處馬匹未必
足數分撥復經降旨令富俊查明具奏旋據
富俊單銜覆奏大凌河實存馬一萬九千四
百餘匹今經宜興等遵旨馳往查驗據稱查
明該處五歲以上駒馬二千二百五十六匹
除照例備用外僅餘二百六十六匹留備補
額尚恐不敷實在無從挑選等語果不出朕
所料錦州大凌河地方本係該將軍所轄何
難就近移咨確查馬數據以入奏乃率稱現

存馬一萬九千四百餘匹及至朕特派宜興等往查馬匹僅止二千有餘竟至無可挑選富俊前奏實屬冒昧著傳旨申飭並交部議處至宜興於富俊初次具奏時亦並未查明率行聯銜奏請亦有不合並著傳旨申飭仍交部察議現在內扎薩克蒙古王公恭進馬一萬匹已交總理行營王大臣等會議賞收章程所有盛京差務需用馬匹自可按照舊例分撥其大凌河馬匹除現備之一千九百

九十四匹仍照例備辦外不必再行籌辦致滋煩擾也○又諭阮元奏審擬革職副都統喜布禪借用公項銀錢一案喜布禪身任副都統遣伊子前赴荊州接取家眷係屬私事即不應派兵前往乃既擅派兵丁遠離營伍復因需給安家等費一時無措輒令協領等於該營捐修旗墓等項公款內借動銀四百兩又於收租差費款內借用錢八十餘千製辦器物已屬非是但喜布禪既經借用欲俟領

有廉俸一併歸款若於明俊叅奏時即行據實奏陳自請治罪今經該撫訊明業已措項歸款則其咎尚輕乃前次摺內猶稱向協領等詢知該處兵丁凡遇差使向有幫費此次實係公同商議幫給兵丁遠差並非幫副都統等語捏飾具奏祇以未能覺察為詞實屬有心卸罪儻此時尚未將銀完繳尚當照監守自盜律科罪今姑念業已完贖著加恩免其治罪仍著發回荊州本營賞給披甲當差

協領福雲格綢額噶爾杭阿聽從借支均有不合著交部議處餘著照該撫所擬完結○是日駐蹕要亭行宮○辛巳諭內閣御史喬遠瑛奏刑部被竊贓罰庫銀一案節次派員研訊遷延半載仍未審得正賊真贓請將該堂司各員分別叢議等語所奏甚是本年二月內刑部被竊庫銀當經奏明查審半年以來該部堂司惟於看庫之小馬兵丁人等反覆刑求以致各犯忽認忽翻總未得有確供

究有贓據至今案無著落早經朕節次訓飭試思刑名總匯之區於本衙門被竊之事猶日久聽其懸宕其他交審案件有稍涉棘手者又焉能迅速妥辦耶且監審不下二十餘人備受各刑體無完膚其中豈無一二冤抑似此屢加刑訊而賊賊未能究得設竟拖累無辜成何事體是辦理此案其遲延之咎實無可辭刑部各堂官內祖之望甫經到任旋復出差加恩免其議處長麟賡音亦審辦未

久著交部察議董誥德瑛熊枚姜晟瑚素通阿及審辦司員俱著交部議處並著改派明幹司員悉心研訊務須贓證確鑿及早審結毋得仍前延宕其現在監審各犯內有並無干涉者即分別量予取保暫釋所有被竊銀兩俟定案後著於失察各堂司名下按數分賠完款○又諭那彥成方維甸奏鄉勇鄭忠祥舒洪首告潛行勾結謀為不軌之趙恒裕張希賢等各要犯密行查拏全數弋獲審明

大概情形一摺訊據供稱南鄭縣民人張希賢拜涇陽縣民人趙恒裕為師煽惑謀逆暗約鄭忠祥等在鳳沔一帶以開銅廠為名勾結棍徒並已散鄉勇欲於七月二十四日入漢中府城搶劫該鄉勇鄭忠祥舒洪佯為應允鄉勇胡沛賺得書信為據一同投首當經該督撫等密飭地方文武分投查拏將張希賢趙恒裕及夥犯鄭老么高小二馬文龍等全數拏獲所辦甚好漢南一帶餘氛久經掃

蕩淨盡該犯張希賢等輒敢借圖開銅廠為名煽誘勾結謀為不軌實屬罪大惡極地方官一聞首報不動聲色按名查拏不致要犯漏網現在地方寧謐民情照常辦理實為妥速所有查拏匪犯各員俱當加恩獎勵著該督撫將摺內硃筆圈出之南鄭縣知縣李師白典史朱樞委署都司王卓詳悉查明該員等有無升銜翎枝與革職知縣何紹衣應如何施恩之處一併據實保奏至鄉勇軍功鄭

忠祥舒洪二人先經趙恒裕等告以密謀糾令入夥欲為內外應合之計該鄉勇均不聽從遂彼此互商定為首告之策而鄉勇胡沛於賺得該犯書信確據後一聞該犯定期起事之語隨即趕回送信一同投首地方官因得乘該犯等未經發覺之先按名弋獲該鄉勇自散微以來平日安分守法而又深明大義不墮邪謀實堪嘉尚前日德楞泰奏到鄉勇軍功趙洪周貞陷賊中能將首逆苟文潤乘機殲斃來營獻功朕心深為嘉獎業已降旨加恩令鄭忠祥等亦係鄉勇能如此守正急公自當特沛恩施俾各省散遣鄉勇聞而鼓勵鄭忠祥著加恩以五品頂帶賞戴花翎即以千總補用俟得缺後仍送部引見舒洪著加恩賞給八品頂帶賞戴藍翎即以外委拔補其鄉勇胡沛著查明現在有無頂帶俟奏到後再行施恩又硃筆圈出之南鄭縣副役張耀著該地方官優加獎賞所有拏獲張

希賢等各犯著該督撫等即審明定擬一面具奏一面即於該處正法○安徽布政使邵洪以病解任以山西按察使朱紹曾為安徽布政使直隸承德府知府景安為山西按察使○裁新設圍場副都統仍歸總管專司給圍場總管印隸熱河副都統兼管○是日駐蹕密雲縣行宮○壬午諭軍機大臣等鐵保密奏清查事宜一摺據稱本身有虧業已叅革丁憂告病離任人員如限滿不完者各按日期提省押追毋庸報部一面分咨各旗籍將該參員家產嚴密查封儘數估變解東歸款統俟接任人員如數補完再行分別給咨回籍等語所奏大謬清查彌補一事前已據該撫查明實數擬立章程奏請勒限追補此項虧缺之款總應責成現任彌補蓋緣現任人員接收交代之時即前任積有虧缺亦必經該撫等派員監盤三面會同出具庫貯無虧印結然後准令離任是叅革丁憂告病各

員一經交替以後現任人員即責無旁貸若以本條前任虧缺未便因代補有人致本身轉得逍遙事外祇當查明原虧實數分別咨追各旗籍如果逾限不完確查該員實有隱匿家貲情事則當據實叅奏請旨辦理今該撫奏稱將該員等提省押追毋庸報部試思此等離任人員多有現官他省即告病丁憂者亦係職官尚有旗員在京當差者焉有不行奏明遽爾提往押追之理已屬難行至分

咨各旗籍查封該員家產尤無此辦法查抄家產原因官犯有貪劣款蹟情罪較重叅革後查抄示懲若未經叅奏奉旨遵行知照查抄是該旗籍竟聽各督撫指示遵辦有如是專擅之督撫乎若該旗籍接到來咨仍須具奏請旨則是掩耳盜鈴成何政體且現在各省均辦清查設該督撫相率效尤則彼此咨行查封輒轉往還清查未有成效而直省已滋煩擾况彌補清釐總期庫帑有著若該員

等果係家產盡絕則一經查抄賠項仍屬虛懸更覺有名無實鐵保此奏實屬糊塗本應交部嚴議姑念係密辦事件尚未舉行著傳旨嚴行申飭仍著該撫將東省清查之款責成現任人員分限完繳其應行咨追各員另行妥籌設法辦理總期於庫貯有裨不致有紛擾之弊方為妥善將此諭令知之○緩徵山東濮范荷澤東平壽張陽穀六州縣水災新舊額賦齊東利津霑化蒲臺濱海豐鉅野

濟寧金鄉魚臺十州縣及臨清衛舊欠各項銀○是日駐蹕髻髻山行宮○癸未駐蹕大新莊行宮○甲申諭內閣據達慶奏葉爾羌所屬東路十三軍臺本年六月以後河流漫溢道路被淹各臺官房回房不無倒塌衝沒等語該處軍臺馳遞文報關繫緊要今既有被水淹浸之處著加恩將被淹地方搭橋紮筏及修理衝塌之官房並回民房屋俱准其官為給費以示體卹○諭軍機大臣等本日

祿康等奏據江西上高縣縣丞高錫恩呈控
伊拏獲聚賭拒捕人犯知縣知府均不按例
究辦僅予杖責以致該犯等肆行無忌轉將
該縣丞辱罵各情已降旨交陳大文秉公查
審矣地方官遇有地棍衙役等開場聚賭之
案自應查拏按例懲辦今署江西上高縣知
縣余成彪及新任知縣許敦仁於該縣丞高
錫恩拏獲聚賭拒捕之犯並不嚴加懲治惟
事推諉而該管知府彭應燕於高錫恩稟知
後率照高安縣知縣余學道之言僅令知縣
杖責完事以致該犯等毫無忌憚聚賭如故
且於該縣丞經過之時指名辱罵如果屬實
是地方官因循玩縱致長刁風所有署知縣
余成彪知縣許敦仁余學道及該府彭應燕
皆應分別叅辦而該縣丞高錫恩能於地方
匪徒留心緝捕即當加恩補授上高縣知縣
以示獎勵設另有別情亦當秉公覈辦不可
稍有偏抑陳大文即提至江寧親行審訊明

清 實 錄 嘉慶九年八月

確據實具奏將此諭令知之 以內閣學士
多永武兼正紅旗漢軍副都統 賞葉爾羌
巴勒楚克等莊回民原墾渠地免其升科從
辦事大臣達慶請也 是日駐蹕白澗行宮
乙酉駐蹕隆福寺行宮翼日如之 丙戌
上恭謁
昭西陵
孝陵
孝東陵
景陵
裕陵俱未至碑亭即降輿與慟哭步入
隆恩門詣
寶城前行禮躬奠哀慟王以下文武大臣官員
均隨行禮○至
端慧皇太子園寢奠酒

八一九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十三

寶錄卷一百五十五

四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十四

監修曉諭官原厚謀赴任宣太子太傅武英殿大學士文淵閣領閣事攝察欽奉
上諭事件處管理工部事務翰林院掌院學士隨帶外

二級府令加四級臣曹振鏞總載官太子太保文淵閣大學士管理刑部事務加五級臣戴均元監選日講起居注官太子少保內大臣又領閣抄

張閔事精察欽奉 上聖事件庭協辦大學士戶部尚書翰林院掌院學士教習處書士總管四務府大臣錄黃旗滿洲都統步軍統領

管理戶部主庫奉宸苑青樹園等處總理工程處御膳房御藥房太醫院西洋堂事務軍功三級隨帶加二級尋常加五級紀錄二十

一次應英和禮提議官太子太保禮部尚書上書房行走武英殿總裁管理國子監事務加六級開帶加二級紀錄四次臣汪廷珍等奉

秋修

嘉慶九年甲子九月丁亥朔

上恭謁

裕陵至幄次降輿更禮服以重修

隆恩殿成行告祭禮禮成御素服詣

寶城前行禮叩辭奠酒慟哭盡哀乃退王以下

文武大臣官員均隨行禮。蠲緩浙江烏程

德清歸安長興仁和海寧石門桐鄉武康錢

塘秀水嘉興嘉善平湖海鹽十五州縣及嘉

湖衛水災新舊額賦有差○賞蹕路經過看

守各行宮弁兵半月錢糧○是日駐蹕桃花

寺行宮 戊子以河南衛家樓勅建

河神廟成遣戶部侍郎那彥寶馳往恭代祀

謝予故署荊州將軍成德祭葬世職如副

都統例旌表守正捐軀江蘇寶應縣民萬

華國妻陳氏是日駐蹕白澗行宮己丑

駐蹕烟郊行宮庚寅

上至南苑詣

元靈宮

永慕寺行禮行圍額勒登保等議奏徹凱

善後事宜諭軍機大臣等陝西邊界一帶即

日零匪肅清自當留兵鎮撫茲據奏稱俟賽

沖阿楊遇春帶領勦兵議徹時通行挑派共

酌留防兵四千一百名交各鎮將等分段駐

守仍留提督楊遇春統領所辦甚是但山林

潛竄餘匪節經搜捕將次淨絕此時留兵分

駐原因地方甫靖或恐尚有伏而未起之匪

徒須藉兵力彈壓使知畏懼日久自可潛消

儻奉行不善弁兵等或有意邀功必致借搜

查為名擾害良善濫殺無辜迨至查訊明確

閭閻已受其累且又須將妄拏之弁兵正法

治罪豈非徒滋刑獄殊有關係現在額勒登

保即日回京著那彥成方維甸通飭該鎮將

曉諭弁兵等各於界內留心防範如有逆跡

已萌者自當上緊嚴緝或實有形跡可疑之

人亦應一律盤詰固不可稍有疎縱亦不可

任令貪功滋事此為最要至會哨一事不但

此時即應舉行竟當按照章程永遠遵辦以

鎮邊陲那彥成等亦當飭知該鎮將實力奉

行毋致日久生懈將此傳諭知之賑陝西

澄城韓城二縣被旱災民賞南苑苑戶半

月錢糧海戶銀一千兩是日駐蹕舊衙門

行宮辛卯

上詣

關帝廟拈香行圍諭內閣本日德楞泰

由六百里遞奏餘氛掃蕩三省全功告成一

摺覽奏曷勝欣慰三省勦辦零匪一事上年

七月間額勒登保德楞泰以成股之賊業經次第翦滅地方廓清當經馳報全捷嗣緣南山內逃匿之匪三五成羣復行嘯聚自當趁大兵未徹之際嚴行搜捕以期淨絕根株特命額勒登保德楞泰先後接辦一年以來官兵倍加奮勉四路窮搜川陝一帶大山老林蹤跡殆徧復將首逆苟文華羅思蘭苟文潤及各號頭目偽總管等以次殲擒其夥匪皆悉數斬獲三省地方更無一名遺孽全境寧謐此實

天眷

考恩垂麻篤祐從此海宇敕寧永銷兵革可與率土蒼生共享昇平之福感謝之餘彌深兢惕額勒登保德楞泰前此奏報殲獲餘匪多名節經加恩賞還雙眼花翎紫纓并原有爵職其將領等世職翎頂并所得升銜亦均一體賞還此次奏報全捷除額勒登保現已遵旨啟程回京外德楞泰著加恩再交部從優

議敘並加恩賞將軍賽冲阿提督楊遇春豐紳馬瑜慶成總兵田朝貴喜明王兆夢慶溥著再加恩俱交部議敘副將吳廷剛著軍機處記名遇有總兵缺出即行簡放並發去珐瑯翎管五箇瑪瑙鼻烟壺五箇翡翠玉扳指瑪瑙扳指各五箇大荷包五對小荷包十箇鍮匙袋五箇著交德楞泰分賞出力各官員又發去一兩重銀牌一百面一兩重銀鏤一百箇五錢重銀鏤二百箇並交德楞泰查明兵勇內出力者酌量賞給其摺內硃筆圈出勦賊出力之都司朱承受守備朱福壽外委甯顯文李洪春兵丁王進敘蕭貴六人著德楞泰查明伊等應如何升擢之處即分別保奏候朕加恩以示鼓勵諭軍機大臣等據德楞泰奏餘匪掃蕩情形此後散匪愈勦愈少德楞泰現已分飭鎮將逐處排搜並通札川陝楚各屬於各隘口嚴密盤詰但王作經王世貴苟朝九三逆尚未殲獲且訊據苟朝

賢供亦稱不知三逆下落德楞泰仍當嚴飭各路一體留心將三逆設法訪查務獲如果已就斃亦當查明實在證據方足憑信此非故為已甚正所謂除惡務盡不留遺憾之意至留兵彈壓一節昨已據額勒登保會同那彥成方維甸籌議具奏分段駐守自己知照德楞泰但鎮將等帶兵分駐不可無統率之員德楞泰威名素著現據稱於城口暫駐自係居中扼要之區德楞泰竟當在彼多駐數月至開春後地方實已敕軍防兵可以徹遣時再回成都將此傳諭知之○緩徵兩淮丁溪草堰劉莊伍祐新興廟灣板浦中正臨興九場被水竈戶新舊額賦是日駐蹕南衙門行宮○壬辰上行圍○軍機大臣等議覆兩廣總督倭什布等覆奏防剿洋盜事宜一沿海村莊准殷實之戶捐建望樓責令公正衿耆派撥壯丁輪流瞭望拏獲匪徒解官審辦有以防奸為名

構釁尋鬪者從重治罪衿耆一併懲處一編立保甲所以清盜源惟查拏盜線若竟委之保甲恐有嚇詐誣捏等弊宜嚴飭該道府實心稽察至客籍與土著無異應一律編排登註一修理艚船船隻查艚船船改造米艇原為駛駕出洋起見業經動帑修造整齊應仍令出洋巡緝其未經改造艚船十四隻俟屆限時仍照艚船式樣修造以資防守一米艇停泊虎門為中權扼要之區宜多屯艚以便隨時調遣一沿海村莊願出壯丁自衛身家毋庸派人領班經理拏獲真盜仍動項獎賞一派委員弁查驗漁船應嚴查委員等扶同捏報及縱役賣放勒索刁難半年內能獲真盜詳請越格署補其急情者撤回以昭懲勸一調防兵丁於腹地陸路營內派往遠離汛營應加體恤水師各營歲領洋賞銀三千兩實屬虛糜應如議停止即為調防兵丁口糧之用一請令委員併驗商船如有得賄縱漏

准民人赴縣府首告審實後將委員揭叅其誣捏挾仇首告者查出倍懲從之○以軍務告竣賞還陝西巡撫方維甸花翎○旌表守正捐軀江西吉水縣民廖宰墀妻趙氏○是日駐蹕團河行宮○癸巳○

上行團 諭內閣國家本支百世蕃衍彌昌

皇考高宗純皇帝時曾疊次筵宴宗室誼美

恩明朕御極以來尚未舉行此典春念宗潢宜

申燕衍著於本年十月二十四日在惇敏殿

筵宴宗室所有一切事宜著各該衙門查照

豫備 旌表守正捐軀直隸東鹿縣民李汝

女李氏 是日駐蹕新衙門行宮○甲午

上還圓明園 詣

安佑宮行禮○乙未命嗣後諭查事件應行速

奏者諭旨內註明由驛字樣該督撫方可由

驛具奏此外不得任意動用驛馬以節郵傳

丁酉諭內閣前年刑部訊明已革恩騎尉

百寧出城探親因患病未能回家並非託故

私出曾經賞還世職寬免處分並諭令各旗嗣後遇有報逃之案俱當詳細訪查不得率意叅革今慶存因負債被逼前赴祖墳暫避距城僅祇五里旋因患病令看墳之楊高氏至家送信楊高氏年老眼花不識路徑又未覓人亦未向慶存回覆慶存遂以為楊高氏已經送信回家迨該旗傳喚慶存當差未到並未遣人赴伊墳地找尋遽行叅奏覈其情節與前年百寧事同一例况離城甚近實非

有心潛逃慶存著加恩開復原職不必交部察議慶存既非私逃該旗並無失察之咎所有叅領松茂副叅領佟宣驍騎校佟瀾前此交議之處俱著寬免旗人在園居住或在親戚家借居皆常有之事該叅佐領等於慶存出外後並不訪明實在下落率行具報逃走該都統副都統亦未確查即奏請叅革均屬冒昧俱著交部分別察議○又諭本年係停止勾決之年據刑部將秋審各犯情罪尤重

者照前例摘敘案由請旨正法繕摺具奏朕
詳加閱看內官犯二名情節俱不至甚重著
仍牢固監禁俟來年秋審時再行覈辦外所
有常犯吳學恒楊八八古亞二張得華吳雄
廖文受胡貴鮑潮富王貴王德金唐潮祿杜
允儀張廷貴杜廷幅李正啟向起塘黃楚舟
李四張應貴史喜文周貴劉英朱文鳴陳文
兆龔懷如喻漢源查牛孜楊五劉貴均張子
強張貴良陳愷順陶杰孫柱王占鼇王牛安
丁小子張九根敦扎布或因姦因竊謀殺故
殺連斃二命或防兵遇賊先退或輪姦婦女
幼童或假差誣竊刃斃無辜最其情節均屬
法無可寬著照擬即行正法賞順天鄉試
年老諸生張桐等六十八名舉人副榜有差
緩徵湖南澧州被水各境額賦戊戌命
嗣後宗室鄉會試於各士子鄉會試三場完
畢後十七日點進當日完場繕譯鄉會試於
十八日進場考試○己亥

上御勤政殿聽政○以翰林院侍讀學士成格
為詹事府詹事太僕寺卿莫晉為太常寺卿
庚子以捕獲廣東鶴山縣會匪迅速賞總
督倭什布花翎○辛丑

上詣

恩慕寺

恩佑寺行禮○詣

大高殿行禮○還宮○命五城於冬春二季設
廠煮賑○壬寅諭內閣特清額奏隨時甄覈

年老技庸之副將滿琪舒隆阿遊擊諸佛保
黃長興守備朱凱等應即勒休一摺所辦甚
是近來各省督撫提鎮校閱營伍甄別將弁
等祇將千把微員舉劾一二人塞責於副叅
大員往往瞻徇優容即遇有年力衰邁技藝
平常者亦不行叅劾以致訓練不能得力營
伍多就廢弛即舉行軍政年分亦不過將微
末員弁劾辦數人充數搪塞從未有認真考
覈及副叅以上大員者即如提督珠隆阿總

兵孝順阿等皆經朕訪知年力就衰諭令開缺及至來京召見衰積已極武職大員有營伍專責安得容衰病人員日久戀棧致滋貽誤況該副將遊擊等或有曾經出兵能著勞績者即因老病舉劾尚可邀恩給予俸養若將老病各員概事姑容直待貽誤營伍時始行叅辦則必全予罷斥轉非所以成全出力營員之道愛之正所謂害之矣今特清額因甘省補行軍政尚須來年辦理為時太遠即將驗明應劾之年老技庸副將遊擊等據實劾奏查辦洵屬認真嗣後各督撫將軍都統提鎮等務於所屬營伍實心察覈遇有年老多病之武職大員亦即據實彈劾毋得仍前徇隱以期營伍日就整飭所有副將滿琪等五員均著交部照例覈辦○又諭給事中秦維嶽奏請將戶部寶泉局短少銅斤案內革職之運員由部開缺一摺所奏是前此刑部審辦此案以運員朱士龍等十七員均經給

過童煥曾使費請查明一體革職並按照所賣餘銅勒限賠繳自應查明冊檔將朱士龍等照例開缺一面行知該員現任省分辦理方為允協若一概咨交雲南則其中有升任他省者又必輾轉咨查徒稽時日即如愛紳一員係原任雲南同知現已升任廣東韶州府知府吏部現有冊檔可稽即可查明開缺徑咨廣東令其革任此外升任他省者亦可照此辦理何必概行知照滇省以致開缺稽時所有本案革職運員朱士龍等十七員著吏部查明現任省分即行知該督撫一面開缺一面勒限賠繳又諭秦承恩奏盤獲吳錦榮一犯係江西豐城縣人從前在湖北竹山縣貿易被賊匪裹脅面刺白蓮教三字旋即逃出該犯不念家有母妻在外遊蕩數年之久今始回籍恐另有別情秦承恩已飛咨吳熊光俟查無別樣情節即將該犯遞解原籍起除刺字照不應重律折責三十板交給

親屬保甲嚴加管束等語所辦甚是從前賊匪裹脅良民面刺蓮花及白蓮教三字原係賊匪詭計使之別於良民絕其歸志迫以不得不從經朕俯察其情屢次降旨以賊匪中如劉之協王廷詔等皆真係白蓮教匪從未聞顯有別識其面刺蓮花及白蓮教者必非入教之人臨陣時不得濫行誅戮俾良民自新有路今自大功告竣以後從前自賊中逃出者紛紛回籍每有身列齊民而面刺字樣仍未銷除若不明示以革面洗心之道誠恐同居里黨見其面有刺文目為匪夥不齒同類有意欺陵兼恐該犯因有面刺字樣轉藉以惑眾驚愚別滋事故俱不可不防其漸現在江西既有拏獲之犯則他省似此者自復不少著各該督撫轉飭地方官出示廣為曉諭如有從前被賊刺面未經銷毀之人即令自行起除勉為良善儻經此次曉諭之後有甘受賊玷不行毀除者一經查出即照吳錦

榮之例治其不銷毀之罪嚴責示懲此乃朕愛護良民欲湔除青氈之至意著將此通諭知之 癸卯祭

歷代帝王廟

上親詣行禮 辛酉明園 甲辰諭軍機大臣等前因江西萬載縣副貢生辛梅臣赴京呈請仍復棚籍分考一案諭令陳大文會同李鈞簡察覈情形悉心籌議具奏嗣據陳大文以李鈞簡堅執歸併考試意見不同該督單銜具奏請將萬載縣棚童仍照雍正年間舊例按五十名以上另額取進一名一二百名以上以次遞加仍不得過四名卷面註明土棚字樣各進各額庶可兩無爭競等語當經批交禮部議奏業據該部議准照該督所奏辦理本日復據李鈞簡奏稱江西通省各州縣俱不分棚籍考試萬載一縣未便兩歧且自乾隆二十八年議准合考以來並無滋事豈得因尋常訟案更張定例調停私釁請仍

舊合考裁去土棚名色並請將文童加額四名武童加額一名等語所奏亦不為無見該縣土棚合考四十餘年相安已久此時若令分籍考試恐土童等心存歧視不免陵辱棚民轉啟訟釁亦不可不防其漸李鈞簡係該省學政辦理歲科兩考於情形自較熟悉著秦承恩會同新任學政曹振鏞再行悉心籌酌體察輿情如李鈞簡所奏較為平允即著據實會議具奏總期準情酌理土著棚民均

各稱便不可因陳大文所奏業經部議准行稍存遷就也○以江南河口一帶淤淺空運不能進口命刑部侍郎姜晟馳往查勘會同陳大文吳璥相機辦理○乙巳遣官祭都城隍之神○諭內閣戶部奏查明節次軍需案內覈減追賠款項一摺已降旨諭令按限飭催完繳矣此等軍需覈減銀兩經戶部奏准於承辦各員名下各追該督撫等接奉部文即應迅速分別催繳今閱戶部所奏清

單內尚有金川軍需案內未完銀兩之原任四川同知鄧瑛等五員均係直隸本籍曾經該部節次行追未據完報試思金川軍需報銷距今將及三十年而直隸省承追者又祇鄧瑛等五員無難按籍行催且各該員應賠銀款自七百餘兩至三十兩零不等為數無多完繳尚易即使人亡產絕亦當早行查明報部覈豁乃懸宕迄今屢催不應殊出情理之外甚至臺灣軍需案內有現任彰化縣縣丞翟灝應追銀五兩有零亦未完繳成何事體外省積習疲玩往往接到部咨遇有承追款項但以行文了事一任稽延甚或假手胥吏從中勒索以致應行申詳之件壓擱不辦此種情弊皆所不免而該督撫等並不隨時稽察嚴催久懸帑項視部咨為具文其意以為部中通行之案非奉特旨嚴催者可比遂爾意存玩忽殊不知部行事件一經奏明依議即係奉旨施行非部臣所捏造豈朕一日

萬幾事事必待降旨特諭乎各省督撫相率效尤因循玩殊堪痛恨在京部院衙門每遇承辦事件稍延時日經朕查出尚即加之訓飭今外省於承追賠項遲至數十年之久在國家帑藏所需原非以區區追繳賠項為亟但似此虛懸不結日復一日殊非政體不可不亟行整頓本日已特降諭旨飭催該督撫等接奉後著即迅速勒限追繳如實無可追者亦即速行確查題報儻再有遲延即當治承追各員以違制之罪嗣後各該督撫等於部行事件總當嚴飭屬吏上緊辦理毋得玩愒從事自干咎戾將此通諭知之○諭軍機大臣等本年七月內據汪志伊奏到江蘇省新陽桃源等四十二廳州縣及各屯衛被水情形一摺曾經降旨令汪志伊再行悉心查勘除低窪地畝民力實難輸將者應行蠲免漕糧外其餘不妨於地丁項下酌加分數分別帶緩以紓民力一俟奏到即降恩旨此

事距今已及兩月何以尚未見該撫覆奏殊屬遲緩漕糧關係天庾正供原不可濫行蠲豁但民間被災果重無力輸將即強事追呼亦屬無益況據汪志伊前摺所敘統計各州縣被水地畝在該省不過十分之二即將漕糧蠲免數尚有限該撫不可心存拘泥必欲將應免漕糧之處概行徵收遲遲不奏則錯會前旨矣朕廑念民依豈有於被災地方靳惜恩澤之理著該撫速即查明各該州縣等民田屯衛被災輕重應如何分別蠲緩帶徵之處據實由驛具奏候朕立降恩旨不可諱飾○緩徵安徽巢鳳陽懷遠定遠壽鳳臺宿靈壁泗盱眙天長五河十二州縣水災新舊額賦漕糧給資池青陽銅陵東流當塗蕪湖繁昌無為廬江九州縣貧民一月口糧○丙午諭軍機大臣等昨據顏檢奏審擬永年縣民人郭四如姦殺死郭張氏一家三命一案業交刑部建議具奏降旨將郭四凌遲處死

矣此等淫兇重犯不容一日稽誅該督既經審訊明確情真罪當即一面奏聞一面恭請王命按律辦理何必照尋常案件奏請勅部聽候覈議豈此等兇徒尚有可量加寬宥之理各省督撫俱頒有王命原為辦理決不待時之犯而設此而不行請用又待何事始請耶畿輔距京甚近文牒往來尚不致延時日設較遠省分遇有此等案件俟該省奏到後勅部議奏施行動須數旬之久或該犯有病斃等事豈不倖逃顯戮顏檢實屬拘泥著傳旨申飭嗣後儻遇情罪重大如殺死一家非死罪三人之案該督於審明後即恭請王命辦理不可稍存拘執也將此諭令知之以工部右侍郎瑚圖禮為湖北巡撫調理藩院左侍郎明興為工部右侍郎轉理藩院右侍郎和寧為左侍郎仍留喀什噶爾辦事調正紅旗漢軍副都統多永武為正黃旗滿洲副都統以內閣學士廣興兼正紅旗漢軍副都

統 丁未諭內閣本日副都御史陳嗣龍奏北城橫街地方編修朱方增家有賊夥突入捆縛事主孫宗起一案該吏目冷暄同都司佟國良赴伊宅內懇請暫緩行文希圖諱盜不報等語已明降諭旨將該吏目等革職交刑部審訊矣朕召見陳嗣龍並據奏汪承需舒聘均不勝臺長之任及詢伊二人有何款蹟陳嗣龍奏對全不明晰因令軍機大臣傳諭令其據實登答旋據陳嗣龍繕摺具奏內稱汪承需好逸惡勞惟恐起早奏事又慮礙外省大吏情面每見有訴冤之人輒云一面之詞何足憑信現在北城捆縛事主一案恭阿拉本云應奏汪承需則稱此事全是虛詞以致京畿道轉向事主究訊該吏目係應叅之人公然自己審訊甚至謂捆縛事主乃其自己所為人人不服舒聘入場監臨欲開通更路經陳嗣龍告以係傳遞捷徑舒聘堅持己見必欲徹牆及示以條例始無可置喙

各等語汪承霈性耽安逸此言不為無因即如每歲舉行秋獮為我朝

家法相承世世子孫必應遵守汪承霈上年奏請停止行圍全不顧國家習勞肄武大典其偷安好逸之情已可概見朕是以將伊罷退尚書授為左都御史臺垣職司言事遇有控案尤應據實奏明申冤理枉以冀下情上達若總持風憲者遇事輒思顛預消弭何以稱朝廷耳目之官諸臺臣復何所效法乎汪承

霈年就衰邁眼目昏花若自揣精力不勝即應早為引退乃經朕屢次詢問尚云勉力供職並無請告之意及辦理公事毫無振作現在北城捆縛事主一案陳嗣龍欲咨札嚴緝汪承霈初亦不以為非何以繼又稱此事全是虛詞試思事主若無被縛刀嚇等情何必虛為裝點豈有不緝正盜轉向事主苦為究詰之理至謂捆縛係事主所自為實屬奇談若云有意誣良豈有將不知誰何之人加之

誣罔乎尤出情理之外著傳到汪承霈及審辦此案之京畿道滿漢御史交軍機大臣將陳嗣龍所奏情節令其一一登答恭阿拉於此案初報時見情節可駭本云應奏何以耽延數日並不奏聞著伊自行明白回奏至舒聘派令入闈監臨本應嚴除弊竇闈中更道既係向來傳遞捷徑久經築牆隔斷何以必欲徹牆開通以便作弊是何主見亦著將舒聘傳至軍機處令其據實登覆統俟奏上時

再降諭旨諭軍機大臣等德楞泰奏此次各路兵勇先後擒斬零匪四十九名所辦甚好至摺內稱現將容留逸匪之寨民汪士義等均即重責並諭以再犯必一律正法等語寨民等隱匿奸匪自應嚴行查究但此等無識之徒若禁約過嚴恐遇有難民來投亦概行拒絕希圖免罪則難民等窮無所歸仍必流而為匪轉非所以安輯善良之道况零星打散賊匪往投寨洞正應令寨民擒獻或可

藉此弋獲賊目若明諭以不准容留則零匪聞風遠颺又必潛匿深山老林更費搜緝著德楞泰密行傳知各碉寨居民遇來投者俱詳細盤詰實係難民即予收留其形跡可疑之人必當留心查察一經訊係賊匪立時首獻定加獎賞果能盤獲賊目者仍照賞格優獎如此剴切宣導難民等藉可容身而零匪亦不致免脫將此諭令知之 德楞泰奏軍營出力人員賞還都司龍必達花翎守備王

英藍翎餘升擢有差○以翰林院侍讀學士
邱庭澄王宗誠侍講學士汪滋畹侍講裴謙
編修李錫恭署日講起居注官 戊申
上幸靜明園詣

龍神廟拈香旌表守正捐軀直隸雞澤縣民李玘元妻慕氏河南上蔡縣民史朝聘妻趙氏己酉諭內閣富俊穆克登額等奏遵旨覆訊吉林民人周殿魁與馮祥之妻田氏通姦田氏毒斃親夫一案究出周殿魁實係

同謀知情按律定擬一摺周殿魁與田氏通姦被本夫窺破田氏起意謀害商令代尋毒藥旋經周殿魁向王大尋討毒鼠藥麪潛交田氏乘間和入酒內以致馮祥受毒斃命是周殿魁同謀情節節經前降諭旨指駁始行研鞫得實果不出朕所料惟稱己革同知舒成委無受賄一節尚未足憑此案周殿魁與人囑託行賄在前該革員赴場檢驗在後若無通同受賄袒護被告情弊何以於相驗時

僅以屍身指甲青點一語向仵作詢問追仵作謊以發變混飾即不嚴加根究雖行賄贓銀二百餘兩經該家人梁寶張幅供出各得銀一百一十六兩恐係舒成明知梁寶等受賄祇應徒罪囑令伊等代為承認應許將來照應而梁寶等竟認得贓為伊主卸罪俱不可知且梁寶等供向刑書劉廷順口稱孝敬本官二百兩下剩銀五十兩伊等均分焉有本官全未得贓竟係梁寶二人分受之理即

云分受亦應究明賊銀現在何處著富俊等再將受賄情事隔別嚴訊或舒成實已得賊或先侵後吐俱當治以應得之罪另擬具奏勿令倖免儻舒成堅不承認亦必實有未經受賄確據舒成罪名方可照富俊等所擬定案餘著先交刑部覈擬具奏尋奏據舒成稱並無得賊及囑梁寶代為認賊之事得旨下部覈議完結 庚戌諭內閣外省遇有盜劫重案州縣官輒思規避疎防處分諱匿不報

該管上司往往迴護屬員顛預了事即如前此邪匪滋事亦由地方官慮干失察邪教處分並不認真查辦而督撫等亦不及早奏聞以致輾轉蔓延養癰貽害是其始不遏欲為屬員倖免叅處而其後遂釀成地方巨案朕節經訓諭力加整飭方冀積習日漸漸除乃不意輦轂之下竟有捏供朦詳如北城吏目冷暄諱盜一案實深愧恨此事既經事主呈報有捆縛刀嚇情節該衙門即應一面具奏

一面飭緝方為正辦而都察院堂官及步軍統領衙門均不免有迴護屬員之見意在壓欄不辦該吏目冷暄聽聞陳嗣龍畫稿行文北城及步軍統領衙門緝盜竟敢邀同都司佟國良至陳嗣龍私宅懇求若非陳嗣龍奏特派軍機大臣會同刑部秉公審訊必不能水落石出現據訊取供詞此案呈報都察院經京畿道訊問事主家人更夫等以供詞不甚明確復交該吏目帶回冷暄以微末之

員輒敢邀同都司佟國良到坊強逼事主供認自行捆縛並誘囑家人陳陞令其誣賴伊主朱方增教供裝點情節甚至代寫供詞硬行塗押事主等手指摹印晝夜熬訊必欲將此案化為子虛殊出情理之外竟同劫盜無異此而不嚴行懲辦何以肅吏治而戢盜風冷暄挾私故勘實為案內罪魁佟國良身係營員祇有緝捕之責輒聽從冷暄先赴陳嗣龍私宅懇求並違例至坊官署內會訊意存

消弭冷暄。修國良均著。分別從重定擬。即速具奏。汪承霈性耽安逸。已於前旨內明白宣示。至伊總持風憲於此案報到時。恭阿拉見情節可駭。以為應奏。而汪承霈忽倡為全是虛詞之說。意欲化有為無。以致屬員迎合其意。改供朦詳。且伊年力衰邁。眼目昏花。實不勝臺長之任。本應褫職。姑念伊係原任尚書汪由敦之子。舊臣後裔。著加恩以二品頂帶休致。舒聘於此案遲延未奏。其咎尚輕。惟伊

平日居官。據陳嗣龍奏詢之英和。成書自悉。經朕先後詢問。俱言其前任詹事時。有懷私褫革供事一事。同官羅國俊成書欲行參奏。經和坤阻止。彼時舒聘自必有向和坤昏夜乞憐情弊。事經既往。姑弗深究。至本年入闈監臨。將瞭望亭臺階下牆垣擅行開門。又欲開通更道。此係傳遞捷徑。雖事經中止。然其初心難保。無豫留弊竇情事。特尚無確據。朕亦不為己甚耳。舒聘卑鄙糊塗。斷不勝副都

御史之任。著降為公中佐領。如伊本係兼攝。即專辦旗務。僅未有實缺。著遇缺補用。恭阿拉於盜案初報時。見情節較重。本云應奏。乃耽延數日。若非陳嗣龍參劾。亦未必即行具奏。著與萬寧均交部議處。祿康范建豐於所轄汛地。平日未能督率營員認真緝捕。迨修國良聽從冷暄。私向陳嗣龍懇求。並違例至坊署會審。已屬失於覺察。乃伊二人經朕召對。猶俱以盜案在疑似之間。為袒護營員地

步。僅自請察議。尚屬過輕。祿康范建豐先著交部議處。仍嚴緝正盜。儻日久不獲。決不再恕。陳嗣龍持正直。陳本應予以甄敘。但汪承霈性耽安逸。已非一日。舒聘與陳嗣龍同事有年。行為乖謬。既經稔知。均應早為參奏。何至經朕召見。始行面陳。且陳奏亦不甚明晰。不必交部議敘。餘著原審之大臣等詳晰定擬具奏。調刑部尚書熊枚為都察院左都御史。以刑部左侍郎姜晟為尚書轉刑部右

侍郎祖之望為左侍郎以前任浙江布政使
劉斌為刑部右侍郎命吏部尚書費淳兵
部尚書明亮刑部尚書姜晟戶部侍郎英和
內務府大臣明德在紫禁城內騎馬緩徵
山西臨汾襄陵曲沃太平吉洪洞絳州稷山
河津聞喜絳縣垣曲十二州縣旱災本年額
賦辛亥諭內閣兵部議奏特清額甄覈年
老技庸之副將等員請照例勒休一摺內有
副將舒隆阿曾出師三次受傷七處此等打
仗受傷人員其自請告休者向例給予半俸
今舒隆阿係勒休之員是以兵部聲明無庸
議給俸養但念其屢次隨征受有多傷著加
恩仍給予半俸以養餘年嗣後勒休武職人
員其有出征受傷三次以上又無貪私劣蹟
者無論年歲俱給予半俸著纂入則例用示
朕眷念戎行恩施格外至意緩徵直隸邢
臺內邱磁三州縣旱災新舊額賦及舊欠倉
穀緩徵雲南晉寧州水災秋糧及條公等

銀 壬子

上詣

大高殿行禮還宮欽差戶部侍郎那彥寶
等奏報豫省衡工鞏固秋汛安瀾賞還撫
馬慧裕護理河道總督徐端花翎知州趙岳
華等下部議敘○癸丑

孝慈高皇后忌辰遣官祭

福陵諭軍機大臣等陳大文等奏順黃壩埽
工以下土隄內有空塘積水東接束清隄處

酌挑口門三四丈於九月十三日挑通放船
當日即過漕船百餘隻至十四日又復淤沙
等語看此情形河口清水不能暢出皆由陳
大文等於夏間將仁智等四壩全行開放宣
洩過多以致清水日形減弱不能暢注河口
頓形淤淺目下已逾霜降黃水長少消多而
湖水亦日益消落該督等務將新開引河熟
籌妥辦蓄高清水暢注河口俾回空幫船足
資浮送此為最要因思向來黃水盛漲原慮

其倒灌清口致礙運道今黃水尚未消落何以河口一帶即至淤淺自係河流別有旁洩之處該督等摺內隱躍其詞并未詳悉聲敘且陳大文等二十五日奏到之摺即稱八月二十八日以後上游黃水已報落一尺五六寸至二尺不等而外河以下河底究未刷深日來僅消九寸等語可見下游竟係高仰自由海口不能通暢此實全河緊要關鍵現在黃河大溜如何行走是否灌及洪澤湖於全河有無妨礙之處著姜晟於途次接奉此旨迅速行走到彼會同陳大文吳璥詳細查明將如何籌辦情形先行據實由驛具奏不可稍有含混至目前急務總須蓄清濟運毋誤糧船歸次一俟新挑引渠啟放回空順行無阻即著由驛奏聞以慰廛念再所請將道員曹恒賞給按察使銜副將汪德賞帶花翎同知張鼎等賞給升銜頂帶一節未免過優曹恒等奔走河干乃係河員專責即在事出力

何至遞請加銜賞翎已加恩優加甄敘亦足以獎其勞績矣將此諭令知之 兩江總督陳大文江南河道總督吳璥奏報秋汛安瀾命陳大文吳璥分詣

河神廟祀謝出力員弁下部議敘 以吏部左侍郎文寧李鈞簡右侍郎恩普充經筵講官戶部右侍郎戴均元署經筵講官 蠲緩江蘇昭文新陽常熟海崑山震澤山陽清河宿遷安東寶應阜寧太倉高淳桃源高郵江

浦甘泉邵沭陽吳元和青浦鎮洋碭山長洲太湖江寧吳江婁溧水漂陽嘉定南匯陽湖奉賢江都句容六合銅山上元華亭金壇無錫荆溪宜興金山金匱四十八廳州縣及蘇州太倉鎮海金山淮安大河徐州七衛水災新舊地漕銀米並賑卹有差 賞廣寧門外普濟堂煮賑小米三百石

上以孟冬時享

太廟自是日始齋戒三日 甲寅諭軍機大臣

等據鑲紅旗漢軍都統縕布等奏該旗葉潤
華佐領下有原任福建詔安縣知縣鞠清美
自嘉慶四年叅革問遣後其家屬尚未回旗
該旗行催已至七次特奏明查辦等語鞠清
美被叅問遣其家屬早應回旗何以遲至數
年竟尚杳然且該革員名下尚有應賠官項
銀三千四百餘兩尤未便任令懸宕究竟該
革員家屬因何故尚不起程回旗抑或業已
起程在於沿途逗遛該督接奉本旗咨催後

奏奉
聖旨

著
該督

即當一面行催一面將所以逗遛之故詳悉
聲覆乃經該旗催至七次實屬遲逾外省疲
玩積習即此可見著王德即行查該革員家
眷現在何處數年來因何故尚不回旗催令
迅速進京勿再任延緩將此諭令知之免
直隸文安縣大窪地畝上年額賦東安縣減
賦地畝上年額賦十分之四 乙卯

孝敬憲皇后忌辰遣官祭

泰陵 以葉爾羌幫辦大臣多善為正黃旗蒙

古副都統 是月山東巡撫鐵保奏籌辦河
道事宜得旨所見甚是凡事應分緩急東省
運道淤淺多而通暢少自應大加挑濬然總
以疏導泉源蓄養微山諸湖之水為本來源
若暢勝人力多矣偶見及此併諭卿知

奏奉
聖旨

著
該督

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百三十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十五

監院魏藏官於昨日請赴堂官太子傅並英殿大學士大湖閣領事稽察欽奉 上諭事件底管理工部事務翰林院掌院學士隨帶知二

級序常四級臣曹欽緒總辦官太子太保文蔚閣大學士管理刑部事務五級臣戴均元隨道員馮超屬法官李之傑內大臣滿洲提舉閣

事候發欽奉 上諭事件處編辦大學士戶部尚書翰林院掌院學士教習庶吉士總管四務府大臣鑲黃旗滿洲都統步軍統領管理戶

船二碑奉宸院清於園等處總理工程處御茶膳房御藥房太醫院西洋堂事務軍功加三級隨帶加二級尋常加十五級紀錄二十一次

臣吳如鵬疏請官太子太保禮部尚書土書房行走吏部總辦管理園子監事務加六級隨帶加二級紀錄四次臣汪廷珍等奉

乾修

嘉慶九年甲子冬十月丙辰朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

孝淑皇后陵寢遣官祭

端慧皇太子園寢
頌嘉慶十年時憲書

丁巳

上幸圓明園
戊午命嗣後順天武鄉試外場

改於十月初七日開弓十二日出榜著為例

己未

上以萬壽節御同樂園賜王以下文武大臣蒙

古王公外藩使臣等食至壬戌皆如之除

江蘇靖江縣坍沒田四頃十六畝有奇額賦

辛酉

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵 遣官祭

孝淑皇后陵寢 遣官祭

顯佑宮

東嶽廟

城隍廟

上詣

安佑宮行禮 御正大光明殿皇子及王以下

文武大臣官員蒙古王公外藩使臣等行慶

賀禮 壬戌吳熊光奏軍營出力官員賞還

副將呢瑪善花翎餘升擢有差 甲子諭軍

機大臣等吳璥等奏現在設法籌辦河口情

形一摺覽奏俱悉清口淤淺由於湖水力弱

不能衝刷而湖水力弱因夏間吳璥等辦理

不善清水宣洩過多所致現據吳璥奏稱擬

將二壩或惠濟正閘上鉗口壩相機堵合使

湖水涓滴不能入運自必全力東注河口必

通即將各幫船輓渡進口暫於太平河一帶

停泊一俟清水暢行即仍拆通草壩口門放

船等語亦祇係一時權宜之計即使今年回

空船隻可以設法輓行明年重運北上設仍

有淺阻又將如何辦理除現在清口淤塞處

所該督等務當上緊籌辦俾回空漕船銜尾

歸次外吳璥不可僅顧目前仍應會同姜晟

陳大文等通籌全局詳察河身受病之處如

何設法商辦使湖水暢出清口黃流不致淤

淺方為經久善策不必豫存惜費之見日事

因循以致全河受病日深更難經理即著將

如何籌辦需費若干之處據實速奏 乙丑

皇后千秋節宮內行禮如儀停止筵宴及在外

公主福晉命婦行禮 丙寅

上幸萬壽山 丁卯諭內閣方維甸履泰詳查

休致都司常保住委無下落一摺常保住前由廣東興寧營都司帶兵赴陝自嘉慶六年經額勒登保奏准休致後迄今已閱三載杳無信息前據伊家屬呈明特交陝西巡撫方維甸確實查奏茲據方維甸奏稱在於山內山外各廳縣挨戶徧查委無蹤跡該員係於六年正月自西安起程趕赴寧陝其時棧東山內處處有賊恐係猝被戕害等語常保住出兵陝省嗣因手足麻木不能帶兵奏請休致並無劣蹟現在查明山內山外俱無蹤跡自因彼時賊氛未靖該員隨身跟役無多致被戕害殊為可憫著加恩照都司陣亡例賞給卹典又諭韋陀保奏圍場總管若作為熱河副都統所屬恐於公事無益等語此兩年來圍場內牲畜短少韋陀保並未據實奏奏本年經朕派拉旺多爾濟前往哨內查出砍伐木植人等驚逸牲畜緣由始據韋陀保在拉旺多爾濟前具稟已屬有心取巧彼時

即應從重治罪經朕曲加恩宥將伊降為該處總管該員既授為總管即不應奏事乃本日摺內奏稱圍場大小官員缺出必須咨送熱河副都統揀選並支領俸餉等事圍場官員又須遠離汛地曠延時日以致牲畜短少等語俱不成話圍場總管為熱河副都統所屬由來已久並無貽誤近年哨內牲畜短少實因該副都統等辦理不善任聽砍伐木植人等驚逸牲畜人所共知乃韋陀保奏不及此僅稱如將總管為熱河副都統所屬於圍場無裨請將伊作為披甲効力當差實屬謬妄不堪滿洲臣僕凡遇派充差務惟當竭力盡職韋陀保越分奏事且摺內僅書伊名並未繕寫奴才字樣看來韋陀保竟有負氣不願為熱河副都統所屬之意大失滿洲臣僕之道膽大妄為豈可姑貸著派刑部筆帖式瑚素通阿會同德勒克扎布一併馳驛前赴熱河會同慶傑傳旨將韋陀保革職拏問並

著慶傑棟派幹員協同瑚素通阿妥為押解來京交刑部會同軍機大臣嚴審定擬具奏德勒克扎布著加恩賞給藍翎侍衛補授圍場總管德勒克扎布係棄瑕錄用人員當感激恩施勉力辦事朕必加恩僅所管圍場事務仍前廢弛必當從重治罪諭軍機大臣等姜晟等奏會籌掣減黃水以期河口通順情形一摺覽奏俱悉此時已屆十月中旬回空漕船開繫至要前經疊次諭令姜晟等速行設法籌辦今據稱公同講求履勘舍放李工口門而外別無良策業於初八日啟放自係萬不得已辦法數日以來黃水自己消減如漕船果暢行無阻著姜晟等嗣後每閱四五日將水勢情形及挽渡船數由驛三百里具奏一次以慰廑注此時即上緊催趲能於十一月全數渡竣歸次已不為早矣至李工口門務當隨時察看一俟清水暢注即當趕緊堵閉毋任下游淤墊為要此次啟放李

工實為一時權宜之計河口為運道必經之路轉瞬開春重運北來尤不可稍有稽阻究竟因何淤淺必有受病之原姜晟當與吳璥等詳悉體察籌商據實奏聞及早辦理以期濟運適行經久無弊方為妥善切不可存惜費之見以致因循貽誤也將此傳諭知之加賑江西德化縣被水災民緩徵南昌新建豐城進賢鄱陽餘干星子瑞昌宜黃九縣新舊額賦漕糧戊辰以翰林院侍讀學士王宗誠為順天武鄉試正考官桂芳為副考官己巳諭內閣禮部議駁鐵保申請增設左邱明世襲五經博士即請令邱明善襲充一疏並將邱氏原誌貼簽進呈內如宋給事中丁謂贊丁謂在宋時並未曾為給事中金王去非詩有請看廿一箇句金時何得有廿一史其餘鄙俚不通之句不一而足至誌內圖像所畫衣冠器具皆非古制顯係牽引附會即所稱左邱明墓在肥城一節前人屢經辨

論亦在疑似之間是該處住居卹姓亦難定為嫡派後裔鐵保學問尚優何以不加詳察濫行申請殊不可解禮部所駁甚是餘俱著照部議行庚午諭內閣給事中汪鏞奏現在五城御史坐城之期大率五日一次覈計每月辦事只有六日殊覺過疏等語所奏是各衙門堂官朕即經降旨諭令於每日到署辦公以期事無曠廢乃近來不但巡城御史有坐城之期即京堂官除六部外其餘各衙門亦俱設有堂期名目每隔三五日始一進署以致案牘壓積豈勤勉辦公之道嗣後巡城御史除另有他事准其間日到署其無事日期俱著常川到署辦事至九卿各衙門非遇值日奏事之期均應按日進署毋許再有堂期名目以重職守而儆怠惰○辛未

上詣

大高殿

壽皇殿行禮還宮壬申諭內閣據福慶奏

查出本年貴州鄉試第十八名舉人倪兆奎第三場墨卷前後筆跡互異訊明倪兆奎因患病不能完場託同號生員胡姓等寫完交卷實無許給銀錢代倩等事請將倪兆奎革去舉人再行徹底嚴訊等語鄉試中式舉人若果有槍倩情弊自應嚴辦今倪兆奎帶病入場五策草稿俱已做就委因第一二道騰完後寒熱交作眼花手顫不能書寫恐致貼出託同號之人寫完適邀中式現據該撫傳令默寫頭二三場詩文策稿均無舛錯又經出題面試文理亦屬通順且驗得該舉人病髮尚在未剃面色黃瘦可見患病屬實而代騰之同號生員倪兆奎尚不能舉出名字是其平日本未熟識非豫為倩雇可知看來此事並無關弊實倪兆奎尚可加恩留其舉人惟試卷託人代騰究有不合著罰停會試一科已足示儆其代騰之同號生員及外簾失察各員均從寬免其置議諭軍機大臣等

前於十二日據姜晟等奏到會籌初八日啟放李工口門掣減黃水以期船行通順一摺當經降旨飭諭計啟放一二日後河口自必通順姜晟等當已將回空幫船行走情形馳奏在途日來殊深盼切乃距今已閱十日並無一字奏及實不可解如李工啟放以後黃水果已消減清水足以暢注浮送自應一面督催辦理一面用四百里奏聞以慰廛注即不能十分通順或幫船仍未能銜尾前進亦應將實在情形具奏另籌辦法何竟杳無信息吳璥身任河督運道是其專責陳大文亦係兼管河防夏間湖水盛漲時既不能斟酌機宜妥為防護輒將信義等壩啟放又被風掣開仁智兩壩致清水減洩太多此時水落歸槽據徐端奏到東河黃水甚弱想南河自亦相同惟清水過形減耗恐掣減黃水仍屬無濟此皆該督等辦理不善之故現因漕船阻滯議開李工為此萬不得已之舉該督等

猶不亟行據實奏報可見前摺屢陳惶悚焦灼之語不過紙上空談而朕實宵旰焦勞無時或釋昨曾有盼信詩佇望極為殷切乃該督等一味因循不知仰體殊屬怠玩陳大文吳璥均著傳旨申飭至漕運係吉綸專責一切均應豫籌該漕督現惟駐守河口同深焦灼有何益處若此時運道通行回空幫船可以催趨歸次固屬甚善萬一數日內不能暢行來年各省漕米必須起剝迎前交兌方可不誤運通所有剝船亟當飛咨有漕省分督撫早為籌辦至旗丁等生計本不充裕重以久住河干食用耗費而來年輓運時該旗丁應得之項勢不能在本省關支該漕督亦應通盤籌畫將漕項各銀米如何酌量變通就近撥款接濟俾丁力不形竭蹶仍可按期抵通此乃目前最要之事著吉綸迅速妥籌具奏以期有備無患若稍有貽誤恐該漕督不能當此重咎也此旨到日仍著姜晟等速將

河口曾否通行漕船如何輓渡情形迅即馳奏毋得再有延緩干咎 予四川陣亡把總羅昌慶祭葬世職鄉勇陳家駿等三名賞卹如例 癸酉

上詣

時應宮拈香 諭內閣前因百齡奏承辦屈抑武緣縣革生黃萬鏐等毀屍誣告冤擬絞候一案當降旨派廣厚馳往會審茲據百齡廣厚審明定擬具奏此案已革武緣令孫

廷標於黃鸞翹毆傷黃文煬身死詣驗時既經作報有傷痕呈出鐵頭木槍兇器該革令輒以死逾三十三日斥令報作因病身故並將鐵器傷改為竹器傷詳結完案已屬故縱兇徒嗣伊家人曹詩向兇手黃鸞翹索取銀兩許辦輕罪該革員事後聞知僅止逐去旋即身故迨屍親復控時該革員迴護前非隨起意殘屍滅去生傷另裝死傷以便反坐原告黃萬鏐誣控之罪種種情節既經徹底

根究水落石出是其顛倒是非任意執法莫此為甚出乎情理之外外省辦理刑名地方官往往規避處分多方迴護寧使兇徒漏網冤及無辜必鍛鍊周內以伸其說而後已該管上司又多據詳審結草率了事殊為可恨之極近年來赴京控告各案經朕特旨交審其審屬子虛者十居八九謂此中一無冤抑朕實難以憑信總由各上司袒庇屬員不問事理曲直惟知意存消弭相習成風牢不可破試思各省控案不一而足若必俱派欽差前往審辦始能昭雪又安用督撫為耶此等積習不特外省為然即如前月北城劫盜捆縛事主業經呈報吏目冷暄不但不上緊緝捕轉將事主虐折逼令改供規避處分雖案情與孫廷標出入人命者不同而其有心捏飾變亂黑白事同一轍旋經軍機大臣會同刑部審明辦理今孫廷標一案係百齡不顧情面始能平反重讞前已賞戴花翎並予甄

敘著再加賞太子少保銜以示優獎而儆疲玩各督撫總應以百齡為法有能秉持公正者必當錫以褒嘉儻仍瞻徇情面一味顛預經朕訪聞或被人糾劾必當加以嚴懲斷不稍為寬貸所有已革知縣孫廷標於家人得贓並不立時追究又復袒徇舞弊即與自受無異伊家人業經身故又安知非該革員得贓授意巧為卸罪地步且主使殘屍圖傾人罪實屬慘酷孫廷標著即處絞以昭炯戒俾各直省不肖州縣官知朕斷不袒護汙吏而使良民抱屈天日昭然朕心可對黃鸞翹用鐵頭禾槍戳傷黃文場身死占地逞兇行賄脫罪未便再稽顯戮黃鸞翹亦著即行處絞公義前任廣西臬司時於屍親壺次上控並未親提研鞠復仍交原審之孫廷標與委員會審以致釀成冤獄玩視人命咎實難辭不必交部嚴議公義著即革職發往烏魯木齊効力贖罪餘俱著該部覈議具奏並將此案

辦理緣由通諭知之 以江西按察使銜齡為貴州布政使江南蘇松糧儲道許兆椿為江西按察使 賑黑龍江墨爾根打牲烏拉等處被水災民 甲戌諭內閣刑部奏覈擬顏檢奏緝獲積匪馬一虎審明定擬一摺所駁甚是此案先據深州民人趙隴雲赴京控告特經降旨交顏檢派委大員前往查緝今據拏獲馬一虎訊明祇係積匪猾賊將該犯照例擬遣但其糾結夥黨多人已閱七年之久犯案累累脫逃後仍不悛改膽敢將贓物赴集售賣並有勒令事主取贖之事種種肆行無忌竟係巨盜夥劫情形豈尋常積匪猾賊可比此並非該部有心苛刻吹毛求疵外省惡習往往存化大為小之見遇有地方盜劫案件輒以被竊申報而該管上司並不細心鞠勘率皆袒護屬員照詳擬結以致兇徒倖逃法網甚至養癰貽患為害閭閻於吏治民生殊有關係所有馬一虎一案著發交顏

檢另派公正明幹大員詳細研審務得實情速行從重定擬具奏設再有迴護希圖含混結案不但將承審之員予以懲處即該督亦不能辭咎矣尋覆奏前供並無不實不盡惟馬一虎積贓在一百二十兩以上改擬絞決餘犯遞減有差下部議行 又諭此案李翠巖向王暢和索欠無償轉被王暢和掌毆當經郭紹周等勸止嗣王暢和同郭紹周等喫飯李翠巖一時忿恨即取柴斧砍傷王暢和

頂心偏右逾五日殞命經原任雲貴總督琅玕依故殺律將李翠巖問擬斬候具題原屬允協刑部議以原題內李翠巖供招祇是氣忿難忍起意洩忿並無頓起殺機有心致死之語該督遽依故殺定擬供勘不符駁令研訊再議所駁未為允協此案王暢和掌毆李翠巖時若李翠巖即將王暢和傷死自當依鬪殺定擬不得謂之故殺今王暢和將李翠巖掌毆當被郭紹周等勸止已經息事乃李

翠巖因王暢和同郭紹周喫飯乘其不備即取柴斧向砍且又砍其致命之頂心偏右等處明係有心故殺安得因其並無頓起殺機有心致死之供遂以供勘不符議駁乎近日刑部議駁外省題奏事件如馬一虎等案甚為允當節經降旨准行若如此案則難以供勘不符議駁朕權衡庶務惟持事理之平並非於部臣所議概從允准所有李翠巖一犯著仍照該督所擬故殺律斬監候秋後處決

餘依議 以奉恩輔國公綿佐為正紅旗漢軍都統榮郡王綿億為正紅旗蒙古都統命塔爾巴哈台叅贊大臣興肇阿克蘇辦事大臣富色鏗額駐藏大臣福寧喀喇沙爾辦事大臣麒麟保古城領隊大臣吉勒章阿來京以寧古塔副都統果勒明阿為塔爾巴哈台叅贊大臣密雲副都統永慤為阿克蘇辦事大臣熊岳副都統策拔克為駐藏大臣護軍叅領副都統銜來靈為喀喇沙爾辦事大

臣二等待衛扎朗阿為古城領隊大臣黑龍江總管富登阿為寧古塔副都統調正紅旗滿洲副都統孟住為密雲副都統以工部左侍郎蘇楞額兼正紅旗滿洲副都統頭等侍衛毓秀為熊岳副都統○賞前任戶部侍郎額勒布四品頂帶以戶部郎中用前任刑部侍郎瑚素通阿以刑部主事用○予陝西四川湖北陣亡遊擊朱集才經歷花君弼千總李國泰把總王世勲楊祿外委鄧維士藍翎披甲哲遜保候補外委鄉勇王友貴六品頂帶鄉勇向廷芳八品頂帶鄉勇王大倫祭葬世職生員趙典成兵丁趙得祿等一百五名傷亡兵丁彭友貴等八十二名賞卹如例○贈甘肅湖北軍營病故浙江按察使王錕光祿寺卿湖北荆宜施道陳蘭森太僕寺卿予祭葬卹廕各如例○乙亥諭內閣長麟奏各省鹽課隔一年始行奏銷請飭部查明根據嗣後應年清年款與各省地丁畫一奏銷一

款各省鹽務有先課後引者有先引後課者其立法之始自必就該省情形酌定章程今既據長麟條奏姑著交部查覈具奏又請令各省藩司悉照蘇州定例於年終將已未徵數目自行陳奏勒限催徵一款外省催徵錢糧其已徵若干未徵若干細數由該督撫具摺聲明此事曾經戶部奏請各直省俱於年終奏報以歸畫一久已降旨准行各省現既照新例辦理無庸另議至徵收關稅請交各督撫派撥佐雜其佐雜不敷委用省分請由京派往不許再派長隨一款實不可行各關口岸非止一處自不能親身在彼徵收是以向用長隨近年來因關差鹽政攜帶長隨過多曾降旨嚴行飭禁俱各凜遵不敢仍前冗濫若如長麟條奏改用委員是以職員而代長隨賤役竟不成話試思該委員豈盡係潔己奉公之人况又須帶用家人其中更難保不藉端勒索是欲防弊而轉增弊實如因外

省委員不敷差遣將在京候補候選及捐納佐雜紛紛發往此項揀發人員向俱帶領引見焉有奉旨揀發之員乃令其供監督廨役尤非體制且分發各員原欲其學習地方事務又豈有專令坐收稅務之理乎長麟摺內自稱謬悠之見則真謬悠矣嗣後各關監督於所派長隨惟當遵照前旨隨時留心嚴為約束其人數過多者亦當酌量裁汰毋得濫行派用以昭覈實 丙子

上詣

雍和宮行禮

宣仁廟

凝和廟

火神廟拈香 諭內閣八旗都統副都統原為辦理旗務教養旗人而設初設時都統均稱為回山額真其任至重且要各大臣等如能實心實力經理方符當時設官之意乃近年各旗值日奏事朕召見該旗都統副都統

等留心詢問旗務伊等每稱公務甚簡不過尋常事件隨時斟酌辦理等語各旗事務亦繁伊等咸稱無事朕實不取豈該大臣等以揀選官員挑缺放米等事即謂盡職耶即如廣興補授正紅旗漢軍副都統到任未久即查出該旗義學教習全興不諳清漢文理叅奏一旗如此別旗可知著通諭八旗都統副都統管理各營大臣等嗣後務當實心辦事於所屬旗人加意教育安分度日熟習技藝以期各復淳樸舊俗斷不可因循塞責致滋廢弛儻有應行叅辦應行更正事件即據實陳奏慎勿市恩徇隱 丁丑諭內閣江南河工本係吳璥專責現在姜晟查勘河口風神廟西至新開引河頭一帶節節淺阻此時糧艘尚不能歸次吳璥辦理不善咎實難辭陳大文兼管河防不能及早妥辦亦有不合陳大文吳璥均著先行交部議處用觀後效以故阿拉善額魯特親王旺沁班巴爾弟瑪

哈巴拉襲爵。戊寅諭軍機大臣等本年江南清口一帶因清水不能暢注黃水頂阻回空幫船鱗次停泊昨據姜晟等奏稱啟放李工口黃水仍不能掣減現擬收束運口加挑引河啟放天然等聞以期減黃濟運已降旨諭令迅速籌辦此時已屆十月下旬本日據吉綸奏未經渡河糧船尚有九十四幫僅稍有遲滯勢不能全數渡黃江廣等尾幫必致守凍已節次降旨諭令吉綸及有漕省分督

撫將來歲新漕籌備剝船迎兌但回空各幫船停泊過冬旗丁舵水人等聚集衆多必須稽查彈壓而守候日久食用耗費拮据情狀自所不免或將桅蓬等項變賣應用逮來歲開行時又必動形掣肘自當早為接濟俾資日用且恐沿途鋪戶藉此牟利遇有幫船售買物件擡價居奇亦不可不禁止防範現在幫船停泊山東境內居多著鐵保即行籌款或親赴該處或派委大員前往照料傳集旗

丁舵水等酌給銀兩並諭以爾等不能歸次凍泊河干情殊可憫是以加恩賞給盤費若不安本分或有潛逃情弊定行治罪不貸並曉諭鋪戶等公平交易飭諭員弁將旗丁舵水等一律管束勿令滋生事端方為妥善其在江南境內各船亦著陳大文照此辦理再前據費淳奏江廣幫船歸次較遠請於河道通順時先令該省幫船在前行走庶可不誤受兌等語但運河一帶朕從前隨侍

皇考高宗純皇帝南巡時均曾親歷河道本不寬廣且閘座甚多幫船笨重恐在後灣泊者不能漫越前行因與軍機大臣議及所見亦同鐵保曾任漕運總督諸皆熟悉此時幫船停泊係在何州縣境內約計銜尾綿長若干里江廣幫船是否可以先行開放之處除降旨詢問吉綸外並著該撫就近察看情形會商辦理仍即速行具奏。己卯
上幸瀛臺御惇敘殿賜諸王宗室等宴並賞資

有差以黑龍江總管色爾衮為阿勒楚喀副都統辛巳諭內閣前因估山泰兩淮綱引不能暢銷請將運豫潞鹽定額給票以杜侵越當經降旨令同興及張師誠悉心體察晉省民情有無妨礙妥議速奏茲據同興奏到辦理情形殊不明晰晉省鹽引歸入地丁久已聽民自運多少本無定數若仍照舊額官為給票勢必先由產鹽地方專員經理並分員稽覈如此仍與官引無異而同興摺內又稱多一衙門稽查恐多一需索之弊僅交與渡口委員填票交各商販收執其無票船隻一概不准過渡是鹽船之得渡與否全憑該委員一人專主縱放勒索聽其所為其利權過重欲除弊而弊更增且由各該管州縣鈐用印信票紙自必指行銷之各州縣而言焉有產鹽之區漫無限制轉令行銷之處發給印票之理殊屬含糊况商船過河總有先後若先到者得票放行而後到者因票已給

完輒行截留必致易起爭釁釀成事端即商船同時俱到該委員索費入己即給票放行其無費者概不准給票更可高下其手於杜弊之道毫無裨益同興不過為一時遷就之計其實私鹽仍不能禁止徒開委員及胥吏等需索之路而已所有晉鹽給票一事仍著交該部再行妥議具奏尋經戶部議駁並請仍令該撫等遵照從前奏定章程於晉省過河之茅津渡止准鹽船對渡登岸不許順流直下其陌底等渡一槩不准停泊其赴陝鹽斤亦令地方官於黃河口查禁偷越並請分飭河南巡撫兩湖總督等轉督各屬於南陽襄陽交界地方嚴行巡緝再湖北宜昌一帶責成新灘通判嚴緝以遏川私從之○又諭御前大臣綿恩等代奏扎克塔爾秦吉斯塔爾懇恩將伊等由包衣佐領改入外旗等語朕撫臨天下綜理庶務一秉至公於內外臣僕有功必賞有罪必罰滿洲蒙古包衣漢人

回子番子等一視同仁從無區別扎克塔爾桑吉斯塔爾從前來京時已入於包衣佐領自宜安分當差豈可妄存希冀從前下五旗並上三旗包衣擡入八旗滿洲原係獎勵勲勞恩出自上豈臣下所得懇請扎克塔爾等本應治罪姑念前在軍營著有微勞著加恩免其治罪扎克塔爾桑吉斯塔爾俱著各罰俸一年以示懲儆綿恩等並未飭駁率行據呈代奏亦屬非是綿恩拉旺多爾濟額勒登保俱著傳旨申飭

上詣

昭顯廟拈香 諭內閣德麟奏查出昨日協和門及中正殿西邊兩處值更護軍等均已睡臥請旨將該管章京司鑰長等交部嚴加議處委護軍校護軍等責革並自請交部查議等語所參未免太過紫禁城內各處值班章京護軍等如有擅離職守赴他處飲酒賭錢等事查出後自應參奏或重責革退或加

號示懲今值更護軍額勒經額等在該班地方睡熟回屬非是然究竟並未擅離德麟係護軍統領於查出時即當將該管章京等記過護軍等責懲何至作為一事嚴參如將睡熟誤更之人如此重辦儻查出擅離職守赴他處飲酒賭錢者又將何以懲治耶看來德麟顯係因伊屢獲咎愆經朕加恩復用為護軍統領特以此事為見長地步豈能逃朕洞鑑前鋒參領楊森司鑰長瑚圖禮未能查出

值更護軍睡臥亦有應得之咎著從寬改為交部分別議處委護軍校阜保值更護軍額勒經額等均著重責示懲但此事究係德麟查出其自請交部查議之處著加恩寬免並傳諭前鋒統領護軍統領等嗣後巡查紫禁城內各處值班之章京護軍儻查出曠班他往等情即嚴參懲辦如祇係睡臥誤更等事即當酌量將該章京護軍校等記過護軍等責懲使禁門值班人等整齊嚴肅毋庸沾名

紛紛瀆奏也。德楞泰奏查明前在軍營出力人員都司朱永受等升擢有差賞兵丁王進欽等藍翎。陝西巡撫方維甸奏擒獲匪犯趙恒裕出力員弁知縣李師白等升擢有差拔鄉勇胡沛為外委賞藍翎。旌表守正捐軀河南偃師縣民翟秀章妻邢氏寧古塔屯丁孫炳女孫氏。癸未德楞泰奏前散遣陝省鄉勇時每名賞銀五兩又格外加賞銀二兩五錢現徵之四川鄉勇較前勞苦請每名給銀十兩從之。甲申諭內閣方維甸奏覈擬郭天珣擅殺賊首曹海揚一案曹海揚本係逆犯前於嘉慶元年因值初辦邪匪之時不可開爭功擅殺之漸是以交該撫於事定後再行覈辦茲大功全載曹海揚尚非著名稔惡首逆必須解京辦理之犯且郭天珣拘繫固圉已閱八年之久其一家眷口被賊戕害至八人之多情尚可原郭天珣著依擬問徒一年伊父年逾七十雙目失明著加恩

准其留養該撫即照例辦理。旌表守正捐軀江蘇武進縣民施松受妻羅氏。乙酉

上詣

奉先殿

壽皇殿行禮。諭軍機大臣等姜晟等奏河口

黃水較前消落一摺連日祥符等閘尚未啟

放黃水已共落五寸自係應候消退而湖口

清水因新築蓋壩蓄住雖時逾小雪並無消

落實堪幸慰此時姜晟等將祥符五瑞等閘

鉗口壩裏頭等項趕辦停妥即行開放黃水

更可掣減清水一經暢注則所挑引河通利

各糧艘銜尾南行自無淺滯之虞此時已屆

寒冬在後幫船多過一幫即少一幫凍阻起

剝之費並可免各水手沿途滋事朕為此事

宵旰焦勞刻不能釋姜晟等惟當仰體朕懷

認真籌畫盡人事以迓

天恩切勿稍涉懈怠忽日內各閘諒經啟放如清

水業已暢注糧艘通行姜晟等自必馳報在

途儻尚未啟放一俟放開後即將漕船行走
通順情形迅速奏聞以慰廛注將此諭令知
之旌表守正捐軀河南上蔡縣民耿雙德
妻趙氏是月署陝甘總督那彥成等奏籌
遣山內游民得旨所辦甚好南山之內終有
隱憂必得精明強幹懂事而不生事辦事而
不畏事之人方能鎮服卿等時時留意勿忽
○湖北巡撫瑚圖禮奏報接印得旨湖北民
氣未復總宜培養不肖有司必應黜革不可
姑容查覈奏銷切勿牽混勉之

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百三十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

世宗憲皇帝實錄卷之一百三十六

嘉慶九年甲子十一月丙戌朔○丁亥

上御乾清門聽政○諭內閣六部衙門政務殷繁臣工等理宜敬共朝夕遇有應奏事件隨時陳奏方免叢聒之虞從前我

皇祖世宗憲皇帝因駐蹕圓明園道路稍遠特令文職各衙門輪日奏事原以示格外體卹之意至進宮後各衙門並不輪班值日奏事者原以宮廷密邇無難日日進內乃近來各部堂官意圖安逸每聞有御門日期將應奏之事及引見人員俱於是日彙齊奏辦其前

後兩三日間竟不進內奏事者絕少朕留心察看已非一次朕未明求衣燈下辦事同此勞者惟軍機內廷數人耳別部堂官遇應奏事件及應帶領引見人員延玩不奏在家高卧以避曉寒於心安乎於理得乎京員如此怠惰外任尚可問乎即如本日御門後吏部帶領月官正黃旗值日帶領引見俱屬照例按期辦理而禮部兵部及三庫亦均於此日帶領引見實屬趁便試思禮兵二部並非吏

部月官可比而三庫引見之事更屬無多何以必於今日帶領朕日理萬幾從不稍延晷刻並非因本日事多畧有憚煩特因兩日前各衙門奏事太覺寥寥耳前月三十日永思殿用膳辦事僅有都察院步軍統領衙門陳奏事件昨日又祇有鑲黃旗引見官十三員禮兵等部及三庫應行引見人員何不可移前帶領而必湊集於御門之日謂非有心積壓希圖便逸而何此內如內廷行走諸臣每

日進內本無可偷安自係外廷各員憚於早起故乘御門奏事之便相率為此殊非敬事之道至小京堂衙門事務較簡該堂官甚至日高未起而於進署辦事猶復各定堂期此等積習豈所謂靖共匪懈者乎朕此時不難降旨令各部堂官每晨趨直以儆怠惰但念此中尚有年老諸臣趨走維艱朕亦不為已甚嗣後各部臣務宜力加振作於應辦之事隨時陳奏即朕拜廟拈香各處所無不照常辦事非務遊觀各衙門儘可呈遞奏章其有可帶領引見之處並應酌量帶領何必因朕偶有臨莅輒稱不便奏事自耽安逸轉以為仰體朕躬耶著將此旨通諭六部衙門各堂官共知警省各思夙夜在公之義無負朕拳拳訓誨至意○以大理寺卿廣敏為都察院左副都御史大理寺少卿曹師曾為太僕寺卿○命改禮部祠祭司漢郎中為題缺從尚書琳寧等請也○贈辦理軍需病故四川布

政使楊揆太常寺卿子祭葬卹廕如例○予四川陣亡守備李朝相千總趙祥藍翎長通善浙江捕盜傷亡把總鄭金柯介錫祭葬世職如例○戶部議准江蘇巡撫汪志伊疏報婁青浦無錫丹徒四縣開墾田二頃七十畝有奇照例升科從之○戊子諭軍機大臣等前因回空幫船阻滯山東境內居多諭令鐵保前往照料酌給旗丁等銀兩以資接濟茲據覆奏全漕尾幫於初二日均可埽數出境所有接濟事宜應歸江省辦理並據稱請令江南附近州縣無論大米小米每船籌撥三兩石又河口現在築壩挑淤需人甚多應令該千總每船雇覓三二人赴工應役等語旗丁等守泊多時食用自形拮据前據吉綸奏請將江浙安徽各幫船每船酌借銀三十兩二十兩不等業已降旨准行但思回空幫船食米已盡此時概給銀兩不特舵水人等支領以後易於花用並恐買米紛紛致啟市僧

居奇之弊著陳大文會同吉綸體察情形如各幫船食米短缺即於借給銀兩內酌扣二三成將米抵給俾資餬口儻該地方存米無多不敷支發現已諭令汪志伊豫為籌備該督等需用時即飛咨該撫運撥散放其江廣幫船現已陸續行抵江境河口即日通順自可以次過行儻尚需停候亦著一體查明辦理至築壩挑淤等工需用人夫本多鐵保所稱雇覓水手應役事亦可行泊船之日舵水等一無事事游手好閒尤須防範莫如雇募赴工得受夫價既可倣以工代賑之法亦不致滋生事端並著姜晟等酌量辦理現在黃水大落河口即日陽順其各幫船之在途次者並著該督等嚴飭弁丁協同趕緊催輓渡黃總以多得一幫歸次即得一幫之用不可再有稽滯為要將此傳諭姜晟陳大文吳璚吉綸等並諭鐵保知之又諭江省本年被災州縣補種之後自尚有收聞現在徵收漕

糧交倉米色過於挑揀固為鄭重天庾起見但該省本年究經被災晚收之米恐未能一律純淨且該處尚有買米交倉者若過於挑斤小民等輸將仍屬竭蹶且恐胥吏等乘機舞弊得以恣意訛索著傳諭汪志伊留心察看如產米之區能交好米固屬甚善儻有實在不能純淨之處亦不必苛求或米色稍次如私粳等項可酌量收兌亦向例所有現在通倉存貯之米皆隨時支放亦不虞日久存倉致滋微變也旌表守正捐軀四川眉州民劉正清妻趙氏戶部議准浙江巡撫阮元疏報錢塘富陽安吉鎮海四縣開墾沙蕩田五頃四十七畝有奇照例升科從之己丑諭內閣朕明年前往盛京特因恭謁祖陵無暇閱操行圍著富俊將豫備閱操行圍兵丁概行停止吉林為盛京鄰省秀林自必至盛京接駕請安亦毋庸帶領行圍官兵前往所有黑龍江善獵官兵亦不必令其前往

其射布靶官兵著富俊照前例豫備○又諭理藩院奏瑪哈已拉業經承襲阿拉善親王所遺加賞公爵請旨裁革等語瑪哈已拉所襲公爵並非世襲罔替本應裁革但念旺沁班已爾前於勦辦甘肅逆回著有勞績是以加賞公爵令伊弟瑪哈已拉承襲茲若以瑪哈已拉承襲阿拉善親王即行裁革朕心殊有未忍著加恩將此公爵准其再襲一次交理藩院將瑪哈已拉之弟二人帶領引見候旨指定一人承襲以示朕矜卹蒙古世僕至意○諭軍機大臣等鐵保奏辦理來年新漕各款著該督撫等酌量情形悉心籌畫其中有應行豫備者即早為料理其另片奏丁力全疲明歲新漕請飭江省督撫曉諭水次州縣寬為籌助不致苦累軍旗等語本年回空幫船在河口停泊日久旗丁等自必多用盤費昨已降旨賞借銀兩俾資接濟至來歲新漕若竟曉諭水次州縣寬為籌助則不肖地

方官得以藉口任意浮收旗丁等亦必從而需索無厭仍係累及小民著該督撫等妥為籌辦固宜體卹丁力亦不得任聽該丁等有勒索州縣等事惟在各督撫及該總漕隨時稽察嚴加鈐束儻州縣官徵收糧米有額外多取之弊各督撫即查明叅辦若旗丁等肆意勒索亦當嚴行懲治總期不分畛域同力辦理該丁輓運有資而百姓亦無騷擾之虞方為妥善將此各諭令知之○戶部議准貴州巡撫福慶疏報涓潭縣開墾田一十七畝有奇照例升科從之○庚寅上御太和殿視朝王以下文武升轉各官謝恩湖廣總督吳熊光等奏鳳凰廳係苗疆咽喉最為緊要沿邊二百數十里共建碉卡八百餘座原議屯丁六千名更代防守每丁量授田五六七畝不等共需田三萬餘畝除鳳屬民人呈出田二萬餘畝分授勇丁四千名外不敷之田在附近同資保障之麻陽瀘溪

二縣酌量分均其乾州等處各在本處一律均田屯勇茲據總管三廳邊務鳳凰廳同知傅鼎稟稱麻陽瀘溪二縣均出田一萬餘畝已丈收五千餘畝分給鳳凰廳屬原留鄉勇一千八十一名歸屯乾州廳屬已丈收一千五百畝分給原留鄉勇三百名歸屯計歸屯鄉勇一千三百八十一名本年秋成豐稔該丁等口食有資未便與未經授田之丁一體支食鹽糧致無區別應請覈實住支其餘業經報均尚未丈收之田及古丈坪保靖縣二處屯勇四百名應均田二千畝永綏廳一路田本無糧原議挑撥壯勇二千名分布防守現須丈清田畝再行分給統俟來年秋收後全局報歲至裁存土塘苗兵原因暫時羈縻窮苗起見未便習以為常今傅鼎督令開山種地買牛置具漸次安頓應將現可耕種謀生之土塘苗兵酌加裁汰鳳凰廳屬裁去二千二百名乾州永綏每處一千二百名古丈

坪一百名保靖縣三百名共裁五千名均於本年十月初一日住支鹽糧工食以節糜費此外未經授田鄉勇二千一百四十一名裁存土塘苗兵九千九百三十六名仍照舊分別支給俟來年均田全竣另議裁撤下部議行壬辰諭內閣御史五誠額奏各部院衙門筆帖式遇有題升保送各項差使請先儘京察一等人員題升保送一摺所奏是京察為激揚大典各部院堂官保送一等筆帖式自必將平日當差勤慎繕譯通順者遴選保奏引見後除記名升用外其未經記名准列一等加級仍在原衙門行走者遇有本衙門題升保送差使自應先儘升用乃往往有將二等之員列入而京察一等之筆帖式轉致向隅若謂一等之員不稱遷擢則從前京察時何以名列薦剡若謂二等中本有出色之員理宜量為升用則京察時又何以不列入優等辦理兩歧殊未允協此亦不獨筆帖式

一項為然嗣後各部院衙門遇有題升保送之處先儘一等人員如一等無人或一等之員遇有事故及始勤終怠者方准以二等人員題升保送該堂官不得意為高下○又諭御史五誠額奏新疆南北兩路大臣年例頒賞食物請酌量更換一摺所奏亦是新疆大臣年例節費用昭恩渥但應鹿魚肉等費由京於年底頒發至次年春閒始由驛遞到屆時應鹿等物皆已腐壞且沿途需用馬匹車輛馱載徒勞驛站轉虛恩賚至意嗣後除荷包藥錠等件仍照舊頒賞外其年終應鹿魚肉不能經久之物著交茶膳房酌換他件奏明頒給○引見翰林院保送御史人員得旨楊祖純李瑚吳榮光陳超曾楊世英著記名以御史用○禮部尚書琳寧因病給假轉都察院左都御史恭阿拉為禮部尚書以刑部右侍郎英善為左都御史調兵部右侍郎貢楚克扎布為刑部右侍郎禮部右侍郎德文

為兵部右侍郎以內閣學士多永武為禮部右侍郎○以正藍旗滿洲副都統英善為正黃旗漢軍都統調鑲藍旗蒙古副都統德文為正藍旗滿洲副都統以烏什辦事大臣伊冲阿為鑲藍旗蒙古副都統○賞四川捐備軍資及設廠施粥之候選同知戴登霄等職銜有差從總督勒保請也○旌表守正捐軀江蘇睢寧縣民尹廷茂妻吳氏守正被戕陝西大荔縣民楊之顯妻王氏○甲午遣官祭先醫之神○諭內閣本日姜晟等由四百里馳奏運道已通糧船輓渡一摺覽奏欣慰本年江南清口一帶間有淤淺回空糧船在彼阻滯前後已屆兩月朕心時切焦塵節經降旨令尚書姜晟會同該河督等設法疏通朕於宮內齋心望空叩禱仰祈神佑特親頒藏香前往令姜晟等分往各處河神廟虔禱茲據姜晟等奏稱初三日接奉諭旨敬謹禱祀之後是日申刻至初四日卯

刻黃水頓消。清水高出五寸。旋即啟放引河。適風轉西南。清水乘風外注。大形通暢。一面督令幫船趕緊輓渡。至本日戌時。已過船一百零八隻等語。叨沐

神庥如響斯應。朕叩感之餘。倍深敬惕。特發去大小藏香各十炷。著姜晟等即虔詣各處河神廟代朕祀謝。並當親書扁聯。續行發往。用荅

靈貺。尋頒發

御書扁額曰功宣利涉。○乙未。以侍講貴慶充日講起居注官。○以直隸正定鎮總兵官七格年老。泰寧鎮總兵官興長久病。俱命回京。賞七格副都統銜。在大門頭等侍衛上行走。興長在散秩大臣上行走。以散秩大臣海澄公黃嘉謨為正定鎮總兵官。正黃旗蒙古副都統多善為泰寧鎮總兵官。內閣學士阿隆阿兼正黃旗蒙古副都統。○丙申

上詣

大高殿行禮。○丁酉。免雲南標匪滋擾之麗江府屬迴龍廠上年銅課。○戊戌

聖祖仁皇帝忌辰。遣官祭

景陵

上詣

壽皇殿行禮。○除江蘇奉賢縣捐置義冢田八畝。有奇額賦。○庚子。諭內閣。大學士保寧等會同禮部議駁。阮元奏請駐防生員就近准其鄉試一摺。所駁是。各省設立駐防。以寓武

備。國家立法。自有深意。其子弟遵守淳樸之風。祇應以練習騎射為本務。原不責以通曉文義。特因承平日久。家絃戶誦。其中有嚮學讀書之人。未便阻其上進。是以准令就近應考入學。已屬格外恩施。至願應鄉試者。自應赴京與考。定例鄉試錄科。與在京八旗舉子先行考試。馬步箭合式。方准入場。以示不忘肄武之意。若如阮元所奏。欲令就近鄉試。另編字號。取中已屬格礙難行。且各省應試人

數多寡不齊若紛紛奏請另立中額實於體制未協並恐駐防八旗競思以文藝進身轉置騎射於不問必致拋荒本業流為文弱漸失舊風殊有關繫況京師為八旗子弟世居顧名思義豈可入外省鄉試乎此事若係滿洲大臣陳奏尚當加之懲處姑念阮元係屬文臣未能通曉八旗政務尚可不加責備然其事斷不可行特通諭各省駐防咸諭朕意

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十七

嘉慶九年十一月辛丑諭內閣向來遇有揀選各缺特派大臣等公同挑選人員帶領引見派出之大臣理應各矢公正慎重遴選乃近日風聞有派出之大臣即將本人至親挑入揀選擬正已經補放不便撤回引見時所派之人並不入班朕何能記憶原派之人一時簡放已為所愚此人姑不深究自問於心能無愧乎試思鄉會試迴避考官定例甚嚴至揀選得官立法尤應嚴密若鑒儀衛官員一經邀恩錄用不數年即可升至副將

嘉慶九年甲子十一月辛丑諭內閣向來遇

有揀選各缺特派大臣等公同挑選人員帶領引見派出之大臣理應各矢公正慎重遴選乃近日風聞有派出之大臣即將本人至親挑入揀選擬正已經補放不便撤回引見時所派之人並不入班朕何能記憶原派之人一時簡放已為所愚此人姑不深究自問於心能無愧乎試思鄉會試迴避考官定例甚嚴至揀選得官立法尤應嚴密若鑒儀衛官員一經邀恩錄用不數年即可升至副將

叅將二三品武職使相率瞻徇悉取貴游子弟何以收得人之效以此類推則凡文武揀選各項員缺派出之滿漢大臣想亦未必悉能杜絕嫌疑毫無瞻顧著吏兵二部將揀選派出大員其宗族姻親應如何迴避之處酌定限制奏明載入則例以昭公慎尋議嗣後揀選照京員迴避例祖孫父子嫡親伯叔兄弟外姻親屬母之父及兄弟妻之父及兄弟己之女壻嫡甥俱令官小者迴避惟揀選內有人數過少者過派出之大臣例應迴避必致不敷揀選議於奏請欽派摺內聲明請旨多派數員如有應行迴避之員即令派出之大臣迴避再遊擊品級較崇請照叅將例欽派大臣揀選此等輪用旗員之缺人數亦屬無多應令派出之大臣迴避都司守備仍照例由兵部堂官揀選如堂官內有應行迴避者即毋庸會同揀選從之○以故杜爾伯特扎薩克郡王納旺索諾木子曼達爾襲爵

壬寅諭內閣每歲十月間派王大臣考驗應封宗室揀選清語騎射均屬可觀者數人帶領引見候朕酌量加恩賞給翎枝緞匹此乃鼓勵宗室子弟之意但此等考驗雖係欽派王大臣酌定等第其管理宗人府事務王公等亦皆在坐是以欽派王公等未免瞻徇該衙門王公情面每將伊等子孫選取帶領引見即如去歲永琮之子今歲弘勳之孫俱選取帶領引見是其明證嗣後考驗應封宗室內遇有管理宗人府王公等之子孫伊等清語騎射縱屬皆善祇以可觀具奏不必帶領引見至年未及歲之親王郡王皆係承襲顯爵之人亦可停其入考永著為例○又諭御史王瑤臺奏請定升遷人員引見限期以防流弊一摺所奏甚是各衙門升遷員缺事關職守豈得任意遲緩何以吏部帶領給事中二缺其吏科一缺引見遲至一月之後而刑科一缺三日後即帶引見遲速懸殊如此竟

係任意辦理又禮部儀制司郎中一缺係本年八月所出該部直至本月初二日始帶引見遲及三月更屬草率益不可解似此漫無期限任意遲緩難保其中無夤緣壓缺等事著交吏禮兩部堂官明白迴奏此後各衙門出缺引見以及外省送部引見人員著該部酌定限期以杜流弊仍隨時知照稽察各衙門如有逾限即行叅處示儆尋吏兵二部議奏嗣後在京各衙門應行題補之缺定以出缺後二十日內帶領內外雜項人員定以驗到後二十日內帶領如有輟轉行查者均寬限十日其各衙門引見人員統限三十日內帶領武職人員赴兵部驗到定於十日內考驗弓馬十五日內帶領引見從之○命河南衛工幫價銀自十二年為始分十年攤徵○癸卯諭內閣據禮部覆奏題補儀制司郎中一缺因擬正之員外郎盧蔭溥現出試差咨明吏部俟該員差竣回京帶領引見是以兩

月後始行帶領等語所辦尚無錯誤但摺內聲敘該部員外郎祇有三員除盧蔭溥應行擬正外一係京察兩次三等一係到部甫經三月均未便擬正設盧蔭溥於簡放試差後復簡放學差則不但不能即時回京引見升任郎中其本任員外郎亦應開缺豈禮部竟將下考及到部未久之員遷就題補耶嗣後各部院題補人員如有人缺相宜應行升用而該員奉差在外者均著先行奏明則遲延之故衆所共知自不致別生物議至本衙門僅遇有題升缺出並無合例應升人員應如何酌定規條之處著吏部詳細妥議奏明通行各衙門一體遵照以昭畫一尋議奏嗣後各部遇有出差人員保題合例者該堂官即欽遵諭旨先期奏明俟該員差竣回京再行帶領引見至各部保題之缺自應遵旨先儘一等人員保題一等無人再保二等如再無人咨明吏部升選從之又諭戶部議駁馬

慧裕奏請將嘉慶六年以後軍需例外支用幫價及初續兩案部中覈減銀兩仍歸通省攤廉還款一摺豫省軍需幫價原以支應浩繁凡例外加增之款准令於通省養廉內分年攤扣歸款自嘉慶元年截至六年十二月為止其七年以後業據該撫奏明除官兵車騾腳價等項外所有運送軍裝各項銀兩將幫價全行刪除至八年三月以後一切幫價經部議概行停止該撫自應按照月日分別辦理乃此次但以嘉慶六年以後軍需例外幫價為詞籠統奏請攤廉歸款殊屬含混至軍需正銷冊內經部臣覈減銀兩亦請攤扣通省養廉歸款尤屬非是試思此等銀兩均係當時承辦各員濫支濫應今事閱數年升調事故者居多若不查明責令賠繳則原辦之員竟得置身事外而轉藉後任應得之養廉攤補前任浮支之款項辦理既不平允況該州縣等於地方公事多有攤廉扣交款目

此次軍需已有攤扣幫價不下二百餘萬兩若復令攤繳正案覈減銀兩未免動形支絀必致日久懸宕輾轉遲延仍屬有名無實亦非慎重清釐之道且恐不肖之員藉端派累尤不可不豫為之防本年秋間湖北省清查軍需案內經該督撫奏將浮支銀兩查明收受及濫應各員名下分賠曾經降旨通行著馬慧裕查照章程詳悉確覈奏明分別追賠歸款以清帑項其六年接到部文之後一切幫價銀兩均著遵照分別刪除將停止月日咨部查覈不得再有含糊

上以冬至祀天於圜丘自是日始齋戒三日 乙巳

上詣南郊齋宮齋宿 諭軍機大臣等姜晟等奏稱治河之法以蓄清敵黃為上策此語誠是至以減黃助清為中策朕看來竟係下策清水

所以敵黃自應蓄深暢方足以資刷沙之益若恃減黃以助清必致洪澤湖底逐漸停淤久且成為黃水瀉注之所成何事體若將來淮黃不分又借何水衝刷淤墊凡事須念及久遠不可祇圖目前朕聞今年春夏間黃水盛漲灌注入湖湖底本已淤高不能容納是以當清黃並漲時高堰隄工幾致危險陳大文等乃始議開信義等壩權宜補救前曾屢次降旨詢問未據詳悉奏陳今姜晟等籌辦各工欲請加培高堰試思湖底若未淤墊又何必將堰工增高即此可為黃水入湖之明證至祥符五瑞兩閘前曾降旨詢問陳大文等應否即行堵閉該處下游有無被淹之處此次姜晟等摺內稱該二閘距洪澤湖四十餘里瀉水建瓴逐漸澄清無慮流沙墊及湖身兩閘金門不但無庸堵閉仍於西閘牆迤上土隄展寬五六丈盤做裏頭另挑引渠俟明春查看情形再為啟放等語祥符五瑞

二閘若長時間開放不行堵閉設水勢建瓴而下黃河大溜或為所奪湖身豈能容受且黃水經由之處亦豈能悉行澄清不使挾沙入湖設此四十餘里內泥沙停滯漸將引渠淤淺填為平陸則水仍無處消納況兩岸皆有民田廬舍亦豈能無被淹受害處所伊等此議自係專為明春重運經行起見但朕意此二閘長時啟放究屬不妥仍著姜晟等慎重籌度妥為經理並遵前旨將該處下游有無淹浸之處確實查明具奏不可稍有諱飾至姜晟等所籌加培高堰石工各款亦不過一時補苴之計朕初不吝惜此費但究非一勞永逸經久無弊之策應俟徐端等將海口各處情形逐一履勘後再集思廣益悉心籌畫務將全河積年受病之處疏治通暢使運道隄工永無妨礙方為盡善也將此諭令知之

丙午冬至祀

天於

園丘

上親詣行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵 命

皇次子 吳 祭

孝淑皇后陵寢 遣官祭

端慧皇太子園寢 停次日朝賀 賞八旗

兵丁一月錢糧 丁未命嗣後新疆換回各

員御前乾清門侍衛散秩大臣大門侍衛仍

准照例戴本職花翎其因派往新疆始經賞

戴者換回後均不准戴用著為令 旌表守

正捐軀河南伊陽縣民王亮妻閻氏 戊申

上詣

雍和宮行禮

宣仁廟

凝和廟

火神廟拈香 諭內閣向來候補三品以下

京堂翰詹等官應行赴部驗到者均止在部

投遞名帖並不親身到部嗣和珅管理吏部

酌定章程令此項人員赴部具呈驗到本非

通行定例今候補侍講李傳熊既係六月齋

文到京祇因投文時遺漏名帖尚非大錯此

次侍講員缺著准其一體開列仍著補具名

帖存案嗣後三品以下京堂翰詹等官應行

赴部驗到者仍照向例將文書與名帖一同

送部著該部纂入則例 諭軍機大臣等姜

晟等奏漕船輓渡情形一摺據稱自本月十

三日亥時後截至十七日午時所有江蘇省

漕船四十八幫計二千二百九十八隻俱已全數渡竣浙江船亦已渡過兩幫計九十六隻等語此時未渡幫船祇有浙江安徽及江廣船計二千隻日內天氣晴和風帆順利幫船等以次趲渡計月底自可一律渡竣所辦尚好惟幫船漏夜行走此數日來月色漸微遇有溜勢湍急之處不可不格外隄防總當於催趲之中加以慎重為要至各省有漕地方前因幫船阻滯俱經封雇民船豫備剝運此事商民等均不免滋累自以早行停止為要現在河流業已暢順若必俟各該省幫船全數渡竣之後再行知照本省未免太遲吉綸當酌量情形一俟某省某幫船隻將次渡竣即先行知照該省地方官停止封雇船隻以杜擾累又據陳大文吳璣另片奏稱祥符五瑞等閘宣洩實為得力轉瞬重運經臨擬留此兩閘過水以資減黃助清等語前此聞知祥符五瑞等閘減黃助清原係一時權宜

並非正辦今陳大文吳璣慮及明年重運經過時黃流盛漲欲暫緩堵閉以為宣洩地步若彼時黃水建瓴而下掣動大溜又將如何辦理且湖身現已較前淤墊設黃水宣洩不已挾沙而行湖身受病益深又何以存蓄清水乎昨已有旨令陳大文等慎重籌度今伊等既有此奏仍著陳大文吳璣詳細籌熟若祥符等閘不即堵閉伊二人能保明年黃水不致奪溜湖身不致受淤有何確據萬無一失即著照所奏辦理將來設有貽患之處惟伊二人是問仍著伊二人先行據實覆奏又陳大文奏稱該閘下游本係湖灘窪地民田村落無多該處居民見興工啟閘先已遷居高阜均屬寧謐聞有數處被淹田廬已量加撫卹等語所奏非是該處民人本皆安居樂業今見興工啟閘不遑寧處咸各遷居高阜以避水患其蕩析情形實為可憫試思高阜地方該民人等豈素有房產今因避水移居

諒不過搭蓋窩棚暫時棲止其原在窪地之房產盡付洪流尚得謂之不失所乎朕廩念災黎宵旰不釋陳大文辦理此事未免疏率此旨到日即著派藩司康基田迅速前往率同地方官據實詳查應如何實力撫卹或分別蠲緩之處即據實奏聞候朕加恩勿再諱飾以署陝甘總督那彥成為兩廣總督調兩廣總督倭什布為陝甘總督已酉諭內閣戶部等衙門議覆朱桓條奏京城錢價過昂請嚴察積弊禁止居奇以便民生等因一摺國家設局鑄錢原以利用便民而錢價之昂貴總不外局中短鑄及奸商私毀二端京城寶泉寶源二局按卯兌發銅鉛鼓鑄錢數自有定額該錢法侍郎自應督飭各該監督釐剔弊竇實心經理而奸商私毀之弊即京師亦所不免著步軍統領衙門嚴密訪拏以清獎源至外省設立錢局按卯鼓鑄何以錢價騰貴更甚於京師自由各該督撫及各該

地方官不實力督辦或係局中短鑄或有奸徒私毀以致錢文不能充裕價值日昂嗣後各直省督撫當轉飭各地方官一體嚴察如查有短鑄及私毀情弊立即查拏懲辦毋得視為具文以重錢法而利民用儻各該督撫等不實心籌辦經朕訪聞或別經發覺惟該督撫是問○諭軍機大臣等昨降旨將那彥成調任兩廣總督諭令認真緝捕洋匪會匪整頓地方朕風聞該省之陸豐縣甲子司有土匪李崇玉曾經犯案擬遣脫逃現在逃回本籍手下盜夥甚多與該處文武衙門兵役潛相勾結信息交通地方官因其羽翼散布因循不辦當交刑部查取該匪犯事原案李崇玉先經擬徒續於嘉慶六年改發伊犁由南海縣起解遞至曲江縣地方該犯乘兵役睡熟扭斷鐐銬掀開蓬艙梟水逃逸並聲敘解役楊洪因患病身故等語李崇玉係積年土匪屢犯搶奪傷人重案前此逃逸時焉知

非伊夥匪乘夜劫奪致傷解役地方官避重就輕捏稱病故該犯現在公然遁歸本籍勾結多人迄今數年地方官竟不設法緝捕養癰貽患尚復成何事體著那彥成到粵後即嚴密查訪該犯李崇玉現在是否仍在甲子司地方窩藏其夥黨究有若干人近時作何行止訪查的確即密選明幹妥協善能緝捕之文武員弁懸立賞格將該犯設法擒獲訊問明確立寘重典庶首惡一除則餘黨渙散不致株連多人釀成巨案但那彥成須密之又密慎重從事萬不可稍有洩漏致該犯聞風遠遁尤不可輕舉妄動致有率衆拒捕之事辦理轉致費手總須得人後慎密辦理不可冒昧亦勿因循再據長麟奏稱伊在兩廣總督任內曾經製造米艇若干隻並有商民捐辦若干隻用以出洋捕盜最為便利等語聞近年來營官以船身損壞不便駕駛地方官則以修費不貲互相推諉遂致終年停泊

日久徒歸朽廢前經倭什布等奏請將艚船改造之米艇三十三號懇於關鹽盈餘項下動支銀四萬餘兩修理業經降旨准行又據奏該省初造米艇九十三號今沿海東中西三路各有米艇數十隻亦經軍機大臣議令將實存船數咨部查覈那彥成到任後即查此項米艇現在實有若干隻如有損壞即應督飭地方官上緊修整以備出洋勦捕之用至修船等項一切均需經費前曾據倭什布等奏請將關鹽盈餘銀十四萬兩全數留存支用又請於武職空缺養廉及田房稅羨項下每年約餘銀二三萬兩一併動用亦經議准施行仍著那彥成悉心設法通盤籌畫如該省尚有閒款可以留貯備用者不妨奏明歸入緝捕項下支銷總須經費裕如方可責成捕盜即如海船舵工一項聞好手多為賊船雇用蓋由小民趨利若鶩在賊船中得受雇價較多是以樂為之用若官為雇用時亦

酌加工價伊等自必欣然就雇方足資駕駛之力那彥成惟當隨時妥籌行之以實轉不必稍存惜費之見致有窒礙廢弛也那彥成年富力强受恩深重尤應虛衷集益整飭吏治申嚴武備緝除匪黨肅清海洋以副委任將此諭令知之○庚戌

上詣

慈寧宮

壽康宮行禮○諭內閣前因鑲紅旗漢軍都統等具奏該旗有原任福建詔安縣知縣鞠清美自嘉慶四年叅革問遣後其家屬尚未回旗行催已至七次查該革員名下尚有應賠官項銀三千四百餘兩未便任令久懸因降旨諭令玉德查明覆奏茲據該督奏稱查詢該叅員之子鞠紹勳據稱現在衣食無資實無盤費回京該督等已公捐銀兩勒令即日起程回旗等語旗員服官外省遇有事故該督撫等即應飭知該員家屬早日回旗況如

鞠清美名下尚有未完官項安知非該家屬藉詞逗遛希圖延宕即實因赤貧無力回京該督等亦應據實奏聞一面催令料理起程乃事閱數年並不陳奏又不嚴催直待降旨詢問始行查辦若非該旗具奏經朕降旨飭查仍必延擱不辦任令日久稽留成何事體玉德李殿圖著傳旨申飭嗣後外任旗員一有事故該管上司即當飭催該家屬迅速回旗毋任延緩將此通諭知之○又諭兵部奏議處保送不慎之都統佛爾爾額等擬以罰俸抵銷著依議行惟摺內於應寫滿洲蒙古二字之處輒省去一字寫為滿蒙文滿蒙話屢見數處殊屬不合所有未經看出之兵部堂官著交部察議承辦司員著交部議處嗣後大小各衙門於呈遞章疏務當加意檢點無得率用省文致礙文義○調貴州古州鎮總兵官武隆阿為廣東潮州鎮總兵官潮州鎮總兵官托爾歡為古州鎮總兵官河南河

北鎮總兵官富蘭為廣東雷瓊鎮總兵官雷瓊鎮總兵官西密揚阿為河北鎮總兵官○戶部議准雲南巡撫永保疏報陸涼元江鎮沅恩樂四州縣開墾田二頃二十八畝有奇照例升科從之○辛亥諭內閣松筠等奏浙江監生陳庸禮呈請為伊父陳寅贖罪一摺所奏非是陳寅前在廣東知縣任內闖茸乖謬朕所深知於承辦案件任意延擱以致押斃尋常案犯至四十餘名之多慘刻異常是以經該督撫等參奏特降諭旨將該犯發往伊犁充當苦差並令先於省城枷號三箇月諭以枷斃亦不足惜實為情真罪當為各直省急情疲玩之劣員知所儆戒此時若准令贖罪是使不肖劣員以為身罹罪譴猶可援贖生還尚復何所懲畏亦復成何政體松筠等本不應為之陳請所有陳寅一犯著永遠不准贖罪亦不准其釋回○賞伊犁協領庫蒙額副都統銜為領隊大臣○旌表守正捐

軀直隸深州民劉年妻王氏望都縣民劉士杰妻鄭氏○壬子諭內閣前據襄行簡奏請仍禁商船配帶礮械出洋降旨諭令玉德等體察情形詳議具奏茲據奏稱往販外夷之大洋船該商等資本重大應仍准其照例每船攜帶礮位火藥烏鎗腰刀弓箭等項不得逾例多帶其在內地南北兩洋貿易商船一概不准配帶礮械等語外洋商販船隻貴重道遠若不准令配帶礮械設中途遇盜不足以資防禦然准令配帶漫無稽數恐出洋以後盜匪乘機劫奪轉致藉寇兵而齎盜糧並恐奸商牟利以之濟匪亦所不免嗣後除內洋船隻不准配帶外其外洋商船著照所議准其按照舊例攜帶礮位器械等件不得有逾定額仍著於船隻出洋時飭令海口員弁將攜帶礮械數目驗明並無多帶填給執照放行俟該商進口時仍將原領執照送官查驗並令該商將在洋曾否禦盜據實呈明儻

礮械或有短缺即令其將因何失落緣由詳
悉聲明一一登記以備稽考如有捏報情事
別經發覺即將該商按例懲治如此立定章
程自可不致滋弊該督撫當嚴飭海口員弁
實力奉行毋得縱容吏胥啟勒索訛詐之端
為要 以貝勒永珠為宗人府左宗人○以
兵部尚書明亮鑲白旗漢軍都統永慶為內
大臣 調右翼前鋒統領綿佐為左翼前鋒
統領以科爾沁貝子鄂勒哲依圖為右翼前

鋒統領 癸丑

上御乾清門聽政○諭內閣本月二十五日因
貝勒永珩具奏是日黎明時有僧人溷入東
華門即被護軍等拏獲當經諭令將該僧交
軍機大臣審訊委係希冀瞻仰天顏懇恩布
施復勅刑部研審並將東華門該班章京護
軍等一併解任革退質訊昨據刑部奏稱訊
據該僧所供行走路徑似由神武門繞進隨
派員帶領該僧前赴東華神武兩門指認係

由神武門溷入屬實與永珩原奏不符因命
軍機大臣傳到永珩詳悉詢問始據永珩回
稱前日拏獲僧人本係在

奉先殿牆外拐角處所伊當將該僧訊問據供
由向東之門溷進以為必是東華門遂未詳
確查問又因

奉先殿重地不敢直陳隨以該僧溷進東華門
行至橋頭即被該護軍等拏獲繕摺具奏實
屬糊塗等語復質之司鑰長及該護軍等僉
供一詞業降旨將永珩革去左宗人內大臣
前鋒統領管理健銳營等項職任並勅部將
東華門官兵等即時釋寧賞賚開復矣永珩
身任前鋒統領於僧人溷入禁門咎止失察
伊前次自請嚴議時尚加恩僅予察議今詢
出永珩將拏獲該僧處所任意移改並未將
所進之門查明率行入奏致將東華門官兵
無辜被逮糊塗謬妄獲咎甚重是以將伊所
管職任悉行褫黜其罪實不因失察也此係

從輕辦理若律以欺罔即革去貝勒圖禁空房亦不為過重人臣以誠事君總應隨事據實不可稍存瞻顧諱飾遇有陳奏事件必當細心查勘得實始可據以入告若刑名案件尤宜研究實情罰當其辜而後犯者知儆民無誣枉設稍有草率迴護甚或規避處分遷改案情必致無辜被陷冤枉莫伸而作奸犯科之徒轉得置身事外豈為情法之平且小民無知犯法如果情真罪當憲典自不可撓儻稍有屈抑一經到官鞫問或慘遭笞撻或拘禁囹圄甚至含冤瘐死均所不免況一入獄中在受者或自知罪不至死強為寬解而一家之父母兄弟妻子憂惶驚懼呼籲無門重以奸胥蠹役多方恐嚇藉端勒索百弊叢滋即幸獲昭雪釋寧而身家業已蕩析情狀實為可憫嗣後內外問刑衙門均當一秉至公心存矜恤務期無枉無縱不可稍蹈顛預虛假積習負朕諄諄教誡之意將此通諭中

外知之諭軍機大臣等漕糧為天庾正供積貯本宜寬裕朕因本年江浙等省各有蠲緩漕米諭令戶部查明來年支放數目是否數用據戶部查覈具奏現在各倉存貯米石可以支放至明年六七月江南河口業已通暢明春新漕重運銜尾北來足資接續惟明歲新漕因災蠲緩共有一百餘萬石其實在抵通者計算祇數支放至嘉慶十一年三月之用而是年糧船到通總須在五六月間此數月內俸米甲米必須百餘萬石方足以供支放亟應早為籌備以免臨時缺誤本年四川湖南收成均屬豐稔四川本係產米之鄉著傳諭該督通計所屬收成分數共可採買米幾十萬石由水路運至湖北或交湖北軍船灑帶或由漢口換船裝載徑行運送通州其湖南除收兌本年漕糧外著該撫酌量仍可採買若干石如能於本年糧船未經開行之先採辦齊備即交令均勻搭運最為妥協

否則隨後雇覓船隻接運來京至江蘇浙江
江西安徽湖北雖各該省間有被水州縣嗣
據該撫等具奏晚稻均各豐收並聞浙江因
商販雲集尚有囤積糧石著各該督撫悉心
體察各省除交兌新漕此外每省尚可收買
米石若干以備京倉之用不可因辦理稍難
意存推諉亦不可令地方官減價抑派致令
米價騰貴有妨民食該督撫等各按地方情
形酌定數目即各先行由驛具奏並將如何
解運之處籌畫周妥一併奏明一面動用正
項銀款妥速購辦能於明年八九月以前陸
續解運抵通即可不誤其河南山東二省漕
船向係小米麥豆等項除本年被災各州縣
此外豐收之處尚多並著酌量採買若干石
就近解通亦足以資搭放現在各省正當收
兌新漕再加此項採買設為數過多恐有穀
貴傷民之弊各省均有常平倉貯或先於此
內碾動成數如期解京該省再陸續分限補

額亦無不可各督撫皆係受恩深重之人此
事當密誌於衷盡心妥辦不可宣揚既須於
國家倉儲有裨又須於閭閻民食無虧其糧
石之多寡及運解如何妥速之處朕亦不為
懸定務各籌畫盡善迅速奏明辦理將此各
傳諭知之○以大理寺少卿王寧為內閣學
士兼禮部侍郎銜詹事府詹事成格為大理
寺卿 予原任湖南乾州同知閻廣居入祀
名宦祠山東故貴州鎮遠鎮總兵官李杰龍
江蘇故甘肅平涼道顧光旭河南故偃師縣
訓導李緝入祀鄉賢祠從巡撫高杞鐵保汪
志伊馬慧裕等請也 貸黑龍江墨爾根齊
齊哈爾打牲烏拉等處被水旗民糧石 甲
寅調廣西巡撫百齡為廣東巡撫廣東巡撫
孫玉庭為廣西巡撫 乙卯諭內閣昨據兵
部侍郎成書劉鳳誥德文陳霞蔚聯銜具奏
該部出有職方司漢主事一缺應將京察一
等由宗人府調部之主事李鼎元補用不應

將散館改部之候補主事盧坤擬補業經移查吏部據將盧坤咨駁尚書劉權之復令該司員辦稿行查徒延時日緣盧坤係劉權之取中門生明知事屬違例希圖設法變通曲遂其瞻徇之私實屬有心弊混縕布調停附和保寧亦無決斷等語朕閱其情詞甚重劉權之身任尚書如果於題補主事一缺實有瞻徇門生違例弊混情事必當重治其罪設保寧縕布果係依違附和亦屬溺職是以特派董誥等四人秉公查詢嚴叅具奏今據查明嘉慶六年間吏部議准達椿等條奏京察一等調部人員專用選缺一切留部人員題選通補久經奏准遵行而吏部纂例時誤將此條纂入滿官例冊是以於此次兵部咨查時轉以漢員各有專條將盧坤咨駁劉權之因欲查取漢員專條閱看聲敘復令該司員辦稿行查亦經成書等四人貪同標畫咨查吏部尚未覆到成書等即行冒昧叅奏屬實

並據吏部堂官叅奏將此次辦理拘泥及從前纂例錯誤司員並該堂官等分別議處又經召見德瑛費淳據稱接到兵部二次咨查時檢閱嘉慶六年奏案實無專指滿洲蒙古官員字樣前次咨駁盧坤本屬錯誤正擬檢舉具奏請旨將例條改正等語是兵部主事一缺確係盧坤應補劉權之並無袒庇保寧縕布亦無扶同附和情事其復行咨查吏部亦為詳審例案起見本無不合乃成書等因劉權之與盧坤誼屬師生以照例擬補之事輒生異議藉此挾制妄存疑慮任意措詞試思各部院堂司官關涉師生者甚多遇有升補等事惟在循例秉公務期允協若有意避嫌故為遏抑轉屬私心非公正辦事之道況各堂官如果敢於舞弊徇私雖向無瓜葛之人亦可夤緣賄結又豈必誼係師生始行袒庇耶且成書等如確見此事錯誤欲行叅奏即不應標畫覆查吏部之稿既經行查即應

候吏部咨覆再行定議豈有一面咨查一面先發勅人之理至吏部業已自知前此咨駁之誤公擬檢舉更正成書陳霞蔚現署吏部侍郎斷無不知者何以不待吏部具奏先於兵部聯名劾叅既於兵部指劾保寧等瞻徇弊混之非何以本日又於吏部列銜叅奏文選司司員引例拘泥之誤似此首鼠兩端是何居心本日復令董誥等傳詢該侍郎等四人均各自認糊塗冒昧實已無可置辯惟據

成書陳霞蔚同稱伊二人兼署吏部是以此次吏部咨覆兵部查叅稿遵例不應盡行例案亦未便詳查等語達椿等六年條奏之案經吏部議覆通行該侍郎等現署吏部本應留心考覈何得諉稱例應迴避未便詳查況此件通行條例兵部亦有存案其原奏及議摺內並未分晰滿漢官員字樣該侍郎等豈竟全未寓目直待欽派大臣查明後始知錯誤耶又據成書等四人僉稱見劉權之始終

堅持補用盧坤之見不能無疑等語凡叅劾事件必須查有確據方可形之章奏若以私心疑揣遽將瞻徇弊混等詞砌列彈章試思此等情弊如果詢明確實則被劾之人應得何罪顧可取快筆端輕於誣捏乎且兵部覆查之稿係將李鼎元擬補祇於稿內咨取吏部漢員專條伊等亦同畫此稿又豈得謂劉權之始終堅執欲補盧坤乎朕辦理庶務一秉大公從不豫存成見即如昨據成書等具

奏時原令董誥等公同確查毫無偏倚今既經查明例案成書等亦自認懷疑叅奏謂非有心攻訐而何朕於各部院大臣諄諄訓誡遇有應辦公事必當彼此公同商榷原惟恐開大臣專擅之漸若似此意見稍有不和輒將同堂共事大臣填砌重詞聯銜瀆奏是又開訐告之端此風斷不可長除吏部堂司各官業照所請交都察院議處外成書劉鳳誥德文陳霞蔚仍著原派之董誥等會同都察

院分別嚴加議處迅速具奏 又諭理藩院
奏明歲恭詣盛京展謁

祖陵請旨於左翼哲哩木昭烏達卓索圖三盟
御前乾清門行走蒙古王公台吉內揀派數
員在山海關外接駕扈從等語達爾漢親王
丹曾旺布等二十七人均係世受
重恩即令其全行隨往叩謁

祖陵亦屬分所當然但人數過多且伊等往返
不無糜費所有御前行走之丹曾旺布滿珠

巴咱爾索特那木多爾濟巴勒楚克索諾木
巴勒珠爾瑪哈巴拉乾清門行走之諾爾布
琳沁德親齊默特魯瓦達瑪琳扎布瑪什巴
圖錫第等十二人俱著在山海關外接駕即
由彼隨往盛京謁

陵禮成回鑾時著於山海關外途次各取道回
遊牧乾清門行走之德威多爾濟等十五人
俱毋庸前來接駕其右翼錫林郭勒烏蘭察
布伊克昭三盟喀爾喀四部遊牧較遠該扎

薩克蒙古王公等俱不必前來以示朕體恤
之意 是月調任兩廣總督那彥成奏陝省
善後情形得旨今調汝重任竭力奮勉莫辭
勞瘁上繼汝祖之勲猷下保庶民之性命欽
哉毋忽 山東巡撫鐵保奏謝寬免處分得
旨初涖外任孰不願做好官但恐席豐履厚
漸改故步耳慎終如始汝其勉之

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百三十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十八

監修總裁臣等謹將乾隆五十四年庚辰歲奉 上諭事件及軍機處奏摺等件彙編成帙恭呈御覽
加載年譜臣等謹將乾隆五十四年庚辰歲奉 上諭事件及軍機處奏摺等件彙編成帙恭呈御覽
開列於後
上諭事件及軍機處奏摺等件彙編成帙恭呈御覽
理部奏奉 上諭事件及軍機處奏摺等件彙編成帙恭呈御覽
兵部奏奉 上諭事件及軍機處奏摺等件彙編成帙恭呈御覽
刑部奏奉 上諭事件及軍機處奏摺等件彙編成帙恭呈御覽
工部奏奉 上諭事件及軍機處奏摺等件彙編成帙恭呈御覽
戶部奏奉 上諭事件及軍機處奏摺等件彙編成帙恭呈御覽
禮部奏奉 上諭事件及軍機處奏摺等件彙編成帙恭呈御覽
兵部奏奉 上諭事件及軍機處奏摺等件彙編成帙恭呈御覽
刑部奏奉 上諭事件及軍機處奏摺等件彙編成帙恭呈御覽
工部奏奉 上諭事件及軍機處奏摺等件彙編成帙恭呈御覽
戶部奏奉 上諭事件及軍機處奏摺等件彙編成帙恭呈御覽
禮部奏奉 上諭事件及軍機處奏摺等件彙編成帙恭呈御覽

嘉慶九年甲子十二月丙辰朔○丁巳以故

貴州印江縣土縣丞張希賢于慶三襲職○

戊午

上詣

大高殿行禮

時應官拈香○諭內閣本日據董誥會同都察院奏將侍郎成書等四人嚴加議處分別降調一摺此事成書等初奏時以盧坤為劉權之取中門生意存瞻徇違例弊混而保寧縉布不免扶同附和聯銜叅劾劉權之係軍

機大臣。是日被叅之後。朕即不令隨同召對。朕於諸臣從不偏袒。如果所叅屬實。則劉權之前在吏部尚書任內失察書吏舞弊一案。業經獲咎。經朕加恩仍留尚書之任。量移兵部。若復敢瞻徇門生。有心弊混。即當革職治罪。保寧縉布設果扶同附和。即屬溺職。至輕亦應鬁級。是成書等一摺。而劾一大學士兩尚書。事關重大。是以特派董誥等會同秉公查詢嚴叅。迨經查明例案。盧坤確係應補之員。劉權之於吏部咨駁後。已另將李鼎元擬補。咨取吏部漢員專條。成書等會同畫稿覆查。吏部已知前次咨駁錯誤。正欲檢舉。成書陳霞蔚二人兼署吏部。寧不知之。乃不俟覆到。即與劉鳳誥德文聯名奏。是誠何心。復令傳到伊四人逐一詢問。伊等亦自認糊塗冒昧屬實。朕尚慮有屈抑。連日召見廷臣。廣加諮詢。僉稱成書等叅奏實屬錯謬。眾口一詞。可見此事實由成書等四人懷疑挾制。任

意措詞。妄行叅劾。竟係有心攻訐。此風斷不可長。且部中辦理公事。以畫稿為定。若僉同畫諾。又復橫生枝節。成何事體。成書陳霞蔚於吏部一切例案。本應留心。何得以例應迴避。未便詳查為詞。況行查例條。並非覈辦事件可比。似此兩部交涉之件甚多。有何引嫌迴避之處。顯係藉口支吾。今查詢明確。成書等所奏全虛。若律以反坐之條。寧不當將伊四人叅劾。劉權之應得之罪。罪之耶。凡彈劾一人。必須罰當其罪。設大學士尚書等果有舞弊營私情事。自當明列彈章。朕必徹底查究。若事涉虛誣。即司員筆帖式等。亦不當稍令負屈。況大臣乎。朕綜理庶務。一秉大公。從不豫存成見。稍有偏倚。於部院諸大臣。豈肯輕為更易。即有因公錯誤。情節可原者。尚予寬容。必至萬不得已。始加之黜謫。此乃用人之苦心。茲成書等四人。實屬咎由自取。即照議分別降調。亦所應得。今朕格外從寬。量予

輕減。成書陳霞蔚著加恩改為降四級調用。劉鳳誥德文著加恩改為降一級。以內閣學士補用。劉鳳誥既經降調。不應充實錄館副總裁。著仍充總纂官。責令專司纂辦。勉圖後效。設稍不盡心妥辦。並或遇事輒有心見長。必當嚴加懲處。不能再邀寬宥也。將此通諭知之。○以內閣學士明志安徽巡撫王汝璧為兵部左侍郎。內閣學士廣興戴聯奎為兵部右侍郎。○調正藍旗漢軍副都統本智為鑲藍旗滿洲副都統。以伊犁領隊大臣菩薩保為正藍旗漢軍副都統。調正紅旗漢軍副都統廣興為正藍旗滿洲副都統。以喀喇沙爾辦事大臣麒麟保為正紅旗漢軍副都統。○以直隸提督長齡為安徽巡撫。直隸天津鎮總兵官薛大烈為提督。山東沂州協副將色克通阿為天津鎮總兵官。○己未旌表守正捐軀順天大興縣民董二妻鄭氏。

（辛酉）

孝惠章皇后忌辰遣官祭

孝東陵○予告大學士王杰謝恩來京命乘肩輿至隆宗門外扶杖進內以備召對○以翰林院侍講學士秀寧為詹事府詹事○壬戌諭內閣那彥成等奏籌辦寧陝及漢南各鎮協營新兵借項置買地畝情形一摺據稱陝安鎮營漢中協營併陽平關寧羌畧陽等處新兵與寧陝新兵皆須一律置買地畝俾裕生計統計馬步戰兵八千六百一十七名每名給與十兩價銀之地共應需地價銀八萬六千一百七十兩請於嘉慶八年地丁項下先行借支在於節省馬乾項下扣還並交寧陝總兵楊芳等趕緊置買兼令提督楊遇春督率辦理等語寧陝及陝安等處新兵多係無業鄉勇應募入伍生計未免竭蹶自當先令衣食充裕方可一律訓練且深山老林逐漸開墾則汙萊日闢耳目易周亦不致有藏垢納污之事所奏自屬可行著照所請每新

兵一名借給地價銀十兩共銀八萬六千一百七十兩在於九年地丁項下借支並准其於節省馬乾項下分年扣還至嘉慶十五年冬季全數歸款至提督楊遇春總兵楊芳等平素帶兵打仗最為勇往惟當責以訓練新兵至於買地納糧丈量踏勘等事必須詳細經理且伊等所用不過營中字識等於一切事件恐不能諸悉此事著派臬司朱勳或其餘道員內熟悉地方情形辦事結實者令其會同該提鎮詳悉籌辦務臻妥協○緩徵甘肅平羅縣被水災民銀糧草束○癸亥

上詣

大高殿行禮○調湖南提督王柄為福建陸路提督以湖南鎮總兵官仙鶴林為提督衡州協副將豆霽為鎮總兵官○甲子諭內閣和寧伊斯坦達爾奏調刺喀什噶爾英吉沙爾兩屬倉貯餘糧一摺據稱該處倉貯三色糧八千四百餘石並備貯小麥一萬

石足數支放官兵口食。請將從前減運伊犁布匹改收之糧四千石。照烏什糶糧之例。於明春青黃不接之時。按市價酌減錢文出糶。並請將此項糧石。自嘉慶十年秋季為始。改收錢文。小麥每石交錢一百四十文。大麥高粱每石交錢一百文。以免各小回子馱運。以平回莊市價等語。著照所請行。仍將每年折收糧價錢文。搭放官兵鹽菜。報部覈銷。○予陝西湖北陣亡副將朱槐千總岳士甲。高正龍。把總石廷相。張斌。外委楊大剛。陳貴年。耀先。祭葬世職如例。○乙丑。命戶部左侍郎英和。右侍郎戴均元。馳往易州審案。○丙寅。諭內閣。據宗人府奏。分賞宗室覺羅住房伊等叩謝天恩。據情轉奏等語。宗室覺羅等生齒日繁。此內有棲身無所者。是以前降諭旨。交該處酌量修造房屋。分賞伊等。俾數居住。此實朕體恤宗室覺羅格外殊恩。伊等既各得棲身之所。理宜安分度日。隨時修補。著交該

王公等轉行曉諭各該族長佐領等。務將此項所賞住房。不時留心稽查。如有於保固限內不久倒壞之處。即據實報明。將承修官叅奏。照例賠修。儻該宗室覺羅等將所得房屋。不知愛惜。任意毀壞。一經查出。該王公等即行叅奏。將住房之人懲辦。如保固限外倒壞。即著落該住房之人自行修理。著通諭住房之宗室覺羅等知之。○丁卯。以故科爾沁卓哩克圖親王拉旺子噶勒桑棟羅布。浩齊特郡王敏珠爾多爾濟弟貢楚克棟羅布。各襲爵。○江南河道總督吳璥。因病命來京另候簡用。以護理河東河道總督淮徐道徐端為江南河道總督。江蘇按察使李亨特為河東河道總督。均換二品頂帶。○調安徽按察使鄂雲布為江蘇按察使。以甘肅平慶道楊體為安徽按察使。○旌表守正捐軀廣東鶴山縣民王韓泰妻譚氏。○戊辰。旌表守正捐軀安徽壽州民胡亮妻韓氏。○戶部議准廣東

巡撫孫玉庭疏報從化開平二縣開墾田五頃九十二畝有奇。照例升科從之。○己巳諭內閣前因吳熊光等奏審明麻城縣民人田文潮縱容伊妻鄒氏與僧文瑞通姦復聽從文瑞行竊敗露被獲致文瑞商同鄒氏將伊母余氏挖斃以圖搪抵一案該督等將田文潮按例擬發黑龍江給披甲人為奴尚未允協降旨諭令刑部酌量加罪另議具奏。茲據奏請將田文潮擬絞立決並請嗣後子孫有犯姦盜致祖父母父母被人毆死或被謀故殺害之案不問是否縱容袒護均照此案辦理等語則又未免過當。刑名案件總在權情理之平。此案僧文瑞圖姦鄒氏不從經田文潮之母余氏與田文潮商量勸令鄒氏與文瑞通姦是余氏縱姦圖利實屬無恥。迨文瑞商允田文潮竊得鄰村稻穀衣物將餘賊交余氏收藏是余氏又係縱竊本有應得之罪與並未縱容憂忿戕生者迥別。若照部議予

以絞決在田文潮一犯寡廉鮮恥死何足惜。設遇子孫有犯姦盜祖父母父母實不知情者其罪何以復加未免漫無區別。田文潮著改為絞監候秋後處決並著刑部纂入條例嗣後除子孫因犯姦盜祖父母父母並未縱容憂忿戕生者仍照例擬絞立決其祖父母父母縱容袒護後經發覺畏罪自盡者將犯姦盜之子孫發黑龍江給披甲人為奴外其有祖父母父母縱令子孫犯姦犯盜以致被人毆死或被謀故殺害者均照此間擬絞候通行遵照總之明刑所以弼教凡間擬罪名必當將案情詳細研求期於無枉無縱以扶風化而儆兇頑不可意為輕重也。○庚午月食○諭內閣本日軍機大臣會同大學士保寧議奏松筠陳請酌定分給八旗滿洲田畝自行耕種永為世產章程一摺伊犁駐防滿洲兵丁生齒日繁松筠相度屯地疏濬泉源設法製備器具借給牛隻耕種兩年以來試

有成效。茲該將軍猶恐滿洲兵丁公同夥種，久而生懈，請照伊犁錫伯營屯種之例，按名分給地畝，各令自耕，永為世業，係為旗人生計起見，其事本屬可行。惟是新疆重地，設兵駐防，武備最為緊要，此項田畝即分給官兵，祇可令其轉交閒散餘丁代為耕種，不當令官兵親身力作，有妨操練，轉致技藝日就生疏，至閒散餘丁內，老弱殘病者，豈能令其耕作，勢必仍需壯丁幫助。其漢仗強健者，一概

驅之南畝，自必不能專心練習武藝，即充數入伍，亦難資得力。殊非慎重邊陲之道。此事惟在該將軍妥協經理，既使旗人有田可耕，永資養贍，而於新疆重鎮設兵防守事宜，無少窒礙，始為盡善。至該官兵等將來生計寬裕，家有儲蓄，即不便照錫伯之例停止口糧，亦當將供支款項量為撙節，著該將軍於三五年後體察情形，再為詳酌具奏。○以直隸泰寧鎮總兵官多善為正白旗滿洲副都統，

京營左翼總兵范建豐為泰寧鎮總兵官兼總管內務府大臣。吏部左侍郎文寧兼京營左翼總兵。○以都察院左副都御史廣敏為內閣學士兼禮部侍郎銜。○予河南陣亡鄉勇邢泰等一千一百五十六名賞卹如例。○辛未諭軍機大臣等，孫玉庭奏捕獲械關人犯，親赴審辦，暫緩入覲，一摺。潮陽械關案犯，膽敢恃眾仇殺，逞兇抗拒，情殊可惡。現在陸續獲犯至四百八十餘名之多，並起出兇關

各械，案關重大，非尋常關殺可比。該撫因省監擁擠，且潮邑距省較遠，長途押解，恐致疏虞，親赴潮州審訊，自應如此辦理。前經降旨將該撫調任廣西，目下粵東既有審辦要犯，尚係該撫本任應辦之事，不可稍有諉卸。惟當督同該道吳俊細心研鞠，按律分別定擬，俾免徒知所做懼俟審辦完竣後，即由潮陽發交驛遞，馳奏將此諭令知之。○以故一等子德勒格楞貴姪策楞多爾濟三等子佛興

額弟富興阿二等男惠齡子桂斌各襲爵。○
壬申諭內閣御史申瑤奏酌籌揀發理事同
知通判章程一摺此項理事同知通判既有
應補及記名人員各直省奏請揀發即與補
放實缺無異自應倣照辦理著照該御史所
奏嗣後遇有請揀此項人員時即將在部應
補及記名前列者共帶二十員引見發往母
庸再行派員揀選○又諭前據御史朱桓條
奏廣西備東穀石應請存貯以備東省水旱
不得任意挪運又土民等讀書應試請不准
土官阻抑二款當經特降諭旨令軍機大臣
寄信百齡詳查辦理乃本日恩長奏到據稱
此旨到時百齡業經起身陛見伊因護理撫
篆竟將廷寄拆閱辦理等語殊屬非是藩司
護理撫篆若遇有部文等件其封面寫交巡
撫衙門開拆者自可照例拆閱今此二事係
特交百齡查辦之事軍機處開寫封面明寫
交廣西巡撫百開拆字樣恩長接收之時百

齡既經起程即應加封遞交百齡何得輒行
拆閱僅封函內並非干涉該省現辦事務恩
長不應與聞竟爾冒昧拆閱可乎恩長著傳
旨申飭此二事著仍交百齡於回任後會同
總督那彥成廣西巡撫孫玉庭詳悉妥議另
行具奏所有本日恩長奏到之摺並著發交
閱看嗣後護理印篆之員凡遇軍機處遞到
印封其封面書寫何人姓氏者應交本人拆
閱其尋常印封無本員姓氏交該衙門開拆
方准署任之員拆看○諭軍機大臣等那彥
成奏接奉調任兩廣總督諭旨恭謝天恩一
摺覽奏俱悉那彥成受恩深重身任封圻潔
己率屬固不待言而地方事件任大責重惟
當奮發天良實心勉力凡事須講求至當認
真妥辦以期日漸整頓切勿自以為是稍涉
孟浪勉之望之至另片保奏孫全謀一節該
員從前曾經出兵著有勞績於營伍事務亦
尚認真是以加恩擢至提督迨調任廣東以

後漸形懈弛。竟不認真緝捕。帶領舟師。經年累月。並未擒獲一賊。屢經朕密行訪詢。衆口如一。本年六月間。因倭什布查奏千總連旭被戕一案。孫全謀牽混陳奏。以掩其督捕不力之咎。且石獅礮臺亦被搶奪。弁兵等有退避失守情事。該提督實屬溺職。是以降旨將孫全謀降補都司。並未即與罷斥。致令廢棄。該員果自知感奮。能於出洋捕盜時。勉力自贖。仍可加恩拔擢。那彥成到後。惟當督率訓勵。隨時留心察看。如孫全謀實在出力。自可據實保奏。但綠營虛誑積習。務當訪查確切。不可輕信其言。率行奏保。亦不必豫存成見也。至摺內懇請發往之知府劉珏。該員服闋赴部。亦未便另行撤回。廣東本省官員。豈乏明白諳練。才具卓越之人。那彥成到後。留心試看。自可得人。此外或有平素深信外任熟諳。現未得缺人員。亦不妨奏請發往。但總當於本省屬員內。秉公訪查。果係賢員。即當保

舉其疲玩因循者。即應據實劾參。使之知所勸懲。吏治自日有起色矣。將此諭令知之。○以故三等伯伍彌烏遜子喇什格里克黃文燦子瑞保。一等子羅普桑依史子轍卜德。一等男菩薩保子慶瑞。二等男李承倫子興爵。各襲爵。○癸酉諭內閣。前據太常寺少卿喀寧阿奏稱。西陵贊禮郎清安泰。呈控告盛住款跡。並將原呈進呈。當經諭令英和戴均元馳往秉公查訊。復據清安泰向英和等續遞呈控盛住二款。經英和等查訊大概情形。所控盛住每逢朔望。私遣翼長拈香行禮一款。開有年月日期。據詢之總管翼長等。僉稱如一。並據盛住自認。因上年墜馬傷腰。腿膝不能得力。是以屢次委員行禮屬實。其點放烟火。爆一款。亦據盛住稱係民人演放。伊居住廟旁。未經禁止。惟所控永福寺西北開打石塊一款。據清安泰稱向係禁地。而盛住則稱係在紅

椿以外。從前曾經開取石塊。各執一詞。因諭令英和等親往履勘。並將盛住先行拔去。雙眼花翎。解任交與英和等嚴切審訊。茲據奏稱英和等親赴永福寺後山查勘。開挖石塘數處。在白椿以外。青椿以內。訊據監督商匠等供稱。上年四月間。因修建營房需用石塊。曾稟明盛住。准令就近在該處開採。屬實。盛住身為總管大臣。於朔望拈香典禮。自應敬謹親往。即因病不能行禮。亦當知會守

陵之貝勒貝子公等代為拈香。乃竟私行委員前往。褻怠已甚。至

陵寢重地。風水攸關。白椿以外。青椿以內。如有設窰燒炭。放火燒山。以及取土取石。均屬大干例禁。盛住糊塗冒昧。擅准開採。實屬膽大妄為。即此二款。其罪甚重。至點放花爆烟火。猶其咎之小者。而虛開庫餉。徇私保舉。二款。尚未據盛住承認。但其供認之款。業已情罪昭然。盛住著革去公爵。及總管內務府大臣。

現據英和等遵旨。鎮拏來京。交軍機大臣會同刑部研審。按律定擬具奏。其開採石塊之監督七十三。明椿。福成。額洪。廷裕。宗室綿豆。德音。福寧。福奎。均著革職。歸案審辦。盛住自上年十二月起。至今均係委員拈香。貝勒綿律。貝子永澤。公恒寧。近在一處。豈無見聞。既不阻止。又不叅奏。殊屬瞻顧徇隱。均著交宗人府議處。公崇吉。既不叅奏。並曾委員行禮二次。尤屬非是。著交宗人府嚴加議處。並著

即回京聽候嚴議。其七十三。富忠。伊隆阿。官林等。於盛住崇吉。委往行禮時。並不面為阻止。輒聽從代行。亦屬不合。均著交部議處。至開採石塘一事。所有失察之管理吉地工程。各大員及總兵等。並著於定案時。覈明開採年月。查取職名。嚴加議處。○賞江南等省鄉試年老諸生趙浹等四百四十七名。舉人副榜有差。○給江蘇桃源縣被水災民二月口糧。○甲戌。諭軍機大臣等。據徐端奏請陞見。

已諭以南河現有要工。令俟明年酌量可來時再行來京矣。適有人條奏南河情形。據稱本年清口阻滯。一因啟放四閘宣洩過甚。致清水更無餘蓄。一因衛家樓堵築漫口。南河各員並不先期疏濬正河。以致合龍後下流阻遏。其積年受病最深者。則置東清壩不辦之故。又稱此次引黃助清。無異延賊入廬。引之甚易。去之維艱。此時應將運口正河挑挖寬深。祥符五瑞二閘趕緊堵閉。其束清一壩仍照舊規覈實成做。高堰石工或將坍塌之處一律補修。此為最要。其加高或可從緩。惟湖身淤墊。當另籌挑洩之方等語。所奏皆切中利弊。與朕節次所降諭旨相合。河防要務全在隨時疏濬。俾下流不致阻遏。方為正辦。而束清一壩尤關緊要。必須按年鑲做堅實。啟閉合宜。儲蓄清水。俟重運將抵河口時。拆去壩身。而後清水湍急。力可刷黃。運口方能通暢。近聞南河工程辦理多有草率。束清壩

工並不依照舊規妥辦。任意啟閉。吳璥因體弱多病。不能親查督飭。或道將廳員等竟有偷工減料情弊。俱未可知。至此次所開引河。祇就正河低窪處所抽挖溝槽。不過一時權宜之計。即加築高堰石工。姜歲等奏到時。朕即以湖底若未淤墊。何以欲將堰工加高。且逐漸培增。伊於何底。總非經久無弊之策。節經降旨訓示。其祥符五瑞二閘亦屢次諭令堵閉。徐端到任後。務將各工詳細查勘。一律妥辦。其束清壩工尤當覈實鑲做堅實。以資蓄清。如查出工員等有草率偷減情事。即應據實嚴參懲辦。徐端甫離南河。今又特經簡調。不可稍有迴護徇庇。再聞南河近年辦料較前減少。該河督亦當一面購備寬餘。以便隨時應用。轉瞬開春重運經臨。必須先將壩工築固。運口挑挖寬深。養蓄清水。使幫船得暢。資浮送。方為妥善。所有原奏一件。著抄寄徐端閱看。正在降旨間。適據汪志伊馳奏。請

將高堰石工循舊規辦理一摺。據稱接到陳大文吳璥來咨。以高堰工程需用石料。在蘇松太倉三府州。採用洞庭山石三萬四千八百丈。實非二三屬員力能承辦之事。從前乾隆十八年六十年兩次興工。係派山東安徽江蘇三省採運。及河員自赴產地購辦。本年江蘇各屬被水。州縣現在查災散賑。收漕免運事務較多。既不能趕辦石料。且運石赴工。必須經由徒陽運河。現在回空過竣。即須

熱壩興挑。及至正月開壩。正值重運北行。若須將石料於冬底辦齊。春初興砌。亦有趕辦不及之勢。等語。加築堰工一事。前據該督等奏到時。朕本以為於蓄清濟運事宜無相關涉。即欲加倍增築。似非目前急不可緩之工。今據汪志伊奏稱。採辦石料運工如此艱難。自係實在情形。陳大文係該省總督兼管河務。地方皆其所屬。當會同商辦。時寧不通盤計算。詳查例案。斟酌妥籌。如以堰工為必不

可緩。即應豫為設法。或查照成案。先期分投採辦。以應要需。豈有率咨該撫責成三府州。猝行購辦三萬四千餘丈石料之理。此時該州縣查災散賑。收漕免運。諸務叢集。無論不及購辦。即採辦齊全。而徒陽運河業已熱壩。現距歲除祇閱一旬。安能趕運到工。種種窒礙。豈非慢令致期耶。又據汪志伊奏。該督等請調上下江州縣十數員承辦等語。從前河道工程。往往有派令州縣辦理之事。以致地

方職守曠廢。且動多賠累。未免藉詞虧空。有關吏治。是以嘉慶四年間。特經降旨通行禁止。陳大文等前次率行違例奏請。亦屬非是。陳大文吳璥均著傳旨申飭。現在吳璥將次離任。徐端著即迅速馳赴新任。會同陳大文汪志伊悉心籌度。究竟高堰石工是否可以緩辦。其採辦石料應如何酌量辦理之處。即行據實妥議具奏。勿稍迴護。其湖身應如何挑濬。祥符五瑞二閘。現在是否堵閉有無難

辦之處。並著徐端查明具奏。吳璥仍遵前旨。俟徐端到後。即行來京。將此諭令知之。○乙亥。刑部覆奏。盛京將軍富俊等奏。已革員外郎順安。因鄒端犯事。監禁詐取鄒連銀兩。解任員外郎松山。通同家人王陞等。夥騙未成。審擬治罪一案。得旨。此案先經盛京將軍富俊等將已革員外郎順安。擬發伊犁。解任員外郎松山。請革職發往烏魯木齊。原屬失之輕縱。當交刑部會同宗人府覈擬具奏。茲據奏。議將順安。松山。均改依官吏因枉法事受賄計贓八十兩。絞監候律。擬絞監候。詳閱伊二人情節。有見贓不見賄之別。順安因韓豐久有謝銀二百兩之語。即含混允諾。且當鄒連將銀安放炕上時。順安並未拒絕。私念鄒端將來無事。此銀即可收用。是其事雖未行。贓已入手。至松山於鄒連等向伊央求。原答以奏摺已發。礙難辦理。祇可於現辦文書內設法。鄒連等知事難挽回。慮受欺哄。並未將

銀兩送交。而松山恐外間聲張。旋即自行稟辦。與順安之收受贓銀者。實屬有間。順安著依擬絞監候。秋後處決。松山著革職。改為發往伊犁効力贖罪。餘依議。○雲南廣南土同知儂世昌。因病告替。以其弟世熙襲職。○丙子。上幸瀛臺。喀爾喀扎薩克頭等台吉旺沁扎布等十人。土爾扈特郡王策伯克扎布等六人。杜爾伯特汗瑪克蘇爾扎布等十六人。額魯特總管博本等十二人。暹羅國正使丕雅梭。挖理巡段。呵排拉車突等四人。於西苑門外瞻觀。○以天暖冰薄。停止冰技。仍給半賞。○丁丑。諭內閣。太常寺奏。大祀閱視祝版及恭請祝版執事官員。應否加等穿用朝服恭請訓示一摺。所奏是。向來恭值祈穀常雩

南郊典禮前期閱祝版因宿

壇齋戒並須恭詣

皇穹宇

皇乾殿拈香是以執事官員俱穿蟒袍補褂此

外如

社稷壇四孟時享

太廟閱祝祝版日期應穿補褂至歲暮祫祭前

期閱祝祝版並元旦萬壽告祭

太廟等處前期恭請祝版本係在應穿蟒袍補

褂日期之內所有執事官員自應照例穿用

乃太常寺相沿加等穿用朝服並以閱祝祝

版如遇朝期應穿補褂之日執事官亦加穿

朝服皆非體制從前太常寺堂官過於小心

出自臆見而會典內並無明文殊未允協嗣

後祫祭

太廟前期閱祝祝版及元旦萬壽告祭

太廟等處前期恭請祝版所有執事官員俱照

常穿蟒袍補褂毋庸加等穿用朝服至閱祝

祝版如遇朝期亦毋庸加穿朝服以昭畫一

並著纂入會典則例永遠遵行○又諭本日

據軍機大臣會同刑部奏審明贊禮郎清安

泰所控盛住款跡分別定擬將盛住照例問

擬斬決請旨定奪一摺盛住係

孝淑皇后之兄朕斷不肯稍存姑息亦不肯

有意從嚴以示無私惟斟酌情理權衡定罪

以期折衷至當

陵寢重地界限綦嚴如有犯者原當以禁樁之

遠近定罪名之輕重盛住如果在紅樁以內

開採山石則法無可貸即奏請定奪朕必立

予刑誅今盛住開採山石係在青樁以內白

樁以外其間本有行宮廟宇營房及居民田

舍與切近禁地者不同閱嘉慶五年刑部修

改例文牽引舊例將青樁內取土取石與設

窯燒炭一律科罪本未明晰盛住為人朕所

素知伊糊塗狂妄屢獲愆尤是以不加倚任

茲在工次種種怠玩於該監督等稟請開採

時並不詳查舊例新例。輒予准行。罪由自取。惟檢查乾隆四十二年馬蘭鎮總兵滿斗。於五花嶺峯口折開石牆乘馬往來。意圖自便。一案經軍機大臣會同刑部問擬新決。猶蒙皇考高宗純皇帝鑒其法重情輕。特降諭旨。引唐書權善才等誤斧昭陵柏一事。將滿斗改為斬候。今盛住所採山石。係辦理營房工程所用。較之滿斗又有公私之別。遠近之分。自當量予原減。或住著加恩免死。發往烏魯木齊。自備資斧効力贖罪。限於二十四日起程。毋許逗遛。監督洪廷裕。福奎。明椿。福成。額聽從石商之言。輒行稟知開採。七十。三。係屬總管。均當科以為從之罪。現在盛住業已施恩。所有洪廷裕等五人。前已革職。著加恩免其軍罪。福寧德音。既不知採石情事。尚無不合。著准其開復原官。照舊供職。毋庸再交議處。餘依議。所有此條例文。著大學士會同刑部悉心商酌。分別禁限之遠近。以定

罪名之輕重。另行妥議具奏。尋議請嗣後凡在紅椿以內盜砍樹株。取土取石。開窑燒造。放火燒山者。仍照舊例辦理。其在紅椿以外。白椿以內。所有民間取土取石。不及一丈。自種私樹。概不禁止。外其開山採石。掘地成濠。開窑燒造。放火燒山者。即照紅椿以內減一等。為首發近邊充軍。從犯杖一百。徒三年。白椿以外。青椿以內。再減一等辦理。從之。○調密雲副都統孟住為正黃旗滿洲副都統。襲封承恩公。正白旗滿洲副都統多善為密雲副都統。正黃旗滿洲副都統明興為正白旗滿洲副都統。○戊寅。上御撫辰殿大幄次。賜蒙古王貝勒貝子公額駙台吉及外藩使臣等宴。並賞賚有差。○己卯。上幸瀛臺。○諭內閣戶部奏覈議顏檢查奏應徵八項旗地租銀。及各年緩帶租銀。追存未解各款一摺。又清釐直隸節年積欠錢糧一

摺又查明初二兩次清查虧欠銀兩並分晰開單呈覽一摺。朕詳加披閱。多係踰限不交及款項牽混。輾轉不清。總由該督等平素不能督率清釐。催徵怠玩。又復迴護屬員。以致各款糾纏。藉詞延宕。其節欠錢糧。業經該督奏明於本年統行清理。何以又請分限帶徵。為屬員開脫處分。殊非慎重帑儲之道。現已降旨將襄行簡調任直隸布政使。著顏檢督同該藩司。按照部議各摺。詳細查覈。徹底清釐。將如何立限完交之處。酌量妥籌。分晰列款。開單據實具奏。至該省初次二次清查。原係該員等虧缺之款。經朕格外施恩。不即治以重罪。諭令立限完交。自應嚴行催迫。分別辦理。如查明續有虧挪。即當嚴叅懲辦。何得以州縣賢愚不一。恐有續虧為詞。希圖再作清查地步。著該督等即行覈實查辦。此後毋得再請清查。徒以紙上空談。久延帑項。致干咎戾。其所請追存各款案內銀二十六萬九

千餘兩。亦不准其留用。○調福建布政使襄行簡為直隸布政使。直隸布政使瞻柱為福建布政使。山西按察使景安為直隸按察使。直隸按察使傅修為山西按察使。○庚辰。孝莊文皇后忌辰。遣官祭昭西陵。○

上詣

慈寧宮

壽康宮行禮。○體仁閣大學士劉墉卒。晉贈太

子太保。入祀賢良祠。遣慶郡王永璘帶領侍衛十員。往奠茶酒。賞銀一千兩。並命其姪江蘇學政鏞之。來京治喪。予祭葬。謚文清。○命太常寺卿莫晉提督江蘇學政。○免四川野夷滋擾之雷波廳本年額賦。○辛巳。質郡王綿慶薨。命榮郡王綿億往奠茶酒。賞銀五千兩。治喪。予祭葬。謚曰恪。○

上以歲暮。裕祭

太廟。自是日始。齋戒三日。○壬午。諭軍機大臣

等那彥成奏粵省情形一摺。李崇玉一犯上年那彥成自粵回京。曾經奏及。朕猶記憶及之。此次蘭調兩廣。亦正以那彥成熟悉情形。一切足資整飭。以期綏靖地方。然此等事宜。總須不露聲色。慎密辦理。吳俊素稱能事。朕亦深知。但如那彥成所奏。請旨速飭吳俊布置訪拏。則伊現任道員。忽降特旨傳諭。固非體制。且倭什布孫玉庭此時均已調任。新任督撫尚未到粵。吳俊接奉諭旨。如何辦理。轉致不得主見。若論知倭什布。令其轉飭該道遵辦。該督不過於接奉後。札飭嚴拏。兼恐辦理不密。外間傳播。或致聲張。先渠得以聞風先竄。陸豐縣係惠潮嘉道所轄地方。乃吳俊本任應辦之事。前據孫玉庭奏到潮州潮陽縣械關各案要犯。經吳俊捕獲四百餘名。可見該道尚屬認真緝捕。如李崇王者。伊自必更為注意。那彥成現已就道。不妨先發密札。令該道隨時嚴察訪詢確實。設法肅除。切不可

可存欲速之見。致涉張皇。稍有漏洩為要。至所請各員。內候補通判易萬里。本無實缺之員。著即照那彥成所請。改發廣東候補。其鞏泰階道朱爾漢。青州府知府李戴春二員。若即於廣東現任道府內對調。安知所謂之員。又非粵省得力之人。朕何從懸揣。總俟那彥成到粵後。察看該省道府內有人地不甚相宜者。密行奏明。再將朱爾漢李戴春二員特旨對調可也。此係特恩。不可屢次奏調。試思有才幹之賢員。何省不需。用乎。若京中部員有所素知可信者。不妨密請發往試用。現在百齡在京。將次起程。那彥成到任後。惟當與該撫督同吳俊。將一切事宜詳細妥籌。設法辦理。固不可稍事因循。亦不可求治太急。務期文武同心合力。次第整頓。以靖海疆。而副委任。將此傳諭知之。○又諭本日那彥成奏阿拉善販鹽情形。據實密籌一摺。阿拉善販鹽之事。朕久有所聞。今據那彥成所奏。又有

偷販私茶木植之事。實屬牟利無厭。不可不設法查禁。但查禁之法。惟在嚴設卡隘。實力稽查。使販鬻不能來往自如。再嚴禁內地奸民勾引。無人代為營運。則彼之利源自絕。此皆內地應辦之事。儘可嚴密布置。不露形迹。即阿拉善聞之。亦不慮其猜疑。若如那彥成所奏。遽將瑪哈巴拉及其子弟。賞給御前乾清門差使。留彼在都。恩出無名。豈不動其疑懼。且其事與前代質子相似。國家誠信待人。

不應出此。況將伊等賞給京中差使。該部落中豈無代為管事之人。仍可勾結牟利。又將何以處之。至那彥成又請查明阿拉善地方寬廣若干。令其弟兄伯叔分管。以弱其勢。現在瑪哈巴拉襲職之後。並無不是。忽將其境內地土派分。不特從來無此辦法。設該蒙古因此生心。將來倍難撫馭。所奏皆不可行。前據那彥成奏定章程。在於寧夏各邊口及皋蘭河橋設卡。以禁私鹽來路。於秦州各要路

設卡。以禁去路。此時立法伊始。方維甸等正可飭派公正妥員。實力奉行。此外分歧僻路。亦應一體杜絕。毋許因循疏懈。稍有透漏。設阿拉善不遵天朝法度。尚敢招集奸商。偷越販鹽。並販賣私茶木植等事。一經拏獲。原可照例懲創。彼既私犯厲禁。亦必理屈詞窮。不敢過問也。至漢奸惟利是圖。實為內地之蠹。那彥成此次所奏。回民馬姓。既係阿拉善專管販鹽之人。現在該犯被控有案。即當借此

嚴辦。將該犯問擬遠戍。去其羽翼。其餘似此奸民。再有私出冒禁情弊。或隨案懲辦。或設法翦除。該蒙古無指道之人。一切不禁自絕矣。那彥成此時業已起程赴粵。著方維甸督同蔡廷衡詳慎妥辦。并將那彥成原摺抄寄閱看。再那彥成摺內。又稱尚有未盡之言。已密向督糧道素納告知。令於明春赴京引見。召對時詳細面奏等語。那彥成尚有何不盡之言。必須令素納面奏。蔡廷衡在甘肅年久。

<p>深悉該處情形。那彥成在甘肅時必曾向伊告知。如果關繫重大。著即據實由驛密奏。候朕酌辦。將此諭令知之。○癸未以歲暮祫祭遣官祭</p>									
太廟中殿									
後殿○甲申祫祭									
太廟									
上親詣行禮○遣官祭									
永陵									
福陵									
昭陵									
昭西陵									
孝陵									
孝東陵									
景陵									
泰陵									
泰東陵									
裕陵○遣官祭									

清 實 錄 嘉慶九年十二月

<p>孝淑皇后陵寢○遣官祭</p>									
<p>端慧皇太子園寢○遣官祭</p>									
<p>太歲之神○乙酉</p>									
<p>上御保和殿筵宴朝正外藩。科爾沁巴林奈曼。教漢喀爾喀。土默特喀喇沁。翁牛特。阿巴噶。蘇尼特。浩齊特。烏珠穆沁。土爾扈特。阿巴哈。納爾。阿拉善。烏喇特。伊克明安。額魯特。青海。和碩特。王。貝勒。貝子。公。額駙。台吉。及朝鮮。暹羅國使臣等。隨文武大臣依次就坐。諸樂並作。</p>									
<p>上進酒。召左翼科爾沁扎薩克達爾漢親王丹。曾旺布。科爾沁卓哩克圖親王。噶勒桑棟羅。布喀喇沁扎薩克親王。銜郡王。滿珠巴。咱爾。科爾沁扎薩克郡王。敏珠爾。多爾濟。巴林扎薩克郡王。索特納木。多爾濟。奈曼扎薩克郡王。巴勒楚克。敦漢扎薩克郡王。德親。喀喇沁貝勒。丹巴。多爾濟。土默特扎薩克貝子。固倫額駙。瑪呢巴達喇。科爾沁貝子。鄂勒哲依圖。</p>									

右翼喀爾喀扎薩克親王固倫額駙拉旺多爾濟喀爾喀車臣汗瑪哈錫哩喀爾喀扎薩克親王朋楚克達什科爾沁郡王和碩額駙索特納木多布齋阿巴噶扎薩克郡王瑪尼巴達喇蘇尼特扎薩克郡王喇特納錫第浩齊特扎薩克郡王貢楚克棟羅布喀爾喀扎薩克郡王巴圖鄂齊爾回部郡王銜貝勒哈迪爾舊土爾扈特扎薩克貝勒旺扎勒車凌至

御座前賜酒成禮。○是月直隸總督顏檢奏陳各屬文武年終考語得旨。知人則哲。惟帝其難。今之人慎終如始者鮮。見利忘義者多。朕實愧知人之明。願卿常留意。勿被人欺。勉之。○兩江總督陳大文覆奏飭查江南和州民陳明玉控案得旨。汝向稱明敏果斷。近日頗不如前。恐老態漸增矣。興詞涉訟。非人所樂為之事。若先有成見。則覆盆莫雪。怨氣難伸矣。宜加改省。慎終如始。勉之。○又奏請加高

高堰石隄得旨。任爾等辦理。若加高無益。仍有淤墊。自有爾等身家性命。朕惟知執法耳。○是年旌表孝子山西等省楊應龍等三名。孝女江蘇等省夏筠心等二口。順孫安徽監生沈曰俊。守節合例。宗室玉林妻吳佳氏等七口。滿洲豐紳保妻吳佳氏等一百十七口。蒙古賽尚阿妻吳氏等二十八口。漢軍高雲亮妻王氏等三十口。內務府德福妻董氏等七口。各省駐防九成額妻郭氏等一百六十

六口。直隸等省白騰貴妻韓氏等六百五十九口。夫亡殉節江蘇等省藍翎侍衛孫燮妻馬氏等二十七口。未婚守志滿洲常福聘妻布雅木奇氏。內務府喜兒聘妻傅氏。江蘇等省程家麒聘妻唐氏等十七口。百歲壽民婦山東等省趙象觀等十九名口。五世同堂安徽等省陶承廷等三十家。各給銀建坊如例。○一產三男奉天等省馮海等四家。○會計天下民數穀數。直隸各省通共大小男婦三

萬四百四十六萬一千二百八十四名口。存
倉米穀二千九百七十萬六千二百四十七
石八斗七升七勺。

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百三十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百三十九

[illegible]

嘉慶十年乙丑春正月丙戌朔

上詣

奉先殿行禮○詣

堂子行禮遣官祭

太廟後殿御太和殿受朝作樂宣表如儀

詣

大高殿

壽皇殿行禮。○御乾清宮。賜皇子親藩等宴。○

丁亥。

上御重華宮茶宴廷臣及內廷翰林以職貢圖

聯句○命嗣後各省及新疆等處慶賀元旦
摺統限於十二月初十日以後二十五日以
前半月內一律遞到○戊子

高宗純皇帝忌辰遣官祭

裕陵○移陝西定遠廳屬簡池壩巡檢駐黎壩
新建城內仍兼管簡池壩地方姚家壩巡檢
駐漁渡壩新建城內仍兼管姚家壩地方並
予捐貲修建城堡同知嚴如煜議敘巡檢王
霖等升擢有差從巡撫方維甸請也○

上以上辛祈穀於

上帝自是日始齋戒三日○庚寅

上詣

南郊齋宮齋宿○是日立春順天府進土牛春

山寶座○辛卯祈穀於

上帝

上親詣行禮○展緩直隸邢臺內邱磁三州縣
被旱各村糧穀○貸山西永濟臨晉猗氏萬
泉榮河虞鄉解安邑夏臨汾襄陵洪洞浮山

太平岳陽曲沃翼城汾西吉鄉寧絳州稷山
河津聞喜絳縣垣曲二十六州縣被旱災民
籽種口糧並平糶常平倉穀○展賑江蘇高
郵寶應二州縣被水災民給安徽貴池青
陽銅陵東流當塗蕪湖繁昌無為廬江九州
縣被水災民一月口糧○貸浙江烏程歸安
長興德清武康五縣及嘉湖衛被水災民籽
種展賑江西德化縣桑落赤松二鄉被水
災民貸南昌新建豐城進賢鄱陽餘干星子

瑞昌宜黃都昌建昌德安湖口彭澤永豐十
五縣災民籽種口糧○給湖北黃梅縣被水
軍民一月口糧展緩漢川沔陽天門潛江監
利黃梅荊門江陵八州縣節年舊欠民屯額
賦有差給甘肅西寧碾伯大通皋蘭金靈
寧朔中衛八州縣被水災民口糧有差○壬
辰
世祖章皇帝忌辰遣官祭
孝陵甲午享

太廟。遣成親王永理恭代行禮。

上詣

大高殿行禮。幸圓明園。詣

安佑宮行禮。遣官祭

太歲之神。乙未。

上御山高水長。賜王公大臣蒙古王貝勒貝子

舍額駙台吉及外藩使臣等宴。並賞賚有差。

○諭內閣。予告大學士王杰。

先朝耆舊。久直內廷。宣力有年。忠清直勁。老成

端謹。前年以老疾乞休。經朕再三慰留。因屢

次陳懇。肫切。勉從所請。朕曾親製詩章。優加

錫賚。以寵其行。歸里以後。屢有批章詢問。知

其起居無恙。上年十月間。為伊夫婦八十同

庚特製詩章。扁聯。並賜以如意文綺等件。用

近福綏嗣。據王杰具奏。謝恩摺內。有即日脂

車詣闕之語。朕惟慮其衝寒遠涉。諭令自行

酌量。緩程行走。旋於臘月初旬抵京。特令肩

輿進朝。扶杖入對。察其精神尚健。賜詩誌喜。

並留俟春融後再行起程回籍。旬日以來。屢

經召見。看其體氣稍形疲軟。疊經諭以在寓

靜攝。方冀春和增健。安愈言歸。俾得頤養。林

泉壽躋大耋。不料究以年高氣弱。不勝嚴寒

凜冽。遽爾溘逝。聞之深為悼惜。著加恩。晉贈

太子太師。入祀賢良祠。賞給陀羅經。被派榮

郡王綿億。帶領侍衛十員前往奠醊茶酒。並

賞給廣儲司庫銀二千兩。經理喪事。所有應

得卹典著該部察例具奏。其靈柩回籍時。著

沿途地方官照料。妥為護送。尋奏上。予祭葬。

加賜祭一壇。諡文端。○方維甸奏遵旨審明

逆犯苟朝九實係正身。當即臠割梟示。報聞

○丙申。諭內閣。陳大文奏審訊李復春具控

毒斃三命一案。閱其情節。張大勳之妻胡氏

與張倫通姦。被李賡堂父子撞遇。告知張大

勳。緣張大勳素本懼內。恐張揚露醜。已屬無

恥。乃復將李賡堂父子並張倫一併毒斃。滅

口。賄買地保屍親。以偶中時毒。報州勘驗。現

據指控說和之陳如供認過付屍弟李東陽銀一千兩情弊顯然該州鄭泰並不質訊明確據實詳報軌行朦混結案亦難保無賄縱情事自應徹底研究得實以成信讞壽州知州鄭泰著革職拏問武舉張大勳監生張保安李東陽著一併斥革前署壽州之知縣沈南春鳳陽府知府張汝驤前署府事知州顧浩均著解任現在新任臬司楊護尚未到任陳大文已飭鄂雲布馳赴壽州著即交該臬

司提集案內有名犯證秉公確訊詳報按律定擬具奏○戊戌

上御山高水長賜王公大臣蒙古王貝勒貝子公額駙台吉及外藩使臣等食至庚子皆如之○己亥

上御奉三無私殿賜皇子親藩等宴○庚子上詣

安佑宮行禮 御正大光明殿賜朝正外藩等宴作樂賜酒如除夕儀○辛丑

上御正大光明殿賜大學士尚書等宴○諭內閣向例貝子之子年已及歲者賞給三品頂帶年未及歲者不賞今綿志之子奕績奕紹之子載銓雖未及歲但前業經賞給四品頂帶著加恩俱賞三品頂帶以示朕篤厚親支至意○以青州副都統陽春為福州將軍杭州協領那海為青州副都統○壬寅諭內閣據吳熊光奏湖北軍功鄉勇劉文魁王桐均奉旨賞戴花翎即以守備補用因思此等鄉勇軍功多係草茅初進於營伍事宜尚未曉諳以之驟膺守備要缺恐有貽誤似不若先以千把拔補俟學習一二年後營務熟悉再行請補本缺並請嗣後此等軍功人員均照此分別辦理等語所奏非是各處鄉勇軍功前於三省歲績之後曾經特降諭旨視其所得頂帶分別以守備及千把外委等缺補用原因其出力行間著有勞績是以加恩敘用該軍功等或衝鋒陷陣或殲獲渠魁無不量

功授賞。且有先經賞給七八品藍翎頂帶後。又以其屢次出力勞績優異。遞升至四五品頂帶。換給花翎者。其所進階級。在當日皆非倖邀。今事定之後。忽爾降等補用。不特與前降諭旨不符。無以示信。且如吳熊光所請。以應補守備之員。降補千把。由此遞降。如本係以外委補用者。又將如何降補。豈竟作為兵丁與各鄉勇之情願入伍者。無以異乎。營員管束弁兵。經管錢糧。原不可任其稍有貽誤。但亦須俟其補缺後。實有劣跡。方可斥降。豈容豫為逆料。以該軍功等。必難勝任。即行紛紛降補。如謂該軍功鄉勇。止能打仗殺賊。於稽查董率事宜。未能熟悉。諳練慮難造就。成全。則現在如桂涵羅思舉等。皆係由鄉勇薦擢營員。現俱用至副將大員。身膺閫寄。該員等何又於稽查營務董率弁兵諸事。皆能經理。裕如毫無貽誤乎。設劉文魁王桐二員。實在難勝守備之任。吳熊光亦當查明。現在差

委有何貽誤。據實奏明。方可酌量降補。焉有懸揣其不能勝任。任意為降等補用之理。吳熊光所奏不可行。貸兩淮板浦中正臨興三場被水竈戶一月口糧。甲辰。上御山高水長。賜王公大臣蒙古王貝勒貝子公額駙台吉及外藩使臣等食。乙巳。命嗣後近支宗室之女及歲時管理宗室婚儀王等將應指額駙量擇數人帶領引見。丙午。諭軍機大臣等。徐端奏查勘工料並疏挑清口一摺。河道關繫百姓生命。必先加意防衛。其次方計帑項。慎重帑項之道。並非專惜小費。如遇緊要工程。以為暫可從緩。萬一受病日深。轉形費手。往往有一二萬金即可敷用。而一時惜費。日後多用至數十百萬。是欲節省而適以糜費於事。何益。至治河之法。總先疏濬淤沙。使之通順。譬如醫者。使人身血氣流通。榮衛調和。自可百病消除。若受病而始服藥。即淺於補助。已屬緩不濟急。慎不可不

知大本也。該河督特經簡用全河皆其責成。當與李亨特同心商榷。不可意存畛域。稍涉推諉。猶人之一身三焦。本相聯屬。若專治上焦。而不顧及中焦下焦。有是理乎。至歲購物料。尤須充裕堅實。著即嚴飭各廳員趕緊運工。如有偷減。朦混據實嚴叅。將此傳諭知之。○丁未。諭軍機大臣等。前因勒保奏於川省採辦米六十萬石運通。為數過多。令酌量停截。茲據奏湊足三十萬石。其未經碾運者。概行停止。所辦俱妥。至所稱川省歷來辦米。皆係運至江南。未有運京成案。自係實在情形。現在東豫江浙等省。採買運通之米已不下百萬石。足敷應用。此次川省所辦之三十萬石。著吉綸與江省督撫商酌。運至瓜洲。就近交與水次州縣兌收。於明年漕船北上時。灑帶運通備用。○戊申。孝聖憲皇后忌辰。遣官祭泰東陵。○

上詣恩慕寺。恩佑寺行禮。○己酉。上幸萬壽山。○諭軍機大臣等。近聞廣東洋匪較多。皆因兵丁等多與聲氣相通。每遇出洋巡緝。不但不能出力。並與私通消息。致令遠颺文員。雖欲設法擒捕。無計可施。武官呼應不靈。是以動形掣肘。今朕特調那彥成百齡大加整飭。綏靖海疆。接任後。自能熟察情形。妥為籌度。先以得人為要。切不可過於急切。轉致激成事端。至緝捕盜賊。必須經費充裕。從前粵東原有關稅及鹽務盈餘銀二十餘萬兩。作為捕盜經費。吉慶任廣東總督時。洋面尚為安靜。遂將此項銀兩提出歸公。現在粵東情形較前不同。捕盜經費。自不免於支絀。所有從前提出歸公之款。自應仍留該省作為捕盜公費。或此外別有可籌款項。亦不妨奏明辦理。庶防捕有資盜匪漸次肅清。則

裨益於國計民生者甚大。不可惜小費而忘遠計也。將此諭令知之。○又諭陳大文奏查獲狂悖大逆重犯。搜出字卷等件。一摺。逆犯董霖。膽敢託為夢幻。編造逆詞。狂悖已極。罪不容誅。現已特派侍郎貢楚克扎布馳驛前往江寧。會同審辦。此時陳大文當先行研鞠。且不必加以刑訊。俟貢楚克扎布到彼會同訊明後。即在該處寸磔示衆。其家屬亦應緣坐。並詳查該逆家內是否另有悖逆字跡。此外如訊有黨與。即嚴拏歸案審辦。如實無助逆人犯。亦不必紛紛拘拏。致滋拖累。將此諭令知之。○庚戌諭內閣。本日朕恭閱皇考高宗純皇帝實錄。乾隆四十一年二月初內。欽奉諭旨。養心殿太監等。遇有零星活計。輒傳喚造辦處各項匠役。整理漫無稽覈。殊屬非是。圓明園等處亦然。宮殿重地。遇有應行修整之事。應告之總管內務府大臣。派員放匠。不當

任聽大監等專擅徑行。昔皇祖時曾有諭旨。飭禁載在宮史。今相沿日久。太監等漫無顧忌。著交總管內務府大臣嚴行禁止。嗣後如有必須放匠修整活計之事。俱令呈明該總管大臣派員查點。仍將其處放進次數。於年底彙摺具奏。欽此。仰見皇考祇循成憲訓誡。詳明允宜。實力奉行。日久弗懈。朕前曾疊次降旨。申嚴門禁。原以宮廷重地。本非外人所可擅進。其應行進內者。如豫備召見引見人員。及內廷行走大臣官員。各有職司。又有奏事太監帶領立法原屬周備。至匠役等人數混雜。宜容漫無查考。必當派員帶領出入。方符體制。今原立章程久而廢弛。每歲年底。並未見該管大臣等彙奏。不可不重申舊制。加之整頓。嗣後禁城及圓明園等處。遇有應行放進匠役修整活計等事。著太監呈明

總管太監。總管太監呈明總管內務府大臣。派員查點明晰。將其處放進次數人。數按月具摺。隨月摺彙奏。毋許太監等任意傳喚。擅自出入。以昭嚴肅。所有乾隆四十一年二月內原奉

聖諭。及此次所降諭旨。均著該館敬謹纂入宮史。垂示久遠。遵行勿替。○又諭。據來儀奏。鑲藍旗披甲噶拉圖。醉後自縊身死一案。朕詳閱所奏案情。殊未確實。據稱噶拉圖醉後尋賭。因三達色不令入局。遂相吵嚷。何致遽爾輕生。況領催等將伊拏送本旗。亦祇令人看守。並未責治。何以即在佐領塔吉納門上。自盡種種俱涉疑竇。或噶拉圖尋賭之時。本經入局。因賭輸負。欠經三達色等嚇逼錢文。情急自盡。抑或此外尚有別項致死情弊。均未可知。不可不徹底根究。以成信讞。該處同知職分較小。恐其查辦未協。著來儀親提犯證。督同研審。該副都統訊出大概情形。一面奏

聞。即將案犯派員解交刑部辦理。佐領色克通阿塔吉納二員。均著革職訊問。○以前任貴州安義鎮總兵官李應貴。為福建汀州鎮總兵官。雲南楚雄協副將那林春。為普洱鎮總兵官。○辛亥諭內閣。朕恭閱

皇考高宗純皇帝實錄。乾隆四十一年三月內。欽奉

諭旨。向來軍營官兵。凡有奮勉出力者。俱令該將軍等覈其功績。定為超等及頭二等。分別議賞。議敘。兵丁等賞給月糧。賞資不為不多。不應復有隨營賞號之事。乃據桂林奏。絨布軍營。除賞號銀兩外。其取用綉緞茶布等項。計銀一萬數千兩。此等賞號起自何時。前此平定準部回部時。並未聞備有賞號。何獨川省有此。至賞給所需。亦當約有定數。軍營取用後。作何賞給。及賞何項兵丁之處。是否存檔備覈。著文綬逐一詳查具奏。此項賞號銀兩。綉緞當征勦之際。將軍叅贊等或藉以鼓

勵士衆且該地方官已經備辦其動支實用果有確據者自仍當令其覈實報銷但不得援以為例著戶部存記嗣後或遇辦理軍需之事如遇有請備賞號者即遵此諭駁飭欽此仰見

皇考慎覈軍儲

垂示明切朕節次降旨諭令軍營大員不准擅用賞號正與

聖諭相合國家設兵所以衛民承平無事之日

凡隸名部伍者皆賴百姓耕作所入資其養贍俾得盡心訓練原以備一朝之用迨偶有徵調奮勉出力官兵每遇將軍等奏報到日必優加獎勵其超衆立功者往往有特予超擢賞給官職並賞有巴圖魯名號復照例給以銀兩即聞有傷亡陣亡歿於王事者無不勅部賜卹是平日既優其廩餼臨事復沛以恩施養兵不為不厚此外特加賞賚或給以月糧或賜以銀牌恩出自上均非常格尚何

待帶兵大員隨時賞號始足以示鼓勵此不過近年來相沿陋習向地方官咨取備辦任意支銷糜帑項以市私恩本非政體況未必實惠盡逮官兵耶從前辦理金川軍需時所有綢緞茶布等項賞號蒙

皇考諄諄訓諭不得援以為例何以後此軍營復有賞號名目大約勦辦臺灣逆匪時福康安始開其端此後相率效尤竟成錮弊即如此次勦辦三省邪匪各路帶兵大員調取賞

需均所不免現在報銷未竣著戶部查明三省軍需案內如有報銷賞號銀兩等項之款覈其支用不實者即行遵照駁飭以杜浮濫如果再四詳查實有確據者亦應奏明請旨不得率行准銷方今寰宇昇平兵可百年不用而軍紀度支總當定以程式嗣後著申明舊制或遇辦理軍需之事將賞號名目永遠革除以符體制而歸覈實將此通諭知之○又諭前日朕恭閱乾隆四十一年二月分

皇考高宗純皇帝實錄內載

謁

陵儀注二處於

降輿下俱失載慟哭等字與歷年所載

謁

陵儀注不符當經指出詢問本日監修總裁官大學士慶桂等公同具奏據稱纂修官原照常恭載經伊等省去現已敬謹改正請一併交部議處等語因思

實錄內刪節未協凡在館之監修總裁及總纂等原均有不合但必有一人持論刪改未必出於會商特於召見慶桂董誥時復面加詢問據稱此次稿本係劉鳳誥酌刪伊二人恭閱時原經看出簽改並未覆到銷簽伊等亦未再行查詢旋經繕錄呈進殊屬疏忽等語慶桂董誥於簽出遺漏後尚未銷簽遽行繕本呈進自應與各總裁一體交部議處至劉鳳誥係專司勘辦稿本之人此次纂修等於

纂送稿本時本無錯誤伊以臆見刪去數字及慶桂董誥簽商後尚不敬謹改正仍復任意刪節尤屬非是劉鳳誥著交部嚴加議處尋議上得旨慶桂董誥疏漏之咎尚屬可原罰俸一月之處俱加恩寬免劉鳳誥降一級留任不准抵銷○命協辦大學士戶部尚書朱珪為大學士管理工部事務禮部尚書紀昀協辦大學士加太子少保調工部尚書戴衢亨為戶部尚書轉都察院左都御史熊枚為工部尚書仍暫署刑部尚書以兩江總督陳大文為左都御史調戶部右侍郎戴均元為吏部右侍郎仍暫署刑部右侍郎吏部右侍郎劉鑲之為戶部右侍郎以山東巡撫鐵保為兩江總督理藩院右侍郎全保署山東巡撫內閣學士玉寧為理藩院右侍郎○壬子

上詣

大高殿行禮○還宮○平糶山西太原潞安汾

州大同朔平寧武澤州遼沁平定忻代保德
霍陽十五府州所屬各州縣廳存貯倉穀
癸丑奉恩輔國公崇吉緣事革退以其從兄
布蘭泰襲爵（甲寅）

孝儀純皇后忌辰遣官祭

裕陵○諭軍機大臣等松筠興肇奏驗訃哈薩
克命案特參冒昧官員一摺所辦失之輕縱
邊外哈薩克等潛入卡倫游牧僕驅之不去
該官兵即當報明查辦伊等必共知畏服方
為正辦乃此次哈薩克拜等尋見潛入度冬
之哈薩克遂燒燬糧房任令隨行人等搶拾
物件以致哈薩克心懷不服其咎豈止躁妄
即瞻台里一犯向加那里借馬乘騎加那里
借給時亦未必知瞻台里有偷馬情事即以
知情而論其罪亦不至死乃穆特布等輒將
加那里鞭責致斃豈得謂之擅殺罪人乎此
皆由松筠平日不能鎮服屬員以致如此妄
為審辦時猶不免意存迴護興肇亦隨同附

和何以折服外夷之心松筠興肇著傳旨嚴
行申飭仍交部議處佐領穆特布著革職枷
號一年錫伯佐領達明阿額魯特佐領沙喇
固爾佐領哈薩克拜福珠靈阿均著革職各
枷號三箇月馬甲莫爾根保等均著革去披
甲各枷號三箇月以示懲儆幸哈薩克畏威
懷德不致生事此次姑從寬貸若妄挑邊隙
即正法亦不為過著松筠諭知該台吉以此
案業經奏明大皇帝以官兵等妄行騷擾該
將軍等定擬罪名尚輕特降旨從重褫革分
別枷號等因詳悉傳諭俾知感畏至所稱現
在開齊之路原係乾隆六十年新展卡倫迤
內十數里向為哈薩克度冬游牧處所著照
所請將該處大小卡倫迤外約容百餘戶人
處所賞給哈薩克冬春游牧以示懷柔○以
大學士朱珪為會典館總裁官理藩院右侍
郎玉寧為

實錄館副總裁官○以委散秩大臣成德為廣

員之於知府雖係上司。然相去不過一間。亦未便率意更張。若各省道員似此越職言事。紛紛奏瀆。成何政體。此風斷不可長。張彤所奏此時未便徑交部議。著交新任巡撫全保。將登州府一缺是否實應改選為題確查具奏。到日再降諭旨。尋奏查登州府屬地方濱臨海島。近日政務殷繁。較倍於前。請將登州府改為請旨簡放之缺。得旨著照所請。登州府知府一缺准其改為請旨簡放。交部註冊。

實錄卷一百一

十一

張彤雖係越職言事。但道員本有奏事之責。且其事已准行。張彤著免其議處。

上以祭

社稷壇。自是日始齋戒三日。○丙辰。諭內閣前

因恭閱

實錄內載辦理金川軍需時奉有

聖諭禁止軍營帶兵大員私用賞號紬緞銀兩

等項。業經降旨申諭通行。本日恭閱乾隆四

十一年四月內

實錄復奉有

諭旨以川省賞號實屬濫設。隨征員弁奮勉出力者。俱令覈其功績。分別議賞。議敘其出衆者。又特加升用。及賞給巴圖魯名號。並賞戴花翎藍翎。何得更有隨營賞號之事。或將軍等自顧體面。將自有之紬緞等物量行賞給。未為不可。向年傅恒經畧金川。即以朕賞賜之物分賞將士。並非地方官辦給。又如平定準噶爾回部時。亦並無此項開銷。何獨川省辦及賞號。即富德此次在軍營止於無功。乃因有賞號一項。始則濫賞沽名。繼則冒支混扣。以圖彌補身蹈重愆。可見賞號一項。斷不應有嗣後。即當永遠刪除。欽此。仰見

實錄卷一百一

十一

皇考再三訓誡。義正詞明。朕前次屢降諭旨。正相符合。賞罰乃國家大柄。况用兵之際。懲勸攸關。豈可不慎。如帶兵員弁。果有奮勉出衆者。或擢升官職。或給予巴圖魯名號。或賞戴翎枝。或交部議敘。皆以朝廷名器。論功行賞。

方合酬庸之義。豈區區紬緞荷包等件足以當之。譬有違犯禁令者。必當按律治罪。又豈訶斥笞箠所可示罰。可見功懋懋賞之典。至渥且鉅。即朕有時特頒物件賞給銀牌。不過隨事獎勵。猶屬賞之輕者。至帶兵大員。本不當以一時犒勞私恩。輒立賞號名目。其始如傅恒等。尚係將自有之物分給士衆。迨後厚相效尤。又不能出貲購辦。遂不得不向地方官調取豫備。而福康安為尤甚。因而承辦軍需者。居然視為正項支銷。自有賞號名目以後。帶兵大員藉詞取索。漫無限制。而地方局員亦不免以購備為名。浮濫多糜。甚或舞弊營私。取肥己橐。交結見好。及至報銷帑項時。又復多方設法。希圖掩飾。如從前富德在金川軍營。即以侵冒獲罪。其流弊不可勝數。所有軍營賞號一項。必當嚴行禁止。茲復諄切申諭。著戶部遵奉存記。於軍需例案條下。將此項名目永遠刪除。○以翰林院侍讀學士

成書。充日講起居注官。○丁巳祭先師孔子。遣榮郡王綿億行禮。○遣官祭文昌帝君廟。○戊午祭

大社

大稷

上親詣行禮。○諭內閣。軍機大臣議覆宜興奏。清釐邊外木植情形一摺。所駁甚是。高麗溝一帶。奸徒偷砍木植。前經特派策拔克等會同查辦。除酌留應用外。餘俱令該地方官減價招商認買領運。早經降旨准行。上年冬間復經工部奏稱。該處查出木植細數。遲久未經報部。復諭令宜興親歷清查。該副都統自應遵照妥辦。如果查有影射夾帶情弊。即當徹底根究。宜興此次發摺時。自尚未經接奉部文。但並未查明準數奏報。率請將未經運進木料等件。概行焚燬。不特駭人觀聽。而以有用之材木付之一炬。亦覺可惜。辦理殊覺未協。著宜興仍遵前旨。一面前赴該處。將策

拔克等原查存山木植實有若干。留用若干。該商等有無偷砍捏報之處。一一查明。據實奏報。其未經運進雜木車軸車輞等三萬餘件。應如何設法肅清。或官為運用。或招商認領。並著富俊薩彬圖會同宜興妥行籌議。具奏辦理。以清山場而杜弊端。該部遵諭速行。

○己未。以舉行仲春經筵。遣官告祭。

奉先殿

傳心殿

上御文華殿經筵。直講官文寧李鈞簡進講論語居敬而行簡。講畢。

上宣御論曰。臨民貴乎有容。務擇其要以求治理。若過事苛細。徒自煩擾。行政必歸於簡易。則民知所從矣。然簡者非疏畧之謂。稍存怠忽之心。百度盡廢。失之過甚。流弊益大。唯敬勝怠。居心於敬。兢業求安。存誠於內。而勿自紛煩。惕厲於中。而無敢肆慢。祖宗成憲。不可更張。家國舊章。豈容改易。萬幾紛至。當前祇

此一事。以靜御動。以理觀心。主於敬則不煩。能得其大體。治具畢張。綱維咸振矣。天道不言而歲功成。聖人無為而萬民治。簡所當簡。斯須不可去者。敬也。孔門論古帝王之心。法治胥在於是。視彼文恬武嬉。侈言太平。不知振作之庸臣闇主。奚可同日而語哉。直講官英和戴均元進講易經君子以自彊不息。講畢。

上宣御論曰。天道至健。一日一周。終萬古而不

息。四時成焉。百物興焉。聖功至剛。一心一理。治萬事而忘勞。八表泰矣。庶民安矣。天道君道。若合符節。自彊在於克己。靜專以立。體動直以致。用私欲不雜。範圍曲成而不遺。從容中道。舉錯咸宜。日新又新之功。既純。緝熙敬止之心。益固。剛健中正。與天合德。無一時或息也。蓋造化之理。通乎人事。性命之學。合乎治功。天與人切近。君與民同體。內聖外王。胥主於敬。為萬事之根本。善萬事之化裁。始終

無間幹運不窮庶幾可臻上治總不外此自
彊不息之功。臨民者豈可怠忽哉。禮成。

上幸文淵閣。賜講官及聽講諸臣茶。復賜宴於
本仁殿。○庚申。

上詣

雍和宮行禮。○辛酉。

上至田村臨

華妃殯所奠送。

孝淑皇后忌辰。命

皇次子旻寧祭

陵寢。○諭軍機大臣等。據倭什布等奏。喚咭喇

國呈進表貢。請旨遵行。一摺。該國王重譯輸

誠情詞恭順。從前乾隆六十年間。曾經附進

表貢蒙

皇考高宗純皇帝俯賜賞收。加以錫賚。賜之勅

書。此次既據該國王備進方物。自應照例賞

收。著那彥成等查照辦理。並將貢品齎京。呈

遞。再行頒給勅書賞件。俾遂忱悃。而示懷柔。

至所稱該國有護貨兵船四隻來廣一節。近
聞外洋貨船到粵。均有兵船護送。亦不獨喚
咭喇國為然。必係因洋面不能肅清。自為守
衛之計。迨駛至澳門。已近內地口岸。或有竊
掠之事。豈不貽笑外夷。該督等當嚴飭地方
文武。整飭巡防。使澳門一帶商船停泊。得以
安靜。無虞。至伊等護貨兵船向來必有灣泊
處所。總當循照舊規。勿令任意越進。為要。再
閱譯出該國原表。內稱有別項事情。要我出

力。我亦十分歡喜。効力等語。此言似非無因。
自係聞洋面時有盜警。或需伊國兵力幫同
緝捕。是以隱躍其詞。海洋地面番船往來。原
應內地官兵實力查緝。焉有借助外藩。消除
奸匪之理。那彥成到任後。惟當遵照節次。諭
旨修明武備。整頓營伍。使奸徒聞風自遠。以
懾外夷。而靖海疆。方為不負委任。將此諭令
知之。○調兵部左侍郎王汝璧。為刑部右侍
郎。轉兵部右侍郎。戴聯奎。為左侍郎。以江南

河道總督吳璥為兵部右侍郎○壬戌
上幸圓明園○癸亥皇四子綿忻生○諭內閣
御史楊昭奏請慎揀倉差一摺各衙門保送
外差其得力一等人員該堂官自應留署辦
事不肯輒行咨送但如各倉監督專司出納
亦須其人明白謹慎方可以資稽覈若率以
庸鈍之員充數殊非慎重職守之道況各衙
門司員中如實係衰積陋劣者即早應參劾
豈有轉加保任之理嗣後各衙門保送倉差
務當詳加選擇若補任監督後有貪鄙不職
等事惟原保堂官是問○甲子遣官祭
先醫之神○德楞泰奏四川陝西訪獲首夥
匪犯出力各員知縣余永寧等升敘有差○
以大學士朱珪為國史館總裁官○旌表守
正捐軀四川渠縣民張正富妻李氏○乙丑
孝康章皇后忌辰遣官祭
孝陵○諭內閣孫玉庭奏審明潮陽縣積年械
鬥各案先將要犯辦理一摺此案鄭馬二姓

因爭奪山港漁樵構衅累年膽敢逞忿謀故
兇鬪殺人積至五十餘案案犯至四百餘人
該地方官並不隨時嚴辦任聽莠民肆橫不
法已屬咎無可逭乃前任革職知縣李樹萱
因命案過多犯難弋獲將十二案卷宗抽藏
諱匿不報迨至屍親控告經督撫批飭嚴查
該革員復規避處分捏詳銷案似此械鬪重
案輒敢任意諱捏將正兇多名縱令漏網而
死者含冤積久莫申安用此地方官為耶州
縣為親民之官獄獄乃其專責即尋常案件
有一二審擬錯誤之處尚當按例懲治今李
樹萱有心諱匿玩視民命實出情理之外該
撫擬以發往新疆充當苦差尚覺情浮於法
李樹萱著即鎖拏解交刑部嚴審另行定擬
具奏並著該撫派委妥員沿途小心管解迅
速行走如有疏虞惟該委員是問潮州府知
府陳鎮在任數年於所屬地方鬪殺多名之
案並未查出揭報直同瞽瞍著革職暫留該

省聽候另降諭旨。署惠潮嘉道吳俊抵任已。在事後。雖未能即時查出。此次前赴潮州。即能督率將案犯拏獲殆盡。功過尚足相抵。著加恩免其議處。其現署知縣楊桂蔭。雖經查覈本道。究未能及早覺察。著交部議處。至歷任失察之督撫等。亦有應得之咎。何以摺內並未聲請議處。仍著該督撫查明咨部覈議具奏。○丙寅。諭內閣。兵部議駁馬慧裕奏請將河南新兵另立營制。添設員弁一摺。所駁

甚是。此項新兵。本係由鄉勇改充。自應令其分派各營。隨同額兵習練。營規庶可漸諸紀律。若如馬慧裕所奏。另行設營。是新兵舊兵判然為二。非但不能隨同習練。且恐各不相下。轉致別生枝節。況川楚等省。均有入伍鄉勇。若似此紛紛增設營官。更不成事。馬慧裕實屬不曉事體。所奏著不准行。○又諭。據玉德參奏。畏葸遷延。致誤緝捕要務之鎮將。請旨革審。一摺。海盜蔡牽率領匪船在洋劫掠。

為害商旅。上年冬間。膽敢竄至臺灣地方。登岸滋擾。節經降旨。諭令玉德督飭水師鎮將上緊緝捕。乃金門鎮總兵吳奇貴。閩安協副將張世熊。經該督飭令配帶兵船。會合臺灣鎮道探擊。該鎮將等輒以風狂浪大為詞。不即開行。復經該督委員查看。天晴風順。且有澎湖通判茅琳等放洋東渡。而吳奇貴等仍以風浪尚大。遷延不進。該督又經派員執持令箭守催。吳奇貴等仍復挨延觀望。直至本年正月十四日。甫經開駕出口。停泊三日。又捏詞忽起颶風。駛回崇武。經玉德親往調取汛口號簿。查明該鎮將等所稱風狂不順。各日期俱有商船出口。渡臺明係捏詞支飾。該鎮將身為大員。於海洋匪徒肆擾。自應認真奮勉緝捕。乃竟心存畏葸。屢催不應。喪心病狂。實出情理之外。吳奇貴、張世熊均著革職。拏問。交該督嚴審定擬具奏。其總兵副將二缺。已據該督奏明。分別委員署理。護篆現在。

水師人員一時乏人簡用。即令玉德等保奏亦不出此數員。所有金門鎮總兵印務即著許松年護理。閩安協副將印務即著邱良功署理。仍著該督檄飭該員等統領兵船實力緝捕。如果認真出力。擒獲巨憝。再行據實保奏。○又諭長麟等因失察顏料庫郎中嵩慶請旨交部查議。殊屬無謂。各衙門司官如辦理公事舛錯。及在本衙門滋事。該管大員自有失察之咎。今嵩慶調補顏料庫。僅止數日。

十四

十四

赴伊從堂母舅家磕頭。因而酒後釀命。係本身所犯私罪。與庫務毫無干涉。何必多此一奏。實為可哂。所有長麟熊枚。自請交部查議之處。竟可不必。○丁卯遣官祭

關帝廟。○諭內閣刑部議覆陳大文審擬豐縣民人穆奎文。赴京呈控伊兄穆奎光身死不明一案。所駁甚是。閱此案情節。穆奎光因劉效文等索欠涉訟。代為調處。不允被斥。祇屬尋常細故。即一時懷忿。亦何致遽爾輕生。

且如果忿急自戕。必係下手即重。何致劃傷多處。至屍妻史氏。祇因查訊穆奎光自戕之刀。係在房內自取。佩帶一節。應向史氏質訊。亦何難委員就近錄供。乃必遠涉千餘里。守提史氏到省審訊。設無挾制嚇逼情事。何致因病遽尋短見。種種疑竇。皆非情理。况屍親人等尚無輸服供詞。事關二命。何得顛預結案。陳大文審辦殊屬草率。鐵係新任總督。無所用其迴護。著交該督按照所駁情節。詳

細研鞠務。成信讞。另行分別定擬具奏。○又諭刑部題覆陝西省邵陽縣民婦劉雷氏勒死伊夫劉世敏一案。按律將劉雷氏凌遲處死。一本已照簽發下矣。閱本內有內閣夾片。以死者淫惡蔑倫。該氏實屬忿激致斃。聲敘請旨所辦非是。此案劉世敏圖姦子媳。固屬淫惡。但究未被姦污。即所稱欲殺害一家之語。不過醉後妄言。並未實有兇橫情節。且伊媳雖欲自盡。亦未致死。該氏有何忿激難堪。

輒乘本夫醉卧之時起意勒斃併無抵拒失
手情節安得稍從末減耶朕辦理庶獄一一
準情酌理而於服制之案尤為慎重凡有敕
親情切激於義念者無不量加寬宥然尚必
實有確據方予寬減況夫為妻綱豈可因其
夫行止不端遽忍置之死地且此等家庭曖
昧不明之事並無證據易啟事後捏飾流弊
嗣後遇有此等案件俱不必於本內夾片聲
請定奪○戊辰遣官祭黑龍潭

昭靈沛澤龍王之神玉泉山

惠濟慈佑靈護龍王之神○己巳遣官祭昭
忠祠○禮親王永恩薨遣員勒綿譽帶領侍
衛十員往奠茶酒予祭葬諡曰恭○協辦大
學士禮部尚書紀昀卒遣散秩大臣德通帶
領侍衛十員往奠茶酒並賞銀五百兩治喪
予祭葬諡文達○庚午諭內閣前據祿康等
奏據貴州正安州知州德順呈稱伊父五靈
泰於錢局監督任內兌收朱士龍一起銅斤

本有掛欠四萬四千餘斤其後如何補足及
售賣餘銅等事俱係署監督戶部員外郎百
貴任內之事與五靈泰無涉又收受節禮三
百兩係問官逼勒畫供定案時刑部堂官並
未過堂伊父無從申訴被屈不甘懇請陳奏
等情並將原呈進呈當經派令慶桂等會同
秉公查審茲據奏稱查明上年刑部審辦此
案時因首先作弊之書吏童煥曾業經正法
無從詳究歷任監督贓據率據書吏王蔚堂
等所供銅斤短少由於快收舞弊遂以各該
監督收銅時查有掛欠並無餘銅售賣者即
為無弊其並無掛欠而有餘銅售賣者即係
有弊懸揣定案至五靈泰任內所收朱士龍
一起實係短少銅四萬餘斤報明錢法堂確
有案據旋即卸事以後收兌足數係署監督
百貴任內之事刑部因該革員亦有收受餽
送一節率同董成謙等一律科罪實屬自亂
其例請將五靈泰照監臨官員索求所部財

物計贓准不枉法論至死減一等律。又按照一年限內全完應行免罪例聲請欽定。並將刑部堂司官等分別革職嚴議等語。是刑部辦理此案。總因蠹吏童煥曾先已正法無憑。根究贓私訊辦本不確實。其五靈泰收銅一起報明實有短少。既云有掛欠即無弊。乃與收銅毫無掛欠。並有餘銅售賣者。科罪漫無區別。何足以服其心。至五靈泰得受書吏餽送銀三百兩一節。現據訊明刑部承審司員

向其屢次根究贓銀數目。五靈泰先後畫供承認。並非得自刑求。可見收受屬實。況此等陋規從前歷任監督亦未必一無沾染。即以五靈泰而論。收受或不止此數。或不及此數。俱未可知。總與短少銅斤本案無涉。惟既經查出。即屬有干功令。五靈泰著加恩免罪。發往熱河賞給披甲當差。至鳳麟丁樹本董成謙遐齡祁韻士五人。既得受書吏餽送贓私於蠹吏串通舞弊。虧折銅斤之處。豈得諉為

不知伊等所受之銀。自即局內短收之銅情罪本重。是以上年刑部照不枉法贓定擬時。經朕降旨改照枉法贓治罪。嗣該部辦理朝審停勾。將鳳麟等歸入情重案內。朕以該犯等所得贓私究未訊有實據。始終尚屬疑案。當與軍機大臣等論及罪疑惟輕之義。未予勾決。今五靈泰業經末減。鳳麟等係同案人。犯其情罪既稍覺可疑。且已一律完贓。亦不必令其久繫囹圄。但較五靈泰之罪。輕重判

然。不可不量加區別。鳳麟丁樹本董成謙遐齡祁韻士均著加恩免其死罪。發往伊犁充當苦差。以示法外施仁。至意刑部承審司員於五靈泰呈遞親供時。並不詳查錢法堂收銅案卷。又未將百貴傳訊實屬草率。錯謬本應照議革職。但德莊吉祿等於訊究五靈泰時。屢經追究贓私。並不以係屬旗員稍存袒護。若遽因此褫職。恐將來承審司員遇事不肯認真推鞠。殊有關繫。責保石俊德莊吉祿

恒安盛泰六員均著從寬改為革職留任八年無過方准開復刑部堂官於該司員審辦此案草率錯謬之處未經駁查定案時又不再行過堂錄問咎實難辭董誥在軍機處行走事務較繁且上年秋間扈從熱河旋又典試順天此案未經到署覆訊尚屬有因著加恩改為交部議處其餘辦理此案之刑部堂官著交部查明嚴加議處○予四川陝西陣亡守備羅光元把總王登科外委朱啓才藍翎鄉勇馬懷珠藍翎領催張家布藍翎披甲托科岱祭葬世職如例○旌表守正被戕河南舞陽縣民王漢平妻徐氏守正捐軀湖南藍山縣民唐亮彩妻楊氏○辛未

上幸靜明園詣

龍神廟拈香○命兵部尚書劉權之為禮部尚書協辦大學士加太子少保轉都察院左都御史陳大文為兵部尚書以倉場侍郎鄒炳泰為左都御史調兵部右侍郎吳璥為倉

場侍郎以內閣學士劉躍雲為兵部右侍郎○山東布政使策丹年老命來京以三四品京堂補用以浙江按察使文肅為山東布政使福建汀漳龍道景敏為浙江按察使○癸酉諭內閣昨據會典館呈進事例內有禮部冠服一本擡頭處於

世宗廟號上一字寫作聖字當經簽出令總裁官自行議罪並將纂修校對等官一併議罪本日保寧等自請革職並請將總纂汪德鈺等革職交刑部治罪等語朕於各館呈進書函及各部院一切奏摺本章內有關繫

天

祖典禮必先盥沐啓函即尋常事件恭遇

列祖

列宗廟號自係大經大法所在捧繹之餘敬畏嚴恭實出於不自知是以寓目倍加詳慎此內設有繕寫錯誤字樣一經看出若不指明查處不惟朕心有所不敢亦且有所不忍從

前屢有錯誤節經降旨通諭飭令一體敬謹詳閱免蹈愆尤今進呈會典事例於擡頭字樣復有訛寫可見諸事漫不經心實非尋常錯誤可比若照伊等自請處分將大學士尚書八人概行罷斥朕固不為己甚然大臣等設豫存此見以為即有錯誤總可冀幸寬免則此心即屬不敬遇事必多舛錯況進呈事件鉅細總當留意若云伊等所管事務較多無暇詳閱則朕躬攬萬幾又何以事事必親披覽乎此次書寫擡頭錯誤既經朕指出各總裁等安能辭咎保寧慶桂董誥朱珪劉權之德瑛戴衢亨長麟均著加恩改為革職留任八大臣中實心任事者必知悛改因循保位者亦不過視為泛常或謂朕過於苛細亦未可知自問於心能無愧乎朕於諸大臣恩意有加現因書籍錯誤大學士尚書等八人同時概予以革職留任朕心已為之不憚諸大臣等尤當仰體此心時懷敬謹用副成全

亦不但呈進書籍為然也至總纂汪德誠協修楊樹基校對邊廷英均係專辦書籍之員其咎更無可逭均著革職從寬免其交部治罪嗣後該總裁等務須各思愧奮於進呈書籍倍當小心詳閱所有該館進書章程著保寧等另行妥議具奏總在辦理詳慎期於無誤不可欲速誇多致涉草率○乙亥春分朝日於東郊遣莊親王綿課行禮○

為內閣學士兼禮部侍郎銜大理寺卿成格為都察院左副都御史○戶部議准陝甘總督那彥成疏報烏嚕木齊塔西河所開墾地七頃五十畝照例升科從之○丙子諭內閣前鋒統領綿佐等奏本月二十日午刻有民人手持鐵槍向神武門甬道奔來經該班護軍章京舒當阿護軍校護軍等拏獲將該犯擊斃請將該班之章京護軍校護軍等分別交部治罪並自請交部嚴議等語兇犯薩彌

文膽敢持械向神武門甬道奔來目無法紀情罪重大業經即時砍斃除已交刑部戮屍示衆外護軍叅領舒當阿率同護軍校等將該犯薩彌文即時拏獲該員帽上被砍二處實屬勇往可嘉舒當阿著賞給副都統銜護軍校八十四額閒受重傷二處八十四著以委護軍叅領升補仍賞銀二百兩令其在家調養護軍莫爾根布被該犯將手指砍傷亦屬出力著以護軍校升補仍賞銀一百兩護軍圖塔布奪獲該犯手持之槍並將該犯頭顱刺擊亦屬奮勇著加恩以護軍校升用仍賞銀五十兩以示獎勵該犯究係綿佐等所管人員等拏獲所有綿佐等自請嚴議之處著加恩寬免是日值班之護軍校護軍等經軍機大臣查訊或係協捕或係在門看守尚無不合著加恩免其治罪至該犯係由北上門外西柵欄走進該處值班步營官兵未能攔阻甚屬疏懈所有該班之步軍等除交刑

部審訊定擬外步軍校英良等俱著交兵部議處右翼翼尉富僧額委翼尉扎拉芬等均難辭咎均著交兵部察議祿康福會係統轄之員亦難辭咎著交部察議○旌表守正捐軀直隸東鹿縣民趙瑞照妻劉氏涼州駐防馬甲四十九妻教氏○戊寅上幸萬壽山○禮部議准江西巡撫秦承恩學政曹振鏞奏萬載縣土棚籍考試請於原額十二名外加額四名不分土棚籍合考取進從之○己卯諭內閣松筠等奏伊犁遣犯趙郭磬毆斃馬甲花沙布按律擬絞請旨即行正法一摺趙郭磬本係棍徒擾害發遣伊犁為奴之犯到配後於小鋪生理因索討花沙布舊欠未償輒用拳毆花沙布立時斃命似此怙惡不悛自應一面奏聞一面即將該犯正法以昭炯戒何待請旨遵行轉致久稽顯戮趙郭磬著即處絞此後發遣新疆為奴人犯復於配所殺人如此情節兇惡者即著按

律正法一面具奏毋庸先行請旨○又諭朕聞從前阿拉善親王旺沁班巴爾在日凡事不遵舊制每多任意違例即如將伊胞妹聘給涼州魯姓土司為妻蒙古地方所產之鹽越境多運他處販鬻多購內地木植修造船隻販運鹽斤定額之外多帶口糧多買茶葉此等違例之事皆附近該游牧之奸民猾商代為任意漁利旺沁班巴爾係蒙古臣僕若與滿洲蒙古人聯姻俱可土司係外夷番子豈有將伊胞妹聘給土司之理向來各處蒙古從無此事如果屬實殊為大謬但此事虛實未定如旺沁班巴爾尚在朕必查明重治其罪今已身故姑免深究至蒙古地方所產鹽斤准在該游牧附近地方售賣原期有裨於蒙古人等但恐蒙古與漢人互相爭利滋事是以從前明定疆界永遠遵行至越境購買木植茶葉以及多帶口糧等事均屬違例旺沁班巴爾受朕厚恩世襲王爵如果似此

妄為實屬負恩朕既有所聞若不明降諭旨訓飭倘瑪哈巴拉惑於奸徒之言致干罪戾朕心深為不忍著理藩院將此旨宣諭新襲阿拉善親王瑪哈巴拉令其嗣後將蒙古地方所產鹽斤務遵原定例額販鬻毋許多載越境販賣其內地木植茶葉亦應照例購買毋得逾額運鹽船隻攜帶口糧亦不許多帶即將辦理此事之奸民猾商嚴行查出送交陝甘總督衙門不准容留一人並將所屬蒙古人等妥為管束安分度日以期永受朕恩儻經此次訓諭之後尚不敬謹遵行仍如伊兄旺沁班巴爾妄為定當嚴行究辦決不姑貸勉之慎之○諭軍機大臣等據方維甸蔡廷衡覆奏阿拉善販鹽情形一摺據稱蒙古鹽斤自乾隆五十一年以後旺沁班巴爾妄行干請准令水運赴晉改易舊章五十九年鹽課改歸地丁從此運鹽道路不分疆界阿拉善營運日廣勾引奸商串通吏役漢奸等

惟利是圖偷越販賣並有違例販木販糧頂買官引售買私茶等事實屬牟利無厭不可不嚴行查禁從前蒙古鹽斤祇准陸運定有地界立法原為周密自准令水運漸致偷越此時相沿日久固不便遽令停止水運但船隻鹽斤定有數目銷售地方均有界限上年經晉撫伯麟議定章程奏明辦理現在山西陝西均已設卡巡防其甘肅磴口裝載處所自應派員驗放設卡處所查有逾額鹽斤船隻不准放行自無從偷越亦不必如內地之緝拏私販紛紛懲治也至木植以資造船之用准令購買九千根糧石為運鹽水手食用每月准帶二百石從前定數本屬寬裕今影射多帶者轉增至數倍應飭沿河地方官稽覈如有多帶概行截留並治本商等以應得之罪其私茶一節報認茶商均著申明定籍嚴禁吏胥勾串自可漸次清釐至定例內地人民原不准外藩私自容留現在阿拉善勾

結漢回奸民牟利營私皆係旺沁班巴爾在日之事現已另降諭旨交理藩院飭知瑪哈巴拉令其按名獻出此等奸民自應按律懲處量加遣戍使之離析俾絕根株至本日所降訓飭瑪哈巴拉清字諭旨並譯出一分發給方維甸蔡廷衡閱看該署督等惟當妥為籌辦於申嚴法令之中仍寓懷柔體卹之意並當隨時體訪瑪哈巴拉於接奉此次勅諭後能否自知敬畏改革伊兄積習之處據實奏聞將此諭令知之○又諭德楞額奏回師已至太平撤出二次官兵分起凱旋一摺此次各路搜獲零匪土匪惟王世貴王作經二逆尚無下落現在兩省山中據各將領等稟報踴探無賊王世貴等六名或改易姓名潛匿碉寨亦不可定自不值羈留多兵虛糜餉項德楞額奏即將三起官兵接續凱撤該將軍緩行回至成都將欽差關防即著勒保齎送回京呈繳所有未經就獲之首逆王世貴王

作經務須飭交地方文武上緊查拏將此諭令知之○庚辰

孝昭仁皇后忌辰遣官祭

景陵○諭內閣據正藍旗漢軍都統奏該旗張肇慶佐領與佟桂佐領下閒散人丁多寡不一請將人數較少之佟桂佐領下所出馬甲鄂爾布等缺於人數較多張肇慶佐領下應挑之人通融揀補等語所奏甚是即著照額勒登保等所奏辦理因思該旗既有人數不齊之佐領著各該旗詳細查明俱照此辦理以副朕軫念八旗至意○緩徵四川前被賊擾之太平通江大寧巫山四廳縣本年額賦並鹽茶課稅○辛巳遣官祭

歷代帝王廟○賞江西湖北廣西甲子科鄉試年老諸生龔應鑽等四十六名舉人副榜有差○癸未

上詣

大高殿行禮○還宮○甲申旌表守正捐軀河

南偃師縣民王斯祥媳陳氏○是月密諭徐端知悉河工至要民命攸關須悉心講求務求至當集思廣益不可自恃今河口淤沙竟至千餘丈地面去年雖挑引河不過濟目前之急非久安長治之策總由河底墊高清水雖強尚不能抵禦故議加高蓄清使成建瓴之勢以去淤滯立意甚善然淮揚保障亦須籌算宜擇險處用碎石坦坡以緩水勢柔能制剛亦為上策他如混江龍木龍等項器具皆古人之成法不可不講求也聞汝新製揚泥車鐵篦子親身試演果能如此用心朕復何憂實蒼生之福東清壩改於湖口可收七分禦黃之效所辦甚好又聞禦黃壩去秋被淤似應向下游稍移更為得力此係朕偶見及此是否可行不必遷就雲梯關以上河身宜窄不宜寬寬則散漫窄則湍急散漫則沙必淤湍急則沙可刷現挑俞家灘引河使水勢直下誠善策也凡此數端皆可試辦總不

必存惜費之見。况隨時整理。永除水患。所省實大。若因循不辦。較量錙銖。一朝有患。所費倍多。再察弊去其太甚。不可過於搜求。河工員弁。毫無所得。必另生枝節。關繫匪淺。汝不可不深思熟慮也。勉力為之。毋忘朕諭。○安徽巡撫長齡奏報接印任事日期得旨。汝才幹可用。心地亦良善。惟恐自恃。不容人言。又慮養尊處優。耽於逸樂。若能集思廣益。而能決斷。不近聲色。每日辦公。何愁不治。常守朕訓。毋忘勉之。○河東河道總督李亨特奏報。盤查兩河道庫貯錢糧。並無虧短。得旨。朕聞汝待屬員。過於嚴厲。河工員弁。作弊者多。理應如是。然亦勿過刻。恐不能忍受。又生別事。必須上下聯情。除其太甚。莫為己甚。勉之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十

[illegible]

賢良祠○丁亥

先農壇行禮更服至耤田所

御觀耕臺命睿親王端恩鄭親王烏爾恭阿順

承郡王倫柱各五推吏部右侍郎恩普戶部

右侍郎那彥寶禮部左侍郎玉麟兵部右侍郎

郎廣興刑部尚書長麟工部右侍郎明興都

察院左副都御史成格通政使司副使閻泰

九一五

者該管章京等立時回明該管王大臣指名
嚴叅若有瞻徇袒庇定將該管之王大臣一
併治罪將此旨敬謹各書一通張貼值房俾
令各知凜畏不可視為具文將此通諭知之

己丑

上啟鑒恭謁

西陵 至南苑行圍 詣

永慕寺行禮 是日駐蹕舊衙門行宮翼日如
之 庚寅清明節遣官祭

永陵

福陵

昭陵

昭西陵

孝陵

孝東陵

景陵

泰陵 命

皇次子 奉祭

泰東陵 遣官祭

裕陵 遣官祭

孝淑皇后陵寢 遣官祭

端慧皇太子園寢

上行圍 詣

元靈宮行禮 以內閣學士德文王綬知貢舉

大學士朱珪戶部尚書戴衢亨為會試正考

官吏部右侍郎恩普戶部左侍郎英和為副

考官 旌表守正捐軀安徽宿州民張令周

妻李氏 辛卯

上行圍 賞看守南苑各行宮兵丁一月錢糧

海戶銀一千五百兩 是日駐蹕南衙門行

宮 壬辰以浙江湖州協副將張廷楷為山

東登州鎮總兵官 借給盛京派出應行出

差官二百三十九員一年俸銀兵五千七百

六十名半年錢糧從將軍富俊等請也 撥

部庫銀一百五十萬兩廣儲司庫銀五十萬

兩解往盛京備用 旌表守正捐軀福建福

安縣民鄭光木女鄭氏 是日駐蹕團河行宮翼日如之 癸巳祭

先蠶之神遣妃恭代行禮 甲午

上行團 諭內閣前因黃巖鎮總兵缺出水師副將中無記名應用總兵人員降旨令玉德揀員保奏署理茲據玉德奏稱閩浙兩省副將現無可保之員惟參將黃飛鵬許松年二員熟諳水師緝捕出力堪勝總兵之任但係越級保奏請旨定奪等語黃巖鎮總兵員缺

緊要著加恩即將黃飛鵬先行升授副將令其署理黃巖鎮總兵該員如果奮勉出力緝捕有功俟三年後奏請實授 貢楚克扎布陳大文奏審明逆犯董霖當即遵旨將該犯寸磔以快人心其子董品喜應照律擬斬立決請旨定奪得旨此案逆犯董霖之子董品喜即照擬斬決本屬罪所應得惟念該犯從前見伊父編寫逆詞屢經燒燬尚知畏法迨董霖此次出門原因尋覓生意並未將投遞

逆詞之事向董品喜告知且究屬父子亦難責以不即舉發之罪細覈情節尚有一線可原董品喜著加恩免死照例發往黑龍江給索倫達呼爾為奴 陝西巡撫方維甸奏拏獲首逆苟朝九出力人員知縣李師白等升敘有差鄉勇頭目閔士海等以把總外委拔補 是日駐蹕新衙門行宮 乙未

孝賢純皇后忌辰遣官祭

裕陵 直隸總督顏檢奏訪拏逆犯劉士興家屬擢州判周景為知州 免蹕路經過地方本年額賦十分之三 是日駐蹕黃新莊行宮 丙申諭軍機大臣等德楞泰奏查明三省邊界酌擬分段巡邏各情形三省邊界地方寬廣現在甫經廓清自當按月巡查會哨以資控制而防奸宄著照所請辦理所有各段會哨情形即著本管鎮將備弁等按月具結申報將軍總督提督各衙門查覈其在陝楚境內官兵亦著各自申報本省將軍總督

巡撫提督存案互相稽考以專責成如有疏懈及緝捕不力者即行叅奏其巡哨兵丁每名每日酌給鹽菜銀三分之一處亦著照所請行○是日駐蹕半壁店行宮○丁酉諭軍機大臣等本日據孫玉庭奏海陽縣積年械鬪案內究出在籍知縣孫映輝已革生員林哲等袒族斂銀一案又訪拏私鑄礙位之地棍通盜濟匪之土豪等一案粵省民風犷悍豪右棍徒因緣為奸即如孫映輝一犯曾任職

官林哲亦曾列衣衿乃不知安分守法膽敢袒庇族人甚至倡議出銀派斂鬪費傷斃多命不法已極該督撫審明後即當將該二犯問擬大辟其林洋林五二犯交結盜首接濟洋匪尤為罪大惡極著那彥成百齡速行提訊明確問擬斬梟以昭炯戒不可久令稽誅又據另片奏稱潮州所屬自嚴加懲創之後去冬至今並無械鬪重案可見地方匪徒雖極兇頑亦知畏法此等逞兇為匪之案總由

地方官一味因循所致其意不過以一二莠民設查拏稍有未妥慮及滋生事端因而置之不辦殊不知該匪等日久稔惡黨類益多遂致肆無忌憚辦理愈難豈非養癰貽患那彥成百齡惟當隨時督飭地方屬吏振刷精神奮勉辦事遇有匪徒滋事之案即飭訪獲究辦以期詰暴安良所謂辟以止辟也又據孫玉庭另片奏稱甲子地方李崇玉一犯為著名巨匪該撫已購線探訪飭令兩總兵乘便堵截海口並飭吳俊帶同兵役由陸路馳往圍拏想亦即可弋獲如尚未就擒那彥成等仍當設法嚴拏務獲勿使竄入海洋致令漏網為要將此諭令知之○是日駐蹕秋瀾行宮○戊戌

上至五公主園寢賜奠○是日駐蹕梁格莊行宮○己亥
上恭謁
泰陵

泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮至

孝淑皇后陵寢奠酒臨

妃園寢賜奠是日迴鑾駐蹕秋瀾行宮

庚子諭內閣據給事中汪鏞奏稱鄉會試閱

卷必先閱頭場文藝再校二三場經文五策

俱各勻稱方可取錄伊於嘉慶四年曾充同

考官閱三場策卷後面先有墨筆記注圓尖

圈點實屬違例茲當會試之期恐仍襲前轍

主試先閱三場試卷既胸有成見同考官或

藉以迎合致開倖進請旨勅令總裁官遵照

成例先閱頭場薦卷再閱後場以定去取不

得將三場試策豫為記注以防流弊等語所

奏甚是鄉會試三場並設經文策對原與制

藝並重然必須先閱頭場文藝擇其清真雅

正合格者再合校二三場取經文之賅洽策

對之詳明自能鑑拔通才即三場試卷亦必

應俱令同考官先行校閱遴選薦備然後正

副考官再行覆校並搜查遺卷如果同考官

校閱不公致令真才屈抑原許考官等指實

劾叅若試卷未經房考分校以前考官輒先

行披揀分別記注殊非遠嫌之道且主試官

先有成見以為取舍亦何以服衆士子之心

乎嗣後著考試官恪遵定例先閱頭場後閱

二三場先校薦卷後搜落卷務宜各秉虛公

以冀廣收俊乂所有此次會試即著禮部將

此旨恭錄一道交知貢舉傳諭總裁官知之

又諭前在神武門外持械逞兇之逆犯薩

彌文經該班章京等格斃後於該逆犯身邊

搜出方順橋岡上鎮當票二紙均開載劉姓

字樣當即降旨諭令顏檢查對票上所註地

名嚴密偵訪旋據顏檢奏稱派委薊州州判

周景前往密查即於薊城縣杜村地方查明

實有劉士興其人家中曾有鐵桿槍一枝於

二月初間攜帶外出不知去向將該逆犯家屬全行訪獲解至行在經軍機大臣連日提訊該逆犯之父母劉文連劉高氏逆犯之妻劉崔氏現俱供證確鑿其為劉士興已無疑義茲復據襄行簡奏查點該逆犯家內藏有鳥鎗一桿該縣知縣劉以垂未能及早起獲實屬溺職請俟顏檢回省後具揭請叅等語該縣劉以垂於久奉例禁之私藏鳥鎗未能及早起獲其咎尚輕惟所屬地方有此等兇惡逆犯漫無覺察若非委員周景前往密為訪獲則該逆家屬必致仍無蹤跡似此昏庸不職之員豈可稍事姑容劉以垂著即行革職毋庸俟顏檢回省再行叅奏也○旌表守正捐軀河南汝陽縣民朱月臣妻王氏○賞蹕路經過看守各行宮弁兵半月錢糧○發吉林三姓倉穀一萬石減價平糶○是日駐蹕半壁店行宮○辛丑駐蹕黃新莊行宮○壬寅調哈密辦事大臣阿爾綢阿為庫車辦

事大臣賞翰林院侍讀學士成書二等侍衛為哈密幫辦大臣○是日駐蹕潭柘行宮○癸卯
上詣
惠濟龍王廟拈香○旌表守正捐軀安徽宿松縣民方得廣妻徐氏河南汝州民李小旦妻孫氏○是日駐蹕靜宜園至丁未皆如之○甲辰廣州將軍慶怡因病回旗以和闐辦事大臣弘康為廣州將軍和闐幫辦大臣繼善為辦事大臣賞世管佐領永來頭等侍衛為和闐幫辦大臣以副都統銜舒當阿為鑲藍旗漢軍副都統○乙巳諭內閣本日內務府因朕巡幸盛京奏請照例派司胥官一員前往盛京演習陳設典禮並查修一切應用器具等語乾隆四十八年奉
皇考高宗純皇帝諭盛京清寧宮祀神帳幔等件勿得擅動以備我子孫泣止祀神祈福俾億萬斯年永荷

神佛貺佑爰為親筆錄出著交清寧宮敬謹尊藏用垂奕禩欽此伏讀

彝訓仰見

皇考高宗純皇帝

聖心所在實萬萬世所宜永遠遵行朕自繼承大統一切事務罔不法

祖尊

親而於祀

神事宜尤當恪遵

寶命著寄諭富俊巴寧阿於該司昨官到彼時祇令遵照年例將祀

神帳幔等件敬謹詳細查看如皆完整固屬甚善儻有應行畧修之處止宜量加修理慎勿擅動並著將乾隆四十八年

皇考所降

諭旨敬錄一道發交富俊等祇領禮部以宗室會試中額請得旨取中二名賞內務府佐領巴寧阿三品頂帶為總管內務府大臣

旌表守正捐軀河南商邱縣民張大任妻

黃氏丙午

上御演武廳閱健銳營操戊申

上還圓明園己酉諭內閣倭什布本係棄瑕錄用之人自擢任兩廣總督以來經朕節次諭令於地方事務實力整頓務期奸匪斂迹以安良善上年九月內因伊辦理鶴山縣結會匪徒先後拏獲八十四名尚為安速加恩賞戴花翎倭什布自應倍加感奮乃此次於

海陽澄海等縣地棍土豪私鑄礮位及私運礮火米糧出口濟盜並逞兇斃命姦占恣行不法各案未能隨時查辦廢弛已極部議照溺職例革職實為咎所應得姑念一時簡用之人倭什布業經調任陝甘總督著從寬拔去花翎降為二品頂帶仍帶革職留任以觀後效又諭向來巡幸每到行宮行營本日進班之御前侍衛乾清門侍衛大門侍衛章京等均晝夜在班一時不離至王公等之護

衛大臣侍衛章京官員等之僕從俱不准入黃城外布帳門內立法甚嚴但奉行日久漸致廢弛每到行宮行營處所不惟隨駕之御前侍衛乾清門王公大臣侍衛大門侍衛等即散即本日進班之御前侍衛乾清門侍衛大門侍衛亦皆散去直至進晚膳時始集宮門少停又復散去傍晚方進直宿此朕在藩邸時所親見者甚屬非是即如朕在宮內及駐蹕圓明園進班之御前侍衛乾清門侍衛大門侍衛均係終日在內行圍處尤為緊要豈可擅離直次即食飯儘可彼此更換至布帳內黃城外地方離行帳最近理宜嚴肅閒散人等斷不應入今王公大臣侍衛官員之護衛僕從人等竟攜帶坐褥等物至布帳內黃城外地方實屬違制不可不嚴申例禁著交總理行營事務王大臣會同軍機大臣將行宮行營進班之御前侍衛乾清門侍衛大門侍衛章京官員執事人等私離班所及王

公大臣侍衛官員私帶護衛僕從至布帳內黃城外者如何分別定罪之處詳議具奏外並將一切行圍應行嚴禁事宜一併詳悉議奏此次嚴定條例後該管王大臣務須不時留心嚴察如有違者即行叅奏若查出在即叅奏別經發覺定將該管王大臣等一併從重治罪決不寬貸○禮部以會試中額請得旨滿洲取中八名蒙古取中二名漢軍取中三名直隸取中二十七名奉天取中二名山東取中十九名山山西取中十二名河南取中十二名陝甘取中十名江蘇取中二十名安徽取中十四名浙江取中二十一名江西取中十八名湖北取中十一名湖南取中八名福建取中十二名廣東取中六名廣西取中四名四川取中五名貴州取中九名雲南取中十名○德楞泰奏請鼓勵四川陝西搜捕零匪文武各員知府積朗阿等并敘有差○庚戌旌表遇賊捐軀陝西商州民郭秉桓妻

孔氏郭秉信妻何氏逼嫁捐軀江蘇沐陽縣民王二立妻徐氏 辛亥諭內閣御史王治模奏稱前任廣東肇羅道陳德溥現據那彥成請與甘肅肇秦階道朱爾漢對調奏蒙恩准惟肇秦階道係衝繁難請旨簡放要缺陳德溥由捐班選授道員恐人地亦不相宜請勅交陝甘總督倭什布於兩省選缺道員中遴選一員調補肇秦階道所遺事務較簡之缺即以陳德溥補授等語所奏非是粵東地

方濱海民俗獷悍近年來時有洋盜肆劫及地方匪徒結會滋事之案一切正需整飭前經特調那彥成為兩廣總督而道府有察吏安民之責尤當遴選賢員俾資佐理那彥成甫由陝甘調任於該省及粵東各缺之繁簡人才之能勝任與否自當一周知始行奏請量移且缺分繁簡今昔異宜安知肇秦階一缺近日不較肇羅為易治乎是以前據奏到請將陳德溥與朱爾漢對調當經降旨允

行況陳德溥調任後如果才不勝任自有該省總督察覈據實奏聞該御史係屬京察並未求真知灼見何得以懸揣之詞輒請遴員更調乎似此率意數陳將來遇有外省題升調補事件科道亦得與操其權妄行牴牾成何政體王治模實屬越職言事原摺無庸再交部議即著擲還 壬子

上御勤政殿聽政 諭軍機大臣等鐵保奏查看河湖水勢工程豫籌減洩一摺所稱洪澤

湖水勢自交桃汛較往年計大六尺餘寸現在查勘豫將邵伯諸湖之水暢為宣洩騰空湖面以為伏秋容納地步等語自屬先事豫防之見但清水所以敵黃夏秋間黃水盛漲彼時多得一分清水即多收一分刷黃之力是以豫籌減洩黃漲最為切要而清水究宜多為儲蓄即如上年夏間陳大文吳璥亦因湖水增長將仁智等四壩啟放減洩太甚以致秋冬間清水過弱運道幾為淤阻殊有關

繫總之宣防機宜朕亦不能遙制惟在隨時察度情形妥籌辦理不可祇顧目前稍有拘泥遷就也至高堰石隄為淮揚保障有關緊要現據稱先將七千丈石料購運足數後其餘亦即源源購運一俟本年霜降後著即按照原議趕緊修築勿再稽延將此諭令知之

（以詹事府詹事萬承風為內閣學士兼禮部侍郎銜仍留山東學政任太常寺卿誠存為大理寺卿）旌表守正捐軀河南唐縣民張架妻李氏○癸丑諭內閣都察院奏廣東潮州府海陽縣民人孫克悟具控伊祖母墳墓被孫監等影占疊毀控官勘究獲犯被差役賂放孫監復懷忿行兇聚眾毀屋誤斃二命控經巡撫飭道委官會訊扯碎冤稟屈打勒招又因伊同宗孫捷元與林姓爭魚起釁林大瓊等率眾將伊服叔孫阿力擒捆凌斃經該縣驗傷獲犯訊供奈府縣掩大詳小權差賄放伊父控經督撫司疊次嚴提六載終

莫解究等情並抄錄原呈及案批進呈閱其所控情節雖祇係一面之詞但粵東民俗獷悍袒族械鬪之事在所不免地方官自應隨時訊辦迅速結案今孫克悟所控二案事關數命既經疊次上控嚴提何以延擱至六載之久案懸莫結那彥成百齡均係甫經蒞任著即將此案人證親提到省秉公研審定擬具奏原告孫克悟著該部照例解往備質原呈案批等一併發交那彥成等閱看至外省承審覈轉案件本有定限而州縣疲玩積習每多壓擱上司亦不加查覈並不上緊督催以致負冤之民急切無由申雪甚或無辜淹禁弊竇叢滋亦不獨廣東一省為然嗣後著各該督撫查照定例視案情之輕重大小分立限期通行所屬一體遵奉毋許無故遲逾該督撫隨時稽察如有違限不結及屢催罔應者即將承審州縣嚴叅以儆積疲儻該督撫等視為具文徇庇屬員一經查出亦不能

率

清實錄
嘉慶十年四月

九三五

鹽埕盡歸民。有不便更起爭奪。且恐私販充斥。有妨鄰省綱地等語。所奏自係實在情形。閩省鹽務。前經疊次辨定章程奉行。已日久相安。此時固不必輕議更張。况議立一法。必須通盤籌畫。行之方無窒礙。閩省毗連省分甚多。即如江西之建昌撫州等府。應食淮鹽地方。現在猶慮閩鹽偷越。不得不減價敵私。設法行銷。若將漳泉等府鹽斤。聽民自曬自銷。則小民趨利若鶩。販負載塗。隨處充斥。查禁益難。必致淮綱大有妨礙。從前晉省鹽務。自改歸地丁之後。私鹽往往侵越淮鹽引地。查緝難周。若閩鹽再有偷漏。則淮綱南北口岸。豈不盡被私販侵占。於釐課殊有關繫。其餘接壤之浙江廣東等省。情形均可類推。至海洋盜匪多係地方無賴。嘯聚為奸。何至貧民無業。遽致流為竊劫。是即鹽歸民運。在安分者或資生業。而桀黠愚頑。未必即能盡化為良。且漳泉一帶。民俗犷悍。利之所在。易起

爭端。更不免益滋鬪恨。訟獄繁興。尤不可不大為之防。所有閩省鹽務。仍著循照舊章辦理。該督惟當隨時體察。以期裕課恤商。勿致積欠纍纍。徒使官民受困。方為妥善。○又諭據李亨特奏。稱黃沁廳秦家廠一工。從前灘寬溜順。並無臨黃要子。自嘉慶四年王秉韜任內。於廣武山對岸老灘之上。飭挑東西引渠。復築土壩一道。橫亘灘面。直抵河唇。以致河勢遷改。壅塞漫溢。糜帑轉多。可否於准銷項下。著落王秉韜家屬賠繳十分之四等語。秦家廠本非要工。皆緣王秉韜在廣武山對岸老灘之上。挑渠築壩。引溜生工。致有漫溢之事。實屬昧於機宜。伊從前歷任地方官。人尚勤慎。自擢任總河後。於河工事務。並不留心。講求一味以錢糧為重。將應辦工程。刻意減省。及至此等不應興辦之事。又復逞其臆見。率行辦理。致有貽誤。設其身若在。必應重治其罪。此工糜帑甚多。自應即將此項准銷

銀十四萬八千三百兩。著落王秉韜家屬賠繳十分之四。以為河臣貽誤宣防辦理不善者戒。○戶部議准署陝甘總督那彥成疏報烏魯木齊蘆草溝開墾地六頃六十畝。照例升科從之。○乙卯。

上還宮。○諭內閣本日吏部帶領月選官引見。有籤掣竹谿縣知縣王家榕跪奏履歷後。自稱恐不勝民社之任。懇恩改用京職。當交吏部詢問。該員自認冒昧糊塗。經吏部叅奏請

將該員以知縣用之處註銷缺歸月選等語。王家榕由保舉孝廉方正引見。加恩以知縣用。如果自揣不勝民社之任。則當於在部候選及掣籤驗看時。自行呈明。乃引見時冒昧陳奏。明係因籤選竹谿。知該處地方連年教匪滋擾。現在甫經平定。治理不易。始為此非分之請。實屬取巧規避。王家榕著革去知縣。並將孝廉方正註銷。以敕職降用。因思湖北竹谿地方山谷險隘。兵燹甫靖。一切撫綏安

輯必須賢幹之員。方足以資整頓。其毗連之竹山縣情形亦屬相同。著將竹谿竹山二縣知縣俱改為題缺。所有竹谿縣一缺著該督撫即行遴員題補。其竹山縣一缺並著查明現在知縣是否實能勝任。據實具奏。此係因時制宜。期於吏治民生均有裨益。該部即遵諭行。○旌表守正捐軀直隸寧晉縣民王驪妻賈氏。○以常雩祀。

天於

圖丘自是日始齋戒三日。○丙辰諭內閣阿林保奏苗人震懾兵威。繳出強占田畝。分別籌辦。以固邊隅。而垂永久一摺。據稱此次勦辦永綏八里逆苗石宗四名下。查有侵占各寨田地一千餘畝。其餘各犯亦多有侵占之田。正在查辦間。旋據各里苗守備隴八月等呈稱。各處苗民情願將從前侵占田地全行繳出。請收作官田。分佃良苗。查照苗例。每年田畝納租穀三成。山地納雜糧一成五分。以充

公用。將來邊防撤後，仍挑留苗兵分交管帶。將此項租糧賞給支食，以期辦公無誤。現在永綏七八九十等里已繳出一萬餘畝，其餘乾州鳳凰保靖等處亦紛紛呈繳等語。從前平苗案內查出逆苗叛辱並客民插花地畝，原應分給無業窮苗，乃當日俱為強苗侵占，並未均勻分給。現在邊防將竣，土塘苗兵即須停支口食，既慮無以謀生，且該處究少兵力彈壓。既據該苗民等將從前侵占田地自行繳出，出於至誠，著照該撫所議查明繳出田畝，及此次叛產確數，劃明畛畔，分佃收租。將來邊防裁撤之後，仍挑留苗兵在彼捍衛，即將此項租糧支給口食，以為安邊經久之策。至此項地畝，該苗民本由強占而得，此時懾威呈繳，自應留備邊糈，但該撫仍當妥協經理，約束苗備等不得借此擾累。強令各寨苗民一概派出，又致失其恒產，方足以靖邊疆而綏苗寨，其應如何覈辦之處，並著照該

撫所請歸於屯均經久案內彙覈辦理。○湖南巡撫阿林保等奏報勦捕永綏廳逆苗情形，得旨嘉獎。同知傅鼐下部議敘，賞苗守備隴八月都司銜並花翎都司鞠爭鼈等升擢有差。○丁巳。

上詣

南郊齋宮齋宿。○戊午常雩祀。

天於

園丘。

上親詣行禮。○辛圓明園。○己未諭內閣孫玉庭奏要犯李崇玉聞拏潛逃，先獲犯屬匪徒多名，地方安靜情形一摺，據稱先飭道員吳俊帶同委員兵役親赴陸豐縣甲子地方查拏逃遣李崇玉。正欲前赴圍捕適碣石鎮總兵李漢升聞信帶兵二百名與該縣會商前往。於二月十三日黎明齊抵該處，李漢升臨時遲疑逗遛，至辰刻始抵甲子地方，距該犯住屋里許碣石鎮所帶兵丁忽放礮三聲，又

放排鎗一陣該犯正在早飯聞聲驚起出屋
逃遁將該犯父母兄弟子姪及匪黨等共獲
二十五名口起出鐵礮火藥刀械等件並經
該道於附近之主湖華涌兩村查獲匪徒四
百餘名押至甲子所城分起羈禁設法根究
李崇玉下落等語李崇玉一犯糾眾稔惡膽
敢私藏礮械火藥必應嚴拏務獲照大逆懲
辦茲既經孫玉庭率同吳傢密為布置圍擒
而碣石鎮總兵李漢升本未奉有檄調輒因

聞信帶兵前往其意自在分功迨臨期又復
逗遛致該犯知覺脫逃是皆李漢升一人之
咎著那彥成傳旨將李漢升革職並所帶兵
丁一併拏至省城嚴切訊問據實具奏所有
碣石鎮總兵一缺並著那彥成遴員保奏候
旨補用○庚申諭內閣本年秋閒朕親詣盛
京恭謁

祖陵

皇后及內廷妃嬪阿哥等俱不必隨往○又

諭據那彥成奏武職舉劾屆期懇請展限考
覈一摺據稱廣東廣西兩省自嘉慶七年十
月軍政後計至十年四月屆當舉劾之期那
彥成到任未久人材未能備悉且海中捕盜
各口岸防守將弁一時不便更換礙難調考
懇請展至明年再為舉行等語軍政為激揚
大典自當詳細考察今那彥成甫經蒞任於
將弁賢否尚未周知固不便輕率舉行著照
所請准其展至明年舉行軍政但粵東營伍

廢弛已極弁兵等怯懦無能如上年防守石
獅礮臺之外委楊耀隊目張得華等於盜匪
攏岸時首先躲避以致兵房礮位均被焚劫
此次碣石鎮總兵李漢升帶兵往捕逃遣李
崇玉又復怛怯逗遛任令弁兵等施放鎗礮
致要犯聞聲竄逸可見積疲成習必須大加
整頓申明紀律用飭戒行那彥成惟當將所
屬將備隨時認真察覈獎擢賢能其有懈弛
不職劣員即據實參劾並將官兵勤加訓練

以作士氣而靖海疆。○又諭和寧秦葉爾羌已故阿奇木伯克邁瑪特阿布都拉之妻子情願居住葉爾羌地方看守墳墓該回子向無產業請俟葉爾羌六品伯克缺出以邁瑪特阿布都拉之長子二等台吉邁瑪特阿散補授俾得養贍家口等語著照所請葉爾羌六品伯克缺出加恩即著邁瑪特阿散補授俾資養贍。○刑部議覆山東民人田二強姦張氏按律定擬一案得旨此案田二與父田坤弟田三均係掖刀匪徒田二先將犯姦之王謝氏姦宿逼令其夫王振海賣休留占為妻經伊父田坤放還田二復聲言欲將王振海殺死以致王振海畏懼棄家充當道士田二又因鄰村朱漢清之妻張氏少父圖搶為妻見張氏獨處即拔刀嚇禁強搶姦污轉向朱漢清嚇詐牛隻錢文刑部等衙門照依豪勢之人強奪良家妻女姦占為妻妾者絞監候律將田二擬絞監候尚覺情浮於法田二

一家父子兄弟均係掖刀匪徒平日行兇生事擾害良民本有應得之罪田二復疊逞淫光種種不法情罪尤重將來辦理秋審時亦必予勾田二著改為絞立決嗣後除尋常強奪良家妻女姦占為妻妾者依照本律定擬外如有似此掖刀匪徒行兇強橫姦占良家婦女者均著照此案辦理餘依議。○以故土爾扈特副盟長貝子奇布騰子瑪爾噶錫哩襲爵。○旌表守正捐軀湖南桂陽縣民羅中

升妻李氏。○辛酉

上幸萬壽山。○緩徵湖南武陵縣被水災民原借麥種及隄工銀。○壬戌諭軍機大臣等御史鄭士超奏廣東省開設賭局名曰番攤館為洋土各匪勾通兵役探聽消息之處其主持開局多係各衙門長隨吏役人等省城關廂內外即不下二百餘處匪徒湊跡其中其於緝捕消息知之最確最速地方不肖官員及查街道之委員兵役人等每日收受陋規

因而縱容包庇請勅下該督撫等嚴行查禁等語。粵東查拏匪犯正在喫緊之時。今各衙門長隨兵役人等公然開設賭局。日與匪徒勾引。以致緝捕消息動即透漏。甚至不肖官吏得受陋規。縱容包庇。尚安望其緝盜安民乎。那彥成百齡當實力嚴查省城及各府州縣有似此開局聚賭蹤跡詭秘者。即嚴行究辦。儻地方官等得受陋規。尤當嚴叅示儆。方與緝捕有益。至洋匪土匪辦理之法。總當使

洋匪不能登岸。以杜其勾結之緣。土匪不能下洋。以絕其遁逃之路。二者不能合一。則盜匪勢單。蹤跡不能聯絡。再加以分投緝捕。自可全數掃除。將此傳諭知之。以故質郡王綿慶子奕綺襲封貝勒。賞會試。年老舉人張泳祚等二百六十八名。司業編修檢討助教學正銜有差。○癸亥諭內閣。向來繙譯會試頭二場題目均係欽命。因思順天鄉試及會試文場。每屆命題。惟頭場四書詩題係由

欽命。其二三場題目由正副考官公同擬出。繙譯會試事同一例。其二場題目何以概請欽命。況主司既能閱文。焉有不能出題之理。嗣後繙譯會試除頭場文論欽命題目外。其二場題目應否即交考官擬出之處。仍著禮部妥議奏定。載入科場條例。尋議請嗣後繙譯會試二場滿洲蒙古繙譯題目由考官擬出。刊發各士子。仍照文場例。於二場士子出闈日將題紙進呈。至繙譯鄉試與宗室會試定例止。考一場其繙譯題亦應令考官擬出。以歸畫一。從之。○以都察院左都御史英善為滿洲繙譯會試正考官。理藩院侍郎玉寧為副考官。理藩院尚書博興為蒙古考官。○甲子以莊親王綿課署正白旗領侍衛內大臣。○丙寅命借給隨扈盛京文職四品以下武職三品以下官員一年正俸。兵丁一月錢糧。○予江蘇故工部尚書歸宣光入祀鄉賢祠。從巡撫汪志伊請也。○予福建出洋捕盜

傷亡守備黃雲臺祭葬加等世職如例○丁卯諭內閣兵部議覆額勒登保等所奏嗣後恭逢巡幸兩翼前鋒營八旗護軍營派出官兵請照健銳火器兩營成案准其將各本營所拴之馬自行擬給各官兵乘騎俾免交收之煩一摺所議非是健銳火器兩營日須操演該官兵等均實有拴養馬匹是以准令各騎本營之馬自不虞其缺乏至兩翼前鋒八旗護軍營官兵平日多有不拴馬匹虛領馬銀者迨至車駕巡幸經部調取馬匹時始行湊數交納此等弊竇朕在藩邸時素所稔悉但既設有調馬交納章程該官兵等臨時自當按照交官即閒以駕駘充數亦不敢過於廢弛舊例應循豈可輕易今若准令將本營所拴馬匹給與乘騎則漫無稽覈該官兵等視為具文平素全不拴養馬匹至派出隨扈時必致有徒步從行者尚復成何事體所有議准額勒登保等奏請將前鋒營護軍營官

兵領騎本營馬匹之處著不准行○江寧副都統田國榮年老命來京在散秩大臣上行走以散秩大臣松齡為江寧副都統○戊辰以候補三四品京堂策丹為太常寺卿○西寧辦事大臣都爾嘉以營私散法革職逮問以理藩院右侍郎玉寧為西寧辦事大臣頭等侍衛吉勒章阿為鑲白旗蒙古副都統○命烏什辦事大臣綢武布來京賞宗人府主事晉昌頭等侍衛為烏什辦事大臣○旌表逼嫁捐軀陝西褒城縣民李光連妻羅氏○己巳

上幸靜明園詣

龍神廟拈香○諭內閣勒保奏查明嘉慶三年以前軍需報銷案內部駁駁折人未及扣出不准入銷之賞號等款開單請旨一摺朕閱單內所開漢土兵丁及隨征鄉勇支用長夫官員駁折並滿兵駝馬駁折銀兩四款前經部議以魁倫未奏以前概不准銷但此項

銀兩從前早經支發。今自魁倫具奏之後。既准其照數報銷。同一款項。自當畫一辦理。除官員馱折一項。據奏減去銀十五萬三千五百六十七兩零外。其餘銀一百三十八萬二千六百十六兩零。均著加恩。准其報部覈銷。至軍營賞需一項。前經疊次降旨。申明訓諭。賞罰為軍紀之要。隨征官兵等。如果有奮勉出力者。一經奏聞。無不立沛恩施。或擢授官職。或賞給翎枝勇號。或賞給錢糧銀牌。皆當恩出自上。即必須格外加賞。亦應據實奏明。候旨頒賞。帶兵大員等。何得擅立賞號。用市私恩。是以從前歷次用兵。本無此項名目。我皇考高宗純皇帝曾經屢頒聖訓。著之令典。自福康安出師臺灣等處。始有自行賞給官兵銀兩綢緞之事。爾時藉其聲勢。向各省任意需索。供其支用。假公濟私。養家肥己。其後各軍營習以為常。帶兵大員等。不得不踵行犒賚。而力有不能。輒於軍需項

下動用支銷。以公帑作為私用。今此項銀兩。既經查明。自應責令支用各員。按數分賠。但此時大功早經告蒞。閱單內所開各員。均無力追賠。惟勒保尚任總督。廉俸較優。若將其餘寬免。而獨令該督賠繳。亦未免偏枯。所有此次川省軍營賞需。嘉慶三年以前支用銀五萬一千一百五十四兩零。四年以後支用銀二萬七百十兩零。均著加恩。免其追繳。作正開銷。嗣後設遇辦理軍需時。不得再立賞需名目。惟當恪遵功令。慎重軍儲。儉實有必須賞賚之處。務須奏聞請旨。候朕賞給。如仍擅自動項支給。覈銷時必當全數罰賠。治以違制之罪。不能曲邀恩貸矣。至官員馱折案內覈減一半銀兩。兵勇長領驛價及額外製備兵勇號帽等項七款銀兩。勒保奏請分別追賠。攤扣之處。著照所請辦理。○又諭國家設兵衛民。可百年不用。不可一日不備。是以訓練卒伍。必申儆於無事之時。所以謹戎政

飭武備也。乃比年每遇徵調於額兵之外多有藉資鄉勇之力。衝鋒陷陣者。即如湖南近日攻除苗寨。同知傅鼎督率練勇千餘人。陟險登先。所向克捷。而總兵魁保轉帶領兵丁在後。為之策應。豈非以官兵怯懦。不若練勇之趨健乎。苗疆如此。內地營伍更不待言矣。夫選充練勇之人。即可選充卒伍之人。未有文員尚能練習鄉民使之盡力。武員轉不能練習兵丁使之用命者。推求其故。實由綠營習氣廢弛已甚。各省營員大者養尊處優。小者偷安徇利。當募補兵額之時。即不認真挑選。率以市井游惰之徒充數。及入伍以後。又不勤加訓練。其所謂按期操演者。不過列營布陣。炫耀觀瞻。循行故事而已。且有剋扣額餉。以衙署雜色技藝服役之人。支領虛糧。冒充兵目。而兵丁等亦因此心存怠玩。無所敬畏。不特技勇毫無足恃。甚至如粵東營卒。竟有潛通匪黨。毒害平民者。戎政曠廢如此。若

不急加整頓。則國家歲用數百萬帑金。養師徒。豈不竟同虛設耶。著各省督撫提鎮等。各發天良。通飭所屬。嗣後挑補兵額。務取精壯驍勇之人。隨時與之講明紀律。教習技藝。其演放鎗箭。比試刀牌。勿但取架式整齊。進退合度。惟以挽強命中。擊刺趨捷為上選。以練習鄉勇之法。練習兵丁。因其勤惰。分別勸懲。再多方鼓勵。以作其有勇知方之氣。行之日久。庶士皆勁旅。可收干城之效。督撫提鎮等。尚其實力。整飭慎勿視為具文。有負朕諄諄訓誡至意。將此通諭知之。○庚午

孝端文皇后忌辰。遣官祭昭陵。○諭內閣。昨據勒保奏。查明軍營賞需銀兩一項。朕閱單內所開各員。均無力追繳。惟勒保尚任總督。廉俸較優。若將其餘寬免。獨令該督賠繳。未免偏枯。業經降旨。將此次川省軍營賞需。加恩免其追繳。作正開銷。因思上年楚省奏清查軍需款目案內。有帶兵大

員犒賞銀六萬餘兩亦經降旨免其追繳惟全保等原奏稱福寧鄂輝永保惠齡所收銀兩雖係犒賞官兵究皆曾任督撫養廉優厚興肇所收或係賞兵或係盤費應請照數追賠當經照議均令其賠繳今勒保既已加恩免賠所有楚省已支賞需自應一體施恩除興肇應賠銀兩現令吳熊光等查奏俟奏到時再降諭旨其福寧鄂輝永保惠齡應賠賞兵之項著加恩免其追繳以示體卹○福建水師提督倪定得因疾休致調浙江提督李長庚為福建水師提督以江南蘇松鎮總兵官孫廷璧為浙江提督○辛未諭內閣御史蔡維鈺奏嚴禁西洋人刻書傳教一摺京師設立西洋堂原因推算天文參用西法凡西洋人等情願來京學藝者均得在堂棲止乃各堂西洋人每與內地民人往來講習並有刊刻書籍私自流傳之事在該國習俗相沿信奉天主教伊等自行講論立說咸書原所

不禁至在內地刊刻書籍私與民人傳習向來本定有例禁今奉行日久未免懈弛其中一二好事之徒創其異說妄思傳播而愚民無知往往易為所惑不可不申明舊例以杜歧趨嗣後著管理西洋堂務大臣留心稽察如有西洋人私刊書籍即行查出銷燬並隨時諭知在京之西洋人等務當安分學藝不得與內地民人往來交結仍著提督衙門五城順天府將坊肆私刊書籍一體查銷但不任聽胥役藉端滋擾致干咎戾○又諭本日刑部具奏審擬逆犯劉士興家屬及同演槍棒各犯定案一摺經軍機大臣等隨摺附片叅奏請將直隸失察地方官分別議處等語直隸民風素稱良善乃劉士興一犯平日在黨城地方與周廷敬等結拜弟兄並向魏迎春學習槍棒其好勇鬪狠本非一日竟敢於禁門外持械逞兇實為罪大惡極業經照大逆律辦理其餘該犯家屬及與該犯結盟

演習槍棒各匪徒亦均分別緣坐發遣矣。至地方官稽查奸宄責任甚重。如尋常賭博細故尚皆申明禁約。何於此等匪徒傳習槍棒毫無聞見。即云鄉間防護莊稼亦何必槍棒方資守望。今劉士興已釀成重案。地方官失察之咎實無可辭。除藩司裘行簡臬司景安皆係新任藁城縣知縣劉以垂前已降旨斥革外。總督顏檢前任藩司瞻柱前任臬司傅修著交部議處。該管道員蔡齊明前任正定府知府裘增壽著交部嚴加議處。嗣後該督等務當各知凜惕。督飭所屬加意查察。於地方不法棍徒隨時嚴拏懲辦。以詰奸慝而靖閭閻。○又諭據常安奏。義明賽因諾顏部落扎薩克公齊旺達什所屬該旗蒙古等拖欠民債均已還清。將民人驅逐回籍。並請寬免該盟長等失察處分一摺。該旗蒙古等舊欠民債自定限以來已陸續償還過半。德木楚克扎布等任聽民人牽混刁賴。呈請展限殊

屬糊塗。本難辭咎。惟查辦此事德木楚克扎布等皆能盡心實力催辦。數日之間即將新舊欠債清償。民人概行驅逐。所辦尚屬妥速。該盟長王德木楚克扎布等失察處分俱著加恩寬免。嗣後該盟長等務將該旗蒙古嚴行管束。不准私容奸民貿易放債滋事。儻再有此等情弊。不惟將民人蒙古重懲。定將該盟長等一併治罪不貸。○旌表守正被戕浙江慈谿縣民勵德顯妻周氏。四川平武縣民劉文舉妻毛氏。○壬申諭內閣。前經降旨通諭侍衛部院滿漢司員。於本管滿漢堂官前不得屈膝請安。致墮體制。本日據御史鄭士超奏稱。本月初九日尚書戴衢亨侍郎英和典試出闈。各司員在奏事門外紛紛遮道屈膝請安。直至軍機門首而止。司員相習成風。該堂官亦不加以叅處。應請旨嚴行申禁等語。朕見其所奏尚是。因於召見軍機大臣時向戴衢亨英和面詢。據伊二人奏稱是日考

竣覆命後。出至奏事門外。路旁實有請安之人。不敢隱飾。但亦不致紛紛遮道。如該御史所奏之多。伊等於屬員請安時。亦皆隨時向阻。但未叅奏。殊屬不合。自請處分。至當時請安之人。因匆匆行走。今已數日。不能記憶。並據英和奏稱。是日尚有本管之筆帖式驍騎校拜唐阿等。一併在內等語。因思筆帖式驍騎校拜唐阿等。分屬微末。於見該管上司時。屈膝請安。尚非例禁。至各部司員等。體制較優。若於見該堂官時。不知恪守禮儀。妄為屈膝。實屬不遵定例。漸開詭譎惡習。不可不查辦。示懲。該御史既有此奏。自必能確指其人。當派慶桂。董誥。劉權之。向該御史詳悉詢問。據稱。伊是日站立較遠。彼時請安之人。實在望不真切。不敢混指等語。該御史既不能確指姓名。勢難概行查辦。所有此次屈膝請安之人。姑無庸議。戴衢亨。英和。於司員等。未經查叅。究屬非是。著交部察議。至此種風氣。一

衙門如此。各衙門諒皆不免。既於定制有乖。且相率效尤。兼恐漸趨卑鄙。不可不嚴行申禁。嗣後侍衛部院滿漢司員。務當凜遵定例。各知自愛。儻再有向該堂官屈膝請安者。即著該堂官據實劾奏。儻徇隱不言。致被科道糾叅。必將該堂官一併議處。但必須指名查叅。無得含糊具奏。轉使自蹈卑鄙之員。得以倖免處分。此事該御史係初九日目擊之事。於次日即應叅奏。何以遲至十日之久。始行列諸彈章。朕心知其故。若明白曉諭。恐阻言路。然此等伎倆。徒自苦耳。於朕前不應嘗試也。○以江南京口協副將楊華為蘇松鎮總兵官。○癸酉。

上御勤政殿聽政。○諭內閣。本日據福慶奏。旗員瑯祿。因親老懇請回京當差。已降旨照所請行矣。因思旗員終養之例。久經停止。如果在外服官年久。因親老呈請回旗。亦所不禁。今瑯祿於嘉慶八年。簡補鎮遠府員缺。其時

該員生母年已七十有四。如果難以遠行。即應呈請留京。乃業已到黔。甫及二年。旋以親老呈請回京。若不定以限制。恐該員等或於到任後。見缺分平常。希圖規避。或與上司有意見不合之處。藉詞引退。或因囊橐已飽。冀得歸家安享。託詞親老。懇請回京。種種情偽。亦不可不防其漸。嗣後旗員如果有親年已逾七十。家無次丁。及其親年未合例。素有疾病者。均應於在京補放時。即行呈明留京當

差。儻於到任後一二年間。遽行呈請回京者。俱不准行。著為令。○引見壬戌科散館人員。得旨。此次散館之編修劉彬士。李宗昉。朱士彥。業經授職。其清書二甲之庶吉士林春溥。漢書二甲之庶吉士費蘭。張元宰。李振菊。顧毓。宋湘。何應志。沈維鑄。龔守正。張鑒。黃中傑。謝學崇。何丙。戚程。贊寧。程壽齡。張源。長章。道鴻。朱琦。李可蕃。瞿昂。洪占銓。陶澍。葛方晉。吳椿。程邦憲。潘恭辰。李仲昭。朱鴻。胡開。蓋寧。

古齊。易元善。俱著授為編修。清書三甲之庶吉士李光晉。漢書三甲之庶吉士宗室果。齊斯歡。孫世昌。夏修恕。宗室德朋。阿卓秉恬。俱著授為檢討。王青蓮。宗室惠端。著仍以庶吉士留館教習三年。張玉麒。梁章鉅。盧炳濤。張本枝。喻鴻。黃錫綬。饒向榮。著以部屬用。何蘭汀。朱玉林。鄧士憲。萬鼎琛。孫汶。高廷魁。李鍾璧。劉加封。黃茂。李蟠。根。王百齡。呂兆麒。蔡以成。張元模。陳永圖。李成芳。任。邵祐。吉士璣。馬

倚。元。霍樹清。蓋運長。黎鑾。宋潢。趙遂。達清。阿著。以知縣即用。柳斌。王珽。陳銘。陳聲。適。謝幹。常山。周毓麟。劉穀。萬魏。邦彥。隆。客。鍾慶。俱著歸原班銓選。○以奉宸苑卿蘇沖。阿為內閣學士。兼禮部侍郎銜。詹事府少詹事。周兆基。為詹事。○以大學士董誥。協辦大學士。禮部尚書。劉權之。吏部尚書。費淳。都察院左都御史。邵炳泰。吏部左侍郎。李鈞。簡。右侍郎。戴均元。禮部左侍郎。王麟。兵部左侍郎。戴聯奎。為

殿試讀卷官。○甲戌策試天下貢士胡敬等二百三十三名於保和殿。制曰朕仰膺

昊春統馭寰區十年於茲朝乾夕惕不遑暇逸以冀紹古帝王執兩用中之治保大定功之模黜陟以嚴考課宣防以利轉輸期臻上理爰待嘉謨尚書綜帝王之治道二典必始欽恭洪範九疇亦必原於五事之敬而要皆本於一誠書言精一中庸言所以行之者一者誠也蓋誠則必敬敬則必勤人君在上緝熙單心所以敬天位人臣在下精白敬事所以亮天工故敬天即以勤民至誠即以格天其致一也六籍所著其與敬勤之旨相印合者可綜貫而條舉歟大寶丹宸之箴典矣茂矣朱子或問所言治道皇極經世書言君道臣道十二則大學衍義綱舉四條皆本心傳以發明治道能詳述之歟古者寓兵於農伍兩卒旅蒐苗獮狝制善法良有明徵已漢設郡國材官騎士唐置府兵後更擴騎其制已

異於古宋有禁廂鄉蕃之目蘇軾言被邊百姓自相保聚可收爪牙之利司馬光復言其害可悉指歟蓋兵於無事之時訓練為尤急勤練則可使有勇敢教訓則可使知方孫子所謂練士吳子所謂治軍可備舉歟唐太宗與李靖問對中所言足法手法可通於古步伐止齊之義歟若平時以游惰之民募補又以雜色服役之人濫充是豈國家設兵衛民之意歟膺斯任者宜何如督率而振厲之也書

曰知人則哲安民則惠堯舜猶兢兢於察吏考績之典所自昉也周官弊吏一以廉為本漢時取士曰興廉察吏曰察廉其亦本此意歟朕乙夜批章日昃不遑內而卿尹外而疆吏共矢法廉以襄予治果何以僚屬咸知勵職吏胥不致逞奸乃或甘優逸而案有積延避吏議而事多消弭是豈惠養吾民之意歟書言無曠庶官傳言民生在勤夫循名責實則人不曠官朝考夕稽則吏皆勤職其果何

道之從歟。古之治河者治一河而止耳。今則合淮與漕治之。黃河自失故道。遂累代為患。史記謂水行平地數為敗。故禹斷二渠北載之高地。夫水性趨下。引之高地。轉不為害。何也。河之變遷屢矣。唐一代河患最少。其故安在。論者謂水性北行。折之東南。故易決溢。此修防所宜亟講也。元明以來。余闕邱濬潘季馴諸人之議。孰為得失。國家歲漕四百萬粟。以供天庾。必取道於黃運兩河。而以清刷黃。尤為輓渡利漕要法。今於束清禦黃兩壩之外。別有長策。可臻一勞永逸歟。若此者。稽古而講求治理。飭戎而綏靖嘉師。官方敎而綱紀畢張。漕運利而隄防永固。有典有則。是經是程。佇望謙言。藉資啟沃。毋泛毋隱。朕將親覽焉。○乙亥。福建臺灣鎮總兵官愛新泰等奏報堵禦洋匪。獲夥盜情形。得旨嘉獎。擢都司盧植為副將。賞知府慶保道銜。○丙子。雲南定遠縣土主簿李毓英因病告替。以其

子純襲職。○丁丑。

上還宮。○御乾清宮。召讀卷官入親閱。定進呈十卷甲第。○以署鑲藍旗滿洲都統額勒登保為方畧館總裁官。○戊寅。

上御太和殿傳臚。賜一甲彭浚徐頤何凌漢三人進士及第。二甲徐松等九十六人進士出身。三甲葉申萬等一百四十四人同進士出身。○辛圓明園。○己卯。諭內閣據德楞額奏勒保奏請將從前陸續拏獲賊匪家屬現尚監

禁之黃教氏等十七名免其緣坐治罪。給與親屬具領等語。該犯屬等羈禁園圍。已逾數載。自可量加寬減。除羅苟氏係苟文明出嫁胞妹。及先經許字之龔文玉之女龔月英。律不緣坐外。此內惟教儒泰教儒敏趙娃兒三犯。均係逆犯之子。若竟予省釋。於情法究屬過寬。未足以昭平允。仍著德楞額等將教儒泰三犯酌量罪名定擬徒流。交該地方官嚴行管束。其餘黃教氏等六口及鄭三清等六

名業經訊明案情。或本非甘心從賊。或係被賊誘惑。委無知情同謀情事。均著免其緣坐治罪。各給親屬領回。以昭法外施仁至意。○諭軍機大臣等。王德奏拏獲艇匪陳楊得訊。據供稱艇匪共有四幫。一條烏石二為首。一條鄭一為首。一條總兵寶為首。一條林阿發為首。福建洋面。係林阿發總兵寶二幫連土盜朱濱附和之。船共一百餘號。其烏石二鄭一兩幫尚在廣東洋面。又廣東會匪首李崇

玉平日與艇匪相通。現在林阿發幫內等語。那彥成等前奏稱先派署左翼鎮林國良南澳鎮杜魁光二員帶領舟師在甲子司港口堵截。當李崇玉竄逸下海之時。該二鎮何以毫無聞見。及該逆勾通艇匪竄過閩洋。該二鎮兵船又何以不跟蹤追捕。杜魁光本係南澳鎮總兵。原因捕務緊要。暫令在粵省幫辦。今閩省水師將領現在乏人。著那彥成等即速飭杜魁光帶領所管舟師前赴閩省追勦。

艇匪將此傳諭知之。○撥廣儲司銀十萬兩給隨扈盛京官員兵丁以備行裝。○予四川陣亡把總陳啟林祭葬世職如例。○庚辰予故禮部尚書琳寧祭葬諡勤僊。○賞直隸霸昌道富海二等侍衛為庫倫辦事大臣。○改江南徐州河標左營副將為徐州鎮總兵官。從總督鐵保等請也。○辛巳。

上幸靜明園詣

龍神廟拈香。○壬午以故教漢郡王齊默特

噶瓦子甘雜巴拏襲爵。○江西九江鎮總兵官王雋年老命留京為鑲藍旗漢軍副都統以服闋總兵官劉榮慶為九江鎮總兵官。○旌表守正被戕江西德安縣民邱燈女邱氏。陝西長安縣民高領妻張氏。○癸未諭內閣據刑部奏審明廣東民人陳若望私代西洋人德天賜遞送書信地團並究出傳教習教各犯分別定擬一摺。西洋人信奉天主教在該國習俗相沿原所不禁即京師設立西洋

堂亦祇因推算天文。參用西法。凡該國情願來京學藝者。均得在堂棲止。原不准與內地民人往來滋事。乃德天賜膽敢私行傳播。訊明習教各犯。不惟愚民婦女被其煽惑。兼有旗人亦復信奉。並用漢字編造西洋經卷。至三十一種之多。若不嚴行懲辦。何以闢異說而杜歧趨。且該國原係書寫西洋字。內地民人無從傳習。今查出所造經卷。俱係刊刻漢字。其居心實不可問。此在內地愚民已不得

傳習。而旗人尤不應出此。關繫人心風俗者甚鉅。所有寄信人陳若望在堂講道之漢軍周炳德會長民人劉朝棟趙廷盼朱長泰漢軍汪茂德或往來寄信。或輾轉傳惑。著照刑部所擬發往伊犁給額魯特為奴。仍先用重枷枷號三箇月。以示懲儆。民婦陳楊氏以婦女充當會長。尤屬不安本分。著發往伊犁給兵丁為奴。不准折枷收贖。民人簡惇曾代為寄信。請人傳教。漢軍佟恒善經反覆開導。執

迷不悟。俱著枷號三箇月。滿日發往伊犁。給額魯特為奴。周炳德汪茂德佟恒善既自僭根本甘心習學洋教。實不啻於人類均各銷除旗檔。至一經曉諭。即情願出教之民人王世寧柯添幅尹思敬吳西滿漢軍佟明佟四蔡勇通尚知悔過。應行省釋。但恐該犯等因一時畏罪飾詞。未必出於至誠。仍著該管旗籍各官嚴加管束。如敢再行傳習。即加倍治罪。德天賜以西洋人來京當差。不知安分守

法。妄行刊書傳教。實為可惡。該部奏請或飭令回堂。或遣回本國。均屬未協。德天賜著兵部派員解往熱河。在額魯特營房圈禁。仍交慶傑隨時管束。毋許與內地旗民往來交涉。以杜煽惑。管理西洋堂事務大臣常福於德天賜寄信刊書傳教等事。未能先時查察。著交內務府議處。其失察旗人習教之歷任都統副都統等。著軍機大臣查明奏請交部分別議處。該堂存貯經卷。交軍機大臣會同刑

部派員檢查銷燬。毋許存留。其刊刻板片。並著五城順天府步軍統領衙門一體查銷。並出示曉諭軍民人等。嗣後儻再有與西洋人往來習教者。即照違旨例從重懲究。決不寬貸。餘著照刑部所議行。○是月直隸總督顏檢奏敬承

諭旨。嗣後加意整飭屬吏。得旨。方今中外吏治貪墨者少。疲玩者多。總尚因循。每多觀望。大臣不肯實心。惟恐朕斥其專擅。小官從而效尤。僅知自保身家。此實國家之隱憂。不可不加整頓。卿係腹心之臣。故將此旨諭知。卿其勉之。○又奏敬承

聖訓。推廣管見。屬員平日出力處。如果起衆。而所罹不是。輕而可原。仍當教導成全。以協為國儲材之義。得旨。屬員中不肖者。乃殃民之官。斷不留於治世。如近日廣西之孫廷標。湖南之董如圖。去其已甚。正所以保全餘者。能多幾員改過之人。保全百姓之元氣多矣。以

此類推。知其畧矣。非教卿存心刻剝。嚴厲御下也。特諭。○兩江總督鐵保奏。查看吳淞海口形勢。於兩岸濱海之處。添設礮臺。抽調勁兵四百名分守。務使鳥鎗火器一律精熟。硃批。好。最要。又批。因地制宜。所辦俱妥。然根本總在嚴禁出洋米石鐵器。訓練水師兵。下海洋。雖以火器制勝。若氣餒亦不能施放。有準也。勉力訓練營伍為要。

大清仁宗受天興運。敷化綏猷。崇文經武。孝恭勤儉。端敏英哲。睿皇帝實錄卷之一百四十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十三

欽定四庫全書
嘉慶十年五月甲申朔諭內閣向來西
洋堂事務俱派總管內務府大臣管理而歷
任該管之大臣等不能實心經理其派委司
員亦不常川稽查大率有名無實即如近日
德天賜等妄行刊書傳教煽惑旗民此皆由
歷任該管大臣官員等平日不能認真查察
以致伊等敢於私通書信往來交結現在管
理西洋堂事務之常福著無庸兼管改派祿
康長麟英和管理其應如何設立章程嚴加
管束之處著祿康等悉心妥議具奏尋議奏

嘉慶十年乙丑五月甲申朔諭內閣向來西

洋堂事務俱派總管內務府大臣管理而歷
任該管之大臣等不能實心經理其派委司
員亦不常川稽查大率有名無實即如近日
德天賜等妄行刊書傳教煽惑旗民此皆由
歷任該管大臣官員等平日不能認真查察
以致伊等敢於私通書信往來交結現在管
理西洋堂事務之常福著無庸兼管改派祿
康長麟英和管理其應如何設立章程嚴加
管束之處著祿康等悉心妥議具奏尋議奏

酌派司員到堂稽查設立堆撥輪流巡緝徹
毀堂額天主字樣禁止旗民彼此往來封禁
該堂女堂房屋稽察海澱各堂寓所譯驗該
國投寄書信編造服役人數冊檔示諭習教
治罪條款禁止收買樂材洋草從之○人諭
近年京師錢價昂貴節經降旨查禁私販外
出並令戶工兩局按卯鼓鑄毫無短缺而價
值仍未稍為平減風聞各省錢局不能如數
鼓鑄該督撫等並不實力查辦以致日形短
絀前於嘉慶五年間曾經降旨諭令停鑄省
分概行復卯其中有數省奏明不能遽復者
而每歲報部照舊鼓鑄者居多無如承辦之
員冀圖偷減工本並不遵照定例妥為經理
名為開鑪而其實仍未復卯各省商賈市易
流通專賴京局錢文以資轉運無怪乎局錢
按卯鼓鑄而錢數不見其增錢價不見其減
也夫國寶所貴流通若以天下之大盡仰給
於戶工兩局是各省錢局竟成虛設民間購

買物件以銀易錢虧失增倍於閭閻生計大有關繫不可不通飭查辦著各該督撫等將各省錢局應鑄錢文務令按卯如數鼓鑄毋許有偷減虛報情弊儻經此次曉諭之後尚不激發天良覈實辦理一經發覺或被人指叅必將該督撫藩司及管局之員從嚴懲治其有將短鑄缺額等事據實呈告者訊明所控確鑿定加獎賞以期蠹弊肅清國府充裕各該督撫等不可視為具文自干重戾也將

此通諭知之○以翰林院檢討果齊斯歡充日講起居注官乙酉授一甲一名進士彭浚為翰林院修撰二名進士徐頤三名進士何浚漢為編修○命禮部左侍郎玉麟戶部右侍郎劉鐸之教習庶吉士○冊封朝鮮國王妃以散秩大臣瑞齡為正使內閣學士德文為副使往封○丙戌

孝誠仁皇后忌辰遣官祭

景陵 丁亥引見新科進士得旨一甲三名彭

浚徐頤何浚漢業經授職外徐松李兆洛石葆元張聰賢孫爾準王珙姚元之謝崧程德楷盛唐程家督史譜董桂敷章汝金汪全德孫源湘馬瑞辰童瑣胡敬邵葆鍾潘際雲蘇繹彭邦疇于克家葛宗昶李可瓊蔣詩鼎銑敏費卿庭吳遇坤顧寅張錫謙陳鴻墀何彤然徐鑑倪思蓮張志廉程伯鑾汪汝弼王德本曹芸綰陳玉銘李建北周尚蓮邱煌陳宗疇程錦觀和桂程元吉何增元魯垂紳姚原

紱周壽椿陳俊千孫升長胡承珙李黼平覺羅寶興許繩祖郭承恩龔元鼎鄒植行宗室崇弼錢人杰葉中萬張光燾帥承瀚穆彰阿徐學晉秦基徐銓黃步堂平志蕭朗峯張濂堂色卜星額嚴煥崇綬劉謙表元淦何承先著改為翰林院庶吉士補行朝考之呂子班及秦繩曾程家祥蔣策王廷濬那丹珠那清安朱為弼汪繼培童槐吉祿尹佩榮宗室德選均著分部學習吳玉堂本係兵部候補主

事著以該部主事即用楊嗣曾向肇隆劉紹琯余光超吳寶裕徐玉立吳存楷藍桂張秀芝林慶章凌泰交鄧應熊郭泰成王壽馮春暉習家駒楊欲仁王允楚雷長春鄭祖琛駱應炳周階平吳淞甄士林吳大壯王圻鄧傳安王大同錢楸勲諸嘉樂劉廣澍歐陽敬王森文時銘黃承吉敏登額馮晉錫程晉李蔭樞翟鳳翔繆庭槐萬希煜牟安儒何詒需鄧方城王銓符鴻王泉之張崑葉以官劉銘常陳三立石長甲吉鍾穎宋宜福白鍾岳王椽張範東韓履寵張之昶段克瑩丁兆祺郭志青達春布魏襄劉壇易含章吳沆王鑒包榮林家徐鈞顏廷彥王作肅鄒紹觀陳周書熊士鵬傳廷蘭溫炳辛炳晟張樹勲牛震張際熙姚寶燧習家駉蘇廷茶均著交吏部籤掣分發各省以知縣即用陳蘭策本係捐納候選同知著交吏部掣省分發以同知即用餘著歸班銓選旌表守正捐軀直隸博野

縣民王大箇妻李氏○戊子諭內閣前因方維甸密奏都爾嘉辦事紛擾聲名平常當派特清額馳赴西寧查辦嗣據特清額奏稱訊明都爾嘉疏縱屬下收受贓罰屬實業經降旨將都爾嘉革職拏問交特清額會同慶旻嚴審具奏茲據特清額等奏稱提齊人證逐一根究供認贓款數千兩復經特清額等訪知該處在籍叅將何守林向任哈密與都爾嘉熟識本年三月間有將銀寄放之事特清額等親往搜查起獲木匣六箇共銀六千六百八十兩統計贓銀一萬一千餘兩當即提出都爾嘉家奴康恒山候喜嚴加刑訊據供此項寄頓銀兩大概俱係收受各廟喇嘛及蒙古贓款等語都爾嘉身係宗室從前屢獲罪愆荷蒙皇考高宗純皇帝逾格矜全朕復施恩棄瑕錄用授為西寧辦事大臣稍有人心自應激發天良痛加渝濯勉圖自贖乃輒敢檢營私向

各廟喇嘛及蒙古等任意勒索。贓款至一萬數千兩之多。實屬有玷宗潢。設因此釀成事端。則其罪更甚。負恩無恥。已極。斷難輕宥。前據特清額等奏到大概情形。曾降旨將都爾嘉家產查封。尚未即行抄沒。並將伊弟都爾哈家產加恩給還。今查出贓私已有萬餘。且恐尚有不實不盡之處。除諭令特清額等再行詳細鞠實。定擬具奏外。所有前次查封都爾嘉家產及任所貲財。均抄沒入官。以儆貪私。至伊所得贓銀。既向熟識之何守林私行寄頓。則伊弟都爾哈及其孫布扎納在京豈有不將銀兩隨時寄付之理。朕不為已甚。姑免深究。但伊二人亦何顏復玷居官職。都爾哈布扎納均著革職。作為四品閒散宗室。告病叅將何守林私行寄頓贓銀。自亦必有分肥情事。著革職。歸案審訊。筆帖式誠福松齡既據訊出都爾嘉分給贓銀。亦著一併革職。交特清額等嚴訊。分別定擬具奏。至青海衙

門額設筆帖式三員。此案均經革職。現在當差之人著理藩院即照例遴派三員。迅速前往供職。○己丑諭內閣。本年秋間朕恭詣盛京展謁。祖陵早經諭令軍機大臣傳知各該衙門。將應行扈從之王公大臣卿員等早行開單具奏。並令將各該員內從前曾經隨扈皇考高宗純皇帝聖駕前往盛京。或曾任盛京官職及奉差前往者均於名下詳細開明呈覽。屆時朕自當酌量點派。乃前日緝布於召見時以伊未經到過盛京。懇請隨駕。本日召見保寧又據奏請扈從盛京。並稱伊從前曾經奉差到過。此次求派前往。陳請再三。殊覺無謂。大臣等遇朕有巡幸地方。自應靜候點派。扈從何必紛紛陳請。妄行瀆奏。試思趨隨豹尾。與在京辦事一體當差。在侍衛等告圓原無足責。為大臣者豈可不知輕重若此。若謂派隨者有體面。留京者為無用。更屬卑鄙。

之見嗣後王公大臣卿員等毋得再有瀆請違者不惟不准所請並當交部議處將此通諭文武各衙門知之○庚寅諭內閣阿拉善蒙古每年製造鹽船准令於內地購買木植乾隆五十六年經理藩院數議每年准購木植九千根維時即欽奉

高宗純皇帝諭旨甘省出木稀少日久將山場木植用盡於民用有無缺乏之處查明據實奏聞欽此茲據署陝甘總督方維甸奏稱甘省產木之平番西寧等處山場林木無多本省搭蓋橋梁及民間需用已屬浩繁又加以外藩頻年購運現在山產日形缺乏不敷採用請將阿拉善歲購木植酌量裁減等語阿拉善造船木料在內地購買原屬格外恩施今甘省既產木漸稀民用拮据自應酌量變通以阜物產著照該署督所議將阿拉善每年購製鹽船木植酌減三千根仍准其購買六千根額定大木一千六百根小木四千四

百根此外不准逾額多購並令沿河地方官隨處稽查如有商販希圖市利藉端影射以多報少以大報小一經查出即照例嚴辦示懲○辛卯

上詣

黑龍潭神祠拈香○壬辰諭內閣宗人府請

派隨往盛京恭謁

祖陵之王公一摺單內所開諸王貝勒貝子公等皆

祖宗支派值朕恭謁

祖陵大典俱應隨往但伊等在京各有差務不能全行隨往著派睿親王端恩鄭親王烏爾恭阿儀親王定親王綿恩克勤郡王尚格慶郡王永璘榮郡王綿億貝勒綿譽貝子奕純奕紹公綿偲奕額隨往儀親王年已六旬無庸扈蹕行走著總理行營事務稽查大營畢於該處站班慶郡王永璘亦不必扈蹕行走著稽查尖營明年

高宗純皇帝實錄告成例應盛京尊藏一分屆時即派成親王莊親王綿謀恭送現在乾清門行走王等人數較多和郡王綿備不必隨往著留京進碩侍衛內大臣班貝勒永珠素有足疾著不必在乾清門行走仍在宗人府當差○又諭據奏行簡奏審訊清豐縣已革武生于麗峯呈控回贖地畝一案請將于麗峯祖遺地畝准令減半贖回等語此案于麗峯因祖遺地畝災年賤價賣與郝姓疊次呈控欲行回贖該府張體公等以限滿三年例不准贖尚屬照案詳斷惟因于麗峯越控輒行斥革杖責辦理未免過當且買主轉賣地畝本許原主照現價買回此項地畝郝姓原買之時每畝價銀僅止一兩內外迨經于姓認買遂增價至四兩八錢顯有故意措勒高擡價值情事若因限滿不准贖回適以啟富戶乘災圖利之漸所有于麗峯祖遺地二頃八畝零著准令各該家屬按照每畝四兩八

錢之數減半向謝姓贖回其虧折半價即令郝培德照數償還以昭平允所有原審之知府張體公及會同審訊並不當堂公斷私向原告開導之知府石飛熊著照所請交部分別議處于麗峯武生衣頂並照所請開復○甲午刑部議覆河南巡撫馬慧裕疏報民人徐日昇與子徐春元毒死弟妾徐郭氏一家二命一案得旨此案徐日昇起意謀毒徐郭氏一家圖得財產致斃徐郭氏徐澤根二命並誤毒李栗成身死除應斬決之徐日昇業已在監病故外刑部照該撫所題請將徐日昇之子徐春元依謀殺人從而加功者絞監候律擬絞監候秋後處決等語細覈案情徐日昇始因向徐澤根借貸徐郭氏主使總未借給致懷忿恨嗣因聞知徐澤根將伊所典地畝稅契過割作為絕賣遂以伊家相待刻薄起意將徐郭氏一家毒死冀圖伊子承祧得其財產囑令伊三子徐春元尋買砒霜徐

春元輒聽從買得砒霜並因徐日昇囑將徐虎子一併毒死杜其爭繼遂乘間將毒藥攪入麵內致徐郭氏徐澤根受毒殞命並誤毒李栗成身死是徐日昇主謀斃命係圖得徐郭氏家產而徐春元之買藥致斃二命並欲將徐虎子一併毒害以免爭繼實為自己承繼得財起見非尋常從而加功者比徐春元一犯依擬應絞著即行正法餘依議○乙未上幸萬壽山詣

廣潤祠拈香○辛靜明園詣

龍神廟拈香○諭內閣德瑛奏查辦大凌河牧羣馬匹倒斃情形一摺據稱此項牧養馬匹因三月內寧遠錦州地方風雪緊急馬體結冰冷氣內侵噤不食草以致倒斃甚多現經率同司員親行查點皮張與所報倒斃數目相符亦均有烙印尚無虛捏情事等語大凌河牧養馬匹倒斃過多既據德瑛查明別無情弊姑免深究但總由該牧長牧副等平

日餵養不善以致馬匹疲瘦不耐寒冷偶遇風雪輒至倒斃多匹實難辭咎應將倒斃馬匹於該官丁等名下各按各羣照依所斃多寡數目分別賠補以示懲創至所稱在圈馬匹例由管莊衙門分派莊頭供餵該莊頭所搭棚座淺隘供草亦不足數應令該副都統隨時懲治以儆將來其未馴兒駒應如何分別入羣餵養分冊造報以免牽混之處並著富俊富疆阿確查情形安定章程具奏○又諭顏檢奏審擬冀州民人白繼祖因與表妹董大女通姦扎死伊妻郭氏一案白繼祖與董大女姦好被伊妻郭氏窺破屢向勸阻並無不合乃該犯戀姦情熱輒起意將郭氏謀害已屬恩絕義乖况郭氏懷孕在身該犯竟忍逞毒致死並不顧及後嗣其淫兇殘慘實覺情浮於法與尋常故殺妻之案不同即辦理秋審時亦必予勾白繼祖依擬應絞著即行正法以昭炯戒○諭軍機大臣等王德奏

酌籌臺灣防盜善後事宜請添造大號同安
梭船三十隻著即照所請辦理惟稱臺灣水
師兵二千五百八十六名今添兵船不敷配
用請將陸路兵內抽撥五百名改為水師此
則不可陸路有巡防緝捕之責況以不諳水
師之兵調充徒歸無益著玉德飭知臺灣鎮
道即於該處團練之鄉勇義民熟悉水師趨
健得力者挑二三百名入水師營伍其應行
支給錢糧及如何分隸各營定立巡防堵禦
章程並著玉德飭交愛新泰等詳籌妥議具
奏將此諭令知之○以防禦閩洋艇匪出力
遊擊富爾松阿下部議敘○署廣東提督左
翼鎮總兵官魏大斌以庸懦無能降補千總
以高廉鎮總兵官許文謨為提督江西袁州
協副將樊雄楚為高廉鎮總兵官○丙申遣
官祭

關帝廟○緩徵山西毗連災區之解安邑二
州縣未完額賦鹽課○丁酉諭內閣向來新

進士以知縣即用者原欲令其早日服官用
資造就近年因錄用人員較多銓選不無壅
滯需次仍復稽遲是以此次新進士引見後
特降旨交吏部籤掣分發各省以知縣即用
因思辛酉壬戌兩科進士內即用知縣現在
未經銓選者尚多中式在前而得缺轉後未
免偏枯著吏部查明一體掣籤分發各省其
有現在未經到部投供者並著該部代為掣
定省分行知各該員原籍由本省督撫給咨
徑赴該省補用以示朕體恤寒畯俾得及時
自効至意○戊戌諭內閣本年山東軍船於
回空後復行裝運採買米石赴通交卸所有
津貼經紀箇兒錢文著免其交納照戶部前
議與湖北一例辦理在通濟庫輕齎項下動
支官為給發以紓丁力

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十三

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四十四

蘇陳明載官煙癮癮起處官太子太傅武英殿大學士文淵閣領閣事攝篆欽奉
上諭事件處管理工部事務翰林院掌院學士隨帶如

二級序當即照舊辦理總辦職責全大係由總理官辦理刑罰事務應由總理官酌量酌定最爲穩妥議決注官之任係因官請開缺
開缺時察發給上街事務處給辦之案士部尚書翰林院掌院學士及各省總督巡撫均能統率統轄
理部三庫奉天府清國寺處總理工程處御膳房務所兼管醫局西洋事務處及各省巡撫帶同各省文武一級統轄士民
兵刑總辦官大吏樞密部尚書之書房行吏武官總辦官閣下監事務加知縣隨帶知縣統轄四民官注注序等事

副都統富疆阿為山海關副都統山海關副都統來儀為錦州副都統○加賑浙江仁和錢塘海寧餘杭臨安嘉興秀水海鹽石門桐鄉烏程歸安長興德清武康十五州縣上年被水災民並緩徵本年額賦及未完耗羨銀○庚子諭內閣吉綸奏酌議川楚採運民船行走交卸章程如照例叅處脫空遲延運員籌議補交遭風虧濕米石回空軍船無須在臨清關外守候採買船隻免繳楊村官剝油餉錢文各款所奏俱是著依議行至請將川楚押運各員於完糧後照依衛千總例分別給予議敘一節此次採運米石不僅四川湖南兩省著交倉場侍郎俟各省採買米船到通全完察其並無掛欠等事者將押運協運總催督催各員按照運道遠近分別奏請議敘如有應行叅處各員亦據實開叅用昭懲勸○又諭瑚圖禮奏滇省運京銅船遭風沈溺情形一摺據稱滇省委辦程球領運京銅

在楚省漢陽縣新灘鄧家口地方陡遇狂風沈溺銅船十隻並淹斃丁役舵水十二名沈失銅五十萬八千餘斤尚未全數撈獲等語漢陽縣鄧家口地方係屬著名險灘該運員領解銅船駛至該處江面猝遇狂風巨浪沈溺船隻實因人力難施尚非疏於防護其丁役舵水等因迎浪搶救致被淹斃情殊可憫著該撫查明給予賞卹埋葬銀兩所有沈失銅斤除已撈獲三十七萬餘斤盤驗起運外其未獲沈銅十三萬八千餘斤仍著該撫飭屬上緊打撈務獲並著官給撈費至損失船隻及打撈沈銅或有未能足數者俱加恩免令該員賠償以示體卹○又諭佟瀾色克舒敏李慶喜因傳習天主教革職交刑部審辦茲據刑部奏稱佟瀾等到案俱各供情願出教請革職免其治罪等語佟瀾等均係旗人且任職官輒敢僭棄根本學習洋教現雖據供明真心改悔但恐因一時畏罪求免伊等

全家久為邪說所惑一經釋放或仍私相崇奉其言殊難憑信佟瀾色克舒敏李慶喜仍著在刑部羈禁將伊等家屬傳至令其當面告誡各將洋教不祀祖先不供門竈等事全行改革仍交各該旗查明伊全家出教屬實由該管叅佐領具結詳報再行釋放如釋放後再敢私行習教即加倍治罪決不寬貸○湖南巡撫阿林保奏勦辦永綏廳逆苗出力人員雲騎尉王茂蘭等升擢有差○壬寅

上幸萬壽山○諭內閣御史何元烺奏請酌改軍機處名目一摺據稱軍機處承辦一切事務與兵部之專司戎政者不同現在軍務久經告藏似應更改名目以紀偃武之隆等語殊不成話軍機處名目自雍正年間創設以來沿用已久一切承旨書諭及辦理各件皆關繫機要此與前代所稱平章軍國重事相仿非專指運籌決勝而言目今三省邪匪久已肅清大功告藏薄海內外共慶昇平又何

必改易軍機二字始為偃武即如兵部專司戎政自周官分職以來相沿至今兵可百年不用不可一日不備現在內外旗營均有定制新疆西北兩路皆號軍營若如該御史所請勢必諱兵不言豈國家承平日久並古大司馬之職亦竟可不設乎何元烺率請改易舊章而不顧其言之紕繆所奏斷不可行原摺著擲還○又諭方維甸奏磴口查驗蒙古鹽章程一摺阿拉善水運鹽斤船隻均有定

數今造船木料業因內地木植缺乏前經降旨減去三千根成造船隻較少則運鹽亦當議減茲據方維甸奏稱應減運鹽四百萬斤每月准買隨船口糧二百石如有逾額多帶別項貨物均應查禁等語著照所請行至磴口係裝鹽馬頭據稱於該處設立官局專派明白廉謹之候補州縣丞倅或州同州判經歷等官一員會同寧夏駐劄司員稽查船數鹽數等語亦自應如此辦理磴口係發運之

始稽覈較易必當設局派員嚴密巡查著該督遴選妥員專駐該處會同寧夏司員責成經理但恐該委員等奉行稍有不善弊實易滋或縱令家丁差役藉此需索蒙古訛詐滋事否即希圖得利賣放透漏均不可不防其漸仍著該督等隨時派委該管道府大員嚴密稽查如查有此等弊端即行據實奏奏並諭令該委員等將稽查鹽斤船隻數目有無逾額違禁之處按月詳細稟報該督仍

著該督於每歲年終彙行報部查覈以清釐政○癸卯諭內閣本日兵部將鑲黃旗滿洲雲騎尉咸昌應否准其改捐主事之處奏明請旨一摺各省承襲世職漢員內閒有氣體怯弱不能學習弓馬及素習文藝之員請改文職原屬事之所有旗人首重騎射弓馬是其本業如欲捐文職或從前未經出仕或本身曾任文職尚可准行今咸昌曾經補充三等侍衛豈得委為不嫻武事伊原因與同班

戲謔降調若准其改捐則武職獲咎轉可覲改文職以遂其貪圖安逸之私設紛紛效尤於政體大有關繫至衡工捐例內世職人員未經引見准捐文職及生監出身之侍衛准其改捐文職等項從前所定原未妥協茲戶部業已奏明停卹無庸另議咸昌如必欲報捐自効止可准捐武職不准改捐主事○又諭本日兵部奏調劑水師一摺所奏多不妥協內如水師副將叅將迴避本省之例請量

為變通一款向來副將叅將均不得以本省之人題補本省之缺原以其所轄營分較大密邇本籍應杜其瞻徇情弊即云水師將領有專轄外海之員與陸路稍有區別豈可不予以限制嗣後水師叅將缺出如實無籍隸外省之員堪以擬補尚可照該部所請准其以籍隸本省人員據實保奏外至副將係二品大員仍不准違例題補又請將呈改水師之例酌加推廣一款外海水師追擊盜匪衝

涉波濤其緝捕較為艱險而其升途亦較徑捷所有籍隸江浙閩廣等省之陸路人員內果有素習水性願改舟師者自可准其一體呈改俾得留心學習以期漸收得人之效至於內河水師不過所轄營分濱臨河道與陸路不甚相殊迥非外海舟師可比今該部率欲照外海之例准陸路人員一體呈改是明欲為陸路人員開一升遷捷途所奏不可行又請將因公處分酌量分別辦理一款據稱水師因公被議各員除盜案外其有部議降調者於奉旨開缺後行令該督撫查覈其平日果緝捕認真諳習水師准切實保題將降調之案改為革職留任俟出缺後聲請補用等語向來部議降調各員既經奉旨開缺豈得再邀留任該部即為水師人才起見亦當詳覈案情先將應行降調革職之處照例辦理具奏再將其事屬因公並非捕盜不力現在級不數抵之處於摺後聲明請旨勅交該

督撫詳加查覈如果平素出力諳習水師再令該督撫專摺奏明送部引見請旨錄用方符政體今該部欲於此項人員開缺之後不再請旨徑由該部行令督撫查覈而督撫一經查明該員可留水師亦不專摺奏明並不送部引見竟改為革職留任俟缺出後即行補用其所謂令該督撫切實保題者將來不過奉行故事豈不開部臣及督撫專擅之漸乎兵部議辦此事種種不合除尚書鄒炳泰侍郎趙秉冲甫經到任均加恩免其置議外其餘兵部堂官著交部察議承辦司員著交部議處○又諭前因京師西洋堂人有與旗民往來習教並私刊清漢字書籍傳播之事疊經降旨嚴行飭禁並令將各堂所貯書籍檢出繳銷當交軍機大臣將檢出書籍查看旋據簽出各條呈覽朕幾餘披閱如教要序論內稱其天主是萬邦之大君聖年廣益內稱所信降生之耶穌係普天下各人物之大

君又稱中國呼異端為左道未必非默默中
為承行主旨而有是言又稱凡在天地大主
之下自君王以至士庶人人棄邪歸正聖教
大行未有不久安長治者又稱我敬之主真
正是天地人物之主又稱憑他有道之邦多
係世俗肉身之道又稱聖人欲乘此機會傳
教中華又婚配訓言內稱外教者如同魔鬼
奴才等語支離狂妄怪誕不經不一而足而
其中尤為悖謬者則稱聽父母所命相反於

天主之命為大不孝有聖女巴爾拔拉不肯
聽從逆命被頑父親手殺之天主義怒至公
即以暴雷擊死之為人父母親友阻人事主
者當以此為鑒等語蔑倫絕理直同狂吠又
稱當時有一貝子終日行非理之事福晉極
力勸之不從一日有一羣魔鬼拉貝子下地
獄天主以福晉有德行默啟他使知伊夫火
海永遠苦難可見不聽善勸決不免天主永
罰等語尤為肆口亂道貝子福晉之稱西洋

人何從知悉自係從前與旗人往來談論知
此稱號妄行編載事屬已往今亦不加深究
至其所稱貝子被魔鬼拉入地獄之語皆係
憑空捏撰毫無影響似此造作無稽充其伎
倆尚有何言不可出諸口何事不可筆之書
若不及早嚴行禁止任令傳播設其編造之
語悖謬更有重於此者勢不得不大加懲辦
與其日後釀成巨案莫若先事豫為之防前
已諭令派出管理西洋堂事務之大臣祿康

等公同議立章程隨時稽察茲特揭出書籍
所載各條指示申諭嗣後旗民人等務當恪
守本朝清語騎射讀聖賢書遵守經常釋道
二氏尚不可信況西洋教耶亟應肅除舊染
勿再聽信邪言執迷不悟背本從邪自不齒
於人類有負朕諄諄訓誡至意矣將此通諭
知之○又諭本日三法司具題議覆四川省
遂寧縣民人陳貴圖財戕傷唐明一案將陳
貴照依圖財傷人未死而已得財者例擬斬

立決閱其情節該犯見唐明帶有錢文起意致死其為圖財害命固屬情真罪當但其拔刀向戮時祇傷唐明咽喉等處並未致死現在傷已平復因思人命至重凡定擬罪名自應以致死不致死分別輕重用昭詳慎從前辦過成案如圖財致死人命得財者定擬斬決即圖財致斃二命者亦不過加以梟示今陳貴一犯雖已得財究係傷人未死若一律科以斬決揆之情法尚未平允著刑部堂官將圖財致死人命已得財者及致死人命而未得財者並圖財傷人未死而已得財及傷人未死并未得財者詳查律例並從前辦過成案參酌折衷如何分別定罪之處悉心妥議具奏所有陳貴一本俟奏上時再行降旨尋議奏傷人未死而已得財首犯擬斬監候從犯擬絞監候請通行遵照辦理從之○又諭全保奏審明謀殺胞叔並誤毒親姑親妹三命分別定擬一摺此案梁玉泰挾嫌與鋪

夥于鳳來商謀用藥毒死胞叔梁文奎于鳳來亦恨梁文奎屢次打鬧隨即應允代買毒藥攪和麪餅致令梁文奎因毒斃命並誤斃馬梁氏梁舉姐二命全保因其情罪較重依律擬絞監候請旨即行正法所辦尚是于鳳來著即處絞嗣後內外問刑衙門遇謀殺凡人罪應擬斬命案其聽從加功之犯自應仍按律擬以絞候若所謀殺之人係屬期親尊長本犯罪應立磔則加功從犯如僅擬絞監候未足以儆兇暴著即照此案定擬絞候請旨即行正法餘著照所議完結○陝西布政使慶章年老命來京另候簡用以直隸按察使景安為陝西布政使調河南按察使慶格為直隸按察使以直隸通永道方受疇為河南按察使甲辰諭內閣刑部奏審訊投遞匿名呈詞之已革護軍校阜保按律擬絞請旨即行正法一摺此案阜保前於充當護軍校時曾起抓金會係屬會首因拖欠錢文被

人逼討爭鬧經步軍統領衙門奏明革職交部審訊鞭責有案該犯猶恐衆人索欠欲圖禁止抓金會以免賠還舊欠遂起意書寫匿名呈詞先經三次投遞至本年四月內該犯因不聞查辦信息復恐詞不聳聽輒稱抓金會有山東山西及回民等共五六千人在內如同白蓮教恐怕人多滋事之語並牽引逆犯陳德一案率意寫入以冀即行查辦遂其傾害之私京師輦轂之下似此謠言布散駭人聽聞殊屬可惡若不嚴辦示懲何以禁戢奸宄阜保投遞匿名呈詞已罪應絞候今復摭拾狂誕之語應即照刑部所請即行正法並著派刑部堂官賡音祖之望監提該犯先行刑夾一次再行處絞至護軍舒德係代阜保書寫呈詞之人其從前屢次謄寫時該犯因呈上無名曾向阜保查問阜保答以臨遞時自行填寫伊不知阜保之匿名投遞尚屬可原至第四次已據供認知情乃並不力為

阻止且將其一切狂誕不經之語皆代為書寫實屬膽大刑部請將該犯革去護軍改發伊犁烏魯木齊酌撥當差尚覺稍輕舒德著革去護軍先行枷號兩箇月滿日再行發往伊犁等處當差其抓金會著照定例禁止此案蹤跡詭詐前經降旨派步軍統領衙門密為查訪旋經該衙門將阜保舒德二人拏獲送部究出真情朕曾於召對文寧時詢以查拏阜保等犯係何人主意據稱係祿康所辦追詢及祿康據稱此案原派該衙門司員和舜武景慶二人查辦先將阜保所控抓金會內之人傳齊究詢並無影響和舜武因憶及上年承審抓金會控案時阜保原係會首負欠甚多因被衆人逼討起釁致罹革處阜保自必不甘思欲禁止此會以冀衆人不能索討稟請拏伊根究當經祿康詰以該犯既係會首豈有轉將抓金會控告到官致干究辦和舜武復又稟稱該犯正因身係會首此時

匿名控告衆人再不疑及可以脫然事外祿康因其所稟近理令將卓保查拏到案果即究出實情得成信讞和舜武能悉心研究俾案犯不致漏網甚屬能事景慶隨同查辦得實著加恩將該二員交部分別議敘其拏獲卓保等犯之番役并著祿康等量加獎賞祿康督率司員認真辦理亦屬可嘉伊本有革職留任二案降二級留任一案著加恩銷去第二次革職留任註冊一案及降二級留任

一案以示獎勵其案內無干人證如有未行釋放者均著即行省釋○又諭刑部議奏方維甸審擬拏獲悄悄會匪一案將原擬斬決之首犯石慈改照大逆律擬以凌遲處死等因一摺此案首犯石慈本係已正法逆犯王伏林之徒孫膽敢藏匿邪經倡復悄悄會並自稱彌勒佛轉世所藏邪經內有劫數刀兵星象降臨等句並設立三宗五派名目糾集多人傳授合同暗號欲使素不認識之人異

地相逢知係同會互相協助其謀為不軌逆蹟顯然且以傳丹為名肆意姦淫婦女其作孽甚重試思愚民無知受其誑惑攜同眷屬前往聽經以致良家婦女自被姦污其不甘被污者勢必受其逼勒凌辱含忍難言今全案已破醜聲播揚此等婦女或被其尊長本夫聞知拷問負楚含冤致斃或一時羞忿輕生種種情事皆所不免而從犯張添佐等亦各引誘婦女效尤姦污釀成人命者不知凡

幾是其淫兇肆毒實屬罪惡貫盈石慈著即照大逆律凌遲處死以昭炯戒王化周張添佐石明三犯首先入會妄稱三宗多方煽惑均係罪魁俱著即處斬梟示李世運等四犯聽從入教妄稱五派師傅輾轉傳徒斂錢惑衆肆為姦淫未便稍稽顯戮刑部議請即行正法所議亦是李世運石漢柱張興祁全必均著即處斬至邊進升等六犯刑部亦議以即行正法此則可以不必該犯妄稱四派頭

行傳徒授經尚無姦淫婦女之事科以左道
異端煽惑人民為首本律已足蔽辜邊進升
于致孔石文梅石玉彭添貴王得盛均依擬
應絞著監候秋後處決仍歸入秋審情實案
內辦理至此案前據方維甸奏稱先經蔡廷
衡崇祿等定擬具詳將石慈擬照大逆律凌
遲處死方維甸改擬斬決並據蔡廷衡另摺
定擬具奏今覈其情罪石慈自應寸磔方維
甸所擬失之輕縱著交部照例議處該撫定

擬此案時自以上年審辦富平縣毆官一案
將魏跟隨兒一犯擬以斬決經軍機大臣會
同刑部改擬絞候降旨准行曾被叅處因而
遇事有意從寬此則不可凡審擬事件總當
援情定罪不可豫有成見即如朕辦理此案
於罪應凌遲之石慈及應立決之李世運等
則照部議施行至邊進升等六犯其罪尚非
決不待時即仍改為絞候輕重權衡一歸平
允何嘗稍有偏畸該撫嗣後惟當遇事講求

參酌得中不可因此次被議又復心存瞻顧
動輒從嚴辦理也其失察之文武各員功過
尚足相抵著加恩免其議處餘均著照部議
行 乙巳

上詣

時應宮

昭顯廟拈香 還宮○調江西南贛鎮總兵
官喜明為江南徐州鎮總兵官以鑲藍旗漢
軍副都統舒當阿為南贛鎮總兵官○以夏

至祭

地於

方澤自是日始齋戒三日○丙午

孝恭仁皇后忌辰遣官祭

景陵○戊申夏至祭

地於

方澤

上親詣行禮○幸圓明園○諭內閣勒保前於
嘉慶二年間勦捕貴州种苗悉心籌辦埽穴

擒渠俾苗疆永臻寧靖厥功甚偉當經錫封侯爵事竣後調赴四川總統軍務勦辦邪匪因生擒首逆王三槐晉封公爵嗣授為經略大臣其時賊匪四散竄擾勒保未能通盤籌畫駐守達州漫無調度是以將伊褫職逮問旋因帶兵乏人賞給藍翎侍衛令其前往四川立功自贖伊深知感奮歷著戰績因與德楞泰兜勦張金連鮮大川等逆斃賊千餘復授為四川總督繼又生擒首逆多名府封一等男爵前此大功告竣已加恩晉封一等伯茲閱館臣編纂方畧載有嘉慶四年三月間勒保奏通飭川東川北各州縣悉令百姓等依山附險各結寨落章程井井有條彼時賊匪正被官兵四路兜勦以窮奔鋌走為能往往於所過鄉村擄人掠食肆其兇殘久而滋蔓自結寨以後不特百姓自保身家而賊匪亦無由焚劫且居民等憑依險固心膽既壯賊至即合力攻擊斬獲甚多其後陝楚一律

倣行賊勢日形窮蹙始能將無數兇渠以次掃盪今三省全境肅清閭閻安堵如常揆厥所由實得力於堅壁清野之策勒保首先倡議洞悉機宜得以歲功完善允宜懋賞酬庸勒保著加太子太保銜並賞戴雙眼花翎至明亮本係宿將從前平定兩金川時曾蒙皇考高宗純皇帝賞封伯爵緣事褫革迨勦辦苗匪斬擒首逆石柳鄧等復封伯爵嗣因帶兵截勦高均德不能顧及姚之富齊王氏等大股賊匪致令竄合革職治罪旋經帶兵立功洊加拔擢又因所勦張漢潮脫逃予以褫革而該首逆旋即就殲伊尚無疏縱不力情事是以復經任用仍在湖北督兵殲擒多賊屢獲勝仗後以年老回京供職前於大功告竣時已封為一等男茲晉秩尚書念其久歷戎行頻年宣力覈其前後勞績較多著加恩晉封為一等子以示朕嘉獎勲臣有加無已至意○己酉嚴飭生監把持漕務諭內閣刑

部議覆鐵保等奏審擬吳江縣勒休知縣王廷瑄虧缺倉庫銀米並生監王元九等勒索漕規分別定罪一摺王廷瑄辦漕不善挪移庫項數逾二萬兩以上實屬昏庸不職著依擬應斬監候仍勒限照數追完再行分別辦理餘均著照部議完結至此案王廷瑄挪移虧缺數至累萬皆因刁生劣監等在倉吵鬧勒索陋規所致今審訊確實所有附和得規計贓較輕之吳景修等三百十四名均經部

議照該督所請一併飭提責處生監皆讀書人今以一案而罪犯責處者至三百餘名之多閱之殊不愜意但該生監身列膠庠不守卧碑軌敢特符尋釁挾制官長吵鬧漕倉強索規費此直無賴棍徒之所為豈復尚成士類朕聞各省劣衿往往出入公門干與非分以收漕一節持地方官之短長而江蘇為尤甚各該州縣或平日與之交結遂其取求慾壑既盈即遇不肖官吏實有罔利營私等事

亦復袒庇不言徒使鄉里小民暗遭腹削設稍不遂意則遇事輒生枝節每屆開徵時掙交配米藉端滋事動即以浮收漕糧列名上控其實家無儋石無非包攬交收視為利藪此等惡習大壞名教今吳江一縣分得漕規生監已有三百餘人其餘郡縣可想而知朕培養士子至優且渥原望其束身自愛鍵戶讀書並當勸化閭里愚民知所觀法方不媿四民之首乃蕩檢踰閑至於此極尚靦然廁

身士林乎所有吳景修等三百十四名朕即概加以扑責亦其自取但欲養其廉恥此次姑免責處予以自新之路嗣後著鐵保汪志伊會同莫晉督飭該教官等嚴切教導隨時管束務使該生監等痛滌前非安分守法如遇收漕時該州縣果有浮收入己情事自應據實劾叅儻該生監等不知悛改仍蹈故轍或此外刁劣紳衿有把持漕務訛詐陋規等事砌詞控告審屬子虛者一經查出即當奏

明從嚴治罪決不寬貸不僅扑作教刑士子自不惜廉恥朕亦不能廢法博譽總之士林為風化所關待之優正以責之厚朕嘉惠士子然於此等敗類亦斷不肯稍事姑容必欲挽回積習而後已該生監等其各凜遵訓諭立品懷刑慎毋聽之藐藐自蹈罪讐致貽後悔將此通諭知之○又諭全保奏審明汶上縣民張月桂挾嫌誣告一案已交刑部覈議具奏矣此案張月桂控告村民演習槍刀傳

學邪教經該撫委員確查密訪該處實無虎尾教名目亦無打造槍刀之事其所控全屬虛誣惟稱該縣鄉俗每因冬夜防賊學習拳棒相習成風張月桂同兄張維桂即係拳師等語教演拳棒積習相沿最足為人心風俗之害即如直隸藁城縣逆犯劉士興亦係自幼學習槍棒後遂恃悍逞兇致成重案律文內聚徒演弄拳棒者有治罪明條而鄉曲小民多以防夜禦盜為辭私相教演鄉約甲長

遂不加查禁不知竊賊劫盜雖承平之世不能保其必無居民等如果鄰里輯睦即可守望相助為之司牧者平日若能實力編查保甲除暴詰奸遇有呈報盜竊案件迅速捕緝力絕拖累諱匿等弊盜賊自無所容身豈必恃一二武勇之徒方足衛護鄉里乎況此等鄉愚桀驁始則以禦暴為名及學成技勇往往恃強鬪狠恣行不義比閭均受其害嗣後著各省大吏通飭地方官曉諭鄉民令其安

分守法各勤本業不可競尚勇力私製器械習學拳棒如有不遵禁約仍前聚徒教演者一經訪聞即嚴拏懲辦務使顛蒙羣知禮教閭閻共習敦龐以副朕化民善俗至意○又諭據德楞額奏請將成都滿營牧廠改墾水陸地畝所增租銀於二十四佐領下各增養育兵一名由馬價項下撥銀五千兩生息作為獎賞兵丁幫貼出差等事之用一摺成都滿營演習鳥鎗之幼丁並無幫貼該處滿

兵生齒日繁獎賞等事不無需費德楞泰等
籌畫情形於兵丁生計有裨著照所請辦理
年終造冊送部覈銷○又諭顏檢奏究出匿
名正犯審明定擬一摺此案馬天德身充戶
書因該縣杖責微嫌膽敢捏寫款蹟匿名訐
告本官並將平日不睦之人概行羅織編成
不法語句密用黃紙謄寫乘隙裝入公文內
交馬夫遞至藩司衙門拆閱冀圖陷害洩憤
實屬目無法紀向例投遞匿名書信人犯本
應問擬絞候該犯捏造虛詞肆行悖妄竟係
詐傳詔旨不法已極并應問擬斬候詳覈所
犯應死之罪有二馬天德著照匿名揭帖本
律問絞即行處決以示懲儆○引見翰林院
保送御史人員得旨張問陶程國仁李本楡
花杰胡大成鄒家燮陸言崔問余商載俱著
記名以御史用○旌卹遇賊捐軀陝西鄆州
民徐才保婦女徐方氏等四名口如例○旌
表守正被戕廣東翁源縣民婦華林氏守正

捐軀山東冠縣民郭善能女郭氏○庚戌
上御勤政殿聽政○諭內閣據那彥成等奏籌
議廣西備東穀石及查禁土官阻抑土民向
學一摺廣西撥運東省穀石原因東省或值
穀貴之時藉資平價或因糶穀缺額藉資補
足本係隨時通融辦理若遽著為定例在東
省固資挹注而西省或轉致缺少於民食倉
儲均有關係著照那彥成等所請嗣後設遇
東省糧價騰貴之時仍查照向辦章程奏明
撥運但不可將常平倉項下穀石抵撥備東
穀數挪移供運致令額款紛歧易滋牽混至
所議土民向學一節亦照那彥成等所請嗣
後退種土司糧田之正民雜民准其呈明應
試該土官不得藉端阻撓其番哨隸置等項
土民身充賤役向不准其考試仍循舊規
辦理○以太常寺卿莫晉為通政使司通政
使○辛亥諭軍機大臣等據裘行簡奏酌擬
報銷案內分別覈實開叅一摺內稱直隸初

次清查各屬虧短銀二十七萬有奇二次清查則一百五十二萬餘兩三次清查已有二百六十四萬餘兩後此虧欠又不知凡幾請於報銷時覈明虧欠銀數分別追賠治罪等語庫貯錢糧帑項原不容絲毫挪移短缺何以該省清查之數不獨已短少者未經賠補且疊次加增甚至詳報有案並未奏咨殊不可解該藩司甫經蒞任清釐錢糧庫項是其專責今據摺內稱三次清查至二百六十四

萬餘兩之多此項虧缺銀兩究係因何動用或係歷任總督司道各員婪索分肥或各州縣等侵盜入己或餽送在京王公大臣率以虛帳歸入清查項下希圖懸宕該藩司自應將虧缺之項逐一查明著落再行覈實辦理該省節次清查並非該藩司任內經手之事無所用其迴護切不可扶同隱飾代人受過至直隸差務紛繁非他省可比朕所深悉但因差動用之銀亦須分晰款項名目不得以

差務藉詞籠統牽混如別有需索餽送情事亦不妨一一指實奏聞辦理又據摺內稱奏銷與清查相為表裏請於此次奏銷冊內將州縣從前接收交代時報出歷任虧項有案者開單具奏請旨此則非是各州縣虧缺銀數該藩司惟應悉心查辦實力清釐若僅將虧缺之員臚列入奏是欲以一奏塞責與節次清查有名無實者又何以異乎該藩司務當將直隸虧空之由和盤托出密行封固具

奏即顏檢有不謹之實蹟亦應據實叅奏他人更不待言矣候朕指示辦理不可有一字瞻徇含混也將此諭令知之○壬子諭內閣顏檢叅奏升任直隸易州知州陳漢虧空累疊請旨革職拏問並請將先隱後揭之本管清河道蔡齊明一併革職審擬及自請交部嚴議一摺直隸通省倉庫經朕節次降旨令該督等實力清釐總未據認真查辦此案陳漢於上年秋間升任廣東運同時接任知州

徐用書及該管道員蔡齊明俱出具倉庫無虧印結經藩司裴行簡稽查款項切詢蔡齊明始據查明陳漢在任八年實虧空倉庫正雜錢糧銀九萬八百餘兩又在外捐雜各款銀二萬一千五百餘兩似此虧空至十一萬餘兩之多自非始自近年地方官於帑項任意侵挪該管上司扶同徇隱若不嚴行懲辦何以清帑項而飭官方升任易州知州廣東運同陳漢著革職交那彥成提訊大概情形

後一面即迅速派員解京交刑部嚴審定擬該革員虧短倉庫例應籍沒其廣東任所及浙江原籍貲財著那彥成阮元嚴密查抄無任隱匿已革知州徐用書於接任之時虛出通關代為擔認道員蔡齊明於陳漢離任時扶同出結意存徇隱其咎甚重除徐用書一員現因另案革職提交刑部著即就近研訊外清河道蔡齊明著革職交顏檢派員解京交刑部一併歸案審訊至前任藩司瞻柱臬

司傳修從前均由清河道加恩擢用陳漢在易州任內八年之久伊二人豈毫無聞見咎實難辭均著交部嚴加議處瞻柱平日辦事本覺軟弱傳修亦已年老均難勝兩司之任即著開缺先行來京聽候部議顏檢係由本省藩司升任總督於屬員倉庫虧短並不早為參辦亦非尋常失察可比顏檢著交部嚴加議處調陝西布政使景安為福建布政使以陝西按察使朱勲為布政使調山西按

察使敦柱為陝西按察使以直隸清河道李鎰為山西按察使是月河東河道總督李亨特奏查驗黃河各廳工程所有臨黃埽工稽麻料物分貯足數其暗險段落及長隄無工之處周密巡防得旨甚是總因地制宜不可拘定險工平工有昔險而今平有昔平而今險若能化險為平又能保平不成險則盡美矣勉之又批敬於中而勤於外中者心也外者身也而以公正嚴明實力辦理必能永

慶安瀾矣勉之兩江總督鐵保奏總督兼管鹽務向有永豐壩泰壩二處稽查鹽包夾帶每引提公費銀二分歸總督衙門因公動用每年約得銀二萬兩有奇歷任督臣或於偶被偏災時捐辦煮賑於此內提用批應積存些須辦理急賑為是又奏前項引費係屬外銷之項並無定款與其日久混淆不若酌定章程以收實用請以八千兩給三省兵丁差費禁止扣餉五千兩貯備海口緝匪添給口糧並免扣武職養廉三千兩酌添各府書院膏火並地方緊要公用餘項仍留為總督衙門閱兵防汛辦公之用批固係好事若有不肖營弁仍扣兵餉斷不可恕從嚴辦理江寧蘇州耳目較近易於查覈安徽江西鞭長莫及恐中飽不肖營弁之私囊仍屬無益耳又批且莫定數試行二三年後再定營伍固宜體卹汝之費用頗多不止此一項寬餘最妙勿太拘謹朕不罰大吏養廉不令自行議

罪之故非惜大吏也保全大吏之清操保全小民之性命汝當知此意勿忽

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十四

前因旗人佟瀾色克舒敏李慶喜等傳習西洋教革職交刑部審辦旋據刑部奏稱佟瀾等情願出教懇請免其治罪但伊等被惑已久誠恐一時畏罪其言未可憑信當經諭令刑部暫行羈禁傳到伊等家屬面加告誡茲據刑部奏稱傳齊佟瀾等家屬到案並監提佟瀾等當面詢問僉供各自悔悟情願合家一齋出教呈遞親供並據各該旗查明伊等家內現已供奉祖先張貼門神竈神出具叅

領佐領切實印結送部等語佟瀾等誤習西洋教經此番訓誡之後自知改悔情願合家出教既屬出於至誠尚屬天良未泯著加恩免其治罪即行釋放但伊等身任職官傳習邪說實屬有玷官箴豈可濫膺名器無庸復還原職仍交與該旗管束諭令安分守法如敢復蹈故轍私行習教或與西洋人往來交結該都統等即行據實奏明一面鎖拏交刑部加倍治罪儻該都統等視為具文不加查察或徇隱不辦設別經發覺必將該管之都統副都統及叅領佐領等嚴加議處至管理西洋堂事務大臣亦當留心訪查如佟瀾等仍潛赴西洋堂私相傳習即著奏聞辦理儻稍有疏忽亦治以應得之咎○旌卹遇賊捐軀陝西郿縣民劉春母楊氏等七名口如例旌表守正捐軀直隸武強縣民張春寅妻王氏戶部議准直隸總督顏檢疏報阜平縣開墾水田一項二十四畝有奇照例升科

從之○以江蘇揚州一帶水大米貴浙江春花蠶絲歉收命截留四川運京米三十萬石分撥平糶○乙卯以故禮親王永恩子昭槿襲爵○戶部議准直隸總督顏頤疏疏報寶坻香河宛平天津懷安豐潤六縣開墾田一百頃五十二畝有奇照例升科從之○丙辰

上辛靜明園詣

龍神廟拈香○命禮部尚書恭阿拉為正使內閣學士瑚素通阿為副使持節齋冊晉封

貴人鈕祜祿氏為

如嬪冊文曰朕惟椒庭蛭化教婦學於六宮蘭殿承輝備內官於九室鸞章光賁翟采榮增咨爾貴人鈕祜祿氏德著柔嘉心存敬慎協彤闈之禮秩繩矩明衷茂紫掖之聲華珩琚合度是用晉封爾為如嬪錫之冊命爾其玉璽贊潔式膺蕃祉於璇闈珠珮宣勤益勵芳規於綺觀欽哉○丁巳戶部議准安徽巡撫王汝璧奏宿州澮河以南經徵地丁驛站

漕項等銀及漕糧米麥歸新設南平撫民同知分別徵解從之○戊午命於黑龍潭設壇祈雨○己未命嗣後國子監漢祭酒缺照翰林院詹事府各官升轉例開列請簡○庚申諭內閣前據裘行簡奏稱查明直隸省初次清查各屬虧短銀二十七萬有奇二次清查則一百五十二萬餘兩皆經奏咨有案至嘉慶六年以後又復三次清查未經奏咨者已有二百六十四萬餘兩此後沿至九年為止其為虧缺又不知凡幾等語閱之殊堪駭異因命軍機大臣將嘉慶四年十一月間戶部奏覈議直隸省清查虧欠攤賠各款時所降諭旨呈覽並查取四年十一月以後歷任直隸總督藩司在任年月開單進呈各省倉庫錢糧均係國帑稍有虧缺即當按律治罪前此諭令覈實清釐原欲該督撫藩司等督飭屬員速籌彌補是以嘉慶四年間直隸省查明虧欠數目因念歷時既久人

數過多特降諭旨免其治罪按照所虧銀數分別給予年限追完係屬格外恩施該督等接奉以後自應一面截數嚴禁各州縣續虧之弊一面將承追銀兩依限嚴催歸款每年將已完未完數目據實奏聞劃清年月以期逐漸完結乃各省清查數目辦理彌補章程均已陸續陳奏而直隸自四年冬間奉旨以後從未有一字奏及節經降旨通諭各省督撫令其督率清釐毋許屬員續有虧挪不啻

至再至三而顏檢歷任直隸藩司總督總未據實入告每於差次逐日召對面加垂詢亦未將實在虧短情形備悉密陳祇圖含糊了事實則並未上緊查辦顏檢好為虛語意存粉飾屢經訓飭仍不悛改一味徇庇屬員因循推諉以致各該州縣無所畏懼藐法營私不惟前欠未補抑且任意續虧此內不肖之員甚或買田置產聲色自娛或加捐升職或為子弟捐納職官侵盜入己將正項錢糧以

完作欠種種弊端不一而足今易州一處虧空正雜款項至十一萬餘兩之多該督等佯為不知並不將該知州陳漢及早劾叅任其交代前赴升任直至接任之徐用書以另案革職逮問無人可以擔承又有裴行簡在彼查辦乃不得不據實陳出設徐用書尚不敗露顏檢必仍緘默姑容是該省虧短之多皆由各上司沽名見好遷延不辦所致若云直隸差務殷繁則四五年間朕惟恭謁

山陵此外別無臨幸處所地方官有何承辦豈得以賠累藉詞顏檢受朕厚恩全不以帑項為重袒護劣員續虧至二百數十萬尚得謂之有良心乎本日吏部議奏易州虧空案內處分將顏檢議降四級調用因本有革職留任之案無級可降應行革任此專指易州一案而言合之通省續虧之數該督獲咎更重本應革職治罪姑念顏檢平日尚能辦事操守亦尚謹飭破格施恩賞給主事銜在吉地

工程處効力仍帶革職留任八年無過方准開復瞻柱在藩司任最久錢糧是其專責乃於通省虧空並不詳晰覈明從前虧缺實數嚴切查追又不截流徹局年復一年徒以清查名目轉啟屬員虧空之門而款項亦輾轉不清諸多牽混實屬庸劣無能廢弛已極今以易州一案部議革職尚不足以蔽辜瞻柱著革職發往伊犁効力贖罪傳修久任清河道易州係其所屬乃於陳漢虧空至十餘萬並不早行揭報著照部議革職亦令在吉地工程處効力贖罪至四年以後陳大文曾任總督同興曾任藩司均在半年以上於通省倉庫錢糧並不隨時查辦亦難辭咎著交部嚴加議處姜晟實任總督熊枚署任總督為期均不過數月且正當嘉慶六年夏間該省被水較重之時未及查辦稍屬可原著交部議處所有直隸總督員缺著吳熊光調補該督到任後當督同襄行簡實力整飭吏治將

各州縣虧空數目徹底查明通盤籌畫應如何勒限追補及如何分別著賠之處妥立章程覈實辦理其延玩不行完繳之員即嚴叅治罪並將虧空各州縣之該管道府一併查叅務須力返積習使屬員知所畏憚以期帑項速歸實貯方為不負委任其吳熊光未到以前著熊枚前往暫行署理總督事務○又諭本日吏部條奏升選各事宜一摺內有道府選缺不准改為在外題調一款所議是各道府員缺除請旨簡放外其由部銓選及在外題調皆有定制豈容紛紛更易近年各省督撫不但將府道各缺具奏請改即州縣簡缺亦多改選為題殊屬非是試思外省多一題調之缺則部中少一銓選之缺該督撫祇知為屬員設法升轉廣為疏通竟不顧部中需次之員日形壅滯若因該地方偶有一二重大之案甫經辦畢輒稱非本省之員不能接手必須在外題調則地方要件所在常

有又豈能因一時一事定其繁簡紛紛藉詞請改乎朕於簡放道府時遇有應歸部選者即不行簡放若督撫等皆欲為本省屬員升遷地步不顧選法豈不開專擅之漸耶嗣後除係特旨將選缺改交督撫題調者該督撫遵行外其餘道府至州縣各選缺均不准改為題調即實有今昔情形不同不得不酌量調劑者亦著於本省題調要缺內酌改簡缺互換以符定制○以兵部尚書鄒炳泰暫署

工部尚書○以廣東巡撫百齡為湖廣總督調廣西巡撫孫玉庭為廣東巡撫以江蘇布政使汪日章為廣西巡撫調山西布政使張師誠為江蘇布政使以湖南按察使金應琦為山西布政使湖南衡永郴桂道史積容為按察使○辛酉

上詣山高水長

祈雨壇拈香○諭內閣本日朕閱館臣所進宮史續編內載乾隆四十八年十一月初八

日欽奉

皇考高宗純皇帝聖諭傳諭總管等嗣後宮內等處僅遇有火燭之事總管等即行開門放外邊王公大臣進內撲救并著總管等量其相近之門開放不可著外邊人等遠遠如開較遠之門未免遲滯以後謹記欽此仰見

皇考慎重宮禁

聖慮周詳

訓諭昭垂實為明切惟思宮衛森嚴之地若忽遽之際總管等自行開門放入進內漫無稽考究非體制嘉慶二年間乾清宮失火時各門洞開人衆嘈雜即有一漢軍披甲在內潛藏兩日始經查出實屬不成事體嗣後自萬無此意外之災但宮廷重地不得不倍加詳慎將來設偶遇火燭總當候旨啟放何門諭令何人帶人進內撲救該總管太監等始遵旨放行並著管門之大臣官員等向進內之王公大臣等詢問所帶官員等共若干人至

兵役人等進內時詢明係何員管帶人數若干覈對相符方許放進勿許閒人湊入庶人衆有可稽考而禁衛亦昭嚴肅著將此旨傳諭總管太監等一體欽遵並著館臣載入宮史用垂久遠○諭軍機大臣等那彥成等奉節次拏獲外洋內河及陸路各盜匪現在分別審辦一摺覽奏俱悉粵東洋匪土匪勾結為患日聚日多皆緣吏治因循營伍廢弛厯任地方大吏不能督率文武實力整頓以致

積習難返那彥成百齡於到任之後能悉心講求設法董勸閱其摺內所敘現在文武各員在於洋面陸路先後報獲者總計已有三百餘名漸能認真緝捕所辦尚好孫玉庭現已調補廣東巡撫伊與那彥成惟當協力和衷加意整飭以期海疆日有起色但此等匪徒一日不清洋面地方一日不得寧謐那彥成曾經出師陝甘勦捕教匪此時辦理之法即當如前此之帶兵搜勦洋盜以海為藪較

之陸地倍難總應先截清洋匪陸匪勿令勾結先辦陸匪則洋匪不攻而自潰矣務期根株淨絕勿令稍留餘孽方為不負委任將此諭令知之○壬戌諭內閣御史蘇兆登奏請將六部郎中候選簡缺知府各員分發各省以知府試用一摺所奏殊不曉事各部郎中俸滿截取知府該堂官等將平日出色者保送繁缺其才具中平者保送簡缺此項人員引見後例應在部候銓今該御史請將候選

簡缺知府分發各省是簡缺人員分發後早得補缺而繁缺人員在部候銓或轉落後既不足以昭公允且俸滿之員視簡缺分發為捷徑勢必咸願保送簡缺豈甄覈人才之道該御史以此次三科新進士即用知縣者均經邀恩分發各省思欲援引比照乃為此奏殊不知新進士內之以知縣即用者朕於引見時察其年力才具較為優裕即與堪勝繁缺無異是以特予恩施早資造就若候選簡

缺知府則與新進士之歸班銓選無異豈有因疏通銓選並將歸班進士一併分發之理乎。況知府一官責任綦重外省遇有缺出該督撫等或有將本省丞牧等官熟諳風土民情者保奏請旨朕每特予准行原以地方繁要破格取才其或遇差委需人之際經該督撫奏請揀發朕亦必詳加遴選擇其才力較優者發往差委遇有相當缺出即可補用俾資治理設如該御史所奏則此等候選簡缺

人員分發到省各督撫因係特旨發往之員遇有缺出勢不能不先儘題補而本省練習之員轉不便遽行保奏於人才必多遏抑若必俟出有簡缺始將補授則缺分較少該員等株守省垣經年累月支絀轉多曾不如在部候選時之尚有本缺職任於事又有何益耶該御史所奏種種窒礙揆其立言之意不過以六部郎中開缺較多則員外及主事等均以次早得升補部員可無壅滯近於沽名

干譽其事斷不可行蘇兆登著交部察議兩廣總督那彥成奏捕獲龍門會匪賞守備胡佐朝都司銜通判王衷等下部議敘改江南提督所轄川沙吳淞二營歸蘇松鎮水師總兵兼轄從總督鐵保請也以廣東順德協副將洪蕃鏘為碣石鎮總兵官予四川陝西陣亡都司鄭啟貴外委杜鎮海薛文魁祭葬加等世職如例生員吳鴻舉祭葬世職如千總例生員劉潮輝馬兵王國忠潘仲

秀主模祭葬如額外外委例都司劉勝祥把總馬福外委趙連城祭葬世職生員呂志高馬步兵杜貴等二百七十九名鄉勇王文舉等一千一百七十六名賞卹如例予福建出洋淹斃把總林黃生崔發外委黃際昌祭葬世職如例旌表守正被戕河南正陽縣民李朝士女李氏癸亥

上幸萬壽山詣

廣潤祠拈香論內閣吏部奏據發往廣東

差委之魏元煜呈稱伊父自上年臘月患病至今日甚一日現未痊可懇請賞假三月專心侍奉調理可否准其給假之處請旨遵行一摺魏元煜前於簡發廣東具摺謝恩時當經召見即據伊奏稱伊父年老患病多時惟因粵東現當需人之際不敢懇辭俟稍痊後即行起程今據呈稱伊父病勢日甚迄未痊愈乞假三月侍奉調理本屬出於至誠該員自以伊父衰病之軀不能遠道迎養因係特蒙恩簡未敢陳情是以暫請給假情殊可憫魏元煜著無庸發往廣東仍令在京供職俟有御史缺出該部即行奏補俾得就近侍養遂其烏私以示朕恩施格外至意○甲子命嗣後漢御史缺出吏部將記名以御史用之翰林部屬各員輪班帶領引見○賞廣東貴州甲子科鄉試年老諸生郭大康等二十五名舉人副榜有差○予故輔國公明崇祭葬如例○乙丑諭內閣奇臣奏綜覈存倉糧數

請哀多益寡以充倉儲一摺迪化州地方繁庶為烏魯木齊附郭最要之區現在存倉額糧僅有十三萬餘石為數未免較少奇臣既查得昌吉綏來及濟木薩縣丞呼圖壁巡檢四處存倉額糧俱極充裕自應酌量改撥以資調劑但該四處距州遠近不等車輛載運需費不貲著照所請將該四處倉糧撥出十萬石按照月報市價在各該處分糶即將所糶糧價解收道庫飭令迪化州亦照市價自來歲秋穫後起分作兩年採買歸入州倉定額永遠存貯備用○四川總督勒保奏請鼓勵軍營出力官員賞還道員石作瑞按察使銜知府銜梁敦懷等升擢有差○旌表守正被戕江蘇崇明縣民徐用妻王氏○丙寅諭內閣據兵部彙題議覆盜案等項尋常事件一本向來吏兵二部於此等議覆各案俱歸入彙題本內或十日具題一次或十五日具題一次即遇有特旨交議事件亦並不另本

題覆以致本內臚列案件紛繁多者篇幅盈尺少者數百頁朕披覽章疏固不厭繁多而部中於應辦事件積壓遲延久懸案牘殊非慎重辦公之道即如本內議敘司鑰長舒隆阿拏獲書吏陳瑞華偷盜印冊一案係於三月十六日經夾紹具奏奉旨特交議敘之件迄今已閱三月始據歸入彙題案內議覆實屬任意遲緩試思此等議敘案件非如議處各案尚須輾轉咨查致稽時日者可比閱所議寥寥數行何難即時議上且議請將舒隆阿給與紀錄一次之處亦未允協舒隆阿著改為紀錄三次所有兵部堂官著交部察議承辦司員著交部議處以示懲儆嗣後吏兵二部於尋常交議案件固不得怠緩遲逾若遇有特旨交議案件或專摺具奏或另為一本及早議覆不得歸入彙題本內併案辦理以致因循延擱若再有特旨交議歸入彙題者該堂司各員一併嚴議著為令○兵部左

侍郎劉躍雲以年老休致調禮部右侍郎戴聯奎為兵部左侍郎以內閣學士王綬為禮部右侍郎○以甘肅瑪納斯協副將明岑為山西大同鎮總兵官○丁卯諭軍機大臣等熊枚奏報到省日期及接辦總督本任事務一摺現在直隸清查一事最關緊要熊枚應即督率襄行簡詳查妥議酌定章程奏明辦理直省虧項積至三百餘萬之多本非一朝一夕所致此時上緊彌補亦非能刻期促辦之事總在檢覈周詳劃清前後任年月分別多寡數目立定期限量力籌補期於法在必行自不難以次清釐歸款若不豫籌辦法徒開列虛單以一奏塞責即將多人叅革治罪而帑項終於懸宕無著仍屬有名無實顏檢在直督任內尚無別項大過因其意存迴護若不令其離任恐辦理轉多掣肘是以將伊降黜俾接任者得以徹底清查今熊枚等更無所庸其粉飾瞻徇務當盡心籌辦實力整

頓無負委任將此諭令知之○戊辰月食○
禮部左侍郎關槐以病解任轉禮部右侍郎
王綬為左侍郎以內閣學士萬承鳳為禮部
右侍郎仍留山東學政任詹事府少詹事顧
德慶為內閣學士兼禮部侍郎銜○補予雲
南陣亡叅將齊齊克遊擊陳大定千總段大
倫外委劉國榮祭葬加等世職如例○予四
川陝西陣亡恩騎尉李啟功外委陳宗順祭
葬世職兵丁左成祥等十二名賞卹如例○

己巳命再於

黑龍潭設壇祈雨○旌表守正捐軀河南襄
城縣民趙景泰妻海氏○庚午命儀親王永
璇成親王永理慶郡王永璘分詣

天神壇

地祇壇

太歲壇祈雨○諭內閣此次恭謁盛京

祖陵所有王公功臣墳塋應行親詣賜奠及遣
官致祭並遣官賜奠之處均著照乾隆八年

之例舉行予浙江故太僕寺卿陳兆崙入
祀鄉賢祠從巡撫阮元等請也○旌表守正
捐軀江蘇銅山縣民王洪仁女王氏○辛未
上御勤政殿聽政○以甘霖大沛仍命儀親王
永璇成親王永理慶郡王永璘分詣

天神壇

地祇壇

太歲壇謝雨○諭內閣德楞泰奏川省會哨
兵丁每日祇支鹽菜銀三分現在老林中到
處搜緝口食不敷查太平大寧各寨硯尚有
存糧懇請每兵日支口食米一分等語該省
會哨之兵已屬無多現在入山搜捕老林中
荒僻處所覓食維艱該寨硯既有存糧著照
德楞泰所請自四月初一日為始該省會哨
各兵丁每兵准其照例日支口糧米八合三
勺以示體恤○德楞泰奏報勦捕餘孽殲斃
首逆王世貴得旨嘉獎賞藍翎軍功包相卿
五品頂帶花翎擢外委王明達為把總○以

太僕寺卿曹師曾為太常寺卿前任陝西布政使慶章為光祿寺卿服闋太僕寺卿蔣予蒲為太僕寺卿以司經局洗馬周系英署日講起居注官○壬申命吏部侍郎恩普內閣學士劉鳳誥同修宮史內閣學士顧德慶為

實錄館總纂官○癸酉戶部議准署陝甘總督方維甸疏報中衛縣開墾田七百畝有奇照例升科從之○乙亥遣官祭

火神廟○諭內閣據巡視天津漕務給事中周栻奏稱年逾六旬尚無子息現在差次娶妾等語所奏大謬奉差人員本不應攜帶眷屬至娶部民之女為妾尤干例禁今該給事中於巡漕任內違禁娶妾竟敢形之章奏且摺內稱雖有姪子過繼而宗祧所在終關緊要又年已迫暮實未可以刻緩一時冒昧遽於任內娶妾等語殊不成話試思從子過繼又與所生何異何至以承祀宗祧刻不可緩

為詞並據稱皇上孝治天下俯憐垂暮之年痛切無後之懼等語矢口亂道乖謬之極教孝之道原為人子事父母而言今周栻違例置妾乃竟敢託詞教孝妄行瀆奏實屬糊塗膽大有玷官箴著徹回巡漕之任交部嚴加議處所有天津巡漕事務著都察院速將科道等員帶領引見候朕簡放此時著先派達靈阿摘取關防暫行署理達靈阿曾出漕差於催趲等事自為熟悉接奉此旨即將巡漕

應辦事宜妥為料理並派員將周栻送京交都察院堂官詢問伊在差次如何違例娶妾各情節據實具奏○又諭前據都察院奏赤峯縣民人林鍾伯呈控伊兄林鍾興被戰禮等扎斃該縣捏詳縱兇一案當經降旨交廣興審辦茲據廣興奏接奉諭旨即先行札飭該縣拘齊犯證備質伊行抵赤峯駐候八日案內緊要犯證全未提到該縣德克進泰怠玩拖延請旨交部議處並查訪此案起釁由

於私挖礦砂前任知縣珠爾杭阿刪改情節捏辭通報請旨交部嚴議等語德克進泰以奉旨特派大員查審案件並不迅集犯證聽候質審屢催罔應飾詞延宕其平日於地方公事廢弛闡茸可知珠爾杭阿於該管應禁私礦不能查辦以致釀成命案又復規避處分刪供捏詳均干重咎不必交部議處德克進泰珠爾杭阿俱著革職即令在該處協同緝拏人犯務期速獲廣興現赴建昌縣覆審孟于氏控案此案不必再交伊審辦著派明興馳驛前往赤峯縣迅速提集人證秉公嚴審定擬具奏○丙子

上幸靜明園誌

龍神廟拈香○以刑部右侍郎貢楚克扎布署理藩院右侍郎○丁丑諭內閣顏檢前經賞給主事銜令往吉地工程處効力昨據熊枚奏稱永定河北岸二工處所漫溢三十餘丈正在查辦本日又據莫瞻菴等奏稱北岸

下頭工地方於二十三日半夜河隄蟄陷一段約二十餘丈等語永定河隄工係直隸總督職司宣防此次隄根汕蟄自因辦工草率所致顏檢前在總督任內何以並不留心稽察責無可辭現已諭令那彥寶前赴工次督辦堵築著范建豐接奉此旨傳諭顏檢刻即馳赴永定河北岸隄工隨同那彥寶辦理堵築事宜勉贖前愆如查有應行賠修工段即著落顏檢等賠修○戊寅諭內閣前因佛爾卿額查奏已故大同鎮總兵恩承阿有違放兵丁馬乾銀兩之事畏罪自盡當經降旨令佛爾卿額查明其與始自何年恩承阿究竟侵蝕若干各營員有無通同染指之處並將恩承阿任所資財查抄開單具奏茲據佛爾卿額奏恩承阿在大同鎮總兵任內自嘉慶四年起至九年止將該鎮所轄中左右前四營馬乾銀兩俱令攤扣彙交中營收貯除公項開銷外其餘皆係恩承阿私自入己花費

各營將備緘默不阻請將遊擊德基等十員分別革職解任歸案嚴審並據另片查明恩承阿任所資財開單呈覽朕閱另片所開恩承阿任所現銀即有一萬一百餘兩其單內衣服物件並所抄伊家內資財衣物為數亦屬不少贓據確鑿殊堪駭異兵丁按期給餉原令其養贍有資俾得安心肄武今各該兵丁應領馬乾銀兩俱被侵剋伊等方謀生不暇又安能責其操練巡防熟習技藝營伍廢弛職此之故恩承阿以總兵大員敢於如此貪縱營私貽誤營伍其罪甚大可恨之極伊雖已畏罪自盡但此等犯贓劣員其子嗣豈可復任官職伊子佐領博慶前交刑部審訊即使訊無隱匿寄頓情弊亦當革職發往烏魯木齊効力贖罪此外有無子嗣當差出仕者並著該旗查明具奏請旨至恩承阿侵蝕銀兩數已逾萬該營員等若非通同染指焉肯六年之久緘默不言佛爾卿額摺內所稱

將備等祇係聽從迎合並不知情尚不足信前署中營遊擊德基中營遊擊李景均著革職左營遊擊李有貴署右營遊擊額勒謹兼署前營都司守備巴山歷署各營守備姜世忠張永盛雖秉仁趙萬邦富興阿均著解任交佛爾卿額一併嚴審究明該員等實在有無分肥情事不得以恩承阿現已自盡任該員等狡詞卸罪此內解任各員如究出情弊亦應一併革職並按其侵蝕之數依律定擬具奏至該省巡撫係兼管提督事務乃於所轄總兵如此貪婪毫無聞見並不及早叅辦且伯麟在山西巡撫任內為時最久於密奏恩承阿考語屢云為人老成操守好率屬公正實能整飭營伍同興雖到任未久乃伊去年年底初次出具恩承阿考語亦云精力尚健熟習營伍謹慎小心今恩承阿如此貪黷無厭苦累兵丁尚得謂如伊等考內所云乎外省官官相護惡習於此可見伯麟著交部

嚴加議處同興著交部議處其該四營兵丁馬乾銀兩自嘉慶四年以來俱被攤扣股削已久情殊可憫並著佛爾卿額詳悉覈查究竟恩承阿所扣兵丁銀兩某年計扣若干某營計扣若干一一分晰查明先將現在抄出恩承阿任所銀一萬一百二兩儘數分給各營兵丁如此項銀兩業已解京即於藩庫照數撥給此項給還之外尚有不敷著再於分肥之各將備名下追出給還儻再有不敷著於伯麟名下罰出按名全結以示懲儆○嚴懲武職剋扣兵餉並嚴督撫濫行出考之禁又諭國家設兵按名給予月餉原欲贍其身家俾得一心肄習武藝咸成勁旅凡有統轄營伍之責者自當潔己率屬愛養兵丁使之生計裕如方可隨時訓練整飭戎綱若將兵丁等應得餉銀等項侵扣短發則該兵等溫飽無資謀生不暇即修整弓箭餒養馬匹力皆有所不給又安望其精嫻騎射奮勉操防

營伍廢弛大率多由於此即如晉省營兵向屬平常此次大同鎮總兵恩承阿被人控告經朕特派佛爾卿額前往查辦茲據奏到查出恩承阿自嘉慶四年以來果有剋扣各營馬乾銀兩自行花費之事查其任所資財銀數已有逾萬似此股削營私則兵丁日形拮据無怪其技藝生疏即操練亦不能得力總兵為專閫大員乃敢貪黷無厭敗壞營伍至於此極實屬可恨設非伊畏罪自盡必當提解來京朕即不親加廷訊亦必特派大臣嚴鞠刑夾拷問立寘重典今已倖逃國法是以降旨將伊子博慶革職遣戍並令該旗查明此外有無子嗣具奏誠以貪墨之員不可不大加懲創以儆官邪晉省此案既經查訊得實各省營伍中此等侵肥剋扣情事恐亦在所不免但朕不為己甚此時不肯紛紛查究特此明白宣諭各省將軍都統督撫提鎮等惟當以恩承阿為鑒督率將備清白自矢力

除惡習有則改之無則加勉。儻經此番訓誡之後，仍復有剋減私肥等事，將來一經察出，必當從嚴治罪，決不姑貸。現在提鎮大員，多係身歷戎行，著有勞績，經朕特加擢用之人。若果知自愛，感激恩施，正當教養兵丁，以圖報効，設敗檢貪婪，款蹟昭著，則孽由自作，朕即欲曲為保全，而不能。豈不前功盡棄耶？凜之慎之。至督撫等於本省提鎮等，每遇年終出具考語密奏，原因封疆大吏，足資倚任，視其注考之優劣，以備甄別之權衡，尤應慎重。數陳期於覈實，乃如恩承阿之貪劣不職，該撫同興上年出具考語時，稱其熟習營伍，謹慎小心，已屬不合。然同興到任未久，或猶不能洞悉其人。至伯麟則久任晉撫，於恩承阿歷年侵扣兵餉一事，自必有所見聞。乃屢次出考，尚稱其為人老成，操守好，率屬公正，實能整飭營伍，豈非與恩承阿平日居官行止適相背謬，尚何足憑信乎？現已降旨將伯麟

交部嚴加議處，用示懲儆。嗣後各該督撫於出具密考時，務當確加體訪，秉公據實奏聞，不可稍存徇庇市恩之見。儻於劣員濫注上考，一旦別經敗露，必將該督撫等一併治罪。將此通諭知之。○以翰林院侍讀佛佳充日講起居注官。○旌表守正捐軀河南扶溝縣民蕭雙妻呂氏。○己卯諭內閣，熊枚奏遵旨趕辦永定河要工，並連日水勢長落情形一摺，覽奏俱悉。此次永定河水勢驟長，北二工第十三號漫溢三十餘丈之外，北下頭工第二號地方，堤埝又衝刷九十餘丈。幸口門過水約三四分，尚不致掣動大溜。熊枚現飭趕緊鑲埽，裹頭免致再行衝刷，所辦甚是。連日水勢消落，天氣朗晴，正可趕緊堵築，俾不至再有衝刷。現已面諭那彥寶於閏六月初二日馳往督辦。所有一切料物，著熊枚派委妥員及早購備。伊摺內稱存工銀兩甚少，請於司庫內撥銀五萬兩動用等語。此時辦理要

工不得不寬備料物。看來五萬兩尚未必敷用。而直隸藩庫現在清釐之際。若再行動撥。恐款項不無輟轡。著即於造辦處撥銀十萬兩發往備用。現在購料緊急。領項不可遲緩。熊枚接奉諭旨。迅即派員儘一二日內來京領運前往。仍一面先行購辦料物運工。俟銀兩一到。即行給發價值。至此項銀兩到工之後。著即交顏檢朱應榮二人專司收發。俟用過後。照例著賠。如有寬剩料物及留存銀兩。將來即歸於河工歲修項下動用。其所請派員赴工分投承辦之處。著照所請。將河閒府知府孫樹本保定府同知楊瑛昶原任趙州直隸州知州薛學詩調赴工所聽候差遣。其餘所調佐貳雜職亦著照所奏辦理。那彥寶到工後。務即督飭工員分投趕辦。將北二工北下頭工兩處口門搶築完固。並將此外早口數處一律鑲竣。仍在彼駐劄防護。俟過霜降節後。奏報安瀾。再赴行在復命。至各該處

下游被水地方。著熊枚遵照第次諭旨。迅速查勘。如村莊田禾間有被淹。有需撫卹之處。著即據實奏明。候朕施恩。不可稍有諱飾。○庚辰調山東登州鎮總兵官張廷楷為湖南鎮。鎮總兵官鎮。鎮總兵官豆霽為登州鎮。鎮總兵官。○予故護軍統領阿哈保祭葬。如例。謚壯勇。○辛巳。諭內閣。昨日英和於巳刻忽呈遞奏片密封。朕親手拆看。據稱本日劉權之戴衢亨均奉派進城驗看。月官懇請晚膳。後與慶桂董誥一同召見。有面奏事件等語。旋經召令伊三人進見。據英和奏稱。劉權之平日聲名本屬平常。此次因軍機處行走章京內有中書筆帖式等官屈應行保奏之期。先經慶桂等會商。將內閣典籍齊嘉紹中書蔡炯刑部筆帖式武爾通阿三員奏升主事。劉權之以內閣中書袁煦亦應列入。並稱袁煦係伊房師。紀昀之婿。紀昀在日曾經託過經慶桂等阻止。劉權之遂不肯列銜具奏。

等語軍機章京等趨直當差屆應行保奏之時軍機大臣等自當查照成案覈明章京等行走年月及平日當差之勤慎與否和衷商榷秉公保奏今劉權之以中書袁煦為伊師紀昀之壻聲言欲一併列入實屬瞻徇本不成話昨詢之慶桂董誥均稱劉權之實有此語今日面詢劉權之亦據自認屬實是明係瞻徇私情罔顧公議矣其錯謬固不待言彼時英和既以劉權之之言為非即應向慶桂董誥戴衢亨三人會同商議據實奏奏如慶桂等或有瞻顧劉權之之處即當一併劾叅乃乘劉權之戴衢亨進城之際輒行奏請見面雖稱請與慶桂董誥一同召見其實慶桂董誥二人並未知有此密奏則與自請獨對何異伊面奏此事現已停止懇求不必詢問劉權之尋事退出軍機此言實屬狂妄膽大從前和坤雖惡阿桂尚不敢公然出此言今英和後生新進習學辦事之人竟敢出此悖

理之言若不及早懲治恐將來又出大案矣此事著派保寧朱珪祿康恭阿拉明亮鄒炳泰英善王懿修會同查辦將劉權之嚴加議處英和議處並將此次軍機處現擬保奏齊嘉紹等是否與例案相符一併查明具奏劉權之著先革去太子少保英和亦著革去太子少保拔去花翎退出南書房伊二人俱不必在軍機處行走聽候議處中書袁煦亦著退出軍機處○又諭前因廣興審辦建昌縣孟子氏控案並未將孟明立自戕緣由詳悉究出節經降旨訓飭指示諭令馳回建昌覆審務得確情以成信讞茲據廣興奏詢明孟明立自戕緣由並案內大概情形一摺內稱段讓曾向孟明立索取欠錢不還欲追所種地畝並扣錢抵欠等語是孟明立雖係自戕屬實究由於段讓逼索欠錢並欲追還地畝所致並非無故輕生前次節經指示果不出朕所料廣興現已訊有端緒著即詳細推鞠

將來段讓一犯自應照威逼人致死例定擬具奏至廣興審辦此案從前並未審出實情實屬粗疏草率著照所請交部議處○又諭恒寧奏伊母病故懇請賞假穿孝一摺恒寧著准其給假穿孝其所管印鑰即交果勒豐阿帶管至此事本日已據果勒豐阿奏報恒寧又何必自行具奏嗣後凡遇大員丁憂所有應行請假穿孝及接管印鑰等事俱著該管上司及同僚具摺奏報本人不必自行陳奏○命戶部尚書戴衢亨在南書房行走○以吏部右侍郎恩普署戶部右侍郎○是月兵部右侍郎廣興奏請回京覆命俟赤峯縣案犯緝獲再行辦理得旨汝此次大不似前亦流入庸碌無能之內可惜○江蘇學政莫晉奏考試情形得旨江省不患無才應以勵品為本包漕之事豈讀書人所應為徐徐化導以期改革○山西巡撫同興奏恭頌御製勤政殿記墨刻得旨汝應身體力行自有

益處○廣東學政茅元銘密奏新任督撫辦事認真得旨汝係舊識現又為大員所查者非小事也督撫之公私或有始無終或耽於逸樂一有見聞即手書密奏若緘默隱忍恐非汝之福也誌之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十五

教

嘉慶十年乙丑閏六月壬午朔轉戶部右侍

應重私罪例降三級調用等語此次軍機處擬辦保奏章京等一事內閣典籍齊嘉紹中書蔡炯袁煦先後挑入軍機章京上行走若論行走日期則袁煦尚屬較多惟袁煦係於挑入後奏補實缺業經邀恩與齊嘉紹蔡炯循例補缺者不同自不應一併列入劉權之即欲將伊保奏亦當向慶桂等會同商酌乃輒以袁煦係伊房師紀昀之壻紀昀在日曾經託過為辭師生誼屬私情部院大臣僉同辦理公事本不應心存此見何況揚言於衆罔顧公議劉權之屢次瞻徇情面實屬溺職本應照議革職第念劉權之在各部院供職有年資格較深且在軍機處行走業已三載尚無錯誤著加恩降為編修仍帶革職留任遇有國史等館纂修缺出令其充補至英和叅奏劉權之本無不合但亦應向慶桂董誥戴衢亨公同商議聯名具摺叅奏否則當於召對時會同慶桂等將劉權之當面指叅乃

輒呈遞奏片。雖稱請與慶桂董誥一同召見。其實慶桂董誥二人並未知此密奏。則與自請獨對何異。且公然在朕前懇求不必詢問劉權之尋事退出軍機。尤不成話。此而謂非有心專擅其誰信之。英和謂劉權之所言非謬。而不知己言非謬。殆有過之其咎實在於此。但所參究屬因公著加恩降補本日長琇所遺太僕寺卿員缺。從前所賞一品補服。黃馬褂紫禁城騎馬綠牙縫靴。俱著革去。此次不准隨往盛京。所有擬定保奏之章京各員。除袁煦業已退出外。其餘亦且無庸保奏。○命吏部尚書費淳協辦大學士。轉都察院左都御史王懿修為禮部尚書。以江西巡撫秦承恩為左都御史。內閣學士瑚素通阿為刑部右侍郎。刑部尚書長麟兼翰林院掌院學士。通政使司通政使善寶為內閣學士。兼禮部侍郎銜。太僕寺卿長琇為通政使。○以浙江布政使清安泰為江西巡撫。廣東按察使

秦瀛為浙江布政使。署廣東惠潮嘉道吳俊為按察使。仍用四品頂帶。○甲申諭內閣。昨已降旨將善寶補授內閣學士。本日伊遞摺謝恩。當經召見。據面奏。伊清語本屬生疏。且年逾七旬。記性亦復平常。於御門讀本事宜。恐致貽誤。懇請解退等語。善寶著仍以正三品京堂補用。所有內閣學士一缺。該部照例進本開列請簡。又諭本日袁行簡奏酌覈辦理清查緣由一摺。已批交大學士六部尚書議奏矣。摺內據稱。此次署督熊枚到任後。該司曾將查辦情形具稟。請奏經熊枚將原稟改竄刪減。此次特將原稟進呈等語。因令軍機處檢查。前日熊枚原摺詳悉覈對。所有袁行簡原稟內敘稱。本年正月後申明成例。凡遇各屬交代。如果倉庫無虧。即由接任之員出具切實甘結。由該管道府廳州加結送轉。儻實有虧缺。即由接任之員揭報。由該管道府廳州覈實請參。如有仍請歸入清查者。

俱經嚴行駁斥。現在州縣交代。已有二十餘處。俱覆覈無虧。其有虧空數萬兩。稟揭到司者。已飭令該管官確加覆覈。儻不趕緊設法彌補。惟有據實嚴叅等語。此一節正所以杜絕將來虧空之源。不使再有滋弊。辦法最為扼要。而前此熊枚原奏內。果未詳敘。祇稱該司本任以後。所屬倉庫業經稟內聲明嚴禁交代。不使續虧數語。未將原稟全載。實屬不合。熊枚著交部議處。○又諭綿課額勒登保

叅奏三等侍衛成齡託病曠班。請將成齡革去侍衛。撥回本旗等語。本年三月間。乾清門侍衛阿隆阿富勒琿凝珠託故未赴圓明園。經朕親視各責四十板。俱行革職。將阿隆阿發往熱河。作為前鋒。交慶傑嚴行管束。富勒琿凝珠發往

東陵。作為拜唐阿。交伊父豐紳濟倫嚴行管束。此事相去不久。成齡豈不知之。乃敢託病誤班。甚屬疏懈。綿課等所叅尚屬輕縱。著交領

侍衛內大臣。傳集各項侍衛拜唐阿等。看視將成齡重責二十板。作為粘竿處拜唐阿。以示懲儆。侍衛班領僧額布並未將成齡託病情節稟出。亦屬非是。僧額布著罰俸半年。嗣後御前侍衛。乾清門侍衛。如有曠班誤差者。即照阿隆阿等之例治罪。各項侍衛拜唐阿等。如有曠班誤差者。即照成齡之例治罪。著為例。○以禮部尚書恭阿拉為會典館副總裁。官吏部右侍郎玉麟為武英殿總裁。官。○

乙酉。諭內閣。玉麟現已調補吏部侍郎。部務較繁。無庸兼上書房行走。三阿哥師傅著專派泰承業。二阿哥師傅本係萬承風。伊現出學差。著暫派朱珪俟萬承風差滿回京後。仍照舊行走。○調正白旗蒙古副都統福寧為鑲黃旗滿洲副都統。正藍旗滿洲副都統德文為正白旗蒙古副都統。○旌表守正捐軀河南泌陽縣民張磨頭妻胡氏。○丙戌。諭內閣。向來大學士尚書等。簡派上書房總師傅

及翰林官員派充阿哥師傅。命下之日。自應恭摺謝恩。至書房師傅等閒。有出差隨園等事。將所教阿哥。派令他人講課。原不過隨時調派。從無謝恩之事。此乃上書房舊例。儀親王等皆所深知。昨因玉麟簡放吏部侍郎。派秦承業改充三阿哥師傅。又因萬承風係二阿哥師傅。出差未回。暫派朱珪照料。況係總師傅。即無旨亦應照料。伊等惟當照舊行走。乃本日朱珪秦承業俱具摺陳謝。甚屬不合。朱珪在上書房侍直有年。豈不諳習舊例。何必為此無謂之奏。其摺內稱。惟有益加勤慎。不敢曠功。是不過欲借此在圓明園直廬居住。不復進署辦事。殊非勤職之道。朱珪不必在上書房行走。伊現管內閣翰林院工部等衙門。俱有應辦事務。著常川進署辦事。遇有該班奏事日期。方准到園。兼至南書房行走。至秦承業前此曾充二阿哥師傅。即未謝恩。何以此次又具摺奏謝。且摺內有恭膺寵命。

侍課三阿哥。及仰荅高厚於萬一等語。尤不成話。皇子師傅職分。皆同。若云此次派令改充三阿哥師傅為榮。豈派充二阿哥師傅為辱乎。伊若妄存歧視之見。則居心大不可問。其獲罪更重。秦承業著降為編修。逐出上書房。若稍有怨望。其罪不赦矣。現在二阿哥學問已成。萬承風未回京以前。毋庸再派師傅。三阿哥師傅著改派溫汝适。其督課書房伴讀之師傅著派戴殿泗。防微杜漸之苦衷。諸臣其共諒之。○給湖北鍾祥天門二縣被水災民一月口糧。並緩徵鍾祥荆門京山天門潛江沔陽漢川七州縣及屯坐各衛所新舊額賦。○丁亥旌表守正捐軀安徽蒙城縣民馬牛孜妻劉氏。○己丑諭軍機大臣等。玉德等奏蔡牽匪船內竄。現在調度追捕。一摺。據稱蔡逆匪船四十餘隻。自澎湖竄至鹿耳門。因聞李長庚統領大幫舟師已抵澎湖。即由東大洋竄回水澳一帶洋面等語。同日據李

長庚奏報蔡牽內竄兵船收至金門探蹤追
勦一摺。與王德等所奏情形大畧相同。蔡牽
匪船遊奕洋面。倭東倭西。希圖牽掣官兵。乘
間窺伺。滋擾實堪痛恨。今王德等督飭鎮將
探蹤追勦。總須設法兜截。不可徒事尾追。即
如陸路行師。尚難以尾追制勝。況海洋地面
廣闊。風信靡常。若乘駛兵船。輾轉跟追。設遇
暴風。冒險前進。仍屬徒勞無益。此次李長庚
已配船四十六隻。駛至金門追勦。王德等又
飭調許松年等帶領兵船會勦。惟應相機布
置。分投扼要。截其去路。然後并力合擊。則該
逆無處潛匿。自不難剋期弋獲。俟蔡逆一經
就擒。即遵照節次諭旨。由六百里馳奏一面
將該逆解送福建省城。交王德等嚴圖嚴行
審訊。詳錄供詞。處以極刑。傳首各洋面。以彰
國憲。而快人心。并將何人擒獲。如何在洋面
緝拏情形。詳悉查詢具奏。朕必立沛殊恩。用
昭獎勸。王德等應即傳知調派總兵許松年

張見陞及各將備等。令其加倍奮勉。伊等何
人將蔡逆擒獲。即係何人之功。定邀破格升
賞。至蔡逆現由東大洋竄回水澳。或因追勦
緊急。竄入浙省洋面。亦未可定。王德等業經
飭令定海黃巖二鎮飛速迎頭截擊。並著阮
元飭屬一體防勦。不可稍有疏懈。現因浙江
提督孫廷璧不諳水師。已另降諭旨。將李長
庚調補。李長庚仍當留閩。速靖海洋。俟勦捕
蔡牽事宜辦理完竣。再赴浙江本任。將此各

諭令知之。○以故輔國公明崇子瑞恒泰襲
爵。○以江蘇按察使鄂雲布為安徽布政使。
福建臺灣道遇昌為江蘇按察使。○浙江提
督孫廷璧不諳水師。命另候簡用。調福建水
師提督李長庚為浙江提督。廣東提督許文
謨為福建水師提督。以前任廣東碣石鎮總
兵官錢夢虎為廣東提督。○旌表守正捐軀
山東泰安縣民馬國泰妻谷氏。○辛卯。
上御勤政殿聽政。○以詹事府詹事周兆基為

內閣學士兼禮部侍郎銜○壬辰諭內閣前因玉德奏閩省改造戰船一節據稱部臣於前次准銷例價復又逐加駁減當飭令該部明白回奏茲據工部覆奏嘉慶五年玉德將福州泉州漳州三廠分別大中小三號照同安商船改造事屬創始是以部中即照該督冊開船身丈尺折算木料做法覈減辦理其時臺灣廠商船二十隻尚未據該督造冊請銷嗣於嘉慶七年經工部奏定章程查明何廠船隻即照何廠原舊成規造報以歸畫一等語玉德此次請銷臺灣廠船隻在部中奏定章程之後並不按照成規比例覈辦所開各號梭繩丈尺斤兩又率多虛糜浮冒較之該廠成規竟至八九倍之多似此日逐增加漫無限制惟藉口於近來料物昂貴豫為承辦人員侵冒地步有意朦混殊非覈實辦公之道玉德著傳旨申飭嗣後修造戰船各營廠惟當遵照該部嘉慶七年六月內酌定章

程查照各廠成規覈實辦理毋得稍有浮濫○諭軍機大臣等鐵保奏籌議河務事宜一摺據稱河防之病有謂海口不利者有謂洪湖淤墊者有謂河身高仰者此三說皆可勿論惟當專心致志於清口為今之計祇有大修閘壩全復舊規則借湖水刷沙而黃河治湖水有路入黃不虞壅滯而湖水亦治是在收蓄湖水保護石隄急籌去路以備宣洩等語所奏甚為明晰海口淤高已非一日從古無濬海之法亦無另改海口之處至於清口之通塞關繫漕運往來鐵保於此專心致志洵屬扼要辦理近年來河水稍有增長即至頂阻清水不能暢出河口因之阻滯輓運維艱即如昨冬回空船隻歸次遲緩幾遭凍阻皆因清水力弱不能刷黃之故本年春夏湖水漲盛重運始得暢行目今清水消落黃河水勢漸長已覺倒灌即須起剝後方能輓渡此其明驗若再不及早籌畫將來河口日見

淤淺並此一綫引河旋挑旋淤成何事體是此時治河即所以治漕不可稍有稽緩至洪湖淤墊之說鐵保謂清水之敵黃所爭在高下而不在深淺等語所論固是但湖底不深則清水焉能多蓄是必蓄深然後水力裕如足以敵黃鐵保務當會同徐端通盤籌畫俟大汛過後將高堰五壩及各處閘壩支河應如何酌量施工之處妥為經理總之疏清口以利漕運護石隄以衛淮揚其分洩清水入

海入江之處不可不熟籌去路然亦不可過於宣洩以期蓄清敵黃此為至要將此各諭令知之○命禮部右侍郎萬承風回京供職翰林院編修錢樾提督山東學政○旌表守正被戕安徽宿州民李思琢妻朱氏甘肅綏來縣民閻子祿妻張氏○癸巳

上幸靜明園詣

龍神廟拈香○甲午光祿寺卿慶章因病解任賞三品卿銜以候補三品京堂善寶為光

祿寺卿○乙未革總管內務府大臣常福職賞三品卿銜仍管理圓明園及

萬年吉地工程在總理工程處行走○丙申諭內閣昨日亥時園內清淨地廟中失火延燒樓閣該班之乾清門侍衛並未趕救撲滅當即詢問乃以內地不敢擅入為詞實屬糊塗不曉事體此等地方若偶爾被火進班侍衛官員皆當趕進救護此地苑戶人等尚可進內況內廷行走之侍衛官員乎所有乾清門

侍衛博啟圖孟住三等侍衛哈當阿吹扎布奏事處藍翎侍衛巴圖孟克俱著降一級奏事處章京滿保降一級在員外上行走○調正白旗漢軍副都統隆福為正黃旗滿洲副都統正黃旗滿洲副都統瑚素通阿為正白旗漢軍副都統○丁酉諭內閣向例秋審朝審勾決日期均係在冬至十日以前本年秋讞因上年停勾將所有人犯與本年新案一併辦理人數較多經長麟面奏覈計勾到日

期次數加增恐冬至十日以前辦理稍形迫促當即飭令刑部檢查舊案冬至前十日以前有無辦過現審重犯茲據刑部查明自乾隆三十五年以後遇有現審立決人犯於冬至五日以前奏請覆決者歷次辦有成案冬至五日以前既可辦理現審立決案件則秋審朝審勾到亦事同一例所有本年勾到日期著叢計次數均擬定在冬至五日以前辦理完竣嗣後遇停勾之次年辦理勾決一年併辦兩年者即照此例以冬至五日前為斷如專辦本年者仍遵照舊例以冬至十日前為斷該衙門載入會典則例遵行○又諭都爾嘉前曾因犯賊獲罪嗣經棄瑕錄用游擢西寧辦事大臣仍不知痛改前愆肆意婪索伊從前所得贓款止係得受陋規尚不敢公然散法營私此次賊私疊積則竟係枉法者居多即如蒙古貝子旺沁丹津派差不公自當據實叅奏乃輒私罰銀一千兩完結且於康

登第私挖大黃周有伏欠帳被控以及羊販鮮富貴陳保懇求留養免緝等案得受贓銀至六千五百餘兩之多枉法婪贓辜恩已極都爾嘉著依擬應絞監候交宗人府在空房內圍禁入於本年秋審情實辦理至都爾嘉身獲重罪其子孫尚有何顏居住京師覲膺官職伊子綢武布著革職次子懷塔三子阿尼雅布及伊孫布扎納布爾善博明均不准戴用宗室四品頂帶即往盛京居住遇有差使考試俱不准與挑應考伊弟都爾哈業已革職亦著率同其子花連布等七人一併即往盛京居住但都爾哈及花連布等係都爾嘉弟姪究與子孫有間均仍准戴宗室四品頂帶所有應挑在京差使仍加恩准其與挑並准其考試其都爾哈次子現任二等侍衛僧額布一員並著加恩以盛京佐領補用○貴州古州鎮總兵官托爾歡年老命留京賞副都統銜在大門頭等侍衛上行走○旌表

守正捐軀山西夏縣民孫允潘妻田氏○戊戌諭內閣本日朕閱刑部呈進嘉慶九年分河南省秋審情實冊內有趙芳因強姦胡向氏不從主使本夫胡約將氏毆傷身死一案此案趙芳先與胡約之母趙氏通姦又因見胡約之妻向氏少父起意強姦不從該犯因胡約向伊取錢即主使將向氏毆逼向氏仍不依允該犯輒喝令胡約將向氏毆傷致斃實屬亂人倫紀淫兇不法問擬斬候入於情

實尚覺罪浮於法至胡約一犯先經趙芳與伊母胡趙氏通姦因利其資助並未阻止已屬喪心蔑禮迨趙芳見伊妻向氏少父欲圖姦宿囑令勸誘向氏堅執不從正為胡約謹守閨門乃該犯輒領趙芳至房乘向氏睡卧在牀自行按住令趙芳強姦無恥已極嗣該犯又因向趙芳取錢應用遂聽從主使毆逼向氏與趙芳姦宿向氏仍不依允該犯順拾木桌腿毆傷其左右肘復經趙芳喝令毆

傷其左耳根以致殞命逼姦故殺實非人類試思尋常故殺妻之案尚當問擬絞候其或有因賣姦等項別情起釁者秋讞時無不予勾今胡約一犯該撫援照凡人共毆為從減等律問擬流罪殊失輕縱刑部照議覈覆亦屬非是夫明刑所以弼教而教化首重倫常朕欽慎庶獄凡遇救親情切致斃人命者往往原情實宥不予勾決正所以扶植人倫至背棄倫理之案尤當嚴示創懲今此案情節

實於風化有關若僅照原議辦理是寡廉鮮恥之徒罔知敬畏何以明罰勅法趙芳著即行處斬胡約現在流徙何處著行知該省地方官即將該犯於配所絞決所有原擬罪名錯誤之巡撫臬司著該部查取職名議處其率行覈覆之刑部堂官並著查明察議嗣後問刑衙門遇有似此案件即將本夫問擬絞候不得仍照凡人同謀共毆律分別首從定擬以昭平允而維風教將此通諭知之○己

亥諭內閣協辦大學士祿康之父炳文於乾隆年間在御史任內因條奏失當革職發往伊犁嗣經年滿回京復蒙

諭令在家閒住不准戴用四品頂帶每月支食三兩錢糧實屬罪所應得今祿康疊加擢用協贊綸扉管理部旗及步軍統領事務均能小心謹慎克勤厥職伊父炳文著加恩賞給四品頂帶在家食郎中俸不必當差用示推恩錫類至意○又諭那彥成百齡叅奏玩視

刑獄濫羈人犯並任聽蠹役官媒私押男婦致斃多命之縣令請旨革職一摺地方官私設班館本干例禁粵東獄訟繁興省城首縣即因待質人犯較多自應稟知該管上司妥為辦理設法羈押乃南海一縣設有班館三處差役私館五十處番禺縣則有帶候所一處差役私館十二處且任聽蠹役於各館安設木柵四圍堵塞將訛詐不遂之人閉錮其中竟同黑獄致令無辜拘繫瘐死多人甚至

將各案未結女犯發交官媒收管設立女館名目遇有年少婦女官媒竟逼令賣姦得贓該令等置若罔聞尤為可恨州縣為親民之官似此藐法殃民該督等僅請將該令等褫職辦理尚輕南海縣知縣王軾番禺縣知縣趙興武均著革職發往伊犁効力贖罪前任督撫等近在同城漫無覺察竟同木偶倭什布瑚圖禮孫玉庭及前任臬司該管道府著一併交部嚴加議處並著該督那彥成即將

該二縣私設班館起自何年何人任內詳細查明據實速奏並將歷任知縣及失察各上司查明叅奏至那彥成百齡到任未久即能查出劾叅整飭吏治實屬可嘉均著交部議敘○以兵部右侍郎廣興兼總管內務府大臣以廣西慶遠協副將韋陀保為右江鎮總兵官予故副都統銜頭等侍衛薩克丹祭葬如例○庚子諭內閣那彥成百齡叅奏右翼總兵楊世華中營遊擊趙延植不能約

束兵丁肆擾商店曲江縣知縣溫駿袒護奸商請一併革審一摺楊世華趙延植溫駿均著革職交該督撫提同案內兵丁客民嚴審定擬具奏。但此案楊世華不能約束兵丁致釀事端。不過庸懦無能即被伊母訓斥。何至輒欲自戕。恐其平日尚有剋扣苦累不卹兵丁。因致積忿生事俱未可知。著那彥成等詳細研鞫。如訊出別情。一併歸案定擬。其韶州府知府王衍福甫經到任辦理尚能鎮靜著

免其議處。○又諭刑部奏審明魁敏窩什布圖欽圖敏等私習西洋教業經反覆開導該犯等仍堅不出教請將魁敏等發往伊犁充當折磨差使等語。圖欽圖敏俱係蘇努曾孫雍正年間蘇努因犯罪黜革宗室降為紅帶子。是該二犯本屬罪人子孫理宜安分守法乃敢私習洋教經該部再三開導猶復始終執迷不悔情殊可惡。圖欽圖敏著革去紅帶子並於

玉牒末除名發往伊犁枷號六箇月再行充當折磨差使。魁敏窩什布亦堅稱不願出教甘心受罪著銷除旗檔發往伊犁枷號三箇月再行充當折磨差使。圖欽等四犯自外生成情同背叛俱永遠不准釋回並著該將軍不時稽查嚴加管束如該犯等或在配脫逃及有別項滋事之處即應恭請王命正法。○以貴州銅仁協副將雙林為廣東右翼總兵官

辛丑

上幸萬壽山 諭內閣前據瑚圖禮奏轉據布政使台斐音稟請鍾祥潛江二縣民修隄垸無庸保固年限並稱乾隆年間荆州萬城隄衝決案內欽奉

諭旨荆州隄工著保固十年係專指荆州萬城隄而言其餘似不在保固之列。請嗣後除官修之隄仍遵例保固十年外其餘借項民修之隄無庸定以保固年限。遇有潰決仍令民自修補等語。朕以所奏自係實情當經降旨

照所請行。茲據工部查明乾隆五十三年節次所奉

諭旨。並彼時大學士九卿原議與瑚圖禮原奏不符。據實叅奏。所奏甚是。詳閱工部摺稱乾隆五十三年荊州隄工潰決時。欽奉

諭旨。以民修工程向無保固。是以承辦之員侵漁草率。諸多不免。嗣後著定限保固十年。並令各省河隄等工。凡係緊要處所。工程在五

百兩以上者。均一體報部。予以保固限期。復令將荊郡隄工。嗣後作何稽察保固之處。交大學士九卿等妥議。當經嵇璜等奏定一律保固十年。如限內衝潰。即將承修之員叅處

著賠通行在案。是從前欽奉

諭旨及議定章程。極為明晰。自當永遠遵行。今瑚圖禮摺內。輒將從前所定民隄例限。作為專指官隄。又將隄工通例。作為專指萬城隄一處。竟係有意朦混。且鍾祥潛江二處工程。俱係嘉慶七年所辦。彼時亦曾聲明保固十

年。瑚圖禮前奏不但請免著追。並欲此後永免保固。則承辦之員尚復何所儆戒。勢必人效尤偷。減工料草率從事。明係為屬員辦工取巧地步。大屬非是。瑚圖禮台斐音均著傳旨嚴行申飭。此事瑚圖禮係轉據布政使

台斐音稟請具奏。台斐音著交部嚴加議處。瑚圖禮著交部議處。嗣後官督民修之隄工。保固十年。仍照舊例行。其鍾祥潛江二縣潰決隄工。既在保固限內。仍著追賠歸款。至工部於此事能詳細查出。據實叅奏。尚屬留心。該堂司官究係何人。首先看出查辦。即著據實奏聞。候朕酌量加恩。以示鼓勵。○諭軍機大臣等。鐵保奏重運遞年遲壓設法籌辦一摺。據稱本年漕船渡黃已遲。若俟全幫抵通。再令回次江廣尾幫。必至臘正月間方能歸次。新漕斷難早到。請勅漕臣酌量情形。將尾後數幫於天津北倉交卸。用剝船運通。俾回空及早歸次等語。固係為速漕利運起見。惟

清黃文匯處所。正道業已淤成平陸。上年回空在彼阻滯。即係吳璫等設法開挖引河。權宜浮送。今年重運。亦即由此行走。前據鐵保等奏稱。又於引河尾撈挖河泓築壩逼溜。甫經通順。是引河又已壅滯。刻下清水稍落。黃水畧長。一經內灌。幫船即致停擱。設回空時黃水稍盛。清水或不能通暢。必致又被淤阻。守候需時。即使早日回空。於事仍屬無濟。清口為咽喉要地。譬如人之一身。咽喉或有哽塞。則醫治通體亦徒無益。鐵保等欲籌利運之原。必當妥酌宣疏清口之策。前據鐵保奏稱。以海口不利。洪湖淤墊。河身高仰。三說皆無足論。惟當以復清口舊規為刻不容緩之急務。現在是否定有辦法。著該督等即行悉心勘覈。將清口運道如何疏治復舊。使幫船往來永無阻滯之處。會同妥議。速奏所請。將尾幫漕米在北倉交卸之處。且不准行。將此各諭令知之。○旌表守正被戕陝西畧陽縣

民夏元禮媳饒氏。○壬寅諭內閣。本日朕閱直隸省上年情實人犯招冊。內刑部由緩決改情實者共十四案。朕詳覈案情。所改均屬允當。而原擬尤為錯謬者。有絞犯張五圖姦孫李氏未成。致氏羞忿自縊身死一案。又絞犯韓性子調戲韓李氏。致氏羞忿投井身死一案。上年辦理秋審時。據顏檢將該二犯問擬情實。並將張五一犯聲明不准留養。具題經三法司會同九卿等覈議。應入情實。旋經停止勾決。本年併辦秋審。復據顏檢將張五韓性子均改擬緩決。並補請將張五留養。俱經刑部覈駁。改入情實。此等語言調戲。致本婦羞忿自盡之案。向來辦理秋審時。均將案犯入於情實。經朕加恩。念其尚非手足勾引。多不予勾。今張五韓性子本係上年情實之犯。祇因停止勾決。歸入本年併辦。並非特蒙免勾。者可比該督自應遵照前題辦理。候旨。乃輒擅改緩決。實屬從來未有之事。其張五

一犯上年該督聲稱伊父母雖係年老家無次丁不准留養今率行改緩留養已屬非是至韓性子一犯並無別項情節竟亦改擬緩決實屬任意輕縱妄改已定之案荒唐已極且閱冊內原擬緩決各案如劉五一犯因向王四聾子買取柳籃倚醉肇釁連毆致命立斃何得因死者有揪詈情節傷係手足擬緩李玉成一犯因向王明索欠無償糾衆尋毆刀斧交加傷多且重致令斃命情近於故何得以死者負欠逞兇傷斃並非有心擬緩屈光汶一犯倚醉踢扎致斃理斤之兄妻孟氏死者並無不合何得以踢扎由於揪詈致死實出無心擬緩鄧晏朋一犯因中途搶奪吳廣有驢馱護賊拔刀嚇禁致將事主之父吳紀祖劃傷何得以被獲圖脫傷係誤劃擬緩蕭漢頭一犯受雇看守莊稼見趙理之妻陳氏招取高梁往尋趙理管教因趙理詈罵該犯揪倒擎按輪毆死者未能還手傷多且重

何以事本理直傷係他物擬緩趙亮一犯因魯明噴斥其父趙富貴奪其牧放牛隻生意父子輪毆立斃鐵器傷多且重情兇近故何得以死者尋釁毆扎尚非豫謀擬緩劉廣一犯因年已八十之總麻叔祖母高氏之女私借小米向其村斥經高氏撲毆該犯用拳捺傷致斃實屬欺凌何得以被毆圖脫拳捺適斃擬緩旗下家奴尹元哲一犯挾大功弟尹聖哲奪地之嫌時向尋釁因尹聖哲躲避疑係其兄尹亮哲藏匿同謀攜帶鳥鎗前往查問隨即點放尹亮哲躲出誤傷其乳哺幼女雪兒殞命該犯起意本欲致死服兄何得以致斃者究屬卑幼擬緩齊斌一犯因瘋病復發扎斃其妻周氏並砍斃服兄齊贊之妻侯氏死係應抵二命何得以究係因瘋擬緩薛景幅一犯因與安得功爭姦囑令侯三子等揪倒侍衆疊毆致斃傷多情兇兩造均係罪人何得以釁起死者圖姦毆由拔刀先扎

擬緩陳氏一犯夫故改嫁家貧乏食因憶前夫堂弟袁榮不允借錢之嫌裝傷誣告圖詐致袁榮抱忿投繯何得以死者究由自盡擬緩徐成倚醉逞兇刀扎徒手之陶榮立斃又另傷死者之妻李氏何得以死者尋釁撲毆情急嚇扎致斃擬緩以上各案均係情兇傷重應入情實之犯乃顏檢等均擬緩決刑部改為情實豈得謂之有心周內乎督撫臬司於秋讞事件自應詳慎叅覈分別定擬緩實

期於無枉無縱乃顏檢傳修於兇毆斃命各案輒從寬賞且將原擬情實之犯無故改擬緩決似此心存姑息欲邀寬厚之名而不顧死者含冤地下該督等於此等情真罪當之犯尚思曲為末減又何能整飭吏治無怪乎屬員罔知敬畏於庫帑任意侵挪日久不行彌補並有續虧該督等一切置之不問尚復成何政體直隸省諸事因循廢弛即此次辦理秋審失出至十二案之多而前實後緩者

又有兩案顏檢傳修即現任總督臬司其咎已應罷黜况前於辦理清查案內業經獲罪顏檢前經賞給主事職銜今在永定河工次効力傳修前已革職今在吉地工程處効力係朕格外加恩予以奮勉自贖之路今辦理秋讞似此謬妄實屬辜負恩施顏檢著革去主事職銜仍在工次効力傳修著即發往烏魯木齊効力贖罪以為外省大吏聞其廢弛者戒○癸卯旌表守正被戕安徽和州客民

任萬臣妻張氏○甲辰諭內閣保寧等議奏直隸省辦理清查事宜一摺直隸州縣倉庫虧缺前經胡季堂奏准初二次清查原期帑項及早補足乃接任之總督藩司等辦理不善轉以清查一局為州縣官影射挪移地步即初二兩次勒限追繳之項至今亦尚多虛懸無著者各該員本係例應治罪經朕曲加寬貸令其按限完繳今例限久逾自應即行監追著照議格外施恩再勒限一年追繳儻

再逾限不完。即將該員等各治以應得之罪。仍著落該管各上司如數分賠。以示懲儆。彼時決不輕恕矣。至初二次清查以後。截至嘉慶九年為止。原不應復有虧欠之事。乃經覈行簡查出虧缺數目。已有二百六十四萬餘兩之多。總由顏檢瞻柱在總督藩司任內。因循延玩所致。即將該欠員等查明概行治罪。亦分所應得。姑念初二兩次。既已勒限完繳。所有現今查出各員。著再加恩。予以期限。俟

該督等查明確數後。即照初二次清查之例。按銀數多寡。定年限遠近。並查明現任及離任各員。分別革職。革去頂帶及革職留任。勒限著追。如限滿不完。再將各員監追治罪。著落該上司賠補。此係朕於無可施恩之處。特從寬典嗣後。不准復有清查名目。違者以違制論。儻各州縣等。經此次截明虧缺數目後。再有侵挪情事。該總督藩司即隨時參革治罪。若該督等不行參奏。別經發覺。定將該總

督藩司及該管各上司一體懲治。決不寬恕。餘俱照所議行。○緩徵甘肅隴西寧遠伏羌通渭西和靜寧環臯蘭古浪平番西寧碾伯大通巴燕戎格十四廳州縣水災旱災新舊額賦。○乙巳調江西巡撫清安泰為浙江巡撫。以都察院左都御史秦承恩暫署江西巡撫。○蠲減直隸安新安隆平寧晉新河文安東安七州縣積水地畝額賦有差。○丙午。以貴州上江協副將馮元為古州鎮總兵官。○

旌表守正捐軀河南輝縣民王進孝女王氏。○丁未。諭內閣據秦承恩奏彭澤縣逆犯歐陽恕全即歐陽正朗編造逆詩。請照大逆律凌遲處死。並將該犯逆詩進呈閱其所編詩句。實屬悖逆不法。例應凌遲處死。姑念其尚無肆逆實跡。著改為斬決。即行正法。至該犯於嘉慶六年童試時。曾將所作思孝銘等文三篇書寫試卷。懇請前任學政吳烜代為轉奏。彼時吳烜即應奏明辦理。否則亦當將該

犯予以責懲。交地方官嚴行管束。乃僅呵斥逐出。以致該犯抑鬱。妄作逆詩。其咎實無可辭。吳烜著交部嚴加議處。餘照所擬完結。○以湖北竹山協副將呢瑪善為河南河北鎮總兵官。○戊申。

上詣

恩慕寺

恩佑寺行禮。詣

大高殿行禮。○還宮。○予原任江蘇寶山縣知

縣胡仁濟李長青入祀名宦祠。從巡撫汪志伊請也。○以孟秋時享

太廟。自是日始齋戒三日。○乙酉。諭內閣。昨據鐵保奏。請嚴定稽查各營兵餉章程一摺。內稱各省設立巡道。往往與鎮將同城。耳目既周。稽查較易。請嗣後責成各道一體稽查等語。當命軍機大臣將從前各省營汛兵餉有無責成文員監放例案。詳查具奏。茲據查明現行條例。給發兵丁餉銀。本有文員會同兌

放。並查乾隆年間。經原任布政使江蘭條奏。請將分防各州縣鄉僻汛兵餉銀。令各汛弁會同各州縣按冊散給。或值印官公出。即令佐雜教職等官監放。出具結狀。繳查。儻不親身監放。或通同剋扣。均令各該管上司嚴行叅處。當經兵部議准奉

旨准行。載在戶兵二部則例。惟各省奉行不力。日久懈生。不過視為具文。以致總兵大員如恩承阿竟有剋扣兵餉之事。不可不申明舊制。酌定章程。俾稽覈益臻周密。嗣後除鄉僻汛兵餉銀。仍照舊派令州縣及佐雜教職等官監放。並著該管督撫隨時查察。如有扶同徇隱。剋扣情弊。立時叅辦外。其鎮將駐劄地方。給發兵餉。就近責成道府大員會同監放。如查有剋扣情事。即據實揭報。儻代為徇隱。扶同剋扣。別經發覺。必將監放之員一併按例懲治。所有恩承阿剋扣兵餉一案。歷年該處文員曾否會同監放出結。有無通同剋扣

之處即著同興查明參奏○以故奉恩將軍
弘霈子永靠襲職○庚戌諭內閣

實錄館纂辦底本總裁各官自當一體恭閱至
繕出正本總裁等又不細閱遽行進呈及至
面詢多有未經寓目互相推諉遇有錯誤不
過概請處分殊失敬事之義顧德慶本係總
纂著派令專看正本此外著添派英和為總
纂亦令專看正本並著伊二人輪次閱看於
進呈時係何人所看即於正本內夾入名簽
以專責成如有經朕指出查明實係正本錯
誤者惟專看正本之人是問○是月四川總
督勒保奏報抵任得旨朕付汝川中萬姓務
期家給人足比戶盈寧察吏為安民之本慎
刑為保元之要貪官斷不可姑容良吏必加
之獎勸勉此數言即報知遇之恩矣謹記毋
忽

中錄李書

壬午

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四十六

實錄李書

壬午

觀誠呈遞該班職名時因見其告假在前業

五

清實錄
嘉慶十年七月

未

得旨。加恩以五品銜休致。○以太常寺卿策丹為內閣學士。兼禮部侍郎銜。翰林院侍讀學士陳希曾為詹事府詹事。○湖北布政使台斐音緣事降調。賞二等侍衛為庫爾喀喇烏蘇領隊大臣。以順天府府尹章煦為湖北布政使。○癸丑諭軍機大臣等。本日李長庚奏追勦蔡逆至定海之青龍港洋面奮力攻勦一摺。所辦尚為出力。已將總兵羅江太等五員交部議敘。以示鼓勵。又據王德奏蔡牽

盜船北竄及粵省艇匪又從外洋竄往浙洋一摺李長庚所勦之賊是否專係蔡逆股匪抑粵東艇匪已與會合一處定海一帶與温州甚近此時浙省兵船皆在李長庚處僅該逆知温州一帶守禦空虛乘勢駛船前往竟有上岸劫掠之事尤不可不防王德雖已知會孫廷璧迎頭堵截但究係陸路出身不諳水師王德清安泰李長庚三人務須會籌妥協設法嚴防現在王德擬馳往福寧温州一帶相機調度該督到彼後當察看情形或於總兵羅江太黃飛鵬二員內酌派一員回駐浙洋專司防堵互為聲援總期通盤籌算不可顧此失彼稍有疏虞將此諭令知之○以大理寺少卿嵇承志為順天府府尹○緩徵甘肅狄道河渭原金安定會寧漳平涼隆德固原華亭莊浪鹽茶寧安化正寧合水武威永昌秦清水禮徽兩當秦安涇崇信靈臺鎮原二十九廳州縣並三岔州同沙泥州判紅

水東樂二縣丞所屬旱災新舊額賦賑隴西寧遠伏羌通渭西和靜寧環七州縣被旱災民給皋蘭古浪平番西寧碾伯大通已燕戎格七廳縣被水災民口糧有差○乙卯諭軍機大臣等據李如枚奏請捐造剝船一百五十隻以速漕務而便商民已照所請行矣該監督因清口淤淺是以奏請添設剝船俾速漕運該處河口為咽喉重地必須設法疏濬深通往來船隻始遄行無阻若不及早籌辦祇為目前補苴之計即多備剝船亦屬於事無濟本年甘省雨水較少河勢直趨中泓日見刷深鐵保等正可趁此各工平穩之時將河口亟為籌辦實力疏通俾糧艘商船均得往來通便務期一勞永逸諸臻妥善為要將此諭令知之○予四川陝西陣亡外委李成韓得祭葬世職如例○旌表守正捐軀湖北武昌縣民潘子珍妻石氏潘鍾秀妻阮氏○丙辰旌表守正捐軀山東肥城縣民錢二妻

何氏河南郟城縣民王添寶妻黃氏○戊午旌表守正捐軀山西崞縣民婦甯亢氏四川珙縣民李培章聘妻宋氏○戶部議准江蘇巡撫汪志伊疏報丹徒縣開墾灘地五十頃三十三畝有奇照例升科從之○己未諭軍機大臣等策拔克等奏駐防前後藏班滿官兵酌擬分起開年更換一摺據稱前後藏江孜定日察木多拉里等處駐防官兵以及臺站兵弁自嘉慶元年以後因內地軍務未竣未能按班更換茲據德楞泰咨令派撥更換恐一時概易生手難資彈壓請分二次更換等語西藏駐防官兵必須熟悉夷情練習營制方足以資彈壓若一時概行更換盡屬生手殊非慎重邊防之道所有現在應行換班兵丁著照策拔克等所請仍作二次更換初次官兵於嘉慶十一年五月起程其餘一半間隔一年至十三年五月起程並著諭知勒保於派撥官兵時留心選擇總須於陳兵內

調派前往其新由鄉勇充補各兵丁既不甚諳營規且伊等甫由軍營撤回恐到彼後妄有談論外番地方緊要殊非所宜著無庸派往駐藏至所請臺站官兵俟至來年隨同頭次換防員弁一體換撤之處亦著照所請行○以故科爾沁郡王桑濟扎布弟棟默特襲爵○庚申

孝懿仁皇后忌辰遣官祭

景陵○諭內閣長齡奏特奏疏脫逆倫重犯潛逃繼覽之靈壁縣知縣茹紹基請旨革職一摺此案逆犯邱逢沾傷父殺母行同梟獍該縣茹紹基平日不能化導厥咎已屬難辭迨聞報之後自應速即拏獲審明寸磔方足以明正典刑乃茹紹基並不上緊嚴緝以致該犯潛逃半月漏網稽誅如果該犯係逃往他處猶得藉口遠颺今該犯於五月二十五日犯事之後至六月初十日在原住民空屋內自縊身死是此半月內安知該犯不即在附近

藏匿並未他往該縣毫無覺察任其日久自斃倖逃顯戮可見該縣平日於地方事務任意廢弛甚至遇有此重大案犯亦不知趕緊捕拏聞葺已極此而不嚴行懲辦何以儆疏玩而飭吏治姑紹基著革職發往烏魯木齊効力贖罪○辛酉以太僕寺卿蔣子蒲為宗人府府丞○旌表守正捐軀山東嘉祥縣民劉元妻李氏○緩徵陝西華陰縣歉收新舊額賦並貸南寺堡等一百九十七村莊口糧

○壬戌諭內閣吏部奏浙江糧道穆克登布押運抵通可否准其引見一摺向來各省丞倖等官如押運漕糧銅斤等項抵通有送部引見之例至江浙等省糧道押運從前原祇至准而止自無由引見嗣經定議令各道員直押抵通而於引見一節並未議及因思丞倖等員押運無誤尚加恩准其引見况道員職分較大如果督催趲運經理妥協豈有轉不令其引見之理但官員等引見總須該省

督撫出具考語咨部辦理即如上年江南糧道李奕疇三次押運抵通係由陳大文奏請出考咨部引見今浙江糧道穆克登布未經該撫出具考語且本年河南山東江南等省押運道員皆未引見亦未便辦理歧異穆克登布著無庸帶領引見嗣後各省押運道員均著該督撫照丞倖押運糧船咨部引見之例出具考語給咨送部如果沿途催趲認真並無過失俟到通交糧完竣後准其由倉場侍郎查明送部引見○又諭倭什布奏詳議茶商定籍章程一摺據稱招商承引總以行銷辦課為重近年茶課既無貽誤請仍照舊章辦理等語商人承領引張向由地方官出結嗣因承充之人由州縣查明出結再由各衙門覈轉詳報層層滋擾守候需時致有停引誤課之事自應仍照舊章責成總商稽查該衆商等有無頂冒令其造具確實籍貫引數清冊取具親供甘結由蘭州道行文該原

籍地方官查明詳覆。移知布政司衙門存案。毋許一人跨占兩籍。方足以杜假冒。朦混之弊。此次商人馬起鳳。既經查明無捏報頂充情事。伊現寄籍西寧。即令改入西寧籍貫。其各茶商如有似此遷移跨籍者。均著令一體改正。○予故休致都察院左都御史汪承霈祭葬如例。○癸亥

上幸萬壽山。○諭內閣。刑部奏審擬已革潮陽縣知縣李樹萱於械鬪重案。諱匿捏詳一案。細覈案由實屬因循畏葸。有心貽誤。試思知縣為親民之官。該革員於所屬地方既有疊次械鬪重案。理應隨時嚴辦。以儆刁頑。即或因案犯族大丁多。素行強橫。一時難以拘拏。亦當設法擒捕。若自揣才力不勝。並因兵役無多。不能彈壓。恐致激成事端。即應稟請上司。或添派兵役。或另委幹員。及早實力查拏。方不至貽害地方。乃該革員一味怠緩。輒因匪黨勢眾。兇犯難獲。竟敢延玩不報。迨經總

督批查。又復率據紳耆稟稱。兩造不願構訟。遂允准和息。希圖將就完案。不顧死者含冤。無由昭雪。並敢將各案卷宗抽藏。似此闖茸廢弛。殊出情理之外。非尋常玩誤可比。該部請將該革員枷責後發往伊犁。尚未允協。李樹萱竟當永遠枷號。轉毋庸發往伊犁。著交步軍統領衙門。派營員嚴加看守。在南城等處枷號示眾。以為地方官庸怯無能。諱命縱兇者戒。○諭軍機大臣等。伯麟永保奏孟連土司刀派功。因緬甸夷人與暹羅構釁。寄信該土司欲其幫助。該土司貪圖利益。即攜帶印信並土練三百名前往猛養地方住宿。猛養夷人業已私投暹羅。約為內應。遂將刀派功殺害。印信遺失等語。緬甸暹羅彼此構釁。係外夷爭殺之常。天朝亦不值過問。土司等惟當恪守疆圉。自不致滋生事端。今孟連土司刀派功貪圖利益。越境滋事。使其身尚在。必當重治其罪。今業經被戕。自無庸議。至該

土司印信乃天朝頒給豈可任其遺失猛養本係緬甸所屬地方該督撫等惟當曉諭緬甸設法尋獲敬謹繳回並嚴飭各處土司均當凜遵法度各守疆域安撫夷人勿許冒昧滋事方於邊境有益將此諭令知之○緩徵陝西長安咸寧涇陽藍田耀三原鄠興平臨潼咸陽高陵渭南同官富平醴泉藍屋鳳翔郿麟遊扶風寶雞岐山太華陰華郿陽韓城潼關澄城白水朝邑蒲城郃長武淳化三水乾水壽武功鄜宜君中部洛川四十三廳州縣旱災新舊額賦鹽課並賑各屬貧民○甲子諭內閣保寧等議奏江西布政使先福請將有漕省分捐納監生改收本色米石灑帶運京並將職銜在外一體報捐各款皆不可行外省捐納監生原為籌補封貯銀兩而設一經補足即應停止上年因蠲緩過多降旨採買以裕支放此後每年正供源源輓運通倉歲入自有常經何必另籌接濟且即如

先福所言每年一省所收捐米至多不過十餘萬石亦復何裨倉儲而外省米價增昂徒形紛擾况旗丁於兌米之外原准攜帶貨物俾資津貼前曾特降恩旨量予增添若責令灑帶米石焉能再攜貨物殊非體卹旗丁之道且如該藩司所奏於米石例價之外意欲倍增並議加水脚飯食等項較之折色銀數多寡懸殊地方胥吏抑勒浮收日滋弊竇必致釀成大案至請將職銜改為外捐一事從前降旨駁飭甚明且因外省潰奏紛紛通諭各省有再以此為請者即交吏部議處先福豈漫無所聞率為此奏今經廷議指出先福著交部議處○又諭給事中永祚奏稱廣東福建兩省洋盜屢被擊勦窮蹙恐竄至奉省錦州各海口潛蹤登岸瀕跡商賈民人雲集之際潛入大營肆竊等語實不成話閩粵洋匪不過在外海劫掠商船從未有上岸滋擾之事日前據玉德奏稱李長庚等督率舟師

圍捕匪船皆畏懼官兵竄匿無蹤難以找尋是該匪方逃命之不暇何敢公然登岸况洋匪原恃在海面遊奕得以逞其伎倆若該匪果肯登岸則一旦失所憑藉官兵無難立行撲捕淨盡且目下秋令已深西北風漸作匪船即欲由粵閩竄入浙洋已苦風色不利焉能遠竄至奉省錦州各海口乎該給事中於海洋道路情形全未明曉矢口妄談純繆已極至所稱將海船商販舵丁等開具年貌履歷登載號簿並取具該商等所販貨物清單祇許正商上岸售兌貨物賣完後報知旗民地方官出口日期各等語海船商販原聽其隨時赴各海口售賣貨物若如該給事中所奏辦理勢必紛紛滋擾是以謁

陵省方大典轉為累商病民之事尚復成何政體乎永祚所見不獨愚昧且其說傳播徒滋搖惑當將伊摺交本日在園之王大臣閱看無不以為所奏謬妄永祚著交部議處○諭

軍機大臣等前據鐵保等奏清口淤淺之故由於閘壩啟閉不靈議於秋汛後趕緊修理昨日召見吳璥詢以辦理情形據稱目前豫備糧艘回空修築義字壩最關緊要該壩早堵一日則湖水多蓄一分刷黃即多一分之益等語近年河口時有淤阻漕運往來經過動形窒礙設有誤冬兌關繫匪輕著該督等先將義字壩剋期堵築愈速愈妙仍將清水現存丈尺若干隨時具奏至其餘四壩及現在議修各閘若同時興工不惟料物未必一時湊手且拆修壩閘之時亦恐清水宣洩無由堵蓄惟應酌量緩急分年次第舉行經理周備將此諭令知之○以故廣西鎮安府屬向武土知州黃坤寧子錫曾襲職○乙丑中元節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○諭內閣三法司叅擬四

川銅梁縣民婦彭楊氏誤傷伊姑彭歐氏致
歐氏與楊正純爭吵後氣忿投河溺斃請照
該署督所題將彭楊氏依律擬斬立決等語
此案彭歐氏之死若由楊氏爭鬧起釁則楊
氏係有心干犯致姑自盡自應問擬斬決抑
或楊氏被歐氏又住其口之時竟齧傷歐氏
手指致氏氣忿投河亦屬法無可貸今詳閱
案情彭歐氏因心疑楊氏蓋用被單向其亂
罵楊氏分辨歐氏即用手又住楊氏之口推

靠牆上楊氏掙不脫身將頭往右一側不料
上齒誤傷歐氏左手指背並非出於有心是
日早飯後楊氏之弟楊廷玉同伊父楊正純
至彭歐氏家查問歐氏與楊正純互詈揪扭
楊廷玉見而趨勸適手攜竹烟袋誤戳歐氏
眼角歐氏因此氣忿莫遏投河殞命是歐氏
之死由於楊正純之尋鬧及楊廷玉之趨勸
誤戳與楊氏無涉法司衙門將楊氏依律擬
以斬決而其情尚覺可原楊氏著改為斬監
候餘依議○河南道御史申瑤奏年例解京
緞匹顏料等項請於崇文門查驗後即移會
各該管衙門限五日內交收完竣面給回批
以杜書吏舞弊從之○直隸宣化鎮總兵官
劉景昌以病解任以河屯協副將愛星阿為
宣化鎮總兵官○以古城領隊大臣扎郎阿
為太常寺卿○丙寅

上詣

大高殿

壽皇殿行禮○還宮○賞遣戌已革

西陵總管內務府大臣盛佳三等侍衛為古城

領隊大臣○丁卯

上以詣盛京恭謁

祖陵先期祇告

奉先殿○戊辰

上啟鑒命成親王永理大學士保寧協辦大學

士尚書費淳尚書長麟留京辦事○是日駐

蹕烟郊行宮○己巳駐蹕白溝行宮○庚午

諭軍機大臣等那彥成奏擊獲外洋內河陸

路各盜匪並勾通接濟之土匪一摺此次弋

獲盜匪土匪統計六百四十餘名現俱飭提

審辦至先後投首民人八十六名不甘為盜

並有殺賊之功不可不亟加鼓勵該督隨驗

其才具酌量補給外委名糧妥為安插但投

首之人當詳細訪查明確果係內地良民被

盜擄脅不甘從賊因而殺賊獻功者自應加

之拔擢若本係盜匪或因窮蹙來歸則其平

素所犯劫掠傷人之罪不知凡幾即悔罪自

新亦不過貸其一死已屬法外施仁豈可濫

膺恩賞乎將此諭令知之○以葉爾羌幫辦

大臣那奇泰年老命回京賞熱河前鋒阿隆

阿二等侍衛為葉爾羌幫辦大臣○是日駐

蹕陳新莊御營○辛未先是山東巡撫陳大

文奏准東省挑河津貼在撫藩臬道養廉內

坐扣三成尋據巡撫全保奏稱各項津貼不

敷動支請將城工餘存項下撥銀生息以裕

工用得旨依議此項河工歲料所需既於城

工項下撥銀生息每年計得息銀六萬兩已

足敷用嗣後該省巡撫司道等按年坐扣三

成養廉之處著加恩免其扣交○是日駐蹕

八里堡御營○壬申以詹事府詹事秀寧為

內閣學士兼禮部侍郎銜○命塔爾巴哈台

領隊大臣碩雲保來京賞吐魯番領隊大臣

安福副都統銜為塔爾巴哈台領隊大臣四

等侍衛玉衡三等侍衛為吐魯番領隊大臣

○是日駐蹕五里墩御營○癸酉賞蹕路經過直隸地方辦差兵丁一月錢糧○緩徵河南新鄉汲輝獲嘉河內武陟脩武濟源林淇原武陟靈寶閿鄉十四州縣旱災蠲剩額賦新舊銀穀漕糧及被旱之安陽湯陰濬縣新安澠池陽武溫榮澤九縣新舊額賦倉穀漕糧並毗連災區之臨漳內黃武安涉延津滑封邱考城洛陽偃師鞏孟津登封十三縣舊欠額賦倉穀○是日駐蹕柳新莊御營○甲戌

上詣夷齊廟拈香○諭軍機大臣等鐵保等奏稱現在河底淤高丈許自七月初十日以後黃水復長比清水較高四尺由禦黃壩倒漾而入等語治河之法總以蓄清敵黃刷沙濟運最為要著今黃水高於清水雖船隻暫資浮送究恐清水淤墊殊有關繫至借黃濟運尤不過一時權宜之計實非長策此時總以疏治清口為第一急務若清口不能通暢雖

多挑引河亦屬無益至多備剝船起運更不足恃矣目下糧船陸續回空銜尾南下鐵保等務當趁此水勢消落各工平穩之時迅速設法蓄高清水使其力足以敵黃俟黃水消落清水外注河口暢行無阻方為一勞永逸切勿僅事目前補苴以致每屆漕運往來之時辦理棘手將此諭令知之○直隸總督吳熊光覆奏南宮河間二縣積水未涸地九百二十五頃三十三畝有奇額賦請照安州等大窪減賦例自十年為始水大全行豁免水小量為酌減其舊欠額賦口糧籽種等仍分年帶徵從之○免蹕路經過之直隸大興宛平通三河薊遵化玉田豐潤遷安灤盧龍撫寧臨榆十三州縣本年額賦十分之五○是日駐蹕夷齊廟行宮○乙亥駐蹕天台山御營○丙子以太常寺少卿陳霞蔚為太僕寺卿○是日駐蹕深河村西御營○丁丑駐蹕文殊庵行宮○戊寅蒙古王貝勒貝子公台

吉塔布囊等十四人。於行營跪迎瞻覲賞賚有差。○是日駐蹕中前所御營。○己卯諭內閣。二十八日夜微雨不成分寸。朕於文殊庵啟蹕自出山海關至中前所大營一帶御道泥濘難行。並無民夫修治。經總理行營王大臣軍機大臣查明。叅奏請將承辦之寧遠州知州克星額。並該管之知府府尹將軍等分別懲處等語。昨日關外一帶雖多有泥濘難行之處。亦尚有開段平坦處所。朕初不因此加之責備。惟蹕路數十里內道旁並無一二官員帶領民夫伺候。且亦無修道器具。朕經過時。惟見富俊等親自掃除平墊。因於駐蹕後。召見該將軍。面行詢問。據稱民夫雇集維艱。並有呼應不靈之語。旋召見盛京侍郎及奉天府府君。逐加諮詢。所稱均屬相同。此則殊堪詫異。朕此次舉行謁陵大典。路經關外。草野編氓。分應趨事赴功。何至掃除畚鍤之事。竟無人執役。總由地方大

小官吏。平素諸務廢弛。甚至車駕經臨。亦復怠緩從事。輒藉口於呼應不靈。殊不思民不聽令。則焉用官為。尚安望其能化民成俗耶。此等信口搪塞之詞。罔顧急公奉上之義。太不成話。該將軍府尹等之咎實在於此。知州克星額。係守土專官。外省州縣遇有上官過境。猶知出候送迎。朕昨日駐蹕中前所大營。該州並未在宮門敬謹祇候。朕尚以其別有差使。因令軍機大臣傳到該州面詢。則但稱趕赴前途查看道路及詰以因何不行豫備民夫之故。則稱先經派有民夫。因遇驟雨。俱行躲避。更屬巧飾。並據自稱糊塗無能。俯首認罪。似此昏庸玩誤之員。豈可尚膺民社克星額著即革職。發往熱河充當披甲。交與慶傑嚴行管束。所有寧遠州知州印務著善連暫行兼攝。知府善連府尹良貴於所屬承修道路未經豫備民夫咎實難辭。著先行摘去頂帶。交行在吏部嚴加議處。該員等現在承

辦差務仍責令妥協經理毋得再有貽誤侍郎花尚阿兼管府尹亦有地方之責併著交行在吏部嚴加議處將軍富俊於該府尹等辦理不善之處未經據實參奏亦有不合著交行在兵部議處尋議上得旨花尚阿降為內閣學士良貴降為大理寺少卿○是日駐蹕周家村西御營○庚辰諭軍機大臣等鐵保奏稱清江一帶運河悉係黃水流行連日據報運河兩腮漸有停淤等語前據鐵保等奏黃水高於清水倒灌運河朕即慮及黃水挾沙而行恐易淤墊疊經降旨指示今果不出朕所料目下回空幫船接續南下據摺內稱將來漕船入境若黃水尚旺即藉黃以濟運殊不足恃在夏秋大汛之時黃水盛旺足以暫資浮送轉瞬霜降以後黃水漸消彼時清水益弱不能外注河口勢必又如上年冬間清黃頂阻幫船濡滯情形即啟放祥符五瑞兩閘減黃助清亦不過一時權宜之計不

得已而用之終有流弊惟應亟籌善策以期一勞永逸將此諭令知之○調江西按察使許兆椿為浙江按察使浙江按察使景敏為江西按察使○改東河黃沁通判為同知睢寧同知為通判從河道總督李亨特請也○免山西臨汾襄陵太平翼城永濟臨晉榮河萬泉解安邑絳州稷山河津聞喜垣曲洪洞曲沃虞鄉猗氏夏平陸芮城絳縣霍趙城靈石二十六州縣旱災本年額賦有差緩徵二十六州縣蠲剩及帶徵額賦並毗連災區之浮山岳陽汾西鄉寧吉陽大寧永和蒲九州縣新舊額賦分別賑給銀穀口糧○是日駐蹕沙河所御營

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四十七

實錄卷一百四十七

二十五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四十八

欽此

欽此

欽此

欽此

欽此

教修

嘉慶十年乙丑八月辛巳朔秋分夕

月於西郊遣和郡王綿脩恭代行禮○諭內閣
本年大凌河馬羣被災馬一千三百四十五
匹現在懸額前已令該官丁等如數賠補而
此次齊羣餘出馬匹及臺站調取交回馬匹
共應變價馬二千一百餘匹此項餘馬既須
變價而應賠之馬又須購買徒多周折著照
常貴所請將驕馬羣應行變價馬匹內劃出
一千三百四十五匹補足定額所有此項馬
價銀一萬三千四百五十兩除將富疆阿及

翼領穆特布所停二年俸銀歸款覈算外其餘不敷之項著於該副牧長牧副牧丁等應得錢糧內坐扣歸款該副牧長等均係窮苦官丁若照常貴所請分作二年坐扣未免生計維艱著加恩分作三年扣完以示體卹○是日駐蹕五里河村御營○壬午諭內閣昨因鑒儀衛藍翎侍衛陳奏凱陳訴被屈一案交軍機大臣審訊茲據審明定擬具奏所議尚輕管聲音官兵等向來惡習從不查拏旗人往往侮弄愚民先喚住一二賣草之人聲言買草並不給錢賣草人自然爭論即行鎖項誣以聲高拴於帳房杆上若要查拏高聲之人即送上塞責如無事至次早始行釋放此係每次常例其實在高聲者轉不查拏此皆朕所目覩深知是以本年諭定行營章程時特經降旨申明積弊嗣後如再有似此者章京革職兵丁杖四十禁例甚嚴此案陳奏凱家人在帳房口角聲高章京吉郎阿派令

花連布等前往查拏原無不合迨陳奏凱向伊等告知係屬侍衛花連布等自不應用繩將其拴縛旋經侍衛于謙益等指告明確更當即時釋放乃始則不由分說將該侍衛拴縛既而確知係屬職官仍將其帶至宮門又不立時回明本管大臣辦理試思隨營官員甚多若並不詢明遽行拴縛尚復成何體制且行旅在途豈可羈留竟夜花連布等既將該侍衛帶至宮門該章京即應稟知該侍衛本管大臣或值班之護軍統領聽候查辦即該家人馬貴亦當即時稟明發落乃輒令該侍衛在宮門帳房坐候一夜無此情理看來管聲音官兵等錮習未除明知陳奏凱係漢侍衛心存欺侮設滿洲侍衛有似此者該章京等亦決不查拏矣朕大公至正於滿漢臣僚待以一體豈肯令其稍有屈抑此事幸于謙益等三人尚屬曉事能知解勸設伊等旁觀不服稍涉鹵莽將花連布等毆辱更不成

事體矣。吉郎阿於該官兵等冒昧多事。毫無禁約。咎實難辭。著照議交行在兵部議處。藍翎長花連布著降為護軍。護軍愛明阿著降為披甲。交該管大臣各行鞭責四十。發落後仍令隨營當差。丹巴多爾濟既經該侍衛稟知。即應當時查辦。乃又令長慶轉告該侍衛暫行聽候。未免意存消弭。亦屬非是。著交行在兵部察議。至侍衛陳奏凱戒飭家人。毫無不合。惟不候查辦。輒敢在朕前瀆訴。是則咎有應得。陳奏凱著革職。作為兵丁。交該部遞回本籍。交該督令其入伍當差。嚴加管束。經此次懲辦之後。該管聲音官兵等或因妄拏獲咎。即聞有在大營左近喧嚷爭鬧者。概置不問。此則不可。嗣後著該管大臣等嚴飭管聲音官兵等務當恪遵功令。遇有喧譁滋事之人。不論旗民。認真查拏。即時稟明訊辦。發落。不得欺狎懦弱。妄行搜拏。亦不得將拏獲之犯羈留隔宿。如仍蹈積習。致有誣拏故縱。

之事。必將該官兵嚴行懲治。決不稍貸。將此旨通諭八旗知之。○調鑲藍旗蒙古都統明亮為鑲白旗漢軍都統。以鑲藍旗護軍統領果勒敏色為鑲藍旗蒙古都統。正白旗蒙古副都統貢楚克扎布為鑲藍旗護軍統領頭等侍衛副都統銜托爾歡為正白旗蒙古副都統。○是日駐蹕杏山東御營。○癸未遣官祭文昌帝君廟。○諭內閣。盛京清查民典旗地一事。前經戶部議令。勒限一年。准其首報其旗人首報者。徹地入官。即佃原業旗人。按則輸租。免罪。免追典價。民人照例治罪。並追歷年租息入官。民人首報者免罪。免追租息。即佃原首民人輸租。並免徵一年租銀。以抵典價。其出典之旗人。照例治罪。並追典價入官。如旗民公首者。均免治罪。免追典價租銀。仍令民人佃種。三年後將地入官。交原業旗人承種。輸租。當經降旨施行。今據富俊等奏稱。

自上年九月至今。業據旗民首報地。約計二十一萬餘畝等語。此項民典旗地。事閱多年。且尚有輾轉接典等事。頭緒繁多。該旗民等均係窮苦之人。今既各將地畝呈首。而一則應追典價。一則應追租息。俱不免追呼之擾。且尚有應得罪名。其情究屬可憫。茲格外施恩。著將業經首出地畝。所有旗民人等應得之罪。並應追典價租息銀兩。一併寬免。此事前已降旨。展限至明年二月為止。嗣後旗民人等。如有依限續行首報者。一律照此辦理。以示朕省方行慶。普惠旗民至意。至應議章程。仍著富俊等。屆限滿時。再行奏明。交部覈辦。○諭軍機大臣等。據松筠等奏。伊犁阿奇木伯克鄂囉木。咱布病故。所遺頭等台吉。請以伊子密哩克。咱特承襲。其所遺阿奇木伯克之缺。可否一併補放。密哩克。咱特之處。請旨一摺。阿奇木伯克。辦理回務。職任較大。遇有缺出。自應擬定正陪。奏請補放。茲若將承

襲台吉之人。一併補放。阿奇木伯克。不惟回子不知感激。且竟似將阿奇木伯克員缺。作為伊家世職矣。著傳諭松筠。將伊犁阿奇木伯克一缺。另擬正陪。奏請補放。如密哩克。咱特。果素為回子等愛戴。又於屯田事宜。均能熟習。松筠等將其擬正。奏請補放。候朕施恩。尚無不可。○是日。駐蹕興隆屯御營。○甲申。遣官祭關帝廟。○賜扈從王公大臣及蒙古王貝勒貝子公額駙台吉等食。並賞賚有差。○是日。駐蹕金剛屯御營。○乙酉。旌卹遇賊捐軀湖北保康縣知縣陳世章妻朱氏。敕諭黃義峯妻王氏。訓導吳珍媳吳氏。把總彭上榮妻唐氏。及民婦張陳氏等二十五口如例。○旌表守正捐軀山海陽縣民王希柏妻臧氏。○是日。駐蹕廣寧城南御營。翼日如之。○丙戌。上詣北鎮廟行禮。○旌表守正捐軀陝西長安縣

民劉秉純媳劉氏○丁亥祭

先師孔子命

皇次子_{慶寧}行禮○諭內閣那彥成奏審明洋盜通盜濟匪各犯分別辦理彙摺奏聞一摺據稱目下獲犯較多若循舊逐案具奏囹圄既多擁擠而逐件具奏亦未免事涉煩冗擬將審結之案或十案或十餘案彙摺奏聞一次等語所奏殊不成話該省拏獲洋盜及各項匪徒均係問擬重辟居多該督於審明後自應逐案奏聞候旨交部覈辦此係舊章豈有彙摺具奏之理朕日理萬幾從不稍憚煩勞至於刑名案件人命至重凡外省奏到審案及部臣覈議奏疏無不將情節供勘詳細披閱始行定案那彥成到粵以後朕何嘗以該省案件較繁諭令稍從簡便乃輒稱逐件具奏事涉繁冗耶此次一摺之中敘述至十數案僅列人名不敘情節即交部從何覈議跡似攬權所辦大謬且此內尚有該督審明

後業經恭請王命正法之犯輅轍不清若云

目下獲犯較多則從前該省獲犯亦復不少該督但能迅速審辦由驛馳奏候結又何患囹圄壅積乎督撫為封疆大吏無此辦事之法看來那彥成竟不免心存憚煩任意更改舊章著傳旨申飭仍交部議處所有本日彙奏各案一摺著由四百里發還交那彥成覈明各歸各案分晰定擬由四百里馳奏毋得再有草率○調錦州副都統來儀為鑲黃旗蒙古副都統熊岳副都統毓秀為錦州副都統鑲黃旗蒙古副都統富僧德為熊岳副都統○是日駐蹕常家屯御營○戊子祭

大社

大稷造成親王永理恭代行禮○是日駐蹕蔣家店御營○己丑

太宗文皇帝忌辰遣官祭

昭陵○諭內閣本日兵部議敘總兵羅江太等拏獲盜船一寨已降旨照軍功給與加級紀

錄矣。外省海疆地方官員出洋巡哨擒捕盜匪與帶兵打仗無異。其被戕者既照陣亡例賜卹。遇有奮勉出力之員自應一體優加甄敘。嗣後閩粵等省官員有在外海捕盜著有勞績特旨交部議敘者該部覈議時均著給與軍功加級紀錄以示獎勵。○諭軍機大臣等御史趙慎畛奏酌籌採買事宜一摺。前據阿林保奏請於湖南秋收後採買米五萬石撥交糧船搭運一事業經交部覈議尚未覆奏。今該御史稱該撫所請採買之數覈計俵甲米檔僅足數五六日支放之用。即每歲照該撫所奏辦理於倉儲仍屬無濟。而旗丁等搭運灑帶轉未能攜帶貨物藉沾餘潤。且年歲豐稔不齊糧價貴賤無定。若不通盤覈計遽行採買搭運恐致有妨民食。著將該御史所奏之摺發交戶部堂官悉心妥議。看來阿林保奏請採買之處格礙難行。即行議駁可也。○以翰林院侍講學士桂芳為詹事府詹

事。○是日駐蹕黃旗堡御營。○庚寅朝鮮國王李璿遣陪臣於道旁跪迎表貢方物。○是日駐蹕老邊御營。○辛卯太祖高皇帝忌辰遣官祭福陵。○是日駐蹕大臺御營。○壬辰遣官祭黑龍潭。○昭靈沛澤龍王之神玉泉山惠濟慈佑靈瀨龍王之神。○諭內閣據秀林面奏近年來閩廣等省案犯發往吉林安插者有三百餘名。聞黑龍江較此更多。此等人犯均係獷悍無賴之徒。到配後無人管束。又無口食三五成羣易於滋事。為匪等語。發遣安插各犯自因其原犯罪案比之為奴各犯較輕。是以量為末減。但為奴之犯各有本主約束給予口食轉可相安。至安插各處之犯若因其無人管束概令為奴則竟與緣坐家屬等項免死減等重犯一律辦理未免太無區別。若任其散處則此等匪徒既無隨時禁

轄之人。又復窮苦乏食。必致聚而為匪。滋生事端。且每年發遣人犯。愈積愈多。亦屬不成事體。著刑部堂官詳查舊時例案。悉心籌酌。將此項人犯。如何位置。如何管束。俾餬口有資。共知畏法。可期行之永久。妥議章程具奏。尋議查外遣人犯。惟新疆各處幅員廣闊。在在需人。是以於嘉慶四年。將積匪猾賊等六條。改發伊犁酌撥當差。今吉林黑龍江等處。既以前項會匪難以安插。莫若將積匪猾賊等六條。仍照舊例。改發內地。將會匪一項。全行發往新疆。交伊犁將軍等酌撥當差。種地口食有資。自不致聚而為匪。至吉林黑龍江上年截數。及以後續添各犯。酌計四百餘名。若輾轉解送。未免紛擾。自應仍留各該處。令吉林將軍會同黑龍江將軍通融籌畫。或有曠土可耕。借給籽種。俾令自食其力。或撥各衙門充當水火夫役。酌給口食。從之。○以故奉恩將軍福祥阿子咸宜襲職。○以乾清門

頭等侍衛孟佳為鑲白旗蒙古副都統。○是日駐蹕噶布該御營。○癸巳。予四川傷亡參將李朝顯陝西陣亡千總馬大剛祭葬世職如例。○免蹕路經過承德廣寧錦寧遠四州縣本年額賦。○除陝西長安縣水衝馬廠地一項七十八畝有奇額賦。○是日駐蹕蓮花套御營。○甲午。上御行幄。閱盛京官員等射。○遣官祭昭忠祠。○予甘肅靈州被水災民。及古浪縣開河民夫口糧有差。緩徵寧朔寧夏平羅靈四州縣被水莊堡新舊銀糧草束。○是日駐蹕尚家河西御營。○乙未。上恭謁永陵。未至碑亭。即降輿。慟哭步入啟運門。詣寶城前行禮。躬奠哀慟。王以下文武大臣官員均隨行禮。○諭內閣。本月十六日朕恭詣永陵行大饗禮。今日據行在禮部具奏大饗禮

成後復有辭

陵儀注朕憶從前隨侍

皇考展謁

祖陵時未經舉行是禮因命御前大臣軍機大

臣等詳查乾隆年間檔冊檢閱禮部則例均

未載有辭

陵典禮並令將此次禮部所進儀注查照何年

辦理之處傳詢禮部堂官據稱上年恭謁

裕陵於大祀禮成後祇行辭

陵典禮是以此次敬謹查照曾於本年二月間

具奏謁

陵事宜摺內敘入等語謁

陵大典一切禮儀均應恪遵舊章詳明考覈朕

亦不敢有所增減上年恭謁

裕陵時係因重修

隆恩殿工告成涓吉升香曾於大祀禮成後祇

行辭

陵典禮本非常例至此次恭謁盛京

祖陵則自有典例可循何得率行援引任意增

添且本年二月間該部所奏事宜條款內但

稱大饗禮畢皇上更素服詣

寶頂前奠酒行禮所奏原不明晰今率將辭

陵儀注繕錄進呈均屬錯誤本應交部嚴議姑

念其先經具奏著將原奏之禮部堂官查明

交部議處文寧調任未久此次隨扈行在未

經詳細查明亦屬不合著交部察議○是日

駐蹕夏園御營翼日如之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百四十八

尹事以內閣學士廣敏為盛京兵部侍郎大

一〇三五

理寺少卿五誠額為奉天府府尹○丁酉駐蹕尚家河西御營○戊戌駐蹕蓮花套御營○己亥諭內閣朕詣盛京親至克勤郡王及揚古利費英東額亦都等墳院賜奠禮部擬進儀注並有前引大臣恭導所奏殊屬非是朕追念勲臣親臨酌酒禮以義起一切服色儀節自可隨時準酌而行亦何須前引大臣恭導即如在京屢有賜奠王大臣之事禮部從未呈遞儀注今於賜奠功臣詳敘禮儀先期呈進幾與祭祀大典同例豈協以尊臨卑之義乎著傳諭禮部嗣後凡遇賜奠之事俱毋庸奏進儀注○又諭奉天省所屬州縣從前祇用旗員原以各該地方旗人生計及一切交涉事件惟旗員乃能熟悉嗣因齊民編戶漸多遂叅用漢員今承平日久閭閻生齒日增地方事務較形繁劇州縣為親民之官旗員等多有從部院筆帖式等官銓補者初膺外任於吏治未經練習轉不足以資治理

著該部即將奉天省所屬州縣各缺詳細查覈。此內附近蒙古邊界必須補用旗員者計若干缺。其可以專用漢員者計若干缺。並此後著將各缺專用曾膺民社之員。應如何酌量銓補之處。悉心妥議章程具奏。尋議奉天所屬州縣內義州廣寧開原鐵嶺四州縣係附近蒙古邊界地方自應專用滿洲人員。其遼陽寧遠復州海城蓋平寧海六州縣應請專用漢員。至義州一缺原係調缺既經改為專用滿洲人員。應請改為在外題補之缺。遇有缺出由滿洲知縣內題升如不得人仍奏請由部揀補。其承德縣知縣係六品京縣錦縣知縣係附府首邑嗣後二縣缺出滿洲漢員應請俱准升調再奉天所屬州縣等缺儘乏人揀調奏請揀選者應請先儘曾任州縣之員與挑如滿洲人員一時無曾任州縣之人即將曾經外任丁憂回旗之同知通判人員借挑補授從之。○是日駐蹕噶布該西御

營○庚子

上恭謁

福陵未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○臨宏毅公額亦都墓賜奠○諭內閣據果勒明阿奏審明偷盜庫貯官布戴萬靈一犯擬絞監候請旨即行正法一摺所辦過重向來新疆人犯遇有姦淫不法逞兇斃命及在邊界滋事罪應問擬斬絞者往往即予正法原為整飭新疆地方起見此案戴萬靈盜賣官布所犯偷竊罪名自應計贓科斷即欲依本律加重問擬亦何至由杖流加至絞決事關人命出入豈可意為輕重果勒明阿著傳旨申飭所有戴萬靈一犯著發往雲貴邊遠充軍其失察各員著該部查議具奏○又諭據富俊等奏承辦御道迂繞之知縣伊誠請旨交部議處一摺朕於翼日恭

謁

昭陵後。賜奠揚古利。費英東墓。駐蹕瓦子峪大營。所有經由御路。自應取直行走。今迂繞四里有餘。在承辦道路之員。必以為迂遠程途。可多為報銷地步。殊不知繞道開修新路。將旗民田畝。平治除墊者。不知凡幾。朕屢經詢及蹕路經行。因何不由舊道。必欲另開新路。該將軍等輒稱係為取直取近。今則迂繞數里。尚得謂之取直取近乎。總由盛京滿漢各員。彼此不和。互相推諉。諸務廢弛。以致種種錯謬。承德縣知縣伊誠。著交部嚴加議處。所有此段道路。不准開銷。除榮麟。五誠。額爾經。到任。加恩免議外。富俊。宜興。未能先時查察。咎無可辭。又不自請處分。殊屬非是。所有伊二人。此次應得賞項銀兩。著扣除無庸賞給。免其交議。○緩徵山東博興高苑。齊東。淄川。雷化。濱。蒲。臺。臨淄。八州縣。旱災。新舊額賦。有差。及鄒平。章邱。新城。長山。歷城。惠民。青城。利。

津海豐陽信樂安壽光十二縣本年額賦○是日駐蹕馬關橋御營○辛丑

上恭詣

福陵行大饗禮禮成即恭謁

昭陵未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○臨武勲王楊古利直義公費英

東墓賜奠○諭內閣昨因富俊等叅奏承德

縣知縣伊誠承辦御道迂繞四里有餘業經

降旨將該縣交部嚴加議處並將富俊宜興

此次應得賞項銀兩扣除矣本日召見富俊

詳加詢問據稱前經奉旨改於二十一日賜

奠揚古利墓後即賜奠費英東墓伊於十二

日在噶布該地方即經知會府尹並札知承

德縣將經行一帶御道趕緊取直修治該縣

並不遵照妥辦仍於原路迂繞取道草率了

事經花尚阿前往查看並未飭令改修置之

不問。迨宜興到彼。閱視始斥其非。一面告知富俊。該將軍乃趕派官兵前往連夜改修等語。適蹕路經過。尚屬平坦。是此段道路全係地方官因循遲誤之故。富俊宜興猶能督率改修。而該府尹等則竟束手旁觀。至花尚阿早經派往盛京。會同彈兌部撥銀兩。並未扈從行走。乃近在城隅一帶御道。並不留心查辦。任聽屬員搪塞。殊屬玩忽。昨日富俊等奏時。花尚阿良貴係原辦大員。又並不自行具摺請罪。尤屬非是。且據富俊奏稱。前此老邊巨流河一帶。夏秋間因雨水過多。道途均有積潦。彼時花尚阿猶擬奏請停止車駕。或改期謁

陵。經富俊力言不可。始飭令所屬亟將積水疏通。除治道路等語。府尹管轄地方。似此庸懦無能。玩視公務。實屬有乖職守。花尚阿前已降補內閣學士。良貴前已降補大理寺少卿。今伊二人種種錯謬。豈尚能勝卿貳大員之

任。花尚阿人本平常。著降為四品宗室頂戴。交宗人府以郎中補用。良貴人本老實。亦著戴用四品宗室頂戴。交宗人府以員外郎補用。至富俊此次督辦道路。尚屬認真。惟不能先事和衷商榷。究未免稍存推諉。所有此次應得賞項。仍著加恩減半賞給。富俊銀一千五百兩。宜興仍賞銀四百兩。以昭平允。○賞武勲王揚古利。後裔福克津。為藍翎侍衛。宏毅公額亦都。後裔冠軍使和世泰。為頭等侍衛。直義公費英。東後裔四等侍衛安寧。為二等侍衛。○是日駐蹕瓦子峪御營。○壬寅上恭詣

昭陵。行大饗禮。王以下文武大臣官員均隨行

禮。○至盛京。詣

太廟尊藏

冊寶前行禮。○遣官祭

福陵之

壽康太妃

昭陵之

懿靖大貴妃

康惠淑妃並公主園寢其親王貝勒及大臣等墓以次遣官往奠○遣官祭

長白山

遼陽太子河

巨流河

渾河

松花江諸神○遣官祭

北海神廟頌

御書扁額曰福應朝宗○遣官祭

遼太祖陵○諭內閣我朝肇基東土

景命誕膺興京盛京實為發祥之地

橋山鼎建萬古維昭一切勅建規模悉本

列聖經營締造

謨烈存焉朕於乾隆癸卯秋曾隨侍

皇考高宗純皇帝虔詣

三陵荷蒙

眷顧深恩欲畀以付託之重將朕名默告

祖

宗籲祈

鑒佑今寅承

大統十載以來勤求宵旰不敢怠荒幸海宇乂

安庶政就理此皆仰賴

列聖在天之靈垂慈啓牖茲屆升鄰對越大禮

告成景企

前型彌殷依戀緬維我

祖

宗昔日開創艱難櫛風沐雨凡我後世子孫惟

當敬念

詒謀祇申優懷今歲因諸皇子年齒尚輕未及

扈侍嗣後再舉謁

陵典禮著派皇子等隨從展謁俾瞻仰

珠邱咸知追遠報本至意至

陵寢宮殿戶牖及繚垣楹樞閱年稍久每有風

雨侵損處所蓋因從前典守之員未能以時

修葺。此次朕躬詣陪都。特發帑金。派員督率修理。各項工程。均經完繕。允宜敬謹護守。歷久常新。著盛京將軍會同盛京工部侍郎。隨時省視。遇有應辦工程。即奏明動項興修。勿致再有敝損。嗣後每閱二年。著軍機大臣提奏。請旨簡派宗室王。貝勒。貝子。公。暨大學士。六部尚書等數人。前赴盛京查看一次。如陵寢宮殿各處工程。有敝損不行修理者。即行參奏。惟該將軍侍郎是問。且宗室王。貝勒。貝子。公等。均係天潢一派。伊等祖墓。俱近在興京盛京一帶。若非扈從前來。安能歲時祭掃。此後奉使查工。既得叩謁山陵。又得各申私慕。展酌松楸。亦準情定制之一端也。著將此旨存記。並通諭知之。○又諭朕恭謁三陵禮成。本日駐蹕盛京。以次舉行一切典禮。渥敷愷澤。吉事有祥。因念額勒登保。久歷戎行。克敵致果。前因平定苗匪。仰蒙

皇考高宗純皇帝錫以通侯之爵。旋因勦辦教匪。遲延除爵。仍令帶兵打仗。屢立戰功。嗣經朕畀以經畧重任。伊倍知感奮。數年之間。掃盪兇渠。俾川楚陝三省地方。咸臻寧輯。厥功甚偉。且能力矢公正。操守潔清。衆口交稱。實堪嘉尚。前於大功告歲時。業經晉封至一等侯。授為御前大臣。此次因積勞抱病。不克扈從前來。朕升香列聖。賜卹元勲。並將其後裔量加恩擢。以獎前勞。言念蓋臣。宜膺殊錫。額勒登保著加恩晉封為三等公。以示朕錫類酬庸有加。無已至意。○以當差奮勉。賞驍騎校福長安二等侍衛。並其子錫麟三等侍衛。即命隨營回京。○以修葺興京盛京各工完善。賞三品頂帶內務府大臣巴寧阿。二品頂帶。○賞扈從蒙古王。貝勒。貝子。公等銀有差。○是日駐蹕盛京舊宮。至丁未。皆如之。○癸卯。世宗憲皇帝忌辰。命

皇次子 祭

泰陵。○諭軍機大臣等。徐端奏。山盱義字壩堵
閉斷流。湖河水勢平穩。及回空漕船入境一
摺。山盱義字壩。剋期趨築。現已堵閉斷流。洪
湖清水。已長高一寸。義壩堵合之後。清水去
路較少。自當日見加增。刻下節候已近霜降。
黃河水力。亦係日減之勢。若清水擡蓄漸高。
併力外注。勢足敵黃。藉以衝刷淤沙。實為疏
治清口最好關鍵。其現在回空漕船。首幫已
入江境。清口一帶河洪。最關緊要。徐端即親
駐河干。隨時相度機宜。總須使清水暢出。足
資浮送回空船隻。銜尾南行。不致再有阻滯。
耽延時日。方為妥善。其祥符五瑞兩閘。設非
萬不得已。斷不可輕易開啟。徒為一時權宜
之計。轉於全河大局有礙。該河督惟當專意
疏濬清口。治河即以通漕。其事本一貫也。將
此諭令知之。○以內閣學士策丹兼鑲黃旗
蒙古副都統。○甲辰。

上詣

清寧宮祭

神。賜扈從王公大臣。及蒙古王貝勒貝子公額
駙等食胙。○詣

天壇

地壇

堂子行禮。○詣

文廟瞻禮。○臨克勤郡王岳託墓賜奠。○諭

軍機大臣等。方維甸奏。陝省西安等屬地方
普得透雨。情形一摺。覽奏欣慰。陝省地方。夏
間雨澤較稀。秋成歉薄。朕心刻深繫念。茲雖
普得透雨。而被澤稍遲。地方業已成災。現據
該撫酌籌查災事宜。惟在覈實妥速經理。固
不可草率從事。亦不可過於迂緩。試思小民
被災之後。嗷嗷待哺。望澤孔殷。即如嘉慶六
年畿輔水災。經朕即時派員查勘。分投發帑
賑卹。凡有應行接濟之處。無不立沛恩施。是
以閭閻早得安集。若必俟詳勘覆查。始行彙

辦文牒往來。有需時日。災黎何以堪此。至所奏各事宜。俱屬可行。惟此內飭令委員逐戶查明。在各家牆上灰書姓名口數。及極次貧字樣。此則可以不。災戶名口數目。每處自有保甲鄉約。祇在委員等親到訪查登記。自可不至遺漏。若以牆上灰書為憑。恐仍不免假手吏胥。必致有意為增減。甚至奸民等或捏造姓名冒領。轉滋弊竇。科條愈多。徒滋作弊。惟在實力奉行耳。將此諭令知之。○添設吉林阿勒楚喀前鋒十六名。從將軍秀林等請也。○賞鎮國將軍綿懿貝子銜。○緩徵陝西膚施宜川延川延長安定吳堡隴汧陽八州縣旱災新舊額賦。給一月口糧。並緩徵長安等四十三廳州縣膚施等八州縣軍屯糧石。○乙巳。

上御崇政殿。扈從王公大臣官員蒙古王貝勒貝子公額駙台吉及盛京文武官員朝鮮國使臣等行慶賀禮。禮成。頒詔天下。詔曰。禮隆

報本馨香遠溯夫
珠邱典重陳禋
佑啟洪延夫寶系我朝誕膺
景命式廓鴻圖
昌祚龍興恢基東土緬維瀋陽遼海
天作隩區
神模肇域
重光繼序篤慕升歌
列聖相承詳臚祀典
皇考高宗純皇帝御極以來四詣陪京疊申殷薦
孝熙昭格光被寰瀛燕翼詒謀萬年篤祐朕纘
承基緒撫馭絃埏念
締造之艱難凜
祖
考之彝訓紹庭上下罔敢即安夙夜兢兢逮今
十稔幸荷
昊蒼甄貺

世德延禧。海寓乂安。民物豐豫。宜修祀事。以告虔。用迪。

前光而舉典。於嘉慶十年秋。祇謁。

永陵。

福陵。

昭陵。恪申追享。仰契貞符。爰蒞留都。率由。

成憲。昭。

上儀之景鑠。綏。

渥澤以靈長。特沛德音。宏敷愷惠。所有合行事。

宜。條列於左。一。隨從王等。紀錄三次。大臣官。

員。及奉天文武大臣官員。俱加一級。一。隨從。

兵丁。及內務府執事人等。俱賞一月錢糧。即。

在盛京給發。一。奉天。山海關文武大臣官員。

兵丁。

三陵守。

陵官兵。俱著加恩賞賚。交總理行營王大臣查。

照。乾隆八年原議具奏請旨。一。奉天居住之。

宗室覺羅。及國戚子孫。俱著加恩賞賚。交總。

理行營王大臣查照。乾隆八年原議具奏請旨。一。奉天府屬應徵嘉慶十一年分地丁銀兩。著寬免。一。奉天旗民男婦。年七十以上者。給與布一匹。米五斗。八十以上者。給絹一匹。

米一石。九十以上者。倍之。一。凡試職官員。俱。

准實授。一。奉天。吉林。黑龍江等處。除十惡死。

罪不赦外。凡已結正。未結正。死罪。俱著減等。

其軍流。徒杖等罪。俱著寬釋。一。奉天內務府。

莊頭。所有積欠。在嘉慶九年以前者。俱著寬。

免。於戲。丕顯哉謨。丕承哉烈。俾綿昌運。於億。

年。通求厥寧。通觀厥成。允合歡心。於萬國。布。

告天下。咸使聞知。○遣官祭賢良祠。○諭內。

閣。盛京五部所屬郎中。員外郎。主事各員。每。

部原祇設有保題一缺。餘皆選缺。多係自京。

銓補。且係六部各衙門通選。並非以在京何。

部人員專選。盛京何部。到官後。於一切公事。

全未熟習。人地生疏。安能資其辦理。於部務。

殊有關繫。而盛京五部所屬之筆帖式等人。

數較多。升擢維艱。亦不免於壅滯。著軍機大臣會同吏部。將盛京五部司員各缺。詳細查覈。按照部分繁簡。酌分自京銓補者為若干。缺由本衙門題升者為若干。缺俾五部辦事得有熟手。而陪都僚屬亦可漸就疏通。其悉心妥議具奏。尋議舊制盛京各部郎中員外郎主事由京員補用者三十八缺。本處人員補用者二十一缺。每部各定主事一缺。為本處人員題缺。餘俱歸部銓選。茲酌定題缺由筆帖式升至郎中。無庸出部。於部務自可久資熟手。除京員例應三年調京。無庸調劑外。其本處郎中員外郎五部缺分不均。須將京缺內互相更調。使每部各有本處郎中員外郎主事三項。方可挨次題升。今盛京戶部無本處員外郎。請撥禮部本處員外郎一缺。與戶部京缺互調。刑部無本處郎中員外郎。請撥禮部本處郎中員外郎各一缺。與刑部京缺互調。工部亦無本處郎中員外郎。請撥兵

部本處郎中員外郎各一缺。與工部京缺互調。其刑部事務較繁。今所撥本處郎中員外郎應酌定保題各一缺。戶部事務亦繁。酌定郎中員外郎各一缺。均為本處人員題缺。禮部兵工三部事務稍簡。已有題缺主事各一缺。應於本處員外內各定一缺保題。餘歸吏部論俸升轉。如遇員外郎主事各止一缺。部分遇有題缺不敷正陪。應令其將本部人員擬正。由該將軍會同五部侍郎揀選各部人員擬陪。如此撥補。則每部均有本處人員。足資治理。而各部筆帖式亦有題升之路。自可無虞壅滯。從之。○命成親王永理帶領侍衛十員。往奠故御前大臣都統公額勒登保茶酒。賞銀五千兩治喪。予祭葬。謚忠毅。並官為建祠。以其子莫爾賚額襲一等侯爵。○以成都將軍德楞泰為正白旗領侍衛內大臣。兼正藍旗漢軍都統。湖北提督慶成為成都將軍。調浙江提督孫廷璧為湖北提督。○丙午。

上御大政殿。賜扈從王公大臣官員蒙古王。貝勒。貝子。公。額駙。台吉。及盛京文武官員。朝鮮國使臣等宴。賞賚有差。○
御製盛京頌并序曰。我大清發祥長白。開萬禩之丕基。

太祖定都瀋陽。肇億齡之景運。

太宗繼統。式廓

鴻猷。

世祖入關。燕京定鼎。遂以盛京為留都。五部八

旗。敬循成憲。

聖祖三謁

珠邱。

世宗曾奉

命往謁。

皇考四詣陪京。聿昭

誠悃。癸卯秋巡。

攜予小子。及成親王。慶郡王。周歷川原。展謁

陵寢。

登實勝寺西閣。敬觀

弓鉞。

垂訓諄諄。

泣清寧宮。徧撫舊蹟。艱難

祖業。永守毋忘。

垂涕泣而宣諭。並示以祀

神幃幔。不可更易。子臣敬領

訓言。心欽誠服。歲乙卯季秋三日。

宣諭立儲。敬悉。癸卯秋巡

默告

三陵。迴思屢奉

恩諭。益增悲戀之忱。彌切捧盈之懼。自

授璽親政以來。已閱十載。尚未躬謁

祖陵。虔中孺慕。今歲涓吉孟秋。出關遵路。敬謁

永陵。次謁

福陵

昭陵。至陪都。典禮既成。臣民胥樂。茲將旋蹕。作

頌八章。章八句。用誌盛儀。誕敷

先澤期予子孫永綏皇作惠我無疆曷其有極

頌曰

天佑皇清萬年景運

天命

天聰龍興迅奮一怒入關

宣昭義問艱哉守成欽承

考訓章一於鑠留都藩陽作邑久道化成旗民和

輯我

考四臨湛恩徧及受璽承基星霜歷十章二歲建

乙丑月惟仲秋上

陵典舉舊章率由興京駐轡展禮

珠邱水源木本世德作求章三三關言旋

二陵在望蔥鬱松楸連延峯嶂祀事敬修於昭

鴻臚遂涖法宮聿陳仙仗章四門煥大清殿瞻崇

政層樓迴標十亭相映正寢清寧基福錫慶

土壁葛燈起慕起敬章五祀

壇告

廟御殿詔宣蠲租免賦溥澤肆筵

冠服

孤矢奕葉敬傳引之勿替子孫慎旃章六世德舞

陳洋洋濟濟巡典慶成布德修禮旋蹕京都

縈心舊邸臯應晨開康莊晚啟章七

考賦盛京

天文研鍊閭澤渥施延洪

錫羨眇躬繼繩寸忱感戀

祖業常懷永承

吳眷章八諭內閣朕恭謁

祖陵駐蹕陪都八旗官兵等承辦道路及一切

差使均能奮勉無誤前據富俊奏稱此次派

出官兵整備馬匹路費等項每員借給一年

俸銀每兵借給半年餉銀分作四季坐扣於

二年內歸款但念該官兵生計多艱藉俸餉

以資養贍若按限扣交未免倍形拮据茲據

富俊奏稱該將軍衙門經理歲入羨餘銀兩

歷有贏餘向係酌留辦公之項等語所有奉

天官兵此次借支俸餉銀八萬六千三百五

十九兩。著先於淺餘銀項下。分作二年。照數撥還戶部歸款。此內四萬六千三百餘兩。著加恩免令官兵扣繳。其餘四萬兩。著分作十年。於俸餉內扣還。俾得從容歸款。以紓官兵之力。至富俊所奏邊外安設卡座官兵鹽菜木蘭習圍官兵路費。副都統巡查各卡所帶官兵雇覓馱馬等項。及雜項費用等款。每年約共需銀六千九百兩。向係於官兵俸餉內坐扣支用。茲著一體加恩。准其按年於淺餘項下動用開銷。該將軍等有此經費。辦公極為寬裕。惟當督率所屬認真經理。撙節支用。期歸覈實。勿任浮濫。尤不可以支款不敷。再扣官兵俸餉。致滋苦累也。○又諭盛京為風化所基。文治漸摩。彬彬絃誦。朕鑾輅來臨。士子等恭迎獻冊。亦應一體加恩。以彰作人之盛。著將盛京滿合二號。及奉天所屬各學。於科考廣額一次。其向例取進六名以上者。增額三名。四五名者。增額二名。二三名者。增額

一名。該府丞其勤加訓迪。遴拔真才。用副朕嘉惠士林至意。○又諭朕巡幸盛京。滿漢文武官員。俱各効力當差。著加恩將盛京所屬各城旗員。地方官員。查明有承追錢糧未完承緝不力。及因公錯誤失察。所得罰俸。住俸停升。降級留住。各處分。悉予開復。○又諭向來巡幸地方。一應辦理道路橋梁。俱令報部覈銷。惟盛京一帶。祇計橋梁。不計道路。此次朕恭謁

祖陵。所有自山海關至興京道路。前經工部具奏。業經降旨准其報銷。因思良貴前曾奏稱。於淺餘銀兩項下。借動銀三萬兩。交各該州縣承辦道路橋梁。俟差竣報銷後。責令該州縣等。分作五年繳還歸款等語。地方州縣辦理差務。一切畚鍤掃除之役。不能不有資民力。今此等銀兩。業經該州縣借支動用。若再責令按限清完。伊等廉俸無多。安得餘資歸款。必致又向民間攤捐灑派。不免重累閭閻。

且恐假手吏胥滋生弊竇。小民何以堪此。所有此次各州縣領借。餘銀三萬兩。並著加恩免其繳還。以示朕軫念民瘼。曲加體恤至意。○又諭盛京清寧宮東暖閣壁間舊有安設糠燈。乃國初留遺之物。從前朕隨侍

皇考高宗純皇帝臨幸陪都。曾蒙

溯述

家風。

指以示朕。

勅令世世子孫毋忘

儉德。今此次駐蹕。見壁間並未安設。因於召見富俊時。面向詢問。據稱現在謹貯庫內。因係勳舊。故未陳設等語。殊不曉事。

先朝遺物。原欲使後世企仰淳樸之風。即勳舊何礙觀瞻。乃富俊於宮中所設糠燈。竟視同尋常器物。並不以時陳設。此即不知大體之一端。至盛京飛龍閣庫內恭貯

皇考所御甲冑。橐鞬等件。上繫皮籤。均係乾隆

年間標識。富俊職司典守。早應奏請換易皮籤。敬書

廟謚尊號。乃至今尚仍其舊。亦太疏忽。昨日又據儀親王奏。呈遞匿名揭帖。控稱內務府佐領延福等。派令壯丁攢湊出銀。辦理差務。當交軍機大臣傳詢該佐領等。據稱此次盛京宮內陳設鋪墊。及辦事公所一切器具。多有損壞。均須收拾黏補。向無支銷。是以回明將軍。酌定壯丁每名出銀八錢。共湊交銀一萬二千餘兩屬實。並經延福等呈出饋送內務府大臣官員及各等處太監。豬羊酒米等件清單。據稱亦於此項開銷等語。朕鑒輅經臨之所。每戒飭地方官毋許絲毫擾累。即扈從人等。早經嚴諭禁絕饋遺。上年富俊到京時。曾屢加面詢。據稱此次辦差。一無派累。今即因盛京宮內陳設鋪墊。及公所器具什物。有須修補之處。計需費亦屬無多。朕此次派令巴寧阿前來辦理一切工程。支用銀十三萬

餘兩。此等修理工程。亦係公需。富俊既早經查明。即應併計銀數。奏明動款支用。乃率聽該佐領等科派壯丁。致有匿名呈控之事。而於該佐領等致送內務府大臣官員食物之處。又不能管束禁止。任聽花銷。皆係富俊辦理不善之咎。除將與受各員。另行降旨議處。太監等治罪外。富俊著將恩詔內加一級扣除。仍交該部議處。所有本日降旨將盛京文武官員因公處分開復之處。並著該部查明。

富俊任內降罰處分。均不准其開復。○又諭軍機大臣會同行在刑部奏審明回民洪明宜。控訴伊表弟湛大。被修道官役毆打落河身死一案。將三兒等分別定擬一摺。所議尚輕。朕舉行謁。

陵大典。臨幸陪都。省方行慶。渥澤頻頒。正欲使窮簷黎庶。普被恩施。乃因修道派夫之事。釀斃人命。殊為不愜。總緣承辦官員經理不善所致。此次邱家屯一帶道路。地方官既不能

妥為修治。始派旗員督催。乃富俊等又不慎選妥員。率派令糊塗任性之防禦英福等前往幫辦。迨至民夫劉興等。以該屯旗夫全被披甲扎隆阿雇去。向其爭吵。經英福傳到劉興。面行斥禁。縱劉興出言頂撞。亦祇當加以懲責。又何必追究餘人。且據劉興供出湛大。安知非信口仇扳。英福率行派人往拏。已屬非是。乃既令披甲德明等押同劉興。找尋湛大。又輒帶同德特赫之雇工人三兒。乘騎追趕。諭令毆打。尤為張揚滋事。迨三兒將湛大趕至河坡。亂毆落水。湛大爬起。三兒復用馬鞭當頭毆打。致令淹斃。情節實為兇橫。何得尚以犯事在恩詔以前。量予末減。三兒依議應絞。著交盛京刑部監候。秋後處決。入於明年秋審情實。英福於三兒致斃湛大時。雖相隔尚遠。但究係主令趕毆。罪與原謀無異。英福著改發伊犁當差。已革知縣伊誠。雖訊無聽囑。故縱情弊。而於人命重案。並不即時通

詳緝拏。幾令正兇漏網。著發往烏魯木齊當差。均不准其援免。驍騎校德特赫。雖未在工作。但三兇係伊僕役。亦有應得之咎。著降為領催。無庸再交部議。至此案湛大最屬無辜。乃被毆淹斃。屍骸亦遭殘毀。殊為可憫。回民洪明宜控訴得實。並非由屍親囑託。雖冒昧叩聞。罪有應得。而其心究尚可嘉。著加恩免罪。並無庸收贖。仍罰令富俊宜興二人。共出銀二十五兩。以二十兩賞給屍妻姜氏。以五兩賞給洪明宜。餘依議。○賜朝鮮國王李珣御書扁額。曰禮教綏藩。並賞賚國王及陪臣如例。○免盛京興京遼陽牛莊蓋州熊岳復州金州岫巖鳳凰城開原錦州寧遠廣寧義州十五處旗地。應納本年米豆草束十分之五。並九年以前積欠。○免盛京戶部各莊頭應交倉糧。○給盛京承德遼陽廣寧海城鐵嶺五州縣被水及正紅旗界內三家寨等五處村莊被雹災民一月口糧。○戊申。

上自盛京迴鑾。○以成都協領蘇勒芳阿為西安右翼副都統。○是日駐蹕老邊御營。○己酉。定盛京挖淺刨夫。每票一人。准帶炊爨人四名。從將軍富俊請也。○是日駐蹕黃旗堡御營。○是月。河東河道總督李亨特奏。諸蓄微山蜀山等湖。以裕來年新運。得旨。東省湖水宜蓄。固不待言。然疏治七十二泉之水。亦可濟運。不可不講求也。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百四十九

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百五十

監修總纂官臣劉世明等奉 上諭纂修實錄事

監修總纂官臣劉世明等奉 上諭纂修實錄事

監修總纂官臣劉世明等奉 上諭纂修實錄事

監修總纂官臣劉世明等奉 上諭纂修實錄事

監修總纂官臣劉世明等奉 上諭纂修實錄事

校修

嘉慶十年乙丑九月庚戌朔遣官祭

平定太乙

歷代帝王廟○復秋審失入失出處分例諭
內閣朕閱各直省本年秋審人犯冊內由刑
部改實為緩者三起而改緩為實者共有八
十三起之多數省如出一律其故殊不可解
外省辦案狃於救生不救死之說最為陋習
今部改各案經朕一一詳閱情節多係按律
改正均屬平允並非刑部堂官有意吹求朕
矜恤庶獄罪疑惟輕從未諭令該部將秋審
案件嚴行勘覈夫律文自有正條該督撫臬

司等辦理各案並不援照科斷轉引他條遷
就定擬謂非有心輕減而何護庇兇犯不顧
死者含冤妄謂積陰功不知獲罪愈重矣朕
所以禁止從重定罪者原指本律外再行加
等問擬者而言若舍本律而別引他條則舛
謬滋多豈協中之義乎况案情內或有一線
可原之處朕於勾到時自有權衡該督撫等
總當按律定擬不得率行未減人命至重豈
容稍有偏畸向例秋審失入一案及失出五
案者督撫臬司均有處分嗣經降旨寬貸各
省大吏自因吏議既寬更無瞻顧考成之慮
遂爾遇事從輕欲博寬厚之名而不思辟以
止辟之道於明刑弼教大有關繫嗣後著該
部將辦理秋審失入一案及失出五案者仍
前定立處分俾職司刑讞者各知儆惕遇事
庶加詳慎本年係發令之初所有此次定擬
實緩錯誤失入一案及失出五案之各該省
督撫臬司姑從寬免其交議仍於辦理秋審

平定太乙

完竣後各傳旨嚴行申飭此後如有定擬錯誤者均照定例議處但各直省督撫等不可因有此旨輒又有意過嚴致失持平之意若妄事周內則獲咎更重總當詳覈案情確引律條虛衷定讞務期無枉無縱以副朕執法用中諄諄訓誡至意○是日駐蹕蔣家店御營○辛亥駐蹕常家屯御營○壬子

上御行殿勾到新疆雲南廣東廣西上年情實罪犯停決新疆絞犯一人雲南斬犯六人絞犯二人廣東斬犯一人絞犯二十人廣西斬犯四人絞犯三人餘九十一人予勾○旌表守正捐軀江蘇桃源縣民王有安女王氏○是日駐蹕網戶屯御營○癸丑

上御行殿勾到四川上年情實罪犯停決絞犯二十五人餘一百四人予勾○緩徵安徽懷寧銅陵無為鳳陽懷遠定遠壽鳳臺宿靈璧和泗盱眙天長五河十五州縣水災旱災新舊額賦○是日駐蹕金剛屯御營○甲寅諭

內閣工部奏詳校例案酌議請旨一摺並開列清單進呈朕閱單開各款內有旗員葬銀碑銀一款外省均由布政司給發報部覈銷惟東三省所屬旗員例應出具文領赴部領回給發歷來遵辦已久而吉林一處自嘉慶七年起該將軍於旗員應得葬銀碑銀准禮部原題即由本處給發報部請銷經該部覈與應給銀數相符未經議駁即予准銷所辦均屬非是各部相沿例案總宜遵循舊章不得妄自更改吉林旗員葬銀碑銀該將軍於接到禮部原題時自應查照向例辦理如以赴部領給較多跋涉即應據實奏明請由本處動支候旨遵行乃輒自行給發跡近專擅秀林著交部議處工部於該將軍報銷時既覈與成例不符自當駁令赴部請領亦不應率准支銷所有原議准銷各案之工部堂司官著查明交部察議至此項銀兩各省既由布政司給發何以東三省所屬之員獨令遠

涉京師赴部具領不特稽延時日且往來未免需費亦非所以示體卹嗣後盛京吉林黑龍江各處旗員應得葬銀碑銀均著改由本處給發報部覈銷以歸畫一餘著照所請行

○是日駐蹕興隆屯御營○乙卯

上御行殿勾到貴州福建陝西上年情實罪犯停決貴州斬犯六人絞犯六人福建斬犯三人絞犯六人陝西斬犯十一人絞犯八人餘八十三人予勾○遣官祭

平定縣志卷之六

都城隍之神○是日駐蹕杏山東御營○丙辰諭內閣宗人府將情實應絞官犯已革西寧辦事大臣都爾嘉原犯案情黃冊進呈都爾嘉前在將軍任內曾因貪婪獲罪復經加恩棄瑕錄用洊擢至副都統派往西寧辦事自應感戴恩施諸事謹慎乃竟不知悔改仍前任意枉法婪索銀六千餘兩又因祭海指稱蒙古王公等派差不公藉端勒索蒙古貝子旺沁丹津及蒙古王公等共銀一萬一千

餘兩幸蒙古等恭順淳謹尚未滋事儻彼時致滋事端更不成事體矣似此負恩枉法若係平人即當依律立絞姑念都爾嘉究係宗室著加恩免赴市曹絞決著派左宗人永琮刑部侍郎貢楚克扎布將都爾嘉帶至伊祖墓前監令自縊○又諭宗人府將情實應絞官犯原任顏料庫郎中宗室嵩慶原犯案情黃冊進呈覈其情節緣嵩慶調補顏料庫郎中往伊堂母舅德豐額家叩頭德豐額邀伊

平定縣志卷之六

往飯鋪喫飯同飲至醉德豐額與車夫爭鬪經嵩慶勸解德豐額上車嵩慶同坐車外德豐額仍欲下車追鬪且將頭亂撞嵩慶以德豐額酒醉滋事將伊左右腮頰用拳毆打德豐額將嵩慶推墮車下德豐額亦隨同下車拔取嵩慶所佩小刀欲尋途開車夫爭鬪嵩慶抱住奪回小刀德豐額仍復奪取嵩慶情急以小刀嚇戳致傷德豐額左肋越日殞命宗人府會同刑部將嵩慶依毆殺律問擬絞

監候入於情實。此雖照例辦理。細覈情節。究因德豐額起釁。且嵩慶又係自行出首。著加恩改為緩決。仍監禁宗人府空房。○正黃旗漢軍副都統鑾儀衛鑾儀使慶長。以奏對舛錯降頭等侍衛。以內務府大臣巴寧阿為正黃旗漢軍副都統。鎮國將軍禧恩為鑾儀使。○是日駐蹕五里河村御營。○丁巳。

上御行殿。勾到湖廣奉天上年情實罪犯停決。湖廣斬犯九人。絞犯十八人。奉天斬犯四人。絞犯三人。餘八十四人予勾。○諭內閣本日自庫車換回之藍翎侍衛常明呈遞請安黃摺。殊屬非是。文武大員於宮門具摺請安。各有等級。常明雖曾任巡撫。嗣於革職後賞給藍翎侍衛。派往新疆辦事。今差竣前來。行在祇係侍衛職分。但應於領侍衛內大臣處呈明代奏。或以曾任大員於道旁撻頭謝恩。尚無不可。乃竟自行具摺。與現任大員一例請安。殊乖體制。常明著傳旨申飭。即令隨從同

侍衛等當差。至奏事處不加指駁。率行進呈。亦屬錯誤。並著傳諭伊等。嗣後凡奏遞請安摺者。均應遵照定制。按其官階應行呈遞者。始准接收。其越分呈遞者。即行駁回。以辨等差。○入諭據鐵保等奏。連次拏獲在洋行劫盜匪。審明辦理一摺。江蘇省水師營員向於洋面緝捕事宜。不甚熟練。亦從無奏及拏獲洋匪之事。今經鐵保等督飭營汛文武實力巡防。連獲蔡廷秀周文達等行劫二案。可見事在人為。鐵保汪志伊等督率有方。署狼山鎮右營遊擊葛洪章通州知州張桂林海門同知章廷楓於緝捕盜匪奮勉出力。俱屬可嘉。均著加恩交部議敘。餘著刑部覈擬具奏。至此時正屆北風當令。盜首蔡牽去江省洋面已遠。但恐閩浙洋面圍捕緊急。或乘閒竄至該省內洋。亦未可定。鐵保等仍當認真督飭巡防。不可稍有疏懈。又據另片奏民壯教習文生許椿並侯德夏文三人技勇出眾。諳

習水師懇請賞給額外外委頂帶作為馬兵令其教習兵丁等語著照所請許椿侯德夏文准其賞給額外外委頂帶作為馬兵俾資教練其降革千總顧廷章趙秀周飛熊犯總徐國升外委聞升五人雖據稱於外洋駛風折戩熟悉但該督等未將伊等從前獲咎緣由詳悉聲敘未便遽照所請一體施恩著先作為馬兵令其教習兵丁仍著該督等開具伊等降革事由覆奏到日再降諭旨○諭軍

機大臣等據成林奏稱濟龍呼圖克圖差噶布倫等呈送匿名夷字一張當經譯看係代阿旺索巴等三人抱怨前案辦理不公並言策拔克因奏保敏珠爾索諾木班珠爾升補噶布倫又堅巴多布丹均有餽送金銀之事等語西藏番情近日頗形刁健前因投遞匿名揭帖一案甫經策拔克成林查辦懲治今又即以前案審辦不公並策拔克得受餽送各情向成林處投遞匿名字帖實屬可恨且

閱譯出原帖內有若漢番辦事不妥之時就要投廓爾喀之語竟係悖逆尤應徹底究辦著成都副都統文弼接奉此旨由驛馳赴西藏會同成林辦理如成林業將寫遞字帖之犯訪獲即可詳細根訊若尚未訪得仍當上緊查拏期於必獲但文弼成林亦不可豫存策拔克斷無受賄營私之成見稍涉瞻徇如獲犯後訊明所控屬實策拔克果有得受敏珠爾等餽送情事賊據確鑿即應將策拔克

叅奏革職嚴審所有駐藏大臣印務即著文弼暫行接署儻實係虛誣或訊有挾嫌傾陷情節即當將該犯問擬絞決嚴辦示懲總在文弼等東公確訊定擬具奏使番民咸知畏服庶告訢之風可漸就帖息也將此諭令知之○緩徵齊齊哈爾打牲烏拉黑龍江三處旗屯驛戶舊借口糧○是日駐蹕沙河所御營○戊午諭內閣朕此次恭謁祖陵自出山海關該將軍等於備辦一切事務

均未妥協且所修道路不能平坦惟富俊尚屬奮勉故屢次加恩將伊處分寬免其餘地方官員漠不關心現已將花尚阿良貴及知府知縣等員分別降調示懲詢其辦理不善之故富俊則云地方官呼應不靈該侍郎等則云一切事務均係分辨看來前次該處旗員及地方官辦理大差均係商同辦理是以一切俱臻妥善此次因該將軍副都統五部侍郎等彼此不睦是以分辨以致如此紛紜該將軍平日不理地方事件至遇朕恭謁祖陵大典並不和衷辦理甚屬非是此次姑免深究嗣後朕再赴盛京恭謁祖陵一切應辦事宜該將軍務須會同副都統五部侍郎府尹等豫為熟籌由該將軍統辦儻各該侍郎府尹等不會商將軍或將軍交辦事件並不遵行即著指名叅奏如有瞻徇參差惟該將軍是問至修墊御路應由大道豫備不惟不傷農田且道路亦可堅固即開

有迂折亦不過多增數處中伏其劄營處所即擇附近御路二三里內之平坦高阜地方修墊備用此旨著盛京將軍各部衙門各存一分永遠遵行○展緩湖北潛江天門江陵監利四縣攤徵節年修隄銀○是日駐蹕周家村御營○己未嚴飭地方大吏延攔控案諭內閣朕此次巡幸盛京蹕途往返旗民人等在道旁叩闕呈訴者不一而足當交軍機大臣會同行在刑部審訊錄供具奏除洪明宜所控湛大被毆致斃一案外其餘各案大率均係地畝等項紛爭細故多有在該管官員及各上司衙門再三呈控因未經審結懸案多年以致負冤莫白急迫叩闕者總由外省惡習遇事延擱甚或奸胥蠹役多方刁頓申訴為難是以訊據該旗民人等往往有不敢再向上憲衙門控告情願冒罪叩闕之供即如本日叩闕之黃國霖於道旁跪訴時距富俊站立處所近在跬步之內且伊亦明知

其為本省將軍。乃不就近遞呈。轉向朕前。顧控可見地方案件。若非大小衙門一味玩延。雖草野至愚。豈遽敢干冒罪名。紛紛上瀆乎。即各直省督撫等。屢經降旨訓飭。將大小控案速行訊辦。而近日赴都察院等衙門呈控者。纍纍。即如本日英善等具奏。江西民人涂松林代舒一霖呈控一案。亦由歷控督撫藩臬。案經訊明。延宕不結之故。夫設官所以理民。若事事待朕勅交審辦。又安用此地方大小官僚為耶。試問各直省官員坐享厚祿。遇事延挨不辦。於心安乎。於理得乎。嗣後著通飭各直省文武大吏。有管轄旗民之責者。遇有控訴案件。均當即時秉公訊結。其有應親行研鞠者。亦當提集勘斷。如果所控虛誣。則刁健之徒。尤當即行懲辦。俾知敬畏。而被誣者。亦早得申雪。總應速就清釐。毋得仍蹈稽遲積習。致民隱稍有壅蔽。至前交富俊等查審之徐桂劉永福德凌阿劉文宣等所控各

案著該將軍等於回至盛京後。即行訊問。詳確逐案定擬具奏。勿因朕已迴鑾。又復諸事泄泄也。將此通諭知之。○兩江總督鐵保等奏報秋汛安瀾。出力員弁下部議敘。○是日駐蹕中前所御營。○庚申。

上御行殿。勾到浙江江蘇江西上年情實罪犯。停決浙江斬犯七人。絞犯三人。江蘇斬犯五人。絞犯八人。江西斬犯四人。絞犯四人。餘八十四人予勾。○賜扈從王公大臣蒙古王貝勒貝子公額駙台吉及盛京將軍侍郎直隸總督等食並賞賚有差。○賞蹕路經過直隸地方文武官員加一級。○緩徵湖南澧州屬東鄉黃絲等坑水災新舊額賦。○是日駐蹕文殊庵行宮。翼日如之。○辛酉。

上詣

天后宮拈香頌

御書扁額。曰靈昭海鏡。○詣

海神廟

龍王廟拈香。御澄海樓命扈從內廷翰林聯句。御行殿勾到安徽河南山東上年情實罪犯停決安徽斬犯七人絞犯七人河南斬犯五人絞犯十人山東斬犯三人絞犯二十人餘八十七人予勾。諭內閣朕自澄海樓回行宮途間見有逸馬經乾清門侍衛三員往拏詢之禧恩據稱此三員內有和世泰及拏回查點乃係百順哈當阿蘇精額三人逸馬係蘇精額拏獲並無和世泰在內在禧恩冒為此奏其意自以和世泰係

皇后之弟且係伊弟端恩妻兄故特藉端湊合冀得邀賞黃馬褂甚屬非是禧恩著傳旨申飭並罰俸三箇月以示懲儆向來行圍每遇追拏逸馬總係侍衛內未經得賞黃馬褂之人從無已賞之人前往即或同往拏獲亦必捏稱係未經得賞之人冀邀賞賚此等惡習朕所深知蹕路追拏逸馬乃伊等職分當為何足膺賞嗣後如遇逸馬各侍衛截拏不

及專令曾賞黃馬褂及有巴圖魯名號之侍衛追拏其未經得賞者毋庸前往將此曉諭俾各永遠遵行。旌表守正捐軀河南上蔡縣民王保妻陳氏。壬戌諭內閣據宗人府內閣禮部刑部覆奏前次呈進慶賀本章未將刑部本章徹回緣由各摺逐加披閱禮部於本月初五日恭進慶賀本章時先期於初一日用片文知會內閣初二日復用印文知會內閣轉行知照行在內閣慶賀二本到日勿與刑名本同日呈遞並經知照刑部在案是禮部遵照辦理並無不合內閣等衙門並未檢查扣徹又未將禮部移文轉行知照行在內閣等處實屬錯誤本年因內閣原擬迴避刑名本章日期過多經朕詳加刪減甫經酌定乃於具題慶賀本章之期轉將刑名事件一同呈遞疏忽之咎實所難辭所有在京管理宗人府王公內閣大學士刑部堂官俱照所請交部議處。以禮部右侍郎萬承風

知武舉內閣學士顧德慶為武會試正考官
翰林院侍讀學士李宗瀚為副考官○命五
城於冬春二季設廠煮賑○是日駐蹕深河
村西御營○癸亥

上御行殿勾到山西直隸上年情實罪犯停決
山西斬犯十二人絞犯七人直隸斬犯五人
絞犯十一人餘七十五人予勾○是日駐蹕
天台山御營○甲子諭內閣據那彥成奏已
革南海番禺二縣知縣王軾等被劾不甘稟
出百齡在巡撫任內自製聯枷將犯人枷斃
二命又派伊妾弟任二管門傳令兩首縣家
人代辦供應食物並一切應用物件共用銀
一萬一千五百餘兩百齡僅發過銀一百兩
並於離任時將一切紫檀玻璃等項什物搬
運下船價值終未給發並據那彥成奏伊與
百齡聯銜叅劾首縣私設班館及英德縣逼
勒銀匠墊辦錢糧二摺又百齡具奏巡撫衙
門例摺回粵遲延詢據摺差稟明係百齡到

湖北後諭令黃梅縣將該摺差截留令其由
驛齋至武昌省城百齡將硃批奏摺留下僅
抄錄行文移知等語殊堪駭異此案關繫重
大而其最重者尤在截留硃批奏摺一款現
派直隸總督吳熊光侍郎托津馳驛前往查
辦著伊二人先至湖北省城傳旨訊問百齡
伊已升任湖廣總督前在廣東與那彥成聯
銜各摺係廣東應辦之事因何繞道截留及
拆閱後又不將原奉硃批諭旨交回此內若
有密交那彥成硃諭伊自必擅行拆閱殊出
情理之外又伊在廣東任內派令妾弟任二
管門需索兩首縣供應什物等項用銀至一
萬一千餘兩之多何以百齡在任僅發價銀
一百兩及升任時復將紫檀玻璃及一切什
物概行搬帶下船伊既叅奏南番禺兩縣私設
班館何以復製造非刑聯枷斃命種種貪縱
款蹟令其逐一登答並將任二嚴行審訊如
訊出確據即傳旨將百齡革職拏問將任所

貲財查抄。所有湖廣總督印務。交瑚圖禮暫行兼署。一俟審得大概情形。先行具奏。再赴粵東查辦。本日又據佶山奏。湖北襄鄖一帶。晉省私鹽充斥。鹽道海昌諸事。因循廢弛。請將該道交部嚴議。另請簡放一摺。亦著吳熊光。托津於到楚時。詳悉查明。據實具奏。此旨。即著伊二人齎往。○是日。駐蹕夷齊廟行宮。

○乙丑

上御行殿。勾到新疆雲南貴州。廣西福建本年情實罪犯。停決雲南斬犯二人。絞犯一人。貴州斬犯四人。廣西斬犯一人。福建斬犯一人。餘八十三人予勾。○以直隸布政使裘行蘭護理總督。○是日。駐蹕柳新莊御營。○丙寅。上御行殿。勾到四川本年情實罪犯。停決斬犯十二人。絞犯一人。餘一百十九人予勾。○兵部以武會試中額請。得旨。漢軍取中四名。奉天取中一名。直隸取中八名。陝甘取中五名。廣東取中六名。河南取中三名。山東取中五

名。江蘇取中二名。安徽取中二名。山西取中二名。湖北取中三名。湖南取中一名。四川取中四名。廣西取中一名。福建取中二名。浙江取中二名。江西取中二名。雲南取中二名。貴州取中二名。○河東河道總督李亨特奏報。秋汛安瀾。出力員弁下部議敘。○是日。駐蹕五里墩御營。○丁卯。諭內閣。本日刑部題駁河南巡撫馬慧裕審擬程小珠強姦穆周氏未成。刃傷本婦。平復聞拏投首。將該犯減等擬流一本。刑名事件。所以不准從重者。原以科罪自有定律。不得於律外加等問擬。致失平允。若按律科斷之事。則律文所載罪名。援情定法。歷久遵行。即朕亦不能稍為增減。況臣工等。豈得任意偏畸。近來外省辦案。往往欲博寬厚之名。於律載案犯。應得罪名。置之不論。轉援引他條。思為末減。是乃姑息之見。各省皆然。而馬慧裕之在河南。及從前顏檢之在直隸。為尤甚。即如程小珠一案。凡侵損

於人及姦者不在自首之律載有明條乃不此之引而轉引尋常投首減等之例問擬奚得為情法之平夫辟以止辟立意至深若辨案稍涉畸輕則民不知畏犯法愈多年來案獄較繁未必不由於此外省錮習總存刑名可積陰功之見遇事輒欲從輕殊不知生者倖逃顯戮則死者含冤地下其造孽更多矣朕欽慎庶獄而於法無可貸之犯無不明示刑誅若亦狃於因果之說則將合直省每年秋錄人犯概予免勾以是為可積陰功有此理乎所有程小珠一犯即著照該部所議應絞監候秋後處決其原擬錯誤之巡撫馬慧裕及原辦之臬司並著傳旨申飭仍一併交部議處嗣後外省題本案件遇有似此不引本律定擬妄行援照別條者著刑部堂官即將本案改正並將該督撫臬司奏參毋庸再行駁令另擬也將此通諭知之○又諭前據松筠奏酌裁水磨加增屯糧一摺因保寧前

在伊犁年久熟悉該處情形發交叢議茲據保寧詳議覆奏伊犁塔爾奇地方向設水磨派撥弁兵輪流磨運麥麵以給各項應差兵役口食今因麥麵陳積霉變該官兵等情願領麥易麵自係實在情形且徵出此項兵丁仍可分屯耕種增交麥石於倉儲亦有裨益著即照松筠所奏行其請令綠營屯工交納糧石時與回戶一律加交斛面三升並補足斤稱之處綠營兵丁派撥屯田仍須兼習操防原與回戶專事種藝者有別所交糧石但應令其照原定斛額交足斤數若責令加交斛面三升恐丁力不免拮据且倉員等或藉辭勒索浮收尤易滋弊松筠所奏不可行至惠遠城滿營添設烏鎗步甲每年支放口糧現於存貯正項倉糧內動用恐致日久短絀據保寧奏稱伊前任將軍時因倉貯過多曾經奏准於屯田兵丁二千二百名內徵出四百名輪流操演原擬於數年後察看糧石盈

紕再行酌辦。今舊存餘糧既已全數支放。莫若於原徵屯兵內再量為派撥。分屯耕種。每年所收糧石。逐漸加增。不惟官兵口食足敷。支給倉貯亦可日臻饒裕等語。保寧所議較為妥協。著即照所議行。○賞葉爾羌辦事大臣達慶副都統銜。為塔爾巴哈台叅贊大臣。以古城領隊大臣盛保為葉爾羌辦事大臣。塔爾巴哈台叅贊大臣果勒明阿為古城領隊大臣。○是日駐蹕八里堡御營。○戊辰諭軍機大臣等。那彥成等奏大夥盜匪投誠。分別安置一摺。據稱賊首袁亞明等六起投首。人三百八十七名。口現飭將入口造冊查點。其有業可歸者。即飭地方官傳到親族鄰右。取具保領回家。無業可歸者。交各衙門充當壯丁。夫役。其情願入伍者。賞給名糧。轉發各營學習。或隨舟師緝捕。並請將袁亞明等分別賞給把總及額外外委等語。洋盜被拏窮蹙。相率投誠。自可貸其一死。但必須妥為安

置。此等犷悍匪徒。總宜散而不宜聚。該督等擬令交各衙門充當丁役。殊未妥協。若令入伍食糧。則尤不可。粵省綠營不肖兵丁。本有私通盜匪之事。今若令投首匪徒隸名營伍。更得聲氣相通。稽察不易。設有調發緝捕。難保其不透漏消息。至袁亞明等賞給把總外。委亦覺過優。該匪等稔惡已久。皆罪應誅戮之人。今特以其悔罪自新。曲加賞宥。已屬格外恩施。何得遽錫以官職。該督等奏稱此後投首者。每名賞給資斧銀十兩。此尚可行。該匪等原由衣食無資。流而為盜。既經投首。自當量予加恩。俾資養贍。若名器則不可倖邀。即欲為鼓勵招徠起見。亦應令其當差出力。如幫同緝捕等事。著有微勞。始可奏明賞給官職。此時不必遽行拔補。所有袁亞明等各起人口。仍著那彥成等再行妥籌安插。使之四散而處。可以日久相安。方為妥善。此等匪徒。自來投首。尚可容留。斷不可存招撫之鄙

見而受反覆之實禍總之勦勝於撫不可姑
息將此諭令知之○蠲緩江蘇鹽城興化東
臺高郵阜寧泰寶應山陽甘泉清河桃源江
都十二州縣及淮安大河揚州三衛水災旱
災新舊額賦並減則豁糧田畝戶口緩徵給
賑有差又緩六合銅山蕭陽山宿遷海邳華
亭奉賢婁上海南匯青浦金山太倉鎮洋嘉
定寶山崇明昭文二十州縣及徐州衛歉收
田畝新舊額賦並阜寧清河桃源海沭陽五
州縣舊欠漕糧○是日駐蹕隆福寺行宮○
己巳
上恭謁
昭西陵
孝陵
孝東陵
景陵
裕陵俱未至碑高即降輿慟哭步入
隆恩門詣

寶城前行禮躬奠哀慟王以下文武大臣官員
均隨行禮○至
端慧皇太子園寢奠酒○諭內閣前因湖北
省清查軍需動用銀款內有該地方官致送
興肇備賞銀三千四百兩當經降旨諭令賠
繳旋據興肇具摺陳辯祇自認賠繳而不認
收受顯露屈抑之意朕恐外省查辦或有舛
錯復諭吳熊光詳細確查經該督將致送次
數月日並經手之員逐一查明具奏本日興
肇來至行在當令宗人府會同軍機大臣傳
向訊問伊一一供認收受屬實是前奏實屬
無恥巧辯此項軍營備賞銀兩濫支濫應彼
時帶兵大員收受者亦不獨興肇一人且尚
係犒賞公需是以應賠各員多有加恩特予
寬免者今興肇既隨同收受乃復飾詞分辯
迨至無可搪塞始行俯首認罪是則咎無可
辭興肇著交宗人府酌議懲處其應賠銀三
千四百兩應如何扣繳或酌分年限之處並

著一併議奏興肇即著回京聽候覈議○又諭阿迪斯曾任大員前因獲咎褫職發往伊犁嗣經賞給藍翎侍衛授為領隊大臣回京後以患病開缺伊係原任大學士阿桂之子著加恩賞給六品頂帶令其在家調養以示眷念勲臣後嗣至意○是日駐蹕桃花寺行宮○庚午諭內閣倭什布奏部駁軍需確數實用情形一摺除糧臺雇募護臺鄉勇名數及背運民夫口糧二款均據遵照刪減造報外其運糧馬騾加給守候回空銀兩及料草餵夫口食又兵丁支給長夫每兵百名給長夫四十名又辦運麥麴摘簸人夫磨子又由陝入甘隨征鄉勇口食等四款據稱均係實在必需業經按數支給確查並無浮冒自屬實在情形以上四款動用銀兩均著加恩准其作正報銷該督仍當督率局員覈實清釐毋任稍有浮濫○是日駐蹕白湖行宮○辛未諭內閣伯麟奏據新任普洱鎮總兵那林

泰稟報前任總兵書成以優人頂補兵糧並拔補外委徇私不加考驗一摺總兵為專閫大員於一切招募兵丁拔補營弁等事理宜秉公覈辦令總兵書成以演劇優伶楊興隆等五人濫食戰糧留署唱戲目兵袁從孝等七名因與伊義子胡志量認識輒拔補外委並不考驗實屬任意妄為不可不切實查辦現在該總兵因俸滿離任進京尚未到部伊義子胡志量亦隨帶在途著沿途各督撫飭屬將胡志量一犯截解回滇省交與伯麟提集案內人證嚴行審訊有無聽囑受賄之處東公定擬具奏總兵書成著先行交部嚴加議處接任總兵那林泰於到任後即能詳細查驗據實稟報尚屬認真著加恩交部議敘尋議上得旨書成著革職發往烏魯木齊効力贖罪○諭軍機大臣等王寧奏查看黃河以南蒙古番子情形一摺據稱查勘河南五旗地方前經奏定令番目安卡設立交界

鄂博之處並無一人。所有從前永遠枷號之賊番現亦不知下落。並據納罕達爾濟告稱。伊住牧界內。被循化所屬各番逼處時來搶掠。現在番目尖木贊全族在察罕諾們汗旗下居住。策合洛全族在納罕達爾濟旗下地方居住。驅逐為難等語。青海蒙古積弱久被番族侵侮。前經特派欽差查辦。定立章程。申畫疆界。乃該番等竟敢藐抗不遵。占據蒙古界內。毫無畏懼。自應嚴行驅逐。隨時懲究。玉寧係管轄大臣。正當妥籌辦理。設有礙難徑行之處。即據實奏聞。請旨亦無不可。乃另摺轉請將青海蒙古事務歸併陝甘總督管理。所奏殊屬非是。西寧設立辦事大臣。專為管理蒙古番子事務。定制已久。豈有此時獨不能控制之理。况陝甘總督駐劄蘭州。鞭長莫及。勢不能遙為經理。玉寧自稱遇事不敢推諉。殊不知所奏正坐推諉矣。玉寧著傳旨申飭。現今貢楚克扎布馳赴西寧。伊係原定章

程之人。著玉寧俟其到後。會同籌商。先將蒙古界內番族概行驅逐出界。儻驅之不聽。或需兵力。即酌量奏調。妥協辦理。總須使番衆真心懾畏。自不敢再行盤踞。各蒙古亦可漸就寧輯。至西寧辦事大臣。或有呼應不靈。應如何酌定章程之處。並著與貢楚克扎布悉心籌議具奏。請旨定奪。將此諭令知之。○以禮部右侍郎文寧署吏部左侍郎。兵部右侍郎廣興署刑部左侍郎。○是日駐蹕烟郊行宮。○壬申。

上還宮。○癸酉。詣

奉先殿行禮。○詣

大高殿

壽皇殿行禮。○諭內閣。盛京為我朝發祥之地。

橋山弓劍。王迹肇基。

謨烈昭垂。燕詒億禩。從前我

皇考高宗純皇帝四次恭謁

祖陵。一切川原形勝風土物宜。因見徵聞。發抒

睿藻曾於癸卯年將四次東巡盛京

聖製詩

命質親王儀親王成親王及朕分年按次每人各錄一分裝潢彙貯以示觀揚垂裕至意維時朕所敬錄即係癸卯年

聖製詩

天章炳煥悉闡

締造鴻規非特流覽吟題之作朕此次祇遙成模初舉謁

陵之典蹕路往來徧循

舊蹟仰惟

創業艱難櫛風沐雨紹聞衣

德時寓篇章凡得詩一百五首皆係

皇考曾經題詠並多恭依

元韻成什自應恪循

家法貽我後人著將此次御製詩篇交皇次子

皇三子各錄一分裝成二卷彙貯一匣俾知

敬念

前型永垂法守○甲戌
上以恭謁

祖陵禮成御太和殿王以下文武大臣官員進表行慶賀禮○諭軍機大臣等那彥成等奏稱洋盜林亞發等五起率眾投誠請分別賞給頂帶以廣招徠等語此等獷悍匪徒為惡已久今投出之後自當加恩收撫但人數既多究難深信若謂此八百餘名俱心懷叵測固未必然但竟云人人革面洗心無一二反側之徒恐亦未必總之安插之法宜散而不宜聚那彥成等惟當分投安置使之入少勢孤日後自無他慮並當傳集該盜等諭以爾等皆屢經犯法罪在不赦今蒙皇上格外天恩特加赦賞並令安插得所爾等從此當勉為善良若再稍有滋事不肯安分必當加倍治罪再爾等在洋日久果能熟習水性情願効力並准爾等隨同官軍出洋捕盜更可奮勉立功試思爾等此次殺賊投誠圖功遭怨

已與羣盜為仇勢難兩立。惟有幫助官軍出力勦捕。將其餘盜首等乘勢殲除。爾等方免後患。將來果著有勞績。即當奏明升獎。如此剴切曉諭。伊等自必知感知懼。可收以賊攻賊之效。至現在那彥成等請將伊等賞給千把外委之處。未免過優。所有請賞補千總之林亞發。韓斗鳳。陳五。李福生。均著先賞給外委。至請賞補把總外委之張長貴。沈世傳。曾亞滿。均著先賞給額外外委。毋庸給予頂帶。將來伊等果能緝捕立功。再行量予升擢可也。將此諭令知之。○戶部議准。浙江巡撫阮元疏報象山。永康。二縣開墾田一百二十七頃八十六畝。有奇。照例升科從之。○乙亥。上御乾清門聽政。○以太僕寺卿英和為內閣學士兼禮部侍郎銜。○丙子。孝慈高皇后忌辰。遣官祭福陵。○上臨故御前大臣三等公額勒登保第賜奠。○

調正黃旗護軍統領奕紹為鑲黃旗護軍統領。鑲藍旗護軍統領貢楚克扎布為正黃旗護軍統領。鑲紅旗護軍統領德麟為正白旗護軍統領。以御前侍衛達勒精阿為鑲藍旗護軍統領。科爾沁郡王和碩額駙索特納木多布齋為鑲紅旗護軍統領。○丁丑。諭內閣。昨日軍機大臣會同刑部審擬護軍校關靈在景運門外裝傷妄拏一案。已將關靈問擬斬候歸入本年朝審情實辦理。此案關靈身充護軍校。在禁城內該班。輒敢自行放爆動。加妄拏誣陷。問擬大辟。實屬罪由自取。與所拏之人固無干涉。第禁城之內。門禁自應肅清。各官員進內當差。豈容任意攜帶廝役多人出入往來。毫無限制。即如此案大理寺寺丞桑英。以六品微員。是日進內隨班陪奏。其跟班家人。竟得走至景運門外。在於臺階坐歇。實屬不成體制。試思禁地森嚴。即宗室王公蒙古王公等。秩分較崇。其護衛本屬不必

至該班入內則當大加減損此外文武一二品大臣及四五品以上各堂官因事進內均應酌量僕從人數不得過多至侍衛司官章京等除本館本衙門原在禁城之內以及該班值宿等事自不能不准其酌帶僕從至於引見奏事之時並亦任聽家丁等徑至景運隆宗門外雜沓紛擾大屬非是著交滿漢大學士尚書詳悉會議將禁城內王公大臣官員等應帶人數多寡以及所帶僕從應分別等級行至何處為止嚴定章程不准踰越並繪圖貼說一併奏聞以肅定制尋議一王公文武大臣官員凡進午門東華門西華門神武門其所帶護衛僕從親王郡王准帶十人貝勒貝子公及一品文武大員准帶八人二品文武大員及三品京堂官准帶六人四五品京堂官准帶四人文職五六七品武職三四五六品官員准帶二人文職八品以下武職七品以下官員准帶一人如有踰額多

帶者查出議處一王公大臣進內行走除額帶護衛官員准其照舊隨帶外其餘僕從人等自王以下文職三品以上武職二品以上大員並內廷行走各員所帶之人准其至景運門隆宗門外俱令臺階下二十步以外停止不得至附近臺階處此外跟隨文職四品以下武職三品以下官員者概令於左翼門臺階下為止均責令管門章京帶領護軍常川稽查禁止踰越違者責處從之賞廣寧門外普濟堂煮賑小米三百石○給安徽鳳陽鳳臺五河懷遠壽泗天長七州縣水旱災民一月口糧並緩徵桐城潛山蒙城三縣本年額賦○展緩安徽全椒宣城南陵貴池蕪湖繁昌廬江望江青陽東流當塗十一縣及坐落各衛帶徵歷年額賦有差○上以孟冬時享太廟自是日始齋戒三日○戊寅孝敬憲皇后忌辰遣官祭

秦陵○諭軍機大臣等。本日百齡奏岸商擡價病民。劣於得賄私和審明定擬一摺。據稱漢口岸商程啟大等於淮鹽配運到楚時。藉稱成色工本不一。意為高下。私將價值加增。並復遞加平色。以致行戶水販。輾轉遞增。經該處監生吳家珏等歷次具控。現經審訊定擬等語。淮鹽配運到楚。本有一定例價。今該商等不遵限制。擡價病民。以致衿民藉端挾詐。甚至釀成人命。皆由奸商網利而起。前據佶山奏稱。潞私充斥。官引滯銷。似此官鹽之價。貴於私鹽數倍。小民焉肯棄賤食貴。無怪官引滯銷。私鹽充斥。乃總總焉。惟以緝私為急。豈非舍本求末乎。吳熊光托津赴楚省查辦此事。著查明該商等擅擡鹽價。是否私自增添。抑曾經稟明鹽道。及佶山准令伊等辦理。毋任含混。將此諭令知之。○鑄給塔爾巴哈台管理各卡滿營及伊犁錫伯索倫察哈爾額魯特四營事務領隊大臣關防。從前任叅

贊大臣果勒明阿請也。○予故都統永慶祭葬。謚敬僖。○予雲南陣亡遊擊六十四把總謝永泰。陸兆宗。畢萬春。陳啟林。張大成。外委熊寬。胡忠。陳申。蕭淮遠。祭葬。世職如例。○蠲緩兩淮富安。安豐。梁垛。東臺。河垛。丁溪。草堰。劉莊。伍佑。新興。廟灣。十一場。水災。竈課。並給賑。有差。緩徵板浦。中正。臨興。三場。歉收。新舊額賦。及口糧穀價。○賑卹河南上蔡縣被水災民。並蠲緩本年額賦。又緩臨漳。內黃。武安。涉。延津。滑。考城。洛陽。偃師。鞏。孟津。登封。十二縣。帶徵舊欠漕糧。

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十一年時憲書

○辛巳

上幸圓明園○詣

安佑宮行禮○壬午諭軍機大臣等據鐵保奏

安徽石埭縣民人控告該縣辦理賑務供情

互異一案此案該縣民人施義富等先曾具

控知縣韓海辦賑領多放少經藩司邵洪查

明並無此弊惟韓海原領銀八萬二千三百

餘兩內除給賑外有動用公費銀一千九百

餘兩及餘剩銀三千四百餘兩挪解庫項之

事旋又據蘇棟棟蘇名舉唐虎等來京先後控

告以該藩司親查取結係屬賄囑買結因特

降旨發審現在據稱集犯研鞫蘇棟蘇名舉

二人始則供稱領賑時並無剋減情弊惟唐

虎一人堅執未服迨覆審之時則唐虎蘇名

舉等又僉稱本縣領出賑銀八萬餘兩實止

放一萬四千餘兩並以邵洪清查時未經隨

同前往為詞供情實屬互異該縣辦理災賑

如果實無冒領剋扣情弊何以該民人屢控

不休且供詞前後不符亦難保無別項情弊

不可不徹底究明以成信讞長齡與藩司鄂

雲布均到任未久未經審辦此案無所迴護

著該撫即督同鄂雲布詳覈前後情節秉公

質訊並當飭令該藩司帶同原告親赴該縣

按冊挨查務期水落石出於審明後定擬具

奏將此諭令知之○癸未

上以萬壽節御同樂園賜王以下文武大臣蒙

古王公等食至丙戌皆如之○甲申以成都

副都統文弼為駐藏幫辦大臣開原城守尉

達松阿為成都副都統○乙酉

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子及王以下

文武大臣官員蒙古王公等行慶賀禮○丁

亥

御製

太宗文皇帝大破明師於松山之戰書事命盛京將軍富俊敬做薩爾潁山

高宗純皇帝書事碑式於杏山大營東建亭勒石○戊子命都察院左都御史署江西巡撫秦承恩來京供職以河南布政使溫承惠為江西巡撫廣西按察使齊布森為河南布政使廣東肇羅道朱爾漢為廣西按察使○己丑

皇后千秋節宮內行禮如儀在外公主福晉俱進內行禮停止筵宴○展緩浙江杭州嘉興湖州三府屬州縣上年帶徵漕糧○庚寅上幸萬壽山○諭軍機大臣等王德泰據報陸路官兵在崇武海口攻擊朱潰幫盜匪施放礮攻燒朱潰坐船傷斃盜犯多名併蔡牽幫夥盜蔡攢等六船窮蹙投首各緣由一摺此事前已據李殿圖奏到王德自因往浙省閱兵是以得信較遲今所奏情節與李殿圖所奏亦屬相符王德現飭該府等確查務須

查明此次轟燒大烏艇一隻。是否係朱漬坐船。其身穿紅馬褂之賊。是否即係朱漬。如查明朱漬果係被擊溺斃。仍照前旨將王紹蘭、英林、二達色、吳忠據實保奏。候朕施恩。其連放大礮轟燒大烏艇船。係何兵丁點放礮位。亦著查明量予獎拔。所有逃散匪船務飭杜魁光等督率舟師。乘此敗竄窮蹙之時。上緊追捕。勿令稍有疏懈。為要。至蔡擯率夥投首一節。蔡擯本係浙洋黃葵盜夥。因黃葵赴官投首。該犯又投入蔡牽幫內。現因見蔡逆窮蹙。率領首夥一百八十二名投首。自可貸其一死。分別安置。但蔡擯既曾投入蔡牽夥內。自必深知該逆虛實。著王德恣心詳查。如蔡擯實係蔡牽親近本族。或察看其人亦屬狡獪。則祇應妥為安插。若蔡擯不過係蔡牽遠房同姓。尚可藉以作線。王德可派明幹將弁帶領該犯前往偵探蔡逆蹤跡。密為搜捕。並曉諭該犯。若果認真出力。將蔡牽擒獲。亦必

奏明仰邀恩賚。該督務當酌量情形妥協辦理。並飭諭李長庚此時蔡牽所存匪船僅五十餘隻。務當趁此賊勢窮蹙。督率兵弁實力攻擊。勿任遠颺。以期海面肅清。將此諭令知之。又諭本日秦瀛到京。朕見朕詢以那彥成在粵辦事情形。據稱那彥成添設軍工局一節。實有其事。局內派入藩臬運使道府及副將等七人。委訊之員俱係佐雜。所有內河外洋各盜案俱經發訊。訊後仍移送臬司覆審。又委員等曾動刑審訊。被控至巡撫衙門等語。粵省案件即使繁多。亦應照例由臬司一一審辦。如臬司精神不足。有貽誤實蹟。即當將臬司參奏。何得另設軍工局名目。且藩司運使及道府各員俱各有本衙門應辦事件。朝廷設官分職。豈容彼此攙越。致紊舊章。甚至副將武員亦均派入。尤屬任意妄為。大乖體制。況訊供後仍須由臬司衙門覈辦定讞。豈不徒添枝節。又如內河盜案例應由臬

司招解巡撫定案。今那彥成亦一併提入局內辦理。殊涉專擅。看來那彥成曾在軍機處行走。儼然欲做照軍機處設立此局。尤屬誕妄。前已有旨令其速行裁撤。著吳熊光托津於查辦百齡各款。秉公定案。後即前往粵省查明。儻此局尚未裁撤。即著傳旨裁撤。并將那彥成添設軍工局一節。據實參奏。至百齡前此參奏那彥成飲酒看戲等事。今詢據秦瀛奏稱。那彥成署內每月宴會唱戲。有三四次。又曾邀同廣厚往延豐處聽戲。一月之內。閒有幾次等語。是一月之內。那彥成於兩處飲酒看戲次數已屬不少。安能不貽誤公事。看來百齡所奏實非無因。著吳熊光托津到粵後。一併查明參奏。至廣厚身任藩司。不時與總督同往延豐署中飲酒看戲。不免有違迎總督之意。著吳熊光托津詳查該藩司有無別項款蹟。一併據實參奏。勿稍徇隱。至百齡在粵起身時需用。擡送什物人夫至千餘

名。此等情節亦不能掩人耳目。吳熊光托津惟當確實查辦。俟奏到時再降諭旨。將此諭令知之。○浙江布政使秦瀛年老。以三四品京堂補用。以甘肅按察使崇祿為浙江布政使。陝西潼商道吳沂為甘肅按察使。○以山東按察使金光悌為布政使。江南江安糧道李奕疇為山東按察使。○壬辰諭軍機大臣等。本年九月內。先據成林奏稱。濟龍呼圖克圖差人呈送匿名夷字一張。係控告策拔克辦案不公。收受餽送等事。當經降旨專派副都統文弼前往西藏會同成林審辦。嗣據成林奏稱。策拔克因受污不平。輒自行妄擊多人。紛紛審訊。伊屢次勸阻不從等語。朕以策拔克係被控之人。並不靜候查辦。殊屬躁妄。是以將策拔克交部嚴議。即令來京候旨。另派文弼駐藏。仍與成林會審此案。乃本日又據策拔克奏到密陳實在情形一摺。內稱訪查匿名夷帖。確係前此獲咎之營官丹巴策

楞差人潛貼。經伊嚴加根究。據丹巴策楞之
跟役仁增哈增業已供認。係丹巴策楞交付
與布沖二人潛貼屬實。並據摺內奏稱。成林
與伊素有嫌隙。於此存心。存成見。總期所控
屬實。以為報復之計等語。西藏番情。近日頗
為刁健。此案匿名夷帖。不可不嚴查辦理。策
拔克之咎。在不知避嫌。妄掣躁急。但如伊摺
內所云。成林扶有夙嫌。有心不辦。亦屬大謬。
看來伊二人彼此不睦。各有私心。難交辦理。
現已有旨。飭令成林赴新疆換班。另派玉寧
前往駐藏。玉寧接奉諭旨。著將西寧辦事大
臣印篆及現辦事務。交與貢楚克扎布接收。
辦理。伊即迅速起程赴藏。於到彼後。即飭令
成林起身。其匿名夷字一案。查明成林如尚
未審結。即會同文弼秉公查辦。如成林審辦
已結。玉寧等仍當確切詳查。成林辦理是否
公當。伊既與策拔克有隙。若策拔克所掣之
人情事。本係確實。而成林心懷報復。轉欲坐

誣。以實其前奏。則須另行審辦。總須一秉至
公。不可稍有成見。至策拔克奏。成林於應扣
官項。並不扣存。仍行滿領。又三月間。曾借庫
銀七百兩。八月節前。支借一百兩。於八月底
全行還庫。又官祭各廟。理應親往拈香。成林
於秋季。均各委員行禮。朔望亦未親去等語。
成林於應扣房價。何以仍行滿領。於庫貯銀
兩。何以忽借忽還。取攜自便。其還庫之項。成
林又於何處挪移。有無別項情弊。其拜廟拈
香。竟不親自前往之處。是否屬實。並策拔克
在藏辦事。何如。均著玉寧等秉公查奏。不可
稍存迴護。遷就。又策拔克摺內。據稱伊與成
林并濟龍呼圖克圖。公同商議。嗣後禁止番
婦不許任意入廟。及定期瞻禮。以肅清規。又
凡有私販貨物。不准布達拉給票。其馱運貨
物牲畜。均自行雇覓等四條。本係意見相同。
及策拔克閱兵去後。濟龍呼圖克圖。又告知
成林。礙難遵辦。成林即附和中止等語。此四

條是否應行。抑有礙難辦理之處。玉寧等應體察情形。酌量辦理。據實具奏。現在濟龍呼圖克圖辦事較軟。一味沽名邀譽。玉寧等當傳到訓諭。以此時達賴喇嘛呼畢勒罕尚未出世。所有藏內事務。皆責成伊一人經理。伊當竭力盡心。勉為振作。方足以帖服番衆。不可稍有廢弛。為要。將此傳諭玉寧。並諭貢楚克扎布知之。○以駐藏大臣成林。為伊犁領隊大臣。西寧辦事大臣玉寧。為駐藏大臣。刑部左侍郎貢楚克扎布。為西寧辦事大臣。○以貴州遵義協副將常祿。為古州鎮總兵官。○癸巳。旌表守正捐軀直隸文安縣民于起亮妻朱氏。陝西鳳翔縣民楊恒妻楊氏。○甲午。策試中式武舉薛三剛等六十名於太和殿前。○諭內閣。此次自盛京旋蹕沿途接駕廢員。紛紛呈遞履歷摺片。當命軍機大臣查取各廢員獲咎原案。茲據繕錄清單進呈。朕詳加酌覈。均難特加甄錄。惟邊廷英一員。係

充校對時。於進呈書內。擡寫字樣錯誤。未經校出。其咎尚輕。著加恩准在

實錄館効力行走。各總裁等留心察看。該員如果出力。俟書成奏明。再降諭旨。○命吏部侍郎戴均元。馳往南河查勘閘壩各工。○以御前大臣德楞泰。為勦平三省邪匪方畧館總裁官。○旌表守正捐軀河南滑縣民劉國亮妻張氏。○乙未。

上詣

大高殿

壽皇殿行禮。○還宮。○山東兗州鎮總兵官博奇因病回旗。以漕標中軍副將五十三。為兗州鎮總兵官。○旌表守正捐軀山東樂安縣民王小留妻王氏。莒州民李小寬妻王氏。河南息縣民符成五媳張氏。澠池縣民史學道媳葉氏。虞城縣民藍有威母吳氏。鄧州民陳宗瑤妻胡氏。○丙申。諭內閣。戶部等部奏酌留常例各款一摺。內有京外文武大員。准其

捐復革職留任一款此不可行。大員等身望
吏議應行罷黜。經朕改為革職留任。實因一
時人才難得。不忍遽令廢棄。本屬格外恩施。
如果奮勉辦公。其開復自有一定年限。且亦
有不至年限。即加恩准其開復者。今若一概
准其捐復。則大員等恃有此例。毫無畏忌。且
今日甫罹重譴。而明日即可捐復。是有賢者
脫然為無過之人。而無賢者日久不能開復。
殊非政體。若以此藉口謀利。以待他日之捐
復。而朕施恩留任者。轉似利其所蓄。上下交
征。利國事不可問矣。除舊例准捐開復之處。
仍照常辦理外。所有文武大員及翰詹科道
革職留任處分。均著照例不准捐復。至接駕
廢員原覈其情罪重輕。分別等第。其獲咎較
重之二三等人員。尚有准其捐復者。而情節
較輕列為一等之人。轉以查辦之初未經特
加甄錄。不准捐復。本屬未協。自應加恩。准其
一體捐復。至侍衛降革留任人員。常例內既

准捐復。則鑾儀衛武職人員事同一例。辦理
不應兩歧。其有因公降級留任革職留任者
亦應准其一體捐復。以示公允。餘均著照所
議行。○勅諭。朕聞。國王知悉。朕寅承
駿命。祇遙鴻圖。求寧觀成。光宅區宇。譯傳風之
化。鑒歸善之誠。震疊懷柔。外薄四海。無有遠
邇。同我太平。負責懷琛。梯航鱗集。朕益惟宵
咨。吁理兢業。萬幾允冀。祉錫無疆。化綏有截。
爾邦遠界。海域恪守藩維。遙申向日之忱。載
肅來庭之使。循覽陳奏。情詞恪恭。已令將貢
品進收。俾遂殷悃。至爾邦民人前來貿易。歷
有歲年。天朝一視同仁。無不曲加體卹。亦無
需爾邦出力之處。茲國王特班表抒誠。極陳
愛戴。並飭港脚等處地方官員。凡遇天朝兵
民人等。倍加敬謹。具見爾國王慕義向化。深
所褒嘉。是用頒勅獎勵。並錫賚文綺等物。爾
國王其祇承渥眷。彌矢蓋懷。長荷天朝之寵
靈。益凜友邦之修睦。率職共球。延禧帶礪。以

副朕懷遠敷仁至意○以左春坊左中允寧古齊充日講起居注官○丁酉

上御紫光閣閱中式武舉馬步射○御懋勤殿勾到廣東湖廣浙江本年情實罪犯停決廣東斬犯二人湖廣斬犯五人絞犯二人浙江斬犯二人絞犯二人餘一百六十四人予勾○戊戌

上詣

時應宮拈香○御紫光閣閱中式武舉技勇

○御乾清宮引見中式武舉親定甲乙○諭內閣本年朕御紫光閣閱看會試中式各武舉馬步箭中者甚少弓刀石俱屬平常姑就其技藝稍可者照例分別錄用惟內有湖南省武舉譔思棠廣東省武舉鄧天保二名照所註弓力試看俱不能開似此技藝庸劣前此會試及覆試時如何閱看殊屬草率又有安徽省武舉孫文湧一名於開試十二力弓後忽又跪奏乞恩當命王大臣向其詢問據

稱求再賞開十四力之弓等語尤屬膽大冒昧該武舉既能開十四力之弓何以不於會試覆試時求請開試乃敢於朕前率行陳請實屬從來未有之事此三名本應俱罰停殿試念係初次違式干冒伊等革茅新進姑不加以責備所有譔思棠等三名已加恩仍以衛守備錄用矣至武會試掄才大典監試覆試均應認真校閱其技藝平常者豈應濫行與選二阿哥初次派令覆試已著軍機大臣面行傳旨申飭其餘會試時校看武舉譔思棠之莊親王綿課尚書明亮校看武舉鄧天保之公綿佑尚書鄒炳泰及派出覆試之成親王定親王綿恩協辦大學士費淳尚書長麟均著交宗人府吏部都察院分別察議嗣後若再有似此開弓違式並冒昧乞恩者本人均應罰停殿試其會試覆試派出之王大臣若不認真校看致朕親閱時如有譔思棠鄧天保二人之開弓違式者一併交部議處

○刑部奏審明司獄覺羅和成太成秀得受官犯徐用書常犯董順昇馬五保饋送一案得旨此案和成太成秀身為司獄乃敢得受監犯饋送並向借貸不還實屬無恥均著革職成秀即照刑部所擬在本衙門先行枷號三箇月示衆滿日再行照例折責和成太身係覺羅更不應如此卑鄙著即發往伊犁示儆不必再交宗人府加倍折罰至兆昌本係投遞匿名揭帖誣告叛逆免勾牢固監禁之犯在獄中尚不安分妄行控訴甚至捏控常明在監時與禁卒結拜弟兄任意污蔑殊為可惡伊本係問擬死罪人犯無可再加著將該犯提至刑部堂上重責四十板俾衆監犯共知懲惕餘依議○己亥

上御太和殿傳臚賜殿試武舉一甲張聯元白鳳池孫掄元三人武進士及第二甲馬天保等六人武進士出身三甲時龍光等五十一人同武進士出身○緩徵甘肅毗連災區之

靖遠縣新舊銀糧草束○庚子

上御懋勤殿勾到陝甘江西江蘇山東奉天本年情實罪犯停決陝甘斬犯二人絞犯十一人江西斬犯四人絞犯一人江蘇斬犯三人絞犯一人山東斬犯一人絞犯一人餘一百五十六人予勾○諭內閣本年朝審勾到內官犯福永一名前在西寧道任內因聽信家人烏爾滾慫恿婪索案犯贓銀八百兩審係枉法經刑部問擬絞候情實該犯身任監司大員執法營私簠簋不飭與都爾嘉厥罪維均屆期自應予勾以儆貪墨但念該犯家人烏爾滾因案內得財舞弊擬絞情實亦係法無可寬之犯福永與之有主僕名分若令其同肆市曹未免無所區別福永著加恩先於本日賜令自盡即派署刑部侍郎廣興前往監視○免湖北天門漢川潛江京山鍾祥五縣本年額賦十分之一緩徵沔陽荊門江陵監利西州縣新舊額賦貸天門縣屬兩次被

水災民籽種○辛丑

上御懋勤殿。勾到安徽河南山西直隸本年情實罪犯。停決安徽絞犯二人。河南斬犯一人。絞犯四人。山西斬犯三人。絞犯二人。直隸斬犯四人。絞犯二人。餘一百七十八人。予勾。諭內閣盛京為國朝發祥之地。風俗最為淳厚。近來漸染流俗。竟成惡習。文武官員往往貪鄙。於辦理事務。率多徇情納賄。富俊亦曾奏及。斷不可不力加整飭。昨日刑部進呈勾到奉天府罪犯本內。絞犯順安。前在盛京工部員外郎任內。因命案含混收留。民人鄒廉賄送銀二百兩。即係翫法受贓。是以將順安予勾。此特懲一儆百之意。將此旨著交富俊轉傳盛京五部侍郎及各城副都統。令其通行曉諭所屬文武各官外。仍將此旨抄錄於各部院衙門內各懸一通。俾文武官員等觸目警心。嗣後務須交相勸勵。似此汚染惡習。痛加改悔。以復淳樸舊俗。儻於訓誡之後。仍

有似此者。經朕查出。順安即其覆轍也。諭軍機大臣等。本日辰刻。先據孫玉庭馳奏。辦理投首洋盜朱臻。妥善一摺。內稱那彥成辦理投首盜匪。酌賞頂帶。並每名賞銀十兩。計海盜不下數萬。若盡行招撫。經費為難。其殺賊投首之人。未可盡信。且此等盜犯罪皆凌遲斬梟。今准其投首。概置不問。榮以頂帶。加以重賞。以致民間有為民不如為盜之謠。揆諸事理。殊屬未協。曾與那彥成再三辯論。意見不同等語。是那彥成於洋盜投首一事。竟屬辦理錯謬。是以該撫據實奏。朕披閱時。即料及那彥成日內亦必有奏報。迨至已刻。果遞到那彥成四百里馳奏之摺。係在孫玉庭拜摺之次日所發。內一摺係續報洋盜投誠。節次統計已有三千一百七十五名。口請仍照前議章程。分別將出力者賞給千把外。委項帶其餘分別量予安插。又另摺具奏。辦理洋盜勦撫事宜。據稱與孫玉庭兩次面商。

意見未能盡一。並另單臚列各條多係分辯之語。自係知該撫先經具摺。故為此奏。伊二人身任封疆。意見齟齬。猶屬小事。至粵省海盜充斥。前授那彥成為總督。原令會同該撫。督飭地方文武盡心緝捕。期於戢盜安民。並未令其招撫。乃前據那彥成兩次奏報洋盜投誠若干名。請將出力各首犯賞給頂帶。朕即以為此等稔惡匪徒。貸其一死。已屬格外恩施。豈可濫邀名器。當即降旨訓諭。其賞銀一節。特以其人數尚少。尚可准行。今前後投首者至三千餘名之多。據那彥成稱盜匪情形十分窮蹙。試思該督到粵以來。並未有督率將弁出洋痛事圍殲擒斬巨盜之事。該匪等方且乘閒登岸搶劫礮臺。肆其滋擾。有何畏懼。而遂形窮蹙乎。又據稱該犯等船隻礮械既經繳官。目前已可無患。等語。辦理地方事務。總當計及將來。經久無弊。豈有祇圖目前之理。況目前即未必無患耶。至稱兼用熟

悉盜蹤與新舊投降之人。廣為閒諜等語。看來竟係設法招撫此等兇渠。如果情急逃生。輸誠投首。尚當防其反側。若招之使降。如何足恃。從前朕辦理勦捕教匪。曾諄諄以勿事招撫為誡。天下寧不知之。况那彥成曾經行陣。尤非他人可比。即軍營中實係窮蹙投誠。或殺賊獻功者。亦必令審訊明確。然後酌予安插。今那彥成奏稱既已悔罪投誠。勢不可再加之審訊。殊不成話。該犯等來歷不明。若不訊問確切。豈可遽爾省釋。至所獻賊目首級。既稱難於盡信。又稱止可權為包容。該匪殺賊獻功。自當將所殺之賊訊訪明晰。方足憑信。若概予包容。該匪等詭譎異常。設竟讐殺良民。捏報殺賊。呈驗首級。假詞投首。豈亦置之不問。有是理乎。又據稱盜犯置之岸上。尚有蹤跡。可尋得以制其生命等語。大言不慚。可笑。已極。盜匪在洋行劫。祇係擾害商旅。近日漸肆鴟張。原以其登岸劫掠。不可不上

緊緝捕地方文武於盜匪在洋出沒時尚不能謹守礮臺要隘制其登岸之路即如李崇玉一犯乃係岸上匪徒經朕嚴飭緝拏那彥成猶未能剋期弋獲致令免脫豈將海盜置之陸路轉能制其生命即伊祖亦未必有此才幹况那彥成乎該匪等積慣劫掠一無恒業此時即按名賞銀十兩花銷易罄即賞給頂帶亦豈能久事羈縻是目前雖經投首將來必致背恩潛逃復萌故智並恐無數兇徒散居各處心懷叵測保無與陸地奸民勾結煽誘別釀事端於大局殊有關繫今那彥成奏稱籌及人數衆多或將廣西閒曠地畝給墾安插可見此次投首至三千餘名伊亦不能辦理乃出此謬悠之見以廣西寧靖地方忽令數千匪徒雜處其間豈能保其日久相安儻廣西又不能容則將徙置何處此時投首之三千餘名業據那彥成將出力者分賞頂帶並賞給銀兩自不便復行撤回致生缺

望但此後洋盜必須力為緝捕斷不可輕信投誠以杜後患且此三千餘名亦不可不酌籌安置因思吳熊光托津在湖北審辦各案自必得有端緒奏摺諒已拜發在途現經明降諭旨將吳熊光調補兩廣總督吳熊光接奉此旨即星夜兼程由驛馳赴新任其湖北應訊案件如尚審辦未結即專交托津會同瑚圖禮秉公辦理並將私鹽小錢兩事會同查辦俟辦理完竣後托津著仍遵前旨馳赴廣東會同吳熊光查辦一切回京面奏至吳熊光抵粵後須將投首盜匪三千餘名妥為安置遣散為第一要務並嚴飭沿海各口岸營汛上緊巡緝毋任洋匪登岸並嗣後不准設法招致其節次投首之犯如有滋生事端者著即按例正法示懲勿稍寬縱至那彥成辦理緝捕洋匪徒事招徠投首祇圖海洋盜匪稀少有意見好見長殊不知辦理並未妥協此必係誤聽屬員慫恿或竟出自廣厚一

人主見亦未可定。那彥成、廣厚俱著解任。交吳熊光傳旨質訊。將以上各情節詳細究問。如祇係誤聽人言。辦理錯謬。即當據實叅奏。一面令那彥成、廣厚二人自行來京候旨。或那彥成偏聽信任者。不止廣厚一人。亦當指名叅辦。儻此外復訊有執法營私款蹟。即當傳旨革職拏問。並將任所貲財查抄。一面嚴行審訊。按律定擬。前聞那彥成在粵飲酒看戲。曾經降旨詢問。據伊自行覆奏。每月演唱二三次等語。今朕聞伊在署竟日以看戲為事。伊前赴浙江審案時。在公館中即係如此。並有囑令延豐為伊購買優伶之語。現在伊所帶家人中。即有能唱曲演戲者。並聞廣厚素善音律。其跟役亦能演唱。那彥成在粵耽於逸樂。皆係廣厚引誘所致。其所設軍工局。聞亦係廣厚從中贊成。此時如已裁撤。則已若現尚設立。著速行裁撤。並將廣厚如何迎合那彥成之處。一併查明據實具奏。至孫玉

庭與那彥成近在同城。其飲酒看戲及設立軍工局等事。豈竟毫無聞見。何以並無一字奏及。祇以那彥成辦理洋盜投首未能妥協。具摺陳奏。殊屬非是。著吳熊光傳旨將孫玉庭申飭。並詳悉詢問具奏。又據那彥成等另片覆奏。御史吳榮光具奏洋盜追趕師船進口焚劫各緣由。查明並無其事。並據稱吳榮光係鹽商吳昆同之姪。那彥成現在清查局商牟利。營私諸弊等語。吳榮光家有局商。或因粵東清查鹽務故為挾嫌入奏。亦未可定。若該省實有洋盜進口焚劫之事。那彥成藉詞諱飾。則獲咎益重。並著吳熊光查明具奏。○調直隸總督吳熊光為兩廣總督。加直隸布政使。襄行簡。兵部侍郎銜。署總督事。以按察使慶格為布政使。清河道楊志信為按察使。調貴州布政使衡齡為廣東布政使。以貴州按察使李長森為布政使。安徽寧池太廣道宋銘為貴州按察使。○壬寅。

上御懋勤殿勾到朝審情實罪犯官犯八人絞犯一人均停決○諭內閣朕欽恤庶獄明慎用刑平日於各直省及法司衙門獄奏上無不折衷平允至於秋朝審勾到關繫尤重朕先於進呈黃冊反覆審觀定其應勾不應勾猶恐權衡稍有未當每逢勾到之辰必默叅天時氣候以驗用刑之能否協中誠以好生大德

天人相與之際甚可畏也此次朝審勾到有關靈一起係於本月十七日補進黃冊朕初以該犯敢在禁城之內放爆裝傷誣賴情節甚重自應予勾迨昨日下午時分風色稍覺陰寒朕因此動念復加詳覈該犯因家道寒苦不能聊生一時於該班處所裝傷妄拏希冀邀賞其所妄拏之籍陞與該犯素不相識並無挾仇陷害情事設或籍陞因此身受苦累釀成命案則關靈亦無可曲宥今籍陞於到案之日即行訊明旋就省釋是該犯亦無拖

累人命之事較之本年新犯克升額亦因家貧發掘祖母墳墓圖取金銀首飾者其情節輕重懸殊且該犯並不敢肆為盜竊等事惟委係貧苦情急糊塗尚可寬其一線是以酌定免勾而天氣旋就清朗本日勾到風日融和是朕辦理庶獄務求至當之心早邀

天鑒敬凜益深所有內外問刑衙門俱當深體朕意不獨引律斷罪不可稍涉偏畸而事關命案亦不可令死者含冤地下總一慎重民命之意也將此通諭知之○又諭前據刑部將捐升員外郎寶善捐升郎中張銘劉寶筏奏留本部旋經御史楊世英以保留捐升人員並不照例辦理等情具摺陳奏當經派交祿康等查覈據祿康等覆奏以刑部並未將該員等應行加捐分發及在部學習期滿仍應甄別之處聲敘明晰實屬違例請交吏部議處等語是刑部辦理此事實屬錯誤該御史所奏甚是因思該部奏留人員雖屬公同

商酌必有一人先出主見特令慶桂戴衢亨傳旨詢問據長麟稱係伊一人先出主意長麟著交部嚴加議處董誥等俱交部議處寶善張銘劉寶筏俱著照例赴吏部候選○癸卯飭大吏嚴查屬員交代諭內閣外省州縣官有經管倉庫錢糧之責關繫綦重遇新舊任交代時自須逐款清查如有虧缺經新任稟明上司該上司即應據實查叅近來各直省州縣交代遇有款項虧短該上司往往因規避失察處分不加查辦轉抑令新任之員含混接收該員迫於上官之命畏干叅罰勉強擔承虛出通關莅任後以本係接收前任款項有恃無恐並不上緊彌補日久因循其不肖者甚或以此藉詞貪婪苛斂腹及閭閻私肥囊橐各上司雖明知劣跡瞻顧姑容迨該員任滿卸事又復依樣交代輾轉數手帑項仍懸即如近開捐例現任捐升者甚多在京官員尚係自出己資至外省州縣若非挪

移官項即係剝削民膏雖未必盡人皆然而似此營私利己者亦必不少一經捐升銓除他省於本任原虧款項脫然事外其或虧空過多又復夤緣上官懇乞奏留以圖掩飾皆所不免此等外省惡習相沿於帑項吏治大有關繫不可不力加整頓著各督撫通飭藩司道府等嗣後各州縣新舊任交代時務將倉庫款項逐一清釐如實係舊任虧缺者即將舊任之員揭叅治罪仍責令照數賠補毋許抑勒新任接收以歸覈實各督撫皆受恩深重之人不應瞻徇私情不恤國事務宜各發天良存公正之心屏邀譽之念以期政治蒸蒸日上勿負朕諄諄教誨儻不以朕言為是祇顧私交彼時執法重懲悔無及矣至奏留人員如果有熟悉地方才具出眾者該督撫等因地需才保留一二員原非常例此後不得濫行保奏致啟劣員巧為趨避之端將此通諭知之○定本年秋審情實人犯覃恩

歸入緩決過二次再行減等例。又諭本日刑部將奉天吉林黑龍江等處應行減等死罪官常各犯摘敘案由。按其已入秋審未入秋審分別准減不准減繕單具奏。朕一一詳加披閱。其官犯佟瓚一名先在佐領任內。因派令前赴高麗溝燒燬賊犯偷砍木植窩棚。該犯懶惰未經燒盡革職作為兵丁。仍赴卡倫効力。該犯託病遲延。屢經嚴催不赴。盛京官兵等近來習氣卑靡貪賄營私以致釀成高麗溝巨案。該犯於奉派查辦時疊次怠玩推諉不知儆懼情節殊為可惡。又伊靈阿一名身為職官。因奉差進京沿途逗遛宿娼飲酒賭博聽曲實屬有玷官方。均著不准減等。其已入秋審常犯單內自張恭發至僧興德七犯均著不准減等。烏雲珠已入情實四次王德亦已二次均著照議減等。自張朝綱至姜定安二十四犯均係本年定讞甫入秋審情實此內惟王廷儉姜定安二起係用鋤刀給

人治病致傷斃命情尚可原。其餘各犯情罪均當予以勾決。特適遇今年朕舉行展謁大典。解澤普覃。該犯等尚非罪在十惡。幸邀貫赦若遽予減等與久禁囹圄者太無區別。不足以昭平允。該犯等仍著監禁。歸入秋審緩決案內。俟過二次後再行減等。嗣後遇有覃恩減等時。所有本年秋審情實應行酌減人犯該部均照此辦理。著為令。其自緩決十六次之項榮至緩決一次之李大成共二百九十一犯均著准其減等。至因瘋斃命各犯內劉小見一犯係砍傷總麻伯斃命。服制攸關不准援減。張來成李樞陳花三犯均著俟瘋病痊癒結報到部日准予減等。其未入秋審常犯單內高起發謝均寵三兒三犯不准減等。仍入明年秋審情實。自陳太至趙明共七十犯著刑部堂官詳細查覈本案情節酌定應入情實應入緩決摘敘案由分別開單具奏。候朕再行定奪。餘著照所議行。○江寧將

軍崇嵩因病回旗調廣州將軍弘康為江寧將軍。西安將軍賽沖阿為廣州將軍。以烏魯木齊提督扎勒杭阿為西安將軍。調湖北提督孫廷學為烏魯木齊提督。以前任江南提督定住為湖北提督。○乙巳諭軍機大臣等據繼善等奏請停巡查回城以免擾累一摺所奏非是。回疆地方設立辦事大臣。原令隨時稽查彈壓。俾邊境永臻寧謐。今繼善等奏稱巡查之舉似屬虛循故事。兼恐回眾備用

飯食跟役人等不無擾累。請嗣後將查城一事停止等語。該大臣等於所管地方親歷查巡。果能加意體卹。潔己奉公。何難將所備供應豫行禁止。並嚴飭跟役人眾毋許絲毫勒索。若該大臣等罔知體卹。即安坐署中。恐亦難免擾累。且新疆地面廣闊。巡查一事係屬舊制相沿。若如繼善等所奏將僅停止和闐一處。抑將概行停止乎。在繼善等以為現無應辦要件。遂可苟且偷安。殊不知相率因

循。必得有要務始行前往。豈不更滋貽累乎。看來繼善等竟係意圖暇豫。且不曉事體。著傳旨申飭。嗣後仍照舊巡查。並傳知回眾。毋許豫備飯食。跟役人等毋許騷擾勒索。儻有違犯。即當嚴辦。示懲。切勿稍存怠玩。將此諭令知之。○予故鑲黃旗蒙古都統碩雲保祭葬如例。○命左春坊左中允鮑桂星提督河南學政。○丙午

上詣

寧錄卷之三

三

昭顯廟拈香。○戶部議准浙江巡撫阮元疏報。慈谿鎮海定海瑞安四縣開墾沙地蕩塗十四頃五十六畝。有奇。照例升科。從之。○丁未。刑部侍郎祖之望。親老乞養。允之以山東布政使金光悌為刑部左侍郎。翰林院侍讀學士邱庭澐為山東布政使。○戊申

上以冬至祀

天於

圓丘。自是日始齋戒三日。○己酉。諭內閣現在

時屆嚴冬氣候寒冽滿漢大臣中年老者遇有奏事等項趁曉趨朝嚴寒倍甚從前曾經降旨諭令滿漢年屆六十以上大臣遇進朝之日准令筆帖式等代遞騰牌著照舊遵行該大臣等可於卯刻進朝聽候宣召其年至七十以上曾賞令紫禁城騎馬之滿漢文武一品大臣內如有不能乘騎者著加恩准令自製兩人舁擡小椅乘坐進內以示格外體卹至意○賞八旗兵丁一月錢糧

寶錄卷一百一

三六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十一

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百五十二

監修總裁官總日講起居注官太子太傅武英殿大學士文淵閣領閣事務容欽奉
上諭事務處管理工部事務翰林院掌院學士隨帶

加二級尋常加四級臣曹振鏞總裁官太子太保文淵閣大學士管理刑部事務加五級臣戴均元經筵日講起居注官太子少保內大臣文蔚

閏從舉閣事稽察欽奉 上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步

軍統領管理戶部三庫兼宸苑清漪園等處總理三桂處御膳房御藥房太醫院西洋堂事務軍功加一級隨帶加一級尋常全三級紀錄二十

一次臣英和經筵講官太子太保禮部尚書上書房行走武英殿總裁管理國子監事務架級隨帶架級紀錄四次汪廷珍等奏

救修

嘉慶十年乙丑十一月庚戌朔

Dependence on the

上詣

南郊齋宮齋宿。○辛亥冬至祀

天於

園丘。

上親詣行禮○遣官祭

永陵。

福陵

昭陵。

昭西陵

孝陵

孝東陵

景陵

泰陵

泰東陵

裕陵○命

皇次子○~~聖~~祭

孝淑皇后陵寢○遣官祭

端慧皇太子園寢○停次日朝賀○壬子諭

內閣鴻臚寺滿少卿一缺該寺堂官因京察一等之滿鳴贊已寧阿等二員俱緣事降調請於二等鳴贊內擇其歷俸年深熟習典禮者保送一員等語各部院衙門題升保送既有一等人員即不應將二等保送此端一聞恐滋取巧撓越情弊且巴寧阿根敦扎睦肅所得降調處分並非伊等鳴贊任內之事著加恩仍於該二員內秉公保送一員交吏部於此次應送各部院衙門郎中等官引見時

一體帶領引見候朕簡用○命兵部嗣後發往外省緊要公文毋庸釘封改用夾板封固

加貼印花以杜疏漏○以宗人府右宗人弘

勳戶部尚書祿康禮部尚書恭阿拉為內大

臣○癸丑

上詣

雍和宮行禮

宣仁廟

凝和廟

火神廟拈香○旌表守正被戕湖南辰谿縣

民蕭和正妻舒氏○甲寅遣官祭

先醫之神○諭內閣初彭齡從前任御史時

尚肯遇事直言不甘緘默迨擢任巡撫辦理

地方事務亦尚認真上年伊叅劾吳熊光操

守平常係因高杞騰播浮言初彭齡遂據以

入告未免為高杞所愚然其獲罪實不在此

惟將朕召對時面諭之旨向高杞傳述漏洩

之罪實無可辭是以將伊革職令其在家養

親閉門思過。今事已閱年餘。因念初彭齡平日官聲尚好。本日所出右庶子一缺。著加恩以初彭齡補授。示朕終不廢棄敢言之臣。以期有裨政治。至意。○又諭本日鐵保奏查明楚省岸商私自擡價一案。因該省嘉慶九十年官引暢銷。岸商欲彌補八年以前缺額。虧累將梁安等鹽分別增減出售。以致牽扯合算。每包多賣銀數釐。現據該商等請照九十兩年銷鹽引數計算。將多賣銀二十二萬兩零繳還外。並請照數認賠銀二十二萬兩零。於二年內全數繳完等語。該省鹽價節經奏定章程。商人等自應恪遵辦理。即因今昔成本不同。應須調劑。亦當據實呈請奏辦。乃黃滌泰等任聽岸商私自增減售賣。顯違定例。實屬不合。即責令倍罰革退。亦屬咎有應得。第念事關通淮商力。特予格外體卹。著將此項多賣銀二十二萬兩零。即在該商黃滌泰等名下照數於二年內繳完。免其革退。其

認罰銀二十二萬兩零。著加恩寬免。至信山久任鹽政。於此紫擡價病民之處。毫無覺察。所司何事。信山著交部議處。運司曾燠亦未查出。著交部察議。此後鹽價仍遵照五十三年奏准原案辦理。毋許有逾定額。○乙卯上御乾清門聽政。○諭內閣據費淳奏。現奉派修官學營房等項工程。伊素未諳習。本部司員亦無可以深信委辦之人。懇恩另行簡派等語。所奏大屬非是。各部院大臣遇有差委任使事件。安能盡所素習。歷年京城內外應修各項工程。點派漢大臣承辦者甚多。亦非盡屬諳練之人。況費淳久任外吏。於河工修築事宜。俱曾督辦。尤不得自謂全未諳習工程。即伊調任吏部。已閱年餘。所屬司員中。豈無一二勤慎可靠。堪派監修者。費淳明係藉詞推諉。況戴均元亦係漢人。何曾歷練工程。近年命辦重大工。皆能實心學習。是以命在總理工程處行走。現即派往清口查勘工作。

並不稍存推諉。毅然自任。如此方合大臣居心任事之道。今若准所奏。此端一開。將來凡有派辦工程。必至相率效尤。盡行規避。成何事體。其所請改派之處。不准行。著即遵照前旨。會同祿康。支碩錢糧。按限興修。○以國子監祭酒潤祥為太僕寺卿。○調巴里坤總兵官國興。阿為伊犁總兵官。甘肅涼州鎮總兵官蕭福祿。為巴里坤總兵官。○旌卹遇賊捐軀湖北鄖西縣候選訓導吳炎光。如例。○丙辰。諭內閣。前據那彥成等奏。已革南海番禺二縣知縣王貳等。稟出百齡在巡撫任內。用聯枷致斃二命。又派伊家人任。傳令兩首縣代辦供應物件。並於離任時。將一切玻璃紫檀物件。搬運下船。並又據奏。稱那彥成有與百齡聯銜具奏。各摺百齡到湖北後。將摺差截留。僅抄錄硃批行文等款。情節重大。特派吳熊光。托津馳往查辦。先據吳熊光。托津奏到查訊大概情形。一摺。據稱百齡供認在

廣東任內。曾因懲辦棍徒。用過聯枷。其與那彥成會奏之摺。因係巡撫衙門主稿。是以於到湖北後。將摺差截留。行文知會。至於在粵省起程時。將署內各物件。用人夫二千餘名。搬運下船。一節。堅不承認。請將百齡解任。質訊其印務。遵交瑚圖禮兼署。已降旨允行。本日復據吳熊光。托津奏到。續行究出任二寄頓一摺。據稱連日詳細研訊。據任二供稱。六月初二日。百齡自廣東起身時。舂船隨後行走。將歷年積存之件。並廣東署中原備器用家私。私自搬取下船。於到楚後。覓得漢陽李姓棧房。運往安放。百齡均不知情等語。當將任二寄頓各件。逐一查明。其百齡署內物件。亦行查封。內即有木器挂燈等項。亦係廣東之物。據百齡供稱。均係任二私自安放。實不知情。惟自認糊塗昏憤等語。並據將百齡供單進呈。百齡素號精明。豈有於伊家人私帶物件安置署內。竟毫無覺察之理。殊不足憑。

且披閱單內。有買房六處。買地五十餘頃。為價不少。伊本年出京時。曾聞其稱盤費不敷。向人挪借銀兩。竟似清貧有素。而現在查出所置產業如此。其平日所為。恐未足深信。百齡於在廣東巡撫任內。與總督會奏事件。不將硃批移交總督。僅行恭錄知照。又因懲辦光棍。製用聯枷。均屬錯謬。今又查出伊署內現有存貯廣東物件。是其巧詐營私。不可不徹底訊明辦理。現在吳熊光已赴兩廣總督新任百齡著革職。挈問交托津會同瑚圖禮提同伊家人任二及廣東人證。詳細質訊。將所控自廣東攜帶各件。一一點對。無任隱匿推卸。俟審訊確實後。再將百齡前此供認二款一併覈擬情罪。按律定擬具奏。○刑部右侍郎王汝璧以疾乞解任。允之。以都察院左副都御史四川學政周廷棟為刑部右侍郎。○以山東巡撫全保為湖廣總督。調安徽巡撫長齡為山東巡撫。以湖南布政使成寧為

安徽巡撫。福建按察使韓葑為湖南布政使。浙江杭嘉湖道袁東直為福建按察使。○命翰林院侍講周系英提督四川學政。○丁巳諭內閣。據和寧奏喀喇沙爾已故糧員伊精額虧空庫項。請將經手人證提取研訊。並請將該管大臣來靈交部嚴議一摺。所奏甚是。已故糧員伊精額在喀喇沙爾辦理糧餉十一年之久。虧短庫項至一萬兩之多。何以來靈於本年接任時。並不據實嚴叅。轉以盤查倉庫無虧。飾詞入告。及至伊精額身故後。始行叅奏。又未自請議處。殊屬不合。或係來靈因從前曾受伊精額賄賂。代為隱瞞。此時接手之員。未肯接收交代。是以奏明辦理。亦未可定。來靈著先行交部嚴加議處。至此案虧短庫項。來靈既已徇隱於前。豈可復令審辦。所有應訊人證。著交和寧親提嚴鞫。按律定擬具奏。如訊明來靈有染指分肥情事。即著據實嚴叅。其歷任辦事大臣。除普福訥音納

清保三員業經病故外所有德勒克扎布等五員任內如何盤查交代必有冊檔可稽並著逐一詳覈如有得受伊精額饒送賄賂扶同捏飾之處一併據實奏。○諭軍機大臣等本日據戴均元奏到履勘運口水勢情形一摺並繪圖貼說呈覽朕詳加披閱圖內所繪形勢甚屬明晰而自禦黃壩迤南至迤東一帶滿幅皆係黃水可見倒灌益甚據戴均元奏稱自八月堵築義字壩後迄今三月有餘清水較高黃水未及一尺距明春啟放僅有兩月儘力收蓄諒不能及二尺初放時或可暢注日久勢弱兩水頂阻或遇汎水漲發仍恐不免黃水倒灌等語所慮甚是但據稱與鐵保徐端再四商酌如遇兩水相抵不能不暫開峯山等閘用減黃助清之法來年重運亦可不至淺阻此則非是蓄清敵黃原係治河良法乃自上年回空阻滯經姜晟吳璥等籌啟祥符五瑞等閘掣減黃水權宜濟運

本年回空則全係借黃濟運似此年復一年黃水所到之處在在停淤日久竟成平陸全河受病關係非輕今若再開峯山等閘仍係上年掣減黃水辦法必致淤及下游殊非正辦現據戴均元奏稱俟催令銅鉛幫船渡竣亟宜堵合禦黃壩將引河一併開挖其臨湖引河二道趕緊挑竣並將清江以下運河兩腮淤灘上緊開挑此等應辦工程均著照所請辦理仍著鐵保徐端會同戴均元悉心商酌熟籌良法務使來年重運可以通行無阻而黃水不致仍前倒灌停淤為一勞永逸之計方為妥善將此各傳諭知之○旌表守正捐軀奉天承德縣民劉自美妻李氏○己未諭內閣京城滿洲蒙古八旗生齒日繁而國家經費有常甲兵設有定制勢不能於額外增添餉項俾資養贍朕宵旰籌思終乏良策今人數眾多生計既不免拮据而少年子弟無所執業亦恐啟游惰之風因思巡捕五營

所轄馬兵一項。本係召募充當。雖係綠營。究在京汎地面。向來漢軍八旗。及內務府漢軍人。均准挑補。滿洲蒙古子弟。儘可一律充當。不特養育有資。且得歸營管束。實屬兩有裨益。著滿洲蒙古八旗都統副都統等。會同步軍統領。及左右翼總兵。將五營馬兵查明額缺。共有若干。此內除現在漢軍充當者。共有若干缺外。其餘應酌分若干缺。照舊召募。以若干缺歸入滿洲蒙古八旗閒散人等分別挑充之處。詳細籌覈。悉心妥議具奏。○以故奉恩將軍珠靈阿子吉靈阿襲職。○調湖北提督定住為烏魯木齊提督。以湖北鄖陽鎮總兵官慶溥為提督。調河南河北鎮總兵官呢瑪善為鄖陽鎮總兵官。以河南荊子關協副將蔡鼎為河北鎮總兵官。○予四川湖北陣亡委叅領額森保富勒德恩委防禦富楚那藍翎馬甲莫訥恩泰。把總楊宗雄。外委柴全祭葬世職。藍翎鄉勇徐陞單貴減半賞卹。

前鋒薩英阿等四名兵丁許捷登等四十一名賞卹如例。○庚申。諭軍機大臣等。上月二十二日。據那彥成奏。到續投洋匪。前後共有三千餘名。請賞給頂帶銀兩。分別安插所辦。非是。是以特諭吳熊光前往查辦。本日又據那彥成奏。續收投首各起三百二十餘名。現在賊匪窮蹙。並據另片奏稱。另有東路巨盜二幫來投。人數不下四五千名。即星赴惠潮一帶親往辦理等語。所辦輕率錯謬。深為可慮。看其摺內所敘。及抄錄賊供。委員等紛紛購線。並各口岸均有告示。是前後投到之賊。均非自行投誠。竟係那彥成倡為招撫。謬論深信不疑。惟欲藉以見好見長。不顧事之利害輕重矣。辦理洋盜。惟有督飭文武實力勦捕之一法。即或因勦急來降。亦當詳辦真偽。分別覈辦。豈有將劫盜罪名置之不問。優以賞項。獎以官職。率意妄行。竟置勦捕於不辦乎。伊摺內尚云。此次查閱營伍。諭令水陸將

弁奮勉殺賊以堅賊匪投首之心。士氣百倍振作等語。可謂恬不知恥。廣東營伍廢弛已極。朕用那彥成為總督。令其實力整頓。勦捕盜賊。那彥成並不以勦賊為務。專辦投首。並將巨盜紛紛錄用營弁。致兵民皆懷怨望。士氣更何由振作。設有他變。那彥成實為禍首罪魁。縱執法重懲。地方尚可問乎。況有何把握。如此擔承。太不度德量力矣。又據稱從前吉慶任內。曾辦投首一千七百餘名。迄今數年未聞另有滋事之案。以為可以做照辦理。殊不知吉慶意在招撫。以致盜匪全無畏懼。營伍廢弛。日甚一日。本屬錯誤。且伊祇稱安插散遣。並未優給頂帶銀兩。其安插之處。係在南雄一帶。距海甚遠。即有黨與。亦難以勾結。今那彥成將投首數千人散在各屬。甚至列入營伍。能保反側之徒不潛相勾結乎。伊尚云賊匪現在窮蹙。肅清海氛。真非難事等語。實不成話。現在外洋盜匪直入內河。肆意

焚劫。並至省城戒嚴。正所謂開門揖盜。尚得謂窮蹙乎。那彥成前此摺內。將各州縣焚劫之賊。指為內河匪徒。以明其並非洋盜。殊不知從前盜匪止在海面行劫。並不敢肆行登岸。今洋盜投首者紛紛。而內河之盜。其勢日熾。豈將盜匪移入內河。即謂之肅清洋面乎。封疆大吏辦理諸事。小心敬畏。尚慮貽誤。今那彥成毫無慎重之心。如此易視。必貽後悔。不知那彥成有何把握。敢出此語。其摺尾又云。自分十餘年少有知識。真可謂大言不慚矣。海疆重地。關係緊要。今那彥成所辦如此。朕屢念綦切。吳熊光接奉此旨。著即迅速馳赴惠潮一帶接印任事。將那彥成先後辦理投首一事。妥為經理。所有前兩次投首之三千餘人。業經那彥成賞給頂帶銀兩。入伍歸農。此時若必令繳回頂帶賞銀。撤出營伍。則伊等不免又生怨望。且慮滋生事端。祇可照那彥成原辦安插。即此次續又來投三百餘

名既經招致亦不得不准其投順。惟所遣購線委員即應全行撤回。至現在東路巨盜二幫有四五千。吳熊光馳抵惠潮之後著詳細酌看。如該盜等已中止不來則已。設有投誠之事勢難卻而不受。必須慎重辦理。除其中本係裹脅者照例散遣外。其曾經為盜及著名之犯即應查明。如果此時實在殺賊立功。方可加以收卹。此後招致之說亟行截止。以免盜匪等源源而來。辦理棘手。再那彥成摺內稱現在安插之法大約頭目多願入伍。散夥多願歸農等語。粵省弁兵平日通盜者聞已不少。今又將積年匪盜紛紛歸入營伍。豈不令其通同一氣往來無禁。設竟與洋盜聯絡盤結。如何辦理。但那彥成業已准令入伍。吳熊光惟當將入伍之盜撥入能事將備名下。密令嚴加管束。時時防範。有犯必懲。不可稍涉大意。再盜首朱潰一犯前此據閩省督撫奏稱業經官兵在崇武澳口用礮轟沈。

船隻將該犯淹斃。今那彥成奏稱現在澄海縣報稱朱潰不願回閩投誠願歸澄海受撫等語。是閩省前報朱潰淹斃之語尚不確實。並著吳熊光詳查具奏。朱潰係有名盜首。劫掠多年。稔惡已久。非尋常散夥可比。若此等盜首徑來投誠。豈有不問來由直與赦賞。自應於來投之時責令立功自贖。如果伊將劇盜總兵寶李崇玉之類設法殲斃呈驗方可免其一死。准予安插。庶幾辦理稍協。又據另片奏稱現在經費不敷。先於捐監項下動用。已諭令洋鹽兩商捐貲一二十萬俟收到歸款等語。籌畫經費原為捕盜而設。今那彥成並不以之捕盜而用以賞盜。以每名十兩而論。前後所給已屬不少。設將來照此辦理。遇有勦捕要需。又將從何支給。那彥成此時亦自知難以為繼。故授意洋鹽兩商捐助。著吳熊光據實查明。如果該商等情願捐輸。即准其據情代奏。屆時當加恩賞給議敘以示獎。

勵。又據另片稱。伊至粵東以來。水土未習。時多病痛。恐有貽誤等語。那彥成正在壯年。不知盡心國事。自到粵後。惟與廣厚晝夜酣歌。耽樂無度。精神自難振作。或那彥成因見粵事難辦。豫存推諉。故為此奏。亦未可知。均著吳熊光據實查奏。無得稍涉瞻徇。將此諭令知之。○鑲黃旗蒙古都統蘇寧阿因病解任。調正藍旗蒙古都統弘勳為鑲黃旗蒙古都統。以正藍旗護軍統領巴特瑪為正藍旗蒙古都統。正藍旗漢軍副都統菩薩保兼正藍旗護軍統領。鑾儀衛鑾儀使禧恩為正藍旗蒙古副都統。頭等侍衛和世泰為鑾儀使。○辛酉諭內閣。戶部奏外省捐監銀兩。仍請解京。並各省例應解部備撥款項。非遇刻不可緩工程。不得擅行動用二摺。各省收納捐監銀兩。曾經降旨。自嘉慶十一年為始。留於外省補還封貯。俟足額後再行奏明請旨。今據戶部奏此項銀兩本非藩庫備用正款。可以

隨時解京。著照所請。自十一年起。各省收捐監銀。每湊足十萬兩。仍照前解部。如果實有要務必需留用。亦應專摺奏明。不得藉端扣留。其何時可以補歸封貯。著該部體察各該省情形。隨時具奏。至地丁錢糧及關稅銀兩。均係帑項正款。近年南河歲搶修各工。請撥銀至一二百萬兩之多。照舊額數增兩倍。且未經奏報。即已提用。殊屬非是。該處工程亦非盡係刻不可緩之工。有何迫不及待。竟無暇具摺奏聞乎。嗣後各該督撫等。如遇實在急需。不能稍緩之事。仍准一面奏報。一面暫行指款支用。若僅係豫購料物。及年例歲修等工。均應先行奏明擬動何款。俟接奉諭旨。及部文後。方准借支。不得擅行動撥。○又諭。據馬慧裕奏洛陽嵩縣地方開濬河渠灌漑民田。著有成效。請責成專員經營。以垂久遠等語。河南伊洛等河濱。舊有渠工。歲久湮廢。今修復開濬。廣溉田畝。所辦甚好。此事先由

升任藩司溫承惠查勘倡修並捐買渠占地畝通判楊世福實心相度經理得宜本年收穫豐饒已有成效溫承惠楊世福俱著交部議敘至此項渠工本為利民興復若無專員董率仍恐日久廢弛所有該處各河渠一應事宜即著專歸河南府通判衙門管理照依所定章程實力奉行永資利濟○又諭據薛大烈奏查閱營伍情形一摺此次薛大烈查閱提鎮屬十七營並無堪列一等者而正定鎮所屬十三營僅有四營堪列二等四營堪列三等其龍岡廣平忠順磁州開州五營弓箭鳥鎗不及分數俱不堪列等可見該管總兵黃嘉謨平時未能認真訓練以致官兵等技藝生疏考校多不如式除照所請將該管員弁查取職名送部議處外黃嘉謨著先行交部議處○又諭勒保奏成都滿營甲兵挾嫌逞忿戕斃副領催審明定擬一摺清德身充甲兵因連誤操演挾領催阿靈阿稟責之

嫌輒將奉差同往傳喚之副領催智光遷怒逞兇立時刃斃殊屬不法著勒保傳集滿營甲兵將該犯清德押赴教場即行處斬集示以昭炯戒○諭軍機大臣等本日朕恭閱皇考高宗純皇帝實錄乾隆四十九年十一月內欽奉聖諭以西洋人蔓延數省皆由廣東地方官未能稽察防範所致向來西洋人情願進京効力者尚須該省督撫奏明允准後遣員伴送來京何以此次羅瑪當家竟公然分派多人赴各省傳教澳門距省甚近地方官平日竟如聾瞶毫無覺察自有應得處分儻嗣後仍有西洋人潛出滋事者一經發覺惟該督撫是問即當重治其罪等因又奉聖諭以孫士毅奏委員伴送西洋人德天賜等四人進京已數當差嗣後可無庸選派俟將來人少需用之時另行聽候諭旨等因仰見皇考禁絕邪說訓誡嚴明至意當德天賜等進

京効力之時。在京西洋人已數當差。即諭令停止選派。可見西洋人等來至內地。授徒傳教。為害風俗。早在

聖明鑒察之中。粵省澳門地方洋船往來。該國人等自因赴廣貿易。與內地民人勾結。始能惑眾傳教。如果粵省稽察嚴密。何至私越內地乎。本年因江西省拏獲為西洋人送信之陳若望及山西省民人李如接引西洋人若亞敬傳教等案。業經根訊明確。分別懲創。嗣後著該督撫等飭知地方官於澳門地方嚴查西洋人等除貿易而外。如有私行逗遛。講經傳教等事。即隨時飭禁。勿任潛赴他省。致滋煽誘。其有內地民人暗為接引者。即當訪拏懲辦。庶知儆懼。並當曉諭民人等。以西洋邪教例禁褻嚴。不可受其愚惑。致蹈法網。俾無知愚民。各知遷善遠罪。則西洋人等自無所肆其簧鼓。即舊設有天主堂之處。亦不禁而自絕。此尤潛移默化之方。該督撫等惟當

善為經理。實力稽查。絕其根株。正其趨向。亦整風飭俗之要務也。將此諭令知之。○旌表守正捐軀浙江江山縣民潘得明妻戴氏。○貸河南新鄉。沒輝。獲嘉。淇。河。內。武陟。濟源。修武。原武。林。延津。濬。孟。溫。安陽。湯。陰。十七縣被水災民倉穀。○壬戌。

聖祖仁皇帝忌辰。遣官祭

景陵。

上詣

壽皇殿行禮。○以甘肅甘涼道劉大懿為按察使。○福建建寧鎮總兵官特克什布因病解任。以浙江平陽協副將徐銳為建寧鎮總兵官。○癸亥。諭內閣。據蘇楞額奏查明

西陵紅椿以外白椿以內居民田園墾地細數一摺。並繪圖開單進呈。

陵寢重地。風水攸關。從前設立紅椿。禁止樵採耕種。其白椿青椿。本屬後來添設。彼時白椿以內居民田廬墾地。並未遷易。各循其舊。至

青椿去白椿遠在十里之外。向止禁設窰燒炭。而定例白椿以外青椿以內。取石取土。罪名綦重。是此例與原辦章程。本係兩歧。夫既有田畝。即不能無耕種。既有廬舍。即不能無修築。此時該處居民。相安日久。若將田廬撤出。概行撥換。事涉紛擾。且尚有墳塋在內。勢難併令遷移。至於營汛房間。尤為守護官兵巡邏棲息之所。亦不便遠移界外。所有紅椿以內。應行禁止章程。仍照定例辦理外。其白椿以內。及青椿以內地方。應如何酌量示禁。有犯。應如何分別罪名。準情定擬之處。著原議大臣悉心叅覈。妥議具奏。候朕定奪。永遠遵行。○又諭據陳嗣龍奏。請飭禁外省接收呈狀。無代書戳記。不閱之陋習。以達民隱。一摺。各省院司道府。以至州縣衙門。均設立官代書。原以鄉曲小民。不能自書呈狀。且以防訟師架詞構串。動輒累牘連篇。搖惑觀聽。是以官頒定式。以示節制。乃日久變生。代書人

等或有隱匿情節。並以戳記居奇需索。不肯印用。而情逸自安之地方官。亦遂以無記不閱。推諉延擱。此等陋習。亦不可不加之飭禁。嗣後各直省聽理詞訟大小衙門。如係尋常控訴事件。仍照舊例由代書繕寫印用戳記。並留心稽察。嚴禁勒索錢文。增減情節等弊。若遇小民急迫赴愬。或橫被冤抑。案關重大者。即隨時喊稟。亦應准理。其所具呈狀。不必責以定式。均令即時接收。速為審辦。此事全在地方官盡心民瘼。不憚煩勞。使申訴者免守候留難之累。庶民隱無不上達。吏治日就肅清。將此通諭知之。○旌表守正被戕黑龍江鑲黃旗披甲格特木保妻烏克東濟氏。守正捐軀。湖南會同縣民林添昇女林氏。○甲子。諭內閣。前日刑部奏。陳漢在易州知州任內。虧空庫項至十一萬餘兩之多。訊其虧空緣由。皆係因公賠累。並據供稱。辦理五次大差。即賠累銀一萬餘兩等語。因思清蹕經臨。

從無擾累。推其辦理不善之故。總緣濫支濫應。以致州縣中膽大者挪動官項。膽小者亦未免科派民間。此於吏治帑項。大有關係。特諭令裘行簡通行曉諭閩省官員。毋蹈前轍。本日裘行簡覆奏摺內。據稱直隸辦差有年。一切費用。大約出於恩賞。官捐。民力。三者。如果經理得宜。原無賠累。溯查乾隆三十年以前。差務較多。從無虧空。至乾隆三十年以後。差務較少。而虧空日增。皆緣大吏徇私廢法。州縣遂致玩法。藉端虧空。派累等語。所論甚是。直隸省承辦差務。需費不免。朕曲加體卹。每特恩賞給銀兩。如橋梁道路。皆有開銷。即例不准銷者。亦往往逾格允准。其官捐民力。雖非帑項可比。亦豈得任意花銷。不加撙節。該督所稱乾隆三十年以前並無虧空。三十年以後虧空增多。皆緣從前差務雖多。餽送甚少。迨後差務雖亦不少。而餽送較增。風氣所趨。漸滋糜費。帑項何由撙節。吏治何由肅

清近年以來。朕節次訓諭。此風稍就斂戢。然營盤中如餽送豬羊酒果之類。尚所不免。朕皆真知確見。特因事涉瑣細。若必紛紛查辦。又近煩苛。是以未經深究。此等些小應酬。地方官視為有限。殊不知積少亦可成多。統歸糜費。何如併此亦復杜絕。且派往扈從各員。於應用食物。大抵皆能自備。又何藉該地方官之區區餽送討好乎。裘行簡由軍機章京擢用。在京有年。其親戚故舊。諒亦不少。若謂差次礙於情面。難於一概裁減。則朕此時既已明降諭旨。該署督身為表率。又何慮他人之不相諒耶。嗣後著將此等費用。一併禁止。食物尚不准送。儻有送盤費者。一經發覺。計贓論罪。決不姑恕。該署督惟當督率屬員。於承辦差務。覈實辦理。毋得再蹈從前濫支濫應惡習。以杜虧空。而肅官方。儻經此次降諭之後。地方官猶不悛改。並藉此影射冒混。再蹈積弊。經朕查出。必將與受一併執法懲治。

該上司意在責成彌補。亦不得不允從具奏。於吏治帑項。均有關係。不可不大為之防。張經田一員。著飭令赴部候選。如情願加捐分發。亦仍著赴部照例加捐。簽掣省分試用。所有長齡奏留之處。著不准行。○旌表守正捐軀山東單縣民王大成女王氏。○丙寅諭內閣。戴均元等奏。凌水驟漲。清江浦土隄過水情形一摺。據稱本年冬至前後。江境嚴寒。冰凌擁積。裹河廳清江汛地方。因修建閘座。將五空橋攔壩挑切。適初八日天氣驟暖。凌水湧漲。漫過攔壩。由玉帶河下注城隍廟地方。隄根滲水。坐蟄浸及清江浦南岸官署民房。並清河縣倉穀。亦不及全行移貯。幸居民距隄不遠。立刻搬移高阜。並未損傷人口。房屋亦未倒塌。查明口門僅止八丈。即日堵築斷流。現在多雇水車。將積水趕緊車岸。除將廳營文武汛弁題叅外。徐端自請嚴議。鐵保自請議處等語。清江浦地方。因凌水驟注。隄根

蟄。以致南岸民房官署多有被淹。實屬猝不及防。非意料所可及。但隄根如果堅實。不致滲水。又何至有生蟄之事。是該管廳營文武等。咎實難辭。著即查明叅辦。並將隄工著落賠修示儆。其被淹涇損倉穀。著查明數目。施恩賠補一半。徐端等疏於防範。本應重處。姑念事出意外。一時督率未周。徐端著從寬交部議處。鐵保著從寬交部察議。至摺內雖稱人口並未損傷。房屋亦未倒塌。但該處被淹之後。尚未涸復。小民究恐失所。著該督即行查明。如有應需撫卹之處。據實奏聞。一面先行動項辦理。不可諱飾。其未涸之水。務即上緊車岸。俾得各就寧居。至河道工程。總須先事豫防。方保無事。此時正當冬令。水落歸槽。原非防汛之候。本無盛漲之虞。乃因天氣稍暖。凌水下注。遂致漫壩蟄隄。可見備禦之法。不可刻疏。全在隨時加意慎重。朕宵旰廑念。無時或釋。司事之臣。不可稍存自滿。時凜

敬畏。此次漫水。即當存警戒之東。以期來歲安瀾之慶。凜之慎之。○又諭據軍機大臣等查出乾隆五十年

諭旨將八旗內外文武大員子弟每屆五年行查一次。由該旗咨送軍機處彙奏。揀挑侍衛拜唐阿。朔自乾隆五十年遵

旨查辦以來。惟於乾隆五十年查辦一次。乾隆五十五年查辦一次。乾隆六十年嘉慶五年屆期均未辦理。今已越十五年。自應遵照原奉

諭旨查辦。著八旗及內務府三旗。即照前辦成例。將在京文武大員外任知府以上大員及歲子弟。查明分造清冊。咨送軍機處彙奏。候朕指出帶領引見。嗣後五年一次。照此查辦。○以右春坊右庶子初彭齡。右贊善黃鉞。署日講起居注官。○丁卯。翰林院纂輯皇朝詞林典故成。

御製序文。予總裁總纂提調纂修等官議敘。有

差。○戊辰。諭內閣。前因八旗生齒日繁。生計不免拮据。當降旨。諭令將五營馬兵。以若干缺歸入滿洲蒙古八旗閒散人等分別挑充。今滿洲蒙古八旗都統副都統等。會同步軍統領。及左右翼總兵等。悉心妥議具奏。既而思滿洲蒙古閒散子弟。挑充五營馬兵。與綠營一體當差。恐不免沾染習氣。致滋流弊。朕從不迴護。已過原欲俟議上時。再行降旨停止。本日據祿康等奏。籌議現在巡捕營兵丁情形一摺。亦見及此。與朕意適相符合。實屬可嘉。能如此盡心國事。方不愧為大臣之道。其所請將差馬撥出二千匹。交與張家口牧放。計每月可省馬乾銀五千兩。於八旗滿洲蒙古閒散內。每旗滿洲額增養育兵二百分。蒙古額增養育兵五十分。八旗共增養育兵二十分。每月給銀一兩五錢。每月統計用銀三千兩。照漢軍養育兵之例。毋庸給與米石。所奏俱屬可行。惟是此項人等挑充養育兵

丁亦應分以等次如閒散子弟先挑入無米養育兵再由無米挑入有米養育兵再由有米養育兵挑入馬甲如此分別方足示以限制至所稱將馬乾銀內餘出之二千兩扣存部庫一節殊可不必所省馬乾銀兩除增養育兵二千分外尚餘銀二千兩自當仍於滿洲蒙古閒散內酌再添設養育兵以資生計其應如何勻派之處著軍機大臣詳悉議奏至向來兵部每遇差務閒有調取巡捕營馬匹協濟當差之時今巡捕營僅存馬二千匹嗣後自難調取協濟亦著軍機大臣一併覈議具奏所有前次諭令該滿洲蒙古八旗都統副都統等會同步軍統領及左右翼總兵等詳議之處著不必再行會議又諭喜格以署理南陽鎮總兵具摺謝恩該員署理總兵係由該省巡撫馬慧裕照例委署並非特旨向來各督撫委副將署理總兵均不專摺謝恩喜格瑣瀆具奏殊屬不合著傳旨申飭

並著通行曉諭各省駐防城守尉嗣後遇有各該督撫委署印務均毋庸謝恩惟將接印任事報部給雲南昆明昆陽晉寧呈貢四州縣被水災民一月口糧並緩徵本年額賦

己巳

上御太和殿視朝王以下文武升轉各官謝恩

庚午

上詣

大高殿行禮○諭軍機大臣等前日戴均元奏查勘義字一壩因本年風浪激開壩底全行掀揭此時跌塘之水深至三丈勢難車戽修復若僅恃柴壩勢難保重因請改建隄工等語此事戴均元查勘之後係與鐵保徐端熟商至再意見相同前經降旨允行但連日再四思維該處五壩之設由來已久溯從康熙年間

聖祖仁皇帝創建之後乾隆年間復屢蒙皇考高宗純皇帝親臨相度指示機宜設立誌

椿以時啟閉

命河臣永遠遵守。誠以敵黃刷於全賴洪澤湖之水。而湖水盛漲。不能無所節宣。蓄放關鍵最為緊要。今若減去一壩。既與定制不符。且近年湖水盛漲。高堰隄工。雖處處皆形著重。而義字一壩過水之處。竟至壩底俱被掀揭。跌塘水深三丈。看來該處地勢較低。水性趨下。是以連年以來。此壩更為喫緊。此時改建隄工。將來盛漲時。新築之工。恐未足資抵禦。且跌塘之處。總需填實。隄根方免汕刷。亦未可輕率從事。著戴均元等三人再行公同相度。通盤籌畫。此時或照舊築建義壩。究竟計需工費若干。計用時日若干。可期如式辦竣。永資鞏固。若如伊等之說。義壩勢難復建。祇能改建隄工。亦當計及該處為全湖水勢匯歸一線。隄工未必即能扼禦。或於大隄之外。另行添築月隄坦坡之類。為重門保障之計。較為得力。計其工費又共需幾何。時日又共

需幾何。是否於明年大汛以前。均可完畢。儻改建隄工。與修復壩工。勞費不甚相遠。自以復還舊規為是。儻目前形勢。實能再建壩工。如何方可經久無弊。即行會商妥議。迅速奏聞。候朕酌奪。將此諭令知之。○辛未。以翰林院侍講學士法式善。右春坊右庶子承恩。泰充日講起居注官。○旌表守正捐軀甘肅鹽茶廳民張可雨妻楊氏。○戶部議准雲南巡撫永保疏報。南寧建水石屏鎮沅四州縣開墾田九十七畝。有奇。照例升科從之。○緩徵稻田廠旱災蟲災租銀。○壬申。旌表守正捐軀江蘇海州民朱有女朱氏。○癸酉。

上莊靜固倫公主第。詣

時應宮拈香。諭內閣。朕因四公主下嫁後。尚未臨泣賜第。俯允所請。定於本日前往傳膳。此亦典例之常。是以前經諭令。值日該旗推班各衙門。如有引見官員。自可無庸帶領。至應奏事件。仍應照常呈遞。朕未明求衣。本

日較常時更早。原欲披覽事件後。前赴四公主第回宮辦事。召見臣工。儘屬從容。乃本日文武大小衙門。竟無一事陳奏。如朕在彼。果有竟日盤桓。或須晚膳後回宮。則尚可以此藉口。今朕於卯刻前往。膳後詣各廟拈香。回宮尚不過辰刻。為時甚早。豈本日各衙門。竟無一應行陳奏之事乎。自係各該大臣等。耽於安逸。相率在家晏起。而轉以仰體為詞。實太不成事體。所有文武各該衙門堂官。均著傳旨申飭。嗣後遇有此等臨幸傳膳日期。各該堂官。仍應照常奏事。如再有藉此曠誤者。必當一併懲處不貸。將此通諭知之。○甲戌

上詣

慈寧宮

壽皇殿行禮。○諭內閣。朕昨至四公主賜第傳膳。是日外省並無一人遞摺者。今早即有十處奏摺。自係昨日壓擱所致。因特令總管內務府大臣傳遞。摺差弁。逐加詢問。內汪志伊

董椿二人之摺。本係二十三日到京。因有外奏事處聽差人賀清泰告知。次日皇上至四公主府。大約不接事。是以未遞等語。各省奏事差弁到京後。自應即向外奏事官員呈遞。奏摺。何以又設有聽差之人。已屬非是。大臣壅蔽。朕尚不容。乃賀清泰竟敢擅出主見。不令呈遞。而該差弁等亦遂聽從。實太不成事體。若不嚴加懲治。朕竟成聾瞶。任諸臣朦蔽而不覺。實不能容此朦蔽之惡習。有負訓政之深恩也。差弁何興祖、李國治。均著革職。同賀清泰。一併交刑部嚴審定擬具奏。至外奏事官員。本不應設有聽差之人。且賀清泰竟敢在外擅壓奏摺。伊等毫無覺察。均難辭咎。扎克塔爾等。均著交部嚴加議處。○又諭前經降旨。將巡捕營酌省馬乾銀兩。除現議新增養育兵二千名外。其餘每月所餘銀二千兩。應如何再行酌添養育兵以資旗人生計。並各旗應如何分別挑補。及兵部嗣後調

取馬匹協濟差務之處均交軍機大臣詳議具奏本日慶桂等奏稱每月節省馬乾銀五千兩按照每名月給餉銀一兩五錢共可得三千三百三十分合較八旗滿洲蒙古佐領數目擬於滿洲八旗每佐領下增設養育兵四名共二千七百十八名蒙古八旗每佐領下增設養育兵三名共六百十二名分晰開單進呈等語所議一切均屬可行旗人增此養贍之資惟當倍敦勤儉勉圖上進用副朕加惠至意至向來挑兵之事祇由各該旗之都統副都統自行挑取此次新添養育兵為數較多自當詳覈家口人數酌量挑補著軍機大臣將不管旗務之王貝勒貝子公散秩大臣滿洲二品三品四品閣學京堂開單進呈候朕簡派十六員會同該旗都統副都統秉公挑補足額以昭慎重其京營馬匹存營者差操緊要即牧放之馬亦仍需豫備調撥均應查點足數著由兵部奏請特派王大臣

會同步軍統領衙門先將存營差操馬二千匹點明烙印給交官兵等分別餵養再將應交張家口牧放之二千匹另行點驗烙印一面行文察哈爾都統衙門派員來京給領牧放無任虛冒嗣後存營之馬均需豫備各本營差操之用兵部遇有差務毋得再行調取○又諭鐵保汪志伊奏審明鹽城縣捆溺斃多命兩案各犯分別辦理一摺此案葛雲以該莊隄岸被淹適見東臺縣民人顏士英等一共八家分駕小船八隻在隄外拔草疑係窺隄洩水聲言捉拏送官令衆人將顏士英等用繩捆住顏士英等不服同聲辱罵葛雲又慮及經官審明放回日後必受報復遂起意糾衆將顏士英等男婦幼孩三十五命一併溺斃又周謨田因於三旺莊堆貯稻穀正在挑穀上岸適見高郵州民人蔣滋等十人分坐五船到彼停泊疑係窺隄匪船欲圖搶殺以致爭鬧截傷一人身死該犯既不報

官又不釋放。起意將蔣滋等九人一併溺斃。並將戕傷死屍掠棄各等語。顏士英將滋等或因被水攜家出外。拔草賣錢度命。或因捕魚餬口。皆係無辜平民。葛雲等心疑為匪。因聞知前此朱陳莊陳學周有將外來人船盡行沈溺之案。輒敢恃強效尤。糾眾捆溺多命。情節甚屬可惡。除周謨田武定國嚴緒朱文魁四犯業經該督等於審明後恭請王命正法。與先經病故應行剉屍之葛雲一併梟示外。所有為從加功擬斬立決之施大禿子周大鮮子周明如周興等四犯俱著即處斬。不必再交部議。至已革署鹽城縣試用知縣陸樹英身膺民社。所屬村莊疊次報有此等兇徒慘斃多命重案。總由平日全不留心化導所致。擬以杖徒。尚覺輕縱。陸樹英著發往伊犁効力示儆。餘著該部覈擬具奏。○以故四川松茂道屬雲昌寺土千戶色浪子亦西折他。靜州長官司土官董勤詩子光舒各襲職。

○貴州貴陽府開州屬乖西正長官司土官楊裕因病告替。以其子燦榮襲職。○乙亥。諭內閣據襄行簡奏直隸初二兩次原虧銀兩應行監追人員請旨飭追一摺。此項應行監追人員虧缺倉庫銀兩。於初二次查辦之後。逾限未完。不即按律治罪。從寬監禁追繳。已屬格外施恩。乃顏檢前在總督任內並不遵照奏案收禁嚴追。一味見好沽譽。任聽該員等置身事外。甚至原奏監追之八員中。竟有王瀾一員。於限滿之前。私行回籍。似此因循庇縱。大負朕恩。不恤國事。試思該員等虧挪帑項。獲戾甚重。令其羈禁固圉。稍示懲誡。較之常犯拘繫獄中者。已有區別。顏檢欲併此而寬之。宜其逾限拖延。追繳之說有名無實也。本年奉行簡蒞任藩司後。已將吳大受等七員按例監禁勒追。其私回原籍之王瀾一員。及應在原籍監追之江元謙等十六員。即著各該督撫查明下落。照例收禁。省監嚴追。

勿稍寬縱。俟一年限滿後。該員等若如數全完。再行奏明請旨。儻仍逾限不完。即著嚴叅治罪。該督撫等毋得視為具文。復蹈顏檢之故轍也。○湖南巡撫阿林保奏。捐貲籌辦苗疆均田。候補知府同知王廷瑛。以知府即選候補教職周明珠。以知縣即用。餘升敘有差。○以故廣西慶遠府屬那地州土知州羅起城子鳳翔襲職。○丙子。

上詣

雍和宮行禮

宣仁廟

凝和廟

火神廟拈香。○諭內閣刑部奏審擬外奏事處聽差人賀清泰擅壓奏摺一事。賀清泰因聞奏事官滿保有二十四日各旗推班之言。輒自出臆見。以為各旗既已推班。未必接收。奏摺向江蘇差弁何興祖等告知。以致何興祖等將奏摺遲至次日呈遞。實屬糊塗膽大。

罪有應得。著照刑部所擬發往伊犁充當苦差示儆。革弁何興祖。李國治。來京遞摺率聽賀清泰之言。延至次日呈遞。亦屬不合。著照刑部所擬杖八十。分別責處。飭令各回本處。至向來各省差官來京遞摺。因路徑生疏。且恐各門攔阻。是以奏事處有引帶之人。由來已久。看來其勢亦不可少。此時若令裁撤。不但差官等門徑不熟。致誤呈遞。且恐閒雜人等或致冒混入內。該看門官軍等亦無從辨識攔阻。轉費稽查。但此項聽差之人。自當官為設立。不應私自雇募微賤民人。嗣後外奏事處。應撥派何項官人。引帶摺差。需用幾人輪替。並如何定以年限。酌予勸懲。著御前大臣軍機大臣會議。速奏。尋議應於內務府現任筆帖式人員內擇其通曉清漢文理。平日謹慎。並熟悉禁門及各地方道路門徑者。由內務府大臣選派二員。送交外奏事處當差。得旨依議。其當差之筆帖式。三年期滿。如果

小心勤慎著該管之御前大臣據實保奏帶領引見再行加恩儻有懶惰貽誤好事等情應即隨時叅處若外奏事官不隨時稽察弊端經御前大臣查出叅劾即將外奏事官一併懲治至從前差升等於遞摺時給送茶銀現經裁革不許收受該筆帖式等當差不無需費著將奏事官員等每年所得隨封銀兩酌量分給俾資用費○丁丑諭內閣值年旗都統儀親王等以八旗滿洲蒙古添設養育兵代奏謝恩一摺此皆各都統副都統因朕特沛恩施代兵丁等繕摺謝恩豈實有兵丁等於各該管都統前叩求代表之事朕綜理諸政崇實黜華即如添設此項養育兵額以旗人生齒日繁生計拮据朕心再三籌畫始行降旨將京營五營馬匹裁汰二千匹每月節省銀五千餘兩分賞八旗滿洲蒙古兵添設養育兵三千餘名俾旗人均沾實惠以紓生計並非冀其感激各都統副都統等均有

教養兵丁之責嗣後務體朕軫恤旗僕之意各率所屬叅領等善為教導俾兵丁各習弓馬勤慎當差節儉生計即遇有紅白事件仍照例給予恩賞銀兩該兵丁等惟當守分安常儻於此次調劑之後不知節儉以為尚可再望恩施妄行僭越華服飲酒賭博聽戲錢糧入手立即蕩然的多添錢糧轉於伊等有損無益况國家經費有常朕亦不能屢加恩施將此著各都統副都統通行曉諭知之○又諭本日據瑚素通阿奏到審訊蔚州民人魏廷林呈控伊女魏氏被夫姊蔣梁氏等勒死一案係屬虛誣分別定擬緣由又據另摺奏稱於公館院內茶夫見牆外擲進字紙經瑚素通阿取閱係匿名帖一紙即言辦理此案魏廷林之女冤不能申且稱瑚素通阿與司員有得銀枉斷情事並將匿名原帖進呈魏廷林控案經瑚素通阿審斷後既據投有匿名字帖自未便即行定案著派德瑛帶同

司員馳驛前往蔚州。東公查辦所有瑚素通阿奏摺及匿名字一紙均著交德瑛帶往審明後再行定擬具奏。○諭軍機大臣等朕明歲二月臨幸盤山於二十日出正宮門詣千相寺拈香二十二日出晾甲石門由少林寺詣古中盤其餘各處寺院概不親詣從前顏檢辦理差務時每將山內各處路徑一律修治曾經詢問則以豫備臨時傳旨臨幸為辭殊屬濫用民力且多增勞費朕臨蒞之處既經先期降旨指定地方豈有屆時於未經豫備之區責令辦差官員匆促承應者此次著秉行簡遵照發去圖樣內點出往來道路飭令修理平坦准其開銷公費此外各山徑一概不許修墊若仍前濫費不但不准開銷並當治以應得之咎原圖著發給閱看該署督即恪遵辦理可也○予廣東捕盜陣亡候補守備涂繼勳署守備連旭祭葬世職如守備例湖南陣亡外委李得張希英吳吉魁染伏

祭葬加等世職如例兵丁嚴有陞等九十九名賞卹如例○旌表守正被戕四川灌縣民羅萃章妻蔡氏福建連城縣民江秤哩妻林氏○戊寅上幸瀛臺閱冰技○諭內閣刑部具題四川省民人陳廷榮因疑賊誤將小功叔祖陳倖禮砍毆適斃問擬斬決夾簽請旨一本此案陳倖禮因往陳廷榮家看望經陳廷榮留住屋內夜間在於屋後出恭陳廷榮聞犬吠出看順攜防夜尖刀黑影內因見樹下蹲有一人疑是賊匪即用刀砍傷陳倖禮頂心復用刀柄毆傷其左臂膊陳倖禮喊跌倒地陳廷榮聽聞聲音始行住手經鄰人幫扶進屋已不能言語傷重殞命刑部以陳廷榮並非有心干犯是以將問擬斬決之處夾簽請旨朕詳覈案情陳廷榮將陳倖禮誤認賊匪先用刀砍傷其頂心重至骨折其致命實由於此陳倖禮負此重傷豈有不立時喊叫直至該犯

復用力柄毆傷左臂之後始行喊跌該犯亦始住手殊非情理且係黑夜之事旁無證據而陳倖禮於幫扶進屋之後業已不能言語未取生供尤難憑信再陳廷榮於陳倖禮毆傷之後經伊子查問又不據實告知捏稱陳倖禮因係中風跌地磕傷等語試思該犯果係疑賊誤砍並非有心干犯何必捏為此言恐不免有情虛卸罪之處案關服制有立決監候之分不可不將情節徹底究明以成信

平定縣志卷之三

三

讞著該督即監提該犯再行詳細研訊務得確情按律定擬具奏○己卯兩廣總督那彥成奏廣東甲子地方修建礮臺望樓捐貲出力紳士賞候補縣丞劉家者等升銜有差○又奏報擊獲洋匪李崇玉並夥黨一百餘名道員蔣攸銘下部議敘餘升賞有差○旌卹遇賊捐軀貴州貞豐州士民周正極等八十四名婦女高李氏等十一口如例賑江蘇清河縣被水災民○是月山西巡撫同興奏

報得雪情形得旨覽奏稍慰大吏果能誠求民瘼必能感召

天和轉歉為豐汝等盡一分心百姓受一分益不可膜視勿託空詞勉之

平定縣志卷之三

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十三

儻業經起解在途。務當飭令押帶之員。小心管解。不可大意。究竟該犯所習何教。是否即係白蓮教。抑另有名目。該犯等家中搜出何項經卷逆詞。此次因何起釁滋事。惟當一一詳悉究問。據實奏聞。其為首各要犯。於審明後。即按律辦理。至此等燒香斂錢之教。原所時有。全在地方官平日留心稽察。勿使滋事。至於現在查辦。祇係滋事之徒。並非欲將平日燒香入教之人。一概辦理。若不能體會此

意。紛紛妄擊。或向現犯根究不已。該犯等信口亂供。致案外之人。被其拖累。恐鄉愚等不免惶惑。又滋事端。該督撫辦理此事。固不可草率完結。更不可多有株連。將此諭令知之。○旌表守正捐軀直隸鹽山縣民趙俊妻王氏。○辛巳。

上御乾清門聽政。○諭內閣。前因劉權之於保奏軍機司員一事。意存瞻徇。經英和奏降職編修。但其事尚未舉行。祇係空言。念伊科

分較深。本日御門所出翰林院侍讀員缺。加恩著劉權之補授。○又諭。據禮部具題慶賀元旦令節禮儀一本。已另降諭旨。照例行禮。停止筵宴矣。慶賀元旦令節典禮。攸關王公百官等。在朕前行禮。公主福晉命婦等。在皇后前行禮之處。該部自應分晰題奏。乃閱本內所進慶賀禮儀。將公主福晉命婦等。在皇后前行禮一節。一併列入。並將公主福晉命婦等。應否進內行禮。夾片請旨。殊屬非是。

禮部堂官著交部察議。嗣後著將元旦令節公主福晉命婦等。應否進內行禮。另摺請旨。所有此次題請明年元旦公主福晉命婦等進內行禮之處。著停止。○又諭。據戶部覈議豫省衛家樓堵築漫口各工。應行追繳扣平銀兩一摺。河工扣平一項。從前該部覈辦大工。多有據各督撫咨覆免扣者。本未明定章程。惟東省堵築曹汎大工一案。經部臣行查。曾將應扣市平按數追扣。此次衛家樓辦理

漫工工鉅費繁該撫動支銀兩時並未將應否扣平之處詳請部示迨該部行查時輒援引舊案藉詞免扣試思辦理大工如實不應扣平何以曹工承辦各員一經查扣即行繳出本應著落該撫等全數完繳姑念銀數幾及二十萬兩之多著加恩豁免十萬兩其餘銀兩交該撫於承辦各員名下按照工部准銷數目將扣平銀兩分別著追嗣後各直省遇有應辦各項工程每百兩均著照市平扣算一律報部查覈所有該部現在查扣豫省另案各工亦著照此辦理以昭畫一○又諭近因八旗滿洲蒙古人等生齒日繁生計不能寬裕特加恩將綠旗五營之官馬二千匹裁汰每月節省銀五千兩分賞八旗滿洲蒙古共添養育兵三千有奇念京城內務府三旗圓明園駐防內務府三旗人等生計亦恐未免拮据同係朕之臣僕自當一體添設養育兵著加恩交內務府大臣等將現在該衙

門所貯應撥之閒款銀兩查奏俟查奏銀數後將京城內務府三旗應添設養育兵若干之處著內務府大臣等酌量定數具奏圓明園內務府三旗應添設養育兵若干之處著管理圓明園八旗內務府三旗事務王大臣等會同內務府大臣等酌量定數具奏以示朕一體軫卹旗僕之至意○又諭都察院等衙門奏察議本年武會試監試覆試之王大臣等一摺此事於十月十九日降旨交議該衙門咨查各王公大臣等加級紀錄不過八九日內儘可彙齊覈辦乃輾轉推延宗人府既移會稽遲都察院亦不行呈催直至四十餘日始行具奏殊屬延玩宗人府宗令等及都察院堂官俱著傳旨申飭試思軍機處承旨不過一兩時辰各衙門如此疲玩實屬可厭嗣後各衙門於奉旨交辦事件均應妥速辦理如再有似此懈怠遲延者定行交部議處不稍寬貸○刑部議駁調任湖廣總督吳

熊光等審訊岸商擡價病民。劣衿得賄私和一案。得旨部駁。甚是。此案余理堂於岸商程啟太。與吳家珏賄和之後。恐鹽價終不能平。始同廖士琳續控。經司道等審明。吳家珏受賄屬實。是余理堂所控並無虛捏。正當理直氣壯。何轉慮及吳家珏懷恨牽污。輒萌短見。且吳家珏並無向余理堂用言恐嚇情事。有何悔慮。況余理堂如果悔慮。輕生亦必當向伊子道及。何以案內又無一字聲敘。看來余理堂難保非被人勒索。看役等受賄捏供。即其子余樽。或亦有賄囑私和情事。俱未可知。案關人命。不可不切實根究。至該省鹽斤價值。據吳熊光等訊據岸商供稱。梁鹽每包賣銀。自三錢二三分。及三錢四五分不等。數之例價。每引增至四五錢。及一兩五六錢。安鹽每包多賣二三。分。每引亦增至一兩二三錢。何以鐵保前奏。祇稱一引多賣銀一錢六分五釐。並稱有少賣之處。彼此聲敘多寡懸殊。

此時全保尚未赴楚。著仍交托津會同瑚圖禮提集原被人證。按照部駁情節。再行研訊。確實。詳細查明。據實具奏。○以大理寺卿邵自昌為都察院左副都御史。詹事府詹事陳希曾為內閣學士。兼禮部侍郎銜。○緩徵山西臨汾襄陵太平翼城永濟臨晉榮河萬泉解安邑絳縣稷山。河津聞喜垣曲洪洞曲沃虞鄉猗氏。夏平陸芮城絳州霍趙城靈石浮山。岳陽汾西鄉寧吉。隰大寧永和蒲。三十五州縣旱災。積欠倉穀。並安邑夏二縣本年應徵雜項銀。○壬午諭內閣。大學士保寧等會同刑部妥議。酌定。陵寢禁限各條例一摺。著照所議行。至所稱西陵東南二面。查明本無居民。田塋。應令照舊禁止居民不許添造房屋塋墓外。其西陵西北二面。應令該管衙門等。示諭該處居民。嗣後止准修理舊房舊塋。不得再有添築添葬。以昭慎重一節。

西陵西北二面。現有居民田廬塋地。相安已久。撥換既涉紛擾。遷移亦多未便。今保寧等議請嗣後不准再有添築添葬。但民間所蓋房屋。難保年久不就傾圮。該居民等於房舍積壞後。復拆做築建。亦所時有。至該處居民舊立塋地。設有本家先逝之人。業經安厝。其後沒者欲續行合葬。亦情事之常。若嗣後不許再築再葬。必須於白椿外另覓塋地。究於居民多有未便。惟是西北二面。向有房屋塋地。既不禁止其動工修理。恐東南二面本無居民田塋之處。亦欲做照西北二面地方。蓋建房屋。設立塋地。則大千嚴禁。其時即按例辦理。又覺格礙難行。朕再四思維。莫若將現在設立之紅椿改為白椿。其現有之白椿。即行裁撤。改設之白椿以外。聽居民等修理房塋。概不禁止。再於白椿以內。酌量地方若干丈。另立紅椿。照舊定章程。示以禁條。並著該管大臣等嚴加看護。似此一轉移間。於居民既

無妨礙。而

陵寢益昭慎重。其應如何量定地面。改建紅椿。及如何責成汛兵巡查之處。著恆寧、果勒豐阿、會同范建豐悉心妥議具奏。○以候補三品京堂秦瀛為光祿寺卿。○賞五城貧民棉衣一千件。○癸未。

上幸瀛臺閱冰技。○諭內閣。前月二十四日。朕臨蒞四公主賜第。因各該衙門俱未經進內奏事。當即降旨通飭訓諭。本日朕詣瀛臺閱看冰技。各衙門奏事。祇有吏部及正黃旗滿洲呈遞述旨。並內務府奏事一件。綿恩奕紹奏事各一件。此外如內廷行走之王公大臣、侍衛官員等。皆係本應入直者。其餘各衙門並不奏事。各該堂官均未進朝。復蹈前轍。朕惟日孜孜。勤求治理。未明求衣。秉燭批章。遇有臨蒞地方日期。必較常日晏起數刻。辦事召對。儘屬從容。而諸臣等每逢車駕臨蒞處。所輒相率不行奏事入朝。真所謂上行而下

不效。試思朕高居宮內。晨時辦事。較之曉起。傳膳他處。豈不安逸。且衝寒校藝。頒賞。係屬年例。有何可娛觀之處。乃諸臣等任意偷安。在家晏起。畏避早寒。年長者尚可寬恕。年少者實堪痛恨。自圖安逸。轉以仰體為詞。積習不改。殊屬怠玩。不知振作。本日除遞摺各衙門。及內廷諸臣外。其餘滿漢文武大小衙門。堂官。均著傳旨嚴行申飭。嗣後遇有臨莅傳膳地方日期。各該衙門仍復藉詞不行奏事者。必皆交部懲處。不能再邀寬貸矣。將此通諭知之。○又諭。此次恭進

皇考高宗純皇帝實錄。朕敬謹披閱。內載上御澹泊敬誠殿。將敬誠二字。訛寫誠敬。實屬錯誤。英和係專派校閱正本之人。伊曾在內廷行走多年。於宮殿名目。素所深知。何以竟未校出改正。殊屬疎忽。英和著交部議處。○又諭。本日三法司具題審擬傅三兒扎死堂兄傅德詒一案。已照簽下矣。但閱此案。係在

京城犯案。經巡城御史送部審辦。該部現審案件。遇有罪應斬絞重犯。均係會同法司專摺具奏。何以此案又獨具題。且該犯於犯事逃回本籍後。隨於九月內拏獲。十月初十日解到刑部。即詳細研訊。亦早應定擬結案。今已相距五十餘日。始行具題。何以遲延若此。著刑部堂官明白回奏。○以輔國公晉隆為正藍旗漢軍副都統。○甲申。諭內閣。裘行簡奏查明原任知州顧賓臣等五員虧缺銀數。實在九年以前。開單請旨辦理一摺。據稱顧賓臣李光緒。宋遠。葉辰和。寶德等五人。在任虧空銀數。因接任之員逐細查覈。其虧缺實在九年以前。但究係本年查出。未便一律歸入清查等語。直隸虧缺。總因前此辦理。初次清查。既未截清數目。又不上緊嚴追。以致相率效尤。總恃有清查名目。可以徼幸免罪。今裘行簡雖稱不便歸入清查。而辦法亦仍即清查之意。本應按例嚴懲。特因其事在九

年以前該署督尚未到任。未經申明截止。姑從寬辦。顧賓臣一員其家屬任籍實無餘貲。著交部查明該員在任年月於歷任各上司名下分別賠補。李光緒宋遠二員即著提至保定省城嚴行監追。葉庭和一員著革職交江西巡撫將該員監禁。勒令家屬依限完繳寶德一員即著戶工二部查訊數辦。餘俱照所請辦理。此五案經朕格外加恩。係九年以前之事。是以姑准所奏。嗣後該署督惟當嚴飭各州縣。不但不得再有清查名目。亦斷不能再邀寬典。儻不肖官吏。仍敢稍蹈覆轍。致有虧缺。則皆係本年襄行簡抵任以後之事。一經察出。即將該員嚴行治罪。儻該管上司有心徇隱。亦即嚴辦示儆。朕惟執法從事。決不姑宥。凜之慎之。○乙酉。

孝惠章皇后忌辰遣官祭

孝東陵○諭內閣朕勤求治理凡遇國計民生大政所關往往勅交大學士九卿會議具奏

原以軍機大臣數人或一部尚書侍郎識慮未能周詳是以特交會議係屬集思廣益之意諸大臣自應各抒所見據事直陳如果詢謀僉同亦當剴切敷言乃近日遇有會議事件率皆無所建白隨同覆奏而且退有後言殊失大臣公忠體國之道較之本部所議耽延倍多時日徒成具文並無實際於國政何益即如吳璥前此條陳河漕不能並治請添造撥船在楊莊運河接運南漕一事朕以經國大計特批令大學士九卿詳細妥議如有意見不同者並許令自行專摺覆奏迨議奏上時祇以造船需時請交兩江總督及河漕諸臣再行籌議仍不過諉卸於封疆大吏其實應如何正本清源如何補偏救弊之處並未切實奏陳大學士九卿中如費淳長麟姜晟或曾任江南督撫或奉使辦理河務尤應諳悉情形乃亦隨聲附和一無籌畫迨召見時面行諮詢則以今昔情形不同一語塞責

本日即據御史張問陶奏此事未聞九卿確議等語。試思漕運河防至關重大。若似此敷衍虛詞。徒延時日。轉不若專交軍機大臣議奏之較為迅速也。若事事交軍機大臣議奏。必又議朕為偏徇。軍機大臣為專擅矣。諸大臣皆受恩深重。惟當實心任事。嗣後遇有會議事件。務須悉心籌酌。就事指陳。慎勿稍存推諉。隨同畫諾。再朕每召見六部堂官九卿等。詢以每日何時進署。均稱於午時始行進署。並稱午前因司員皆未到署。即進署亦未能辦事。閱稿等語。實屬遲緩。凡人精神振作。全在晨興。六部等衙門事務紛繁。堂司各官。即不能平旦進署。亦當於辰刻齊集。辦理事件。庶可從容議論。若遲至午刻。則案牘當前。神氣將已倦怠。安能悉心辦事。且天寒暑短之時。更行匆促。殊非急公趨事之道。嗣後內閣六部等衙門堂司官。均著以辰刻進署。如該司員等有無故到署過遲者。該堂官即應

指叅。如各該堂官進署遲延。經朕查出。亦當一律懲處。御史若有見聞。即行叅奏。將此通諭知之。○予江西故協辦大學士工部尚書彭元瑞入祀鄉賢祠。從巡撫秦承恩請也。○旌表守正捐軀陝西藍田縣民周添棟妻王氏。○賑安徽鳳陽鳳臺五河三縣加賑宿南平蒙城三廬州縣被水災民。○丙戌。上幸北海。閱冰技。○諭內閣。據御史花良阿奏。西城居住回民甚多。販賣牛肉為生者不少。查入口牛隻在京師無耕用之處。與素習耕犁者有閒。請嗣後將口外販賣牛隻。令各該坊官驗明。准令回民宰賣等語。花良阿又非回教中人。矢口亂言。荒謬已極。牛為太宰。非尋常牲獸可比。每年恭遇園丘大祀。太廟時享。用以享帝享。祖。況東郊力作。全賴耕犁。於農民利益甚廣。即

老病殘廢亦當念其筋力向盡優予飼養不忍遽行宰殺定例查禁特嚴非徒陰隲之說為士民所宜持戒也今該御史乃稱定例指宰殺耕牛而言現在入口牛隻係蒙古回民交易行販來京與素習耕犁者有閒不便一概嚴禁試思耕牛菜牛憑何分別一經開禁宰剝紛然坊官等又何從一一驗明辨其能耕與不能耕當宰與不當宰若謂兩翼牛稅日漸減少係由禁止宰殺牛販不敢進城之故尤屬見小國家稅課出入亦豈繫此區區向來私宰牛隻地方官雖出示嚴禁尚恐視為具文該御史簡派巡城正當實力禁止今乃倡為開禁之說欲使回民等人人宰殺自便其意何居其中或竟有受託別情亦未可定花良阿不可復任御史著降用為六部員外郎仍著交部議處以示懲儆嗣後著地方官遵照定例通行查禁凡有私宰牛隻者均著即予懲辦儻地方官失於查察亦著照例

議處○丁亥

上幸瀛臺閱冰枝○詣

大高殿行禮○諭軍機大臣等吳熊光奏報抵粵日期並投誠洋匪現俱遣散情形一摺據稱辦理洋匪全在地方文武嚴查海口不使米石出洋再協力巡防實心勦捕使之不能近岸日久必窮蹙無歸自未便輕信投誠止圖招撫等語所見甚是洋匪竄聚海面自必有內地奸民接濟米石食物始能存活如果地方文武嚴密稽察勿令米糧等項稍有透漏重以巡防擒捕得力匪蹤必日見廓清方為正辦若專事招撫日久必有流弊吳熊光既見及此惟當督飭所屬實心實力妥為辦理以靖海洋至現在已准投首各匪自不便再行駁斥其所賞頂帶等亦毋庸撤回致啟疑懼前已節次降旨訓示甚明所有遣散入伍安插各匪當飭令該管營員地方官隨時管束稽查如有不安本分稍滋事端者即應

按律嚴辦。俾知儆畏。嗣後惟當盡心緝捕。如果畏懼窮蹙。誠心投首者。未嘗不可加之賞宥。酌量收撫。但不得擅給頂帶。遣員招致。屬員中如有慫恿招撫者。當切實訓飭。切勿輕信其言。至那彥成在粵招撫洋匪。固屬措置失宜。然能將匪首李崇玉一犯全夥誘獲。亦有微勞。前據那彥成奏委員解京。究竟是。否確係正犯。著吳熊光就近密行訪查覆奏。將此諭令知之。○又諭。本日據御史嚴娘奏。直隸辦理御道。向於調派承修道路州縣官之外。又添派候補知縣及試用佐雜等官幫辦。臨時再派同知通判各員絡繹稽查該州縣供給照料。多滋煩費。又該省大吏往來御道乘轎行走。其跟隨僕從亦任意馳驅。請旨查禁等語。直隸辦理差務積習相沿。朕所素知。即如查道之道府大員。往往多至數人。或於距京較遠府分檄調赴差。其實經由道路各有承辦州縣率夫修墊。儘可無須該道府

督查。不過希冀於差次召見邀恩。轉致耽延本任事務。前曾降旨飭禁。今該御史亦以為辭。著傳諭該署督嗣後承辦御道所派實缺州縣。但以數用為止。不得多行檄調。其幫辦各員更可減省。如臨時稽查道路等事。祇准飭委本境道府呼應既靈。并可省供應車馬之費。至御道修治平坦之後。原應禁止踐踏。直隸大員尤不應自違例禁。嗣後著即交直隸總督嚴行管約。該督身先謹飭。其所屬自不敢違踰。如該省官吏及扈從人等有仍前騶騎雜沓。擅自行走者。官員即行查叅。僕從嚴拏懲治。以昭整肅。嚴娘摺著發給閱看。將此諭令知之。○兩江總督鐵保等奏報官兵殲斃宿州首逆余連。餘匪全數擒獲。巡撫長齡等卞部優敘。知府樊士鑑等升敘有差。賞出力兵丁一月錢糧。受傷兵壯兩月錢糧。○朝鮮國王李琜遣使表貢方物。命留抵下次正貢。宴賚如例。○己丑諭。內閣本年正月朔

日因蘊端多爾濟等奏到慶賀元旦之摺。當經降旨通諭外省及新疆各等處呈遞慶賀元旦之摺。總於十二月初十日以後二十五日以前遞到。原以各該地方距京道里遠近不一。或尚有由驛馳奏者。恐到京先後紛歧。是以定限半月為期。甚屬從容。各該大員發摺時。自當計算程途。屆時陸續奏到。乃本日早間。即據汪日章差人遞到恭賀元旦之摺。實屬過早。試思此時距除夕尚有兩旬。該撫豈竟無一應奏事件。何必亟亟以慶賀摺函早行齎遞。汪日章曾在軍機章京上行走。有年。何拘泥不曉事。若此。汪日章著傳旨申飭。仍著交部察議。嗣後各省及新疆等處陳奏慶賀元旦之摺。著展期以十二月十五日為始。至二十五日為止。一律遞到。毋得過於遲早。致涉參差。○又諭。此次將八旗滿洲蒙古漢軍內務府三旗大員兄弟子孫揀挑侍衛拜唐阿。若不豫定章程。恐辦理不能盡一著。

交各旗嗣後大員兄弟子孫揀挑侍衛。仍照前次辦理。在京文職三品以上武職二品以上世職公侯伯以上外省文職知府以上武職總兵以上及新疆辦事大臣之兄弟子孫。應行咨送者。俱著查明造冊咨送軍機處。照例繕寫清單呈覽。此項大員兄弟子孫年及十八歲之六品以下文武人員。無論補缺與否。俱著查送。其候補五品文武人員及未經引見之五品廕生。亦著造冊咨送。至實缺五品文武官員。俱毋庸開送。此內如有呈報殘廢著該叅佐領等前往查驗。並著該佐領出具圖結。一併咨送。儻有捏報。一經查出。不惟將捏報者治罪。仍將該佐領等一併治罪。○以太常寺卿曹師曾為大理寺卿。○給吉林三姓地方被災旗人春夏兩季口糧。並展緩本年應交屯糧。○庚寅以光祿寺卿秦瀛為太常寺卿。右春坊右庶子初彭齡為光祿寺卿。○以翰林院侍讀學士汪滋畹為詹事府。

詹事○壬辰諭軍機大臣等。貢楚克扎布奏。遵旨驅逐番帳大概情形一摺。據稱於上月二十五日抵貴德後。番衆等聞知欽差前來。人人畏懼。各族漸次搬移。現在嚴飭該廳營上緊驅逐。惟因閭門以外雪深冰厚。一時恐難盡數搬移等語。番衆等聞欽差到彼。甚形畏懼。自應趁勢驅逐淨盡。但現當大雪封山之時。且番族人數衆多。若過於急迫。儻生枝節。礙難辦理。亦不能不假以時日。惟當先行諭知該頭目等。廣為示諭。俟明歲二三月春融之際。再嚴飭該番衆盡數搬移。並當傳諭該蒙古等。以爾等懦弱性成。不能自立。致被番衆侵占。每次侵占之後。必須欽差到彼查辦。始能驅逐。試思卡倫以內。既係爾等游牧地方。是即爾之家業。何至不能自守。被人侵占。將來欽差亦豈能常為爾等查辦。爾等總須努力自強。趁番族等畏懼遠逃。各清地界。嚴守卡倫。加意振作。方能永遠安業。又另據

查明青海事務難辦情形摺內。據稱該處番衆祇畏欽差。不畏西寧大臣等語。此言不通。青海大臣。即係欽差。貢楚克扎布從前因欽差到彼。番衆畏懼。豈此時補授該處大臣後。番衆等即不畏懼乎。其故自緣欽差到彼後。該處道府廳營皆可呼應調遣。聲威較重。番衆等是以格外畏懼。至青海大臣。日久駐劄地方文武。本非所屬。遇有查辦之事。不能悉聽呼應。番衆等或少弛忌憚之心。亦並非不畏青海大臣也。此時惟應將青海大臣衙門事權。畧為加重。則番衆等聞而畏懼。自與欽差無異。著貢楚克扎布。即會同倭什布詳悉熟商。或將西寧附近地方文員自道府以下武員自鎮協以下。聽其兼轄節制。則設遇事之時。呼應較靈。辦理自無棘手。至所轄之文武各員。既歸青海大臣兼轄節制。遇大計軍政之年。即應飭令青海大臣查覈各該員平日功過。會同總督秉公分別查辦。庶各該

員知該大臣有參劾之權。自無不共知。鼓勵於該處辦事。更為有益。應如何酌定章程。並著會同詳議具奏。將此諭令知之。尋議上得旨。據貢楚克扎布等奏。會議西寧辦事大臣。節制兼轄附近鎮道各員。酌定章程一摺。西寧鎮道與青海大臣近在同城。向無統屬。遇有蒙古番子交涉事件。僅令貴德廳營各員專司辦理。未免呼應不靈。不足以資彈壓。嗣後著照該大臣等所請。西寧文員自道府以下。武員自鎮協以下。俱歸該大臣兼轄節制。遇有蒙古番子交涉事件。即由該大臣主政。其民人地方事務。仍由該督主政。該鎮道等於關涉青海蒙古番子案件。自當申報青海大臣。若祇係尋常地方案件。即當轉報總督。免致牽混干與。至軍政大計年分。該鎮道等辦理蒙古番子案件功過。由該大臣出具考語。咨會該督。再將該員等平日辦理地方事務。是否認真。由該督會同參酌舉劾。以昭覈

實而示勸懲。餘俱照所議行。○予原任直隸南樂縣知縣茹敦和。江蘇寶山縣知縣胡仁濟。入祀名宦祠。從總督顏檢巡撫汪志伊等請也。○予江蘇故翰林院編修徐昂。登安徽故附貢生程光國。布政司理問鮑志道。江西故河南項城縣知縣胡萬吉。山西故湖南乾州廳同知閻廣居。貴州故四川新繁縣知縣陳嗣虞。入祀鄉賢祠。從總督陳大文。鐵保。巡撫同興。福慶等請也。○癸巳諭內閣。給事中秦維嶽奏。武舉揀選辦理宜速一摺。所奏甚是。各省未經中式武舉。例應考試揀選者。該部自應於武會試揭曉後。迅速辦理。乃本年武會試於九月十八日揭曉。直至十一月初九等日。始行揀選。又遲至二十七日揭榜。迄今尚未掣籤。辦理本屬遲延。所有兵部堂官著交部察議。承辦司員著查明交部議處。仍著將此次揀選武舉。即行籤掣。其情願入營者。亦即給票回籍。務於封印前一律辦竣。俾

免守候。嗣後武舉揀選。著該部於會試揭曉後。照例速行考選。不得再有遲緩。○封故睿親王淳穎子惠恩為二等鎮國將軍。和郡王綿循子奕聰為三等鎮國將軍。肅親王永錫子敬徵。敬效。為不入八分輔國公。三等鎮國將軍永欽子綿煥。奉恩輔國公晉隆子毓彩。故貝子弘閔子永彩。均為三等輔國將軍。奉恩輔國公綿佐子奕資。為一等奉國將軍。故不入八分輔國公恒謹子椿林。為二等奉國將軍。故二等輔國將軍永藩子綿諱。二等奉國將軍恒維子文燕。三等奉國將軍恒齡子倫恭。均為奉恩將軍。○以故青海額魯特郡王伊什達爾濟族弟沙克都爾襲爵。○旌表守正被戕湖北雲夢縣民李宗伊妻黃氏。守正捐軀河南舞陽縣民孟勇與母王氏。○甲午諭內閣。昨因延豐於略叵國商船至粵。擅令交易一事。辦理粗率。已降旨申飭。並因延豐摺內。有札商那彥成。及會商孫玉庭之語。

是以將延豐交部議處。那彥成孫玉庭交部察議。本日據那彥成奏稱。於陸豐途次。接准延豐咨稱。略叵國即俄囉斯。商船二隻來廣。懇請貿易。咨商會銜具奏。那彥成正在議駁。閱適接延豐來字。以新任監督阿克當阿抵粵。延豐即日交卸。已將此案事宜會銜具奏。那彥成接信後。已阻止不及。因飛札新任監督暫止開艙卸貨。以免日後滋弊等語。那彥成所見甚是。與朕意適相符合。而前此延豐具奏摺尾。後聲敘督臣那彥成現在出省巡閱。與之札商。並與撫臣孫玉庭面商。意見相同。合詞具奏。是延豐於辦理此事。既經札商督臣。並不候那彥成札覆。是否准其貿易之處。熟商妥辦。輒將意見相同之語。誑詞入奏。實屬專擅乖謬。前僅交部議處。尚覺太輕。延豐著交部嚴加議處。那彥成於俄囉斯商船來粵通市。接延豐札商時。即欲議駁。原無不合。所有前次交部察議之處。著即行寬免。至

孫玉庭現駐省城於延豐會商時未經阻止亦隨同准令卸貨輸稅實屬錯誤孫玉庭仍著交部察議○以兵部尚書鄒炳泰內閣學士英和充經筵講官戶部右侍郎劉鏞之都察院左副都御史成格署經筵講官○予四川運米淹斃委員原光鶴祭葬卹廕福建出洋淹斃兵丁黃必偉賞卹如例○旌表守正捐軀江蘇崇明縣民吉漢三女吉氏

實錄卷一百五十四

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十五

嘉慶十年乙丑十二月乙未諭內閣前據御史嚴煥奏吏部文選司滿掌印郎中和精額懶於進署或遞呈請假或未經請假而十餘日不上衙門公事大半積壓又漢掌印郎中康綸鈞係布政使康基田之子前經該堂官派掌文選司印即數四推諉近復力辭選司求至考功司行走趨避太深等語當經降旨交吏部堂官查奏昨據慶桂等覆奏以和精額前後在部十有餘年熟悉部務此次派任掌印以來頗能黽勉供職惟本年因病告

終

實錄卷一百五十五

一

假四次。每次五日。均經呈堂批准。亦俱按限銷假。康綸鈞從前即係考功司掌印聲名素好。上年差滿回京。通文選司掌印缺出。即令接辦。該員曾再四力辭。未經允准。近日考功司掌印缺出。因該員較能熟悉。是以公酌改派。惟欲盡其所長。並非曲為遷就等語。是該二員並無曠誤趨避情事。朕以該御史所叅自必確有指實。特令董誥戴衢亨傳到該御史。公同面詢。該御史仍不能指出確據。並將豫行繕就之供詞呈覽。朕恐其或尚有未盡之言。本日復召見該御史。詳加詢問。和精額有無實在款蹟。伊奏稱實無別項劣蹟。惟素性怠慢。倚恃各堂官。待伊素好。及詰以吏部堂官內何人偏庇該員。毋得緘默。據實指名叅奏。伊又不能指出。但稱和精額懶惰屬實。餘無他過。朕面加訓諭。以該御史在朕前既不能指實。即不得退有後言。伊亦稱斷不敢出此。是嚴娘叅奏和精額。亦無重大情節。惟

銓曹重地。辦事自應勤奮。今既據該御史奏稱和精額懶惰。自係該郎中平時有偷安暇逸之處。該堂官等無從覺察。和精額著交都察院議處。至康綸鈞一員。詢之嚴娘。亦稱其平日尚勤。至所云考功司處分攸關。康綸鈞之父現為藩司。一切所屬處分。安知不為瞻徇。是該員第可以掌選司印。斷不可掌功司印等語。此則非是。考覈功過。自有定例。全在辦理秉公。如果康綸鈞於伊父所屬處分。有徇庇不公之處。即當據實劾叅。若謂應行引嫌迴避。則該郎中在選司掌印。凡伊父所屬官員一切題升調補。皆當歸其查覈。准駁較之處分事件。關涉尤多。且不特吏部為然。凡外省錢糧刑名等事。何一不與各部交涉。儻如該御史所言。則外任大員子弟。均不應備員曹司。國家有此政體乎。至科道係屬言官。舉劾是其專責。所言如果得實。原為盡職之常。不足為功。即敷陳未能悉當。朕廣開言路。

亦必曲賜優容。從不因此遽加罷斥。嚴娘昨經董誥遵旨傳到詢問。理宜明晰登答。繕片呈遞。或自行具摺覆奏。亦無不可。乃豫行繕寫。御史嚴娘供詞字樣。該御史呈遞封奏時。豈以此奏一上。必致被逮。輒寫就供詞。豫備登答。不應如此居心。朕實係好問之主。非拒諫之君。豈曾因言事罪及言官。何遽為此悻悻之狀乎。嚴娘著傳旨申飭。仍著交部察議。○又諭據伯麟奏營員自戕傷重。請將應訊人員解任赴滇審辦一摺。署副將武正額於所轄都司祝鳳鳴借支官項銀兩如條不應支領之項。該署協儘可照例斥駁。即祝鳳鳴與之爭辯。亦可據實稟揭叅辦。何至忿激忽尋短見。自抹項頸。傷痕甚重。不能飲食。顯有別項情節。且該都司祝鳳鳴所稟武正額語言舉動。似有痰迷光景。尤不可信。武正額祝鳳鳴均著解任。交伯麟親提審訊。是否武正額向有營私剋扣之事。祝鳳鳴得以藉端挾

制以致武正額情急自抹抑。或另有他故。均著嚴行究訊。務得確情。定擬具奏。○兩江總督鐵保奏審明蒙宿各犯滋事一案。勦捕出力知府張經田等升敘有差。革失察南平廳同知陳洪緒等職。○以故一等公祥敏子布都爾瑚納一等侯田國榮子慶通二等伯永慶子豐陞額各襲爵。○以故扎魯特鎮國公達爾瑪巴拉子特固斯巴雅爾襲爵。○是日丙寅年立春。順天府進土牛春山寶座。○丙申諭內閣。此案武九娃竊取伊父武進忠泰穀。致武進忠氣忿自縊身死。三法司依違犯教。令例將武九娃擬以絞候。具題。固屬照例辦理。但細覈案情。武九娃先因游惰不能養贍其父。經伊父令其分居。嗣又竊取伊父藏放黍穀。以致伊父抱忿輕生。若僅照違犯教令例辦理。尚覺情浮於法。武九娃著改為絞決。以昭炯戒。○以故一等公景恒子英海告休。一等侯永德子樂善。一等子富松阿子吉

成各襲爵。○以甘肅永昌協副將閔俊烈為巴里坤總兵官。○丁酉諭內閣人臣事君以敬為本。昨日朕御重華宮。賞給御前大臣御前行走之蒙古王。公額駙。御前侍衛等福字。除御前大臣。御前行走之蒙古王。公額駙等。朕臨時親寫當面賞給外。其賞給御前侍衛者。皆係朕早寫就。命太監持赴東廂房賞給。賞訖。伊等謝恩散去。見御前侍衛果勒敏色扎克塔爾達勒精阿。珠爾杭阿。俱係親將所賞福字捧出。惟那彥寶禧恩並未捧出福字。空手而去。因恐將伊二人遺漏。查詢奏事太監據奏。御前侍衛六人俱已賞給。並無遺漏。詢之那彥寶等。據稱所賞福字俱已領取。適因茶房太監出外之便。將福字交與該太監放在茶盤內。帶出等語。是何體制。那彥寶係內務府大臣。管理茶膳房。雖可使令茶房太監亦應因公差遣。何得將特賞之件。在朕至近之處。率意遣人帶出。殊失敬謹之意。當即

交御前大臣等。將那彥寶禧恩。御前侍衛俱行革退。今在乾清門侍衛上行走。仍各罰俸三箇月。將該太監令那彥寶禧恩同板責示警。但御前大臣等。迷旨時。並未將此等情節詳敘。恐衆人不能周知。今特降旨明白宣諭。嗣後諸大臣侍衛官員等。惟當恪共職守。不得似此輕忽。○調成都副都統達松阿為密雲副都統。密雲副都統多善為成都副都統。○戊戌諭內閣朱珪等奏。覆勘各省歲科考前列試卷。分別應議免議。開單呈覽。請交禮部比較科場之例。酌量減議。分別辦理一摺。此項磨勘歲科考前列試卷。自與鄉會試中卷有別。但應議各卷內。如直隸大名鄉學歲考一等三名之崔應宿。保定府學歲考一等三名之王嶠。文內於廟諱俱未經敬避。而王嶠卷內高宗純皇帝廟諱次一字。直行書寫。該生等身列膠庠。且近在畿輔。非遐陬僻壤可比。乃於

廟諱不知敬避。實屬粗率。該學政於此等有干磨勘之卷。斷不應拔置前列。現係立法之初。向未定有章程。著禮部將考取前列之卷。經原勘及覆勘官簽出應議者。查明學政係屬何人與本生俱照鄉會試之例酌減議定處分。此次即照新例辦理。○又諭三法司議奏甘肅省民人馬香因母兄犯淫聽從伊叔馬廷御致死繼母萬氏。遵旨酌擬罪名查照從前庫倫所辦家奴混坦等聽從索諾木旺濟勒多爾濟主使下手致斃伊主達什問擬凌遲改為斬候一案。將馬香可否未減之處請旨定奪等語。朕詳加酌覈。此案馬萬氏係馬香繼母。較之混坦等之於達什。係屬主僕。名分關係尤重。惟混坦等當日於扎薩克貝子索諾木旺濟勒多爾濟主使殺害伊主之時。該犯等竟聽從下手致斃伊主。今馬香於伊叔馬廷御致死伊繼母之時。祇聽從喝令擒按馬萬氏兩手。究未下手傷害。且混坦等之

主達什。當日不過屢次犯竊。並無必死之罪。而馬香之繼母馬萬氏。係與伊夫前妻之子馬瓚犯淫。罔顧倫紀。罪犯應死。其情節較之達什尤重。混坦等前於凌遲罪名上改為斬候。現在馬香一犯亦尚可未減。馬香著改為應斬監候。秋後處決。又摺內奏請將已經斬決之馬瓚一犯。飭令該省剝屍一節。馬瓚所犯罪名。至於律所不載。實堪痛恨。但定例須罪擬凌遲處死。而倖逃顯戮者。方剝屍梟示。今馬瓚一犯。經該督於審明後。即恭請王命立時斬決。業已明正典刑。此時不必再行剝屍。其餘均照所議完結。至正寧縣知縣徐振鵬。環縣知縣羅廷璋。於此等逆倫傷化重案。輒敢受財聽囑。捏造情節。朦混具詳。殊為可惡。徐振鵬、羅廷璋均著革職。鞫問。交該督提同應訊人證。嚴審從重定擬具奏。○予廣東出洋淹斃兵丁黃成亮等二名賞卹如例。○旌表守正捐軀直隸沙河縣民張滿標妻李

轉運使李元妻胡氏。○己亥。諭內閣戴均元等奏通籌漕運河防悉心會議一摺。吳璥前奏添造剝船接運南漕一事。朕早鑒及格礙難行。節經降旨詢問。今據奏稱通盤籌畫諸多窒礙。且剝船並無蓬板。如今載運長途七八十日。雨淋日曬。米質黴變堪虞。等語。所慮甚是。正與朕意相合。且覈計需添剝船五千二百餘隻。約共需銀四百數十萬兩。此外尚有雜需。所費亦屬不貲。況據稱河口受病。本非一日。即將全漕起剝盤運。亦非二三年能除全河之病。是即辦理接運於治河仍屬無益。不過徒多糜費。吳璥所奏自無庸議。○以理藩院左侍郎和寧兼正紅旗漢軍副都統。○以故雲南景東廳屬土知州陶應昌子熊襲職。○庚子。上幸瀛臺。閱冰技。喀什噶爾三品伯克伊斯堪達爾等四人。喀喇沙爾四品伯克固爾班默特等二人。和闐五品伯克阿勒瑪斯阿克蘇

六品伯克公邁瑪特伊布拉伊木等二人。庫車六品伯克岳勒達什伊犂六品伯克奈納克沙等二人。琉球國正使毛廷勳等三人。四川土司甲木叅諾爾布等三十人。於西苑門外瞻觀。○諭內閣豐紳濟倫奏接准提督薛大烈咨開巡閱營伍。回至密雲縣地方。據民人周相呈控牆子路千總李天祿有私放關口偷砍樹株情事。行知查明辦理。隨委遊擊常泰前往該路詳細查明。青椿內外被竊樹七十餘株。請將該管各官革職。交部嚴審。並自請交部嚴議等語。大陡嶺青椿以內。及大陡嶺西溝龍潭溝西岔等處。竟有民人偷竊樹至七十餘株之多。該處地方切近風水禁內。若不查拏辦理。恐附近居民肆意砍伐。不足以昭嚴肅。所有專管千總李天祿統管都司張仰渠城守營把總王友德平日怠於巡防。實屬疏玩。俱著革職。解交刑部嚴審。定擬具奏。民人周相亦著緝獲。並嚴拏偷砍樹株

人犯一併解部審辦。此案係薛大烈於巡閱營伍經過密雲縣時據民人周相呈控。即行知查明辦理。非豐紳濟倫自行查出。著照所請交部嚴加議處。尋議上得旨豐紳濟倫著降為頭等侍衛。在大門上行走。仍罰總兵俸二年。○調盛京禮部侍郎多慶為禮部右侍郎。禮部右侍郎文寧為工部右侍郎。以內閣學士德文為盛京禮部侍郎。○調正藍旗漢軍副都統菩薩保為正白旗滿洲副都統。以塔爾巴哈台叅贊大臣達慶為正藍旗漢軍副都統。喀喇沙爾辦事大臣來靈為正白旗蒙古副都統。○辛丑。以內閣學士英和光祿寺卿初彭齡為

實錄館總校官。○壬寅。

上御撫辰殿大幄次。賜王公大臣蒙古王貝勒貝子公額駙台吉及外藩使臣等宴。並賞賚有差。○軍機大臣等奏審擬前任喀喇沙爾辦事大臣麒麟保等收受餽送一摺。諭內閣

此案來靈初次奏到時。朕即以麒麟保曾任該處辦事大臣。斷難諉為不知。並恐有通同染指情事。降旨令軍機大臣傳到詢問。繼復於召見麒麟保時。親加垂詢。麒麟保堅稱。伊在任時。盤查庫項無缺。且稱伊在彼一年。但不需索餽送。即遇公出之時。亦從不准屬員豫備飯食等語。今據和寧查到。麒麟保曾向伊精額私挪庫項未完。並常與屬員聚賭。現已審訊屬實。無可狡卸。麒麟保敢於朕前匿不吐實。是其欺誑之罪。較之侵帑聚賭之罪尤重。即著照擬發往伊犁効力贖罪。飭令於一二日內即行起程。毋許逗遛。明興訊無收受餽送情事。惟於伊精額託伊家人餽送盤費時。止於斥出。並不叅辦。又失察屬員虧空及家人撞騙各情。其咎雖不至革職。仍應照例降二級調用。現已另降諭旨賞給頭等侍衛。派往新疆換班。以示懲儆。○賞已革工部侍郎明興頭等侍衛。為哈密辦事大臣。○

癸卯諭內閣刑部議駁孫玉庭奏審辦澄海縣土豪林五交結接濟洋匪並林五挾嫌捏告何玉林等串詐陷害一摺此案林五一犯先經吳俊訪拏稟知該撫審係通盜濟匪私買礮位當即降旨令將林五審明問擬斬梟並將知縣何青發往伊犁効力贖罪嗣因林五在粵控訴官吏丁役索詐贓款復降旨令將林五暫緩正法何青亦暫緩發遣統俟審明再行辦理旋據林五族姪林英赴京控告惠潮道吳俊家人何玉林索錢不遂反以林五濟盜捏詳治罪等因又經降旨將林英解往粵東交那彥成孫玉庭歸案審辦該撫於接奉後自應會同督臣詳細研鞠實情分別定擬候旨遵行即因那彥成現經解任亦應候新任督臣吳熊光到後會同訊辦孫玉庭乃用單銜審擬具奏輒將林五恭請王命先行斬決竟似欲滅其口俾無質證何玉林係升任臬司吳俊家人該司即無知情縱容情

事其失察亦無可辭此案審辦時吳俊自不應與聞但該臬司現在省城安知非伊所出主見該撫輕聽其言率行定案著將刑部摺並孫玉庭原奏二件一併發交吳熊光再行詳細訪詢務得確情據實具奏毋得因吳俊係軍機章京稍涉迴護又據刑部議駁孫玉庭奏普寧縣匪徒賴阿仁等擄人勒贖糾眾搶割田稻殺死事主二命事主歐阿發等亦先後擅殺匪徒七命請將歐阿發等仍照原擬問擬絞候一摺律載罪人不拒捕而擅殺之條原指人數無多並無兇暴情節者而言此案賴阿仁等糾眾至一百二十餘人之多前後分起蓄意搶掠歐阿發等均係被害之人情切守護正與賊勢強橫不能力擒送官登時倉猝致斃之例相符況事主亦有二命致斃何得援照趙承謙一案擬以絞抵並請將錯擬職名聲請免議不免意存迴護並著發交吳熊光一併悉心詳勘另行妥議具奏

○又諭。據富俊等奏。廣寧正黃正白二旗界內。辦理賑務。冒開戶口。請將該旗界官等解任質審一摺。本年承德等五州縣沿河被災地畝。前經降旨。照例賑卹。並加賞一月口糧。俾災戶均沾實惠。乃六達色付昌。輒敢浮開戶口。至四百餘名之多。實屬目無法紀。伊等既肆意捏開戶口。希圖浮冒入己。其實在應賑之戶。必又有被伊等侵蝕者。近來奉天省地方。積習相沿。旗員惟利是視。不可不徹底查辦。以示懲儆。所有該旗界官佐領奇成。保防禦兼騎都尉二達色。著先行解任。交盛京刑部。提同六達色付昌。及全案人證。嚴行審訊。有無通同分肥。私行剋扣情弊。按律定擬具奏。○甲辰。

孝莊文皇后忌辰。遣官祭。

昭西陵。○

上詣

慈寧宮

壽康宮行禮。○以正黃旗漢軍副都統巴寧阿。為直隸馬蘭鎮總兵官。兼總管內務府大臣。調正藍旗漢軍副都統達慶。為正黃旗漢軍副都統。○以歲暮。祫祭。

太廟。自是日始。齋戒三日。○丙午。以歲暮。祫祭。

遣官祭

太廟中殿。

後殿。○諭內閣。軍機大臣會同刑部。議奏侍郎托津等。審擬已革湖廣總督百齡。截留批摺。製造非刑。及令屬員代辦。供應致家人任二。借端需索等情。請旨將百齡發往伊犁効力贖罪一摺。朕詳加酌覈。百齡所犯。共係三罪。其截留批摺一事。係前在廣東巡撫任內。會同總督具奏之摺。雖係巡撫衙門主稿。但伊列銜在後。且已赴湖廣總督新任。即不得與聞廣東之事。應聽那彥成等行文知照。即不知照百齡。亦無不合。何得於摺差過境時。擅給驛馬。令齋赴武昌省城。及拆閱後。並不將

原奉硃批。移交廣東。僅止照錄行文。實屬非是。姑念此次係尋常奏摺。並無密諭查辦之件。因此洩漏。事尚可原。其製用聯枷一事。在百齡原因廣東省民風刁惡。用以懲辦奸徒。但究屬非刑。有違定例。設地方官因此效尤。紛紛倣造。並將尋常案犯一概施用。與兇惡匪徒毫無區別。率致加斃。豈非百齡作俑乎。至伊令屬員代辦供應。並失察家人借端需索一節。百齡在廣東巡撫任內。雖並無向屬員婪索贓款。及授意家人需索情事。但伊到任之初。暫寓書院。亦應自行購辦食物。何得委之兩縣家人。發銀承辦。即署內鋪陳物件。雖係兩縣先期豫備。但伊於進署後。亦應查詢來歷。豈得諉為不知。總緣百齡委交兩縣代辦食物。又不駁回鋪墊。以致家人任二借端需索。兩縣家人朦混開銷。數逾巨萬。而於任二私帶家伙物件。前赴湖北時。寄頓隱匿。毫無覺察。現在抄出任二物件。俱係粗重什

物。若百齡意在貪贓。則粵中珍玩細軟可帶者多。何必攜此累重之物乎。是百齡委不知情。所供尚屬可信。且伊自擢用督撫以來。所到之處。俱能實心任事。整頓地方。國家辦理刑章。八議中原有議能之條。從前李侍堯在總督任內。宣力最久。其後不自檢束。有營私殖貨之事。並於辦理軍務。亦有貽誤。曾經問擬大辟。仰蒙

皇考高宗純皇帝憫念勤勞。

特援議能之典。屢加赦賞。今百齡才具與李侍堯相去不遠。而伊所獲咎愆。則視李侍堯婪索贓私。貽誤軍國者。其情節罪名。輕重懸殊。尚可量加寬宥。百齡著免其發往伊犁。加恩在

實錄館効力行走。○丁未。裕祭

太廟。

上親詣行禮。○遣官祭

永陵。

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○遣官祭

太歲之神○戊申

上御保和殿筵宴朝正外藩科爾沁喀喇沁巴林奈曼敖漢扎魯特茂明安土默特郭爾羅斯翁牛特喀爾喀阿拉善四子部落蘇尼特鄂爾多斯青海吐魯番扎賚特察哈爾額魯特杜爾伯特王貝勒貝子公額駙台吉塔布囊等及喀什噶爾喀喇沙爾葉爾羌和闐阿

克蘇庫車伊犁等處伯克明正巴塘德爾格忒土司等隨文武大臣依次就坐諸樂並作上進酒召左翼科爾沁扎薩克土謝圖親王諾爾布琳沁科爾沁扎薩克達爾漢親王丹曾旺布喀喇沁親王銜扎薩克郡王滿珠巴咱爾科爾沁郡王棟默特巴林扎薩克郡王索特納木多爾濟奈曼扎薩克郡王巴勒楚克敖漢扎薩克郡王德親喀喇沁貝勒丹巴多爾濟扎魯特扎薩克貝勒德沁土默特扎薩克貝子固倫額駙瑪呢巴達喇科爾沁貝子鄂勒哲依圖喀喇沁扎薩克輔國公瑪哈巴拉右翼喀爾喀扎薩克親王固倫額駙拉旺多爾濟喀爾喀土謝圖汗車登多爾濟喀爾喀扎薩克圖汗布尼喇特納阿拉善扎薩克親王瑪哈巴拉科爾沁扎薩克郡王和碩額駙索特納木多布齋四子部落扎薩克郡王朋楚克桑魯布回部吐魯番扎薩克郡王伊斯堪達爾郡王銜貝勒哈迪爾至

御座前賜酒成禮。○是月直隸總督袁行簡覆奏查覈辦道官員以節勞費得旨勿避嫌怨事必有成。若要周旋動即掣肘州縣省一分費百姓受一分益。地方官出錢辦差斷無是理。大約好名者取之於倉庫貪利者累及於閭閻。辦差之法不出乎此。總在大吏一無應酬屏絕饋送則虧缺可補民氣可蘇矣。朕深知此弊特諭汝知。○湖北提督慶溥奏報簡閱營伍情形得旨。鄖房二竹恐有遺孽應時加巡察。江面甚不安靜。應撥兵密緝訓練弁兵。永久毋懈。勉之。○是年旌表孝子江蘇等省王如松等六名。孝婦湖北等省李毛氏二口。孝女江蘇省王氏一口。貞女江蘇等省陸氏等二十三口。義夫安徽省監生高位一名。守節合例宗室吉勒通阿妻那穆都魯氏等三口。滿洲圖善保妻王氏等一百一十一口。蒙古永保妻扎拉里氏等二十二口。漢軍李成林妻吳氏等四十一口。內務府四虎妻王氏


等十二口。各省駐防五十三妻馬氏等一百七十七口。直隸等省魯總盛妻李氏等七百五十口。百歲壽民婦湖北等省張子舉等二十一名口。五世同堂安徽等省監生王志江等三十七家。各給銀建坊如例。○一產三男直隸等省應福等三家。○會計天下民數穀數除福建陝西未經查報外。各省通共大小男婦三萬三千二百一十八萬一千四百三十三名口。存倉米穀二千九百四十一萬一千九百九十九石七升三合二勺。

仁宗實錄 卷一五五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百五十五

實錄卷一百五十五

七



統一書號:11018·1355-29

定 價: 53.00 元